


Um̄reco pac̄
wederique



New Testament in Waimaha

Umureco pacu wederique
New Testament in Waimaha
El Nuevo Testamento en waimaja de Colombia

copyright © 2010 Wycliffe Bible Translators, Inc.

Language: Waimaha

Translation by: Wycliffe Bible Translators, Inc.

Waimaha

Brazil

[bao]

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Waimaha

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 4 Mar 2019 from source files dated 29 Nov 2017

578d10cf-36f5-57a0-9c73-7cf116b01c7e

Contents

SAN MATEO	1
SAN MARCOS	58
SAN LUCAS	93
SAN JUAN	153
LOS HECHOS	199
ROMANOS	250
1 CORINTIOS	272
2 CORINTIOS	292
GÁLATAS	305
EFESIOS	313
FILIPENSES	320
COLOSENSES	326
1 TESALONICENSES	332
2 TESALONICENSES	337
1 TIMOTEO	340
2 TIMOTEO	346
TITO	351
FILEMÓN	354
HEBREOS	356
SANTIAGO	374
1 PEDRO	380
2 PEDRO	387
1 JUAN	391
2 JUAN	397
3 JUAN	398
JUDAS	400
APOCALIPSIS	402

SAN MATEO

Jesucristo yee quetire ca owaricarã cõrora, “Atere mani ca owaro añuruga,” ñicãri, cõja ca ñarica wãmeri cõrora owaupa.

Añurije queti ca nii jãorije: “Jĩcã, Mesías, yu yaa pooga macãrãre ca ametuenerure yu tiicojorucu, Æmureco Pacu tĩrũtũrũ cã ca ñiquĩricarore birora cã ca tiiricu niimi JESÚS,” ñi wede. O biro wede nũnũa waa:

—Ca nii jãori wãme, Jesucristo ñicã jũmũa ca nii jũo dooquĩricarãre, to biri Jesús cã ca baarique maquẽre wede. Tee jirore yoari cuu wedeticãcojo, treinta cãmari jiropũ Uwo Coeri majũ Juan, Jesús yee maquẽre cã ca wede jũguerique mena wede jũo waa ñucã (1.1—3.12).

Jesús, cã paderiquere bau niiro cã ca tii jũo nũnũa waariquea, cã ca uwo coe dotirique, to biri Satanás ñañaro cãre cã ca tii dotimirique mena wede jũo waa (3.13—4.11).

Jiro Jesús, Galileapũ Æmureco Pacu yee quetire bojocare cã ca wederiquere, cãjare cã ca bueriquere, ca diarique cãtirãre cã ca cãtoriquere, wede nũnũa waa (4.1—18.35), Jesús, Jerusalén cã ca waa tũjarique menapũ wede yapano ea (caps. 19—20).

Jesús cã ca nii tũjari semanare ca biiriquere, cãre cãja ca jãariquere, ñucã cã ca cati tuarique, to biri cã buerãre cã ca baua eariquere wede (caps. 21—28).

Ate añurije queti wede yapano ea, cãre ca nũnũrãre, “Ati yepa niipetiropũ yu yee quetire wederãja,” Jesús cã ca ñirique mena.

Jesucristo yee Añurije Quetire Mateo cã ca owarique

Jesucristo ñicã jũmũa ca niiricarã

(Lc 3.23-38)

¹ Atea, David, Abraham pãrami ca niiricu, Jesucristo ñicã jũmũa niiquĩricarãre owa tuurique nii:

² Abraham, Isaac pacu niupĩ.

Isaac, Jacob pacu niupĩ.

Jacob, Judá, to biri cã bairã pacu niupĩ.

³ Judá, Fares, Zera jãa pacu niupĩ.

Cãja paco Tamar niupõ.

Fares, Jezrón pacu niupĩ.

Jezrón, Aram pacu niupĩ.

⁴ Aram, Aminadab pacu niupĩ.

Aminadab, Naasón pacu niupĩ.

Naasón, Salmón pacu niupĩ.

⁵ Salmón, Booz pacu niupĩ.

Booz paco Rajab niupõ.

Booz, Obed pacu niupĩ.

Cã paco, Rut niupõ.

Obed, Isaí pacu niupĩ.

⁶ Isaí, Israel yepa macãrã wiogũ ca niiricu David pacu niupĩ.

Wiogũ David, Salomón pacu niupĩ. Cã paco pea Urías nũmo ca niirico niupõ.

⁷ Salomón, Roboán pacu niupĩ.

Roboán, Abías pacu niupĩ.

Abías, Asá pacu niupĩ.

⁸ Asá, Josafat pacu niupĩ.

Josafat, Jorán pacu niupĩ.

Jorán, Uzías pacu niupĩ.

⁹ Uzías, Jotán pacu niupĩ.

Jotán, Acáz pacu niupĩ.

Acáz, Ezequías pacu niupĩ.

¹⁰ Ezequías, Manasés pacu niupi.

Manasés, Amón pacu niupi.

Amón, Josías pacu niupi.

¹¹ Josías, Jeconías to biri cū bairã pacu niupi, israelitas're, Babilonia yeparu cūja ca ñee waari cuure.

¹² Babiloniaru cūja ca ñee waaro jiro Jaconías, Salatiel pacu niupi.

Salatiel, Zorobabel pacu niupi.

¹³ Zorobabel, Abiud pacu niupi.

Abiud, Eliaquín pacu niupi.

Eliaquín, Azor pacu niupi.

¹⁴ Azor, Sadoc pacu niupi.

Sadoc, Aquín pacu niupi.

Aquín, Eliud pacu niupi.

¹⁵ Eliud, Eleazar pacu niupi.

Eleazar, Matán pacu niupi.

Matán, Jacob pacu niupi.

¹⁶ Jacob, José pacu niupi.

José, María manu niupi. María, Jesús, Mesías mani ca ñigu paco niupo.

¹⁷ To biri, Abraham niiquiricu cū ca niiri cuu mena, David menapure pua amo peti, dūpore baparica penituario niiri punaari peti nii wajoa nūnua waaupa. Ñucã David niiquiricu cū ca niiri cuu mena, to biri israelitas're Babiloniaru cūja ca ñee waari tabe menapure pua amo peti, dūpore baparica penituario niiri punaari peti nii wajoa nūnua waaupa. Ñucã Babiloniaru israelitas're cūja ca ñee waari tabe mena, to biri Mesías cū ca bauari taberu menare, pua amo peti, dūpore baparica penituario niiri punaari peti nii wajoa nūnua waaupa.

Jesucristo cū ca bauarique

(Lc 2.1-7)

¹⁸ Jesucristo cū ca bauarique o biro biiupa: Cū paco María, Josére manu cutirugo bii niupo. José mena cō ca niiparo jūgueropua, Añuri Yeri cū ca tii maji niirije juori, mee ũtaagaru nii yerijāaupo. ¹⁹ Cō manu José pea, ca bojoca añugu niiri, bau niiporu Mariare, “To biro biimo, ñi wede batetigura cōre ca cōacāpe niicu,” ñi tūgoeñaupi.

²⁰ “To biro yu tiiguda,” cū ca ñi tūgoeña niiri tabere, cū ca quēñaroru, jīcū ũmureco Pacu puto macū cūre baua eari, o biro cūre ñiupi:

—José, David pārami, Mariare nūmo cutirugu uwiticāña. Cō ca macū jāñagna Añuri Yeri cū ca tii maji niirije juori cō ca buaricu niimi. ²¹ María jīcū macū cutirucumo, “Jesús” cō ca wāmeo tiipure. O biro wāme cutirucumi, cū jaarã ñañarije cūja ca tii niirijere ca ametueneru niiri —ñiupi. ²² Ate niipetirije biiupa, ũmureco Pacu cū yee quetire wede jūgueri maju mena:

²³ “Jīcō nomio, ũmu mena ca nii ñaatigora, ũtaaga nii, jīcū macū cutirucumo,

Emanuel cō ca wāmeo tiipure,” cū ca ñiricarore biro to biijato ñiro. (“Emanuel” ñiro,

“ũmureco Pacu mani mena niimi,” ñirugaro ñi.)*

²⁴ To biri José cāni wācã, ũmureco Pacu puto macū cūre cū ca tii dotiricarore birora Mariare cōre nūmo cutiupi. ²⁵ Ména, cō macū Jesús cō ca wāmeo tiiricu cū ca bauaparo jūguero, cō mena niitiupi.

2

Ca majirã Jesús're cūja ca ñarã earique

¹ Tii yepa macū wiogu Herodes cū ca niiri cuure, Judea yepa macã macã Belén'pu Jesús cū ca bauaricaro jiro, jīcārã ca majirã,* muipū cū ca mña doori nūña macã yepa macārãpu, ñocōa cūja ca biirijere ca buerã, Jerusalén're, ² o biro ñi jāiña eaupa:

* 1:23 Is 7.14. * 2:1 Magos.

—¿Noo cū niiti, judíos wioḡu ca baḡaricu? Cū ñocõre muipũ cū ca m̄ua doori n̄ñaru niirã ñari, cūre jãa ñi n̄cũ b̄uorã doojãw̄u —ĩupa.

³ To biro c̄ja ca ñirijere t̄oḡu, wioḡu Herodes pea ñee pee ñi majiticã, b̄uaro t̄goeña paicoaupi. Ñucã Jerusalén macãrã cãa niipetirãp̄ura to birora biuipa. ⁴ To biri wioḡu Herodes pea, paia ḡparãre, doti cūuriquere j̄uo bueri majare, j̄uo nea poori:

—Mesías, ¿noor̄u cū baḡarũgaupari? —c̄jare ñi jãĩñaupi.

⁵ To biro cū ca ñi jãĩñaro:

—Judea yepa macã macã Belén'p̄u. O biro ñi owaupi ḡm̄ureco Pac̄u yee quetire wede j̄ugueri maju:

⁶ “M̄u Belén, Judea yepare ca niiri macã, tii yepa macã macãri ca nii majuropeeri macãri watoare, watoa macã macã méé m̄u nii.

M̄ure j̄icũ wioḡu baḡarucumi, yu yaarã, Israel yaa pooga macãrãre ca ña n̄ñũjeep̄u,”† ñi —ĩupa.

⁷ To cõrora Herodes pea, ca majirã wadore j̄uo cojori, ñocõ cū ca bau ea j̄uorica cuure añuro c̄jare jãĩña t̄uoupi. ⁸ To biri Herodes Belén'p̄u c̄jare tiicojoḡu, o biro ñi cojoupi:

—Waarãja, wimaḡu yee maquẽre añuro m̄uja jãĩña t̄uo peticãwa. Cūre b̄uarã, yu cãare m̄uja queti tiicojowa, yu cãa, cūre yu ca n̄cũ b̄uoḡu waapere biro ñirã —c̄jare ñiupi Herodes.

⁹ Wioḡu to biro c̄jare cū ca ñirijere t̄uo yapanori jiro, ca majirã pea waacoaura ñucã. Ñocõ, muipũ cū ca m̄ua doori n̄ñã macã yepar̄u niirã c̄ja ca ñaricu pea ñucã c̄jare j̄ugue n̄ñña waa, wimaḡu cū ca niiri tabe jotoa tua n̄cã eaupi. ¹⁰ Ñocõ to biro cū ca biiro ñarã, ca majirã pea b̄uaro ḡjea niuipa. ¹¹ Tii wiip̄u earã, wimaḡure, cū paco María mena ca niiḡure ñaupa. Cūre ñarã, c̄ja ãj̄uro jupeari mena ea nuu, cūre ñi n̄cũ b̄uoupa. To biro tii, c̄ja acacũtuarire pãa, oro,‡ yuc̄u díi ca j̄uti añurije, mirra, cūre tiicojo n̄cũ b̄uoupa. ¹² Jiro quẽñaricarop̄u, “Herodes p̄to peera waaticãña,” ca ñi wede majio ecoricarã niiri, c̄ja yaa yepar̄u tua waarã, ape maa pee waacoaura.

Egiptop̄u c̄ja ca duti waarique

¹³ Ca majirã c̄ja ca tua waaro jiro, j̄icũ, ḡp̄u yuñ cūre queti wede bojari maju Josere cū ca quẽñarop̄u cūre baua eari, o biro cūre ñiupi: “Wãcãña. Wimaḡure, cū pacore, Egiptop̄u j̄uo duti waaḡuja. Toop̄u m̄u niicãrucu ména. Jiro m̄ure yu wederucu ñucã. Herodes wimaḡure cūre jãa cõaruḡu m̄ujare amaḡu dooḡu tiimi,” ñiupi.

¹⁴ To cõrora José pea wãcã, wimaḡure ami, cū pacore j̄uo, tii ñamira waacoaura Egiptop̄u. ¹⁵ Toop̄u niicãupa, Herodes cū ca bii yairop̄u. O biro bii eaupa, ḡm̄ureco Pac̄u cū yee quetire wede j̄ugueri maju mena: “Egiptop̄u ca niiḡure yu j̄uo cojow̄u yu Mac̄ure,” cū ca ñi owa cūu j̄uguequĩrique.§

Wimarãre Herodes cū ca jãa dotirique

¹⁶ Herodes pea ca majirã cūre c̄ja ca ñi ditoriquere majiri, ajia ametuacoari, Belén macãrã, tii macã wejari macãrã niipetirã ḡm̄ua wimarãre p̄ua c̄ma ca c̄uorã, c̄ja jiro macãrã cãare jãa peoticã dotiupi, ca majirã c̄ja ca wedericarore biro, “To cãnacã c̄ma ca c̄uoḡu niicumí,” ñi majiri.

¹⁷ O biri wãme bii eaupa, ḡm̄ureco Pac̄u yee quetire wede j̄ugueri maju Jeremías niiquĩric̄u o biro cū ca ñi owarique:

¹⁸ “Ramãp̄ure acaro buirique wedeo, yacó, ñañaro tam̄o t̄goeña pai otirique, wedeo. Raquel ñimo, cõ punare otigo. ‘Otiticãña,’ ñiriquere bootimo, mee, cõ puna c̄ja ca bii yaicoarique ca niiro macã,” ñiupi.*

¹⁹ Herodes cū ca bii yairo jiro, j̄icũ ḡp̄u yuñ cūre queti wede bojari maju, José, Egiptop̄u cū ca niiro cū ca quẽñarop̄u cūre baua eari, o biro cūre ñiupi: ²⁰ “Wãcãña. Wimaḡure, cū pacore, j̄uo tua waaḡuja ñucã Israel yepar̄u. Mee wimaḡure ca j̄aruḡamiricarã bii yai peticoama,” cūre ñiupi. ²¹ To biri José wãcã, wimaḡure, cū pacore, Israel yepar̄u j̄uo tuacoaupi ñucã. ²² To biro bii pacaḡu, Herodes mac̄u Arquelao, cū pac̄u wajoaye Judea

† 2:6 Mí 5.2. ‡ 2:11 Ca wapa pacarije. § 2:15 Os 11.1. * 2:18 Jer 31.15.

yepa macārã wioḡu cū ca niirijere queti tuori, toorure waarugũ uwi jañuupi. To biri cū ca quẽñaropũ Æmureco Pacũ cū ca wede majioricũ niiri, Galilea yepa pee waacoaupi. ²³ Toorũ eagu, Nazaret macãpũ niigũ waaupi. O biro bii eaupa, Æmureco Pacũ yee quetire wede jũgueri maja, “ ‘Nazaret macũ niimi,’ iiricũ niirucumi,” cūja ca iiricare birora biro.

3

Juan, ca bopori yeparũ cū ca biirique
(Mc 1.1-8; Lc 3.1-9, 15-17; Jn 1.19-28)

¹ Tii rãmũrire Uwo Coeri majũ Juan, Judea yepa macã yepa, ca yucũ maniri yeparure Æmureco Pacũ yee quetire wede eaupi. ² O biro iũupi:

—Ñañarije mũa ca tii niirijere tũgoeña yeri wajoaya. Mee, Æmureco Pacũ cū ca dotipa cuu eacoaro bii —iũupi.

³ Juan, Æmureco Pacũ yee quetire wede jũgueri majũ Isaías o biro cū ca iĩ owa jũguericũ niũupi:

“Ca yucũ maniri yeparũ jĩcũ cū ca acaro buirije o biro iĩ wedeo:

‘Æpũre maa queno yueya; díamacũ maari cũre queno bojaya,’ cū ca iĩquĩricũ.”*

⁴ Juan jutiro camello poa mena tiiricaro niũupa. Ñucã waibũcũ quejero daa menara wẽñaupi. Cū baarique pea yejeroa, macãnũcũ macārã dobea oco, niũupa. ⁵ Cū ca wederijere tuorũgarã, Jerusalén macārã, Judea yepa niipetiro macārã, dia Jordán pũtori macārã, niipetirã bojoca cū pũtopure earucuupa. ⁶ Ñañarije cūja ca tiiriquere cūja ca wede ametũenero, Juan pea dia Jordán'pũ cũjare uwo coeupi.

⁷ Paũ fariseos, to biri saduceos, cũre uwo coe dotirũgarã cūja ca dooro ãagũ, o biro cũjare iũupi Juan:

—Añaã punaa, ¿ñĩru mũjare, Æmureco Pacũ ñañaro cū ca tiipe ca cõña doorijere, “Mũa ametũacãrucu,” mũjare cū iĩjãri? ⁸ Ñañarije mũa ca tiirucurijere tii yerijãari, mũa ca tũgoeña yeri wajoarijere iĩorã, ãa majiricarora añuro niirique cãti iĩno niĩña. ⁹ Mũa majuropeera, “Jãa, Abraham pãramerã jãa nii,” iĩ tũgoeñaticãña. Yee méé mũjare yũ iĩ: Æmureco Pacua, ate ãtãgaarirena Abraham pãramerã tii jeeñocã majimi. ¹⁰ Mee, Æmureco Pacũ bojoca ñañarãre, ñañaro cū ca tiipe nii yerijãa.† Niipetirije yucũ, añurije ca dica cãtitirijera, paa juderi pecamepũ joe cõacãrique nii.

¹¹ “Yũa, añuro petira, ñañarije mũa ca tii niirijere cūja tũgoeña yeri wajoajato iĩḡu, oco mena mũjare yũ uwo coe. Yũ jiro ca doogũ pea yũ ametũenero do biro ca tiiya manigũ niimi. Yũa, cū yee dũpo juti ãno cãare cũre ca jee cotepũ ãno méé yũ nii. Cũa, Añuri Yeri mũjarure cū ca ñaajãa nũcãro tiiri, ca ñañarije manirã mũa ca tuaro tiirucumi. ¹² Trigo quejerire cū ca maa mũene batepa tabere ami doomi. Ca ape peera‡ teere queno cũurica tabepũ queno cũu, tee quejeri peera pecame ca ãũ yatitiri pecamepũ joe bate, tiirucumi —iũupi.

Jesús cū ca uwo coe ecorique
(Mc 1.9-11; Lc 3.21-22)

¹³ Jesús, Galilea ca niiricũ, dia Jordán Juan cū ca niropũ waaupi, “Yũre cū uwo coejato,” iĩḡu. ¹⁴ Juan pea cũre uwo coerũgatigũ, o biro cũre iũupi:

—Yũ pee yũ nii, mũ ca uwo coerpũa. ¿Ñee tiigũ mũ pee yũ peere mũ uwo coe dotigũ dooti? —iũupi.

¹⁵ To biro cū ca iĩro, o biro cũre iĩ yũũupi Jesús:

—Añurucu. Mũra yũre uwo coecãña, Æmureco Pacũ cū ca ãa cojorore añurije mani ca tiipera niiro bii —iũupi.

* 3:3 Is 40.3. † 3:10 Mee comea, yucũre ca nũcõripũra ca paa judepaga nii yerijãa. Niipetirã bojoca ñañarije wado ca tii niirã, yucũḡu pecamepũ ca joe ecorore birora, pecamepũ joe ecorucuma. ‡ 3:12 Bojoca añurãre Æmureco Pacũ cū ca doti niiri tabepũ jee cojo, ca ñañarã peera pecame pee ñañaro peti cūja ca tamũoro tii, tiirucumi.

To biro cã ca ïiro, Juan pea Jesús're uwo coeupi.

¹⁶ Juan cã ca uwo coe yapanoro, Jesús cã ca maa nũcãrora, ðmũreco quejero pãa nũcãcoaura. To biro ca biiro ðmũreco Pacũ yũũ Añuri Yeri, buare biigũ bau duwi doo, cũre ca ñaapea eagure ïaupi Jesús. ¹⁷ To cõrora ðmũreco tutipũ o biro ïi wedeoupa:

—Ani niimi yũ Macũ, yũ ca maigũ. Cã mena bũaro yũ ðjea nii —ïiupa.

4

Satanás Jesús're cã ca ïi buiyeemirique

(Mc 1.12-13; Lc 4.1-13)

¹ Jiro, Añuri Yeri ca bopori yerapũ Jesús're amicoaupi, Satanás're ñañarije cã tii doti eco ñaajato ïigũ. ² Toopũre cuarenta rũmũri, cuarenta ñamiri, baari méé biima ïigũ, queya tũgoeñaupi. ³ To biro cã ca biiro, Satanás, Jesús pũto eari, cũre ïi buiye ñaagũ, o biro cũre ïiupi:

—Díamacũra ðmũreco Pacũ Macũra mũ ca niijata, ate ðtãgaarire “Pan jee ñaña,” ïiña —cũre ïiupi.

⁴ To biro cã ca ïiro, Jesús pea o biro cũre ïi yũũupi:

—ðmũreco Pacũ wederique o biro ïi: “Bojoca, baarique mena wado catitima. Niipetirije ðmũreco Pacũ wederique mena cãare caticã majima,” ïi —cũre ïi yũũupi.*

⁵ Jiro Satanás, ca ñañarije maniri macã Jerusalén'pũ cũre ami waa, ðmũreco Pacũ yaa wii jotoa bũaro ca emũari tabepũ ami mũa waari, ⁶ o biro cũre ïiupi:

—Díamacũra ðmũreco Pacũ Macũra mũ ca niijata, anopũ menara bupu duwi waagũja. ðmũreco Pacũ wederique o biro ïi:

“ðmũreco Pacũ, cã pũto macãrãre mũre ïa nũnũjee doti cojorucumi, cũja amori mena mũre tuu ñeerucuma,

jĩcãga ðtãga ðno mena peera mũ ca pũata ñaatipere biro ïirã,” ïi —cũre ïiupi Satanás.†

⁷ To biro cã ca ïiro, Jesús pea o biro cũre ïi yũũupi:

—Ñucã ðmũreco Pacũ wederique o biro ïi: “Ûpũ, mũ ðmũreco Pacũre ïi buiye ñaaticãña,” ïi —ïiupi Satanás're.‡

⁸ Jiro ñucã Satanás, ðtãgũ ca emũaricũ jotoapũ Jesús're ami waa, ati yepa macã macãri, to biri tii macãri ca cũorije niipetirijere cũre ïño peoticãri, ⁹ o biro cũre ïiupi:

—Ate niipetirije mũre yũ tiicojorucu, mũ ãjũro jupea mena ea nuuri, yũre mũ ca ïi nũcã bũojata —cũre ïiupi.

¹⁰ To biro cã ca ïirora:

—Waagũja Satanás. ðmũreco Pacũ wederique o biro ïi: “Ûpũ, mũ ðmũreco Pacũre ïi nũcã bũoya. Cũ jĩcũrena cã ca ïirore biro tii nũnũjeeya,” ïi —cũre ïi yũũupi Jesús.§

¹¹ To cõrora Satanás pea, Jesús're camotaticoaupi. To biro cã ca biiro, jĩcãrã ðmũreco Pacũ pũto macãrã Jesús're tii nemorã eaupa.

Galileapũ Jesús cã ca pade jũorique

(Mc 1.14-15; Lc 4.14-15)

¹² Jiro Jesús, Juan're cũja ca tia cũuriquere queti tũori, Galilea yepa pee tuacoaupi.

¹³ Nazaret macãre tuatigũra, Zabolón, Neftalí jãa yaa yepa macã macã utabũcũra tũjaro ca niiri macã Capernaúm pee niigũ waaupi. ¹⁴ Ate to biro biiupa ðmũreco Pacũ yee quetire wede jũgueri majũ Isaías, o biro cã ca ïiquĩricarore biro bii earo:

¹⁵ “Zabolón, Neftalí jãa yaa yepa, Jordán ape nũña, dia pairi yaa buuro jotoare, Galilea, judíos ca niitirã cũja ca niiri yepa,

¹⁶ ðmũreco Pacũre majitima ïirã, ca naitĩaropũ ca niirãre biro ca niiricarã, paio ca boe baterijere ïawa. Ñañaro ca bii yaiparã ca niirãre, ca boerije cũjare boe bate ñaacũmu eawũ,” cã ca ïirique.

* 4:4 Dt 8.3. † 4:6 Sal 91.11-12. ‡ 4:7 Dt 6.16. § 4:10 Dt 6.13.

¹⁷ Tii tabe mena Jesús, añurije quetire o biro ñi wede j̄uupi: “Ñañarije m̄ja ca tii niirijere t̄goeña yeri wajoa, ̄m̄reco Pac̄u peere t̄uo n̄n̄jeeya. Mee ̄m̄reco Pac̄u c̄ ca dotirije eacã dooro bii,” ñiupi.

Wai wajari maja, bapari Jesús c̄ ca j̄uorique

(Mc 1.16-20; Lc 5.1-11)

¹⁸ Jiro Jesús, Galilea ̄tabuc̄ura t̄jaro waa n̄n̄na waarucuḡu, p̄arã j̄ic̄ punare ña b̄aupi. J̄ic̄ Simón, ñucã c̄ra Pedro ca wãme cutiḡu, ap̄i Andrés, niup̄a. Wai wajari maja niiri, c̄ja bapi yuc̄re c̄añua niirã tiiupa. ¹⁹ C̄jare ña, o biro c̄jare ñiupi Jesús:

—Ȳu mena dooya. Ȳu pea waire m̄ja ca waja b̄na majirore birora, bojoca, ȳre ca t̄uo n̄n̄jeerã c̄ja ca niiro ca tii majirã m̄jare ȳu tiirucu —ñiupi. ²⁰ To biro c̄jare c̄ ca ñiro, c̄ja bapi yuc̄re c̄u, c̄ mena waacoaura.

²¹ Ñucã too j̄guero jañuroacã p̄arã ña b̄aupi, Zebedeo puna Santiago, Juan, c̄ja pac̄u mena c̄muar̄u c̄ja bapi yuc̄re ca jia jãa queno niirãre. Jesús pea c̄jare j̄uupi. ²² To c̄rora c̄ja pea c̄muare, c̄ja pac̄re, c̄u, c̄ mena waacoaura.

Pac̄u bojocare Jesús c̄ ca buerique

(Lc 6.17-19)

²³ Jesús, Galilea yepa niipetiror̄u c̄ja ca nea poo juu bueri wiijerip̄u c̄jare bue, ̄m̄reco Pac̄u c̄ ca doti niiri tabe maquẽ añurije quetire wede, ñucã niipetirije bojoca c̄ja ca diarique cutirijere, c̄jare ca punirijere, c̄jare amet̄ene, tii yujuupi. ²⁴ To biro Jesús c̄ ca tiirije pea, Siria yepa niipetiror̄u queti bate n̄cã peticoaura. To biri Jesús p̄tore bojorica wãmeri ca diarique cutirã niipetirã, up̄ari ca ñejerãre, ca wãt̄ia jãa ecoricarãre, ñama diarique ca diarique cutirãre, ca b̄uricarãre, jee dooupa. Jesús pea c̄jare catiupi.

²⁵ Pac̄u bojoca, Galilea macãrã, Decápolis yepa macã macãri macãrã, Jerusalén macãrã, Judea macãrã, to biri dia Jordán ape n̄ña muip̄u c̄ ca m̄na doori n̄ña macã yepa macãrã, niipetirã Jesús're c̄re n̄n̄upa.

5

Buurop̄u Jesús c̄ ca buerique

(Lc 6.20-23)

¹ Pac̄u bojocare ñari, Jesús pea ̄tãḡu ca nii m̄na waari buurop̄u maa waa, ea nuu waawi. To biro c̄ ca biiro c̄ buerã cãa c̄ p̄to pee nea poo waawa. ² C̄ pea o biro c̄jare ñi bue j̄uo waawi:

³ —̄jea niima, ca boo pacarã yeri ca yeri cutirã; ̄m̄reco Pac̄u c̄ ca dotiri tabea c̄ja yaa tabe nii.

⁴ ̄jea niima ñañaro ca tam̄orã, t̄goeña tutuariquer̄e tiicojo ecorucuma.

⁵ ̄jea niima “O biro ca biirã jãa nii,” ca ñitirã; ̄m̄reco Pac̄u “Ȳu tiicojorucu,” c̄ ca ñirica yepare c̄o earucuma.

⁶ ̄jea niima, añurijere tiir̄garã, oco jinir̄ga, aña boa, biirãre biro ca bii t̄goeñarã; c̄ja ca tiir̄garore biro c̄jare ca bii bojaro ̄jea niirucuma.

⁷ ̄jea niima ca boo paca ñarã; ̄m̄reco Pac̄u cãa c̄jare boo paca ñarucumi.

⁸ ̄jea niima, c̄ja yerip̄u añurije wado ca t̄goeñarã; c̄ja, ̄m̄reco Pac̄re ñarucuma.

⁹ ̄jea niima, añuro j̄cãri mena niirique maquẽre ca pade niirã; ̄m̄reco Pac̄u, “Ȳu puna,” c̄jare ñirucumi.

¹⁰ ̄jea niima, añurijere tiima ñirã, ñañaro c̄ja ca tiir̄ga n̄n̄jeerã; ̄m̄reco Pac̄u c̄ ca doti niiri tabea c̄ja yaa tabe nii.

¹¹ “̄jea niirã m̄ja niirucu, ȳu yee j̄uori, bojoca ñañarije m̄jare ñi tuti, ñañaro m̄jare tii, ñucã ñi ditorãra m̄ja menare niipetirije ñañarije ñi, c̄ja ca ñiro. ¹² ̄jea niina; añuro ̄jea niirã niina. ̄m̄reco tutip̄u añurijere paio m̄ja tiicojo ecorucu. M̄ja j̄guero ca dooricarã ̄m̄reco Pac̄u yee quetire wede j̄gueri maja cãare o birora ñañaro c̄jare tiir̄ga n̄n̄jeep̄a.

Moa, to biri ca boerije
(Mc 9.50; Lc 14.34-35)

¹³ "Muja ati yepa macārã moa muja nii. ¿Moa, ca ocarije to ca peticoajata, do biro pee biicãri ñucã nemo to oca eabogajati? Ca ocatirijerpa ñee ñno pee añuti. To biri macãrpa cãja ca cõarijere bojoca pea teere ñta yaio batecãma. ¹⁴ Muja ati yepare ca ñu boerije muja nii. Jicã macã ñtãgu jotoa ca niiri macã do biro pee bii yai majiti. ¹⁵ Ñucã jã boericagare upa coro doca pee cõurugarã mée jã tuama. To biro tiitirã, emũaro pee peoma, wii ca niirã niipetirãre to ñu boejato ñirã. ¹⁶ Teere birora muja cãa, bojoca cãja ca ña cojoro añurijere tii niĩña. Añuro muja ca tii niirijere ñari, niipetirã cãja Pacu ñmureco tutirpa ca niigũre cãja ca baja peopere biro ñirã.

Doti cõurique maquẽre Jesús cã ca buerique

¹⁷ "Muja, "Doti cõuriquere, Ñmureco Pacu yee quetire wede jũgueri maja cãja ca wede cõuquĩriquere, cõagũ doogũ doojacupi," ñi tũgoeñaticãña. Teere cõagũ doogũ mée yu biiwu. Tee ca ñirore biro tiigu doogũ pee yu doowu. ¹⁸ Yee mée mujare yu ñi: Ména, ati ñmureco, ati yepa, ca niiro, doti cõuriquea, jicã tabeacã ñnora, jicã wãmeacã ñnora, yai ñucãcoa biitirucu, tee niipetirije ca ñirore biro ca biiparo jũguerore. ¹⁹ To biri doti cõurique ca dotirijere buaro ca biitirijeacã ñnorena tee ca ñirore biro tii ñnũjeeti, aperã cãare "Tee ca ñirore biro tii ñnũjeeya," ñi bue majioti, ca biigua, Ñmureco Pacu cã ca doti niiri taberũre "Watoa macã niimi," ñi ecorucumi. Doti cõurique ca ñirore biro tii ñnũjee, ñucã aperã cãare "Tee ca ñirore biro tii ñnũjeeya," cãjare ca ñi bue majio ca tiigua, Ñmureco Pacu cã ca doti niiri taberũre "Ca nii majuropeegu niimi," ñi ecorucumi.

²⁰ "To biri doti cõuriquere jũo bueri majare, fariseos're, Ñmureco Pacu cã ca ña cojoro añurije tii niiriquere cãjare muja ca tii ametua ñucãtijata, jicãti ñno peera Ñmureco Pacu cã ca doti niiri taberũre muja eatirucu.

Ajiarique maquẽre Jesús cã ca wederique
(Lc 12.57-59)

²¹ "Muja, muja ñicũ jũmũarũre: "Jãaticãña. Ca jãagua, jãĩña bejeri majarũ cãja ca jãĩña beje niigu tuacãrucumi," ñiriquere muja tũojacupa.* ²² Yu pea o biro mujare yu ñi: No ca boogu cã yee wedegu mena ca ajiagua, jãĩña bejeri majarũ cãja ca jãĩña beje niigu tuacãrucumi. Ñucã cã yee wedegũre ñañarije ca ñi tutigua, ñparã ca nii majuropeerãrũ† cãja ca jãĩña beje niigu tuacãrucumi. Ñucã no ca boogu cã yee wedegũre, "Ca tũgoeña majitigu," ca ñi tutigua, pecame ca ñu yatitiri pecamepũ ñañaro ca bii yairũ niirucumi.

²³ "To biri Ñmureco Pacure mu ca tiicojo ñucã buorijere joe mũenerica tutupũ teere mu ca jee waajata, toopũ niigũra mu yee wedegũre ñañaro mu ca tiiriquere mu ca tũgoeña buajata, ²⁴ tii tutu pũtora tii ñucã buorũgu mu ca jee waariquere cõu, mu yee wedegũre ñañaro mu ca tiiriquere, cã mena wederique queno jũogũja. To biro tii yapanoripũ docare tua doo, tiicojo ñucã buorũgu mu ca jee waariquere joe mũeneña. ²⁵ Ñucã mũre ca ña tutigu, ñparãrũre mũre cã ca wedejãarũgajata, yoari méera ca jãĩña bejegu pũtopũ ami waarũgu cã ca tii niirorũra cã mena ameri wede quenoña, cã pũtopũ mũre cã ca ami waatipere biro ñigu. To biro mu ca tiitijata, ca coterã uwamarãrũre mũre tiicojo, ñucã cãja pea mũre tia cõu, tiicãrucuma. ²⁶ Yee mée mũre yu ñi: "Wapa tiirica tii ca tũjari tiicãrũ mu ca wapa tiitijata, toore mu wititirucu".

Tii epericarã cõtirique maquẽre Jesús cã ca wederique

²⁷ "Ñucã, "Mu ñũmo ca niitigopũre tii epeticãña," ñiriquere muja tũojacupa. ²⁸ "Yu pea, no ca boogu jicõ nomiore, cõre tiirũgarique mena ca ñagua, mee cã yeri cã ca tũgoeñarijerpũ cõ mena tiicã yerijãa waami," yu ñi. ²⁹ To biri mu capega díamacũ ñũña macãga ñañarije mu ca tiiro to ca tiijata, jade wee amiri yoaropũ cõacãña. Jicã tabera mu upũ macã tabe to ca bii yairo añujañu. Niipetiri upũ menarũra pecame ca ñu yatitiri pecame pee mu ca cõa joe ecojata docare añuti. ³⁰ Ñucã mu amo díamacũ ñũña ñañarije

* 5:21 Ex 20.13; Dt 5.17. † 5:22 Junta Suprema.

m̄ ca tiiro to ca tiijata, paa taari, yoarop̄ cōacãña. Jĩcã tabera m̄ up̄ macã tabe to ca bii yairo añujañu. Niipetiri up̄ menap̄ra pecame ca ñu yatitiri pecame pee m̄ ca cōa joe ecojata docare añuti.

Ameri cōariquere Jesús cã ca wederique

(Mt 19.9; Mc 10.11-12; Lc 16.18)

³¹ ”Ñucã o biro ñirique niipura: “No ca boogu cã n̄more cã ca cōajata, “To biro cõ ca biirije j̄ori cõre yu cõa, ñirica p̄urore tiicojorique niirucu,” ñirique niipura. ³² Yu pea o biro m̄jare yu ñi: Jĩcã cã n̄more, apĩ mena cõ ca tii epeti pacaro cõre cã ca cōajata, cõ man̄ ca niitigup̄re cõ ca tiiro cõre tii buiyeeegu tiimi. Ca man̄ cōaricore ca n̄mo cutigua, cã n̄mo ca niitigop̄re tii epegu tiimi.

“Yee mée yu ñi,” ñiriquere Jesús cã ca wederique

³³ ”Ñucã m̄ja ñicã j̄m̄ap̄re, o biro cãjare cã ca ñiriquere m̄ja t̄ojacupa: “‘Yee mée jã ñi,’ ñirique mena, jã tiicojorucu Up̄re m̄ja ca ñiriquere, m̄ja ca ñiricarore biro tiiya,” ñiriquere.† ³⁴ Yu pea o biro m̄jare yu ñi: Díamacãra “Yee mée yu ñi,” ñiti majuropecãña. “Um̄reco quejero§ mena yu ñi,” ñiticãña. Um̄reco quejeroa, Um̄reco Pacu cã ca duwiri tabe nii. ³⁵ Ñucã, ati yepa mena cãare ñiticãña. Ati yepa cãa, Um̄reco Pacu cã ca uta cūuri tabe niiro bii. Ñucã, “Jerusalén mena yu ñi,” ñiticãña. Tii macã, Wiogu do biro Ca Tiiya Manigu yaa macã niiro bii. ³⁶ Ñucã, m̄ja d̄p̄uga mena cãare ñiticãña. M̄ja poare jĩcã daarena ca botiri daa, ca ñiiri daa, ca niiro m̄ja tii majiti. ³⁷ Mee, “Yu tiirucu,” “Yu tiiticu,” ñirique menara añucã. Atere m̄ja ca camotatijata, ca ñañagu yeere tiirã m̄ja tii.*

Ñañaro tii amerique maquẽre cã ca wederique

(Lc 6.29-30)

³⁸ ”O biro ñiriquere m̄ja t̄ojacupa: “M̄ capere cã ca ñañojata, m̄ cãa to birora c̄re tii ameña. Ñucã m̄ upire cã ca paa peejata, m̄ cãa to birora c̄re tii ameña,” ñiriquere. ³⁹ To biro ca ñimijata cãare, yu pea o biro m̄jare yu ñi: “Ñañaro m̄jare cãja ca tiimijata cãare, ameticãña. Jĩcã ñno m̄ja wajopuare cã ca paajata, ape n̄ña cãare paa dotiya. ⁴⁰ Ñucã jĩcã ñno m̄jare wedejãacãri, m̄ja jutirore cã ca emarugajata, jotoa m̄ja ca jãñarito cãare cã amicoajato,” ñicãña. ⁴¹ No ca boogu, apeye ñno jĩcã kilómetro m̄jare cã ca jee waa dotijata, p̄a kilómetro c̄re jee waa bojaya. ⁴² No ca boogu apeye ñno m̄jare ca jãigure, c̄re tiicojaya. M̄ja yeere ca wajorã cãare, “Jãa wajoti,” ñiticãña.

Ca ña tutirãre mairique

(Lc 6.27-28, 32-36)

⁴³ ”Ñucã o biro ñiriquere m̄ja t̄ojacupa: “M̄ mena macãre mai, m̄re ca ña tutigu peera ña tuti, tiiya,” ñiriquere.† ⁴⁴ To biro ca ñimijata cãare, yu pea o biro m̄jare yu ñi: M̄jare ca ña tutirãre mai, ñañaro tiirugarã m̄jare ca n̄n̄rãre juu bue boja, tiiya. ⁴⁵ To biro tiirã m̄ja Pacu um̄reco tutip̄ ca niigu puna m̄ja niirucu. Cãa, cã muip̄re ca bojoca ñañarã, ca bojoca añurã, cãja ca niiro cãare cã ca ajiro tii, ñucã to birora ñañarije ca tiirã, añurije ca tiirã, cãja ca niiri taberi cãare oco ca pearo tii, tiimi. ⁴⁶ M̄jare ca mairã wadore m̄ja ca maijata, j̄nee ñno añurije m̄ja tiicojo ecorãti? Roma maquẽ ca niipere wapa jee bojari majap̄ cãa, to birora biirique cutima. ⁴⁷ Ñucã m̄ja yaarã wadore m̄ja ca añu dotijata, j̄nee ñno pee añurije tii ametuene n̄cãrã m̄ja tiiti? Um̄reco Pacu ca majitirãp̄ cãa, to biirijera biima. ⁴⁸ M̄ja Pacu, um̄reco tutip̄ ca niigu añugu cã ca niirore birora, m̄ja cãa, añurã niña —ñi wedewi Jesús.

6

Ca boo pacarãre tii nemorique maquẽre cã ca buerique

‡ 5:33 Nm 30.2. § 5:34 “Jãa ca ñirore biro jãa tiirucu,” tiirã ñirique. * 5:37 Stg 5.12. † 5:43 Lv 19.18.

¹ —Añurijere tii niirã, bojoca cÿja ïajato ïirã wado tiiticãña. To biro mÿja ca tijjata, mÿja Pacu, ðmureco tutipÿ ca niigÿ, jÿcã wãme ðnora añurijere mÿjare tiicojoturucumi. ² To biri ca boo pacarãre tii nemorã mÿja ca tiicojoriquere, bojoca niipetirãpÿre to biro mÿja ca tiirijere wede bate cojoticãña, watoara ca bii dito pairã, “Ca bojoca añurã niima” jãare cÿja ïi nÿcÿ buojato ïirã, nea poo juu buerica wiijeripÿ, wiijeri watoa macã yeparipÿ, cÿja ca ïi nÿcÿ yujurore biro. Díamacÿ mÿjare yÿ ïi: To biro ca ïirãra, mee bojoca to biro cÿjare cÿja ca ïi nÿcÿ buorijera niicã, cÿja ca wapa taarije. ³ To biri mÿ, ca boo pacarãre mÿ ca tii nemojata, mÿ mena macÿ ca nii majuropeegÿ cãare wedeticãña. ⁴ Yaioroacã mÿ jÿcãra tiicã niina. To biri mÿ Pacu yaioropÿ mÿ ca tiirijere ca ïagÿ, to biro mÿ ca tiirije wapare añurije mÿre tiicojoturucumi.

Juu buerique maquëre Jesús cÿ ca buerique
(Lc 11.2-4)

⁵ ”Ñucã juu buerã, watoara ca bii dito pairã, bojoca jãare cÿja ïajato ïirã, nea poo juu buerica wiijeripÿre, ñucã wiije watoa macã yeparipÿre nucÿcãri, cÿja ca juu bue nucÿ yujurore biro biiticãña. Yee méé mÿjare yÿ ïi: To biro ca tiirãra, mee, bojoca cÿjare cÿja ca ïi nÿcÿ buorijera niicã, cÿja ca wapa taarije. ⁶ Mÿ pea mÿ ca juu buejata, mÿ yaa jawipÿ jãa waa, jope bia, mÿ Pacu mÿ mena yaioropÿ ca niigÿ wado cÿ ca majiro juu bueya. To biri mÿ Pacu yaioropÿ mÿ ca tiirijere ca ïagÿ, añurijere mÿre tiicojoturucumi.

⁷ ”Ñucã juu buerã, ðmureco Pacure ca majitirã cÿja ca ïiroke biro, “Jÿcãti méé jãa ca ïiro ðmureco Pacu jãare tuorucumi,” ïi tÿgoeñari, tii wãme wadorena buaro jañuro cÿja ca ïicã dia waarore biro ïiticãña. ⁸ Cÿjare biro biiticãña. Mÿjara, mee mÿja Pacu mÿja ca jãiparo jÿgueropÿra mÿja ca boorijere maji yerijãami. ⁹ Mÿja o biro ca ïi juu bueparã mÿja nii:

“Jãa Pacu, ðmureco tutipÿ ca niigÿ, mÿ wãme ïi nÿcÿ buorica wãme to niijato.

¹⁰ Mÿ ca dotirije to doojato. ðmureco tutipÿre mÿ ca boori wãme mÿ ca tiroke birora tiya ati yepa cãare.

¹¹ Mecÿ jãare tiicojoya, to cãnacã rÿmÿra jãa ca baapere.*

¹² Ñañarije jãa ca tiiriquere jãare acoboya, aperã ñañaro jãare cÿja ca tiirijere jãa ca acoborucurore biro.

¹³ Ñañarije ca bii buiyeerijere jãa ca tiiro tiiticãña; tiitigÿra ñañarije jãare ametueneña. ðpÿ niirique, do biro ca tiigÿ manigÿ niirique, ca añu majuropeegÿ niirique, mÿ yee to birora ca niicã niirije nii. To biro to biijato,” ïina.

¹⁴ ”Aperã ñañaro mÿjare cÿja ca tiiriquere mÿja ca acobojata, mÿja Pacu ðmureco tutipÿ ca niigÿ cãa, ñañarije mÿja ca tiirijere mÿjare acoborucumi. ¹⁵ Aperã ñañaro mÿjare cÿja ca tiirijere mÿja ca acobotijata, ðmureco Pacu cãa, ñañarije mÿja ca tiiriquere mÿjare acobotirucumi.

Betiri juu buerique maquëre Jesús cÿ ca wederique

¹⁶ ”Betiri juu bue niirã, watoara ca bii dito pairã, bojoca, “Betiri juu buerã tiima,” jãare cÿja ïi ïajato ïirã, tÿgoeñarique pairã cÿja ca niirore biro biiticãña. Yee méé mÿjare yÿ ïi. To biro ca biirãra, “Teere tiirã tiima,” bojoca cÿjare cÿja ca ïi nÿcÿ buorijera niicã, cÿja ca wapa taarije. ¹⁷ Mÿ pea betiri mÿ ca juu buejata, mÿ poare waa peo queno, ca jÿti añurije wada, mÿ díamacÿre waa coe, tiya, ¹⁸ bojoca, “Betiri juu bue niigÿ tiimi,” cÿja ca ïi ïa majitipere biro ïigÿ. To biro mÿ ca tiiro, mÿ Pacu yaioropÿ ca niigÿ, yaioropÿ tiiriquere ca ïagÿ wado, añurijere mÿre tiicojoturucumi.

ðmureco tutipÿ apeye cuti niirique
(Lc 12.33-34)

¹⁹ ”Ïpëcãrã baa yaiocã, no ca boorora bii yaicã, jee dutiri maja jãa waa jee duticã, cÿja ca tii niiri yeparena paio apeye cuti, jee cÿu cÿo, tii niiticãña. ²⁰ Apeye mÿja yee ca niipere, ðmureco tutipÿ, ðpëcã ðnora baati, boati, jee dutiri maja cãa jãa waari jee

* 6:11 To cãnacã rÿmÿra jãare baarique tiicojocã niina.

dutiti, cūja ca biiri taberure queno cūuña. ²¹ To biri mūja apeye ca niiri tabera niirucu, mūja yeri cāa.

Urū maquē ca jīa boerije
(Lc 11.34-36)

²² "Capegaaria, urū maquē ca jīa boericari nii. To biri mūja cape añurije to ca niijata, mūja urū niipetiro ca boerijere cūorucu. ²³ Mūja cape ñañarije to ca niijata, mūja urū niipetiroprū ca naitīaropū niicārucu. Ca boerije mūjare ca niimiriquera ca naitīarije to ca bii ñañacoajata, ¿no cōro peti to naitīagajati, ca naitīa majuropeerijerūa?†

Jīcū uno peera puarāpūre pade nūnūjee majitimi
(Lc 16.13)

²⁴ "Jīcū uno peera, puarā puarāpūre pade cote majitimi. To biro cū ca biijata, jīcūre ĩa tuti, apī peere maī, ñucā jīcū cū ca dotirijere tii boja, apī cū ca dotirije peera tiiti, biicācumi. To biri Ūmureco Pacū yeere tii pacagū, ñucā apeye cuti niirique pee cāare tii nūnūjee majiña mani.

Ūmureco Pacū cū punare ĩa cotemi
(Lc 12.22-31)

²⁵ "To biri o biro mūjare yū ĩi: "Catirugarā, baa, jini, mūja ca tii niiperena, ñucā juti mūja ca jāñaperena, tūgoeñarique paiticāña. ¿Mani ca catirijea baarique ametuenero wapa cuti, ñucā mani urū cāa, juti ametuenero wapa cuti, to biititi? ²⁶ Minia, ūmureco quejerore ca wūwāre ĩañaaqué: Oteti, ote dicare jeeti, ote dica queno cūurica wiijeripū queno cūu cūoti, biima. To biro cūja ca bii pacaro, mūja Pacū ūmureco tutipū ca niigū pea, cūja ca baapere cūjare tiicojomi. ¡Mūja pee doca, minia ametuenero mūja wapa cuti! ²⁷ ¿To biicāri, mūja mena macū niipe, buaro cū ca tūgoeña pato wācārije menara, jīcā cuu cū būcūa mūa nemo majicāgajati?

²⁸ "¿Ñee tiirā juti mūja ca jāñaperena to cōro buaro mūja tūgoeñarique paiti? ĩañaaqué. Do biro to būcūati oori taa yeparipūre. Padeti, juti ca jāñapere juati, bii. ²⁹ To ca bii pacaro, wioḡū Salomón peti cāa niipetirije añurije cūocā pacagū, tee ametuenero añurijerūa juti jāñatiquīupi," mūjare yū ĩi. ³⁰ Mecūre nii, ñucā boero ūnora joe bate ecocā yaiwa, ca biirije taa cāare ĩaricaro añurije juti jāami Ūmureco Pacū. Mūja docare tee ametuenero añurije mūjare juti jāarucumi, petoacā peti díamacū ca tūo nūcū būorā.

³¹ "To biri, "¿Ñee mani baarāti? ¿Ñee mani jinirāti? ¿Ñee mani jāñarāti?" ĩi tūgoeñarique pai, jāiña nūcū yujuticāña. ³² Ūmureco Pacūre ca majitirā niima, ate niipetirije ca ama nūcū yujurā. Mee, mūja pea ūmureco tutipū ca niigūre, jīcū mūja Pacū cuti, mūja ca boorije niipetirijere ca majigure. ³³ To biri mūja, Ūmureco Pacū cū ca doti niirije peere, Ūmureco Pacū cū ca ĩa cojorore añurije tii niirique peere, ama jūoya, ñucā ate niipetirije cāare mūja tiicojo ecorucu.

³⁴ "To biri boero ca biipere tūgoeña pato wācā buañaaticāña. Boero cāare niirucu ñucā, apeye mūja ca boo tūgoeñarije. To cānacā rūmūra tūgoeñarique pairique mena wado niicā —ĩi wedewi Jesús.

7

Aperāre ĩa bejeticāña
(Lc 6.37-38, 41-42)

¹ —Jīcū uno peerena, "To biro biimi," ĩi ĩa bejeticāña, mūja cāa, mūja ca ĩa beje ecotipere biro ĩirā. ² Aperāre mūja ca ĩa bejericarore birora Ūmureco Pacū cāa, mūjare ĩa bejerucumi. Ñucā aperāre ñañaro mūja ca tiiricaro cōrora, Ūmureco Pacū cāa ñañaro mūjare tiirucumi. ³ ¿Ñee tiigū mū yee wedegūre taa daacā cū capegapūre ca niiri daa peere mū ĩa nūnūjeeti, mū capega peere yucū dūcaro ca jāñari dūca peera "To biro bii," ĩiti pacagū? ⁴ Mū capegare yucū dūcaro ca jāñagū nii pacagū, ¿ñee tiigū mū yee

† 6:23 "Mūja capegaari añurije to ca niijata," ĩiro, ca apeye maitigūre ĩiro ĩi. Dt 15.9; Pr 23.6; 28.22; Lc 11.34-35.

wedegure, “Taa daa mu capegapure ca jāñari daare yure ami cōa dotiya,” cūre mu īibogajati? ⁵ ¡Watoara ca bii dito paigu! Mu capegare ca jāñari ducaro peere ami cōa jmoaya. To biro tiicāri jiropu, mu yee wedegu capegapure taa daa ca jāñari daare ami cōarugu, añuro mu ĩa majirucu.

⁶ ”Ñucā, Ɖmureco Pacu yee añurije quetire ca tuo junarārena wedeticāña, teere tuo ajiamā ĩirā, mujare ñañaro cūja ca paa jude batetipere biro ĩirā. Ñucā muja yee ũtā ca wapa pacarije cāare,* yejeapure cōa cūuticāña, teere cūja ca ũta yaio batetipere biro ĩirā –ĩi wedewi Jesús.

Ɖmureco Pacure jāirique
(Lc 11.9-13; 6.31)

⁷ —Jāiña, Ɖmureco Pacu mujare tiicojorucumi. Amaña, amarā muja buarucu. Jopere eari jmoaya, muja pāa jōene ecorucu. ⁸ To biri ca jāigu tiicojo ecomi. Ca amagu cāa buami. Ñucā jopere eari ca jmoagu cāa pāa ecomi. ⁹ ¿To docare, jīcū muja mena macū ũno, cū macū pan† cūre cū ca jāiro, ũtāgara cūre cū tiicojocābogajati? ¹⁰ ¿Ñucā wai cū ca jāiro, añarena cūre cū tiicojocābogajati? ¹¹ Muja ñañarā nii pacarā, muja punare añurijere muja tiicojo maji. ¡Muja Pacu Ɖmureco tutipu ca niigu pee doca, ametuenero añurijere tiicojorucumi, cūre ca jāirāre!

¹² ”To biri muja, aperā añuro mujare cūja ca tiiro muja ca boorore birora, añuro cūjare tiya. Atera niicā, doti cūurique, ñucā Ɖmureco Pacu yee quetire wede jūgueri maja, cūja ca ĩirique.

Ca ejatiri jope
(Lc 13.24)

¹³ ”Ca ejatiri jope peere jāa waarāja. Jope ejari jopero, maa eja añuri maaro, nii, ñañaro bii yairica tabepure ca nii waarijea. Teepure pau jāa waama. ¹⁴ Jope, maa, to birora caticōa niirica tabepure ca nii waarije pea ejati, ñucā do biro bii waa majiña manirijeacā nii, bii. Pacacā méé niima, tii jopere, tii maare, ca buarā.

Yucugure tiigu dica mena ĩa majirique nii
(Lc 6.43-44)

¹⁵ ”Ɖmureco Pacu cū ca ĩirijere ca wederāre biro ca ĩi dito yujurā menare tuo majiña. Ovejare biirā baurā muja pūtoore dooma. Bii pacarā cūja yeripura macānucū yaia‡ ca wuarā petire biro ca niirā niima. ¹⁶ Muja pea cūja ca tii niirijepure muja ĩa majirucu. Pota yucupure, ũjere jeeya mani. Ñucā higo cāare, pota woopure jeeya mani. ¹⁷ Niipetirije yucu añurije, añurije dica cūti. Yucu ñañarije cāa, ñañarijera dica cūti. ¹⁸ Yucu añuri yucura, ñañarije dica cūtiti. Ñucā to birora ñañari yucu pee cāa, añurije dica cūtiti. § ¹⁹ To biri niipetiri yucu añurije ca dica cūtitiri yucura queti, pecameru joe batecārique nii. ²⁰ To biri muja, cūja ca tii niirijepure muja ĩa majirucu.

Niipetirāpura ea waatirucuma
(Lc 13.25-27)

²¹ ”“¡Wiogu, Wiogu!” yure ca ĩirā niipetirāpura Ɖmureco Pacu cū ca doti niiri tabepure ea waatirucuma. Yu Pacu, Ɖmureco tutipu ca niigu cū ca boorore biro ca tiirā wado ea waarucuma. ²² Ɖmureco Pacu cū ca ĩa bejeri rumu ca niimore, pau o biro yure ĩirucuma: “Wiogu, Wiogu, jāa cāa, mu ca dotiro mena ca biipere wede jūgue, mu wāme mena ĩiri wātīa, bojocarure ca ñaajāa nūcāricarāre cōa wiene, ñucā mu wāme mena ĩiri, pau wāmeri ca ĩa ñaaña manirije tii bau nii, jāa tiiwu,” ĩimirucuma. ²³ To cōrora yu pea o biro cūjare yu ĩirucu: “Jīcāti ũno peera mujare yu ĩa ñaatiwu. Yure camotati waarāja muja ñañarije ca tiirā,” cūjare yu ĩirucu.

Ca tūgoeña majigu, ca tūgoeña majitigu
(Mc 1.22; Lc 6.47-49)

* 7:6 Perlas. † 7:9 Pan: Judíos to cānacā rumura cūja ca baarique, wūabe ũno. ‡ 7:15 Lobos feroces.

§ 7:18 Bojoca añurā añurijere tii, ñañarā ñañarijera tii, tiima.

²⁴ ”To biri yu ca ñirijere tuori, yu ca ñirore biro ca tiigua, ca tugoeña majigu, ùtāga jotoara ca wii buaricare biro niimi. ²⁵ Oco pea, diari pai, tii wiire buaro wino paa puu cōa tuu, tiupe. To biro to ca tiicā pacaro, ùtāga jotoarena wii botarire cū ca nūcōrique niiri ñaatiupe. ²⁶ Yu ca ñirijere tuo pacagu, yu ca ñirore biro ca tiitigua, ca tugoeña bojoca catitigu, jita dupari yeparena ca wii buaricare biro niimi. ²⁷ Oco pea, diari pai, wino buaro to ca paa puurora, cague batecā ñaaduwi waaupe. To biro ca biirije pea do biro tii majiña maniro tugoeñarique paiorije biupe —ñi wedewi Jesús.

²⁸ Atere Jesús cū ca wede yapanoro, niipetirā bojoca cū ca bue majiorijere tuorā, ñee pee ñiticāwa, ²⁹ doti cūuriquere ca juo buerāre biro méé, añuro doti majirique mena cū ca bue majioro macā.

8

Ca cami boagure Jesús cū ca catorique

(Mc 1.40-45; Lc 5.12-14)

¹ Ùtāgu ca nii mña waari buuropu ca niiricu Jesús cū ca duwi dooro, pau bojoca cūre nūnupa. ² Tii tabere jicū ca cami boagu, Jesús puto ea, cū ājuro jupea mena cū jūguero ea nuu waari, o biro cūre ñiupi:

—Wioḡu, mña ca boojata, yu ca boa diarique cutirijere yure ametueneña —ñiupi.

³ To biro cū ca ñiro, Jesús pea cū amo mena cūre padeñari:

—Yu boo, cami manigu tuaya —cūre ñiupi. To biro cū ca ñirora, ca cami boamiricu jicāto cami manigupu tuacāupi. ⁴ To biro tii yapano, o biro cūre ñi nemoupi Jesús:

—Tuoya, jicū uno peerena wedeticāña. Díamacūra pai putopu waari, ññoña mña ca biiriquere. Ñucā Moisés niiquiricu cū ca tiicojo dotiriquere jee waaguja, paiaru cūja ca majipere biro ñigu —ñiupi.

Uwamarā upure pade bojari majure Jesús cū ca catorique

(Lc 7.1-10)

⁵ Jesús, Capernaúm macāre cū ca piya nūnua waaro, jicū romano uwamarā upu yure tii nemoña ñigu, Jesús puto dooupi. ⁶ O biro ñiwi:

—Wioḡu, wiipure yu paderi maju bñcāri, waa majiri méé, ñañaro peti punirije tamuo niijāwi —cūre ñiwi.

⁷ To biro cū ca ñiro, Jesús pea:

—Jañ. Cūre yu catiogu waarucu —cūre ñi yñwi.

⁸ To biro cū ca ñiro, uwamarā upu pea o biro cūre ñi yñwi:

—Wioḡu, yu, yu yaa wiire mure ca jāa dotipu uno méé yu nii. Yure pade bojari maju cū ca diarique ametuare wadore doti cojoya. Yure pade bojari maju caticoarucumi. ⁹ Yu cāa, yu wiorā cūja ca dotirijere ca tiigu yu nii. Yu cāa ñucā, uwamarā yu ca dotirije ca tiirāre yu cūo. To biri jicū cūja mena macūre, “Waaguja,” yu ca ñiro, waami. Ñucā apire, “Dooya” yu ca ñiro, doomi. Yure pade bojari maju cāare, “Teere tiya” yu ca ñiro, yu ca ñirore biro tiimi —ñiwi Jesús're.

¹⁰ Jesús pea atere tuogu, tuo uñacoawi. To biri o biro ñiwi cūre ca nūnūrāre:

—Yee méé mujare yu ñi: Ano Israel yepare jicū uno peerena ani to cōro buaro “Yure tii nemoarucumi,” cū ca ñi tugoeña bayirore biro ca biigure yu bua ea ñaati.

¹¹ To biri pañ, muirpū cū ca mña doori nñña macārā, cū ca ñaajāa waari nñña macārā, doori, Abraham, Isaac, Jacob jāa mena, Umureco Pacu cū ca doti niiri tabepure baa duwirucuma. ¹² Umureco Pacu cū ca doti niiri tabepure ca niiboricarā pea,* ca naitiari yepa pee cōa wiene ecorucuma, oti, cūja upi baca dupo, cūja ca biipa yepapure —ñiwi Jesús.

¹³ To biro ñi, uwamarā upu peera o biro ñiwi:

* 8:12 Judíos, Umureco Pacu cū ca jee dica wooricarā peti ca niirā pea ca naitiari yepa pee cōa wiene ecorucuma.

—Tua waaguja mu yaa wiipu. “Yure catio bojacarucumi,” mu ca ii tugoeña bayirore birora to biijato —cure iwi. Uwamarã upure pade coteri maju pea to biro cã ca iiri nimarora caticoaupi.

Pedro mañicõre Jesús cã ca catorique

(Mc 1.29-31; Lc 4.38-39)

¹⁴ Jiro Jesús, Pedro yaa wiipu waagu, Pedro mañicõ wiorique ca dia yojagore bua eaupi. ¹⁵ To biro cõ ca biiro, Jesús pea cõ amore cã ca padeñarora, wiorique jicãto yerijãacoaupi. To biri wãmu nãcã, “¿Maja doocãjãri?” cãjare ii jã boca juo waaupo.

Ca diarique cutirã paure Jesús cã ca catorique

(Mc 1.32-34; Lc 4.40-41)

¹⁶ Ca naio doori tabe ca niiro paũ bojoca ca wãtia jãa ecoricarãre jee waaupa Jesús putorũ. Jesús pea cã ca wederije menara yeri ñañarãre cõa wiene, ñucã niipetirã ca diarique cutirã cãare cãjare catio, tiupi. ¹⁷ Atea Umureco Pacu yee quetire wede jugueri maju Isaías niiquiricu:

“Cã majuropeera mani ca diarique cutirijere jee, puniro mani ca tamuorijere jee ura, tiiwi,” cã ca iiquirique ca iirore biro to biijato iiro, bii earo biiupa.†

Jesús're ca nũnũrugamiricarã

(Lc 9.57-62)

¹⁸ Paũ peti bojoca cure cãja ca nucũ amojodero iari, “Utabucura ape nuñarũ mani tia waaco,” iwi Jesús. ¹⁹ To biro cã ca iiri tabera, jicã doti cũuriquere bueri maju cã puto doori, o biro iwi Jesús're:

—Buegu, yũ cãa, noo mu ca waari taberi cõro mu mena yũ waa yujuruga —iwi.

²⁰ To biro cã ca iiro, o biro cure ii yũwi Jesús:

—Buu yairoa‡ cãja ca cãniri operi cuoma. Minia cãa cãja die batiri cuoma. Yũ, Ca Nii Majuropeegu Macũ pea, yũ ca cãniri tabe unora yũ cuoti —cure iwi.

²¹ Ñucã apĩ jicã cã buerã mena macũ o biro cure iwi:

—Wiogu, yũ pacure yũ yaa juogu waaruga ména —iwi.

²² To biro cã ca iiro, Jesús pea o biro cure ii yũwi:

—Yũ mena pee dooya. “Ca bii yairã majuropeera cãja jaarã ca bii yairãre cãja yaajato,” iicãña —iwi.

Winore, oco ca jaberijere, Jesús cã ca yerijãa dotirique

(Mc 4.35-41; Lc 8.22-25)

²³ To biro ii yapano, cũmuarũ ea jãacoawi. Cũ buerã cãa cure jãa nũnũ waawũ. ²⁴ Too jãa ca tia nũnũ waaro, ca niiro tujarora, utabucurare buaro wino paa puu, buaro oco jabe, biima iiro, ca duacoaparo cõropũ cũmuare oco jabe jãawũ. Jesús pea cãnicoaupi.

²⁵ To biro ca biiro, cũ buerã pea o biro cure jãa ii wãcõrã waawũ:

—Buegu, jãare ametueneña. Dua waarã mani bii —jãa ii acaro buiwũ.

²⁶ To biro jãa ca iiro, cũ pea o biro jãare ii yũwi:

—¿Ñee tiirã to cõro buaro maja uwiti? ¿“Manire ametueneñarucumi,” ii tugoeña bayiriquere no cõro petoacã peti maja cuocãti? —jãare iwi. To biro jãare iicã, wãmu nãcãri, winore, oco ca jaberijere to cõrora yerijãa dotiwi. To biro cã ca iirora, jicãto añuropũ yerijãa peticoawũ. ²⁷ To biro ca biirijere jãa pea ia ucucacoari, jãa majurope o biro jãa ameri ii jãinawũ:

—¡Ayó nija! ¿Ñiru uno peti cã niigajati ania, winorũra, oco ca jaberijerũra, cã ca dotiire biro añuro ca tuo nũnũjee ecogua? —jãa iiwũ.

Puarã Gadara yepa macãrã ca wãtia jãa ecoricarã

(Mc 5.1-20; Lc 8.26-39)

²⁸ Utabucura ape nuñarũ Gadara yeparũre Jesús cã ca tia earo, puarã ca wãtia jãa ecoricarã, maja operi watoarũ ca niiricarã ùmaa witi doori, Jesús puto eawa. Buaro peti

† 8:17 Is 53.4. ‡ 8:20 Zorras.

uwioro ca tiirã cūja ca niiro macã, jĩcũ ũno peera tii maare waatirucuupa. ²⁹ Cūja pea o biro ñi acaro buiwa:

—Jesús, Ƴmũreco Pacũ Macũ, jãare pato wãcõgũ dooticãña. ¿Tii cuu ca eatirora ñañaaro jãare tiigũ doogũ anopũ mũ doojãri? —ĩiwa. ³⁰ To biro cūja ca ñi niiri tabe jũguero jañuro peere ecaricarã yejea paũ baa niíwa. ³¹ To biri wãtĩa pea bũaro Jesús're o biro ñi jãíwa:

—Jãare mũ ca cõa wienejata, yejeapũre jãare jãa dotiya —ĩiwa.

³² To biro cūja ca ñiro, “Waarãja,” cūjare ñiwi Jesús. To biro cū ca ñirora, wãtĩa, Ƴmũapũre ca niiricarã witi waari, yejeapũre ñaaãa nũcã eawa. To cõrora yejea pea, niipetirãpũra upa tũdipũ ũmaa bua waa, Ƴtabũcũrapũ ñaañua, dua yai peticoawa.

³³ Yejeare ca cote niiricarã pea to biro ca biirijere ña Ƴcũa ũmaa duti tua waa, macãpũ earã, to biro ca biirique niipetirore, ñũcã ca wãtĩa jãa ecomiricarã cūja ca biirique cãare wedeupa. ³⁴ To biro cūja ca ñirijere tũori, tii macã macãrã niipetirã Jesús cū ca niiri tabepũre ñarã dooupa. To biri cũre ñarã, tii yepare cū ca niiro bootirã, “Aperopũ waacoagũja,” bũaro cũre ñiwa Jesús're.

9

Ca bũuricũre Jesús cū ca catorique

(Mc 2.1-12; Lc 5.17-26)

¹ Ate jiro Jesús cũmuapũ ea jãa, Ƴtabũcũra ape nũñapũ tĩa waa, cū yaa macãpũ eapũ. ² Toopũ cū ca earo, jĩcũ ca bũuricũre ca diagũre ami waarica quejero mena cũre yoo waaupa. Jesús pea, “Jesús cũre catiocãrucumi,” cūja ca ñi tũgoeña bayirijere ña majiri, o biro ñiupi ca bũuricũre:

—Macũ, tũgoeña tutuaya. Mee, ñañarije mũ ca tii bui cõtirique acoboriquerpũ nii — ñiupi.

³ To biro cū ca ñiro tũorã jĩcãrã, doti cũuquĩriquerẽ jũo bueri maja pea o biro ñi tũgoeñaupa: “Ani cū ca ñirijea Ƴmũreco Pacũre ñañaaro ñi tutirique niiro bii,” ñiupa.

⁴ Jesús pea to biro cūja ca ñi tũgoeñarijere majiri, o biro cūjare ñi jãíñaupi: “¿Ñee tiirã mũja to cõro peti ñañarije mũja tũgoeñarique cõtĩcãti? ⁵ ¿Ñee pee ñiricaro popiye méé to niiti, ‘Mee, ñañarije mũ ca tii bui cõtirique acoboriquerpũ nii,’ ñirique, ‘Wãmũ nũcãri waagũja,’ ñirique pee?” ⁶ Too docare, “Yũ, Ca Nii Majuropeegũ Macũ, ati yepa cãare ñañarije tiiriquerẽ yũ ca acobo majirijere mũja ca majipere biro ñigũ, mũjare yũ ñĩnorucu,” ñiupi. To cõrora o biro ñiupi ca bũuricũre:

—Wãmũ nũcãña. Mũ ca pejarica quejerore ami, mũ yaa wiipũ tua waagũja —cũre ñiupi Jesús.

⁷ To biro cū ca ñiro cū pea wãmũ nũcã, cū yaa wiipũ tuacoapũ. ⁸ Bojoca pea atere ñarã, bũaro uwi, Ƴmũreco Pacũre baja peoupa, to cõro peti doti majiriquerẽ bojocare cū ca tiicojorique jũori.

Mateore Jesús cū ca jũorique

(Mc 2.13-17; Lc 5.27-32)

⁹ Too ca niiricũ waagũ, yũ, Mateo ca wãme cõtigũ, Roma maquẽre wapa jee bojogu duwirica taberpũ yũ ca duwiro yũre ña bũari:

—Jamũ. Yũ mena dooya —yũre ñiwi Jesús. To cõrora wãmũ nũcã, cũre yũ nũnũcoawũ.

¹⁰ Jesús, yũ yaa wiipũ cū ca baa niiro, paũ Roma maquẽ wapa jee bojari maja, aperã bojoca ñañarije ca tiirique cõtĩrã, eari cūja cãa, Jesús, to biri jãa cū buerã mena baa duwiwa. ¹¹ Atere ñarã, fariseos pea o biro jãare ñi jãíñawa:

—¿Ñee tiigũ mũjare ca buegũ pea Roma maquẽre wapa jee bojari maja mena, ñañarã mena, cū baa bapa cõtĩ niiti? —ĩiwa.

¹² Jesús pea to biro cūja ca ñirijere tũori, o biro cūjare ñiwi:

—Añurã, ca diarique manirã, Ƴco tiiri majũre bootima. Ca diarique cõtĩrã Ƴco tiiri majũre booma. ¹³ Waari, ate ca ñirũgarijere to biro ñirũgaro ñi, ñi bue majirãja: “Mũjare yũ ca boo jãarijea, ca ña mairã mũja ca niipe pee nii. Waibũcũrã jĩari mũja ca joe jũti añũ

mæenerucurijere yu booti,” ca ïirijere. Yuu añurãre juogu doogu mée yu doowu. Ñañarã peere juogu doogu yu doowu —ïwi.

Betiri juu buerique maquere cÿja ca jãñarique

(Mc 2.18-22; Lc 5.33-39)

¹⁴ Jicã rumu Juan buerã Jesús puto eari, o biro cÿre ïi jãñawa:

—Jãa, to biri fariseos, pau tiiri betiri jãa juu buerucu. ¿Ñee tiirã mu buerã pea betiri cÿja juu buetiti? —ïwa.

¹⁵ To biro cÿja ca ïiro, Jesús pea o biro cÿjare ïi yuwi:

—¿To docare amo jiarica boje rumure cÿja ca juo cojoricarã, ca amo jiaru cÿja mena cÿ ca nii pacaro, buaro tugoeñarique pai yapa puarã cÿja nii cotebogajati? Viiorua earucu jicã rumu, ca amo jiarure cÿja ca ami weo waari rumu. To cõro docare betirucuma. ¹⁶ Jicã ñno peera, jutiro bucurore wãma quejero mena sere tuu queno majitimi. To biro cÿja ca tiijata, wãma quejero pee tãa duoma ïiro, jutiro bucuro peere tãa yegacãcu; ca yegari ope pea pairi ope waacu yua. ¹⁷ Nucã ñje oco wãmare, waibucu quejero poa bucu poarure pio jãaña mani. To biro tiijata, tii poa yega yaicoacu. To biri ñje oco cãa jite batecoa, tii poa cãa yegacã yai waa, biicu. To biri ñje oco wãmare waibucu quejero poa wãma poaru ca pio jãape nii. To biro tiiricaro, pua wãmerua añuro niicã —ïwi.

Jairo macõ, to biri Jesús jutirore ca padeñarico

(Mc 5.21-43; Lc 8.40-56)

¹⁸ Mena Jesús to biro cÿjare cÿ ca ïi niirora, jicã judíos uru ea, cÿ ãjuro jupearu mena cÿ juquero ea nuu waari, o biro ïwi Jesús're:

—Yu macõ mecãacãra bii yaicã yerijãa waamo. To ca bii pacaro doori, mu amo mena cõre ñia peogu dooya, caticoarucumo ñucã —ïwi.

¹⁹ To biro cÿ ca ïiro Jesús pea wãmu nucã, cÿ mena waagu, jãa, cÿ buerã mena bapa cuti waawi. ²⁰ Too jãa ca waaro Jesús jiro pee, jicõ nomio pua amo peti, ñpore puaga penituario niiri cÿmari peti díi ca waa yerijãatirije ca diarique cutigo doori, cÿ jutiro yararu padeñaupo, ²¹ o biro ïi tugoeñari: “Cÿ jutiro wadorenã yu ca padeña eyocãjata, tee menara diarique manigo yu tuarucu,” ïiri.

²² Jesús pea amojode nucã cõre ïari, o biro ïwi:

—Macõ, tugoeña tutuaya. “Jesús yure catiocãrucumi,” mu ca ïi tugoeña bayirije juori mu diarique ametuene eco —ïwi. Cõ pea to biro cõre cÿ ca ïiri tabe mena, diarique manigo tuawo.

²³ Jesús pea judíos uru yaa wiiru eagu, cõre cÿja ca yaaro ca baja coteparã ca queno yuericãrure, to biri bojoca buaro ca oti yugui niirãre ïari, ²⁴ o biro cÿjare ïwi:

—Anore witicoarãja. Atio wãmo bii yaitimo. Cãnigo tiimo —cÿjare ïwi. To biro cÿ ca ïiro tuorã, bojoca pea cÿre boca buicãwa. ²⁵ Cÿ pea cÿjare wiene peticãri, ca bii yairico cõ ca niiroru jãa waa, cõ niiquirico amore ñeewi. Cõ pea cati tua wãmu nucãcoawo. ²⁶ To biro Jesús cÿ ca tiirije, tii yepare queti jeja nucã peticoaupã.

Puarã ca ïatirãre, cÿja ca ïaro Jesús cÿ ca tiirique

²⁷ Jesús too ca niiricu cÿ ca waa nunua waaro, puarã ca ïatirã o biro cÿre ïi acaro bui nunjeewa:

—Jesús, David Pãrami, jãare boo paca ïaña —ïwa.

²⁸ Wiiru Jesús cÿ ca jãa waaro, ca ïatirã cÿ puto pee doowa. Cÿ pea o biro cÿjare ïi jãñawi:

—“¿Atere jãare ametuene cãrucumi,” mÿja ïi tugoeña nucã buoti? —cÿjare ïwi. To biro cÿ ca ïiro, cÿja pea:

—“Ûgjã Wiogu,” cÿre ïi yuwa.

²⁹ To cõrora Jesús pea cÿja capere padeñari, o biro cÿjare ïwi:

—“Jesús jãare catiocãrucumi,” mÿja ca ïi tugoeña bayirore birora to biijato —ïwi. ³⁰ To biro cÿ ca ïirora, añuro ïacoawa. Jesús pea buaropura:

—Atere aperã cūja ca majiro tiiticãña —cūjare ñi wede majiomiwi. ³¹ To biro cū ca ñi pacaro, cūja pea too ca niiricarã witi waarãra, Jesús cū ca tiiriquere tii yepa macãrã niipetirãpũre wede bato peoticãupa.

Ca wedetigũre cū ca wedero Jesús cū ca tiirique

³² Ca ñatirã ca niiricarã cūja ca witi waari tabera, jĩcãrã jĩcũ ca wedetigũ, ca wãtĩ jãa ecoricũre Jesús pũto ami doowa. ³³ Jesús, wãtĩre cū ca cõa wienerora, ca wedetigũ ca niirucumiricũ pea wedecoawi. Bojoca pea teere ña, ñee pee ñi majiticã, o biro ñiwa:

—Jĩcãti ñno peera, ano Israel yepapũre ate ñnore ñaña maniwũ —ñiwa.

³⁴ To biro cūja ca ñicãro, fariseos pea o biro ñi cotewa:

—Ania wãtĩa wiogũ majuropeera wãtĩare cõa wiene majiriquere cū ca tiicojoricũ niiri to biro tiimi —ñiwa.

Paderi maja mani jañucãma

³⁵ Jesús to cãnacã macãripũrena paca macãri, õcã macãriacã cãare, nea poo juu buerica wiijeripũ bue majio, añuriye queti Æmũreco Pacũ cū ca doti niiri tabe maquẽre cūjare wede, ñucã niipetirije diarique, cūja upũri ca punirijere ametũene, tii yujuwi. ³⁶ Paũ bojocare ñari, cūjare boo paca ñawi, tũgoeñarique pairã, do biro bii majiti, oveja cūjare ca cotegũ manirã cūja ca biirore biro cūja ca biiro macã. ³⁷ To biri jãa cū buerãre, o biro jãare ñiwi Jesús.

—Añuro petira, ote dica paũ peti niicã. Paderi maja pee paũacã méé niima. ³⁸ To biri mũja, oterique Æpũre jãña, paderi maja teere ca jeeparãre cū tiicojojato ñirã —ñiwi.

10

Cū buerã ca niiparãre Jesús cū ca beje jeerique

(Mc 3.13-19; Lc 6.12-16)

¹ Jesús, pũa amo peti, dũpore pũaga penituario ca niirã cū buerãre jũo cojori, yeri ñañarãre cõa wiene majiriquere, diarique ca niirije cõrorena, upũri ca punirijere, ametũeneriquere jãare upowi. ² Ate nii, jãa cū buerã, pũa amo peti, dũpore pũaga penituario ca niirã wãme:

ca nii jũogũ Simón, ñucã cũra Pedro ca wãme cõtigũ,

cū yee wedegũ Andrés,

Zebedeo puna, Santiago, cū yee wedegũ Juan,

³ Felipe,

Bartolomé,

Tomás,

yũ Mateo, Roma maquẽre wapa jee bojari majũ ca niiricũ,

Alfeo macũ Santiago,

Tadeo,

⁴ Zelote yaa puna macũ Simón,

Judas Iscariote, jiro Jesús're ca wedejãa buiyee cõapũ.

Jesús cū buerãre cū ca doti cojorique

(Mc 6.7; Lc 9.1-6)

⁵ Jesús jãa cū buerã pũa amo peti, dũpore pũaga penituario ca niirãre o biro ñi majiocãri, jãare tiicojo cojowi:

—Æmũreco Pacũre ca majitirã cūja ca niiri macãrire, ñucã Samaria yepa macã macãri cãare, waaticãña. ⁶ Israel yaa pooga macãrã, oveja ca maa wijia yairicarãre biro ca niirã peere waarãja. ⁷ Noo mũja ca waari taberi cõro, “Mee, Æmũreco Pacũ cū ca doti niiri cuu eacã doo,” cūjare ñi wedeya. ⁸ Ca diarique cõtĩrãre cūjare diarique ametũene, ca bii yairicarãre cūja ca cati tuaro tii, cami boarique ca diarique cõtĩrãre catio, wãtĩare cõa wiene, tiiya. Mũja atere tii maji tutuariquere wapa maniro mũja ñeeuwũ. To biri to biiro mũja ca tiirijere wapa jãiticãña.

⁹ ”Mũja wẽñarica daare mũja ca yoori poare oro, plata, cobre ñnora, jee jãa waa,

¹⁰ wajorpoa ñnora, juti mũja ca wajoa jãñape ñnora, dũpo juti mũja ca wajoape ñnora,

ñucã tuericagu unora, jee waaticãña. Paderi majua tee wapara baarique eca eco majimi. ¹¹ Jicã macã, pairi macã unore, peti macãacã unore, earã, bojocu ca añugu unore amari, cã yaa wiira niicãña. Apero mũa ca waari rumurũ tii wiire witiya. ¹² Wiire jãa waarã, tii wii macãrãre añu doti jãa eaya. ¹³ Tii wii macãrã teere ca boorã uno cũa ca niijata, añuro niirique cũjare mũa ca boo jãarije mũa ca boorore birora cũjare biirucu. Teere ca bootirã cũa ca niijata, mũa peera añuro niirique yai nacãtirucu. ¹⁴ Mũjare booti, mũa ca wederijere tuorugati, cũa ca biijata, to cõrora tii wiire, tii macãre, witi waarã, jita mũa dupore ca niirijere paa bate cũu, waacoarãja. ¹⁵ Yee mée mũjare yũ ii: Umureco Pacũ cũ ca ãa bejeri rumũ ca niiro, tii macã macãrã Sodoma, Gomorra macãri macãrã ñañaro cũa ca tamuricarõ ametuenero, ñañaro tamurucuma.

Ñañaro cũa ca tiiruga nunujeepe

¹⁶ "Iaña. Ovejare biro ca niirãre, macãnucũ yaia ca uwiorã* watoapure mũjare yũ tiicojo. To biri añu cũ ca biirore biro ca bii majirã niina. Bii pacarã, búã cũ ca biirore biro ñañarije ca tiitirã niina. ¹⁷ Bojoca catiri niina, uparã putopũ mũjare jee waa, nea poo juu buerica wiijeripura mũjare bape, ¹⁸ ñucã yũ yee juori, macãri uparã putoripũ, wiorã putoripũ mũjare jee waarucuma. To biro cũa ca tiiro, yũ yee maquẽre wiorãre, Umureco Pacure ca majitirãre, mũa wederucu. ¹⁹ Mũjare ñeeri, uparãpure mũjare cũa ca tiicojoro, mũa ca ñipere, "¿Do biro mani ñirãti?" ñi tugoeñarique paiticãña. Mũa ca wedepa tabe ca earo, Umureco Pacũ mũa ca wedepere mũjare majiorucumi. ²⁰ Mũa mée mũa wederucu. Mũa Pacũ yũ Añuri Yeri, mũjarure ñaajãa nacãri, mũjare wede bojagu ñirucumi.

²¹ "Cũ yee wedegu, cũ yee wedegurena cũa ca jãa cõaro tii, cũ pacũ cũ macurena wedejãa buiyee cõacã, ñucã cũa puna cãa cũa pacurena ãa junari, cũjare cũa ca jãa cõaro tii, tiirucuma. ²² Yũ yee juori, niipetirã mũjare ãa tutirucuma. To biro ca biirije watoara ca tugoeña bayi yapano nacãcãgua, ametuarucumi. ²³ Ñucã jicã macãre ñañaro mũjare tiirugarã cũa ca nunujata, ape macã pee duticoarãja. Yee mée mũjare yũ ii. Israel yepa macã macãrire mũa ca waa yuju petitirora, yũ, Ca Nii Majuropeegu Macũ, yũ eacã doorucu.

²⁴ "Jicũ bueri majũ peera, cãre ca buegu ametuenero majitimi. Ñucã jicũ pade coteri majũ peera, cũ upũ ametuenero niitimi. ²⁵ Ca buegua, cãre ca buegu cũ ca biirore biropũ cũ ca bii earo añu. Ca pade coteri majũ cãa, cũ upure biropũ cũ ca bii earo añu. Wii upurena, "Beelzebú"† cũa ca ñicãjata, cũ yaa wii macãrã pee docare ametuenero ñicuma.

¿Ñirure ca uwipe to niiti?

(Lc 12.2-9)

²⁶ "Bojocarena uwiticãña. Jicã wãme uno peera jicãrãra majirique, majiña manirijera biicã yerijãa waa, ca biirije mani. Ñucã yaioropũ ca niirije cãa, majiña manirijera biicã yerijãa waa, biiti. ²⁷ Yaioropũ mũjare yũ ca ñirijere pau cũa ca tuo cojoropũ wede bateya. Ñucã mũa wadorena yũ ca ñirije cãare, wiijeri jotoapũ mua pears, acarõ bui wede bateya.

²⁸ Upure ca jãa cõarãrena uwiticãña. Mani yeripura jãa cõa majiticuma. Upure, mani yeripũ cãare, pecame ca ñũ yerijãatiri pecamerũ ca joe cõagu pee docare uwiya.‡ ²⁹ ¿Jicã tiicã, wapa tiirica tii wapara purãrã miniare to noniña maniti? To ca bii pacaro, mũa Pacũ cũ ca bootijata, jicũ uno peera ñaacoa, biitima. ³⁰ Cũa, mũa cãare, mũa dupuga maquẽ poare tii daari cõorena cũ ca cõo peotiriquerũ cõocãmi. ³¹ To biri uwiticãña. Mũa, pau minia ametuenero ca wapa cutirã mũa nii.

Jesucristo yeere bojocare ca wederã

(Lc 12.8-9)

³² "No ca boogu yure ca tuo nunujeegu yũ yee maquẽre bojocare cũ ca wedejata, yũ cãa, yũ Pacũ umureco tutipũ ca niigure, cãre yũ wede bojarucu. ³³ Bojoca cũa ca tuo cojoro,

* 10:16 Lobos: Ca bojoca ñañarãre ñigu cũ ca ñirica wãme nii. Lc 10.3. † 10:25 "Wãtia wiogu," ñirugaro ñi. ‡ 10:28 Umureco Pacũ.

“Jesús're yu majiti” ca ñigura, yu cãa, “Cũre yu majiti” yu ñirucu, yu Pacu umureco tutipũ ca niigũre.

Jesús, dica watiricaro ca tiigũ

(Lc 12.51-53; 14.26-27)

³⁴ ” “Ati yepare añuro niiriquere jee doogu biijacupi,” yũre ñi tugoeñaticãña. Añuro niirique jee doogu méé yu biiwũ. Añuro jicãri mena ca nii majiña manirije peere jee doogu yu doowũ.

³⁵ “Jicũ umũ, cũ pacũrena ña juna,
cõ macõ cõ pacorena ña juna,
cõ macũ nũmo cõ mañicõrena ña juna,
cũja ca biipere jee doogu yu doowũ.

³⁶ To biri cũja ca niiro cõrorena cũjare ca ña tutirã, cũja yaarãra niirucuma.”§

³⁷ Yũre cũ ca mairo ametũenero, cũ pacũre, cũ pacore ca maigua, yu yeere tii nunjeee majitimi. Ñucã yũre cũ ca mairo ametũenero cũ macũre, cũ macõre, ca maigua, yu yeere tii nunjeee majitimi. ³⁸ Yu yee juori, ñañoaro tamũo ca bii nunjheetigua, yu yeere tii nunjeee majitimi. ³⁹ Cũ ca cati niirijere ca maigua, cũ ca catipere buatirucumi. Yu yee juori, ñañoaro ca tamũo yaigua, cũ ca caticõa niipere buarucumi.

Mani ca wapa taape

(Mc 9.41)

⁴⁰ ”Añuro mũjare ca ñeegũa, yũrena ñeegũ tiimi. Yũre ca ñeegũa, yũre ca tiicojo cojoricũrena* ñeegũ tiimi. ⁴¹ Umureco Pacu yee quetire wede jugueri majũre, Umureco Pacu yee quetire wede jugueri majũ cũ ca niiro macã, añuro ca jãi bocagua, Umureco Pacu yee quetire wede jugueri majũ cũ ca wapa taaro cõrora wapa taarucumi. Ñucã ca añugũre añugũ cũ ca niiro macã, añuro cũre ca jãi bocagua, añugũ cũ ca wapa taaro cõrora wapa taarucumi. ⁴² Yee méé mũjare yu ñi: No ca boogu, yũre ca tuo nunjeeperã mena macũre petoacã ca oco tãagua, jicũ yũre ca tuo nunjeeperã mena macũre cũ ca tiirije ca niiro macã, tee wapa wapa ñeetigũra tua, biitirucumi —jãare ñiwi Jesús.

11

Jesús, to biri bojocare Uwo Coeri majũ Juan

(Lc 1.17; 7.18-35)

¹ Jesús, jãa cũ buerã pũa amo peti, dũpore pũaga penituario ca niirãre wede majio yapano, too ca niiricũ Galilea yepa macã macãripũ cũjare bue majio, añurije quetire wede, tii yujugũ waacoawi.

² Uwo Coeri majũ Juan tia cũurica wiipũ niigũ, Cristo cũ ca tii niirijere queti tũori, cũ buerã mena macãrã pũarãre:

³ —¿Mũra mũ niiti, “Mesías doorucumi” cũja ca ñiricu? ¿Mẽna apĩre jãa yuerãtiqué? —ñi jãiña dotigũ tiicojo cojoupi.

⁴ To biro cũja ca ñiro, Jesús pea o biro cũjare ñi yũwĩ:

—Waari, mũja ca ñarijere, mũja ca tuorijere, Juan're wede dooya. ⁵ Ca ñatirã ñama; upa yuriri cãa waa majima; ca cami boamiricãrã cũja diariquere ametũene ecoma; ca tuotirã cãa tuocoama; ca bii yairicãrã cãa cati tuama; ñucã ca boo pacarã cãa, añurije quetire wede ecoma. ⁶ ¡Ujea niña, yu yee juori ca tugoeña maa wijiaticũ! Cũre ñi wede dooya —ñiwi Jesús.

⁷ Juan buerã cũja ca waaro jiro, Juan yee maquẽre bojocare o biro ñi wede juo waawi Jesús:

—¿Ñeere ñarã waarã, ca yucũ maniri yepapũ mũja waari? ¿Jicã wãjo wino ca paa puurije mena ca yugui nucũri wãjore ñarã waarã mũja biiri? ⁸ Tee méere ñarã mũja ca biijata, ¿Ñeere ñarã waarã mũja biiri? ¿Jicũ, añurije ca juti jãñagũre ñarã waarã mũja waari? Mũja maji. Bojoca añurije ca juti jãñarã, wiorã yaa wiijeripũ niima. ⁹ To

§ 10:36 Mi 7.6. * 10:40 Umureco Pacu.

docare ¿ñee peere ñarã waarã m̄ja waari? ¿Jĩcũ Ɖm̄reco Pacũ yee quetire wede j̄gueri majure ñarã waarã m̄ja biiri? Cũ petire ñarã waarã m̄ja biijacupa. Ɖm̄reco Pacũ yee quetire wede j̄gueri majũ ametuenero ca niigure ñarã m̄ja biijacupa. ¹⁰ Ɖm̄reco Pacũ wederiquerũ: “Yũ yee quetire wederi majure m̄ j̄guero cũre yũ tiicojo, m̄re cũ maa queno yuejato ñigũ,”* cũja ca ñi owaquĩricũra niimi Juan.

¹¹ “Yee méé m̄jare yũ ñi: Jĩcũ unopeera ati yeparũ ca banaricũ, Uwo Coeri majũ Juan ametuenero ca nii majuropeegũ maniupi. To ca bii pacaro, Ɖm̄reco Pacũ cũ ca doti niiri tabepũra watoa macũ ca niigũra, Juan ametuenero ca nii majuropeegũ niimi. ¹² Uwo Coeri majũ Juan cũ ca niirica tabe mena, to biri mecũrũ mena Ɖm̄reco Pacũ cũ ca doti niirije, ñañaro ca tamũorije watoara bii nũnũa waa. Teere ca tuorugagirã, teere tii yaiorugamima. ¹³ Ɖm̄reco Pacũ yee quetire wede j̄gueri maja niipetirã, to biri doti cũurique, cũja ca wede j̄guerique Juan menara bii yapano eaupa. ¹⁴ Yũ ca ñirijere díamacũ m̄ja ca tuorugajata, Juan, Ɖm̄reco Pacũ yee quetire wede j̄gueri majũ, “Elías doorucumi” cũja ca ñiricũra niimi. ¹⁵ Ca amoperi cutirã tuoya yũ ca ñirijere.

¹⁶ “¿Ñee mena ati cuu macãrã bojocare yũ ñi cõõñabogajati? Wimarã macã yeparũ† epe duwirã, cũja mena macãrãre o biro ca ñi acaro bui duwirãre biro niima:

¹⁷ “Tõrogare jãa putimijãwũ,
m̄ja pea m̄ja bajatijãwũ;
boori bajare jãa bajamijãwũ,
m̄ja pea m̄ja otitijãwũ,”

ca ñi ameri acaro bui duwi yujurãre biro niima. ¹⁸ Juan baati, uje ocore‡ jiniti, ca biigũ dooupi.§ Teerena cũja pea “Ca wãtĩ jãa ecoricũ niimi,” cũre ñima. ¹⁹ Jiro yũ, Ca Nii Majuropeegũ Macũ, baa, jini ca tiigũ yũ doowũ. Teerena cũja pea, “Ca baa pacagũ, ca cũmu paigũ, ñañarã mena macũ, ñucã Roma maquẽre wapa jee bojari maja mena macũ niimi,” yũre ñima. Biirorũ, Ɖm̄reco Pacũ cũ ca majirijea tee ca tii niirije menarũ bii bau nii ñño —ñiwi Jesús.

*Ca ametuenero nũcãri macãri
(Lc 10.13-15)*

²⁰ To cõrora Jesús, rarũ peti ca ña ñaña manirije cũ ca tii bau nii ññorica macãri macãrã, teere ña pacarã tũgoeña yeri wajoari, Ɖm̄reco Pacũre cũja ca tuo nũnũjeetirije jũori, o biro ñi tuti jũo waawi:

²¹ —¡Abé nija, Corazín, Betsaida ñañaro peti m̄ja biirucu! M̄ja watoare, ca ña ñaña manirije yũ ca tii bau niiriquere Tiro, Sidón macãri macãrã peere yũ ca tii bau nii ññojata, mee tĩrũmũrũra ñañaro cũja ca tiiriquere, ñañaro bii tũgoeñarique pai, tũgoeña yeri wajoa, biibojacupa. ²² “Ɖm̄reco Pacũ cũ ca ña bejeri rũmũ ca niiro, Tiro, Sidón macãrã ametuenero ñañaro m̄ja tamũorucu,” m̄jare yũ ñi. ²³ M̄ja Capernaúm macãrã, ¿“Ɖm̄reco tutipũ jãa ami m̄a waa ecorucu,” m̄ja ñi tũgoeñati? “Ca ñcũari opere ca ñcũa majuropeeri tabepũ m̄ja cõa duwio ecorucu. M̄ja watoare ca ña ñaña manirije yũ ca tii bau niiriquere, Sodoma macãrã peere tii bau nii ññorique to ca niijata, ati rũmũripũ cãare niicãbocuma. ²⁴ Ɖm̄reco Pacũ cũ ca ña bejeri rũmũ ca niiro, Sodoma yepa macãrã ametuenero, ñañaro m̄ja tii ecorucu,” m̄jare yũ ñi —ñiwi Jesús.

*Yũ mena doori yerijãaña
(Lc 10.21-22)*

²⁵ Tii rũmũrire o biro ñiwi Jesús:

—Añuro m̄re yũ ñi nũcũ buo Cáacu, ati unũreco, ati yepa Ɖpũre, ca majirãre, ca tũgoeña puorãre, m̄ ca yaioriquere watoa macãrã peere m̄ ñño. ²⁶ Ɖgã, Cáacu, o birora ca biiro m̄ boowũ.

* 11:10 Mal 3.1. † 11:16 Macã decomacã macã yepa, apeye noniri maja cũja ca niiri tabe. ‡ 11:18 Vino. § 11:18 Lc 1.21.

²⁷ "Yn Pacu, niipetirijepurena yure tiicojowi. Jicũ uno peera, cũ Macũ yn ca niirijere majitima. Yn Pacu wado majimi. Nũcã jicũ uno peera, yn Pacu cũ ca niirijere majitimi. Yn cũ Macũ, to biri cũ Macũ yn ca boorã wadore cũja ca majiro yn ca tiirã wado, majima.

²⁸ "Yn mena pee dooya mũa niipetirã, mũa paderiquere juti, tũgoeñarique pai, ca biirã. Yn, mũa ca yerijãaro mũjare yn tiirucu. ²⁹ Yn ca dotirijere tii nunũjee, yn ca biirique cutirijere ãa cõo, tiya. Yna, ca bojoca añugũ, ca yeri pato wãcãtigũ, yn nii. To biro biirã, mũa ca cati niirijepũ yerijãarique mũa buarucu. ³⁰ Yn ca dotirijea, yn ca biirore biro mũjare yn ca bii dotirijea, popiye mée nii —ĩwi Jesús.

12

Yerijãarica rũmũ Wiogu

(Mc 2.23-28; Lc 6.1-5)

¹ Tii rũmũre Jesús, yerijãarica rũmũ ca niiro, oterique watoare waa nunũa waawi. Jãa, cũ buerã pea queyama ãirã, trigore tune jeeri jãa baawũ. ² Teere ãari, fariseos pea o biro ãiwa Jesús're:

— ãaña. Mũ buerã yerijãarica rũmũre ca tii dotirijere tiima —ĩwi.

³ To biro cũja ca ãiro, cũ pea o biro cũjare ãi yũwi:

— ¿Mũa, jicãti David, cũ mena macãrã mena queyama ãigũ cũ ca tiiriquere mũa bue ñaatiti? ⁴ Æmũreco Pacu yaa wiipũ jãa waari, Æmũreco Pacu yee cũja ca jee dica woorique pan're,* cũ, cũ mena macãrã cãa, cũja ca baatipe unorena, paia wado cũja ca baarijerena baaupa. ⁵ Nũcã Moisés cũ ca doti cũurique, "Paia ñañarije tiirã mée tiima, Æmũreco Pacu yaa wiipũre, yerijãarica rũmũre cũja ca yerijãaticãjata cãare," ¿Ca ãirijere mũa bue ñaatiti? ⁶ "Anora Æmũreco Pacu yaa wii ametũenero ca nii majuropeegu yn nii," mũjare yn ãi. ⁷ Ate: "Mũjare yn ca boo jãarijea, ca ãa mairã mũa ca niipe pee nii, waibucũrã ãari mũa ca joe mũenerucurijere yn booti," ca ãirijere mũa ca tão puocãjata,† ñañarije ca tiitirãrena, ñañaro mũa tiitibocu. ⁸ To biri yn, Ca Nii Majuropeegu Macãa, yerijãarica rũmũre ca doti majigũ yn nii —cũjare ãiwi.

Ca amo buuricũre Jesús cũ ca catorique

(Mc 3.1-6; Lc 6.6-11)

⁹ To ca niiricu waagu, tii tabe macã wii, nea poo juu buerica wiipũ jãa waawi. ¹⁰ Tii wiipũre niipũ jicũ, ca amo buuricũ. "¿Do biro cũ ca tiiro cũre mani wedejãarãti!" ca ãi niirã niiri, o biro cũre ãi jãiñawa Jesús're:

— ¿Judíos cũja ca yerijãari rũmũre ca diarique cutirãre to catio doticãti?‡ —ĩwi.

¹¹ To biro cũja ca ãiro, Jesús pea o biro cũjare ãi yũwi:

— ¿Nii mũa mena macũ, jicũ oveja ca cõogũ, cũ yũ oveja yerijãarica rũmũre opaopũ cũ ca ñaajãacoaro, jicãtora waari, cũre cũ ami muenetiti? ¹² Bojocu pee doca oveja ametũenero wapa cutimi. To biri yerijãarica rũmũre añurijere tii doti —ĩwi.

¹³ To biro ãi, ca amo buuricũre o biro cũre ãiwi:

— Mũ amore juu pooya —ĩwi. To biro cũ ca ãiro, cũ pea cũ amore cũ ca juu poorora, ape amore biro añuri amo tuawũ. ¹⁴ To biro cũ ca tiiro ãarã, fariseos pea witi waari, Jesús're cũja ca jãapere ameri wede peni jũo waupa.

Æmũreco Pacu cũ ca beje amiricu

¹⁵ To biro cũja ca ãi niirijere majiri, Jesús pea too ca niiricu waacoawi. Paũ bojoca cũre nunũ waa, cũ pea ca diarique cutirã niipetirãre cãtiori, ¹⁶ cũ yee maquẽre "Paũ cũja ca tũoropũ wedeticãña," cũjare ãiwi. ¹⁷ Ate pea Æmũreco Pacu yee quetire wede jũgueri maju Isaías, o biro cũ ca ãiũriique cũ ca ãiricarore biro to biijato ãiro biiwi:

¹⁸ "Ani niimi yure pade bojari maju, yn ca beje amiricu, yn ca maigu, cũ ca tii niirijere yn ca ãa cãjea niigu.

* 12:4 Pan consagrado para Dios. † 12:7 Os 6.6. ‡ 12:10 Judíos cũja ca yerijãarica rũmũa viernes're muiipũ cũ ca ñaajãa waari tabe bii jũo, ñucã sãbado peera muiipũ cũ ca ñaajãa waari tabe peti.

Yn Yerire cüre yn tiicojorucu. Cũ pea bojoca poogaari niipetirãpũre añurije quetire wederucumi.

¹⁹ Ameri tuti, acaro bui, iitirucumi.

Jĩcũ uno peera wiijeri watoa macã maaripũ cũ ca wederijere tuotirucuma.

²⁰ Ca tũgoeña bayitirãre, ñucã wãma ca tuo maji jũo doorã cãare, “To birora cũja biicãjato,” iitirucumi.

Añurije pee wado ca bii ametua nũcãropũ tii nemo yerijãarucumi.

²¹ Bojoca poogaari cõrora, ‘Cũ ca iĩrore biro manire tii nemorucumi,’ iĩ yue niirucuma,” cũ ca iĩrique.[§]

Jesús, to biri Beelzebú

(Mc 3.19-30; Lc 11.14-23; 12.10)

²² Jĩcũ umũ iati, wedeti, ca biigũ ca wãtĩ jãa ecoricũre Jesús pũto cüre ami dooupa. Jesús pea, cũ ca iaro tii, cũ ca wedero tii, cüre tii catiowi. ²³ To biro cũ ca tiiro, niipetirã bojoca do biro pee iĩ majiticã, o biro iĩwa:

—¿Ania, David Pãramira cũ niigajati? —iĩwa.

²⁴ To biro cũja ca iĩrijere tuori, fariseos pea o biro iĩwa:

—Ania Beelzebú,* wãtĩa wiogũ majuropeera cũ ca yeri tutuarijere cũ ca tiicojoricũ niiri, wãtĩare cõa wiene majimi —iĩwa.

²⁵ Jesús pea to biirije cũja ca iĩ tũgoeñarijere ca majicãgũ niiri, o biro cũjare iĩwi:

—Jĩcã yepa macãrãra cũja majuropeera camotaticãri cũja ca ameri iã juna nijata, cũja majuropeera ameri jãa peticã yai waacuma. Ñucã jĩcã macã macãrãra, jĩcã wii macãrãra, cũja ca ameri iã juna nijata, añuro nii majiticuma. ²⁶ To birora Satanás cãa, Satanás'rena cũ ca cõa wienecãjata, cũ majuropeera camotatigũ tiimi. ¿To biro cũ ca tiijata, do biro pee tiicãri, to birora cũ doti tutuacõa nii majibogajati? ²⁷ “Mũja, Beelzebú cũ ca yeri tutuarije mena wãtĩare cõa wienemi,” yũre mũja iĩ. To biro to ca biijata, mũja ca buerijere ca tuo nunũjeerã peera, ¿ñiru cũ tiicojoti, wãtĩare cũja ca cõa wiene tutua majipere? To biri cũjara bii iĩnocãma, no ca boorora mũja ca iĩ maa wijiarijere.† ²⁸ Umũreco Pacũ yũũ Añuri Yeri jũori, wãtĩare yũ ca cõa wienejata, “Mee, Umũreco Pacũ cũ ca doti niiri tabe mũjarũre ea yerijãa,” iĩrugaro bii. ²⁹ ¿Jĩcũ uno, jĩcũ ca tutuagũre cũ ca jia dopo jũotijata, do biro tiicãri cũ yaa wiire jãa waari, cũ yeere cũ jee duti majibogajati? Cüre jia dopocã jũoripũ doca, cũ yeere jee duti majibocumi. ³⁰ Yn mena ca niitigũna, yũre ca junagũ niimi. Yn mena ca jee neotigũna, no ca boorora ca dee batecãgũ niimi. ³¹ To biri mũjare yũ iĩ: Umũreco Pacũ, bojoca ñañarije cũja ca tiirije niipetirore, ñañarije cũja ca iĩrije niipetirore, acoborucumi. Añuri Yerire ñañaro ca iĩ tutigũ docare, acobotirucumi. ³² No ca boogũ, yũ, Ca Nii Majuropeegũ Macũre, ñañarije cũ ca iĩmijata cãare, to biro cũ ca iĩriquere acobocãrucumi Umũreco Pacũ. Añuri Yerire ñañarije ca iĩ tutigũ docare, ati cuu cãare, to biri ati yepare cũ ca wajoaro jiro macã cuupũ cãare, to biro cũ ca iĩriquere acobotirucumi.

Yucũgũre tiigũ dica mena iã majirique nii

(Lc 6.43-45)

³³ “Yucũgũ añuricũ to ca nijata, añurije dica cõtirucu. Ñañaricũ to ca nijata, ñañarije dica cõtirucu. Yucũre ca dica mena iã majirique nii. ³⁴ ¡Añaa punaa! Mũjarũra ñañarã niicã pacarã, ¿do biro pee biicãri, añurije mũja iĩbogajati? Yeripũ ñañarije tũgoeñariquerena wede, ujero. ³⁵ Bojocũ ca añugũ, añurije wedemi, cũ yeripũre añurije ca niiro macã. Ñañagũ cãa, ñañarije wedemi, cũ yeripũre ñañarije ca niiro macã. ³⁶ To biri o biro mũjare yũ iĩ: Umũreco Pacũ bojocare cũ ca iã bejeri rumũ ca earo, niipetirãpũra no ca boorije docuorije cũja ca iĩrica wãmeri cõrorena cüre wederucuma.

§ 12:21 Is 42.1-4. * 12:24 Beelzebú. Wãtĩa wiogũ. Hebreos, cananeos yũũ jũguẽ Baal're, Baal-zebul “becoa upũ” iĩrã cũja ca iĩrica wãme niupa. 2R 1.2-3. † 12:27 cũjara niicãrucuma mũjare ca iã bejerã.

³⁷ Mɔja ca wederije jɔrira, “Ca ñañarije manirã,” ñi eco, tee jɔrira ñañaro tii eco, mɔja biirucu —ñiwi Jesús.

Jonás cū ca bii ñño jɔguerique
(Mc 8.12; Lc 11.29-32)

³⁸ To biro cū ca ñiro, jĩcãrã fariseos, to biri doti cūuriquere ca jɔo buerã mena macãrã, o biro ñiwa Jesús're:

—Buegɔ, jĩcã wãme, ca bii ññori wãme mɔ ca tii bau niirijere jãa ñaruga[‡] —ñiwa.

³⁹ To biro cūja ca ñiro o biro cūjare ñi yɔɔwi Jesús:

—Anija bojoca ñañarã Ƴmureco Pacɔre ca tuo nɔnɔjeetirã, jĩcã wãme ca ña ñañañã manirije tii bau niiriquere jãima. To biro cūja ca ñimijata cãare, jĩcã wãme ɔno peera, Ƴmureco Pacɔ yee quetire wede jɔgueri majɔ Jonás cū ca biirique ametɔeneropɔra, ca ña ñañañã manirije tii bau ñi ñño ecotirucuma. ⁴⁰ Jonás itia rɔmɔ, itia ñami, wai paigɔ paa totipɔ cū ca jãñaricarore birora yɔ, ca Nii Majuropeegɔ Macɔ cãa, yɔre cūja ca yaa cõaro ca bii yairã cūja ca niiri taberɔre itia rɔmɔ, itia ñami niiri jiro yɔ cati tuacoarucu ñucã. ⁴¹ Nínive macãrã, ati cuu macãrãre Ƴmureco Pacɔ cū ca ña bejeri rɔmɔ ca niiro cati tuari, ñañaro mɔjare tiirucuma. Nínive macãrã, Jonás cū ca wederijere tuo, ñañaro cūja ca tiiriquere tɔgoeña yeri wajoari, Ƴmureco Pacɔ peere tuo nɔnɔjeepa. Ano ca niigɔ pea, Jonás ametɔenero ca niigɔ niimi. ⁴² Ñucã jõcũ jiro macã yepa macõ ɔpo niiquĩrico cãa, ati cuu macãrãre cū ca ña bejeri rɔmɔ ca niiro cati tuari, ñañaro mɔjare tiirucumo. Cõa, ca yoaropɔ macõra dooupo, Salomón cū ca majirijere tɔorugo. Ano ca niigɔ pea, Salomón ametɔenero ca majigɔ yɔ ca ñimijata cãare, yɔre mɔja tuo juna.

Wãtĩ yeri cū ca tua earije
(Lc 11.24-26)

⁴³ Jĩcũ wãtĩ bojocɔpɔre ca niiricɔ witi waari jiro, ca bopori yeparipɔ waa yujucumi, cū ca yerijãa niipa tabere ama yujugɔ. Cū ca buatijata, o biro ñi tɔgoeñacumi: ⁴⁴ “¡Agó nija! Yɔ yaa wii, yɔ ca witi weorica wiipɔra yɔ tua waarucu ñucã,” ñicumi. Tua eagɔ, ca bojoca maniri wiire añuro woa batecã, añuro quenocã, tiirica wiire biro cūre ñacumi. ⁴⁵ To biri waa, aperã wãtĩa, cū ametɔenero ñañarã petire jĩcã amo peti, ape amore pɔaga penituario ca niirã peti cūjare jɔo neo, cūja mena jĩcãri cūpɔre niirã jãa waacuma. To biri jɔguero cū ca biiricaro ametɔeneropɔ ñañaro tamɔocumi. O biri wãmera cūjare biirucu, anija bojoca ñañarãre —ñiwi Jesús.

Jesús paco, to biri cū bairã
(Mc 3.31-35; Lc 8.19-21)

⁴⁶ Ména Jesús bojocare to biro cū ca ñi wede niirora, cū paco, cū bairã, cū mena wede penirɔgarã dooupa. Macãpɔra cūja ca tua nɔcãro macã, ⁴⁷ jĩcũ Jesús're o biro ñi wedewi: —Mɔ paco, mɔ bairã, mɔ mena wede penirɔgarã, õo macãpɔ yue nucũjãwa —ñiwi.

⁴⁸ To biro cū ca ñiro, Jesús pea cūre ca wedegɔ eagure o biro cūre ñi yɔɔwi:

—¿Ñiruo cõ niiti yɔ paco? ¿Noa cūja niiti yɔ bairã? —cūre ñiwi. ⁴⁹ To biro ñi, jãa, cū buerã peere juu pua cojori, o biro ñiwi:

—Yɔ paco, yɔ bairã, anija niima. ⁵⁰ No ca boorã, yɔ Pacɔ, ɔmureco tutipɔ ca niigɔ cū ca boorore biro ca tiirã niima, yɔ bai, yɔ baio, yɔ paco, ca niirã —ñiwi Jesús.

13

Oteri majure cū ca ñi cõõña wederique
(Mc 4.1-9; Lc 8.4-8)

¹ Tii rɔmurena Jesús, wiipɔ ca niiricɔ witi waa, ɔtabɔcɔra tɔjaropɔ ea nuu eawi. ² Pau bojoca cūre cūja ca nea pooro macã, Jesús pea cūtuapɔ ea jãa, ea nuu waawi, bojoca pea jita dupari yeparipɔra cūja ca tua nɔcãro ɔno. ³ Toopɔ niicãri, paɔ wãmeri ñi cõõñarique mena cūjare wede jɔo waawi. O biro ñiwi:

[‡] 12:38 “Ƴmureco Pacɔ cū ca tiicojo cojoricɔra mɔ ca niirijere ca bii ññori wãmere mɔ ca tiiro jãa ñaruga.”

—Jícũ oteri majũ otegu waaupũ. ⁴ Cũ otere cũ ca dee bate ote nunna waaro, ote ape jícãgaari maapũ ñaaupe. To biro ca biirijere minia eari, baacãuparã. ⁵ Apeye ãtã watoa ca jita mani jañuropũ ñaaupe. Tee oterique yoari méé wiicoaupe. Ca jita ẽje meniroacã ca niiro macã, ⁶ muipũ aji mũa doogũra, teere aji jĩa batecãupũ. Nũcõri manima iiro jinicoaupe. ⁷ Apeye oterique pota watoapũ ñaaupe. Pota yucũ pee teere bucua ametuene, wii bũato yaiocãupe. ⁸ Apeye oterique pea añuri jitaupũ ñaaupe. Tee pea añurije wii, bucua, añurije dica cutiupe. To biri jícã jati cien'gaari dica cutiupe. Ape jati setenta, ape jati treinta, dica cutiupe. ⁹ Ca amoperi cutirã tũoya yũ ca iirijere —iwi Jesús.

*¿Ñee tiiro ñi cõõnarique to niiti?
(Mc 4.10-12; Lc 8.9-10)*

¹⁰ Jiro jãa, cũ buerã pea Jesús pũto pee waa:

—¿Ñee tiigu bojocare ñi cõõnarique mena cũjare mũa wedeti? —jãa ñi jãiñawũ.

¹¹ To biro jãa ca iiro, o biro jãare ñi yũwi Jesús:

—Mũjara, Ƴmũreco Pacũ cũ ca doti niiri tabe maquẽ ca majiña manirije ca niimiri-
quere, mũja ca majiro mũjare tiimi. Cũja peera to biro tiitimi. ¹² To biri yũ yee quetire
aperãre ca wede majiogũra, bũaro jañuro tũo majirique cũre tiicojorique niirucu. To
biri majiriquere paio cõorucumi. To biro ca tiitigũra, petoacã cũ ca tũo majimirique
menapũra ẽmacãrique niirucu. ¹³ To biri ñi cõõnarique mena cũjare yũ wede. Ca ñacãrã
nii pacarã, ca ñatirãre biro biima. Ñucã ca tũocãrã nii pacarã, ca tũotirãre biro tũo majiti
biicãma. ¹⁴ O biro cũja ca biirije, Ƴmũreco Pacũ yee quetire wede jũgueri majũ Isaías
niiquĩricũ o biro cũ ca ñiquĩricarore biro biiro bii:

”Bũaro ca tũocãrã nii pacarã, tũo puotirucuma.

Bũaro ca ñacãrã nii pacarã, ña majitirucuma.

¹⁵ Ati pooga macãrã, cũja yeripũra ca tũo nunũjeerũgatirã jeeñacã yai waama.

Cũja amoperi tiarique cõocãma.

Cũja capegaari cãa biarique niicã, to biro cũja ca biitijata,

cũja cape mena ña,

cũja amoperi mena tũo,

cũja ca cati niirijepũ teere tũo puo,

tũgoeña yeri wajoa, biibocuma,

yũ pea cũjare yũ catiobocu.*

¹⁶ ”Mũja, mũja ca ñarije cape cuti, mũja ca tũorije amoperi cuti, ca biirã pea, ẽjea niiña.

¹⁷ Yee méé mũjare yũ ñi. Paũ Ƴmũreco Pacũ yee quetire wede jũgueri maja, ca bojoca
añurã, mũja ca ñarijere ñarũga, mũja ca tũorijere tũorũga, biimiupa. To biro bii pacarã
tũoti, ñati, biiupa.

*Oteri majũre cũ ca ñi cõõnariquere cũ ca wede majiorique
(Mc 4.13-20; Lc 8.11-15)*

¹⁸ ”Tũoya. Oteri majũre ñi cõõnari yũ ca wedejãrije o biro iirũgaro ñi: ¹⁹ Ƴmũreco
Pacũ cũ ca doti niiri tabe maquẽ quetire tũo pacarã, ca tũo puotirã, oterique maapũre
ca ñaariquere biro niima. Ƴmũreco Pacũ wederiquere cũja yeripũ añuro cũja ca tũo
ñeemiriqueacãre, Satanás doori, cũjare ẽmacãmi. ²⁰ Oterique ãtã watoapũ ca ñaarique
pea, añurije quetire tũorã, jícãtora ẽjea niirique mena ca tũo ñeerã niima. ²¹ Oterique ca
nũcõri mani jañuricarore birora, cũja cãa tũgoeña tutuatima. Añurije queti jũori ñañaro
cũjare ca biirora, ñucã aperã ñañaro cũjare cũja ca tiirũga nunũjeero uwima iirãra, to
cõrora teere camotaticãma. ²² Oterique pota watoapũ ca ñaarique pea, añurije quetire
añuro tũo nunũjee pacarã, ati yepa maquẽ peere bũaro boo tũgoeña, ñucã paio apeye
cutirique peere boo ametuene biima iirã, pota watoapũ ca ñaariquere, ca dica manirora
ca wii biato yaio ecoriquere birora biicãma. To biri ate niipetirije cũja ca boo tũgoeñarije
pee nii ametuenema iiro, añurije queti peera, cũ ca otemiriquere ca dica manirora ca wii
bũato yaioricarore biro cũjare tii yaiocã. ²³ Oterique añuri jitaupũ ca ñaarique pea, añuro

* 13:15 Is 6.9-10.

dica cūti, jīcā jati cien, sesenta, treinta apegaari ca dica cūtiricarore birora biima, añurije quetire tuori, añuro ca tuo nunujeerā —jāare ñi wedewi Jesús.

Taa ñañarijere cū ca ñi cōña wederique

²⁴ Ape wāme ñi cōñari wedewi ñucā Jesús:

—Ūmureco Pacu cū ca doti niiri tabea, jīcū cū yaa wejepure ote añurije ca otericure biro nii. ²⁵ To biro cū ca tiimiriquere jīcū cūre ca ña tutigu, niipetirā cūja ca cāni ditoye eari, trigo watoapure taa ñañarijere ote, waacoaupū. ²⁶ Jiro, trigo cū ca oterique wii, bucua yapano, oo yucu nūcā, ca biiri tabera, taa ñañarijere cāa tee watoare wiiupe. ²⁷ To biro ca biiro, paderi maja pea tii weje upure o biro cūre ñirā waauparā: “¡Wioгу! Mū yaa wejere añurije mū ca oterique nii pacaro, ¿do biro biicāri, taa ñañarijere cāa to wiijapari?” cūre ñiuparā.

²⁸ “To biro cūja ca ñiro, tii weje upū pea o biro cūjare ñiupū: “Jīcū yure ca ña tutigu to biro tiijacupi,” ñiupū.

”To biro cū ca ñiro, paderi maja pea o biro cūre ñi jāiñauparā: “¿Waari, taa ñañarijere jāa ca wēe batecāro mū booti?” ñiuparā.

²⁹ “To biro cūja ca ñiro, cū pea o biro cūjare ñiupū: “Waaticāña. Taa ñañarijere wēe batema ñirā, trigo menara mūja wēe batecābocu. ³⁰ Tee menara jīcāri to bucucājato. Ca dicare jeerica tabepū trigore ca jeerāre: “ ‘Taa ñañarijere peere jee juori, upa dotori jiaya, teere joe baterugarā. To biro tii yapanoripū trigore jeeri, yū yaa wii baarique queno cūurica wiipū queno cūuña, ’ cūjare yū ñirucu,” cūjare ñiupū tii weje upū —ñi wedewi Jesús.

Mostaza apegare ñi cōñari cū ca wederique

(Mc 4.30-32; Lc 13.18-19)

³¹ Ape wāme ñi cōñari wedewi ñucā Jesús:

—Ūmureco Pacu cū ca doti niiri tabea, jīcū cū wejepure mostaza apegacāre cū ca otericarore biro nii. ³² Niipetirije ote apegaari ametuenero petigaacā peti nii pacaro, bucua waaropua, ote, wejepure ca niiri yucu ametuenero pairicu bucua. To biri minia tiigu dupuripure cūja die batiri queno, cūja ca tii niimore birora bii —ñi wedewi Jesús.

Ca wauaro ca tiirije mena ñi cōñarique

(Lc 13.20-21)

³³ Ati wāme ñi cōñari wedewi ñucā Jesús:

—Ūmureco Pacu cū ca doti niiri tabea, jīcō nomio trigo wetare itia bapa cōori,† niipetiri burupura to waua peticoajato ñigo, ca wauaro ca tiirijere cō ca ayiarore biro bii —ñiwi.

Jesús cū ca ñi cōña wederije

(Mc 4.33-34)

³⁴ Ate niipetirore ñi cōñarique mena wado ñiro wedewi Jesús, bojocare. Dije uno peerena, ñi cōñatigura cūjare wede, tiitiwi. ³⁵ Ate pea Ūmureco Pacu yee quetire wede jūgueri majū:

“Ñi cōñarique mena wado yū wederucu.

Ūmureco Pacu, ati ūmurecore cū ca jeeño juori tabepura ca majiña manirije ca niiriquere cūjare yū wederucu,”‡

cū ca ñi jūguericarore biro bii earo biiwū.

Taa ñañarijere maquēre cū ca wede majiorique

³⁶ Jiro Jesús bojocare waarique wui yapano, waa, wiipū jāa waawi. To biro cū ca biiro, jāa, cū buerā pea cū puto waari, o biro cūre jāa ñi jāiñawū:

—Jāare wedeya, do biro ñirugaro to ñiti, taa ñañarijere wejepure ca wiiriquere ñi cōñari mū ca wedejārije —jāa ñi wū.

³⁷ To biro jāa ca ñiro, o biro jāare ñi wedewi Jesús:

† 13:33 8 kilos. ‡ 13:35 Sal 78.2.

—Ote añurijere ca otegua, yu Ca Nii Majuropeegu Macū yu nii. ³⁸ Oterica yepa pea, ati umureco nii. Ote añurije pea Umureco Pacu yaarāre iiro īi; taa ñañarije pea Satanás yaarāre iiro īi. ³⁹ Ca ĩa tutigu taa ñañarijere ca otericu pea Satanás niimi. Ote dicare jeerique pea, ati umureco ca peti peere iiro bii. Ca dicare ca jeerā pea, Umureco Pacure pade bojari maja[§] niima.

⁴⁰ ”To biri taa ñañarijere jeeri, pecamepu joe batericarore birora biirucu, ati umureco ca petiro. ⁴¹ Yu, Ca Nii Majuropeegu Macū, yu ca doti niiri yepare ñañarije tii, aperāre ñañaro cūja ca tiiro tii, ca tii niirā niipetirāre, yu jee neo doti cojorucu, yure ca pade bojari majare. ⁴² Cūjare jee neo yapano, pecame ca ũu yatitiri pecamepu cōa joerucuma, cūja upire baca dupo tuu, oti, cūja ca biipa tabepure. ⁴³ To biro cūja ca biiri tabere, ca ñañarije manirā pea, muipū umureco macūre biro boe bate niirucuma, cūja Pacu cū ca doti niiri tabepure. Ca amoperi cutirā tuoya yu ca ĩirijere.

Ca wapa pacarije yaioropu ca niirijere cū ca ĩi cōñarique

⁴⁴ ”Umureco Pacu cū ca doti niiri tabea, ca wapa pacarijere jicā yepapu yaio cūuricarore biro nii. Jicū umu teere bua, ñucā toora teere yaio cūu, buaro ujea niirique mena waa, cū yee apeye niipetirijere noni peticā, tee wapa mena tii yepare wapa tii ami, cū ca tiitore birora bii.

Perla mena cū ca ĩi cōñarique

⁴⁵ ”Ñucā Umureco Pacu cū ca doti niiri tabea, jicū, apeye noniri maju, perlas añurijere ca ama yujugure biro nii. ⁴⁶ To biri jicāga buaro ca wapa pacaricare buari, waa, cū yee apeye niipetirijere noni peticā, tee wapa mena tiigare wapa tii ami, cū ca tiitore birora bii.

Bapigure cū ca ĩi cōñarique

⁴⁷ ”Ñucā Umureco Pacu cū ca doti niiri tabea, jicāgu bapigure dia pairi yaapure cōañua cojoricaro, wai cūja ca niiro cōrora cūja ca yoorore biro nii. ⁴⁸ Bapigure wai cūja ca jāa dadaro ĩa, wai jīari maja pea, jita dupari yepa pee wee maa waa, añurāre piwupu jee jāa, ñañarā peera cōañuacā, cūja ca tii duwirore biro bii. ⁴⁹ O biri wāmera biirucu, ati umureco ca petiro. Umureco Pacu puto macārā, niipetiri taberipu waari, añurā watoare bojoca ñañarāre bojoricaro cūjare jee dica woorucuma. ⁵⁰ Ñañarāra pecame ca ũu yatitiri pecamepu cūjare cōa joerucuma. Buaro oti, cūja upire baca dupo tuu, cūja ca biiparopure —īi wedewi Jesús.

Wāma wāme, bucū wāme

⁵¹ To biro ĩi yapano, o biro ĩi jāiñawi Jesús:

—¿Ano yu ca ĩirije niipetirijere mija tuo puoti? —īiwi.

To biro cū ca ĩiro, “Ĕgjá Wioгу,” jāa ĩi yuwu.

⁵² To biro jāa ca ĩiro, o biro jāare īiwi Jesús:

—Jicū, doti cūuriquere ca juo buegu, Umureco Pacu cū ca doti niiri tabe maquēre cū ca buejata, wii upure biro biimi. Cū yaa wii maquē cū ca queno cūurije wāmare, to biri bucure, jee wiene majimi —jāare ĩi wedewi Jesús.

Nazaret'pu Jesús cū ca biirique

(Mc 6.1-6; Lc 4.16-30)

⁵³ Jesús atere ĩi cōña wede yapano, too ca niiricu waacoawi. ⁵⁴ Cū yaa yepa majuropeepure eagu, cūja yaa wii cūja ca nea poo juu bueri wiipu waari, bojocare bue juo waawi. Too macārā pea teere tuo, do biro pee ĩi majitima ĩirā:

—¿Ania, ate niipetirije cū ca majirijera, noopu cū buejapari? ¿Do biro biicāri, ca ĩa ñaña manirije tii bau nii majirique cāare cū tii majiti? ⁵⁵ ¿Ania, yucu pīiri paderi maju José macū,* ñucā María macū méé cū niiti? ¿Santiago, José, Simón, Judas jāari jūwu méé cū niiti? ⁵⁶ ¿Ñucā ano mani watoa ca niirā cāa, cū bairā romiri méé cūja niiti? ¿Ate

§ 13:39 Ángeles. * 13:55 Carpintero.

niipetirije cū ca majirijere noopu cū buajapari? —ameri iwi. ⁵⁷ To biirije cūre ca iirā niiri, cū ca wederijere tuo nunujeerugatiwa.

To biro cūja ca biiro iari, Jesús pea o biro cūjare iwi:

—Jicū Umureco Pacu yee quetire wede jugueri majure niipetiri taberipure cūre nucū buoma. Cū yaa macā majurope macārā, cū yaa wii macārā majurope pea, cūre nucū buotima —iwi. ⁵⁸ To biri cū ca wederijere díamacū cūre cūja ca tuo nunujeetiro macā, tii macāre niigu ca ia űaana manirijere pau tii bau niitiwi.

14

Juan're cūja ca paa taa cōarique
(Mc 6.29; Lc 9.7-9)

¹ Tii rumurira Galilea yepa wiogu Herodes, Jesús cū ca tiirijere cūja ca wedero tūori, ² cūre ca pade coterāre o biro iupi:

—Cūa, Uwo Coeri maju Juan niiquiricu, ca cati tuaricu niicum. To biri ca ia űaana manirije tii bau nii majiriquere cūocumi —iupi. ³ Herodes pea, cū bai Felipe numo Herodías jūori, Juan're űee dotiri, come daa mena jari, tia cūurica wiipu cūre cūu dotiupi. ⁴ Ména, Juan pea to biro cū tiijato iigu: “Cōre numo cutigu, doti cūurique ca tii dotitirijere mu tii,” iupi Herodes're. ⁵ Herodes pea Juan're jiaruga nii pacagu, bojoca peere uwiupi, niipetirā “Juan Umureco Pacu yee quetire wede jugueri majura niimi,” cūja ca ii nucū buogu cū ca niiro macā.

⁶ To ca bii pacaro, Herodes cū ca baarica rumu uno ca earo cū ca tiiri boje rumure, Herodías macō pea niipetirā Herodes cū ca juo cojoricarā cūja ca ia cojoropu bajago wia waaupo. Herodes pea cō ca bajarijere ia mecūma iigu, o biro cōre iupi: ⁷ “No ca boorije mu ca jāirijere mre yu tiicojo majuropeecārucu. ¡Yee méé mre yu ii!” cōre iupi. ⁸ Cō pea cō paco cō ca wede majiorico niiri, o biro iupo Herodes're:

—Jotu barapu Juan dupugare jāari, yure tiicojaya —cūre iupo. ⁹ To biro cō ca iiro tuogu, buaro tugoeña paiupi Herodes. Buari, niipetirā cū ca juo cojoricarā cūja tuo cojoropu: “Mu ca jāirijere yu tiicojo majuropeecārucu,” cū ca iirique ca niiro macā, cō ca iirore biro tii dotiupi. ¹⁰ To biri cū umare tia cūurica wiipu ca niigu, Juan dupugare paa taa doti cojoui. ¹¹ Jiro jotu barapu ami jāa ami waari, wāmore cōre tiicojoupa. Cō pea, cō pacopare tiicojoupo. ¹² To biro cūre cūja ca tiiriquere queti tuo, cū buerā ca niiricarā eari, cū upari niiquiriquere ami waa, yaa cōa yapanori jiro, Jesús're wederā waaupa.

Pau bojocare Jesús cū ca baarique ecarique
(Mc 6.30; Lc 9.10-17; Jn 6.1-14)

¹³ Jesús pea teere cūja ca queti wedero tūori, too ca niiricu, jāa, cū buerā mena cūtuapu ea jāa, juo waacoawi ca bojoca maniro pee. Toopu jāa ca waariquere majiri, tii macāri macārā pea maapu jāare nunu waaupa. ¹⁴ To biri Jesús utabucura ape nuñapu tīa ea maa nucāgu, pau bojoca cūja ca niiro iawi. Cūjare ia boo pacari, ca diarique cutirā cūja ca jee waaricarāre cūjare catio bojawi.

¹⁵ Jāa, cū buerā pea, naiocoaro ca biiro iarā Jesús puto pee waa, o biro cūre jāa iwu:

—Mee űamica niicoa. Anoa ca bojoca maniroru nii. Bojocare, “Waarāja,” cūjare iīña. Macāpu waari, cūja ca baapere cūja wapa tiirā waajato —cūre jāa iwu.

¹⁶ To biro jāa ca iiro, Jesús pea o biro jāare ii yuwi:

—űeere iirā waaticuma. Mujara cūjare baariquere ecaya —iwi.

¹⁷ To biro cū ca iiro, jāa pea:

—Jāa, anora jicā amo cōro pan'gaariacā, wai puarācā to cōrona jāa cūo —cūre jāa iwu.

¹⁸ To biro cūre jāa ca iiro tuo:

—Ano pee ami dooya —jāare iwi Jesús. ¹⁹ Ii yapano, bojocare taa yepapu cūjare duwi dotiwi. Duwi doti yapano, pan jicā amo cōro ca niiricare, wai puarā mena jeeri, umureco pee ia mēene cojori, Umureco Pacure:

—¡Añu majuropeecā! Añurije jāare ĩa cōa peo bojaya —ĩi juu bue yapano, pan'gaarire pee batori, jāa cū buerāre noniwi. Jāa pea bojocare jāa batowu. ²⁰ To biro jāa ca tiirijere, niipetirāpura baa yapı peticoawa. Jāa pea ca dıjarıjere jee neo, pua amo peti, dıpore puağa penituario niiri pijeeri peti jāa jee jāa dadowu. ²¹ Teere ca baaricarā pea jıcā amo cōro mil umua niıwa, nomia, wımarā cōña maniro niirā.

Oco jotoara Jesús cū ca waarique

(Mc 6.45-52; Jn 6.16-21)

²² Ate jiro Jesús, jāa, cū buerāre cūmuarpu ea jāa dotiwi, bojocare cū ca waarique wui ditoye, cū jıguero ape nuñarpu cūja tıa waa yuecājato ĩıgı. ²³ Bojocare waarique wui cojo yapano, utāgı jotoarpu jıcūra juu buegı mıacoaupı Jesús. Ména, ca naioro jiro jıcūra toora niicāupi. ²⁴ Mee, jāa pea yoaropı jāa tıjacā tıa waawı. Wıno buaro jāa ca waaro peera paa puu dooma ĩıro, jāa cūmuare uwıoro, oco jabe cōa tuu niıwu.

²⁵ To biro jāa ca bii paja yujuro, ca boeparo jıgueroacā jāa puto pee doo nunua doowi Jesús. “¡Nıjı! Oco jotoara doocā nunua doowi.” ²⁶ Oco jotoara cū ca doo nunua dooro ĩa ucıacoarı, buaro uwırique mena:

—Wātıro doo béé —jāa ĩi acaro buıcoawı. ²⁷ To biro jāa ca ĩıro, Jesús pea o biro jāare ĩi cojowi:

—Yerıjāa waarāja. Yıra yı nii. Uwıticāña —jāare ĩıwi.

²⁸ To biro cū ca ĩıro, Pedro pea o biro ĩıwi Jesús're:

—Wıogı, mıra mı ca niıjata, oco jotoara mı pıtopı yıre waa dotıya —ĩıwi.

²⁹ To biro cū ca ĩıro:

—Dooya —cūre ĩıwi. To biro cū ca ĩıro, Pedro, cūmuarpu ca jāñarıcu wācā ñaa, oco jotoara Jesús cū ca niıro díamacū waacā nunua waawi. ³⁰ Too waa nunua waagı, wıno buaro ca paa puuro ĩa uwıma ĩıgıra, duacā nunua waawi. “Duacā yai waagı yı bii,” ĩıma ĩıgıra, o biro ĩi acaro buıwi Pedro:

—Wıogı, yıre ñeegı dooya —ĩıwi Jesús're.

³¹ To biro cū ca ĩıro, Jesús pea cū amore juu cojo, cūre ñeeri, o biro cūre ĩıwi:

—¡Petoacā peti yıre mı tuo nunıjeecā! ¿Ñee tiıgı, “Yıre tıi nemocārucımı,” mı ĩi tıgoeña bayıtıjarı? —ĩıwi. ³² Cūmuarpu cūja ca ea jāarora, wıno paa puu yerıjāacoawı.

³³ To cōrora, jāa, cūmuarpu ca niirā pea:

—Mıa díamacūra, Umıreco Pacı Macūra mı nii —jāa ĩi nıcū buowı Jesús're.

Genesaret'pu ca diarāre Jesús cū ca catorıque

(Mc 6.53-56)

³⁴ To biro bii tıa waa, Genesaret yeparıre jāa eawı. ³⁵ Toopı jāa ca earo, too macārā pea Jesús're ĩa majiri, too cū ca earo, too pıtori macārā niipetirāpıre queti wede bate peotıcā cojoupa. Niipetırā ca diarıque cutırāre jeecāri, Jesús puto ³⁶ “Jāa cāare petopıra, mı jutıro yapaacā unorena, jāare padeña dotıya,” ĩi eawa. Niipetırā cū jutırore ca padeñarā cōrora catı peticoawa.

15

Bojocıre ca ñañorıje

(Mc 7.1-23)

¹ Jıcārā farıseos, to bırı dotı cūurıquere ca jıo bueri maja, Jerusalén'pu ca doorıcarā Jesús puto earı, o biro ĩi jāıñawa:

² —¿Ñee tiırā mı buerā pea manı ñıcū jımıa cūja ca tıi jıo doorıquere cūja tıi nunıjeetıtı? ¿Ñee tiırā baarıgarā jıguero amo coerıquere cūja tıi nunıjeetıtı? —ĩıwa.

³ To biro cūja ca ĩıro, Jesús pee cāa o biro cūjare ĩi jāıñawi:

—¿Ñee tiırā mıja cāa, mıja ñıcūa cūja ca tıi jıo doorıque peere tıi nunıjeerıgarā Umıreco Pacı cū ca dotı cūurıquere mıja tıi nunıjeetıtı? ⁴ O biro ĩıupi Umıreco Pacı: “Mı pacıre, mı pacore nıcū buoya.* Cū pacıre, cū pacore ñañaro ca ĩıgıa, jıa cōacārıcu

* 15:4 Ex 20.12; Dt 5.16.

niirucumi,”† iŋupi. ⁵ To biro cū ca ŋi cūurique ca nii pacaro, mŋja pea o biro mŋja iŋrucu: “Jīcū, cū pacure, cū pacore, ‘Yŋ yee niipetirije Ūmureco Pacure yŋ ca nonijārije wado nii. To biri mŋjare yŋ tii nemo majiti,’ iicā majimi. ⁶ To biirije ca iŋgŋa, cū pacure, cū pacore cū ca tii nemorucuricare biro tii nemo majitimi yua,” mŋja ŋi wederucu. O biirije iicāri, Ūmureco Pacu cū ca doti cūurique peere tee jāa ŋiri mēe mŋja bii yaiocā, mŋja majuropeera mŋja ca iŋrije pee wadore tii nŋnŋjeema iŋrā.

⁷ ŋWatoara ca bii dito pairā! Díamacŋra iŋquŋupi Ūmureco Pacu yee quetire wede jŋgueri majŋ Isaiās, mŋja yee maquēre iŋgŋ:

⁸ —“Anija, ŋjero iŋrique wado yŋre ŋi nŋcŋ bŋoma.

Cŋja yeri pea aperopŋ niicā.

⁹ Yee petira yŋre ŋi nŋcŋ bŋocāma.

Cŋja ca buerijea, cŋja majuropeera cŋja ca tii doti niirije nii,”‡ cū ca iŋquŋiquerera —cŋjare iŋwi Jesús.

¹⁰ To biro cŋjare ŋi yapano, bojocare jŋo cojori, o biro cŋjare iŋwi Jesús:

—Atere tŋori añuro tŋo puoya: ¹¹ Baarique ŋjero pee ca jāa waarije mēe bojocare ŋañarā cŋja ca niiro tii. Cŋja ŋjero mena pee ŋañarije cŋja ca wede wienerije pee nii, bojocare ŋañarā cŋja ca niiro ca tiirije —iŋwi.

¹² To biro cū ca iŋro jāa cū buerā pea cū pŋto pee waari, o biro cŋre jāa ŋi jāiŋawŋ:

—ŋMŋ ca iŋjārijere tŋori, fariseos cŋja ca ajiacoajārijere mŋ majiti? —cŋre jāa iŋwŋ.

¹³ To biro jāa ca iŋro:

—No ca boorije yŋ Pacu, ŋmureco tutipŋ ca niigŋ, cū ca otetiriquea, niipetirijepŋra ca nŋcōri menapŋra wēe bate ecorucu. ¹⁴ To birora cŋjare iŋacāna. Ca iŋtirāre biro nii pacarā, aperā ca iŋtirāre ca jŋguerāre biro ca niirā niima cŋja. No jīcū ŋno ca iŋtigŋra, apī ca iŋtigŋre cū ca jŋgue waajata, cŋja pŋarāpŋra operŋ ŋaajāacoarucuma —jāare iŋwi Jesús.

¹⁵ To biro cū ca iŋro jiro, Pedro pea: “Mŋ ca ŋi cōoŋa wedejārijere jāare wede majioŋa,” iŋwi Jesús're.

¹⁶ To biro cū ca iŋro, o biro ŋi yŋwŋi Jesús pea:

—ŋMŋja cāa ména mŋja tŋo puoticāti? ¹⁷ ŋŪjero pee ca jāa waarije niipetiro ŋta miji daari pee waa, jiro witi baterŋgaro mŋja ŋi majititi? ¹⁸ Ūjero pee ca witiirije doca, bojocare ŋañarā cŋja ca niiro ca tiirije nii, cŋja yeripŋ ŋañarije tŋgoeŋacāri cŋja ca wede wienerije niima iŋro. ¹⁹ Bojoca cŋja yeripŋ ŋañarijere tŋgoeŋama. Jīariquere, apī nŋmopŋre tii eperiquere, tiirica wāme cōro mēéŋ ŋee epericarā cŋti yai waariquere, jee dutiriquere, ŋi ditorique, aperāre acarō bui tutiriquere, ŋi wienema cŋja ŋjero mena. ²⁰ Ate nii, bojocare ŋañarā cŋja ca tuaro ca tiirije. Amo coetigŋra cū ca baarijēa bojocare ŋañagŋ cū ca niiro tiiti —iŋwi.

Cananea díamacŋ cō ca tŋo nŋcŋ bŋorique

(Mc 7.24-30)

²¹ Jiro, too ca niiricarā, Tiro, Sidón ca wāme cŋtiri yepa pee jāa waacoawŋ. ²² Toopŋ jāa ca earo, jīcō nomio tii yepa macō cananea, Jesús pŋtore o biro ŋi acarō bui eawo:

—Wiogŋ, David Pārami, yŋre boo paca iŋaŋa. Yŋ macō wātī jāa ecocāri ŋañaro peti tamŋomo —cŋre ŋi eawo.

²³ To biro cō ca ŋi pacaro, Jesús pea cōre yŋwtiwi. To biro cū ca biiro iŋa, jāa, cū buerā pea, cū pŋtoacā waari, o biro cŋre jāa iŋwŋ:

—Cōre tii nemocāna nija. Mani jiro acarō bui nŋnŋjee doomo —jāa iŋwŋ.

²⁴ To biro jāa ca iŋro tŋo, o biro iŋwi Jesús:

—Ūmureco Pacua, Israel yaa pooga macārā, oveja ca yairicarāre biro ca niirā wadore tii nemo dotigŋ yŋre tiicojowi —iŋwi.

²⁵ To biro cū ca ŋi pacaro, nomio pea cū jŋguero cō ājŋro jupearī mena ea nuuri:

—Wiogŋ, yŋre tii nemoŋa —cŋre iŋwo.

† 15:4 Ex 21.17; Lv 20.9. ‡ 15:9 Is 29.13. Cŋjara cŋja ca iŋrijerena, “Ate nii Ūmureco Pacu manire cū ca tii dotirije,” ŋi wederucuma.

²⁶ Jesús pea o biro cõre ïi yuwi:

—Cũ puna cõja ca baarije pan're emari, yaia peere cũ ca ecajata, añuti —cõre ïiwi.

²⁷ To biro cũ ca ïiro, o biro cõre ïiwo cõ pea:

—To birora bii biioru, Wiogu. To biro to ca bii pacaro, yaia cãa, cõja uparã cõja baa baterijere baama —ïiwo Jesús're.

²⁸ To biro cõ ca ïiro, o biro cõre ïiwi Jesús:

—¡Nomio, díamacũ peti mu tuo nuñjee majuropecã! Mu ca boori wãmere birora to bijjato —ïiwi.

To biro cõre cũ ca ïirije menara, cõ macõ pea jicãto caticoauo.

Pa bojoca ca diarique cutirãre Jesús cũ ca catorique

²⁹ Too ca niiricarã waa, Galilea utabucura tujaropũ jãa eawũ. Jiro, buuro jotoaru maa waa, ea nuu waawi Jesús. ³⁰ To biro cũ ca biiro, pa bojoca cõre nea poo eawa. Cõja yaarã ca diarique cutirã, upa yuriri, ca ïatirã, ca dicari pojaricarã, ca wedetirã, to biri aperã pa ca diarique cutirãre, Jesús puto jee eawa. To biro cũja ca tiirãre, Jesús pea cõjare catio bojawi. ³¹ Bojoca pea ca wedetimiricarã wede, ca dicari pojaricarã cãa añucoa, upa yuriri añuro waa majicoa, ñucã ca ïatimiricarã cãa ïacoa, cũja ca biiro ïarã, ñee pee ïiticãwa. Teere ïari, Israel Umureco Pacure ïi nucũ buowa.

Pa bojocare Jesús cũ ca baarique ecarique

(Mc 8.1-10)

³² Jiro Jesús, jãa, cũ buerãre juo cojori, o biro jãare ïiwi:

—Anija bojocare buaro cõjare yu boo paca ïa, mee itia ruu niicoa yu mena cõja ca niiro. Baarique uno cuotima. Baari méé ca biirãrena cũja yaa wiijeripũ yu tuenecojorugati. To biro yu ca tiijata, waa bayiti, maa decomacãrira dia ñaacoabocuma —ïiwi.

³³ To biro jãare cũ ca ïiro, jãa pea o biro cõre jãa ïiwũ:

—To cõro pa bojoca ca niirãre mani ca ecapere, ano uno ca bojoca maniorure ¿do biro pee tiicãri baariquere mani buarãti? —jãa ïiwũ.

³⁴ To biro jãa ca ïiro, o biro jãare ïi jãinãwi Jesús:

—¿Mũja pea no cõro pa pan'gaari mũja cuoti? —ïiwi. To biro cũ ca ïiro:

—Jicã amo peti, ape amore puaga penituario niirije pan'gaari, to biri no cãnacãrã mééacã jãa wai cuo —cõre jãa ïiwũ.

³⁵ To biro jãa ca ïiro, bojocare yeparu duwi doti cojowi. ³⁶ To biro ïi yapano, jicã amo peti, ape amore puaga penituario ca niirije pan'gaari, to biri wai menare jeeri, Umureco Pacure: “Añu majuropecã,” ïi yapano, pee bato noni cojowi, jãa cũ buerãre. Jãa pea bojoca peere jãa noni bato cojowũ ñucã.

³⁷ To biro cũ ca tiirijere niipetirãpũ baa yapi peticoawa. Ca dujariquere jãa ca jee neoro, jicã amo peti, ape amore puaga penituario niiri pijeeri peti dadawũ. ³⁸ Teere ca baaricarã pea bapari mil peti umua niwa, nomia, wimarã, cõõña maniro niirã. ³⁹ Jiro Jesús, bojocare waarique wui, cõmuaru ea jãa, jãa waacoawũ, Magadãn ca wãme cutiri yepa pee waarã.

16

Tii bau niiriquere cũja ca ïarugarique

(Mc 8.11-13; Lc 12.54-56)

¹ Fariseos, to biri saduceos, Jesús puto doori, cõre ïi buiyee ñaarã, Umureco Pacu cũ ca tiicojoricura cũ ca niirijere ca bii ñõrije jicã wãme ca ïa ñaaña manirije cõre tii bau nii dotiwa.

² To biro cũja ca ïiro, Jesús pea o biro cõjare ïi yuwi:

—Umureco ca jua naio waaro ïari, “Boerore añuri ruu niiruga,” mũja ïi. ³ Ñucã boeri tabere, umureco quejero jua, bueri burari nii, ca biiro ïarã, “Oco ruu niiruga,” mũja ïi. Umureco to biro ca biirijere ïari, to biirije biiruga añuro ca ïi majirã nii pacarã, ¿ñee tiirã ati yutearire ca bii niirije peera mũja ïa majititi? ⁴ Anija bojoca ñañarã, Umureco

Pacure ca tuo nunujeetirã, jĩcã wãme ca ãa ñãaña manirije tii bau niiriquere ãarugama. To biro cãja ca ãimijata cãare, jĩcã wãme uno peera Jonás cã ca biiriquere biro apeye ca ãa ñãaña manirije tii bau nii ãno ecotirucuma —ĩwi. To biro ãi, toora cãja ca niiro cãjare waa weocoawi.

Fariseos, saduceos, cãja ca tii niirije

(Mc 8.14-21)

⁵ Jãa, cã buerã, Jesús mena utabucura ape nuñarũ waarã, acoboma ãirã pan jãa jee waatiupa. ⁶ Jesús pea:

—Fariseos, saduceos, cãja ca tii niirije, pan're ca wuaro ca tiirijere biro ca niirijere ãa majiri niiña —jãare ãwi.

⁷ To biro cã ca ãiro, jãa, cã buerã pea:

—¡Agó nija! Pan mani jee dootijapa —jãa ameri ãwũ. ⁸ Jesús pea to biro jãa ca ameri ãirijere majiri, o biro jãare ãwi:

—¿Ñee tiirã, “Pan mani cuoti,” mũa ameri ãiti? No cõro petoacã peti díamacũ mũa tuo nucũ buocãti. ⁹ ¿Mũa tuo jeeñoticãti ména? ¿Jĩcã amo cõro niiricari pan menara, jĩcã amo cõro mil ca niirãre yũ ca ecarique cãare mũa majititi? ¿No cãnacã pijeeri peti mũa jee neori? ¹⁰ ¿Ñucã pan'gaari jĩcã amo peti, ape amore puaga penituario ca niiricari menara bapari mil ca niirãre yũ ca batorique cãare mũa majititi? ¿No cãnacã pijeeri peti mũa jee neori? ¹¹ ¿No cõro peti pan méere yũ ca ãi pacaro mũa tuo majititi? Fariseos, to biri saduceos, cãja ca tii niirije baarique ca wuaro ca tiirijere biro ca niirije menare ãa majiri niiña —jãare ãwi.

¹² To biro cã ca ãiropan pan're ayarique méere, fariseos, to biri saduceos, cãja ca ãi dito buerijere tuo majiri niiña ãgũ, Jesús to biro jãare cã ca ãirijere jãa tuo majiwũ yua.

Pedro, “Mesías mũa nii,” Jesús're cã ca ãirique

(Mc 8.27-30; Lc 9.18-21)

¹³ Jiro Jesús, Cesarea de Filipino yepapũ eari, o biro jãare ãi jãiñawi:

—¿Yũ, Ca Nii Majuropeegu Macũre, “Ñiru niimi,” cãja ãirucuti bojoca? —ãi jãiñawi.

¹⁴ To biro cã ca ãiro, o biro cãre jãa ãi yũwũ:

—Jĩcãrã, “Uwo Coeri majũ Juan niimi,” ãima. Aperã, “Elías niimi,” ãima. Aperã, “Jeremías niimi; ñucã apĩ Ñmũreco Pacũ yee quetire wede jũgueri majũ niimi,” ãirucuma —cãre jãa ãwũ. ¹⁵ To biro jãa ca ãiro:

—Mũa pea, ¿“Ñiru niimi,” yũre mũa ãiti? —jãare ãi jãiñawi Jesús.

¹⁶ To biro cã ca ãiro, Simón Pedro o biro cãre ãi yũwũ:

—Mũa Mesías, Ñmũreco Pacũ to birora ca caticõa niigũ Macũ mũa nii —ãwi.

¹⁷ To biro cã ca ãiro, o biro ãwi Jesús:

—Ñjea niiña mũa, Simón, Jonás macũ. Jĩcũ bojocũ uno peera atere mũre wede majiotijacupi. Yũ Pacũ Ñmũreco tutipũ ca niigũ, atere mũre majiomi. ¹⁸ To biri yũ pea: “Pedro mũa nii,” mũre yũ ãi. Atiga ãtãga jũorira yũre ca tuo nunujeerã cãja ca nii nunũa waaro yũ tiirucu. Bii yairicaro ca tii tutua niirijepũ cãa, cãjare ametuene nucãtirucu.

¹⁹ Ñmũreco Pacũ cã ca doti niirõpũre ca waarãre ca jope pãa jũguegũre biro mũre yũ cũu. Ati yepare niigũ tii niiriquere mũa ca bootijata, Ñmũreco tutipũ cãare boo ecotirucu. Ñucã ati yepare niigũ tii niiriquere mũa ca boojata, Ñmũreco tutipũ cãare boo ecorucu —ãwi Pedrõre. ²⁰ To biro ãi yapano, jãa cã buerãre:

—Mesías yũ ca niirijere jĩcũ uno peerena wedeticãña —jãare ãwi Jesús.

Cã ca bii yaipere cã ca wederique

(Mc 8.31–9.1; Lc 9.22-27)

²¹ Jesús, tii tabe mena, jãa cã buerãre, Jerusalén'pũ cã ca waapere to biri bojocare ca jũo niirã, paia ñparã, doti cũuriquere ca jũo bueri maja, ñãñaro cãre cãja tiipere, ñucã cãre cãja ca jãa cõapere, to biro cãre cãja ca tii cõacãmijata cãare ñucã itia rũmũ jiro cã ca cati tuapere, jãare wede jũowĩ.

²² To biro cū ca ĩiro t̄uo, Pedro pea apero pee cūre ami waari, o biro cūre ĩi tuti j̄uo waawi Jesús're:

—¡Agó nija Wiogu, ̄M̄ureco Pacu teere m̄ure cū camotajato! ¡Atea j̄icāti uno peera to biirije peti m̄ure biitirucu! —cūre ĩiwi.

²³ To biro cū ca ĩiro, Jesús pea Pedore amojode ĩari, o biro cūre ĩiwi:

—¡To cōrora ȳure camotatiya, Satanás! M̄ua, apeye pee ȳu ca bii maa wijiaro ȳure tiiruḡu m̄u ĩi. M̄ua, ̄M̄ureco Pacu cū ca boorore biro m̄ée m̄u t̄ugoeña. Bojoca cūja ca t̄ugoeñari wāme pee wado m̄u t̄ugoeñacā —cūre ĩiwi.

²⁴ To biro cūre ĩi yapano, jāa, cū buerāre, o biro jāare ĩiwi:

—J̄icū, ȳu bueḡu ca niiruḡu uno, m̄u majurope m̄u ca tiiruḡarijere to cōrora acobori, to cānacā r̄um̄ura ȳu yee j̄uori ñañaro tam̄uo pacaḡu, to birora ȳure t̄uo n̄un̄jeecōa niiña. ²⁵ Cū ca catirijere ca maiḡua, cū ca catipere buatirucumi. Ȳu yee j̄uori ñañaro ca tam̄uo yaiḡua, cū ca catipere buarucumi. ²⁶ ¿Bojocure ñee uno peere to tii nemoti ati yepa maquē niipetirijep̄urena c̄uocā pacaḡu, cū yerire cū ca tii yaio n̄ucōcājata? ¿Ñucā cū ca cati niipe wapare, no cōro paio mena cū wapa tii majibogajati? ²⁷ Ȳu, Ca Nii Majuropeeḡu Macū, ȳu Pacu cū ca boe baterije mena, ñucā ȳu jaarā ȳure queti wede bojari maja mena, ȳu doorucu. To cōrore to cānacār̄ap̄urena cūja ca tii niirica wāmeri ca niimore biro, cūja yee ca niirijere cūjare ȳu noni wapa tiirucu. ²⁸ Díamacū m̄ujare ȳu ĩi: J̄icārā ano ca niirā, ȳu, Ca Nii Majuropeeḡu Macū, Wiogu ȳu ca niiḡu dooro ĩatirāra m̄uja bii yaitirucu —jāare ĩiwi Jesús.

17

Jesús cū ca baurije ca wajoarique

(Mc 9.2-13; Lc 9.28-36)

¹ J̄icā amo peti, ape amore j̄icāga penituario ca niiri r̄um̄uri jiro Pedro, Santiago, cū bai Juan're, bojoricaro cūjare j̄uo cojori, ūtāḡu buaro ca em̄uaricu jotoap̄u cūjare j̄uocoawi.

² Toop̄u, cū mena cūja ca niiro, Jesús cū ca baurije wajoacoaupi. Cū díamacū muip̄u ̄m̄ureco macūre biro boe bateupe. Biicā, cū jutiro cāa ca boe baterijere biro botirito biicoaupe. ³ To biro cū ca biiri tabera Elías, Moisés, Jesús mena cūja ca wede peni niiro ĩaup̄a. ⁴ To biri Pedro pea o biro ĩiupi Jesús're:

—Wioḡu, anop̄u mani ca niiro añu majuropecā. M̄u ca boojata, itia wii m̄ujare ȳu queno bojarucu. J̄icā wii m̄u yaa wii, ape wii Moisés yaa wii, ape wii Elías yaa wii, m̄ujare ȳu queno bojarucu —cūre ĩiupi.

⁵ Pedro, Jesús're to biro cū ca ĩi niiri tabera, bueri b̄ur̄ua buaro ca boe bateri b̄ur̄ua duwi doo, cūjare paa ūma n̄ucācoaup̄a. To biro ca biiri tabera wederique bueri b̄ur̄ua watoap̄ure o biro ca ĩi wedeo cojorijere t̄oupa:

—Ani ȳu Macū, ȳu ca maiḡu, ȳu ca beje amiricu niimi. Cū ca ĩirijere t̄uo n̄un̄jeeya —ĩi wedeoupa. ⁶ To biro ca ĩirijere t̄uorā, cū buerā pea uwima ĩirā, yepap̄u muu bia ñaacūmucoaup̄a.

⁷ To biro cūja ca biiro ĩa, Jesús pea cūja p̄uto waa, cūjare padeña:

—Wām̄u n̄ucāña. Uwiticāña —cūjare ĩiupi.

⁸ To biro cū ca ĩiro ĩa cojorā, aperā peera ĩatiupa yua. Jesús wadore cūre ĩaup̄a. ⁹ Jiro ūtāḡup̄u ca niiricarā duwi n̄un̄ua doorā:

—Mecū m̄uja ca ĩaj̄arijere j̄icū uno peerena m̄uja wedetirucu ména. Jiro ȳu, Ca Nii Majuropeeḡu Macū, ca bii yaicoaricu nii pacaḡu, ȳu ca cati tuaro jirop̄u docare m̄uja wederucu —cūjare ĩiupi Jesús.

¹⁰ To biro cū ca ĩiro, cū buerā pea o biro cūre ĩi jāiñaup̄a Jesús're:

—¿Ñee tiirā doti cūuriquere j̄uo bueri maja pea, “Elías doo j̄uorucumi ména,” cūja ĩiti? —cūre ĩiupa.

¹¹ To biro cūja ca ĩi jāiñaro, o biro cūjare ĩi ȳuupi Jesús:

—Díamacūra ĩima. Elías'ra doo j̄ugue, cūra niipetirijere queno, tiirucumi. ¹² Ȳu pea, “Mee, Elías doo yerijāaupi,” ȳu ĩi. Cūja pee cūre ĩa majitiupa. To biri no cūja ca tiiruḡarije

cõro cõre tiupa. To biri wãmera cõjare yu tii ecorucu yu, Ca Nii Majuropeegu Macã cãa — ïiupi. ¹³ To biro cã ca ïiro: “Uwo Coeri maju Juan niiquĩricure ïigu ïimi,” ïi tao majicãupa cã buerã.

Wãm ca wãtĩ jãa ecoricure Jesús cã ca catorique

(Mc 9.14-29; Lc 9.37-43)

¹⁴ Bojoca cõja ca niropu cõja ca earo, jĩcũ umu Jesús puto ea, cã ãjuro jupeari mena ea nuu waari, o biro ïiwi Jesús're:

¹⁵ —Wioгу, yu macõre boo paca ïaña. Ñãñaro mecũ yai waami. Paу tiiri pecameru ñaajoecoa, ñucã ape tabera diaru ñaañuacoa, biimi. ¹⁶ Mũ buerãre cõre yu ami eamijãwũ. Cõre ametuene majitijãwa —ïwi.

¹⁷ To biro cã ca ïiro, o biro ïi yuwi Jesús:

—¡Agó nija, díamacũ tuo nũcũ buoti, ca tiya manirijeru tii nunujeecã yai waa, ca biirã cõja ca niiri cuu macãrã! ¿No cõro yoaro mũa mena yu niiguti? ¿No cõro yoaro to biro mũa ca biirijere yu nũcã niiguti? Jaу, wãmure ano pee cõre ami dooya —ïwi. ¹⁸ To cõrora wãtĩre tuti, wãmure ca niigure cõre cõa wiene, tiwi Jesús. Cũ pea to biro cã ca tiiri nimaro mena diarique manigu tuawi.

¹⁹ Jiro jãa, cã buerã pea, bojoricaro jãa wado Jesús mena niirã, o biro cõre jãa ïi jãiñawũ:

—¿Ñee tiirã jãa pea wãtĩre jãa cõa wiene majitijapari? —jãa ïiwũ.

²⁰⁻²¹ To biro jãa ca ïiro, o biro jãare ïi yuwi Jesús:

—Mũa petoacã peti díamacũ mũa tuo nũcũ buocã.* Díamacũ mũa ca tuo nũcũ buorije, mostaza apega cõroacã to ca niicãmijata cãare, atigu ãtãgure, “Pĩa waari, aperoru ea nũcãroja,” mũa ca ïirora, mũa ca ïirore biro biicãbocu. Jĩcã wãme uno peera mũa ca tii majitirije nii, biitibocu —jãare ïwi.

Cũ ca bii yaipere puati Jesús cã ca wederique

(Mc 9.30-32; Lc 9.43-45)

²² Galilea yepare cũ mena jĩcãri jãa ca waa yujuro, o biro jãare ïiwi Jesús:

—Yu, Ca Nii Majuropeegu Macõre ñeeri, aperãpore yure tiicojorucuma. ²³ Cõja pea yure jãa cõacãrucuma. To biro yure cõja ca tii pacaro, itia rumu jiro yu cati tuacoarucu ñucã —jãare ïwi. To biro cã ca ïiro, jãa pea buaro jãa tugoeñarique paiwũ.

Umureco Pacu yaa wii maquẽ ca niipere wapa tiirique

²⁴ Jiro Capernaúm'pu Jesús, jãa, cã buerã mena jãa ca earo, Umureco Pacu yaa wii maquẽre wapa jeeri maja Pedroro ïarã waari, o biro cõre ïi jãiñaua:

—¿Mũjare ca buegua, Umureco Pacu yaa wii maquẽ wapa jãiriquere cũ wapa tiiti? —cõre ïupa.

²⁵ To biro cõja ca ïiro, o biro cõjare ïiupi Pedro:

—¡Ëgã! Wapa tiirucumi —ïiupi. ïi yapano, Pedro wiipu cã ca jãa earije menara Jesús pee o biro cõre ïi jãiña juguecãwi:

—Simón, ¿do biro mu tugoeñati mua? Ati yepa macãrã wiorã ¿noare cõja wapa jãirucuti? ¿Cõja punarena, ape yeparu macãrã peere, cõja jãirucuti? —cõre ïwi.

²⁶ To biro cã ca ïiro, Pedro pea o biro ïi yuwi:

—Ape yepa macãrãre jãirucuma —cõre ïwi.

To biro cã ca ïiro, o biro ïi nemowi ñucã Jesús:

—To birora bii, cõja puna peera petoacã unora wapa tiirique mani. ²⁷ Biirãpu, cõja ca wede paio mani ca bii buiyeetipere biro ïirã, utabucuraru waari, wai wajaguja. Mũ ca jãa juogu ujerore jĩcã tii, wapa tiirica tii mu buarucu, yu yee wapa cãare, mu yee wapa cãare, ca wapa tiicãpa tiipure. To biri tii tiire ami waari, cõjare mu noniwa —ïwi Pedroro.

* 17:20-21 Biirãpu, wãtĩa anija uno, beti, juu bue, tiicãripũ cõa wienericaro ca witiirã niima.

18

Ñiru cū niiti ca nii majuropeegu

(Mc 9.33-37; Lc 9.46-48)

¹ To biro cūre cū ca ñi niiri tabera, Jesús're nea poo eari, o biro cūre jāa ñi jāiñawu:
—¿Umureco Pacu cū ca doti niiri tabepure ca nii majuropeegu ca niigu niipe cū niiti?
—jāa ñiwu.

² To cōrora Jesús pea, jīcū wimagure juo cojo, jāa watoa cūre nacōri, ³ o biro ñiwi:
—Díamacū mujare yu ñi. Tugoeña wajoa, wimarāre biro pee mija ca biitijata, Umureco Pacu cū ca doti niiri tabepure mija ea waatirucu. ⁴ Umureco Pacu cū ca doti niiri tabepure ca nii majuropeegu ca niigua, ani wimagu ca nii majuropeegu cū ca nii tugoeñatirore biro ca biigu niimi. ⁵ Jīcū uno, yu yee quetire, ani wimagure biro ca ñeegu, yurena ñeegu tiimi. ⁶ Ñucā no ca boogu, wāmaacā yure ca tuo nunjee juo doorā mena macūre ñañaro cū ca tiiro ca tii buiyeegu unora, utāga pairica mena cū amūtuture jia tuuri, dia pairi yaa ca ũcūaropu cūre duu cōacājata, añubocu.

Ñañarijere tiirique ca bii buiyeerije

(Mc 9.42-48; Lc 17.1-2)

⁷ "Ñaña majuropeecā ati yepare, to cōro pau ñañarije cūja ca tiiro ca tii niirije. Ca bii buiye niirije do biro tii camotaarique uno méé niiro bii biiroru. To ca bii pacaro, aperāre ñañarije cūja ca tiiro ca tii buiyeegu pea ñañaro peti tamorucumi. ⁸ To biri mu amo, mu dupo, ñañarije mu ca tiiro to ca tiijata, patari yoaropu cōacāña. Amo manigura, ñucā upa yuriara, Umureco Pacu putoru mu ca ea waaro añujañu. Pua amo, ñucā pua dupo menapua pecame ca ũu yatitiri pecame pee mu ca cōa joe ecojata docare, añuti. ⁹ Ñucā mu capega ñañarije mu ca tiiro to ca tiijata, jade wee amiri, yoaropu cōacāña. Jīcā capega menara Umureco Pacu putorure mu ca earo añujañu. Pua capega menapua, ñañaro tamorica pecame pee mu ca cōa joe ecojata docare, añuti.

Oveja ca yairicure cū ca ñi cōoñarique

(Lc 15.3-7)

¹⁰ "Anija wimarāre jīcū uno peerena watoa macārāre biro cūjare ñaticāña. Cūja yaarā Umureco Pacu puto macārā, yu Pacu umureco tutipu ca niigu díamacūre, to birora ñacōa niima. ¹¹ Yu, Ca Nii Majuropeegu Macūa, ca maa wijia yairicarāre ametueneru doogu yu doowu.*

¹² "¿Do biro mija ñiti mija? Jīcū bojocu, cien oveja ca cuogu, jīcūcā cūja mena macū cū ca maa wijiaro, ¿jīcāto, noventa y nueve ca niirāre toora cūjare cūuri, cūre cū amagu waatigajati? ¹³ Oveja ca maa wijiaricure cū ca buacājata, aperā noventa y nueve ca niirāre cū ca ña ujea niiro ametuenero ujea niicumī. ¹⁴ To birora mija Pacu, umureco tutipu ca niigu cāa, jīcū uno peera anija wimarā mena macū cū ca yairo bootimi.

Mani yee wedegu mena ameri quenorique

(Lc 17.3)

¹⁵ "Mu yee wedegu ñañaro mure cū ca tiijata, cū jīcū menara wede peniri, ñañaro cū ca tiiriquere "Ñañaro yu tiijapa," cū ca ñi tugoeña yeri wajoaro cūre tiiya. To biro mu ca ñirijere cū ca tuo nunjeejata, jīcū punare birora mija niirucu ñucā. ¹⁶ To biro mu ca ñirijere cū ca tuorugaticājata, jīcū uno, puarā uno, mu mena cūjare juo waaguja, ñañaro mure ca tiiricu mena mu ca wederique quenorije, puarā, itiarā cūja ca nii nemorije mena mu ca quenopere biro ñigu.† ¹⁷ Cūja cāare cū ca tuorugaticājata, yure ca tuo nunjeeerā ca nea poorāpūre wedeya. Cūja cāare cū ca tuorugaticājata, Umureco Pacu ca majitigure biro, ñucā jīcū niirique wapare wapa jee bojari majure biro, cūre ñacāña yua. ¹⁸ Díamacū yu ñi: Ati yepapure tii niiriquere mija ca bootirije niipetirijepua, umureco tutipu cāare boo ecotirucu. Ñucā ati yepapure tii niiriquere mija ca boorije niipetirijepua, umureco tutipu cāare boo ecorucu.

* 18:11 Lc 19.10. † 18:16 Dt 19.15.

¹⁹ ”Ñucã ate mujare yu ïi: Muja mena macãrã ñno puarã ati yeparure niirã, “Umureco Pacure atere mani jãico,” cãja ca ïi jãi juu buejata, yu Pacu umureco tutipũ ca niigu, cãja ca jãirijere cãjare tiicojorucumi. ²⁰ Puarã ñno, itiarã ñno, yu wãme mena ïiri nea poo, cãja ca juu bue niiri tabere cãja watoara yu nii —ïwi Jesús.

Puarã ca wapa moorã

²¹ To biro cã ca ïiro, Pedro pea Jesús pũto waa, o biro cãre ïi jãinãwi:

—Wiogu, yu yee wedegu ñañaro yure cã ca tiijata, ¿no cãnacã tii peti ñañaro yure cã ca tiirijere yu acobogajati? ¿Jicã amo peti, ape amore puaga penituario niirijera yu ïigajati? —ïwi.

²² To biro cã ca ïiro, Jesús pea o biro ïwi Pedre:

—“Jicã amo peti, ape amore puaga penituario niirijera yu ïiti. Niipetirije ñañarije cã ca tiirije cõrorena,† cã mena wede quenoña,” yu ïi.

²³ ”To biri Umureco Pacu cã ca doti niiri tabea, jicũ wiogu cãre ca pade coterã, cãre cãja ca wapa moorijere cã ca wapa jãirugariquere biro nii. ²⁴ To biri cãja mena quenorugũ, cãjare cã ca juo neo cojo juo waaro paio, millones ca wapa moogu ea juourũ. ²⁵ Cã pea cã wiogu cã ca wapa moorijere cã ca wapa tiipe ñno cã ca cõtiro macã, cã wiogu pea, “Wapa manirora, mũ nũmo, mũ puna, mũ ca cõorije niipetiro mena yure pade nũñjeeya, yure mũ ca wapa moorije wapa tiiricarore biro to tuajato ïigu,” cãre ïiurũ.

²⁶ ”Cã pea, cã wiogu to biro cãre cã ca ïiro tuogu, cã ajũro jupea mena ea nuu waari, bũaro o biro cãre ïiurũ: “¡Wiogu! Mure yu ca wapa moorijere jãi pato wãcãticãña. Yu wapa tii peticãrucu,” cãre ïiurũ.

²⁷ ”To biro cã ca ïiro tuo, wiogu pea cãre boo paca ñari, cãre cã ca wapa moorijere acobo, ca wapa mootiricure biropũ cã ca tuaro cãre tiurũ.

²⁸ ”To biro cãre cã ca tiiro jiro witi waagu, cã pea cã mena macũ petoacã cãre ca wapa moogure bũa eaupũ. Cãre bũa eari, “Yure mũ ca wapa moorijere wapa tiya,” ïigũra, cãre ñeeri, cã amututurẽ cãre ñee taa juo waaupũ. ²⁹ To biro cã ca tiiro, cã mena macũ pea cã ajũro jupeari mena ea nuu waari: “Mure yu ca wapa moorijere jãi pato wãcãticãña. Yu wapa tii peticãrucu,” cãre ïimiurũ. ³⁰ To biro cã ca ïi pacaro, cãre yũutiurũ. Cãre yũuricarõ maniro tia cũurica wiipũ cãre cũu doticãurũ, “Yure cã ca wapa moorijere cã wapa tii peotijato,” ïigu.

³¹ ”To biro cã ca tiirije, aperã cã mena macãrã paderi maja peera bũaro tũgoeñarique paioupe. To biri to biro cã ca tiirique niipetirore cãja wiogu wederã waauparã. ³² To biro cãja ca ïiro tuo, wiogu pea cãre juo cojo dotiri, o biro cãre ïiurũ: “¡Pade coteri maja ca añutigũ! Yure mũ ca wapa moorije niipetirore yu acobo peoticãjãwũ, yure mũ ca jãiro macã. ³³ Mure yu ca boo paca ñajãrore birora, mũ cãa, mũ mena macũre ca boo paca ñaru mũ niijara,” cãre ïiurũ. ³⁴ Wiogu pea bũaropũra ajia ametũacoa, cãre ñee doti, niipetiro cãre cã ca wapa moorijere cã wapa tiijato ïigu, ñañaro cãre tii dotiurũ —ïi wedewi Jesús.

³⁵ O biro ïi nemowi:

—Muja ca niiro cõrora, muja yeripũ mena muja yaarã ñañaro mujare cãja ca tiirijere muja ca acobotijata, yu Pacu umureco tutipũ ca niigu cãa, to biri wãmera tiurucumi muja cãare —ïwi.

19

Ameri cõarique maquẽre Jesús cã ca wederique

(Mc 10.1-12; Lc 16.18)

¹ Atere ïi yapano, Jesús, Galilea ca niiricu, Judea yepa dia Jordán're, muipũ cã ca mũa doori nuña pee ca niiri yeparure eawi. ² Too cã ca waaro, pau bojoca cãre nũnu waawa. Toorũ ca diarique cutirãre catiowi Jesús.

³ Jicãrã fariseos, Jesús pũto eari, cã ca ïi maa wijiario cãre wedejãarugãrã, o biro cãre ïi jãinãwa:

—¿Doti cũurique, jicũ umure, no ca boorije juorira cã nũmore to cõa dotiti? —ïwa.

† 18:22 Setenta veces siete.

⁴ To biro cūja ca ĩiro, Jesús pea o biro cūjare ĩi yuwi:

—¿Muja, Umureco Pacu wederique cūja ca owarica pūuropure, “Jicāto bojocure tii juogupura mee umu, nomio tiiupi Umureco Pacu,” ca ĩirijere muja bue ñaatiti?*

⁵ O biro ĩiupi: “Ate juori, jicū umu cū nūmo mena niirugu, cū pacure, cū pacore witi weorucumi. Cūja puarā nii pacarā, jicā upura niirucuma,” ĩiupi.†

⁶ To biri puarā méé niima. Jicūra niima yua. To biro biicāri Umureco Pacu jicā upura cū ca cūuricarā ca niirārena, bojocura cūja ca ameri camotatiro tii majitimi —ĩwi Jesús.

⁷ To biro cū ca ĩiro, o biro cūre ĩi jāĩnawa:

—¿To docare, ñee tiigu Moisés niiquiricu, “Ate juori mure yu cōa,” ca ĩiri pūuro cū nūmore tiicojori, “Waagoja,” ĩicā majimi, cū ĩi cūuquĩupari? —ĩwa.‡

⁸ To biro cūja ca ĩiro, Jesús pea o biro cūjare ĩi yuwi:

—Añuro petira, wedericaro ca ametuene nucā pairā muja ca niiro macā, muja nūmoare cōa dotiupi Moisés. Ména jicātopura to biri wāme biitiupa. ⁹ To biri yu pea o biro mujare yu ĩi: Jicū cū nūmore, apĩ mena cō ca tii epeti pacaro cōre cōa, apeo cū ca nūmo cutijata, cū nūmo ca niitigopure tii epegu tiimi. Nucā ca manu cōaricore ca nūmo cutigu cāa, cū nūmo ca niitigopure tii epegu tiimi —ĩwi Jesús.

¹⁰ To biro cū ca ĩiro, jāa cū buerā pea o biro cūre jāa ĩiwu Jesús're:

—To docare umu cū nūmore to biirije cū ca biijata, ca nūmo cutiticāpe nii —jāa ĩiwu.

¹¹ To biro jāa ca ĩiro, Jesús pea o biro ĩi yuwi:

—Atera niipetirāpura: “To biirije biima ĩiro bii,” ĩi majitima. Umureco Pacu cūja ca majiro cū ca tiirā wado teere majima. ¹² Bojorica wāmeri ca biirije juori, nūmo cuti majitima umu: Jicārā, mee bauarāpura to biirā ca bauaricarā niiri nūmo cutitima. Aperāra bojocara to biro cūja ca biiro cūjare tiima. Nucā aperā Umureco Pacu cū ca doti niiri tabe maquere padema ĩirā, nūmo cutitima. Atere ca tuo puo majigu uno cū tuo puojato —ĩwi Jesús.

Wimarāre Jesús cū ca juu bue peorique

(Mc 10.13-16; Lc 18.15-17)

¹³ Nucā jicārā, wimarāre Jesús putopu ami doowa, cū amori mena cūjare ñia peori, cūjare cū juu bue bojajato ĩirā. To biro cūja ca tiiro, jāa cū buerā pea, wimarāre ca jee doorāre cūjare jāa boca tuti camotaawu. ¹⁴ To biro jāa ca ĩiro, Jesús pea o biro jāare ĩwi:

—Wimarāre yu puto tiicojoya. Cūjare camotaaticāña, Umureco Pacu cū ca doti niiri tabea, cūjare biro ca niirā cūja ca niipa tabe niiro bii —ĩwi. ¹⁵ To biro ĩi, wimarāre cū amori mena cūjare ñia peo yapano, too ca niiricu waacoawi Jesús.

Wāmu ca apeye paigu

(Mc 10.17-31; Lc 18.18-30)

¹⁶ Jicū wāmu Jesús're ĩagu doori, o biro cūre ĩi jāĩnawi:

—Buegu añugu, ¿ñee uno añurije yu tiigajati, to birora caticōa niiriquere cuorugu? —ĩwi.

¹⁷ To biro cū ca ĩiro, Jesús pea o biro cūre ĩi yuwi:

—¿Ñee tiigu, “Añugu,” yure mu ĩiti? Ca añugua jicūra niimi, Umureco Pacu wado. Caticōa niiriquere buarugua, Umureco Pacu cū ca doti cūurique ca ĩirore biro tiya —cūre ĩwi.

¹⁸ To biro cū ca ĩiro:

—¿Dijere? —ĩi jāĩnawi wāmu pea. Jesús pea o biro cūre ĩwi:

—Bojocare jaticāña. Ca manu cutigopurena eperico cutiticāña. Jee dutiticāña.§ Aperāre watoara ĩi dito buiyeeticāña. ¹⁹ Mu pacure, mu pacore nucū buoya.* Nucā, mu puto macārā cāare mu upure mu ca mairore birora cūjare maiña† —ĩwi.

²⁰ To biro cū ca ĩiro tuo:

* 19:4 Gn 1.27; 5.2. † 19:5 Gn 2.24. ‡ 19:7 Dt 24.1. § 19:18 Ex 22.1. * 19:19 Ex 20.12-16; Dt 5.16-20. † 19:19 Lv 19.18.

—Mee, tee niipetirijepura yu tii peticawu. ¿Ñee apeye yure to dajati ména? —cüre îi jãĩnawi.

²¹ To biro cū ca îi jãĩnaro, Jesús pea o biro cüre îi yuwi:

—Añugu peti mu ca niirugajata, waari mu ca suorije niipetirijere noni peticã, tee wapare jeeri, ca boo pacarãre cūjare noniña. To biro tiigu, umureco tutipure pairo mu apeye cutirucu. To biro tii yapano, yu mena dooya —cüre iwi Jesús. ²² Wãmu pea to biro cū ca iirijere tuogu, ca apeye paigu niiri, buaro tugoeña pairique mena waacoawi.

²³ To biro cū ca biiro ña, Jesús pea o biro iwi jãa cū buerãre:

—Yee méé mujare yu îi: Jĩcū, ca apeye paigu, Umureco Pacu cū ca doti niiri tabepure biirique peti ea waarucumi. ²⁴ O biro mujare yu îi nemo ñucã: Jĩcū ca apeye paigu pea Umureco Pacu cū ca doti niiri tabepure do biro cū ca bii ea waatirije to ca nii pacaro, jĩcū camello peera, popiye méé niicã, ãjipõa potaga opeacãre cū ca jãa ame witi waaro —jãare iwi Jesús.

²⁵ To biro cū ca iiro tuorã, jãa cū buerã pea, buaro jañuro tuo ucacoama iirã, o biro jãa iwu:

—To docare ¿ñiru peti cū ametua majiguti? —jãa iwu.

²⁶ To biro jãa ca iiro, Jesús pea jãare ña, o biro iwi:

—Atea, bojocara do biro ca tii majiña manirije niiro bii, Umureco Pacu peera cū ca tii majirije wado niicã —iwi.

²⁷ To biro cū ca iiro, Pedro pea o biro iwi Jesús're:

—Jãa, jãa ca suorijere cūu peticã, mu mena pee jãa doowu. To biri, ¿ñee jãa tiicojo ecorãti? —cüre îi jãĩnawi.

²⁸ To biro cū ca iiro, Jesús pea o biro îi yuwi:

—Yee méé mujare yu îi: Ati umureco niipetiro ca wajoari cuu ca niiro, yu, Ca Nii Majuropeegu Macū, ca doti majuropeegu cū ca duwiri taberu yu ca ea nuu eari rumure, mija, yure ca nunricarã cãa, ca doti majuropeera cūja ca duwirijeru mija ea nuu waarucu, Israel yaa poogaari puã amo peti, dupore puaga penituario ca niiri poogaari cūja ca tii niiriquere jãĩña bejerugarã. ²⁹ Ñucã niipetirã yu yee juori, cūja wiijerire, cūja yaarãre, cūja yaarã romirire, cūja pacuare, cūja pacoare, cūja punare, cūja yaa yeparire cūja ca waa weojata, cūja ca suoricarõ ametuenero cien niirije cõro peti cõo nemorucuma. Ñucã to birora caticõa niirique cãare suorucuma. ³⁰ To biri mecũrre paũ ca nii majuropeerã ca niirã, watoa macãrã tuarucuma. Ñucã mecũrre, paũ watoa macãrã ca niirã pee, ca nii majuropeera tuarucuma —i wedewi Jesús.

20

Paderi mujare cū ca îi cõõña wederique

¹ —Umureco Pacu cū ca doti niiri tabea, jĩcū ote wejeri uru, cū uje wejeru ca pade bojarã waparãre meerucã ca amagu waaricure biro nii. ² Cū pea cūja mena bua ea, “Jĩcã rumu paderique maquẽ mujare yu wapa tiirucu,” cūjare îi yapano, cū uje wejeru cūjare pade doti cojouru.

³ ”Ñucã jiro muipũ cū ca aji mua tua petiri tabe witi waagu, wiijeri watoa macã yeparu, ñee tiiri méé ca niirãre ñauru. ⁴ Cūjare ña: “Mija cãa, yu uje wejeru paderãja. Cõoricaro mujare yu wapa tiirucu,” cūjare iipuru. To biro cū ca iiro tuo, cūja cãa, paderã waacoaparã. ⁵ Jiro jotoa decomacã ca niiro witi wauru ñucã. Jiro ca naio waari tabe yucu jotoa muipũ ca niiro wauru ñucã, cū ca bua earã mena cãare to birora cūjare iipuru. ⁶ Jiro ñucã muipũ yucu decomacã cū ca niiro, wiijeri watoa macã yeparu ñee tiiri méé ca duwirãre bua eari, o biro îi jãĩnauru: “¿Ñee tiirã paderi méé anora mija duwi naiocoati?” cūjare iipuru.

⁷ ”To biro cū ca iiro tuo, o biro cüre îi yuuparã: “Jĩcū uno peera jãare paderique tiicojotimi,” cüre iuparã. To biro cūja ca iiro, “Mija cãa, yu uje wejeru paderãja,” iipuru cūja cãare.

⁸ "Ca naio waaro ãa, tii weje ɸɸɸ pea paderi majare ca doti niigure, o biro cūre iipɸɸ: "Paderi majare juo cojori, cūjare wapa tiiya. Jiroɸɸ ca paderã eajãrã peere wapa tii juo waa, ca pade juorã eajãrãre wapa tii yapano cojoya," cūre iipɸɸ. ⁹ Yucɸ decomacã muipɸ cū ca niiro ca paderã earicarã wapa jeerã earã, cūja ca niiro cōro, jicã rɸmɸ paderique wapa cōropɸ wapa ñeeuparã. ¹⁰ Jiro, ca paderã ea juoricarãre cū ca wapa tiiri tabe ca earo, "Cūja ametɸenero manire wapa tiirucumi," ñi tɸgoeñauparã. To biro cūja ca ñi tɸgoeñamijata cāare, cūja cōrorena, jicã rɸmɸ paderique wapa cōrora wapa tiipɸ cūja cāare. ¹¹ Teere wapa jee, tiicãri, tii weje ɸɸɸre o biro cūre ñi wede paiuparã: ¹² "Anija jiroɸɸ ca paderã eajãrã, jicã nimaroacã ca padejãrãrena, jãa, ɸmɸreco yoari rɸmɸ muipɸ cū ca ajicãro ca pade naio waajãrãre mɸ ca wapa tiiro cōrora mɸ wapa tiicã, mɸ añuti," cūre iiparã.

¹³ "To biro cūja ca ñiro tɸo, tii weje ɸɸɸ pea jicū cūja mena macūre o biro cūre iipɸɸ: "Yɸ mena macū, ñañoaro mure tiigu méé yɸ tii. 'Jicã rɸmɸ maquē mure yɸ wapa tiirucu,' mure yɸ ca ñijãrore birora mure yɸ wapa tii. ¹⁴ Mure yɸ ca wapa tiijãrijere jee, tuacoaguja. Ani mɸ jiroɸɸ ca padegu eajãgu cāare, mure yɸ ca wapa tiiro cōrora cūre yɸ wapa tiiruga. ¹⁵ Yɸ ca tiirugari wãme yɸ tii maji, yɸ yee wapa tiirica tiiri menare. ¿Ca bojoca añugu yɸ ca niirijere ña tuturã mɸja ñiti?" cūre iipɸɸ.

¹⁶ "To biri mecūrire watoa macãrã ca niirã, ca nii majuropeerã niirucuma. Ñucã mecūrire ca nii majuropeerã ca niirã, watoa macãrã tɸarucuma —jãare ñi wedewi Jesús.

Cū ca bii yaipere itia tii cū ca wederique

(Mc 10.32-34; Lc 18.31-34)

¹⁷ Jiro Jesús Jerusalén'ɸɸ waa nɸnɸa waagu, jãa, cū buerã ɸɸa amo peti, dɸpore ɸɸaga penituario ca niirãre bojoricaro jãare juo cojori, o biro jãare ñiwi.

¹⁸ —Mee, mɸja ca ñarora Jerusalén'ɸɸ waarã mani bii. Yɸ, Ca Nii Majuropeegu Macūre ñeeri, paia ɸparãɸɸre, doti cūuriquere juo bueri majarɸre noni cōa, yure tiirucuma. Cūja pea yure jãa cōa dotirã, ¹⁹ aperãɸɸre noni cōacãrucuma, yure bui epe, yure bape, yucɸ tenipɸ yure paa pua tuu cōa, cūja tiijato ñirã. To biro cūja ca tii yaiocãmijata cāare, itia rɸmɸ jiro yɸ cati tuacoarucu ñucã —jãare ñiwi Jesús.

Juan, Santiago jãa paco cō punare cō ca jãi bojarique

(Mc 10.35-45)

²⁰ Jiro Zebedeo puna paco, cō puna mena* Jesús ɸɸto eari, cō ãjuo jupeari mena ea nuu eawo, jicã wãme cūre jãirugo.

²¹ To biro cō ca biiro ña:

—¿Nee mɸ booti? —cōre ñi jãiñawi Jesús.

Cō pea o biro cūre ñiwo:

—Mɸ ca doti niiri taberɸre, yɸ punare jicū mɸ díamacū nɸña, apire mɸ ãcō nɸña pee, cūjare mɸ ca duwi dotiro yɸ boo —cūre ñiwo.

²² To biro cō ca ñiro, Jesús pea o biro ñi yɸɸwi:

—Mɸja, mɸja ca jãirijere mɸja majiti. ¿Ñañoaro peti yɸ ca tamɸo yaipere ɸnore mɸja ca tamɸojata, mɸja nɸcãcãrãti? —cūjare ñiwi. To biro cū ca ñiro, cūja pea:

—Ëgja, jãa bii bayicãrucu —cūre ñi yɸɸwa Jesús're.

²³ Jesús pea o biro cūjare ñi yɸɸwi ñucã:

—Mɸja ca ñirore birora ñañoaro peti mɸja biirucu, biirãɸɸa. Yɸ díamacū nɸña, yɸ ãcō nɸña, mɸja ca duwirugarije docare, yɸ, yɸ ca duwi dotipe méé nii. Tea yɸ Pacɸ, "To biro biirucuma," cū ca ñiricarã cūja ca duwipɸ nii —cūjare ñiwi.

²⁴ Jãa, Jesús buerã ɸɸa amo cōro ca niirã pea Santiago, Juan jãari to biro Jesús're cūja ca ñirijere tɸori, bɸaro cūja mena jãa ajiawɸ.

²⁵ Jesús pea cū ɸɸto pee jãare juo neo cojori, o biro ñiwi:

—Mee, mɸja maji. Ati yepa macãrã wiorã ɸmɸreco Pacɸre ca majitirã, cūja bojocare tutuaro mena cūja ca dotirijere cūja ca tii nɸnɸjeero booma. ɸparã ca nii majuropeerã

* 20:20 Juan, Santiago. Mt 4.21.

pea, cūja ca doti niirije mena cūjare ñi epecāma. ²⁶ Mūja pea to biro ca biitiparā mūja nii. To biro biitirāra, mūja watoare ca nii majuropeegu ca niirugū unoa, aperāre pade nemori majure biro pee cū niijato. ²⁷ Ñucā mūja watoare ca juo niigū ca niirugū unoa, mūjare ca pade coteri majure biro pee cū niijato. ²⁸ To birora, yu, Ca Nii Majuropeegu Macū cāa, yure cūja pade bojajato ñigū méé yu doowu. Yu pee bojocare pade boja, ñucā pañ ñañaro ca biirāre bii yai ametuene boja, biigū doogu yu doowu —jāare ñiwi Jesús.

Puarā ca ñatirāre cūja ca ñaro cū ca tiirique

(Mc 10.46-52; Lc 18.35-43)

²⁹ Jericó macāre ca niiricarā jāa ca witi waaro, pañ bojoca jāare nūñwa. ³⁰ Too jāa ca waaro, ca ñatirā puarā maa puto ca duwircarā, Jesús cū ca ametua waaro tuorā:

—¡Wiogu, David Pārami jāare boo paca ñaña! —ñi acaro buiwa. ³¹ To biro cūja ca ñiro, “Cūja yerijāa waajato,” ñirā, cūjare tutimiwa bojoca pea. To biro cūjare cūja ca ñi pacaro, buaro jañuro:

—¡Wiogu, David Pārami jāare boo paca ñaña! —ñi acaro buiwa.

³² Jesús pea to biro cūja ca ñiro tuori tua nūcā, cūjare juo cojori, o biro cūjare ñi jāiñawi:

—¿Ñee uno mūjare yu ca tiiro mūja booti? —ñiwi.

³³ Cūja pea, o biro cūre ñi yuñwa:

—Wiogu, jāa ca ñaro mū ca tiiro jāa boo —cūre ñiwa. ³⁴ Jesús pea cūjare boo paca ñari, cūja capere padeñawi. Cū ca padeñarora ca ñatimiricarā añuro ña, Jesús jiro nūñcā doowa.

21

Jerusalén're Jesús cū ca jāa waarique

(Mc 11.1-11; Lc 19.28-40; Jn 12.12-19)

¹ Jerusalén macāre ea waarā, Olivos Buuro puto ca niiri macā Betfagé taja waagu,

² Jesús, cū buerā puarāre:

—Ano díamacū ca niiri macāpu waarāja. Toopu earā, burra jia nūcōrico cō macū mena ca niigore mūja buarucu. Cōre popiori mūja ami doowa. ³ Jīcārā, “¿Ñee tiirā mūja popioti?” cūja ca ñijata, “Wiogu boomi. Yoari méera mūjare tuenecārucumi ñucā,” cūjare mūja ñiwa —cūjare ñi cojowi Jesús. ⁴ Atea Ūmureco Pacu yee quetire wede juqueri majū:

⁵ “Sión macārāre o biro ñiña: ‘Ñaña. Mūja Wiogu mūja puto pee doomi.

Watoa macūre biro burro, waibūcu ca apeye ūmago macū jotoapu pejari doomi,’ ”*

cū ca ñi owa cūuquīrique ca ñiire biro to biijato ñiro biiwu.

⁶ Cū buerā pea waa, Jesús cūjare cū ca ñi cojoricarore biro tiiupa. ⁷ Burrare cō macūacā menara cūjare jee doo, cūja juti jotoa maquēre cūja jotoa tuu wee peori, Jesús're cūre peja dotiwa.

⁸ Pañ bojoca niywa. Jīcārā maare cūja yee juti jotoa maquē mena ejo cūu juque, aperā yucu dūpuri paa jude jeeri cūu juque, tii nūñwa waawa. ⁹ To biro tii nūñwa waarā, Jesús juquero ca waarā, cū jiro pee ca doorā cāa, o biro ñi acaro bui nūñwa waawa:

—¡Añu majuropecā, jāare ametueneña† Wiogu David Pārami‡!

—¡Añuro ca biigū niimi, Ūmureco Pacu wāme mena ca doogu!§

—¡Añu majuropecā, jāare ametueneña ūmureco tutipu ca niigu! —cūre ñi baja peo nūñwa waawa.

¹⁰ Jesús, Jerusalén're cū ca piyá ea waaro, tii macā macārā niipetirāpura wede mecūrora waawa. To biri pañ:

—¿Ania, ñiru cū niiti? —ameri ñi jāiñā niywa.

¹¹ To biro cūja ca ñi jāiñaro bojoca pea:

—Jesús, Ūmureco Pacu yee quetire wede juqueri majū, Galilea yepare ca niiri macā Nazaret macū niimi —cūjare ñi yuñwa.

* 21:5 Zac 9.9. † 21:9 Hebreo wederique menara “Hosanna” ñi. ‡ 21:9 Hijo de David. § 21:9 Sal 118.26.

Umureco Pacu yaa wiire ñañarije ca niirijere Jesús cū ca cōarique
(Mc 11.15-19; Lc 19.45-48; Jn 2.13-22)

¹² Jesús, *Umureco Pacu* yaa wiipɔ jãa waari, toopɔ noni wapa taa, wapa tii, ca tii niirã niipetirãre acu wienewi. Núcã wapa tiirica tiiri wajoari maja cūja ca duwiri pīirire, bua noniri maja cūja ca duwiri pīirire, tuumicōa cōa cūu peoticāwi. ¹³ To biro tiicã, o biro cūjare iīwi:

—*Umureco Pacu* wederiquepɔ o biro iī owarique nii: “Yɔ yaa wii juu buerica wii wado niirucu,”* iī. Mɔja pea, jee dutiri maja cūja ca niiri ope mɔja jeeñocã† —cūjare iīwi Jesús.

¹⁴ Jesús, *Umureco Pacu* yaa wiipɔ cū ca niiro, ca iatirã, upa yuriri, cū pɔto eawa. Jesús pea cūjare catiowi. ¹⁵ Paia ɔparã, doti cūuriquere ca juo buerã pea, Jesús, ca iã ñaña manirije cū ca tii jeeñorijere iã, ñucã wimarã *Umureco Pacu* yaa wiipɔre, “Añu majuropecã Wiogɔ David Pãrami,” Jesús're cūja ca iī acaro buirijere tɔo ajiari, ¹⁶ o biro iīwa Jesús're:

—¿Iijã cūja ca iirijere mɔ tuoti? —cūre iīwa. To biro cūja ca iiro, Jesús pea:

—Ëju, yɔ tuo. ¿Mɔja, *Umureco Pacu* wederique o biro cūja ca iipe maquẽ cūja ca owariquere mɔja bue ñaatiti? O biro iī:

“Wimarã, ca ɔpūrãacã, cūja ca bajarije mena, mure cūja ca baja peo nɔcū buoro mɔ tii,”‡ iī —cūjare iī yɔɔwi.

¹⁷ To biro cūjare iī yapano witi, waacoawi Jesús, Betania macãpɔ cãnigɔ waagɔ.

Higueragɔ ca dica maniricɔ
(Mc 11.12-14, 20-26)

¹⁸ Ape gɔmɔ boeri tabe meerpacã Jerusalén'pɔ waa nɔnɔa waagɔ, queya tɔgoeñaupi Jesús. ¹⁹ To biro bii nɔnɔa waagɔ, jicãgɔ higueragɔ maa pɔtoacã ca niiricure iã buari, tiigɔ dicare iagɔ waamiwi. Dica manirora, ca pūu wado ca niiro iã, o biro iīwi:

—¿Pɔati mɔja dica cɔti nemotirucu! —iīwi. To biro cū ca iirora, jicãto jinicã nɔcã waawɔ tiigɔ pea.

²⁰ To biro ca biirijere iarã, jãa, cū buerã pea ɔcuacoari, o biro cūre jãa iī jãiñawɔ Jesús're:

—¿Tiigɔ pea do biro biicãri, jicãto to jinicoajãri? —jãa iīwɔ.

²¹ To biro jãa ca iiro, o biro jãare iī yɔɔwi Jesús:

—Yee méé mɔjare yɔ iī: “Mani ca iirore biro tiirucumi” yare iī tɔgoeña tutuacã, “Yeera mani iicãbocu” iī tɔgoeñati, mɔja ca biijata, higueragɔre yɔ ca tiijãrije ɔno wado méé mɔja tiirucu. Atigɔ ɔtãgɔpɔ cãare: “Toore pãa ũmaa waari, dia pairiyapɔ ñañaña,” mɔja ca iijata, mɔja ca iirore birora biirucu. ²² Juu buerã, “Mani ca jãirijere manire tiicojorucumi,” iī tɔgoeña bayiri mɔja ca jãijata, mɔja ca jãirije niipetiro mɔja tiicojo ecorucu —jãare iīwi.

Jesús cū ca doti majirije
(Mc 11.27-33; Lc 20.1-8)

²³ Jiro *Umureco Pacu* yaa wiipɔ jãa waawi Jesús. Toopɔ bojocare cū ca bue niiro, paia ɔparã, to biri judíos're ca juo niirã, cū pɔto eari, o biro cūre iī jãiñawa:

—¿Ñee doti majirique cɔcãri atere mɔ tiiti? ¿Ñiru tee doti majiriquere mure cū tiicojori? —cūre iī jãiñawa.

²⁴⁻²⁵ To biro cūja ca iiro, o biro cūjare iī yɔɔwi Jesús:

—“Yɔ cãa, jicã wãme mɔjare yɔ jãiñarucu: ¿Ñiru Juan're cū uwo coe doti cojoupãri? ¿*Umureco Pacu*? ¿Bojoca pee? Yare mɔja ca yɔɔjata, yɔ cãa, tee doti majirique mena atere to biro yɔ tii,” mɔjare yɔ iirucu —cūjare iīwi.

To biro cū ca iiro, cūja pea:

—“*Umureco Pacu* cūre doti cojoupãri,” mani ca iī yɔɔjata, “¿ñee tiirã cūre mɔja tuo nɔnɔjeetiri?” manire iirucumi. ²⁶ Núcã, “Ati yepa macãrã cūre uwo coe doti cojoupã,” mani iī majiti. Bojocare mani uwi jañu. Mee niipetirãpɔra, “Juan, *Umureco Pacu* yeere

* 21:13 Is 56.7. † 21:13 Jer 7.11. ‡ 21:16 Sal 8.2.

wederi majm niwi,” ca ñirã wado niima —ameri ñiupa. ²⁷ To biri, “Jãa majiti,” cãre ñi yuwa Jesús're.

To biro cãja ca ñiro:

—Yu cãa, tee doti majirique mena, “Atere to biro yu tii,” mujare yu ñiti —cãjare ñi yuwa Jesús.

Jicã puna puarãre Jesús cã ca ñi cõñarique

²⁸ To biro ñi yapano, o biro cãjare ñi jãñawi Jesús:

—¿Do biro mija ñiti mija atere? Jicã puarã puna cutiupa. Cã macã jicãre o biro cãre ñiupa: “Macã, mecãra yu ñje wejeru padeguja,” cãre ñiupa. ²⁹ To biro cã ca ñiro, cã macã pea, “Yu waarugati,” cãre ñiupa. To biro ca ñiricu nii pacagu, jiro tugoeña wajoa, padegu waacoauru. ³⁰ To biro cã ca ñiro tuo, cã macã apĩ puto pee waa, to birora ñiupa cã cãare. Cã pea, “Jau, mecãacã yu waarucu,” cãre ñiupa. To biro ca ñiricu nii pacagu, padegu waatiupa. ³¹ ¿Niipe cãja pacu cã ca boorijere cã tiijapari? —cãjare ñi jãñawi.

To biro cã ca ñiro, cãja pea:

—Cã ca doti juoricu pee —cãre ñi yuwa.

To biro cãja ca ñiro, o biro cãjare ñiwi Jesús:

—Yee mée mujare yu ñi: Roma maquere wapa jee bojari maja, to biri nomia, umua mena ca tii epe wapa taarã romiri pee, Æmureco Pacu cã ca doti niiri taberure mija juguero ea juorucuma. ³² Uwo Coeri majm Juan añurije tii niirique maquere mujare buegu doomiupi. Mija pea cã ca ñirijere mija tuo nunjeetiupa. To biro mija ca biicãro, niirique wapare wapa jee bojari maja, to biri umua mena ca tii epe wapa taarã romiri pea, cãre tuo nunjeeuropa. Mija pea ate niipetirijere ñacã pacarã, cã ca ñirijere tuo nunjeerugatirã, mija tugoeña wajoatiupa.

Paderi maja ñañarãre cã ca ñi cõñarique

(Mc 12.1-12; Lc 20.9-19)

³³ “Apeye ñi cõñarique tuoaya: Jicã yepa uru, jicã weje ñje weje oteri, tii wejere jãni jãa, ñje oco dipericarore queno, tii weje niipetiroperena cãja ca ña cote niipa wii cãare, emuari wii queno yapano, aperãre tii wejere paderique cãu, aperopu waa yujugu waacoauru. ³⁴ Jiro, ñje ca bucuari cuu ca earo, cãre pade bojari maja jicãrãre tiicojupru, tii wejere paderi majare cã yee ca niirijere jã doti cojogu. ³⁵ Tii weje paderi maja pea cã ca doti cojoricarã cãja ca earo, cãjare ñeeri, jicãre cãre quẽe, apĩra cãre jã cõacã, apĩ peera ñtã mena cãre dee, tiuparã. ³⁶ Jiro tii weje uru, cã pade bojari majare cã ca tiicojo juoricarã ametuenero tiicojupru ñucã. Tii wejere paderi maja pea cã ca tiicojo juoricarãre cãja ca tiiricarore birora tiicãuparã ñucã cãja cãare.

³⁷ “Jiro, “Yu macãra, yu macã cã ca niiro macã cãre nacã buorucuma,” ñi tugoeñari, cã macã majuro peere tiicojupru.

³⁸ “Paderi maja pea cã macã majurope cã ca dooro ñarã, o biro ameri ñiuparã: “Anira niimi, cã pacu cã ca bii yairo jiro ati wejere ca cno nunjeerpu. Cãre mani jã cõacãco. To biro tiirã, manirã ati weje uparã mani tuarucu,” ameri ñiuparã. ³⁹ To biri tii weje tujaropu cãre ñee witi waari, cãre jã cõacãuparã.

⁴⁰ “To biri yua, mija ca tugoeñajata, tii weje uru tua eagu, ¿“Paderi majare, do biro cãjare tiirucumi” mija ñi tugoeñati? —cãjare ñi jãñawi Jesús.

⁴¹ To biro cã ca ñi jãñaro, cãja pea:

—Ña mairicaró maniro, cãja, ca bojoca ñañarãre jã batecã, aperã, ñje ca dica cutiri cuu ca eari taberi cõro cã yee ca niirijere cãre dica woo, ca tii niirã peere cãjare tiicojorucumi —ñi yuwa Jesús're.

⁴² To biro cãja ñiro, Jesús pea o biro cãjare ñiwi:

—¿Mija jicãti uno peera Æmureco Pacu wederiquere mija bue ñaatiti? O biro ñi: “Ûtãga, wii buari maja cãja ca beje cõamiricagara, ca nii majuropeerica nii ea. Upu atere to biro tiupi. Teere ñarã, mani ñi ña ucucãco,” ñi. §

⁴³ To biri o biro mɔjare yɔ ɪi: Ɛmureco Pacɔ cɔ ca dotiri tabe macārã mɔja ca niimirijere mɔjare ẽmari, aperã, ote ca bɔcɔari cuu ca earo, cɔ yeere ca dica woo cojorã peere tiicojorucumi. ⁴⁴ Nũcã ɛtãga mena peera, jĩcɔ ɛno tiiga jotoa cɔ ca ñaapeajata, doca jude batecã yai waarucumi. Nũcã tiiga pee, jĩcɔ ɛnore to ca ñaapeajata, doca abo yaiocãrucu —ĩwi.

⁴⁵ To biro Jesús cɔ ca ɪi cõõña wederijere tuorã, paia ɛparã, to biri fariseos pea, cɔjarena cɔ ca ɪi cõõña wederijere tuo majicãwa. ⁴⁶ To biri Jesús're cɔre ñeerugamiupa. To biro cɔre tiiruga pacarã, bojocare uwi jañuupa, “Ɛmureco Pacɔ yee quetire wede jɔgueri maju niimi,” bojoca cɔja ca ɪigu cɔ ca niiro macã.

22

*Amo jiarica boje rɔmɔre cɔ ca ɪi cõõña wederique
(Lc 14.15-24)*

¹ Nũcã Jesús ɪi cõõñarique mena o biro ɪi wede jɔo waawi:

² —Ɛmureco Pacɔ cɔ ca doti niiri tabea, jĩcɔ wiogu, cɔ macɔ cɔ ca amo jiaric boje rɔmɔre quenogu cɔ ca tiiricarore biro nii. ³ Cɔre ca pade coterã mena, cɔ ca jɔoricarãre jɔo doti cojourn. Cɔ ca jɔomicarã pea doorugatiuparã. ⁴ Jiro, aperã cɔre ca pade coterã mena, cɔ ca jɔoricarãre o biro cɔjare ɪi doti nemo cojomipurɔ ñucã: “Mee, baariquere niipetiro queno yapanoriquerɔ yɔ cɔo. Yɔ wecɔa, aperã waibɔcɔrã, añuro ca dí cutirã yɔ jãa dotijãwɔ. Mee, niipetiro queno yapanoriquerɔ nii. jÑee pee dɔjati! ‘Yoari méé boje rɔmɔ dooya,’ ɪi wede dooya,” cɔjare ɪi doti cojomipurɔ. ⁵ Cɔ ca jɔomicarã pea cɔre yɔntiuparã. Jĩcɔ cɔja mena macɔ cɔ wejeri pee waacoaurɔ. Apĩ pea cɔ ca padero pee waacoaurɔ. ⁶ Aperã pea wiogu ɛmɔare cɔjare ñeeri, ñañaro cɔjare tii, cɔjare jãa bate, tiicãuparã.

⁷ ”Wiogu pea teere tuo ajari, bojoca jãari majare jãa batecã, cɔja yaa macã cãare joe cõacã, tii doti cojourn cɔ uwamarãre. ⁸ Jiro, cɔ ɛmɔare o biro ɪiurɔ ñucã: “Boje rɔmɔ maquẽ ñee ɛno pee dɔjati. Yɔ ca jɔomijãrã pea ca dooparã ɛno méé nijapa. ⁹ To biri wiijeri watoa macã maaripɔ waari, noo mɔja ca bɔa earã cõrorena jɔorãja,” cɔjare ɪi cojourn.

¹⁰ ”To biro cɔ ca ɪiricarã, cɔ ɛmɔa pea wiijeri watoa macã maaripɔ waari, noo cɔja ca bɔa earã niipetirãre, añurã, ñañarãre jɔo neouparã. To biri boje rɔmɔ cɔ ca quenopa jawire bojoca dadacouparã. ¹¹ Jiro wiogu, cɔ ca jɔo cojoricarãre ɪagu jãa waagu, jĩcɔ, amo jiarica boje rɔmɔ maquẽ mééra juti jãñari ca niigure ɪaurɔ. ¹² Cɔre ɪari: “Yɔ mena macɔ, ¿amo jiarica boje rɔmɔ maquẽ juti jãñati pacagu, do biro biicãri anopure mɔ jãa doojãri?” cɔre ɪiurɔ. To biro cɔ ca ɪiro, wedetiurɔ cɔ pea. ¹³ To cõrora wiogu pea, bojocare baarique batori majare o biro ɪiurɔ: “jAnire ñeeri, cɔ amori, cɔ dɔpori jiaric, õo macã ca naitiaropɔ cɔre cõa wienecã cojoya! Too ca naitiaropure oti, cɔ upire baca dɔpo, cɔ ca bii bɔañapa taberɔ,” ɪiurɔ. ¹⁴ Biirãpɔra paɔ niima, Ɛmureco Pacɔ cɔ ca jɔorã. Cɔ ca beje jeerã pea, paɔacã méé niima —ɪi wedewi Jesús.

*Wiogu César're niirique wapa wapa tiirique maquẽ
(Mc 12.13-17; Lc 20.20-26)*

¹⁵ Ate jiro fariseos waari, Jesús're wedejãarugarã, jĩcã wãme Jesús cɔ ca ɪi maa wiijaro cɔja ca tiipere ameri wede peniupa. ¹⁶ To biro ameri ɪicãri, jĩcãrã cɔja mena macãrãre, Herodes jaarã mena o biro cɔjare ɪi doti cojounpa:

—Buegu, díamacɔ ca niirije ca ɪirote biro ca tiigu nii, Ɛmureco Pacɔ cɔ ca boorore biro niiriquere díamacɔ ca niirijere ca ɪirote biro wede, mɔ ca tiirijere jãa maji. Nũcã bojoca cɔja ca bii ɪño niirijerena ca ɪa nɔnɔjeetigu niiri, bojoca cɔja ca ɪirijerena tuo nɔnɔjee, mɔ tiiti. ¹⁷ To biri mɔ ca tugoeñari wãmere jãare wedeya. ¿Wiogu romanore niirique wapa jãa ca wapa tiirucurije to añu jañuti? ¿To añutitiqué? —cɔre ɪi jãñawa.

¹⁸ Jesús pea ñañari wãme tugoeñacãri cɔja ca ɪirijere majiri, o biro cɔjare ɪi yɔwɔi:

—Watoara ca bii dito pairã, ¿ñee tiirã, “Ñañaro cã ïi bui cutijato,” ïi tugoeñarique mena yure mũa jãĩnati? ¹⁹ Wiogure* mũa ca wapa tiirucuri tiire yure ññoñaqué —cũjare ïwi. To biro cã ca ïiro, jĩcã tii cãre noniwa. ²⁰ Tii tiire amiri:

—¿Ati tiire ñiru diãmacũ, ñiru wãme, owa tuurique to tujati? —cũjare ïi jãĩnawi Jesús.

²¹ To biro cã ca ïi jãĩñaro, cũa pea:

—Wiogu César yee tuja —cũre ïi yũwa.

To biro cũa ca ïiro, Jesús pea:

—To docare César yee ca niirijere César're tiicojaya. Æmureco Pacu yee ca niirijere Æmureco Pacure tiicojaya —cũjare ïwi. ²² To biro cã ca ïiro tuorã, ñee pee ïiticãwa. To biri witi, cãre waa weocoawa yua.

Cati tuarique maquẽre cũa ca jãĩnarique

(Mc 12.18-27; Lc 20.27-40)

²³ Ñucã tii ñmurena jĩcãrã saduceos Jesús're ïarã dooupa. Ména cũa pea: “Ca bii yaicoaricarãpna, pnatì cati tuaticuma,” ca ïi niirucurã niiri, ati wãme cãre ïi eawa Jesús're:

²⁴ —Buegu, Moisés niiquĩricu: “Jĩcũ, puna manigara cã ca bii yaijata, cũ niiquĩricu bai pee, cũ ñmo ca niiricore ñmo cutirucumi, cũ jũwure puna cuti bojarugu,” ïupi. ²⁵ To biri, ano jãa watoare jĩcãti niywa jĩcũ puna jĩcã amo peti, ape amore pũaga penituario niirã. Ca nii jũogu ñmo cuti jũomiupi. Puna manigara bii yaicoaupi. Ca puna maniricu niiri, cã bai peere cũu yaiupi. ²⁶ Cũ cãa to birora bii, ñucã cã jiro macũ cãa to birora bii, niipetirãpna to biro wado biicãupa. Cũa jĩcã amo peti, ape amore pũaga penituario ca niimiricarãpna, to biro wado bii yai peticoupa. ²⁷ Cũa niipetirã jiro cũa ñmo ca niimirico cãa bii yaicoaupo. ²⁸ To biri yua, cati tuarica tabe ca niirorpure, ¿anija jĩcũ puna jĩcã amo peti, ape amore pũaga penituario ca niiricarã niipetirã cũa ca ñmo cutimirico pea, nii ñmo pee cõ niigoti yua? —ïi jãĩnawa Jesús're.

²⁹ To biro cũa ca ïiro, o biro cũjare ïi yũwi Jesús:

—Mũa, Æmureco Pacu wederiquere, cã ca tutuarijere, mũa majiti. To biri no ca boorora mũa ïi maa wijiacã. ³⁰ Bojoca ca bii yairicarã cati tuarãpna ñmua, nomia, manũ cuti, ñmo cuti, tiitirucuma. Æmureco tutipũ ca niirã, Æmureco Pacu puto macãrãre biirã niicãrucuma. ³¹ Apeyera ñucã ca bii yairicarã cũa ca cati tuarije maquẽre, ¿Æmureco Pacu majuropeera, ³² “Yua, Abraham, Isaac, Jacob jãari Æmureco Pacu yu nii,”† cũa ca ïiriquere mũa bue ñaatiti? Cũa, ca bii yairicarã Æmureco Pacu méé niimi. Ca catirã Æmureco Pacu niigu biimi —cũjare ïwi Jesús.

³³ To biro Jesús cã ca ïi wederijere tuorã, bojoca pea ñee pee ïiticãwa.

Doti cũurique ca nii majuropeerije

(Mc 12.28-34)

³⁴ Jesús, saduceos're do biro cũa ca ïi majitiropũ cũjare cũa ca ïiriquere majicãri, fariseos neaupã ñucã, ameri wede penirugarã.

³⁵ Jĩcũ cũa mena macũ, doti cũuriquere ca jũo buegu, “Ñañaro cã ïi bui cutijato” ïigu, o biro ïi jãĩnawi Jesús're:

³⁶ —Buegu, ¿dije to niiti doti cũurique ca nii majuropeerije? —ïwi.

³⁷ To biro cũa ca ïiro, o biro cãre ïi yũwi Jesús:

—“Ëpu mu Æmureco Pacure mu yeri niipetiro mena, mu ca tugoeñarije niipetiro mena, mu ca cati niirije niipetiro mena, cãre maiña,” ïi.‡ ³⁸ Ate nii, ca nii majuropeerije doti cũurique niipetirore ca jũo niirije. ³⁹ Ate jiro ca dotiri wãme cãa teere bii jañurora nii. O biro ïi: “Mu upure mu ca mairore birora maiña mu puto macũre,” ïi.§ ⁴⁰ Ate pna wãme nii, doti cũuquĩrique niipetirore, Æmureco Pacu yee quetire wede jũgueri maja cũa ca buerique niipetirore, ca jũo nii majuropeerije —cãre ïwi Jesús.

* 22:19 César, Emperador. † 22:32 Ex 3.6. ‡ 22:37 Dt 6.5. § 22:39 Lv 19.18.

¿Ñiru pãrami cã niiti Mesías?

(Mc 12.35-37; Lc 20.41-44)

⁴¹⁻⁴² Ména, fariseos toora cãja ca nea poo niiro, o biro cãjare ñi jãíñawi Jesús.

—¿Mɔja do biro mɔja ñi tɔgoeñati Mesías're? ¿Ñiru pãrami niimi mɔja ñiti? —ñi jãíñawi.

To biro cã ca ñiro:

—David pãrami niimi —cãre ñi yɔɔwa.

⁴³ To biro cãja ca ñiro, o biro cãjare ñiwi Jesús:

—To docare, ¿ñee tiigu David majuropeera, Añuri Yeri cãre cã ca majiorije jɔori “Yɔ Wiogu,” cãre cã ñiquipari? O biro ñiupi David:

⁴⁴ “Ƴɔ o biro ñiwi yɔ Wiogure:

‘Ano, yɔ díamacã nãña pee duwiya ména,

mɔ waparãre cãja ca doca cãmuro yɔ ca tiiorɔɔ,* cãre ñiwi.”

⁴⁵ To docare ¿Mesías, do biro pee biicãri, David pãrami cã niibogajati, David majuropeera “Yɔ Wiogu,” cã ca ñimijata cãare? —cãjare ñiwi.

⁴⁶ To biro cã ca ñiro, jícã uno peera jícã wãme unora cãre yɔɔ cojorucu tiitiwa. To biri tii rɔmɔ mena jícã uno peera apeye cãre jãíña nemotiwa yua.

23

Fariseos, doti cūriquere ca jɔo buerã, cãja ca biirije

(Mc 12.38-40; Lc 11.37-54; 20.45-47)

¹ Ate jiro Jesús, bojocare, jãa cã buerãre, o biro ñi wedewi:

² —Doti cūriquere ca jɔo buerã, fariseos, Moisés cã ca doti cūrique ca ñirijere ca wede majiorã niima. ³ To biri mɔja, cãja ca ñirijere tɔo nɔnɔjee, cãja ca tii dotirije niipetirore tii nɔnɔjee, tiya. To biro bii pacarã, cãja ca tii niirije pee docare cãjare biro tiiticãña. Cãja, “O biro ca bii niiparã mani nii,” ca ñirã nii pacarã, cãja ca ñirore biro tiitima. ⁴ Bɔaro ca nɔcūrijere, do biro ca tii jee waa majiña manirije unore ca jia peorãre biro tiirique cutima, cãja ca buerije mena. To biro ñi pacarã, cãja pea jícã wãmeacã uno peerena tii nɔnɔjeerugati majuropecãma.

⁵ “Ate niipetirije tiima, “Bojoca jãare cãja ña nɔcū bɔojato,” ñirã. Cãja díamacūripɔ, ñucã cãja dicaripɔ ejari quejeri bɔcɔ tiicãri, Ƴmureco Pacɔ wederique cãja ca owa tuurica daarire dɔdɔa tuu, ñucã cãja juti yapari cãare paca sitiri ee tuu doo nemocãri jãña yujuma. ⁶ Nea poo juu buerica wiijeripɔ cãare wiorã cãja ca duwirije unopɔ wado duwiruga, baarica taberi cãare añuri taberipɔ baa duwiruga, ⁷ ñucã macã decomacã macã yeparipɔ cãja ca amejuajata cãare, bojoca, nɔcū bɔorique mena cãjare jãi nɔcū bɔo, “Jãare ca buerã,” cãjare ñi, ñi nɔcū bɔoriquere booma. ⁸ Mɔja pea, “Jãare ca buerã,” bojoca mɔjare cãja ca ñi nɔcū bɔorije unore amaaticãña. Mɔja niipetirãpɔra jícã punaarã nii, jícãra mɔjare ca bue majiogure cɔo, mɔja bii. ⁹ Ñucã ati yepare jícã uno peerena, “Cáacɔ,” ñiticãña. Jícãra niimi mɔja Pacɔ, ɔmureco tutipɔ ca niigu wado. ¹⁰ Aperã mɔjare, “Jãare ca buegu,” cãja ca ñirije uno cãare amaaticãña. Jícãra niimi mɔjare ca buegu, Cristo wado. ¹¹ Mɔja watoare, ca nii majuropeegu ca niigua, ca pade cotegeure biro pee cã niijato. ¹² Cã majuropeera, “Ca nii majuropeegu yɔ nii” ca ñigua, watoa macãre biro ña ecorucumi, “Watoa macã yɔ nii,” ca ñigu pea, ca nii majuropeegu niirucumi.

¹³ “Ñañaro biirucu mɔja, doti cūriquere ca jɔo buerã, fariseos, watoara ca bii dito pairã, aperã Ƴmureco Pacɔ cã ca doti niiri tabepure ca waarugarãre, ca boca jope bia camota niirãre. Mɔja majuropecã jãa waa majiti, ñucã ca jãa waarugarã cãare, cãjare jōenetí, mɔja bii. ¹⁴ ¡Ñañaro mɔja biirucu mɔja, doti cūriquere ca jɔo buerã, fariseos, watoara ca bii dito pairã! Ca wapearã romiri yaa wiijerire ca emarã nii pacarã, tii ditorã, yoaro mɔja juu buecã dia nuu waarucu. Ate jɔori, ametuenero ñañaro mɔja tii ecorucu.

¹⁵ ¡Ñañaro mɔja biirucu mɔja, doti cūriquere ca jɔo buerã, fariseos, watoara ca bii dito pairã! Dia paca yaaripɔ, yeparipɔ, mɔja waa nucū yuju, jícãacã mɔja ca wederijere

* 22:44 Sal 110.1.

ca tuo nunujeeru buarugarã, cãre buacãrãpua, mũa ametuenero ñañagu, puati cõropu pecame ca ñu yatitiri pecamepu ca ñuru cũ ca niiro mũa tiicã.

¹⁶ "Ñañaro peti mũa biirucu mũa, ca ñatirã nii pacarã, bojocare ca juo waarãre biro ca niirã. O biirije mũa ñi wederucu: "Jicũ ñno, 'Umuereco Pacu yaa wii mena yu ñi,' cũ ca ñijata, cũ ca ñirore biro cũ ca tiiticãjata cãare buaro biiti. 'Umuereco Pacu yaa wii maque oro mena yu ñi,' cũ ca ñijata docare, cũ ca ñirore birora tii majimi," mũa ñi. ¹⁷ Ca ña bojoca catitirã, ¿dije pee to niiti ca nii majuropeerije, oro pee, Umuereco Pacu yaa wii, orore añurije ca tuaro ca tiiri wii pee? ¹⁸ Ñucã o biirije mũa ñi: "Jicũ ñno, 'Waibucurãre joe muenerica tutu* mena yu ñi,' cũ ca ñijata, buaro biiti. 'Tii tutu jotoa ca pejarije mena yu ñi,' cũ ca ñijata docare, cũ ca ñiricarore birora tii majimi," mũa ñi. ¹⁹ Ca ña bojoca catitirã, ¿ñee pee to niiti ca nii majuropeerije, tiicojo nucũ buorique pee, waibucurã joe muenerica tutu, tiicojo nucũ buorique, añurije ca tuaro ca tiiri tutu pee? ²⁰ "Waibucurã joe muenerica tutu mena yu ñi" ca ñigua, tii tutu wado méere ñigu tiimi; tii tutu jotoa ca pejarije niipetiro menare ñigu tiimi. ²¹ "Umuereco Pacu yaa wii mena yu ñi" ca ñigu cãa, tii wii wado méere ñigu tiimi. Umuereco Pacu tii wiipu ca ñigu menarena ñicãgu tiimi. ²² Ñucã "Umuereco quejero mena yu ñi" ca ñigu cãa, Umuereco Pacu cũ ca duwiri taberena, ñucã Umuereco Pacu toopu ca duwigu menarena ñicãgu tiimi.

²³ "Ñañaro mũa biirucu mũa, doti cũuriquere ca juo buerã, fariseos, watoara ca bii dito pairã! Umuereco Pacu yee ca niipere, pũu† ca jutí añurijere, pua amo cõro ca niirijere jicã tabe ca jee dica woocãrã nii pacarã, doti cũurique ca ñirije ca nii majuropeerije, añurijere, boo paca ñariquere, ca niirore biro tii nunua waorique peera, mũa tii nunujeeti. Atere ca tii niiparã mũa nii, apeye pee cãare tii yerijãatirãra. ²⁴ ¿Ca ñatirã nii pacarã ca juo waarã! Becoacã peera weo cõacã pacarã, camello peera upua mũa uu yuucã cojo.‡

²⁵ "Ñañaro mũa biirucu mũa, doti cũuriquere ca juo buerã, fariseos, watoara ca bii dito pairã! Jinirica bapare, jotu bapare, jotoa peera coecã pacarã, jee duti, cõo pacarã pai jañuro boo jãa waa, mũa ca biirije peera, "To biro jãa tiicu," mũa ñiti. ²⁶ ¿Fariseos, ca ñatirã! Jinirica bapare, jotu bapare, jupea peere coe juoya. To biro mũa ca tiiro, jotoa pee cãare õweri manirije tuarucu.

²⁷ "Ñañaro mũa biirucu mũa, doti cũuriquere ca juo buerã, fariseos, watoara ca bii dito pairã! Maja operire, ca botirije mena wadatique, bau niiro peera añuro wãmoriguere biro nii pacarã, jupea peera ca bii yairicarã owa, ca boarije, ca niirore biro ca niirã. ²⁸ Teere birora mũa cãa, bau niiro peera ca bojoca añurãre biropu mũa baucã. Bii pacarã mũa yeri peera, ca bojoca añurãre biro mũa ca bii ditorije, ñañarije mũa ca tugoeñarije, nii ametuencã.

²⁹ "Ñañaro mũa biirucu mũa, doti cũuriquere ca juo buerã, fariseos, watoara ca bii dito pairã! Umuereco Pacu yee quetire wede jugueri maja niiquiricarã maja operire queno, ca bojoca añurã ca niiquiricarãre cãjare biirã cũja ca wee nucõricarãre wãmo, ca tii niirãre. ³⁰ To biro tiicãri, o biro mũa ñi: "Mani pea, mani ñicũ jãa cũja ca niirica cuupure mani ca niijata, Umuereco Pacu yee quetire wede jugueri majare mani jãara cũjare mani jãa nemotibojacupa," mũa ñi.

³¹ "To biro mũa ca ñirije mena, "Umuereco Pacu yee quetire wede jugueri majare ca jãa batericarã pãramerã peti mani nii!" ñirã mũa tii. ³² To biri mũa ñicũ jũmua cũja ca tii juo dooriquere tii yapanocãña. ³³ ¡Aña! ¡Aña punaa! ¿Do biro pee tiicãri, pecame ca ñu yatitiri pecamepu ñañaro mũa ca biipere mũa duti majirãti? ³⁴ To biri Umuereco Pacu yee quetire wede jugueri majare, ca majirãre, ca juo buerãre, mũjare yu tiicojorucu. To biro yu ca tiirãre mũa pea, jicãrã cũja mena macãrãre jãa, yucu teniripu cũjare paa pua tuu cõa, aperãra nea poo juu buerica wiijeripura cũjare bape, ñucã ñañaro tiirugarã macãri ca niiro cõro cũjare nunu yuju, mũa biirucu. ³⁵ To biro mũa ca tiirije juori,

* 23:18 Altar. † 23:23 Menta, anís, to biri comino. ‡ 23:24 Õo ca biirijeacã peera añuropu tii nunujee peoticã pacarã ca nii majuropeerije peera, "To biro biicu" mũa ñiti.

niipetirã bojoca añurãre ati yepare mũa ca jãa díi tii baterique, ca ñañarije manigũ Abel niiquírucu díi menapũra, ñucã Berequías macũ Zacarías're, Æmũreco Pacũ cũ ca bojoca cuti niiri wii,[§] to biri waibucurã joe mũenerica tutu* watoare mũa ca jãaricu díi wapa menapũ ñañaro mũa ca tamũope niirucu. ³⁶ Díamacũ mũjare yũ ñi: Ate niipetirije wapa, bojoca ati cuu macãrãpũre ñañaro cũjare bii ñaapea earucu.

Jerusalén're Jesús cũ ca otirique

(Lc 13.34-35)

³⁷”¡Jerusalén, Jerusalén, Æmũreco Pacũ yee quetire wede jũgueri majare jãa, Æmũreco Pacũ, queti wederi maja mũre cũ ca tii cojorãre ùtã mena dee jãa, mũ tii! ¡Jĩcãti méé mũ bojocare ãboco cõ punare cõ quedũpũri doca cõ ca jee neorore biro, cũjare yũ jee neorugamiwũ! ¡Cũja pea bootiwa! ³⁸ Ñaña. Mũa ca niimiri tabe bojoca maniri tabe tuarucu. ³⁹ Mecũ menare pũati yũre mũa ña nemotirucu, “Añuro ca biigũ niimi, Æmũreco Pacũ wãme mena ca doogũ,” mũa ca ñiri rãmũ ca earopũ mũjare yũ ñi —ĩwi Jesús.

24

“Æmũreco Pacũ yaa wii cõa ecorucu,” Jesús cũ ca ñirique

(Mc 13.1-2; Lc 21.5-6)

¹ Jesús Æmũreco Pacũ yaa wiipũ ca niiricu witi waa, mee waagũ doogũ cũ ca biiri tabera, jãa, cũ buerã pea cũ pũto waari, Æmũreco Pacũ yaa wiire cũja ca tiirica wiijerire cũ cãa cũ ñajato ñirã, cũre ñnorũgarã cũ pũto jãa waawũ.

² Cũ pea o biro ñiwi:

—¿Ate niipetirijere mũa ñati? Díamacũra mũjare yũ ñi: Ano ca niirije jĩcãga ùtãga peera, apega jotoa pejaricarõ maniropũ tii yaio ecocoarucu —ĩwi.

Ati Æmũreco ca petiparo jũguero ca biipe

(Mc 13.3-23; Lc 21.7-24; 17.22-24)

³ Jiro Olivos buuropũ jãa waacoawũ. Toorpũ ea, Jesús cũ ca ea nuu waaro ña, cũ pũto waari, jãa wado o biro cũre jãa ñi jãañawũ:

—Jãare mũ ca ñijãrijere jãare mũ ca wedero jãa boo. ¿Tea no cõropũ to biiroti? ¿Mũ ca tua doori rãmũre, ñucã ati Æmũreco ca petipere, do biirije to bii ñño jũgueroti? —jãa ñiwũ.

⁴ To biro jãa ca ñiro, Jesús pea o biro jãare ñi wede majiowi:

—Bojoca catiri niña, jĩcũ ñno peera mũjare cũja ca ñi ditotipere biro ñirã. ⁵ Paũ doorucuma. Yũ wãme mena ñicãri, o biro ñirucuma: “¡Yũra yũ nii, Mesías!”* ñiri, paũ bojocare ñi ditorucuma. ⁶ Aperoripũ cũja ca ameri jãarijere, “Ameri jãarique niirucu” cũja ca ñirijere, mũa queti tũorucu. Biirãpũa, teere tũo ucũaticãña. To biirijera ca biipe niiro bii. To bii pacaro ati Æmũreco petiro méé biirucu. ⁷ Jĩcã pooga macãrã, ape pooga macãrã mena ameri jãa, jĩcã yepa macãrã ape yepa macãrã mena ameri jãa, tiirucuma. Ñucã paũ taberipũre aũa boarique, ca jita jaberije, biirucu. ⁸ Ate niipetirije, ñañaro tamũorique bii jũo nũnũa waaro biirucu.

⁹ ”To biri mũa peera, aperãpũre mũjare tiicojorucuma, ñañaro mũjare tii, mũjare jãa bate, cũja tiijato ñirã. Yũ yee jũori, niipetirã mũjare ña tutirucuma. ¹⁰ To biro ca biiri cuure yũre ca nũnũrã paũ yũre tũo nũnũjee yerijãa, cũja majuropeera ameri ña tuti, ameri wedejãa buiyee cõa, tiirucuma. ¹¹ Paũ Æmũreco Pacũ yee quetire wede jũgueri majare biro bii dito eari, paũre ñi ditorucuma. ¹² Ñañarije tiirique bũaro jañuro ca bii nũnũa waaro macã, paũ bojoca cũja ca ameri maimiriquere ameri mai yerijãacãrucuma. ¹³ To biro ca biirije watoara ca tũgoeña tutua yapanocãgũa ametũarucumi. ¹⁴ Ate añurije queti Æmũreco Pacũ cũ ca doti niirije maquẽre, ati yepa niipetiropũre wede bato peoticãrique niirucu, bojoca poogaari cõrora cũja ca tũo peticãpere biro ñirã. To cõropũ docare ati Æmũreco petirucu.

§ 23:35 Santuario. * 23:35 Altar. * 24:5 Æmũreco Pacũ cũ ca tiicojo cojogũ.

¹⁵ "Ɛmureco Pacu yee quetire wede jugueri maju Daniel niiquĩricu, "Ɛmureco Pacu yaa wiire, ca Ñañarije Maniri Jawipure ĩaricaró docuorijere m̃ja ĩarucu," ĩi owaquĩupi.† Atere ca buegu tuo majiña. ¹⁶ Teere ĩarã, Judea ca niirã ũtã yucuru c̃ja duti waajato. ¹⁷ Wii jotoaru ca niigu cãa, c̃u yaa wii maquẽ apeyere jeegu duwi waatigura c̃u waacoajato. ¹⁸ Ñucã wejeru ca niigu cãa, c̃u juti unorena c̃u jeegu tua waaticãjato. ¹⁹ Tii rumurire ñañaro peti biirucuma nomia, ca puna jãñarã, ñucã ca ũpũrãacã, ca puna cutirã romiri. ²⁰ To biri Ɛmureco Pacure jãiña, m̃ja ca dutiri rumuri pue bucũ, yerijãarica rumũ, ca niitipere biro ĩirã. ²¹ Tii rumurire buaro peti ñañaro biirique niirucu. Buaropura ñañaro peti tamurique ati yepa ca nii juori taberura jĩcãti uno peera ca biitirique, ñucã jiro ca bii nemotipe biro biirucu. ²² To biirije ca biiri rumurire Ɛmureco Pacu c̃u ca duotijata, jĩcũ uno peera catitibocuma. C̃u ca beje jeericarãre maima ĩigu, duorucumi.

²³ "To biri jĩcũ uno m̃jare, "jãña! Ani niimi Mesías." "jãña! ĩi pee niimi," c̃ja ca ĩimijata cãare, c̃jare tuo nunjeeticãña. ²⁴ Pau mesías're biro ca bii ditorã, Ɛmureco Pacu yee quetire wede jugueri majare biro ca bii ditorã, doorucuma. Paca wãmeri tii bau nii, ca ĩa ñaña manirije tii jeeño, tiirucuma, ĩi ditorugarã. Ɛmureco Pacu c̃u ca beje jeericarã menapurena ĩi ditorucuma. ²⁵ Mee m̃jare yu wede majio juguecã.

²⁶ "To biri: "ĩaña. jCa yucu maniri yeparu niimi!" m̃jare c̃ja ca ĩimijata cãare, waaticãña. Ñucã: "jãña! Anoru duti duwijari," m̃jare c̃ja ca ĩimijata cãare, díamacũ c̃jare tuoticãña. ²⁷ Yu, Ca Nii Majuropeegu Macũ yu ca doori rumũ, muipũ c̃u ca m̃a doori ñña pee buru c̃u ca yabe cojorije, muipũ c̃u ca ñaajãa waari ññaru ca boe apõtiocã cojorore biro biirucu. ²⁸ Ca bii yairicu c̃u ca niiri tabere, yucãá wũ nea poorucuma.

*Ca Nii Majuropeegu Macũ c̃u ca tua doope
(Mc 13.24-37; Lc 17.26-30, 34-36; 21.25-33)*

²⁹ "Ñañaro tamurica rumuri ca bii yapano waari tabera:

"Muipũ Ɛmureco macũ naitĩacoa,

ñami macũ cãa boeti,

ñocõa Ɛmureco tutipũ ca niirã cãa ñaabatecoa,

ñucã Ɛmureco tutipure ca niirã ca tutuarã yugui peticoa, biirucuma."‡

³⁰ "To biro ca biiri tabera, yu, Ca Nii Majuropeegu Macũre ca bii ĩño juguerije Ɛmureco tutipure baua earucu. To cõrora ati yepa macãrã bojoca poogaari niipetirã buaro uwirique mena oti, yu, Ca Nii Majuropeegu Macũ, bueri bururi jotoa yu ca tutuarije mena, yu ca boe baterije mena, yu ca dooro ĩarucuma. ³¹ Yu pea yu yaarã Ɛmureco Pacu puto macãrãre,§ putirica wũ* putiricaró ca bujurije menara c̃jare yu tiicojorucu, yu ca beje jeericarã ati Ɛmureco niipetiropu ca niirãre c̃ja neojato ĩigu.

³² "Higueragu ca biirijere ĩa cõõña majiña. Tiigu dururi, abari dururiacã bii, wãma pũ wajoa, ca biirijere ĩarã, "Mee c̃ma juguero niicoaro bii," m̃ja ĩi ĩa maji. ³³ To biri wãmera ate niipetirije ca biiro ĩarã, "Mee Ca Nii Majuropeegu Macũ ati yeparure dooguru biimi," m̃ja ĩi majirucu. ³⁴ Yee méé yu ĩi: Ati cuu macãrã c̃ja ca bii yaiparo juguero biirucu, niipetirije ano m̃jare yu ca ĩirije. ³⁵ Ati Ɛmureco, ati yepa, peticoarucu. Yu wederique pea, yu ca ĩirore birora biicõa niirucu.

"To cõro doorucumi," ĩi majiña mani

³⁶ "Biiroru tii rumũ ca niiro, too muipũ c̃u ca niiro, "To biro biirucu" ĩiriquerura, jĩcũ uno peera majitima. Ɛmureco Pacu puto macãrã peti cãa, ñucã yu, c̃u Macũ cãa, yu majiti. Ɛmureco Pacu wado majimi.

³⁷ "Noé c̃u ca niiri cuupure ca biiquĩricarore biro biirucu, yu, Ca Nii Majuropeegu Macũ, yu ca tua doori rumure. ³⁸ Tii cuupure, ati yepa ca duaparo juguero, baarã, jinirã, amojarã, ameri nomi c̃urã, tii niiquĩupa. Noé, c̃mua pairicaru c̃u ca ea jãari rumuru

† 24:15 Dn 9.27; 11.31; 12.11. ‡ 24:29 Is 13.10; 34.4; Jl 2.10. § 24:31 Ángeles. * 24:31 Trompeta.

bojoca to biro tii eyoupa. ³⁹ “To biro biibocu” iiri méé cūja ca bii niiri tabera ca duurije doo, niipetirāparena duu bate yaio peticāquūpa. To biri wāmera biirucu yu, Ca Nii Majuropeegu Macū, yu ca tua doori rumu cāa.†

⁴⁰ “To biro ca biiri tabere, puarā umua wejeru ca niirā, jīcū ami waa eco, āpīa ami waa ecoti, biirucuma. ⁴¹ Nucā puarā nomia ca wāñia niirā, jīcō ami waa eco, apeo ami waa ecoti, biirucuma. ⁴² To biri mūja, bojoca catiri niīña, mūja Wiogu cū ca doopa rumure mūja majiti.

⁴³ “Biirāpua, atere majiña: Jīcū wii uru, “Jee dutiri maju ñamire to cōro doorucumi,” cū ca iī majijata, cāniri méé, ca ĩa cotegu niiri, jīcū unō peerena cū yaa wii maquēre cūja ca jee dutirā jāa dooro tiiticumi. ⁴⁴ To biri mūja cāa, añuro queno yue niīña. Tee jāa, mūja ca iitiri tabere yu doorucu, yu, Ca Nii Majuropeegu Macū.

Pade coteri maju ca añugu, to biri ca añutigu

(Lc 12.41-48)

⁴⁵ “ĴNiru cū niiti pade coteri maju, iiricarore biro ca tiigu, ca tūgoeña bojoca catigu, cū wiogu cū yaa wii macārāre ĩa cote, baarica tabe ca earo cūjare baarique eca, cū ca tii doti cūugu pea? ⁴⁶ Buarō ũjea niimi pade coteri maju, cū wiogu tua eagu, cū ca tiipe cū paderiquerena ca tii niigure cū ca bua eagu. ⁴⁷ Yee méé mūjare yu iī, wiogu pea cū yee niipetirijere ca ĩa nunūjeegu cūre tiirucumi. ⁴⁸ Paderi maju ñañagu cū ca nijata, “Yu wiogu yeto tua eatirucumi,” iī tūgoeñari, ⁴⁹ aperā paderi majare ñañaro cūjare paa epe juowa, ñucā ca jini cūmu pairā mena pee waari cūja mena baa, jini, cūmu nucū yuju, ⁵⁰ “Tii rumu ca niiro, tii tabe muipū cū ca niiro, earucumi,” cū ca iī majitiri rumure cū wiogu eari, ⁵¹ ñañaro cūre tii, cūre bape, watoara ca bii dito pairā cūja ca tii ecorore biropu ñañaro ca biipu cūre tiirucumi. To biri toopure buaro otī, upi baca dūpo, biirique niirucu.

25

Pua amo cōro niirā nomiare iī cōoñarique

¹ “Umureco Pacu cū ca doti niiri tabea pua amo cōro niirā wāmarā romiri amo jiarica boje rumure, ca numo cutipure bocarā waarā, cūja romiri cōrora jīa boericagaari ami, cūja ca waaricarore biro biirucu. ² Jīcā amo cōro niirā romiri, “To biro manire biibocu,” ca iī tūgoeñatirā niiparā. Aperā jīcā amo cōro ca niirā romiri pea, “To biro manire biibocu” ca iī tūgoeña bojoca catirā niiparā. ³ Ca tūgoeña bojoca catitirā romiri cāa cūja ca jīa boepagaarire jee waauparā. Jee waa pacarāra, ũje cūja ca pio jāa wajoape peere jee waatiuparā. ⁴ Ca tūgoeña bojoca catirā romiri pea, ũje cūja ca pio jāa wajoape cāare apega mena pio jāa, jee waauparā. ⁵ Ca amo jiaru yeto eatiuru. Tee jāa iiricarō maniro, cūja niipetirāparena wūgoa ca earo macā, cānicoauparā. ⁶ Nami decomacā ca niiro, “ĴMee, doo yerijāami ca amo jiaru! ĴCūre bocarā dooya!” cūja ca iī acaro buirijere tūouparā.

⁷ “Teere tuo, wāmarā romiri niipetirāpura wācāri, cūja jīa boericagaarire quenouparā. ⁸ To cōrora, “To biro biibocu” ca iī tūgoeña bojoca catitirā romiri pea o biro iimiuparā cūja mena macārā ca tūgoeña bojoca catirā romiri peere: “Jāa jīa boericagaari yati waaropu bii. Jāa cāare mūja yee ũje petoacā jāare tiicojōya,” cūjare iimiuparā. ⁹ To biro cūja ca iiro, ca bojoca catirā romiri pea: “Jāa tiicojoti. ĴMūjare jāa ca tiicojojata, jāa cāare eati, mūja cāare eati, biicābocu! ũje ca nonirā pūtopu waari wapa tiirāja, mūja ca jīa boepere,” cūjare iiparā.

¹⁰ “To biro cūja ca iiro tuo, cūja romiri cūja ca ũje wapa tiirā waa ditoyera, eaupu ca amo jiaru. Cū ca earo, ca tūgoeña bojoca catirā romiri pea, amo jiarica boje rumu cūja ca tiiri wiipu cū mena jāacoauparā. Cūja ca jāa waaro jiro, tii wii jopere biacāuparā. ¹¹ Jiropu aperā romiri pea eari: “ĴWiogu, wiogu, jāa cāare jope pāña!” cūre iimiuparā. ¹² To biro cūja ca iiro, “Mūjare yu majiti. Yee méé yu iī,” cūjare iī unūpu —iwi Jesús.

¹³ To biro iicā: “Tii rumu, tii tabe muipū cū ca niiro, earucumi ca iī majitirā niiri, añuro tūgoeña bojoca ca tiiri niīña,” iī nemowi Jesús.

† 24:39 Gn 6.5-12; 7.6-24.

Wapa tiirica tiiri mena ñi cõõñarique
(Lc 19.11-27)

¹⁴ O biro ñi nũnũa waawi ñucã:

— Æmũreco Pacũ cũ ca doti niiri tabea jĩcũ umũ ape yeparũ waarũgu jũguero, cũ paderi majare jũo cojori, cũ yee wapa tiirica tiirire, “Mũja ña nũnũjeewa,” cũ ca ñi cũu waaricarore biro biirucu. ¹⁵ Jĩcũ cũja mena macũre jĩcã amo cõro niiri poari peti wapa tiirica tiiri, oro tiiri cũre tiicojournũ.* Apĩre rũa poa tiicojournũ. Apĩ peera jĩcã poara cũre tiicojournũ. Cũja ca niiro cõrorena “Ano cõrorira ña nũnũjee bayirũgama,” ñi majiri cũjare tiicojournũ. To biro tii yapano, waacoaurũ yua. ¹⁶ Jĩcã amo cõro niiri poari cũ ca tiicojoricũ pea, tee mena apeye wapa tii, noni wapa taa nemournũ ñucã cũ ca tiicojoricaro cõrora. ¹⁷ To birora tiupũ rũa poa ca ñeericũ cãa, cũre cũ ca tiicojo waaricaro cõrora wapa taa nemournũ. ¹⁸ Jĩcã poa ca ñeericũ pea, cũ wiogũ yee wapa tiirica tiirire jee waari, yeparũ ope coa, yaa cũucãupũ.

¹⁹ ”Paderi maja wiogũ pea ca yoa waaro jiropũ tua eaupũ ñucã. Tua ea, cũ paderi maja mena cũja ca paderiquere quenournũ. ²⁰ Jĩcã amo cõro niiri poari ca ñeericũ ea jũourũ. Ea, apeye jĩcã amo cõro niirije cũ ca wapa taa nemoriquere cũ wiogũre cũre noniri, o biro cũre ñiupũ: “Wiogũ, jĩcã amo cõro niirije peti yũre mũ tiicojowũ. Ate nii apeye jĩcã amo cõro yũ ca wapa taa nemojãrije,” cũre ñiupũ. ²¹ To biro cũ ca ñiro, cũ wiogũ pea o biro cũre ñiupũ: “¡Añuro mũ tiijapa! Paderi majũ añugũ, ñiricarore biro ca tiigũ mũ nii. Mee, petoacãrena ca ña nũnũjee majiricũ mũ ca niiro macã, paũ ca niirijepũre ca ña nũnũjeegũ mũre yũ cũurucu. ¡Jãa doori, yũ mena ñjea niigũ dooya!” cũre ñiupũ.

²² ”Cũ jiro, cũ paderi majũ rũa poa ca ñeericũ cãa ea, o biro cũre ñiupũ: “¡Wiogũ, rũa poa yũre mũ tiicojowũ! Ate nii apeye rũa poa yũ ca wapa taa nemojãrije,” cũre ñiupũ. ²³ To biro cũ ca ñiro, cũ wiogũ pea o biro cũre ñiupũ: “¡Añuro mũ tiijapa! Paderi majũ añugũ, ñiricarore biro ca tiigũ mũ nii. To biri petoacãrena ca ña nũnũjee majiricũ mũ ca niiro macã, paũ ca niirijepũre ca ña nũnũjeegũ mũre yũ cũurucu. ¡Jãa doori, yũ mena ñjea niigũ dooya!” cũre ñiupũ.

²⁴ ”Jiro, jĩcã poa ca ñeericũ eari, o biro ñiupũ cũ wiogũre: “¡Wiogũ, do biro ca tiiya manigũ mũ ca niirijere, mũ ca otetiri taberena ca dica jee, ñucã ote dicare ca cũũña maniri taberena ca jeegũ, mũ ca niirijere yũ majiwũ! ²⁵ To biri mũre uwima ñigũ, mũ yee wapa tiirica tiirire, ope coari yũ yaio cũucãwũ. Ñaña. Ate nii mũ yee ca niirije,” cũre ñiupũ.

²⁶ ”To biro cũ ca ñiro, cũ wiogũ pea o biro cũre ñi yũũupũ: “¡Mũa, paderi majũ ca añutigũ, ca junañe paigũ mũ nii! Yũ ca otetirica taberena ca dicare jee, ote dicare ca dee bate cũũña maniri tabe ñnorenã ca dicare jee, ca tiigũ yũ ca niirijere maji pacagũ, ²⁷ ¡Ñee tiigũ yũ wapa tiirica tiirire, wapa tiirica tiirire cũurica wiipũ jee waari mũ cũutiri? To biro tiigũ, yũ ca tua earo pai jañuro ca bũũ nemorique mena yũre mũ tuenebojacupa,” cũre ñiupũ. ²⁸ To biro ñi yapano, too ca niirãre o biro ñiupũ: “¡Wapa tiirica tiiri cũ ca cũorijere ãmari, rũa amo cõro niiri poari ca cũogũ peere cũre tiicojoya!” cũjare ñiupũ. ²⁹ Ca cũogũra pai jañuro tiicojo nemorique niirucu. To biri paio cũorucumi. Ca cũotigũa, petoacã cũ ca cũomirije menapũra ãma ecorucumi. ³⁰ Ani paderi majũ ca añutigũ peera macã ca naitĩaropũ cõa wienecã cojoya. To biri toopũre bũaro oti, upi baca dũpo, biirique niirucu.

Bojoca poogaari cũja ca ña beje ecope

³¹ ”Yũ, Ca Nii Majuropeegũ Macã, yũ ca boe baterije mena, ñucã yũ jaarã yũre queti wede bojari maja niipetirã mena, yũ ca doori rũmũre, wiogũ cũ ca duwiri cũmuropũ† yũ ea nuu earucu. ³² To biro yũ ca biiro, ati yepa macãrã niipetirã bojoca poogaari cũja ca niiro cõro yũ jũguerore nea poo earucuma. To biro cũja ca biiro yũ pea, oveja coteri majũ, cabra watoa ca niirã ovejare cũ ca jee dica woorore biro cũjare yũ tiirucu. ³³ Yũ

* ^{25:15} Talentos: Jĩcã talento, jĩcũ pade coteri majũ veinte cãmari peti padegũ cũ ca wapa taaro cõro niipũ. Jĩcã talento treinta y cuatro kilogramos nii, oro tiiri mil niirije peti. † ^{25:31} Trono.

yaarã ovejare biro ca niirã peere, yu díamacũ nuña pee cãjare cõu, cabra peera yu ãcõ nuña pee cãjare cõu, yu tiirucu. ³⁴ To biro tii yapano yu pea, yu díamacũ nuña pee ca niirãre o biro cãjare yu iirucu: “Dooya mũa, yu Pacu añuro cũ ca tiiricarã, Æmureco Pacu ati Æmurecore jeeño jøogurura, mũjare cũ ca queno yuerica yepare niirã dooya. ³⁵ Yu ca queyaro, yure mũa baarique eawu. Oco jinirugu yu ca biiro, yure mũa oco tãawu. Nucũ yujuri maju yu ca niiro, cãnirica tabe yure mũa tiicojowu. ³⁶ Yu ca juti cõtiro, yure mũa juti tiicojowu. Yu ca diaro cãare, yure mũa ãarã eawu. Tia cõurica wiipu yu ca niijata cãare, yure mũa ãarã eawu,” cãjare yu iirucu.

³⁷ ”To biro yu ca iiro tuo, ca añurã pea o biro yure ïi jãñarucuma: “Wiogu, ¿di tabe ñno pee mũ ca queyaro ãari, mure jãa baarique ecarì? ¿Di tabe ñno pee mũ ca jiniruga nucũ yujuro, mure jãa oco tiari? ³⁸ ¿Di tabe ñno pee nucũ yujuri maju mũ ca niiro, ‘Jãa puto niña,’ mure jãa iiri? ¿Di tabe ñno pee mũ ca juti cõtiro, mure jãa juti jãari? ³⁹ Nucã, ¿di tabe ñno peti mũ ca diaro, tia cõurica wiipu mũ ca niiro, mure jãa ãarã earì?” ïi jãñarucuma. ⁴⁰ To biro cãja ca ïi jãñaro, yu, Wiogu pea, o biro cãjare yu iirucu: “Yee méé mũjare yu ïi. Anija, yu yaarã boo pacoro ca biirãre mũa ca tii nemorique, yurena tii nemorã mũa tiwu,” cãjare yu iirucu.

⁴¹ ”To biro ïi yapano, Wiogu pea, yu ãcõ nuña ca niirã peera o biro cãjare yu iirucu: “Yure camotatiya, mũa ñañaro ca biiparã, pecame ca Æu yatitiri pecame, Satanás, cũ yaarã† ca añutirã menare, Æmureco Pacu cãjare cũ ca queno yuerica taberu waarãja. ⁴² Yu ca queyaro, yure mũa baarique ecatiwu. Yu ca oco jinirugaro, yure mũa oco tãatiwu. ⁴³ Nucũ yujuri maju yu ca niiro, cãnirica tabe yure mũa tiicojotiwu. Yu ca juti cõtiro cãa, yure mũa juti jãatiwu. Nucã yu ca diaro, tia cõurica wiipu yu ca niiro cãare, yure mũa ãarã eatiwu,” yu iirucu.

⁴⁴ ”To biro yu ca iiro tuo, o biro ïi jãñarucuma: “¡Wiogu! ¿Di tabe ñno pee mũ ca queyaro, mũ ca jinirugaro, nucũ yujuri maju mũ ca niiro, mũ ca juti cõtiro, mũ ca diaro, tia cõurica wiipu mũ ca niiro, mure jãa tii nemotiri? ¿To biro mũ ca biiro jãa ãatiwu!” iirucuma. ⁴⁵ To biro cãja ca iiro, o biro cãjare yu ïi yuucuru: “Yee méé mũjare yu ïi: Anija, yu yaarã mena macãrã boo pacoro ca biirãre tii nemotirã, yu cãare tii nemotirã mũa biwu,” cãjare yu iirucu. ⁴⁶ Cãja pea to birora ñañaro cãja ca biipa taberu waarucuma. Añurã pea, to birora cãja ca caticõa niipa taberu waarucuma —ïi wedewi Jesús.

26

Jesús're ñeerugarã cãja ca wede penirique

(Mc 14.1-2; Lc 22.1-2; Jn 11.45-53)

¹ Ate niipetirije ïi yapano, o biro iwi Jesús, jãa, cũ buerãre:

² —Mee mũa maji, pua rumu jiro Pascua boje rumu ca niirijere. Yu, Ca Nii Majuropeegu Macũre noni cõacãrucuma, yucu tenipu yure cãja paa pua tuu cõajato iirã —iwi.

³ Tii rumurirena, paia uparã, to biri judíos're ca jwo niirã, paia wiogu Caifás yaa wiipu neari, ⁴ watoara jicã wãme ïi dito buiyeeri Jesús're ñeeri cãja ca jãa cõapere ameri wede peniupa. ⁵ Biirãpua, “Boje rumu petira mani tiiticãjaco, bojoca ajiari uwiorije cãja ca tiitipere biro iirã,” ameri iupa.

Nomio, ca juti añurije Jesús're cõ ca pio peorique

(Mc 14.3-9; Jn 12.1-8)

⁶ Jesús, Betaniapure Simón ca cami boagu cãja ca iigu yaa wiipu cũ ca niiro, ⁷ jicõ nomio ãtãga* mena cãja ca quenorica ruacã dadaro ca juti añurije ca wapa pacarijere ca ami doorico jãa eawo. Jãa ea, Jesús baarique peorica pïi puto cũ ca duwiro, ca juti añurije cũ dupuga jotoare pio peowo. ⁸ Jãa, cũ buerã pea, to biro cõ ca tiiro ãari, ajiamo iirã:

—¡Níjál! ¿Ñee tiigo ca wapa pacarijere to biro peti cõ tii batecãti? ⁹ Ca boo pacarãre tii nemorugo wapa pacaro noni wapa jee bojapo cõa —jãa ameri iwu.

† 25:41 Satanás cũ ángeles mena. * 26:7 Alabastro.

¹⁰ Jesús pea to biro jãa ca ïirijere majiri, o biro jãare ïiwi:

—¿Ñee tiirã atiore to biro m̃ja ïi pato wãcõti? Yũ menare añurijere tiigo tiimo. ¹¹ Ca boo pacarãra m̃ja watoare to birora m̃ja c̃ocõa niirucu. Yũ pee docare yoaro yũre m̃ja c̃otirucu.† ¹² Atio, ca juti añurijere yũ upũre pio peogo, yũre c̃ja ca yaa cõaperepũre queno yuego tiimo. ¹³ Yee méé m̃jare yũ ïi: Ati yepare noo ca niiri taberipũ ate añurije quetire c̃ja ca wederi taberipũ, atio cõ ca tiirije cãare wederucuma. To biro c̃ja ca ïiro, cõ cãa majirico niirucumo —ïwi.

Judas, Jesús're c̃u ca wedejãrique

(Mc 14.10-11; Lc 22.3-6)

¹⁴ Jic̃u, jãa c̃u buerã p̃ua amo peti, d̃pore p̃aga penituario ca niirã mena mac̃u, Judas Iscariote ca wãme c̃utigũ, paia ãparãre ïagũ waari, ¹⁵ o biro c̃jare ïiupi:

—Jesús're m̃jare yũ ca tiicojojata, ¿no cõro yũre m̃ja wapa tiirãti? —ïupi. To biro c̃u ca ïiro, c̃ja pea treinta tiiri, plata tiiri c̃ure wapa tiiupa Judas're. ¹⁶ To biro c̃ure c̃ja ca tiiri tabera, Judas pea Jesús're c̃u ca ñee doti majipa tabe ãnore ama jão waupi.

Jesús c̃u ca baa t̃jarique

(Mc 14.12-25; Lc 22.7-23; Jn 13.21-30; 1Co 11.23-26)

¹⁷ Pascua boje r̃m̃u ca nii j̃ori r̃m̃ũre, pan ca wauarije ca ayiaya manirije baarica r̃m̃u ca earo, jãa c̃u buerã pea c̃u p̃uto ea, o biro c̃ure jãa ïi jãiñawũ:

—¿Noopũ Pascua mani ca baapere jãa ca quenoro m̃ booti? —jãa ïiwũ.

¹⁸ To biro jãa ca ïiro, o biro jãare ïi yũwi:

—Jerusalén macãpũ waari, jic̃u yaa wiire eari, o biro c̃ure ïiña: “Buegũ o biro ïimi: ‘Mee, yũ yaa r̃m̃u cõñacã doo, to biri m̃u yaa wiipũ yũ buerã mena Pascua boje r̃m̃ũre yũ ametũenegũ waarucu,’ ïimi,” c̃ure m̃ja ïirucu —jãare ïwi Jesús. ¹⁹ To biro c̃u ca ïiro jãa pea, Jesús c̃u ca tii dotirore biro jãa tiiwũ. To biri tii wiipũ jãa queno yuewũ, Pascua boje r̃m̃u jãa ca baapere.

²⁰ Naiori tabe ca niiro, Jesús pea tii wiipũ, jãa, p̃ua amo peti, d̃pore p̃aga penituario ca niirã c̃u buerã mena baarique peorica p̃i p̃uto bii duwiwi. ²¹ Jãa ca baa niiro ãnora, o biro jãare ïwi Jesús:

—Yee méé m̃jare yũ ïi: Jic̃u m̃ja mena mac̃ura yũre wedejãa buiyee cõacãrucumi —ïwi.

²² To biro c̃u ca ïiro jãa pea, buaro t̃goeñarique pai, jãa ca niiro cõro o biro c̃ure jãa ïi jãiñawũ:

—¿Wiogũ, yũra yũ niicã tiimiguti? —jãa ïiwũ.

²³ To biro jãa ca ïiro, o biro jãare ïwi Jesús:

—Jic̃u, yũ ca joari baparena c̃u pan're ca weyogũ niimi, yũre ca wedejãapũ. ²⁴ Biigũp̃ua yũ, Ca Nii Majuropeegũ Mac̃u, Ëmũreco Pacũ wederiquere c̃ja ca owarique ca ïirore birora biigũ doogũ yũ tii. Yũre ca wedejãa buiyee cõagũ pea, ñañaro peti biigũ doogũ tiimi. C̃ura, c̃u ca bauatijata, añucãbojapa —ïwi.

²⁵ To biro c̃u ca ïirora, Judas, Jesús're ca wedejãa buiyee cõapũ pea, o biro c̃ure ïi jãiñawi:

—¿Buegũ! ¿Yũra yũ niicãtimiti? —c̃ure ïwi.

To biro c̃u ca ïiro:

—Mee, m̃ura m̃u ïi —c̃ure ïi yũwi Jesús.

²⁶ Jãa ca baa niirora Jesús pea pan're ami, Ëmũreco Pacũre: “Añu majuropeecã” ïi yapano, pee bato, jãa c̃u buerãre o biro jãare ïi tiicojowi:

—Amiri baaya. Atea yũ upũ nii —ïwi. ²⁷ Jiro ñucã, ãje oco bapare ami, Ëmũreco Pacũre, “Añu majuropeecã” ïi yapano, o biro ïigũra jãa peere noni cojowi:

—M̃ja niipetirãpũra ati bapare jiniña. ²⁸ Atea yũ díi nii, Ëmũreco Pacũ “Wãma wãme yũ tiirucu,” c̃u ca ïiriquere c̃u ca ïiricarore biro to biijato ïiro ca biirije, paũ bojoca c̃ja ca ñañarije wapare ametũene bojagũ yũ ca bii yaipe. ²⁹ O biro m̃jare yũ ïi: Ate ote ãje ocore

† 26:11 Dt 15.11.

puati yu jini nemotirucu, mɔja mena yu Pacu cɔ ca doti niiri taberu wɔma uje ocore yu ca jiniparo jɔguero —jɔare iwi Jesús.

Pedro cɔ ca i diopere Jesús cɔ ca wederique

(Mc 14.26-31; Lc 22.31-34; Jn 13.36-38)

³⁰ Jiro, salmos baja yapano, Olivos buuropu jaa waacoawu. ³¹ Tooru o biro jaaare iwi Jesús:

—Ati namire mɔja niipetirɔpura yure mɔja waa weocoarucu. O biro i owarique nii: “Oveja ca cotegure yu ja cocarucu.

Cɔ yaara oveja pea no ca boorora waa batecoarucuma,” i.†

³² Biiguru, cati tuari jiro, mɔja jɔguero Galileapu yu waarucu —iwi.

³³ To biro cɔ ca iiro, Pedro pea o biro cure i yuwi:

—Niipetira mre cɔja ca waa weocoamijata care, yu mre yu waa weotirucu —cure iwi.

³⁴ To biro cɔ ca iiro, Jesús pea o biro cure iwi:

—Yee mee mre yu i: Ati namira abocu cɔ ca wedeparo jɔguero, itiatu peti, “¡Cure yu majiti!” mu i ditorucu —iwi Pedore.

³⁵ Cɔ pea o biro cure iwi:

—Mu menara yu ca bii yaibe to ca niijata care, “¡Cure yu majiti!” yu i ditotirucu yu —iwi Pedro. To biro cɔ ca iiro, jaa Jesús buera niipetirɔpura to biro wado jaa iwu.

Getsemaní Jesús cɔ ca juu buerique

(Mc 14.32-42; Lc 22.39-46)

³⁶ Jiro Jesús jaa mena Getsemaní ca wame cutiropu waa, tooru eagu, o biro jaaare iwi:

—Ōo pee waari yu ca juu buegu waaro uno, anora duwiya mena —iwi. ³⁷ To biro i, Pedore, Zebedeo puna parare, juo waawi. Too waagu, buaro tugoeñarique pai yaja pua bii juo waaupi Jesús. ³⁸ To biri o biro cɔjare iupi:

—Yu ca cati niirijepura bii yaicoaricarore biropu yu tugoeña yapa pua. Anora tuari, canitirara yu menara iaca niina —iupi.

³⁹ To biro i yapano, cɔja jɔguero jañuro waa, yeparu muu bia cumu waari, o biro i juu bueupi:

—¡Cáacu! Ametuenerique uno to ca niijata, ñaño yu ca tamoro yure tiiticãña. Biiguru, yu ca boorore biro tiiticãña. Mu ca boorore biro pee to biijato —iupi. ⁴⁰ Juu bue yapano, cɔ buera puto pee tua waagu, ca canirapure cɔjare bua eari, o biro iupi Jesús, Pedore:

—¡Jicã nimaro uno peera, canitirara yu mena mɔja ia bayitijari? ⁴¹ Canitirara juu bueya, ñañarije ca bii buiyerijere jaa tiire iira. Añurijere mɔja tiiruga tugoeña biirapu, buari mɔja tugoeña bayiti majuropecã —iupi.

⁴² Waa, ñucã o biro i juu bueupi Jesús:

—¡Cáacu! Ano ñaño yu ca biipere do biro tii camota majiña manirije to ca niijata, mu ca boori wame tiya —iupi. ⁴³ Juu bue yapano tua waagu, ca canirapure bua eacupi ñucã. Buaro ca wagoa eyoro macã, cɔja capegaari ia pa bayiri mee bii niupa.

⁴⁴ To biro cɔja ca biiro ia, Jesús pea toora cɔjare cu, juu buegu waacoaupi ñucã. Cɔ ca iricarore birora i juu bueupi. ⁴⁵ To corora cɔ buera puto pee tua waa, o biro cɔjare iupi:

—¡Mena to birora cani, yerijaa, mɔja biicã niiti? Mee, yu, Ca Nii Majuropegu Macure, ñañarije ca tiirapure yure cɔja ca noni cõari tabe eacoa. ⁴⁶ ¡Wamu nucãña! ¡Jamu! ¡Mee, iira taja doomi, yure ca wedejaa buiyee cõagu! —iupi Jesús.

Jesús're cɔja ca ñerique

(Mc 14.43-50; Lc 22.47-53; Jn 18.2-11)

⁴⁷ Jesús to biro cɔ ca i niirora, Judas, jaa, Jesús buera pua amo peti, dɔpore puaga penituario mena macura, pa bojoca, jaderica piri, yucu dcari, beju cuticari, paia parã,

† 26:31 Zac 13.7.

to biri judíos're ca j̄uo niirã c̄j̄a ca tiicojoricarã mena bapa cuti eawi. ⁴⁸ Ména, wedejãari maj̄u Judas pea, o biro c̄j̄are ñiupi Jesús're ca ñeparãre:

—C̄ũ wajopuare ȳu ca ùp̄ũḡu niirucumi. C̄ũre m̄j̄a ñeerucu —ñiupi. ⁴⁹ To biri Judas, Jesús p̄uto eaḡu:

—j̄Bueḡu m̄u niimite! —ñiwi. To biro ñiḡura, c̄ũ wajopuare ùp̄ũ, c̄ũre tii añu doti eawi.

⁵⁰ To biro c̄ũ ca tiiro, Jesús pea o biro c̄ũre ñiwi:

—Ȳu mena mac̄ũ, m̄u ca tiiruga dooriquere j̄icãto tiya —ñiwi. To biro c̄ũ ca ñirora aperã pea doo, Jesús're c̄ũre ñeewa. ⁵¹ To biro c̄j̄a ca tiirora j̄icũ j̄ãa mena mac̄ũ, c̄ũ niip̄i t̄ãa wee amiri, paia wioḡure pade coteri maj̄u amoperore paa taa ñoocã cojowi.

⁵² To biro c̄ũ ca tiiro, Jesús pea o biro c̄ũre ñiwi:

—M̄u niip̄ire ca niiricarop̄ura queno c̄ũña. Niip̄iri mena ca ameri quẽerã niip̄etirãp̄ura, niip̄i menara j̄ãa ecorucuma. ⁵³ Tii nemorique ȳu ca boojata, ȳu Pac̄ure ȳu ca j̄ãiro, “Mee, p̄ua amo peti, ðap̄ore p̄uaga penituario ca niiri poogaari peti c̄ũ p̄uto mac̄ãrã uwamarãre tiicojo yerijãabocumi,” j̄m̄u ñi majititi? ⁵⁴ To biro to ca biijata, do biro pee biicãri Æm̄ureco Pac̄u wederique: “To biro biirucu,” j̄c̄j̄a ca ñi owa c̄ũquĩrique c̄j̄a ca ñiricare birora to biibogajati? —ñiwi Jesús.

⁵⁵ ñi yapano, o biro ñi j̄ãiñawi bojocare:

—j̄Ñee tiirã jee dutiri maj̄ure ca tiirãre biro niip̄iri, yucu ðucari, jeeçãricarã ȳure m̄j̄a ñeerã doojãri? To c̄ãnacã r̄um̄ura Æm̄ureco Pac̄u yaa wiip̄u ȳu bue niirucujãw̄u. J̄icãti ñno peera ȳure ñee, m̄j̄a tiitirucujãw̄u. ⁵⁶ Biirop̄ura, ate niip̄etirije Æm̄ureco Pac̄u yee quietire wede j̄uḡueri maja “O biro biirucu,” c̄j̄a ca ñi owaquĩricarore biro to biijato ñiro bii —ñiwi. To c̄õrora j̄ãa, Jesús buerã pea, j̄ãa niip̄etirãp̄ura c̄ũre j̄ãa duti weocoaw̄u.

Jesús're ÷parã p̄utor̄u c̄j̄a ca ami waarique

(Mc 14.53-65; Lc 22.54-55, 63-71; Jn 18.12-14, 19-24)

⁵⁷ Jesús're ca ñee waaricarã pea, paia wioḡu Caifás yaa wii, doti c̄ũuriquere ca j̄uo buerã, judíos're ca j̄uo niirã, c̄j̄a ca nea poo niiroru c̄ũre ami waaupa. ⁵⁸ To biro c̄j̄a ca tiiro, Pedro pea yoarop̄ura c̄j̄are n̄un̄u waa, paia wioḡu yaa wii mac̄ã yerap̄u eacoaupi. J̄ãa waa, Æm̄ureco Pac̄u yaa wii coteri maja uwamarã mena ea nuu waaupi, “j̄Do biro peti Jesús're c̄j̄a tii n̄un̄u waamirãti?” ñi ñaruḡu.

⁵⁹ Paia ÷parã, ÷parã ca nii majuropeera niip̄etirã, Jesús're j̄ãa dotirugarã, watoara ñi buiyeerica wãmeri ama niip̄ura. ⁶⁰ To biro ñi pacarã, watoara pāu c̄j̄a ca wedejãa niirije ca nii pacaro, j̄icã wãme ñno peera buaticãupa. Biirique peti p̄uarã, ⁶¹ o biro ca ñirã eaupa:

—Ania o biro ñiwi: “Ȳu, Æm̄ureco Pac̄u yaa wiire wee batecã, ñucã itia r̄um̄u jirora ȳu queno yapanocã maji,” ñiwi —ñi wedejãaupa.

⁶² To c̄õrora paia ÷p̄u pea wãm̄u n̄ucã, o biro ñiupi Jesús're:

—j̄Ñee tiiḡu m̄u ȳuñtiti? j̄Do biro ñirugaro to ñiti, ano o biirije m̄ure c̄j̄a ca ñi wedejãarije? —ñiupi. ⁶³ Jesús pea wedetiupi. To biro c̄ũ ca biiro, paia wioḡu pea o biro c̄ũre ñiupi:

—“Æm̄ureco Pac̄u, to birora ca caticõa niiḡu wãme mena díamac̄ũ j̄ãare wedeya,” m̄ure ȳu ñi. j̄Díamac̄ura m̄ua, Æm̄ureco Pac̄u Mac̄ũ Mesías'ra m̄u niiti? —ñiupi.

⁶⁴ To biro c̄ũ ca ñiro, Jesús pea o biro c̄ũre ñi ȳuñupi:

—Mee, m̄ura m̄u ñi: Ȳu, Ca Nii Majuropeeḡu Mac̄ure, niip̄etirijep̄ure Ca Doti Tutua Niiḡu c̄ũ ca duwiro díamac̄ũ ñña pee ca duwiḡure, * ñucã Æm̄ureco quejero maquẽ bueri buñurip̄u ȳu ca dooro, m̄j̄a niip̄etirã ȳure m̄j̄a ñarucu —ñiupi.

⁶⁵ To biro c̄ũ ca ñirora, paia wioḡu pea ajia ametuacoama ñiḡu, c̄ũ jutirore t̄ãa yega, o biro ñiupi:

§ 26:53 Æm̄ureco Pac̄ure queti wede bojari maja doce legiones. Uwamarã romanos j̄icã punare 4,200 to biri 6,000 c̄õro peti niip̄ura. Doce legiones peti c̄j̄a ca niijata yua niip̄etirã niirã 72,000 bojoca peti niip̄ura. * 26:64 Sal 110.1; Dn 7.13.

“Wapa tiirica tiiri plata, treinta niiri tiirire, israelitas,
 ‘To cõro wapa cutirucu,’ cõja ca ñiricaro cõro ca niirijere jeeri,
¹⁰ tee mena, ‘Joturi Weeri Maju Yaa Yepa ca wãme cutiri yepare wapa tiiwa,’
 Upu yure cõ ca tii dotiricarore birora,”
 cõ ca ñi owaquĩrique.*

Pilato Jesús're cõ ca jãĩñarique

(Mc 15.2-5; Lc 23.3-5; Jn 18.33-38)

¹¹ Jesús pea tii yepa macãrã upu Pilato p̄topu cõ ca nucũro, cõ pea o biro ñi jãĩñaupi Jesús're:

—¿Mũ, mũ niiti, judíos Wiogu? —cũre ñiupi. To biro cõ ca ñiro:

—Mee, mũra mũ ñi —cũre ñi yũũupi Jesús.

¹² Paia uparã, judíos're ca jũo niirã, cũre cõja ca wedejãamijata cãare, Jesús pea jĩcã wãme unora cõjare yũurucu, tiitiupi. ¹³ To biri Pilato pea o biro cũre ñi jãĩñaupi:

—¿Ñañaro mũre cõja ca ñi wedejãarijere mũ t̄otiti? —ñiupi. ¹⁴ To biro cõ ca ñimijata cãare, Jesús pea jĩcã wãme unocãra yũurucu, tiitiupi. To biro cõ ca biiro Pilato pea, “Uwioro ca biigu cõ niiti ania,” cũre ñi ñaupi.

Jesús're cõja ca jã cõa dotirique

(Mc 15.6-20; Lc 23.13-25; Jn 18.38—19.16)

¹⁵ Ména, tii yepa macãrã upu pea Pascua boje rum̄ri ca niiro, jĩcã tia cũurica wiip̄ ca niigu bojoca cõja ca boogũre wienerucuupi. ¹⁶ Tii tabere niipi jĩcã tia cũurica wiip̄re, Jesús Barrabás ca wãme cutigu, cõja ca jãnoogu. ¹⁷⁻¹⁸ To biri Pilato pea too ca nea poo niirãre o biro ñi jãĩñaupi, Jesús're ña tutima ñirã, cõja ca wedejãa cõarijere majiri:

—¿Niipere yu ca wienero mũja booti, Jesús Barrabás peere, Jesús, Mesías mũja ca ñigu peere? —ñiupi.

¹⁹ Ména, Pilato pea bojocare cõ ca jãĩña bejeri tabep̄ra cõ ca duwiro, cõ mũmo pea o biro cũre ñi cojouro:

—Mũ menara ca ñañarije manigũrena ñañaro cũre tiiticãña. Meep̄ macã ñamire ñañarije yu quẽñajãwu, cõ yee juori —ñiupo.

²⁰ Paia uparã, to biri judíos're ca jũo niirã, Pilato pea Barrabás're wiene, Jesús peera jã cõa doti, cõ ca tiipere biro ñirã, teere cũre cõja jãijato ñirã, bojocare wedejãa niip̄a. ²¹ Tii yepa macãrã upu pea cõjare jãĩña nemoupi ñucã:

—¿Anija p̄arãre, niipere yu ca wienero mũja booti? —ñiupi. To biro cõ ca ñiro:

—¿Barrabás're mũ ca wienero jãa boo! —ñi yũũupa.

²² To biro cõja ca ñiro, Pilato pea:

—To docare Jesús, Mesías peera, ¿do biro yu tiigajati? —cõjare ñi jãĩñaupi.

To biro cõ ca ñiro, niipetirãp̄ra:

—¿Yucu tenip̄ cũre paa pua tuu cõacãña! —ñiupa.

²³ To biro cõja ca ñiro, Pilato pea ñucã:

—¿Ñee uno ñañarije cõ tiijapari? —cõjare ñiupi.

To biro cõ ca ñimijata cãare:

—¿Yucu tenip̄ cũre paa pua tuu cõacãña! —ñi acaro bui nemoupa ñucã.

²⁴ To biri Pilato pea cõ ca tiirugari wãme peere, “¿Do biro yu tiiricaro mani!” ñima ñigu, buaro jaũuro bojoca cõja ca acaro bui mũnũa waaro ñari, oco jee doo dotiri, niipetirã cõja ca ña cojoro o biro ñigũra amo coeupi:

—Ani, ñañarije ca tiitiricũrena mũja ca j̄arijere, yua, yu wapa tuaticu. Mũja yee nii —cõjare ñiupi Pilato.

²⁵ To biro cõ ca ñiro, niipetirã bojoca o biro ñi acaro buiupa:

—¿Cũ ca bii yairije wapa, jãare, to biri jãa punare, to bii ñaapeajato! —ñiupa.

²⁶ To cõrora Pilato pea Barrabás're wiene, Jesús peera cũre bape doti yapano, cõjare nonicãupi, yucu tenip̄ cũre cõja paa pua tuu cõajato ñigu.

* 27:10 Zac 11.12-13; Jer 19.1-13; 32.6-9.

²⁷ Tii yepa macārã ʋpʋ yaarã uwamarã pea, ʋpʋ cū ca niiri wiipʋ Jesús're ami waa, cū wejare† uwamarã niipetirãre jʋo neoupa. ²⁸ To biro tii, cūre juti tuu weeri, ca jūari quejero pee cūre jāa, ²⁹ cū dʋpʋga peera pota daari mena juarica betore peo, cū amo díamacū peere yucʋguacã paa jua, tiicãri, cūja ājʋro jupeari mena cū pʋto ea nuu waari, o biro cūre ïi bui epeupa:

—¡Judíos wiogu to birora cū caticõa niijato! —ïiupa. ³⁰ Ñucã to biro ïirãra, cūre ʋjeco eo tuu, yucʋgu cūre cūja ca tiicojoricagʋrena amiri cū dʋpʋgare paa, tiupa. ³¹ Jesús're to biro ñañaro cūre tii epe yapano, cūre cūja ca juti jāaricarore tuu wee, cū juti majurope peere cūre jāa, cūre paa pua tuu cõarʋgarã amicoaupã.

Jesús're cūja ca paa pʋa tuu cõarique
(Mc 15.21-32; Lc 23.26-43; Jn 19.17-27)

³² Too ca niiricãrã witi waarãra, jīcū, Simón ca wãme cʋtigʋ, Cirene‡ macã macūre bʋa eari, Jesús're cūja ca paa pua tuu cõa paagʋre cūre ami waa nemo dotiwa. ³³ Gólgota ca wãme cʋtiri tabe ea waarã, (“Dʋpʋga Ōaro,” ïirʋgaro ïi), ³⁴ ʋje oco ca jūguērije mena cūja ca ayiariquere cūre tīawa. Jesús pea teere jini ñaari jiro, jinirʋgatiwi. ³⁵ Uwamarã pea Jesús're paa pua tuu nʋcõ yapanori jiro, ïi bʋarique mena tiiri, cū juti ca niiriquere ameri dica woowa. § ³⁶ To biro tii yapano, cūre ïa coterʋgarã toora ea nuucoawa. ³⁷ Ñucã cū dʋpʋga jotoa peere, “Tee jʋori jīa ecomi,” cūja ca ïi owa tuurica pīire paa pua tuuwa. Tii pīipʋre: “ANIA JESÚS NIIMI, JUDÍOS WIOGʋ,” ïi owa tuurique tujawã.

³⁸ Ñucã Jesús mena, jee dutiri maja pʋarã, jīcū cū díamacū nʋña pee, apī cū ācõ nʋña pee, paa pua tuu nʋcõ ecowa. ³⁹ Bojoca too ca ametʋa waarucurã pea Jesús're ïi tutirã, cūja dʋpʋgare yureri, o biro cūre ïi buiwa:

⁴⁰ —Mʋ, ʋmʋreco Pacʋ yaa wiire wee bate, itia rʋmʋ jirora wãma wii ca quenogʋa, mʋ majuropeera ametʋaya. ¡ʋmʋreco Pacʋ Macūra mʋ ca niijata, duwicã dooya! —ïiwa.

⁴¹ Ñucã paia ʋparã, doti cūuriquere ca jʋo buerã, to biri judíos're ca jʋo niirã mena jīcãri, to biiri wãmera cūre ïi buiwa. O biro ïiwa:

⁴² —Aperãpʋra mʋ ametʋene majicãwʋ biigʋpʋa. Mʋ majuropeera mʋ ca biirije peera mʋ ametʋene majiti. ¡Cūa, Israel yepa macārã wiogu niimi, cū duwicã doojato! To cõro docare díamacū cūre mani tʋo nʋnʋjeerucu. ⁴³ Cūa, ʋmʋreco Pacʋre ca tʋo nʋnʋjeegu niimi. Mecū docare ʋmʋreco Pacʋ cūre cū ametʋenejato, díamacūra cūre cū ca mai majuropeecãjata. Ania, “ʋmʋreco Pacʋ Macū yʋ nii,” ¿cū ïitiri? —cūre ïi buiwa. ⁴⁴ Ñucã jee dutiri maja, Jesús mena cūja ca paa pua tuuricãrã menapʋra, ñañarije cūre ïi tutiwa.

Jesús cū ca bii yairique
(Mc 15.33-41; Lc 23.44-49; Jn 19.28-30)

⁴⁵ Jotoa decomacã ca niiro, ati yepa niipetiropʋ ca naitīa peticoarique, ñucã muipū bʋaro cū ca aji ñaacūmu duwi waari tabe ʋnopʋ boewã. ⁴⁶ Tii tabera Jesús pea tutuaro mena o biro ïi acaro buiwi:

—Eloí, Eloí, ¿lama sabactani?* (Yʋ ʋmʋreco Pacʋ, yʋ ʋmʋreco Pacʋ, ¿ñee tiigu yʋre mʋ waa weocoati?) —ïigu ïiwi.

⁴⁷ Jīcãrã too ca niirã to biro cū ca ïiro tʋorã, o biro ameri ïiwa:

—Ania, ʋmʋreco Pacʋ yee quetire wede jʋgueri majʋ Elías niiquīricʋre jʋogu tiimi —ïiwa. ⁴⁸ To biro cū ca ïirora, jīcū cūja mena macū ūmaa waa, upa jitia mena ʋje oco ca piyarijere joa amiri, yucʋgʋpʋ tii jitiare jia tuuri, cūre juu mʋene cojowí, “Cū jinijato,” ïigu. ⁴⁹ To biro cū ca tiiro, aperã pea o biro cūre ïiwa:

—Tiiticãña ména. Mani ïaco, no cõro Elías cūre cū ca ametʋenegʋ dooro —ïiwa.

⁵⁰ Ñucã, Jesús pea tutuaro mena acaro bui tʋja, bii yaicoawi. ⁵¹ To biro cū ca biiri tabera ʋmʋreco Pacʋ yaa wii jupea macã jawire cūja ca yoo camotaarica quejero, decomacã

† 27:27 “Pretorio,” cūja ca ïiri tabe. Tii yepa macārã ʋpʋ Cesareapʋ ca niigu jīcã cuuri Jerusalén pee cū ca maa waarucuri taberi cū ca cãniri wii niupa. ‡ 27:32 Africa yepare díamacū macã tuapere ca niiri macã niiquīupa. Mc 15.21; Lc 23.26. § 27:35 Sal 22.16. * 27:46 Sal 22.1.

emũaro pee yega taticã duwi waaupa. Ñucã ati yepa cãa buaro nana, ùtãgaari cãa wati batecoa,⁵² maja operi pãacoa, paũ bojoca ca ñañarije manirã ca bii yaiquĩricarã cati tua, biiupa.⁵³ Jesús cũ ca cati tuaro jiro, cũja maja operipũ ca niiricarã witi, ca ñañarije maniri macã Jerusalén'pũ jãa waa, paũ bojocare baua ñño, biiupa.

⁵⁴ Uwamarã Ƴpũ, to biri cũ Ƴmũa, Jesús're ca ña cote niiricarã, ati yepa ca nanarijere, ñucã niipetiro ca biirijere ñarã, buaro uwirique mena:

—¡Díamacũra ania, Ƴmũreco Pacũ Macũ peti niijapi! —ĩiwa.

⁵⁵ Ñucã nomia paũ romiri Jesús're ca tii nemoricarã Galilea yeparũra ca nũnu dooricarã romiri cãa, toora yoaropũra ña cojocã niywa.⁵⁶ Cũja menare niywa, María Magdalena, Santiago, José jãari paco María, apeo Zebedeo puna paco, niywa.

Jesús're cũja ca yaarique

(Mc 15.42-47; Lc 23.50-56; Jn 19.38-42)

⁵⁷ Tii rũmũ nãiori tabere eaupi jĩcũ ca apeye paigũ, Arimatea macũ José ca wãme cutigũ, cũ cãa, Jesús're ca tuo nũnũjeegu ca niiricũ.⁵⁸ To biri Pilato pũtopũ waari, Jesús upũri niiquĩriquere yaa cõarũgũ, cũre jãiupi. To biro cũ ca ñiro, Pilato pea Jesús upũri niiquĩriquere cũre tiicojo dotiupi.⁵⁹ To biri José pea Jesús upũri niiquĩriquere ami, ùmaarica quejero ca õweri maniri quejero mena cũre ùmaari,⁶⁰ maja ope, wãma ope ùtã tudipũre cũ ca coa dotirica operũ cũre cũuupi. Jiro maja ope jãa waarica jopere ùtãgaaro mena tunuo biato, tuacoaupi.⁶¹ María Magdalena, apeo María jãa pea, maja ope ãpõtĩñaarora ñacã duwiupa.

Uwamarã, maja opere cũja ca coterique

⁶² Ape rũmũ, yerijãarica rũmũ maquẽre cũja ca queno yueri rũmũ jiro macã rũmũre, paia Ƴparã, to biri fariseos mena jĩcãri, Pilato pũtopũ waari,⁶³ o biro cũre ñiupa:

—Wioğũ, õo ca niiquĩgũ ca ñi ditorique paigũ niiquĩricũ, ména catigũpũ, “Itia rũmũ jiro yũ cati tuarucu,” cũ ca ñiriquere jãa tũgoeña buajãwũ.⁶⁴ To biri mũ Ƴmũare, cũ niiquĩricũ maja opere itia rũmũ peti cãjare cote dotiya, cũ buerã waari, cũ upũri niiquĩriquere ami ducicãri, bojocare, “Mee, cati tuacoajãwi,” ñi ditobocuma. To biro ca biijata docare yua, cũ ca ñi dito jũoriquere ametũenero ñi ditorique niibocu —ĩiupa.

⁶⁵ To biro cũja ca ñiro, Pilato pea o biro ñiupi:

—Mee, cũjara mũja cũo coteri maja uwamarãre. Cũja mena waari, mũja ca bayiro cõro maja opere coteya —ĩiupi.⁶⁶ To biri waa, maja opere añuro bia queno, ña majirũgarã, cũja ca biaricaga ùtãgare jũgo ñee nemo,[†] uwamarãre cote dotiupa.

28

Jesús cũ ca cati tuarique

(Mc 16.1-8; Lc 24.1-12; Jn 20.1-10)

¹ Yerijãarica rũmũ jiro macã rũmũ ape semana ca nii jũori rũmũ ca boe doori rũmũre, meerpũacã María Magdalena, to biri apeo María, maja operũ ñarã waacoaupi.² Ca ñiro tũjarora, buaro yepa nanawũ. Jĩcũ Ƴmũreco Pacũ pũto macũ, Ƴmũreco tutipũ duwi doo, maja ope pũto ea, tii opere cũja ca biaricaga ùtãgare ami woo, tiiga jotoara ea nuucoaupi.

³ Cũ pea bũpo cũ ca yaberijere biro ajiyaaupi. Cũ juti cãa oco weta* ca botirore biro buaro botiupe.⁴ Uwamarã pea cũre ñarã uwima ñirã, buaro nana, ca dia waaricarãre biro biicã cũmu waaupa.⁵ Ƴmũreco Pacũ pũto macũ pea o biro ñiupi nomiare:

—¡Uwiticãña! Yũa, yucũ tenipũ cũja ca paa pua tuucõajãgũ Jesús're amarã mũja ca biirijere yũ maji.⁶ Manimi anora. Mũjare cũ ca ñiricarore biro cati tuacoajãwi mee. Cũre cũja ca cũurica tabere ñarã doo ñaaquẽ.⁷ Yoari méẽ waari, cũ buerãre: “Mee, ca bii yairicarã watoare cati tuacoajapi Jesús. Mũja jũguero Galileapũ waami. Toopũ cũre mũja ñarucu,” cũjare ñi wede dooya. Mee, mũjare yũ wede yerijãa —cũjare ñiupi.

[†] 27:66 ña majirũgarã upa daacã Ƴno, ape tabera Ƴpe Ƴno mena, ñucã jita ca abarije Ƴno mena, bia menorucuupa. * 28:3 Nieve.

⁸ To biri nomia pea yoari méé maja operu ca niiricarã buaro uwi pacarã, ujea niirique mena ũmaa tua dooupa, jãa, Jesús buerãre wederã doorã. ⁹ To biro cūja ca bii tua waari tabera, Jesús pea cūjare añu doti jãina baua ea nũcãupi. Cūja romiri pea cū puto waa, cū dũporire paabario, cūre ñi nũcã buoupa.

¹⁰ Jesús pea o biro cūjare ñupi:

—¡Uwiticãña! “Yũ yee wederãre, Galilearu waarãja,” cūjare ñi wederãja. Tooru yure ñarucuma —cūjare ñupi Jesús.

Uwamarã cūja ca wederique

¹¹ Nomia cūja ca tua nunna waaro unora, jĩcãrã uwamarã maja opere ca cotericarã macãru waari, cūjare ca biirique niipetiro wedeupa paia unparãre. ¹² Paia unparã pea ñucã, judíos're ca jno niirã mena nea, wede peni yapanori jiro, uwamarãre paio wapa tiirica tiiri tiicojori, ¹³ o biro cūjare ñi wede majiupa:

—Mũja pea, “Ñami jãa ca cãni ditoye cū buerã doori, Jesús upuri niiquĩriquerẽ ami duticãjapa,” ñi wedeya. ¹⁴ Ñucã ati yepa macãrã uru† atere cū ca maji buacãjata, jãa, mũjare jãa wede bojarucu. To biro tiiri, teere mũjare jãa ametuenerucu —cūjare ñupa. ¹⁵ Uwamarã pea, wapa tiirica tiirire ñee, cūjare cūja ca tii dotiricarore biro tiupa. O biro cūja ca ñiriquerẽ, judíos watoare mecũripũ cãare to birora ñicõa niima.

Jesús cū buerãre cū ca doti cojorique

(Mc 16.14-18; Lc 24.36-49; Jn 20.19-23)

¹⁶ To biri jãa, Jesús buerã, pua amo peti, dũpore jĩcãga penituario ca niirã pea Galilearu, “Tooru yũ niirucu,” Jesús jãare cū ca ñi wederica macãnũcũ buuorũ jãa waacoawũ.

¹⁷ Jesús're ñarã, cūre jãa ñi nũcũ buowũ, ména, jĩcãrã “Cũra niimi” cūja ca ñiti pacaro.

¹⁸ Jesús pea jãa puto pee doo, o biro jãare ñiwi:

—Uũreco Pacũ, unũreco tutipũ cãare, ñucã ati yepa cãare, yũ ca doti niipere yure tiicojojãwi. ¹⁹ Tee tiirã waari, bojoca poogaari niipetirãpũrena, yure ca tuo nunjeerã cūja ca niiro tiirãja. Uũreco Pacũ wãme, cū Macũ wãme, to biri Añuri Yeri wãme mena cūjare uwo coe, ²⁰ ñucã mũjare yũ ca dotirique cõrorena tee ca ñirote biro cūja ca tii nunjeepere biro ñirã cūjare wede majio, tiya. Yũ pea, to cãnacã rũmũra, ati yepa ca petiorũ mũja menara yũ niicõa niirucu —ñiwi Jesús.

To biro to biijato.

Mateo

† 28:14 Gobernador.

SAN MARCOS

Añurije Queti, Marcos cū ca owarique, aperã ape pūurori cūja ca owaparo jūguero cū ca owarique nii. To biri Mateo, Lucas jãa pea, Marcos cū ca owariquere ñari, cūja cãa ñucã cūja ca niiro cōro owaupa. Bapari Añurije Queti watoare, paio ca ñi mani waarije méé nii atea.

Paio ñi mani waatirora, “Añurije Queti bojoca niipetirã yee ca niipe o biro bii j̄oupa Jesucristo mena,” ñi wedecã j̄uo.

Ate Añurije Quetia, bojocare Uwo Coeri maj̄u Juan ca yucu maniri yepap̄u cū ca tii niirique mena (1.1-8), Jesús cū ca uwo coe ecorique, tee jiro Satanás cūre cū ca ñi buiyee ñaamirique mena, wede j̄uo (1.9-13).

Bojocare wãt̄ia cūja ca doti tutua niirijere tii yaio bate (1.27, 34, 39; 5.1-20; 7.24-30; 9.14-29), ca diarique cutirãre cūjare diarique ametuene (1.29-34), ca aua boarãre cūjare baarique eca (6.30-44; 8.1-10), cū buerãre uworije cūjare ca biiro cūjare ametuene (4.35-41), tiimi. Jesús cū ca doti maji niirije pea bojorica wãme bii ñño: doti majirique mena bojocare bue (1.27), ñañarije tiiriquere acobo (2.5), yerijãarica r̄um̄ure doti majicã (2.28), doti cūurique ca ñr̄ugarijere díamacū wede majio (7.1-23; 10.1-12; 12.18-34), jirop̄u ca biipere wede majio j̄uguecã (13.1-37), ca tiiḡu niimi.

Jesús cū paderiquere bau niiro cū ca tii j̄oriquera Galileap̄u Añurije Quetire cū ca wede j̄oriquere (1.14—9.50), Jesús, Galilea ca niiricu Jerusalén'p̄u cū ca waariquere (11.1-52), Jesús cū ca nii t̄jari semanare ca biiriquere, cū ca bii yairiquere, cū ca cati tuariquere (12—16) wede yapano ea.

Ate añurije quetira, Jesús cū majuropeera, “CA NII MAJUROPEEḠU MAC̄Û ȲU NII” ñi wedemi. Ëm̄ureco Pac̄u pea, “ȲU MAC̄Û ȲU CA MAIḠU NIIMI,” ñimi. Wãt̄ia pea, “Ëm̄ureco Pac̄u Mac̄u niimi,” cūre ñi ña majima. Paia up̄u pea, cūja ca ñeericup̄ure, “¿M̄ua, MESÍAS, Ëm̄ureco Pac̄u Mac̄u m̄u niiti?” Jesús're cū ca ñi jãñaro, “Ëj̄u. Cūra ȳu nii,” cūre ñi ȳum̄u (14.61, 62).

Jesucristo yee Añurije Quetire Marcos cū ca Owarique

Juan cū ca wederique

(Mt 3.1-12; Lc 3.1-9; Jn 1.19-28)

¹ Jesucristo, Ëm̄ureco Pac̄u Mac̄u yee añurije queti ca nii j̄orije, ² Isáas, Ëm̄ureco Pac̄u yeere wede j̄ugueri maj̄u, o biro cū ca ñi owaricore biro biip̄u:

“Ȳu yee queti wederi maj̄ure,* m̄u j̄ugueri ȳu tiicojo, m̄ure cū maa queno yuejato ñiḡu.†

³ J̄icã, ca yucu maniri yepap̄u o biro ñi acaro bui wederucumi:

‘Añuro t̄goeñarique mena Wioḡure yueya.

Wioḡu cū ca eparo j̄uguerore, cū ca doopa maare díamacū maa cūja ca queno yuerore birora, m̄ja cãa m̄ja yerire añuro cūre queno yueya.’”‡

⁴ Ate ca ñiire biro Juan, ca yucu maniri yepap̄u uwo coe, ñañarije tiiriquere acobo ecorugarã, t̄goeña yeri wajoari uwo coe dotirique maquẽre wede, bii eaupi. ⁵ Judea yepa macãrã niipetirã, Jerusalén macã macãrã, cū ca wederijere t̄orã waarucuupa. Ñañarije cūja ca tiiriquere wede ametuene, cūja ca tiiro Juan pea dia Jordán'p̄u cūjare uwo coeupi.

⁶ Juan juti pea camello poa mena tiirique nii, waibucu quejero daa wẽña, tiupi. Cū ca baarije pea yejeroa, macãnucū macãrã dobea oco, niip̄u. ⁷ O biro ñi wedeupi Juan: “Ȳu jiro doomi j̄icã, ȳu ametuenero do biro ca tiiya maniḡu. Cū dupo juti jiarica daari ñno cãare muu biari ca popio coter̄u ñno méé ȳu nii ȳu. ⁸ Ȳua, oco mena m̄jare ȳu uwo coe. Cū pea Añuri Yeri m̄jap̄ure cū ca ñajãa nucãro tiiri, m̄ja ca t̄goeña yeri wajoaro tiirucumi,”§ ñiupi.

* 1:2 Juan Bautista. † 1:2 Mal 3.1. ‡ 1:3 Is 40.3. § 1:8 cū pea Añuri Yeri mena m̄jare uwo coerucumi.

Jesús cū ca uwo coe ecorique

(Mt 3.13-17; Lc 3.21-22)

⁹ Tii rumurira Jesús, Galilea yepa macã macã Nazaret ca niiricu eaupi. Juan pea dia Jordán'pu cūre uwo coeupi. ¹⁰ Uwo coe eco yapano, maa nũcãgura, umureco tuti pãa nũcãcoa, Añuri Yeri buare biigu bau duwi doo, cūpũre cū ca ñaapea earo ñaupi. ¹¹ Nũcã umureco tutipu wederique o biro ca ñi wedeorijere tũoupi: “Mũa, yũ Macũ, yũ ca maigu mũ nii. Mũ mena bũaro yũ ujea nii,” ñiupe.

Satanás, Jesús're ñañarije cū ca tii dotimirique

(Mt 4.1-11; Lc 4.1-13)

¹² Ate jiro Añuri Yeri pea ca yucu maniri yeparũ Jesús're amicoaupi. ¹³ Toopũ cuarenta rumuri peti, waibucũrã ca uwiorã watoa bii niigu, Satanás're ñañarije tii doti eco niuupi Jesús. Umureco Pacũ pũto macãrã pea cūre tii nemo niuupa.

Galileapũ Jesús cū ca pade juoriquẽ

(Mt 4.12-17; Lc 4.14-15)

¹⁴ Juan're tia cūurica wiipũ cãja ca tia cūuro jiro, Jesús Galilea yeparũ Umureco Pacũ yee añurije quetire wedegu waaupi. ¹⁵ O biro cãjare ñi wedeupi: “Cũ ca cõorica cuu eacoa. Mee, Umureco Pacũ cū ca doti niirije eacoaro bii. Ñañarije tũgoeña yeri wajoa, Umureco Pacũ yee añurije quetipere tũo nunũjeeya,” ñiupi.

Wai jĩari maja baparire Jesús cū ca juoriquẽ

(Mt 4.18-22; Lc 5.1-11)

¹⁶ Galilea utabucũra tũjaro waa nunũa waagu, Simón, cū yee wedegu Andrés mena wai jĩari maja niiri, cãja bapi yucu mena ca wai waja niirãre ñaupi Jesús. ¹⁷ Cãjare ña:

—Dooya yũ mena. Yũ pea waire mũja ca waja bũa majirore birora, bojocare ca waja bũa majirã mũja ca niiro mũjare yũ tiirucu* —cãjare ñiupi.

¹⁸ To cõorora cãja pea jĩcãto cãja bapi yucũre cūu, cū mena waacoaupã.

¹⁹ Nũcã too jũgueroacãra ñaupi Jesús, Zebedeo puna Santiago, cū bai Juan, cūmuarũ cãja bapi yucũre ca jia jãa queno niirãre. ²⁰ Nũcã cãja cãare juoupi Jesús. Cãja pea, cãja pacũ Zebedeore, cūre ca pade nemori maja menara cūmuarũra cūre cūu, waacoaupã.

Ca wãtĩ jãa ecoricũre Jesús cū ca catoriquẽ

(Lc 4.31-37)

²¹ Capernaúm'pu earã yerijãarica rumũ ca niiro, nea poo juu buerica wiipũ jãa waari, cãjare bue juo waaupi Jesús. ²² Doti cūuriquere ca juo buerãre biro méé, doti maji majuropeerique mena cū ca buerijere tũorã, bojoca pea do biro pee ñiticãupa. ²³ Tii macã macã wii nea poo juu buerica wiipũre niuupi jĩcũ ca wãtĩ jãa ecoricũ. O biro cūre ñi acaro buiupi:

²⁴ —Jesús, Nazaret macũ, ¿ñee tiigu jãare mũ pato wãcõgu dooti? ¿Ñañaro jãare tiigu doogu mũ bijãri? Mũre yũ maji. Mũa, Umureco Pacũ yũũ, ca ñañarije manigu mũ nii —cūre ñiupi.

²⁵ To biro cū ca ñiuro Jesús pea:

—¿Wedeticãña! To cõorora cūre camotatiya —cūre ñi tuti cõa wieneupi.

²⁶ To biro cū ca ñiuro, wãtĩ pea cū ca yugui mecũro cūre tii, tutuaro acaro bui, witicoaupi. ²⁷ Teere niipetirãpũra ña ucũacoari, cãja majurope o biro ameri ñi jãĩñaupa:

—¿Ñee to niiti atea? Wãma wãme doti majirique mena bue, wãtĩarũ cãare doticã, cū ca dotirijere tũo nunũjee, biima —ñiupa.

²⁸ To biro Jesús cū ca tiirique yoari méé Galilea yepa niipetiropũre queti jeja nũcã-coaupã.

Simón Pedro mañicõre Jesús cū ca catoriquẽ

(Mt 8.14-15; Lc 4.38-39)

* 1:17 “Waire añuro mũja ca waja bũa majirore birora bojoca añurije quetire cãja ca tũo nunũjeero ca tiirã mũja ca niiro yũ tiirucu.”

²⁹ Nea poo juu buerica wiipɔ ca niiricarã witi waarã, Santiago, Juan mena waaupi Jesús, Simón, Andrés jãa yaa wiipɔ. ³⁰ Simón mañico pea buaro wiorique dia yojaupo. Teere Jesús're wedeupa. ³¹ To biro cūja ca ĩiro, cū pea cō pɔtopɔ waa, cō amore ñeeri, cōre tãa wãmɔupi. To biro cū ca tiirora, jĩcãto wiorique yerijãacoupa. Cō pea cūjare jãi, baarique eca, tii waaupo.

Ca diarique cutirã paure cū ca catorique

(Mt 8.16-17; Lc 4.40-41)

³² Naiori tabe muipũ cū ca ñaajãaro jiro, niipetirã ca diarique cutirãre, ca wãtãa jãa ecoricarãre, Jesús pɔtopɔ jee waaupa. ³³ Ñucã tii macã macãrã niipetirã Simón yaa wii jope pɔtore nea pooupa. ³⁴ Jesús pea paɔ bojoca bojorica wãmeri ca diarique cutirãre catio, ñucã paɔ wãtãare cōa wiene, tiupi. Wãtãa peera cūja ca wedero bootiupi, cūre cūja ca majiro macã.

Galilea yepare añurije queti cū ca wede yujurique

(Lc 4.42-44)

³⁵ Boeri tabe ca naitãa jañuropɔra wãcã, waacoaupi Jesús, macã tujaro ca bojoca maniropɔ juu buegu waagu. ³⁶ Jiro, Simón, cū mena macãrã mena cūre amarã waa, ³⁷ cūre bna earã, o biro cūre ĩupa:

—Niipetirã mure amarã tiima —ĩupa.

³⁸ To biro cūja ca ĩiro Jesús pea o biro cūjare ĩi yuupi:

—Jamɔ. Ano pɔto jañuro ca niiri macãri pee maní waaco. Tii macãri macãrã cãare añurije queti cūjare yu ca wedepe nii. Teere ĩgura yu doowɔ —ĩupi.

³⁹ To biri Jesús, Galilea yepa niipetiropɔ nea poo juu buerica wiijeripɔ añurije quetire wede, bojocapure ca niirã wãtãare cōa wiene, tii yujuupi.

Ca cami boagure Jesús cū ca catorique

(Mt 8.1-4; Lc 5.12-16)

⁴⁰ Jĩcũ ca cami boa diarique cutigu Jesús pɔtopɔ ea, cū pɔtopɔ cū ãjɔro jupea mena ea nuuri:

—Mɔ ca boojata, yu ca boarijere yure ametueneña —cūre ĩupi.

⁴¹ To biro cū ca ĩiro cūre boo paca ĩari, cū amo mena cūre ñia peo:

—Mɔ yu ametuenerucu, cami manigu tuaya —cūre ĩupi Jesús.

⁴² To biro Jesús cū ca ĩirora, cami yatico, añugu, ca cami manigu tuaupi.

⁴³ Cūre catio yapano, o biro cūre ĩupi Jesús:

⁴⁴ —Tɔoya. Jĩcũ ɔno peerena wedeticãña. Waari, paire ĩño, añugu mɔ ca tuarije jɔori Moisés cū ca tii dotirique jee waaguja, paia cūja ca majipere biro ĩigu —cūre ĩupi.

⁴⁵ Cū pea waa, ñajaricaro maniro ca biiriquere wedecãupi. Tee jɔori Jesús pea, jĩcã macã peerena bau niiro ea majitima ĩigu, macã tujaro ca bojoca maniropɔra tuacãrucuupi. To cū ca bii pacaro, niipetiri taberi macãrã bojoca cūre ĩarã earucuupa.

2

Ca buericure Jesús cū ca catorique

(Mt 9.1-8; Lc 5.17-26)

¹ Ñucã jĩcã rɔmɔri jiro Jesús Capernaúm'pɔ cū ca earo, “Tii wii niijagu,” cūja ca ĩirijere bojoca tɔo peticã cojoupa. ² To cōrora paɔ, macã yepare noo pee nucũ majiña maniro dada nãcãcoupa. Cū pea añurije quetire cūjare wedeupi. ³ Too cū ca wede niiro bapari niirã, jĩcũ ca buericure cūre ami eupa. ⁴ Paɔ bojoca cūja ca niiro macã, Jesús pɔtopɔ cūre ami ea waa majitima ĩirã, wii jotoa pee mna waa, Jesús cū ca nucũro jotoa jĩcã jope jee woori, ca buugure cū ca yojari quejero menara cūre yoo duwio cojoupa. ⁵ Jesús pea, “Jesús cūre catiocãrucumi,” cūja ca ĩi tũgoeña bayirijere ĩari, o biro ĩupi ca buugure:

—Macũ, ñañarije mɔ ca tii bui cutirique acoboriquerɔ nii mee —cūre ĩupi.

⁶ Jĩcãrã doti cūuriquere ca jɔo buerã too ca duwirã pea o biro ĩi tũgoeñaupa: ⁷ “¿Ñee tiigu ania to biirije peti cū ĩicãti? Ɛmureco Pacure ñañarije ĩi tutigu tiimi. Ɛmureco Pacɔ

wado ñañarije tii bui cõtiriquere acobo majimi,” iupa. ⁸ To biro cõja ca iiri nimarora, Jesús pea to biro cõja ca iĩ tũgoeñarijere majiri, o biro cõjare iĩ jãĩñaupi:

—¿Ñee tiirã to biirije mũja iĩ tũgoeñati? ⁹ ¿Di wãme pee to niiti popiye méé ca bũricũre iirica wãme: “Ñañarije mũ ca tii bui cõtiriquere acoboriquepũ nii,” iirique, “Wãmũ nũcã, mũ ca cũari quejerore ami waagũja,” iirique pee? ¹⁰ Yũ, Ca Nii Majuropeegũ Macũ ati yepapũre ñañarijere tii bui cõtiriquere ca acobo majigũ yũ ca niirijere mũja ca majipere biro iigũ mũjare yũ iĩnorucu —iupi Jesús.

To biro iigũra, ca bũricũre o biro cõ iupi:

¹¹ —Mũre yũ iĩ: ¡Wãmũ nũcãña! Mũ ca cũaricarore ami, waagũja mũ yaa wiirũ —cũre iupi Jesús.

¹² To cõrora cõ pea wãmũ nũcã, cõ ca cũarica quejerore ami, niipetirã cõja ca iã cojoro witi, waacoaupi. To biro cõ ca biiro iãrã, niipetirã iã Ʃcũacoari, Ʃmũreco Pacũre o biro iĩ nũcã bũoupa:

—Jĩcãti Ʃno peera ate Ʃnore mani iãtiwũ —iupa.

Jesús, Levíre cõ ca jũorique

(Mt 9.9-13; Lc 5.27-32)

¹³ Jiro waaupi ñũcã Jesús Ʃtabũcũra tũjaropũ. Paũ bojoca cũre nea pooupa. To biro cõja ca biiro cõ pea cõjare buecõa niupi. ¹⁴ Too ametũa waagũ, Alfeo macũ Leví, Roma maquẽre wapa jee bojagũ cõ ca duwiri tabepũ ca duwigũre iã, o biro cũre iupi: “Yũ mena dooya.”

To biro cũre cõ ca iĩrora, Leví pea wãmũ nũcã, cũre nũnũcoaupi.

¹⁵ Jesús, Leví yaa wiirũ cõ ca baa niiro, paũ Roma maquẽre wapa jee bojari maja, “Ñañarije ca tiirã niima,” bojoca cõja ca iĩ iãrã, Jesús, cõ buerã menare baa bapa cõtĩ duwiupa. Cũre ca nũnũrã paũ bojoca niupa mee. ¹⁶ Cõja mena cõ ca baa bapa cõtĩro iari, jĩcãrã doti cũuriquere ca jũo buerã fariseos ca niirã, o biro iĩ jãĩñaupa cõ buerãre:

—¿Ñee tiigũ mũjare ca buegũ pea Roma maquẽre wapa jee bojari maja mena, ñañarije ca tiirã mena, cõ baa bapa cõtĩ niiti? —iupa.

¹⁷ Jesús pea teere tũo, o biro cõjare iĩ yũũupi:

—Ca diarique manirã Ʃco tiiri majũre amaatima. Ca diarique cõtĩrã amaama. Yũa, aũurãre jũogũ doogũ méé yũ doowũ. Ñañarã peere jũogũ doogũ yũ doowũ —cõjare iupi.

Betirique maquẽ

(Mt 9.14-17; Lc 5.33-39)

¹⁸ Jĩcãti Juan buerã, fariseos buerã, betiri juu buerã tiupa. To biro cõja ca tiiro iari, jĩcãrã Jesús pũto waari, o biro iĩ jãĩñaupa:

—Juan buerã, fariseos buerã, betiri juu buema. Mũ buerã pea ¿ñee tiirã cõja betititi? —iupa.

¹⁹ To biro cõja ca iĩro, Jesús pea o biro cõjare iĩ yũũupi:

—¿To docare, jĩcũ ca amo jiagũ cõ ca jũoricarã, cõja mena cõ ca niirora cõja beti cotebogajati? Ca amo jiagũ cõja mena cõ ca niirora beti majitima. ²⁰ Biirorpũa niirucu jĩcã rũmũ, ca amo jiagũre cõja ca ami weo waari rũmũ. Tii rũmũ docare betirucuma.

²¹ ”Jĩcũ Ʃno peera jutiro bũcũrore wãma quejero mena sere tuu quenotimi. To biro tiijata, wãma quejero pee bũcũro peere tũa yega, pairi ope yega nemocoacu. ²² Ñũcã Ʃje oco wãma cãare, waibũcũ quejero poa, bũcũ roarpũ pio jããña mani. Bũcũ poare Ʃje oco wãmare pio jãajata, tii poare tii yegacãcu. To biri Ʃje oco cãa pio batecoa, tii poa cãa yega yaicoa, biicu. To biro biire iirã, Ʃje oco wãmare waibũcũ quejero poa wãma roarpũ ca pio jãape nii —cõjare iĩ wedeupi Jesús.

Yerijãarica rũmũ Wiogũ

(Mt 12.1-8; Lc 6.1-5)

²³ Jĩcã rũmũ, yerijãarica rũmũ ca niiro,* Jesús ote wejerire cõ ca ametũa waaro, cõ

* 2:23 Judíos cõja ca yerijãari rũmũa, viernes nairobi tabe muipũ cõ ca ñajãa waari tabe bii jũo, to biri ñũcã sãbadore muipũ cõ ca ñajãa waari tabe peti.

buerã pea to waa nũnũa waarã, ca dicare tune jee nũnũa waaupa.† ²⁴ To biro cõja ca tiiro, fariseos pea o biro cõre ñi jãinaupa:

—jãaña! ¿Ñee tiirã mũ buerã pea, yerijãarica rũmũre ca tii dotitirijere cõja tiiti? — ñiupa.

²⁵ To biro cõja ca ñiro, Jesús pea o biro cõjare ñiupi:

—¿Jicãti uno peera mũja bue ñaatiti, jicãti David cũ mena macãrã mena ñee jãa mani, queya, biima ñirã cũ ca tiiriquere? ²⁶ Abiatar, paia wiogu cũ ca niiri tabere David, Æmũreco Pacũ yaa wiipũ jãa waa, Æmũreco Pacũ yee cõja ca jee dica woorique pan, paia wadore cõja ca baa dotimiriquerena baa, cũ mena macãrã cãare eca, tiupi‡ —cõjare ñiupi.

²⁷ O biro cõjare ñi nemoupi ñucã:

—Añuro mani ca niipere ñigu, yerijãarica rũmũre cõuupi Æmũreco Pacũ. Yerijãarica rũmũ pee manire too dotijato ñigu mee, yerijãarica rũmũre cõuupi. ²⁸ To biri yũ, Ca Nii Majuropeegu Macũ, yerijãarica rũmũ cãare yũ doti majicã —ñi wedeupi Jesús.

3

Ca amo bũuricũre Jesús cũ ca catorique

(Mt 12.9-14; Lc 6.6-11)

¹ Jiro, nea poo juu buerica wiipũre jãa waaupi ñucã Jesús. Tii wiipũre niupi jicã, cũ amo ca bũuricũ. ² Jicãrã Jesús're ca wedejãarũgarã, jicã wãme cũ ca tii bui cõtirijere ca ama niirã, “¿Yerijãarica rũmũrena cũ caticocãguti?” ñirã, cõre ña doe niupa. ³ To cõrora Jesús pea o biro ñiupi, ca amo bũuricũre:

—Wãmũ nũcã doori, decomacã pee ea nũcãña —ñiupi.

⁴ Aperã peera o biro cõjare ñi jãinaupi:

—¿Yerijãarica rũmũre ñeere to tii dotiti, añurijere, ñañarije peere, bojocare catoriquere, jãa cõarique peere? —ñiupi. Cõja pea wedetiupa.

⁵ Jesús pea, ajiarique mena cũ weja ca niirãre ña, cõja ca tũo nũnũjeerũgatirijere buaro tũgoeñarique pairi, o biro ñiupi ca amo bũuricũre:

—Mũ amore juu pooya —ñiupi. To biro cũ ca ñiro, cũ amo cũ ca juu poorora añuri amo biicoaupa. ⁶ Fariseos pea witicoarãrũna, Herodes cũ ca ñirijere ca tũo nũnũjeerã mena nea poori, Jesús're cõja ca jãapere ameri wede peni jũo waaupa.

Utabũcũra tũjarore paũ bojoca cõja ca nea poorique

⁷ Jesús, cũ buerã mena utabũcũra tũjaro cũ ca waaro, paũ bojoca Galilea yepa macãrã cõjare nũnũ waaupa. ⁸ Niipetirije Jesús cũ ca tiirijere queti tũori, paũ bojoca, Judea macãrã, Jerusalén macãrã, Idumea macãrã, dia Jordán ape nũña macãrã, Tiro, Sidón yepari macãrã Jesús're ñarã dooupa. ⁹ To biirije cõja ca biiro macã, Jesús pea, bojoca yũre waa tuumicõabocuma ñigu, cũ buerãre: “Petigaacã cũmua mũja poo yuewa,” cõjare ñiupi. ¹⁰ Paũre cũ ca catorio macã, niipetirã ca diarique cõtirã cõre padeñarũgarã, tuu jua nũnũa dooupa.

¹¹ Ñucã wãtãa bojocapũre ca niirã cãa, Jesús're ñarãra, cũ jũguero cõja ãjũro jupeari mena ea nuuri:

—jMũa, Æmũreco Pacũ Macũ mũ nii! —cõre ñi acaro buirucuupa.

¹² Jesús pea cõjare wede dotitiupi, cũra cũ ca niirijere wede majiorema ñigu.

Cũ buerã ca niiparãre Jesús cũ ca beje jeerique

(Mt 10.1-4; Lc 6.12-16)

¹³ Jiro Jesús ãtãgũpũ mũa waa, cũ ca boorãre jũoupi. ¹⁴ Cõja pea cũ pũto pee nea waaupa. Pũa amo peti, dũpore pũaga penituario ca niirã cõre bapa cãti, añurije quetire wede doti cojo, ¹⁵ wãtãare cõa wiene doti majirique cõjare pũo, cũ ca tiiparãre beje jeeupi. ¹⁶ Anija niupa pũa amo peti, dũpore pũaga penituario niirã cũ ca beje jeericarã: Simón, ñucã cõrena Pedro cũ ca ñiricũ, ¹⁷ Zebedeo puna “Boanerges” cũ ca ñiricarã, Santiago, cũ bai Juan, “Bũpo Puna” ñirũgaro ñi, ¹⁸ Andrés, Felipe, Bartolomé, Mateo, Tomás, Alfeo

† 2:23 cũ buerã pea trigo dicare tune jee nũnũa waauparã. ‡ 2:26 1S 21.1-6.

macã Santiago, Tadeo, ñucã apĩ Simón celote bojocũ, ¹⁹ apĩ Judas Iscariote jiro Jesús're ca wedejãa buiyee cõaricũ, niipua.

Jesús to biri Beelzebú

(Mt 12.22-32; Lc 11.14-23; 12.10)

²⁰ Jiro Jesús wiipũ cã ca jãa waaro, paũ bojoca neaupa ñucã, Jesús, cã buerã, do biro tii cãja ca baa majitiorũ. ²¹ “Mecũcã yai waami Jesús,” cãja ca ñirijere tuori, cã yaarã pea cãre jũorã waaupa.

²² Ñucã doti cãuriquere ca jũo buerã Jerusalén'pũ ca dooricarã cãa, o biro ñiupa: “Beelzebú,* wãtĩa wiogũ majuropeera cã ca yeri tutuarijere cã ca tiicojoricũ niiri, wãtĩare cõa wiene majimi,” ñiupa Jesús're.

²³ To biro cãja ca ñiro, Jesús pea cãjare jũo cojo, ñi cõõñarique mena cãjare wedeupi: “¿Do biro tiigũ Satanás cã majuropeera cã cõa wienebogajati? ²⁴ Jĩcã yepa macãrãra cãja majuropeera ameri camotati, cãja ca ameri ña juna niijata, añuro nii yapano nũcãticuma.

²⁵ Jĩcã wii macãrãra ameri camotati, cãja ca ameri ña juna niijata, añuro nii yapano nũcãticuma. ²⁶ Tii wãmere birora Satanás cãa cã yaarãrena cã ca ña junajata, añuro jũo nii majiticumi. To cõrora yapano nũcãgũ biicumi. ²⁷ Jĩcũ ñno peera bojocũ ca tutuagũ yaa wiire jãa waari, cãre jia cãu jũotigura cã yee apeyere jee duti majiticumi. Cãre jia cãucã jũoripũ docare, cã yee apeyere jee duti majibocumi. ²⁸ Díamacũ mũjare yũ ñi: Niipetirije ñañarije cãja ca tiiriquere, ñañarije cãja ca ñirijere, acoborucumi Ñmũreco Pacũ. ²⁹ To ca bii pacaro, Añuri Yerire ñañarije ca ñi tutigũ doca, ñañarije cã ca ñi bui cãtiriquere, jĩcãti ñno peera coe ecotirucumi. To birora ñañaro cã ca ñi bui cãtirique menara bii yai nũcãcãrucumi,” ñiupi.

³⁰ “Ca wãtĩ jãa ecoricũ niimi” cãre cãja ca ñirije jũori, atere to biro cãjare ñiupi Jesús.

Cã paco, cã yaarã

(Mt 12.46-50; Lc 8.19-21)

³¹ To biro cã ca ñi niiri tabera, Jesús paco, cã bairã, eaupa. Macãpũra tua nũcãri, jĩcũre cãre jũo dotirã tiicojo cojupa. ³² Paũ bojoca cã weja ca duwirã pea o biro cãre ñiupa:

—Mũ paco, mũ bairã mũre amama. Macãpũ niima —ñiupa.

³³ To biro cãja ca ñiro, o biro cãjare ñi yũũupi:

—¿Noa cãja niiti, yũ paco, yũ bairã? —ñiupi.

³⁴ To biro ñi, cã weja ca duwi amojoderãre ña, o biro ñiupi:

—Anija niima yũ paco, yũ bairã, ca niirã. ³⁵ No ca boorã Ñmũreco Pacũ cã ca boorijere ca tiirã niima, yũ bai, yũ baio, yũ paco, ca niirã —cãjare ñiupi Jesús.

4

Oteri majũre cã ca ñi cõõña wederique

(Mt 13.1-9; Lc 8.4-8)

¹ Ñucã Jesús, ñtabũcũra tũjaropũ bojocare bue jũo waaupi. Bojoca cã weja ca nea poorã paũ cãja ca niiro macã, Jesús pea cãmua tiira weja ca pajaricare ea jãa, ea nuu waaupi, bojoca pea ñtabũcũra tũjaro cãja ca niiro ñno. ² To cõrora paũ wãmeri ñi cõõñarique mena cãjare wedeupi Jesús. O biro ñiupi:

³ —Añuro tũoya. Jĩcũ oteri majũ cã otere otegũ waaupũ. ⁴ Cã ca otero, jĩcã apegaari maapũ ñaaupe. Minia ea, teere baacãuparã. ⁵ Ape gaari ñtã watoa, ca jita mani jañuri tabere ñaaupe. Tee pea yoari méera wiicoaupe, ñje meniroacã jita niima ñiro, ⁶ noo pee nũcõri waa majiti, muipũ cã ca aji mũa doorora jinicã yai waaupe. ⁷ Ape gaari pota yucũ watoapũ ñaaupe. Ca dica manirora pota yucũ pee teere wii biato yaiocãupe. ⁸ Ape gaari añuri jitarũ ñaaupe. To biri añurije wii, bũcũa, añuro dica cãtiupe, jĩcã jati treinta apegaari, ape jati sesenta niiricari, ape jati cien'gaari peti dica cãtiupe —ñi wedeupi.

⁹ To biro ñi, “Mũja ca tũo majirũgajata, añuro yũre tũo nũñũjeeya,” cãjare ñi nemoupi Jesús.

* 3:22 Satanás, ape wãme Beelzebú.

¿Ñee tiiro ñi cõõnarique to niiti?

(Mt 13.10-17; Lc 8.9-10)

¹⁰ Jicũra Jesús cũ ca tuaro, cũ pũto ca niiricarã, cũ buerã pua amo peti, dupore puaga penituario ca niirã mena, cũ ca ñi cõõña wederiquere: “¿Do biro ñirũgaro to ñiti?” cãre ñi jãñãupa.

¹¹ O biro cũjare ñiupi cũ pea: “Mũjara, Æmũreco Pacũ, cũ ca doti niiri tabe maquẽ, ca majiña manirijere mũja ca majiro tiimi. Aperã peera ñi cõõnarique mena wado cũjare wedemi.

¹² ”Ia pacarã, ña jeeñoti,

tuo pacarã, tuo puoti,

ñucã ñañarije cũja ca tiirijere tũgoeña yeri wajoa,

cũja ca biro Æmũreco Pacũ pea cũja ca ñañarijere acobo, cũ ca tiitipere biro ñigu,”*

cũjare ñiupi Jesús.

Oteri majure cũ ca ñi cõõnariquere cũ ca wede majiorique

(Mt 13.18-23; Lc 8.11-15)

¹³ O biro ñi nunua waaupi:

—¿Ate yu ca ñi cõõñajãrijere mũja tuo puotiti? ¿Do biro pee tiicãri apeye peera mũja tuo puo majirãti? ¹⁴ Oteri majua añurije quetire wederi majũ niimi. ¹⁵ Jicãrã, añurije quetire tuorã maa pũto oterica tabere biro ca biirã niima. Jiro Satanás doo, añuro cũja yeripũ cũja ca tuo ñeemiriquere cũjare ãmacãmi. ¹⁶ Aperã, ca ãtã cutiri yepare otericarore biro ca biirã niima. Añurije quetire tuorã, añuro ujea niirique mena tuoma. ¹⁷ Pau nũcõri manima ñiro, añuro tutua añurije ca niitirore birora tũgoeña bayitima. To biri añurije queti jãori ñañaro cũjare ca bii earora, ñañaro cũjare cũja ca tiiruga nunũjeerora, añurije quetire tuo nunũjee yerijãacãma. ¹⁸ Aperã, pota watoa oteriquere biro biima: Añurije quetire tuoma, ¹⁹ tuo pacarã, cũja ca catiri runũrire cũja ca cuoruga tũgoeñarije, paio apeye cutirũgarique, niipetirije cuoruga tũgoeñarije pee cũjare bii ametuene, añurije queti cũja ca tuomiriquere, ca dica manirora ca wii buato yaioricarore biro teere tii yaiocã. ²⁰ Aperã añuri jitaũ oteriquere biro niima. Añurije quetire tuo, nũcũ buoriquere mena cũja yeripũ tuo ñeema. Cũja niima, jicã jati treinta, sesenta, cien ca dica cutiricarore biro ca biirã —cũjare ñi wede majiõupi Jesús.

Ña boericagare cũ ca ñi cõõña wederique

(Lc 8.16-18)

²¹ Cũjare ñiupi ñucã:

—¿Ña boericagare upa cũmua docarũ, cãni pejarica tabe doca pee, doporũgarã ami doorique to niiti? ¿Biiticu! To ñũ boe pejajato ñirã emũaro pee peorique nii. ²² Teere birora yaioropũ ca niirije majiña manirijera biicã yerijãa waa, ca biirije mani. Ñucã jicãrãra majirique cãa, niipetirãpũ majiña manirijera niicã nunua waa, ca biirije mani. Yu wederique majiña manirora yai nũcãcoa biitirucu. ²³ Ca amoperi cutirã tuoya yu ca ñirijere —ñiupi. ²⁴ O biro cũjare ñiupi ñucã:

—Mũja ca tuorijere añuro tuoya. Yu yee quetire aperãre mũja ca wede majioro cõrora, mũjare majiorucumi Æmũreco Pacũ. Buaro jañuro mũja ca majiro tiirucumi. ²⁵ Yu yee quetire aperãre ca wede majiogua, buaro jañuro majiriquere tiicojo ecorucumi. To biro ca tiitigua, petoacã cũ ca majiruga tũgoeñamirijeacã menarũra ãma ecocoarucumi — ñiupi Jesús.

Ote ca bucuarijere cũ ca ñi cõõña wederique

²⁶ O biro cũjare ñi wedeupi ñucã:

—Æmũreco Pacũ cũ ca doti niiri tabea, jicũ otere yeparũ cũ ca oterore biro nii. ²⁷ Cũ ca cãniro, cũ ca cãnitijata cãare, ñami, amũreco, “To biro biicu,” cũ ca ñi majiti pacaro, tee majuropeera wii, bucuã mña, biicu. ²⁸ Jita majuropeera ote ca bucuaro tii, uraño bucuã

* 4:12 Is 6.9-10.

jmo, oo yucu nũcã, jiro dica cuti, ca biiro tii. ²⁹ Ca dica ca bucua yapanorãra, teere jeema, ca dica jeerica tabe ca earo macã —ĩi wedeupi Jesús.

Mostaza apegare cũ ca ĩi cõoña wederique
(Mt 13.31-32; Lc 13.18-19)

³⁰ O biro ĩiupi ĩucã Jesús:

—¿Ñee mena Æmureco Pacu cã ca doti niirijere mani ĩi cõoñarãti? ¿Ñee ĩi cõoñarique mena, “To biirije bii” ĩi majirugarã mani ĩi cõoñabogajati? ³¹ Jĩcãga mostaza apega, ote ape niipetirije ðuaricaacã ca niiricare yepapũ ote, ³² tiiricarõ jiro bucua, niipetirije ote weje maquẽ ametuenericu bii, paca ðupũri cuti, tiigũ ðupũri ca uyũri taberire minia yerijãa peja, cãja ca biirore biro bii —ĩiupi.

Ĩi cõoñari cã ca wederique
(Mt 13.34-35)

³³ Pau wãmeri atere biirije ĩi cõoñari añurije quetire wedeupi Jesús, cãja ca tuo majiro cõro. ³⁴ ĩi cõoñarique manirora cãjare wede, tiitiupi. Biigũpua, cã buerã peera niipetirije cãjare wede majio peoticãrucuupi.

Winore, oco ca jaberijere, cã ca yerijãa dotirique
(Mt 8.23-27; Lc 8.22-25)

³⁵ Tii ramũ nãiori tabere, cã buerãre o biro ĩiupi Jesús:

—Jamũ, utabucũra ape nuñapũ mani tãa waaco —cãjare ĩiupi.

³⁶ To biro cã ca ĩiro, bojocare waarique wui, Jesús cã ca niiricagara ea jãa, tãacoaupã. Too cãja ca tãa waaro, aperã cãa ape cũmuari mena cãjare bapa cuti waaupa. ³⁷ Too cãja ca tãa nuñua waaro, tutuaro wino paa puuma ĩiro cũmuare paio oco jabe jãaupe. ³⁸ Jesús pea ména to biro ca biiparo jũguero cũmua waa tuurica tua pee waa, juti poti mena cã ðupũgare eo tuuri cãnicã jãa waaupi. Too ca cãni jãñagure wãcõri, o biro cãre ĩiupa cã buerã pea:

—¿Buegũ, dua waarã mani ca biirijere “To biro biicu,” mũ ĩiticãti? —ĩiupa.

³⁹ To biro cãja ca ĩiro Jesús pea wãmũ nũcã, winore, oco ca jaberijere, o biro ĩi yerijãa dotiupi:

—Yerijãa waaroja. Jabe nemoticãña —ĩiupi.

To biro cã ca ĩirora, jĩcãto añuropũ yerijãa peticoaupe. ⁴⁰ Jiro o biro ĩiupi Jesús cã buerãre:

—¿Ñee tiirã to cõro buaro mũja uwiti? ¿“Manire ametueneccãrucumi,” mũja ĩi tũgoeña bayiticãti ména? —cãjare ĩiupi.

⁴¹ Cãja pea to biro cã ca tiirijere ĩa ucua yaicoari, o biro ameri ĩi jãĩñaupa:

—¿Ayó nija! ¿Ñiru uno peti cã niiti ania, wino, oco ca jaberijepũ cãa cã ca dotirore biro ca yũ nuñũjee ecogũa? —ĩiupa.

5

Gerasa macũ ca wãtãa jãa ecoricu
(Mt 8.28-34; Lc 8.26-39)

¹ To biro bii, utabucũra ape nuña Gerasa yeparũre tãa ea waaupa. ² Jesús cã ca maa nũcãrije menara, jĩcã mũũ ca wãtã jãa ecoricu, maja operi watoapũ ca niirucuricu eaupi. ³ Jĩcũ uno peera jiaricu méé, come daari mena cãare jiaricu uno méé niupi. ⁴ Biirãpũra pau tiiri come daari mena cã ðupõre, cã amorire cãja ca jiamijata cãare, tãa jude batecãrucuupi, jĩcũ uno peera do biro cãja ca tiitiropũ. ⁵ Æmurecori, ñamiri, ãtãgũũriũ, maja operi watoariũ cã majuropeera ãtãgaariũ ñaatua, acarõ bui, waa nucũ yujurucuuupi. ⁶ To biri Jesús're yoaropũra cãre ĩari, ũmaa doo, cã ãjũro jupearĩ mena cã jũguero ea nuuri, ⁷ o biro cãre ĩi acarõ buiupi:

—Jesús, Æmureco Pacu ati mũmureco niipetiropũre Ca Doti Niigũ Macũ, yũre pato wãcõticãña, Æmureco Pacu mena mũre yũ ĩi, ñañaro yũ ca tamũoro yũre tiiticãña —ĩiupi.

⁸ —To cõrora anipũre witi waagũja —Jesús cã ca ĩiro macã, atere to biro ĩiupi.

⁹ To biro cū ca ĩiro:

—¿Do biro mū wāme cūti? —cūre ĩi jāiñaupi Jesús. To biro cū ca ĩiro cū pea:

—Pau jāa ca niirije niiri, Legión yū wāme cūti —cūre ĩi yūaupi.

¹⁰ “Ape yeparū jāare tiicojo cōaticāña,” buaro ĩi jāiupa Jesús're.

¹¹ Tii tabe jūguero, ũtāgu pūtope pau ecaricarā yejea baa niupa. ¹² Wātīa, bojocūpūre ca niirā pea:

—Īijā, yejeapūre jāare jāa dotiya —cūre ĩi jāiupa.

¹³ To biro cūja ca ĩiro, cūjapūre cūjare jāa dotiupi. To biri cūpūre ca niiricarā witi waari, yejeapūre jāaupa. Yejea dos mil peti ca niiricarā pea, wātīa cūjapūre cūja ca jāarora ũmaa mecū bua waa, ũtabūcūrapū ñañaa, dua peticoaupa.

¹⁴ To biro cūja ca biiro ĩarā, yejeare ca cote niiricarā pea yoari méé ũmaa tua waari, macā macārāre, ñucā macā tujaro macārāre, to biro ca biiriquere cūjare wederā waaupa. Bojoca pea teere tūorā, to biro ca biiriquere ĩarā waaupa. ¹⁵ Jesús cū ca niirorū earā, pau wātīa ca jāa ecomiricūre juti jāñacāri, añuro tūgoeña bojoca catigapū cū ca duwiro ĩari, buaro uwiupa. ¹⁶ Ca wātīa jāa ecomiricū cū ca biiriquere, yejea cūja ca biiriquere ca ĩaricarā pea, “O biro bijjāwū,” cūjare ĩi wedeupa. ¹⁷ Teere tūori, “Aperorū waacoaguja. Jāa ca niiri tabere niiticāña,” cūre ĩiupa Jesús're.

¹⁸ To biro cūja ca ĩiro Jesús waagu, cū ca bua jāarora, pau wātīa cūja ca jāñagūre cū ca catoricū pea, cū mena waarūgu cūre jāimiupi. ¹⁹ To biro cū ca ĩiro Jesús pea:

—Mū yaarā pūto pee tua waari, ũmūreco Pacū mūre cū ca tiirique niipetirijere, mūre cū ca ĩa boo pacariquere, wede peoticāña mū yaarāre —cūre boca ĩicāupi.

²⁰ To biro Jesús cūre cū ca ĩiro tua waa, Decápolis yepare ca niiri macāri macārāre niipetirije Jesús cūre cū ca tiiriquere wedeupi. Teere tūorā, niipetirā bojoca do biro pee ĩi majiticāupa.

Jairo macō, to biri Jesús jutiro ca padeñarico

(Mt 9.18-26; Lc 8.40-56)

²¹ Jesús ũtabūcūra ape ñūñapū ca niiricū cū ca tua tīa earo jiro, pau bojoca cūre nea pooupa. Cū pea tiira tujaropūra tua ñucāupi. ²² Tii tabere jīcū nea poo juu buerica wii wioḡū, Jairo ca wāme cūtigū eaupi. Jesús're ĩari, cū pūto cū ājūro jupeari mena ea nuu waa:

²³ —Yū macōacā dia waagorū tijjāwo. Doorī, mū amo mena cōre ñia peogū dooya, diarique ametua, cati, cō bijjato ĩigu —būaro cūre ĩiupi.

²⁴ To biro cū ca ĩiro Jesús, Jairo mena cū ca waa ñūñaa waaro, pau bojoca cūre bapa cūti waarā, ũta bijaroacā ameri tuutu ñūñaa waaupa. ²⁵ Cūja patoacā watoare niupō jīcō nomio, pua amo peti, dūpore pūaga penituario niiri cūmari peti ca dīi tatitirije* ca diarique cūti niigo. ²⁶ Pau ũco tiiri majare ũco tii doti, wapa tiima ĩigo, cō ca cūomiriquere noni peoticāupo. To biro tii pacago ametuaricarō maniro, buaro jāñuro ñañaaro bii ñūñaa waaupo. ²⁷ To biri Jesús yee maquēre queti tūori, bojoca watoapū cū jiro pee waari, cū jutirore padeñaupo, ²⁸ “Cū jutirore yū ca padeña eyorije mena wadora, yū diarique ametuarucu,” ĩi tūgoeñari, to biro tiupō. ²⁹ Cū jutirore cō ca padeñarije menara, ca dīi waarije tatiupe. To cōrora cō upūri diarique manigo cō ca tuarijere tūgoeña majiupo. ³⁰ Jesús pee cāa, cū ca tūgoeña tutuarije to ca witi ũmaa waaro tūgoeña majiri, bojoca peere amojode ĩa:

—¿Ñiru yū jutirore cū padeñajāri? —ĩi jāiñaupi.

³¹ To biro cū ca ĩiro tūori, cū buerā pea o biro ĩiupa:

—¿Pau bojoca ũta bijaroacā cūja ca tuumicōa ñūñaa dooro ĩa pacagu, “¿Noa yūre cūja padeñati?” mū ĩiti? —ĩiupa.

³² To biro cūja ca ĩi pacaro, Jesús pea cū weja ca niirāre ĩacā niupi, “¿Noa peti cūja padeñabujapari?” ĩigu. ³³ To cōrora cō pea, buaro uwi nanarique mena cōre ca biiriquere majiri, cū pūto waa, ājūro jupea mena ea nuu waari, cōre ca biiriquere díamacū cūre wede peoticāupo. ³⁴ Jesús pea o biro cōre ĩiupi:

* 5:25 Beti oco. Lv 15.25-27.

—Macō, “Jesús yare catiocārucumi,” m̄ ca īi t̄goeña bayirijera m̄ diariquere ametuene. Mee, diarique manigop̄ t̄goeñarique paitigora tua waagoja —īupi.

³⁵ Ména Jesús c̄ ca wede niirora eaupa j̄c̄r̄a nea poo juu buerica wii wioḡm̄ yaa wii mac̄r̄a, wimago pac̄re:

—Mee, m̄ macō bii yaicoaj̄awo. Ñee tiiḡm̄ cōro ca bueḡre b̄aro m̄ pato w̄cōticu —c̄re īir̄a ear̄a.

³⁶ Jesús pea to biro c̄ja ca īirijere t̄o n̄n̄jeetiḡra, o biro īiupi nea poo juu buerica wii wioḡre:

—Uwieto. Díamac̄ra t̄o n̄n̄jeec̄ña —c̄re īiupi.

³⁷ To biro īi, Pedro, Santiago, c̄ bai Juan, c̄ja wadore bapa c̄ti waarique booupi.

³⁸ Nea poo juu buerica wii wioḡm̄ yaa wiip̄m̄ ea waar̄a, bojoca c̄ja ca oti acaro bui niiro

³⁹ jāa eari, o biro c̄jare īiupi Jesús:

—¿Ñee tiir̄a to biirije peti m̄ja acaro bui oti yugui niiti? W̄mo bii yaigo méé biimo. C̄nigo tiimo —īupi.

⁴⁰ To biro c̄ ca īiro, bojoca pea boca buic̄upa. Jesús pea too ca niir̄a niipetir̄e witi waa dotiri, cō pac̄m̄, cō paco, to biri c̄ ca bapa c̄ti waaricar̄a mena wado w̄mo cō ca niir̄op̄re jāa waaupi. ⁴¹ J̄a ea, cō amore ñeeri, o biro cōre īiupi:

—Talita cumi. (“¡Wimago, w̄m̄m̄ n̄c̄aña!” m̄re ȳ īi,” ca īiri w̄mere).

⁴² To biro c̄ ca īiro jiroac̄ra, w̄mo, p̄a amo peti, d̄pore p̄aga penituario ca niiri c̄mari ca c̄ogo pea, w̄m̄m̄ n̄c̄a, waaupo. To biro cō ca biiro, bojoca pea īa uc̄ascoa, do biro pee īi majitic̄upa. ⁴³ Jesús pea, j̄c̄m̄ ñno peerena teere wede dotitiupi. Jiro w̄more baarique eca dotiupi.

6

Jesús Nazaret'p̄m̄ c̄ ca biirique

(Mt 13.53-58; Lc 4.16-30)

¹ Jesús, too ca niiric̄m̄ witi, c̄ yaa yepar̄m̄ waacoaupi c̄ buer̄a mena. ² Yerij̄arica r̄m̄m̄ ca earo, nea poo juu buerica wiip̄m̄ c̄jare bue j̄o waaupi. Pām̄ bojoca Jesús c̄ ca wederijere ca t̄or̄a, do biro pee īi majitic̄a, o biro ameri īi jāiñaua:

—¿Ania noop̄m̄ to cōro pām̄ c̄ buejapari? ¿Ate majirique c̄ ca boca amiriquea ñee ñno to niiti? ¿Do biro pee tiic̄ari, ca īa ñaña manirijere to cōro c̄ tii bau nii majiti? ³ ¿Ania yuc̄m̄ p̄iri paderi maj̄ José mac̄, ñuc̄ María mac̄, Santiago, José, Judas, Simón jāari j̄w̄m̄ méé c̄ niiti? ¿C̄ bair̄a romirira ano mani watoa c̄ja niititi? —īupa.

To biro ca īir̄a niiri, c̄ ca wederijere t̄o n̄n̄jeetiupa.

⁴ To biri Jesús pea o biro c̄jare īiupi:

—J̄c̄m̄ ca biipere wede j̄gueri maj̄re niipetiri taberip̄re c̄re n̄c̄m̄ buoma. C̄ yaa yepa majurope mac̄r̄a, c̄ jaar̄a ca nii cojor̄a, c̄ yaa wii mac̄r̄a majurope pea, c̄re n̄c̄m̄ buotima —īupi.

⁵ To biri toore j̄c̄a w̄me ñno peera ca īa ñaña manirijere tiitiupi, j̄c̄r̄aac̄ ca diarique c̄tir̄e c̄ amori mena ñia peo, c̄ ca tii catorije ca niitirijep̄ra. ⁶ C̄ pea díamac̄ c̄re c̄ja ca t̄o n̄n̄jeetirijere īaḡm̄, “Uwiorije ca biir̄a c̄ja niiti,” c̄jare īi īaupi. To biri too p̄tori ca niiri mac̄ari pee añurije quetire wede yujurucuupi.*

Jesús c̄ buer̄e c̄ ca tiicojo cojorique

(Mt 10.5-15; Lc 9.1-6)

⁷ Jiro Jesús, c̄ buer̄a p̄a amo peti, d̄pore p̄aga penituario ca niir̄e j̄o cojo, w̄tiare c̄ja ca cōa wiene majipere c̄jare upori, p̄ar̄ari wado c̄jare tiicojo cojo j̄o waaupi.

⁸ O biro c̄jare īi wede majioui:

—Maa waar̄a p̄gue c̄ti waarique ñnora, wajopoa ñnora, baarique ñnora, wapa tiirica tiiri ñnora, jee waatic̄ña. Tuericaḡm̄ wado ami waa waar̄aja. ⁹ D̄po jutira jāiñaa waar̄aja. Bii pacar̄a, juti m̄ja ca wajoa jāiñape docare jee waatic̄ña.

* 6:6 Mt 9.35; Lc 13.22.

¹⁰ Ñucã, jĩcã wiire earã, tii wiira niicãña. Apero mũa ca waari rumũpu tii wiire witiya. ¹¹ No ca boori tabe macãrã mũjare booti, mũa ca wederijere tuorugati cũa ca biijata, tii tabere witi waarãra, mũa dũporire jita ca tujarijere paa bateya, “Jãa ca wederijere mũa ca tuorugatirije juori mũa yee wapa ñañaaro mũa tamũorucu,” cũjare ñi majiorã —cũjare ñiupi Jesús.

¹² To biro cũ ca ñiro jiro cũ buerã waari, bojocare: “Tũgoeña yeri wajoa, Æmũreco Pacũre tuo nunũjeeya,” cũjare ñi wede majio, ¹³ ñucã bojocarũre ca niirã wãtĩare paũ cõa wiene, paũ bojoca ca diarique cutirãre uje mena wadari cũjare diarique ametũene, tii catio yujuupa.

Juan're cũa ca paa taa cõarique

(Mt 14.1-12; Lc 9.7-9)

¹⁴ Wiogu Herodes, Jesús yee maquẽre cũa ca wedero queti tuoupi, cũa ca tii niirije queti niipetiri taberipũ ca jeja nucã peticoarije ca niiro macã. Jĩcãrã:

—Uwo Coeri majũ Juan cati tuajapĩ. Tee tiigu ate ca ña ñaña manirije tii maji tutuariquere cuomi —ñiupa.

¹⁵ Aperã: —Æmũreco Pacũ yee quetire wede juũgeri majũ Elías niimi —ñiupa.

Aperã:

—Tĩrumũpu macãrã ca biipere wede juũgeri maja mena macã uno niimi —cũre ñiupa.

¹⁶ To biro cũa ca ñirijere tuogu, Herodes pea o biro ñiupi:

—Juan niicumĩ. Cũ dũpũgare yũ ca paa taa dotiricũ cati tuagu biicumĩ —ñiupi.

¹⁷ Mena Herodes pea, Herodías juori Juan're ñee dotiri, tia cũurica wiipũ come daari mena cũre jia cũu dotiupi. Herodías pea, wiogu Herodes bai Felipe nũmo niimiupo. Cõrena cũre emari, nũmo cutiupi Herodes. ¹⁸ To biro cũa ca tiiro Juan pea: Doti cũurique mũ bai nũmorena nũmo cuti dotiti† —cũre ñiupi.

¹⁹ Tee juori Herodías, Juan're buaro ña tuti, cũre jĩaruga coterucuupo. Bii pacago, do biro tii majitiupo. ²⁰ Herodes'pũra Juan're uwi, añuro cũre ña coteupi, ca bojoca añugu, ca ñañarije manigu cũa ca niirijere majiri. Herodes, Juan cũa ca wederijere tuogu, do biro ñi majiticãrucuupi. To biro bii pacagu añuro cũre tuorucuupi. ²¹ Biirique peti, Herodías peera cõ ca tiiruga coterucurique cõ ca tiipa rumũ ea bojaupa. Herodes, cũa ca bajarica rumũ ca earo, cũa mena macãrã wiorã, uwamarã uũparãre, Galilea yepa macãrã uũparã ca nii majuropeerãre juo nea poori, cũa mena baa, boje rumũ tii niupi. ²² Herodías macõ pea Herodes cũa mena macãrã uũparã niipetirã mena cũa ca baa boje rumũ tii niiri tabepũ jãa waari, bajaupo. Cõ ca bajarijere Herodes, ñucã cũa mena ca baa bapa cuti duwirã cãa, buaro peti ña ujea niupa. To biri Herodes pea o biro cõre ñiupi:

—No mũ ca booriye yũre jãĩña. Mũre yũ tiicojorucu —ñiupi.

²³ To biro cõre ñicãri, jĩcãti méé, “Yee méé mũre yũ ñi. No ca boori wãme mũ ca jãirijere mũre yũ tiicojo majuropecãrucu. Yũ ca doti niiri yepa cãare decomacã mena yũ tiicojo maji,” cõre ñiupi Herodes. ²⁴ To biro cõre cũa ca ñiro:

—¿Ñee uno cũre yũ jãigoti? —ñi jãĩñago witi waaupo cõ pacore.

To biro cõ ca ñiro, cõ paco pea:

—Uwo Coeri majũ Juan dũpũgare jãĩña —ñi yũũupo.

²⁵ To biro cõ ca ñiro, uwaro wiogu pũtopũ jãa waa, o biro cũre ñiupo:

—Mecũacãra mee, Uwo Coeri majũ Juan dũpũgare jotũ barapũ jãari, yũre mũ ca tiicojoro yũ boo —cũre ñiupo.

²⁶ To biro cũre cõ ca ñirijere tuogu, Herodes pea buaro tuũgoeñarique paiupi. To biro bii pacagu, paũ cũa ca juo cojoricãrã cũa ca tuo cojoro, “Yũre mũ ca jãirijere mũre yũ tiicojo majuropecãrucu” cũa ca ñicãrique ca niiro macã, cõ ca jãirijere, “Yũ tiicojoti” cõre ñi majitiupi Herodes. ²⁷ To biri to biiro cõ ca ñiro jiroacãra mee, jĩcũ uwãmũre Juan dũpũgare paa taa ami doo dotiupi. Uwamũ pea Juan're cũa ca tia cũurica wiipũ waari, cũa dũpũgare paa taa ami, ²⁸ jotũ barapũ ami jãa, ami waari tiicojoui Juan dũpũgare ca

† 6:18 Lv 18.16; 29.21.

jáiricopure. Cõ pea ñucã cõ pacopure tiicojo ametueneupo. ²⁹ Juan're to biro cõja ca tii cõariquere queti tuori, cõ buerã pea doo, cõ upuri niiquíriquere ami, jaarã waaupa.

Pañ bojocare Jesús cã ca baarique ecarique

(Mt 14.13-21; Lc 9.10-17; Jn 6.1-14)

³⁰ Jiro Jesús buerã tua earã, cõ mena nea poo, niipetirije cõja ca tiiriquere, cõja ca bue yujuriquere, cõre wedeupa. ³¹ Cõre cõja ca wede yapanoro:

—Dooya. Jamu, ca bojoca maniropu mani wado mani yerijãaco petopura —cõjare ñiupi.

Pañ bojoca waacoarucu, doocã doorucu, biirã, do biro tii baa yeri puna jáña majiña maniro cõjare biupa. ³² To biri Jesús cõ buerã mena cõmuapu ea jáa waacoupa, ca bojoca maniropu waarã. ³³ Tooru cõja ca waaro, pañ bojoca cõjare ca ñaricarã majicãupa. To biri niipetiri macãri macãrã maapu cõja juguero, cõja ca tãa ea waaparopure ùmaa eacoupa. ³⁴ Jesús tãa ea, maa ñucãgu pañ bojocare ña, buaro cõjare ña boo pacaupi, oveja cõjare ca cotegu manirãre biro cõja ca biiro macã. Jesús pea pañ wãmeri cõjare bue juo waaupi. ³⁵ Ca naio doori tabe ca niiro, cõ buerã pea cõ puto pee doo, o biro cõre ñiupa:

—Naio waaropu bii. Ca bojoca maniropu nii ano. ³⁶ Bojocare, “Tua waarãja,” cõjare ñiña. Ano putori ca niiri macãripu waari, baarique cõja wapa tii baarã waajato —cõre ñiupa.

³⁷ To biro cõja ca ñiro tuo:

—Mujara cõjare baarique ecaya —cõjare ñiupi Jesús.

To biro cõ ca ñiro, o biro cõre ñi yuupa:

—¿To docare doscientos ñumuri pade wapa taaricaro cõro mena cõjare ecarugarã jáa ca baarique wapa tiirã waaro mu booti? —ñiupa.

³⁸ To biro cõja ca ñiro:

—Ña ñaarãja. ¿No cõro pañ pan muja cuoti? —ñiupi.

Ñaña yapano:

—Pan jicã amo cõro niiri caari, wai puarã, to cõrora jáa cuo —cõre ñiupa.

³⁹ To biro cõja ca ñiro Jesús pea, “Bojocare, upa poogaari taa yepapu duwi dotiya,” ñiupi cõ buerãre. ⁴⁰ To biri cõja pea cien, ñucã aperãre cincuenta ca niirã duwi dotiupa. ⁴¹ Cõja ca duwi doti yapanoro jiro, Jesús pea jicã amo cõro ca niirije pan're, wai puarã ca niirãre ami, emuaropu ña mène, “Añurije to niijato” ñi juu bue peo yapano, pan're pee bato, cõ buerãre tiicojupi, bojocare cõja bato cojojato ñigu. Ñucã wai puarã ca niiricarã cãare, cõja niipetirãprena bato peoticã cojupi. ⁴² To biro cõ ca tiirijere, niipetirãpura baa yapicoupa. ⁴³ Cõ buerã pea ñucã cõja ca baa ñurije pan're, wai menare, puã amo peti, ñupore puaga penituario niiri pijeeri peti jee jáa dadoupa. ⁴⁴ Atere ca baaricarã pea jicã amo cõro mil peti muña niupa.

Oco jotoa Jesús cõ ca waarique

(Mt 14.22-27; Jn 6.16-21)

⁴⁵ Tee jiro Jesús bojocare cõ ca waarique wui ditoye, cõ buerã Betsaida macã ca niiri tabe pee cõja waa yuejato ñigu, cõmuapu cõjare ea jáa dotiupi. ⁴⁶ Bojocare waarique wui yapano, ùtãgu pee juu buegu waacoaupi. ⁴⁷ Ca naio ñaacumuri tabe ca niiro, cõ buerã pea mee utabucura decomacãpu tujacã tãa waaupa. Jesús pea ména toopura niicãupi. ⁴⁸ Ca boe doori tabere cõ buerã, wino ca paa puu tuenero macã tutuaro ca waa tãa puã pajarãre ñaupi. To biro cõja ca bii paja yujuro, Jesús pea cõja puto pee oco jotoara waacã ñuñña waaupi. Cõjare ametuacoagu doogu cõ ca biirora, ⁴⁹ cõ buerã pea oco jotoa cõ ca dooro ñarã, “Wãtí niicumí” ñirã, acaro buicoupa, ⁵⁰ cõja ca ñarijere buaro uwima ñirã. To cõrora Jesús pea, o biro ñi cojupi:

—Tugoeña bayiya. Yura yu nii. Uwiticãña —ñiupi.

⁵¹ To biro cõjare ñi, doo, cõja puto cõmuapu cõ ca ea jaarora, wino ca paa puurique yerijãacoaupa. Cõja pea buaropura ña ucua yaicoa, do biro pee ñi majiticãupa, ⁵² cõja ca tuo maji niirijepure ca boe taatiro macã, pan mena cõ ca tiiriquere ca tuo putiricãrã niiri.

*Genesaret'*pu ca diarique cutiräre Jesús cū ca catorique
(Mt 14.34-36)

⁵³ Utabucurare tĩa ea waarã, Genesaret yepare ea, too maaupa. ⁵⁴ Cūja ca maa nucãrije menara, bojoca pea Jesús're ãa majicãupa. ⁵⁵ To biri jĩcãto tii yepa niipetiorpu waari, “Jesús toopu niimi,” cūja ca ãirijere tuorã, cū ca niiri tabepura ca diarique cutiräre cūja ca pejari taberi menara jee waaupa. ⁵⁶ Jesús, õcã macãriacã, paca macãri, macã manirori cū ca waari taberi cõro cūja yaarã ca diarique cutiräre, wije caari watoa macã maaripu cūjare cūre cūu yueri, “Petopura mu jutiro yapaacã cūjare padeña dotiya,” cūre ãupa Jesús're. Niipetirã cū jutirore ca padeñarã cõrora, cati peticoarucuupa.

7

Bojocare ca ñañorije
(Mt 15.1-20)

¹ Jiro fariseos, jĩcãrã doti cūuriquere juo bueri maja Jerusalén'pu ca dooricarã mena, Jesús puo eaupa. ² Cūja pea, Jesús buerã jĩcãrã, cūja ca tii juo dooriquere biro tiitirãra, amo coeri méé cūja ca baaro ãari cūjare wede paiupa. ³ Fariseos, to biri niipetirã judíos ca nii cojorã, cūja ñicũ jũmua cūja ca tii juo dooricarore biro tiirã, amo coetirãra baa, tiitima. ⁴ Ñucã apeye ca wapa tiirã waaricarã tua earã cãa, cūja amorire coetirãra baa, tiitima. Apeye to biro cūja ca tiirique cutiri wãmerire, pau cuoupa cūja ñicũ jũmapu cūja ca tii juo dooriquere, jotu bapari coerique, pio jãaricarũurire coeriquere, come baparire coeriquere, duwirica quejerire coerique unore tiima. ⁵ To biri fariseos, doti cūuriquere juo bueri maja, o biro ñi jãinaupa Jesús're:

—¿Ñee tiirã mu buerã pea mani ñicũ jũmua cūja ca tii juo dooriquere tiitirãra, amo coeri méé cūja baati? —ñi jãinaupa.

⁶ To biro cūja ca ñiro, Jesús pea o biro cūjare ñi yũũupi:

—Yee méera ñiquĩjapi Umureco Pacu yeere wede juqueri maju Isaías, mija, watoara ca bii dito pairãre ñigu o biro cū ca ñi owaquĩriquera:

“Anija, ujero ñirique wado yure ñi nucũ buoma;
cūja yeri pea aperopu niicã.

⁷ Watoa petira yure ñi nucũ buocãma;

cūja ca bue majiorijea, bojocara cūja ca tii dotirije nii,” cū ca ñiquĩriquera.*

⁸ “Mija, Umureco Pacu cū ca doti cūuriquere tiitirãra, mija ñicũ jũmua cūja ca tii juo doorique peere mija tii nunjee,” cūjare ñiupi.

⁹ O biro ñi nemoupi ñucã:

—Mija, jãa ñicũ jũmua cūja ca tii juo doorique yai nucãre ñirã, tee peere tii nunjeema ñirã, Umureco Pacu cū ca doti cūurique peera, “To biro biicu” mija ñiti. ¹⁰ Moisés o biro ñiupi: “Mu pacure, mu pacore nucũ buoya.† Cū pacure, cū pacore ñañaro ca ñi tutigua, ca jãa cõa ecorpu niirucumi,”‡ ñiupi. ¹¹ Mija pea: Jĩcũ, cū pacure, cū pacore, “‘Mujare yu ca tii nemoboriquere, Umureco Pacure yu ca tiicojoriqueru wado nii,§ to biri mujare yu noni majiti, ¶ iicã majimi,” mija ñi bue majio. ¹² Ñucã to biirije ca ñigu, “‘Mu pacure, mu pacore tii nemoña,’ ca ñi ecorpu méé niimi,” mija ñi. ¹³ Ate mija ñicũ jũmua cūja ca tii juo doorique pee wadore ameri wede majio, tii nunua waama ñirã, Umureco Pacu wederique peera ca wapa manirije ca tuaro mija tii. Ñucã apeye tee unore pau mija tiicã —cūjare ñiupi Jesús.

¹⁴ To biro cūjare ñi, bojocare juo cojo, o biro ñiupi:

* 7:7 Is 29.13. † 7:10 Ex 20.12; Dt 5.16. ‡ 7:10 Ex 21.17; Lv 20.9. § 7:11 Hebreos wederique menara Corbán, ñi. Moisés cū ca tii doti cūurique ca ñiri wãme peera Umureco Pacure tiicojo nucũ buorugarã cūja ca jee dica wooriquerua cū yee tuacãro biiupa (Nm 30.1-2). Tearena fariseos pea “Umureco Pacu yee mija ca jee dica wooriquerua cū yee niiro bii, to biri mija pacua peti cãare mija tii nemo majiti,” iicãupa.

—Niipetirã yure tuori, atere añuro tuo puoya. ¹⁵ Baariquea, jĩcã wãme uno peera bojocare ñañoti. Bojoca, yeripũ ñañarije tũgoeñari cũja ca ñirije doca bojocare ñaño. ¹⁶ Ca amoperi cutigua tuoya yũ ca ñirijere —cũjare ñiupi.

¹⁷ Jiro Jesús bojocare camotati, waa, wiipũ cã ca earo, cã buerã pea cã ca ñi cõña wederique maquẽre cũre jãĩñaupa.

¹⁸ Cũja ca jãĩñaro, Jesús pea o biro ñiupi:

—¿Mũja cãa mena to birora mũja tuo jeeñoticãti? ¿Baarique jĩcã wãme uno peera bojocare ca ñañotirijere mũja majititi? ¹⁹ Baariquea yeripũ waati. Utao pea waa, jiro witi batecoa —ñiupi.

Atere o biro ñigu: “Niipetirije baarique añurije wado nii,” ñigu ñiupi Jesús. ²⁰ O biro ñi nemoupi ñucã:

—Ñañarije tũgoeñacãri wede wienerique pee doca, bojocare ca ñañorije nii. ²¹ Bojoca yeripũ, ñañarije tũgoeñarique, tiirica wãme cõro meépe ñee epericarã cuti yai waarique, jee dutirique, jãarique, ²² manũ cuti, nũmo cuti bii pacarã epericarã cutirique, paio apeye cõrũgarique, ñañarije tiirũga tũgoeñarique, watoara ñirique, bobo tũgoeñaricaro maniro tii yai waarique,* ña tutirique, queti pairique, ca nii majuropeegũre biro tũgoeñarique, noo ca booro bii nucũ yujurique, nii. ²³ Ate niipetirije ñañarije bojoca cũja yeripũ cũja ca tũgoeñarije witima ñiro, bojocare ñaño —ñiupi Jesús.

Sirofenicia macõ díamacã cõ ca tuo nũcũ bũorique
(Mt 15.21-28)

²⁴ To ca niiricũ Jesús Tiro, Sidón yepari pee waacoaupi. Toopũ ea, bojoca cũja ca majiro bootigu jĩcã wiipũ jãa waaupi. Bii pacagũ, do biro pee bii, duti majitiupi. ²⁵ Mee yoari meéra, jĩcõ nomio, ca wãtĩ jãa ecorico paco Jesús cã ca earijere queti tũocãupo. Teere tuori waa, cã pũto muu bia ea nuu waauo. ²⁶ Cõ pea judío bojoco méé, Sirofenicia macõpũ niipuro. Ape majorũ nii pacago, Jesús're, “Yũ macõpũre wãtĩ ca jãñagũre cõa wiene bojaya,” cũre ñiupo. ²⁷ To biro cõ ca ñiro, Jesús pea o biro cõre ñi yũũpũ:

—Nĩjã. Mena cã puna majurope pee cũja baa jũojato ñiña. Cã puna baariquerena emari yaia peere ecajata, añuti —cõre ñiupi.

²⁸ To biro cã ca ñiro:

—Ûgã Wiogũ. To birora bii. To ca bii pacaro, cã puna cũja ca baa baterije yeparũ ca ñañarije yaia cãa baama —cũre ñiupo.

²⁹ To biro cõ ca ñiro, Jesús pea o biro cõre ñiupi:

—To biirije yure mũ ca ñi yũũrije jũori, tũgoeñarique paitigora tua waagoja. Mee, wãtĩ mũ macõpũre ca niimiricũ witicoami —ñiupi.

³⁰ Cõ pea, cõ yaa wiipũ eago, cõ macõ cãni pejarica taberũ cõ ca pejaro bũa eaupo. Cõpũre ca niiricũ wãtĩ pea witicoaupi mee.

Tuotĩ, wedeti, ca biigũre Jesús cã ca catorique

³¹ Jesús, Tiro yepa ca niiricũ waagũ, Sidón yepare ametũa, waa nũnũa waa, Galilea utabũcũrare Decápolis ca niiri yepare eaupi. ³² Toopũ cã ca earo, jĩcũ tuotĩ, wedeti, ca biigũre ami waari, “Mũ amori mena cũre ñia peoya,” ñiupa Jesús're.

³³ To biro cũja ca ñiro Jesús pea, apero ca bojoca maniro pee cũre ami waa, cã amo jũari mena cã amoperire juu jõene, ñjeco mena cã ñemerore padeña, tiupi. ³⁴ Jiro, emũaro pee ña mũene, yeri jini jãa, o biro cũre ñiupi: “¡Efata!” ñiupi. (“¡Tujuya!” ñirũgaro ñi).

³⁵ To biro Jesús cã ca ñirora, jĩcãto cã amoperi tujucoa, cã ñemero cãa abacoa, añuro wede majicoaupi. ³⁶ Jesús pea, “Jĩcũ uno peerena wedeticãña,” cũre ñiupi. Bũaro jañuro, “Wedeticãña,” cã ca ñirora, bũaro jañuro wede bato nũnũa waauo. ³⁷ Bojoca pea ña ucũacoa, do biro pee ñi majiti, o biro ñiupa: “Niipetirijepũreña añuro wado tiicãmi. Ca tuotirãpũ cãa tũcooa, ca wedetirãpũ cãa wedecoa, cũja ca biiro tiimi,” ñiupa.

* 7:22 *Abocũ* cã ca tiitore biro bobo tũgoeñaricaro maniro tiirique.

8

Cuatro mil ca niiräre Jesús cū ca baarique ecarique
(Mt 15.32-39)

¹ Tii rumurire ñucā paᵛ bojoca nea pooupa. Baarique cᵛori méé cūja ca biiro ĩari cū bueräre jᵛo cojo, o biro ĩiupi Jesús:

² —Anija bojocare yᵛ ĩa boo pacacoa. Mee, itia rumᵛ peti yᵛ mena niicoama; baarique ᵛnora cᵛotima. ³ Baari méé ca biirärena, cūja yaa wiijeripᵛ yᵛ ca tuenecojojata, maa decomacārira dia ñaacoabocuma. Jīcārā yoaroripᵛ ca dooricarā niima —ĩupi.

⁴ To biro cū ca ĩiro, cū buerā pea o biro ĩi yᵛᵛupa:

—¿Ano ᵛno ca bojoca manirorᵛre noorᵛ baarique buacāri, ecarique niicu mᵛ ĩiti? — ĩiupa.

⁵ To biro cūja ca ĩiro, Jesús pea:

—¿No cānacāga pan mᵛja cᵛoti? —cūjare ĩi jāiᵛaupi.

Cūja pea:

—Jīcā amo peti, ape amore pᵛaga penituario niiri caari jāa cᵛo —cūre ĩiupa.

⁶ To biro cūja ca ĩiro, bojocare yepapᵛ duwi doti, jīcā amo peti, ape amore pᵛaga penituario ca niirije pan're ami, ᵛmureco Pacure, “Añu majuropecā” ĩi juu bue yapano, teere pee bato, cū bueräre noni cojoui bojocapᵛre cūja bato cojojato ĩigu. Cūja pea to birora tiiupa. ⁷ Wai cāare no cānacārā meeacāra cᵛoupa. Jesús pea cūjare ami, ᵛmureco Pacure, “Añu majuropecā” ĩi, cūja cāare cū bueräre bato dotiupi. ⁸ To biro cū ca tiirijere, niipetirāpᵛra baa yapicoaupā. Cū buerā pea ñucā ca dᵛjarijere jīcā amo peti, ape amore pᵛaga penituario niiri pijeeri jee jāa dadoupa. ⁹ Teere ca baaricarā pea bapari mil peti niiupa. Jiro Jesús bojocare waarique wui, ¹⁰ cū buerā mena cūmuapᵛ ea jāa, Dalmanuta yepa pee waacoaupi.

Fariseos jīcā wāme cūja ca tii bau nii dotirique
(Mt 16.1-4; Lc 12.54-56)

¹¹ Jiro fariseos Jesús pᵛto eari, cū mena buaro wede peni jᵛo waaupa. Ñañarije cū tii bui cutijato ĩirā, jīcā wāme ᵛmureco tutipᵛ maquē ca ĩa ñaña manirije cūre tii bau nii dotiupa, “¿Díamacūra ᵛmureco Pacᵛ cū ca tiicojoricura cū niiti?” ĩi majirugarā. ¹² To biro cūja ca ĩiro, Jesús pea yeri jini jāa, o biro ĩiupi:

—¿Ñee tiirā anija bojoca jīcā wāme ca ĩa ñaña manirije tii bau niiriquere cūja jāiti? Yee méé yᵛ ĩi. Jīcā wāme ᵛnoacā peera tii bau nii ĩñoña manirucuma —ĩupi. ¹³ To biro cūjare ĩi, cūmuapᵛ ea jāa, ᵛtabucura ape ñña pee tīacoaupi.

Fariseos cūja ca tii niirije
(Mt 16.5-12)

¹⁴ To waarā, cū buerā pea baarique jeeri méé acobo, waacoaupā. Cūmuapᵛre jīcāgaacāra pan'ga cᵛoupa. ¹⁵ Jesús pea o biro cūjare ĩi majioui:

—Mᵛja tᵛgoeña majiwa, fariseos, to biri Herodes, cūja ca tii niirije menare* —ĩupi.

¹⁶ To biro cū ca ĩiro, cū buerā pea: “Agó nija, pan mani cᵛoti,” ameri ĩi niiupa.

¹⁷ Jesús pea to biro cūja ca ameri ĩirijere majiri, o biro cūjare ĩiupi:

—¿Ñee tiirā, “Pan mani cᵛoti,” mᵛja ĩiti? ¿Ména, ĩa jeeᵛoti, tᵛo puoti mᵛja biicāti? ¿Mᵛja ca tᵛgoeñarije to pāati majuropecāti? ¹⁸ ¿Cape cᵛti pacarā ĩati, amoperi cᵛti pacarā tuoti, mᵛja biicāti? ¿Yoari méé mᵛja acobocoati? ¹⁹ Jīcā amo cōro niirije pan menara jīcā amo cōro mil ca niiräre yᵛ ca baarique batorique ca dᵛjarijere ¿no cānacā pijeeri peti mᵛja jee jāa dadori? —cūjare ĩiupi.

To biro cū ca ĩiro cūja pea:

—Pᵛa amo peti, dᵛpore pᵛaga penituario niiri pijeeri —ĩiupa.

²⁰ —Ñucā, jīcā amo peti, ape amore pᵛaga penituario ca niirije pan menara, bapari mil ca niiräre yᵛ ca baarique batorica tabera, ¿no cānacā pijeeri mᵛja jee jāa dadori? —ĩiupi.

* 8:15 Fariseos yee to biri Herodes yee, baarique ca wauaro ca tiirijere ĩa majiña.

To biro cū ca ĩiro:

—Jĩcā amo peti, ape amore p̄aga penituario niiri pijeeri —ĩiupa.

²¹ —¿To docare ména, m̄ja tuo puoticāti? —ĩiupi Jesús, cū buerāre.

Betsaidap̄a ca ĩatigure Jesús cū ca catorique

²² Jiro Betsaida cūja ca earo, jĩcārā jĩcū ca ĩatigure Jesús p̄to ami waari, “Cūre padeñaña,” ĩiupa Jesús're. ²³ To biro cūja ca ĩiro Jesús pea, ca ĩatigure macā t̄jarop̄a cūre t̄acā witi waaupi. Toop̄a cū ɱjeco mena cū capere weyo, cū amori mena cū capere ñia peo, “¿Mee apeye ɱno m̄ ĩati?” cūre ĩi jãĩnaupi. ²⁴ To biro cū ca tiiro, ca ĩatimiricu pea ĩa p̄ari, o biro cūre ĩiupi:

—Bojocare ȳ ĩa biigup̄a. Buari, yuc̄ra waa yujurore biro biicā —cūre ĩiupi.

²⁵ To biro cū ca ĩiro, Jesús pea cū capere ñia peo nemoupi ñucā. To biro cū ca tiiro, ñee jãa maniro añuro ĩa, diarique manigup̄a tuacāupi yua. ²⁶ To cōrora Jesús pea cū yaa wiip̄a cūre tuenecojogu, o biro cūre ĩiupi:

—Macā pee piya waari, jĩcū ɱno peerena wedegu waa, tiiticāña —ĩiupi.

Jesús're “Mesías m̄ nii,” Pedro cū ca ĩirique

(Mt 16.13-20; Lc 9.18-21)

²⁷ Ate jiro Jesús cū buerā mena, Cesarea de Filipo yepa macā macārip̄a waaupi. Maap̄a waa nun̄na waagu, Jesús cū buerāre:

—¿Bojoca, ‘Ñiru niimi,’ ȳre cūja ĩirucuti? —cūjare ĩi jãĩnaupi.

²⁸ To biro cū ca ĩi jãĩnaro:

—Jĩcārā: “Uwo Coeri maja Juan niimi.” Aperā: “Elías niimi.” Aperā: “Jĩcū ca biipere wede jugueri maja mena macū niimi,” m̄re ĩima —cūre ĩi ȳnupa.

²⁹ To biro cūja ca ĩiro:

—M̄ja pea, ¿“Ñiru niimi,” ȳre m̄ja ĩiti? —cūjare ĩi jãĩnaupi Jesús.

To biro cū ca ĩiro, Simón Pedro pea:

—M̄a, ɱm̄reco Pacu cū ca tiicojo cojoricu Cristo m̄ nii —cūre ĩiupi.

³⁰ To biro cū ca ĩiro: “Teere jĩcū ɱno peerena wedeticāña,” ĩiupi Jesús cū buerāre.

Cū ca bii yaipere cū ca wederique

(Mt 16.21-28; Lc 9.22-27)

³¹ Jiro Jesús cū buerāre o biro cūjare ĩi wede majio j̄o waaupi:

—Ȳ, Ca Nii Majuropeegu Macū, buarop̄ra ñañaro tam̄o, judíos're ca j̄o niirāre, paia ɱparāre, doti cūuriquere ca j̄o buerāre ĩa juna eco, ȳ ca biipera niiro bii. Ñucā ȳre j̄a cōa, cūja ca tii pacaro itia r̄m̄a jiro ȳ cati tuacoarucu —cūjare ĩiupi. ³² Atere tuo majiricarora cūjare wede majiupi. To cōrora Pedro pea, apero pee cūre ami waa, to biro cū ca ĩirije j̄ori cūre tuti camota j̄o waaupi. ³³ To biro cū ca ĩiro, Jesús pea amojode n̄cā, cū buerāre ĩari, o biro ĩi tutiupi Pedrorre:

—¿Ȳre camotati waaguja Satanás! M̄a ɱm̄reco Pacu cū ca tiirugari w̄mere m̄ majiti. Bojoca cūja ca t̄goeñarore birora m̄ t̄goeñacā —cūre ĩiupi.

³⁴ To biro cūre ĩi, cū buerāre bojocare j̄o cojori, o biro ĩiupi Jesús:

—Jĩcū ȳ buegu ca niirugu ɱnoa m̄ majurope m̄ ca tiirugarijere acobori, ȳ yee j̄ori ñañaro tam̄o pacagu, to birora t̄goeña bayi, ȳre nun̄ña. ³⁵ Cū ca cati niirijere ca maigua, cū ca catipere buatirucumi. To ca bii pacaro ȳ yee j̄ori, añurije quetire cū ca tuo nun̄jeerije j̄ori, ñañaro ca tii eco yaigua, ametuarucumi. ³⁶ ¿Ñee ɱno peere to tii nemoti at̄i yepa maquē niipetirore paio c̄o ametuenecā pacagu, ɱm̄reco Pacure tuo nun̄jeetigura ca bii yaigura? ³⁷ Ñucā, ¿no cōro paio mena cū wapa tiibogajati, cū ca cati niipe wapare? ³⁸ Ati cuu macārā ñañarije tii, ɱm̄reco Pacure tuo nun̄jeeti, ca biirā watoare niirā, ȳ yee quetire, ȳ yee maquēre bobo jãa, ca biirāra, ȳ, Ca Nii Majuropeegu Macū cãa, ȳ Pacu cū ca boe baterije, cū p̄to macārā ca ñañarije manirā mena ȳ ca doori r̄m̄re, ȳ yee quetire wederugarā cūja ca bobo jãaricarore birora cūjare ȳ bobo ĩarucu —cūjare ĩiupi Jesús.

9

¹ O biro ïi nemoupi ñucã:

—Yee méé mujare yu ïi: Jïcãrã ano ca niirã mena macãrã, Æmureco Pacu cã ca doti niiri tabe, cã ca tutuarije mena ca earo ïatirãra bii yaitirucuma —ïupi.

Jesús cã ca baurije ca wajoarique

(Mt 17.1-13; Lc 9.28-36)

² Jïcã amo peti, ape amore jïcãga penituario niiri ramuri jiro, Jesús, cã buerã Pedro, Juan, Santiago jãa wadore, ùtãgũ ca emuaricũpũ jũo waaupi. Toorpũ, cãja ca ïa cojoro cã ca baurije wajoacoaupi. ³ Cũ juti cãa bũaro boti ajiyaarije biicoaupe. Jïcũ ñno peera bũaro coecã pacagũ, añuro botiritopũ cã ca tii majitiro ametũeneropũ botiupe. ⁴ Ñucã Elías, Moisés baua eari, Jesús mena wede peni niuipa. ⁵ To biro cãja ca biiro ïagũ, Pedro pea o biro ïupi Jesús're:

—Buegũ, anopũ mani ca niiro añu majuropeecã. Itia wii, wii pĩiri jãa quenorucu. Mũ yaa wii, Moisés yaa wii, Elías yaa wii, jãa tiirucu —ïupi. ⁶ Cã ca wederijere, “To biirije yu ïicu,” ïi majiticãupi, niipetirãpũra ñcũa yaicoama ïirã. ⁷ To biro cãja ca bii niirora, bueri bũrũa doo, cãjare paa ùmaa ñucõcãupe. To biro ca biirora bueri bũrũapũ wederique o biro ca ïirije wedeoupe: “Ania, yu Macũ, yu ca maigũ niimi. Cũre tuo ñũñjeyea,” ïiupe.

⁸ To biro ca ïiri nimarora ïa cojorã, Jesús jïcũrena ïaupa.

⁹ Ætãgũpũ ca niiricarã duwi ñũñũa doorã, Jesús pea: “Mũja ca ïajãrijere jïcũ ñno peerena wedeticãña, yu, Ca Nii Majuropeegũ Macũ ca bii yairicarã watoare yu ca cati tuaro jiropũ mũja wederucu,” cãjare ïupi. ¹⁰ Tee jũori, cãja wadora atere majicõa niirucuupa, biirãpũa cãja majurope, “Do biro ïirũgaro to ïibuti, ca bii yairicarã watoare cati tuarique,” ameri ïi jãiña nii pacarã. ¹¹ To biri o biro cũre ïi jãiñaupa:

—¿Ñee tiirã doti cũuriquere ca jũo buerã pea: “Elías doo jũorucumi,” cãja ïirucuti? —ïupa.

¹² To biro cãja ca ïi jãiñaro, o biro cãjare ïi yũũupi Jesús:

—Yee méé ïima, Elías'ra doo jũgue, cũra niipetirijere queno, tiirucumi. To docare, ¿ñee tiiro Æmureco Pacu wederique, “Yu, Ca Nii Majuropeegũ Macũre, ñañaro tamũo, ïa juna eco biirucumi,” ïi owarique to niiti? ¹³ Yu pea, “Mee, Elías doo yerijãaupi,” yu ïi. Cãja pea niipetiro cũre cãja ca tiirũgari wãmeri cõro cũre tiuipa. Cũre ca biipere to biro tii ecorucumi, cãja ca ïi owa tuuricarore birora —ïupi.

Wãmũ ca wãtĩ jãa ecoricũre Jesús cã ca catorique

(Mt 17.14-21; Lc 9.37-43)

¹⁴ Aperã cã buerã pũto peere tua earã, paũ bojoca watoapũ nii, ñucã jïcãrã doti cũuriquere ca jũo buerã cãja mena cãja ca wede peni niiro bua eaupa. ¹⁵ Jesús're ïacãrãpũa, ñjea niirique mena cũre ùmaa boca jãiupa. ¹⁶ To biro cãja ca biiro, cã pea o biro cãjare ïi jãiñaupi:

—¿Ñee ñnore cãja mena mũja wede peniti? —ïupi.

¹⁷ To biro cã ca ïiro, jïcũ too cãja watoa ca niigũ, o biro cũre ïi yũũupi:

—Buegũ, yu macũre wãtĩ cũre ñaajãa ñucã eari, ca wedetigũ cã ca tuaro cã ca tiigũre, mũ yu ami doojãwũ. ¹⁸ Noo cã ca niiri tabe ñaajãa ñucãri, cã ca ñaacũmu yugui mecũro tii, cã ñjeropũ jopo witi, upi baca dũpo tuu, tutua pũũacoa, cã ca biiro cũre tiimi. Mũ buerãre, “Wãtĩre cõa wieneña,” cãjare yu ïimijãwũ. Do biro tii majitijãwa —ïupi.

¹⁹ To biro cã ca ïiro, Jesús pea o biro cũre ïi yũũupi:

—¡Agó nija, díamacũ ca tuo ñũñjheetirã! ¿No cõro yoaro mũja mena yu niigũti? ¿No cõro yoaro to biro mũja ca biirijere yu ñucã niigũti? Ano pee cũre ami dooya —ïupi.

²⁰ To biro cã ca ïiro, Jesús pũto cũre ami waaupa. Wãtĩ pea Jesús're ïagũra, wãmũ yerapũ ñaacũmu waa, yugui mecũ, cã ñjeropũ jopo witi, cã ca biiro cũre tiupi. ²¹ To biro cã ca biiro, Jesús pea o biro ïi jãiñaupi cã pacũre:

—¿No cõropũ atere to biro cã bii jũori? —cũre ïupi. To biro cã ca ïiro cã pacũ pea:

—Wimagu niigupura to biro bii juowi. ²² Pau tiiri cüre jiarugu, pecamepu tii cõa joe, ñucã diaru cü ca ñañauro cüre tii, tii mecõorucumi. No jĩcã wãme uno mu ca tii majijata, jãare boo paca ñari, jãare tii nemoña —ĩupi Jesús're.

²³ To biro cüre cü ca ñiro tuogu:

—Ñíjál! ¿Ñee tiigu mu ca tii majijata, mu ñiti? Díamacü ca tuo nunjeegura niipetirije tii majirique wado nii —cüre ñupi Jesús.

²⁴ To cõrora cü pacu pea o biro ñi acaro buiupi:

—Buaro jañuri yu ca tuo nunjeero yure tii nemoña! —ĩupi.

²⁵ Bojoca pañ cüja ca nea poo nunña dooro ñari, wãtĩ yerire o biro ñi tuti cõa wieneupi:

—“Wãtĩ, wedeti, tuoti, ca biigu yoari méé witi waagüja. Puati cüre ñaajãa nũcã nemoticãña,” mure yu ñi —ĩupi.

²⁶ To cõrora wãtĩ pea buaro acaro bui, ñañaropu cüre tii wëe yaye cõa cüu cojo, witicoaupi. Cü pea ca dia waaricure biropu biicã cümü waaupi. To biri pañ, “Dia yaicoami,” ñupa. ²⁷ Jesús pea cü amopu ñee, cüre tãa wãmoupi. To biro cü ca tiirora, cü pea wãmu nũcãcoaupi.

²⁸ Jiro Jesús wiipu cü ca jãa waaro, cü buerã pea cüja wado niirã, o biro cüre ñi jãĩñaupa:

—¿Ñee tiirã jãa pea wãtĩre jãa cõa wiene majitijapari? —ñupa.

²⁹ To biro cüja ca ñiro Jesús pea:

—Wãtĩa anija uno, betirique mena juu buecãripu wado cõa wienericaro ca witiã niima —ĩupi cü buerãre.

Cü ca bii yaipere puati cü ca wederique

(Mt 17.22-23; Lc 9.43-45)

³⁰ Too ca niiricarã waarã, Galilea yepa pee ametua waaupa. Jesús pea jĩcã unora cüja ca majiro bootiupi, ³¹ cü buerãre buema ñigu. O biro cüjare ñi wedeupi:

—Yu, Ca Nii Majuropeegu Macüre, aperãpüre yure tiicojorucuma. Cüja pea yure jãa cõacãrucuma. To biro cüja ca tii cõacãmijata cãare, itia mũmu jiro yu cati tuacoarucu ñucã —cüjare ñupi.

³² Cüja pea to biro cü ca ñirijere tuo majitiupa. Cüre jãĩñarugarã cãa uwi jañuupa.

¿Ñiru pee cü niiti, ca nii majuropeegu?

(Mt 18.1-5; Lc 9.46-48)

³³ Too ca waaricarã, Capernaúm macãpu eaupa. Wiipu niigu, o biro cüjare ñi jãĩñaupi Jesús cü buerãre:

—Maapu doorã, ¿ñeere mũja wede pai nunña doojãri? —ñupi.

³⁴ Cüja pea maapu doorã, “¿Ñiru pee cü niiti, ca nii majuropeegu?” ca ameri ñi nunña dooricarã niiri, wedetiupa. ³⁵ To biro cüja ca biiro ña, Jesús pea ea nuu waa, cü buerã puã amo peti, dupore puaga penituario ca niirãre juo cojo, o biro ñupi:

—Jĩcã, ca nii majuropeegu ca niiruga tugoeñagu uno, niipetirã jiro macãpu nii, niipetirãre pade coteri maju nii, cü biijato —cüjare ñupi.

³⁶ To biro ñi, jĩcã wimagure cüja watoa cüre nũcõ, cüre ami apa, o biro cüjare ñupi Jesús:

³⁷ —Yure ca tuo nunjeegu, jĩcã ani wimagure* biro ca biigure ca ñeegua, yurena ñeegu tiimi. Ñucã yure ca ñeegua, yure ca tiicojoricure ñeegu tiimi —ñupi.

Manire ca junatigua mani mena macü niimi

(Mt 10.42; Lc 9.49-50)

³⁸ Juan pea o biro ñupi Jesús're:

—Buegü, jĩcã mu wãme mena ñicãri, wãtĩare ca cõa wiene niigure jãa ñajãwü. Jãa pea mani mena macü méé cü ca niiro macã, “Teere tiiticãña,” cüre jãa ñijãwü —ñupi.

³⁹ To biro cü ca ñiro, o biro cüre ñi yuupi Jesús:

—Camotaaticãña. Jĩcã uno peera yu wãme mena ñicãri, ca ña ñaña manirije ca tii bau niigua, ñañaro yure ñi majitimi. ⁴⁰ Manire ca junatigua, mani mena pee ca niigu niimi.

* 9:37 Arameo wederique menara wimagu to ca ñijata, pade coteri maju cãare to biri wãmera ñicã. 1Ti 4.12; Mt 17.4.

⁴¹ No ca boorã, mũaja Cristo jaarã ca niirãre, oco bapa unoacãra mũajare ca tãrã, to biro cũaja ca tiirique juori, cũaja yee ca niipere buarucuma.

Ñañaro ca bii buiyeerije

(Mt 18.6-9; Lc 17.1-2)

⁴² "No ca boogu, anija mena macã wãmaacã yure ca tuo nunuje jũo doogure ñañarije cũ ca tiiro ca tiigura, ãtãga pairica mena cũ amututute jia tuuri, dia pairi yaapu cõañua cõacãjata, añucãbocu. ⁴³ Mũ amo ñañarije mũ ca tiiro to ca tiijata, tii amore paa taa cõacãña. Amo ducara caticõa niirica taberũre mũ ca earo añujañu. ⁴⁴ Pũa amo menapura ñañaro bii yairica tabe pecame jĩcãti uno peera yaticoã, becoã cãa diacoã, cũaja ca biitiri taberũre mũ ca waaborica tabe unorena. ⁴⁵ Mũ dũpo ñañarije mũ ca tiiro to ca tiijata, paa taa cõacãña. Dũpo manigũra to birora caticõa niirica taberũre mũ ca earo, añujañu. ⁴⁶ Pũa dũpo menapura ñañaro bii yairica tabe pecame jĩcãti uno peera yaticoã, becoã cãa diacoã, cũaja ca biitiri taberũre mũ ca waaborica tabe unorena. ⁴⁷ Ñucã mũ capega ñañarije mũ ca tiiro to ca tiijata, jade wee amiri cõacãña. Jĩcãga capega manigũra Umũreco Pacũ cũ ca doti niiri taberũre mũ ca earo, añujañu. Pũa capega menapura ñañaro bii yairica tabe:

⁴⁸ "Too macãrã becoã diati,

pecame cãa yatiti, ca biiri taberũre mũ ca cõa joe ecopa tabe unorena."†

⁴⁹ "Niipetirã, ñañaro tamũo ametuari jiro buaro jañuri ca tugoeña bayirã nii nunũa waarucuma.‡ ⁵⁰ Moa añurije nii. To biro bii pacaro to ca oca yerijãacoajata, ¿do biro pee tiicãri ñucã, ca ocarije ca nii earo mũaja tii majibogajati? Mũaja majuropeera moare biro niiña. Niipetirã mena añuro niirique cãti niiña —ĩupi Jesús.

10

Ameri cõarique

(Mt 19.1-12; Lc 16.18)

¹ Jesús Capernaúm ca niiricu, Judea yepa, dia Jordán ape nuña, muipũ cũ ca mũa doori nuña peere ca niiri yepa pee waacoaupi. Ñucã toopũre paũ bojoca cũaja ca nearo, cũ ca tiirucuricarore birora, cũjare bue jũo waaupi. ² To biro cũ ca ñi niiro, jĩcãrã fariseos Jesús pũto ea, cũre ñi buiyeerũgarã, "¿Jĩcũ cũ nũmore cũ ca cõaro to añucãti?" ñi jãĩñaupa. ³ To biro cũaja ca ñiro, cũ pea:

—Moisés ¿ñeere mũajare cũ tii dotiupari? —ĩupi.

⁴ Cũaja pea:

—Moisés: " 'Ate juori mũre yũ cõa,' ca ñiri pũuro owari cõre tiicojo, cõacãña," ñupi —ĩupa.

⁵ To biro cũaja ca ñiro, Jesús pea o biro ñi yũupi:

—Moisés atere to biro mũajare tii dotiupi, ca wederique ametũene nũcã pairã mũaja ca niiro macã. ⁶ Jĩcãto Umũreco Pacũ ati yepare tii jeeño juogũpũra, mũmũ, nomio tiupi.*

⁷ To biri mũmũ, cũ pacũre, cũ pacore, camotatiri, cũ nũmo mena pee niirucumi. ⁸ Pũarã nii pacarã, jĩcã upũra nii earucuma. To biri pũarã méé niima. Jĩcũra niima.† ⁹ To biri Umũreco Pacũ jĩcã upũra cũaja ca niiro cũ ca tiiricarãrena, bojocũra cũaja ca ameri camotatiro tii majitimi —cũjare ñupi.

¹⁰ Ñucã cũ buerã pea wiipũ niirã, tee maquẽrena jãĩñaupa Jesús're. ¹¹ To biro cũaja ca ñiro, Jesús pea:

† 9:48 Is 66.24. ‡ 9:49 "Niipetirãpũra peca ca ñurije mena moa tuu jãaricarõ biro tii ecorumuma. Ñucã waibũcũrã jãari tiicojo nũcũ buorique cõrora moa mena tuu jãa ecorucu. Ca wetapũre jeerũgarã peca mena joe abo, ñucã moa, baariquere ca poaro tii, ca boatiro tii, ca tiirore birora tii ecorucuma. Ñucã moare to ca ñijata, majirique maquẽrena ñicãro ñi. Tee majiriquera Umũreco Pacũ cũ ca boorore biro mani jaarã mena añuro mani ca niiro ca tiirije nii." Mc 9.33-37. * 10:6 Gn 1.27. † 10:8 Gn 2.24.

—Cũ numore cõari, apeo ca numo cutigua, cũ numo ca nii juorico menare ñañarije tiigu tiimi. ¹² Ñucã nomio pee cãa, cõ manure cõacãri apĩ cõ ca manũ cutijata, cõ cãa, ñañarije tiigo tiimo —cũjare ñiupi.

Wimarãre Jesús cũ ca juu bue bojarique

(Mt 19.13-15; Lc 18.15-17)

¹³ Jĩcãrã, Jesús pũto wimarãre jee waaua, cũjare cũ padeñajato ñĩrã. Cũ buerã pea wimarãre ca jee waarãre bocã tuti camota niuupa. ¹⁴ Jesús pea to biro cũja ca ñĩro ña ajiari, o biro cũjare ñiupi:

—Wimarãre camotaatirãra yũ pũto pee cũjare tiicojoya. Æmureco Pacũ cũ ca doti niiri tabea cũjare biro ca niirã yaa tabe nii. ¹⁵ Yee méé yũ ñi: Jĩcũ wimagũ cũ ca biitore biro Æmureco Pacũ cũ ca dotiri tabe maquẽre ca tuo nunũjeetigua, tii tabepũre ea waatirucumi —ñiupi.

¹⁶ To biro cũjare ñi yapano, wimarãre jee apa, cũ amori mena cũjare ñia peori, añuro cũjare ca bii mua nũcãpere cũjare jãĩ bojaupi.

Wãmũ ca apeye paigu

(Mt 19.16-30; Lc 18.18-30)

¹⁷ Jesús, waagu doogu cũ ca biiri tabera, jĩcũ mũũ ñmaa ea, cũ ãjũro jupeari mena cũ jũguero ea nuuri, o biro cũre ñi jãĩñaupi:

—Buegu Añugũ, ¿ñee uno yũ tiigajati, to birora caticõa niiriquere buarũgu? —ñiupi.

¹⁸ To biro cũ ca ñĩro, Jesús pea:

—¿Ñee tiigu “Añugũ” yũre mũ ñiti? Jĩcũ peera ca añugũ manimi; ca añugua jĩcũra niimi, Æmureco Pacũ wado. ¹⁹ Mee, Æmureco Pacũ cũ ca doti cũuriquere mũ maji: Jĩaticãña. Numo cuti, manũ cuti, bii pacarã tii epericarã cutiticãña. Jee dutiticãña. Watoara ñi dito buiyeeticãña. Ñi dito jeeticãña. Mũ pacure, mũ pacore, nũcũ buoya[†] —cũre ñiupi Jesús.

²⁰ To biro cũre cũ ca ñĩro cũ pea:

—Buegu, wimagũ niigũpũra tee niipetirijere yũ tii peticãwũ mee —ñiupi.

²¹ To cõrora mairique mena cũre ña:

—Jĩcã wãmura mũre dũja. Waagũja. Mũ ca cũorije niipetirijere noni peoticã, wapa jeeri, ca boo pacarãre noniña. To biro tiigu, Æmureco Pacũ cũ ca doti niiri tabepũre paio mũ apeye cutirucu. To biro tii yapano, yũre bapa cutigu dooya —cũre ñiupi.

²² Teere tuogu, cũ pea bijaatigũra tugoeñarique pai, waacoaupi ca apeye paigu niiri.

²³ To cõrora Jesús pea cũ weja ña amojode, o biro ñiupi cũ buerãre:

—¿Ca apeye pairãra Æmureco Pacũ peere cũja ca tuo nunũjeerũgamijata, popiye peti niicãro dooro bii! —ñiupi.

²⁴ O biro cũ ca ñirijere, cũ buerã pea do biro pee ñi majiticãupa. Ñucã Jesús pea o biro cũjare ñi nemoupi:

—Yũ puna, cũja apeyerena ca wederique paiorãra, Æmureco Pacũ peere cũja ca tuo nunũjeepe pea do biro tii majiña manirije peti to niicãti. ²⁵ Camello pea, ãjipõa potaga opere popiye méé cũ ca jãa ame witicoa pacaro, jĩcũ ca apeye paigu peera Æmureco Pacũ peere cũ ca tuo nunũjeerũgarije popiye peti niicã —cũjare ñiupi Jesús.

²⁶ To biro cũ ca ñĩro, cũ buerã pea buaro jañuri tuo ucũacã yai waa, do biro pee ñi majiticã, o biro ñiupa:

—Too docare ¿ñiru peti cũ ametũagũti? —ñiupa.

²⁷ To cõrora Jesús pea cũjare ña, o biro ñiupi:

—Bojocara do biro ca tii majiña manirije niiro bii. Biiti Æmureco Pacũ peera. Niipetirijepũra cũ ca tii majirije wado niicã —ñiupi.

²⁸ To biro cũ ca ñĩro, Pedro pea:

—Jãa, jãa yeere cũu peticã, mũre jãa nunũ doowũ —ñiupi.

²⁹ To biro cũ ca ñĩro, Jesús pea:

[†] 10:19 Ex 20.12-16; Dt 5.16-20.

—Yee méé mujare yu ñi. No ca boogu yu yee juori, ñucã añurije queti juori, cã yaa wiire, cã yaarãre, cã yaarã romirire, cã pacure, cã pacore, cã punare, cã yaa yepare, cã ca waa weojata, ³⁰ ati yepare cati niigura, ñañaro cãre cãja ca tiiruga nunjeerije watoara, cã ca waa weorique ametuenero wiijeri, cã yaarãre, cã yaarã romirire, cã pacure, cã pacore, cã punare, cã yaa yeparire, cien cõro peti tiicojo nemo ecorucumi; ñucã ape tuti macã yeparure cã ca niipe peera to birora caticõa niiriquere tiicojo ecorucumi. ³¹ Pañ, mecãrre ca nii majuropeerã ca niirã, cãja ca ñiña manirã tuarucuma. Ñucã mecãrre cãja ca ñiña manirã ca niirã, ca nii majuropeerã niirucuma —cãjare ñi yãupi Jesús.

Cã ca bii yaipere itiatu cã ca wederique

(Mt 20.17-19; Lc 18.31-34)

³² Jiro, Jerusalén pee maa nunna waaupa. Jesús pea cã buerã juoguero waacã nunna waaupi. To biro cã ca biiro, cãja pea, “Uwiorije ca biigu cã niiti” ñi nunjeeupa, cãja jiro ca doorã pea cãja ca boca uwi nunjeecãro. Ñucã Jesús, cã buerã pua amo peti, ðapore pua penituario ca niirãre bojoricarõ juo cojo, o biro cãjare ñiupi cãre ca biipere: ³³ “Maja ca ñarora, Jerusalén'pu waarã mani bii, yu, Ca Nii Majuropeegu Macãre, paia ðparãpãre, doti cãuriquere ca juo buerãpãre, yãre wedejãarucuma. Cãja pea yãre cãja jã cõajato ñirã, ape yepa macãrãpãre yãre tiicojorucuma. ³⁴ Cãja pea ñañaro yãre ñi epe, yãre ðjeco eo bate tuu, yãre bape, yãre jã cõa, tiicãrucuma. To biro cãja ca tiimijata cãare, itia rumu jiro yu cati tuacoarucu ñucã,” cãjare ñi wedeupi Jesús.

Santiago, Juan, jicã wãme Jesús're cãja ca jãimirique

(Mt 20.20-28)

³⁵ Zebedeo puna, Santiago, Juan, Jesús puto pee waari, o biro cãre ñiupa:

—Buegu, mãre jãa ca jãirijere jãare mu ca tii nemoro jãa boo —ñiupa.

³⁶ To biro cãja ca ñiro:

—¿Ñee ñnore mujare yu ca tii bojaro maja booti? —cãjare ñi jãñiupa Jesús.

³⁷ To biro cãjare cã ca ñiro, cãja pea:

—Mu ca doti niiri tabe ca añu majuropeeri tabepãre, jicã, mu díamacã nuña, apã mu ãcõ nuña pee, jãare mu ca duwi dotiro jãa boo —cãre ñiupa.

³⁸ To biro cãja ca ñiro:

—Maja, maja ca jãirijere maja majiti. To docare maja, do biro bii majiña maniro ñañarije yu ca tamuore ñnore ñañaro peti tamuocã, ñañari wãmepu tii ecori yu ca jãa eco yaipere ñnore tamuorã, ¿maja bii bayicãrãti? —cãjare ñiupi Jesús.

³⁹ To biro cãjare cã ca ñiro tuorã:

—Ûgjã, jãa bii bayicãrucu —cãre ñiupa.

Jesús pea o biro cãjare ñiupi:

—Biirãpua maja, yãre birora buaropua ñañaro peti tamuo, bii yai, maja bii ametuarucu. ⁴⁰ Buari, yu díamacã nuña, yu ãcõ nuña maja ca duwirugarije docare, yu, yu ca duwi dotipe méé nii. Mee tea, “To biro biirucuma,” ñiricãrã cãja ca duwipã nii —cãjare ñiupi Jesús.

⁴¹ Aperã pua amo cõro ca niirã pea teere tuorã, Juan, Santiago jãa mena ajia jañuupa.

⁴² Jesús pea cãjare juo cojo, o biro ñiupi:

—Mee maja maji, ati yepa macãrã ðmureco Pacure ca majitirã, “Wiorã jãa nii” ca ñirã, cãja bojocare tutuaro mena doti epema; ñucã ðparã ca nii majuropeerã pea, cãja ca dotirije mena cãjare ñi epecãma. ⁴³ Maja mena peera to biro méé biirucu. Maja watoare ca nii majuropeegu ca niirugã ñnoa, mujare pade coteri majure biro pee ca biipã niimi.

⁴⁴ Ñucã maja watoare ca juo niigu ca niirugã ñnoa, niipetirãre pade coteri majure biro pee ca biipã niimi. ⁴⁵ Yu, Ca Nii Majuropeegu Macã cãa, yãre cãja pade cotejato ñigu méé yu doowu. Yu pee cãjare pade cote, ñucã pañ bojoca ñañarije cãja ca tiiriquere bii yai boja ametueneru doogu yu doowu —ñiupi Jesús.

Ca ñatigu Bartimeore Jesús cã ca cãtiorique

(Mt 20.29-34; Lc 18.35-43)

⁴⁶ Jiro Jericó macãre eaupa. Tii macãre Jesús, cū buerã, aperã pañ bojoca mena cū ca witi nunña waaro, jicū ca itatigū Bartimeo ca wãme cutigū Timeo macū, maa puto wapa tiirica tiiri jã duwiupi. ⁴⁷ “Jesús, Nazaret macū niimi,” cūja ca iiro tuori:

—Jesús, David Pãrami, yure boo paca ñaña! —ñi acaro buiupi.

⁴⁸ To biro cū ca iiro, cū yerijãa waajato iirã, pañ cūre tuti camotaamiupa. To biro cūja ca ñi pacaro, cū pea buaro jañuro acaro buiupi:

—David Pãrami, yure boo paca ñaña! —ñiupi.

⁴⁹ To cõrora Jesús pea tua nũcã, “Cūre jũo cojoya,” ñiupi. To biro cū ca iiro, o biro cūre ñi jũo cojoya:

—Ñijã. Tũgoeñarique paitigūra wãmũ nũcãri, dooya. Jesús mũre jũomi —cūre ñiupa.

⁵⁰ To cõrora ca itatigū pea cū jutiro jotoa macãrore tuu wee cõa cūu, bupu wãmũ nũcã, Jesús puto pee waupi. ⁵¹ Jesús pea:

—¿Ñeere mũre yũ ca tii bojaro mũ booti? —cūre ñi jãñiupa.

To biro cū ca iiro, ca itatigū pea o biro ñi yũupi:

—Buegũ, yũ cape ca ñaro yũ boo —ñiupi.

⁵² Jesús pea:

—Tua waagũja. “Jesús yure catiocãrucumi,” mũ ca ñi tũgoeña bayirijera mũ diariquere ametuene —cūre ñiupi.

To biro cūre cū ca ñiri nimarora, ca itimiricũ añuro ña, Jesús're nunñcoaupi.

11

Jerusalén're Jesús cū ca jãa waarique

(Mt 21.1-11; Lc 19.28-40; Jn 12.12-19)

¹ Jerusalén macãre ea nunña waarã, Betfagé, Betania macãri Olivos Buuro puto eagũ, cū buerã puarãre ² o biro cūjare ñi cojoupi Jesús:

—Waarãja ano díamacū ca niiri macãpũ. Tii macãpũre earã, jicū burro, ca peja ñaña manigũ, cūja ca jia tuu nũcõricũre mũja buarucu. Cūre popiori mũja ami doowa. ³ Jicū, “¿Ñee tiirã cūre mũja popioti?” mũjare cū ca ñijata: “Wioğũ cūre boomi. Yoari méé mũjare tuenecãrucumi ñucã,” cūre mũja iüwa —ñi cojoupi.

⁴ To biro cū ca ñi cojorã waa, burrore jope puto, maa putoacã cūja ca jia nũcõricũ ca nucũgũre bua eari, cūre popioupa.

⁵ Cūre cūja ca popioro ñarã, jicãrã too ca niiricãrã:

—¿Ñee tiirã burrore mũja popioti? —cūjare ñi jãñiupa.

⁶ Cūja pea, Jesús, cūjare cū ca ñi doti cojoricarore biro cūjare ñiupa. To biro cūjare cūja ca iiro, to birora cūjare ñacãupa. ⁷ Jesús puto ami ea, cūja juti jotoa maquẽ burro jotoare peoupa. Jesús pea cū jotoa ea pea waupi. ⁸ Cū ca waa nunña waaro, pañ cūja juti, jotoa maquẽre tuu weeri maare cūu jũgue nunña waa, ñucã aperã macãpũcũpũ cūja ca paa jude jeerica queerire cūu jũgueupa. ⁹ To biro tii nunña waarã, cū jũguero ca waarã, cū jiro pee ca doorã cãa o biro ñi acaro buiupa:

—Jãare ametueneña!† Añuro ca biigũ niimi, Ʋpũ wãme mena ca doogũ.‡ ¹⁰ Ca añu majuropeerije nii, mani ñicũ David cū ca doti niiquĩricarore biro ca bii mũa nũcã doore. Jãare ametueneña, mũ, mũmũreco tutipũ ca niigũ —cūre ñi nunña waupa.

¹¹ Jesús, Jerusalén're ea, Ʋmũreco Pacũ yaa wii pee waupi. Tii wiipũ jãa ea, niipetiro ña yuju peticã, ñamipũ ca niiro macã, cū buerã pũa amo peti, dũpore pũaga penituario ca niirã mena Betania pee waacoaupi ñucã.

Higueragũ ca dica maniricũ

(Mt 21.18-19)

¹² Ape rãmũ Betaniapũ ca niiricũ, Jerusalén'pũ waa nunña waagũ, buaro queyaupi Jesús. ¹³ To biro bii queya nunña waagũ, yoaropũ jicãgũ higueragũ, ca pũu cuti nucũro

* 11:6 Zac 9.9. † 11:9 Hebreo wederique mena “Hosanna” iirã, jicãtoacãpũra “Yure ametueneña” iirã cūja ca ñirique niüpa. ‡ 11:9 Sal 118.25-26.

ĩari, “Dica cuticu” ĩigu, ĩagu waamiupi. Tiigu puto eagu, ca pũu wado ĩaupi, ca dica cutiri cuu méé ca niiro macã. ¹⁴ To cõrora o biro ĩiupi Jesús, higeragure:

—Jĩcũ uno peera mũ ca dica cutirijere baa nemo tiitirucuma —ĩiupi.
To biro cã ca ĩirijere tũoupa cã buerã.

*Umureco Pacu yaa wiire ñañarije ca niirijere Jesús cã ca cõarique
(Mt 21.12-17; Lc 19.45-48; Jn 2.13-22)*

¹⁵ Jesús Jerusalén'pũ ea, Umureco Pacu yaa wiipũ jãa waa, tii wiipũ noni wapa taa, wapa tii, ca tii niirã niipetirãre cõa wiene jũo waaupi. Wapa tiirica tiirire wajoa, buare noni wapa jee, cãja ca tii duwiri taberire tumicõa cõa cũu bate peoticãupi. ¹⁶ Nũcã Umureco Pacu yaa wiipũre jĩcũ uno peera apeye jecãri, cãja ca tẽo taaro bootiupi Jesús. ¹⁷ O biro cãjare ĩi wede majiupi:

—O biro ĩi owarique nii:

“Yũ yaa wii, bojoca poogaari cõrora cãja ca juu bue nea poori wii niirucu,” ĩirica wii nii,” ĩi. [§] Mũja pea, jee dutiri maja cãja ca niiri ope mũja jeeñocãjapa* —cãjare ĩiupi Jesús.

¹⁸ Atere tũorã, paia uparã, doti cũuriquere jũo bueri maja, cũre cãja ca jãpa wãmere ama jũo waaupa. Bii pacarã uwi jaũuupa, mee, bojoca niipetirãpũra cã ca bue majiorijere cãja ca tũo ujea nii niiro macã. ¹⁹ Nãiori tabe ca niiro Jesús, cã buerã mena, tii macãre witicoaupi ñucã.

*Higeragu ca jinirique
(Mt 21.20-22)*

²⁰ Ape rãmũ boeri tabe, higeragu puto ametua waarã, tiigu nũcõri menapũra ca jini waaricagũpũre ĩaupã. ²¹ To cõrora Pedro pea, Jesús cã ca ĩiriquere tũgoeña bũa:

—Buegu, ĩañaaquẽ. Higeragu ñañaro mũ ca ĩi tutijãricũ, jini yaicoajapa —ĩiupi.

²² To biro cã ca ĩiro, Jesús pea:

—Umureco Pacu cã ca tii nemoro mena, “Jãa ca ĩirore birora biirucu,” ĩi tũgoeña bayicãña. ²³ Yee méé mũjare yũ ĩi: Jĩcũ, “Yeera yũ ĩicãbocu” ĩi tũgoeñatigũra, “Yũ ca ĩirore birora biirucu,” ĩi tũgoeña bayicãri atigu ãtãgũre: “Pĩa waari, dia pairi yaapũ ñaaũuaña” cã ca ĩijata, cã ca ĩirore birora biirucu. ²⁴ To biri, “Niipetirije, juu buerã mũja ca jãirijere, ‘Mee, mani bũa yerijãa,’ ĩiña, mũja tiicojo ecorucu,” mũjare yũ ĩi. ²⁵ Juu buerã, aperã, ñañaro mũjare cãja ca tiiriquere acoboya, mũja Pacu umureco tutipũ ca niigu cãa, ñañarije mũja ca tiiriquere mũjare cã ca acobopere biro ĩirã. ²⁶ Nãñaro mũjare cãja ca tiiriquere mũja ca acobotijata, mũja Pacu umureco tutipũ ca niigu cãa, ñañaro mũja ca tiiriquere mũjare acobotirucumi —ĩiupi cã buerãre.

*Jesús cã ca doti majirije
(Mt 21.23-27; Lc 20.1-8)*

²⁷ Ate jiro Jerusalén'pũ eaupa ñucã. Umureco Pacu yaa wiipũ Jesús cã ca waa yujuro, paia uparã, doti cũuquĩriquere jũo bueri maja, aperã judĩos're ca jũo niirã, Jesús puto eari:

²⁸ —¿Ñee doti majirique cõcãri, atere to biro mũ tii niiti? ¿Ñiru to biro mũ ca tiirije doti majiriquere cã tiicojojãri? —cũre ĩi jãĩñaupa.

²⁹ To biro cãja ca ĩiro, Jesús pea o biro cãjare ĩi yũũupi:

—Yũ cãa, jĩcã wãme mũjare yũ jãĩñarucu. Yũre yũũya. Mũja ca yũũjata, yũ cãa, “Tee doti majirique mena atere to biro yũ tii,” mũjare yũ ĩirucu. ³⁰ ¿Ñiru Juan're cã uwo coe doti cojoupãri? ¿Umureco Pacu? ¿Bojoca pee? Yũre wedeya —ĩiupi.

³¹ To biro cãjare cã ca ĩiro, cãja majurope:

—“¿Do biro cũre mani ĩi yũũrãti? ‘Umureco Pacu cũre doti cojoupãri,’ mani ca ĩijata, ‘¿Ñee tiirã cã ca wederijere mũja tũo nũũjeetiri?’ manire ĩirucumi”. ³² “Bojoca cũre uwo coe doti cojoupãri,’ mani ĩi majiti,” ĩiupa. Bojocare uwi jaũuupa, mee niipetirã, “Juan, Umureco Pacu yee queti wederi majũ niwi,” ca ĩirã wado cãja ca niiro macã.

³³ To biri Jesús're:

§ 11:17 Is 56.7. * 11:17 Jer 7.11.

—¡Baa! Jãa majiti —cũre ñi yũũcãupa. To cõrora Jesús pea:
 —To docare yũ cãa, “Tee doti majirique mena to biro yũ tii,” mũjare yũ ñiticu —cũjare ñi yũũupi Jesús.

12

Paderi maja ñañarãre cã ca ñi cõõnarique
(Mt 21.33-46; Lc 20.9-19)

¹ To cõrora Jesús ñi cõõnarique mena cũjare wede jũo waaupi:

—Jĩcũ ñje weje oteupũ. Tii wejere jãni jãa amojode, ñje oco cãja ca quenopa tabe cãare queno, ñucã tii weje niipetirore ca ña coterã cãja ca niipa wii cãare emũari wii quenocã, tiiupũ. To biro tii yapano, paderi majare tii wejere cũu, waacoaupũ. ² Ñje ca dica cõtiri cuu ca earo, jĩcũ cã pade bojari majũre cã ca pade dotiricarã pũtopũ tiicojo cojoupũ, cã yeere cãja dica woo cojojato ñĩgũ. ³ Paderi maja pea cã ca earo, cũre ñee, cũre paa, ñee jãa manigũ cũre tii ãcũ tuenecã cojoupã. ⁴ Jiro tii weje upũ apĩ cã mũmũre tiicojoupũ ñucã. Cũ cãare to birora ñañaro cũre ñi tuti, cũ dũpũgare camĩ tuu, cũre tii ãcũ tuenecã cojoupã. ⁵ Jiro apĩ tiicojoupũ ñucã. Cũra jĩa cõacãupã yua. Jiro aperã paũ tiicojo nemomiupũ ñucã. To biro cã ca tiiricarãre jĩcãrãre cũjare quẽe, aperãra jĩa bate, tiicãupã.

⁶ “To biro cãja ca tiimijata cãare, jĩcũ dũjaurũ ména, cã macũ majurope buaro cã ca maigũ. To biri: “Yũ macũra nũcũ buorucuma,” ñi tũgoeñari, cã macũre tiicojomupũ.

⁷ “Paderi maja pea cã ca dooro ñari, “Ani niimi, ati wejere ca cũo nũñjeerũ, cũre mani jĩa cõacãco. To biro mani ca tiiro, mani yaa weje tuarucu,” ameri ñiupã. ⁸ To biri cũre ñee, cũre jĩa, cã upũri niiquĩriquerẽ tii weje tũjaropũ cõacãupã.

⁹ “¿Ñje weje upũ do biro tiirucumi mũja ñi tũgoeñati? Waa, paderi majare jĩa batecã, ñje wejere aperãre tiicojorucumi. ¹⁰ ¿Mũja o biro cãja ca ñi owa cũuriquerẽ mũja bue ñaatiti? O biro ñi: “Ûtãga, wii buari maja cãja ca beje cõaricagara, ca nii majuropeerica nii ea.

¹¹ Atere Upũ tiiupi. Teere ñarã, mani ña ucũacoa,” ñi,* —cũjare ñi wedeupi Jesús.

¹² Teere tuorã, Jesús're ñeerũgamiupa, to biro cã ca ñi cõõña wederije mena “Manirena ñi tutigũ ñimi,” ñi majiri. Cũre ñeerũga pacarã, bojocare uwima ñirã cũre ñeetirãra waa weocõaupã.

Wiogũ César're niirique wapa wapa tiirique
(Mt 22.15-22; Lc 20.20-26)

¹³ Jiro jĩcãrã fariseos, Herodes yaa pooga macãrãre Jesús pũto tiicojupa, cãja ca wedejãapa wãme mũnore cã ca ñi bui cõtiro cãja tiijato ñirã.

¹⁴ To biri Jesús pũto eari:

—Buegũ, mũ ca wederije díamacũra mũ ca ñirijere jãa maji. Bojocarena mũ tuo nũñjeeti. Cãja ca baurijerena ca ña nũñjeetigũ niiri, Ñmũreco Pacũ yee maquẽre ca niimore birora mũ bue majio. To biri, ¿to añũ jañuti wiogũ Roma macũre niirique wapa jãa ca wapa tiirucurije? ¿To añutitiquẽ? ¿Cũre jãa wapa tiigajati? ¿Jãa wapa tiitigajatiquẽ? —cũre ñi jãĩñaupa.

¹⁵ Jesús pea to biro watoara cãja ca ñi ditorijere ña majiri, o biro cũjare ñiupi:

—¿Ñee tiirã, “Ñañarije cã ñi bui cõtijatõ,” ñi tũgoeñari, to biri wãme yũre mũja ñi jãĩñati? Jĩcã tii wapa tiirica tii yũre ami dooya, yũ ñañama —ñiupi.

¹⁶ To biro cã ca ñiro, wapa tiirica tiire ami waa, cũre cãja ca tiicojoro, o biro ñi jãĩñaupi:

—¿Ñiru díamacũ, ñiru wãme, owa tuurique to tujati? —ñiupi.

To biro cã ca ñiro, cãja pea:

—Wiogũ romano César† yee —cũre ñi yũũupa.

¹⁷ To biro cãja ca ñiro:

* 12:11 Sal 118.22-23. † 12:16 Emperador.

—To docare, César yee ca niirijere, César're tiicojoya. Ɖmureco Pacu yee ca niirijera, Ɖmureco Pacure tiicojoya —cũjare iŭupi Jesús. To biro cũ ca iŭ yũuro, do biro pee iŭ majiticũupa.

Cati tuarique maquẽre cũja ca jãĩnarique

(Mt 22.23-33; Lc 20.27-40)

¹⁸ Nũcã saduceos, “Ca bii yairicarã cati tuaticuma,” ca iŭrã, Jesús're iŭrã waari, o biro cũre iŭ jãĩnaupa:

¹⁹ —Buegu, Moisés: “Jĩcũ nũmo cati, puna manigũra cũ ca bii yai weojata, cũ nũmo ca niiricore cũ bai pee cũ nũmo cutijato, cũ jũwũ niiquĩricũre puna cati wajoa bojarũgu,” jãare iŭ owa cũuquĩupi. ²⁰ To biri jĩcãti jĩcũ puna jĩcã amo peti, ape amore pũaga penituario ca niirã peti niwa. Ca nii jũogu nũmo cutimiupi. Puna manigũra bii yaicoaupi. ²¹ Cũ ca bii yairo jiro, cũ jiro macũ cõrena nũmo cutimiupi. Cũ cãa puna manigũra bii yaicoaupi. Cũja pũarã jiro macũ cãa to birora biicãupi ñucã. ²² To biro wado cũja, jĩcã amo peti, ape amore pũaga penituario ca niimiricarã cõ menare puna manirã wado bii yai peticoaupi. Cũja jiro cũja nũmo ca niimirico cãa bii yaicoaupi. ²³ To docare yua, cati tuarica tabe ca niiro cũja ca cati tuaro, cũja, jĩcã amo peti, ape amore pũaga penituario ca niirãpũra cũja ca nũmo cutimirico pea, ¿nii nũmo pee cõ niigoti? —iŭupa.

²⁴ To biro cũja ca iŭro, Jesús pea o biro cũjare iŭ yũũupi:

—Mũja no ca boorora mũja iŭ maa wijiacã, Ɖmureco Pacu wederiquere, cũ ca tutuarijere majitima iŭrã. ²⁵ Ca bii yairicarã cati tuarãpũa, mũũa, nomia, manũ cati, nũmo cati, tiitirucuma. Ɖmureco tutipũ ca niirã Ɖmureco Pacu pũto macãrãre† biirã wado niicãrucuma. ²⁶ Ca bii yairicarã cũja ca cati tuarije queti, ¿Moisés, yucũgu mũ pacaro ca mũ pettirije queti, cũ ca owariquere mũja bue ñaatiti? O biro iŭupi Ɖmureco Pacu Moisés're: “Yũa, Abraham, Isaac, Jacob jãari Ɖmureco Pacu yũ nii,” iŭupi.‡ ²⁷ Ɖmureco Pacu ca bii yairicarã Ɖmureco Pacu méé niimi. Ca catirã Ɖmureco Pacu niigu biimi. Mũja no ca boorora mũja iŭ maa wijiacã —cũjare iŭupi Jesús.

Doti cũurique ca nii majuropeerije

(Mt 22.34-40)

²⁸ Aũuro cũjare cũ ca yũũ majiro tũori, jĩcũ doti cũuriquere ca jũo buegu Jesús pũto waari, o biro cũre iŭ jãĩnaupi:

—¿Ɖmureco Pacu cũ ca doti cũurique niipetirore dije peti to niiti, ca jũo nii majuropeerije? —iŭupi.

²⁹ To biro cũ ca iŭro, Jesús pea o biro cũre iŭ yũũupi:

—Ɖmureco Pacu cũ ca doti cũurique ca nii majuropeerije ate nii: “Tũoya Israel: Ɖpu mani Ɖmureco Pacu, cũ jĩcũra Ɖpu niimi. ³⁰ Ɖpu mũ Ɖmureco Pacure mũ yeri niipetiro mena, mũ ca tũgoeñarije, mũ ca cati niirije, mũ ca tutuarije niipetiro mena cũre maiña.”*

³¹ Jiro macã wãme: “Mũ pũto macãrã cãare mũ upũre mũ ca mairore birora maiña,” ape wãme doti cũurique† ate ametũenero ca nii majuropeerije mani —cũre iŭupi.

³² To biro Jesús cũre cũ ca iŭ yũũuro:

—Aũũ majuropeecã Buegu. “Jĩcũra niimi Ɖmureco Pacu; apĩ manimi,” mũ ca iŭjata, díamacũra mũ iŭ. ³³ Ɖmureco Pacure mani yeri niipetiro, mani ca tũgoeñarije niipetiro, mani ca tutuarije niipetiro mena cũre mai, mani pũto macãrãre mani upũre mani ca mairore birora mairiquea, waibũcurã joe mũene, waibũcurã jĩari tiicojo nũcũ bũo, tiirique‡ niipetirije ametũenero ca nii majuropeerije nii —iŭupi Jesús're.

³⁴ Aũũ majurique mena cũ ca yũũuro tũogu, o biro cũre iŭupi Jesús: “Petoacã dũja, Ɖmureco Pacu cũ ca doti niiri tabe maquẽre mũ ca tũo majiro,”§ cũre iŭupi. To cõrora jĩcũ uno peera cũre jãĩna nemotiupa yua.

‡ 12:25 Ángeles. § 12:26 Ex 3.6. * 12:30 Dt 6.4-5. † 12:31 Lv 19.18. ‡ 12:33 Sacrificio. § 12:34 Mee Ɖmureco Pacu cũ ca doti niiri taberũre eagũru mũ tii.

¿Ñiru pãrami cã niiti Mesías?

(Mt 22.41-46; Lc 20.41-44)

³⁵ Jesús, Æmureco Pacu yaa wiipu bojocare bue niigu, o biro ïi jãinaupi:

—¿Ñee tiirã doti cãuriquere ca jao bueri maja pea, “Mesías,* David pãrami niimi,” cãja ïirucuti? ³⁶ David majuropeera Añuri Yeri cãre cã ca majiorije jãori o biro ïiquĩupi:

“Æpu o biro ïiwi yu Wiogure:

‘Yu díamacã nuña pee duwiya,

Mu waparãre cãja ca doca cãmuro yu ca tiiorpu,’ ”

ïiupi David.

³⁷ ¿To docare do biro pee biicãri Mesías, David majuropeera “Yu Wiogu,” cã ca ïiricu nii pacagu, David pãrami cã niibogajati? —cãjare ïiupi Jesús.

To biro cã ca ïirijere ca tuo niirã pea, añuro ñjea niirique mena tuoupa.

Doti cãuriquere ca jao buerã cãja ca biirijere Jesús cã ca wederique

(Mt 23.1-36; Lc 11.37-54; 20.45-47)

³⁸ Bue majio niigu, o biro ïiupi Jesús:

—Doti cãuriquere jao bueri maja cãja ca biirique cati niirijere ïa maji bojoca catiri niifã: Juti yoerije jãnacãri waa yuju, wiijeri watoa macã yeparipu cãja ca waa yujuro, nãcã buorique mena cãja ca jãiro boo, ³⁹ nea poo juu buerica wiijeripu cãare wiorã cãja ca duwiri taberipu wadore duwiruga, baarica taberi cãare añuri taberi wado baa duwiruga, biima. ⁴⁰ Ñucã ca manu jãmua bii yai weoricarã romiri yaa wiijeri cãare ãmarucuma. To biro tii pacarã, tii ditorã yoaro juu buema. Cãja, ametuenero ñañaro tii ecorucuma —ïi wedeupi Jesús.

Ca manu bii yai weorico ca boo pacago cõ ca tiicojorique

(Lc 21.1-4)

⁴¹ Jesús, Æmureco Pacu yaa wiipu, Æmureco Pacure tiicojo nãcã buorã cãja ca jãari cãmuari díamacã, bojoca wapa tiirica tiiri cãja ca jãaro ïa duwiupi. Pau ca apeye pairã, pairori wapa tiirica tiiri jãaupa. ⁴² To biro cãja ca tii niiro watoare, jãcõ ca manu bii yai weo ecorico ca boo pacogo eari, wapa tiirica tiiri puu tiicã ca wapa mani jañuri tiiriacã jãaupo. ⁴³ Cõre ïa, Jesús pea cã buerãre jao cojori, o biro cãjare ïiupi:

—Yee méé mujare yu ïi: Atio ca manu bii yai weorico ca boo pacago pea niipetirã ametuenero tiicojomo. ⁴⁴ Niipetirãpura ca ñujarije ca bii baterije ñopure tiicojoma. Cõ pea, ca boo pacago nii pacago, cõ ca wapa tii baa cati niiboriqueacãrena jãa peoticãmo —ïiupi.

13

Æmureco Pacu yaa wii ca cõa ecopere Jesús cã ca wederique

(Mt 24.1-2; Lc 21.5-6)

¹ Jesús, Æmureco Pacu yaa wiire cã ca witi waaro, jãcã cã buegu o biro cãre ïiupi:

—Buegu, ïañaaqué, ¿no cõro pairi wii, paca ãtã mena cãja weejapari? —ïiupi.

² To biro cã ca ïiro, Jesús pea:

—¿Ati wiijeri bucã niipetirijere mu ïati? Tii wiijeri maquẽ, ãtãga jãcãga ñno peera jotoa pejaricarõ maniro tii yaio ecorucu. Niipetirije tii bate ñoo yaio ecocoarucu —ïiupi.

Æmureco ca petiparo jãguero ca biipe

(Mt 24.3-28; Lc 21.7-24; 17.22-24)

³ Jiro Æmureco Pacu yaa wii ãpõtãñaro ca niiri buuro Olivos Buuropu waacoaupa. Toopu Jesús ea, cã ca ea nuu waaro, Pedro, Santiago, Juan, Andrés jãa wado bojoricarõ o biro cãre ïi jãinaupa: ⁴ “¿Jãare wedeya, ano mu ca ïirijea no cõropu to biiroti? ¿Do biro to biiroti, ano mu ca ïirije niipetiro ca biiparo jãguero?” ïiupa. ⁵ To biro cãja ca ïiro, Jesús pea o biro cãjare ïi yuupi:

* 12:35 Mesías: Æmureco Pacu cã ca tiicojo cojoricu.

—Bojoca catiya, jícũ ñno peerena mũa ca ñi dito ecotipere biro ñirã. ⁶ Paũ doorucuma, “Yũra yũ nii Æmũreco Pacũ cũ ca tiicojo cojogu,” ca ñi dito yujuparã. To biro ñicãri, paũ bojocare ñi ditorucuma.

⁷ Ñucã, cũa ca ameri jãrije queti, “Ameri jãrique waarucu,” cũa ca ñirije quetire tũorã, ñcũaticãña. To birora ca biipe niiro biirucu; biiorũa ati ñmũreco petiro méé biirucu ména. ⁸ Jícã puna macãrã, ape puna macãrã mena ameri jãrucuma. Jícã yepa macãrã, ape yepa macãrã mena ameri jãrucuma. Yepa ca jaberije cãa paũ taberipũre biirucu. Ñucã aua niirucu. Atea ñãñaro tamũorique bii jũo ñũũa waaro biirucu.

⁹ ”Mũa pea bojoca catiri ñiĩña. Mũjare ñeeri, jãĩña bejeri majapũre noni, nea poo juu buerica wiijeripũra mũjare bape, tiirucuma. Yũ yee jũori, wiorã pũtoripũ, ^{*} bojocare ca jũo niirã pũtoripũ, [†] mũjare jee waarucuma, cũa pũtoripũ yũ yee maquẽre mũa ca wedepere biro ñirã. ¹⁰ Ate añurije quetire, ati yepa ca petiparo jũguero, bojoca poogaari cõrorena wederique niirucu. ¹¹ Mũjare ñeeri, uparã pũtoripũ cũa ca jee waaro, cũjare mũa ca yũũpere, “¿Do biro mani ñirãti?” ñi tũgoeñarique paiticãña. To biro mũjare cũa ca tiiri tabere Æmũreco Pacũ mũjare cũ ca ñi dotirijere cũjare ñiĩña. Mũa majuropeera wederã méé mũa ñirucu. Añuri Yeri wedegu ñirucumi. ¹² Cũa yee wederãra, cũa yee wederãre cũa ca jãa cõaro tiirucuma. Cũa pacũara, cũa punarena cũa ca jãa cõaro tiirucuma. Cũa puna cãa, cũa pacũa menara ameri ña juna, cũjare jãrucuma. ¹³ Yũ yee jũori, niipetirã mũjare ña tutirucuma. To biro ca biirije watoara, to birora ca tũgoeña bayicõa niigua, ametũarucumi.

¹⁴ ”Ñucã Æmũreco Pacũ yaa wii ca ñãñarije maniri jawipũre ñaricarõ docuorije ca niipa tabe ñno méérena ca niiro ñarã, atere ca buegu tũo majiña, Judea yepa ca niirã ñtã yucũpũ cũa duticoajato. [‡] ¹⁵ Cũ wii jotoapũ ca niigu cãa, duwi doo, cũ yaa wii maquẽ areyere jeegu jãa waa, cũ tiiticãjato. ¹⁶ Wejepũ ca niigu cãa, cũ juti ñnõrena cũ jeegu tua waaticãjato. ¹⁷ Tii rãmũrire ñãñaro peti biirucuma nomia ca puna jãñarã, ca ñpũrãcã ca puna cutirã romiri. ¹⁸ To biri Æmũreco Pacũre jãĩña, mũa ca dutiri rãmũri pue bũcũ rãmũri ca niitipere biro ñirã. ¹⁹ Ñãñaro biirica rãmũri, jícãti ñno peera Æmũreco Pacũ ati yepare cũ ca tii jeeñoro jiro ca bii ñaatirique, ñucã jiro ca bii nemotipe, biiro biirucu. ²⁰ Æmũreco Pacũ to biro ca biiri rãmũrire cũ ca ñuotijata, jícũ ñno peera catitibocuma. Cũ yaarã cũ ca bejericarãre maima ñigu, ñuorucumi.

²¹ ”To biri jícũ ñno mũjare, “Ñãña. Ani niimi Mesías. Ñãña, ñi pee niimi,” cũ ca ñijata cãare díamacũ cũre tũoticãña. ²² “Yũa, Cristo yũ nii,” “Æmũreco Pacũ yee quetire wede jũgueri majũ yũ nii,” ca ñi ditorã doorucuma. Paũ tii bau nii ñño, ca ña ñãña manirije tii bau nii, tiirucuma ñi ditorũgarã. Ñucã Æmũreco Pacũ cũ ca bejericarã menapũrena ñi ditorucuma. ²³ Bojoca catiri ñiĩña. Mee, ate niipetiro mũjare yũ wede majio jũgucã.

Ca Nii Majuropeegu Macũ cũ ca tua doope

(Mt 24.29-35, 42, 44; Lc 21.25-26)

²⁴ ”Tii rãmũrire ñãñaro tamũorica cuu jiro,

“mũipũ ñmũreco macũ naitãacoa,

ñami macũ cãa boeti,

²⁵ ñocõa ñmũreco tutipũ ca niirã cãa ñaacoa,

ñmũreco tutipũre ca niirã ca tutuarã yuguicoa, biirucuma.”[§]

²⁶ ”To cõrora yũ, Ca Nii Majuropeegu Macũre, bueripũ, bũaro yũ ca tutuarije mena, yũ ca boe bate duwi dooro ñarucuma.* ²⁷ Yũ ca beje jeericarã ati ñmũreco niipetiorũ ca niirãre cũa jee neojato ñigu, yũre pade bojari majare yũ tiicojorucu.

²⁸ ”Ñigueragu ca biirijere ña majiña. Tiigu ñũpũri, abari ñũpũriacã bii, wãma pũu wajoa ca biiro ñarã, “Mee, cũma jũguero niicã doo,” mũa ñi ña maji. ²⁹ To biri wãmera, ate yũ ca ñirije ca biiro ñarã, “Mee, Ca Nii Majuropeegu Macũ ati yeparũre doogũpũ biimi,” mũa ñi majirucu. ³⁰ Yee méé mũjare yũ ñi: Ate niipetirije ati cuu macãrã cũa ca bii yaiparo

* 13:9 Reyes. † 13:9 Gobernadores. ‡ 13:14 Dn 9.27; 11.31; 12.11. § 13:25 Is 13.10; 34.4. * 13:26 Dn 7.13.

jũguero biirucu. ³¹ Ati umureco, ati yepa, peticoarucu. Yũ ca ñirije pea yũ ca ñirore birora bii nunua waarucu.

³² "Biropua, tii ruma ca niiro, too muipũ cũ ca niiro, "To biro biirucu," ñiriquerua, Umureco Pacure queti wede bojari maja cãa, ñucã yũ, cũ Macũ cãa, yũ majiti. Umureco Pacũ wado majimi.

³³ "To biri tugoeña bojoca catiri, ca cãnirãre biro niitirãra, to birora juu buecõa niña. Mũja, to biirije ca biipa rumare mũja majiti. ³⁴ Atea, jĩcũ ape yeparũ waarũgu jũguero cũ paderi majare cũ yaa wiire cote doti, ñucã cũja ca niiro cõrorena paderique cũu, jope pãa coteri majũ peera ña cote doti, cũ ca tiiricarore biro nii. ³⁵ To biri bojoca catiri niña, "Naiori tabe ca niiro, ñami decomacã ca niiro, ãbocũ cũ ca wãcãri tabe ca niiro, boeri tabe ca niiro, earucumi wii upũ," mũja ñi majiti, ³⁶ "Doocumi," mũja ca ñitiri tabera doori, ca cãnirãrena mũjare cũ ca bũa eatipere biro ñirã. ³⁷ Mũjare yũ ca ñirijere, niipetirãpũre ñĩgu yũ tii: Añuro tugoeña bojoca catiri niña —cũjare ñi wedeupi Jesús.

14

Jesús're ñeerugarã cũja ca wede penirique

(Mt 26.1-5; Lc 22.1-2; Jn 11.45-53)

¹ Mee, pua ruma dũjacã dooupe Pascua boje ruma, ñucã baariquere ca wauarije ca ayiaya manirijere baarica boje ruma. Tii rumurire paia uparã, doti cũuriquere ca jũo buerã, jĩcã wãme ñi ditorique mena Jesús're ñeeri, cũja ca jĩa cõacãpere ama niupa. ² To biri o biro ñi niupa:

—Boje ruma petira mani tiiticãjaco, bojoca ajama ñirã uwiorije cũja ca tiitipere biro ñirã —ñiupa.

Nomio ca jũti añurije Jesús're cõ ca pio peorique

(Mt 26.6-13; Jn 12.1-8)

³ Jesús, Betaniapũ, Simón ca cami boagu ca wãme cutigu yaa wiipũ baarique peorica pñi pũto* cũ ca duwiro, jĩcõ nomio alabastroga dadaro, ca jũti añurije nardogu† maquẽ ca dia peti ca niirije, ca wapa pacarijere cuocãrico ea, tiiga ñacõre tuu peeri, Jesús dũpũgare pio peoupo. ⁴ Jĩcãrã too ca niirã, to biro cõ ca tii batero ña ajari, o biro ameri ñiupa:

—¿Ñee tiigo ca wapa pacarijere to birora cõ pio batecãti? ⁵ To biro tiitigora, jĩcã cãma pade wapa taaricarõ cõro noni wapa jeeri, ca boo pacarãre ca tii nemo poo niimijapo —cõre ñi wede paiupa.

⁶ Jesús pea o biro ñiupi:

—To birora ñacãña. ¿Ñee tiirã to biro cõre mũja ñi pato wãcõti? Yũ menare añuro tiigo tiimo. ⁷ Ca boo pacarãra to cãnacã rumura mũja mena cũja ca niiro, mũja ñarucu.‡ No mũja ca boori ruma cũjare mũja tii nemo maji. Yũ peera to cãnacã rumura yũre mũja cuotirucu. ⁸ Atioa cõ ca tii bayiro cõro tiimo. Yũre cũja ca yaa cõaperepũre ñigo, ca jũti añurije mena yũ upũre pio peo jũguemo. ⁹ Yee méé mũjare yũ ñi, ati yepare añurije quetire cũja ca wederi taberipũ, atio o biro yũre cõ ca tiirijere wederucuma. To biro cũja ca ñiro, cõ cãa majirico niirucumo —cũjare ñiupi Jesús.

Judas, Jesús're cũ ca wedejãarique

(Mt 26.14-16; Lc 22.3-6)

¹⁰ Judas Iscariote, Jesús buerã pua amo peti, dũpore pũaga penituario ca niirã mena macũra, paia uparã pũtopũ wede penigu waaupi, Jesús're ñee dotirũgu. ¹¹ Cũja pea teere tuorã, buaro ujea nii, "Tee wapa wapa tiirica tiiri mũre jãa tiicojorucu," cũre ñiupa. To biri cũ pea cũre cũ ca ñee dotipa tabe unore ama jũo waaupi.

Jesús cũ ca baa tũjarique

(Mt 26.17-29; Lc 22.7-23; Jn 13.21-30; 1Co 11.23-26)

* 14:3 Mesa. † 14:3 Nardo. Upũ wadarique ca wapa pacarije, India maquẽ cũja ca jee doorique, nardogu maquẽra cũja ca tiirique. ‡ 14:7 Dt 15.11.

¹² Pan're ca wauaro ca tiirije ca ayiaya manirije baarica boje rumu ca nii juori rumu, Pascua macu oveja macure jiarica rumure, Jesús buera pea o biro cure i jaiñaua:

—¿Nooru Pascua boje rumure mu ca baapere ja ca quenora waaro mu booti? —iupa.

¹³ To biro cuja ca iiro, cu buera puarare tiicojori, o biro cujare i cojupi Jesús:

—Macaru[§] waaraja. Tooru eara, jicu umu ooru ca ami waagure mja buarucu. Cure mja nnu waawa. ¹⁴ Cure nnu waa, cu ca ja waari wii ure, “¿Nooru to niiti y buera mena Pascua boje rumure y ca baara jawi?” i jaiña doti cojojawi Buegu,” mja iwa.

¹⁵ To biro mja ca iiro, jotoa maca jawi, pairi jawi, mee, auro queno yuerica jawipure mujare iñorucumi. Tooru mani ca baapere mja quenowa —cujare i cojupi.

¹⁶ To biro cu ca iiro, cu buera pea waua macaru. Tooru eara, niipetiro Jesús cu ca iiricare birora buaupa. Tooru Pascua boje rumu cuja ca baapere quenoupa.

¹⁷ Naiori tabe ca niiro, cu buera pu amo peti, dure puaga penituario ca niira mena eupi Jesús. ¹⁸ Baarique peorica pii puo baa duwigura, o biro cujare iupi:

—Yee mee mujare y i: Jicu mja mena macu y mena ca baa duwigura yure wedeja cōarucumi —iupi.

¹⁹ To biro cu ca iiro, cuja pea buaro tugoeña pairique mena, cuja ca niiro cōro:

—¿Yura y niica tiimiti? —cure i jaiña juo wauaupa.

²⁰ To biro cuja ca iiro, Jesús pea o biro cujare i yuupi:

—Jicu mja mena macu, pan'gare y ca weyori bararena ca weyogu niimi. ²¹ Biigupua y, Ca Nii Majuropeegu Macu, Umureco Pacu wederique y ca biipere “To biro biirucumi,” ca irore biro biigu doogu y tii, yure ca wedejaagu pea ñaño peti biigu doogu tiimi. Cura cu ca baaticajata, añucãbojapa —iupi.

²² Baa niigura pan're ami, teere juu bue peo yapano, pee bato, o biro iigura cu buera tiicojupi:

—Ûju, ate y upuri nii —iupi.

²³ Jiro jinirica barare ami, Umureco Pacu, “Año majuropecã,” i yapano, cujare tiicojupi, niipetirãpu teere jiniupa. ²⁴ O biro iupi:

—Ate y dñi nii. “Umureco Pacu, bojocare wama wame y tii bojarucu,” cu ca iiricare biro to bijato iigu, pu cuja ca ñañarije wapare y ca bii yai bojarije. ²⁵ Yee mee mujare y i, puati mja mena uje ocore y jini nemotirucu, niipetira mena uje oco wamare Umureco Pacu cu ca doti niiri taberu y ca jinipa rumu ca eaparo juguero —cujare iupi Jesús.

Pedro cu ca i ditopere cu ca wederique

(Mt 26.30-35; Lc 22.31-34; Jn 13.36-38)

²⁶ Salmos baja yapano, Olivos macanuc buuropu waacoupa. ²⁷ O biro iupi Jesús cu buera:

—Ati ñamire mja niipetirãpu yure mja waa weocoarucu. O biro i owarique nii: “Ovejas're ca coteure y ja cōacãru.

Ovejas pea ũmaa batecoarucuma,” i.*

²⁸ Biigupua, cati tuari jiro, Galileapu mujare y juo neorucu ñucã —iupi.

²⁹ Teere tuogu, Pedro pea o biro iupi Jesús're:

—Niipetira mure cuja ca weocoamijata cãare, yua mure y waa weotirucu —iupi.

³⁰ To biro cu ca iiro:

—Yee mee mure y i: Ati ñamira puati abocu cu ca wedeparo juguero, itiati peti “Cure y majiti,” mu i ditorucu —iupi Jesús.

³¹ To biro Jesús cure cu ca imijata cãare:

—Mu menara y ca bii yaipe to ca nijata cãare, “Cure y majiti,” y i ditoti majuropecãru —iupi Pedro.

To biro cu ca iiro, niipetirãpu cure biro wado icãupa.

§ 14:13 Jerusalén'pu. * 14:27 Zac 13.7.

*Getsemaní*pu Jesús cū ca juu buerique
(Mt 26.36-46; Lc 22.39-46)

³² Jiro Getsemaní ca wāme cūtiro pee waacoaupā. Jesús pea cū buerāre o biro ĩiupi:
—Yū ca juu buegū waa ditoye anora duwi yueya —ĩiupi. ³³ To biro ĩi, Pedro, Santiago,
Juan jāa wadore jūo waa, buaro uwi, tūgoeñarique pai, bii jūo waaupi. ³⁴ O biro ĩiupi:
—Yū yeri, bii yaicoarica wāmerū buaropūra tūgoeñarique paicā. Mūja anora tuari, to
birora ĩacā niiña —ĩiupi.

³⁵ To biro cūjare ĩi, cūja jūguero jañuro pee waa, yeparū muu bia ea cūmu waari, “Ape
tabera ñañaro yū ca biipe ‘ametūacābocu,’ ĩima ĩigu,” Ūmureco Pacūre jāiupi. ³⁶ O biro ĩi
juu bueupi: “Abbá† Cáacu, mūra niipetirije mū ca tii majirije wado nii. Ano ñañaro yū ca
biipere yūre ametūeneña. Biigūra, yū ca boori wāme tiiticāña. Mū ca boori wāme pee
tiiya,” ĩiupi.

³⁷ To biro ĩi juu bue yapano, cū buerā pūto pee tua waagu, ca cānirāpūre bua eaupi.
Cūjare ĩa, “¿Simón, cānigu mū tiiti? ¿Yoa jañuroacā cānitigūra mū ĩa cote bayiti
majuropecājāri? ³⁸ Cānitirāra juu bueya, ñañarije ca bii buiyeerijere mūja ca tiitipere
biro ĩirā. Añurije mūja tiiruga tūgoeña biirāpūra; mūja tūgoeña bayiti majuropecā tee
peere,” cūjare ĩiupi.

³⁹ To biro ĩi yapano waa, cū ca ĩiricarore birora juu bueupi ñucā. ⁴⁰ Juu bue yapano, tua
doogu, ca cānirāpūrena bua eaupi ñucā. Buaro peti cūjare wūgoa eyocāupe. To biri do
biro cūre ĩi yūmajiticāupa. ⁴¹ Ñucā itiati waa, tua eagu, o biro cūjare ĩiupi:

—¿Ména, toora cāni, yerijāa mūja tiicōa niiti? To cōrora cāniña. Mee, yū, Ca Nii
Majuropeegu Macū ñañarije ca tiirāpūre yū ca noni cōa ecori tabe eacoa. ⁴² Wāmū
nūcāña. Jamū. Yūre ca wedejāa buiyee cōagu, mee ĩirā tūja doomi —ĩiupi.

Jesús're cūja ca ñeerique
(Mt 26.47-56; Lc 22.47-53; Jn 18.2-11)

⁴³ Ména, Jesús to biro cū ca ĩi niirora, Judas Iscariote, Jesús buerā pūa amo peti, dūpore
pūaga penituario ca niirā mena macūra, paū bojoca, paia ūparā, doti cūuriquere ca jūo
buerā, to biri judíos're ca jūo niirā, cūja ca doti cojoricarā mena, yucu dūcari, niipīiri,
beju cūticāri eaupi. ⁴⁴ Wedejāari majū Judas pea o biro cūjare ĩi wede majio yerijāaupi:
“Cū wajopuare yū ca ūpūgu niirucumi. Cūre ñee, añuro jiacāri mūja ami waawa,” ĩiupi.

⁴⁵ To biri Jesús pūto waa, o biro cūre ĩiupi:

—Buegu —ĩigūra, cū wajopuare ūpūupi. ⁴⁶ To cōrora Jesús're cūre ñeecāupa. ⁴⁷ To biro
cūja ca tiiro, jīcū too ca niigu, cū niipīire yoo wee amiri, paia wioḡare pade bojari majū
amoperore paa taa ñoocā cojoui.

⁴⁸ Jesús pea o biro cūjare ĩi jāiñaupi:

—¿Ñee tiirā jee dutiri majure ca tiirāre biro, yucu dūcari, niipīiri, beju cūticāri yūre
mūja ñeerā doojāri? ⁴⁹ To cānacā rāmūra Ūmureco Pacū yaa wiipū añurije quetire yū bue
niirucujāwū. Jīcāti ūno peera yūre mūja ñeetiwū. Biirōpūra, Ūmureco Pacū wederique ca
ĩirote birora ca biipe niiro bii —ĩiupi.

⁵⁰ To cōrora cū buerā niipetirāpūra duti peticoaupā. ⁵¹ To ca bii pacaro, jīcū wāmū,
ūmaarica quejero mena ūmaacāri, cūjare nūnū waaupi. To biro cū ca biiro, cūre
ñeecāupa. ⁵² Cū pea tii quejerore piti cōa cūu, juti manigūra duticoaupi.

Ūparā pūtopū Jesús're cūja ca ami waarique
(Mt 26.57-68; Lc 22.54-55, 63-71; Jn 18.12-14, 19-24)

⁵³ Jesús're paia wioḡū pūtopū ami waaupa. Toopūre paia ūparā, judíos're ca jūo
niirā niipetirā, doti cūuriquere ca jūo buerā, nea pooupa. ⁵⁴ Ména, Pedro pea cūja jiro
yoarōpūra nūnū waa, paia wioḡū yaa wii jupea macā yeparū eacoaupi. Toopū uwamarā,
Ūmureco Pacū yaa wiire ca coterā mena peca jumacā duwiupi.

⁵⁵ Paia ūparā, to biri niipetirā ūparā ca nii majuropeerā pea, Jesús're jīa cōarūgarā
jīcā wāme cū ca tii bui cūtirique ūnore amamiupa. Bii pacarā buatiupa. ⁵⁶ Paū, ca

† 14:36 “¿Abbá!” Arameos, cūja pacūre “Cáacu” ĩirā cūja ca ĩirije.

manirijerena cūre wedejāa niimiupa. To biro īi pacarā, cūja majuropeera ameri īi maa wijiicā niupa. ⁵⁷ To biro īi űami waarā, jīcārā, watoara o biro cūre īi wedejāupa:

⁵⁸ —Jāa o biro cū ca īirijere jāa tuowu: “Ati wii űmureco Pacu yaa wii, bojoca cūja ca tiirica wiire cōacā, űucā itia rumu jirora ape wii bojoca méé cūja ca tiirica wii yu tiirucu,” īiwi —īiupa.

⁵⁹ To biro īicā pacarā, űucā to biro cūja ca īirijerena maa wijiicāupa.

⁶⁰ To cōrora paia wiogu[‡] pea niipetirā watoa wāmū nūcāri, Jesús're jāiűaupi:

—Ķűee tiigu mū yuutiti? Ķűeere īirugaro to īiti, o biro mure cūja ca īi wedejāarije? —īiupi.

⁶¹ To biro cū ca īi pacaro, Jesús pea wedeti, cūre yuuti, biicāupi. To biro cū ca biiro, paia wiogu pea o biro cūre īi jāiűa nemoupi űucā:

—ĶMua Mesías, űmureco Pacu ca añu majuropeegu Macū mū niiti? —īiupi.

⁶² To biro cū ca īiro, Jesús pea:

—űju, cūra yu nii. Mūja, yu, Ca Nii Majuropeegu Macūre űmureco Pacu niipetirijepure ca doti tutuagu dīamacū nūűa pee duwi, űucā űmureco tuti maquē bueri bűuripū doo, yu ca biiro mūja īarucu —īiupi.

⁶³ Jesús to biro cū ca īiro tuogu, paia wiogu pea cū jutirore yegari, o biro īiupi:

—Ķűee tiirugarā cōro ca wede nemoparāre paū mani boo nemobogajati? ⁶⁴ Mee, mūjara űmureco Pacure űaűarije cū ca īi tutirijere mūja tuo. ĶMūja do biro mūja īiti? —īiupi.

To biro cū ca īiro niipetirāpura:

—Mee, ca jīa ecopura niigu tiimi —īiupa.

⁶⁵ Jīcārā cūre űjeco eo bate tuu, cū capere juti quejero mena jia biatori cūre paa, tiicāri:

—Ķīi buaya! Ķűiru mure cū paati? —cūre īi epeupa.

űucā űmureco Pacu yaa wiire ca coterā cāa cūre paaupa.

—Jesús're yu majiti —Pedro cū ca īi ditorique

(Mt 26.69-75; Lc 22.56-62; Jn 18.15-18, 25-29)

⁶⁶ Ména, Pedro pea macā yepapura cū ca niiro, jīcō, paia wiogure pade coteri majo ametua waaupo. ⁶⁷ Too ametua waago, Pedro cū ca peca juma duwiro īa, o biro cūre īiupo:

—Mū cāa, Jesús, Nazaret macū mena ca waa yujurucujāgura mū nii —cūre īiupo.

⁶⁸ To biro cō ca īiro, Pedro pea:

—űee űnore yure mū īiti. ĶCūre yu majiti! —cōre īi ditoupi.

To biro īi, tii wii jāa dooricaro pee witicoupi. ⁶⁹ Cōra tooru cū ca niiro cūre īari, o biro īicāupo űucā, too ca niirāre:

—Ani cāa cūja mena macūra niimi —īiupo.

⁷⁰ Pedro pea īi ditocāupi űucā.

űucā jiroacāra too ca niirā o biro cūre īicāupa űucā:

—Mū cāa, cūja mena macūra mū nii. Galilea yepa macū mū nii cājí, mū wederiquepu cāa tuo majiriquera niicā —īiupa.

⁷¹ To biro cūja ca īiro, Pedro pea cūjare īi tuti jaűuri, o biro cūjare īiupi:

—Yee méé yu īi nija. Yu majiti majuropeecā to biro yure mūja ca īigura —īiupi.

⁷² Pedro to biro cū ca īi niiri tabera ābocu puati wedecoaupi. To cōrora, “Puati ābocu cū ca wedeparo jaguero itiati peti, ‘Cūre yu majiti,’ mū īi ditorucu,” Jesús cū ca īiriquere tugoēna buari, buaro otiupi.

15

Pilato puato Jesús're cūja ca ami waarique

(Mt 27.1-2, 11-14; Lc 23.1-5; Jn 18.28-38)

[‡] 14:60 Sumo sacerdote.

¹ Ca boerije mena, paia ɸparā, judíos're ca jɸo niirā, to biri doti cūuriquere ca jɸo buerā mena neari, cūja ɸparā niipetirāpura “To birora ca tiipe niicu,” ïi ameri wede peniupa. To biri Jesús're jiacāri ami waa, Pilatopure noniupa. ² Pilato pea:

—¿Mna, judíos Wiogura mɸ niiti? —cūre ïi jāiñaupi. To biro cū ca ïi jāiñaro, Jesús pea: —Mee, mura mɸ ïi —cūre ïi yɸɸupi.

³ Paia ɸparā paa wāmeri cūre cūja ca wedejāa niiro macā, ⁴ Pilato pea o biro cūre ïi jāiñaupi ñucā:

—Paa wāmeri peti ñañarije mure ïi wedejāama. ¿Ñee tiigu mɸ yɸɸtiti? —ïiupi.

⁵ To biro cū ca ïimijata cāare, Jesús pea jīcā wāme ɸnoacāra yɸɸrucu tiitiupi. To biro cū ca biiro, Pilato pea: “Uwiorije ca biigu cū niiti ania,” cūre ïi ïaupi.

Jesús're cūja ca jīa dotirique

(Mt 27.15-31; Lc 23.13-25; Jn 18.38—19.16)

⁶ Ména Pilato pea Pascua boje rumurire jīcū tia cūurica wiipɸ ca niigure bojoca cūja ca boogure wienerucuupi. ⁷ Tii tabere niupi jīcū Barrabás ca wāme cutigu, ɸparāre ametuene nucā, jīacā, cū ca tiirique juri, tia cūurica wiipɸ cū mena macārā mena ca niigu. ⁸ Bojoca pea Pilato puto eari, cū ca tiirucuricare biro cū tiijato ïirā, cūre jāiupa.

⁹ To biro cūja ca ïiro, Pilato pea:

—¿Judíos wiogure yɸ ca wienero mɸja booti? —cūjare ïi jāiñaupi, ¹⁰ paia ɸparā Jesús're ïa tutima ïirā cūja ca wedejāa cōariquere majiri. ¹¹ Paia ɸparā pea bojocare wedejāa mecōupa, Pilatore “Barrabás peere wieneña,” cūre cūja ïi jāijato ïirā.

¹² Ñucā Pilato pea o biro cūjare ïi jāiñaupi:

—¿Judíos wiogu mɸja ca ïigu mena peera do biro yɸ ca tiiro mɸja booti? —ïiupi.

¹³ To biro cū ca ïiro, cūja pea:

—Yucu tenipɸ cūre paa pua tuu cōacāña —ïi acaro buiupa.

¹⁴ To biro cūja ca ïiro, Pilato pea:

—¿Ñee ɸno ñañarije cū tiijapari? —cūjare ïiupi.

To biro cū ca ïiro, cūja pea buaro jañuro, “¿Yucugu tenipɸ cūre paa pua tuu cōacāña!” ïi acaro buiupa.

¹⁵ To cōrora Pilato pea bojoca mena añuro tuarugama ïigu, Barrabás're wiene, Jesús peera cūre bape doti yapano,* yucu tenipɸ cūre cūja paa pua tuu cōajato ïigu, cūjare tiicojocāupi.

¹⁶ Uwamarā pea wiogu cū ca niiri tabe pretorio† ca wāme cutiri wii macā yepapɸ Jesús're ami eari, cūja mena macārā uwamarā niipetirāre jɸo neoupa. ¹⁷ To biro tii, jutiro, wiorā cūja ca jāñarito ɸno, buaro ca jūaritore cūre jāa, pota daa mena upa beto queno, cū dɸpugare peoupa. ¹⁸ To biro tiicāri:

—Judíos wiogu to birora cū caticōa niijato —ïi acaro buiupa.

¹⁹ To biro ïirāra, cū dɸpugare yucugu mena paa, cūre ɸjeco eo tuu, cūja ājuro jupeari mena ea nuuri, wiogure tii nucū buorā cūja ca tiirore biro cūre tii epeupa. ²⁰ To biro cūre tii epe yapano, ca jūari quejero cūre cūja ca jāaricare tuu wee, cū juti majurope cūre jāa, cūre amicoupa, cūre paa pua tuu cōarā waarā.

Jesús're cūja ca paa pua tuurique

(Mt 27.32-44; Lc 23.26-43; Jn 19.17-27)

²¹ Jīcū ɸmɸ Cirene macū, Simón ca wāme cutigu, Alejandro, Rufo jāari pacɸ, macā tɸjaropɸ ca niiricu tua doogu, too ca ametua waagure bua eari, Jesús're cūja ca paa pua tuu paa tenire cūre pɸja dotiupa. ²² Jesús're, Gólgota ca wāme cutiri buuropɸ ami waaupa, (“Dɸpuga Ōaro” ïirugaro ïi). ²³ Toopɸ ɸje ocore, mirra cūja ca ïirije mena ayiari, Jesús're tīamiupa. Cū pea jinitiupi. ²⁴ To biro tii, yucu tenipɸ cūre paa pua tuu nucō

* 15:15 Is 52.14. Waibucurā ða joyorica wacari cūja ca jia yoorica daari, bapericaro paca camirori ca tiirije niuupa. † 15:16 Pretorio: Gobernador cū ca niiri wii. Mt 27.27.

yapano, uwamarã pea, cãja majurope cã jutirore ameri dica woo, ¿dii taberi ñno peti mani buarãti? ñirã, ñi buarique mena tii niupa.

²⁵ Muipũ cã ca aji mña tua petiri tabe[‡] ca niiro, cãre paa pua tuuupa. ²⁶ Ate juori jã ecomi, cãja ca ñi owa tuurica pïi: JUDÍOS WIOGË NIIMI, ca ñiri pïire paa pua tuuupa. ²⁷ Ñucã cã mena puarã jee dutiri majare, jïcãre cã díamacũ nña, apïra cã ãcõ nña pee cãjare paa pua tuu ñucõupa. ²⁸ O biro bii eaupa, o biro cãja ca ñi owarique: “Ñañarã watoarũ biicã yai waawi,”[§] cãja ca ñirique.

²⁹ To ca ametua waarucurã cãja dupugare yureri, o biro cãre ñi tutiupa:

—¡Níjã! Mñ, Æmureco Pacu yaa wiire wee bateri, itia ramũ jirora wãma wii ca quenocãgña, ³⁰ mñ majuropeera ametuari, mñre cãja ca paa pua tuuricaropñre duwicã dooya —ñiupa.

³¹ Paia uparã, doti cãuriquere ca juo buerã cãa, to birora cãre ñi buiupa. O biro ñiupa:

—Aperãpura ametuenecãwi. Cã majurope pea ametua majitimi. ³² Yucu tenipũ niigũra cã duwicã doojato, cã, Mesías, “Israel wiogu yu nii,” ca ñigña, teere ñari díamacũ cãre mani ca tuo nññjeepere biro ñigũ —ñiupa.

Ñucã cã mena cãja ca paa pua tuuricarã menapura ñañarije cãre ñi tutiupa.

Jesús cã ca bii yairique

(Mt 27.45-56; Lc 23.44-49; Jn 19.28-30)

³³ Jotoa decomacã ca niirora ati yepa niipetiropũ ca naitãa peticoarique, muipũ yucu jotoa cã ca niirorpũ* boeupa ñucã. ³⁴ To biro ca biiri tabera, tutuaro mena o biro ñi acaro buiupi Jesús:

—“Eloí, Eloí, ¿Lama sabactani?” —ñiupi. “Yu Æmureco Pacu, yu Æmureco Pacu, ¿ñee tiigu yure mñ waa weocoati?” ñirugaro ñi.

³⁵ Jïcãrã to ca niirã Jesús to biro cã ca ñirijere tuorã, o biro ñiupa:

—¡Jãa, tuoya! Elías're[†] juogu ñimi —ñiupa.

³⁶ To cõrora jïcũ cãja mena macũ, ñmaa waa, buja burua mena ñje oco ca piyarije weyo, yucũgn yapa jia tuuri, cã jinijato ñign, o biro ñigũra juu mñene cojouri:

—¡Mani ña ñaacoqué ména! No cõro Elías cãre cã ca ami duwiogu dooro —ñiupi.

³⁷ To cõrora Jesús pea tutuaro acaro bui tũja, bii yaicoaupi. ³⁸ Æmureco Pacu yaa wiire cãja ca yoo camotaarica quejero pea decomacã yega taticã duwi waupa. ³⁹ To biro cã ca bii yai waaro ñagũ, uwamarã upũ romano pea:

—¡Yee méera ania, Æmureco Pacu Macũ peti niimijapi! —ñiupi.

⁴⁰ Ñucã jïcãrã nomia yoaropñra ña cojocã niupa. Cãja menare María Magdalena, Santiago ca tũjagu cãja ca ñign, to biri José jãa paco María, Salomé, niupa, ⁴¹ Jesús're Galileapura cãre nññ doo, cãre tii nemo, ca tiiricarã romiri. Ñucã toore, pau cã mena Jerusalén'pũ ca dooricarã romiri cãa niupa.

Jesús're cãja ca yaarique

(Mt 27.57-61; Lc 23.50-56; Jn 19.38-42)

⁴² Ti ramũ pea yerijãarica ramũ maquẽre cãja ca queno yueri ramũ yerijãarica ramũ ca nii juo waari tabe niupa. ⁴³ To biri naiori tabe ca niiro, José, Arimatea macũ, uparã ca nii majuropeerã mena macũ, ñucã Æmureco Pacu cã ca dotiri cuu ca eapere ca yue niirucuricũ, “To biro biibocu” ñi uwiricaro maniro Pilato putopũ waaupi, Jesús upñri niiquĩriquere jãirũgn. ⁴⁴ Pilato pea, “¿Mee, cã bii yaicoajapari?” ñi ñcũama ñign, uwamarã upñre juo cojori, “¿No cõropũ cã bii yaicã yerijãa waajãri?” cãre ñi jãñãaupi. ⁴⁵ Uwamarã upñ, “Mee bii yaicoajãwi” cã ca ñiro tuo, Jesús upñri niiquĩriquere Josére tiicojouri. ⁴⁶ To biro cã ca ñiro, José pea Jesús upñri niiquĩriquere ami duwio, juti ca botiri quejeri[‡] cã ca wapa tiirique mena cãre ñmaa, ñtãgapũ maja ope cã ca coarica operũ cãre cãuupi. Jiro

[‡] 15:25 Nueve de la mañana. [§] 15:28 Is 53.12. * 15:33 Tres de la tarde. [†] 15:35 Elías, Æmureco Pacu yee quetire wede juqueri majũ ca niiquĩricũ. [‡] 15:46 Lino mena tiirique.

maja ope jāa waaricarore ūtāga mena tunuo biatocāupi. ⁴⁷ María Magdalena, María, José paco jāari pea, Jesús upəri niiquiriquere cūja ca cūuri tabere añuro ĩaupā.

16

Jesús cū ca cati tuarique

(Mt 28.1-10; Lc 24.1-12; Jn 20.1-10)

¹ Yerijāarica r̄m̄m̄ ca ametuaro,* María Magdalena, Santiago paco María, apeo Salomé, ca juti añurije wapa tiupa, Jesús upəri niiquiriquere wadarugarā. ² To biri ape semana ca nii j̄uori r̄m̄m̄re, meer̄nacā, muipū cū ca m̄na doorije mena maja oper̄m̄ waacoaura. ³ Toor̄m̄ waarā, o biro ameri ĩi n̄n̄na waaupa:

—¿Ñiru maja ope biaricaga ūtāgare manire cū ami woo bojaguti? —ĩiupa.

⁴ To biro ĩi n̄n̄na waa, tii oper̄m̄re ĩa cojorā, ūtāga pairica cūja ca tiaricagara aperop̄m̄ ca niuro ĩaupā. ⁵ Maja oper̄m̄ jāa waarā, díamacū n̄ña peere j̄icū w̄m̄m̄, juti botirije jāñacāric̄m̄ ca duwiḡare ĩauparā. Cūre ĩarāra, ūc̄na yaicoaura. ⁶ To biro cūja ca biuro:

—Ūc̄uaticāña. M̄ja, Jesús, Nazaret macū, yuc̄u tenip̄m̄ cūja ca paa pua tuu cōajāḡure m̄ja ama. Manimi anora. Mee, cati tuacoajāwi. Cūre cūja ca cūujāri tabere ĩañaaquē. ⁷ Tua waari, cū buerāre, Pedrore, o biro ĩi wede dooya: M̄ja j̄uḡuero Galileap̄m̄ waami. Toor̄m̄ cūre m̄ja ĩarucu, m̄jare cū ca ĩiricarore birora —ĩiupi.

⁸ To cōrora cūja romiri pea maja oper̄m̄ ca niiricārā, do biro ĩi majiti, nanarāra duticā tua waaupa. To biri b̄uaro uwima ĩirā, j̄icū ūno peerena j̄icā wāme ūno peera wederucu, tiitiupa.

María Magdalenare Jesús cū ca baua earique

(Jn 20.11-18)

⁹ Tii semana ca nii j̄uori r̄m̄m̄ boeri tabe, Jesús cati tuari jiro María Magdalena, j̄icā amo peti, ape amore p̄aga penituario ca niirā wātīa cū ca cōa wiene catioricore baua ea j̄uopi.† ¹⁰ Cō pea waa, Jesús mena ca waa yujurucuricarā b̄uaro t̄goeñarique pai, oti, ca tii niirāre wedeupo. ¹¹ Cūja pea, “Jesús caticājāwi. Cūre yu ĩajāw̄m̄,” cō ca ĩirijere díamacū t̄otiupa.

Cū buerā p̄arāre Jesús cū ca baua earique

(Lc 24.13-35)

¹² Ñucā ate jiro, cū buerā p̄arā macā t̄jarop̄m̄ waarā, maap̄m̄ ca waa n̄n̄na waarāre bojoricaro bauḡm̄, cūjare bii baua eupi Jesús. ¹³ Cūja cāa tua waa, cūja mena macārāre wedemiupa. Cūja cāare, “To biro ĩicārā ĩicuma” cūjare ĩicāupa.

Jesús cū buerāre cū ca doti cojorique

(Mt 28.16-20; Lc 24.36-49; Jn 20.19-23)

¹⁴ Jiro Jesús, cū buerā p̄a amo peti, d̄upore j̄icāga penituario ca niirāre, cūja ca baa niuro cūjare baua eari, díamacū t̄uo n̄cū b̄uoti, ca cati tuaric̄up̄m̄re ca ĩaricarā cūja ca wederijere díamacū t̄uorugati, cūja ca biirique j̄uori cūjare tuti, ¹⁵ o biro cūjare ĩiupi: “Ati yepa niipetir̄op̄m̄ waari, niipetir̄āp̄m̄re añurije quetire wedeya. ¹⁶ Teere t̄uo n̄n̄j̄ee, uwo coe eco, ca tiiḡm̄ amet̄arucumi. Ca t̄uo n̄n̄j̄eetiḡm̄, ñañaro tii yaio ecorucumi. ¹⁷ Díamacū ca t̄uo n̄n̄j̄eerāre, o biri wāmeri tii majirique bapa c̄tirucu, ‘Jesús cū ca dotiro mena atere yu ĩi,’ ĩiri wātīare cōa wiene, wāma wederique wede, ¹⁸ cūja amori menara añaaare ñee, punirije cūja ca jinijata cāare cūjare ñañoti, ñucā ca diarique c̄tirāre cūja amori mena cūjare cūja ca ñia peorora caticoā, biirucuma,” ĩiupi.

Ūm̄ureco tutip̄m̄ Jesús cū ca tua m̄na waarique

(Lc 24.50-53)

* 16:1 Seis de la tarde, muipū cū ca ñaajāa waaro jiro. † 16:9 cūja ca owa j̄uoc̄uira p̄urori griego mena cūja ca owariquep̄ra versículo 8 nii yapanocā, ati p̄urore ca owaric̄m̄a to cōrora owa yapanocājacupi. To ca biitijata cū ca owa yapanomirique yaicoajacupa. Too ca bii pacaro mee t̄im̄p̄ra owa tuu nemoupa atera.

¹⁹ To biro cūjare ñi wede yapano, Wiogu Jesús umureco tutipū ami mua waa eco, Umureco Pacu díamacū nuña pee duwi eaupi. ²⁰ Cū buerã pea niipetiri taberipū añurije quetire wede yujuupa. To biro cūja ca tii yujuro, Wiogu pea cūja paderiquere tii nemo, añurije queti cūja ca wederijere, ca ña ñaaña manirije tii bau niirique mena, “Díamacūra nii,” cūja ca ñi majiro tii niupi.

To biro to bijjato.

Marcos

SAN LUCAS

Lucas Añuriye Queti cū ca owarique, Jesús're, “Israel yaa pooga macārã wadore ca ametueneru niirucumi; tĩrumaru cūja ca ñi yue juo dooricu niimi,” ñi wedeti. “Niipetirã bojocare ca ametueneru niimi,” ñi wede. Ate Añuriye Queti, Jesús ati yeparu niigu cū ca tiiriquere, aperã cūja ca owarique ametuenero wede.

Ati pũurore ca owaricu, “Jesús cū ca biipere cūja ca owaquĩriquepũre ña cõña peticã, ñucã cū ca tii niirique cãare añuropũ jãĩña tuo peticãri jiropũ cū ca bii juo dooricarore bii jañuro yũ owawũ,” ñi wedemi (1.1-4).

To biri cū ca bauariquere, daquegu niigu cū ca biiriquere, ñucã Uwo Coeri maju Juan, Jesús yee maquẽre cū ca wede juguerique cãare, Mateo cū ca wederique ametueneropũ wedecã (1.5—2.52).

Mateo, Marcos cūja ca owaricarore birora Lucas cãa, bojocare Uwo Coeri maju Juan cū ca tii niiriquere (3.1-20), Jesús cū ca uwo ecoriquere, ñucã Satanás're cū ca ñi buiyee ecoriquere (3.21—4.13), wederi jiro, Galileapũ cū paderiquere bau niiro cū ca tii juoriquere wede nũña waa (4.14—9.50). Tee jirore Galilea ca niiricu Jerusalén'pũ cū ca waa tujariquere wede nũña waa (9.51—19.27), cũre ñeeri ñañaro cũre cūja ca tii cõarica semanare ca biiriquere (19.28—23.56), to biri bii yairi jiro cati tua, cū buerãre cū ca baua eariquere, mũreco tutipũ cū ca tua mũa waariquere, wede yapano ea (cap. 24).

Ate Añuriye Queti wadore, paũ wãmeri owarique nii, aperã cūja ca owatiriquere. Jesús bau niiro cū ca paderique maquẽ peera, nea poo juu buerica wii, Nazaret macã wiire cū ca ñagu eariquere, to biicãri cũjare buegu, Isaías niiquĩricu cū ca owariquere ñi paa tuuri cū ca wederiquere, ñucã Mũreco Pacu yũ Añuri Yeri cū ca majiuro mena ca boo pacarãre, “Añuriye Quetire yũre wede dotimi,” cū ca ñiriquere, “Yũ ca tiipere ñigu ñiupi,” cū ca ñiriquere wede. Ca boo pacarã yeere, ñañaro ca biirã yeere, ñañaro ca tii ecorã yeere, cū ca owarique maquẽ, ca nii majuropeerije niiro bii, ati pũurore. Jesús cū ca bauaparo juguero ca biiriquere, ñucã mũreco tutipũ cū ca mũa waariquere wedero, Añuro mani ca mũea niiro manire tii, ate Añuriye Queti.

Ca bojoca añugu samaritanore, cū macũ ca waa yairicu cū pacu pũto cū ca tua eariquere, cū ca ñi cõña wederique ati pũuro wadore nii.

Jesucristo yee Añuriye Quetire Lucas Cū ca owarique

¹ Pacu, Mũreco Pacu mani watoare cū ca tii niirique quetire, ca bii nũña dooricarore birora owa nũña dooupa, ² jicãto cū mena ca nii juoricarã cū ca tiirijere ca ñaricarã, jiropũra yua tee quetire cū ca wede dotiricarã, manire cūja ca wedericarore birora. ³ Yũ cãa, jicãtopũra Jesús cū ca bii juo doorique niipetirore añuro jãĩña bue tũgoeña maji peticãri, “Añu majuropecã, to birora biijapa,” ñi majiri, cū ca bii nũña dooricarore birora mũre yũ owa cojo Teófilo, ⁴ mũre cūja ca bueriquere “To birora biijapa,” mũ ca ñi majipere biro ñigu.

Mũreco Pacu pũto macũ, Juan cū ca bauapere cū ca wederique

⁵ Herodes, Judea yepa wiogu cū ca niiri cuure niupi jicũ pai, Zacarías ca wãme cutigu, Abías niiquĩricu yaa puna macũ, cū nũmo Elizabet cãa, Aarón niiquĩricu yaa puna macõ niipuro. ⁶ Cũja pũarãpũra, Mũreco Pacu cū ca ña cojoro ca bojoca añurã niipura; Mũreco Pacu cū ca dotirijere, doti cũurique ca ñirijere, tee ca ñiurore biro ca tii nũñjeerã, to biri noa pee, “Ñañarã niima,” cũjare ñi majitiupa. ⁷ Tee peere cū nũmo Elizabet, ca puna manigo cõ ca niiro macã, ca puna manirã niipura. Ñucã, cũja pũarãpũra mee bũcũrã peti niipura.

⁸ Jicã rũmũ Zacarías cū mena macārã paia mena Mũreco Pacu cū ca bojoca cuti niiri jawipũre cũjare paderique ca niiro, ⁹ Mũreco Pacu cū ca bojoca cuti niiri jawipũre, yucũ díi ca jutĩ añuriye ca joe mũenegũ waapũre cūja ca bejerucuricarore biro tiirã, Zacarías're

cũre beje buaupã. ¹⁰ Ca jũti añurijere joe jũti añu mũenerica tabe ca earo, macã yepã peera bojoca niipetirã boca juu bue cote niuupa.

¹¹ Zacarías, ca jũti añurijere cũ ca joe mũene niiro, ca jũti añurijere joe mũenerica tutu díamacũ nuña peere jĩcũ Æmũreco Pacũ pũto macũ cũre baua ea nũcãupi. ¹² Cũ ca baua ea nũcãro ãagũ, Zacarías pea mũcũ yaicoa, buaro uwi, biuupi. ¹³ To biro cũ ca biiro, Æmũreco Pacũ pũto macũ pea o biro cũre iũupi:

—¿Zacarías, uwieto! Mũ ca jãi juu buerucurijere tuomi Æmũreco Pacũ. To biri mũ nũmo Elizabet, jĩcũ mũre macũ cũti bojarucumo, Juan cũre mũ ca wãmeo tiipũre. ¹⁴ Buaro mũ ñjea niirucu. Nũcã rau ñjea niirucuma, cũ ca bauaro ãarã. ¹⁵ Mũ macũ, watoa macũ méé niirucumi Æmũreco Pacũ cũ ca ãa cojorore. Æje ocore, jinirique ca niñaarijere, jinitirucumi. Mee, cũ ca bauaparo jũgueropũra, Añuri Yeri mena niicãrucumi. ¹⁶ Nũcã rau israelitas, Æpũ cũja Æmũreco Pacũre cũja ca tuo nũnũjeero tiirucumi. ¹⁷ Cũ Juan, Wiogu cũ ca dooparo jũguerore, Elías niiquĩricũre biro yeri cũti, cũre biro tutua, bii jũgue waarucumi, ca pacũ cũja puna mena añuro cũja ca niiro tii, ca ametũene nũcãrãre ca ñañarije manirã cũja ca majirije pee cũjare tii majio, tiirũgũ. O biro tiiri, cũjare wede majio jũguerucumi, Wiogu cũ ca earo añuro cũja ca ãa majipere biro iĩgũ —iũupi.

¹⁸ To biro cũ ca iĩro, Zacarías pea o biro cũre iĩ jãĩñaupi:

—¿Do biro pee biicãri, atere “Yee méé iĩmi,” yũ iĩ majibogajati? Bũcũ peti yũ nii. Yũ nũmo cãa, bũcũo niimo —cũre iũupi.

¹⁹ To biro cũ ca iĩro, o biro cũre iĩ yũũupi:

—Yũa Gabriel yũ nii, Æmũreco Pacũ yũre cũ ca dotirijere tiigũ yũ tii. Cũra, mũ mena wede peni, ate añurije quetire mũre wede, yũre tii doti cojojãwi. ²⁰ To biri mecũra, mũre yũ ca wedejãrijere díamacũ yũre mũ ca tuotirije wapa, ca wedetigũ mũ tuarucu, mũre yũ ca wedejãrije yũ ca iĩjãrore biro mũre ca bii petiropũ, mũ wederucu nũcã —iũupi Zacarías're.

²¹ To biro cũre cũ ca iĩ nii ditoye, macã peera Zacarías're yue niirã bojoca pea, “¿Nee tiigũ to cõro yoaro tii jawipũre cũ biicã niigajati?” ameri iĩ jãĩña niuupa. ²² To biro cũja ca iĩ niirucuro witi eagũ, do biro tii wede majitiupi. To biro cũ ca biro ãari, “Æmũreco Pacũ cũ ca bojoca cũti niiri jawipũre jĩcã wãme cũre ca bii iñorijere ãajacupi,” iĩ majiupa. Ca wedetigũ niima iĩgũ, cũ amori mena tii cõõnarique mena wado wedeupi.

²³ Æmũreco Pacũ yaa wiipũ cũ ca paderi rũmũri ca petiro, cũ yaa wiipũ tuacoaupi nũcã Zacarías. ²⁴ Ate jiro, cũ nũmo Elizabet ãtaaga nii jũo dooupo. Jĩcã amo cõro niirã muipũa peti wii witiri méé, o biro iĩ tũgoeñacã niirucuupo: ²⁵ “Mecũra, Æmũreco Pacũ o biro yũre tiimi, ‘Ca puna manigo niimo,’ yũre cũja ca iĩ wede paitipere biro iĩgũ,” iũupo.

Æmũreco Pacũ pũto macũ, Jesús cũ ca bauapere cũ ca wederique

²⁶ Jĩcã amo peti, ape amore jĩcãga penituario ca niirã muipũa jiro, Æmũreco Pacũ, cũre queti wede bojari majũ Gabriel're, Galilea yepã macã macã Nazaret'pũ tiicojoui, ²⁷ María, jĩcũ mũmũ mena ca nii ñaatigore wiogu David niiquĩricũ pãrami José ca wãme cũtigũ mena ca manũ cũtipore wii jãa doti cojogũ. ²⁸ To biri Gabriel, María cõ ca niiri taberũ jãa waa, o biro cõre iũupi:

—Mũ, Æmũreco Pacũ añurije cũ ca tii bojagore yũ añu doti.* Wiogu mũ mena niimi. Niipetirã nomia watoare añuro cũ ca tiigo mũ nii —cõre iũupi.

²⁹ María pea o biirije cõre cũ ca iĩrijere tuori, do biro pee iĩ majiti, “¿Do biro iĩrũgaro to iĩbuti, to biri wãme yũre cũ ca iĩ añu doti jãa earijea?” iĩ tũgoeñarique paicoaupo.

³⁰ To biro cõ ca iĩ uwi tũgoeñaro ãagũ, Æmũreco Pacũre queti wede bojari majũ pea:

—Uwieto María. Mũa, Æmũreco Pacũ añuro cũ ca tii bojarijere ca bii ñjea niigo mũ nii.

³¹ To biri ãtaaga nii, mũmũ macũ cũti, “JESÚS” cũre mũ wãmeo tiirucu. ³² Do biro ca tiia manigũ nii, ati mũmũreco niipetiropũre Ca Doti Niigũ Macũ, cũja ca iĩgũ niirucumi; Æpũ Æmũreco Pacũ pea, cũ ñicũ David niiquĩricũre wiogu ca nii majuropeegũ cũ ca niiro cũ

* 1:28 “Salve” Griego wederique menara, “¿Mũ niimite? ¿Mũ wãcãmite?” iĩrã cũja ca iĩri wãme nii; biirorpũ nũcã, “Æjea niña,” iĩrũgaro iĩ.

ca tiiquĩricarore birora cũre tiirucumi. ³³ Jacob yaa pooga macãrãre to birora ca doticõa niigũ niirucumi; cũ ca doti niirije peti nũcãtirucu —ĩiupi Marĩare.

³⁴ To biro cõre cũ ca ĩiro tũo:

—¿Ano yũre mũ ca ĩirijea, ĩĩcũ mũmũ mena yũ ca niiti pacaro, do biro pee biicãri to biibogajati? —cũre ĩi ĩãĩũaupo.

³⁵ To biro cũre cõ ca ĩi ĩãĩũaro:

—Aũuri Yeri mũre cotegũ doorucumi. Ƴmũreco Pacũ ati mũmũreco niipetiropũre Ca Doti Niigũ cũ ca tutuarije, mũre paa ũmaa nũcã earucu. To biri wimagũ ca ñãñarije manigũ ca baũapũre, “Ƴmũreco Pacũ Macũ” ĩiricu niirucumi. ³⁶ Вѣстѹрѹ nii pacago, mũ yee wedego Elizabet cãa, “Puna manimo,” cũja ca ĩimirico, mee ĩĩcã amo peti, ape amore ĩĩcãga penituario muipũa mũtaaga niicã tũja waamo. To biri cõ cãa, macũ cũtigo doogo tiimo. ³⁷ Ƴmũreco Pacũra, ĩĩcã wãme mũnoacã cũ ca tii majitiri wãme mani —ĩiupi Marĩare.

³⁸ To biro cũ ca ĩirijere tũogo:

—Ƴmũreco Pacũre pade coteri majo yũ nii. To biro yũre mũ ca ĩi wederi wãmere birora, yũre cũ tiijato Ƴmũreco Pacũ —ĩiupo Marĩa. To biro cõ ca ĩirora, waacoaupi Ƴmũreco Pacũre queti wede bojari majũ.

Elizabet're, Marĩa cõ ca ĩago waarique

³⁹ Tii rãmũrira pato wãcãro mena, Judea yepare ũtã buurori watoa ca niiri macãpũ waacoaupi Marĩa. ⁴⁰ Tii macãpũre eago, Zacarĩas yaa wiipũ jãa ea, cũ nũmo Elizabet're aũu doti jãa eaupo. ⁴¹ Marĩa cõ ca aũu doti jãa earijere cõ ca tũorora, wimagũ cõ paa totipũ ca niigũra yuguiupũ, Elizabet're. To biro cũ ca biiri tabera, Aũuri Yeri Elizabet're ñãajãa nũcã eaupi. ⁴² To cõrora tutuaro wederique mena o biro ĩiupo Elizabet, Marĩare:

—Nomia niipetirã ametũeneropũ aũuro mũre tiijapi Ƴmũreco Pacũ; ñucã mũ macũ cãare aũurije cũre tiijapi. ⁴³ ¿Yũa ñiruo mũno yũ niiti, yũ Wiogũ paco yũre mũ ca ĩago eajata? ⁴⁴ Yũre mũ ca aũu doti jãa earijere yũ ca tũorije menara, yũ Macũ, yũpũre ca jããũguacã, mũjea niigũ yuguimi. ⁴⁵ Ƴjea niĩña mũ, cũ ca ĩirijere ca tũo nũnũjeerico, Wiogũ mũre cũ ca ĩirique cũ ca ĩiricarore biro biirucu —cõre ĩiupo.

⁴⁶ To cõrora Marĩa o biro ĩiupo:

—Yũ ca cati niirije Ƴmũreco Pacũ do biro ca tiiya manigũ cũ ca niirijere baja peo nũcã bũo.

⁴⁷ Yũ yeri, yũre Ca Ametũenegũ yũ Ƴmũreco Pacũpũre buaro mũjea nii.

⁴⁸ Cũre pade coteri majo watoa macõ yũ ca nii pacaro, yũre ĩajapi Ƴmũreco Pacũ. To biri mecũ mena, bojoca ca nii nũnũa waarã cõrora, to birora “Ƴjea niirique ca bũarico niimo,” yũre ĩĩcõa niirucuma.

⁴⁹ Ƴmũreco Pacũ niipetirijepũre ca doti tutuagũ, do biro ca tiiya maniri wãmere yũre tiimi. Cũa, “Ca Ñãñarije Manigũ,” wãme cũtimi.

⁵⁰ Cũre ca ĩi nũcũ bũorãra, bojoca cũja ca nii nũnũa waaro cõrora cũjare ĩa maimi Ƴmũreco Pacũ.

⁵¹ Cũ ca tutuarije niipetiro mena aũurijere tiupi. “O biro ca biirã jãa nii,” ca ĩirã cũja ca tiirũgarijere tii acobocãmi.

⁵² Wiorã cãare, wiorã cũja ca niimirijere ĩma, watoa macãrã peere ca nii majuropeerã cũjare tiimi.

⁵³ Ca aũa boarãra, niipetirije cũja ca cũoro tii, ca apeye pairã peera ñeeja manirã cũja ca tuaro cũjare tiimi.

⁵⁴ Israel, cũre pade coteri majũ yaa pooga macãrãre, cũjare tii nemoupi. ĩa mairique mena cũjare tii nemo acobotiupi.

⁵⁵ Mani ñĩcũ jãa niiquĩricarã, Abraham're, to biri cũ pãramerã ca nii nũnũa waaparãpũ cãare, “O biri wãmera mũjare yũ tiirucu,” ĩiquĩupi Ƴmũreco Pacũ —ĩiupo Elizabet're.

⁵⁶ Marĩa itiarã muipũa Elizabet mena nii, jiro cõ yaa wiipũ tuacoaupi ñucã.

Juan cũ ca baũarique

⁵⁷ Cõ ca macũ cõtiri rumu ca earo, jĩcũ macũ cõtũpo Elizabet. ⁵⁸ Cõ jaarã, cõ yaa macã macãrã, Æmureco Pacu añuro cõre cũ ca tii nemoriquere tuori, cõre ujea nii peorã waaupa.

⁵⁹ Cũ ca bauaricaro jiro, jĩcã amo peti, ape amore itiaga penituario ca niiri rumuri ca nii waaro, wimagu jeyua quejero yapare wide taa dotirã waaupa. Cũ pacu wãmera Zacarías cõre cũja ca wãmeo tiirugaro macã cũ paco pea, ⁶⁰ o biro cũjare ñi camotaupo:

—Biiticu. Juan, wãme cõtirucumi —cũjare ñiupo.

⁶¹ To biro cõ ca ñiro tuorã:

—Mũ jaarã, jĩcũ peera mũ ca ñiri wãme ca wãme cõtigu manimi doca —cõre ñiupa.

⁶² To biro ameri ñi, cũ pacu pea “¿Di wãme cũ macũre cũ wãmeo tiirugati?” ñirã, ca wedetigu cũ ca niiro macã tii cõñarique mena cõre jãñãupa. ⁶³ To biro cõre cũja ñiro, cũ pea jĩcã pĩi yucu pĩi jãiri, tii pĩipure: “Cũ wãme nii Juan,” ñi owa tuuupi. To biro cũ ca tiiro, to ca niirã niipetirã do biro pee ñi majiticãupa. ⁶⁴ “Cũ, wãme cõtirucumi,” ñi owa tuugura, ca wedetigu ca niimiricu wede, Æmureco Pacure ñi nucũ buo baja peo juo waaupi. ⁶⁵ Cũ yaa macã macãrã niipetirã to biro cũ ca biirijere queti tuorã, tuo ucacoaupa. Ñucã Judea yepa maquẽ ca ãtã yucu cõtiri yepa niipetiro macãrãpura to biro ca biiriquere ameri queti wede bato peoticã cojoupa. ⁶⁶ Teere ca tuorã niipetirãpura, “¿Ani wimagua, do biro ca biiru peti cũ niigajati?” ñi jãñarucuupa cũja majurope, añuro petira, Æmureco Pacu cõre cũ ca tii nemorije ca niiro macã.

Zacarías cũ ca bajarique

⁶⁷ Wimagu pacu Zacarías pea, Añuri Yeri cõpurre cũ ca ñaajãa nucã earo macã, ca biipere o biro ñi wede jugueupi:

⁶⁸ —Añuro ñiricu cũ niijato Æpu, Israel Æmureco Pacu cũ yaa pooga macãrãre ca ametuenege dooricu.

⁶⁹ Cõre pade coteri maju ca niiricu David pãramire, manire ca Ametuenepu do biro ca tiiya manigere manire tiicojomi.

⁷⁰ Tĩrumupura atere, cũ yee quetire ca wede juguerã ca ñañarije manirã menapura “O biro yu tiirucu” ñiquĩupi Æmureco Pacu.

⁷¹ Mũja waparãre, mũjare ca ña junarãre, mũjare yu ametuenerucu.

⁷² Mani ñicũ jũmupure ña mai, “To biro yu tiirucu,” cũ ca ñirique ca ñañarije manirijere acoboti, yu biirucu” ñiquĩupi Æmureco Pacu.

⁷³ Ñucã, ate nii, mani ñicũ Abraham niiquĩricupure, “Yu tii majuropecãrucu,” cũ ca ñirique:

⁷⁴⁻⁷⁵ “Uwi tugoeñaricaro maniro, ca ñañarije manirã niirique mena, ca niirore biro tii niirique mena, cõre tii nucũ buo nũnjee, ñucã mani ca catiri rumuri cõrora cũ ca bojoca cuti niiri tabere nii, mani ca biipere biro ñigu, waparã manirã cũja ca niiro yu tiirucu,” ñiquĩupi Æmureco Pacu, o biro manire cũ ca tii bojarere —ñiupi Zacarías.

⁷⁶ To biro ñicã, cũ macũ peera o biro ñiupi ñucã:

—Mũ, yu macũacã pea, “Æmureco Pacu ati Æmureco niipetiropurre Ca Doti Niigu yee quetire ca wede juguegu niimi,” ñiricu mũ niirucu. Wiogu cũ ca dooparo juguero, bojocare mũ wede majio juguerucu,

⁷⁷ Æmureco Pacu, “Cũ yaa pooga macãrãre, ñañarije cũja ca tiiriquere acobo, ametuene, tiimi,” cũjare ñi majiorgu.

⁷⁸ Mani Æmureco Pacu buaro ca ña maigu niiri, jĩcã rumu muipũ añuro cũ ca boe bate mua doori rumure biro manire tii bojami,

⁷⁹ buaro ca naitĩari tabepure ca niirãre biro ca niirãre, Æmureco Pacu cũ ca boorore biro niiriquere wede majio, añuro niiriquere manire ñño jugue, manire tiirugu —ñiupi Zacarías.

⁸⁰ Wimagu bucua nũña waagura, yeri jãñariqueru buaro tutua añugu bii nũña waaupi. Ména, israelitas're Æmureco Pacu yee queti cũ ca wedeparo juguero ca bojoca maniro ca yucu maniri yeparu niicãrucuupi Juan.

2

Jesús cū ca bauarique
(Mt 1.18-25)

¹ Tii rumūrirena wiogū César Augusto bojoca niipetirāre cūja wāmere owa peo dotiupi.
² Ate, wāme owa peoriquera, Siria yepa wiogū Cirenio cū ca niiri tabere tii jūoupa. ³ To biri niipetirāpura cūja ca niiro cōro cūja yaa macāripū cūja wāmere owa peo dotirā waarique niūpa.

⁴ Tee jūori José cāa, David niiquīricū yaa puna macū niiri, Galilea yepa macā macā Nazaret ca niiricū waaupi Judea yepa macā macā Belén ca wāme cūtiri macā, wiogū David niiquīricū cū ca bauarica macāpū. ⁵ Toopū José, cū nūmo María menara cūja wāmere owa peorā waaupa. To biro cūja ca biiri tabere María pea ūtaaga niūpo. ⁶ Belén'pū cūja ca bii niiro, María peera cō ca macū cūtiri rumū eaupa. ⁷ Toopū bauaupi cō macū ca nii jūogū. Cū ca bauaro, juti quejeri mena cūre ūmaari, wecūare baarique ecarica coropū cūre peoupo, cānirica wiipūre cānirica taberi ca maniro macā.

Ovejas coteri majare Ūmūreco Pacū puto macārā cūja ca bāua earique

⁸ Ovejas coteri majare bāua eaupi Ūmūreco Pacūre queti bojari majū. ⁹ Tee jāa cūja ca iitiri tabera, jīcū Ūmūreco Pacūre queti wede bojari majū cūjare bāua eaupi. Ūpū cū ca boe baterije pea cūja wejare boe bate űaacūmu eaupa. To biro ca biiro, cūja pea buaro uwiupa. ¹⁰ To biro cūja ca biiro, Ūmūreco Pacūre queti wede bojari majū pea o biro cūjare iūpi:

—Uwiticāña. Añuriye queti niipetirā bojoca cūja ca űjea niipere mūjare wede doogū yū bijjāwū. ¹¹ Mecūre, David niiquīricū yaa macāpūre bauami jīcū mūjare Ca Ametūenerū, Ūmūreco Pacū cū ca tiicojogū Mesías, Wiogū ca niigū. ¹² Cūra niimi mūja ca iī majipere biro iirā, juti quejeri mena cūja ca ūmaaricūre wecūare ecarica coropū ca pejagūre mūja buarucu —iūpi.

¹³ To biro cū ca iī niiri tabera paū aperā Ūmūreco Pacūre queti wede bojari maja cū pūtoire bāua ea, Ūmūreco Pacūre o biro iī baja peoupa:

¹⁴ “Ūmūreco Pacū cū ca añu majuropeerije niipetiropū nii. Añuro cū ca tiirijere ca bii űjea nii niirāre, añuro niirique cūjare to niijato!” iūpa.

¹⁵ Ūmūreco Pacū puto macārā űmūreco tutipū cūja ca tua mūa waaro jiro, ovejas coteri maja pea o biro ameri iūpa:

—Jamū Belén'pū. Ate queti Ūpū manire cū ca wederije ca biiriquere mani űaco —iūpa.

¹⁶ To biro ameri iī, jīcāto waa, Marīare, Josére, wimagū peera, wecūare baarique ecarica coropū ca jāñagūre bāa eaupa. ¹⁷ Cūre iārā, Ūmūreco Pacū puto macū wimagū cū ca biipe maquēre cūjare cū ca wederiquere bojocare wedeupa. ¹⁸ Ovejas coteri maja to biro cūja ca iirijere ca tūorā niipetirā do biro pee iī majiticāupa. ¹⁹ Marīa pea to biro cūja ca iirije niipetirore cō yeripū tūgoeñacā niirucuupo. ²⁰ Ovejare coteri maja pea űa, tūo, cūja ca tiirique niipetirije jūori, Ūmūreco Pacūre iī nūcū buo, cūre baja peo, tiicā tua waaupa, niipetirijepūra cūjare cū ca iiricarore birora ca biirijere űari.

Jesús're Ūmūreco Pacū yaa wiipū cūja ca ami waarique

²¹ Jīcā amo peti, ape amore itiaga penituario ca niiri rumūri jiro, cū jeyua quejero yapare wide taa dotirā waaupa. Nūcā Marīa, űtaaga cō ca niiparo jugueropūra, Ūmūreco Pacū puto macū cōre cū ca iirica wāmera JESÚS cūre wāmeo tiūpa.

²² Moisés cū ca dotirique ca iirore biro, cūja ca macū cūtiro jiro ca amori jujurije ca petiri rumūri jirore, wimagū Jesús're, Jerusalén'pū cūre ami waaupa cū pacūa, Ūmūreco Pacūre, “Mū yūu niimi” cūre iī, iñorā waarā. ²³ Atere to biro tiūpa, Ūpū cū ca doti cūuriquepūre o biro iī owa cūurique ca niiro macā:*

“Niipetirā űmūa mūja ca macū cūti jūorā, Ūmūreco Pacū yaarā niirucuma,” iī owaupa.

²⁴ To biri nūcā, Ūpū cū ca dotirique ca iirore biro waibūcū jīari, tiicojo nūcū buorā

* 2:23 Ex 13.2, 12.

waaupa: “Jĩcã bapa weje bua, tiirugatirã, bua umua uno mena tiirique niirucu,” cã ca ñiricarore biro.†

²⁵ To biro ca bii niiri cuure niupi Jerusalén're, jĩcã umu Simeón ca wãme cutigu, ca añugu, Umureco Pacure ca ñi nucã buogu, Israel yepare ñañaro ca tiirãre ca ametuenerpare ca yue niirucugu. Cũ mena niupi Añuri Yeri. ²⁶ To biri, “Umureco Pacu cã ca tiicojogu Mesías're ñatigura mu bii yaitirucu,” cãre ñi wede majio jugueupi. ²⁷ Añuri Yeri cãre cã ca ami waaro macã, Umureco Pacu yaa wiipũ waaupi Simeón. Wimagũ Jesús pacua, doti cãurique ca ñi rore biro tiirã waarã cãre cãja ca ami waari tabere, ²⁸ Simeón pea cãre ami pũja, Umureco Pacure o biro ñi baja peo nucã buoupi:

²⁹ Upũ, mecãra “To biro yũ tiirucu,” yũre mu ca ñiricarore birora mu tii: Mũre pade coteri majure añuro cã ca bii yairo mu tii maji yua.

³⁰ Bojocare ca ametuenerpu mu ca tiicojogure mee yũ ña yerijãa,

³¹ Bojoca niipetirã cãja ca ña cojoro mu ca tii ñño juo waarijere,

³² Bojoca poogaari, Umureco Pacu yee díamacũ ca niirijere cãja ca majiro tii,

Mũ yaa pooga Israel macãrãre ca ñi majuropeera cãja ca niiro tii, ca tiipũre —ñiupi Simeón.

³³ Cũ pacua pea to biirije wimagure Simeón cã ca ñirijere tuo ucuacoa, do biro pee ñi majiticãupa. ³⁴ To cõrora Simeón, “Añuro mujare to biijato,” cãjare ñi, o biro ñiupi ñucã Jesús paco María peera:

—Ani wimagũ, paũ Israel macãrã ñañaro tamuo, ametua, cãja ca biro tii,‡ ñucã buaro cãre ña juna, cãja ca biiro tiirucumi. ³⁵ O biro cãja ca biiro, paũ, cãja yeripũ cãja ca tugoeña niirijere ca bii bau niipere biro ñigu. Mũ peera, ate niipetirije mu yerire niipĩ mena jade ame wioricarore biro puniro mu ca tugoeñape niirucu —cõre ñiupi.

³⁶ Ñucã, Ana ca wãme cutigo, Umureco Pacu yee quetire wede jugueri majo, Fanuel macõ, Aser niiquĩricu yaa puna macõ cãa, toora niipuro. Mee bucno peti niipuro. Wãmoacã niigopũ manũ cuti, jĩcã amo peti, ape amore puaga penituario niiri cãmara cõ manũ mena cõ ca ñi tũja waarora, cõre cã ca bii yai weorico niipuro. ³⁷ Cõ manũ cã ca bii yai weoricaro jirore, ochenta y cuatro cãmari peti ñi tũja waaupo. Cõ pea Umureco Pacu yaa wiipũre witiri méé, ñamiri, umurecori, baarique betirique mena Umureco Pacure jãĩ juu bue, tii nucã buocõa niirucuupo. ³⁸ Ana cãa, Simeón to biro cã ca ñi niiri tabera ea, Umureco Pacure: “Añu majuropeecã,” ñi ujea ñi, Jerusalén're ca ametuenerpare ca yue niirucurã niipetirãre wedeupo, wimagũ Jesús yee maquẽre.

Nazaret'pũ cãja ca tua waarique

³⁹ Umureco Pacu dotirique ca dotirore biro tii yapanori jiro, Galilea yepa cãja yaa macã majurope Nazaret'pũ tuacoaura ñucã. ⁴⁰ Wimagũ pea añuro tutua añugu bucua, buaro ca majigu, Umureco Pacu añuro cãre cã ca tiirije mena bii nunua waaupi.

Umureco Pacu yaa wiipũ Jesús cã ca biirique

⁴¹ Jesús pacua to cãnacã cãmara Jerusalén macãpũ Pascua boje rãmũ ñarã waarucuupa.

⁴² Jesús, pua amo peti, dupore puaga penituario ca niiri cãmari ca cuogu cã ca niiro, cãja niipetirã tii boje rãmure cãja ca waarucuricarore birora waaupa ñucã Jerusalén'pũ.

⁴³ Tii boje rãmũ ca petiro, cãja yaa wiipũ cãja ca tua waaro, Jesús pea cã pacua cãja ca majitirora, Jerusalén'pura tuacãupi. ⁴⁴ Cãja pea, “Aperã mena doocumi” ñi tugoeñari, jĩcã rãmũ waaupa. Jiro cãja yee wederã, cãja ca majirã watoa cãre amañami, ⁴⁵ cãre buati, Jerusalén'pura cãre amarã tuacoaura ñucã. ⁴⁶ Itia rãmũ jiropũ Umureco Pacu yaa wiipũ doti cãuriquere ca juo bueri maja watoapũ cãja ca wederijere tuo, cã cãa cãjare jãĩña, ca tii duwigure cãre buaupa. ⁴⁷ Cã ca ñirijere ca tuorã niipetirã, cã ca majirijere, cãjare cã ca yũũ majirijere tuorã, tuo ucuacoaupa. ⁴⁸ Toorpũ cãja mena cã ca ñi duwiro ñarã, cã pacua pea ña ucuacoari, cã paco pea o biro cãre ñiupi:

† 2:24 Lv 12.8, tórtolas. ‡ 2:34 Ani wimagũ, Israel're paũ cãre juna mairã ñañaro bii yai nucã, aperã paũ díamacũ cãre tuo nunujeeri ametua, cãja ca biiro tiirucumi.

—Macū, ¿ñee tiigu to biirije jāare m̄ bii tua n̄cā weoquĩjāri? M̄ Pac̄u, ȳu, buaro t̄goeña pairique mena m̄re jāa ama yujujāw̄u —c̄re īupo.

⁴⁹ To biro c̄o ca īiro o biro īi ȳuupi Jesús:

—¿Ñee tiirā ȳre m̄ja amajāri? ¿Ȳu Pac̄u yeere ca tiip̄u niiri ȳu ca biirijere m̄ja majitijāri? —īupi. ⁵⁰ To biro c̄jare c̄u ca īirijere tuo majitiupa c̄ja pea.

⁵¹ To biri c̄u Pac̄u mena Nazaret'p̄u tua waa, niipetirije c̄ja ca īrore biro tiicā niirucuupi. C̄u paco pea ate niipetirijere c̄o yerip̄u t̄goeñacā niirucuupo. ⁵² Jesús c̄u ca b̄c̄u n̄n̄u waa c̄ōrora, c̄u ca majirije c̄a b̄c̄u n̄n̄u waaupa. To biri Ūm̄reco Pac̄u menare, bojoca mena c̄are, añuro bii ūjea nii, bii b̄c̄u n̄n̄u waaupi Jesús.

3

Juan, ca yuc̄u maniri yepar̄u añurije quetire c̄u ca wederique

(Mt 3.1-12; Mc 1.1-8; Jn 1.19-28)

¹ Tiberio quince c̄mari wiogu c̄u ca nii n̄n̄u waari c̄mare, Poncio Pilato Judea yepa wiogu niupi. Herodes pea Galilea yepa wiogu niupi. C̄u bai Felipe pea, Iturea, to biri Traconite yepari wiogu niupi. Ñucā Lisania pea Abilina yepa wiogu niupi. ² C̄ja wiorā c̄ja ca niiri tabere Anás, to biri Caifás paia wiorā niupa. To biro c̄ja ca bii niiri c̄marire, ca yuc̄u maniri yepar̄u ca niigu, Zacarías mac̄u Juan're wedeupi Ūm̄reco Pac̄u. ³ C̄re c̄u ca wedero jiro, Juan pea dia Jordán p̄to macā yepa niipetirop̄re waari:

—Ñañarije m̄ja ca tiirijere t̄goeña yeri wajoari, uwo coe doti tiya, Ūm̄reco Pac̄u ñañarije m̄ja ca tiiriquere c̄u acobojato īrā —c̄jare īi wede yujuupi.

⁴ Atea, Ūm̄reco Pac̄u yee quetire wede j̄gueri maj̄u Isaiás o biro c̄u ca īi owaquĩricarore birora biupa:

“Ca yuc̄u maniri yepar̄re j̄c̄u, o biro īi acaro bui wedemi: ‘Añuro t̄goeñarique mena Wioḡre yueya,’ Wiogu c̄u ca eparo j̄guerore, c̄u ca doopa maare díamac̄u maa c̄ja ca queno yuerore birora, m̄ja c̄a, m̄ja yerire añuro c̄re queno yueya.

⁵ Upa coraari b̄c̄u ca nii ñaajāa duwi waarije c̄ōrorena, jita mena maa jāa dado queno peoticārique niirucu.

Ūtā yuc̄u, ca em̄ari buurori ca niirije c̄ōrorena, coa queno c̄u peoticārique niirucu.

Upa beto maari ca niirijera, díamac̄u maari queno cojorique niirucu.

Docuori maari ca niirijera, añuri maari quenorique niirucu.

⁶ Bojoca ñañarije c̄ja ca tiirijere Ūm̄reco Pac̄u c̄u ca amet̄enerijere bojoca niipetirā īarucuma,”

īi owaquĩupi Isaiás.*

⁷ Pāu bojoca c̄re ca uwo coe dotirā earāre, o biro c̄jare īupi Juan:

—Añaa punaa ¿“Ñiru, Ūm̄reco Pac̄u ñañaro c̄u ca tiipe ca c̄ña doorijere m̄ja duti majicārucu,” m̄jare c̄u ījāri? ⁸ Díamac̄ura ñañarije m̄ja ca tiirucurijere tii yerijāa t̄goeña yeri wajoari, Ūm̄reco Pac̄u peere m̄ja ca tuo n̄n̄jeerijere īñorā, īa majiricarora añuro niirique c̄ti īño niiña. M̄ja majuropeera: “Jāa, Abraham p̄ramerā jāa nii,” īi t̄goeñaticāña. Ūm̄reco Pac̄u, ate ūtāgarirena Abraham p̄ramerā c̄ja ca niiro tii jeeñocā majimi. ⁹ Mee comea, yuc̄ugurire ca queti paga, tee n̄c̄ōrip̄re paa pua tuuricaga tuja yerijāa. Yuc̄u añurije ca dica c̄titiri yuc̄u c̄ōrorena quetiri, pecamer̄u paa jude joerique niirucu —c̄jare īi wedeupi.

¹⁰ To biro c̄u ca īiro tuorā, o biro c̄re īi jāiñaua:

—¿To docare ñee jāa tiigajati? —īupa.

¹¹ To biro c̄re c̄ja ca īi jāiñaro:

—P̄aro jutiro ca c̄oḡu, ca c̄otigure j̄c̄aro tiicojoya. Baarique ca c̄orā c̄a, ca c̄otirāre ecaya —c̄jare īi ȳuupi Juan.

¹² J̄c̄arā Roma maquēre wapa jee bojari maja c̄a, uwo coe dotirā earā, o biro īi jāiñaua Juan're:

—Buegu, jāa pea ¿ñee jāa tiigajati? —īupa.

* 3:6 Is 40.3-5.

¹³ To biro cūre cūja ca ñi jãĩñaro:

—Mũjare cūja ca wapa jãĩ dotiricaró ametueneropũ wapa jãiticaña —cũjare ñi yũũupi Juan.

¹⁴ Ñucã jĩcãrã uwamarã cãa:

—Jãa pea, ¿ñee jãa tiigajati? —cūre ñi jãĩñaupa.

To biro cūre cūja ca ñi jãĩñaro:

—Jĩcũ ñno peerena ñi uwiori, cūja ca cũorijere jĩcã wãme ñno peerena cũjare ãma, cūja ca tiitiriquerena wedejãa, tiiticaña. Mũja ca wapa taaro cõrora cõoya —cũjare ñi yũũupi Juan.

¹⁵ Bojoca pea, “Do biirije peti to ca biicãro,” ñi yue niirã, niipetirãpũra cūja majurope: “¿‘Juan, Mesías doorucumi,’ cūja ca ñiquĩricũra cũ niicã tiimiti?” ñi jãĩñaupa. ¹⁶ To biro cūja ca ñiro, Juan pea niipetirãre o biro ñiupi:

—Yũa oco mena mũjare yũ uwo coe. Ména, doorucumi jĩcũ, yũ ametuenero niipetirijepũre ca doti tutua majuropeegũ. Yũa, cũ dupo jutire jiarica daari cãare ca popio coterũ méé yũ nii. Cũa, Añuri Yeri mũjarũre cũ ca ñaajãa nũcã earo tiiri, ñañarije manirã mũja ca tuaro tiirucumi. ¹⁷ Trigo quejerire cũ ca maa mũene batera tabere ami doomi, ca quejerire jee dica woo, ca ape peera teere queno cũurica taberũ queno cũu, tiirugũ. Tee quejeri peera pecame ca ñũ yatitiri pecamerũ joe batecãrucumi† —ñiupi.

¹⁸ Ate mena, ñucã apeye paũ wãmeri mena cũjare wede majiori, añurije quetire bojocare wedeupi Juan.

¹⁹ Apeyera ñucã, Herodes're cũ yee wedegũ Felipe nũmo Herodías're cũ ca nũmo cõtiriye jũori, ñucã apeye niipetiriye ñañariye cũ ca tiirique jũori, cūre tuti bojoca catiomiupi. ²⁰ Herodes pea niipetiriye ñañariye cũ ca tii niirije watoara, Juan're cūre tia cũu nemocãupi ñucã.

Jesús're cũ ca uwo coerique

(Mt 3.13-17; Mc 1.9-11)

²¹ Jĩcã rãmũ bojoca niipetirã Juan're cūja ca uwo coe doti niiri tabere Jesús cãa, cūre uwo coe ecoupi. Uwo coe eco yapano, cũ ca juu bue niiri tabera ñmũreco quejero ca pãa nũcãro, ²² Añuri Yeri pea buare biigũ bau duwi doo, bii ñaapea eaupi Jesús'pũre. To biro cũ ca biiri tabera, ñmũreco tutipũ:

—Mũ mũ nii yũ Macũ, yũ ca maigũ; mũ mena bũaro yũ ñjea nii —ñi wedeoupe.

Jesús ñicũ jũmũa ca niiquĩricãrã

(Mt 1.1-17)

²³ Jesús, treinta cũmari cũogũ, cũ paderiquere tii jũoupi. Cūja ca ñrucuropũra niijata, Jesús,

José macũ niupi.

José, Elí macũ niupi.

²⁴ Elí pea, Matat macũ niupi.

Matat pea Leví macũ niupi.

Leví pea Melqui macũ niupi.

Melqui pea Jana macũ niupi.

Jana pea José macũ niupi.

²⁵ José pea Matatías macũ niupi.

Matatías pea Amós macũ niupi.

Amós pea Nahúm macũ niupi.

Nahúm pea Esli macũ niupi.

Esli pea Nagai macũ niupi.

²⁶ Nagai pea Máat macũ niupi.

Máat pea Matatías macũ niupi.

Matatías pea Semei macũ niupi.

† 3:17 Ñmũreco Pacũ cũ yaarãre jee dica woo yapanori, ca ñañarãre pecame ca ñũ yatitiri pecamerũ ñañaro peti cūja ca tamũoro tiirucumi.

Semei pea Josec macũ niuipi.
 Josec pea Judá macũ niuipi.
²⁷ Judá pea Joanán macũ niuipi.
 Joanán pea Resa macũ niuipi.
 Resa pea Zorobabel macũ niuipi.
 Zorobabel pea Salatiel macũ niuipi.
 Salatiel pea Neri macũ niuipi.
²⁸ Neri pea Melqui macũ niuipi.
 Melqui pea Adi macũ niuipi.
 Adi pea Cosam macũ niuipi.
 Cosam pea Elmadam macũ niuipi.
 Elmadam pea Er macũ niuipi.
²⁹ Er pea Josué macũ niuipi.
 Josué pea Eliezer macũ niuipi.
 Eliezer pea Jorim macũ niuipi.
 Jorim pea Matat macũ niuipi.
³⁰ Matat pea Leví macũ niuipi.
 Leví pea Simeón macũ niuipi.
 Simeón pea Judá macũ niuipi.
 Judá pea José macũ niuipi.
 José pea Jonán macũ niuipi.
 Jonán pea Eliaquín macũ niuipi.
³¹ Eliaquín pea Melea macũ niuipi.
 Melea pea Mainán macũ niuipi.
 Mainán pea Matata macũ niuipi.
 Matata pea Natán macũ niuipi.
 Natán pea David macũ niuipi.
 David pea Isaí macũ niuipi.
³² Isaí pea Obed macũ niuipi.
 Obed pea Booz macũ niuipi.
 Booz pea Salmón macũ niuipi.
³³ Salmón pea Naasón macũ niuipi.
 Naasón pea Aminadab macũ niuipi.
 Aminadab pea Aram macũ niuipi.
 Aram pea Esrom macũ niuipi.
 Esrom pea Fares macũ niuipi.
 Fares pea Judá macũ niuipi.
³⁴ Judá pea Jacob macũ niuipi.
 Jacob pea Isaac macũ niuipi.
 Isaac pea Abraham macũ niuipi.
 Abraham pea Taré macũ niuipi.
 Taré pea Nacor macũ niuipi.
³⁵ Nacor pea Serug macũ niuipi.
 Serug pea Ragau macũ niuipi.
 Ragau pea Peleg macũ niuipi.
 Peleg pea Heber macũ niuipi.
 Heber pea Sala macũ niuipi.
³⁶ Sala pea Cainán macũ niuipi.
 Cainán pea Arfaxad macũ niuipi.
 Arfaxad pea Sem macũ niuipi.
 Sem pea Noé macũ niuipi.
 Noé pea Lamec macũ niuipi.
³⁷ Lamec pea Matusalén macũ niuipi.

Matusalén pea Enoc macũ niupi.
 Enoc pea Jared macũ niupi.
 Jared pea Mahalaleel macũ niupi.
 Mahalaleel pea Cainán macũ niupi.
³⁸ Cainán pea Enós macũ niupi.
 Enós pea Set macũ niupi.
 Set pea Adán macũ niupi.
 Adán pea, Ɔmũreco Pacũ macũ niupi.

4

Satanás Jesús're ñañoaro cũ ca tiiro cũ ca tiirugamirique

(Mt 4.1-11; Mc 1.12-13)

¹ Jesús pea Añuri Yeripũ cũre cũ ca doti niirije mena niicãri, dia Jordán'pũ ca niiricũ cũ ca tua maa waaro, Añuri Yeri pea ca yucũ maniri yeparũ cũre amicoaupi. ² Toorũre cuarenta rũmuri peti niupi. Satanás pea ñañarijere cũ ca tiiro cũre tiirugamiupi. To biro cũ ca biiri rũmũrire baari méé biima ñigũ, bũaro queya tũgoeñaupi Jesús.

³ To biro cũ ca biiro, Satanás pea o biro cũre ñiupi:
 —Díamacũra Ɔmũreco Pacũ Macũra mũ ca niijata, “ ‘Atiga Ɔtãgare pan jeeñaña, ’ ñiña” —cũre ñiupi.

⁴ To biro cũre cũ ca ñiro, o biro cũre ñi yũũupi Jesús:
 —Ɔmũreco Pacũ wederique o biro ñi: “Bojocũa, baarique mena wado cati niitimi. Niipetiro Ɔmũreco Pacũ wederique mena cãare caticã majimi,” ñi —cũre ñiupi.*

⁵ Jiro Satanás macãncũ ca emũari buuro jotoapũ cũre jũo waari, jĩcã nimarora ati yepa macã yepari niipetirore cũre ñno peticã cojori, ⁶ o biro ñiupi Jesús're:

—Ati yepari niipetirijere, tii yepari maquẽ ca nii majuropeerijere, mũ ca doti maji tutua niipere mũre yũ tiicojorucu. Ate niipetirije yũ ñeewũ. Noo yũ ca tiicojorugagure yũ tiicojorucu. ⁷ Ate niipetirijepũra mũ yee wado niirucu, mũ ãjũro jupeari mena tuetuu ea nuuri yũre mũ ca ñi nũcũ bũojata —cũre ñiupi Satanás.

⁸ To biro cũ ca ñiro Jesús pea o biro cũre ñi yũũupi:
 —“Ɔmũreco Pacũ wederique o biro ñi: Ɔpũ mũ Ɔmũreco Pacũ wadore ñi nũcũ bũoya. Cũ jĩcũrena cũ ca dotirore biro tii nũñjeeya,” ñi —cũre ñiupi.†

⁹ Jiro Satanás, Jesús're Jerusalén macãpũ ami waa, Ɔmũreco Pacũ yaa wii jotoa ca emũari tabepũ ami mũa waari, o biro cũre ñiupi:

—Díamacũra, Ɔmũreco Pacũ Macũra mũ ca niijata, anopũ menara bupu duwi waagũja.

¹⁰ Ɔmũreco Pacũ wederique o biro ñi:

“Ɔmũreco Pacũ, cũre queti wede bojari majare,
 mũre cũja ña nũñjeejato ñigũ, mũ pũto cũjare tiicojorucumi,‡

¹¹ cũja, cũja amori mena mũre boca tuu ñeerucuma, jĩcãga Ɔtãga Ɔno peerena mũ ca pũa taatipere biro ñirã,” ñi —cũre ñiupi.§

¹² To biro cũ ca ñiro o biro cũre ñi yũũupi Jesús:

—O biro ñi ñũcã Ɔmũreco Pacũ wederique: “Ɔpũ, mũ Ɔmũreco Pacũre, ‘To biro cũre mani ñi ñaaco’ ñi epeticãña,” ñi —cũre ñiupi.*

¹³ To biro cũ ca ñiro Satanás pea, ape wãme Jesús're, ñañoaro cũ ca tiiro cũ ca tii doti ñaape bũatima ñigũ, jĩcã cuu cũre waa weocoaupi.

Galileapũ Jesús cũ ca pade jũorique

(Mt 4.12-17; Mc 1.14-15)

¹⁴ Tee jiro Jesús, Añuri Yeri cũ ca doti tutua niirijepũre yeri jãñacãri, Galilea pee tuacoaupi. Jesús cũ ca bii niirijere tii yepa niipetiropũ wede bato peticã cojupa. ¹⁵ To cãnacã taberipũrena nea poo juu buerica wiijeripũ cũjare buerucuupi Jesús. To biro cũ ca ñirijere tũorã, niipetirã añũro cũre ñi nũcũ bũorucuupa.

* 4:4 Dt 8.3. † 4:8 Dt 6.13. ‡ 4:10 Sal 91.11. § 4:11 Sal 91.12. * 4:12 Dt 6.16.

Jesús Nazaret'pɔ cū ca biirique
(Mt 13.53-58; Mc 6.1-6)

¹⁶ Jiro Jesús, cū ca bɔcɔarica macã Nazaret'pɔ waaupi. Jĩcã rɔmɔ yerijãarica rɔmɔ ca niiro, cū ca biirucuricarore biro cūja ca nea poo juu bueri wiipɔ jãa waa, Ɛmureco Pacɔ wederiquere buerugɔ ea nɔcã waaupi. ¹⁷ To biro cū ca biiro, Ɛmureco Pacɔ yee quetire wede jɔgueri majɔ Isaías cū ca owarica pūurore cūre bue dotiupa. To biro cūja ca tiiro Jesús pea tii pūurore pãagɔ, o biro cū ca ñi owa tuurica tabere bɔaupi:

¹⁸ “Ɛmureco Pacɔ yɔm Añuri Yeri yɔpɔre niimi, ca boo pacarãre añurije quetire ca wedepɔ yɔre cū ca ami dica wooro macã.

Tia cūuricarã ca niirã, ‘Tia cūuricarã cūja ca niirijere wiene ecorucuma,’ yɔre ñi wede doti cojomí. Ca ñatirãre cūja ñaro yɔre tii dotimi.

Aperã ñañaro cūja ca doti eperãre, ametuene dotigɔ yɔre tiicojomí.

¹⁹ Ɛmureco Pacɔ bojocare añuro cū ca tii bojapa tabe ea yerijãa, yɔre ñi wede doti cojomí,”†

cū ca ñi owariquere bueupi Jesús.

²⁰ Bue yapano, tii pūurore buato, tii wii ca pade nemogɔre tiicojo, ea nuucoaupi ñucã. To biro cū ca biiro to ca niirã niipetirã cū pee wadore ña cojocã niuupa. ²¹ Cū pea o biro cūjare ñi wede jɔupi:

—Mecūra, Isaías cū ca owariquere yɔ ca buero mɔja ca tɔorije ca ñiroke birora bii ea —cūjare ñiupi.

²² Niipetirã Jesús yee maquẽre añuro ameri wede, ñucã añurije peti cū ca ñirijere tɔori, do biro pee ñi majiticã, o biro ameri ñi jãñarucuupa:

—¿Ania José macũ méé cū niiti? —ñiupa.

²³ To biro cūja ca ñiro Jesús pea o biro cūjare ñi yɔmupi:

—Mɔja, o biri wãme yɔre mɔja ñicu: “Ɛco tiiri majɔ, mɔ majuropeera mɔ ca diarique cɔtirijere ametueneña,” mɔja ñicu. O biro mɔja ñicu ñucã: “Ano mɔ yaa yepa cãare, Capernaúm'pɔ niigɔ mɔ ca tiirijere jãa ca tɔoriquere tiya,” yɔre mɔja ñicu —ñiupi.

²⁴ To biro ñicã, o biro cūjare ñi nɔnɔa waaupi ñucã:

—Yee méé mɔjare yɔ ñi, jĩcũ ñno peera Ɛmureco Pacɔ yee quetire wede jɔgueri majɔ cū yaa yepa macãrã petira ñi nɔcũ buo ecotimi. ²⁵ Yee méé yɔ ñi. Ɛmureco Pacɔ yee quetire wede jɔgueri majɔ Elías cū ca niiri cuure, itia cūma decomacã peti oco peati, tii yepa niipetiroppɔrena aɔa boarique nii, ca biiri tabere, ca manɔ jũmɔa bii yai weo ecoricarã romiri paɔ niuupa Israel're. ²⁶ To biro cūja ca biicã pacaro, Elías peera, israelitas romiri ca manɔ jũmɔa bii yai weo ecoricarã romirire jĩcõ ñno peerena tii nemo doti cojotiupi. Sidón macã pɔto macã macã Sarepta macõ pee wadore tii nemo doti cojoui. ²⁷ Ñucã Ɛmureco Pacɔ yee quetire wede jɔgueri majɔ Eliseo cū ca niiri cuu cãare, Israel'pɔre paɔ camí boarique ca diarique cɔtirã niuupa. To biro cūja ca biimijata cãare, jĩcũ ñno peera cūja diariquere ametuene ecotiupa. Siria macũpɔ Naamán wado cū diariquere ametuene ecoupi —cūjare ñiupi Jesús.

²⁸ To biro cū ca ñirijere tɔorã, nea poorica wiipɔ ca niirã niipetirãpɔra buaro ajiaupa.

²⁹ To biri niipetirã wãmɔ nɔcã, Jesús're macã tɔjaropɔ cūre amicã witi waaupa, tii macã weja macã tɔdirɔ cūre tumicõa cõa jãa cojorugarã. ³⁰ To biro cūre cūja ca tii pacaro, Jesús pea cūja watoara ametuwa waacoaupi.

Ca wãtĩ jãa ecoricɔre Jesús cū ca catorique
(Mc 1.21-28)

³¹ Jesús pea Galilea macã macã Capernaúm'pɔ waacoaupi. Toopɔ bojocare, yerijãarica rɔmɔri ca niiro cūjare buerucuupi. ³² Doti maji majuropeerique mena cū ca buerijere tɔorã, bojoca pea do biro pee ñi majiticãruucuupa.

³³ Nea poo juu buerica wiipɔre niuupi jĩcũ, ca wãtĩ jãa ecoricɔ. To biri tutuaro mena o biro ñi acaro buiupi:

† 4:19 Is 61.1-2.

³⁴ —¡Jesús, Nazaret macũ! To birora jāare ĩacãña. ¿Ñee tiigu jāare mu pato wãcõgu dooti? ¿Jāare tii yaio bategu doogu mu biijãri? Уна муре ун маји. Мна, Умуреко Рачу унн Ca Ñañarije Manigu mu nii —cũre ĩupi.

³⁵ To biro cũre cũ ca ĩirora, Jesús pea wãtĩre o biro cũre ĩi cõa wieneupi:

—¡Wedeticãña! To cõrora cũre camotatiya —ĩupi.

To biro cũre cũ ca ĩirije menara, wãtĩ pea niipetirã cũja ca ĩa cojoro, cũre ñañoricaro maniro yeparu cũre tii cõa cũucã ũmaa witi waaupi.

³⁶ To biro cũ ca tiirijere, niipetirã ĩa нснаcoa, o biro ameri ĩupa cũja majurope:

—¿Ñee uno wederique to niiti nija atea? Doti maji tutuarique mena wãtĩare “Witi waarãja,” cũ ca ĩirora, cũja pea to cõrora witicoarucuma —ĩupa. ³⁷ To biri Jesús cũ ca tii niirije pea tii yepa niipetiroprure jeja нсã peticoaupã.

Simón Pedro mañicõre Jesús cũ ca diarique ametuenerique

(Mt 8.14-15; Mc 1.29-31)

³⁸ Jesús, nea poo juu buerica wiiru ca niiricu witi waagu, Simón Pedro yaa wiiru waaupi. Cũ mañicõ pea buaro wiorique diaupo. To biro cõ ca biiro, Jesús're: “Cõre catioya,” cũre ĩupa. ³⁹ To biro cũre cũja ca ĩiro, Jesús pea cõ jotoa pee muu bia ea нсã, wioriquere “¡Yerijãa waaroja!” cũ ca ĩirora, yerijãacoaupã. To cõrora cõ pea wãmũ нсã, cũjare baarique eca juo waaupo.

Ca diarique cutirã prure Jesús cũ ca catiorique

(Mt 8.16-17; Mc 1.32-34)

⁴⁰ Muipũ cũ ca ñaajãa waari tabe ca niiro, bojorica wãmeri ca diarique cutirãre ca cõo niiricarã niipetirã Jesús puto cũjare jee waaupa. Cũ pea, cũja ca niiro cõrorena cũ amori mena cũjare ñia peori, cũjare diarique ametueneupi. ⁴¹ Ñucã prũ ca diari majaprure ca niiricarã wãtĩa cãa:

—¡Mna, Умуреко Рачу Macũ mu nii! —ĩi acarõ bui, witicoarucuupa. To biro cũja ca ĩiro Jesús pea wãtĩare tuti, cũjare wede dotiticãupi, Mesías cũ ca niirijere cũja ca majiro macã.

Galilea macãrãre Jesús cũ ca buerique

(Mc 1.35-39)

⁴² Ape rãmũ ca boe mna doorije mena, macã tujaro bojoca cũja ca maniroprũ waagu witi, waacoaupi Jesús. To biro cũ ca biiro bojoca pea, cũre ama, cũ ca niiri taberu earã, aperoru cũ ca waaro bootirã, cũre tuenerugamiupa. ⁴³ To biro cũja ca tiirugamijata cãare, o biro cũjare ĩupi Jesús:

—Ape macãri macãrã cãare, Умуреко Рачу cũ ca doti niiri tabe maquẽ añurije quetire ун ca wedepe niiro bii. Aterena ĩigu, cũ ca tiicojoricu ун nii —ĩupi. ⁴⁴ To biri Jesús, judíos cũja ca niiri macãripure, cũja ca nea poo juu bueri wiijeripu añurije quetire cũjare bue yujurucuupi.

5

Cũja ca wai wajarique

(Mt 4.18-22; Mc 1.16-20)

¹ Jĩcã rãmũ Jesús, Genesaret utabucura tujaroru cũ ca niiro, Умуреко Рачу yee quetire cũ ca wedero ca tuorugarã prũ bojoca do biro tii majiña maniro, ãta bijaroacã ameri tuutu nea poo ннна dooupa. ² To biro cũja ca bii nea poo dooro, Jesús pea cũmua prãga, wai jĩari maja cũja bapĩ yucure coerã waarã jita dupari yeparu cũja ca maa weoricagaarire ĩa buaupi. ³ Tiigaarire, jĩcãga, Simón yaa cũmuare ea jãa, õo jañuroacã juu wiyo dotiupi. Jiro tii cũmuaru ea nuu waari, tooru menara bojocare Умуреко Рачу yee quetire cũjare bueupi. ⁴ Cũjare bue yapano, o biro ĩupi Simón're:

—Wai ñeerugarã, atira ca ñcũari tabe pee cũmua mena wia waari, tooru mña bapĩ yucure cõañuaña —ĩupi.

⁵ To biro cũ ca ĩirora Simón pea o biro cũre ĩi унupi Jesús're:

—Buegu, meepu macã ñamire jãa waja boecoamijãwũ mee. Jĩcũ unora jĩarucu, jãa tiitijãwũ. Mu, yũre mu ca dotiro macã mu ca dotirore biro yũ tiirucu —ĩiupi.

⁶ To biro tiirã, paũ cũja bapi yucũ yegaboropũ wai waja bũaupa. ⁷ To biro cũja ca biiro, cũja mena macãrã ape cũmuarũ ca niirãre, “Jãare wai jee nemorã dooya” iirã, cũjare bũa juo cojoupa. To biro cũja ca tiiro ea, waire cũjare jee nemorã, pũagapũrena cũmu duucãboupa.

⁸ To biro ca biiro iãgu Simón Pedro pea, Jesús pũto cũ ãjũro jupeari mena tuetuu ea nuu waari, o biro cũre iĩupi:

—Wiogu, yũre camotati waagũja. Ñãñarije ca tiigu yũ nii yũa —ĩiupi. ⁹ Atere to biro iĩupi, Simón, to biri cũ mena macãrã cãa, to cõro paio cũja ca wai jĩarijere cũja ca iã ucũacoarije ca niiro macã. ¹⁰ Ñucã Zebedeo puna Santiago, Juan, Simón mena macãrã cãa to birora biiupa.

To biro cũja ca biiro, Jesús pea o biro iĩupi Simón're:

—Uwiticãña. Mũa mecũ mena, waire mu ca waja majirore birora mu tiirucu bojoca cãare* —cũre iĩupi. ¹¹ To cõrora cũja cũmuarire waa pãa waa, wee moene cũu, cũja yee niipetirore cũu peticã, waacoaupã Jesús mena.

Ca cami boagũre Jesús cũ ca catorique

(Mt 8.1-4; Mc 1.40-45)

¹² Jĩcã rũmũ Jesús jĩcã macãrũ cũ ca niiro, jĩcũ ca cami boa diarique cõtigu cũ pũto eaupi. Jesús're iãgũra, yepapũ muu bia cũmu waa, o biro cũre iĩ jãiupi:

—Wiogu, mu ca boojata, yũ ca diarique cõtirijere yũre ametũeneña —cũre iĩupi.

¹³ To biro cũ ca iĩro Jesús pea, cũ amo mena cũre ñia peo, o biro cũre iĩupi:

—Yũ boo, diarique manigu tuaya —ĩiupi.

To biro cũre cũ ca iĩrora, cũ ca cami boa diarique cõtimirique jĩcãto peticoaupẽ.

¹⁴ Cũre catio yapano:

—Jĩcũ unõ peerena wedeticãña. Pai pũtopũ wado waari, mũre ca cami yatiriquere iĩnoña. Ñucã diarique manigu mu ca tuarije juori, Moisés cũ ca tii dotiriquere, mu ca tiicojo nũcũ bũope jee waagũja, mee mu ca diarique manirijere paia cũja ca majipere biro iĩgu —cũre iĩupi Jesús.

¹⁵ To biro cũ ca iĩcã pacaro, Jesús cũ ca tii niirije pea, bũaro jaũuro queti jeja nũcã waaupẽ. To biri, cũ ca wederijere tũo, cũja ca diarique cõtirijere ametũene doti, tiirũgarã paũ nearucũupa. ¹⁶ To biro cũja ca bii pacaro, Jesús pea ca bojoca maniri taberi pee waari, juu buegu waacoarũcupi.

Ca bũuricũre Jesús cũ ca catorique

(Mt 9.1-8; Mc 2.1-12)

¹⁷ Jĩcã rũmũ, Jesús bojocare cũ ca bue niiro, jĩcãrã fariseos, Moisés cũ ca doti cũuriquere ca juo buerã, niipetirije Galilea yepa, Judea yepa, macã macãri macãrã, to biri Jerusalén macãrã ca dooricarã too duwi cojoupa. Æmũreco Pacũ cũ ca tutuarije pea Jesús mena ca diarique cõtirãre cũ ca catorije mena bii iĩno niupa. ¹⁸ Too cũjare cũ ca bue niiro, jĩcãrã ca bũuricũre, pũugu quejero mena cũre ca yoo dooricarã cũre ami eaupa. To earã, wiipũ ami jãa waa, Jesús juũguero cũre cũurũgamiupa. ¹⁹ Paũ bojoca cũja ca niiro macã, do biro tii, cũre ami jãa waa majitiupa. To biri wii jotoa pee mũa waa, jĩcã jope jee woo tiicãri, paũ bojoca watoara, cũ ca yojaricarõ menara, Jesús cũ ca niiri tabe díamacũ cũre yoo duwio cojoupa.

²⁰ Jesús pea, “Jesús cũre catiocãrucumi,” cũja ca iĩ tũgoeña bayirijere iari, o biro iĩupi ca bũuricũre:

—Yũ mena macũ, ñãñarije mu ca tiiriquere yũ acobocã —cũre iĩupi Jesús.

²¹ To biro cũ ca iĩrora, Moisés cũ ca doti cũuriquere ca juo buerã, to biri fariseos: “¿Ania ñiru unõ cũ niiti, Æmũreco Pacũre ñãñarije ca iĩ tutigua? Bojocũ jĩcũ unõ peera

* 5:10 Mecũ mena, wai wajarica tabe unõra, bojoca peere mu juo neorucu yũre cũja ca tũo nũnjẽepere biro iĩgu.

ñañarije tiiriquere acobo majitimi; Ɛmureco Pacu wado niimi ñañarije tiiriquere ca acobo majigu,” ñi tugoeñaupa.

²² Jesús pea to biro cūja ca ñi tugoeñarijere majiri, o biro cūjare ñi jaiñaupi:

—¿Ñee tiirā to biirije mūja tugoeñati? ²³ ¿Di wāme pee to niiti popiye méé ñirica wāme: “Ñañarije mu ca tiirique acoboriquepu tua,” ñirique, ñucā to biro ñitigura: “Wāmū nūcā, waagūja,” ñirique pee? ²⁴ Yu, Ca Nii Majuropeegu Macū, bojoca ati yeparure ñañarije cūja ca tii niirijere ca acobo majigu yu ca niirijere mūja ca majipere biro ñigu mūjare yu ñorucu —ñupi Jesús.

To biro ñi, ca buuricure o biro cūre ñupi:

—“Wāmū nūcā, mū yojaricarore ami, mū yaa wiipu tua waagūja” mure yu ñi —cūre ñupi Jesús.

²⁵ To biro cūre cū ca ñirije menara, niipetirā cūja ca ña cojoro wāmū nūcā, cū ca yojarica quejerore ami, cū yaa wii pee Ɛmureco Pacure baja peo nūcū buo, ñicā tua waupi.

²⁶ Teere niipetirāpura do biro pee ñi majiticā, Ɛmureco Pacure baja peo nūcū buo, buaro uwi tugoeñarique mena o biro ñupa:

—Mecāra añurije ca ña ñaña manirijere mani ñajāwū —ameri ñupa.

Jesús, Levíre cū ca juorique

(Mt 9.9-13; Mc 2.13-17)

²⁷ Ate jiro Jesús witi waagu, jicū Roma maquēre wapa jee bojari maja mena macū Leví ca wāme cutigu, wapa jairā cūja ca duwiri taberu ca duwigure ña:

—Yu mena dooya —cūre ñupi.

²⁸ Leví pea to biro cūre cū ca ñirora wāmū nūcā, niipetirije cū yee paderiquere toora cūu waacoaupi Jesús mena.

²⁹ Jiro jañuro Leví, cū yaa wiipu pairi boje rāmū Jesús're boje rāmū tii peupi. To biro cū ca tiiri tabere, paū Roma maquēre wapa jee bojari maja, aperā, cūja mena baa bapa cuti niupa. ³⁰ To biro cūja ca biiro, fariseos, doti cūuriquere ca juo buerā, tii wāme wadorena ca tuo nūñjeerā, Jesús buerāre o biro cūjare ñi wede pai juo waaupa:

—¿Ñee tiirā mūja, ñañarije ca tiirā, wapa jee bojari maja mena, baa, jini, mūja tii niiti? —ñupa.

³¹ To biro cūja ca ñiro, Jesús pea o biro cūjare ñi yūupi:

—Añurā ca niirā, ca diarique manirā, uco tiiri majare bootima. Ca diarique cutirā wado booma. ³² Yu, añurā, ca ñañarije manirāre juogu doogu méé yu doowū. Ñañarā peere juogu doogu yu doowū, ñañarije cūja ca tiirijere cūja tugoeña yeri wajoajato ñigu —ñupi.

Betirique maquē

(Mt 9.14-17; Mc 2.18-22)

³³ To biro cū ca ñiro, jicārā o biro ñupa Jesús're:

—Juan're ca nūñrā, to biri fariseos're ca nūñrā, paū tiiri baarique beti, to birora juu bue, tiicā niima. Mū buerā pea, to biro tiitirāra jinirā, baarā, tiicā niirucuma —cūre ñupa.

³⁴ To biro cūja ca ñiro, Jesús pea o biro cūjare ñi yūupi:

—To docare mūja, ¿amo jiarica boje rāmure cū ca juo cojoricarāre, ca amo jagu cūja mena cū ca niirora, cūja ca betiro mūja tiicābogajati? ³⁵ Earucu jicā rāmū ca amo jagure cūja ca ami weo waari rāmū. Tii rāmuri docare betirucuma —ñupi.

³⁶ To biro ñi, ati wāme cūjare ñi cōña wedeupi ñucā:

—Jicū uno peera, jutiro bucurore sere tuurūgu, jutiro wāmarore taa amitimi. To biro cū ca tiijata, wāma quejerore to birora tii yaicāgu tiimi. Wāma quejero, bucu quejero menare añuro ãpōtīoti. ³⁷ Ñucā jicū uno peera uje oco wāmare, waibucu quejero poari, bucu poaripure pio jāatimi. To biro cū ca tiijata, uje oco wāma, tii poarire tii yega batecācu. To biri uje ocoa jite batecoa, tii poari cāa yega yaicoa, biicācu. ³⁸ To biri uje oco wāmarā, wāma poaripū pio jāaricaro añu. ³⁹ Jicū uno peera uje oco ca pāmurijerure ca jinirā, wāma biperique peera jinitima, “Ca pāmurijerū wado añu” ca ñirā niiri —ñupi Jesús.

6

Yerijāarica r̄m̄m̄re trigo c̄ja ca tunerique

(Mt 12.1-8; Mc 2.23-28)

¹ Jīcā r̄m̄m̄ Jesús, yerijāarica r̄m̄m̄ ca niiro, ote wejeri watoar̄m̄ c̄ ca waa n̄n̄na waaro, c̄ buerā pea trigo dicare tune jee, c̄ja amori mena ca apere jīquē jeeri, baa n̄n̄na waaupa. ² To biro c̄ja ca tiiro, jīcārā fariseos o biro c̄jare īi jāiñaua:

—¿Ñee tiirā, yerijāarica r̄m̄m̄re ca tii dotitirijere m̄ja tiiti? —īiupa.

³ To biro c̄ja ca īiro, o biro c̄jare īi ȳuupi Jesús:

—¿M̄ja, jīcāti David, c̄ mena macārā ména queyama īigu c̄ ca tiiriquere, jīcāti m̄no peera m̄ja bue ñaatiti? ⁴ Ūm̄ureco Pac̄u yaa wiip̄m̄ jāa waa, pan, Ūm̄ureco Pac̄u yee c̄ja ca jee dica wooriquerena jee, paia wado c̄ja ca baarijerena baa, c̄ mena macārā cāare eca, tiupi —īiupi.

⁵ O biro c̄jare īi nemoupi ñucā:

—Ȳm̄, Ca Nii Majuropeegu Mac̄ūa, yerijāarica r̄m̄m̄ cāare ȳm̄ doti majicā —c̄jare īiupi Jesús.

Ca amo b̄m̄ric̄re Jesús c̄ ca catorique

⁶ Ape r̄m̄m̄ yerijāarica r̄m̄m̄ ca niiro, nea poo juu buerica wiip̄m̄ jāa waari, bue j̄mo waaupi ñucā Jesús. Toop̄re niupi jīc̄, díamac̄ n̄ña peere ca amo b̄m̄ric̄. ⁷ To biri doti c̄uriquere ca j̄mo buerā, fariseos, c̄re c̄ja ca wedejāapa wāmere amarā, “¿Yerijāarica r̄m̄m̄rena c̄ catiocāguti?” īirā, c̄ jīc̄rena boca īa cote niupa. ⁸ Jesús pea to biro c̄ja ca īi t̄goeñarijere majiri, o biro īiupi ca amo b̄m̄ric̄re:

—Wām̄m̄ n̄cā doori, ano decomacā pee ea n̄cā waaḡja —c̄re īiupi. To biro c̄re c̄ ca īiro, wām̄m̄ n̄cā doo, c̄ ca ea n̄cā waaro īa, ⁹ o biro c̄jare īiupi Jesús:

—Jīcā wāme m̄jare ȳm̄ jāiñarucu: ¿Doti c̄uriquea, yerijāarica r̄m̄m̄re ñee to tii dotiti, ñañarijere, añurije peere? ¿Bojocare catoriquere, jīa cōarique peere? —c̄jare īi jāiñaupi.

¹⁰ To biro īi, c̄ weja ca niirā niipetirāre īa, o biro īiupi ca amo b̄m̄ric̄re:

—M̄ amore juu pooya —īiupi. C̄ ca īirore biro tiupi c̄ pea. To cōrora ca b̄m̄irica amo añucoaup̄ ñucā. ¹¹ To biro c̄ ca tiirijere īarā, fariseos pea b̄aro ajiari:

—¿Do biro peti Jesús're mani tiirāti? —ameri īi wede peni j̄mo waaupa.

C̄ buerāre Jesús c̄ ca beje jeerique

(Mt 10.1-4; Mc 3.13-19)

¹² Tii r̄m̄m̄irena Jesús, ūtāga jotoar̄m̄ waaupi, juu bueḡm̄ waaḡm̄. Tii ñamire Ūm̄ureco Pac̄re juu bue ñami cuti boeocoupi. ¹³ Ape r̄m̄m̄ boeri tabe, c̄ buerāre j̄mo cojori, c̄ja mena macārāre p̄na amo peti, d̄pore p̄aga penituario ca niirā beje jeeupi, c̄ yee quetire ca wedeparāre. ¹⁴ To biri anija niupa: Simón, ñucā c̄rena Pedro c̄ ca wāmeo tiiric̄, Simón bai Andrés, Santiago, Juan, Felipe, Bartolomé, ¹⁵ Mateo, Tomás, Alfeo mac̄ū Santiago, Simón celote puna mac̄ū, ¹⁶ Santiago mac̄ū Judas, Judas Iscariote Jesús're ca wedejāa cōar̄m̄, to cānacārā niupa Jesús c̄ ca beje jeericarā, c̄ yee quetire ca wede nemoparā.

P̄m̄ bojocare Jesús c̄ ca buerique

(Mt 4.23-25)

¹⁷⁻¹⁸ Jiro Jesús ūtāḡm̄ jotoar̄m̄ ca niiric̄, c̄ja mena duwi doo, ca buuri maniri yepare tua n̄cā eaupi. Toore, p̄m̄ c̄re ca n̄n̄rā, p̄m̄ Judea yepa niipetiro macārā, Jerusalén macārā, dia pairi yaa buuro jotoa macā macāri Tiro, Sidón, ca wāme cutiri macāri macārā, Jesús c̄ ca wederijere ca t̄orā dooricarā, c̄ja diariquere c̄ amet̄enejato īirā ca dooricarā, niupa. Ñucā wātī yeri j̄m̄ori ñañaro ca tam̄orā cāa catio ecoupa. ¹⁹ To biri bojoca niipetirā Jesús're padeñar̄gamiupa, c̄ ca yeri tutuarije c̄p̄re ca witiirijera niipetirā ca diarique cutirāre ca amet̄enero macā.

Ujea niirique, tugoeña pairique
(Mt 5.1-12)

²⁰ To cõrora Jesús pea cõ buerã peere ãa, o biro cõjare ïiupi:

“¡Ujea niiña m̃ja, ca boo pacarã. Um̃reco Pacu cõ ca doti niiri tabea m̃ja yaa tabera niil!

²¹ ¡Ujea niiña m̃ja mecũre ca queyarã, añuro yapi ujea niirã m̃ja niirucu!

¡Ujea niiña m̃ja, mecũre ca otirã. Jiropure m̃ja bui ujea niirucu!

²² ¡Ujea niiña m̃ja, yu, Ca Nii Majuropeegu Macũ yee juori, m̃jare ãa tuti, m̃jare cõa wiene, m̃jare acaro bui tuti, ñañarãre biro jeeñori, m̃jare cõja ca ãa junaro!”

²³ To biro m̃ja ca tamuori rumure ujea niiña. Buaropura ujea niirique mena niiña, um̃reco tutipure añurijere m̃ja tiicojo ecorucu. Cõja ñicũaru cõa, Um̃reco Pacu yee quetire wede juqueri majare o biri wãmera ñañaro cõjare tiipura.

²⁴ “¡M̃ja ca apeye pairã pea ñañaro m̃ja tamuorucu, mee ujea niiriquere m̃ja bua yerijãa!

²⁵ ¡M̃ja mecũre añuro yapi añurã ca niirã, jiropure m̃ja queya nucũ yuju buañarucu!

¡M̃ja mecũre ca bui ujea nii niirã, jiropure ñañaro tugoeñarique pai m̃ja otirucu!

²⁶ ¡M̃ja mecũre niipetirã cõja ca ïi nucũ buorã, ñañaro m̃ja tamuorucu! ¡To birora tiiquĩupa cõja ñicũaru cõa, Um̃reco Pacu yee quetire wederi maja jãa nii, ca ïi dito nucũ yujurã mena cãare!”

cõjare ïiupi Jesús.

Ca ãa tutirãre mairique
(Mt 5.38-48; 7.12)

²⁷ —M̃ja yure ca tuorã peera, o biro m̃jare yu ïi: M̃jare ca ãa tutirãre maiña; ñañaro m̃jare ca tiirã cãare añuro cõjare tiipura. ²⁸ “Ñañaro m̃ja bii bua ñaarucu,” m̃jare ca ïi tutirãre, “Añuro m̃jare to biijato,” cõjare ïiña. Ñañaro m̃jare ca tii eperã cãare, juu bue bojaya. ²⁹ Jicũ, mure, jicã nuña wajopuare cõ ca paajata, ape nuña cãare cũre paa dotiya. Jicũ m̃ jutiro jotoa macãrore cõ ca emajata, “Doca macãro cãare cõ amicoajato,” ïicãña. ³⁰ No ca boogu cõ ca boorijere mure cõ ca jãiro, cũre tiicojaya. M̃ yeere ca emagu cãare, “Yure tueneña,” cũre ïiticãña. ³¹ Aperã añuro m̃jare cõja ca tiiro m̃ja ca boorore birora, m̃ja cãa añuro cõjare tiipura.

³² “M̃jare ca mairã wadore m̃ja ca majata, ¿ñee uno pee añurijere tii ametuene nucãrã m̃ja tiiti? Ñañarije ca tiirã cãa to birora tiirique cutima. ³³ Añuro m̃jare ca tiirã wadore, añuro cõjare m̃ja ca tiijata, ¿ñee uno peere añurije to bii ametuene nucãti? Ñañarije ca tiirã cãa to birora tiirique cutima. ³⁴ “Apeye unore jãare tiicojorucuma,” m̃ja ca ïi tugoeñarã wadore m̃ja ca wajojata, ¿ñee uno peere añurije tii ametuene nucãrã m̃ja tiiti? Ñañarije ca tiirã cãa, “Apeye uno jãa tiicojo ecorucu,” ïi tugoeñari ameri wajoma. ³⁵ M̃ja pea to biro tiitirãra, m̃jare ca ãa tutirãre mai, añurijere tii, apeye unore wajorã cãa, “Tee wapa jãare tiicojorucuma,” ïi yuericaró maniro tiipura. To biro m̃ja ca tiiro, paio niirucu, m̃ja yee ca niipe. M̃ja pea Um̃reco Pacu ati um̃reco niipetipure Ca Doti Niigu puna m̃ja niirucu. Cõa, añu ca ïitirã, ca bojoca ñañarã mena cãare, ca bojoca añugũ niimi. ³⁶ M̃ja cãa, ca ãa mairã niiña, m̃ja Pacu ca ãa maigu cõ ca niimore birora.

Aperãre ãa bejeticãña
(Mt 7.1-5)

³⁷ “Aperãre, “To biro biima,” ïi ãa bejeticãña. Um̃reco Pacu cãa, “To biro biima,” m̃jare ïi ãa bejetirucumi. Nũcã aperãre “Ñañaro ca tii ecomparãra niima,” cõjare ïi wedejãaticãña. Um̃reco Pacu cãa, “Ñañaro ca tii ecomparãra niima,” m̃jare ïitirucumi. Ñañarije m̃jare cõja ca tiirijere acoboya. Um̃reco Pacu cãa ñañarije m̃ja ca tiirijere acoborucumi. ³⁸ Ca cuotirãre cõja ca boo pacarijere cõjare tiicojaya. Um̃reco Pacu cãa m̃jare tiicojorucumi. M̃jare tiicojorucumi upa roaru añuro ãta bijaro ñia jua

dadocārica poa. Aperāre m̄ja ca tiicojoricaro cōrora, Ҫm̄reco Pacu cāa m̄jare tuenerucumi —c̄jare īupi.

³⁹ Ñucā ati wāme īi cōñari c̄jare wedeupi:

—M̄jara, ¿j̄icū ca īatigura, ap̄i ca īatigure cū j̄uo j̄ugue waa majicāgajati? ¿C̄ja p̄arāp̄ura opep̄ c̄ja ñaajāacoatigajati? ⁴⁰ J̄icū bueri maj̄u uno peera cūre ca bueḡu amet̄enero maji amet̄enetimi. Biiḡur̄na, cū ca buerijere yapanoḡur̄u doca, cūre ca bueḡure birora bii eacumi.

⁴¹ “¿Ñee tiiḡu m̄u pea m̄u capegar̄ure yucu d̄ucaro m̄u ca c̄orije peera īa majiti pacaḡu, m̄u yee wedeḡu capega peere taa daacā ca j̄añari daa peere m̄u īa n̄n̄jeeti? ⁴² M̄u capegarena yucu d̄ucaro m̄u ca c̄orijere īa majiti pacaḡu, ¿ñee tiiḡu m̄u yee wedeḡure, “Ȳu yee wedeḡu m̄u capegar̄ure taa daa j̄aña, tii daare ȳure ami cōa dotiya,” cūre m̄u īiti? Watoara ca bii dito paiḡu, m̄u capegare ca niiri d̄ucaro peere ami cōa j̄uoya. To biro tiicāri j̄irop̄u docare, añuro m̄u īa majirucu, m̄u yee wedeḡu capegar̄ure taa daacā ca j̄añari daare ami cōar̄uḡu.

Yuc̄uḡure tiiḡu dica mena īa majirique nii

(Mt 7.17-20; 12.34-35)

⁴³ “J̄icāḡu uno peera, yuc̄uḡu añuricu ñañarije dica c̄titi; yuc̄uḡu ca ñañaricu cāa, añurije dica c̄titi. ⁴⁴ To cānacā yuc̄ur̄ena ca dica mena īa majirique nii. Higure pota yuc̄ur̄e ca niirijere jeeya mani. Ҫje cāare pota daarip̄ure ca niirijere jeeya mani. ⁴⁵ Bojocu ca añuḡu, añurije wedemi, cū yerip̄ure añurije ca niiro macā. Ñañaḡu cāa, ñañarije wedemi, cū yerip̄ure ñañarije wado ca niiro macā. To biri yerip̄ure ca nii amet̄ene n̄cārijera ҫjerore witi.

Ca t̄ugoeña majiḡu, ca t̄ugoeña majitiḡu

(Mt 7.24-27)

⁴⁶ “¿Ñee tiirā ȳu ca īirijere tiiti pacarā “Wioḡu, Wioḡu,” ȳure m̄ja īiti? ⁴⁷ Ȳu p̄uto pee doori, ȳu yee quetire t̄uo, ȳu ca īirote biro ca tiiḡu, “O biirije ca tiiḡure biro biimi,” m̄jare ȳu īirucu. ⁴⁸ J̄icū wii buaḡu ñc̄uro ope coa j̄uo, ñtāga jotoara wii botarire wee ñee peo, ca tiiric̄ure biro biimi. Dia pai, duama īiro, tutuaro tii wiire oco ca ūmaa cōa tuu pacaro, petoacā yuguirucu tiitiupe, añuro tutua añuro cū ca quenorica wii niiri. ⁴⁹ Ȳu ca īirijere t̄uo pacaḡu, ȳu ca īirote biro ca tiitiḡu, j̄icū wii buaḡu, yepara tii pacaḡu, wii botari ca nucū ñeepa tabe cūu j̄uotiḡura ca tiiric̄ure biro biimi. Dia pai, duama īiro, tutuaro oco ūmaa cōa tuuma īirora, j̄icā bota, wii bota d̄jaricaro manirop̄u ūmaa yuu bate yaiocāupe —c̄jare īupi Jesús.

7

Uwamarā ҫp̄ure pade coteri maj̄ure Jesús cū ca catorique

(Mt 8.5-13)

¹ Bojocare to biro c̄jare īi wede yapano, Capernaúm'p̄u waacoaupi Jesús. ² Tii macāre niip̄u j̄icū Roma macā, uwamarā wioḡu, cūre ca pade bojari maj̄u buaro cū ca maiḡu, ca bii yaiḡur̄e ca c̄oḡu. ³ Uwamarā ҫp̄u pea Jesús cū ca tii niirijere c̄ja ca wedero t̄ori, j̄icārā judíos're ca j̄uo niirā mena cū pade coteri maj̄ure cū catioḡu doojato īiḡu, Jesús're c̄jare j̄uo doti cojoui. ⁴ C̄ja pea to biro cū ca īi cojoricarā Jesús p̄uto earā, o biro cūre īupa:

—Ani uwamarā ҫp̄na m̄u ca tii nemop̄u ҫnora niimi. ⁵ C̄na, mani yaa pooga macārāre buaro maimi. C̄na j̄a ca nea poo juu bueri wiire tii dotiw̄i —īi eaupa.

⁶ To biri c̄ja mena waaupi Jesús. Mee, wiire ea waaḡu dooḡu cū ca birora, uwamarā wioḡu pea j̄icārā cū mena macārāre o biro īi doti cojoui:

—Wioḡu, tee j̄orira pato wācārique mena biiticāña. Ȳna, ȳu yaa wiire m̄re ca j̄a dotip̄u uno méé ȳu nii. ⁷ To birira mee, ȳu majuropeera m̄re ȳu amaḡu waatijāwu. Ȳure pade coteri maj̄u cū ca diarique amet̄ape wadore doti cojoya. ⁸ Ȳu majurope cāa ȳu wiorā c̄ja ca dotirijere ca tiiḡu ȳu nii. Ȳu cāa uwamarāre ȳu c̄uo, ȳu ca dotirijere ca

tiiräre. To biri cūja mena macū jīcūre, “Waaguja” yu ca ĩiro, waami. Ńucā apīre, “Dooya” cūre yu ca ĩiro, doomi; yure ca pade coteḡu cāare, “Teere tiiya” yu ca ĩiro, yu ca ĩirore biro tiimi —ĩiupi.

⁹ Teere tūogū, Jesús pea do biro pee ĩi majiticā amojode nūcāri, cūre ca nūnūḡäre o biro ĩiupi:

—Yee méé mūjare yu ĩi. Ano Israel yepare jīcū uno peera ani uwamarā upu to cōro buaro “Yure tii nemocārucumi,” cū ca ĩi tūgoeña bayirore biro ca biḡure yu bua ea ũaati —cūjare ĩiupi Jesús.

¹⁰ Uwamarā wiogū cū ca doti cojoricarā pea wiipū tua earā, uwamarā wiogūre pade coteri majū bii yaigūpū ca biimiricūre añuro cati añugūpū cū ca niiro tua eaupa.

Ca manū bii yai weo ecorico macūre Jesús cū ca catiorique

¹¹ Ate jiro Jesús, Naín ca wāme cūtiri macā pee, cū buerā, aperā bojoca paū mena waaupi. ¹² Tii macāre ea waarā, paū bojoca tii macā macārā mena ca manū bii yai weorico macū jīcūra ca niimiricū, ca bii yairicūre cūja ca yaarā waaro ĩaupa. ¹³ Cūjare ĩa, ca bii yairicū pacore boo paca ĩari, o biro cōre ĩiupi:

—ĭOtieto! —ĩiupi Jesús.

¹⁴ To cōrora waa, maja potire padeña, cū ca tiirora tii potire ca ami waarā pea tua nūcāupa. Jesús pea, o biro ĩiupi ca bii yairicūre:

—Wāmū, wāmū nūcāña mūre yu ĩi —cūre ĩiupi.

¹⁵ To biro cū ca ĩirije menara, ca bii yairicū pea cati tua wāmū nuu, wede jūo waaupi. To biro tii, Jesús pea cū pacore cūre tueneupi. ¹⁶ Atere ĩarā niipetirāpūra ĩa uwima ĩirā, Ūmūreco Pacūre o biro ĩi nūcū buoupa:

—Jīcū Ūmūreco Pacū yee quetire wede jūgueri majū do biro ca tiiya manigū mani pūtoire baua eami —ĩiupa.

Ńucā o biro ĩiupa:

—Ūmūreco Pacū cū yaarāre tii nemogu doogu doojapi —ĩiupa.

¹⁷ To biro Jesús cū ca tiirijere Judea yepa niipetiro macārā, ũucā too wejari macārā cāa queti tūo peticā cojoupa.

Juan cū ca jāiña doti cojoricarā

(Mt 11.2-19)

¹⁸ Cū buerā cūre cūja ca wedero macā ate niipetirijere queti tūoupi Juan. To biri cū buerā mena macārā pūarāre jūo cojo, ¹⁹ Jesús're o biro ĩi jāiña doti cojoupi:

—ĭMūra mū niiti “ ‘Mesías doorucumi,’* cūja ca ĩiricū, ména apīre jāa yuegajatique?” cūre ĩi jāiñarāja —ĩiupi Juan.

²⁰ To biro cū ca ĩi cojoricarā Jesús pūto ea, o biro cūre ĩiupa:

—Juan, bojocare uwo coeri majū, “ĭMūra mū niiti, ‘Mesías doorucumi,’ cūja ca ĩiricū, ména apī ca yueparā jāa niitique?” cūre ĩi jāiñarāja jāare ĩi cojojāwi —cūre ĩiupa.

²¹ To biro cūre cūja ca ĩiri tabera, Jesús pea paū bojoca ca diarique cūtirāre, ca upūri punirāre, catioupi. Ńucā cūja yeripū ca wātīa jānarā cāare cūjare catio, paū ca ĩatirāre cūja ca ĩaro tii, cūjare tiupi. ²² To biro tii yapano, o biro cūjare ĩi yūūupi Jesús:

—Waari, mūja ca ĩajārijere, mūja ca tūojārijere wedeya Juan're. Ca ĩatirā ca niimiricarā ĩa, upa yuriri cāa añuro waa maji, ca cami boarā cāa cami yati eco, ca tūotimiricarā cāa tūo, ca bii yairicarā cāa cati tua, ũucā ca boo pacarā cāa añurije quetire wede eco, biima.

²³ “ĭŪjea niīña, yu yee jūori ca tūgoeña maa wijiatigua!” ĩi wederāja Juan're —ĩiupi, Juan cū ca jāiña doti cojoricarāre.

²⁴ Juan, cū ca jāiña doti cojoricarā cūja ca tua waaro jiro, too ca niirā bojocare o biro cūjare ĩi wede jūo waaupi Jesús, Juan yee maquēre:

—ĭŃeere ĩarā waarā, ca yucū maniri yepapū mūja waari? ĭJīcā wājo wino ca paa puurije mena ca yugui nūcūri wājore ĩarā waarā mūja biiri? ²⁵ Tee méēre ĩarā mūja ca biijata, ĭŃeere ĩarā waarā mūja biiri? ĭJīcū añurije ca juti jāñagūre ĩarā waarā mūja

* 7:19 Ūmūreco Pacū cū ca tiicojo cojogu.

biirique? Maja, añurije juti jāñacāri ca niirā, cūja upuri ca boorore biro ca tii nucū yujurā, wiorā yaa wiijeripū cūja ca niirijere maja maji. ²⁶ ¿To docare ñee peere iarā waarā maja waari? ¿Jicū Æmureco Pacu yee quetire ca wede jūgueri majure iarā waarā maja biirique? Cū petire maja iarā waajacupa. Æmureco Pacu yee quetire wede jūgueri maja ca niirā ametuenero ca niigure. ²⁷ Juan, Æmureco Pacu wederiquepū o biro cūja ca ñi owa tuuricura niimi:

“Mure cū maa queno yuejato ñigu, yū yūu queti wederi majure mū jūguero cūre yū tiicojo.”†

²⁸ Jicū peera ati yepa macū, Juan ametuenero ca nii majuropeegu maniupi. To biro cū ca biicā pacaro, Æmureco Pacu cū ca doti niiri tabepura watoa macū ca niigu pee, Juan ametuenero ca niigu niimi —ñiupi Jesús.

²⁹ O biro cū ca ñiro tñorā, bojoca niipetirā, ñucā Roma maquēre wapa jee bojari majaru cāa, “Æmureco Pacu cū ca ñirije díamacūra nii,” ñi majiri, Juan're uwo coe dotiupa. ³⁰ Cūja pea o biro cūja ca biicāro, fariseos, doti cūuriquere ca juo buerā pea, Juan're uwo coe dotiupa. To biro biirā, Æmureco Pacu cūjare cū ca tii nemorugamirijere junaupa.

³¹ O biro ñi nūnua waaupi Jesús:

—¿Ati cuu macārā bojocare, ñee mena yū ñi cōñaguti? ¿Ñiruare biro cūja biiti?

³² Wimarā jicā yeparū epe duwirā cūja mena macārāre:

“Tōrogare jāa putimijāwū; maja pea maja bajatijāwū.

Boori bajare jāa bajamijāwū; maja pea maja otitijāwū,”

ca ñi ameri acarō bui cojo niirāre biro niima. ³³ Bojocare Uwo Coeri maju Juan, baariquere baati, ũje ocore jiniti, ca biigu dooupi. To biro cū ca biirijerena, “Ca wātī jāñagu niimi,” cūre maja ñiupa. ³⁴ Cū jiro yū doowū ñucā, yū, Ca Nii Majuropeegu Macū, baariquere ca baagu, ũje ocore ca jinigu. To biro yū ca biirijerena ñucā maja pea: “Ca baa pacagu, ca jini pacagu, ñañarā mena macū, Roma maquēre wapa jee bojari maja mena macū niimi,” yūre maja ñi. ³⁵ Biropua Æmureco Pacu yee majiriquea, cūre ca nūnūrā menaru bii ññocā —ñiupi.

Simón fariseo yaa wiipū Jesús cū ca waarique

³⁶ Jicū fariseo Simón ca wāme cutigu Jesús're: “Yū puto baagu dooya,” cūre ñiupi. To biro cū ca ñiricū cū yaa wiipū waari, baarique peorica pñi puto ea nuu eaupi. ³⁷ Tii macāre niipuo jicō nomio, ñañarije ca tiigo. Cō pea, “Fariseo yaa wiipū baagu waajagu Jesús,” cūja ca ñirijere tñori, alabastro cūja ca ñirica dadaro, ca juti añurijere cñocārico, jāa eaupo Jesús puto. ³⁸ Otigora, Jesús dñpori puto pee waari, cō cape oco menara cū dñporire weyupo. To biro tiicā cō poa menara tuu bopo, cū dñporire ũpū, ca juti añurije pio peo, tiipuo.

³⁹ To biro cō ca tiiro ñagu, “Yū yaa wiipū baagu dooya” Jesús're ca ñiricū fariseo pea:

—Ania díamacūra, Æmureco Pacu yee quetire wede jūgueri majura cū ca niijata, to biro ca biigo yūre padeñacumo, “Ñañarije ca tiigo niimo atio,” ñi majibocumi doca —ñi tūgoñaupi.

⁴⁰ To cōrora Jesús pea o biro cūre ñiupi fariseore:

—Simón, jicā wāme mure yū ñiruga —ñiupi.

To cū ca ñiro:

—Jau, Buegu, yūre wedeya —cūre ñiupi Simón.

⁴¹ Jesús pea o biro cūre ñi wede nūnua waaupi:

—Puarā ũmua, wapa moouparā wapa tiirica tiiri ca wajogure. Jicū quinientos rñmuri pade wapa taaricarō cōro, apñi pea, cincuenta rñmuri pade wapa taaricarō cōro, cūre wapa moouparā. ⁴² Cūja ca wajoricū pea cūre cūja ca wapa tiipe ũno cūja ca cñotiro macā, cūja pñarāpñurena “Yūre maja ca wapa moorijea to birora to biicājato, cūjare ñiupu,” mū pea ñiñaaqué yua. Mū ca tūgoñajata, ¿niipe bñaro peti cūre cū maigajati? —cūre ñi jāñaupi Jesús.

⁴³ To biro cū ca ñi jāñaro:

† 7:27 Mal 3.1.

—Yura, paio cūre ca wapa moomiricu pee cūre mai ametuenecumi —iupi.

To biro cūre cū ca iī yuro tuogu:

—Díamacūra mu iī —cūre iupi Jesús.

⁴⁴ To biro cūre iī, nomio peere iari, o biro cūre iupi Jesús, Simón're:

—¿Mu iati atiore? Mu yaa wii yu ca jāa dooro, yu dūpori yu ca coepe oco yure mu tiicojotijāw. Cō pea, cō cape oco menara yu dūporire weyori, cō poa ñapō menara tuu coe bopomo. ⁴⁵ Yu ca earo, yu wajopuare ūpū boca, mu tiitijāw. Cō pea, yu ca jāa earopura yu dūporire ca ūpū juojāgo, ūpū yerijāatimo. ⁴⁶ Ñucā yu dūpuga cāare ca jūti añuriye yure pio peo, mu tiitijāw. Cō pea, yu dūporire ca jūti añuriye pio peomo. ⁴⁷ To biri mure yu iī: Pañ ñañariye cō ca tiiriquere acobo ecomo, buaro yure cō ca mairo macā. Petoacā ñañariye ca tiiricure acobojata, petoacā cū ca mairijere iñomi —iupi.

⁴⁸ To biro cūre iī, o biro iupi nomio peere:

—Ñañariye mu ca tiirique acoboriquepu nii —cōre iupi.

⁴⁹ To biro cū ca iiro tuorā, aperā cū ca juoricarā pea o biro ameri iī jāiñaua:

—¿Ania ñiru uno peti cū niicāti nija, bojoca ñañariye cūja ca tiirijepu cāare ca acobocāgua? —ameri iupa.

⁵⁰ Jesús pea o biro iupi ñucā nomio peere:

—“Yure ametuenecārucumi,” mu ca iī tugoeña bayirije juori, mu ametuene eco. Tugoeñarique paitigora tua waagoja —cōre iupi.

8

Jesús're ca tii nemorucuricarā romiri

¹ Ate jiro Jesús pañ macāripure Umureco Pacu cū ca doti niiri tabe maquē añuriye quetire wede yujuupi. Cū buerā puā amo peti, dūpore puaga penituario ca niirā, ² ñucā nomia jicārā ca wātīa jāa ecoricarāre cū ca catioricarā romiri, cūre bapa cuti yujuupa. Cūja watoare waaupo María, ñucā cōra Magdalena ca wāme cutigo, jicā amo peti, ape amore puaga penituario ca niirā peti wātīa cūja ca witerico. ³ Apeo, wiogu Herodes yeere iā nūñjee bojari majū ca niiricu Cuza nūmo Juana, to biri apeo Susana niupa. Aperā pañ romiri cūja ca cūorije mena cūre ca tii nemorucuricarā niupa.

Oteri majure iī cōñari cū ca wederique

(Mt 13.1-9; Mc 4.1-9)

⁴ Pañ bojoca macāri macārā cōrora Jesús're iaruagarā waaupa. To biri pañ cūja ca nea pooro ati wāme iī cōñari, cūjare wedeupi Jesús:

⁵ —Jicū oteri majū cū otere otegu waaupu. Cū ca dee bate otero jicāgaari maapu ñaaupe. To biri bojoca teere ūta yaio batecā, ñucā minia cāa doo, teere baacā, tiicāuparā.

⁶ Apeye ñaaupe ūtā watoapu. Wiiñami, jita ūje meniroacā ca niiro macā, oco manima iiro jinicoaupu. ⁷ Ape gaari pota watoapu ñaaupe. Pota mena jicārira bucñañami, pota pee teere bucña ametua biato yaiocāupe. ⁸ Apeye pea añuri jitarure ñaacūmuupe. Tee añuro bucña, jicā jati cien apegari peti dica cutiupu —iupi.

Atere o biro iī yapano, tutuaro wederique mena o biro iupi Jesús:

—¿Ca amoperi cutirā tuoya yu ca iirijere!

¿Ñee tiiro iī cōñarique to niiti?

(Mt 13.10-17; Mc 4.10-12)

⁹ Cū buerā pea, “¿Ate iī cōñarique, do biro iirugaro to iiti?” cūre iī jāiñaua.

¹⁰ Jesús pea o biro cūjare iupi:

—Mujara Umureco Pacu cū ca doti niiri tabe maquē ca majiña maniriquere mūja ca majiro mūjare tiimi. Aperā peera iī cōñarique mena cūjare yu wede,

“Yu ca tiirijere ca iarā nii pacarā iā majiti,

yu ca wederijere tuo pacarā tuo majiti, cūja biijato iigu,” iupi.*

* 8:10 Is 6.9.

Oteri majure ñi cõñari cū ca wederiquere Jesús cū ca wede majiorique
(Mt 13.18-23; Mc 4.13-20)

¹¹ "Ate nii ñi cõñari yu ca wedejãrijere ca ñirugarije: Ote apegaaria, Æmureco Pacu wederique nii. ¹² Ote ape ca ñaarica maa pea, Æmureco Pacu yee quetire ca tuorã niima. Jiro Satanás doo, añurije queti cūja ca tuomiriquere emacacumi, teere díamacū tuo nunujeeri ametuarema ñigu.† ¹³ Ca utã cutiri yepa pea añurije quetire tuorã, ujea niirique mena ca tuorã niima. Bucuarucu ñami, nucõri manima ñiro ca jiniriquere birora, tee jãori ñañaro cūjare to ca bii earora, cūja ca tuo nunujeemiriquere yerijãacãma. ¹⁴ Ote ape ca ñaarica yepa ca pota yucu cutiri yepa pea, añurije quetire ca tuorã niima. Tuo pacarã tugoeñarique pai, pairo apeye cuoruga tugoeña, ati yepare cati niirã cūja upuri ca boorore biro cūja ca tii ujea niirije mena teere tii yaio batecãma. To biri dica manirora ca yairicarore birora biicãma. Bucua yapanotirora ca bii yairijere biro biima. ¹⁵ Ote ape ca ñaarica yepa ca jita añuri yepa pea, bojoca añuro yeri tugoeñarique cutiri, añurije quetire tuo, tee ca ñirore biro tii nunujee, to birora tugoeña bayicõa nii, ca biirã niiri añuro ca dica cutiricarore biro biima —cūjare ñi wedeupi Jesús.

Jãa boericagare ñi cõñari cū ca wederique
(Mc 4.21-25)

¹⁶ —Jicū peera jãa boericagare jotu mena buato dopo, ñucã cãni pejarica tabe doca pee dopo, tiirugu mée jãa boemi. Emuaro pee peorugu, ca jãa doorãre to boejato ñigu pee doca, jãa boemi. ¹⁷ Teere birora yaioropu ca niirije, majiña manirijera biicã yerijãa waa, biiti. Ñucã jicãrãra majirique cãa niipetirãpu majiña manirijera niicã nunua waa, biiti.‡ ¹⁸ To biri añuro tuoja: Yu yee quetire aperãre ca wede majiogura, buaro jañuro cū ca majipere tiicojorucumi Æmureco Pacu. To biro ca tiitigua, cū ca majiruga tugoeñamirijepura emã ecocoarucumi —cūjare ñiupi Jesús.

Jesús paco, cū bairã
(Mt 12.46-50; Mc 3.31-35)

¹⁹ Jesús paco, cū bairã cãre ñarã waamiupa. Pau bojoca cūja ca niiro macã, cū pãtoru ea waa majitiupa.

²⁰ To biri to ca niirã mena macū jicū:

—Mu paco, mu bairã mure ñarugarã, macãpu mure yue niima —cãre ñiupi.

²¹ To biro cū ca ñiro, Jesús pea o biro cãre ñi yuupi:

—Yu paco, yu bairã, Æmureco Pacu yee quetire tuori, tee ca ñirore biro ca tii nunujeerã niima —ñiupi.

Winore, oco ca jaberijere, Jesús cū ca yerijãa dotirique
(Mt 8.23-27; Mc 4.35-41)

²² Jicã rumu Jesús cū buerã mena cūmua pairicaru ea jãa, o biro cūjare ñiupi:

—Jamu. Utabucura ape nuñaru mani tã waaco —ñiupi. To biri tã waaupa. ²³ Cūja ca tã nunua waaro, Jesús pea cãnicoaupi. To biro cū ca bii ditoye tiirare, buaro ca wino paa puu cõa pooro oco jabe nunua dooupe. To biro ca biiro, cūmua peera pairo oco ñaajãa duuropu tiicãupe. ²⁴ To cõrora cū buerã pea Jesús're wãcõrã, o biro ñiupa:

—jBuegu, Buegu dua waarã mani bii nija! —cãre ñiupa.

To biro cūja ca ñiro Jesús pea wãcã, winore, ca jaberijere, yerijãa dotiupi. To cõrora wino, oco ca jaberije añuropu yerijãa peticoaupi.

²⁵ To biro ca biiro cū buerãre o biro ñiupi Jesús:

—¿"Manire ametuencãrucumi" mija ca ñi tugoeña bayirije do biro to biijãri? —ñiupi. Cūja pea to biro ca biirijere ña ucuã, ñee pee ñi majiticã, o biro ameri ñi jãiñiupa:

—¿Ñiru uno peti cū niibuti ania, winopura, oco ca jaberijepura, cū ca dotirore biro añuro cãre ca tuo nunujeero ca tiigua? —ñiupa.

† 8:12 To biri maa pãto ca ñaariquere minia cūja ca baa batericarore biro biima. ‡ 8:17 To biri yu wederique ca majiña manimiriquere niipetirãpu majirucuma.

Gerasa macũ ca wātĩa jãa ecoricũ
(Mt 8.28-34; Mc 5.1-20)

²⁶ Biirique peti Gerasa yepa, ũtabũcũra ape nuña peere Galilea yepa ãpõtĩñaro ca niiri yeparũre tĩa ea waaupa. ²⁷ Jesús cũ ca maa nũcãrije menara, jĩcũ bojocũ, tii macã macũ, ca wātĩa jãa ecoricũ cũre ũmaa bocaupi. Mee, yoaro juti jãñati, wiipũre niiti, maja operi watoaripũ nii, ca biigu niupi. ²⁸ Jesús're ãacãgũpũa, cũ ãjũro jupeari mena cũ jũguero ñaanuu waari, o biro ñi acaro buiupi:

—“¡Yũre pato wãcõtĩcãña Jesús, ũmũreco Pacũ ati ũmũreco niipetiropũre Ca Doti Niigu Macũ! ¡Ñañaro yũre tiiticãña,” mũre yũ ñi! —cũre ñiupi.

²⁹ Wātĩ atere to biro ñiupi, “To cõrora cũre witi waagũja,” Jesús cũre cũ ca ñiro macã. Paũ tiiri wātĩ cũpũre ñaajãa nũcã earucuupi. To biri no ca booro biiremi ñirã, cũ dũporire, cũ amorire, come daari mena cũja ca jiacãmijata cãare, teere tũa jude batecã, ca yucũ maniri yeparipũ cũ ca ũmaa duticã yai waarucuro, cũre tiirucuupi wātĩ.

³⁰ Jesús pea o biro cũre ñi jãĩnaupi:

—¿Do biro mũ wãme cõtiti? —cũre ñiupi. To biro cũ ca ñi jãĩñaro, cũ pea:

—Yũa, Legiõn yũ wãme cõtĩ —cũre ñi yũũupi. Atere o biro ñiupi, paũ wātĩa cũpũre cũja ca jãarique ca niiro macã.

³¹ Cũja pea:

—Ca ũcũari operũ jãare tiicojoticãña —ñi jãĩupa Jesús're.

³² Tii tabe macã buuro peere paũ ecaricarã yejea baa niupa. To biri wātĩa pea:

—Cũjarũre jãare jãa dotiya —ñiupa. Jesús pea cũjarũre cũjare jãa dotiupi. ³³ To cõrora wātĩa pea bojocũpũre ca niiricarã witi waa, yejea peere ñaajãa nũcã eaupa. Cũja ca jãarora, yejea pea tii buuro macã tũdipũ ũmaa mecũ bua waa, tiirapũ ñaañua, dua yaicoaupa.

³⁴ Yejeare ca cotemiricarã pea to biro ca biirijere ñari, ũmaa duti tua waa macã macãrãre, macã tũjaro macãrãpũ cãare teere cũjare wedeupa. ³⁵ Bojoca pea to biro ca biiriquere ñarã waaupa. Jesús pũto earã, wātĩa cũja ca witi weoricũ peera juti jãñacãricũpũre, ñucã añuro bojoca cati añugũpũ, Jesús pũto ca duwigũre cũre ñaupa. To biro cũ ca biiro ñarã, bũaro uwiupa. ³⁶ Ca wātĩa jãa ecoricũre Jesús cũre cũ ca catioro ca ñaricarã pea:

—O biro tii catio ecojãwi —cũjare ñi wedeupa. ³⁷ Teere tũorã, Gerasa yepa macãrã niipetirãpũra uwima ñirã:

—Waacoagũja. Anore niiticãña —ñiupa. To biri Jesús cũmuapũ ea jãa, waacoaupi.

³⁸ To biro cũ ca biiro, ca wātĩa jãñagũre cũ ca catioricũ pea:

—Yũ cãa, mũ mena yũ waarucu —bũaro Jesús're ñi jãimiupi.

³⁹ To biro cũ ca ñiro tũogũ, o biro cũre ñiupi Jesús:

—Dooticãña. Mũ yaa wii pee tua waari, ũmũreco Pacũ añuro mũre cũ ca tiirije niipetirore mũ jaarãre wedeya —cũre ñiupi.

To biro cũ ca ñiro waa, macã macãrã niipetirãre Jesús cũre cũ ca catioriquere cũjare wede peticãupi.

Jairo macõ, to biri Jesús jutirore ca padeñarico

(Mt 9.18-26; Mc 5.21-43)

⁴⁰ Jesús, ũtabũcũra ape nuña peere cũ ca tua tĩa earo, bojoca pea ũjea niirique mena cũre bocaupa, niipetirã cũre ca yue niiricarã niiri. ⁴¹ To biro cũ ca bii tĩa eari tabera jĩcũ, nea poo juu buerica wii wiogu Jairo ca wãme cõtigu, Jesús pũto eari, cũ dũpori pũto cũ ãjũro jupea mena ea nuu waari:

—Yũ yaa wiipũ dooya —cũre ñiupi. ⁴² Cũ macõ jĩcõra ca niigo, pũa amo peti, dũpore pũaga penituario ca niiri cũmari ca cũogo bii yaigopũ biiuo.

Toopũ waagũ cũ ca bii nũnũa waaro Jesús mena paũ bojoca ũta bijaroacã tuutu nũnũa waaupa. ⁴³ Cũja watoare niupo jĩcõ, pũa amo peti, dũpore pũaga penituario ca niiri cũmari peti ca dñi waa yerijãatirije ca diarique cõtigo. Cõre ũco tiiri majare wapa tiima ñigo, cõ ca cũmirique niipetirije tiicojo peoticãupa. Jĩcũ peera cõre ũco tii catiiticãupa.

⁴⁴ To biri Jesús jiro pee doo, cū jutiro yapare padeñaupo. Cō ca padeñarora, cōre ca dīi waa niirije jīcāto dīi taticoaupe.

⁴⁵ To cōrora o biro īi jāiñaupi Jesús:

—¿Ñiru yure cū padeñajāri? —īiupi.

Niipetirāpura: “Jāa padeñatijāwɯ,” cūja ca īiro macā, o biro cūre īiupi Pedro pea:

—Buegu, paɯ bojoca mure ca nɯnɯrā, ɯta bijaroacā cūja ca tuumicōa nɯnɯa waa pacaro, “¿Ñiru yure cū padeñajāri mɯ īi jāiñati?” —cūre īiupi.

⁴⁶ To biro cūre cū ca īi pacaro Jesús pea:

—Yee méé yɯ īi nija, jīcū yure padeñabujāwi. Yɯ ca tɯgoeña tutua maji niirije to ca waa ūmaa waaro yɯ tɯgoeñajāwɯ —īiupi.

⁴⁷ Nomio pea to biro cū ca īiro, do biro bii duti majitima īigo, nanagora cū pɯto pee waa, cū dɯpori pɯtopɯ cō ājuro jupeari mena tuetuu ea nuu waari, niipetirā cūja ca tɯoropɯ:

—O biirije diarique cɯtima īigo, mɯ jutirore yɯ padeñajāwɯ. Yɯ ca padeñarora, yɯ ca diarique cɯtirije yure ametuacoa —īi wedeupo.

⁴⁸ To biro cō ca īiro, Jesús pea o biro cōre īiupi:

—Macō, “Yure catiocārucumi,” mɯ ca īi tɯgoeña bayirijera mɯ ca diarique cɯtirijere mure ametuene. Tɯgoeñarique paitigora waagoja —īiupi.

⁴⁹ Ména, Jesús to biro cū ca īi niiri tabera, nea poo juu buerica wii wiogu Jairo yaa wii macā ea, o biro cūre īiupi:

—Mee, mɯ macō bii yaicoajāwo. Buegure pato wācō nemoticāña —cūre īiupi.

⁵⁰ Jesús pea teere tɯori, o biro īiupi Jairore:

—Uwiticāña. Díamacū tɯo nɯnɯjeeya, mɯ macō ametuacārucumo —cūre īiupi.

⁵¹ Jairo yaa wiipɯ eagu, ca bii yairico pacɯ, cō paco menare, Pedro, Juan, Santiago jāari wadore jāa waa dotiupi Jesús. ⁵² Niipetirā buaro tɯgoeñarique pairique mena cōre oti niipua. Jesús pea o biro cūjare īiupi:

—Otiticāña. Daquego bii yaigo méé biimo. Cānigo tiimo —īiupi.

⁵³ To biro cū ca īiro tɯorā, niipetirā cūre boca buicāupa Jesús're:

—Mee, bii yaicoajāwo —īima īirā. ⁵⁴ To biro cūre cūja ca īi bui pacaro, cō amore ñeeri, tutuaro wederique mena o biro īiupi Jesús:

—Daquego, wāmɯ nɯcāña —cōre īiupi.

⁵⁵ To biro cū ca īirora, cō pea cati tua eaupo; cati tua eagora wāmɯ nɯcā cō ca biiro Jesús pea:

—Cōre baarique ecaya —cūjare īiupi. ⁵⁶ Ca bii yaicoaricopɯra cō ca cati tuaro ĩarā, cō pacɯa pea ĩa ɯcɯa yaicoa, ñee pee ĩiticāupa. Jesús pea, to biro ca biiriquere: “Jīcū peerena wedeticāña,” cūjare īiupi.

9

Jesús cū buerāre cū ca tiicojo cojorique

(Mt 10.5-15; Mc 6.7-13)

¹ Jesús cū buerā, pɯa amo peti, dɯpore pɯaga penituario ca niirāre neori, yeri tutuarique, doti majirique cūjare tiicojoui, wātīa cūja ca niiro cōrorena cōa wiene maji, diariquere ametuene maji, cūja ca tii majipere biro īigu. ² To biro tii, ɯmureco Pacɯ cū ca doti niiri tabe maquēre wede, ca diarāre cūja diarique ametuene, cūjare tii dotigu tiicojoui. ³ O biro cūjare īiupi:

—Maa waarā mɯja ca cɯo waape ɯnora jee waaticāña: tuericagu ɯnora, wajopoa ɯnora, baarique ɯnora, wapa tiirica tiiri ɯnora, to biri juti mɯja ca wajoa jāñape ɯnorena, jee waaticāña. ⁴ Noo mɯja ca eari wiira niicāña. Tii wiira nii, apero waarāpɯ ñucā tii wiire mɯja witurucu. ⁵ Jīcā macā macārā ɯno mɯjare cūja ca bootijata, tii macāre witi waarāra, tii macā maquē jita mɯja dɯporipure ca ea tuarijere paa bate cūu, waacoarāja, “Mɯjare jāa ca wederijere mɯja ca tɯorugatirije juori, mɯja yee wapa ñañaro mɯja tamɯorucu,” cūjare īi majiorā —cūjare īi cojoui Jesús. ⁶ To biri cūja pea, macāri niipetirijepɯ waa, añurije quetire wede, ca diarique cɯtirāre cūja diarique ametuene, tii yujuupa.

Herodes cū ca tugoēña amarique
(Mt 14.1-12; Mc 6.14-29)

⁷ Wiogu Herodes, Jesús cū ca tii niirije niipetirijere queti tɔoupi. Teere tɔogu, do biro īi majitiupi: “Jīcārā Juan niiquīricu cati tuajapi,” ⁸ aperā pea: “Elías baua eagu biijapi,” ñucā aperā: “Tīrɔmɔpɔ macārā, Ɛmureco Pacu yee quetire wede juɔgeri maja niiquīricarā mena macū cati tuagu biijapi,” cūja ca īiro macā. ⁹ To biro cūja ca īiro tɔori, o biro īiupi Herodes pea:

—Yura, Juan dupugare yu paa taa dotiwu doca. To docare, ħñiru peti cū niigajati, to cōro pau cū ca tii niirijere cūja ca wederucurijere yu ca tɔogu pea? —īiupi. To biri Jesús're bɔaro cūre ĩarugarcumiupi Herodes.

Pau bojocare Jesús cū ca baarique ecarique
(Mt 14.13-21; Mc 5.30-43; Jn 6.1-14)

¹⁰ Cū buerā tua earā, cūja ca tiiriquere wedeupa Jesús're. Cū pea cūja wadore juo cojo, Betsaida ca wāme cutiri macā pee cūjare juo waacoaupi. ¹¹ Bojoca pea toopu cū ca waariquere majiri, cūre nɔnɔcoaura. Toopu cūja ca ẽmɔ ea waaro, añuro cūjare boca, Ɛmureco Pacu cū ca doti niiri tabe maquēre cūjare wede, ca diarique cutirāre cūjare catio, cūjare tiupi Jesús.

¹² Ca naio waaro ĩarā, cū buerā pua amo peti, dupore puaga penituario ca niirā pea Jesús puto waa, o biro cūre īiupa:

—Bojocare “Waarāja,” cūjare ĩiña. Waa, puto jañuri ca niiri macāri pee cūja ca cānipa taberi, cūja ca baapere, cūja amarā waajato ĩigu. Ano mani ca niiri tabera ñee uno mani —cūre īiupa.

¹³ To biro cūja ca īiro:

—Mɔjara cūjare baarique ecaya —cūjare boca īiupi Jesús.

Cūja pea o biro cūre īiupa:

—Pan jīcā amo cōro niirije, puarā wai, to cōroacāra jāa cuo, ano ca niirā niipetirā cūja ca baapere jāa ca wapa tiirā waatijata —īiupa Jesús're. ¹⁴ Ɛmua wadora jīcā amo cōro mil peti niupa. To cōro pau cūja ca niiro ĩa pacagu:

—Cincuenta niirāri wado cūjare duwi dotiya —īiupi Jesús, cū buerāre. ¹⁵ Cūja pea cū ca tii dotirote birora bojocare cūjare duwi dotiupa. ¹⁶ To biro cūja ca tii yapanoro ĩa, jīcā amo cōro ca niirije pan'gaarire, wai puarāre ami, ɔmureco tuti pee ĩa mɔeneri, “Ate jāare mɔ ca baarique tiicojorijere añurije jāare ĩa cōa peo bojaya” ĩi jāi yapano, teere pee bato, cū buerāre tiicojupi bojocare cūja bato cojojato ĩigu. ¹⁷ Bojoca niipetirā pea teere baa yapi peticoaura. Ca dujarije peera pua amo peti, dupore puaga penituario niiri pijeeri peti jeeupa ñucā cū buerā pea.

Pedro: “Cristo mɔ nii,” Jesús're cū ca ĩirique
(Mt 16.13-19; Mc 8.27-29)

¹⁸ Jīcā rɔmɔ, Jesús bojoricaro cū ca juu bue niiro cū buerā cāa cū mena niupa. Cū pea o biro cūjare ĩi jāiñaupi:

—ħBojoca, “Ñiru niimi,” yure cūja ĩrucuti? —īiupi.

¹⁹ To biro cū ca ĩi jāiñaro, o biro cūre ĩi yuupa cūja pea:

—Jīcārā, bojocare Uwo Coeri maju Juan niimi; aperā Elías niimi; ñucā aperā pea, “Tīrɔmɔpɔ macū Ɛmureco Pacu yee quetire wede juɔgeri maja ca niiquīricarā mena macū ca cati tuaricu niimi,” mure ĩima —cūre īiupa.

²⁰ To biro cūja ca īiro:

—Mɔja pea ħ “Ñiru niimi,” yure mɔja ĩiti? —cūjare ĩi jāiñaupi.

To biro cū ca ĩi jāiñaro, Pedro pea:

—Mua, Ɛmureco Pacu cū ca tiicojoricu, Cristo mɔ nii —cūre īiupi Jesús're.

Cū ca bii yaipere cū ca wederique
(Mt 16.20-28; Mc 8.30—9.1)

²¹ Jesús pea:

—Atere jĩcũ peerena wedeti majuropeecãña —cũjare ñiupi.

²² To biro ñicã ñucã:

—Yũ, Ca Nii Majuropeegu Macña, paũ ñañarije tamũo, judĩos're ca jũo niirãre, paia ãparãre, doti cũuriquere ca jũo buerãre, ña juna eco, jĩa cõa eco, yũ ca biipera niicãro bii. To biro cãja ca tiimijata cãare, itia rũmũ jiro yũ cati tuacoarucu ñucã —ñi wedeupi Jesús, cã buerãre.

²³ Jiro niipetirãre o biro ñiupi Jesús:

—Jĩcũ, yũ buegu ca niirũgu ãnoa, mũ majurope mũ ca tiirũgarijere yerijãari, to cãnacã rũmũra yũ yee jũori ñañaro tamũo pacagu, to birora tũgoeña bayicõa niĩña. ²⁴ Cã ca cati niirijere ca maigua, cã ca catipere buatirucumi. Yũ yee jũori ñañaro ca tamũo yaigua, ametũarucumi. ²⁵ ¿Bojocũre ñee pee añurije to tiiti, ati yepa maquẽ apeye niipetirijepũrena cũocã pacagu, cã majuropeera cã ca cati niirijere cã ca tii yaio nũcõcãjata? ²⁶ Jĩcũ yũre ca tuo nũñjeegu nii pacagu, yũ yee maquẽre, yũ yee quetire, wederũgatigu ca bobo nucũ yujugũra, yũ, Ca Nii Majuropeegu Macñ cãa, yũ ca boe baterije, yũ Pacũ cã ca boe baterije mena, ñucã Ñmũreco Pacũ pũto macãrã ca ñañarije manirã cãja ca boe baterije mena, yũ ca doori rũmũre yũre ca tuo nũñjeegu cã ca niirijere wederũgu, yũ bobo jañurucu. ²⁷ Díamacũ mũjare yũ ñi: Jĩcãrã ano ca niirã, Ñmũreco Pacũ cã ca doti niirijere ñatirãra bii yaitirucuma —ñi wedeupi.

Jesús cã ca baurije ca wajoarique

(Mt 17.1-8; Mc 9.2-8)

²⁸ Atere cã ca ñiricaro jiro, jĩcã amo peti, ape amore itiaga penituario ca niiri rũmũri ca nii waaro, ãtãgũpũ juu buegu waagu, Pedro, Santiago, Juan jãare bapa cãti waaupi Jesús. ²⁹ Toorpũ cã ca juu bue niirora, cã díamacũ cã ca bojoca baurije wajoacoaupe. Cã jutiro cãa bũaro boti ajiyaarito biicoaupe. ³⁰ To biro cã ca bii niiri tabera, ãmũa pũarã baua ea nũcã, Jesús mena wede peni niupa. Cãja pea Moisés, Elías niupa. ³¹ Bũaro ca ajiyaa boe baterije watoapũ niicãri, ñañaro Jerusalén'pũ Jesús cã ca bii yaipere wede peni niupa. ³² Pedro, to biri cã mena macãrã pea bũaro cãjare ca wũgoa eyo pacaro, to birora ñacã niima ñirã, Jesús cã ca boe baterijere, ñucã ãmũa pũarã cã mena ca niirãre ñaupã. ³³ Cũre cãja ca camotati waarora, Pedro pea cã ca ñirijere “To biirije yũ ñicu” ñiti pacagu, o biro ñiupi Jesús're:

—Buegu, anopũ manĩ ca niijata, añũ majuropeecã. To biri itia wii, wii pĩiri manĩ tiico. Mũ yaa wii jĩcã wii, ape wii Moisés yaa wii, Elías yaa wii, manĩ tiirucu —ñiupi.

³⁴ To biro cã ca ñi niirora, bueri bũrũa cãjare duwi ñaapea ea, paa ãmũa nũcõcãupa. Bueri bũrũa watoapũ niirã, bũaro uwiupa. ³⁵ To biro cãjare ca biiri tabera, bueri bũrũa watoapũ wederique o biro ñi cojupa:

—Ani niimi yũ Macñ, yũ ca beje amiricu. Cũre tuo ya —ñi wedeoupa. ³⁶ Tee wederiquere cãja ca tuo jiro, Jesús jĩcũra tua nũcãcãupi. Cãja pea atere cãja wado majicã niupa. Jĩcã cuu, to biro ca biirijere cãja ca ñariquere, jĩcã ãno peerena jĩcã wãme ãnora wederucu tiitiupa.

Wãmũ ca wãtĩ jãa ecoricũre Jesús cã ca catorique

(Mt 17.14-21; Mc 9.14-29)

³⁷ Ape rũmũ, ãtãgũ jotoapũ ca niiricãrã cãja ca duwi waaro, paũ bojoca Jesús're bocarã waupa. ³⁸ Jĩcũ bojoca watoapũ, Jesús're o biro ñi cojupi:

—Buegu, yũ macũ jĩcũra ca niigũre, cũre ñaña petopũra. ³⁹ Wãtĩ cãpũre ñaajãa nũcã eari, cã ca acarõ bui mecũro tii, cã ca dia ñaaro tii, ñucã cã ãjeropũ jopo witi, cã ca biro cũre tiimi. Ñañaro peti cũre tiicãmi. Cũre pitirũgati majuropeecãmi. ⁴⁰ Mũ buerã cãare, “Wãtĩre cõa wiene bojaya,” cãjare yũ ñimijãwũ. Cũre cõa wiene majitijãwa —cũre ñiupi.

⁴¹ To biro cã ca ñiro, Jesús pea o biro ñi yũũupi:

—¿Agõ nija, díamacũ tuo ti, ca bojoca ñañarã peti nii, ca biirã! ¿No cõro yoaro mũja mena nii, to biro mũja ca bii niirijere nũcã, yũ bii niigũti? Ano pee mũ macũre ami dooya —ñiupi.

⁴² Jesús puto cū ca ea nūnaa waarora, wātī pea ñucā yeparu cūre tii cōa cūu cojori, tutuaro cū ca yugui mecāro tiupi. To biro cū ca tii pacaro, Jesús pea wātīre tuti cōa wiene, cūre tii catio yapano, cū pacure cūre tueneupi.

⁴³ To ca niirā niipetirāpura ʘmureco Pacu do biro ca tiya manigu cū ca niirijere ĩa ucua, do biro pee ĩiticāupa.

Cū ca bii yaipere puati Jesús cū ca wederique

(Mt 17.22-23; Mc 9.30-32)

Niipetirāpura Jesús to biro cū ca tiirijere ĩa ucua, do biro pee ĩi majiti, cūja ca bii ditoye, o biro ĩiupi Jesús cū buerāre:

⁴⁴ —Atere añuro tʘori, acoboticāña. Yʘ, Ca Nii Majuropeegu Macūre jĳa dotirā, aperāpʘre yʘre tiicojorucuma —ĩiupi.

⁴⁵ Cūja pea to biro cū ca ĩirijere tʘo majitiupa, cūja ca tʘo majitipere biro ĩiro, cūja ca tʘo puoborijere tii acoboriquere biro cūjare ca niicāro macā. Ñucā apeyera “To biro mu ca ĩirijere jāare wede majioña,” Jesús're ĩi jāiñarugarā cāa, uwi jānuupa.

¿Ñiru pee cū niiti, ca nii majuropeegu?

(Mt 18.1-5; Mc 9.33-37)

⁴⁶ Ñucā Jesús buerā cūja majurope:

—¿Niipe mani mena macū ca nii majuropeegu cū niiguti? —ameri ĩi wede pai niuupa.

⁴⁷ Jesús pea to biro cūja ca ĩi tʘgoeña wede pai niirijere majiri, jĳcū wimagʘre cūre ami, cū puto nʘcōri, o biro cūjare ĩiupi:

⁴⁸ —No ca boogu yʘ wāme mena ani wimagʘre ca ñeegʘa yʘrena ñeegu tiimi. Ñucā yʘre ca ñeegʘa, yʘre ca tiicojoricu cāare ñeegu tiimi. To biri mʘja niipetirā watoare, watoa macūre biro ca niigu pee, ca nii majuropeegu niimi —ĩiupi Jesús, cū buerāre.

Manire ca junatigʘa, mani mena macū niimi

(Mc 9.38-40)

⁴⁹ Juan pea o biro ĩiupi:

—Buegu, jĳcū mu wāme mena ĩicāri, ca wātĳa cōa wiene niigʘre jāa ĩajāwʘ. Mani mena macū méé cū ca niiro macā, to biro cū ca tiirijere, “To biro tiiticāña” cūre jāa ĩimijāwʘ —ĩiupi.

⁵⁰ To biro cū ca ĩiro, Jesús pea o biro cūre ĩi yʘnupi:

—Cūre camotaaticāña. Manire ca junatigʘa, mani mena macū niimi —cūre ĩiupi Jesús.

Santiagore, Juan're, Jesús cū ca tutirique

⁵¹ Mee, Jesús ʘmureco tutipʘ cū ca tua mʘa waapa tabe ea waaro ca biiro tʘgoeña tutuarique mena Jerusalén'pʘ waagu, waa jʘo waaupi. ⁵² To waa nūnaa waagu, cūja jʘguero tiicojoui queti wede jʘgueri majare. Cūja pea Samaria yepa macā macāpʘ waaupa, cānirica tabe ama yuerā waarā. ⁵³ To biro cūja ca biiro, samaritanos pea “Jerusalén'pʘ waari mʘa niima,” ĩi ĩa majiri, cūjare ñeerugatiupa. ⁵⁴ To biro cūja ca biirijere ĩari, Jesús buerā Juan, Santiago jāa, o biro ĩiupa Jesús're:

—Wiogu, ¿Elías cū ca tiiquĩricarore biro ʘmureco tutipʘ maquē ca ʘurijere duwi doo dotiri, cūjare to ca joe batero jāa ca tiiro mu booti? —ĩiupa.

⁵⁵ To biro cūja ca ĩiro Jesús pea amojode nʘcāri, o biro cūjare ĩi tutiupi:

—Mʘja, wātĳi cū ca tʘgoeñari wāmerena ĩicārā mʘja ca ĩirijere mʘja majiti. ⁵⁶ Yʘ, Ca Nii Majuropeegu Macūa bojocare jĳagu doogu méé yʘ doowʘ. Cūjare ametuenegu doogu pee yʘ doowʘ —cūjare ĩiupi Jesús. To biro cūjare ĩi, ape macā pee waacoaupa ñucā.

Jesús're ca nūnarugamiricarā

(Mt 8.19-22)

⁵⁷ Maarʘ cūja ca waa nūnaa waaro, jĳcū o biro ĩiupi Jesús're:

—Wiogu, noo mu ca waari taberi cōro mu mena yʘ waagucu —cūre ĩiupi.

⁵⁸ To biro cū ca ĩiro, o biro cūre ĩi yʘnupi Jesús:

—Buu yairoa, cūja cāniri operi cūoma. Minia cāa, cūja die batiri cūoma. Уѣ, Ca Nii Majuropeegu Macū pea cānirica tabe unora уѣ cūoti —cūre iūupi.

⁵⁹ Apī peera:

—Уѣ mena pee dooya* —cūre iūupi Jesús.

To biro cū ca iiro:

—Wioгу, уѣ pacure уѣ yaa јuogu waaruga ména —cūre iūupi.

⁶⁰ To biro cūre cū ca iiro, o biro cūre iū yūupi Jesús:

—“Ca bii yairā majuropeera, ca bii yairāre cūja yaajato” iicāña. Mū pea waari, Умureco Pacу cū ca dotiri tabe maquē quetire wede yujugūja —cūre iūupi Jesús.

⁶¹ Apī o biro iūupi űucā:

—Wioгу, mū mena уѣ waaruga. Ména, уѣ yaa wii macārāre уѣ waarique wui јuogu waaruga —iūupi.

⁶² To biro cū ca iiro, o biro cūre iū yūupi Jesús:

—Ca jee cūu nūna waagu nii pacagu, cū jiro pee wado ca ĩa tuenecā niigua, Умureco Pacу cū ca dotiri tabe maquēre ca tiipu uno méé niimi —cūre iūupi.

10

Setenta y dos peti niirāre Jesús cū ca tiicojo cojorique

¹ Ate jiro űucā Wioгу, setenta y dos peti beje jeeri, puarāri wado cū ca waapa taberi macā macāripū cūjare tiicojo југueupi. ² O biro cūjare iūupi:

—Díamacū petira ote ca bucua yapanorije paу peti niicā. To ca bii pacaro, paderi maja pea petoacā niima. To biri oterique Урәre ca dicare ca jeerā dooparā paderi majare cū tiicojojato iirā, mūja cūre jāiña. ³ Waarāja mūja. Tūoya. Ecaricarā oveja punare biro ca niirāre, macānucū yaia* ca wiorā watoapure mūjare уѣ tiicojo. ⁴ Wajopoa unora, wapa tiirica tiiri mūja ca jāari poari unora, dūpo juti mūja ca wajoa jāña pee unora, jee waaticāña. űucā maapu cāare јicū peerena jāiña tua nucā, tiiticāña.

⁵ Jicā wiire jāa waarā, o biro cūjare iū añu doti јuoya: “Ati wii macārāre añuro niirique to niijato,” iñña. ⁶ Tii wiire јicāri cōro añuro ca niirā cūja ca niijata, añuro cūja ca niiro mūja ca boorije mūja ca boorore birora cūjare biirucu. Teere ca bootirā cūja ca niijata, añuro niirique mūja peera yai nucātirucu. ⁷ Mūjare cūja ca nii dotiri wiira niicāña. Tii wii macārā cūja ca cūorijera baa, jini, tiicā niñña. Paderi majua, cū ca paderije wapare wapa űee majimi. Wiijeri cōro waa nucū yuju tiiticāña.

⁸ Jicā macāre mūja ca earo, añuro mūjare cūja ca bocajata, baarique mūjare cūja ca ecarijera baa, ⁹ tii macā macārā ca diarique cutirāre catio, űucā o biro cūjare iū wedeya: “Mee, Умureco Pacу cū ca doti niirije mūja putora nii yerijāa,” cūjare iñña. ¹⁰ Jicā macāre mūja ca earo, tii macā macārā mūjare cūja ca bootijata, macā yepa pee waari, o biro cūjare iñña: ¹¹ “Mūjare jāa ca wederijere mūja ca tuorugatirije јuori mūja yee wapa űañaro mūja tamuorucu, mūjare iirā, mūja yaa macā maquē jita, jāa dūporipure ca ea tuarique menapurena jāa paa bate. Biirāpua atere majiñña, Умureco Pacу cū ca doti niirije mee mūja putora nii yerijāa,” cūjare mūja iū wederucu. ¹² Уѣ pea o biro mūjare уѣ iū: “űañaro tamuorica rūmū ca niiro, Sodoma macārā ametuenero űañaro tamuorucuma tii macā macārā,” уѣ iū —cūjare iūupi Jesús.

Ca ametuene nucāri macāri
(Mt 11.20-24)

¹³ —¡Abé nija mūja Corazín, Betsaida macārā! Mūja watoare ca ĩa űaña manirije уѣ ca tii bau niiriquere Tiro, Sidón macārā peere cūjare уѣ ca tii iñojata, tīramapura űañarije cūja ca tiiriquere tūgoeña yeri wajoari, Умureco Pacу peere tuo nūnjebojacupa. Cūja ca tūgoeña wajoarijere iñorā, boori juti jāña, ōwarena duwi, biibojacupa. ¹⁴ To biri Умureco Pacу cū ca ĩa bejeri rūmū ca niirore, Tiro, Sidón macārā ametuenero űañaro mūja ca tamuore niirucu. ¹⁵ Mūja Capernaúm macārā, “¿Умureco tutipu jāa

* ^{9:59} Mt 8.22. * ^{10:3} Lobos.

ami m̄a waa ecorucu,” m̄ja ñi t̄goeñati? M̄ja biiticu. Ca ñc̄ari opere b̄aro ca ñc̄a majuropeeri taber̄u m̄ja duwi n̄c̄oarucu.

¹⁶”M̄ja ca wederijere ca t̄orã, ȳrena t̄orã tiima. M̄jare ca junarã, ȳrena junacãrã tiima. Ȳre ca junarã, ȳre ca tiicojoric̄ur̄e c̄re junarã tiima —c̄jare ñi wedeupi Jesús.

Setenta y dos niirã c̄ja ca tua earique

¹⁷Jiro, setenta y dos niirã, b̄aro ñjea niirique mena o biro ñi tua eaupa:

—Wioḡu, m̄ wãme mena jãa ca ñjata, wãt̄ar̄u cãa, jãa ca dotirore biro biicãma —ñiupa.

¹⁸To biro c̄ja ca ñiro, o biro c̄jare ñiupi Jesús:

—Satanás, ñm̄reco tutip̄u ca niimiricu, b̄aro c̄u ca yaberore biro c̄u ca bii ñaaduwi dooro c̄re ȳ ñajãw̄u. ¹⁹T̄goeña yeri tutuariquere m̄jare ȳ tiicojow̄u, ña, cotiara jotoara waa, ñucã mani waparã ȳw̄ wãt̄i c̄u ca tutuarijere ñañaro tam̄oricaro maniro, m̄ja ca bii amet̄ua n̄c̄ãp̄ere biro ñiḡu. ²⁰Wãt̄ia yeri m̄ja ca dotirore biro c̄ja ca biirijerena ña ñjea niiticãña. Mee, m̄ja wãme ñm̄reco Pac̄u p̄tor̄u owa tuurique ca niirije pee docare ñjea niina —ñiupi.

Jesús c̄u ca ñjea niirique

(Mt 11.25-27; 13.16-17)

²¹Tii nimarora, Añuri Yeri j̄ori b̄aro ñjea niirique mena o biro ñiupi Jesús:

—M̄re ȳ baja peo n̄c̄ũ buo Cáacu, ati ñm̄reco, ati yepa ñp̄re. Ca majirãre, ca t̄o puorãre, m̄ ca yaioriquere watoa macãrã peere m̄ ñño. Ñḡjá, ñu Cáacu, o biirijera ca biiro m̄ boow̄u.

²²”Ȳ Pac̄u, niipetirijep̄re ȳre tiicojowi. J̄ic̄u ñno peera, c̄u Mac̄u ȳ ca niirijere majitima. Ȳ Pac̄u wado majimi. Ñucã j̄ic̄u ñno peera, ȳ Pac̄u c̄u ca niirijere majitimi. Ȳ c̄u Mac̄u, to biri c̄u Mac̄u ȳ ca boorã wadore c̄ja ca majiro ȳ ca tiirã wado majima —ñi ñjea niupi.

²³To biro ñi yapano, amojode n̄cã, c̄u buerã wadore o biro c̄jare ñiupi:

—Ñjea niina m̄ja, ano m̄ja ca ñarijere ca ñarã. ²⁴Pau ñm̄reco Pac̄u yee quetire wede j̄ugueri maja, wiorã, ate m̄ja ca ñarijere ñarugamiupa. To biro bii pacarã ñatiupa. Ñucã ate m̄ja ca t̄orijere t̄orugamiupa. To biro bii pacarã t̄otiupa —c̄jare ñiupi Jesús.

Ca bojoca añuḡu samaritanore ñi c̄oñari c̄u ca wederique

²⁵J̄ic̄u doti c̄uriquere ca j̄uo bueri maj̄u Jesús mena wede peniḡu waaupi. C̄u pea, “¿Do biirije peti ȳre c̄u ȳuḡuti?” ñiḡu, o biro c̄re ñi jãñiupa:

—Bueḡu, ¿ñee ȳ tiigajati, to birora catic̄õa niiriquere c̄oruḡu? —ñiupi.

²⁶To biro c̄u ca ñiro Jesús pea o biro c̄re ñi ȳuupi:

—¿Doti c̄uriquer̄e do biro ñi owarique to niiti? ¿M̄a teere, “Do biirije ñi,” m̄ ñi bue t̄o jeeñoti? —ñiupi.

²⁷To biro c̄re c̄u ca ñiro, doti c̄uriquere j̄uo bueri maj̄u pea o biro c̄re ñi ȳuupi:

—“Ñp̄u, m̄ ñm̄reco Pac̄u m̄ yeri niipetiro mena, m̄ ca catirije niipetiro mena, m̄ ca tutuarije niipetiro mena, m̄ ca t̄goeñarije niipetiro mena, c̄re maiña.† Ñucã m̄ p̄to macãrã cãare m̄ up̄re m̄ ca mairore birora c̄jare maiña,” ñi owarique niit̄ —c̄re ñi ȳuupi.

²⁸To biro c̄u ca ñiro t̄oḡu, o biro c̄re ñiupi Jesús:

—Díamac̄ura m̄ ñi. Teere m̄ ca tiijata, to birora catic̄õa niiriquere m̄ c̄orucu —ñiupi.

²⁹C̄u pea, “Ca bojoca añuḡu niimi” ȳre c̄u ñjato ñiḡu, o biro c̄re ñi jãñi nemoupi ñucã Jesús're:

—¿Ñiru c̄u niiti, ȳ p̄to mac̄u? —ñiupi.

³⁰To biro c̄u ca ñiro, o biro c̄re ñi ȳuupi Jesús:

—J̄ic̄u bojocu Jerusalén ca niiricu Jericó pee waagu bua n̄ñna waaup̄u. Toor̄u c̄u ca waaro, j̄icãrã jee dutiri maja c̄re ñeeri, c̄u ca c̄omiriquere, to biri c̄u juti menar̄u ña peti, c̄re paa, ca bii yabogup̄u c̄re tii c̄õa c̄u, waacoauparã. ³¹To biro c̄re c̄ja ca tii c̄õa c̄u waaro jiro, j̄ic̄u pai tii maarena waaup̄u. C̄re ñaḡu, woa amet̄ua waacoaup̄u.

† 10:27 Dt 6.5. ‡ 10:27 Lv 19.18.

³² Cũ ca ametua waaro jiro ñucã levita cãa cũ ca niiri tabere eaupũ. Cũ cãa cũre ñagura, woa ametua waacoaupũ. ³³ Cũja jiro, Samaria macũ cãa tii maarena ca waagu, cũre ñagura, buaro cũre boo paca ñaupũ. ³⁴ To biri cũ puto pee waa, cũ camire uje oco, to biri uje mena cũre uco tiiupũ. Cũre uco tii yapano, jutiro daa mena cũ camire dudua, jiro cũ yũ burro jotoara cũre ami peo, amicoaupũ, waa yujuri maja cũja ca cãniri wiipũ. Toopũ cũre ami eari, cũre coteupũ. ³⁵ Ape rãmũ Samaria macũ pea waa yujuri maja cũja ca cãniri wii upũre pua rãmũ pade wapa taaricarõ cõro wapa tiirica tiiri cũre tiicojo, o biro cũre ñiupũ: “Anire añuro cũre coteya. Apeye cũ juori mũ yeere mũ ca tii batejata, tua doogu mũre yũ wapa tiirucu,” ñiupũ. ³⁶ To biicãri yua, ¿anija itiarã watoare, jee dutiri maja cũja ca paa jãa cõa cũuricũre, niipe cũ puto macũre biro cũ tiijapari? —cũre ñi jãĩñaupi Jesús.

³⁷ To biro cũre cũ ca ñi jãĩñaro, doti cũuriquere ca juo buegu pea:

—Cũre ca boo paca ñaricũ pee —cũre ñi yũũupi.

To biro cũ ca ñiro:

—Mũ cãa, waa, cũ ca tiiricarore birora tiigũja —cũre ñiupi Jesús.

María, Marta jãa yaa wiipũ Jesús cũ ca earique

³⁸ Jesús cũ buerã mena waa nunua waagu, jĩcã macãpũ cũ ca earo, Marta ca wãme cutigo, cõ yaa wiipũ cũre cãni dotiupo. ³⁹ Marta, jĩcõ baio cutiupo, María ca wãme cutigo. Cõ pea Jesús puto ea nuuri, cũ ca ñirijere tuocã duwiupo. ⁴⁰ Marta pea paũ paderique cõ ca tiirije pee wadore ña nunujee pade niima ñigo, cõ baio to biro cõ ca bii weoro ñari, Jesús puto pee waa, o biro cũre ñiupo:

—Wiogu, ¿mũra, yũ baio ate niipetirije paderiquere yũre tii nemori mée, yũ jĩcõrena cõ ca cũujata, to añucãti? “Cõre tii nemogoja,” cõre ñiña petopũra —cũre ñiupo.

⁴¹ To biro cõ ca ñiro tuogu, o biro cõre ñi yũũupi Jesús:

—Marta, mũra paũ peti paderique cuoma ñigo, buaro mũ tuogoñarique pai. ⁴² Jĩcã wãmera tiiricarõ añu. Ca nii majuropeerije peere buamo María. To biri jĩcũ uno peera cõre ematirucumi —cõre ñiupi.

11

Juu buerique maquẽre Jesús cũ ca buerique

(Mt 6.9-15; 7.7-11)

¹ Jĩcãti, jĩcã taberũ juu bue niupi Jesús. Cũ ca juu bue yapanoro, jĩcã cũ buegu o biro cũre ñiupi:

—Wiogu, Juan cũ buerãre cũ ca buericarore biro jãa cãare juu bue bueya —ñiupi.

² To biro cũ ca ñiro, o biro cũjare ñiupi Jesús:

—Juu buerã o biro ñiña:

“Cáacũ, umũreco tutipũ ca niigu, mũ wãme ñi nucã buorica wãme to niijato.

Mũ ca dotirije to doojato. Umũreco tutipũre mũ ca boori wãme mũ ca tiimore birora tiija ati yepa cãare.

³ Jãa ca baapere to cãnacã rãmũra jãare tiicojõya.

⁴ Ñañarije jãa ca tiiriquere jãare acobõya, jãa cãa, niipetirãpũrena ñañaro jãare cũja ca tiirijere jãa ca acoborucurore birora.

Ñañarije ca bii bui yeerijere jãa ca tiiro jãare tiiticãña; tiitigũra ñañarije jãare ametũeneña,” ñi juu bueya —cũjare ñiupi Jesús.

⁵ O biro cũjare ñiupi ñucã:

—Jĩcũ mũja mena macũ, cũ mena macũ cũ ca cuojata, ñami decomacã cũ puto waari, o biro cũre ñibocumi: Yũ mena macũ, itiaga pan'gaari yũre wajõya. ⁶ Yũ mena macũ yoaropũ ca dooricũ yũ yaa wiire eami, yũ pea cũre yũ ca escape uno yũ cuoticã. ⁷ To biro cũ ca ñiro, wii jupearũ ca niigu pea: “Yũre pato wãcõticãña. Mee, jope biaricaropũ nii. Yũ puna, yũ cãa, cãnirã jãa tii. Wãcãñaari mũre yũ tiicojõgu waa majiti,” cũre ñi yũubocumi.

⁸ Cũ mena macũ nii pacagu, wãcãri cũ ca tiicojõrugatirije ca nii pacaro, to birora cũre cũ ca ñi pato wãcõcã niirije ca niiro macã, wãcãri, cũ ca boorije cõro cũre tiicojõcumi.

⁹ ”To biri o biro mɔjare yu ïi: Ɛmureco Pacure jãina, mɔja ca jãirijere mɔjare tiicojorucumi. Amaña; amarã mɔja buarucu. Joperu eari juoya, mɔja pãa ecorucu. ¹⁰ To biri ca jãigu cõrora, cõ ca jãirijere tiicojo ecomi; ca amagu cãa, cõ ca amarijere buami. To biri ñucã jopere eari ca juogu cãa, jope pãa ecomi.

¹¹ ”¿To docare mɔja, ca puna cutirã, mɔja puna, baarique cõja ca jãijata, ãtãgarena mɔja tiicojocãgajati? ¿Wai cõja ca jãijata, añarena mɔja tiicojocãgajati? ¹² ¿Ñucã ãbocu die cõja ca jãijata, cotiaparena cõjare mɔja tiicojocãgajati? ¹³ Mɔja, ca bojoca ñañarã nii pacarã, mɔja punare añurije cõjare mɔja tiicojo maji. Mɔja Pacu Ɛmureco tutipu ca niigu doca, ametuenero Añuri Yerire mɔjare tiicojorucumi, cõre ca jãirãre —cõjare ïupi Jesús, cõ buerãre.

Jesús, to biri Beelzebú
(Mt 12.22-30; Mc 3.20-27)

¹⁴ Jicãti Jesús, jicũ Ɛmure ca wedetigu cõ ca tuaro ca tiiricu wãtãre cõa wienegu tiupi. Wãti cõ ca witi waarora, ca wedetimiricu wedecoaupi. To biro cõ ca biiro, bojoca pea ïa ucua, ñee pee ïiticãupa. ¹⁵ To cõ ca biiro, jicãrã o biro ïiupa:

—Anira, Beelzebú, wãtia wiogu majuropeera cõ ca yeri tutuarijere cõre tiicojojapi. To biri wãtiãre cõa wiene majimi —ameri ïiupa. ¹⁶ Aperã pea, “¿No cõro majicãri cõ tiiti?” ïirã, cõre ïi ñaarã, “Ɛmureco tutipu maquẽ ca bii ñõrije ca ïa ñaaña manirije jãare tii bau nii ñõña,” ïiupa Jesús're.

¹⁷ Cõ pea to biirije cõja ca ïi tũgoeñarijere ca majicãgu niiri, o biro cõjare ïupi:

—Jicã yepa macãrãra, cõja majuropeera camotaticãri cõja ca ameri ïa tuti nijata, cõja majuropeera ameri jãa peticã yai waacuma. Ñucã jicã wii macãrãra cõja ca ameri tutijata, jicã wiira nii majiticuma. ¹⁸ To birora Satanás cãa cõ majuropeera cõ yaarã menara cõ ca ameri quẽejata, ¿to docare do biro pee tiicãri, yoaro cõ doti tutua maji niibogajati? Atere o biirije mɔjare yu ïi: “Beelzebú cõ ca yeri tutuarije mena wãtiãre cõa wienemi,” yure mɔja ca ïiro macã. ¹⁹ To docare to biro to ca biijata, “Mɔja ca buerijere ca tuo nũnjeeerã peera, ¿ñiru cõ tiicojoti wãtiãre cõja ca cõa wiene tutua majipere?” To biri cõjara, ñañaro mɔjare tiicãrucuma. ²⁰ Ɛmureco Pacu cõ ca tutuarije mena wãtiãre yu ca cõa wienerije to ca nijata, “Mee, Ɛmureco Pacu cõ ca doti niirije mɔjapure ca ea yerijãarijere ïiro bii.”

²¹ ”Jicũ Ɛmu ca tutuagu, añuro beju cuticãri, cõ yaa wiire cõ ca cotejata, cõ yee añuro niicã. ²² To ca bii pacaro, apĩ cõ ametuenero ca tutuagu ea, cõre cõ ca quẽe ametuene nũcãcãjata, cõ beju, “Tee juori yu ametuarucu,” cõ ca ïi tũgoeña bayimiriquere ãma, cõ yee ca niimirique niipetiro menara tuacãcumi.

²³ ”Yu mena ca niitigua, yure ca junagu niimi. Yu mena ca jee neo niitigua, no ca boorora dee batecãmi.

Wãti cõ ca tua earije
(Mt 12.43-45)

²⁴ ”Jicũ wãti bojocupure ca niiricu witi waagu, ca bopori yeparipu waa yujucumi, cõ ca yerijãa niipa tabere ama yujugu. Tii tabe buatigu, o biro ïi tũgoeñacumi: “Jau, yu yaa wii yu ca witi weorica wiipura yu tua waarucu ñucã,” ïicumi. ²⁵ Tua eagu, jicã wii añuro owa batecã, añuro quenocã, tiirica wiire biro cõ ca niiro cõre ïacumi. ²⁶ To biri waa, aperã wãtia jicã amo peti, ape amore puaga penituario niirã cõ ametuenero ñañarã petire cõjare juo neo, cõja mena jicãri bojocupure jãacuma, cõpurre niirã waarã. To biri juoero cõ ca biiricaro ametuenero ñañaro peti tamucumi yua —cõjare ïi wedeupi Jesús.

Díamacãra ɔjea niirique

²⁷ Atere Jesús cõ ca ïi niiro, jicõ nomio bojoca watoapu o biro ïi acaro buiupo:

—Buaro ɔjea niicumõ, mure macũ cutiri, mure ca ãpũo majorico —ïiupo.

²⁸ Jesús pea o biro cõre ïi yũupi:

—Ɛmureco Pacu wederiquere tuori, tee ca ïirore biro ca tii nũnjeeerã pee doca ɔjea niima —cõre ïupi.

Ca bojoca ñañarã, tii bau nii ññoriquere cūja ca ĩarugarique
(Mt 12.38-42; Mc 8.12)

²⁹ Pañ bojoca Jesús p̄tor̄p̄ cūja ca nea poo n̄n̄na dooro ĩa, o biro cūjare ĩi wede j̄uo waaupi:

—Ati r̄m̄uri macārã bojoca ñañarã peti niima. J̄icã wãme ca ĩa ñaña manirije tii bau nii ññoriquere booma. To biro cūja ca ĩimijata cãare, ape wãme tii ĩño nemoña manirucuma, Jonás cū ca biirique ñno wadore ĩarucuma. ³⁰ Jonás, Nínive macārãre cū ca bii ññoricarore birora, ȳ, Ca Nii Majuropeeḡ Mac̄ cãa ati cuu macārãre ȳ bii ññorucu. ³¹ Æm̄reco Pac̄u ati cuu macārãre cū ca ĩa bejeri r̄m̄u ca niiro, upo Sabá macō cati tuari, ñañaro m̄jare tiirucumo. Cō pea, ca yoarop̄ ca niiricora dooupo, Salomón cū ca majirijere t̄uor̄go. M̄ja pea, Salomón amet̄enero ca majiḡure m̄ja p̄to ȳre m̄ja c̄o. ³² Nínive macārã cãa, ati cuu macārãre Æm̄reco Pac̄u cū ca ĩa bejeri r̄m̄u ca niiro cati tuari, ñañaro m̄jare tiirucuma. Nínive macārã pea Jonás cū ca wederijere t̄uo, ñañarije cūja ca tiiriquere t̄ugoeña yeri wajoari, Æm̄reco Pac̄u peere t̄uo n̄n̄j̄eeupa. M̄ja, Jonás amet̄enero ca niiḡure m̄ja p̄to ȳre m̄ja c̄o —cūjare ĩupi.

Up̄re ca boerije
(Mt 5.15; 6.22-23)

³³ —J̄ic̄u peera j̄ia boericagare, yaiorop̄ cūu, upa coro docap̄ cūu, tiiruga méé j̄ia tuami. Em̄aro pee peomi, bojoca ca j̄aa doorãre to ñ̄ boejato ĩiḡu. ³⁴ M̄ja cape m̄ja up̄re ca j̄ia boerije nii, m̄ja cape añurije pee wadore ca ĩa majirije to ca niijata, m̄ja up̄ niipetiro añurije wadore tii niirucu. M̄ja cape ñañarije to ca niijata, m̄ja up̄ niipetiro ñañarije wado tiirucu. M̄ja yeri Æm̄reco Pac̄u mena añuro to ca niitijata, añurijere m̄ja tii majitirucu. ³⁵ Bojoca catiri niiña, Æm̄reco Pac̄u yee m̄ ca majirije j̄ia boeriquere biro m̄p̄re ca niirije ca nait̄arije peere biro biire ĩiḡu. ³⁶ To biri m̄ up̄ niipetirop̄ra, ca nait̄arije ñnoacã c̄oricaro maniro ca boerijere to ca c̄ojata, ca ñ̄ boerica añuro m̄re ca ñ̄ boero añuro m̄ ca ĩac̄arore birora añurije wadore m̄ tii maji niirucu —cūjare ĩupi Jesús.

Fariseos, to biri doti cūuriquere ca buerã cūja ca tiirijere Jesús cū ca wederique
(Mt 23.1-36; Mc 12.38-40; Lc 20.45-47)

³⁷ Jesús to biro cū ca ĩi wede yapanoro, j̄ic̄u fariseo: “Ȳ yaa wiip̄ baaḡ dooya,” cūre ĩupi. To biro cū ca ĩiro cū mena waa, cū yaa wiip̄ j̄aa waa, baarique peorica p̄i p̄to ea nuu waaupi. ³⁸ To biro cū ca biiro fariseo pea, baarugarã j̄ugero cūja ca amo coerucurore biro cū ca tiitiro ĩari, “¿Ñee tiiḡu to biro cū biiti?” cūre ĩi ĩa muiupi.

³⁹ Wioḡu pea, o biro cūre ĩupi:

—M̄ja fariseos, bau niiro niirã wado, añuro m̄ja tiirique cuti. Jot̄u baparire jotoare coecã pacarã, jupea peere ca coeya manirijere biro m̄ja bii. To biri m̄ja yeri peera m̄ja ca boo t̄ugoeñarije, ñañarije m̄ja ca tiirugarije pee wado nii amet̄ene n̄cãcã. ⁴⁰ ¿Ca t̄ugoeña bojoca catitirã! ¿“Jotoare ca tiiric̄ara, jupea cãare tiijacupi,” m̄ja ĩi majititi? ⁴¹ Ca boo pacarãre tii nemorã, m̄ja yerip̄ cūjare m̄ja ca mai ĩarije mena tiya. To biro tiirã, niipetirijep̄rena añurã m̄ja niirucu.

⁴² “Ñañaro m̄ja biirucu m̄ja fariseos, Æm̄reco Pac̄ure, p̄u ca j̄uti añurije menta, ruda, ñucã m̄ja ote ca niiro c̄ororena p̄a amo c̄oro ca niirijere j̄icã tabe wado jee dica woori ca tiicojorã nii pacarã, añurije peera tii n̄n̄jeeti, Æm̄reco Pac̄u cū ca mai dotirique peera tiiti, m̄ja ca biirije j̄uori. Atere ca tii niiparã m̄ja nii, apeye m̄ja ca tii niirucurijere cãare tii yerij̄aatirãra.

⁴³ “Ñañaro m̄ja biirucu m̄ja fariseos, nea poo juu buerica wiijerip̄re añuri taberip̄ wado duwiruga, ñucã wiije watoa macã yepari waarã cãa, bojoca añuro n̄c̄u b̄orique mena m̄jare añu doti, cūja ca tiiro ca boorãre.

⁴⁴ “Ñañaro m̄ja biirucu m̄ja, m̄ja ca ĩirore biro ca tiitirã, m̄ja ope ca bautiro bojoca tii ope jotoara waa pacarã, “Tii ope niicu,” ĩi majiri méé cūja ca ñta amet̄a waarore biro ca biirãre —ĩupi Jesús.

⁴⁵ To biro cū ca ĩiro, jĩcū, doti cūuriquere ca j̄uo buegu o biro cūre ĩi ȳuupi Jesús're: —Buegu, atere o biro ĩigu j̄aa menap̄urena ajienerije m̄u ĩi j̄ii —cūre ĩiupi.

⁴⁶ To biro cū ca ĩiro, Jesús pea o biro cūre ĩiupi:

—Ñañaro m̄ja biirucu m̄ja, doti cūuriquere ca j̄uo buerā cāa. Aperāre tii dotirā, m̄ja ca ĩirore biro ca tii peoti majiña manirijep̄ure ca tii dotirā nii pacarā, m̄ja pea m̄ja ca dotirijere petoacā tiirugarucu, m̄ja tiiti majuropeecā.

⁴⁷ ”Ñañaro m̄ja biirucu, m̄ja ñicū j̄aa niiquĩricarā ̄M̄ureco Pac̄u yee quetire wede j̄ugueri majare cūja ca j̄aricarā maja operi jotoarire wiijeri ca tii peo n̄n̄jeerā. ⁴⁸ To biro m̄ja ca tiirije mena m̄ja ñicū j̄m̄ua cūja ca tiiriquere “ ‘Añu majuropeecā,’ ca ĩirā niima,” ĩi ĩa majiricarō m̄ja tii. Cūja, ̄M̄ureco Pac̄u yee quetire wede j̄ugueri majare j̄iaupa. M̄ja pea cūja maja operire m̄ja queno n̄n̄jee. ⁴⁹ To birira ̄M̄ureco Pac̄u cū ca majirije mena o biro ĩiupi: “Ȳu yee quetire ca wede j̄ugueparā, ȳu yee añurije quetire ca wedeparāre ȳu tiicojorucu. To biro ȳu ca tiirāre j̄icārāre cūjare j̄ia, aperāra ñañaro tiirugarā cūjare n̄n̄u, tiirucuma,” ĩiupi. ⁵⁰ To biri ̄M̄ureco Pac̄u, ati yepare cū ca tii j̄uori tabep̄ura ca biipere wede j̄ugueri majare cūja ca j̄ia d̄i tii bate n̄n̄ua dooricarā niipetirā yee wapa, ⁵¹ Abel niiquĩric̄u d̄i wapa menap̄u, to biri Zacarías're waibucurā joe m̄enerica tutu mena, to biri ca ñañarije maniri jawi* watoare cūja ca j̄iaquĩric̄u d̄i menap̄u, ati cuu macārā bojocare wapa j̄airucumi. To biri cūja, cūja ca bii yairique wapare ati cuu macārāp̄ure wapa j̄airucumi ̄M̄ureco Pac̄u,” m̄jare ȳu ĩi.

⁵² ”Ñañaro m̄ja biirucu m̄ja doti cūuriquere ca j̄uo buerā majiriquere ca jee uparicarā. M̄ja majuropeecā t̄uo majiti, ñucā ca t̄uo majirugarāre díamacū wede majioti, m̄ja biicā —ĩiupi Jesús.

⁵³ Atere to biirije cūjare ĩi, to ca niiric̄u cū ca witi waaro, doti cūuriquere ca j̄uo buerā, to biri fariseos b̄uaro ajiari, pāu wāmeri cūre j̄aiña pato wācō j̄uo waaupa, ⁵⁴ “Bojoricarō cū ca ĩi bui cutiro, cūre mani wedejāajaco,” ĩirā.

12

“Fariseos cūja ca ĩi dito buerijere t̄uo majiña,” Jesús cū ca ĩirique

(Mt 10.26-27)

¹ To biro cū ca ĩi niiri tabera, pāu bojoca cūja majuropeera ameri waa doca jañurip̄u Jesús p̄utore bii nea poo n̄n̄ua dooupa. To biro cūja ca biiro Jesús pea, cū buerā peere o biro cūjare ĩi wede j̄uoupi:

—T̄uo majiña fariseos yee baarique ca wauaro ca tiirije cūja ca c̄uorije menare, o biro pee ĩjata, watoara cūja ca bii dito niirijere. ² J̄icā wāme ̄no peera, j̄icārāra majirique majiña manirijera biicā yerijāawa, ca biirije mani. Ñucā yaiorop̄u ca niirije cāa, majiña manirijera biicā yerijāa waa, biiti. ³ To biri niipetirije ca nait̄iarop̄u m̄ja ca ĩiriquere, añuro ̄m̄ureco ca boerop̄u t̄uorique niirucu. Ñucā m̄ja wado jope bia j̄aa waari yaioroacā m̄ja ca ĩirique cāare, wii jotoa pee m̄ua peari acaro bui wede baterucuma —cūjare ĩiupi Jesús.

¿Ñirure ca uwipe to niiti?

(Mt 10.28-31)

⁴ —M̄ja, ȳu mena macārā peera o biro m̄jare ȳu ĩi: Ca j̄iarāre uwiticāña; up̄u petira j̄iacā pacarā, j̄irop̄ura do biro tii majiticuma. ⁵ “¿Ñiru peere ca uwipe to niiti?” J̄iacāri j̄irop̄u cāare, catiro j̄añariquep̄u cāare pecame ca ̄m̄u yatitiri pecamep̄u ñañaro ca tii yaiogu docare cūre uwiya. ̄Ḡj̄á. Yee méé m̄jare ȳu ĩi. Cū docare uwiya.

⁶ ”¿Wapa tiirica tiiri p̄ua tiicā wapara j̄icā amo cōrop̄u miniare to noniña maniti? To biro tiicārique to ca nii pacaro, ̄M̄ureco Pac̄u pea j̄icū ̄n̄orena cūjare acoborucu tiitimi. ⁷ M̄ja cāare, m̄ja d̄up̄uga maquē poare cōo peotiriquep̄u c̄uomi. To biri uwiticāña. M̄ja doca pāu minia ametuenero ca wapa cutirā m̄ja nii —cūjare ĩiupi Jesús.

* 11:51 Santuario. Ex 27.21; Lv 24.3; 2Cr 24.21-22; He 9.2-5.

Jesucristo yeere ca wederã
(Mt 10.32-33; 12.32; 10.19-20)

⁸ —No ca boogu yure ca tuo nunjeegu yu yee maquere bojocare cu ca wedejata, yu, Ca Nii Majuropeegu Macu caa, Umureco Pacu puto macarae cu yee maquere yu wede bojarucu. ⁹ Yure ca tuo nunjeegu nii pacagu, bojocare yu yee maquere ca wede junagura, cu caa to birora cu yee maquere Umureco Pacu puto macarae wede boja ecotirucumi. ¹⁰ Yu, Ca Nii Majuropeegu Macure, jicu naarije cu ca icamijata caare, to biro cu ca iiriquere acobacurucumi Umureco Pacu. To ca bii pacaro, Anuri Yerire naarije ca ii wede paigu doca, naaro cu ca iiriquere acobo ecotirucumi.

¹¹ ”Mujare, nea poo juu buerica wiijeripu, upara putoripu cuja ca nee waaro, “¿Do biri wame mani ii ametuareti? ¿Do biro cujare mani ii yuarati?” ii tugoeñarique paiticãna. ¹² Maja ca wedepa tabe ca earo, maja ca wedepere mujare majiorucumi Anuri Yeri —cujare iupi Jesus.

Ca apeye paigu, ca tugoeña bojoca catitigu

¹³ To biro cu ca ii niiro, jicu, bojoca watoapu ca niigu, o biro iupi Jesus're: —Buegu, ja pacu niiquiricu cu ca cuu yairije yu juwu cu ca cuorijere “Cu yee ca niirijere cure noniãna,” yure ii bojaya —iupi.

¹⁴ To biro cu ca iiro, Jesus pea o biro cure ii yuupi:

—Yu mena macu, “¿Niru yure, maja watoare, maja ca tii niirijere ia beje, maja ca cuorijere dica woo, tii niãna,” yure cu ijapari? —iupi.

¹⁵ To biro ii, bojocare o biro cujare ii wedeupi Jesus: “Bojoca catiya, niipetirije boo tugoeñarique menare. Mani ca cati niirijea pa mania ca apeye jee cuu cuo niirije juori meẽ nii.”

¹⁶ To biro cujare ii, ati wame ii coñari cujare wedeupi:

—Niiupu jicu, ca apeye paigu. Cu yaa yeparire, cu oterique paio cure dica cuti bojaupe.

¹⁷ To biro ca biiro, “¿Do biro yu tiiguti? Yu otere yu ca queno cuupa tabe yu cuoti,” ii tugoeñauru. ¹⁸ “Ja. Mee yu maji yu ca tiipere. Yu ote dicare yu ca queno cuuri wiijerire wee bateri, ape wiijeri, paca wiijeri jañuro yu tiiguda, tii wiijeripu yu ote dica niipetirore, yu ca cuorije niipetirijere cuurugu. ¹⁹ To biro tii yapano, o biro yu iirucu, yu ca cati niirijere: “Yu mena macu, pa cumari mu ca cuo niipere mee paio queno cuurique mu cuo. To biri yerijãa, baa, jini, mu ca catiri rumurire ujea nii, tiicã niãna,” iupu.”

²⁰ ”To biro cu ca iiro, Umureco Pacu pea o biro cure iupu: “Ca tugoeña bojoca catitigu, ati namira mu yerire emacãra doorã tiima. Mu ca queno cuu cuo niirije pea ¿niru yee to niiroti?” cure iupu.

²¹ ”O biirije bii, paio apeye cuti pacagu, pai jañuro cu yee ca niipe wadore ca apeye jee cuu niigura, Umureco Pacu cu ca ia cojoro peera ca boo pacagu niimi —cujare iupi Jesus.

Cu punare ia cotemi Umureco Pacu
(Mt 6.25-34)

²² To biro ii yapano, cu buerare o biro cujare iupi Jesus:

—To biri o biro mujare yu ii: Baarique maja ca baa cati niipere, juti maja ca jãñaperena tugoeñarique paiticãna. ²³ Mani ca cati niirijea baarique ametuenero wapa cuti, mani upu caa juti ametuenero wapa cuti. ²⁴ Minia, wai aare iaãna. Otere oteti, ote dicare jeeti, baarique queno cuurica wii cuoti, ote dica queno cuurica tabe unora cuoti, biima. To biro cuja ca bii pacaro, Umureco Pacu pea cuja ca baapere cujare tiicojomi. ¿Maja pee doca minia ametuenero ca wapa cutira maja nii! ²⁵ ¿Nii pee maja mena macu, cu ca tugoeña ama pato wãcãrije menara, jicã cuu cu bucuã mua nemo majicãgajati? ²⁶ Oo ca biirije unocãrena bii majiti pacarã, ¿nee tiirã apeye peere to cõro buaro maja tugoeña ama pato wãcãti?

²⁷ ”Oorire iaãna. ¿Do biirije to bucuati? Padeti, tee ca jãñape juti juati, bii pacaro iaricarõ añurije bucuã. Wiogu Salomõn niiquiricu niipetirije añurije ca cuocãguru caa, tee ametuenero añurijepura juti jaãna, tiitiquiupi. ²⁸ Umureco Pacu, taa mecure nii, nuca

boero unora joe bate ecocã yai waa, ca biirije cãare, ïaricaró añurije juti jãami. ¡Muja docare tee ametuenero cũ tiitibogajati, petoacã peti díamacũ ca tuo nucũ buorã! ²⁹ To biri muja ca baapere, muja ca jinipere, tugoeñarique pai ama nucũ yujuticãña. ³⁰ Umureco Pacu ca majitirã niima, ate niipetirijere ca ama nucũ yujurã. Mee, muja pea jicũ muja Pacu cuti, muja ca boorijere ca majigure. ³¹ To biri muja Umureco Pacu cũ ca doti niirije peere amaña. To biro biirã, ate cãare muja tiicojo ecorucu —cãjare ïupi Jesús.

Umureco tutipũ apeye cutirique

(Mt 6.19-21)

³² —Yũ yaarã oveja, uwiticãña. Muja, paucã méé muja nii. To biro muja ca bii pacaro, Umureco Pacu pea ca bojoca añugũ niiri, cũ ca doti niiri tabere mujare tiicojorugami. ³³ Muja apeyere noni wapa jeeri, ca apeye boo pacarãre tiicojoya. Ati yepa maquẽ apeye boacoa, ca biirijerena jee cũuticãña. Umureco tutipũ apeye ca petitipe jee dutiri maja eati, õpẽcõa unora baati, cũja ca biiri taberũ maquẽ docare apeye queno cũuña.* ³⁴ To biri muja apeye ca niiri tabera niirucu muja yeri cãa —cãjare ïupi Jesús.

Añuro nii yuerique

³⁵ —To biri, mee juti jãñaricarãpũ, jã boericagaari cãare jã tuariquerũ, cõo yue niiña. ³⁶ Paderi maja, cũja wiogũ amo jiarica boje rãmure ca waaricũ tua eagũ, jopere cũ ca paarije menara cãre boca pãa jõene, ca tiiparã cũja ca nii yuerore biro biiya. ³⁷ Bũaro ujea niima, cũja wiogũ cũ ca eapere ca yue niirãrena cũ ca bũa earã. Yee méé mujare yũ ïi: Wiogũ majuropeera, baarique peorica pĩ pũto cũjare duwi doti yapano, cũjare baarique peorucumi. ³⁸ Cũja, bũaro ujea niima, ñami decomacã, ca boeparo jũguero to ca nii pacaro, ca cãnitirãrena cũ ca bũa earã. ³⁹ Atere majiña: Jicũ wii urũ, “To cõro earucumi jee dutiri majũ,” cũ ca ïi majijata, cũ yaa wiire pãa jãa doori, cũ ca jee dutiro, cãre tiiticumi. ⁴⁰ Muja cãa to birora añuro queno yue niiña. “Doocumi,” muja ca ïitiri tabe unore earucumi Ca Nii Majuropeegu Macũ —cãjare ïupi Jesús.

Puarã pade coteri maja: ca añugũ, ca añutigũ

(Mt 24.45-51)

⁴¹ To biro cũ ca ïiro tuogũ, Jesús're o biro ïi jãiñaupi Pedro:
—Wiogũ, ¿ate mũ ca ïi cõõña wederijere jãa wadore ïigũ mũ ïiti, niipetirãre ïigũ mũ ïitiqué? —cãre ïupi.

⁴² To biro cũ ca ïiro, Jesús pea o biro ïupi:

—¿Ñiru cũ niiti, cũ wiogũ yeere ïa nũnũjee bojari majũ, ïiricarore biro ca tiigũ, ca tugoeña bojoca catigũ, cũ wiogũ, cũ yaa wii macãrãre ïa cote, baarica tabe ca earo cũjare baarique eca, cũ ca tii dotigũ pea? ⁴³ Bũaro ujea niimi pade coteri majũ, cũ wiogũ tua eagũ, cũ ca tiipe cũ paderiquere ca tii niigũrena cũ ca bũa eagũ. ⁴⁴ Yee méé mujare yũ ïi. Cũ wiogũ pea cũ yee niipetirijere ca ïa cotegũ cãre cũurucumi. ⁴⁵ Cũ pade coteri majũ pea, “Yũ wiogũ yoari méé tua eatirucumi,” ïi tugoeñari, paderi maja aperã peere, umũa, nomiare ñãñaro cũjare tii, baarique wado baa, jini, cũmu nucũ yuju, biicumi. ⁴⁶ Cũ wiogũ pea tii rãmũ, to cõro ca niiro, earucumi cũ ca ïi tugoeña yuetiri tabere eari, bũaropũra ñãñaro cãre tii, ïiricarore biro ca tiitirã cũja ca tamũorore biropũ cũ ca biiro cãre tiirucumi.

⁴⁷ ”Pade coteri majũ, cũ wiogũ cũ ca boorijere maji pacagũ, queno yueti, cũ ca boorore biro tiiti, cũ ca biijata, paũ tiiri bape ecorucumi. ⁴⁸ Pade coteri majũ, majitima ïigũ ñãñaro cũ ca tii ecope unore cũ ca tii bui cutijata, peeto jañurora bape ecorucumi. To biri paũ ca tiicojo ecogũa, bũaropũra tii doti ecorucumi. Nũcã, cũ ca ïa nũnũjeepere paũpũra ca tiicojo ecogũa, ametueneropũ doti ecorucumi —ïupi Jesús.

Jesús juori ameri camotatirique

(Mt 10.34-36)

⁴⁹ —Yũa, ati yeparũre peca jãa tuagũ doogũ yũ doowũ. Mee ca mũcoaropũ yũ boocãmi. ⁵⁰ Biigũpũa, ñãñaro peti yũ bii ametuarucu. To biro yũ ca biipere ñãñaro yũ tugoeña.

* 12:33 Umureco Pacu pũtorũ.

⁵¹ ¿“Ati yepare jīcāri mena añuro niiriquere jee doogu biijacupi,” m̄ja iiti? Teere jee doogu m̄éé yu biiw̄u. Ameri camotatirique peere jee doogu yu doow̄u. ⁵² Mec̄u mena, jīcā wii macārā jīcā amo cōro ca niirā, itiarā p̄uarāre ĩa tuti, ñucā p̄uarā, itiarā ca niirā peere ĩa tuti, biirucuma. ⁵³ Ñucā c̄u pac̄u c̄u mac̄urena ĩa juna, c̄u mac̄u pee c̄a c̄u pac̄urena ĩa juna, c̄o paco c̄a c̄o mac̄orena ĩa juna, c̄o mac̄o pee c̄a c̄o pacorena ĩa juna, ñucā c̄o mañico c̄a c̄o mac̄u ñumorena ĩa juna, c̄o mac̄u ñumo pee c̄a c̄o mañicorena ĩa juna, ameri biirucuma —ĩupi Jesús.

Um̄urecori ca biirije
(Mt 16.1-4; Mc 8.11-13)

⁵⁴ Jiro bojoca peere o biro c̄jare ĩupi ñucā Jesús:

—Muir̄u c̄u ca ñaajāa waari ñña pee, bueri b̄ur̄ri to ca m̄na dooro ĩarā, “Oco pearugaro bii,” m̄ja ĩi ĩa maji. M̄ja ca ĩrore birora bii. ⁵⁵ Ñucā jōc̄u jiro macā ñña pee wino to ca paa puu dooro ĩarā, “Ajirugaro bii,” m̄ja ĩi ĩa maji. M̄ja ca ĩrore birora bii. ⁵⁶ ¡Watoara ca bii dito pairā! Um̄urecori, yepari ca biirijere añurop̄u, “To biirije biirugaro bii,” ca ĩi majīcārā nii pacarā, ¿ñee tiirā ano m̄ja watoa ca biirije peera “To biirije biirugaro bii,” m̄ja ĩi ĩa majititi? —c̄jare ĩupi Jesús.

Ameri wederique quenorique
(Mt 5.25-26)

⁵⁷ —¿Ñee tiirā m̄ja majuropeera, añurijere m̄ja ĩa c̄oña majititi? ⁵⁸ Jīc̄u m̄re c̄u ca wedejāaro, wiorā p̄utor̄u c̄u mena waa ññna waagur̄na, jīcāto c̄u mena ameri wederique quenona. To biro m̄ ca tiitijata, ca jāiña bejegu† p̄utor̄u m̄re ami waa, c̄u pee c̄a uwamarāp̄ure m̄re tiicojo, c̄ja pea tia c̄urica wiip̄u m̄re tia c̄u, c̄ja ca tiitipere biro ĩigu. ⁵⁹ Tia c̄urica wiip̄ura yua, m̄ ca wapa tii peotitijata, m̄ wititirucu,” m̄re yu ĩi —c̄jare ĩupi Jesús.

13

Tugoeña yeri wajoarique

¹ O biro c̄u ca ĩi niiri taberirena, jīcārā Jesús're ĩarā waari, Pilato, jīcārā Galilea macārā waib̄uc̄rā jīari, Um̄ureco Pac̄ure ca tiicojo ñuc̄u b̄uo niirāre jīari, c̄ja díre waib̄uc̄rā dí mena c̄u ca ayiariquere c̄re wedeupa.* ² Teere tuḡu, Jesús pea o biro c̄jare ĩi ȳupi: —¿“M̄ja, aperā c̄ja yaa yepa Galilea macārā ametuenero ñañarije ca tiirā niima ĩirā, to biro tam̄ojacupa,” m̄ja ĩi tuḡoñati? ³ “Biitijacupa,” m̄jare yu ĩi. M̄ja c̄a, tuḡoña yeri wajoari ñañarije m̄ja ca tii niirijere m̄ja ca tii yerijāatijata, c̄jare birora m̄ja bii yairucu. ⁴ Ñucā, Siloére c̄ja ca wee ñc̄orica tutu pee ñaawaaro, dieciocho niirā ca tāni yairicarā, Jerusalén macārā ametuenero ñañarije c̄ja ca tii bui c̄tirique j̄ori, tāni yaijacupa, ¿m̄ja ĩi tuḡoñati? ⁵ “Biitijacupa,” m̄jare yu ĩi. M̄ja c̄a, tuḡoña yeri wajoari ñañarije m̄ja ca tii niirijere m̄ja ca tii yerijāatijata, c̄jare birora m̄ja bii yairucu —c̄jare ĩupi Jesús.

Higueragu ca dica maniricure c̄u ca ĩi c̄oña wederique

⁶ To biro c̄jare ĩi, ati wāme ĩi c̄oñari wedeupi ñucā Jesús:

—Jīc̄u c̄u ɛje wejer̄ure higueragu c̄u ca otericaḡure c̄our̄u. “Mee dica c̄ticoacu,” ĩigu, ĩagu waamiur̄u. Jīcāga unora buaticaur̄u. ⁷ To biri, c̄u ɛje wejere ca ĩa ññjeeḡure o biro c̄re ĩur̄u: “Mee, itia c̄ma waa, atigu dicare jeer̄u yu ca amagu doorucu niimirije, jīcāga unocāra buarucu, yu tiiti. Queti c̄ocāña. Ñee tiro c̄ro watoa petira nuc̄u coteri niiticu,” c̄re ĩur̄u.

⁸ “To biro c̄u ca ĩro c̄u ɛje wejere coteri maj̄u pea o biro c̄re ĩur̄u: “Wiogu, ati c̄mara mani quetic̄ajaco ména. Jita ca j̄ati añurije mena ayiari, tiigu p̄tore yu jita coa tuu

† 12:58 Juez. * 13:1 Um̄ureco Pac̄ure tiicojo ñuc̄u b̄uorā joe m̄eneruḡarā c̄ja ca jīaricarā waib̄uc̄rā dí mena c̄u ca ayiarique.

ñaarucu. ⁹ Ape tabera tee mena dica cuticãbocu. To ca dica manicãjata docare m̃a queti cõacãrucu yua,” cãre ñiup̃u —ñi wedeupi Jesús.

Ca tãa mutãaricore Jesús cã ca catorique

¹⁰ Jicã r̃m̃a yerijãarica r̃m̃a ca niiro, nea poo juu buerica wiip̃u bojocare bueg̃u tiiupi Jesús. ¹¹ Toop̃re niip̃o jicõ nomio, dieciocho cãmari peti ca diarique cuti niigo. Wãt̃i cõre cã ca tãa mutãarico niiri, petoacã wãm̃u poo majiri méé ca biigo niip̃o. ¹² Jesús pea cõre ñari, cõre j̃uo cojo, o biro cõre ñiupi:

—Nomio, mee diarique manigo m̃a tua —ñiupi.

¹³ To biro ñig̃ura cã amori mena cõre cã ca ñia peorije menara, cõ pea díamacã wãm̃u poocoap̃o. To biro biigora, Ëm̃ureco Pac̃re baja peo ñucã b̃uop̃o. ¹⁴ Yerijãarica r̃m̃urena, ca diarique cutigore Jesús cã ca catorijere ñari, nea poo juu buerica wii wiog̃u pea ajiacoap̃u. To biri bojocare o biro cãjare ñiupi:

—Jicã amo peti, ape amore jicãga penituario niiri r̃m̃urira nii paderica r̃m̃uri. Tii r̃m̃uri ñnore m̃ja diariquere amet̃ene dotirã dooya. Yerijãarica r̃m̃u petira to biro tiiticãña —ñiupi.

¹⁵ To biro cã ca ñiro, Jesús pea o biro cãre ñi ỹuup̃u:

—Watoara ca bii dito pairã, ¿m̃ja jicã ñno peera yerijãarica r̃m̃urena, m̃ja burrore, m̃ja ỹu buey're, m̃ja ca jia tuu ñcõricure cãre popiori m̃ja oco tãrã waatirucuti?

¹⁶ Atio, Abraham pãrameore, Satanás dieciocho cãmari peti ate diarique mena cã ca jia ñcõ epego peera, ¿yerijãarica r̃m̃urena cõ popio ecotibogajati? —cãre ñiupi.

¹⁷ O biirije Jesús cã ca ñiro, cãre ca ña tutirã pea boboro tam̃oupa. To ca bii pacaro, niipetirã to cõro do biro ca tiiya manirije Jesús cã ca tiirijere buaro ña ñjea niup̃a.

Mostaza apega mena cã ca ñi cõõña wederique

(Mt 13.31-32; Mc 4.30-32)

¹⁸ O biro ñi ññna waaupi Jesús:

—¿Ñeere biro to biiti, Ëm̃ureco Pac̃u cã ca dotirije? ¿Ñee mena ỹu ñi cõõñaguti?

¹⁹ Jicãga mostaza apegaacãre jicã cã yaa wejep̃u ote, cã ca tiiro jiro wii m̃a waaro, jicãg̃u yuc̃g̃u pairic̃u buc̃ua, to ca biiro tiig̃u dup̃arip̃ure minia yerijãa peja cãja ca biimore biro bii —cãjare ñiupi Jesús.

Baariquere ca wauorije mena cã ca ñi cõõña wederique

(Mt 13.33)

²⁰ Ñucã o biro ñiupi:

—¿Ëm̃ureco Pac̃u cã ca doti niirijere ñee mena ỹu ñi cõõñaguti? ²¹ Jicõ nomio harinare itia bapa cõori, niipetiri b̃ur̃ap̃ura to wauacoajato ñigo, ca wuaro ca tiirijere cõ ca ayiarore biro bii —ñiupi Jesús.

Ca ejatiri jope

(Mt 7.13-14, 21-23)

²² Jesús, Jerusalén'p̃u waa ññna waag̃u, cã ca amet̃ua waari tabe macã macãri macãrãre bue amet̃ua waaupi.

²³ To biro cã ca ñi ññna waaro, jicã Jesús're o biro ñi jãñiup̃u:

—Wiog̃u, ¿ca amet̃uarã petoacã cãja niiti? —cãre ñiupi.

To biro cã ca ñiro, o biro cãre ñi ỹuup̃u Jesús:

²⁴ —“Ca ejatiri jope peere jãa waaruga niñã. Pãu jãa waarugamirucuma. To bii pacarã jãa majitirucuma,” m̃jare ỹu ñi. ²⁵ Tii wii wiog̃u wãcãri, jopere cã ca biaro jiro, m̃ja macãp̃u ca niirã pea, “Wiog̃u, jãare jope pãña,” cãre m̃ja ñi j̃uomirucu. To biro m̃ja ca ñiro cã pea, “Baa, m̃jare ỹu majiti. Noo macãrã niirã m̃ja niicu,” m̃jare ñi ỹuup̃ucumi.

²⁶ To biro cã ca ñiro, m̃ja pea: “M̃u menara baa, jini, jãa tiiw̃u. Jãa macã yeparira bojocare m̃u bue yujurucuw̃u,” cãre m̃ja ñimirucu.

²⁷ ”To biro m̃ja ca ñiro, “ ‘Mee m̃jare ỹu majiti,’ m̃jare ỹu ñjãw̃u. Ỹre camotatiya m̃ja, ñañarije ca tiirã,” m̃jare ñirucumi.

²⁸”To cōrora otirique, buaro tugoeña pairique, m̄jare niirucu, Abraham, Isaac, Jacob, Ɖm̄reco Pacu yee quetire wede j̄gueri maja niiqūricarã niipetirã, Ɖm̄reco Pacu c̄ ca doti niiri taber̄ c̄ja ca niicãro, m̄ja pea macãr̄ c̄a wiene ecoma ïirã. ²⁹ Bojoca niipetiropr̄ macãrã, muip̄ c̄ ca m̄a doori n̄ña macãrã, c̄ ca ñaa jãari n̄ña macãrã, j̄c̄ jiro macã yepa macãrã, ñucã díamac̄ macã yepa macãrã doorucuma, Ɖm̄reco Pacu c̄ ca doti niiri taber̄ baa duwirã doorã. ³⁰ To biri mec̄ire watoa macãrã ca niirã, ca nii majuropeerã niirucuma. Ñucã mec̄ire ca nii majuropeerã ca niirã, watoa macãrã tuarucuma —ïupi.

Jerusalén're ñari Jesús c̄ ca otirique
(Mt 23.37-39)

³¹ Tii r̄m̄rena j̄cãrã fariseos eari, o biro ïiupa Jesús're:

—Anore waacoaḡja. Herodes m̄re j̄iacãr̄gami —c̄re ïiupa.

³² To biro c̄ja ca ñiro, o biro c̄jare ïi ȳupi Jesús:

—Waari, o biro ñirãja, ca bojoca ñañaḡre: “Mec̄, boero ca diarique c̄tirãre catio, wãt̄are c̄a wiene, ȳ tiirucu. Boero ape r̄m̄ra ȳ paderiquere ȳ yapanorucu. ³³ Mec̄, boero, boero ape r̄m̄, ȳ waa n̄n̄a waarucu. J̄c̄, Ɖm̄reco Pacu yee quetire wede j̄gueri maj̄, Jerusalén ca niitiropr̄a c̄ ca bii yaijata añuti.”

³⁴ ”Jerusalén, Jerusalén, Ɖm̄reco Pacu yee quetire wede j̄gueri majare j̄a, m̄re Ɖm̄reco Pacu, c̄ ca wede doti cojorãre ùtã mena dee j̄a, ca tiiri macã m̄ nii. J̄cãti méé, ãboco c̄o punare c̄o qued̄r̄ doca c̄o ca jee neorore biro ȳ tiir̄gamiw̄ m̄ bojocare. M̄ja pea m̄ja bootiw̄. ³⁵ To biri, m̄ja ca niiri tabe, bojoca maniri tabe tuarucu. Ȳre m̄ja ña nemotirucu, “ ‘Añuro ca biiḡ niimi, Ɖm̄reco Pacu wãme mena ca dooḡ,’ m̄ja ca ñiri r̄m̄ ca earop̄,” m̄jare ȳ ï† —c̄jare ïiupa Jesús.

14

Mip̄rique ca diaḡre Jesús c̄ ca catorique

¹ J̄cã r̄m̄, yerijãrica r̄m̄ ca niiro, Ɖr̄ fariseo yaa wiip̄ baaḡ waaupi Jesús. Aperã fariseos pea Jesús're ña duti cote niupa. ² Ñucã toop̄re niupi j̄c̄ mip̄rique ca diarique c̄tiḡ. ³ To biri Jesús pea, doti c̄uriquere ca j̄o buerãre, fariseos're, o biro c̄jare ïi jãñaupi:

—¿Doti c̄urique, yerijãrica r̄m̄re ca diarique c̄tirãre to catio dotiti? ¿To dotitiqué? —ïupi.

⁴ To biro c̄ ca ñiro, c̄ja pea wedetiupa. To cōrora ca diaḡre catio yapano, “Tua waaḡja,” c̄re ïiupa Jesús.

⁵ To biro tii yapano, fariseos peera o biro c̄jare ïiupa:

—¿Nii m̄ja mena mac̄, yerijãrica r̄m̄rena c̄ mac̄ ñno, c̄ buey ñno oper̄ c̄ ca ñaajãaro, yoari méé c̄re c̄ ami wienetiti? —ïupi.

⁶ Jesús to biro c̄ ca ñiro, c̄ja pea do biro c̄re ïi ȳ majitiupa.

Amo jiarica boje r̄m̄re ca j̄o ecoricarã

⁷ C̄ ca j̄o cojoricarã duwiriquere añuri taberip̄ wado c̄ja ca beje ea nuuro ñaḡ, o biro c̄jare ïi wede majioui Jesús:

⁸ —Noo j̄c̄, amo jiarica boje r̄m̄re m̄jare c̄ja ca j̄o cojoro, duwirique añurijep̄ wado beje ea nuuticãña. M̄ja amet̄enero ca nii majuropeeḡ eabocumi. ⁹ To biro c̄ ca biiro, m̄ja p̄arãp̄rena ca j̄o cojoric̄ doori: “M̄ ca duwiri tabere ani peere duwi dotiya,” m̄jare ñibocumi. To biro c̄ ca ñiro, aperã c̄ja ca ña cojoro, boboro c̄ja jiropr̄ m̄ja duwirã waabocu yua. ¹⁰ To biro biitirãra, m̄jare c̄ja ca j̄oro, jiro macã p̄irop̄ ea nuu eaya, to biro m̄ja ca biiro m̄jare ca j̄oric̄ pea, “Ȳ mena mac̄, ano añuri tabe pee duwiḡ dooya,” m̄jare c̄ ca ñipere biro ñirã. To biro biirã, m̄ja mena ca baa duwirã c̄ja ca ña cojoro, m̄jare ca j̄o cojoric̄re añuro m̄ja ñi ecorucu. ¹¹ C̄ majuropeera, “Ca

† 13:35 Sal 118.26.

nii majuropeegũ yũ nii,” ca ñĩgũ, watoa macũ tuarucumi. “Watoa macũ yũ nii,” ca ñĩgũ pea, ca nii majuropeegũ tuarucumi —cũjare ñĩupi.

¹² Ñũcã cũre ca jũoricũ cãare o biro cũre ñĩupi Jesús:

—Baarique jũo baagũ, mũ mena macãrãre, mũ yee wederãre, mũ jaarã ca nii cojorãre, ñũcã mũ ca niiri tabe pũto macãrã ca apeye pairãre, jũoticãña. Cũjare mũ ca jũojata, ñũcã cũja pee cãa mũre jũorucuma, mũre amerũgarã. Mee, to biro mũre cũja ca tiirije menara mũ wapa taacãrucu. ¹³ To biro tiitigũra, boje rũmũ tiigũ, ca boo pacarãre, ca waa majitirãre, dũpo yuririre, ca ñatirãre, jũoya. ¹⁴ To biro tiigũ, bũaro mũ ẽjea niirucu. Cũja pea jĩcã rũmũ unora, to biro mũre tii ametirucuma. To biro mũre cũja ca tiiti pacaro, mũ pea ca añurã cũja ca cati tuari rũmũre tee wapa mũ tiicojo ecorucu —cũre ñĩupi.

Jũo baarique mena cũ ca ñĩ cõõña wederique

(Mt 22.1-10)

¹⁵ Atere to biro cũ ca ñĩro tũogũ, jĩcũ Jesús mena ca duwirã mena macũ, o biro ñĩupi:

—Umũreco Pacũ cũ ca doti niiri taberũre ca baarũ doca ẽjea niĩña —ñĩupi.

¹⁶ To biro cũ ca ñĩro, Jesús pea o biro ñĩupi:

—Jĩcũ, paio baarique quenori, paũ bojocare jũourũ. ¹⁷ Baarica tabe ca earo, cũre pade coteri majũre, “Dooya. Mee, baarique queno yapanoriquerũ nii,” ñĩgũja yũ ca jũoricarãre, cũre ñĩ cojourũ.

¹⁸ ”To biro ñĩ cojojãwĩ, cũjare cũ ca ñĩro, niipetirãpũra ate jũori jãa waati, cũre boca ñĩuparã. Ca nii jũogũ, o biro ñĩupũ: “Mecũacãra jĩcã yepa yũ wapa tii yerijãawa. To biri tii yepare ñagũ waagũ yũ tii, teere ñĩma ñĩgũ yũ waati,” cũre ñĩupũ. ¹⁹ Apĩ cãa, “Pũa amo cõro niirã wecũa yũ wapa tii yapano. Cũjare ña ñaagũ waagũ yũ bii ména, ‘teere ñĩma ñĩgũ yũ waati,’ ñĩjãwĩ cũre ñĩña,” ñĩcãupũ. ²⁰ Apĩ cãa ñũcã, “Mecũacãra yũ amo jĩa yapano. To biri yũ waa majiti,” cũre ñĩupũ.

²¹ ”Cũre pade coteri majũ pea tua ea, ate to biro cũja ca ñĩriquere wedeupũ cũ wiogũre. Wii urũ pea teere tuo ajia, o biro ñĩupũ cũre pade coteri majũre: “Yoari méé, macã macã yeparipũ, wiije watoa macã maaripũ waari, ca boo pacarãre, ca waa majitirãre, ca ñatirãre, upa yuririre, cũjare jũo dooya,” ñĩupũ. ²² To biro cũ ca ñĩ cojoricũ waa tua eagũ: “Wiogũ, yũre mũ ca dotijãrore birora yũ tii yerijãajãwũ mee. To ca bii pacaro, wii pee dadati ména,” cũre ñĩupũ. ²³ To biro cũ ca ñĩro, cũ wiogũ pea o biro cũre ñĩupũ: “Maaripũ, metã macãriacãrũ waari, noo mũ ca bũa earãre ca doorũgatirãrena cũjare jũocã dooya, yũ yaa wii ca dadacoapere biro ñĩgũ. ²⁴ Jĩcũ unõ peera, yũ ca jũomiricarã yũ mena baatirucuma,’ mũjare yũ ñĩ,” ñĩupũ —ñĩ wedeupi Jesús.

Cristore nũnũrique popiye ca niirije

(Mt 10.37-38)

²⁵ Wojoca paũ Jesús're nũnũpũra. To biro cũja ca biiro, cũ pea cũja peere amojode nũcãri, o biro cũjare ñĩupi:

²⁶ —Jĩcũ yũre ca tuo nũnũjeegũ, cũ pacũre, cũ pacore, cũ nũmore, cũ punaare, cũ jaarãre, cũ jaarã romirire, ñũcã cũ majuropeera cũ ca mairo ametũenero yũre cũ ca maitijata, yũ buegũ nii majitimi. ²⁷ Ñũcã yũ yee jũori, cũ majuropeera ñañaro tamũori, yũre ca nũnũtigũa, yũ buegũ nii majitimi.

²⁸ ”Jĩcũ mũja mena macũ, emũari wii weerũgũ, “Jũwapa tiirica tiiri yũ ca cũorije menara yũ wee yapanocãrũgamiti?” ñĩgũ, ea nuu waa, tee ca wapa cutipere cũ cõõña jũotigajati? ²⁹ To biro tiitigũra, tii wii ca niipa yepa wadore wee cũu pacagũ, peoti majitigũ cũ ca bii niiro niipetirã tii tabere ca ñarã, o biro cũre ñĩ buicuma: ³⁰ “Ania, wii queno jũocãmijari táa biigũpũa. Tii yapano majitimi béé,” ñĩ buicuma.

³¹ ”Ñũcã jĩcũ wiogũ, apĩ wiogũ mena cũ ca ameri jĩagũ waape to ca niijata: Jũu uwamarã diez mil menara, veinte mil uwamarã mena yũre ca jĩagũ doogũre yũ ãpõtĩocãrũgamiti? ñĩgũ, ea nuu waa, jũcũ cõõña jũotigajati? ³² Yũ ãpõtĩoricaro mani cũ ca ñijata, apĩ wiogũ pea ména yoaropũra cũ ca niiro, “Añurucu. Mani ameri jĩaticãjato,” ñĩ cojocumi, queti wederi maja mena. ³³ To biri wãmera no ca boogũ mũja mena macũ cũ ca cũorije niipetirore cũ ca waa weo majitijata, yũ buegũ nii majitimi —cũjare ñĩupi Jesús.

Moa ca oca yerijãarije
(Mt 5.13; Mc 9.50)

³⁴ —Moa añurijera nii. Bii pacaro ca ocarije to ca peticoajata, ¿do biro pee bii, ñucã ca poarije to nii eabogajati? ³⁵ Yepa cãare añuti, oterpũre maa tuujata cãare añuti, biicã yua. To biri díamacũra cõa cũu batecãma. Ca amoperi cõtirã tũoya yu ca ñirijere* —ĩiupi Jesús.

15

Oveja ca yairicũre ñi cõõnari Jesús cũ ca wederique
(Mt 18.10-14)

¹ Paũ, Roma maquẽre wapa jee bojari maja, ñañarije ca tiirã, Jesús're nea poo eaupa cũ ca wederijere tũorũgarã. ² O biro cũre cũja ca biirije juori, fariseos, doti cũuquĩriquere ca juo buerã, o biro ñi wede paiupa Jesús're:

—Ania, ñañarije ca tiirãre añuro tii, cũja menara baa, tiimi déé —ĩiupa.

³ To biro cũja ca ñiro, cũ pea ati wãme ñi cõõnari cũjare wedeupi:

⁴ —¿Nii muja mena macũ pee cien ovejas ca cũogu, jĩcũ cũ ca yairo, ca yairicũre amagu waagu, noventa y nueve ca niirãre toora cũucã, cũre buacãripũ cũ ama yerijãatiti? ⁵ Cũre buagu, buaro ujea niirique mena cũre ami ruja, ⁶ cũ yaa wii tua eagu, cũ mena macãrãre, cũ ca niiri tabe macãrãre, juo neo, o biro ñicumi: “Yu mena ujea niĩña. Mee, yu oveja ca yairicũre yu buajãwu,” ñicumi. ⁷ To biiri wãmera bii umũreco tutipũre: Jĩcũ ñañarije ca tiigu cũ ca tũgoeña yeri wajoaro, mee añurã noventa y nueve ca niirã ca tũgoeña yeri wajoarique bootirã menare ujea niiricaro ametũenero ujea niirique nii —cũjare ñi wedeupi Jesús.

Wapa tiirica tii ca yairiquere cũ ca ñi cõõna wederique

⁸ —¿Dico unõ nomio wapa tiirica tiiri, ruã amo cõro niiri tiiri ca cũogo, jĩcã tii ca yairo, jã boericaga mena jã boeri, to cãnacã taberũra añuro owa ama, tii tiire buacãripũ cõ ama yerijãatiti? ⁹ Tii tiire buago, cõ mena macãrã romirire, cõ ca niiri tabe ruõto macãrãre, o biro ñicumo: “Yu mena ujea niĩña. Mee, yu wapa tiirica tii, ca yairica tiire yu buajãwu,” cũjare ñicumo. ¹⁰ To biri wãmera ujea niirique nii Umũreco Pacũ ruõto macãrãre, jĩcũ ñañarije ca tiigu cũ ca tũgoeña yeri wajoaro —cũjare ñiupi.

Cũ macũ ca yairicũre, cũ pacũ cũ ca buariquere cũ ca ñi cõõnarique

¹¹ O biro cũjare ñi wedeupi ñucã Jesús:

—Jĩcũ, ruarã ruõna cõtũru. ¹² Ca bai pee o biro ñiupu cũ pacũre: “Cáacu, yu yee ca niire mũ ca cũorijere yũre tiicojõya,” ñiupu. To biro cũ ca ñiro, ruarãruõna cũjare dica woocãru.

¹³ ”No cãnacã ruõmũ jiro méera, ca bai pea, cũ pacũ cũ ca dica wooriquere jee neo, ape yeraru, ca yoaroru, waacoaru. Tooru, noo ca boorora tii niima iigu, cũ yee, cũ pacũ cũ ca dica woomiriquere tii bate peoticãru. ¹⁴ Cũ ca jee waamiriquere cũ ca tii bate peotiro jiro, tii yeraru baarique peticoaupe. To biro ca biiro, cũ pea buaro aua tamõ juo waaaru. ¹⁵ To biri tii yepa macũre paderique jãigu waaaru. Cũ pea, cũ yaa wejeripu cũ yejeare cũre eca cote doti cojourũ. ¹⁶ Buaro queyama iigu, yejea cũja ca baarijerena baarugamiaru. To biro cũ ca biicã pacaro, jĩcũ peera jĩcã wãme unõra cũre baarique eca, tiiticãuparã.

¹⁷ ”Biirique peti tũgoeña bojoca cati, o biro ñiupu: —¿Yu pacũre pade coteri maja paũ baarique cũja ca cũocãro, yu pea anoru yu aua boa duwi yujuti? ¹⁸ Yu pacũ ruõtorũra tua waari, o biro cũre yu ñirucu: “Cáacu, Umũreco Pacũ menare, mũ menare ñañarije yu tiijapa. ¹⁹ To biri ‘Yu macũ,’ yũre iiticãña. Jĩcũ mũre ca pade coteri majure biro pee yũre tiya,” yu ñirucu —ñiupu.

²⁰ ”To biro ñicã cũ pacũ ruõtorũra tuacoaru ñucã. Ména yoaroru cũ ca niiro, cũ pacũ pea cũre ña maji, cũre ña boo pacaru. To biri cũre ũmaa boca, cũre paabario,

* 14:35 “Ca tũo majirũgarã yũre tũo nunũjeeya.”

cũ wajopuare ùpũ, cũre tiiurũ. ²¹ To biro cũ ca tiiro, cũ macũ pea o biro cũre ïiurũ: “Cáacu, Ëmureco Pacu menare, mũ menare ñañarijere yũ tiijapa. To biri, ‘Yũ macũ,’ yũre ïiticãña,” cũre ïiurũ.

²² ”To biro cũ ca ïi pacaro, cũ pacu pea cũre pade coteri majare: “Yoari méé, jutiro añurito ami doori cũre jãa, amo jũa jãarica beto cãare jãa, ðupo juti cãare jãa, cũre tiiya. ²³ Ñucã wescu añuro ca díi cutigũre, ami doori, cũre jãña. Yũ macũ cũ ca tua eari boje rãmũ mani tii ÷jea nii baaco. ²⁴ Ani, yũ macũre, ‘Bii yaicoajacupi,’ yũ ïi tũgoeñarucumijãwũ. Bii yaitijapi. Waa yaicoamiwi, cũre mani bũa ñucã,” ïiurũ. To cõrora boje rãmũ tiicã jũo waauparã mee yua.

²⁵ ”To biro cũja ca tii niicãro, cũ macũ ca jũwũ pea wejerũ niipurũ. Ca pade niiricu tua doogu, wii pũto ea doogu, cũja ca baja wedeo niirijere tũourũ. ²⁶ To biri jĩcũ pade coteri majure jũo cojo, “¿Ñee to biijãri yua?” cũre ïi jãĩñaupũ. ²⁷ To biro cũ ca ïiro, pade coteri majũ pea o biro cũre ïiurũ: “Mũ bai tua eajãwi. To biri mũ pacu pea wescu añuro ca díi cutigũre jãa dotijãwi. Cũ macũre añuro ca cati añugũrena, yũ bũa, ïima ïigu boje rãmũ tiirũgũ,” cũre ïiurũ.

²⁸ ”Cũ jũwũ pea teere bũaro tũo ajiari, jãa waarũgatiurũ. To biri cũ pacu pea cũre jũogu witi waaupũ. ²⁹ Cũ pea o biro ïiurũ cũ pacũre: “Cáacu, pacũ cũmari, jĩcãti ùno peera mũre ametuene nũcãri méé yũ ca pade niirijere mũ maji. To biro yũ ca bii pacaro, ‘Cũ mena macãrã mena cũ jãa baajato’ ïigu, jĩcũ cabra macũ ùnoacãrena jĩcãti ùno peera yũre tiicojorucu, mũ tii ñaati. ³⁰ Ani mũ macũ, mũ yeere ùmũa cũja ca tii eperã romiri mena tii epe nucũ yuju, tii bate peoticãri ca tua eagũ peera, wescu añuro ca díi cutigũre jãacãri, cũre mũ boje rãmũ tii peo,” cũre ïiurũ cũ pacũre.

³¹ ”To biro cũ ca ïiro, cũ pacu pea o biro cũre ïiurũ: “Macũ, mũa yũ menara mũ niicõa nii. Yũ ca cũorije niipetirije mũ yee wado niiro bii. ³² Ani, mũ bai, ‘Bii yaicoajacupi,’ yũ ca ïi tũgoeñarucumigu, catijapi. Ca waa yairicũre mani bũa ñucã. To biri cũre ca boje rãmũ tii peo ÷jea niipera niiro bii,” cũre ïiurũ cũ pacu —ïi wedeupi Jesús bojocare.

16

*Wio*gũ yeere ïa nũñjee bojari majure cũ ca ïi cõoña wederique

¹ Ñucã cũ buerãre o biro ïi cõoñari wedeupi Jesús:

—Jĩcũ ca apeye paigu, cũ yeere ca ïa nũñjee bojagũre cũourũ. Aperã pea, “Mũ yeere tii bategũ tiimi,” cũre ïi wedejãarã waauparã. ² To biri cũre jũo cojori, o biro cũre ïiurũ: “¿Ñee to niiti mũ ca tiirijere yũre cũja ca wederijea? To biri mũ ca paderiquere cõoñari, yũre owa tuu cojoya. To cõrora yũ yeere ïa nũñjee bojari majũ mũ nii yerijãarucu,” cũre ïiurũ.

³ ”To biro cũ ca ïiro, cũ wio

gũ yeere ïa nũñjee bojari majũ pea o biro ïi tũgoeñaupũ: “Agó nija, ¿ñeere yũ tiigũti yua? Yũ wio

gũ paderique manigu yũre cũugũ doogu tiimi. Yeparire ca paderũ ùno méé yũ nii. Yũ tutuati. Wapa tiirica tiiri jãirũgũ cãa, yũ bobo jañu. ⁴ Jaũ, mee yũ maji, paderique manigu yũ ca tuaro, aperã yũre cũja ca ñeepere biro ïigu yũ ca tiipere,” ïiurũ.

⁵ ”To biri cũ wio

* 16:6 3,700 litros. † 16:7 Cien bultos, unos 37,000 litros de harina.

⁸”Cũ yeere ïa nũnũjee bojari maju ca añutigu cũ ca tiiriquere majiri, cũ wiogu pea, “Ca tii majigu peti nijari,” ïiuru. Ati yepa macãrã, cũjare biro ca biirã mena cũja ca ameri tii nijata, Æmureco Pacu yaarã ca boeroru ca niirã ametuenero tii majima. ⁹ To biri mũaja pea, ati yepa maquẽ apeye menara, mũaja mena macãrã buarugarã, cũjare tii nemoña. Ati yepa maquẽ apeye ca petiro to birora ca niicõa niiri wiijeripu mũjare ca ñeerã uno cũja ca niipere biro ïirã.

¹⁰”Petoacãrena añuro ca ïa nũnũjee majigua, pairopu cãare añuro ïa nũnũjee majimi. Petoacã cãare ca ïa nũnũjee majitigua, pairo cãare ïa nũnũjee majitimi. ¹¹ To biri ati yepa maquẽ apeye cuti niirique ca bii ditorije cãare añuro mũaja ca ïa nũnũjee majitijata, çapeye cuti niirique ca nii majuropeerije peera, ñiru peti “Atere ïa nũnũjeeya” mũjare cũ ïibogajati? ¹² Mũaja yee ca niitirije cãare añuro mũaja ca ïa nũnũjee boja majitijata, çñiru pee mũaja yee ca niirijere mũjare cũ tiicojobogajati?

¹³”Jĩcũ pade bojari maju uno peera puarã wiorãpũre pade cote majitimi. To biro cũ ca biijata, jĩcũre ïa tuti, apĩ peere mai, biicãcumi. Ñucã jĩcũ cũ ca dotirijere tii, apĩ cũ ca dotirije peera tiiti, biicãcumi. To biri mũaja, Æmureco Pacu peere pade nũnũjee pacarã ñucã, pairo apeye cuti niirugarã tee pee cãare pade nũnũjee, mũaja tii majiti —ïupi.

¹⁴ Fariseos wapa tiirica tiirire buaro ca boorã cãa, ate niipetirijere tuori, boborije ïi bui tutiupa Jesús're. ¹⁵ To biro cũja ca ïiro, Jesús pea o biro cũjare ïupi:

—Mũaja, bojoca cũja ca ïaro ca bojoca añurãre biro mũaja bii dito. Biigũpũa, Æmureco Pacu pea mũaja yeripu mũaja ca biirijere majimi. Bojoca pea “Añurije nii,” cũja ca ïirijere, Æmureco Pacu peera ñañarije niiro bii —ïupi.

Doti cũurique, to biri Æmureco Pacu cũ ca doti niirije

¹⁶—Doti cũurique, to biri Æmureco Pacu yee quetire wede jũgueri maja, Juan menara bii yapano eaupa. Tii tabe mena wãma wãme añurije queti Æmureco Pacu cũ ca doti niirije maquẽre wederique nii. Niipetirã toopũre jãa waarugarã bii niima. ¹⁷ Ati yepa, ati Æmureco, ca petipe pea popiye méé ca nii pacaro, doti cũurique pea jĩcã wãme unoacãra ca ïirote biro biitirora yaicoa, biitirucu —ïupi.

Ameri cõarique maquẽre Jesús cũ ca wederique

(Mt 19.1-12; Mc 10.1-12)

¹⁸—Jĩcũ cũ nũmore cõacãri, apeo peere cũ ca nũmo cutijata, cũ nũmo ca niitigo menapu niigu tiimi. Ñucã ca manũ cõaricore ca nũmo cutigu cãa, cũ nũmo mena méé niigu tiimi —ïupi.

Ca apeye paigu, to biri Lázaro

¹⁹—Niiuru jĩcũ ca apeye paigu, añurije juti jãña, to cãnacã rũmũra ïaricaro añuro boje rũmũri queno, ca tii niirucugu. ²⁰ Niiuru ñucã, jĩcũ boo pacoro ca biigu, Lázaro ca wãme cutigu, cũ upu niipetiroru ca cami boagu. Ca apeye paigu yaa wii jope pũtore duwirucuru. ²¹ Cũ pea, ca apeye paigu, cũ ca baa bate ñoorijere baarugarucumiuru. Ñucã yaia menapũra cũ camire nenirã earucuparã.

²²”To biro biirucu, jĩcã rũmũ bii yaicoaurũ Lázaro. Cũ ca bii yairo, Æmureco Pacu pũto macãrã pea Abraham pũto añuri tabepũ cũ nijato ïirã, cũre amicoaurã. Ca apeye paigu cãa bii yaicoaurũ. Cũ ca bii yairo, cũre yaa cõa, tiicãuparã. ²³ Ca apeye paigu pea bojoca ñañarã cũja ca waari tabepũre ñañaro bii niigu, ïa mũene cojoma ïigu, yoaroru Abraham're, ñucã Lázaro cãare cũ mena ca duwigũre ïaurũ.

²⁴”To biri cũre ïacãgũpũa, o biro ïi acaro buiuru: “Ñicũ Abraham, yũre boo paca ïaña nija petopũra. Lázarore yũ pũtorũ cũre tiicojoya. Cũ amo jũa yapa mena oco ñia bia doori, yũ ñemerore cũ weyogu doojato. Ati pecamepũre buaropũra ñañaro peti yũ tamocã,” cũre ïiuru.

²⁵”To biro cũ ca ïiro, Abraham pea o biro cũre boca ïi yũuru: “Yũ pãrami, atere tugoeñaña. Mũa, mũ ca cati niiri rũmũre añuro peti mũ niiwũ, Lázaro pea ñañaro cũ ca biicãro. To biri cũ pea mecũra anopũre añuro niigu tiimi. Mũ pea ñañaro mũ tamũo.

²⁶ Ñucã pairi ope nii mani watoare. To biri ano ca niirã toopure ca waarugarã do biro bii waa majiti, ñucã too macãrã pee cãa anopure do biro bii doo majiti, biicãma,” cãre ñiurũ.

²⁷ ”To biro cũ ca ñiro, cũ pea o biro cãre ñi urũ: “Ñicũ Abraham, yũ pacũ yaa wiirũ Lázarore cãre tiicojaya. ²⁸ Yũ jaarã jĩcã amo cõro ca niirãre cũ wede majiogũ waajato, cũja cãa, ati tabe ñañaro tamõrica tabe pee cũja ca dootipere biro ñigũ,” cãre ñiurũ.

²⁹ ”Ñucã Abraham pea o biro cãre ñi urũ: “Mee cũja, Moisés cũ ca owariquere, to biri Æmureco Pacũ yee quetire wede jũgueri majare, cũjare cõoma. Cũjare cũja tuo nũñjeejato,” cãre ñiurũ.

³⁰ ”To biro cũ ca ñiro, ca apeye paigu pea o biro cãre ñi urũ: “Tuo nũñjeeticuma, ñicũ Abraham. Jĩcũ ca bii yairicũrũ cati tuari cũjare cũ ca wedejata docare, tuo nũñjeeri ñañarije cũja ca tiirucurijere tii yerijãabocuma,” cãre ñiurũ.

³¹ ”To biro cũ ca ñiro, Abraham pea o biro cãre ñiurũ ñucã: “Moisés cũ ca ñirijere tuo nũñjeeti, ñucã Æmureco Pacũ yee quetire wede jũgueri maja cũja ca ñirije cãare tuorũgati, cũja ca biijata, ca bii yairicũ cati tuari cũ ca wedejata cãare, tuo nũñjeeticuma,” cãre ñiurũ —cũjare ñi wedeupi Jesús.

17

Ñañarije tiirique ca bii buiyeerije (Mt 18.6-7, 21-22; Mc 9.42)

¹ Cũ buerãre o biro ñiupi Jesús:

—Bojoca ñañaro cũja ca tiiro ca bii buiyeerijea, do biro pee ca bii ametua nũcã majiña manirije niiro bii. Aperãre ñañarije cũja ca tiiro ca tii buiyeegua, ñañaro peti tamõrucumi. ² To biro ca tiigũra, cũ amũtuture ãtãga jia yoori, dia pairi jaarũ cãre cõañua cõacãjata añubocu, yũre ca tuo nũñjee jũo doorãre ñañarijere cũja ca tiiro cũ ca tii buiyeerije jũori. ³ ¡To biri, bojoca catiya! Mũja yee wedegũ ñañarijere cũ ca tiijata, cãre tuti bojoca catioya, cũ ca tũgoeña wajoajata, ñañarije cũ ca tiiriquere acoboya. ⁴ Jĩcã rũmũre jĩcã amo peti, ape amore pũaga penituario niirije peti ñañaro mũre tiicãri, ñucã ñañaro mũre cũ ca tiirije cõrora mũ pũto doori, “Ñañaro mũre yũ ca tiijãrijere acoboya, yũ tii nemotirucu,” mũre cũ ca ñigũ eajata, ñañaro mũre cũ ca tiiriquere acoboya —ñiupi.

Díamacũ tũgoeña bayirique

⁵ Cũ buerã pea o biro ñiupa Jesús're:

—¡Díamacũ tuo nũcũ bũo bayiriquere pai jañuro jãare tiicojaya!* —cãre ñiupa.

⁶ To biro cãre cũja ca ñiro, o biro cũjare ñiupi Jesús:

—Díamacũ mũja ca tuo nũcũ bũorije mostaza apegã cõroacã to ca nii pacaro, atigu sicõmorogũre, “Wẽe waari, dia pairi jaarũ ea nũcãña,” mũja ca ñijata, mũja ca ñirore birora biicãbocu —cũjare ñiupi.

Pade coteri maja cũ ca tii niirije

⁷ —Jĩcũ mũja menã macũ, cãre ca pade cõtegrũ ca cõogũ, wejẽrũ ca jee cũu niiricũ, ape tabera wecũare ca cõte niiricũ, cũ ca tua earo, ¿“Baagũ dooya ména,” cãre mũja ñi bocati? ⁸ Mũja ñiticu. O biro pee mũja ñicu: “Yũ ca baapere quenoña ména, baa, jini, tii niigũ yũ ca boorijere jee cojo cõterũgũ, juti wajoagũ waari, toora nũcũ cõteya. Jiro, ‘Baa, jini, mũ tiirucu mũa,’” cãre mũja ñicu. ⁹ Ñucã mũja ca dotiriquere cũ ca tiiricaro jiro to ca niimijata cãare, “Añu majuropecã,” cãre mũja ñiticu. ¹⁰ Mũja cãa to biri wãmera, mũjare tii dotiriquere tii yapanorã, o biro ca ñiparã mũja nii: “Pade coteri maja ca añutirã mani nii. Apeyẽpũra tiiricaro maniro, manire cũja ca tii dotirijeacã wadore mani tii,” ca ñiparã mũja nii —ñiupi Jesús.

Ca camĩ boarãre Jesús cũ ca catiorique

* 17:5 “Bũaro jañuri Æmureco Pacũre díamacũ jãa ca tuo nũñjeero jãare tii nemoña.”

¹¹ Jesús, Jerusalén'pũ waa nũnũa waagu, Galilea yepa, to biri Samaria yepare ametũa waaupi. ¹² Jĩcã macãre cũ ca ea waarora, pũa amo cõro niirã peti ca cami boa diarique cõtirá cũre bocarã doori, yoaropũra tua nũcã, o biro ñi acaro bui cojoupa:

¹³ —Jesús, Buegu, jãare boo paca ñaña —ñiupa.

¹⁴ Jesús pea cũjare ña, o biro cũjare ñi cojoupi:

—Paia pũtopũ waari cũjare ñĩnorãja —cũjare ñiupi. To biro cũ ca ñiro, cũja ca waa nũnũa waarora, cũja ca cami boa diarique cõtimirique yati peticoaupe.

¹⁵ Jĩcũ cũja mena macũ, cami manigũpũ cũ ca niirijere ñari, ðopũra tũoricũ Æmũreco Pacũre baja nũcũ buo tua doo, ¹⁶ Jesús pũto yepapũ muu bia cũmu waaupi:

—Añũ majuropeecã —Jesús're ñĩgu. Cũ pea Samaria macũ niupi.

¹⁷ Jesús pea, o biro ñiupi:

—¿Mũja ca cami boa diarique cõtirijere ca ametũene ecojãrã, pũa amo cõro méé mũja niijãri? ¿Jĩcã amo peti, ape amore baparica penituario ca niirã pea, noo cũja niiti? ¹⁸ ¿Ani judío ca niitigu wado Æmũreco Pacũre ñi nũcũ buorũgu cũ tua doojapari? —ñiupi. ¹⁹ To biro ñĩcã, cũ peera o biro cũre ñiupi:

—Wãmũ nũcãri, waagũja. “Jesús yũre catiocãrucumi,” díamacũ mũ ca ñi tũgoeña bayirique juori, mũ diarique ametũene eco —cũre ñiupi Jesús.

Æmũreco Pacũ cũ ca dotirije, ¿do biro to bii earoti?

(Mt 24.23-28, 36-41)

²⁰ Fariseos “¿Æmũreco Pacũ cũ ca doti niirije no cõropũ to earoti?” Jesús're ñi jãĩñaupa. To biro cũja ca ñiro cũ pea o biro cũjare ñi yũũupi:

—Æmũreco Pacũ cũ ca dotirijea bau niiro ca eape ñno méé niiro bii. ²¹ “Ano nii.” “Õo pee nii,” ñĩña manirucu. Mee, Æmũreco Pacũ cũ ca dotirijea, mũja watoara nii yerijãa —cũjare ñiupi.

²² To biro ñĩcã, cũ buerã peere o biro ñiupi Jesús:

—Earucu jĩcã cuu, yũ, Ca Nii Majuropeegu Macũ, yũ ca doori rũmũre mũja ca ñarũgamirije. Bii pacarã, mũja ñatirucu. ²³ Jĩcãrã o biro mũjare ñirucuma: “Ani niimi,” “Ñi pee niimi,” ñirucuma. To biro cũja ca ñi pacaro, waa, cũjare tuo nũnũjee, tiiticãña.

²⁴ Æmũreco quejeropũre, jĩcã nũña bũpo cũ ca yabe cojorijera ape nũñapũ cãare ca boe ãpõtĩocã cojorore birora biirucu yũ, Ca Nii Majuropeegu Macũ, yũ ca tua doori rũmũre.

²⁵ Ména to biro yũ ca biiparo jũguero, bũaropũra ñãñaro tamũo, ati cuu macãrãre ña juna eco, yũ biirucu.

²⁶ “Noé cũ ca niiri cuupũre ca biiquĩricarore birora biirucu, yũ, Ca Nii Majuropeegu Macũ yũ ca tua doori rũmũ cãare. ²⁷ Baa, jini, amo jia, cũja puna romiare nomi cũu, tii niupa. Cũmuapũ Noé cũ ca ea jãa waari rũmũpũ to biro tii yerijãaupa. To biro ca tii niirãre ca duurije doo, cũjare duu yaio bate peoticãquĩupa.

²⁸ “To birora biirupa Lot cũ ca niiri cuu cãare. Baa, jini, apeye wapa tii, cũja ca cũorijere noni wapa taa, otere ote, wiijeri baa, tii niiquĩupa. ²⁹ Sodoma ca niiricu, Lot cũ ca witiri rũmũra, ñmũreco tutipũ maquẽ ca ñũrije, azufre cũja ca ñirije, oco pearore biro cũjare ñaapea, tii jãa bate peoticãquĩupa niipetirãpũrena.

³⁰ “To birora biirucu, yũ, Ca Nii Majuropeegu Macũ yũ ca doori rũmũre. ³¹ Tii rũmũre wii jotoapũ ca niigua, cũ yee apeye wii jupearũ cũ ca cũorijere cũ jeegu duwi waaticãjato. Ñũcã wejepũ ca niigu cãa, cũ yaa wii pee cũ tua waaticãjato. ³² Lot nũmo ñãñaro cõ ca biiriquere tũgoeñaña. ³³ Cũ ca catirijere ñãñaro yũ tii yaioire ca ñĩgu, cũ ca cati niirijere díamacũra tii yaio nũcõcãrucumi. Cũ ca catirijere ca maitigua, cũ ca caticõa niipere bũarucumi. ³⁴ Tii ñamire, pũugũ jĩcãgũrena pũarã ca cãni yojarã, jĩcũ ami waa eco, apĩra toora cũu, tii ecorucuma. ³⁵ Pũarã nomia ca wãñia niirã, jĩcõ ami waa eco, apeora toora cũu, tii ecorucuma. ³⁶ Æmũna pũarã wejepũre ca niirã, jĩcũ ami waa eco, apĩ toora cũu, tii ecorucuma —cũjare ñi wedeupi Jesús.

³⁷ To biro cũ ca ñiro, cũja pea o biro cũre ñi jãĩñaupa:

—¿Wiogũ, tea noorpũ to biiroti? —ñiupa.

Cũ pea o biro cŭjare ĩi yũũupi:

—Ca bii yairicũ cũ ca niiri tabere wũũ nea poorucuma yucáá —cũjare ĩiupi.

18

Ca manũ dia weo ecorico cõ ca ĩi bayirique

¹ Jĩcã wãme ĩi cõõñari wedeupi Jesús, jũtiricarõ maniro, to birora cũja ca juu buecõa niipere wede majiorũgũ. ² O biro ĩiupi:

—Jĩcã macãpũre niupũ jĩcũ, bojoca cũja ca tii niirijere ca jãĩña bejegũ, Æmũreco Pacũra nũcũ bũoti, bojoca cãare ĩa nũcũ bũoti ca biigũ. ³ Nũcã tii macãrena niupõ jĩcõ, ca manũ bii yai weo ecorico, bojoca cũja ca tii niirijere ca jãĩña bejegũ pũtopũ waari, “Yũre ca ĩa tutigũre, ñañaro cõre tiiticãña,” cũre ĩĩña, cũre ca ĩi niigo. ⁴ Jĩcã cuu, yoaro cõre tii nemorũgatiupũ. To biro biiñami, o biro ĩi tũgoeñaurũ: “Æmũreco Pacũra nũcũ bũoti, bojoca cãare ĩa nũcũ bũoti, ⁵ ca biigũ yũ ca nii pacaro, atio, ca manũ bii yai weo ecorico pea, yũre pato wãcõ yerijãatimo. Cõre yũ tii nemocãgũda. To cãnacã tiira doori, añuro yũ ca niicãboro yũre pato wãcõ niibocumo,” ĩiupũ —ĩi wedeupi Jesús.

⁶ To biro ĩicã, o biro ĩi nemoupi ñucã Jesús:

—O biirije ĩiupi jãĩña bejeri majũ, ca añutigũ. ⁷ “¿To docare Æmũreco Pacũ pea cũ yaarã, cũ ca beje jeericarã, ñamiri, Æmũrecori cũre cũja ca jãijata, cũjare cũ tii nemotigajati? ¿Yoaro cũja ca yue mani waaro cũ tiigajati? ⁸ Yoari méera cũjare tii nemorucumi,” mũjare yũ ĩi. ¿To docare yũ, Ca Nii Majuropeegũ Macũ yũ ca tua doori rãmũre, ména ati yeparũre díamacũ tuo nũcũ bũorique to niicãroti? —ĩiupi cũ buerãre.

Fariseo, to biri wapa jeeri majũ menare cũ ca ĩi cõõñarique

⁹ Jĩcãrã cũja majuropeera, “Añurã jãa nii” ĩi tũgoeñari, aperãre ca ĩa junarãre ĩima ĩigũ, ati wãme ĩi cõõñari cũjare wedeupi Jesús:

¹⁰ —Puarã Æmũa, Æmũreco Pacũ yaa wiipũre juu buerã waauparã. Jĩcũ fariseo, apĩ pea Roma maquẽre wapa jee bojari maja mena macũ niuparã. ¹¹ Fariseo pea o biro ĩi juu bue nũcũupũ: “Æmũreco Pacũ, añu majuropeecã, mũre yũ ĩi. Yũa, aperã, ca jee duti pairã, ca tii dito pairã, ca tii epericarã cuti pairã, ñucã ani wapa jee bojari majũre biro, yũ biiti. ¹² Yũa, jĩcã semanare pũati wado betiri yũ juu bue, yũ ca wapa taarije cõrora pũa amo corõ ca niirijere jĩcã tabe mũre yũ tiicojorucu,” ĩi juu bueupũ. ¹³ Roma maquẽre wapa jee bojari majũ pea, yoarõpũra tua nũcã, Æmũreco peere ĩa mũeneri méé, cũ cotiare paagũra, o biro ĩi juu bueupũ: “Æmũreco Pacũ, yũre boõ paca ĩaña. Yũa, ñañarije ca tiigũ yũ nii,” ĩiupũ.

¹⁴ ”To biri wapa jee bojari majũ pea, ñañarije manigũpũ cũ yaa wiire tua waaupũ. Fariseo pea biitiupũ. To biri cũ majuropeera, “Ca nii majuropeegũ yũ nii,” ca ĩigũa, watoa macũ tuarucumi. “Watoa macũ yũ nii,” ca ĩigũ peera, ca nii majuropeegũ cũ ca niiro cũre tiirucumi Æmũreco Pacũ —ĩiupi.

Wimarãre Jesús cũ ca juu bue peorique

(Mt 19.13-15; Mc 10.13-16)

¹⁵ Nũcã wimarãre Jesús pũto jee waaupa, cũjare cũ padeñajato ĩirã. To biro cũja ca tiiro ĩarã, cũ buerã pea wimarãre ca jee doorãre boca tuti camotaupa. ¹⁶ To biro cũja ca ĩiro, Jesús pea wimarãre jũõ cojo, o biro ĩiupi:

—Wimarãre yũ pũto pee cũjare tiicojoya. Cũjare camotaaticãña. Æmũreco Pacũ cũ ca doti niiri tabea, cũjare biro ca niirã cũja ca niipa tabe nii. ¹⁷ Yee méé mũjare yũ ĩi. Wimagũre biro Æmũreco Pacũ cũ ca dotirijere ca tuo nũnũjeetigũa, toõpũre ea waatirucumi —cũjare ĩiupi.

Ca apẽye paigũ Jesús mena cũ ca wede penirique

(Mt 19.16-30; Mc 10.17-31)

¹⁸ Jĩcũ judíos're ca jũõ niirã mena macũ, o biro ĩi jãĩñaupi Jesús're:

—Buegũ añugũ, ¿ñee yũ tiigajati, caticõa niiriquere bũarũgũ? —cũre ĩiupi.

¹⁹ To biro cũ ca ĩiro, Jesús pea o biro cũre ĩi yũũupi:

—¿Ñee tiigu “Añugũ,” yũre mũ ñiti? Jĩcũ uno peera ca añugũ manimi; ca añugũ jĩcũra niimi, Ɖmũreco Pacũ wado. ²⁰ Mee, Ɖmũreco Pacũ cũ ca doti cũuriquere mũ maji: Nũmo cũi, manũ cũi, bii pacarã tii epericarã cũiiticãña. Jĩaticãña. Jee dutiticãña. Jĩcũ peerena watoara ñi dito buiyeeticãña. Mũ pacũre, mũ pacore nũcũ bũoya* —cũre ñiupi.

²¹ To biro cũ ca ñiro, cũ pea o biro cũre ñiupi:

—Mee, wãmũ niigũpũra tee niipetirijepũrena tee ca ñirore biro yũ tii peticãwũ —cũre ñiupi.

²² To biro cũ ca ñiro tũo, o biro cũre ñi yũũupi Jesús:

—Jĩcã wãme mũre dũjacã ména. Mũ ca cũorijere noni peoticã, tee wapa mũ ca jeerijere ca boo pacarãre cũjare tiicojoya. To biro tiigu, Ɖmũreco tutipũre paio mũ apeye cũiirucu. To biro tii yapano, yũ mena dooya —cũre ñiupi.

²³ Cũ pea ca apeye paigu niiri to biro Jesús cũ ca ñirijere tũogũ, bũaro tũgoeñarique paiupi.

²⁴ To biro cũ ca biiro ña, o biro ñiupi Jesús:

—¿No cõro peti ca bii majiña manirije to niicãti, ca apeye pairã Ɖmũreco Pacũ cũ ca doti niiri tabepũre cũja ca ea waape! ²⁵ Popiye méé niicã, jĩcũ camello ãjipõa potaga opeacãre cũ ca ame witi waaro, jĩcũ ca apeye paigu pea Ɖmũreco Pacũ cũ ca doti niiri tabepũre, do biro cũ ca bii ea waatirije to ca nii pacaro —ñiupi.

²⁶ To biro cũ ca ñirijere ca tũorã pea, o biro cũre ñi jãĩñaupa:

—¿To docare ñiru pee cũ ametũagũi? —ñiupa.

²⁷ To biro cũja ca ñiro, Jesús pea o biro cũjare ñi yũũupi:

—Bojocara do biro ca bii majiña manirije cãa, Ɖmũreco Pacũ peera popiye méé niicã —cũjare ñiupi.

²⁸ To biro cũ ca ñiro, Pedro pea o biro ñiupi Jesús're:

—Wiogũ, jãa, jãa yee niipetirije cũu peticã, mũre jãa nũnũ doowũ —cũre ñiupi.

²⁹⁻³⁰ Jesús pea o biro cũre ñi yũũupi:

—Yee méé mũjare yũ ñi. No ca boogu, Ɖmũreco Pacũ cũ ca doti niirije peere tii nũnũjeerũgũ, cũ yaa wii, cũ nũmo, cũ jaarã, cũ pacũa, cũ punaare, cũ ca waa weojata, ati yepare cati niigũra, cũ ca waa weorique ametũenero tiicojo ecorucumi. Ñucã cũ ca bii yairo jiropũra, to birora caticõa niiriquere tiicojo ecorucumi —ñiupi.

Cũ ca bii yaipere itiati Jesús cũ ca wede tũja waarique

(Mt 20.17-19; Mc 10.32-34)

³¹ Jesús, cũ buerã pũa amo peti, dũpore pũaga penituario ca niirã wadore jũo cojori, o biro cũjare ñiupi:

—Mecũra Jerusalén'pũ mani waa, Ɖmũreco Pacũ yee quetire wede jũgueri maja, yũ, Ca Nii Majuropeegũ Macũ yũ ca biipere cũja ca owarique ca ñirore biro ca biipa tabepũre.

³² Toorpũ apero macãrãpũre yũre noni cõarucuma. Cũja pea yũre bui epe, yũre acaro bui tuti, yũre Ɖjeco eo tuu, tiirucuma. ³³ To biro tiicã, yũre bape yapanori jiro, yũre jĩa cõa, tiicãrucuma. To biro cũja ca tiicãmijata cãare, itia rãmũ jiro yũ cati tuacoarucu ñucã —cũjare ñiupi.

³⁴ Cũja pea ate to biro cũ ca ñirijere tũo majitiupa. Ñucã, “To biro ñirũgũ ñigajami,” ñi majiticãupa, do biro tii ca tũo majiña manirije ca niiro macã.

Jericó macãre ca ñatigũre Jesús cũ ca catorique

(Mt 20.29-34; Mc 10.46-52)

³⁵ Jesús, Jericó macãre ea nũnũa waagu cũ ca biiro, jĩcũ, ca ñatigũ, maa pũtore wapa tiirica tiiri ca jãĩ duwigũ, ³⁶ pau bojoca cũja ca ametũa waarijere tũori:

—¿Do biro to biiti? —ñi jãĩñaupi.

³⁷ To biro cũ ca ñiro:

—¿Jesús, Nazaret macũ ametũa waagu biimi! —cũre ñi wedeupa.

³⁸ Teere tũocãgũpũa, o biro ñi acaro buiupi:

* 18:20 Ex 20.12-16; Dt 5.16-20.

—¡Jesús, David Párami, yure boo paca ñaña! —ñiupi.

³⁹ Cũ jũguero ca waa nũña waarã pea, cũ yerijãa waajato ñirã, cũre tutimiupa. To biro cũja ca ñi pacaro, cũ pea bũaro jaũuro:

—¡Jesús, David Párami, yure boo paca ñaña! —ñi acaro buiupi.

⁴⁰ Jesús pea, to biro cũ ca ñiro tuo, tua nũcãri, “Cũre ami dooya,” ñiupi. Ca ñatigu cũ pũto cũ ca earo, o biro cũre ñi jãñiũupi Jesús:

⁴¹ —¿Ñee uno mũre yũ ca tiiro mũ booti? —ñiupi.

To biro cũ ca ñiro, ca ñatigu pea o biro cũre ñi yũũupi:

—Wiogũ, yũ cape ca ñaro yũ boo —cũre ñiupi Jesús're.

⁴² To biro cũ ca ñiro, Jesús pea o biro cũre ñiupi:

—Ñaña! “Jesús yure catiocãrucumi,” díamacũ mũ ca ñi tũgoeña bayirije jũori mũ ametũene eco —cũre ñiupi.

⁴³ To biro cũ ca ñirije menara, ca ñatimiricu añuro ñacoari, Æmũreco Pacũre ñi nũcũ bũo baja peo nũña waaupi Jesús mena waagũ. Bojoca niipetirã atere ca ñarã cãa, Æmũreco Pacũre ñi nũcũ bũoupa.

19

Jesús to biri Zaqueo

¹ Jesús Jericóre ea, tii macãre tẽo taa nũña waaupi. ² Tii macãre niupi jĩcũ ca apeye paigu Zaqueo ca wãme cutigu, Roma maquẽre wapa jee bojari maja wiogũ. ³ Cũ, Jesús're ñarũgamiupi. Ca emũatiguacã niima ñigu, bojoca paũ cũja ca niiro macã, do biro tii ña eyotiupi. ⁴ To biri cũja jũguero ũmaa waa, Jesús're ñarũgũ, cũ ca ametũa waapa tabe pũto ca niiricu yucũgũrũ* mũacoaupi.

⁵ Jesús tii tabere ametũa waagũ, emũaro pee ña mũene, Zaqueore ñari, o biro cũre ñiupi:
—Zaqueo, yoari méé duwi dooya. Mecũra mũ yaa wiira yũ earucu —cũre ñiupi Jesús.

⁶ To biro cũ ca ñiro Zaqueo pea yoari méé duwi doo, ẽjea niirique mena cũ yaa wiirũ jũocoaupi Jesús're. ⁷ Teere ñarã, niipetirã:

—Ñañarije ca tiigu yaa wiirũ cãnigu waami —ñi wede paiupa.

⁸ Jiro Zaqueo cũ yaa wiirũ niigu, wãmũ nũcã, o biro ñiupi Jesús're:

—Wiogũ, yũ ca cũorije niipetirore, ca boo pacarãre decomacã yũ tiicojorucu. Jĩcãrãre yũ ca jee dutijata, bapari niirije cũjare yũ tuene nemorucu —ñiupi.

⁹ Jesús pea o biro cũre ñiupi:

—Mecũ ati wii macãrãre cũja ca ametũarije ea. Ani cãa, Abraham páramira niimi.

¹⁰ Yũ, Ca Nii Majuropeegũ Macãa, ca yairicarãre ama, cũjare ametũene, tiigu doogu yũ doowũ —ñiupi.

Wapa tiirica tiiri mena ñi cõõñarique

(Mt 25.14-30)

¹¹ Bojoca to biro cũ ca ñirijere cũja ca tuo niiro macã, Jesús pea jĩcã wãme ñi cõõñari, cũjare wedeupi. Mee, Jerusalén pũtoacã niupa. To biri bojoca pea, “Mee Æmũreco Pacũ cũ ca dotipa cuu ea waaro biicu,” ñi tũgoeñaupa. ¹² To biri o biro cũjare ñiupi Jesús:

—Niipurũ jĩcũ, ca nii majuropeegũ ca niigu, ca yoarorũ ape yeparũ ca waaricu, toorũ wiogũ jõene eco yapanori jiro ca tua doorũ. ¹³ Cũ ca waaparo jũguero, cũre ca pade coterãre, pũa amo cõro niirã jũo cojo, cũja cõrorena wapa tiirica tiirire paio cũjare tiicojo, o biro cũjare ñiurũ: “Ate, wapa tiirica tiiri mena apeye wapa tiiri, noni wapa taa niĩña, yũ ca tua earorũ,” cũjare ñiurũ. ¹⁴ Cũ yaa yepa macãrã pea cũre ña tuti jañũuparã. To biri cũ jiro, cũja mena macãrã jĩcãrãre tiicojuparã: “Ani, jãa wiogũ cũ ca niiro jãa booti,” ca ñiparãre.

¹⁵ “To biro cũja ca ñirije ca nii pacaro, wiogũ jõene eco yapano, cũ yaa yeparũ tuacoaurũ ñucã. Tua ea, cũre ca pade coterãre wapa tiirica tiiri cũ ca tiicojoricarãre jũo doti cojorũ, cũja ca niiro cõro cũja ca wapa taa nemoriquere majirũgũ. ¹⁶ Ca ea jũogũ, o biro cũre ñiurũ: “Wiogũ, mũ yee wapa tiirica tiirire pũa amo cõro niirije yũ wapa taa

* 19:4 Sicómorogũ.

nemojāwū,” cūre iūpū. ¹⁷ To biro cū ca iiro: “Añu majuropeecā. Paderi majū añugū mū nii. Mee, petoacā cāare añuro ca ĩa nūñjee majiricū mū ca niiro macā, pūa amo cōro niiri macārire ca dotipū mūre yū cūu,” cūre iūpū cū wiogū.

¹⁸ “Cū jiro apī eaupū ñucā. “Wiogū, mū yee wapa tiirica tiirire, jīcā amo cōro niirije yū wapa taa nemojāwū,” cūre iūpū. ¹⁹ To biro cū ca iiro, cū cāare o biro cūre iūpū: “Jīcā amo cōro niiri macārire ca dotipū mūre yū cūu,” cūre iūpū.

²⁰ “Cū jiro apī o biro ĩi eaupū: “Wiogū, ate nii, mū wapa tiirica tiiri. Jutiro quejero mena ũmaari, yū queno cūu cūo niirucujāwū. ²¹ Mūre yū uwi jañuwū. Mūa do biro ca tiiya manigū, mū ca cūutirica taberena ca jeegū, mū ca otetirica taberena ote dicare jee, ca tiigū mū nii,” cūre iūpū. ²² To biro cū ca iiro, wiogū pea o biro cūre ĩi yūūpū: “Paderi majū ca añutigū, mū majuropeera mū ca ĩirije menara, ñañarije mū ca tiirique cūtirijere yū ĩa bejerucu. Do biro ca tiiya manigū, yū ca cūutirica taberena ca jeegū, yū ca otetirica taberena ote dicare ca jeegū, yū ca niirijere maji pacagū, ²³ ĩñee tiigū yū yee wapa tiirica tiirire, wapa tiirica tiiri queno cūurica wiipū mū cūutiri, yū ca tua earo, tee ca wapa taa nemorique mena yūre tuenerugū?” cūre iūpū. ²⁴ To biro cūre ĩi, too ca niirāre o biro cūjare iūpū: “Anire, wapa tiirica tiirire ēmari, pūa amo cōro niirije ca wapa taa nemoricū peere cūre tiicojōya,” cūjare iūpū.

²⁵ “To biro cū ca iiro, cūja pea o biro cūre iūparā: “Wiogū, mee cūa pūa amo cōro niirijepū cūomi doca,” iūparā. ²⁶ To biro cūja ca iiro, wiogū pea o biro ĩi yūūpū: “Ca cūogua, pai jañuro tiicojo nemo ecorucumi. Ca cūotigū pea, petoacā cū ca cūorije menapūra, ēma ecooarucumi. ²⁷ Yūre ca ĩa junarā, cūja wiogū yū ca niiro ca bootiricarā peera, ano pee cūjare jee doori, yū ca ĩa cojoro cūjare jīa batecāña,” iūpū —ĩi wedeupi Jesús bojocare.

Jerusalén're Jesús cū ca jāa waarique

(Mt 21.1-11; Mc 11.1-11; Jn 12.12-19)

²⁸ Atere ĩi yapano, Jerusalén'pū waagū, waacā nūñua waaupi ñucā Jesús. ²⁹ Macāñucū Olivos ca wāme cūtiri buuro pūto ca niiri macāri Betfagé, Betania, macāri pūto ea waagū, cū buerā pūarāre tiicojori, ³⁰ o biro cūjare ĩi cojōupi:

—Ano díamacū ca niiri macāpū waarāja. Tii macāre earā, jīcū burro jīcū peera cūja ca peja ñaatigū cūja ca jia tuu nūcōricūre mūja buarucu. Cūre popiori, ano pee mūja ami doowa. ³¹ Jīcārā, “ĩñee tiirā cūre mūja popioti?” mūjare cūja ca ĩi jāiñajata, “Wiogū cūre boomi,” cūjare mūja ĩiwa —cūjare ĩi cojōupi Jesús.

³² Cū buerā pea waa, cūjare cū ca ĩiricarore birora bua eaupa. ³³ Burrōre cūja ca popio niiro, cū uparā pea:

—ĩñee tiirā cūre mūja popioti? —cūjare ĩi jāiñaua.

³⁴ To biro cūja ca iiro:

—Wiogū cūre boomi —cūjare iūpa cūja pea. ³⁵ Jesús pūto cūre ami ea, jotoa cūja ca jāñarije jutire burro jotoa peori, cūre ami peoupa.

³⁶ Jesús cū ca waa nūñua waaro cōrora, bojoca pea cūja juti, jotoa cūja ca jāñarije maare cūu jūgue nūñua waaupa. ³⁷ Macāñucū Olivos Buuro ca nii bua waari tabere cū ca ea waarora, niipetirā cūre ca nūñrā buaro ũjea nii acaro bui, ũmureco Pacure baja peo jūo waaupa, niipetirije ca ĩa ñaaña manirije cū ca tii bau nii ĩñoriquere ca ĩaricarā niiri.

³⁸ O biro iūpa:

—Añuro ca biigū niimi, Wiogū, ũmureco Pacū wāme mena ca doogu.

ũmureco tutipūre jīcāri cōro niirique to niijato. Cū ca añu majuropeerije niipetiropū to niijato† —iūpa.

³⁹ To biro cūja ca iiro, jīcārā fariseos, bojoca watoare ca niirā, o biro iūpa Jesús're:

—Buegū, mūre ca nūñrāre, to cōrora cūjare yerijāa dotiya —cūre iūpa.

⁴⁰ To biro cūja ca iiro, Jesús pea o biro cūjare ĩi yūūpū:

—Anija cūja ca yerijāajata, ũtāgaarira acaro buirucu —cūjare iūpi.

⁴¹ Jerusalén macāre ea waagūra, tii macāre ĩari, o biro ĩi otiupi Jesús:

† 19:38 Sal 118.26; 148.1.

⁴² —¡Mũ cãare, ati rũmũ, añuro mũ ca niipere ca jee doori rũmũ petira ca ãa majicãpe niimi! Mecãra, teere mũ ca ãa majiborique yaioropũ mũre niicã. ⁴³ Doorucu ñañoaro mũ ca biipa rũmũri, mũ waparã, mũ wejare camota nũcã eari, niipetiri taberipũ noo pee duti waa majiña maniro cãja ca jãa jãa doora rũmũri. ⁴⁴ Díamacãra mũre tii yaicã, mũ bojocara jãa peoticã, ñucã ãtãga apega jotoa pejaricarõ maniropũ tii yaicã, tiirucuma. Mũa, Æmũreco Pacũ mũre cã ca ametũenegu doori tabere mũ ãa majiti —ĩ otiupi.

Æmũreco Pacũ yaa wiire ñañarije ca niirijere Jesús cã ca cõarique
(Mt 21.12-17; Mc 11.15-19; Jn 2.13-22)

⁴⁵ Jiro Jesús Æmũreco Pacũ yaa wiipũ jãa waari, toopũ ca noni wapa taa niirãre cãjare cõa wiene jũo waaupi. ⁴⁶ O biro ãiupi:

—O biro ãi owarique nii: “Yũ yaa wii, juu buerica wii niirucu,” ãi,† mũja pea tii wiire, jee dutiri maja cãja ca niiri ope mũja jeeñocãjapa§ —cãjare ãiupi Jesús.

⁴⁷ To cãnacã rũmũra Jesús Æmũreco Pacũ yaa wiipũ bojocare buerucuupi. Paia ãparã, doti cãuriquere ca jũo buerã, to biri bojocare ca jũo niirã pea, “¿Do biro pee tiiri cãre ca jãa cõape to niimiti?” ãi ama niuupa. ⁴⁸ Biirãpũa, cãre cãja ca jãapa wãmere bua majitiupa, bojoca niipetirã cã ca wederijere cãja ca tũo niiro macã.

20

Jesús cã ca doti majirije
(Mt 21.23-27; Mc 11.27-33)

¹ Jicã rũmũ Jesús, Æmũreco Pacũ yaa wiipũ bojocare bue, añurije quetire wede, cã ca tii niiro, paia ãparã, doti cãuriquere ca jũo buerã, bojocare ca jũo niirã mena eari, o biro cãre ãi jãinaupa:

² —Jãare wedeya: ¿Ñee doti majirique cõocãri, to biro mũ tii niiti? ¿Tee doti majiriquere ñiru mũre cã tiicojojãri? —cãre ãiupa.

³ To biro cãre cãja ca ãiro, Jesús pee cãa o biro cãjare ãi yũũupi:

—Yũ cãa, jicã wãme mũjare yũ jãinũarucu. Mũja cãa yũre yũũya. ⁴ ¿Ñiru Juan're, cã uwo coe doti cojoupãri? ¿Æmũreco Pacũ, bojoca pee cãre cãja doti cojoupãri? —ãiupi.

⁵ To biro cã ca ãiro cãja pea, cãja majurope o biro ameri ãiupa:

—“Æmũreco Pacũ cãre doti cojoupãri,” mani ca ãi yũũjata, “¿Ñee tiirã cã ca wederijere díamacã mũja tũo nũnũjeetiri?” manire ãirucumi. ⁶ Ñucã, “Bojoca cãre doti cojoupãri,” mani ca ãijata, bojoca ãtã mena manire dee jãa cõacãrucuma. Mee niipetirã, “Æmũreco Pacũ cã ca doti cojoricũ niwi Juan,” ca ãirã wado niima —ãiupa. ⁷ To biri o biro cãre ãi yũũupa Jesús're:

—Baa. Jãa majiti. Ñiru cãre doti cojojacupi doca —ãiupa.

⁸ To biro cãja ca ãiro, Jesús pea:

—To docare yũ cãa, “Tee doti majirique mena to biro yũ tii,” mũjare yũ ãiticu —cãjare ãi yũũupi Jesús.

Paderi maja ñañarãre ãi cõõnari cã ca wederique
(Mt 21.33-44; Mc 12.1-11)

⁹ Jiro bojocare ati wãme ãi cõõnari cãjare wedeupi Jesús:

—Jicã, jicã weje, ãje weje ote, paderi majare pade doti cãu, yoaro bii yujugũ waagũ, waacoaurũ. ¹⁰ Æje ca dica cãtiri cuu ca earo, jicã cãre pade coteri majure, paderi maja pãtorũ cãre tiicojoupũ cã yee ca niirijere cãja dica woo cojojato ãigu. Cã ca earo, paderi maja pea cãre paa, ñee jãa manigu cãre tii ãcũ tuenecã cojoupãrã. ¹¹ Jiro tii weje ãpũ apãre tiicojomũpũ ñucã. Cã cãare cãre paa, ñañoaro cãre ãi tuti, ñee jãa manigu cãre tii ãcũ tuenecã cojoupãrã. ¹² Apãre tiicojo nemomũpũ ñucã. Cã cãare to birora, cãre cami tuu, tii weje tũjaropũ cãre tii ãcũ wooenecã cojoupãrã.

† 19:46 Is 56.7. § 19:46 Jer 7.11.

¹³ "To biro tii ñami waagu, uje weje uru o biro ii tugoeñauru: "¿Do biro yu tiiguti? Jau. Yu macu, yu ca maigure, yu tiicojorucu. Ape tabera cüre nucu buocãbocuma," ii tugoeñauru. To biro ii, cüre tiicojouru.

¹⁴ "Paderi maja pea cüre iacãrãru, o biro ameri iuparã: "Ani niimi, ati wejere ca cuo nunjeeru, cüre mani jã cõacãco, ati weje mani yaa weje ca tuapere biro iirã," iuparã.

¹⁵ To biri uje weje tujaroru cüre ami witi waa, cüre jã cõacãparã.

"¿Maja, uje weje uru do biro cãjare tiirucumi," maja ii tugoeñati? ¹⁶ Cã majuropeera waa, paderi majare jã bate, aperã peere tii wejere cãjare tiicojorucumi —iupi.

To biro cã ca iirijere tuorã, bojoca pea o biro iupa:

—Biiticu tea* —iupa.

¹⁷ To biro cãja ca iiro, Jesús pea cãjare ñari, o biro iupi:

—To docare ¿do biro iirugaro to ñiti, Umareco Pacu wederique:

"Wii buari maja ñtãga cãja ca beje cõamiricagara

ca nii majuropeerica tua,"† ca iirijea?

¹⁸ Tiiga ñtãga jotoare ca ñaapearã cõrora, doca jude batecã yai waarucuma. Ñucã tiiga pee no ca boogure to ca ñaapeajata, doca abo yaicãrucu —iupi.

¹⁹ Paia uparã, doti cõuriquere ca juo buerã pea, ii cõõñari cã ca wederijere, "Manirena iigu iimi," ii tuo majiri, jicãtora cüre ñeerugamiupa. Bii pacarã, bojocare uwi jañuupa.

Wioгу César're wapa tiirique maquere cãja ca jãñarique

(Mt 22.15-22; Mc 12.13-17)

²⁰ To biri jicãrã ca bojoca añurãre biro bii ditori, Jesús jicã wãme cã ca ii maa wijiaro cãja tiijato iirã, ca ña duti coterãre tiicojoura: "No ca booro cã ca iijata, wioгурere mani wedejãajaco," iirã.

²¹ To biri cãja pea o biro cüre ii jãñaua:

—Buegu, mu ca iirijere, mu ca buerijere, ca niitore biro díamacãra mu ca iirijere jãa maji. Bojocare mu ña dica wooti. Umareco Pacu cã ca boorore biro niiriquere díamacã mu wede. ²² To biri: ¿Roma macu wioгure niirique wapa, jãa ca wapa tiirije to añucãti? ¿To añutitiqué? —iupa.

²³ Jesús pea, ñañari wãme tugoeñacãri cãja ca iirijere majiri, o biro cãjare iupi:

²⁴ —Jicã tii, wapa tiirica tii yure iñoña. ¿Ati tiipure owa tuurique ñiru wãme, ñiru díamacã to niiti? —ii jãñauipi.

To biro cã ca iiro, cãja pea:

—Wioгу César yee nii —ii yñuupa.

²⁵ To biri Jesús pea:

—To docare wioгy yee ca niirijere, wioгure tiicojora. Umareco Pacu yee ca niirijere Umareco Pacure tiicojora —cãjare ii yñuupi. ²⁶ Jicã wãme peerena bojoca cãja ca tuo cojoro cã ca iirijere, cüre cãja ca wedejãara wãmere buatiupa. To biri cã ca yñu majirijere tuo ucãacoa, do biro pee ii majiti, wedeticã nucã waaupa.

Cati tuarique maquere cãja ca jãñarique

(Mt 22.23-33; Mc 12.18-27)

²⁷ Jiro, jicãrã saduceos, Jesús're ñarã waaupa. Saduceos, "Ca bii yairicarãru puati cati tuatima," ca iirã niima. To biri o biro cüre ii eaupa:

²⁸ —Buegu, Moisés o biro manire ii owa cõuquipi: "Jicã nũmo cuti, puna manigura cã ca bii yaijata, cã yee wedegu nũmo ca niiricore nũmo cutiri, cã yee wedegu ca bii yairicure, cã puna cuti wajoa bojajato,"‡ ii owaupi. ²⁹ To biri yua, jicãti niupa jicã amo peti, ape amore puaga penituario niirã jicã puna. Ca nii juogu nũmo cuti, puna manigura bii yaicoaupi. ³⁰ Jiro macu, ³¹ ñucã jiro macu cãa, cõrena nũmo cuti, puna manirãra bii yaicoaupi. Cãja jicã amo peti, ape amore puaga penituario ca niirãru, cõ wadorenã nũmo cutiñami, puna manirã wado bii yai peticoaupi. ³² Cãja jiro cõ cãa bii yaicoaupi.

* 20:16 ¿To biirije peti ca biuro cã tiiticãjato Umareco Pacu! † 20:17 Sal 118.22. ‡ 20:28 Dt 25.5-6.

³³ To docare yua, cati tuarica tabepura, cūja, jīcā amo peti, ape amore puaga penituario ca niirā nūmo ca niirico, ¿nii nūmo pee cō niigoti yua? —īi jāiñaua Jesús're.

³⁴ To biro cūja ca īi jāiñaro, Jesús pea o biro cūjare īi yūūipi:

—Bojoca, ati yepare cūja ca cati niiri rūmūre umua nūmo cuti, nomia manū cuti, tii niima. ³⁵ To biri cati tuari, ape yeparure ca ea waaparā unora ca niirā, umua nūmo cuti, nomia manū cuti, tiitirucuma, ³⁶ ca bii yaitiparā niiri. Umureco Pacu puto macārāre birā nii, ñucā Umureco Pacu puna nii, biirucuma, ca cati tuaricarāpū niiri. ³⁷ Moisés majuropeera yucūgu ca ūn nūcūricū quetire cū ca owarique mena, ca bii yairicarā cūja ca cati tuarijere mani ca majiro tiimi. Tii tabere Umureco Pacu: “Yua, Abraham, Isaac, Jacob, Umureco Pacu yū nii,” īiupi. § ³⁸ Cūa, ca bii yairicarā Umureco Pacu méé niimi. Ca catirā Umureco Pacu niimi. Umureco Pacura niipetirā ca catirā wado niicāma —īiupi.

³⁹ To biro cū ca īiro, jīcārā doti cūuriquere ca jūo buerā o biro cūre īiupa:

—Buegu, díamacū peti mū īi —īiupa. ⁴⁰ To biri cūre jāiña nemorugarucu, tiitiupa yua.

¿Ñiru pārami cū niiti, Mesías?

(Mt 22.41-46; Mc 12.35-37)

⁴¹ Jesús o biro cūjare īi jāiñauipi:

—¿Ñee tiirā Mesías're, “David pārami niimi,” cūja īirucuti? ⁴² David majuropeera Salmos pūuropure o biro īi owaupi:

“Umureco Pacu, yū Wioḡure o biro īiwi:

‘Ano yū díamacū nūña pee duwiya,

⁴³ mū waparāre cūja ca doca cūmuro yū ca tiiorū, īiwi,” īiupi David.*

⁴⁴ ¿To docare do biro biicāri, David majuropeera “Yū Wioḡu,” cū ca īigu nii pacagu, cū pārami cū niibogajati Mesías? —cūjare īiupi.

Doti cūuriquere ca jūo buerāre Jesús cū ca tutirique

(Mt 23.1-36; Mc 12.38-40; Lc 11.37-54)

⁴⁵ Bojoca niipetirā cūja ca tūo cojoro, o biro īiupi Jesús, cū buerāre:

⁴⁶ —Doti cūuriquere ca jūo buerā cūja ca biirique cutirijere īa maji, bojoca catiri niīña. Cūja, juti yoerije jāñacāri waa yuju, apeye nonirica taberipū cūja ca waa yujujata cāare, nūcū buorique mena jāi, tiirique booma. Nea poo juu buerica wiijeripure wiorā cūja ca duwirijepū wado duwiruga, baarica taberi cāare añuri taberi wado ama, biima. ⁴⁷ Ñucā ca manū jūmua bii yai weo ecoricarā romiri yaa wiijerire ēmama. To biro ca tiirā nii pacarā, teere tii ditorā, “¿Ca bojoca añurā peti niima!” jāare cūja īijato īirā, yoaro juu buema. Cūja, ametuenero ñañaro tii ecorucuma —īiupi Jesús.

21

Ca manū bii yai weo ecorico cō ca tiicojo nūcū buorique

(Mc 12.41-44)

¹ Jesús, Umureco Pacu yaa wiipure, Umureco Pacure tiicojo nūcū buorā jāarica cūmuaripure, ca apeye pairā wapa tiirica tiiri cūja ca jāaro īaupi. ² Ñucā ca manū bii yai weo ecorico ca apeye boo pacago cāa, pua tiiacā wapa tiirica tiiri cō ca jāaro īaupi.

³ To cōrora o biro īiupi Jesús:

—Yee méé mūjare yū īi. Atio, ca manū bii yai weo ecorico boo pacoro ca biigo pea, niipetirā ametuenero tiicojoma. ⁴ Niipetirāpura, paio ca cūorā niiri, cūjare ca dūjaripure tiicojoma. Cō pea, cō ca boo pacarije menara cō ca wapa tii baa catibopecārena tiicojo peoticāmo —īiupi Jesús.

“Umureco Pacu yaa wii cōa ecorucu,” Jesús cū ca īirique

(Mt 24.1-2; Mc 13.1-2)

§ 20:37 Ex 3.6. * 20:43 Sal 110.1.

⁵ Jīcārā cū buerā mena macārā, Ҫmureco Pacu yaa wiire añuriye ūtā mena, ñucā Ҫmureco Pacure cūja ca tiicojo nucū buorique mena cūja ca wāmoriquire ïari, ameri wede peni niupa. Jesús pea o biro ïupi:

⁶ —Ano mūja ca ïariye niipetiro, jīcāga ūtāga jotoare apega ca pejatiropu cūja ca tiipa rumari earucu. Niipetirije tii yaio ecocoarucu —ïupi.

Ati umureco ca petiparo juguero ca biipe

(Mt 24.3-28; Mc 13.3-23)

⁷ To biro cū ca ïiro, o biro cūre ïi jāiñaupa:

—Buegu, ¿tea no cōropu to biiroti? ¿Tee ca biiparo juguero, do biirije to bii ñno jugueroti? —ïupa.

⁸ To biro cūja ca ïiro, cū pea o biro cūjare ïupi:

—Bojoca catiri niiña, jāa ïi dito ecore ïirā. Pacu doorucuma yu wāme mena ïicāri: “Yura yu nii Cristo. Mee, tii cuu eacoaro bii,” ca ïiparā. To biro ca ïirāre nunaticāña. ⁹ Ñucā ameri jāa, cūja ca doti niirijere ameri bii ametuene nucū, cūja ca biirijere queti tuorā uwiticāña. Ate bii juorucu. Biiorpu ména ati umureco ca petirije jīcāto bii eatirucu —ïupi.

¹⁰ O biro ïi nunna waaupi:

—Jīcā yepa macārā, ape yepa macārā mena ameri jāa, ñucā jīcā pooga macārā, ape pooga macārā mena ameri jāa, tiurucuma. ¹¹ Buaro jita jabe, niipetiri taberipurena ana boarique, diarique ca punirije, waarucu. Ҫmureco tutipure uwiorije, ca ïa ñaaña manirije ca bii ñno juguerije baurucu.

¹² ”Ména ate ca biiparo juguero, mūjare ñee, ñañaro mūjare tiiruga nunuje, biirucuma. Jāiña bejerugarā nea poo juu buerica wiijeripu mūjare jee waa, tia cūurica wiijeripu mūjare tia cūu, ñucā yu yee juori, uparā putoripu, bojocare ca juo niirā putoripu, mūjare jee waarucuma. ¹³ To biro mūjare cūja ca tiiro, yu yee maquere cūjare mūja ca wedepe niirucu. ¹⁴ “Ñee uno peere ñañariye jāa tiitijāwu,” cūjare mūja ca ïi ametuapere, “O biirije cūjare mani ïi yuujaco,” ïi tugoeña queno yueticāña. ¹⁵ Yu majuropeera, buaro majirique mena mūja ca wedepere mūjare yu tiicojorucu, jīcū peera mūjare ca ïa tutirā, do biro pee ïi majiti, mūjare boca yuu majiti, cūja ca biipere biro ïigu. ¹⁶ Biirāpu, mūja pacuara, mūja yaarāra, mūja yee wederāra, mūja mena macārāra mūjare wedejāa buiyeecārucuma. Mūja mena macārā jīcārāre jīarucuma. ¹⁷ Yu yee juori, bojoca niipetirā mūjare ïa tutirucuma. ¹⁸ Biiorpu, mūja dupuga maquē poa jīcā daa unora yaicoa biitirucu. ¹⁹ To birora mūja ca tugoeña bayicōa niijata, caticōa niiriquere mūja buarucu.

²⁰ ”Jerusalén macāre uwamarā cūja ca nii amojodero ïarā, “Mee, yoari méera ati macā cōa ecoro dooro tii,” ïi majiña. ²¹ To cōrora Judea yepare ca niirā, ūtā yucapu cūja duticoajato. Jerusalén macāre ca niirā, tii macāre cūja witicoajato. Ñucā macā tujaro ca niirā cāa, macā peere cūja tua dooticājato. ²² Ñañaro biirica rumari, Ҫmureco Pacu yee queti owarique ca ïirore biro ca bii eari rumari niiro biirucu. ²³ Ñañaro peti tamhorucuma, to biro ca biiri rumarire, utaaga pacoa ca niirā, ñucā ūpūrāacā ca puna cutirā romiri. Ati yepare ñañaro tamhorique niirucu. Ñucā Israel yaa pooga menare ñañaro peti cū ca tiirije niiro biirucu. ²⁴ Jīcārā niipīri mena jāa eco yairucuma. Aperāra, niipetiri yeparipu cūjare ñee waarucuma. Judíos ca niitirā Jerusalén're ñañaro tii yaiorā tiirucuma. “To cōro biirucu,” cū ca ïirica cuu ca earopu, tii yerijāarucuma.

Ca Nii Majuropeegu Macū cū ca tua doope

(Mt 24.29-35, 42-44; Mc 13.24-37; 1Ts 4.13—5.11; Ap 22.7)

²⁵ ”Muirpū, umureco macūre, ñami macūre, to biri ñocōare ca ïa ñaaña manirije bii juorucu. Ati yepa peera bojoca poogaari niipetirāpura buaro tugoeñarique pai, dia pairiya ca jabeto uwiorije ca bujuriye juorira, do biro pee bii majiti, biicārucuma. ²⁶ Bojoca, ati yepare ca biipere tugoeña uwima ïirāra, dia ñaacārucuma. Ҫmureco tutipure ca niirā menapura yuguí peticoarucuma. ²⁷ To cōrora yu, Ca Nii Majuropeegu

Macäre, yu ca tutuarije do biro ca tiiya manirije mena, bueri buruapu yu ca boe bate duwi dooro yare iarucuma. ²⁸ Ate to ca bii juo dooro, tugoeña tutua, emuaro pee ia muene, tiiya. Mee, yoari méera mija ametuene ecorucu —iupi.

²⁹ Ate mena ii cõõnari, cõjare wedeupi ñucã:

—Higueragure to biri no ca booricu yucugure ñañaaqué. ³⁰ To ca pũu wajoaro ñarã, “Mee, cõma jũguero niicã doo,” mija ii ña maji. ³¹ To biro mija ca ii ña majirore birora ano mujare yu ca ñirije ca biiro ñarã, “Mee, Æmureco Pacu cõ ca dotipa cuu ea dooro bii,” ii ña majiña. ³² Díamacõra mujare yu ii, ano mujare yu ca ñirije niipetirije, ati cuu macãrã cõja ca bii yaiparo jũguero biirucu. ³³ Ati amureco, ati yepa, peticoarucu. Yu wederique pea yai nãcãtirucu.

³⁴ ”Bojoca catiya, ati yepare niirã tii niirique, cõmurique, ati yepare cati niirã buaro boo tugoeñarique juori, ca tuo nunuheetirã mija ca niiro mujare ca tiitipere biro ñirã. Mija ca bojoca catitijata, to biro ca biiri rumu, “To biro biibocu,” mija ca ñitiri tabera mujare bii eacãrucu. ³⁵ Ati yepa macãrã niipetirãpũre, yoo yuerica tabe ca tiitore biro bii earo biirucu. ³⁶ To biri aũuro nii yueya. To birora juu buecõa niña. Ate niipetirije ñañaro ca biipere ametua, ñucã yu, Ca Nii Majuropeegu Macäre boboricaro maniro boca, mija ca biipere biro ñirã —cõjare iupi Jesús.

³⁷ Jesús, amurecora Æmureco Pacu yaa wiipũ bojocare bue, ñami peera Olivos ca wãme cõtiri macãnãcũ buuropũ cãnigũ waarucuupi. ³⁸ Bojoca niipetirã, ca boerije mena, Æmureco Pacu yaa wiipũ waarucuupa, Jesús cõ ca wederijere tuorã waarucurã.

22

Jesús're ñeerugará cõja ca wede penirique

(Mt 26.1-5, 14-16; Mc 14.1-2, 10-11; Jn 11.45-53)

¹ Mee, pan're ca wauarije ca ayiaya manirijere cõja ca baari boje rumu, Pascua ea waaro biiupa. ² Paia uparã, doti cõuriquere ca juo buerã, bojocare uwima ñirã, Jesús're cõja ca jãpa wãmere ama niupa. ³ To biro cõja ca ii niiri tabere, Judas Iscariote, Jesús buerã, pua amo peti, dũpore puaga penituario ca niirã mena macãrena, cõ yeripu ñaaãa nãcãupi Satanás. ⁴ Cõ pea, paia uparãre, to biri Æmureco Pacu yaa wiire ca coterãre ñagũ waari, “Jesús're o biro tiiri cõre mija ca ñeero yu tiirucu,” ii wede peniupi. ⁵ Cõja pea teere tuo ujea nii:

—Wapa tiirica tiiri mure jãa tiicojorucu —cõre iupa. ⁶ To biri cõ pea, teere ñeecãri, bojoca cõja ca maniri tabe unore ama juo waaupi, Jesús're ñee dotirũgu.

Jesús cõ ca baa tũjarique

(Mt 26.17-29; Mc 14.12-25; Jn 13.21-30; 1Co 11.23-26)

⁷ Pan're ca wauarije ca ayiaya manirije baarica boje rumure, Pascua macũ oveja macãre cõja ca jãari rumu ca earo, ⁸ Jesús pea Pedore, Juan're, o biro cõjare ii cojoupi:

—Pascua boje rumu mani ca baapere queno yuerãja —iupi.

⁹ To biro cõjare cõ ca ñiro:

—¿Noorpũ jãa ca queno yuero mu booti? —cõre ii jãiñaupa.

¹⁰ To biro cõja ca ñiro, o biro cõjare ii yuupi Jesús:

—Macãre piya waarãra mija buarucu jicũ, ocoru ca ami waagure. Cõre nunu waa, cõ ca jãa waari wiipũ eari, ¹¹ tii wii upũre o biro cõre mija iirucu: “Buegu o biro ii jãiñami: ‘¿Dii jawi to niiti, yu buerã mena Pascua boje rumure yu ca baapa jawi?’ ñimi,” cõre mija iirucu. ¹² To biro mija ca ñiro, jotoa macã jawi, pairi jawi, mee queno yuerica jawipũre, mujare ñnorucumi. Toorpũ mani ca baapere mija quenowa —iupi.

¹³ To biro cõ ca ii yapanoro waarã, Jesús cõjare cõ ca ñiricarore birora bua eaupa. Toorpũ Pascua cõja ca baapere quenoupa.

¹⁴ Baarica tabe ca earo, Jesús, cõ buerã, baarique peorica pĩi pũto ea nuu waaupa.

¹⁵ Jesús pea o biro cõjare iupi:

—“Yũ ca bii yaiparo jũguero buaro peti mũja mena ati Pascua boje mũmũre yũ baarũgarucuwũ! ¹⁶ Ɖmũreco Pacũ cũ ca dotiri cuu ca eaparo jũguero ruati yũ baa nemotirucu,” mũjare yũ ïi —ĩupi.

¹⁷ To biro ïi, jinirica bapare ami, Ɖmũreco Pacũre, “Añũ majuropeecã,” ïi yapano, o biro cũjare ïupi cũ buerãre:

—“Atere amiri, mũja majurope ameri bato cojoya. ¹⁸ Ɖje ocore, Ɖmũreco Pacũ cũ ca dotiri cuu ca eaparo jũguero yũ jini nemotirucu,” mũjare yũ ïi —ĩupi.

¹⁹ To biro ïicã ñucã, pan'gare ami, Ɖmũreco Pacũre, “Añũ majuropeecã” ïi yapano pee bato noni cojogũra, o biro cũjare ïupi:

—Atea yũ upũri nii, mũja yee ca niipere ïima ïigu, yũ ca bii yai bojarije. Yũre tũgoeñarã atere tiya —ĩupi Jesús.

²⁰ Ñucã baa yapano, cũ ca tiiricarore birora jinirica bapa cãare amiri, o biro ïupi:

—Ati bapa, yũ díi mena, “Ɖmũreco Pacũ wãma wãme yũ tiirucu,” cũ ca ïiricarore biro to biijato ïigu, mũja yee ca niipere yũ ca bii yai bojape nii. ²¹ Yũre ca wedejãa buiyee cõapũ cãa, ano yũ menara baa duwimi. ²² Biigũpũa, yũ, Ca Nii Majuropeegu Macũa, “To biro biirucumi,” cũ ca ïiricarore birora biigu doogu yũ tii. Yũre ca wedejãa buiyee cõagu pea, ñañaro peti biigu doogu tiimi —ĩupi Jesús.

²³ To biro cũ ca ïirora, cũja majurope:

—¿Ñiru peti cũ niiguti, cũre ca wedejãa buiyee cõapũ? —ameri ïi jãĩña jũo waaupa.

¿Ñiru cũ niiti ca nii majuropeegu?

²⁴ Cũ buerã pea ñucã:

—¿Niipe mani mena macũ ca nii majuropeegu cũ niiguti? —ameri ïi wede pai niipua.

²⁵ To biro cũja ca ïiro, Jesús pea o biro cũjare ïupi:

—Ɖmũreco Pacũre ca majitirã watoare, ati yepa macãrã uparã, cũja bojocare tutuaro mena doti epema, cũjare ca doti niirã peera, “Añurijere ca tiirã niima,” cũjare ïi wãmeo tiima. ²⁶ Mũja pea, to biro ca biitiparã mũja nii. To biro biitirãra, mũja watoare ca nii majuropeegu ca niigũa, ca wãma maja doogũre biro cũ biijato. Ñucã ca dotigu cãa, pade bojari majũre biro pee cũ niijato. ²⁷ To docare: ¿Ñiru pee cũ niiti, ca nii majuropeegu, ca baa ea nuu waagu pee, baariquere ca peo cotegu pee? ¿Baariquere peorica pĩi pũto ca baa duwigũ pee méé cũ niiti? Yũ pea mũja watoare baarique ca peo cotegũre biro yũ nii. ²⁸ Mũja, ñañaro yũre ca biiri taberi cãare yũ menara mũja niicõa niiwũ. ²⁹ To biri yũ Pacũ, wiogu yũre cũ ca tiiricarore birora, yũ cãa, wiorã mũja ca niiro mũjare yũ tiirucu, ³⁰ yũ ca doti niiri taberũ, yũ mena baa, jini, ñucã Israel yaa pooga macãrã pũa amo peti, dũpore pũaga penituario ca niiri punaarire jãĩña bejerũgarã, wiorã cũja ca duwiri cũmuroripũ ea nuu waa, mũja ca biipere biro ïigu —cũjare ïupi Jesús cũ buerãre.

“Mũ ïi ditorucu,” Pedrore Jesús cũ ca ïirique

(Mt 26.31-35; Mc 14.27-31; Jn 13.36-38)

³¹ Ñucã o biro ïupi Jesús:

—Simón, Simón, tũoya. Yũre mũja ca tuo nũnũjeerijere mũja ca yerijãaro tiiri, ñañaro tiirũgu jãijãwi Satanás.* ³² To biro cũ ca ïi pacaro, yũ pea mũre yũ juu bue bojajãwũ, mũ ca tuo nũnũjee yerijãatipere biro ïigu. Mũ pea ñucã tũgoeña yeri wajoa, yũre tuo nũnũjee, biigu, mũ yaarãre cũja ca tũgoeña bayiro cũjare mũ tiiwa —cũre ïupi.

³³ To biro cũ ca ïiro, Simón pea o biro cũre ïupi:

—Wiogu, yũa mũ menara tia cũurica wiipũ waa, mũ menara bii yai, ca biipũra niicãgu yũ bii —ĩupi.

³⁴ To biro cũ ca ïiro, Jesús pea o biro cũre ïi yũũupi:

—Pedro, mecũra, ãbocũ cũ ca wãcãparo jũguero itiatu peti, “ ‘Jesús're yũ majiti,’ mũ ïi ditorucu,” mũre yũ ïi —ĩupi.

* 22:31 Pedro, trigo quejerire yije batericarore biro mũjare tiirũgu jãijãwi Satanás.

Ñañaro biirica tabe ea dooro bii

³⁵ Jiro Jesús o biro cūjare ñi jaiñaupi:

—Wajopoari, wapa tiirica tiiri, ðapo juti, jeericaro maniro mujare yu ca tiicojo cojoriquere, ¿jicā wāme mujare to ðujacāri? —ñiupi. To biro cū ca ñiro cūja pea:

—Ðujatiwu —cūre ñi yuupa.

³⁶ To biro cūja ca ñiro, o biro cūjare ñiupi:

—Mecū docare yua, wajopoa ca cuogua, cū ami waajato. Wapa tiirica tiiri ca cuogu cāa cū jee waajato. Niipii ca cuotigua, mu jutiro jotoa macārore noni wapa jeeri, niipii wapa tiya. ³⁷ O biro cūja ca ñi owarique, cūja ca ñiricarore birora yarena biirucu: Ñañarā watoapu biicā yai waawi. Niipetirije yu yee maquēre cūja ca owarique tee ca ñirore biro ca biipe niiro bii —ñiupi Jesús.†

³⁸ To biro cū ca ñiro, cūja pea o biro ñiupa:

—Wiogu, ano pu pñi niipii ni —ñiupa.

To biro cūja ca ñiro:

—To cōrora ñiña —cūjare ñiupi Jesús.

Getsemanípu Jesús cū ca juu buerique

(Mt 26.36-46; Mc 14.32-42)

³⁹ Witi, cū ca biirucicarore biro, Olivos ca wāme cutiri buuropu waacoaupi Jesús. Cū buerā cāa cūre nuu waupa. ⁴⁰ Tooru eagu, o biro cūjare ñiupi:

—Ñañarije ca bii buiyeerijere jāa tiire ñirā, juu bueya —cūjare ñiupi. ⁴¹ Cū pea, ũtāga dee cojoricaro ca ñaacūmuro cōro yoaro cūja jūguero waa, juu buegu doogu, cū ājuro jupea ména tuetuu ea nuu waupi. ⁴² O biro ñi juu bueupi:

—Cāacu, mu ca boojata, ano ñañaro yu ca tamuopere yure ametueneña. Biigupu mu ca boori wāme tiya. Yu ca boorore biro méé tiya —ñiupi. ⁴³ To biro cū ca ñi juu bue niiri tabera, cū ca tugoeña tutuaro cūre tiigu eagu, jicū ũmureco Pacu puo macū cūre baua eupi. ⁴⁴ Jesús pea ñañaro cū ca bii tugoeñarique pairije watoara, buaro jañuri juu bueupi. Cū ca aji puarije oco pea díre biirije bucu ñaaupe yeparare. ⁴⁵ Juu bue yapano, wāmu nucā, cū buerā puo pee waagu, buaro tugoeñarique paima ñirā ca cāni cūmu waaricarāpore eupi. ⁴⁶ To biro bii, o biro cūjare ñiupi:

—¿Ñee tiirā muja cāniti? Wācāri juu bueya, ñañarije ca bii buiyeerijere jāa tiire ñirā —cūjare ñiupi Jesús.

Jesús're cūja ca ñeerique

(Mt 26.47-56; Mc 14.43-50; Jn 18.2-11)

⁴⁷ Ména Jesús to biro cū ca ñi niirora, pu bojoca eaupa. Judas ca wāme cutigu, cū buerā, pu amo peti, ðapore puaga penituro ca niirā mena macūra cūjare maa jūgueupi. Cū pea, cū wajopuare ũpūruyu Jesús puo waupi. ⁴⁸ To biro cū ca biiro, Jesús pea o biro cūre ñi jaiñaupi:

—¿Judas, wajopuare ũpūrique mena, Ca Nii Majuropeegu Macūre mu wedejāa cōati? —ñiupi.

⁴⁹ Jesús mena ca niirā pea to biro ca biirije ñari, o biro ñiupa:

—¿Wiogu, niipii mena cūjare jāa quēeti? —ñiupa. ⁵⁰ To cōrora jicū cūja mena macū, paia wiogure pade bojari majū amopero díamacū nuña peere paa taa ñoocā cojoui.

⁵¹ To biro cū ca tiiro, o biro ñiupi Jesús:

—Tiiticāña. To cōrora tiya —ñiupi. To biro ñi cū amoperore padeña, cūre yuño, tiicāupi ñucā. ⁵² To biro tiicā, cūre ca ñeerā dooricarā paia uparā, ũmureco Pacu yaa wii coteri majare, aperā judíos're ca juo niirāre, o biro cūjare ñiupi Jesús:

—¿Ñee tiirā, jicū jee dutiri majure ca ñeerā waarāre biro niipii, yucu ðucari, jecāri muja doojāri? ⁵³ ũmurecori cōro, ũmureco Pacu yaa wiipu muja mena yu niirucujāwu. Yure ñeerugarucu muja tiitirucujāwu. Biirupa, mecū to biro muja ca tiipa tabe ñañarije wiogu cū ca dotirijere muja ca tiiri tabe mujare ea —ñiupi.

† 22:37 Is 53.12.

*“Jesús're yu majiti,” Pedro cū ca iirique
(Mt 26.57-58, 69-75; Mc 14.53-54, 66-72; Jn 18.12-18, 25-27)*

⁵⁴ To cōrora Jesús're cūre ñee, paia wiogũ yaa wiipũ cūre amicoaupã. Pedro pea yoaropũ cūjare nũnũupi. ⁵⁵ Jiro cūja pea toopũre, macã yepã decomacãre pecame cūja ca dioro tii pecame pũto juma ea nuu waaupa. Pedro cãa cūja watoa juma ea nuu waaupi.

⁵⁶ Too cū ca juma duwirucuro, jĩcō pade coteri majo añuro cūre ña, o biro iũupo:

—Ani cãa, cū menara niirucuwi —iũupo.

⁵⁷ To biro cō ca iiro, Pedro pea o biro iĩ ditoupi:

—Nomio, yua cūre yu majiti —iũupi.

⁵⁸ Ca yoa waatirora ñucã apĩ Pedre ñari, o biro iũupi:

—Mũ cãa, cūja mena macũra mũ nii cãjĩ —iũupi.

Pedro pea o biro cūre iĩ yũũupi:

—Cũ méé yu nii nija —iũupi.

⁵⁹ Peeto ca yoa waaro jiro apĩ ñucã o biro cūre iĩcãupi:

—Yee méé yu iĩ jĩi, “Ani cãa cū menara niijãwi. Ñañaaqué. Galilea macũra niimi” —iũupi.

⁶⁰ To biro cū ca iiro, Pedro pea o biro iũupi:

—Ñee unore iĩgũ mũ iiti nija! Yu majiti —iũupi.

Pedro, to biro cū ca iĩ niirora, ãbocũ wedeupi. ⁶¹ To cōrora Jesús pea cūre amojode iãupi Pedre. Cūre cū ca ñarora, Pedro pea: “Ati ñami, ãbocũ cū ca wedeparo jũguero, itia tii, ‘Cūre yu majiti,’ mũ iĩ ditorucu,” cūre cū ca iiriquere tũgoeña bũaupi. ⁶² To cōrora too ca niiricũ witi waa, bũaro otiupi.

Jesús're cūja ca bui tutirique

(Mt 26.67-68; Mc 14.65)

⁶³ Jesús're ca cote niirã pea, ñañaro cūre iĩ epe, cūre paa, tii niupa. ⁶⁴ Cũ capere jutiro quejero mena jia biatori, o biro cūre iĩ jãĩñaupa:

—Íi bũaya. ¿Nii mũre cū paajãri? —cūre iĩ epeupa. ⁶⁵ Ape wãmeri paũ ñañarije iĩ tutiupa Jesús're.

Uparã pũtopũ Jesús're cūja ca ami waarique

(Mt 26.59-66; Mc 14.55-64; Jn 18.19-24)

⁶⁶ Boeri tabe ca niiro, judíos're ca jũo niirã, paia uparã, to biri doti cūuriquere ca jũo buerã, nea poori, uparã pũtopũ Jesús're ami waaupa. Cūja pea o biro cūre iĩ jãĩñaupa:

⁶⁷ —Jãare wedeya. ¿Mũa, U mũreco Pacũ cū ca tiicojoricũ Mesías mũ niiti? —cūre iĩupa.

To biro cūja ca iiro, Jesús pea o biro cūjare iĩ yũũupi:

—“Cũra yu nii” yu ca iimijata cãare, díamacũ mũja tũoticu. ⁶⁸ Mũjare yu ca jãĩñamijata cãare, yũre yũuti, yũre pititi, mũja biicãcu. ⁶⁹ Biigũpũa, mecũ mena, yu, Ca Nii Majuropeegũ Macũ, U mũreco Pacũ niipetirijepũre ca doti tutua niigũ díamacũ mũña pee yu duwirucu —cūjare iũupi.

⁷⁰ To biro cū ca iiro niipetirãpũra:

—¿To docare mũa, U mũreco Pacũ Macũ mũ niiti? —cūre iĩ jãĩñaupa.

Jesús pea:

—Mee, mũjara “Cũ mũ nii,” mũja iĩ —cūjare iĩ yũũupi.

⁷¹ To biro cū ca iiro tũorã:

—Ñee peere iirã cōro paũ cūja ca wede nemorije mani booticu. Mee mani majuropeera, cū ca iirijere mani tũo —ameri iũupa.

23

Jesús're Pilato pũto cūja ca ami earique

(Mt 27.1-2, 11-14; Mc 15.1-5; Jn 18.28-38)

¹ To cōrora cūja niipetirã wãmũ nũcã, Pilato pũtopũ Jesús're amicoaupã. ² Toopũ cūre ami eari, cū ca tũo cojoro o biro cūre iĩ wedejãa jũo waaupa:

—Ani, jãa yaarãre ca ïi mecũo niigũre jãa buajãwũ. “Wioɡũ romanore niirique wapare ca wapa tiiticãpe nii,” ïimi. Ñucã apeyera: “Ɛmũreco Pacũ cũ ca tiicojoricũ Cristo, ‘Wioɡũ yũ nii,’ ” ïimi —ïiupa.

³ To biro cãja ca ïiro, Pilato pea o biro ïi jãĩnaupi Jesús're:

—¿Mũ, mũ niiti, judíos wioɡũ? —ïiupi. To biro cũ ca ïiro:

—Mee, mũra mũ ïi —cũre ïi yũũupi Jesús.

⁴ To biro cũ ca ïiro, Pilato pea paia Ʃparãre, to biri to ca niirã bojocare o biro cãjare ïiupi:

—Anire jĩcã wãme peera cũ ca jãa ecope Ʃnopũ ñañarije cũ ca tii bui cãtiriquerũra yũ buati —cãjare ïiupi.

⁵ To biro cũ ca ïi pacaro, cãja pea buaro jañuro o biro ïi wedejãaupa:

—Cũ ca buerije mena bojoca niipetirãpũre ïi mecũogũ tiimi. Galileapũ tii jũoupi. Mecũra ano Judea yeparũ tiicã ea doomi —ïiupa.

Jesús're Herodes pũto cãja ca ami waarique

⁶ Atere tuogũ, Pilato pea:

—¿Galilea macũ cũ niiti? —ïi jãĩnaupi. ⁷ Jesús, Herodes cũ ca doti niiri yepa macũ cũ ca niirijere majiri, Herodes pũtopũ cũre tiicojoui. Cũ cãa tii rũmũre Jerusalén'pũra niupi.

⁸ Herodes pea Jesús're ïagũ, buaro Ʃjea niupi. Cũ yee maquẽre cãja ca wedero macã cũre cũ ca ïarũgarije, ñucã jĩcã wãme ca ïa ñaaña manirije Jesús cũ ca tii bau niirijere cũ ca ïarũga niirije, yoacoaupa. ⁹ Herodes pea Jesús're paũ cũre jãĩnamiupi. Jesús pea cũre yũũrucu tiitiupi. ¹⁰ Paia Ʃparã, doti cũuriquere jũo bueri maja cãa, toora, yerijãaricarõ maniro cũre wedejãa niupa. ¹¹ To cõrora Herodes, cũ uwamarã mena, Jesús're ñañari wãme tii, cũre buigũ, wioɡũre biro juti añurije cũre jãa, Pilato pũto peera cũre tuenecã cojoui ñucã. ¹² Ména jũguero peera ca ameri ïarũgati niimirucicarã, tii rũmũre Herodes, Pilato ameri bapa buaupa.

Jesús're cãja ca jãape

(Mt 27.15-26; Mc 15.6-15; Jn 18.39—19.16)

¹³ Pilato pea, paia Ʃparã, bojocare ca jũo niirãre, bojoca cãare neori, ¹⁴ o biro cãjare ïiupi:

—Mũja anire, “ ‘Wioɡũ cũ ca dotirijere tii nũnũjeeticãña,’ bojocare ïi mecũomi,” ïicãri yũ pũto mũja ami doojapa. Mũja ca tuorora, cũre yũ jãĩñami. Cũre mũja ca wedejãarije jĩcã wãme peera ñañaro cũ ca tii bui cãtiriquere yũ buati. ¹⁵ Herodes cãa buatiyapi. Ñucã mani pũto peera cũre tuenecã cojojapi. Mee, mũja ïa, jĩcã wãme peera cũ ca jãa ecope Ʃnora tii bui cãtitiyapi. ¹⁶ To biri bape doti yapano, cũre yũ pitirucu —cãjare ïiupi.

¹⁷ Pilato pea, Pascua boje rũmũri cõrora jĩcũ tia cũurica wiipũ ca niigũre wienerucuupi.

¹⁸ To biro cũ ca ïirora, niipetirãpũra jĩcãri o biro ïi acaro buiupa:

—¿Jãa cõacãña cũra! ¿Barrabás peere jãare wiene bojaya! —ïi acaro buiupa. ¹⁹ Ména ani Barrabás peera, wiorã cãja ca dotirijere junagũ ametũene ñucã, ñucã bojocũre jĩacã, cũ ca tiirique jũori cãja ca tia cũuricũ niupi. ²⁰ Pilato pea Jesús're ca wienerũga niigũ niiri, ïi nemomiupi ñucã bojocare. ²¹ Cãja pea buaro jañuri, o biro ïi acaro buiupa:

—¿Paa pua tuu cõacãña! ¿Paa pua tuu cõacãña! —ïiupa.

²² Ñucã itiati peti o biro cãjare ïimiupi Pilato:

—¿Ñee Ʃno ñañarije cũ tiijãri? Yũa, jĩcã wãme peera ca jãa ecope cũ ca niipe cũ ca tii bui cãtiriquere yũ buati. Cũre bape doti yapano, cũre yũ wienerucu —cãjare ïimiupi.

²³ Cãja pea, “Cũre paa pua tuu cõacãña,” ïirã, yerijãaricarõ maniro buaro acaro bui niupa. To biro ïi acaro bui bayicãri buaupa cãja ca tiirũgarije. ²⁴ To biri Pilato pea, “Cãja ca jãiri wãme ca tiipe niicu,” ïicãupi yua. ²⁵ To biri cãja ca boogũ, wiorã cãja ca dotirijere junagũ ametũene ñucã, ñucã bojocũre jãa, cũ ca tiirique jũori, tia cũurica wiipũ ca niigũ peere wiene, Jesús peera cãja ca boorore biro cãja tiijato ïigũ, cũre cãjare nonicãupi.

Jesús're cūja ca paa pua tuu cōarique
(Mt 27.32-44; Mc 15.21-32; Jn 19.17-27)

²⁶ Jesús're paa pua tuu cōarugarā cūre ami nūna waarā, jīcū Cirene macū Simón ca wāme cūtigū, macā tūjaropū ca niiricū ca doogure ñeeri, Jesús're cūja ca paa pua tuupagu yucūgu cūre ami peori, Jesús jiro pūja nūñjee dotiupa. ²⁷ Pañ bojoca, ñucā pañ nomia to biro cūre cūja ca tiiro ĩarā, cū jiro oti, tūgoeñarique pai, acaro bui nūñjeeupa. ²⁸ To biro cūja ca biiro, Jesús pea amojode nūcā, o biro cūjare ĩiupi:

—Jerusalén macārā romiri, yū yee juorira otiticāña. Mūja majurope, mūja puna yee ca niipe peere tūgoeñari otiya. ²⁹ Doorucu: “Ca puna manirā romiri, jīcāti uno peera ca puna cūti ñaatiricarā romiri, cūja ca ũpūo būcūoparā ca puna cūtitiricarā romiri, ũjea niima,” cūja ca ĩipa rūmari. ³⁰ To cōrora bojoca ũtā yucūrena:

“¡Jāare ñaapeaya!

ñucā, ca emuari buurorirena

‘¡Jāare yaioya!’ ĩirucuma.”*

³¹ Ñañarije ca tiitigurena o biirije yure cūja ca tiicājata, ¿ñañarije ca tiirā docare do biro pee biicāri ñañarije cūjare to biitibogajati?† —cūjare ĩiupi.

³² Ñucā Jesús menare, puarā ñañarije ca tiiricarāre jee waaupa, cū mena jīcāri cūjare ĩarugarā. ³³ Dūpuga Ōaro ca wāme cūtiri buuro earā, Jesús're, ñañarije ca tii bui cūtiricarā mena jīcāri, jīcūre cū díamacū nūña pee, apī peera cū ācō nūña pee, cūjare paa pua tuu nūcōupa.

³⁴ Jesús pea o biro ĩiupi:

—Cáacu, cūjare acoboya. Cūja ca tiirijere majitima —ĩiupi. Uwamarā cāa cūja majurope cū jutirore ameri dica woorugarā, ĩi buarique mena tii niupa.

³⁵ Bojoca pea toora ĩacā niupa. Ñucā ũparā menapura o biro cūre ĩi buiupa:

—Aperā cāare ametuenewi. Mecū docare, díamacūra ũmureco Pacū cū ca beje amiricu Mesías'ra cū ca niijata, cū majuropeera cū ametuajato —ĩi buiupa. ³⁶ Uwamarā cāa, cūre buiupa. Cū puto waari, ũje oco ca piyarijere cūre tīari, ³⁷ o biro cūre ĩi epeupa:

—Mūa, judíos wioogu mū ca niijata, mū majuropeera ametuaya —ĩiupa. ³⁸ Ñucā cū dūpuga jotoare, “ANI NIIMI JUDÍOS WIOGU,” cūja ca ĩi owa tuurica pīi tujaupa.

³⁹ Jīcū, ñañarije ca tii bui cūtiricū, too cūja ca paa pua tuu nūcōricū cāa, o biro cūre ĩi tutiupi:

—Mesías'ra mū ca niijata, mū majuropeera ametua, jāa cāare ametuene, tiiya —ĩi tutiupi.

⁴⁰ To biro cū ca ĩiro, apī ñañarije ca tii bui cūtiricū pea, o biro cūre ĩi tutiupi:

—¿Mū cāa, to birora ñañaro ca tamogū nii pacagu, ũmureco Pacūre mū uwititi?

⁴¹ Mani doca ñañarije mani ca tiirique juori, díamacūra ñañaro tamorā mani tii. Ani pea, jīcā wāme uno peera ñañarije tiitijapi —ĩiupi. ⁴² To biro cūre ĩi, o biro ĩiupi Jesús're:

—Jesús, mū ca doti juo waari tabe, yū cāare mū tūgoeñawa —ĩiupi.

⁴³ To biro cū ca ĩiro, Jesús pea o biro cūre ĩi yūñupi:

—Yee méé mure yū ĩi: Mecūra yū mena ca añu majuropeeri taberū‡ mū niirucu —cūre ĩiupi.

Jesús cū ca bii yairique

(Mt 27.45-56; Mc 15.33-41; Jn 19.28-30)

⁴⁴ Muipū jotoa decomacā cū ca niiro, to biri buaro cū ca aji cōa cūu duwi waari tabe menapū, ati yepa niipetiropura naitīa peticoaupa. ⁴⁵ Muipū cāa, ajiticoaupi. Ñucā ũmureco Pacū yaa wiipure, ca ñañarije maniri jawire cūja ca yoo camotaarica quejero cāa decomacā yegacā duwi waaupa. ⁴⁶ To cōrora Jesús pea tutuaro o biro ĩi acaro buiupi:

—Cáacu, yū ca cati niirijere mūpure yū ĩa nūñjee doti —ĩiupi.

* 23:30 Os 10.8. † 23:31 “Yucūgu ca catiricūrena o biirije cūja ca tiicājata, ¿ca jiniricūpu docare do biirije peti cūja tiicābogajati?” cūjare ĩiupi. Ate, yucūgu ca catiricū to ca ĩijata, Jesús, ñañarije ca tiitigure ĩiro ĩi, ñucā yucūgu ca jiniricū ĩiro pea bojoca ñañarije ca tiirāre ĩiro ĩi. ‡ 23:43 Paraiso.

To biro ñigura, bii yaicoaupi Jesús.

⁴⁷Uwamarã wiogu romano pea to biro ca biirijere ñagu, Ëmureco Pacure baja peo núcũ bno:

—Díamacũra ania ñañarije ca tiitigu nijapi —ñiupi. ⁴⁸Bojoca niipetirã to biro ca biirijere ñarugarã ca nea pooricarã pea, to biro ca biirijere ñari, cãja cotiarire paa, tiicã tua waaupa. ⁴⁹Niipetirã Jesús cã ca majirã pea, ñucã nomia Galileapũra cãre ca nũnũ waaricarã romiri cãa, teere yoaropũra ña cojocã niuupa.

Jesús're cãja ca yaarique

(Mt 27.57-61; Mc 15.42-47; Jn 19.38-42)

⁵⁰Niiupi jĩcũ, ca bojoca añugũ, ñañarije ca tiitigu, José ca wãme cutigu, wiorã ca nii majuropeerã mena macũ, § Judea yepa macã macã Arimatea macũ. ⁵¹José, Ëmureco Pacu cã ca dotipa cuu ca eapere ca yue niirucuricu, cã mena macãrã uparã cãja ca tiirugarijere, ñucã cãja ca biirique cuti niirije mena cãare ca bootiricu pea, ⁵²Pilatore ñagu waari, Jesús upũri niiquĩriquere jãiuipi. ⁵³Cãja ca paa pua tuuricũre ami duwio yapano, juti quejero lino quejero mena cãre ũmaa, Ëtãgarũ maja ope cãja ca quenorica toti, ména jĩcũ ñno peerena ca yaaya maniri totipũ cãre cũuupi. ⁵⁴Yerijãarica rũmũ maquẽre cãja ca queno yue niiri rũmũ niuupa. * Yerijãarica rũmũ pea mee, ea waaropũ biuupa.

⁵⁵Galileapũra Jesús're ca bapa cuti waaricarã romiri pea, maja opere ña, ñucã cã upũri niiquĩriquere, “To biro pee cũuma,” ñi ña, tiuupa. ⁵⁶Jiro wiipũ tua waa, cã upũri niiquĩriquere cãja ca wadape ca juti añurijere queno, tiuupa. To biri nomia pea doti cũurique ca ñiire biro, yerijãarica rũmũre yerijãaupa.

24

Jesús cã ca cati tuarique

(Mt 28.1-10; Mc 16.1-8; Jn 20.1-10)

¹Nomia pea ape semana ca nii jũori rũmũre ca boerije mena, ca juti añurije cãja ca quenoriquere jee, waacoaupa maja operũ ñarã waarã. ²Toopũ earã, maja opere cãja ca biaricaga Ëtãga aperopũ ca niiro bũa eaupa. ³Tii operũre jãa waarã, Wiogu Jesús niiquĩricũ upũri peera buatiupa. ⁴To biri do biro to biibujapari, cãja ca ñi ameri jãĩña niiri tabera, ñmũna pũarã, buaro ca ajiyaa boe baterije ca juti jãñarã, cãja pũto baua ea núcãcãupa. ⁵Cãja pea ucua yaicoama ñirã, yeparũ muu bia ñaacũmucoaupa. To biro cãja ca biiro, cãja pea o biro cãjare ñiupa:

—¿Ñee tiirã mũja, ca catigũrena ca bii yairicarã watoapũ mũja amaati? ⁶Manimi anora. Mee, cati tuacoajãwi. Ména, Galileapũ mũja mena niigu, o biro mũjare cã ca ñiriquere ⁷tũgoeñaña: “Ca Nii Majuropeegũ Macũ, ñañarije ca tiirãpũre tiicojo eco, yucũ tenipũ paa pua tuu cõa eco, itia rũmũ jiro cati tua, biirucumi,” mũjare cã ca ñiriquere —cãjare ñiupa.

⁸To biro cãja ca ñiropũ, Jesús cãja mena niigu cãjare cã ca ñiriquere tũgoeña buaupa. ⁹Toopũ ca niiricarã tua earã, niipetiro cãja ca ñariquere Jesús buerã, pua amo peti, ñupore jĩcãga penituario ca niirãre, ñucã aperã cãare, cãjare wedeupa. ¹⁰Teere ca queti wedericarã romiri pea: María Magdalena, Juana, Santiago paco María, to biri aperã cãjare ca bapa cuti waaricarã romiri niuupa. ¹¹To biro cãja ca ñirije cã buerã peera, ñi mecãriquere biro cãjare biicãupa. To biri díamacũ cãjare tuorugatiupa. ¹²To biro cãjare to ca bii pacaro, Pedro pea, maja operũ waagu ũmaacoaupi. Toopũ ea, jagueña jõene cojogu, cãre cãja ca ũmaarica quejeri wadore ñaupi. Jiro wii pee tua waagu, to biro ca biiriquere “¿Do biro peti to biibujapari yé?” ñi tũgoeñarique paicã tua waaupi.

Emaús waarica maapũre ca biirique

(Mc 16.12-13)

§ 23:50 Junta Suprema. Judíos uparã ca nii majuropeerã mena macũ. * 23:54 Viernes cãja ca pade tũjari rũmũ, Sábado maquẽre cãja ca queno yueri rũmũ niuupa. Viernes're muipũ cã ca ñaajãa waari bii jũo judíos cãja ca yerijãari rũmũ.

¹³ Tii r̄um̄urena, p̄uarã c̄uja mena macãrã, Emaús macã Jerusalén menare, once kilómetros'p̄u ca niiri macãp̄u waarã waaupa. ¹⁴ Too waarã, niipetirije ca biiriquere wede peni n̄n̄na waaupa. ¹⁵ Teere wede peni, ameri wede majio c̄uja ca ñi n̄n̄na waarucuro, Jesús'ra c̄ujare ãm̄uri, c̄uja mena waacã n̄n̄na waaupi. ¹⁶ C̄uja peera c̄ure c̄uja ca ñacã pacaro, j̄icã wãmeacã c̄ujare ca bii camotaro macã, “C̄ũ niicum̄i,” ñi ña majitiupa.

¹⁷ Jesús pea o biro c̄ujare ñi jãñiupa:

—¿Ñee ãnore m̄uja ameri wede peni n̄n̄na waati? —ñiupa.

C̄uja pea t̄ugoeñarique pairãra tua n̄cãupa. ¹⁸ To biro c̄ũ ca ñiro j̄icũ c̄uja mena macã Cleofas ca wãme c̄utiḡu, o biro ñi ȳuupa:

—¿M̄u j̄ic̄ura m̄u niiti, Jerusalén'ra nii pacaḡu, tii macãre ati r̄um̄urire ca biijãrijere ca majitiḡu? —c̄ure ñiupa.

¹⁹ To biro c̄ũ ca ñiro:

—¿Do biro to biijãri? —ñi jãñiupa Jesús.

C̄uja pea o biro c̄ure ñi ȳuupa:

—Jesús, Nazaret macãre ca biijãrijere jãa ñi. C̄ua, Ëm̄ureco Pac̄u yee quetire wede j̄ugueri maj̄u, Ëm̄ureco Pac̄u, ñucã bojoca c̄uja ca ña cojorore c̄ũ ca tiirije, c̄ũ ca wederije ména cãare, do biro ca tiya maniḡu niimiwi. ²⁰ Paia ãparã, to biri manire ca j̄uo niirã, c̄ure c̄uja jãa cõacãjato ñirã aperãp̄ure c̄ure noni cõacãjãwa; c̄uja pea yucu tenip̄u c̄ure paa pua tuu, tii jãa cõacãjãwa. ²¹ Jãa pea, “Israelitas're ca doti epe niirãre amet̄enerucumi,” jãa ñi yuem̄iw̄u. Ate niipetirije ca biijãro jiro, mee itia r̄um̄u amet̄uacoa. ²² To ca bii pacaro, j̄icãrã jãa mena macãrã romiri ãc̄eneri wãme jãare wedejãwa tee peere. Meer̄u boeri tabere, meerp̄acã maja oper̄u ñarã waamijapa. ²³ C̄ũ up̄ari niiquirique peera b̄uatijapa. Tua earã, j̄icãrã Ëm̄ureco Pac̄u p̄uto macãrã b̄ua eari, “ ‘Jesús catimi,’ jãare ñijãwa,” jãare ñi wede tua eajãwa. ²⁴ Jiro j̄icãrã jãa mena macãrã maja oper̄u ñarã waamijapa ñucã. Nomia c̄uja ca wedejãrore birora ñajapa c̄uja cãa, Jesús up̄u peera ñatijãna —c̄ure ñi wedeupa.

²⁵ To biro c̄uja ca ñiro tuo, Jesús pea o biro c̄ujare ñiupa:

—¿No cõro peti tuo puoti, ñucã Ëm̄ureco Pac̄u yee quetire wede j̄ugueri maja c̄uja ca ñirique niipetirorena tuo n̄n̄jee jeeñoti, ca biirã peti m̄uja niicãti? ²⁶ ¿Too docare Ëm̄ureco Pac̄u c̄ũ ca tiicojoḡu Mesías, Wioḡu c̄ũ ca niiparo j̄ugueri, ñañaro c̄ũ tam̄oricaro maniupari? —ñiupa.

²⁷ To biro c̄ujare ñi, Ëm̄ureco Pac̄u wederique c̄ũ ca biipe maquẽre c̄uja ca owarique niipetirije, Moisés c̄ũ ca owaquirique mena c̄ujare wede j̄uo waa, Ëm̄ureco Pac̄u yee quetire wede j̄ugueri maja c̄uja ca owariquer̄u mena c̄ujare wede majio n̄n̄na waaupi.

²⁸ C̄uja ca waarica macãre c̄uja ca ea waarora, Jesús pea ca amet̄uacoap̄ure biro boca biiupa. ²⁹ To biro c̄ũ ca biiro c̄uja pea:

—Waaticãña. Anora jãa mena tuaya. Mee, ñamip̄u nii. Naitiãcoarop̄u bii —c̄ure ñiupa. To biro c̄uja ca ñiro c̄uja mena tuaruḡu jãa waaupi. ³⁰ Jiro, c̄uja mena baarique peorica p̄ii p̄utor̄u duwiḡu, pan're ami, Ëm̄ureco Pac̄ure, “Añu majuropecã” ñi juu bue, pan're pee batori c̄ujare tiicojoui. ³¹ To biro c̄ũ ca tiirije menara, c̄ure ña majiupa. C̄ũ pea yaicã ñmaa waaupi.

³² To cõrora c̄uja pea o biro ameri ñiupa:

—¿To birira maap̄u mani mena wede peni, Ëm̄ureco Pac̄u yee c̄uja ca owa c̄uriquere manire wede majio, c̄ũ ca ñi n̄n̄na dooro, mani yerip̄ure to cõro ãc̄eneri wãme manire to boca bii niitijapari?* —ñiupa. ³³ To biro ñi, j̄icãtora tuacoaupa ñucã Jerusalén peera. Toop̄u earã, Jesús buerã p̄ua amo peti, ð̄upore j̄icãga penituario ca niirã, aperã c̄uja mena macãrã, ca nea pooricarãre b̄ua eaupa. ³⁴ C̄uja pea o biro c̄ujare ñi bocaupa:

—Díamac̄ura Wioḡu cati tuagura biijapi. Simón Pedrore b̄ua eajapi —c̄ujare ñiupa.

³⁵ C̄uja pee cãa ñucã maap̄u c̄uja ca waaro c̄ujare ca biiriquere, ñucã Jesús pan'gare c̄ũ ca pee batoro c̄ure c̄uja ca ña majiriquere, c̄ujare wedeupa.

* 24:32 “To birira mani yeri añuro méé patu paajapa.”

*Jesús cū buerāre cū ca baua earique
(Mt 28.16-20; Mc 16.14-18; Jn 20.19-23)*

³⁶ Cūja pea ména atere cūja ca wede niirora, Jesús pea cūja watoa baua ea núcāri, o biro cūjare īi añu dotiupi: “Añuro niirique mūjare to nijato,” īiupi. ³⁷ Cūja pea, “Ca bii yairicu wātī niicumī” īi tūgoeñari, учасā yai waaupa.

³⁸ To biro cūja ca biiro Jesús pea o biro cūjare īiupi:

—¿Ñee tiirā mūja учасоати? ¿Ñee tiirā “Cūra niimi,” yure mūja īititi? ³⁹ Yч amorire, yч дaporire ñaña. Yчра yч nii. Yчре пadeña, ña, tii ñaaqué. Jīcū ca bii yairicu wātīa, yч ca biiro yчре mūja ca ñarore biro díí cuti, ða cuti, biitimi —īiupi.

⁴⁰ To biro īigura, cū amorire, cū дaporire cūjare īñoupi. ⁴¹ Cūja pea бuaro чjea nii, учса, biima īirā, “Cūra niimi,” cūja ca īitiro macā, o biro cūjare īi jāiñaupi Jesús:

—¿Anore baarique uno mūja сuoti? —īiupi.

⁴² To biro cū ca īiro, wai pñoricu дucare cūre tiicojoura. ⁴³ Cū pea tii дucare amiri, cūja ca ña cojorora baaupi.

⁴⁴ Baa yapano, o biro cūjare īiupi:

—“Yчре ca biijārijea, mūja mena niigū, Moisés niiquīricu cū ca owarique, Умureco Pacу yee quietire wede jūgueri maja, to biri Умureco Pacure baja núcū бuorica pūuripū† yч yee maquēre cūja ca owarique ca īirore biro biirucu,” mūjare yч ca īi wederique biro biijāwч —īiupi.

⁴⁵ To biro īi, cūja ca tūgoeña niirijepure pāaupi, Умureco Pacу wederiquere cūja ca tuo majipere biro īigū.

⁴⁶ O biro cūjare īiupi:

—O biro īi owarique nii: “Умureco Pacу cū ca tiicojoricu Mesías bii yai, ñucā itia rчmч jiro cati tua, biirucumi. ⁴⁷ Cū ca dotirije mena, bojoca poogaari cōrorena, ‘Ñañarije mūja ca tiirijere tii yerijāa tūgoeña wajoaya, ñañarije mūja ca tiirijere Умureco Pacу mūjare cū acobojato īirā,’ īi wede jūorique niirucu Jerusalén ména,” īi. ⁴⁸ Mūjara mūja nii, atere “To birora biiwч,” ca īi wedeparā. ⁴⁹ Yч pea, yч Pacу, “Yч tiicojorucu” cū ca īiricu Añuri Yerire mūjare yч tiicojorucu. Mūja pea ména, Jerusalén macārā niicāña, умureco tutipч maquē yeri tutuarique ca doorijere mūja ca boca amiparo jūguero —cūjare īiupi Jesús.

*Jesús умureco tutipч cū ca tua mчa waarique
(Mc 16.19-20)*

⁵⁰ Jiro Jesús, Betaniarч cūjare jчo waa, тоорч cū amorire juu mчene, añuro cūjare ca bii mчa núcāpere cūjare jāi bojaupi. ⁵¹ Añuro cūjare ca bii mчa núcāpere cūjare jāi boja niigura, cūjare camotati, умureco tutipч amicā mчa waa ecoupi. ⁵² Cūja pea cūre īi núcū бuo yapano, бuaro чjea niirique mena Jerusalén'рч tuacoaura. ⁵³ Умureco Pacу yaa wiipч to birora Умureco Pacure baja peo núcū бuo, tiicōa niirucuupa.

To biro to biijato.

Lucas

† 24:44 Salmos.

SAN JUAN

Añuriye Queti Juan cū ca owariquea, jiroꝑꝢ cū ca owarique nii. BiioꝑꝢa aperã jirore to cōro ca yoa waaro jiroꝑꝢ cū ca owarique peera majiña mani.

Ca nii juori tabeꝑꝢra Jesús, Ɛmureco Pacu wederiquera cū ca niicãriquere, Ɛmureco Pacu, cū Macū jicūra ca niigure bojoca díamacū cūre cūja ca t̃uo nucū b̃uojata, añuro niirique, catirique, cūjare cū tiicojojato iigu cū ca tiicojo cojoricu cū ca niirijere, wedecã juo.

Uwo Coeri maju Juan cūre cū ca iariquere cū ca wederije mena wede juo ñuñna waa. Jesucristo cū Pacu cū ca tii dotiriquere ca iã ñaaña manirije do biro ca tiiya manirijep̃u cū ca tiirije, paꝢ cūja ca tuoꝑꝢ cū ca wederije mena jicãtoꝑꝢra ca nii juo dooricu cū ca niirijere, díamacū petira to biro ca biigu cū ca niirijere, bojocare ametueneꝑꝢ doogu cū ca biiriquere, cū ca wede ñuñna waarijere wede.

To biicãri cūre boo, cūre t̃uo ñuñjee, ca tiirã, ñucã cūre ca junarã, cūja ca niirije bii bau nii.

Cūre ca t̃uo ñuñjeerãra, Ɛmureco Pacu cū ca tiicojorijere caticõa niiriquere cūjare tiicojomi Jesús, jiro macã yuteap̃u to birora cūja ca caticõa niipe wado méere, mee mecū o biro ca cati niirãrena caticõa niiriquere cūjare tiicojo yerijãami.

Cūre ca bootirã pea cūja majuropeera, mecū o biro cati niirãra to birora caticõa niiriquere cūja ca ñee booriquere junama.

Cūre booti, Ɛmureco Pacu cū ca tiicojo cojoricu cū ca niirijere majirugati, cūre cūja ca jã cõapere ameri wede peni yerijãa, ca tiirã, uparã judfos're ca juo niirã niima.

Jesús peera o biirije cūre cūja ca tii cõarije mena cū ca tiigu dooriquere tii yapano, cū Pacu puoꝑꝢra tua m̃na waa, cū ca biipa wãme pee biro bii.

Ména tua waaruꝑꝢ juꝑꝢero cū buerãre añuro cūjare wede majio juocã, Añuri Yerire cū ca tiicojo cojopere cūjare wede, iimi.

Yucu tenip̃u cū ca bii yairije pea buaroꝑꝢra do biro ca tiiya manigu cū ca niiro cūre tii, cū ca cati tuarije pea, catirique pee bii yairiquere ca bii ametua nucãro tii, tii. Ate añuriye quetia, ati yepa maquẽ menarena iĩ cõõñari Ɛmureco Pacu yeere cū ca wede majioriquere wede.

Canãre ocorena uje oco cū ca jeeñoriquea (2.1-11), bojocare añuriye Mesías cū ca jee doorijere nii cõõñaro bii.

Samaria macõre, “Yu pee oco mure yu tiicojorucu” cū ca iirijea (4.1-42), Añuri Yeri juori to birora caticõa niirique ca tiicojorijere nii cõõñaro bii.

Jesús cū ca ecarije pan (6.1-59), Jesús majuropeera emureco tutip̃u ca niiricu ati yepaꝑꝢre duwi nucã doori bojocare catirique cū ca tiicojorijere nii cõõñaro bii.

Jesús, ca iatigure cū ca iaro tiigua (9.1-41), Jesús'ra bojocare ca boegu cū ca niirijere iñogu tiimi.

Jesús, Lázarore ca bii yaicoarip̃urena cū ca cati tuaro tiigua (11.1-44), Jesús'ra, cati tuarique niicã, catirique niicã, cū ca biirijere iñogu tiimi.

Yucu tenip̃u paa pua tuuri cūre cūja ca ami muene nucõrije pea, do biro ca tiiya manigup̃u nii ea, añuroꝑꝢ tii nucū buo eco, cū ca biirijere nii cõõñaro bii (3.13-15; 8.28; 12.32).

Ate Añuriye Quetira, Jesús cū majurope iigu “Yu yu nii” cū ca iiriquere buaro wede: “Yu yu nii pan,” (6.35) “Yu yu nii ca boerije,” (8.12) “Yu yu nii jope,” (10.7) “Yu yu nii ovejas're añuro ca cotegu,” (10.11, 14) “Yu yu nii cati tuarique, catirique ca niigu,” (11.25) “Yu yu nii maa, díamacū ca iigu, catirique ca tiicojogu,” (14.6) “Yu yu nii uje daa ca nii majuropeeri daa,” (15.1) iimi Jesús.

Ate Añurije Queti wado, atere ca boegũ, “ ‘Díamacũra Ɖmũreco Pacũ cũ ca tiicojo cojoricũra niimi Jesús, Ɖmũreco Pacũ Macũra niimi,’ ca ñi tuo nũnũjeerã, to birora caticõa niiriquere bũarucuma,” (20.31) ñigũ cũ ca owarique nii, ñi wede.

Jesucristo yee Añurije Quetire Juan cũ ca owarique

Ɖmũreco Pacũ Macũ manire biigũ cũ ca doorique

¹ Mee, jĩcãtopũra, Ɖmũreco Pacũ Wederiquera niicã jũoupi Cristo. Ɖmũreco Pacũ menara niicãupi; ñucã Ɖmũreco Pacũra niicãgũ biiupi. ² Cristoa, mee jĩcãtopũra Ɖmũreco Pacũ mena nii yerijãaupi. ³ Cristo menara niipetirije tiupi Ɖmũreco Pacũ. Jĩcã wãme ñno peera cũ ca manirora cũ ca tiirique mani. ⁴ Cũ menara catirique bii jũoupa. Tee catiriquera ati yepa macãrã bojocare Ɖmũreco Pacũre cũja ca majiro ca tiipe niiupa. ⁵ Cristo, ca boerije ca biirore birora, Ɖmũreco Pacũre ca majitirã, ca naitĩaropũ ca niirãre biro ca niirãre, Ɖmũreco Pacũre cũja ca majiro ca tiigũ niiupi. To biri ca naitĩaropũ ca niirãre biro ca niirã pea, ca boerijere ametua nũcã majitima.

⁶ Niiwi jĩcũ ñmũ Ɖmũreco Pacũ cũ ca tiicojo cojoricũ, Juan ca wãme cõtigũ. ⁷ Cũa, ca boegũ Cristore cũ ca ñariquere ca wedegũ dooricũ niiwi, cũ ca wederijere tuori, niipetirã díamacũ cũja ca tuo nũnũjeepere biro ñigũ. ⁸ Biigũpũra, bojocare Uwo Coeri majũ Juan, ati yepa macãrãre ca boegũ dooricũ méé niiwi. Juan, ca boegũ Cristore cũ ca ñariquere cũ ca wede doti cojoricũ niiwi. ⁹ Cristo ca boerije ca nii majuropeegũ, bojoca niipetirãre ca boegũra dooupi, ati yepapũre.

¹⁰ Cristo, wederique ca niiricũra, ati yepapũre niiwi. Cristo menara Ɖmũreco Pacũ ati yepare cũ ca jeeñorique to ca niicã pacaro, ati yepa macãrã pea cũre ña majitiwa. ¹¹ Cũ yaarã pũtore doomiupi. Cũja pea cũre bootiwa. ¹² To biro cũja ca bii pacaro, añuro cũre ñee, cũre tuo nũnũjee, ca tiirã peera, Ɖmũreco Pacũ puna peti cũja ca niiro cũjare tiwi. ¹³ Ɖmũreco Pacũ puna niiriquea, bojoca cũja ca boorije jũori méé, mani pacũa manire cũja ca puna cõtirije ñno méé, nii. Ɖmũreco Pacũ, cũ majuropeera cũ puna cũja ca niiro cũjare tiimi.

¹⁴ Ɖmũreco Pacũ Wederique ca niiricũra manire biigũ bojocũ jeeñari, mani watoare niiwi. Cũ ca doti tutua niirijere, cũ macũ jĩcũra ca niigũ niiri doti tutuarique cũ Pacũ cũre cũ ca tiicojorijere cũ ca ñeeriquere, jãa ñawũ. Bũaropũra mairiquere cũocã, díamacũ ca niirijere cũocã, ca biigũ niiwi. ¹⁵ To biri cũre cũ ca ñariquerena wedegũ, o biro ñi acaro bui wedewi Juan: “Anira niimi: ‘Yũ jiro ca doogũ pea, yũ ametũenero ca nii majuropeegũ niimi, yũ jũgueropũra ca nii jũo dooricũ niiri,’ yũ ca ñi wedericũa,” ñiwi.

¹⁶ Cristo niipetirije cũ ca añu majuropeerijere, mani niipetirãpũrena bũaro jañuro añurijere manire tii boja nũnũa waami. ¹⁷ Doti cũuriquea Moisés'pũre tiicojo ecoupa. Ɖmũreco Pacũ añuro manire cũ ca tii bojarique, to biri díamacũ ca niirije, Jesucristo mena pee manire bii bau nii eawũ. ¹⁸ Ɖmũreco Pacũra jĩcũ ñno peera jĩcãti ñnora cũre ña ñaatiupa. Cũ Macũ jĩcũra ca niigũ, Ɖmũreco Pacũra ca niigũ, cũ Pacũ menara ca niicõa niigũ wado, cũre mani ca majiro manire tiwi.

Bojocare ca uwo coegũ Juan, Jesucristo yee maquẽre cũ ca wederique
(Mt 3.11-12; Mc 1.7-8; Lc 3.15-17)

¹⁹ Ate nii, Jerusalén macãrã judíos ñparã, paia, to biri levitare, “¿Ñiru mũ niiti?” Juan're ñi jãĩña dotirã cũja ca tiicojoricãrã cũja ca jãĩña earo, cũ ca niirijere Juan cũjare cũ ca wederique. ²⁰ Cũre cũja ca jãĩñaro, ñi ditoricaró maniro o biro cũjare ñi wedewi Juan:

—Yũa, Mesías méé yũ nii —cũjare ñiwi.

²¹ Cũre jãĩña nemowa ñucã:

—¿To docare ñiru peti mũ niiti? ¿Ɖmũreco Pacũ yee quetire wede jũgueri majũ Elías mũ niiti? —cũre ñi jãĩñawa. Cũ pea:

—Cũ méé yũ nii —cũjare ñiwi Juan.

Cũja pea o biro cũre ñi jãĩñawa ñucã:

—Too docare, Ɖmureco Pacu yee quetire wede jugueri maju doorucumi cūja ca ĩiricu mu niitiqué —cūre ĩiwa.

To biro cūre cūja ca ĩi jāiñaro, Juan pea:

—Yu niiti —cūjare ĩiwi.

²² To biro cū ca ĩiro, o biro cūre ĩi jāiña nemowa ñucā:

—¿Too docare, ñiru peti mu niiti? Jāare ca jāiña doti cojojārāre jāa ca wedepere jāa majiruga, ĩmu majurope pea “Ñiru yu nii,” mu ĩiti? —cūre ĩiwa.

²³ To biro cūre cūja ca ĩiro, o biro cūjare ĩi yuwi Juan:

—Yu, Ɖmureco Pacu yee quetire wede jugueri maju Isaías niiquĩricu:

“Ca yucu maniri yeparipu, ‘Wiogu cū ca doopa maare díamacū maa queno yueya,*’ ĩi acaró bui wedeorucumi,” cū ca ĩiricu yu nii —cūjare ĩiwi.†

²⁴ Fariseos cūja ca jāiña doti cojoricarā pea ñucā Juan're, ²⁵ o biro cūre ĩi jāiña nemowa:

—Too docare Mesías méé nii, Elías méé nii, Ɖmureco Pacu yee quetire ca wede jugueri maju méé nii, bii pacagu, ĩñee tiigu bojocare mu uwo coeti? —cūre ĩi jāiñawa.

²⁶ Juan pea o biro cūjare ĩi yuwi:

—Yu, bojocare oco mena yu uwo coe. Ména apĩ niimi mūja watoare, mūja ca majitigu.

²⁷ Cū niimi, yu jiro ca dooru. Cūa, yu ametuenero ca nii majuropeegu niigu biimi, cū dapo juti jiarica daa cāare ca popioru méé yu nii yu —cūjare ĩiwi Juan.

²⁸ Ate niipetirije biiwu Betaniapure‡, dia Jordán ape ñña muipũ cū ca mña doori ñña peere bojocare Juan cū ca uwo coe niiri tabere.

Jesús, Ɖmureco Pacu yu Oveja Macū

²⁹ Ape ramu peere Juan, cū puto pee Jesús cū ca doo nñna dooro ĩari, o biro ĩiwi: “ĩaña. ĩira niimi Ɖmureco Pacu yu Oveja Macūre biro bojoca cūja ca ñañarije wapare ametueneru ca bii yai bojaru. ³⁰ Anirena ĩigu: ‘Yu jiro doorucumi ĩicū, yu jugueropura ca nii juo dooricu niiri, yu ametuenero ca nii majuropeegu,’ mūjare yu ĩi wedewu. ³¹ Yu majurope cāa, ‘Cū niicumí Mesías,’ yu ĩi majitiwu. To biro bii pacagu, Israel yaa pooga macārā cūre cūja majijato ĩigu, oco mena bojocare yu uwo coewu,” ĩiwi Juan.

³² Cū ca ĩariquere o biro ĩi wede majio nemowi ñucā Juan: “Yu majuropeera yu ĩawu. Añuri Yeri, Ɖmureco tutipu buare biigu bau duwi doori, Jesús jotoare cū ca ñaapea earo.

³³ Yu cāa ména, Mesías'ra cū ca niirijere yu majitiwu. Oco mena yure ca uwo coe doti cojoricu pee o biro yure ĩiwi: ‘Añuri Yeri, buare biigu bau duwi doori, cū jotoapure cū ca ñaapea earo mu ca ĩagu niirucumi, bojoca yeripure, Añuri Yeri cū ca ñaajāa nūcā earo ca tiipu,’ yure ĩi wedewi. ³⁴ To biri yu majuropeera ca ĩaricu niiri, díamacūra: ‘Anira niimi Ɖmureco Pacu Macū,’ mūjare yu ĩi wedewu,” ĩi wedewi Juan.

Jesús buerā ca nii juoricarā

³⁵ Ape ramure, cū buerā puarā mena tii tabera niwi ñucā Juan. ³⁶ Jesús, too cū ca ametna waaro ĩari, o biro ĩiwi:

—ĩaña, ĩira niimi Ɖmureco Pacu yu Oveja Macū —ĩiwi Juan. ³⁷ To biro Juan cū ca ĩiro tuorā, puarāpura cū buerā ca niimiricarā Jesús're jāa nñnūcoawu.

³⁸ Cū jiro jāa ca nñnū waaro, jāare amojode nūcā ĩari, Jesús pea o biro jāare ĩi jāiñawi:

—¿Ñeere mūja amaati? —jāare ĩiwi.

To biro jāare cū ca ĩi jāiñaro, o biro cūre jāa ĩi yuwwu:

—Buegu, ĩnooru mu ca cāniri tabe to niiti? —cūre jāa ĩiwi.

³⁹ To biro cūre jāa ca ĩiro:

—Doori, ĩarā dooya —jāare ĩiwi Jesús.

To biro cū ca ĩiro cū mena waa, cū ca niirica tabepure earā, toopura cū mena jāa niicā naio waawu yua, mee naiori tabeacāpu ca niiro macā.

* 1:23 “Wiogu cū ca eaparo juguero ñañarije mūja ca tiirijere tii yerijāa, tugoeña yeri wajoa nii yueya” ĩirugaro ĩi. † 1:23 Is 40.3. ‡ 1:28 Ape wāme Betábara.

⁴⁰ Jícũ, Juan cũ ca wedero tuori, puarã Jesús're ca nunu waaricarã mena macũ pea Simón Pedro yee wedegu Andrés niwi. ⁴¹ To biri Andrés pea cũ yee wedegu Simón'rena bua ea juori, o biro cũre iĩupi:

—Mesías're jãa buajãwũ —iĩupi. (Mesías iĩro, “Umureco Pacu cũ Ca Beje Amiricu,” iĩrugaro iĩ.)

⁴² Jiro Andrés pea, cũ yee wedegu Simón're Jesús patoru juo dooupi. Jesús pea Simón're iari, o biro cũre iĩwi:

—Mua, Juan macũ Simón mu nii; mecãra Cefas mu wãme cutirucu yua. (Cefas iĩro, Pedro,[§] iĩrugaro iĩ.)

Felipere, Natanael're Jesús cũ ca juorique

⁴³ Ape rumu peere ñucã, Jesús pea, “Galilea yepa pee ca waape niicu,” iĩwi. To biri tooru cũ ca waaparo juguero, Felipere bua eari, o biro cũre iĩwi Jesús:

—Dooya yu mena —cũre iĩwi.

⁴⁴ Felipe cãa, Pedro, Andrés jãari cũja ca niirica macã Betsaida macãra niwi cũ cãa.

⁴⁵ To biri Felipe pea, Natanael're amagu waa, cũre bua eari, o biro cũre iĩupi:

—Moisés niiquiricu, cũ yee maquẽre doti cũuriqueru owa, Umureco Pacu yee quetire wede juguero maja cãa cũ yee maquẽre owa, cũja ca tiiricu Jesús, Nazaret macũ, José macãre jãa buajãwũ —cũre iĩupi.

⁴⁶ To biro cũre cũ ca iĩro Natanael pea, o biro cũre iĩupi Felipere:

—¿Mu ca tugoeñajata, Nazaret macãre jicũ añugu uno cũ nii baabogajati? —cũre iĩupi.

Felipe pea Natanael to biro cũ ca iĩro, o biro cũre iĩ yuupi:

—Dooya. Mu majurope doori iãgu doo ñaaquẽ —cũre iĩupi.

⁴⁷ Jesús pea, Natanael cũ ca doo nunua dooro iari, o biro iĩwi:

—Ani doomi, israelita bojocu peti, jicã wãme unora iĩ ditorique unore ca cuotigu —iĩwi.

⁴⁸ To biro Jesús cũ ca iĩro:

—¿Do biro biicãri to cõro añuro yure mu majiti? —cũre iĩ jãñawi Natanael.

To biro cũ ca iĩro:

—Felipe mure cũ ca juoparo juguero, higueraçu doca mu ca niiro mure yu iãjãwũ —cũre iĩwi Jesús pea.

⁴⁹ To biro cũ ca iĩro, Natanael pea o biro cũre iĩwi Jesús're:

—Buegu, Mua, Umureco Pacu Macũ mu nii; Israel yaa yepare ca dotipu Wiogu peti mu nii —cũre iĩwi.

⁵⁰ To biro cũ ca iĩro, Jesús pea o biro iĩ nemowi Natanael're:

—¿“Higueraçu doca mu ca niiro mure yu iãjãwũ,” yu ca iĩrijere tuorira, “Umureco Pacu Macũ mu nii,” yure mu iĩ nucũ buoti? Jiorpu docare o biro yu ca iĩrije ametuenero añurijere mu iãrucu —cũre iĩwi Jesús.

⁵¹ To biro cũre iĩ, o biro iĩ nemowi ñucã Jesús:

—Yee méé mujare yu iĩ: Umureco quejero pãa nucãcoa, ñucã Umureco Pacu puto macãrã, yu, Ca Nii Majuropeegu Macũ jotoare duwicã doorucu, muacoarucu, cũja ca biirijere mũa iãrucu —iĩwi Jesús.

2

Canápu ocorena uje oco Jesús cũ ca jeeñorique

¹ Itia rumu ca nii waaro, Galilea yepa macã macã Canãre amo jiarica boje rumu niwũ. Jesús paco cãa tooru niwo. ² Jesús, to biri jãa cũ buerã, tii boje rumure cũja ca juo cojoricarã niiri, tooru jãa niwũ. ³ To biri yua, tii boje rumure uje oco ca petiro, cũ paco pea o biro cũre iĩwo Jesús're:

—Uje oco peticoajãwũ. Cuotima yua —cũre iĩwo.

⁴ To biro cõ ca iĩro Jesús pea, o biro cõre iĩwi cũ pacore:

§ 1:42 Arameo wederique menara “Ûtãga” iĩrugaro iĩ; ñucã griego mena peera “Pedro” iĩro iĩ.

—¿Nomio, ñee tiigo teere yure mu wedeti? Yu ca niirije cutirijere yu ca tii bau niipa tabe eati ména —cõre ñiwi.

⁵ To biro cū ca ñimijata cāare, cõ pea, uje oco tĩa coteri majare o biro cūjare ñiwo:

—Niipetiro mūjare cū ca tii dotirore biro tiiya —cūjare ñiwo.

⁶ Toore niuwu, jĩcā amo peti, ape amore jĩcāga penituario ca niirije jotu bucuruuri, pacaruuri, ũtā mena cūja ca tiirique. Tee pea to cānacārupura 75 to biri 115 litros cõro ca oco jeeriruuri niuwu; judíos're ca dotirore biro tiirã, cūja ca uwa coeriruuri niuwu.

⁷ Jesús pea o biro ñiwi, uje oco ca tĩa coterãre:

—Atirurire oco waa jãa dadocãña —cūjare ñiwi.

To biro cū ca ñiro, cūja pea tiirurire añuropu pio jãa dadocāwa. ⁸ To biro cūja ca tii yapanoro, o biro cūjare ñiwi ñucã Jesús:

—Peeto tii ruu maquẽre jeeri ami waarãja yua, boje rumu ca juo tii niigu putopu —cūjare ñiwi Jesús.

Cūja pea cū ca ñirore biro tiiwa. ⁹ Boje rumu ca juo tiigu pea, ocora, uje oco ca jeeñariquere jini ñaawi, “To biro ca biirique niicu,” ñi majiri méé. Ca tĩa coterã wado majiwa, ca oco waaricarã niiri. To biri teere jini ñaacãri, boje rumu ca juo tiigu pea, ca amo jiaricure cãre juo cojori, ¹⁰ o biro cãre ñiupi:

—Niipetirãpura uje oco añurije peere tĩa juoma. Mee, juo cojoricarã cūja ca jini yapicoaro jiorpu docare ca pãm̃ti jañurije peere tĩa yapano cojoma. Mu pea, uje oco añurije peere mu duajapa —cũre ñiupi.

¹¹ Ate, Galilea yepa macã macã Caná ca wãme cutiri macãre Jesús cū ca tiirique pea, ca ña ñaãña manirije cū ca tii bau nii juorije niiro biuwu. Tee mena ññowi Æmureco Pacu cū ca tiicojoricu ca tutua majuropeegu cū ca niirijere. To biri jãa, cū buerã pea, díamacũ cũre jãa tuo nunñjee juowu.

¹² Ate jiro waacoawi ñucã Jesús Capernaúm ca wãme cutiri macã pee. Cũ paco, cū bairã, jãa cū buerã cãa, cū mena jãa waawu. Tii macãpũre no cānacã rumu méera jãa niuwu.

Æmureco Pacu yaa wiipũre ca noni wapa taa niirãre Jesús cū ca cõa wienerique (Mt 21.12-13; Mc 11.16-18; Lc 19.45-46)

¹³ Judíos boje rumu Pascua ea waaro ca biiro, Jerusalén macãpu maa waawi Jesús. ¹⁴ Tooru ea, Æmureco Pacu yaa wiipũre jãa waagu, wecua, ovejas, búáá, noni wapa taari maja to biri wapa tiirica tiirire ca wajoarã cūja ca duwiri taberi ca duwirãre, cūjare bua eawi. ¹⁵ To biro ca tii niirãre ñari, Jesús pea upa daari jeeri, baperica daa quenori, Æmureco Pacu yaa wiipũre ca niirã niipetirãre cūja wecua, cūja oveja niipetiro menara cūjare bape acũ wiene peoticã cojowi. Wapa tiirica tiiri ca wajoarã yee wapa tiirica tiiri cãare maa dee batecã, ñucã cūja ca peori pĩiri cãare tuu puu cūu bate peoticãwi Jesús.

¹⁶ To biro tiicã, buare ca noni wapa taarãra:

—¡Atere to cõrora jee witi waarãja! Yu Pacu yaa wiire apeye noni wapa taarica wii jeeñoticãña —cūjare ñiwi Jesús.

¹⁷ To biro cū ca tiiro ñarã, jãa, cū buerã pea, Æmureco Pacu yee wederiquere cūja ca owarica pũuropũre: “Mu yaa wiire yu ca mai uwa jeorijera yure yaicãrucu,”* cūja ca ñi owa cūuriquerũre jãa tũgoeña buawu. ¹⁸ To biro Jesús cū ca tiiro ñarã, judíos pea o biro cũre ñi jãñawa:

—O biro mu ca tiirijera ca doti majigu mu ca niirijere jãa ca majipere biro ñigu, ¿ñee unu jãare mu tii bau nii ññoguti? —cũre ñiwa.

¹⁹ To biro cũre cūja ca ñiro, Jesús pea o biro cūjare ñi yuwu:

—Ati wii Æmureco Pacu yaa wiire wee batecãña, yu pea itia rumu jirora yu queno yapanocãrucu ñucã —ñiwi.

²⁰ To biro cūjare cū ca ñiro judíos pea o biro cũre ñiwa ñucã:

* 2:17 “Mu yaa wiire cūja ca nũcũ buotirijere cūja mena buaro ajarucu. To biro yu ca biirije juori yure jãa cõarucuma,” ca ñirijere jãa tũgoeña buawu. Sal 69.9.

—Cuarenta y seis cūmari peti waawu ati wiire quenoricaro. ¿Mū pea do biro tiicāri itia rumu jirora mū queno yapanocāguti? —cūre iīwa Jesús're.

²¹ Jesús pea Ūmureco Pacu yaa wiire cū ca iijata, cū upuri majuro ca biiperena iigu cūjare iimiwi.[†] ²² To biri jāa cū buerā pea, cū ca cati tuari tabepu o biro cū ca iiriquere tūgoeña bua, Ūmureco Pacu wederiquere, to biri űucā Jesús cū ca iiriquere, díamacū jāa tuo nunjeewa yua.

Jesús mani ca biirique cutirijere maji peoticāmi

²³ Ména Jesús, Jerusalén'pu Pascua boje rumu niigu, ca ĩa űaaña manirije cū ca tiirijere ĩari, pau bojoca cūre tuo nunjeewa. ²⁴ To biro cūre cūja ca biimijata cāare, Jesús pea “Díamacūra yure tuo nunjeerā tiima,” cūjare iitiwi, niipetirāpūrena cūja yeripu cūja ca tūgoeña niirijepure ca majigu niiri. ²⁵ To biri jīcū uno peera, bojoca cūja ca bii niirijere, aperā cūre cūja ca wedero bootiwi, mee cū majuropeera cūja yeripu cūja ca tūgoeña niirijepure ca ĩa maji peoticāgu niiri.

3

Nicodemo, Jesús mena cū ca wede penirique

¹ Niiupi jīcū fariseo, judíos're ca juo niigu ca nii majuropeegu ca niigu, Nicodemo ca wāme cutigu. ² Cū pea jīcā űami Jesús puto ĩagu doori, o biro cūre ĩi jāiñawi:

—Buegu, jāare ca bue majiopu, Ūmureco Pacu cū ca tiicojo cojoricu mū ca niirijere jāa maji. Jīcū uno peera Ūmureco Pacu cū mena cū ca niitijata, ca ĩa űaaña manirije mū ca tii bau niirije unore tii majiticumi —cūre iīwi.

³ To biro cū ca ĩiro Jesús pea o biro cūre iīwi:

—Díamacū mure yu ĩi: Nemo ca wāma bauatigua, Ūmureco Pacu cū ca doti niirijere do biro ĩa majitimi —iīwi.

⁴ To biro cū ca ĩiro, Nicodemo pea o biro cūre ĩi jāiñawi űucā:

—¿Do biro pee biicāri űucā mania, bucu niigupura nemo bauacārique to niigajati? ¿To docare mani paco paa totipure pūatiri cōro jāacoarique to niigajati, nemo wāma bauarugu? —cūre iīwi.

⁵ To biro cū ca ĩiro, Jesús pea o biro cūre ĩi yūwi:

—Díamacū mure yu ĩi: Oco mena, űucā Añuri Yeri cū ca tii niirije juori mena nemo baau, ca biitigua,* Ūmureco Pacu cū ca doti niiri tabepure eatirucumi. ⁶ Bojoca cūja ca puna cutirā, bojoca puna niima. Añuri Yeri cū ca űaañā űucārā pea, Ūmureco Pacu puna niima.[†] ⁷ To biri, “Bojoca wāma baau juorā cūja ca bauaricarore birora, ca baau nemoparā niima,” mure yu ca iirijere tuo ucuatīcāña. ⁸ Atere tūgoeñañaqué: Wino no ca booro paa puucā. To biri tee ca bujuriere tuocā pacarā, too maquē paa puu doo, űucā too pee waaro bii, ĩi majiña mani. Tee ca biimore birora biima, niipetirā Añuri Yeri cū ca tii niirije juori nemo ca bauarā cāa —iīwi Nicodemore.

⁹ To biro cū ca ĩiro, Nicodemo pea űucā:

—¿Atea do biro biicāri to biro to biigajati? —cūre iīwi.

¹⁰ To biro cū ca ĩiro, o biro cūre ĩi yūwi Jesús:

—¿Mūa, Israel yepa macārāre Ūmureco Pacu yee quetire ca buegu nii pacagu, atere mū majititi? ¹¹ Yee méé mure yu ĩi: Jāa, jāa ca majirijere, jāa ca ĩariquere, mūjare jāa wederucu. To biro jāa ca iimijata cāare, mūja pea teere díamacū mūja tuo nunjeeti. ¹² Ati yepa maquērena mūjare yu ca wederijere díamacū mūja ca tuotijata, ¿do biro pee biicāri űmureco tutipū maquē yu ca wederije peera díamacū mūja tuobogajati?

¹³ ”Jīcū uno peera űmureco tutipure mūa waatiupi. Yu, űmureco tutipū ca duwi dooricu, Ca Nii Majuropeegu Macū wado yu nii. ¹⁴ To biri Moisés niiquīricu, ca yucu maniri yeparu cū yee wederāre añaa cūja ca bacaro “Cūre ca ĩarā catirucuma,” iigu, añare biigu cū ca quenoricure, yucugu mena cūre mūene űucōupi. To biri wāmera, yu, Ca

[†] 2:21 cūrā cū ca biiperena iigu cūjare iimiwi. * 3:5 Mt 28.19; Hch 2.38; 10.47; 1Co 12.13; Tit 3.5.

[†] 3:6 Añuri Yeri cū ca tiirije juori ca bauarije, yeri nii.

Nii Majuropeegu Macũ cãa, bojoca ñaňaro cũja ca bii yaiboriquere ametueneruɣu yucu tenipɔ yu ami muene nucõ ecorucu, ¹⁵ niipetirã bojoca yare ca tuo nunuđerã to birora caticõa niiriquere cũja ca cuopere biro iigu —cũre iwi Jesús, Nicodemore.

Bojoca niipetirã Ʉmureco Pacu cũ ca mairije

¹⁶ Ʉmureco Pacu, bojocare buaropɔra maima iigu, cũ Macũ jicũra ca niigure, díamacũ cũre ca tuo nunuđerã niipetirã cũja bii yaiticãjato, caticõa niirique peere cũja cuojato iigu cũre tiicojupi. ¹⁷ Ʉmureco Pacu, bojocare ñaňaro tiirugɔ méé, cũ Macũre tiicojupi. Cũ juori bojocare ametueneruɣu pee cũre tiicojupi.

¹⁸ Ʉmureco Pacu Macũre díamacũ ca tuo nunuđeruɣa, ñaňaro tii yaio ecotirucumi. Díamacũ cũre ca tuo nunuđeruɣu doca, mee ñaňaro ca tii ecoricɔra nii yerijãami, Ʉmureco Pacu Macũ jicũra ca niigure díamacũ cũ ca tuo nunuđeruɣu wapa. ¹⁹ Díamacũ cũre ca tuo nunuđeruɣu pea mee ñaňaro tiiricãraɣu nii yerijãama. Ñaňarije wado ca tii niirucurã niiri, Jesucristo añurije wado ca tiigu ati yeparuɣe cũ ca doori tabere, Jesucristo peere boorica tabe unora ca naitãarije peere boo ametuenerucũpa. ²⁰ Niipetirã ñaňarije ca tii niirã, ca boerijere ña juna jañuma, yaioropɔ ñaňarije cũja ca tii niirucuriye bau niirupɔ bii bau niire iirã, teere juna jañuma. ²¹ Ʉmureco Pacu yee díamacũ ca niirije queti ca iirore biro ca tii nunuđerã pea, ca boerije puto pee dooma, cũja ca tii niirije niipetiro Ʉmureco Pacu cũ ca boorore biro cũja ca tii niirije añurupɔ ca bii bau nii iñocãpere biro iirã.

Jesús yee maquẽre Juan cũ ca wede nemoriquere

²² Ate jiro Jesús, jãa cũ buerã mena Judea yeparuɣu waawi ñucã. Toorɔre jãa mena yoa jañurupɔra nii, bojocare uwo coe, tii niwi. ²³ Ñucã Juan cãa, Enón'pɔ bojocare uwo coe niupi, Salim ca wãme cutiri macã puto, tii tabere paio oco ca niiro macã. To biri bojoca toorɔ waari, cũre uwo coe ecorucuɣa. ²⁴ (Mena ate pea, Juan're cũja ca tia cũparu jũguero biiwu.)

²⁵ To biri jicã rɔmɔ jicãrã Juan buerã pea, jicũ judío mena wede peniupa, ñaňarije cũja ca tiiricaro jiro, teere coerã cũja ca uwa coerucuriye maquẽre. ²⁶ To biro i yapano, o biro iirã waupa Juan're:

—Bueɣu, tii rɔmɔ mɔ mena dia Jordán ape nuña ca niiricu jãare mɔ ca wedericu pea, mecũra bojocare uwo coegu tiijãwi. Niipetirã cũ peere tuo nunuđeruɣa —cũre iupa.

²⁷ To biro cũre cũja ca iiro, o biro cũjare iupi Juan:

—Jicũ unu peera to biro tii majiriquere cuo majitimi, Ʉmureco Pacu cũ ca tiicojotijata. ²⁸ Mee mɔja majuropeera: “Yu, Mesías méé yu nii. Jicũ cũ jũguero cũ ca tiicojo jũguericu pee yu nii,” yu ca iirijere mɔja tuowu. ²⁹ Amo jiarica rɔmure cũ nɔmo ca niipore ca cuogua, cõ manu ca niipɔ cõre cuomi. Co manu ca niipɔ mena macã too ca niigu, cũ ca wederijere tuogu buaro ujea niimi. To biri yu cãa Jesús mena macũ niiri, buaro yu ujea nii. ³⁰ To biri cũ pea, buaro jañuri ca nii majuropeegu nii nunuđeruɣu. Yu pea, watoa macũre biro bii nunuđeruɣu waagu yu tii.

Ʉmureco tutipɔ ca dooricu

³¹ Emuaropɔ ca dooricu, niipetirã ametuenero ca nii majuropeegu niimi. Ati yepare ca niigua, ati yepa macũ niigu biimi. To biri ati yepa maquẽ wadore wedemi. Ʉmureco tutipɔ ca dooricu pea, niipetirã ametuenero ca nii majuropeegu niiri, ³² cũ ca ñariquere, cũ ca tuoriquere, wedemi. To biro cũ ca iimijata cãare, jicũ unu peera cũ ca wederijere díamacũ tuo nunuđeruɣu. ³³ To biro cũja ca bii pacaro, jicũ, cũ yee quetire díamacũ ca tuo nunuđeruɣu pea, “Díamacũra nii Ʉmureco Pacu cũ ca wederije,” iigu iimi. ³⁴ Ʉmureco Pacu cũ ca tiicojo cojoricu, Ʉmureco Pacu yee wadore wedemi, Ʉmureco Pacu cũ Añuri Yerire dujaricaro maniro cũ ca tiicojoricu niiri. ³⁵ Cũ Pacu, cũ Macũre maimi. To biri niipetirijepɔrena cũ ca doti maji niirijere cũre tiicojupi. ³⁶ To biri cũ Macũre díamacũ ca tuo nunuđeruɣu, to birora caticõa niiriquere cuomi. Ʉmureco Pacu Macũre díamacũ ca tuo nunuđeruɣu gatiɣu pea, tee caticõa niiriquere cuotirucumi. Ʉmureco Pacu ñaňaro cũ ca tiirije peere ñaňaro peti tamuorucumi —iupi.

4

Samaria macō mena Jesús cū ca wede penirique

¹ Jiro, paɪ peti bojoca Jesús're cūja ca tuo nɔnɔjeerijere, ñucā Juan ametɔenero cū ca uwo coerijere queti tɔoupa fariseos. ² (Biigɔpɔa añuro petira Jesús méé cūjare uwo coewi; jāa, cū buerā pee bojocare jāa uwo coewɔ.) ³ To biri Jesús teere majiri, Judea yepa ca niiricɔ, Galilea yepa pee jāare jɔo tuacoawi ñucā.

⁴ To biro bii tua waagɔ, Samaria yepare cū ca waa nɔnɔa waape niiwɔ. ⁵ To biri tii yepare eagɔ, Sicar ca wāme cɔtiri macā, Jacob cū macū Josére cū ca cūu yaiquírca yepa pɔto ca niiri macāre jāare jɔo eawi. ⁶ Tii yepare niiwɔ Jacob niiquírca oco ope. Jesús pea, maa doogɔ ca boga yaicoaricɔ niiri, tii ope pɔtora ea nuucoawi. Muipū jotoa decomacā ea doogɔ cū ca biiri tabe niiwɔ. ⁷⁻⁸ Jāa, cū buerā pea, macāpɔ baarique jāa wapa tiirā waacoawɔ. To biro jāa ca bii waa ditoyere, jícō nomio, Samaria macō, tii opere oco waago doogo cō ca earo, o biro cōre ñupi Jesús:

—Petoacā yɔ cāare oco tiicojaya —cōre ñupi.

⁹ Jāa judíos pea, Samaria yepa macārā mena añuro jāa ca ameri tiitirije ca maniro macā, o biro cūre ñupo Jesús're:

—¿Ñee tiigu mɔa judío nii pacagɔ, yɔ Samaria macōre mɔ oco jāiti? —cūre ñupo.

¹⁰ To biro cūre cō ca ñiro, o biro cōre ñi yɔɔupi Jesús:

—Ɔmɔreco Pacɔ cū ca tiicojorijere mɔ ca majijata, ñucā “Yɔre oco tīaña,” mɔre ca ñigɔre, “Cū niicumɔ,” mɔ ca ñi ĩa majijata, cū peere mɔ jāibojacupa. To biri cū pea oco catirique ca tiicojorijere mɔre tiicojobojacupi —cōre ñupi.

¹¹ To biro cōre cū ca ñiro, cō pea o biro cūre ñupo:

—Wiogɔ, ati opea ɔcāa jānu doca, oco waarique ɔno cɔoti pacagɔ, ¿noo maquēpɔ buacāri oco ca catirijere yɔre mɔ tiicojogati? ¹² Mani ñicū Jacob niiquírca ati ope maquēre oco jini, cū puna cāa jini, ñucā cū ecaricarā cāare oco tīa, cū ca tiirucurica operena jāare cūuquĩupi. ¿To docare mɔa, cū ametɔenero ca nii majuropeegɔ mɔ niiti? —cūre ñi jāiñauo Jesús're.

¹³ To biro cō ca ñi jāiñaro, o biro cōre ñi yɔɔupi Jesús:

—Niipetirā ati ope maquēre ca oco jinirā, to birora oco jinirugacōa niirucuma ñucā.

¹⁴ Oco yɔ ca tiicojorijere ca jinigɔ pea, pɔati oco jiniruga, biitirucumi. Oco yɔ ca tiicojorije pea, to birora caticōa niirique cū yeripɔre, oco ca witi yerijāatirore birora cūre biicōa niirucu —cōre ñupi Jesús.

¹⁵ To biri cō pea o biro cūre ñupo:

—Wiogɔ, to docare tee pee yɔre oco tiicojaya, pɔati oco jiniruga, ati operɔre oco waago doorucu, yɔ ca bii nemotipere biro ñigɔ —cūre ñupo Jesús're.

¹⁶ To biro cūre cō ca ñiro, o biro cōre ñupi Jesús:

—To docare tua waa, mɔ manɔre jɔo, anopɔra mɔ doowa ñucā —cōre ñupi.

¹⁷ To biro cōre cū ca ñiro:

—Ca manɔ manigo yɔ nii yɔa —cūre ñi yɔɔupo cō pea.

Jesús pea o biro cōre ñupi:

—“Yɔa ca manɔ manigo yɔ nii,” mɔ ca ĩjata, díamacāra mɔ ĩi. ¹⁸ Mɔa, jícā amo cōro peti ca manɔ jɔmɔa cɔtirico mɔ nii. To biri mecū mɔ mena ca niigɔ cāa, mɔ manɔ majurope méé niimi, díamacāra mɔ ĩi, to biro mɔ ca ĩjata —cōre ñupi.

¹⁹ To biro cōre cū ca ñiro, cō pea o biro cūre ñupo:

—Wiogɔ, yɔa mɔre yɔ ĩa maji. Mɔa, Ɔmɔreco Pacɔ yee quetire wede jugueri majɔ mɔ nii.* ²⁰ Jāa ñicū jɔmɔa Samaria yepa macārā ca niiquírca ati buuropɔ Ɔmɔreco Pacɔre juu bue nɔcū buorucuupa. Mɔja judíos pea, “Jerusalén'pɔ wado nii Ɔmɔreco Pacɔre ĩi nɔcū buorica tabe,” mɔja ñirucu —cūre ñupo.

²¹ To biro cō ca ñiro, o biro cōre ñupi Jesús:

—Nomio, yɔ ca ĩrijere yɔre tuo nɔnɔjeeya: Ati buuropɔ doo, ñucā Jerusalén macāpɔ waa, biitirāra Ɔmɔreco Pacɔre mɔja ca jāi juu bue nɔcū buopa tabe ea. ²² Mɔja Samaria

* 4:19 Profeta.

macārã, m̃ja ca majitirijerena m̃ja ïi ñcũ buocã. Jãa judíos pea jãa ca tii ñcũ buogure jãa maji. To biri, jãa judíos j̃ori bojocare ametuenerucumi ̃mureco Pacu. ²³ Mee ea, mec̃ra nii mee, díamac̃ra ̃mureco Pacure ca tii ñcũ buorã, ca niimore biro, ̃mureco Pacu ỹu Añuri Yeri c̃u ca boorore biro c̃ja ca tii ñcũ buopa tabe, to biirije c̃ja ca tiiro boomi ̃mureco Pacu, c̃re ca ïi ñcũ buorãra. ²⁴ ̃mureco Pacua, yeri ca bautigu niimi.† To biri c̃re ca tii ñcũ buorã, c̃ja yeripu, ïi ditoricaró maniro ̃mureco Pacu ỹu Añuri Yeri c̃u ca boori wãmere biro ca tiiparã niima —cõre ïiupi Jesús.

²⁵ To biro cõre c̃u ca ïiro, nomio pea o biro c̃re ïiupo Jesús're:

—Ỹu maji, Mesías, Cristo ca wãme cutigu c̃u ca eapere. C̃u eagupu niipetirije manire wede majiorucumi —c̃re ïiupo.

²⁶ To biro c̃re cõ ca ïiro, o biro cõre ïiupi Jesús pea:

—M̃u mena ca wede penigua, c̃ra ỹu nii ỹu —cõre ïiupi.

Jesús buerã c̃u p̃to c̃ja ca tua earique

²⁷ To biro cõre c̃u ca ïi niiri tabera jãa, c̃u buerã, macãpu baarique ca wapa tiirã waaricarã jãa eawu. C̃u p̃to earã, Jesús pea nomio mena c̃u ca wede peni niirijere ïarã, do biro pee jãa ïi majiticãwu. Bii pacarã j̃icũ peera, ¿ñee ãnore cõ booti? ¿Ñee ãnore cõ mena m̃u wede peniti? jãa ïi jãiña majiticãwu ñucã. ²⁸ Jãa ca eari tabera, nomio pea cõ joture toora piti dopo, macã pee tuacoawo. Toorp̃ eari, o biro bojocare c̃jare ïi wedeupo:

²⁹ —Ëarã dooña m̃ja cãa. Ōo, j̃icũ bojocu niijãwi, ỹu ca tiiriquere ca maji peoticãgu. ¿̃mureco Pacu c̃u ca tiicojorp̃ Mesías c̃ja ca ïigu méé c̃u niicã tiimijapari? —ïiupo.

³⁰ To cõrora tii macã macārã pea, Jesús c̃u ca niiri tabepu ïarã dooupa. ³¹ To biro cõ ca bii ditoyeacã: “Buegu, baaya petopura,” c̃re jãa ïimiwu Jesús're.

³² To biro c̃re jãa ca ïiro:

—Ỹu, m̃ja ca majitirije baarique ỹu c̃uo —jãare boca ïiwi Jesús pea.

³³ To biro jãare c̃u ca ïiro, o biro jãa ameri ïi jãiñawu:

—¿Mee j̃icãrã c̃re c̃ja baarique jee doobujapari? —jãa ïiwu.

³⁴ To biro jãa ca ameri ïiro, Jesús pea o biro jãare ïiwi:

—Ỹu baariquea, ỹre ca tiicojo cojoricu c̃u ca boorore biro tiirique, to biri c̃u ca dotiriquere ỹu ca tii yapanope, nii. ³⁵ M̃ja pea: “Bapari muip̃ua d̃ja ména ote ca bucua yapanopa tabe,” m̃ja ïi. Ỹu pea o biro ỹu ïi: “Ote wejerire ïañaaqué, mee bucua yapanocoa, jeeriquepu nii,” ỹu ïi.‡ ³⁶ Ote dicare ca jeegua, c̃u ca paderije wapare wapa taami. C̃u ca jeerije pea, ̃mureco Pacu c̃u ca tiicojorije to birora c̃u ca caticõa niipe nii. To biri ote ca otegu, ñucã ca dicare ca jeegu cãa, c̃ja p̃uarãp̃ra j̃icãri cõro ñjea niima.

³⁷ O biro ïirica wãme díamac̃ra nii: “J̃icũ niimi ca otegu. Ap̃ip̃u niimi ñucã ca dicare ca jeegu,” ïiriquea. ³⁸ M̃ja ỹu buerã ca niirã, to biro c̃ja ca ïrucuri wãmere birora m̃ja bii. Mee aperã c̃ja ca wede majio j̃oricarã p̃topure, ỹu yee añurije quetire m̃jare ỹu wede doti cojowu, añuro c̃ja ca tuo ame wio peoti majiro c̃ja tiijato ïigu. Aperã popiye bii j̃oupa añurije quetire wederã, c̃ja ca pade j̃oriquere ca pade boja yapanorãre biro m̃jare ỹu tii doti cojo. To biri m̃jara popiye méé jañuro nii, ỹu ca wede doti cojorije —jãare ïiwi Jesús.

Pau samaritanos c̃ja ca tuo ññjeerique

³⁹ Sicar macã macārã samaritanos, “Ỹu ca tiiriquere, niipetiro ỹre ïijãwi,” nomio cõ ca ïirijere ca tuoricarã, pau Jesús're tuo ññjeewa. ⁴⁰ To biri Samaria macārã Jesús p̃to earã, “Waaticãña, jãa mena tuaya ména,” c̃re ïiwa Jesús're. To biro c̃re c̃ja ca ïiro macã, tii macãre p̃ua r̃m̃u niwi Jesús. ⁴¹ To biri ñucã Jesús c̃jare c̃u ca wederijere tuorã, pau jañuro c̃re tuo ññjee ññua waawa. ⁴² To biro biirã, o biro cõre ïiwa:

—Mec̃ra yua, jãare m̃u ca ïijãrije j̃ori wado méé jãa tuo ññjee, c̃u majuropeera c̃u ca ïijãrije jãa majuropeera tuori, díamac̃ra bojocare Ca Ametuenegu c̃u ca niirijere jãa maji —cõre ïiwa.

† 4:24 Jn 2.21; Fil 3.3. ‡ 4:35 “Ote wejeri ïiro, ‘Mee bojoca c̃re ca tuo ññjeeparãpu nii yerijãama,’” ïiro ïi.

Wioḡu yeere ca pade bojari maju macāre Jesús cū ca catiorique

⁴³ Pua rumu jiro Jesús, Samaria yepa ca niiricu, Galilea yepa pee waa nunna waawi ñucā. ⁴⁴ Ména, Jesús majuropeera: “Jĩcū, Ɛmureco Pacu yee quetire wede jũgueri majure cū yaa yepa macārā cūre nucū buotima,” iwi. ⁴⁵ Galilea yeparure Jesús cū ca earo, too macārā bojoca pea añuro cūre jāi bocawa, Jerusalén'pu Pascua boje rumu ĩarā earā, niipetirije tii boje rumure cū ca tiiriquere ca ĩaricarā niiri.

⁴⁶ Jesús, Galilea yepare waa yuju jañucā, ocorena Ʃje oco cū ca jeeñorica macā Canápara tuacoawi ñucā. Tii macāre niipuri jĩcū, wioḡu yeere pade nemori maju Ʃpu ca niigu Capernaúm'pu cū macū buaro ca diagure ca cuogu. ⁴⁷ To biri, “Jesús Judea yeparu ca niiricu, Galilea yepare eajagu,” cūja ca ĩirijere queti tũori, Jesús're ĩagu eari, “Yu macū bii yaiguru ca biigure, yu yaa wiipu waari cūre catioguja,” buaro cūre iwi cū pacu pea.

⁴⁸ To biro cūre cū ca ĩiro:

—Ca bii ĩñorijere, ca ĩa ñaaña manirije tii jeeñoriquere, m̩ja ca ĩatijata, m̩ja tuo nunujeeti m̩ja —cūre iwi Jesús.

⁴⁹ To biro cū ca ĩi pacaro, wioḡure pade nemori maju Ʃpu pea:

—Wioḡu, yu macū cū ca bii yaitirora yoari méé dooya —cūre iwi Jesús're.

⁵⁰ To biro cūre cū ca ĩiro Jesús pea o biro cūre iwi:

—Mu yaa wiipu tua waaguja. Mee mu macū caticoami —cūre iwi. To biro cūre cū ca ĩirijere díamacū tũori, cū yaa wiipu tuacoawi.

⁵¹ To biro cū ca bii tua waaro, cūre pade coteri maja pea cūre bocarā doori:

—M̩ macū caticoajāwi mee! —cūre ĩi bocaupa. ⁵² To biro cūre cūja ca ĩi bocaro tuogu, “¿Di tabe muipū cū ca niiro peti cū cati juojāri yu macū?” cūjare ĩi jāiñaupi. To biro cū ca ĩi jāiñaro:

—Ñamica, jotoa decomacā jiroacā muipū cū ca niirije mena cūre wiorique tatijāwu —cūre ĩiupa. ⁵³ To biro cūre cūja ca ĩiro, cū pacu pea: “Mee mu macū caticoami, Jesús yure cū ca ĩijāri tabe peti biijapa,” ĩi majicāupi. To biri teere cūjare cū ca wedero tuorā, cū yaa wii macārā niipetirā Jesús're cūre tuo nunujeepa. ⁵⁴ Ate, Judea yepa ca niiricu, Galilea yepare tua eagu cū ca tiirije pea, puati ca ĩa ñaaña manirije Jesús cū ca tii bau nii ĩño t̩ja waarije niipu.

5

Betzatá macū ca buuricure Jesús cū ca catiorique

¹ Ate jiro, judíos boje rumu cūja ca quenoro ĩagu waawi ñucā Jesús, Jerusalén macāpu. ² Jerusalén macāre “Ovejas” ca wāme cutiri jope pũtore nii, arameo wederique menara Betzatá* ca wāme cutiri raa, jĩcā amo cōro niiri wiijeriacā ca nii amojoderi raa. ³ Teepure, pau bojoca ca diarique cutirā, ca ĩatirā, ca waa majitirā, ca buuricarā, cūa cojowa, oco ca jaberijere yuerā. ⁴ Ména Ɛmureco Pacu puato macū pea majiña maniro no ca boori tabe eari, tiira maquē ocore tii jaberucuupi. Cū ca tii jabeto jiroacā ca ñaañua juogu Ʃno, no ca boorije cū ca diarique cutirijere ametuene ecorucuupi. ⁵ Cūja watoare niipuri jĩcū, treinta y ocho cūmari peti ca diarique cuti niigu. ⁶ To biri Jesús pea, too ca cūagure ĩa, mee yoaro peti cū ca diarique cuti cūa yujurijere majiri, o biro cūre ĩi jāiñawi:

—¿Mu diarique ca ametuaro mu booti? —cūre iwi Jesús.

⁷ Ca diagū pea o biro cūre ĩi yuwi Jesús're:

—Wioḡu, oco ca jaberu tabere ocorapu yure ca ami cōañuagu Ʃno manimi. To cānacā tiira oco ca jabeto jiro tiirapu yu ca ñaañarugaro, aperā pee wado yu juguero ñaañua weocārucuma —cūre iwi.

⁸ To biro cū ca ĩiro, o biro cūre ĩiwi Jesús:

—Wāmu nucā, mu ca cūari quejerore ami, waaguja —cūre iwi.

⁹ To biro cūre cū ca ĩirije menara, diarique maniguru yua, cū ca cūarucurica quejerore ami puja, waacā nunna waawi. Yerijārica rumu ca niiro macā, ¹⁰ judíos Ʃparā pea Jesús cū ca catioricu cū ca cūarica quejerore cū ca ami waaro ĩari, o biro cūre ĩiupa:

* 5:2 Jĩcārā “Betesda” ĩi, aperā “Betsaida” ĩi, ĩima.

—Mecūa yerijāarica r̄m̄m̄ nii; paderica r̄m̄m̄ méé nii. Tii quejerore ami waagūa padegū m̄ tii —cūre īiupa.

¹¹ To biro cūre cūja ca īiro, o biro cūjare īiupi cū pea:

—Yūre ca diarique ametuenejāḡm̄, “M̄ ca cūari quejerore ami, waagūja,” yūre īijāwi —cūjare īiupi.

¹² To biro cū ca īiro cūja pea o biro cūre īi jāiñāupa:

—ĶN̄iru cū nijāri, “M̄ ca cūari quejerore amiri waagūja,” m̄re ca īiric̄ma? —cūre īiupa.

¹³ Cū pea cūre ca diarique ametueneric̄re majitiupi, Jesús pea to ca niirā pā bojoca watoar̄m̄ waa, cū ca yaicoaro macā. ¹⁴ Jiro ñucā Ūm̄reco Pac̄m̄ yaa wiir̄m̄ cūre b̄ma eari, o biro cūre īiwi Jesús:

—T̄uōya. Mecūra diarique maniḡm̄ m̄ nii yua. To biri ñañarijere tii nemoticāña, tee ametuene jañuro ñañaro m̄ ca tam̄otipere biro īiḡm̄ —cūre īiwi Jesús.

¹⁵ To biro cū ca īiro jiro cū pea judíos p̄tor̄m̄ waari, “Yūre ca diarique ametueneric̄ma, ‘Jesús’ nijapi,” cūjare īi wedeupi. ¹⁶ Ate j̄uori judíos, yerijāarica r̄m̄m̄rena to biirije peti cū ca tiicārije j̄uori, Jesús're īi pato wācō nun̄jee, cūre j̄aruga cote, biirucuwa. ¹⁷ To biro cūja ca biiro īari, Jesús pea o biro īiwi:

—Ȳm̄ Pac̄m̄ cāa to birora padecōa niimi. To biri ȳm̄ cāa, to birora ȳm̄ padecōa nii —īiwi.

¹⁸ Ate j̄uori judíos pea, yerijāarica r̄m̄m̄re ca dotirijere cū ca ametuene n̄cārije j̄uori wado méé, ñucā Ūm̄reco Pac̄re, “Ȳm̄ Pac̄m̄ niimi,” cū ca īirije mena, Ūm̄reco Pac̄m̄ j̄icārip̄m̄ cū ca biicārije j̄uori, nemo jañuro cūre j̄aruga cotewa Jesús're.

Jesús cū ca doti majirije

¹⁹ To biri Jesús pea o biro cūjare īi ȳm̄wi:

—Díamacū m̄jare ȳm̄ īi: Ȳm̄, Ūm̄reco Pac̄m̄ Mac̄m̄ nii pacaḡm̄, ȳm̄ ca boori wāme ȳm̄ tii majiti. Ȳm̄ Pac̄m̄ cū ca tiirijere īari wado ȳm̄ tii. Ȳm̄, cū Mac̄m̄ cāa, ȳm̄ Pac̄m̄ cū ca tiirije niipetirije ȳm̄ tii. ²⁰ Ȳm̄ Pac̄m̄ yūre ca maiḡm̄ niiri, niipetirije cū ca tiirijere yūre īñomi. Ména, ate ametuene jañuro do biro ca tiya manirijep̄m̄ tii bau nii majiriquere yūre īñorucumi, ametuene jañuro do biro pee m̄ja ca iiticāpere. ²¹ Ñucā ȳm̄ Pac̄m̄, ca bii yaicoaricarāre cūjare catiori, catiriquere cūjare tiicojo, cū ca tiitore birora ȳm̄, cū Mac̄m̄ cāa, ȳm̄ ca tiicojorugarāre catiriquere ȳm̄ tiicojo. ²² Ȳm̄ Pac̄ma, j̄ic̄m̄ ūno peerena īa bejetimi. Cū Mac̄m̄ pee docare niipetirije ȳm̄ ca īa beje majipere yūre tiicojowi, ²³ niipetirā ȳm̄ Pac̄re cūja ca īi n̄cū b̄uorore birora, ȳm̄, cū Mac̄m̄ cāare cūja īi n̄cū b̄uojato īiḡm̄. Yūre ca īi n̄cū b̄uotiḡma, ȳm̄ Pac̄m̄ yūre ca tiicojo cojoric̄m̄ cāare īi n̄cū b̄uotimi.

²⁴ ”Díamacū m̄jare ȳm̄ īi: Ȳm̄ ca wederijere t̄uō, yūre ca tiicojo cojoric̄re t̄uō nun̄jee, ca tiiḡma, to birora caticōa niiriquere c̄uomi. Ñañaro tii yaio ecotirucumi, mee cū ca bii yaiboriquere ametuari caticōa niirique peere ca b̄uaric̄m̄ niiri. ²⁵ Yee méé m̄jare ȳm̄ īi: Tee ca biipa tabe ea dooro bii, mee mecūra nii yerijāa, ca bii yairāre biro ca niirā, ȳm̄, Ūm̄reco Pac̄m̄ Mac̄m̄ wederiquere cūja ca t̄uopa tabe, ȳm̄ ca wederijere ca t̄uō nun̄jeerā catirucuma. ²⁶ Ȳm̄ Pac̄m̄, cū majuropeera catirique cū ca c̄uorore birora, ȳm̄, cū Mac̄m̄ cāare, ȳm̄ majuropeera catirique ȳm̄ ca c̄uoro yūre tiwi. ²⁷ To biri ñucā, ȳm̄, Ca Nii Majuropeeḡm̄ Mac̄m̄ ȳm̄ ca niirije j̄uori, bojoca niipetirāre ȳm̄ ca īa beje majipe cāare yūre tiicojowi. ²⁸ Atere t̄uō ūc̄aticāña. Earucu niipetirā ca bii yaiqūricarā ȳm̄ wederiquere t̄uori, ²⁹ maja operip̄m̄ ca niiricarāra cūja ca witipa tabe. Añurijere ca tii niiricarā to birora caticōa niirugarā cati tuarucuma. Ñañarijere ca tiirucuricarā pea ñañaro tii ecorugarā cati tuarucuma.

Cristo yee maquēre wede nemori maja

³⁰ ”Ȳma, ȳm̄ majurope ȳm̄ ca boorora ȳm̄ tiiti. Ȳm̄ Pac̄m̄ cū ca dotiro mena ȳm̄ īa beje. Ȳm̄ ca īa bejerije díamacūra nii. Ȳm̄ majurope ȳm̄ ca booro, ȳm̄ ca tiirugarijere ȳm̄ tiiti. Ȳm̄ Pac̄m̄, yūre ca tiicojo cojoric̄m̄ cū ca boorore biro wado ȳm̄ tii.

³¹ ”Ȳm̄ majuropeera ȳm̄ yee maquēre ȳm̄ ca wedejata, ȳm̄ yee maquēre ȳm̄ ca wederijere díamacū méere biro yūre m̄ja t̄uocābocu. ³² To biri ap̄ip̄m̄ niimi, ȳm̄ yee maquēre ca

wede bojagu. To biri “Yu yee maquere cū ca ñi bojarije pee doca díamacūra nii,” yu ñi maji. ³³ Muja, “Juan're jāiñarāja,” muja ñi cojupa. Cū ca wederique pea díamacūra cū ca ñirique nii. ³⁴ Yu, bojocura yu yee maquere cū ca wede bojarijerena “Añu majuropecā” yu ñi, ñigu méé yu ñi; ñañaro cūja ca biiborique cūja ametuajato ñima ñigu mujare yu ñi atera. ³⁵ Juan, jicāga jā boericaga ca boe baterore biro ca biigu niupi, añurije quetire ca wedegu niiri. Muja pea tee cū ca wederijere tuorā, no cōro meeacāra teere muja tuo ueja nii niirugamiupa. ³⁶ Yu pea Juan cū ca wederique ametuenero, yu yee maquere ca wede bojarijere yu cūo. Yu ca tiirije, yu Pacu cū ca doti cojorique yu ca tiirijera, cū ca tiicojoricura yu ca niirijere ña majiricarō tii. ³⁷ Yu Pacu, yure ca tiicojo cojoricu cāa, yu yee maquere wede bojami, jicāti ñno peera cū ca wederijere tuo, cūre ña, muja ca tiitirije ca nii pacaro. ³⁸ Cū wederique cāa mujarure niiticā, yu, Umureco Pacu cū ca tiicojo cojoricure díamacū muja ca tuo nunujeetirije juori.

³⁹ “Muja, Umureco Pacu wederiquere cūja ca owariquerure añuropu muja buecārucu, “Teerure caticōa niiriquere jāa buarucu” ñi tugoeñari. Tee pea yu yee maquereña to ca wedecāmijata cāare, ⁴⁰ muja pea yure muja tuo nunujeerugati, caticōa niiriquere cuoruga pacarā.

⁴¹ “Yu bojocara, “Añuro peti ca tiigu niimi,” yure cūja ca ñi nucū buorijere yu amaati. ⁴² Areyera ñucā, yua mujara yu ña majicā, Umureco Pacure muja ca maitirijere yu maji. ⁴³ Yu, yu Pacu cū ca tiicojoro yu doowu. Muja pea yure muja booti. Apī cū majuropeera ca doogu ñno peera añuro muja tuo nunujeebocu. ⁴⁴ Umureco Pacu jicūra ca ñigu, “Añurā muja nii,” mujare cū ca ñi nucū buope peera amari méé, muja majuropeera “Añurā muja nii,” muja ca ameri ñi nucū buorije wado ca amarā, ¿do biro pee tiicāri díamacū muja tuo nunujeebogajati?

⁴⁵ “Cū Pacurure ñañaro manire wedejāa buiyeerucumi,” yure ñi tugoeñaticāña, “Moisés cū ca doti cūurique niipetiro tii nunujeerāra catiriquere mani buarucu,” muja ca ñi yue niigura niimi mujare ca wedejāagu. ⁴⁶ Moisés niiquiricu cū ca ñiriquere díamacū muja ca tuo nunujeejata, yu cāare díamacū muja tuo nunujeebocu. Moisés niiquiricua yu yee maquereña owa cūu juguequipi. ⁴⁷ Cū ca owa cūuriquere díamacū ca tuo nunujeetirā nii pacarā, ¿do biro pee biicāri yu ca ñirije peera, díamacū muja tuo nunujeebogajati? —cūjare ñiwi Jesús.

6

Pau bojocare Jesús cū ca baarique ecarique

(Mt 14.13-21; Mc 6.30-44; Lc 9.10-17)

¹ Ate jiro, Galilea utabucura, ñucā tiirarena Tiberias cūja ca ñiri raa ape nuña pee Jesús mena jāa tiacoawu. ² Bojoca ca diarique cutirāre catiogu ca ña ñaña manirije cū ca tiirijere ca ñaricarā niiri, pau bojoca cūre nunuwa. ³ To biri Jesús pea upa buuropu maa waa, jāa, cū buerā mena ea nuu eawi. ⁴ Mee judíos boje rumu Pascua ea waaro biiwu. ⁵ To biri Jesús pea ña cojogu, pau bojoca cūre ca nunu doorāre ñari, o biro ñiwi Felipe:

—¿Noopu baarique mani wapa tiirāti, anija patoacā cūja ca baapere? —ñiwi.

⁶ Mee Jesús pea cū ca tiipere añuro majicā pacagu, “¿Felipe, do biro yure cū ñi yuuguti?” ñima ñigu, to biro cūre ñi jāiñawi Jesús. ⁷ To biro cū ca ñiro, Felipe pea o biro ñi yuñwi Jesús're:

—¡Agó nija! Doscientos rumeri padegu wapa taaricarō cōro* mena baarique wapa tiiri petoriacā eca batomijata cāare earicarō mani —cūre ñiwi.

⁸ To biro cū ca ñiro, jāa mena macū Andrés, Simón Pedro yee wedegu pea, o biro cūre ñiwi Jesús're:

⁹ —Anore nijāwi jicū wimagu, jicā amo cōro niirije pan cebada mena cūja ca tiirique, ñucā wai puarā ca cuogu. Ate baarique pau bojocapure earicarō mani —cūre ñiwi Andrés.

¹⁰ To biro cū ca ñiro, Jesús pea o biro ñiwi:

—Niipetirāre duwi dotiya —ñiwi.

* 6:7 Doscientos denarios.

Tii tabe pea añuro ca taa cõtiri yepa niwũ, to biri umua wado niirã jĩcã amo cõro mil niirã cõro peti niwa. ¹¹ To biro cõja ca biro, Jesús pea baariquere ami, Umureco Pacure, “Añu majuropeecã,” cõre ñi nũcũ buo yapano, cõ buerãre tiicojowi. Jãa pea too ca duwirã bojocare jãa bato cojowũ. Wai cãare to birora tiiwi ñucã. To biro cõ ca tiirijere baarã, no cõja ca baarugaro cõro baawa. ¹² Teere niipetirãpura cõja ca baa yapi peticoaro, o biro jãare ñiwi Jesús:

—Ca ñarijere jee neoña, no ca booro ca bii batetipere biro ñirã —jãare ñiwi.

¹³ To biri jãa pea jĩcã amo cõro niiricari pan ca niirique ca ñarijere pua amo peti, ñupore puaga penituario niiri pijeeri peti jãa jee jãa dadowũ. ¹⁴ Bojoca pea, ca ña ñaaña manirije Jesús cõ ca tiirijere ñacãri, o biro ñiwa:

—Díamacũra ania, “Umureco Pacu yee quetire wede jũgueri majũ ati yeparure doorucumi,” cõja ca ñiricũra niimi —ameri ñiwa.

¹⁵ Jesús pea tutuaro mena ami waari, cõre cõja ca wiogu jõenerugarijere ña majiri, jĩcũra niirũgu ñtãgu buaro ca emuaricũ jotoaru muacoawi.

Oco jotoara Jesús cõ ca waarique

(Mt 6.22-27; Mc 6.45-52)

¹⁶ Ca naio ñaacũmuri tabe ca niiro, jãa, Jesús buerã pea, utabucũrapũ bua waari, ¹⁷ cõmuaru ea jãa, utabucũrare jãa tĩa nũnũa waawũ, Capernaúm macãpũ waarã. Mee naitĩa peticoawũ. Jesús pea tua eatiwi ména. ¹⁸ To biro jãa ca bii tĩa waaro, buaro ca wino paa puuro macã, oco ca jaberije paca bii nũnũa doowũ. To biro ca biiro paca jabewũ. ¹⁹ Mee cinco, seis kilómetros cõro jãa ca tũja tĩa waaro, Jesús pea jãa puto pee doogu, oco jotoara cõ ca doo nũnũa dooro ñari, buaro jãa uwiwũ jãa pea. ²⁰ To biri Jesús pea o biro ñi cojowi:

—Yũra yũ nii. Uwiticãña —jãare ñi cojowi.

²¹ To biro jãare cõ ca ñiuro, ñjea niirique mena cõmuaru cõre jãa ea jãa dotiwũ. Cõmuaru cõ ca ea jãaro jiroacãra, jãa ca waari tabepũ jãa eacoawũ.

Bojoca Jesús're cõja ca amarique

²² Ape gũmũ peere, utabucũra ape nũñapũra ca tuaricarã bojoca pea, cõmua jĩcãga ca niiricarena jãa ca tĩa waaro jãa mena Jesús cõ ca waatiriquere majicãupa. ²³ To biro cõja ca ñi niiri tabere ape cõmuari, Tiberias macã pee ca doorique, Jesús cõ Pacure, “Jãa mena mũ añujañu,” ñi yapanori, baarique cõ ca jũo baarica tabe pũtore eaupa. ²⁴ To biri Jesús, jãa cõ buerã cãa, too jãa ca maniro ña, tii cõmuari menara ea jãa, Capernaúm'pũ cõre amarã doocã dooupa.

Jesús, baariquere birora catiriquere ca tiicojogu

²⁵ Cõja pea utabucũra ape nũña tĩa ea, Jesús're bua eari, o biro cõre ñi jãañawa:

—Buegu, ¿no cõropũ anopure mũ doojãri? —cõre ñiwa.

²⁶ To biro cõja ca ñi jãañaro, o biro cõjare ñiwi Jesús:

—Díamacũ mũjare yũ ñi: Mũja, yũ ca tii bau niijãrijere mũja ca tuo jeeñorije jũori méé yũre mũja ama, baarique mũja ca baa yapicoajãrijere ñima ñirã yũre mũja ama. ²⁷ Baarique ca petirijerena buarugarã, popiye pade buañaaticãña. Baarique to birora ca niicõa niirije, caticõa niirique ca tiicojorije peere, buarugarã pee doca padeya. Tee pee nii, yũ, Ca Nii Majuropeegu Macũ baarique mũjare yũ ca tiicojope. Umureco Pacu, yũ Pacu, yeri caticõa niiriquere, bojocare yũ ca tiicojopere yũre tiicojowi —cõjare ñiwi Jesús.

²⁸ To biro cõjare cõ ca ñiuro, o biro cõre ñi jãañawa Jesús're:

—¿Ñee ñno jãa tiigajati, Umureco Pacu cõ ca dotirore biro tiirugarã? —cõre ñiwa.

²⁹ To biro cõre cõja ca ñi jãañaro, o biro cõjare ñi yũwũ Jesús:

—Ate wado nii Umureco Pacu, mũja ca tiuro cõ ca boorije. Cõ ca tiicojo cojoricure díamacũ mũja ca tuo nũñjeerije wadore boomi —cõjare ñiwi Jesús.

³⁰ To biro cõjare cõ ca ñiuro, o biro cõre ñi jãañawa ñucã:

—¿Teere ñari, díamacũ mũre jãa ca tuo nũñjeepere biro ñigu, ñee ca ña ñaaña manirije jãare mũ tii ñnoguti? ¿Dije to niiti mũ ca tii niirije? ³¹ Mani ñicã jãari niiquiricarã ca

yucu maniri yeparu niirã, umureco tutipu maquẽ baarique maná† cãja ca ñirijere baaupa, Umureco Pacu wederique: “Umureco tutipu maquẽ baarique cãjare ecaupi,” ca ñirore birora —cãre ñiwa Jesús're.

³² To biro cãja ca ñiro, o biro cãjare ñi yuwi Jesús:

—Díamacũ mujare yu ñi. Moisés niiquiricu méé umureco tutipu maquẽ baariquere mujare ecaupi. Yu Pacu pee niimi baarique ca nii majuropeerije emuaropu maquẽre ca tiicojogu. ³³ Umureco Pacu, umureco tutipu maquẽ baarique cã ca tiicojoriquere biro ca niigu umureco tutipu ca duwi dooricu ati yepa macãrãre to birora caticõa niiriquere ca tiicojogu niimi —cãjare ñiwi.

³⁴ To biro cãjare cã ca ñiro, o biro cãre ñiwa:

—Wioгу, tee wadore jãare baarique tiicojocõa niña —cãre ñiwa.

³⁵ Jesús pea o biro cãjare ñiwi:

—Yura yu nii, baarique baa catiricarore birora catiriquere ca tiicojogu. To biri yu puto ca doogua, jicãti uno peera aua boa, biitirucumi. Nũcã díamacũ yure ca tuo nunjeegua, jicãti uno peera oco jiniruga, biitirucumi. ³⁶ Mee mujare yu wedejãwu: mija, yu ca tii niirijere ña pacarã, díamacũ yure mija tuoti. ³⁷ Yu Pacu yure cã ca tiicojorã niipetirã yu puto dooma; yu puto ca doorãre jicãti uno peera cãjare cõa wiene, yu tiitirucu. ³⁸ Yua, umureco tutipu ca niiricu ati yeparu duwi doogua, yu ca boorore biro tiigu doogu méé yu doowu. Yure ca tiicojo cojoricu yu Pacu cã ca tii dotirije wadore tiigu doogu yu doowu. ³⁹ Yure ca tiicojo cojoricu yu Pacu cã ca boorijea, yure cã ca tiicojoricarãre jicũ uno peerena tii yaioricaro maniro, ca tujari rumu ca niiro, cãja ca cati tuaro yu ca tiipe nii. ⁴⁰ Yu Pacu cã ca boorijea, yu, cã Macũre ca ña majirã niipetirã yu ca wederijere díamacũ tuo nunjeeri, caticõa niirique cãja ca buape nii. Yu pea ca tujari rumu ca niiro, cãja ca cati tuaro yu tiirucu —cãjare ñiwi Jesús.

⁴¹ To biro cã ca ñiro judíos pea, yaioroacã Jesús're wede pai niwa “Yu, yu nii, umureco tutipu maquẽ baariquere biro ca duwi dooricu,” cã ca ñirijere tuori. ⁴² To biri o biro ñiwa:

—¿Ania, José macũ Jesús méé cã niiti? Mania cã pacure, cã pacore mani maji. ¿Ñee tiigu “Umureco tutipu ca niiricu yu duwi doowu,” cã ñiti? —ñiwa.

⁴³ To biro cãja ca ameri ñiro, o biro ñiwi Jesús:

—To cõrora wede pai yerijãña. ⁴⁴ Yure ca tiicojo cojoricu yu Pacu, cã yeripu cã ca tugoeña wajoaro cã ca tiitijata, jicũ uno peera yure tuo nunjee majitimi. Cã ca tugoeña wajoaro cã ca tiirã wado yure tuo nunjeema. Yu pea ca tujari rumu ca niiro, cãja ca cati tuaro yu tiirucu. ⁴⁵ Umureco Pacu yee quetire wede jũgueri maja cãja ca owarica pũuroripu o biro ñi: “Niipetirãre wede majiorucumi Umureco Pacu,”‡ ñi. To biri yu Pacu wederiquere tuo, cã yee maquẽre maji, ca tiirã niipetirã, yu puto dooma. ⁴⁶ Biigupua yu Pacure ca ñaricarã jicãrã niima ñigu méé yu ñi. Yu, cã mena ca nii juo dooricu wado cãre ca ñaricu yu nii. ⁴⁷ Yee méé mujare yu ñi: Díamacũ yure ca tuo nunjeerã, to birora caticõa niiriquere cõo yerijãama. ⁴⁸ Yu yu nii, baariquere baa catiricarore birora catiriquere ca tiicojogu. ⁴⁹ Mija ñicũ jãa niiquiricarã, ca yucu maniri yeparu niirã, baarique maná cãja ca ñirijere baaquũpa. Teere ca baaricarã nii pacarã, bii yaicoaquũpa. ⁵⁰ Yu pea, baarique umureco tutipu ca duwi doorijere yu wede. Teere ca baarã, to birora caticõa niirucuma. ⁵¹ Yu yu nii, baarique ca catirije umureco tutipu ca duwi doorique ca niigu. Tee baariquere ca baagua, to birora caticõa niirucumi. Baarique yu ca tiicojope pea yu upurira nii. Ati yepa macãrã cãja ca caticõa niipere biro ñigu, cãjare yu bii yai bojarucu —ñiwi.

⁵² To biro cã ca ñiro tuorã, judíos pea cãja majurope o biro ameri ñi tutiwa:

—¿Ania, do biro tiicãri, cã upurirena manire cã baa dotiguti? —ñiwa.

⁵³ To biro cãja ca ameri ñiro, cã ca bii yaipere tugoeñari, o biro cãjare ñiwi Jesús:

—Díamacũ mujare yu ñi: Yu, Ca Nii Majuropeegu Macũ díire baa, ñucã yu díire jini, mija ca tiitijata, caticõa niiriquere mija cuoti. ⁵⁴ Yu díire baa, ñucã yu díi cãare jini, ca tiigua, to birora caticõa niiriquere cõo yerijãami. Yu pea, ca tujari rumu ca niiro cã ca cati

† 6:31 Ex 16.4; Neh 9.15; Sal 78.24-25. ‡ 6:45 Is 54.13.

tuaro yu tiirucu. ⁵⁵ Yu dífa, baarique ca nii majuropeerije nii. Ñucã yu dí cãa, jinirique ca nii majuropeerije nii. ⁵⁶ To biri yu díre baa, yu dí cãare jini, ca tiigua, yu mena cati niimi. Yu pee cãa, cã mena yu nii. ⁵⁷ Yu Pacu, to birora ca caticõa niigu yure cã ca tiicojo cojoricare birora, yu cãa cã juori yu ca caticõa niimore birora, yu díre ca baagu cãa, yu juorira caticõa niirucumi. ⁵⁸ Ate baarique umureco tutipã ca duwi dooriquere yu wede. Ate baarique pea mija ñicũ jãari niiquiricã cãja ca baarique manãre biro biiti. Teere ca baaricãrã nii pacarã, bii yaicoaquipa. Baarique umureco tutipã ca duwi dooriquere ca baarã pee doca, to birora caticõa niirucuma —cũjare ñi wedewi Jesús.

⁵⁹ Ate niipetirijere nea poo juu buerica wii, Capernaúm macã macã wiipure cãjare wede majiowi Jesús.

Wederique, caticõa niirique ca tiicojorije

⁶⁰ O biro cã ca ñi wederijere tuorã, pau Jesús're ca tuo nunjeemiricãrã o biro ameri ñiwa:

—Ate cã ca buerijea do biro ca tii majiña manirije peti niicã. Ñiru pee teere tii nunjeje majiricaro manimi —ñiwa.

⁶¹ To biro cãja ca ñi wede pairijere majiri, Jesús pea o biro cãjare ñi jãñawi:

—¿Atera mujare to ajienecãti? ⁶² ¿Do biro to biibogajati, to docare yu, Ca Nii Majuropeegu Macũ, yu ca nii juorica tabepãra yu ca tua mua waaro mija ca ñajata? ⁶³ Yeri jãñarique pee nii, cati niiriquere ca tiicojorije. Mani upãria, yeri jãñarique to ca manijata, wapa mani. Mujare yu ca ñijãrijea, yeri jãñarique, catirique, niiro bii. ⁶⁴ To ca bii pacaro, jicãrã mija mena macãrã díamacũ ca tuo nunjeetirã niicãma ména —ñiwi. Mee Jesús pea, jicãtopãra, díamacũ cãre ca tuo nunjeetirãre, ñucã cãre ca wedejãa buiyee cõarũ cãare, maji yerijãaupi. ⁶⁵ To biri o biro cãjare ñi nemowi ñucã:

—Aterena ñigu, “Yu Pacu cã ca tiicojotigua jicũ uno peera yu puto doo majitimi,” mujare yu ñi wedejãwu —cãjare ñiwi Jesús.

⁶⁶ Tii tabe mena pau bojoca Jesús're ca nunmiricãrã, cãre waa weo, cãre bapa cuti waa yujuticãwa yua. ⁶⁷ To biro cãja ca biiro ña, Jesús pea, jãa cã buerãre o biro ñi jãñawi:

—¿Mija cãa yure mija waa weocoarugati? —ñiwi.

⁶⁸ To biro cã ca ñiro, Simón Pedro pea o biro cãre ñi yuñwi:

—Wiogu, ¿noa mena pee jãa waabogajati? Mũ jicãra mũ nii, to birora caticõa niirique maquere ca wedegu. ⁶⁹ Jãa, mee mũ ca wederijere díamacũ jãa tuo nunjeewũ. Mũa, Umureco Pacu yuũ Ca Ñañarije Manigu mũ ca niirijere jãa maji —ñiwi Jesús're.

⁷⁰ To biro cã ca ñiro, Jesús pea o biro jãare ñi yuñwi:

—¿Yuã, pua amo peti, dupore pãaga penituario niirã mujare yu beje jeetiri? To biro yu ca tiiricãrã mija ca nii pacaro, jicũ mija mena macũ Satanás'ra niicãmi —jãare ñiwi Jesús. ⁷¹ Atere o biro cã ca ñajata, Simón Iscariote macũ Judas're ñigu ñiwi Jesús. Judas pea jãa mena macũ nii pacagu, Jesús're ca wedejãa buiyee cõarũ niupri.

7

Jesús bairã cãre cãja ca tuo nunjeetirique

¹ Ate jiro Galilea yepa pee waa yujuwi Jesús. Judea yepapera niirugatiwi, too macãrã judíos uparã cãre jãarugarã cãja ca ama niiro macã. ² Judíos yaa boje rũmũ, yucũ dupãri mena wiijeriacã cãja quenori boje rũmũ* ea nunna dooro ca biiro, ³ cã bairã pea o biro cãre ñiwa Jesús're:

—Anore tuaticãña. Waagũja Judea yeparũ, too macãrã mre ca tuo nunjeerã cãa, mũ ca tii niirijere cãja ca ñapere biiro ñigu. ⁴ Manire cãja ca majiro boogua, apeye unore yaioropũ tiiya mani. Anore atere mũ ca tiimore birora toorpũ cãare niipetirã cãja ca ña cojoro, ca ña ñaaña manirije mũ ca tii bau niirijere cãjare tii ñnogũja —cãre ñiwa.

⁵ Cã bairã peti cãa, cãre tuo nunjeeticãwa. ⁶ To biri Jesús pea o biro cãjare ñiwi:

* 7:2 Tabernáculos: Wii pãiri boje rũmũ, cãja ñicũ jũmũarũ ca yucũ maniri yepapure cãja ca biiquiriquere cãja ca tũgoẽñari boje rũmũ. Lv 23.33-43; Dt 16.13.

—Yura toopu yu ca waapa rumu eati ména. Mújara no ca boori rumu mija ca waajata cāare añuaju. ⁷ Mújara, ati yepa macārā Umureco Pacure ca tuo nunujeetirā mujare ía tutitima. Yura ía tuti jañuma, cūja ca tii niirije ñañarije ca niirijere, “Ñañarije nii” cūjare yu ca íi bau niirije juori. ⁸ Mújara tii boje rumure waarāja. Yua, yu waati, yu Pacu yu ca biipere cū ca cūurica tabe eati ména —cūjare íwi Jesús. ⁹ To biro cūjare íi, Galileapura tuacāwi Jesús.

Ote ca bucua yapanori boje rumure Jesús cū ca biirique

¹⁰ To biro íi pacagu, cū bairā cūja ca waaricaro jiro, cū cāa tii boje rumure waawi. Toopure bau niiro biitigura, yaioro biicā yujuwi. ¹¹ Tii boje rumure judíos uparā pea cūre amarā:

—¿Óo ca niigua nooru cū niigajati? —ameri íi yujuupa. ¹² Ména too peera bojoca pea, Jesús cū ca tiirijere ca íaricarā, buaro ameri wede peni niuupa. Jīcārā, o biro íiupa: “Ca bojoca añugu niíwi,” íiupa. Aperā pea: “Añutimi. Cū ca buerije mena bojocare íi ditomi,” íiupa. ¹³ Biirāpua, to biro íi pacarā, judíos uparāre uwima íirā cū yee maquere bau niiro ameri wedetiupa.

Boje rumure Jesús cū ca buerique

¹⁴ To biri Jesús pea cūja ca boje rumu tii decomacā cuti waari taberu, Umureco Pacu yaa wiipu jāa waari, bojocare wede majio juo waawi ñucā. ¹⁵ To biro cū ca íirijere tuorā, judíos uparā pea do biro pee íi majiticā, o biro ameri íiwa:

—¿Ania ca bueticu nií pacagu, do biro pee biicāri to cōro pañ cū majiti? —íiwa.

¹⁶ To biro cūja ca íiro, Jesús pea o biro cūjare íi yuwi:

—Mujare yu ca buerijea yu yee méé nii. Yure ca tiicojo cojoricu yee niiro bii. ¹⁷ Jīcū, Umureco Pacu cū ca boorore biro ca tiirugu ca niigu ñnoa, yu ca buerijere: “Umureco Pacu yeera nii,” íi maji, ñucā, “Biiti, cū majurope cū ca booro cū ca wederije nii,” íi tuo majirucumi. ¹⁸ Cū ca boori wāme ca wedegua, bojoca cūre cūja ca íi ñucū buorijere amagu íimi. Cūre ca tiicojo cojoricupure cūja ca íi ñucū buorijere ca boojāgua, díamacū wedemi, dije ñno peera cū ca wederije watoara cū ca íirije mani. ¹⁹ ¿Doti cūuriquere Moisés niiquiricu méé mujare cū cūuquupari? Mujarena cū ca cūu pacaro, jīcū ñno peera doti cūurique ca íirore biro mija tii nunujeeti. To biro ca biirā nii pacarā, ¿ñee tiirā yure mija jiarugati? —cūjare íwi Jesús.

²⁰ To biro cū ca íiro tuorā:

—¿Noa mure cūja jiarugati yee? ¿To docare ca wātí jāa ecoricu mu niicu! —cūre boca íi yuwa bojoca pea.

²¹ To biro cūja ca íiro, Jesús pea o biro cūjare íwi:

—Mujara niipetirāpura, jīcātiacā yerijārica rumu ca niirore, ca diarique cutigure yu ca catioriquerena mija ía ucua wede paicā maniwa. ²² Moisés niiquiricu, jeyua quejero yapa wide taariquere mujare tii dotiupi. Biirupua, tee pea Moisés niiquiricu cū ca tii doti cūuparo jugueropura mija ñicūa niiquiricarāpura teere tii juo dooquupa. Mija pea, “Teere tii nunujeerā jāa tii,” íirā, yerijārica rumurena wimagure cū jeyua quejero yapare mija wide taarucu. ²³ To biri, Moisés niiquiricu cū ca doti cūuquiriquere “Jāa bii ametuene ñucāre” íirā, yerijārica rumurena mija puna jeyua quejeri yaparire ca wide taarā nii pacarā ¿ñee tiirā mija pea ca diarique cutigure yerijārica rumu ca niiro yu ca catioriquerena, yu mena mija ajiacāti? ²⁴ Mija, añuro tugoeñatirāra, bau niiro ca biirijerena íari, “To biirije mija biirique cuti,” íi ía bejeticāña. Mija ca ía bejerugajata, añuro díamacū tugoeñari ca niirore biro ía bejeya —cūjare íwi Jesús.

Ati yeparu cū ca dooriquere Jesús cū ca wederique

²⁵ To biro cū ca íi niiro, jīcārā Jerusalén macārā o biro ameri íiwa Jesús're íacāri:

—¿Ania, jīa cōarugarā cūja ca amarucujāgu méé cū niiti? ²⁶ Íira, niipetirā cūja ca tuo cojoro wede niimi doca. To biro cū ca bii pacaro, jīcū ñno peera jīcā wāme ñnora cūre íirucu tiitima. ¿Bojocare ca juo niirāpura, “Ania díamacūra Umureco Pacu cū ca tiicojo cojoricu Mesías niimi,” cūre cūja íi tugoeña ñucū buocābutique? ²⁷ Mee, mania anira,

too macã cū ca niirijere mani maji. Ɛmureco Pacu cū ca tiicojo cojogu Mesías peti cū ca doojata docare, jĩcū Ɛno peera: “Too macã niimi” cūre ñi majitirucuma —ameri ñiwa.

²⁸ Teere tuori, Jesús pea Ɛmureco Pacu yaa wiipura ca bue niigu niiri, tutuaro o biro ñi wedewi:

—¿To docare mɔja yure maji, tii macã macū yu ca niirijere maji, mɔja biiti cáji? Yua yu ca boorora doogu méé yu biiwu. Jĩcū mɔja ca majitigu “Yee méé ñimi,” ñi tuo nɔnɔjeericu Ɛnora ca niigu cū ca doti cojoro yu doowu. ²⁹ Yu doca, cū mena ca nii juo dooricu niiri cūre yu maji, cūra anopure yure tiicojo cojowi —cɔjare ñiwi Jesús.

³⁰ To biro cū ca ñirijere tuo ajari, jĩcāto cūre ñeerugamiwa. To biro tiiruga pacarã, ména cū ca bii yaipa tabe ca eatiro macã cūre ñee majitiwa. ³¹ Biirãpua, paɔ bojoca cūre tuo nɔnɔjee, o biro ameri ñiwa:

—Ɛmureco Pacu cū ca tiicojo cojogu Mesías, ati yeparure doogu, ¿ani Jesús, ca ña ñaaña manirije cū ca tii bau nii ñnorije ametuenero cū tiiguti? —ñiwa.

Fariseos Jesús're cūja ca ñeerugamirique

³² To biri fariseos pea, to biirije Jesús're bojoca cūja ca ñi nucū buorijere tuori, paia ɔparã mena Ɛmureco Pacu yaa wiire ca coterã uwamarãre tiicojupa, Jesús're ñee doti cojorã. ³³ Jesús pea o biro cɔjare ñiwi:

—Mɔja menare yoaro yu niitirucu. Jiro, yure ca tiicojo cojoricu pɔtopura yu tuacoarucu ñucã. ³⁴ Yure mɔja amamirucu. Yure ama pacarã, yure mɔja buatirucu, yu ca niiri tabepure ca ea waa majitirã niiri —cɔjare ñiwi.

³⁵ To biro cū ca ñiro, judíos pea o biro ameri ñi jãñawa:

—¿Ania, cūre mani ca buatipa tabepura, nooru cū waarugabuti? ¿Mani yaarã judíos ape yepari ca waa batericarã pɔtopure, ñucã Ɛmureco Pacure ca majitirãpura, wede yujugu waagu cū biigajati? ³⁶ ¿Do biro ñirugu, “Yure mɔja amamirucu. Yure ama pacarã, yure mɔja buatirucu, yu ca niiri tabepure ca ea waa majitirã niiri,” manire cū ñjapari? —ameri ñiwa.

Añuri Yerire ñigu cū ca ñirique

³⁷ Boje ramu ca nii tujari ramu, ca nii majuropeeri ramu niiwu. Tii ramure Jesús pea wãmu nucãri, tutuaro o biro ñi wedewi:

—Jĩcū Ɛno cū ca oco jinirugajata, yu puto doori cū oco jinijato. ³⁸ Ɛmureco Pacu wederique ca ñirore birora, díamacū yure ca tuo nɔnɔjeegura, oco, catirique ca tiicojorije diari to birora oco ca ũmaa yuucōa niirore birora cūre biirucu cū yeripure† —cɔjare ñi wedewi Jesús.

³⁹ Atere Jesús to biro cū ca ñijata: Díamacū cūre ca tuo nɔnɔjeerã, Añuri Yerire cūja ca ñeepere ñigu ñiupi. Añuri Yeri pea bojoca yeripure ñaajãa eatiwi ména, Jesús, cū Pacu pɔtopu cū ca tua muu waatirije ca niiro macã.

Bojoca cūja ca ameri dica watirique

⁴⁰ To biro Jesús cū ca ñirijere tuorã, niwa jĩcãrã bojoca watoare o biro ca ñirã:

—Díamacūra ania Ɛmureco Pacu yee quietire wede juqueri maju peti niimi —ñiwa.

⁴¹ To biro cūja ca ñiri tabere, aperã pea o biro ñiwa:

—Ania Ɛmureco Pacu cū ca tiicojo cojoricu Mesías peti niimi —ñiwa.

Ñucã aperã pea o biro ñiwa:

—Cū méé niimi. Ɛmureco Pacu cū ca tiicojo cojogu Mesías cū ca niijata, Galilea yepa macū niitibocumi. ⁴² Ɛmureco Pacu wederiquea, “Mesías, wiogu David niiquiricu pãrami, ñucã David niiquiricu yaa macã Belén macū, niirucumi,” ñi doca —ñiwa.

⁴³ To biro ñirãra, bojoca pea Jesús yee juori ameri dica waticoawa. ⁴⁴ To biro biima ñirã, cūre ami waari cūre tia cūurugamiwa. To biro cūre tiiruga pacarã jĩcū Ɛno peera cūre ami waatiwa.

Ɛparã Jesús're cūja ca tuo nɔnɔjeetirique

† 7:38 Sal 78.15-16; 105.41; Pr 18.4; Is 58.11.

⁴⁵ Ɖmureco Pacu yaa wiire coteri maja uwamarã pea, fariseos, to biri paia uparã, cūja ca niiroru tuacoaua. Cūja pea o biro cūjare īi jāiñaua:

—¿Ñee tiirã cūre mūja ami dootijāri? —cūjare īiupa.

⁴⁶ To biro cūja ca īiro, uwamarã pea o biro cūjare īi yuupa:

—Jīcū uno peera cūre biro wede ñaatimi —īiupa.

⁴⁷ To biro cūja ca īiro, fariseos pea o biro cūjare īiupa ñucã:

—¿Mūja cãa ñucã, mūja menara cūre mūja īi dito ecocoajāri? ⁴⁸ ¿To docare mūjara, manire ca juo niirã, ñucã fariseos cãa, díamacū cūre ca tuo nunujeerã cūja niiti? ⁴⁹ Anija bojoca doti cūuquiriquere ca majitirã, buena, Ɖmureco Pacu ñañaro cū ca tiiparã peti niirã biima —cūjare īiupa.

⁵⁰ To biro cūja ca īiro, fariseos mena macū Nicodemo, jīcāti Jesús're ca wede penigū earicu pea, o biro cūjare īiupi:

⁵¹ —¿To docare manire ca dotirijeja, jīcū bojocure, cū ca īirijere tuo juoti, ñañarije cū ca tiiriquere añuro majiti, bii pacarã, ñañaro to tii doticāti? —cūjare īiupi.

⁵² Cūja pea to biro cū ca īiro, o biro cūre īi yuupa:

—¿Mū cãa Galilea macūra mū niicātimiti? Ɖmureco Pacu wederiquere cūja ca owarica pūuorure bueñaaqué jīcāti uno peera Galilea macū Ɖmureco Pacu yee quetire wede jugueri majū nii ñaatiupi —cūre īi tutiupa Nicodemore.

⁵³ To biro īi, cūja ca niiro cōro cūja yaa wiijeripū tuacoaua yua. †

8

Nomio ca unna epe paigo

¹ Jesús pea ūtāgū, Olivos yucu ca niiri buuro pee waacoawi. ² Ape rumū boeri tabe, Ɖmureco Pacu yaa wiirū waawi ñucã Jesús. Tii wiirure paū bojoca cū puto cūja ca nea pooro ĩari, jīcã taberū ea nuu waa, cūjare bue juo waawi.

³ Cūjare cū ca bue niiri tabera, Moisés cū ca doti cūuriquere ca juo buerã, to biri fariseos, jīcō nomio apī mena ca tii niigore cūja ca bua earicore ami doori, too ca niirã niipetirã watoarū cōre nūcōri, Jesús're o biro cūre īiwa:

⁴ —Buegū, atiore, cō manū mena méera cō ca tii niiri tabera cōre jāa bua eajāwū. ⁵ Doti cūuriquerū, Moisés, atiore biro ca tiirãra, “Ūtã mena dee jīa cōacãña,” manire īi cūuupi. ¿Mūa do biro mū ĩiti teere? —cūre īi jāiñawa.

⁶ “No ca boori wāme manire cū ca yuuro, mani uparāpūre cūre mani wedejāajaco,” īi tūgoeñarique mena atere to biro cūre īi jāiñawa Jesús're. To biro cūre cūja ca īi jāiñaro, Jesús pea muu bia ea nuu waa, cū amo jūa mena yeparū owa juo waawi. ⁷ Buaro jañuro cūre cūja ca jāiña nunna waaro macã, muu biari ca owa duwiricu wāmū nūcã:

—Mūja mena macū ñañarije ca tiitigū, ūtāga amiri, cōre cū dee juojato —cūjare īiwi.

⁸ To biro cūjare īi, muu bia nuu waari yeparūra owacã nunna waawi ñucã.

⁹ To biro cūjare cū ca īiro, ñañarije ca tiirã cūja ca niirijere tūgoeña majiri, jīcūri, jīcūri waa batecã juo waawa. Bucurã waa bate juo waa, waa peticoawa. To biro cūja ca bii weogu Jesús pea, fariseos cūja ca ami doorico nomio mena jīcūra tuacāwi yua. ¹⁰ Wāmū nūcã, nomio jīcōra cō ca nūcūro ĩa, o biro cōre īi jāiñawi Jesús:

—¿Nomio, mure ca wedejāajārã pea noo cūja waati? ¿Jīcū uno peera ūtã mena mure cū dee jīatijāri? —cōre īi jāiñawi.

¹¹ To biro cōre cū ca īiro:

—Jīcū peera yure dee jīatima —cūre īi yuwo cō pea.

To biro cō ca īiro Jesús pea o biro cōre īiwi:

—Yū cãa ñañaro mure yū tiiticu. Tua waagoja. Jiro ñañarije tii nemoticãña yua —cōre īiwi Jesús.

Jesús ati yepa macārãre ca boegu

† ^{7:53} cūja ca owa juorica pūuoripūra atera owatiupa. Bii pacarã jiro jañuri owa tuuupa díamacūra ca biirique ca niiro macã.

¹² Jiro ñucã Jesús, bojocare o biro cǎjare ñi wedewi:

—Yñ yñ nii, ati yepa macãrãre ca jãa boegñ. Yñre ca tuo ñañjeegñ, catirique ca tiicojorije ca boerijere cñorucumi. To biro biigñ, jicãti ñno peera ca naitiari taberũre niigũre biro biitirucumi —cǎjare ñiwi Jesús.

¹³ To biro cǎ ca ñiro, o biro cǎre ñiwa fariseos pea:

—Mña, mñ majuropeera mñ yee maquẽre wedegñ mñ tii. To biro mñ ca ñirije wapa mani —cǎre ñiwa.

¹⁴ To biro cǎre cǎja ca ñiro, Jesús pea o biro cǎjare ñi yññwi:

—Yñ majuropeera yñ yee maquẽre yñ ca wedemijata cãare, yñ yee maquẽre yñ ca wederijea díamacũ nii. Yña, “Toorñ yñ doowñ, ñucã ‘Toorñ waagñ yñ bii,’ ” yñ ñi maji. Mña pea atere mña majiti. ¹⁵ Mña, bojoca cǎja ca tiiri wãme mña ña bejerique cuti. Yña jicũ ñno peerena yñ ña bejeti. ¹⁶ Yñ ca ña bejejata, yñ ca ña bejerijea díamacũ nii, yñ jicũra yñ ca ña bejetirije ca niiro macã. Yñ Pacñ yñre ca tiicojo cojoricñ cãa yñ mena ña bejemi. ¹⁷ Mñjare ca dotirije, o biro ñi owa tuurique nii: “Pñarã ca ñaricarã, ca ñi jñoricñ cǎ ca wedericarore birora cǎ jiro macũ cãa cǎ ca wedejata, cǎja ca ñirije wapa cuti,” ñi. ¹⁸ Yña, yñ majuropeera yñ yee maquẽre ca wedegñ yñ nii. Apí yñ yee maquẽre ca wedegña, yñ Pacñ yñre ca tiicojo cojoricñ niimi —cǎjare ñiwi Jesús.

¹⁹ To biro cǎjare cǎ ca ñiro:

—¿Too docare mñ pacñ noorñ cǎ niiti? —cǎre ñi jãññawa.

To biro cǎja ca ñiro, Jesús pea o biro cǎjare ñi yññwi:

—Mña, yñre mña majiti, to biri yñ Pacñ docare ametuenero cǎre mña majiticu. Yñre mña ca majijata, yñ Pacñ cãare mña majibocu —cǎjare ñiwi. ²⁰ Ñmũreco Pacñ yaa wiirñ, wapa tiirica tiiri jãarica cũmuari pũto bojocare bue niigñ atere to biro ñiwi Jesús. Biirãrña, jicũ ñno peera Jesús're ñee, tiitiwa, ména cǎ ca bii yaipa tabe ca eatiro macã.

“Mña, yñ ca waari taberũra mña waa majiti,” Jesús cǎ ca ñirique

²¹ To biro cǎjare ñi yapano, o biro ñi nemowi ñucã Jesús:

—Yña waagñ yñ bii. Yñre mña amamirucu. Yñre ama pacarã, mña ca ñañarijere acobo ecoya manirãra mña bii yaicãrucu. Yñ ca waari taberũre mña waa majiti mña —cǎjare ñiwi Jesús.

²² To biro cǎjare cǎ ca ñiro, judíos ñparã pea o biro ameri ñiwa:

—“Yñ ca waari taberũre mña waa majiti,” cǎ ca ñijata, ¿cǎ majuropeera jãa yairũgñ cǎ ñibuti? —ñiwa.

²³ To biro cǎja ca ñiro Jesús pea o biro cǎjare ñiwi:

—Mña, ano, doca macãrã mña nii. Yña emũaropñ macũ yñ nii. Mña ati yepa macãrã mña nii. Yña ati yepa macũ méé yñ nii. ²⁴ To biri, “Mña ca ñañarijere acobo ecoya manirãra, mña bii yaicãrucu,” mñjare yñ ñjãwñ. To birora ca niicõa niigñ, “Yñ, yñ nii,” ca ñigure yñre díamacũ mña ca tuo ñañjeetijata, mña ca ñañarije menara mña bii yaicãrucu —ñiwi.

²⁵ To cõrora o biro cǎre ñi jãññawa:

—¿Mña ñiru ñno peti mñ niiti? —ñiwa Jesús're.

To biro cǎre cǎja ca ñi jãññaro, Jesús pea o biro cǎjare ñi yññwi:

—Mñjare bue jñogũrña, “Cñ, yñ nii,” mñjare yñ ñimiwñ. ²⁶ Mña yee maquẽre wede, ña beje, yñ ca tiipe pañ niicã biirorña. To ca bii pacaro yñre ca tiicojoricñ pea, díamacũ ca ñigñ niimi. Ati yepa macãrãre yñ ca wederijera, cǎ ca ñiro yñ ca tuoriquerena cǎjare yñ wede —cǎjare ñiwi Jesús. ²⁷ Cñ Pacñ yeere cǎjare wedegñ cǎ ca ñirijerena tuo majiticãwa cǎja pea.

²⁸ To biri o biro cǎjare ñiwi Jesús:

—Yñ, Ca Nii Majuropeegñ Macũre, yucñ tenirñ paa pua tuu ami mñene ñucõrãrñ, to birora ca niicõa niigñ, yñ, yñ ca niirijere, ñucã yñ, yñ ca boorore biro tiitigũra, yñ Pacñ, yñre cǎ ca wede majiorique wadore yñ ca wederijere, mña ña majirucu. ²⁹ Yñ Pacñ yñre ca tiicojoricñ yñ menara niicõa niimi. Yñ Pacña, jicũra yñre cũutimi, cǎ ca ña ñjea niirije

wado yu ca tiiro macã —cũjare ïwi Jesús. ³⁰ Atere Jesús cũ ca ïiro, paũ bojoca cũre tuo nũũjeewa.

Umureco Pacu punaa, to biri ñañarijere ca tii niirã

³¹ Jiuro o biro ïwi Jesús, cũre ca tuo nũũjeecã judíos're:

—Yu ca wederijere to birora mũa ca tuo nũũjeecã niijata, díamacũra yu buerã peti mũa niirucu. ³² Díamacũ maquẽre mũa majirucu. Díamacũ maquẽra, aperãre ca pade coterãre biro mũa ca niimiriquere, mũa ca witiro tiirucu —cũjare ïwi.

³³ To biro cũ ca ïiro, cũja pea o biro cũre ïi yũwa:

—Jãa, Abraham pãramerã jãa nii. Jĩcãti unora, jĩcũ uno peerena ca pade coterã jãa nii ñaati. ¿Ñee tiigu mu pea, “Ca pade coterã méé mũa niirucu yua,” jãare mu ïiti? —ïwa Jesús're.

³⁴ To biro cũja ca ïiro, o biro cũjare ïwi Jesús:

—Díamacũ mũjare yu ïi: Niipetirã bojoca ñañarije ca tiirã, ñañarije tiiriquere ca pade cote yai waarã niirã biima. ³⁵ Pade coteri majua, cũ ca pade cotegu menara niicõa niitimi. Cũja macũ díamacũ wado, cũ pacua mena to birora cũja mena niicõa niimi. ³⁶ To biri yu, Umureco Pacu Macũ, pade coteri majare biro mũa ca niirijere yu ca ametuene bojajata, díamacũra pade coteri maja mũa niiticãrucu. ³⁷ Yua, Abraham pãramerã mũa ca niirijera yu maji mee. Cũ pãramerã nii pacarã, yu ca wederijere bootima ïirã, yure mũa jĩaruga cote. ³⁸ Yua yu Pacu yure cũ ca ñoriquere mũjare yu wede. Mũa cãa, mũa pacu cũ ca ïirijere mũa ca tuoriquere mũa tii —ïwi.

³⁹ Cũja pea o biro cũre ïi yũwa:

—Jãa pacua Abraham niimi —ïwa.

To biro cũja ca ïiro, o biro cũjare ïi yũwi Jesús pea:

—Abraham punaa peti mũa ca niijata, cũ ca tii niiquĩricarore birora mũa tii niibocu doca. ⁴⁰ Umureco Pacu yure cũ ca wederiquere, díamacũ ca niirijere mũjare yu ca wede pacaro, mũa pea yure mũa jĩacãruga. ¿Abraham, jĩcãti uno peera o biirije tiitiqũupi!

⁴¹ Mũa ca tii niirijea mũa pacu cũ ca tiitore biro mũa ca tiirije nii —cũjare ïwi Jesús.

To biro cũ ca ïiro, o biro cũre ïiwa ñucã:

—Jãa, cũja ca puna jãa batericarã méé jãa nii. Jĩcũra ca Pacu cutirã jãa nii, Umureco Pacu wadore —ïwa Jesús're.

⁴² Jesús pea o biro cũjare ïi yũwi:

—Díamacũra, Umureco Pacura mũa pacu cũ ca niijata, yu cãare mũa maibocu doca. Yua, Umureco Pacu pũto ca dooricũra yu nii anora. Yu majuropeera doogu méé yu biiwũ. Umureco Pacu yure cũ ca tiicojoro macã yu doowũ. ⁴³ ¿Ñee tiirã, yu ca wederijere mũa tuo jeeño majititi? Mũjare yu ca wederijere tuo junama ïirã, to biro mũa bii. ⁴⁴ Mũa pacua Satanás niimi. Cũ jaarã mũa nii mũa. To biri mũjare cũ ca tii dotirijere mũa tiirugarucu. Cũa, jĩcãtopura ca añutigũ, bojocare ca jĩagu, nii jũo dooupi. Díamacũ ca niirije ca ïirore biro tii nũũjeecãa nii, jĩcãti uno peera díamacũ ïi, ca ïigu méé niimi cũa. Cũ ca ïi ditojata, cũ ca niirique cutirijerena ïigu tiimi, ca ïi ditorique paigu, ïi ditorique pacu, niiri. ⁴⁵ Yu pea, díamacũ yu ca ïirije to ca niiro macã, yu ca ïirije peera díamacũ mũa tuorugati. ⁴⁶ ¿To biri mũa mena macũ niipe, “Ati wãme ñañarije mu tiiwũ,” yure cũ ïi majiti? Díamacũ yu ca wedemijata cãare, ¿ñee tiirã díamacũ yure mũa tuotiti?

⁴⁷ Umureco Pacu yũ ca niigua, Umureco Pacu cũ ca wederijere tuomi. Mũa, Umureco Pacu jaarã méé niiri, Umureco Pacu yeere mũa tuorugati —cũjare ïwi Jesús.

Cristo, Abraham jũgueropura ca nii jũo dooricu

⁴⁸ To biro cũ ca ïiro, judíos uparã pea o biro cũre ïiwa:

—“Mũa Samaria macũ mu nii; ñucã ca wãti jãa ecoricu mu nii,” mure jãa ca ïijata, díamacũra ïirã jãa tii —cũre ïi tutiwa Jesús're.

⁴⁹ To biro cũre cũja ca ïiro Jesús pea o biro cũjare ïi yũwi:

—Yua ca wãti jãa ecoricu méé yu nii. Yua, yu Pacure tii nũcũ bũorique wado yu tii. Mũa pea yure mũa nũcũ bũoti. ⁵⁰ Yua, yu majuropeera nũcũ bũorique unore yu

amaati. Biigurua niimi jicū, ure cūja ca īi nūcū buorijere ca boogu. Cū niimi, ca īa bejegu.* ⁵¹ Dīamacū mujare yu īi: Yu ca wederijere tee ca īi rore biro ca tii nunjeerā, bii yaitirucuma —cūjare īiwi Jesús.

⁵² To biro cū ca īiro, judíos uparā pea o biro cūre īiwa nūcā:

—Mecū docare dīamacūra ca wātī jāa ecoricu peti mu ca niirijere jāa maji. Abraham, Ūmureco Pacu yee quetire wede jugueri maja cāa, bii yai peticoaura. Mu pea, ġnee tiigu, “Yu ca wederijere tee ca īi rore biro ca tii nunjeerā bii yaitirucuma,” mu īicāti? ⁵³ ġTo docare mua, jāa nīcū Abraham niiquīricu ametuenero ca nii majuropeegu mu niiti? Cūa bii yaicoa, Ūmureco Pacu yee quetire wede jugueri maja cāa bii yai peticoa, biicāupa. Mu pea, ġniru uno peti niicāri, to biirije mu īi docuoti? —īiwa Jesús're.

⁵⁴ To biro cūja ca īiro, o biro cūjare īi yuwi Jesús:

—Yu majuropeera, “Ca nii majuropeegu niigu yu bii,” yu ca īi nūcū buo nūcū yujujata, yu ca īirije wapa mani. Ure ca īi nūcū buogua, yu Pacu niimi, “Jāa Ūmureco Pacu niimi,” mūja ca īigura. ⁵⁵ Mūja cūre mūja īa nāati. Yu doca cūre yu maji. Cūre maji pacagu, “Cūre yu majiti,” yu ca īijata docare, mujare birora yu cāa, ca īi ditorique paigu yu niibocu. Yu, dīamacūra cūre yu maji. To biri cū ca dotirijere cū ca īi rore biro yu tii. ⁵⁶ Mūja nīcū Abraham niiquīricua, yu yaa rumure cū ca ġapere tugoñari ūjea niwi. To biri tii rumu ca earo ġari, buaro ūjea niwi —īiwi.

⁵⁷ To biro cū ca īiro, judíos pea o biro īiwa Jesús're:

—ġMéna cincuenta cūmari cuoti pacagu, “Abraham're yu ġawu,” mu īicāti? —cūre īiwa.

⁵⁸ To biro cūja ca īiro, o biro cūjare īi yuwi Jesús:

—Dīamacū mujare yu īi: Yu, Abraham niiquīricu cū ca bauaparo jugueropura ca nii juo dooricu yu nii —cūjare īiwi. ⁵⁹ To biro cū ca īi rore, cūre deerugarā ūtāgaari jeewa. Jesús pea Ūmureco Pacu yaa wiiru ca niiricu, “To biro biicumī” īiña manigura cūja watoara duti witi, waacoawi.

9

Ca ġatigu ca bauaricure Jesús cū ca catorique

¹ Jesús pea waa nunna waagu, jicū umu ca ġatigu ca bauaricure īa buawi. ² Cūre ġari, jāa, cū buerā pea o biro cūre jāa īi jāiñawu:

—Buegu, ġnee tiigu ania ca ġatigu cū bauajapari? ġCū pacua nāñarije cūja ca tiirique wapa cū biijapari? ġCū majurope cū ca nāñarije wapa pee cū biijapariqué? —cūre jāa īiwa.

³ To biro jāa ca īiro, o biro jāare īi yuwi Jesús:

—Cū majurope cū ca nāñarije juori méé, nūcā cū pacua cūja ca nāñarije juori méé, ca ġatigu bauajacupi. Añuro petira, Ūmureco Pacu cū ca tii majirije, cūpūre to bii bau nijato īiro to biro cūre biijapa. ⁴ Ména mūja mena yu ca niirora ure ca doti cojoricu yeere ca padeparā mani nii. Yu ca waacoaro jiropu docare, jicū uno peera ape wāme tii nemo majitirucumi.* ⁵ Ména ati yeparure niigu, ati yepa macārāre ca boe bate niigu yu nii —īiwi.

⁶ To biro īi yapano, yeparu ūjeco eo cūu, jita mena paa ayia, ca ġatigu capere wadawi.

⁷ To biro tiicā, o biro cūre īiwi Jesús:

—Waa, ocora Siloé macārapu mu capere waa coegūja —cūre īi cojowi. (Siloé īiro: “Tiicojo cojoricu,” ġrugaro īi.) To biro cū ca īiro, ca ġatigu pea waa, tiirapu cū capere waa coe yapano, tua doogu, añuro ca ġagrupu tua dooupi. ⁸ To biro cū ca biiro ġarā, cū ca niiri tabe puto macārā, wapa tiirica tiiri cū ca jāi duwiro ca ġarucuricarā pea o biro ameri ġupa:

—ġAnia wapa tiirica tiiri ca jāi duwirucujāgu méé cū niiti? —īupa.

⁹ To biro cūja ca īiro, jicārā o biro ġupa:

—Cūra niimi.

* ^{8:50} Ūmureco Pacu. * ^{9:4} Ūmureco ca niirora ure ca tiicojo cojoricu yeere ca padeparā mani nii, nāmi ca niicoaropu docare jicū uno peera pade majitimi.

Aperã pea:

—Cã méé niimi. Cãre biigura baumi biigurua —ĩiupa.

To biro cãja ca ĩimijata cãare, cã pea:

—Cũra yu nii —cũjare ĩiupi.

¹⁰ To biro cã ca ĩiro:

—Too docare mecũra, ¿do biro biicãri añuro mu ĩacãti? —cũre ĩiupa.

¹¹ Cã pea o biro cãjare ĩi yũũupi:

—Jĩcũ umũ, Jesús ca wãme cutigu, cã ujecore yeparũ eo cũu, jita mena paa ayiari, yu capere wadari: “Ocora Siloé macãrapũ mu capere waa coegũja,” yũre ĩijãwi. To biro cã ca ĩigu, toorũ waa, yu capere waa coegura, añuro yu ĩacoajãwũ yua —cũjare ĩi wedeupi.

¹² Cũja pea to biro cã ca ĩiro:

—To biro mure ca tiiricu pea, ¿noorũ cã niiti? —cũre ĩi jãĩñaupa.

Cã pea:

—¡Baa! yu majiti —cũjare ĩicãupi.

Ca ĩatigu ca catio ecoricure fariseos cãja ca jãĩñarique

¹³⁻¹⁴ Jesús, jitare cã ujecore mena ayiari ca ĩatigu capere wadari cã ca ĩaro cã ca tiirica rũmũ pea, yerijãarica rũmũ niwũ. To biri cã pũto macãrã pea ca ĩatigu ca niimiricure, fariseos pũtorũ cũre ami waaupa. ¹⁵ Fariseos pea o biro cũre ĩi jãĩñaupa: “¿Do biro biicãri añuro mu ĩacoajãri?” cũre ĩiupa.

To biro cãja ca ĩiro, cã pea o biro cãjare ĩi yũũupi:

—Jita ca weyarique mena yu capere cã ca wadaro jiro, yu capere oco mena waa coe, yu ca tiijãro jirora añuro yu ĩacã yua —cũjare ĩi wedeupi.

¹⁶ To biro cã ca ĩiro, jĩcãrã fariseos pea o biro ĩiupa:

—Anire o biirije ca tiiricua, ũmureco Pacũ yũũ méé niicumĩ, yerijãarica rũmure ca nũcũ buotigua —ĩiupa.

To biro cãja ca ĩiri tabere aperã pea o biro ĩiupa:

—¿Ñañarije ca tiigu nii pacagũ, do biro pee tiicãri, ate ca ĩa ñañañã manirije cã tii bau nii majibogajati? —ĩiupa.

To biro ĩima ĩirãra, cãja majuropeera ameri dica waticoaua. ¹⁷ To biro mani ameri biicã ĩima ĩirã, ca ĩatigu ca niimiricure cũre jãĩña nemoupa ñucã:

—Mũa, mu ca ĩaro ca tiiricure, ¿“Ñiru peti niicumĩ,” cũre mu ĩi tũgoeñati? —cũre ĩiupa.

To biro cãja ca ĩiro, o biro cãjare ĩi yũũupi cã pea:

—Yũa, “Jĩcũ ũmureco Pacũ yee quetire wede jũgueri majũ niimi,” yu ĩi —cũjare ĩi yũũupi.

¹⁸ Judíos uparã pea, jũguero peera ca ĩatigu cã ca niiriquere, ñucã añuro cã ca ĩaro cã ca tii ecoriquere, díamacũ tuorũgatiupa. To biri cã pacũapũre cãjare jũo cojori, ¹⁹ o biro cãjare ĩi jãĩñaupa:

—¿Ania mũja macũ, “Ca ĩatigu bauawi,” mũja ca ĩigũra cã niiti? ¿Do biro biicãri mecũra yua añuro cã ĩacãti? —cũjare ĩiupa.

²⁰ To biro cãja ca ĩiro, cã pacũa pea o biro cãjare ĩi yũũupa:

—Jãa, anira, jãa macũra nii, ca ĩatigũra baua, cã ca biiriquere jãa maji. ²¹ “Tee docare to biro biicãri añuro ĩacãmi. Ñucã cã, añuro cã ca ĩaro cũre tiijari,” ĩirique docare jãa majiti. Mũja majurope cũre jãĩñañaqué, mee, ca maja tua waaricũrũ niimi. Cũ majurope, cã ca biiriquere díamacũ mũjare wede majimi —cũjare ĩiupa.

²² Cũ pacũa pea judíos're uwima ĩirã, o biirijera cãjare ĩicãupa. Mee cãja pea, ameri wede peni, “ ‘Jesús're, ũmureco Pacũ cã ca tiicojo cojoricũ Mesías niimi,’ ca ĩigũra, nea poo juu buerica wiipũra cũre mani cõa wienecãjaco,” ameri ĩi yerijãaupa. ²³ To biri cã pacũa pea: “Mũja majurope cũre jãĩñaña. Mee, ca maja tua peti waaricũrũ niimi,” cãjare ĩicãupa.

²⁴ To biro ĩicãri, judíos uparã pea ca ĩatigu ca niimiricure jũo cojori, o biro cũre ĩiupa ñucã:

—Ɛmureco Pacu cū ca ĩa cojorore díamacū jāare wedeya.[†] Jāa, cūra, ñañarije ca tiigu cū ca niirijere jāa maji —cūre ĩiupa.

²⁵ To biro cūja ca ĩiro, cū pea o biro ĩi yuupi:

—Yua, “Ñañarije ca tiigu niicumí,” cūre yu ĩi majiti. Jugueropura ména ca ĩatigu yu niíwu. Mecūra añuro yu ĩacā yua. Tee wadore yu maji —cūjare ĩiupi.

²⁶ To biro cū ca ĩiro tuo pacarā, o biro cūre ĩi jāiña nemocāupa ñucā:

—¿Ñee mure cū tiijāri? ¿Do biro peti tiicāri, mu ca ĩaro cū tiijāri? —cūre ĩiupa.

²⁷ To biro cūja ca ĩiro, o biro cūjare ĩi yuupi cū pea:

—Mee, mūjare yu wede yerijāajāwu doca. Yu ca wedemijata cāare, yu ca ĩirijere díamacū mūja tuorugati. ¿Ñee tiirā puatiri cōro yu ca wedero mūja booti? ¿Mūja cāa, cūre tuo nunjeerugarā mūja ĩitiqué? —cūjare ĩicāupi.

²⁸ To biro cū ca ĩiro ñañarije cūre ĩi tuti, o biro cūre ĩiupa:

—Mu mu nii cūre ca tuo nunjeegua. Jāa, Moisés're ca tuo nunjeerā jāa nii. ²⁹ Jāa, Moisés niiquiricare Ɛmureco Pacu cū ca wederiquere jāa maji. Cū peera jāa majiti, “Nooru macū doogu doojacupi” —cūre ĩiupa.

³⁰ To biro cūre cūja ca ĩiro tuo, o biro cūjare ĩi yuupi cū pea:

—¡Agó nija! Teera nii, do biro pee ca ĩi majiña manirije, mūja, “Too macū doojacupi,” mūja ca ĩi majiticārije, yu peera ca ĩatimiricurena yu ca ĩaro tiijāwi doca. ³¹ Ñañarije ca tiirāra, Ɛmureco Pacu cū ca tii nemotirijere añuro mani maji. Cūre ĩi nucū buo, cū ca boorore biro tii, ca tiirā wadore tii nemomi. ³² Jīcāti uno peera, jīcū uno peerena, “Ca ĩatigu ca banaricare cū ca ĩaro cūre tiijagu,” ĩiriquere tuo ñaaña mani. ³³ Ania, Ɛmureco Pacu cū ca tiicojoricu méé cū ca nijata, jīcā wāme uno peera tiiticābocumi —cūjare ĩiupi.

³⁴ To cōrora o biro cūre ĩi tutiupa:

—Mu, banopura ñañarije ca tiigu ca banaricura, ¿jāa peere mu wede majiorugati? —ĩiupa. To biro cūre ĩi tuti, nea poo juu buerica wiirū ca niigure ācū wienecā cojoupa.

Ca ĩatirāre biro niirique

³⁵ Jesús pea, ca ĩatigu ca niimiricare cūja ca tuti ācū wieneriquere queti tuowi. To biri cūre bua eagū, o biro cūre ĩi jāiñawi:

—¿Ɛmureco Pacu Macūre mu tuo nunjeeti? —cūre ĩiwi.

³⁶ Cū pea o biro ĩi yuupi:

—¿Wiogu, nii cū niiti? Yure wedeya, cūre yu ca tuo nunjeepere biro ĩigu —cūre ĩiwi.

³⁷ Jesús pea o biro cūre ĩiwi:

—Mee cūre mu ĩa, yu, mu mena ca wedegua, cūra yu nii —ĩiwi.

³⁸ To biro cū ca ĩirora, cū pea Jesús juguore cū ājuro jupeari mena ea nuu waa, o biro cūre ĩi nucū buowi:

—Wiogu, díamacū mure yu tuo nunjee —cūre ĩiwi.

³⁹ To biro cū ca ĩirora, Jesús pea o biro cūre ĩiwi:

—Yua ati yeparure bojoca cūja ca biirijere ĩa bejegu doogu yu doowu. Ati yepa macārā ca ĩatirāre biro ca niirā, añurije quetire tuo nunjeeri añuro ca ĩarā cūja ca niiro tii, “Ɛmureco Pacu yeere ca majirā jāa nii,” ca ĩi ditorucurā pea, ca majiti majuropeerā tua, cūja biijato ĩigu anopure yu doowu —ĩiwi Jesús.

⁴⁰ To biro Jesús cū ca ĩiro tuorā, jīcārā fariseos cū mena ca niiricarā o biro cūre ĩi jāiñawa:

—¿Too docare jāa cāa, ca ĩatirā jāa niicāti? —cūre ĩiwa.

⁴¹ To biro cūja ca ĩiro, Jesús pea o biro cūjare ĩi yuupi:

—Ca ĩatirā mūja ca nijata, ñañarije mūja ca tiirijere wapa tuatirā mūja niibocu. “Jāa, ca ĩa majirā jāa nii,” mūja ca ĩirije ca niiro macā, ñañarije ca tii wapa tuarā mūja niicā —cūjare ĩiwi Jesús.

10

Ovejas, cūjare ca cotegu cū ca wederijere tuo majima

[†] 9:24 Jos 7.19.

¹ To biro cūjare ñi yapano, o biro cūjare ñiwi ñucā Jesús:

—Díamacū mūjare yu ñi: Jīcū, ecaricarā ovejas cūja ca niiri janirore, jopera jāa waatigura aperopu ca mña ametua jāa waagua, jāari maju, jee dutiri maju, niigu biimi. ² Jopera ca jāa waagua, ecaricarā ovejas're ca cotegu niimi. ³ Jope pāa coteri maju cūre cū ca jope pāaro, ovejas're ca cotegu pea, cū ecaricarā ovejas're cūja wāmeri mena wado cūjare cū ca juoro, ovejas pea cū wederiquepūrena tuo majicāma. To biri tii janiorpu ca niirāre juo wiene cojo, ⁴ niipetirā cūja ca witi ea petiro ĩa, cūjare cū ca jugue waaro cū jiro nūnūcoama, cū wederiquepūrena ca tuo majicārā niiri. ⁵ Cūja ca majitigu peera cūre nūnūtima. Cūre nūnūricaro unora ũmaa duticāma, ca ĩa ñaāña manigu cū ca wederijere ca tuo ñaatirā niiri —cūjare ñiwi.

⁶ Ate cūjare ñi cōoña wedewi Jesús. Cūja pea, to biro cū ca ĩirije ca ĩirugarijere tuo majiticāwa.

Jesús ovejas're añuro ca cotegu

⁷ To biri o biro cūjare ñi nemowi ñucā Jesús:

—Díamacū mūjare yu ñi: Yu yu nii ovejas cūja ca jāa waari jopere biro ca niigu. ⁸ Niipetirā yu juguero ca dooricarā, jee dutiri maja, jāari maja, niipua. To biri yu yaarā, ecaricarā ovejas're biro ca niirā pea, cūja ca ĩirijere tuo nūnūjeetiupa. ⁹ Yu yu nii jope. Yu, jopere biro ca niigure díamacū ca tuo nūnūjeegua, yu juori ametuarucumi. Jīcū oveja, jāa waa, ñucā macā pee witi waa, añuro taa bua baa, cū ca biirore biro biirucumi. ¹⁰ Jee dutiri majua, jee duti, jāa, tii yaio bate, tiigu doogu wado doomi. Yu pea catirique pee cūja cuojato, pairorura catirique peere cūja cuo ametuenecājato ĩigu yu doowu.

¹¹ "Yu yu nii, ecaricarā ovejas're añuro ca ĩa nūnūjeegu. Cū ovejare añuro ca ĩa nūnūjeegua, cūjare ametuenerugu bii yai boja majimi. ¹² Wapa taarique wadore boo tugoeñari ca padegu pea, yai cū ca dooro ĩa, ovejare toora cūjare cūu, duti weocoami, ovejas're ca ĩa nūnūjeegu méé nii, ovejas cū yaarā méé nii, cūja ca biiro macā. To biro cūjare cū ca bii weoro, yai pea cūjare ñee, cūjare tii ācū batecā cojomi. ¹³ Cūa, ovejas're ĩa nūnūjeerugu méé, wapa taarique wadore boogu ca padegu niiri, to biro cūjare bii weocāmi.

¹⁴⁻¹⁵ "Yu yu nii, ecaricarā ovejas're añuro ca ĩa nūnūjeegu; yu Pacu yure ĩa maji, yu pee cāa yu Pacu ĩa maji, yu ca biirore birora, yua yu yaarā ecaricarā ovejas're ĩa maji, ñucā cūja pee cāa yure ĩa maji, biima. To biri yua yu yaarā ovejas're biro ca niirāre cūjare ametuenerugu, cūjare yu bii yai boja maji. ¹⁶ Ati janiro macārā ca niitirā cāare aperā ovejas yu cuo. Cūja cāare yu jee cojorucu. Cūja pea yure tuo nūnūjee, jīcā puna macārāra nii ea, jīcūra cūjare ca ĩa cotegu cuo, biirucuma.

¹⁷ "Yu majuropeera bojoca cūja ca ñañarije wapa bii yai bojari, ñucā ca cati tuapu yu ca niiro macā, yu Pacu yure mai jañumi. ¹⁸ Jīcū uno peera yure jīa cōa majitimi. Yu majuro yu ca booro mena bojoca cūja ca ñañarije wapare yu bii yai boja maji. To biri yu majuropeera bii yai boja, ñucā yu majuropeera cati tua, yu biicā maji. Ate nii, yu Pacu yure cū ca tii doti cojorique —cūjare ñi wedewi Jesús.

¹⁹ To biro Jesús cū ca ĩirijere tuori, judíos pea, no ca boorora ameri ñi maa wijiacoawa ñucā. ²⁰ To biro biima ĩirā, cūja mena macārā pañ o biro ĩiwa:

—¿Ñee tiirā, wātī jāa ecocāri ca ĩi mecūgure cūre mūja tuo nūnūjeeti? —ĩiwa. ²¹ Aperā pea to biro cūja ca ĩicāro o biro ĩiwa:

—Ca wātī jāa ecoricua jīcū uno peera, o biirije ĩiticumi. Mūjara, ¿wātīra, ca ĩatirāre cūja ca ĩaro cū tii majicāgajati? —ameri ĩiwa.

Judíos uparā Jesús're cūja ca bootirique

²² Jerusalén macā peera ũmureco Pacu yaa wiire queno yapanorā cūja ca boje rumu tii peo juorica rumu uno ca earo, tii wiire cūja ca boje rumu* tii peori rumuri niuwu. Pue bucu rumuri niuwu. ²³ Jesús pea ũmureco Pacu yaa wiipare, Pórtico de Salomón† cūja

* 10:22 Dn 9.27; 11.31. † 10:23 Hch 5.12.

ca ñiri tabe pee waa yujuwi. ²⁴ Tii taberu cū ca waa yujuro, judíos ɱparā pea cūre waa amojode nūcāri, o biro cūre ñi jāiñawa:

—¿No cōro yoaro, “Cū niicumí,” ñi majiri méé jāa ca bii niiro mɱ tiiguti? Ɛmureco Pacu cū ca tiicojo cojoricu Mesías'ra mɱ ca niijata, jīcātorā “Cūra yu nii,” jāare ñicāña —cūre ñiwa.

²⁵ To biro cūre cūja ca ñiro, Jesús pea o biro cūjare ñiwi:

—Mee, mɱjare yu wede yerijājāwɱ. Mɱja pee díamacū mɱja tuoti. Yu Pacu cū ca dotiro ména yu ca tii niirijera, Mesías yu ca niirijere ña majiricarora bii ñnocā doca.

²⁶ Mɱja pea díamacū mɱja tuoti, yu yaará ovejas mena macārā méé niiri. ²⁷ Yu yaará ecaricarā ovejas're biro ca niirā pea, yu wederiquere tuo majima. Yu pee cāa, cūjare yu maji. Cūja pea añuro yure tuo nɱnɱjeema. ²⁸ To biri yua, to birora caticōa niiriquere cūjare yu tiicojo, jīcāti ɱno peera bii yaicoa, jīcū ɱno peera cūjare yure ěma, tiitirucumi. ²⁹ Yu Pacu, cūjare yure ca tiicojoricua, niipetirā ametuenero do biro ca tiya manigu niimi. To biri yu Pacu cū ca ña nɱnɱjeerāpura, jīcū ɱno peera cūre ěma majiticāmi. ³⁰ Yu, yu Pacu, jīcūra niirā jāa bii —cūjare ñiwi.

³¹ To biro cū ca ñirora ñucā, judíos ɱparā pea cūre deerugarā ũtā jeewa ñucā. ³² To biro cūja ca tiiro, Jesús pea o biro cūjare ñiwi:

—Yu Pacu yee ca doorijere, mɱja ca ñaro paɱ añurije mɱjare yu tii ññorucujāwɱ. ¿Di wāme juori pee ũtā mena yure mɱja deerāti? —cūjare ñiwi.

³³ To biro cūjare cū ca ñiro, judíos ɱparā pea o biro cūre ñi yuñwa:

—Añurije mɱ ca tii niirije juori méé ũtā mena mure jāa deerucu. Ɛmureco Pacure ñañari wāme mɱ ca ñi tutirije juori pee mure jāa deerucu. Mɱa, bojocu nii pacagu, mɱ majuropeera “Ɛmureco Pacu yu nii,” mɱ ñicā —cūre ñiwa Jesús're.

³⁴ To biro cūja ca ñiro, Jesús pea o biro ñiwi ñucā:

—Mɱjare ca dotirijepure o biro ñi owarique nii: “ ‘Mɱja, jūguēa[‡] mɱja nii,’ mɱjare yu ñjāwɱ,” ñi. ³⁵ Ɛmureco Pacu wederiquepu ca ñirijepura, “To biro ñicāro ñi,” mani ñi majiti.

Ɛmureco Pacua, cū yee quetire cū ca wedericarāre, “Jūguēa mɱja nii,” cūjare ñiupi.

³⁶ Ɛmureco Pacura yure beje amiri, ati yepapure cū ca tiicojo cojoricurena, “Ɛmureco Pacu Macū yu nii” yu ca ñirijerena, ¿ñee tiirā Ɛmureco Pacure ñañarije mɱ ñi tuti, yure mɱja ñicāti? ³⁷ Yu Pacu cū ca tiirijere yu ca tiitijata, díamacū yure tuoticāña. ³⁸ Yu Pacu cū ca tiirijere yu ca tiijata, díamacū yure tuoti pacarā, yu ca tii niirije peere “Díamacūra nii,” ñi ña nūcū buoya petopura, mee jīcātorā “Yu Pacu yurure nii, yu pee cāa yu Pacurure nii,” yu ca biirijere mɱja ca maji peoticāpere biro ñirā —cūjare ñiwi Jesús.

³⁹ To biro Jesús cūjare cū ca ñi wedero, judíos ɱparā pea Jesús're cūre ñeerugamiwa ñucā. Jesús pea cūjare duticoawi. ⁴⁰ Jesús pea ñucā, dia Jordán ape nūña muirpū cū ca mɱa doori nūña peere, jugueropu, Juan bojocare cū ca uwo coe niirica taberu waa, too jāare juo tua nūcāwi. ⁴¹ Toopu paɱ bojoca cūre ñarā eari, o biro ñiwa:

—Díamacūra Juan, jīcā wāme ɱno peera ca ña ñañañ manirije tii bau nii ññoti pacagu, niipetirije ani cū ca biipe maquēre cū ca ñijata, díamacūra ñijapi —ñiwa. ⁴² To biri tii tabepure paɱ Jesús're tuo nɱnɱjeewa.

11

Lázaro cū ca bii yairique

¹ Niiupi jīcū, diarique wai Lázaro ca wāme cutigu, María cō yee wedego Marta jāari yaa macā Betania macū. ² Atio María, Lázaro yee wedego pea ména juguero peere, Jesús're ca jutí añurije mena cū dɱporire pio peori, cō poa ñapō menara ca ñia boporitora niiwo.

³ To biri cū yaará romiri pea, Jesús're o biro ñi cojoupa:

—Wiogu, mɱ mena macū, mɱ ca maigu, buaro diami —ñiupa.

⁴ Jesús pea to biro cūja ca ñirijere tuori, o biro ñiwi:

—Ate cū ca diarique cuti niirijea, to birora cū ca bii yaicā yerijāa waape méé niirucu. Ɛmureco Pacu cū ca tutua majuropeerijere, ñucā yu Ɛmureco Pacu Macū yu ca tutua

[‡] 10:34 Sal 82.6.

majuropeerijere, yu ca ñnope niiro biirucu —ñwi. ⁵ Jesús pea María, Marta, Lázarore buaro cūjare mai pacagu, ⁶ “Lázaro buaro diajāwi,” cūja ca ñirijere tuo pacagu, toora puu rumu jāare juo nii nemocāwi ména. ⁷ Jiro jañuro o biro jāare ñwi Jesús:

—Jamu. Judea yeparu mani waaco ñucā —ñwi.

⁸ To biro cū ca ñiro, jāa, cū buerā pea o biro cūre jāa ñwu:

—Buegu, tii rumu jañuriacāra tii yepa macārā judíos, ũtā mena mure dee jīa cōarugawa doca. To biro cūja ca tiirugaricu nii pacagu, ¿toopure mu waarugati ñucā? —cūre jāa ñwu.

⁹ To biro jāa ca ñiro, Jesús pea:

—Tugoeñarique paiticāña. ¿Jicā rumu doce horas to cuotiti? Umarecora jicū uno peera puu taatima, ati yepare ca boerijere ñari ca waarā niiri. ¹⁰ Ñami ca waagu doca puu taacoami, ca boetiro macā —jāare ñwi. ¹¹ O biro ñi nemowi ñucā:

—Mani mena macū Lázaro cānicoajapi. Cū ca cānicoamijata cāare, cūre yu wācōgu waarucu —ñwi.

¹² To biro cū ca ñiro, jāa cū buerā pea o biro cūre jāa ñwu:

—Wiogu, cū ca cānijata, cū ca catipe biicu —cūre jāa ñwu. ¹³ Jesús pea, Lázaro cū ca bii yaicoariquere ñgu ñmiupi. Jāa, cū buerā pea, “Ca catirā mani ca cānirucurore biro cānigu biicumii,” jāa ñi tugoeñacāwu.

¹⁴ To biri Jesús pea, jāa ca tuo majitiro macā o biro jāare ñi wede majiowi:

—Lázaro bii yaicoajapi. ¹⁵ To biri yu pea cū puopure yu ca niitirique ca niiro macā, buaro yu ũjea nii. To biro peera añu biiorpuu, mujare yu ca tii ñnorijepure ñari díamacū mija ca tuo nunjeepere biro ñiro. Jamu, cūre mani ñaco —ñwi.

¹⁶ To biro jāare cū ca ñiro, Tomás, apeyera ca Sūnaricu cūja ca ñgu pea, o biro jāare ñwi:

—Jamu, mani cāa cū mena jicāri bii yairugarā —ñwi.

Jesús, cati tuarique, añuro cati niirique, cū ca niirije

¹⁷ Jesús pea, Lázarore cūja ca yaa cōaricaro jiro bapari rumu ca nii waaropu jāare juo eacāwi. ¹⁸ Betania macā pea, Jerusalén puoacāra itia kilómetros waaricarora niwu.

¹⁹ Paa judíos, Marta, María jaarire ñarā waaupa, cūja yee wedegu Lázaro cū ca bii yairo cūja ca tugoeñarique pairijere cūja ca tugoeña bayiro tiirā waarā. ²⁰ Marta pea, “Mee, Jesús doomi,” cūja ca ñiro tuori, cūre bocago dooupo. María pea wiipura tuacāupo. ²¹ To biri toopu jāare bocari, Marta pea o biro ñiwo Jesús're:

—Wiogu, anora mu ca nijata, yu yee wedegu bii yaitibojacupi. ²² Biiorpuu yu maji. Mecāpu cāare cū mu ca jāirije niipetirijere, mure tiicojocārucumi Umareco Pacu —ñiwo.

²³ To biro cō ca ñiro, Jesús pea o biro cōre ñwi:

—Mu yee wedegu cati tuacoarucumi —cōre ñwi.

²⁴ To biro cū ca ñiro, o biro cūre ñiwo Marta pea:

—Mee yu maji. Ca bii yairicarā cūja ca cati tuari rumu, ca tujari rumu ca niiorpuu cati tuarucumi —cūre ñiwo.

²⁵ To biro cō ca ñiro, Jesús pea o biro cōre ñwi:

—Yu yu nii, cati tuarique, to birora caticōa niirique, ca niigu. Yure ca tuo nunjeegua, ca bii yaicoaricu nii pacagu, caticārucumi. ²⁶ Ca cati niirā, yure ca tuo nunjeerā cōrora, jicāti uno peera bii yaicoa, biitirucuma. ¿Atere díamacū mu tuoti? —cōre ñwi Jesús.

²⁷ To biro cū ca ñiro, cō pea o biro cūre ñi yuwo:

—Ūgjā Wiogu, yua díamacūra, “Cristo, Umareco Pacu Macū ati yeparure ca dooricu niimi,” mure yu ñi nūcū buo —ñiwo Marta.

Lázaro mija ope puo Jesús cū ca otirique

²⁸ Marta pea, to biro cūre ñi yapano, wiipu tua waa, cō yee wedego Maríare juo cojori, yaioroacā o biro cōre ñiupo:

—María, manire Ca Buegu ea yerijāami. Mure juomi —ñiupo. ²⁹ To biro cō ca ñiro tuoogo, María pea jicātorā wāmu nūcā, Jesús're cūre ñago doocā dooupo.

³⁰ Ména Jesús pea tii macāpure piya waatigura, tii macā tujaropura, Marta cūre cō ca bocarica tabepura niicāwi. ³¹ Judíos, cō yee wedegu cū ca bii yairo cō ca tugoēnarique pairijere cō tagueña bayijato iirā cō yaa wiipu Mariare ca bapa cuti niiricarā pea, yoari méé wāmu nūcā cō ca witi waaro ĩari, “Cō yee wedegu niiquiricu maja ope putope otigo waago biicumō” ĩi tugoēnari, cōre nūnūcā dooupa. ³² María pea, Jesús puto eago, Jesús ñicāri putoacā cō ājuro jupeari mena ea nuu eari, o biro cūre ĩiwo:

—Wiogu, anora mu ca niijata, yu yee wedegu bii yaitibojacupi —cūre ĩiwo.

³³ Jesús pea yua, María, to biri judíos cō mena ca dooricarā cūja ca otiro ĩari, cū yeripu buaropura tugoēnarique pai, biima ĩigu ³⁴ o biro cūjare ĩi jāñawi:

—¿Nooru cūre mūja yaajāri? —cūjare ĩwi.

Cūja pea o biro ĩiwa:

—Wiogu, doori ĩagu dooya —cūre ĩiwa.

³⁵ Jesús pea otiwi. ³⁶ To biro cū ca biro ĩarā, judíos pea o biro ameri ĩiwa:

—¿ĩañaaqué, no cōro buaro peti cūre cū maicāmijapari! —ĩiwa.

³⁷ To biro cūja ca ĩiro, ĩicārā cūja mena macārā pea o biro ĩiwa:

—Ani, ca ĩatigure cū ca ĩaro ca tiiricu, ĩicā wāme unora cū tiitibojapari, Lázaro cū bii yaiticājato ĩigu? —ĩiwa.

Lázaro cū ca cati tuarique

³⁸ Jesús pea ñucā cū yeripu buaro tugoēnarique paigura, cū niiquiricu maja ope puto pee waawi. Tii ope pea ũtā ope niuwu. Nūcā tii ope jope pee cā ũtāga mena biaricaro niuwu. ³⁹ Tii jope puto eagura, o biro ĩiwi Jesús:

—Ūtāgare ami wooya —ĩiwi.

To biro cū ca ĩiro, ca bii yairicu yee wedego Marta pea, o biro ĩiwo Jesús're:

—Wiogu, docuoro ũnicumi, mee bapari ramu peti ametua cū ca bii yaijāro jiro —cūre ĩiwo.

⁴⁰ To biro cō ca ĩiro Jesús pea o biro cōre ĩi yuñwi:

—Mee, “Díamacū yure mu ca tuo nūñjeejata, ũmureco Pacu cū ca doti tutua majuropeerijere mu ĩarucu,” ¿mure yu ĩitijāri? —cōre ĩiwi. ⁴¹ Maja ope tiaricaga ũtāgare cūja ca ami wooro ĩa, Jesús pea ũmureco pee ĩa mēene cojori, o biro ĩiwi:

—Cáacu, yu ca jārijere mu ca tuoro macā, “Añu majuropeecā,” mure yu ĩi. ⁴² To cānacā tiira yure mu ca tuorucurijere yu maji biigupua. Atera, anija bojoca ano ca niirāre añurije boojāma ĩigu to biro mure yu ĩi, mu, mu ca tiicojo cojoricu yu ca niirijere: “Díamacūra ũmureco Pacu cū ca tiicojoricu niimi,” cūja ca ĩi ĩa majipere biro ĩigu —ĩiwi Jesús. ⁴³ To biro ĩi yapanogura, buaro acaro buirique mena o biro ĩiwi:

—¿Lázaro, ano pee witi dooya! —ĩiwi. ⁴⁴ To biro cū ca ĩirora, ca bii yaicoamiricu pea, cū amori, cū daporire juti quejeri mena duduaricu, ñucā cū dūpuga peera lienzo quejero mena duduaricu, witicā doowi. To biro cū ca biiro, Jesús pea o biro cūjare ĩiwi:

—Teere cūre popioya. Cū waajato —ĩiwi.

Jesús're ĩarugarā cūja ca wede penirique

(Mt 26.1-5; Mc 14.1-2; Lc 22.1-2)

⁴⁵ To biro cū ca tiirijere ĩarā, pañ judíos Mariare ca bapa cutirā waaricarā, Jesús're tuo nūñjeewa. ⁴⁶ To biri, ĩicārā cūja mena macārā pea fariseos putope waari, niipetirije Jesús cū ca tiiriquere cūjare wedeupa. ⁴⁷ To biro cūja ca ĩirijere tuori, fariseos, paia uparā pea, tii macāre ca juo nii majuropeerāre neori,* o biro ĩiupa.

—¿Do biro cūre mani tiirāti? Cūa, pañ wāmeri peti ca ĩa ñaña manirije tii bau niicāgu tiimi. ⁴⁸ To birora cūre mani ca ĩacājata, niipetirā cūre tuo nūñjeerucuma. To biro cūja ca biijata, Roma macārā uparā doori, mani ũmureco Pacu wiire, ñucā mani yaa yepa menapurena díamacūra tii yaiocārucuma —ĩiupa.

⁴⁹ To biro cūja ca ĩiro, ĩicū cūja mena macū Caifás ca wāme cutigu, tii cūmare paia wiogu ca niigu pea, o biro cūjare ĩiupi:

* 11:47 Junta Suprema.

—Mɔja, mɔja majiti majuropeecã. ⁵⁰ “Bojoca niipetirãre jĩcũra cũ ca bii yai bojaro añu, jĩcã yepa macãrã niipetirãpũra ñañaro mani ca tii yaio ecotipere biro ñirã,” mɔja ñi tũgoeña majiti majuropeecã tee cãare —ĩupi.

⁵¹ Caifás pea, atera cũ majurope cũ ca tũgoeñarije mena méé to biro ñupi. Tii cũmare paia wioḡ ca niigũ niiri, Ɛmũreco Pacũ, “To biro ñña,” cũre cũ ca ñi cõa jãaro macã, judíos're ametũenerũḡ Jesús cũ ca bii yai bojapere ñigũ to biro ñupi. ⁵² Ñucã judíos wadore ametũenetigũra, niipetirã Ɛmũreco Pacũ puna, ape yeparipũ ca nii bate cojorãre jĩcã punaarã cũja ca nii earo cũ ca tiipere wede jũḡueḡ ñupi Caifás.

⁵³ To biro cũja ca ñirica rũmũra, “Jesús're mani jĩacãjaco,” ñi yerijãaupã judíos ɔparã. ⁵⁴ To biri Jesús pea judíos watoare bau niiro waa yujutigũra, Judea yepare ca niiricũ, jĩcã tabe ca yucũ maniri yepa pũtoacã pee, Efraín ca wãme cõtiri macãpũ jãare jũo waacoawi. Toopũra jãare jũo niicãwi yua.

⁵⁵ Peeto dũjawũ yua, judíos yaa boje rũmũ Pascua ca earo. To biri tii boje rũmũ ca eaparo jũḡuero, paũ bojoca, macãri macãrã cõrora Jerusalén macãpũ maa waawa, Ɛmũreco Pacũre añuro cũja ca tii nũcũ bũo majipere biro ñirã, Pascua boje rũmũ jũḡuero cũja ñicũ jũmũa cũja ca tii jũo dooricarore biro tiirã, ñañarije cũja ca tiiriquere coe jũḡuẽrã waarã. ⁵⁶ To biro biirã, Jesús're ama yujurã, Ɛmũreco Pacũ yaa wiipũ niirã cũja majurope o biro ameri ñi jãña niuupa:

—¿Do biro mɔja ñi tũgoeñati mɔja? ¿Boje rũmũre cũ doogajati? ¿Cũ dootigajatiqúé? —ĩupa.

⁵⁷ Mee fariseos, to biri paia ɔparã pea:

—Jĩcũ ɔno Jesús're cũ ca ñajata, jĩcãto “Too niijãwi,” cũ ñi wedejato, cũre mani ca ñeepere biro ñirã —ñi wede majio yerijãaupã.

12

María, ca juti añurije Jesús're cõ ca pio peorique

¹ Pascua boje rũmũ ca eaparo jũḡuero, seis niiri rũmũri ca dũjaro, ca bii yairicũpũre cũ ca catoricũ Lázaro cũ ca niiri macã Betaniapũ jãare jũo waawi Jesús. ² Toopũ, Jesús're tii nũcũ buorã, baarique jãare jũo baawa. Marta niwo baarique ca batogo. Jesús mena ca baa duwirã watoare ca baa duwigũ, Lázaro niwi. ³ Too jãa ca baa duwirucuro, María pea, ca juti añurije, nardogũ maquẽ ca dia peti ca niirije ca wapa pacarijere, pũa waaga* oco waa amiricarõ cõro Jesús dũporire pio peori, cõ poa ñapõ menara tuu bopowo. To biro cõ ca tiiro, tii wiire juti añu dadacoawũ.

⁴ To biro Jesús're cõ ca tiirijere ñagũ, Judas Iscariote, jãa mena macã, Jesús're ca wedejãa buiyee cõapũ pea, o biro ñwi:

⁵ —¿Ñee tiigo ate ca juti añurijere jĩcã cũma pade wapa taaricarõ cõro mũ noni wapa jeetijãri, ca boo pacarãre tii nemorũgo? —ñwi. ⁶ Judas pea ca boo pacarãrãre tii nemorũḡ méé to biro ñwi. Ca jee duti paigũ niiri ñwi atera. Cũ pea, wapa tiirica tiiri ca jãñari poare ca ña nũñjẽegũ niiri, tii poare jãa ca jãarucurijere jee duticãrucuupi.

⁷ To biro cũ ca ñiro, Jesús pea o biro cũre ñwi:

—To birora cõre ñacãña. Yũre cũja ca yaari rũmũ maquẽpũre tii yuego tiimo. ⁸ Ca boo pacarã to birora mɔja mena niicõa niirucuma.† Yũ pea to cãnacã rũmũra mɔja menare yũ niicõa niitirucu —ñwi Judas're.

Judíos, Lázarore cũja ca jãarũgarique

⁹ Betaniapũ Jesús cũ ca niirijere majiri, paũ judíos, Jesús wadore ñarũgarã méé, Lázaro ca bii yaicoaricũpũrena Jesús cũ ca catoricũ cãare ñarũgarã dooupa. ¹⁰ To biri paia ɔparã pea, Lázaro cãare jãarũgarã ¹¹ ameri wede peni yerijãaupã, cũ jũorira paũ judíos cũjare camotatiri, Jesús peere cũja ca tũo nũñjẽero macã.

Jerusalén macãre Jesús cũ ca piya waarique

(Mt 21.1-11; Mc 11.1-11; Lc 19.28-40)

* 12:3 Medio litro. † 12:8 Dt 15.11.

¹² Ape rumu peere, paɯ bojoca Jerusalén'pu Pascua boje rumu ca waaricarã, Jesús tii macãpũre cã ca eapere majiupa. ¹³ To biri iiquĩ queeri paa jude jeeri, cãre bocarã doorã o biro iĩ acaro bui nunna doowa:

—¡Añu majuropeecã, jãare ametueneña Wiogu David pãrami! ¡Añuro ca biigu niimi Æmureco Pacu wãme mena ca doogu! ¡Añuro ca biigu niimi Israel Wiogu! —iĩ ujea nii bocawa Jesús're.‡

¹⁴ Jesús pea, jĩcũ burro buari, cãre mna peawi, Æmureco Pacu wederiquepu o biro ca iĩrore birora:

¹⁵ “Uwiticãña Sión§ macã macãrã. Íaña. Muja Wiogu burro jotoapu pejari doomi,” ca iĩrore birora.*

¹⁶ Ména jĩcãtoacãra, jãa cũ buerã pea, atere jãa tuo majitiwu. Ca bii yaicoaricu nii pacagu Jesús cũ ca cati tuaro jiropu docare, ate niipetirije cãre cãja ca tiiriquere, Æmureco Pacu wederiquepu cã ca biiperena cãja ca owarique ca niirijere jãa tuo majiwu.

¹⁷ Bojoca, Lázarore maja opepu ca niigure juo wiene cojo, ca bii yairicarã watoare cũ ca cati tuaro cãre tii, Jesús cũ ca tiiri tabere cũ mena ca niiricarã pea cãja ca iariquere aperãre wederucuwa. ¹⁸ To biri paɯ bojoca Jesús're bocarã doowa, ca ía ñaaña maniri wãme cãjare cũ ca tii iĩnoriquere cãjare cãja ca wederiquere ca tuoricarã niiri. ¹⁹ To biro cãja ca biirijere íarã, fariseos pea o biro ameri iĩupa:

—Mee, mja íati: O biro cãja ca biirijere mani ca camotaaticãjata, do biro mani tiiricaro mani. Íañaaqué, bojoca niipetirã cũ jĩcũrena tuo nunjeecãma —iĩupa.

Griegos, Jesús're cãja ca amarique

²⁰ Tii boje rumure Æmureco Pacure ca iĩ nucũ buorã Jerusalén'pu ca maa waaricarã watoare niupa jĩcãrã griegos. ²¹ Cãja pea Galilea yepare ca niiri macã Betsaida macũ Felipe puto eari, o biro cãre iĩ jãiupa:

—Jãa Jesús're jãa íacãrugamijapa —iĩupa. ²² To biro cãja ca iĩro tuori, Felipe pea, Andrés peere wedegu waaupi. To biri cãja puarãpu Jesús're wederã eawa.

²³ To biro cãja ca iĩro, Jesús pea o biro cãjare iĩ yuwi:

—Mee, yu, Ca Nii Majuropeegu Macũ bii yairi jiro yu ca cati tuapa tabe eacoa. ²⁴ Yee méé yu iĩ: Trigo apega, oteya maniricara to ca boacoajata, tiiga wado biicã yerijãa waa. Tiigare otejata docare, wii, bucu, paio dica cuti.† ²⁵ Cũ ca catirijere ca maigua, cũ ca cati niirijere tii yaocãrucumi. Ati yepare cũ ca cati niirijere buaro ca maitigu pea, cũ ca caticõa niipere buarucumi. ²⁶ Jĩcũ yu yeere ca tii nunjeerugu uno, yu mena cũ doojato. Yu yeere ca tii nunjeegua, yu ca niiri tabera niirucumi cũ cãa. Yu yeere ca tii nunjeegure, yu Pacu añuro cãre tii nucũ buorucumi —iĩwi Jesús.

Cũ ca bii yaipere Jesús cũ ca wederique

²⁷ To biro iĩcã, o biro iĩwi:

—“Mecũacãre buaro peti yu tũgoeñarique paicã,” ¿Do biro yu iĩguti? ¿“Cáacu, ate yu ca tũgoeña pairijere yure ametueneña,” yu iĩguti? ¡Yu iĩticu! Aterena iĩgu yu doowu.

²⁸ Cáacu, do biro ca tiya manigu mna ca niirijere bojocare iĩñoña —iĩwi Jesús.

To biro cã ca iĩrore, Æmureco tutipna o biro iĩ wedeo cojowu:

—Mee, do biro ca tiya manigu yu ca niirijere yu iĩño yerijãawu. Yu iĩño nemorucu ñucã —iĩ wedeowu. ²⁹ Bojoca too ca tuo niirã pea:

—Bupo niibujãwi —iĩwa.

Aperã pea:

—Æmureco Pacu puto macũ Jesús mena wedegu iĩbujãwi —iĩwa.

³⁰ To biro cãja ca iĩro, Jesús pea o biro cãjare iĩwi:

—Ano ca wederijere mja ca tuorijea yure iĩro méé iĩ. Mujare iĩma iĩro iĩ. ³¹ Mee mecũra nii, ati yepa macãrã Æmureco Pacure cãja ca ía beje ecopa tabe. Ñucã mecũra ati yepare ca doti niigu Satanás cãa, Æmureco Pacure cõa wiene ecorucumi. ³² To biri yucu

‡ 12:13 Sal 118.25-26. § 12:15 Jerusalén. * 12:15 Zac 9.9. † 12:24 Trigo apega yepapu ñaacũmuri to ca diatijata, tiiga wado biicã yerijãa waa; to ca diacoajata docare, paɯ dica cuti.

tenipɯ yure paa pua tuuri, cūja ca ami m̄ene n̄cōrije mena, ati yepa macārã paɯ cūja ca ñañarije wapare t̄goeña wajoari, yɯ peere cūja ca tuo n̄n̄jeero yɯ tiirucu —ĩwi.

³³ Atere ñigua, “O biri wãme yɯ bii yairucu,” ñigu ñiwi.

³⁴ To biro Jesús cū ca ñirijere t̄orã, bojoca pea o biro cūre ñiwa:

—Jãa, doti cūrique: “ʘm̄reco Pacɯ cū ca tiicojo cojogu Mesías, to birora caticōa niirucumi,” ca ñirijere jãa maji. ¿Ñee tiigu m̄a pea, “Ca Nii Majuropeegu Macū, yucɯ tenipɯ paa pua tuuri ami m̄ene n̄cō ecorucumi,” m̄a ñiti? ¿Nii cū niiti Ca Nii Majuropeegu Macū? —cūre ñi jãñawa.

³⁵ To biro cūja ca ñiro, o biro ñiwi Jesús:

—Ména yɯ, ʘm̄reco Pacɯ cū ca boorore biro niiriquere ca wede majiogu, no cōro méecãra m̄ja watoare yɯ ca niiro uno, yɯ ca wederijere añuro yure tuo n̄n̄jeeya, “To biro biibocu,” m̄ja ca ñitiri tabere ca nait̄arije m̄jare ca bii ñaapea eatipere biro ñirã. Ca nait̄aro jãa boeri méé ca waagua, “Too pee yɯ waacu,” ñi majitimi. ³⁶ Yɯ, ʘm̄reco Pacɯ cū ca boorore biro niiriquere ca wede majiogu[‡] yɯ ca niirora, díamacū yure tuo n̄n̄jeeya, yɯ yaarã m̄ja ca niipere biro ñirã —ĩwi. To biro atere ñi yapano, waa, cūjare duticoawi Jesús.

Judíos, Jesús're cūja tuo n̄n̄jeetirique

³⁷ Cūja ca ñarora to cōro paɯ ca ña ñaña manirije cū ca tii bau niirije ca nii pacaro, Jesús're tuo n̄n̄jeeticãwa. ³⁸ Biirorua, ʘm̄reco Pacɯ yee quetire wede j̄gueri maju Isaías niiquiricɯ:

“ʘpɯ, ¿noa pee jãa ca wederijere cūja tuo n̄n̄jeeti? ¿ʘpɯ, noa peere cū ca tutuarijere cū tii bau nii ñnomijapari?” cū ca ñiquiricare biro bii earo biiwɯ. §

³⁹ To biri Jesús cū ca wederijere tuo n̄n̄jee majitiwa. Ñucã teerena ñigu:

⁴⁰ “Ca ñatirãre biro cūjare tii, ca tuo jeeño majitirã cūjare tii, cūjare tijapi ʘm̄reco Pacɯ. Ña maji, tuo puo, t̄goeña yeri wajoa, biicãri yɯ peere cūja ca tuo n̄n̄jeero, yɯ pee cãa cūjare ametuene, yɯ ca tiitipere biro ñigu,” ñi owaquĩupi Isaías.*

⁴¹ Isaías, atere to biro ñiupi, Jesús yee ca añu majuropeerijere ca ñaricɯ niiri. To biri Jesús cū ca biipere wedeupi. ⁴² To biirije to ca ñicã pacaro, paɯ judíos, to biri j̄cãrã bojocare ca j̄o niirã menarua, díamacū Jesús're tuo n̄n̄jeewa. Cūja pea Jesús're ca tuo n̄n̄jeerã niicã pacarã, fariseos're uwima ñirã bau niiro, “Jesús're ca tuo n̄n̄jeerã jãa nii,” ñitiwa, nea poo juu buerica wiijeripura cūjare cūja ca cōa wienetipere biro ñirã. ⁴³ ʘm̄reco Pacɯ cūjare cū ca n̄cū buorije ametuenero, bojoca cūja ca n̄cū buorije peere ca boorã niiri, to biro biywa.

Jesús wederiquera ñañaro tiicãrucu

⁴⁴ Jesús pea tutuaro wederique mena o biro ñiwi:

—Díamacū yure ca tuo n̄n̄jeegua, yɯ j̄cūrena tuo n̄n̄jeegu méé tiimi. Yɯ Pacɯ yure ca tiicojo cojoricɯ cãare tuo n̄n̄jeegu tiimi. ⁴⁵ Yure ca ñagu cãa, yure ca tiicojo cojoricɯ cãare ñami. ⁴⁶ Yɯ, ca boerije ca niigra ati yeparure yɯ doowɯ, díamacū yure ca tuo n̄n̄jeerã, ca nait̄aropɯ cūja tuaticãjato ñigu. ⁴⁷ To ca bii pacaro yɯ ca wederijere tuocã pacagu, tee ca ñirore biro ca tii n̄n̄jeetigra, yɯ méé yɯ nii, ñañaro cūre ca tiipɯ. Yɯa bojocare ñañaro tiigu doogu méé yɯ doowɯ. Cūjare ametueneugu doogu yɯ doowɯ. ⁴⁸ Yure booti, yɯ ca wederijere t̄orugati, ca biigua mee, ñañaro cūre ca tiipure c̄o yerijãami. Yɯ ca wedejãrijera ca t̄jari rumɯ ca niirorure ñañaro cūre tiicãrucu. ⁴⁹ Yɯa, yɯ majurope yɯ ca boori wãmera wedegu méé yɯ ñi. Yɯ Pacɯ yure ca tiicojo cojoricurua, “Ate m̄a wederucu; atere m̄a bue majiorucu,” yure ñi cojowi. ⁵⁰ Yɯa, yɯ Pacɯ cū ca tii dotirijera, to birora caticōa niirique maquē ca niirijere añuro yɯ maji. To biri, yɯ ca ñirije cōrorena yɯ Pacɯ yure cū ca wede doti cojoricare birora yɯ wede —ĩwi.

‡ 12:36 “Ca boegɯ yɯ nii”. § 12:38 Is 53.1 ʘm̄reco Pacɯ, jãa ca wederijere j̄cū peera díamacū tuoticãma. ʘm̄reco Pacɯ cū ca yeri tutuarijere cū ca tii bau nii ñnorijere ca ñarã nii pacarã ña majiticãma. * 12:40 Is 6.10.

13

Cū buerā dūporire Jesús cū ca coerique

¹ Mee Pascua boje r̄m̄m̄ ea waaro biiw̄. Jesús pea, cū Pac̄u mena niiḡu waar̄uḡu, ati yepare cū ca waa weopa tabe ca ea waarijere majiupi. Cūa, ati yepa macārā cū yaarā cūre ca tuo n̄n̄j̄eerāre to birora ca maicā j̄uo dooricu niiri, buarop̄ura cū ca mairijere iñowi. ² Baarica tabe eacoaw̄u yua. Mee Satanás pea, Simón mac̄u Judas Iscariote peera, Jesús're cū ca wedejāapere cū ca t̄ugoeñarij̄ep̄ure cūre t̄ugoeña cōa jāacāupi. ³ Jesús pea, Ūm̄ureco Pac̄u p̄ator̄u cū ca dooriquere, ñucā Ūm̄ureco Pac̄u p̄ator̄ura cū ca tua waapere, to biri cū Pac̄u, niipetirij̄ep̄urena ca doti niiḡu cūre cū ca tiiriquere, majiwi. ⁴ To biri ca baa duwiric̄ura wām̄u n̄ucā, cū jutiro jotoa macārore tuu wee cūu, jutiro quejero amiri cū wēñarica daa c̄utiri tabe jia tuuwi. ⁵ To biro tiicā, jot̄u barap̄u oco waa priori, tee mena jāa, cū buerā dūporire coeri, jutiro quejero cū wēñarica daa c̄utiri tabe cū ca jia tuuricarō mena tuu bopo n̄n̄na waawi Jesús.

⁶ Simón Pedro dūporire coeḡu dooḡu cū ca tiirora, cū pea o biro iicāwi Jesús're:

—Wioḡu, ḡm̄, yu dūporire coeḡu dooḡu mu tiiti? —iwi.

⁷ To biro cū ca iiro, Jesús pea:

—Mecūacāra ména o biro yu ca tiirijere mu tuo puoti; jiro jañuri mu tuo puorucu ména —cūre iwi.

⁸ Pedro pea o biro cūre iwi ñucā:

—M̄ura, j̄icāti ūno peera yu dūporire m̄ure yu coe dotiti majuropeecārucu —iwi.

To biro cū ca iiro, Jesús pea o biro īi yūw̄wi Pedrōre:

—M̄u dūporire yu ca coetijata, yu yaarā mena mac̄u mu niiticārucu —cūre iwi.

⁹ To biro cū ca iiro, Pedro pea ñucā o biro cūre iwi:

—Wioḡu, to docare yu dūpori wadorena ȳure coeeto. Yu amori, yu d̄up̄uga cāare coeya —iwi Jesús're.

¹⁰ To biro cū ca iiro, Jesús pea:

—Mee, ca uwa coe yapanoric̄up̄ura, ðweri maniḡu cū ca niiro macā, cū dūpori wadore coerique boo. M̄uja, ca ðweri manirāre birop̄u m̄uja nii mee. Biirāp̄ua, niipetirāp̄ura to biro m̄uja biiti. Niimi j̄icū ñañarije ca t̄ugoeñarique c̄utiḡu; cū niimi m̄uja watoare ca ðweri c̄utigure biro ca niiḡu —cūre īi yūw̄wi Pedrōre. ¹¹ Niipetirāp̄ura, “Ōweri manirā wado m̄uja niiti” cū ca iijata, cūre ca wedejāa buiyecōap̄ure cūre majiri to biro jāare iwi Jesús.

¹² Jāa, cū buerā dūporire coe yapano, cū jutiro jotoa macārō cū ca tuu wee cūuricarore ami jāña, cū ca duwirica tabep̄ura ea nuu waa, o biro jāare iwi Jesús:

—ḡM̄ujare yu ca tiijārijere m̄uja tuo puoti? ¹³ M̄uja, ȳure “Jāare Ca Bueḡu,” “Jāa Wioḡu,” ȳure m̄uja īi. Díamac̄ura m̄uja īi: “Cūra yu nii”. ¹⁴ To biri yu, m̄ujare ca Bueḡura, m̄uja Wioḡura, j̄icū pade coteri maj̄ure biro m̄uja dūporire yu ca coejārōre birora m̄uja cāa, m̄uja majurope m̄uja dūporire ca ameri coeparā m̄uja nii. ¹⁵ J̄icā wāme m̄ujare yu t̄ii iñojāw̄u, m̄ujare yu ca tiijārōre birora m̄uja ca tiipere biro iiḡu. ¹⁶ Díamac̄u m̄ujare yu īi: Pade coteri maj̄u j̄icū ūno peera cū wioḡu amet̄uenero niitimi. Ñucā j̄icū ca doti cojo ecoricu cāa, cūre ca doti cojoḡu amet̄uenero niitimi.* ¹⁷ To biri atere tuo jeeñori teere m̄uja ca t̄ii niijata, añuro ūjea niirā m̄uja niirucu.

¹⁸ “M̄uja niipetirāp̄ure iiḡu méé” yu īi, biiḡur̄ua. Yua, yu ca beje jeericarāre yu maji. Ūm̄ureco Pac̄u wederiquere owarica p̄ūrop̄u: “Yu mena ca baa duwiḡura ȳure ca īa tutiḡu nii eacāmi,” cūja ca īi owarique ca īi rore birora ca biipe niiro bii.† ¹⁹ Mee, tee ca biiparo j̄uḡuero atere m̄ujare yu wede majio j̄uḡuecā, yu ca īiricarore biro ca biiro iarā, to birora ca niicōa niiḡu yu, yu ca niirijere m̄uja ca tuo n̄n̄j̄eepere biro iiḡu. ²⁰ Díamac̄u m̄ujare yu īi: Yu yee quetire yu ca wede doti cojoḡure añuro ca tuo n̄n̄j̄eeḡua, ȳurena

* 13:16 “Yu amet̄uenero ca nii majuropeera m̄uja niiti, to biri ati yepap̄ure niirā ‘Aperā amet̄uenero ca nii majuropeerā jāa nii,’ īitirāra, aperāre pade coteri m̄aja ca niiparā m̄uja nii,” iiḡu īiupi Jesús. † 13:18 Sal 41.9.

tuo nunujeegu tiimi. Ñucã yu ca wederijere ca tuo nunujeegu cãa, yure ca tiicojoricurena tuo nunujeegu tiimi —jãare ñi wedewi Jesús.

Judas cãre cã ca wedejãapere Jesús cã ca wederique

(Mt 26.20-25; Mc 14.17-21; Lc 22.21-23)

²¹ Teere to biro jãare ñi wede yapanogura, Jesús pea cã ca cati niirijepu buaro tugoeña yapa pua, díamacã o biro jãare ñi wede majiowi:

—Atere díamacã mujare yu ñi: Jĩcũ mũa mena macãra yure wedejãa buiyee cõacãgu doogu tiimi —jãare ñiwi.

²² To biro cã ca ñiro, jãa, cã buerã pea: “Cãre ñigu ñicumĩ” ñi majitima ñirã, jãa majuropeera jãa ameri ñacã duwi yujuwũ yua. ²³ Ména yu, buaro Jesús cã ca maigu pea, baarica tabere cã pũtoacã yu duwiwũ. ²⁴ Simón Pedro pea yure ña cojori, “¿Ñirure mũ ñiti?” cãre ñi jãĩñaña” ñigu, cã amori mena tii cõõñari, yaioroacã yure jãĩña doti cojowi.

²⁵ To biro yure cã ca ñi jãĩña dotiro ñari, yu pea Jesús pũto jañuriacã waari:

—Wiogu, ¿nii peti cã niiti? —cãre yu ñiwũ.

²⁶ To biro yu ca ñiro, Jesús pea o biro yure ñi yuñwi:

—Pan tabere weyori yu ca tiicojogu niimi —ñiwi. To biro ñigũra, pan quire weyori, Simón macã Judas Iscariote petire cãre tiicojocãwi. ²⁷ To biro cãre cã ca tiiro, pan quire cã ca ñeerije menara, Judas Iscariote yeripũre Satanás ñaajãa nũcãcoaupi mee. To biri Jesús pea o biro cãre ñiwi:

—Mũ ca tiipere yoari méé tiiya —ñiwi. ²⁸ To biro Jesús cã ca ñirijere, jãa, cã buerã to ca duwirã pea, jĩcũ peera jãa tuo majiticãwũ. ²⁹ Judas pea jãa yee wapa tiirica tiiri ca jãñari poare ca ña nunujeegu cã ca niiro macã, jĩcãrã jãa mena macãrã pea: “‘Boje rũmũ maquẽ apeye ñno wapa tiigũja,’ ñigu ñicumĩ,” ñiupa. “Ape tabera, ‘Ca boo pacarãre apeye ñno cãjare tiicojoguja,’ ñigu ñicumĩ Jesús,” ñi tugoeñacãupa. ³⁰ To biri Judas pea, pan quire cãre cã ca joa noniro, ami baa, witicoawi. To biro cã ca bii witi waari tabere mee ñamirũ niiwũ yua.

Wãma dotirique

³¹ Judas cã ca witi waaro jiro, Jesús pea o biro jãare ñiwi:

—Mecãra yu, Ca Nii Majuropeegu Macã, yu yee ca añu majuropeerijere mujare yu ññorucu. Ñucã yu menara mujare bii ññorucu, Ñmũreco Pacũ yee ca añu majuropeerijere cãa. ³² Yu, Ca Nii Majuropeegu Macã, Ñmũreco Pacũ cã ca tutua majuropeerijere yu ca ññorore birora, Ñmũreco Pacũ pee cãa, yu ca nii majuropeerijere ññorucumi. Yoari mééra teere tiirucumi. ³³ Yu puna yu ca mairã, mũa menare yoaro yu niitirucu. Mũa pea yure mũa amamirucu, judíos're yu ca ñirore birora mujare yu ñi mecãra: Yu ca waari tabepũre mũa waatirucu. ³⁴ To biri ati wãme wãma wãmere mujare yu tii doti: “Mũa ca niiro cõrora ameri maiña.” Mujare yu ca mairore birora mũa cãa, mũa ca niiro cõrora ameri mai niña. ³⁵ Mũa ca niiro cõrora mũa ca ameri mairo ñarã, yu buerã mũa ca niirijere niipetirã ña majirucuma —ñiwi.

“‘Cãre yu majiti,’ mũ ñirucu,” Pedrore Jesús cã ca ñirique

(Mt 26.31-35; Mc 14.27-31; Lc 22.31-34)

³⁶ To biro cã ca ñiro, Simón Pedro pea o biro ñi jãĩñawi Jesús're:

—Wiogu, ¿nooru waagu mũ tiiti? —cãre ñiwi.

To biro cãre cã ca ñiro, Jesús pea:

—Mecãra, yu ca waari tabepũre yure mũ nunũ waa majiti ména. Jiropũ docare, yu ca waari tabepũre yure mũ nunũ waarucu —ñiwi.

³⁷ To biro cã ca ñiro, Pedro pea o biro cãre ñiwi:

—Wiogu, ¿ñee tiigu mecãra mũre yu nunũ waa majitigajati? Mũ ca bii yaipa tabe ñnorena, mũre ca bii yai bojarũra niicãgu yu bii yua —ñiwi Jesús're.

³⁸ To biro cã ca ñiro, Jesús pea:

—Mũa, ¿díamacãra yure mũ bii yai bojaguti? Díamacã mũre yu ñi: Ñbocũ cã ca wedeparo jũguero, itiatu peti, “Jesús're yu majiti,” mũ ñi ditorucu —ñiwi Pedrore.

14

Jesús juori wado ʘmureco Pacu putopeure mani ea maji

¹ Ñucã o biro jãare ʘi nunña waawi Jesús:

—Tugoeñarique paiticãña muja. Tugoeñarique paitirãra, ʘmureco Pacu peere díamacũ tuo nunñjee, ñucã yu cãare díamacũ tuo nunñjee, tiicã niña. ² Yu Pacu cã ca niiri tabepure niirica taberi pau nii. To biro to ca biitijata, mee mujare yu wede yerijãabojacupa. To biri muja ca niipa taberire mujare queno yuegu waagu yu bii. ³ Tooru waa, muja ca niipa tabere queno yapano, yu doorucu ñucã, yu mena mujare jee waarugu. O biro yu ca tiiro, yu ca niiri tabera muja niirucu muja cãa. ⁴ Mee, muja maji yu ca waari tabepure ca nii eari maare —iwi.

⁵ To biro Jesús cã ca iiro, Tomás pea:

—Wiogu, “Tooru waacumi,” mure jãa ʘi majiti. ¿Do biro pee tiicãri, tii maare jãa majibogajati? —iwi Jesús're.

⁶ To biro cãre cã ca iiro, Jesús pea o biro cãre ʘi yuawi:

—Yu yu nii, tii maa, díamacũ wado ca iigu, caticõa niiriquere ca tiicojogu, yu juori wado yu Pacu putopeure ea waa majirique nii. ⁷ Díamacũra yure muja ca majijata, yu Pacu cãare muja majirucu. Mee mecũ menarura cãre muja maji yerijãa, cãre ca ʘa niirucujãrã niiri —cãre iwi Jesús.

⁸ To biro cã ca iiro, Felipe pea o biro iwi ñucã Jesús're:

—Wiogu, mu Pacure jãare ññoña. Tee menara jãare añucãrucu —cãre iwi.

⁹ To biro cãre cã ca iiro:

—Felipe, yoaro muja mena yu ca nii pacaro, ¿ména yure mu majiticãti? Mee yure ca iagua, yu Pacu cãare ʘami. ¿Nee tiigu mu pea, “Mu Pacure jãare ññoña,” yure mu ʘiti?

¹⁰ ¿Yu Pacu yurure nii, ñucã yu cãa yu Pacurure nii, jãa ca biirijere díamacũ mu tuo nunñjeeticãti? Mujare yu ca iirijere, yu ca tugoeñarora mujare iigu méé yu tii. Yu Pacu yurure ca niigura, cã paderiquere tiimi. ¹¹ Yua, yu Pacurure nii, yu Pacu pee cãa yurure nii, jãa bii, mujare yu ca ʘi wederijere díamacũ tuo nunñjeeya. Atere díamacũ muja ca tuotijata, yu ca tii niirije juori pee yure tuo nunñjeeya petopura.

¹² Yee méé mujare yu ʘi: Díamacũ yure ca tuo nunñjeegua, yu ca tiirije cãare tiirucumi. Ñucã yu ca tiirije ametuene jañuro tiirucumi. Mee, yu pea yu Pacu puto waacoagu yu bii. ¹³ Muja ca jãirije cõrorena jãirã, “Jesús cã ca dotiro mena teere yu ʘi” ʘicãri, ʘmureco Pacure muja ca jãirijere, muja ca jãirore biro yu tiirucu, yu, cã Macũ menarur, yu Pacu yee ca añu majuropeerijere to bii ñnojato iigu. ¹⁴ “Jesús cã ca dotiro mena teere yu ʘi,” ʘiri muja ca jãirije cõrorena, muja ca jãirore biro yu tiirucu.

Añuri Yerire cã ca tiicojo cojopere Jesús cã ca wederique

¹⁵ Yure muja ca majjata, mujare yu ca tii doti cõurijere, yu ca dotirore biro muja tii nunñjeerucu. ¹⁶ Yu pea, yu Pacurure apĩ yu jãirucu, muja ca tugoeña bayiro ca tiipũ, muja mena to birora ca niicõa niipũ, Añuri Yeri díamacũ ca iigure mujare cã tiicojojato iigu. ¹⁷ ʘmureco Pacure ca majitirã, cãre ʘati, cãre majiti, ca biicãrã niiri cãre ñee majitima. Muja pea cãre muja maji, cãa, muja mena to birora niicõa niimi. Ñucã to birora mujarure niicõa niirucumi. ¹⁸ Biigurua, ca pacu dia weo ecoricarãre biro mujare yu cõtirucu. Yu doorucu ñucã, muja mena niigu doogu. ¹⁹ Ca yoa waatirora, ʘmureco Pacure ca majitirã yure ʘa nemotirucuma. Muja pea yure muja ʘarucu, muja mena yu ca niirijere. Ca catigu niigu yu bii yua. To biri muja cãa, yure birora ca catirã muja niirucu. ²⁰ Tii ramũ ca earo, yu, yu Pacurure yu ca niirijere, muja cãa yurure muja ca niirijere, ñucã yu pee cãa mujarure yu ca niirijere, muja ʘa majirucu. ²¹ Yu ca dotirijere tuori, tee ca iirore biro ca tii nunñjeegu niimi, díamacũra yure ca maigu. Yure ca maigure, yu Pacu cãa cãre mairucumi. Yu cãa cãre mai, cãre yu ca mairijere cãre ñño, yu tiirucu —jãare ʘi wedewi Jesús.

²² To biro jãare cã ca iiro, Judas (Iscariote méé pea) Jesús're o biro cãre ʘi jãiñawi:

—Wiogu, mua ¿ñee tiigu ʘmureco Pacure ca majitirãre, mu ca niirique cõtirijere ñnotigura jãa wadore mu ñnoguti? —cãre iwi.

²³ To biro cū ca ĩiro, Jesús pea o biro cūre ĩi yuwi:

—Yure ca maigua, yu wederique ca ĩirore biro tii nunujeemi. To biro ca biigure, yu Pacu cūre mairucumi. To biri jāa puarāpura yu Pacu mena cū patoru doo, cū mena jāa niirucu. ²⁴ Yure ca maitigua, yu wederique ca ĩirore biro tii nunujeetimi. Ano mujare yu ca ĩirijere mija ca tuorijea, yu majurope tugoeñari yu ca wederije méé nii. Yu Pacu, yure ca tiicojo cojoricu yure cū ca wede dotirije niiro bii. ²⁵ Ména mija mena niigura, ate niipetirije mujare yu wede. ²⁶ Jiropura, tugoeña bayiricaro ca tiigu Añuri Yeri yure ca wajoagu, yu Pacu cū ca tiicojogu niipetirije mujare wede majio, ñucā mujare yu ca ĩirique niipetirijere mija ca majiro mujare tii, tiirucumi.

²⁷ ”Añuro niiriquere mujare yu cūu. Yu yee añuro niiriquere mujare yu tiicojo, yua, ati yepa macārā cūja ca tiicojorore biro méé mujare yu tiicojo. To biri tugoeñarique pai, uwi, biiticāña. ²⁸ ”Mee, waagu yu bii, mija mena niigu doogu yu doorucu ñucā,” yu ca ĩirijere mija tuoñawu. Díamacūra yure mija ca majjata, “Yu Pacu patoru waagu yu tii,” yu ca ĩirijere tuorā, buaro mija ujea niibojacupa. Cūa, yu ametuenero do biro ca tiiya manigu niimi. ²⁹ Mee atere, tee ca biiparo juguero mujare yu wede majio juguecā, yu ca ĩiricarore biro to ca biiro ĩarā, “Díamacūra manire ĩijari,” mija ĩirucu.

³⁰ ”To cōrora mija mena yu wederucu. Mee, doo yerijāami ati yepa macārāre ca doti niigu Satanás. Cūa, yure ca doti ametu nucāgu méé niimi biiguru. ³¹ Biiroru o birora ca biipe niiro bii, ati yepa macārā bojoca niipetirā, yu Pacu mai, yure cū ca tii doti cojoricarore birora tii, yu ca tiirijere cūja ca majipere biro ĩiro —jāare ĩwi Jesús. To biro jāare ĩi yapano:

—Wāmu nucāña. Jamu, mani waaco —jāare ĩwi.

15

Jesús, uje daa ca nii majuropeeri daa

¹ O biro ĩi cōña wedewi ñucā Jesús.*

—Yua, uje daa ca nii majuropeeri daare biro ca niigu yu nii. Yu Pacu niimi ca otegu. ² To biri ĩicā duru ca dica maniri duru to ca nijata, tii durure paa taa cōacāmi. To ca dica cutijata, tii dururi ca añutirijere paa jude bate, jee woo, tiimi, pañ jañuro to dica cutijato ĩigu. ³ Mee mija pea yu ca wederijere ca tuo nunujeerā niiri, ca ñañarije manirāpu mija nii. ⁴ Yu mena to birora niicōa niña. Yu cāa, mija menara to birora yu niicōa niirucu. Ca duru, uje daare puto cutitirora, tii duru wadora dica cuti majiti. Tii duru ca biitore birora, mija cāa yu mena to birora mija ca niicōa niitijata, añurijere mija tii majiticu.

⁵ ”Yu yu nii uje daa ca nii majuropeeri daa. Mija pea ca durure biro ca biirā mija nii. Yu menara ca niicōa niigua, ñucā yu pee cāa cū menara nii, yu ca biigua, pañ añurijere tii niirucumi. Yu mena niitirā, do biro mija tiiticu. ⁶ Yu mena ca niitigua, paa taa cōa ecori, pecameru cūja ca joepa duru ca jini cūa yujuri durure biiro niimi. ⁷ Mija, yu mena to birora niicōa nii, yu ca wederijere yu ca ĩirore biiro tii nunujeecōa nii, mija ca biijata, mija ca boorijere jāña. Mija tiicojo ecorucu. ⁸ Pañ añurije mija ca tii niirije mena, yu Pacu cū ca nii majuropeerijere tii nucū buo ecomi. O biro tiirā, yu buerā peti mija ca niirijere mija ĩño.†

⁹ ”Yu Pacu yure cū ca mairore birora mujare yu mai. To biri mujare yu ca mairijere camotatiiticāña. ¹⁰ Yu ca doti cūurijere yu ca dotirore biro mija ca tiicōa nijata, yu ca mairā mija niirucu, yu cāa, yu Pacu cū ca dotirijere tii nunujeeri, cū ca maigu yu ca niitore birora.

¹¹ ”Atere o biro mujare yu ĩi, yu ca ujea niitore birora cūja ujea nijato ĩigu. To biri buaro mija ujea niirucu. ¹² Ate nii yu ca dotirije: Mujare yu ca mairore birora, mija cāa ameri maiña. ¹³ Buaropura ca maigu niiriquea, mani mena macārāre bii yai bojarique niiro bii. ¹⁴ Yu ca dotirijere mija ca tijata, yu mena macārā niirā mija bii. ¹⁵ Pade coteri maja mujare yu ĩiti yua. Pade coteri majua, cū wiogu cū ca tiirijere majitimi. Yu

* 15:1 “Díamacūra yure ca tuo nunujeerā’ o biirije biima” ĩigu, atere to biro ĩi cōña wedewi Jesús. † 15:8 Gá 5.22ss.

mena macārã mǎjare yu ïi, yu Pacu yure cǔ ca ïirique niipetirore mǎjare yu ca wede peoticãrique ca niiro macã. ¹⁶ Mǎja mée yure mǎja beje amiwu. Yu pee mǎjare beje jeeri, añurijere cǔja tiirã waajato ïigu, mǎjare yu tiicojo cojowu, añurije mǎja ca tii niirije to birora to niicõa nijato ïigu. O biro mǎja ca tiiro, “Jesús cǔ ca dotiro mena atere yu ïi,” ïicãri cǔre mǎja ca jáiro, mǎja ca jáirije niipetiro mǎjare tiicojorucumi yu Pacu. ¹⁷ Atere mǎjare yu tii doti: “Mǎja ca niiro cõrora ameri maiña”.

“Ati yepa macārã manire ïa junarucuma,” Jesús cǔ ca ïirique

¹⁸ “Ati yepa macārã mǎjare cǔja ca ïa tutiro, yurǎrena cǔja ca ïa tuti juoriquere majiña. ¹⁹ Ati yepa macārã mǎja ca nijata, ati yepa macārã mǎjare maibocuma, cǔja yaarãre cǔja ca mairora birora. Yu pea ati yepa macārã watoa ca niirãre, mǎjare yu beje jeewu. To biri ati yepa macārã mǎjare ïa tuti jañuma, ati yepa macārã mée mǎja ca niiro macã. ²⁰ “Pade coteri maju jicǔ uno peera cǔ wiogu ametuenero niitimi,” mǎjare yu ca ïijãrijere tugoeñaña. † Ñañaro tiirugarã yure cǔja ca nunnaricarore birora mǎja cãare ñañaro tiirugarã mǎjare nunnarucuma. Yu ca wederijere cǔja ca tuo nunnaricarore birora mǎja ca ïirije cãare tuo nunnarucuma. ²¹ Yure ca tiicojo cojoricure ca majitirã niiri, ate niipetirije mǎjare tiirucuma, yu yee quetire cǔjare mǎja ca wederije juori. ²² Ati yeparu dooti, cǔjare wede majioti, yu ca biijata, ñañarije ca tii wapa tuatirã niicãbojacupa. Mecãra, cǔjare yu ca wede majiorije ca niiro macã, “Ñañarije ca tiirã mée jáa nii,” ïi majitima yua. ²³ Yure ca ïa tutirã, yu Pacu cãare cǔre ïa tutirã tiima. ²⁴ Cǔja watoare, jicǔ uno peera cǔ ca tiitirique unore cǔjare yu ca tii ïnotijata, jicã wãme uno peera ñañarije cǔja ca tiirijere wapa tuatibojacupa. Mecãra yu ca tii niirijere ïa yerijãama, teere ïacã pacarã yure ïa tuti, yu Pacu cãare ïa tuti, tiima. ²⁵ Atea biiorpua cǔja yee doti cūurique: “Ñee uno ñañarije ca tiitigurena yure ïa tutiwa,” cǔja ca ïi owarique ca ïiroke biro ca biipe niiro bii. §

²⁶ “Mǎjare ca wede majioru díamacǔ wado ca ïigu, Añuri Yeri yu Pacu cǔ ca tiicojogure yu ca tiicojo cojogu, yu Pacu mena ca nii juo dooricu eagu, yu yee maquere wede majiorucumi. ²⁷ Mǎja cãa, jicãtopura yu mena ca nii juoricarã niiri, yu yee maquere mǎja wederucu.

16

¹ “Díamacǔ yure mǎja ca tuo nucǔ buorijere to birora mǎja ca tugoeña bayicõa niipere biro ïigu, atere to biro mǎjare yu ïi. ² Juu buerica wiijeripura mǎjare acǔ wienerucuma. Niirucu ñucã, no ca boorã mǎjare jicãõari, “Umureco Pacu cǔ ca boorore biro tiirã mani tii,” cǔja ca ïi tugoeñapa cuu. * ³ Atere to biro tiirucuma, yure majiti, yu Pacu cãare majiti, ca biirã niiri. ⁴ Atere mǎjare yu wede majio, bojoca ñañaro mǎjare cǔja ca tiiri tabe ca earo, mǎjare yu ca wede majio yerijãariquere mǎja ca tugoeñapere biro ïigu.

Añuri Yeri cǔ ca tiirije

“Ate o biro mǎjare yu ca ïi wederijere jicãtopure mǎjare yu wedetiwa, mǎja menara niima ïigu. ⁵ Mecãra yure ca tiicojo cojoricu mena niigu waagu yu bii, mǎja pea jicǔ uno peera, “¿Nooru mu waati?” yure mǎja ïi jáiñati. ⁶ Yure jáiñaricarõ unora, o biro mǎjare yu ca ïi wederijerena mǎja tugoeñarique paicoa. ⁷ Díamacǔ mǎjare yu ïi: Mǎja peera mǎjare yu ca waa weocoaro peera añu. Yu ca waatijata, tugoeña bayiricarõ ca tiigu mǎja mena niigu dootibocumi. Yu ca waacoajata docare, yu majuropeera cǔre mǎjare yu tiicojo cojorucu. ⁸ Cǔ eagu, ati yepa macãrãre ïa majiricarora, cǔ niimi ñañarije ca tiigu, cǔ niimi ñañarije ca tiitigu, ñucã cǔ niimi Umureco Pacure ñañaro ca tii ecogu, ïi wede majiorucumi: ⁹ Ñiru cǔ niiti ñañarije ca tiigu: Yure ca tuo nunnarucumi. ¹⁰ Ñiru cǔ niiti ñañarije ca tiitigu: Yu, yu Pacu puto ca waagu, mǎja pea yure mǎja ïa nemotirucu yua. ¹¹ Ñiru cǔ niiti Umureco Pacu ñañaro cǔ ca tiigu: Ati yepare ca doti niigu Satanás, mee ñañaro cǔ ca tiiricu ca niigu.

† 15:20 Jn 13.16. § 15:25 Sal 35.19; 69.4. * 16:2 Hch 7.57-58.

¹² "Paṁ mʉjare yṁ ca ĩrṁgarije nii biirɔpa. Bʉari, mecʉacāra mʉja peera paṁ peti niimore biro mʉjare biibocu. ¹³ Añuri Yeri díamacʉ ca ĩḡṁ eagurɔ, niipetirijere díamacʉ mʉjare wede majiorucumi. Cʉa, cʉ ca tʉgoeñari wāme wedetirucumi. Niipetirije ʉmʉreco Pacʉre cʉ ca tʉorije wadore wederucumi. To biri ñucā, jiro ca biipe cāare mʉjare wede majiorucumi. ¹⁴ Yṁ yee ca niirijere jee upari mʉjare wede majio niḡṁ, yʉre ĩi nʉcʉ bʉo niḡṁ tiirucumi. ¹⁵ Niipetirije yṁ Pacʉ cʉ ca cʉorije yṁ yee nii. To biri, "Añuri Yeri yṁ yeere jee upari mʉjare wede majiorucumi," mʉjare yṁ ĩjāwɔ.

¹⁶ "Ca yoa waatirora yʉre mʉja ĩa nemotirucu. Biirāpʉa ñucā jiro jañuroacā yʉre mʉja ĩarucu ñucā —jāare ĩi wedewi Jesús.

Mʉja ca tʉgoeñarique pairije ʉjea niirique pee wajoarucu

¹⁷ To biirije Jesús cʉ ca ĩi wederijere tʉorā, jĳcārā jāa mena macārā o biro ameri ĩi jāiñawa:

—¿Do biro ĩrṁḡṁ atere: "Ca yoa waatirora yʉre mʉja ĩa nemotirucu yua, manire ca ĩḡṁ nii pacagɔ ñucā, jiro jañuropʉ yʉre mʉja ĩarucu ñucā, yṁ Pacʉ pʉtorɔ waagɔ yṁ ca biiro macā," manire cʉ ĩiti? ¹⁸ ¿Do biro ĩrṁḡṁ, "Ca yoa waatirora," cʉ ĩiti? To biro cʉ ca ĩirijere mani tʉo majiti majuropecā —ĩiwa.

¹⁹ Jesús pea teere cʉre cʉja ca jāiñaruga niirijere majiri, o biro ĩwi:

—Yʉa, o biro mʉjare yṁ ĩi wedejāwɔ: "Ca yoa waatirora yʉre mʉja ĩa nemotirucu. Biirāpʉa, jiro jañuroacā yʉre mʉja ĩarucu ñucā," mʉjare yṁ ĩjāwɔ. ¿Atere mʉja ameri jāiña niiti? ²⁰ Díamacʉ mʉjare yṁ ĩi: Bʉaro tʉgoeñarique pai, oti, mʉja biirucu, ati yepa macārā pea cʉja ca ʉjea niicāro. Biirɔpa mʉja ca tʉgoeñarique paimijata cāare, mʉja ca tʉgoeñarique pairijera ʉjea niirique pee mʉjare wajoarucu. ²¹ Jĳcō nomio macʉ cʉtirṁgo, bʉaro peti wijiomo, cō ca macʉ cʉtiri tabe ca earo. To biro bii pacago, cō macʉ cʉ ca baʉaro jirɔpʉra, ca punirijere tʉgoeñatimo yua, jĳcʉ bojocʉ ati yeparʉre cʉ ca baʉarijere ĩa ʉjea niima ĩḡo. ²² Cōre birora mʉja cāa mecʉacāre, ñañaro mʉja bii tʉgoeñarique pai. To biro mʉja ca biimijata cāare, yṁ pea jiro mʉjare yṁ ĩa nemorucu ñucā. To biro yṁ ca biiro ĩarā, mʉja yeripʉ bʉaro mʉja tʉgoeña ʉjea niirucu. Mʉja ca ʉjea niirijere jĳcʉ ʉno peera mʉja ca ʉjea nii yerijāaro mʉjare tii majitirucumi. ²³ Tii rʉmʉ ca earɔpʉra, bʉaro ʉjea niima ĩirā, jĳcā wāme ʉno peera yʉre jāiñarucu, mʉja tiiticārucu. Díamacʉ mʉjare yṁ ĩi: "Jesús cʉ ca dotiro mena atere yṁ ĩi," mʉja ca ĩi jāirije cōrorena, yṁ Pacʉ mʉjare tiicojorucumi. ²⁴ Ména jĳcā wāme ʉno peera, "Jesús cʉ ca dotiro mena atere yṁ ĩi," mʉja ĩi jāiti. Jāiña. Jāirā mʉja bʉarucu, bʉaro ʉjea niirā mʉja ca niipere biro ĩirā.

Jesús ati yepa maquē ñañarijere bii ametua nʉcāri maji

²⁵ "Atere ĩi cōoñarique mena wado mʉjare yṁ wederucujāwɔ. Biirɔpa mee ea dooro bii, ĩi cōoñarique mena mʉjare wedericaro maniro, tʉo majiricarora yṁ Pacʉ yee maquēre mʉjare yṁ ca wede majiopa tabe. ²⁶ Tii rʉmʉre, "Jesús cʉ ca dotiro mena atere yṁ ĩi," ĩicāri, yṁ Pacʉre mʉja jāirucu yua. "Yṁ, yṁ Pacʉpʉre mʉjare yṁ jāi bojarucu," ĩḡṁ méé yṁ ĩi, ²⁷ mee yṁ Pacʉ majuropeera mʉjare maimi. Yʉre mai, ñucā díamacʉra "ʉmʉreco Pacʉ cʉ ca tiicojoricʉra niimi," yʉre ca ĩi nʉcʉ bʉorā mʉja ca niiro macā. ²⁸ Yʉa, yṁ Pacʉ pʉto ca niiricʉ yṁ doowɔ, ati yeparʉre. To biri mecʉra ñucā yṁ Pacʉ pʉtorɔra tua waagɔ, ati yepa macārāre waa weo waagɔ yṁ tii —jāare ĩwi Jesús.

²⁹ To biro cʉ ca ĩiro, jāa, cʉ buerā pea o biro cʉre jāa ĩiwɔ:

—Mecʉ docare yua, ĩi cōoñaricaro maniro díamacʉ jāare mʉ wede. ³⁰ Mecʉra, niipetirijepʉrena mʉ ca majirijere jāa ĩa maji. To biri jĳcʉ ʉno peera mʉre jāa ca jāiña bʉa ñaaro mʉ booti. Ate jʉori, "ʉmʉreco Pacʉ pʉto ca dooricʉra niimi," díamacʉra mʉre jāa ĩi tʉo nʉnʉjee —jāa ĩiwɔ.

³¹ To biro jāa ca ĩiro, Jesús pea o biro jāare ĩi yʉwɔ:

—To docare, ¿mecʉpʉ díamacʉ yʉre mʉja tʉoti? ³² Mee earɔpʉ bii, mecʉra nii, mʉja niipetirāpʉra no ca boorora yʉre mʉja ca ũmaa weocoapa tabe. To biro yʉre mʉja ca bii weocāmijata cāare, yṁ jĳcʉra yṁ tuatirucu, yṁ Pacʉ yṁ menara cʉ ca niicāro macā. ³³ Ate niipetirijere to biro mʉjare yṁ ĩi wede, yṁ mena niima ĩirā, añuro niiriquere mʉja ca bʉa eapere biro ĩḡṁ. Ati yeparʉre niirā, ñañaro mʉja tamʉorucu. To biro bii pacarā, tʉgoeña

bayicãña. Mee, yua ati yepa maquẽ ñañarijere yu bii ametua nũcãcãwu —jãare ïi wedewi Jesús.

17

Cũ buerãre Jesús cũ ca juu bue bojarique

¹ To biro ïi yapano, emũaro pee ïa mũene, o biro ïi juu buewi Jesús:

—Cáacu, mee yũre mũ ca cõorica tabe easoa. Yu, mũ Macũre ïi nũcũ buoya. Yu, mũ Macũ pee cãa, mũre yu ïi nũcũ buorucu. ² Yu, mũ Macũre, bojoca niipetirã ametuenero doti majiriquere yũre mũ tiicojowũ, yũre mũ ca tiicojoricarãre to birora caticõa niiriquere cũ tiicojojato ïigu. ³ To birora caticõa niiriquere buariquea ate nii: Mũ, díamacũra Æmũreco Pacũ jĩcũra ca niigũre, ñucã yu, Jesucristo, mũ ca tiicojo cojoricũ cãare ca majirã, caticõa niiriquere buarucuma.* ⁴ Mee ati yeparũre niigu, mũre yu tii nũcũ buo niiwũ. Yũre mũ ca tii doti cojoriquere, mũ ca tii dotirore birora yu tii yapano. ⁵ Cáacu, mecũra ñucã ati yepa ca niiparo jũgueropũra mũ mena niigu ca nii majuropeegu yu ca niiricarore birora, mũ pũtopũ ca nii majuropeegu yu ca niiro yũre tiiya ñucã.

⁶ ”Ati yepa macãrãre beje jeeri, yũre mũ ca tiicojoricarãre mũre cũja ca majiro yu tiiwũ. Mũ jaarã niwa, mũ, cũjare yũre mũ tiicojowũ, cũja pea mũ wederiquere tuo nũnũjeewa. ⁷ Mecũra, niipetirije yũre mũ ca tiicojoriquere, mũpũ mũ ca tiicojorije ca niirijere majima. ⁸ Yũre mũ ca wede dotiriquere cũjare yu wedewũ. Cũja pee cãa teere yũre tuo nũnũjeewa. Mũ pũtopũ ca niiricũra yu ca dooriquere añuro majima. Ñucã mũ ca tiicojo cojoricũ yu ca niirije cãare díamacũ tuo nũnũjeema.

⁹ ”Cũja yee maquẽre jãi bojagu yu ïi. Yũre ca tuo nũnũjeetirãre jãi bojagu mée yu ïi. Yũre mũ ca tiicojoricarãre yu jãi boja, mũ jaarã cũja ca niiro macã. ¹⁰ Niipetirã yũre ca tuo nũnũjeerã, mũ jaarã niima. Ñucã niipetirã mũ ca cũorã, yu jaarã niima. Ca nii majuropeegu yu ca niirijere cũja menapũ bojocare bii ïño nii. ¹¹ Yua, ati yepara yu niicõa niitirucu. Cũja pee doca ati yepara tuarucuma. Yua, mũ pũtopũ waagu yu tii. Cáacu ca ñañarije manigu, mũ ca doti tutua niirije mena, doti tutua niirique yũre mũ ca tiicojorique mena, cũjare ïa nũnũjeeya, jĩcũre biro mani ca niirore birora, cũja cãa jĩcũre biro cũja ca niipere biro ïigu. ¹² Ména ati yepare cũja mena niigu, doti tutuarique yũre mũ ca tiicojorique mena cũjare ïa nũnũjee, ñañarije cũjare ca biirugarijere cũjare camota boja, yu tii niiwũ yũre mũ ca tiicojoricarãre. Cũja mena macũ jĩcũ ãno peera yaitiwi. Biigũpũa, mũ yee quetire cũja ca owarique ca ïirore biro to biijato ïigu, ca yairũ ca buaricũ wado yairucumi.

¹³ ”Mecũra mũ pũtopũra tua waagu yu tii. Biigũpũa atera, ati yeparũ cũja mena niigũra atere to biro yu ïi, cũja cãa, yu ca ñjea niirore birora cũja ñjea niijato ïigu. ¹⁴ Yũre mũ ca wede doti cojorijere cũjare yu wedewũ. Yu cãa ati yepa macũ mée yu ca niirore birora, cũja cãa ati yepa macãrã mée cũja ca niiro macã, ati yepa macãrã mũre ca majitirã pea cũjare ïa tuti jañuma. ¹⁵ ”Ati yepare ca niirãre mũ pũtopũ yoari mée cũjare jee cojocãña,” ïigu mée yu ïi biigũpũa. “Ñañarije cũjare ca biirugarijere cũjare camota bojaya,” ïigu pee doca, to biro mũre yu ïi. ¹⁶ Ati yepa macũ mée yu ca niirore birora, cũja cãa ati yepa macãrã mée niima. ¹⁷ Mũ majuropeera mũ jaarãre jee dica wooya, mũ yee díamacũ ca niirijere ca padeparãre. Mũ wederiquea, díamacũ ca niirije nii. ¹⁸ Ati yeparũre yũre mũ ca tiicojo cojoricarore birora, yu cãa anijare cũjare yu tiicojo cojo, ati yepa macãrãre mũ yeere cũja wede majiorã waajato ïigu. ¹⁹ Cũjare ïima ïigu yu majuropeera, mũ ca tii dotiricarore biro tiirũgũ, ca ñañarije manigu ami dica wooricũ yu nii ea, cũja cãa díamacũ ca niirije queti juori, ca ñañarije manirã nii ea, Æmũreco Pacũ cũ ca boorije peere ca tiirã nii, cũja ca biipere biro ïigu.

Cũre ca tuo nũnũjeerã niipetirãpũre Jesús cũ ca juu bue bojarique

²⁰ ”Anija wadore jãi bojagu mée, to biro mũre yu ïi. Niipetirã bojoca, yu yee quetire cũjare cũja ca wedero tuori, yũre ca tuo nũnũjeeparãpũ cãare cũjare yu jãi boja. ²¹ Cũja

* 17:3 Jn 14.7, 9; 16.3; 17.25; 1Jn 2.3-6, 13-14.

niipetirãpure, “Añuro jĩcãri cõro cõja nijato” ïigu, atere to biro mure yu ïi. “Cáacu, yu, mu mena nii, mu pee cãa yu mena nii, mani ca bii niimore birora, cõja cãa jĩcãri cõro añuro mani mena cõja ca niiro tiya,” yu ïi, ati yepa macãrã mure ca tuo nunjeetirã, mu ca tiicojo cojoricu yu ca niirijere díamacũ cõja ca tuo nunjeepere biro ïigu.

²² ”Ca nii majuropeegu yu ca niiro yure mu ca tiicarore birora, yu cãa ca nii majuropeera cõja ca niiro cõjare yu tiwũ, jĩcãre birora mani ca niimore birora, cõja cãa jĩcãre birora cõja nijato ïigu. ²³ Yu pea, cõjapure nii, mu pea, yurure nii, mani bii. Añuropura jĩcãri cõro cõja ca nii earo cõjare tiya. To biro mu ca tiiro ati yepa macãrã, mu ca tiicojo cojoricu yu ca niirijere, ñucã yure mu ca mairore birora cõjare mu ca mairijere, ïa majirucuma. ²⁴ Cáacu, mu, yure mu ca tiicojoricarã cãa, yu ca niipa tabepura yu mena cõja ca niiro yu boo, ca nii majuropeegu yu ca niirijere yure mu ca tiicojorique cõja ïajato ïigu; mee, mua ati yepare mu ca tiiparo jũgueropura yure mu mai juo doowũ.

²⁵ Cáacu añugũ, ména ati yepa macãrã mure cõja ca majiti pacaro, yu pea mure yu maji. Anija yu mena ca niirã cãa, mu ca tiicojo cojoricu yu ca niirijere majima. ²⁶ Mu ca niirique cutirijere cõjare yu ñnowũ. Ñucã to birora yu ñnocã nunna waarucu, yure mu ca mairije cõjapure nii, ñucã yu majuropeecã cõjapurena niicã, yu ca biipere biro ïigu —ïi juu buewi Jesús.

18

Jesús're cõja ca ñeerique

(Mt 26.47-56; Mc 14.43-50; Lc 22.47-53)

¹ Atere ïi yapano, Jesús, jãa, cã buerãre, dia maa Cedrón ape nuñaru jãare juo waacoawi. Toopure niwũ jĩcã yepa ote yucu ca niiri yepa. Tii tabepũ jãare juo owa waawi.

² Judas, Jesús're ca wedejãa buiyee cõagu cãa, tii tabere majiwi, paũ tiiri Jesús jãare cũ ca juo waarucurique ca niiro macã. ³ To biri Judas, jĩcã puna uwamarã, paia uparã, fariseos, cõja ca doti cojoricarã, jĩcãrã ðmureco Pacu yaa wiire coteri maja mena, beju cuticãri, jĩcãrã, uje pio jãari jãa boerica coori mena jãa boe, aperã yucugũ yapa upa burua jia tuuri jãa boerique mena jãa boe, ca tii dooricarã mena toopũ eawi.

⁴ Mee Jesús pea niipetirije cãre cõja ca tiipere ca maji peoticãgu niiri, cõjare boca nũcãri, o biro cõjare ïi jãinãwi:

—¿Ñirure mũa amaati? —ïwi.

⁵ To biro cũ ca ïi jãinãro:

—Jesús, Nazaret macũre jãa ama —ïiwa. To biro cõja ca ïiro Jesús pea:

—Yu yu nii —cõjare ïwi. Judas, Jesús're ca wedejãa buiyee cõagu cãa toora cõja mena niwi. ⁶ “Yu yu nii,” Jesús cõjare cũ ca ïirora duwi tua tua waa, yeparũ ñaacũmucoawa.

⁷ Jesús pea ñucã:

—¿Ñirure mũa amaati? —cõjare ïi jãinã nemowi.

Cõja pea:

—Jesús, Nazaret macũre jãa ama —cũre ïiwa ñucã.

⁸ Jesús pea o biro cõjare ïwi ñucã:

—Mee, “Yu yu nii” mũjare yu ïijãwũ. Yure mũa ca amajata, anija yu mena macãrã peera ñeeticãña —ïwi Jesús.

⁹ Ate pea cũ majuropeera: “Cáacu, yure mu ca tiicojoricarã jĩcũ uno peera yaitiwa,” cũ ca ïiricarore biro to biijato ïiro biiwũ.* ¹⁰ To cõrora Simón Pedro pea niipĩ ca cõoricũ niiri yoo wee amiri, paia wiogure ca pade cotegu Malco ca wãme cutigu amopero díamacũ nuña peere paa taa ñoocã cojowi. ¹¹ To biro cũ ca tiiro ïari, Jesús pea:

—Ca niirica tabepura niipĩre queno cũuña. Yu Pacura, ñañaro yu ca tamũoro cũ ca boojata, cũ ca dotirore birora ñañaro yu ca biipera niicãro bii —ïwi Jesús.

Anás yaa wiipũ Jesús're cõja ca ami waarique

(Mt 26.57-58; Mc 14.53-54; Lc 22.54)

* 18:9 Jn 6.39.

¹² Uwamarã cūjare dotiri maju mena, to biri judíos yaará uwamarã ʘmureco Pacu yaa wiire coteri maja mena, Jesús're ñeeri cūre jia, ¹³ Anás yaa wii pee cūre ami waa juowa. Cū pea tii cūmare paia wioḡu ca niigū Caifás mañicu niwi. ¹⁴ Ani Caifás pea, judíos're: “Bojoca niipetirāpūre jīcūra cū ca bii yai bojaro añu,” ca ñi wede majoricūra niupi.

“Jesús're yu majiti,” Pedro cū ca ñirique

(Mt 26.69-70; Mc 14.66-68; Lc 22.55-57)

¹⁵ Jesús're cūja ca ami waaro, Simón Pedro mena cūre jāa nūnu waawu. Yu pea paia upu cū ca majigu niiri, Jesús menara paia upu yaa wii macā yeparu yu jāacoawu. ¹⁶ Simón Pedro pea, macā yeparura tii wiire camotaarica janiro macā joperura tua nucācāwi. To biri yu pea, paia upu cū ca majigu niiri, jopere ca cotegore cōre yu wedegu waawu. To biro cōre yu ca ñiro, Simón Pedro cāare cūre jōene cojowo. ¹⁷ Jopere ca cotego pea cū ca jāa dooro o biro cūre ñi jāiñawo Simón Pedrose:

—¿Mua, Jesús buerā mena macū méé mu niiti? —cūre ñiwo.

To biro cō ca ñiro, Simón Pedro pea:

—Cū méé yu nii yua —cōre ñicāwi.

¹⁸ Tii ñamire buaro ca yuḡaro macā, paia wioḡure pade bojari maja, to biri ʘmureco Pacu yaa wiire coteri maja mena pecame diori, to juma nucū cojowa. To biro cūja ca biiro, Pedro cāa cūja mena peca juma niwi.

Paia wioḡu Jesús're cū ca jāiñarique

¹⁹ Paia wioḡu pea Jesús're o biro cūre ñi jāiña juupi:

—¿Noa uno peti cūja niiti, mu buerā? ¿Ñee unore cūjare mu buerucuti? —cūre ñi jāiñaupi.

²⁰ To biro cūre cū ca ñi jāiñaro, Jesús pea o biro cūre ñiupi:

—Niipetirā bojoca cūja ca tuo cojoropu yu wederucujāwu. To cānacā tiira, nea poo juu buerica wiijeripu, ʘmureco Pacu yaa wiipu, judíos niipetirā cūja ca nea pooropu yu wederucujāwu. Jīcāti uno peera yairopu wede, yu tiitirucujāwu. ²¹ ¿Ñee tiigu yure mu jāiñati? Yu ca wederijere ca tuorucujārā peere cūjare jāiñaña. Cūja, “To biirije ñirucujāwi,” mure cūja ñijato, cūja majima cūjare yu ca wederucujārijere —ñiupi.

²² O biro Jesús cū ca ñirije menara, jīcū uwamu ʘmureco Pacu yaa wiire ca coterā mena macū cū puto ca nucūricu cū diāmacūre paari, o biro ñiupi:

—¿Paia wioḡurena o biirijera cūre mu ñi yucāti? —ñiupi.

²³ To biro cūre cū ca tiiro, Jesús pea o biro cūre ñiupi:

—¿Ñañarije yu ca ñijata, ñee uno pee ñañarije yu ñijāri? Yure wedeya. Díamacū yu ca ñirije to ca nii pacaro, ¿ñee tiigu yure mu paati? —ñiupi.

²⁴ To cōrora Anás pea Jesús're cūre jiarī, paia wioḡu Caifás pūtopu ami waa dotiupi.

“Jesús're yu majiti,” Pedro cū ca ñi nemorique

²⁵ Ména Pedro pea, toora peca jumacā nucūwi. Too cū ca juma nucūrucuro:

—¿Mu cāa, ñi buerā mena macū méé mu niicātimiti? —cūre ñi jāiñawa.

Pedro pea:

—Cū méé yu nii —cūjare ñi ditocāwi.

²⁶ To biro cū ca ñiri tabera, jīcū paia upure pade coteri maja mena macū Pedro cū ca amopero pataricu yee wedegu peti:

—¿Jesús mena ote wejepu mu ca niiro, yu ca ñajāḡu méé mu niicātimiti? —cūre jāiñawi.

²⁷ To biro cū ca ñiro, Pedro pea cūre ñi ditocāwi ñucā. To biro cū ca ñi niiri tabera, ābocu wedecoawi yua.

Pilato pūtopu Jesús're cūja ca ami waarique

²⁸ Jiuro, Caifás yaa wii ca niiricure tii yepa macārā upu romano cū ca niiri wiipu ami waawa ñucā Jesús're. Mee ca boe mua doori tabepu ca niiro macā, judíos pea tii wiipu mani ca jāacoajata, mani ñicū jāa cūja ca biitiriquere mani biibocu, to biro biicāri Pascua boje rumu mani ca tii niirucurijere cūja ca tiiro ñañarā nii cote, baarique cāare baati,

mani biibocu ĩima ĩirã, jãa waatiupa. ²⁹ To biro cūja ca biiro macã, Pilato pea cūja mena wede penigu doogu witi doori, o biro cūjare ĩi jãĩnawi:

—¿Anire, ñee uno ñañarije cū ca tiirique juori cūre mūja wedejãarã doojãri? —cūjare ĩiwi.

³⁰ To biro cūjare cū ca ĩiro, o biro cūre ĩi yũwa:

—Ñañarije ca tiitigu cū ca niijata, mū putoꝝ cūre jãa ami dootibojacupa —cūre ĩiwa.

³¹ To biro cūja ca ĩiro, Pilato pea o biro cūjare ĩiwi:

—Mūjara cūre ami waari, mūjare ca dotirije ca ĩirore biro cūre jãĩña bejeja —ĩiwi.

To biro cūjare cū ca ĩiro, judíos uparã pea o biro cūre ĩi yũwa:

—Jãa, judíos'ra, jĩcũ uno peerena jãa ca jĩa cõa dotirije mani —ĩiwa. ³² O biro bii eawũ, “O biri wãme yũ tii yaio ecorucu,” Jesús cū ca ĩirique.

³³ To biro cūja ca ĩiro, ñucã Pilato pea cū yaa wiipũ jãa waa, Jesús're juo cojo, o biro cūre ĩi jãĩnaupi:

—¿Mũa judíos wiogũra mū niiti? —cūre ĩiupi.

³⁴ To biro cū ca ĩiro, Jesús pea o biro cūre ĩiupi:

—¿Teere mū majurope jãĩnagu mū ĩiti, aperã yũ yee maquẽre mure cūja ca wederije juori, to biro yũre mū ĩi jãĩnatiquẽ? —ĩiupi.

³⁵ To biro Jesús cūre cū ca ĩiro, Pilato pea o biro cūre ĩiupi:

—¿To docare yũa judío yũ niiti? Cũ méẽ yũ nii nija yũ. Mū yaarãra, paia uparãra, yũpũre mure nonirã dooma. ¿Ñee uno mū tii bui cutijãri? —cūre ĩiupi.

³⁶ Jesús pea o biro cūre ĩi yũnaupi:

—Ati yepa macũ wiogu méẽ yũ nii yũ. Ati yepa macũ wiogu yũ ca niijata, yũre ca jãarãre cūjare ca jĩa camotaparãre yũ cõobocu, judíos'pũre yũre cūja ca tiicojo cõatipere biro ĩigu. Yũ ca doti niiri tabea ano méẽ nii —ĩiupi.

³⁷ To biro Jesús cū ca ĩiro, Pilato pea o biro cūre ĩi jãĩnaupi ñucã:

—¿To docare mũa wiogu mū niiti? —cūre ĩiupi. To biro cūre cū ca ĩiro, Jesús pea o biro cūre ĩi yũnaupi:

—Mũra, “Wiogu mū nii,” yũre mū ĩi doca. Yũa, aterena biirũgu yũ baawũ. Ñucã aterena biirũgu ati yeparũre yũ doowũ, díamacũ maquẽre wede majiogu doogu. To biri díamacũ maquẽre ca amarã niipetirã, yũ ca wederijere tuo nunũjeema —cūre ĩiupi.

³⁸ To biro cū ca ĩiro Pilato pea:

—¿Ñee to niiti, díamacũ maquẽ mū ca ĩirije? —cūre ĩi jãĩnaupi Jesús're.

Jesús're cūja ca jĩa dotirique

(Mt 27.15-31; Mc 15.6-20; Lc 23.13-25)

Jesús're o biro cūre ĩi jãĩña yapano, judíos mena wedegu witi eawi ñucã Pilato. O biro ĩiwi:

—Anire jĩcã wãme uno peera ñañarije cū ca tiiriquere yũ buati. ³⁹ Biirãpũa mūja pea Pascua boje rũmũ ca niiro, tia cūurica wiipũ ca niigũre jĩcũ yũ ca wienero mūja ca boorucurije nii, ¿to biri ani “Ani Judíos Wiogũre” yũ ca wienero mūja booti? —cūjare ĩiwi.

⁴⁰ To biro cū ca ĩi jãĩnarora niipetirãpũra o biro ĩi acaro buiwa ñucã:

—¿Wieneticãña cũra! ¿Barrabás peere wieneña! —ĩi acaro buiwa. (Barrabás pea jee dutiri majũ niwi.)

19

¹ To cõrora Pilato pea Jesús're ami waari, cūre bape dotiupi. ² Uwamarã pea cūre bape yapano, pota mena upa beto cūja ca quenorica betore Jesús dũpũgare peo, jutiro buaro ca jũarito, wiogu cū ca jãĩnarito uno cūre jãa, tiupa. ³ To biro tiicãri cū díamacũre paarãra:

—¿Judíos Wiogu to birora cū caticõa niijato! —cūre ĩi bui epeupa.

⁴ Pilato pea ñucã witi doo, o biro ĩiwi judíos're:

—Maa, ãaña. Ani cūre yũ ami witi doo, jĩcã wãme uno peera ñañarije cū ca tiiriquere buatijari, mūja ca ĩi ãa majipere biro ĩigu —cūjare ĩiwi. ⁵ Jesús pea pota beto cū dũpũgare

cūja ca peoricu, ñucā jutiro ca jūarito cūja ca jāaricu witi eawi. To biro cū ca biiro, Pilato pea:

—Ani niimi —cūjare ñiwi.

⁶ Paia uparā, to biri uwamarā ʘmureco Pacu yaa wiire coteri maja cūre ñarāra, o biro ñi acaro bui j̄uo waawa:

—¡Yucu tenip̄u cūre paa pua tuu cōacāña! ¡Yucu tenip̄u cūre paa pua tuu cōacāña! —ñiwa.

To biro cūja ca ñiuro Pilato pea:

—M̄ja majurope cūre ami waari, yucu tenip̄u cūre paa pua tuurāja. Ȳna, anira, j̄icā wāme ʘno peera ñañarije cū ca tii bui cutirica wāmere yu buati —cūjare ñiwi.

⁷ To biro cū ca ñiuro, judíos uparā pea o biro cūre ñi ȳuwa:

—Jāa, j̄icā wāme jāare ca dotirije jāa c̄uo. To biri ca dotirije ca ñiurore biro ca boapu niimi, cū majuropeera, “ʘmureco Pacu Macū yu nii,” jāare cū ca ñi ditorije j̄uori —cūre ñiwa.

⁸ To biro cūja ca ñirijere tuori, Pilato pea buaro jañuro uwi tugoeñaupi. ⁹ To biri Pilato pea ñucā cū ca niiri tabep̄u jāa waari, o biro ñi jāiñaupi Jesús're:

—¿M̄na, noo macū peti m̄u niiti? —cūre ñiupi. To biro cū ca ñi jāiñamijata cāare, Jesús pea cūre ȳuatiupi. ¹⁰ To biro cū ca biiro, Pilato pea:

—¿Ñee tiigu ȳure m̄u ȳuatiiti? ¿M̄na, yucu tenip̄u paa pua tuu cōa doticā, ñucā ñañaro cūja ca tiirugarijere camota bojacā, ca tii doti majigu yu ca niirijere m̄u majititi? —cūre ñiupi.

¹¹ To biro cū ca ñiuro, Jesús pea o biro cūre ñi ȳuupi:

—J̄icā wāme ʘno peera ȳure m̄u ca doti majirijere m̄u cuotibojacupa, ʘmureco Pacu m̄ure cū ca tiicojoticājata. To biri m̄up̄ure ȳure ca wedejāa buiyee cōaricu pee doca, m̄u ametuenero ñañarije ca tii bui cutiricu niimi —ñiupi.

¹² To biro cū ca ñiuri tabep̄ura, Pilato pea Jesús're wienerugu buaro tugoeña ama peoticāmiupi. Judíos pea yerijāari méé, o biro cūre ñi acaro buiwa:

—Cūre m̄u ca wienecājata, César mena macū méé m̄u nii. No ca boogu, cū ca boorora wiogu ca jāagna, wiogu romano César waparā ȳu peti niigu biimi —cūre ñiwa.

¹³ Pilato pea o biirije cūre cūja ca ñiuro tuori, Jesús're ami witi waari uparā cūja ca duwiri tabep̄u ea nuucoawi, ũtā mena cūja ca tiirica tabe, arameo wederique menara Gabatá cūja ca ñiuri tabep̄u. ¹⁴ Tii rum̄u pea Pascua boje rum̄u j̄ugueru macā rum̄ure jotoa decomacā cōro niwu. Pilato pea o biro cūjare ñiwi judíos're:

—Ani niimi m̄ja wiogu —cūjare ñiwi.

¹⁵ To biro Pilato cū ca ñiuro, cūja pea o biro ñi acaro buiwa:

—¡Cū boajato! ¡Cū boajato! ¡Yucu tenip̄u cūre paa pua tuu cōacāña! —ñiwa.

To biro cūre cūja ca ñiuro tuogu, Pilato pea o biro cūjare ñiwi:

—¿Ñee tiigu m̄ja wioguarena yucu tenip̄u cūre yu paa pua tuu cōa dotibogajati? —cūjare ñiwi.

To biro cū ca ñiuro, paia uparā pea o biro cūre ñi ȳuwa:

—Jāa, j̄icūra jāare ca dotigu wiogu César wadore jāa c̄uo —ñiwa.

¹⁶ To biro cūja ca ñiuro, Pilato pea Jesús're cūja paa pua tuu cōarā waajato ñigu cūjare tiicojocāwi. To biri cūja pea Jesús're amicoawa yua.

Jesús're cūja ca paa pua tuu cōarique

(Mt 27.32-44; Mc 15.21-32; Lc 23.26-43)

¹⁷ Jesús pea cūre cūja ca paa pua tuupa teni yucu tenere pujaricu witi waawi, “Dupuga Ōaro” (hebreo wederique menara “Gólgota”) ca wāme cutiri tabep̄u waagu. ¹⁸ Toop̄u cūre ami eari, puarā watoa cūre paa pua tuu n̄ucōwa. J̄icū cū díamacū nuña pee, ap̄ire cū acō nuña pee, cūjare paa pua tuu n̄ucōwa. ¹⁹ Ñucā Pilato pea: JESÚS NAZARET MACŪ NIIMI, JUDÍOS WIOGU —ñi owa tuurique ca tujari p̄ire cū jotoare paa pua tuu doti cojoupi.

²⁰ To biro ñi owa tuurique ca tujari p̄ire pau judíos buewa, Jesús're cūja ca paa pua tuu

nucōrica buuro macã putoacã ca niiro macã. Tii pĩire owarique pea hebreo wederique mena, griego wederique mena, romano wederique mena, owarique niuwũ.

²¹ To biri paia uparã judíos pea o biro iũupa Pilatore:

—“Judíos Wioꝝ niimi,” iĩ owa tuuticãña. “Ani niimi, cũ majuropeera, ‘Yũ yũ nii Judíos Wioꝝ,’ ca iĩrucuꝝ,” iĩ owa tuuya —cũre iũupa.

²² To biro cũja ca iĩro, Pilato pea:

—Mee, yũ ca owariquerũa to birora tuaro bii —cũjare iĩ yũũupi.

²³ Uwamarã pea Jesús're paa pua tuu yapanori, cũ jutirore amiri, bapari quejeri yega batori, cũja ca niiro cōro ameri dica woowa. Ñucã cũ jutiro doca macãro cãare ami, tiiro pea ee ãpõtioña maniro jĩcã daara cũja ca juaricaro ca niiro macã, ²⁴ uwamarã pea cũja majurope o biro ameri iĩwa:

—Atirora mani yega bateticãjaco, “iĩ buarique mena pee mani iĩjaco, ñiru peti tiirore cũ ca iĩ buaro,” iĩrã —iĩwa. O biro bii eawũ, Æmureco Pacũ yaa pũuroperẽ: “Yũ jutiro jotoa macãrore cũja majurope ameri dica woo, ñucã doca macãro cãare iĩ buarique mena iĩ bua, tiiwa,” cũja ca iĩ owarique.* Uwamarã o biri wãme peti tiicãwa.

²⁵ Jesús're cũja ca paa pua tuu nucōricaro putore, cũ paco, cũ paco yee wedego Cleofas nũmo María, to biri apeo María Magdalena, niwa. ²⁶ Jesús pea cũ pacore ãa, to biri yũ, cũ bueꝝ, buaro cũ ca maigu cõ puto yũ ca niiro ãari, o biro cõre iĩwi cũ pacore:

—Nomio, mee toora niimi mũ macã —iĩwi. ²⁷ To biro cõre iĩ yapano, yũ, cũ bueꝝ peere:

—Mee toora niimo mũ paco —yũre iĩwi. O biro yũre cũ ca iĩricaro jiro, yũ pea, yũ yaa wiirũ cõre yũ amicoawũ.

Jesús cũ ca bii yairique

(Mt 27.45-56; Mc 15.33-41; Lc 23.44-49)

²⁸ Ate jiro Jesús pea, mee niipetirije Æmureco Pacũ cũ ca dotiriquere cũ ca tii yapanocãrijere majiri, ñucã Æmureco Pacũ wederiquere cũja ca owa tuurica pũuroperũ ca iĩrore biro to bii yapano eajato iĩꝝ, o biro iĩwi:

—Yũ oco jinirũga —iĩwi. ²⁹ Toore niuwũ jotũ urua uje oco ca piyarije ca niiri rũ. To biri cũja pea to biro cũ ca iĩro tuori, uje oco ca piyarijere upa jitia mena weyo, yucũꝝ hisopogũ dũpũpũ jia tuu, Jesús ujerore juu tuu waa, cũ jinijato iĩrã. ³⁰ To biro cũja ca tiiro, Jesús pea tee uje oco ca piyarijere neniña yapano, o biro iĩwi:

—Mee niipetirijerũrena yũ tii yapano peoticã —iĩwi. To biro iĩ yapano cũ dũpũgare muu cõa yoo, bii yaicã yerijãa waawi Jesús.

Jesús warure cũ ca jadeorique

³¹ To biro Jesús're cũja ca tii cõari rũmũ pea, Pascua boje rũmũ jũguero macã rũmũ niuwũ. Judíos pea cũja ca yerijãari rũmũre cũja upũri niiquĩrique yucũ teniripũra ca tujaro bootiupa, cũja ca yerijãari rũmũ ca nii majuropeeri rũmũ peti ca niiro macã. To biri, “ ‘Mũ uwamarãre, cũja ñicãrĩre paa pee, ñucã cũja upũri niiquĩrique cãare yoari méé jee duwio, tiirãja’ cũjare iĩ cojoya,” cũre iĩrã waupa Pilatore. ³² To biri uwamarã cũja putopũ doori, Jesús mena cũja ca paa pua tuuricarã ñicãrĩre, ca nii jũogũ ñicãrĩre paa pee, jiro ñucã apĩ cãare paa pee, tiiwa. ³³ Jesús puto earã pea, ca bii yaicoaricũpũre cũre ãawa. To biri cũ ñicãrĩre paa peetiwa.

³⁴ To biro bii pacarã, jĩcũ cũja mena macã cũ jadericaro mena Jesús warure jadeocãwi. To biro cũ ca tiiro díi, oco, witiwũ. ³⁵ Ate yũ ca wederijere yũ majuropeera yũ ãawũ. To biri mũjare yũ ca wederijea díamacã niiro bii. Ñucã yũ ca iĩrijea, díamacãra ca niirijere yũ maji, mũja cãa, teere mũja ca tuo nũnjeeperẽ biro iĩꝝ. ³⁶ Atea, Æmureco Pacũ yee wederiquere cũja ca owa tuurica pũuroperẽ: “Jĩcã õaro uno peerena cũre paa peetirucuma,”† cũja ca iĩ owa jũguequĩrique ca iĩrore biro to bii eajato iĩro to biro biuwũ.

* 19:24 Sal 22.18. † 19:36 Ex 12.46; Nm 9.12; Sal 34.20.

³⁷ To biri ñucã ape tabe peera Ƴmũreco Pacu wederique o biro ñi: “Jĩcũ, cũja ca jadeoricure ñarucuma,” ñi.† Tee bii earo biiupa.

Jesús're cũja ca yaarique

(Mt 27.57-61; Mc 15.42-47; Lc 23.50-56)

³⁸ Ate niipetirije ca biiro jiro José Arimatea macã macũ, Jesús upũri niiquĩrique ami waarũgu, Pilatore jãiuupi. José cãa Jesucristore ca tuo nunũjeegu niuupi. Bii pacagu, bau niiro bii ñnotiupi, uparã judíos're uwima ñigu. Pilato, Jesús upũrire cũ ca ami waa dotiro, José pea waa, Jesús upũrire amicoaupi. ³⁹ Ñucã Nicodemo, jĩcãti Jesús mena ñamipũ ca wede penigũ earicũ cãa, treinta y cuatro kilos cõro ca juti añurijere, mirrare áloe mena ayariquere jecãri eaupi. ⁴⁰ To biri José, Nicodemo mena, juti quejerire ca juti añurije cũja ca wadarique mena Jesús upũri niiquĩrique ũmaaupã, judíos, ca bii yairicure yaa cõarã cũja ca tiirucurore biro tiirã. ⁴¹ Jesús're cũja ca paa pua tuu nũcõrica tabere jĩcã weje ote weje niuwũ. Tii wejẽpũre niuwũ maja ope wãma ope, ména jĩcũ Ƴno peerena ca yaaya maniri ope. ⁴² Judíos cũja ca yerijãari rũmũ ea waaropũ ca biiro macã, ñucã maja ope pee cãa pũtoacãra ca niiro macã, tii opera Jesús're cũre yaawa.

20

Jesús cũ ca cati tuarique

(Mt 28.1-10; Mc 16.1-8; Lc 24.1-12)

¹ Ape semana ca nii juori rũmũ boeri tabere, meepũ ca naitĩa jañuropũra María Magdalena pea Jesús're cũja ca yaaricarõ maja operũ ñago waacoaupõ. Toopũ eago, maja ope jãa waarica tabere cũja ca biaricaga ũtãga ami wooricaropũ ca niiro ñaupõ. ² To cõrora ũmaa tua doo, Simón Pedro, yũ, Jesús buaro cũ ca mairicũ mena jãa ca niuropũ ũmaa eari, o biro jãare ñiwo:

—Mani Wiogũ niiquĩricũ upũrire amicoajapa. “Too pee cũre cũujacupa,” ñi majiña mani —jãare ñi wedewo.

³ To biro cõ ca ñiro tuori, jãa pũarãpũra Simón Pedro mena, Jesús're cũja ca yaarica operũre jãa ñarã waacoawũ. ⁴ Pũarãpũra ũmaarique mena jãa waawũ. Yũ pea Simón Pedro ametũene jañuro yũ ũmaa bayiwũ. To biri cũ juũguero, Jesús're cũja ca yaarica operũ yũ ũmaa eacoawũ. ⁵ Tii operũre eagũ, jãa waatigũra muu bia ña jõene cojogũ, juti quejeri Jesús're cũja ca dũdũarica quejeri wado ca pejaro yũ ñawũ. ⁶ Yũ jiro Simón Pedro ũmaa eawi. ũmaa ea, cũ pea díamacũ jãacoawi maja operũre. Cũ cãa, Jesús're cũja ca dũdũarique juti quejeri wadore ñawi. ⁷ Jesús dũpũgare cũja ca ũmaarica quejero cãa, cũ upũre cũja ca ũmaarica quejero menara pejatiwũ. Bojoricaropũ tunuo peoricarõ pejacãwũ. ⁸ Jiro yũ, Simón Pedro juũguero ca earicũ cãa, tii ope jupearũre yũ jãa waawũ. To biro biigũ, to biro ca biirique niipetirijere ña, “To birora bii,” yũ ñi ñawũ yũ cãa. ⁹ Teere ña pacarã, Ƴmũreco Pacu wederiquere owa cũurica pũuropũre, “Mesías, cũja ca jĩa cõaricũpũra ca bii yairicarã watoare cati tuarucumi,” cũja ca ñi owaquĩrique jãa tuo puotiũ ména. ¹⁰ Teere ña yapano, jãa yaa wiipũ jãa tuacoawũ ñucã.

María Magdalenare Jesús cũ ca baua earique

(Mc 16.9-11)

¹¹ Ména, María Magdalena pea, Jesús're cũja ca yaarica ope pũtopũra oti tua nũcãcãupõ. Otigora, maja ope peere muu bia ña jõene cojõupõ. ¹² Ña jõene cojõgo, pũarã Ƴmũreco Pacu pũto macãrã, juti ca botirije jãñacãricarã, Jesús upũri niiquĩrique cũja ca cũurica tabepũ jĩcũ cũ dũpũga ca niirica tua pee, apĩ cũ dũpori ca niirica tua pee, ca duwirãre ñaupõ. ¹³ Cũja pea toopũ duwirãra:

—Nomio, ¿ñee tiigo mũ otiti? —cõre ñi jãiñaupa. To biro cũja ca ñiro:

—Yũ Wiogũ upũri niiquĩrique amicoajapa. “Toopũ ami waajacupa,” yũ ñi majiti. To biri yũ oti —cũjare ñiupõ.

† 19:37 Zac 12.10.

¹⁴ To biro cūjare ñi yapano, amojode ñagora, cō putora Jesús cū ca nucūro ñaupo. Cūre ña pacago, “Cūra niicumí,” ñi ña majiticāupo. ¹⁵ Cōre ña, Jesús pea o biro cōre ñi ñaíñaupi:

—Nomio, ¿ñee tiigo mū otiti? ¿Ñirure mū amaati? —cōre ñiupi. Cō pea, “Ote wejere ca coteḡu niicumí” ñi tuḡoeñari, o biro cūre ñiupo:

—Mūra, Jesús upūrire mū ca ami waajata, yūre wedeya. Noopū mū cūujāri, yū cūre yū amigo waarucu —cūre ñiupo.

¹⁶ To biro cō ca ñiro Jesús pea:

—¡María! —cōre ñiupi.

To biro cū ca ñirora, María Magdalena pea cū peere amojode ña, o biro cūre ñiupo judíos wederique mena:

—¡Raboni! —ñiupo. (“Bueḡu,” ñigo ñiupo.)

¹⁷ To biro cūre cō ca ñirora, Jesús pea o biro cōre ñiupi María Magdalenare:

—Yūre ñee tueneticāña. Yū Pacu pūtopū yū tua mūa waati ména. To biro tiitigora tua waari: “ ‘Yū Pacu, mūja Pacu ca niḡu, yū Ūmureco Pacu, mūja Ūmureco Pacu ca niḡu pūtopū tua mūa waagu yū bii,’ ñijāwi,” ñi wedegoja yū buerāre —ñiupi.

¹⁸ To biro cū ca ñirico niiri, jāa cū buerā ca niiricarā pūtopū teere jāare queti wedego dooupo. Būaro űjea niirique mena, “¡Wiogūre yū ñajāwū!” jāare ñi wede, cōre cū ca ñiriquere jāare wedewo María Magdalena.

Jesús cū buerāre cū ca baua earique

(Mt 28.16-20; Mc 16.14-18; Lc 24.36-49)

¹⁹ Tii rūmūrena, tii semanare ca nii juori rūmū, ca naio waari tabere jāa, Jesús buerā ca niiricarā pea, judíos're uwima ñirā, joperi biacāri jāa niiwū. To biro jāa ca bii niiri tabere jāa watoapū:

—¡Añuro niirique mūjare to niijato! —jāare ñi añu doti, jāa nūcā eawi Jesús. ²⁰ To biro ñigūra cū amorire, cū warure cū ca jadeorica opere, jāare ññowi Jesús. Jāa pea, Wiogūre cūre ñarā, būaro jāa űjea niiwū. ²¹ To biro ñicā, o biro jāare ñiwi ñucā Jesús:

—¡Añuro niirique mūjare to niijato! Yū Pacu yūre cū ca tiicojo cojoricarore birora, yū cāa mūjare yū tiicojo cojo —jāare ñiwi. ²² To biro ñi, jāa jotoare puticōa peo cojogūra:

—Maa, Añuri Yerire ñeeña. ²³ Ñañaro mūjare ca tiirāre, to biro cūja ca tiirijere mūja ca acobojata, ñañarije cūja ca tiirijere acoborucumi Ūmureco Pacu. Ñañarije cūja ca tiirijere mūja ca acobotijata, Ūmureco Pacu cāa to biro cūja ca tiirijere acobotirucumi —jāare ñiwi Jesús.

Tomás're Jesús cū ca baua earique

²⁴ Jāa, Jesús buerā, pūa amo peti, dūpore pūaga penituario ca niirā mena macū Tomás ca wāme cutigū, Ca Sūruaricu cūja ca ñigū pea, Jesús jāare cū ca baua eari tabere maniwi.

²⁵ Jiro, Tomás jāa mena cū ca niiro, aperā Jesús buerā pea o biro cūre ñimiwa:

—Wiogūre jāa ñajāwū —cūre ñiwa. To biro cūre cūja ca ñi wedero, Tomás pea o biro ñi yūñwi:

—Jesús amorire cūja ca paa puarica operire ña, yū amo jūa mena tii operire juu jōene ñaati, ñucā cū warure cūja ca jadeorica opere yū amo mena juu jōene ñaati, yū ca biijata, “Yee méé ñima,” mūjare yū ñi tuo nūcā buoti majuropecārucu —cūjare boca ñicāwi.

²⁶ Jicā amo peti, ape amore itiaga penituario ca niiri rūmūri jiro jāa, cū buerā ca niiricarā pea, jicā wiipū jāa neawū ñucā. Tii tabere Tomás cāa jāa mena niwi yua. Jesús pea joperi biarique ca nii pacaro jāa doori, jāa decomacāpū baua ea nūcāri: “Añuro niirique mūjare to niijato,” jāare ñi añu doti jāa nūcā eawi. ²⁷ To biro ñi yapano, Tomás're o biro ñiwi Jesús:

—Ano mū amo jūa mena juu jōeneri, yū amorire ñañā. Ñucā mū amo mena yū warure cūja ca jadeorica tabere juu jōenegū dooya. “Yee mūja ñi” ca ñigū niiticāña. Díamacū ca tuogū niñā —cūre ñiwi.

²⁸ To biro Jesús cū ca ñiro, Tomás pea:

—¡Yū Wiogū, yū Ūmureco Pacu! —cūre ñiwi.

²⁹ To biro cū ca ĩiro, o biro cūre ĩiwi Jesús pea:
—¿Yure ĩacāripu “Yee méé ĩjapa” mu ĩiti? Ujea niima, ĩati pacarā díamacū ca tuorā —ĩiwi.

“¿Ñee tiigu ati pūurore cū owajapari?” ĩirique

³⁰ Biigupna Jesús, jāa cū buerā jāa ca ĩaro, paṁ apeye ca ĩa ñaaña manirije tii bau niwi. Tee niipetirije ati pūurore owa tuu peotiya mani. ³¹ Atera, Jesús're, “Umureco Pacu cū ca tiicojo cojoricu Mesías, Umureco Pacu Macūra niimi,” ĩi tuo nunṁjee, ñucā cūre tuo nunṁjeeri, cū juori to birora caticōa niiriquere cṁo, cūja bijato ĩigu owarique nii.

21

Cū buerā ĩicā amo peti, ape amore puaga penituario ca niirāre Jesús cū ca baua earique

¹ Jiro ñucā, jāa, cū buerāre, Tiberias* ca wāme cutiri utabucura tujaropu jāare baua eawi Jesús. O biri wāme biiwu. ² Simón Pedro mena ano cānacārā jāa niiwu: Tomás, apeyera Ca Sūrharicu cūja ca ĩi juorucugu, Galilea yepa macā macā Caná ca wāme cutiri macā macū Natanael, Zebedeo puna, to biri aperā jāa mena macārā puarā, jāa niiwu.

³ Tii tabere, Simón Pedro pea o biro jāare ĩiwi:

—Wai ñeegu waagu yu bii yua —ĩiwi. To biro jāare cū ca ĩiro:

—Jāa cāa mu mena jāa waarucu —cūre jāa ĩiwu. To biro ĩi, cū mena waa, cūmuapu ea jāa, jāa waacoawu wai ñeerā waarā. Tii ñamire wai ĩiari méé jāa biicāwu.

⁴ Ca boe mu doori tabe, Jesús pea, tiira, utabucura tujaro baua eawi. Jāa, cū buerā pea, “Jesús niicumí” jāa ĩi ĩa majitiwu. ⁵ Jesús pea o biro jāare ĩi jāiñawi:

—Yu jaarā, ¿muja wai cṁoti téé? —jāare ĩiwi.

To biro cū ca ĩi jāiñaro:

—Jāa cṁotiéé —cūre jāa ĩi yuuwu.

⁶ To biro jāa ca ĩiro, Jesús pea:

—Cūmua díamacū ñña pee bapigure cōañua cojoya. To biro tiirā muja wai ĩiarucu — jāare ĩiwi. To biro cū ca ĩiro, cū ca tii dotirore biro jāa tiiwu jāa pea. To biro tiirā, bapigure paṁ wai cūja ca yoorique ca niiro macā, do biro pee jāa tii wee pāmṁo cojo bayiticāwu.

⁷ To biro cūja ca biiro ĩagu yu, cū buegu, buaro Jesús cū ca maigu pea:

—¿Mani Wiogura niimi yura! —yu ĩiwu Pedrore. “Mani Wiogura niimi yura,” cūre yu ca ĩiro tuogura, Pedro pea, cū jutiro cū ca tuu wee jāaricarore ami jāña, diarpu bupu ñaañuacoawi. ⁸ Aperā Jesús buerā pea, jita dupari yepapure bapigu paṁ wai cūja ca niiricure cūmua mena jāa wee pāa waawu. Tiira tujaro puto jañurora noventa metros yoarora jāa niiwu. ⁹ To biro bii pāa ea, maa nucārā, pecame diorica pecame jotoare wai cūja ca jūjo peoricarā, to biri pan, ca pejaro jāa ĩawu. ¹⁰ Jesús pea o biro jāare ĩiwi:

—Mecūacā wai muja ca ĩi yapanorāre ĩicārā jee dooya —jāare ĩiwi.

¹¹ To biro Jesús cū ca ĩiro, Simón Pedro pea cūmuapu ea jāa waa, bapigupu paṁ wai pacarā, ciento cincuenta y tres peti cūja ca niiricure jita dupari yepapu weecā maa waawi. To cōro paṁ wai pacarā cūja ca jāamijata cāare, bapigu pea yegatiwu.

¹² To biro cū ca tiiro, Jesús pea o biro jāare ĩiwi:

—Baa wācārā dooya muja cāa ména —ĩiwi. Jāa, cū buerā pea, “Wiogu Jesús'ra niimi,” ca ĩi majicāra niiri, ĩicū jāa mena macū uno peera, “¿Ñiru peti mu niiti?” cūre ĩi jāiñaticāwa.

¹³ Jiro Jesús pea doo, pan're amiri, jāare tiicojowi. Ñucā wai cāare to birora tiiwi. ¹⁴ Ate pea cū ca cati tuaricaro jirore, itiati jāare cū ca baua ea ĩñorije niiro biiwu.

Simón Pedro mena Jesús cū ca wede penirique

¹⁵ Baa wācā yapanori jiro, Jesús pea Simón Pedrore o biro cūre ĩi jāiñawi:

—Juan macū Simón, ¿anija ametuenero yure mu maiti? —ĩiwi.

To biro cū ca ĩiro, Simón Pedro pea o biro cūre ĩi yuuwi:

—Wiogu, ũgjá. Mee mu maji mure yu ca mairijere —ĩiwi.

To biro cū ca ĩiro Jesús pea o biro cūre ĩiwi:

* 21:1 Ape wāme “Galilea utabucura”.

—To docare, yure ca tuo nunjeerãre añuro cãjare ãa nunjeeya —cãre ïwi.

¹⁶ Jiro ñucã:

—Juan macã Simón, ¿yure mu maiti? —cãre ï jãñawi. Cã pea:

—Wiogu, ñgjá, mee mu maji mure yu ca mairijere —cãre ïwi.

To biro cãre cã ca ñiro Jesús pea ñucã:

—To docare yure ca tuo nunjeerãre añuro cãjare ãa nunjeeya —ïwi Pedore.

¹⁷ Puati jiro o biro cãre ï jãñawi ñucã Jesús:

—Juan macã Simón, ¿yure mu maiti? —ïwi.

Itiati peti, “¿Yure mu maiti?” Jesús cãre cã ca ï jãñarije ca niiro macã, Pedro pea tugoeñarique paicoawi. To biri o biro cãre ï yuwi:

—Wiogu, mua niipetirije mu maji. Mure yu ca mairijere mu maji mee —cãre ïwi.

To biro cãre cã ca ñiro Jesús pea o biro cãre ïwi ñucã:

—To docare yure ca tuo nunjeerãre añuro cãjare ãa nunjeeya. ¹⁸ Díamacã mure yu ï. Wãmu jañuri niigu, mu majuropeera juti jãñari noo mu ca waarugari tabe mu waarucuwu. Bucu nii waagurua yua, mu dicarire mu ca juu muenero, aperãpu mure juti jãari, mu ca waarugatiri taberena mure amicoarucuma —ïwi Pedore.

¹⁹ Jesús atere ñigu, “O biri wãme bii yairi, mu ca bii yairije mena Æmureco Pacure mu tii nãcã buorucu” ñigu, to biro cãre ïwi Pedore. To biro ï yapano:

—Yure nunña —cãre ïwi Jesús.

Jesús cã ca maigu

²⁰ To biro cã ca ñiro, Pedro pea amojode nãcã ãa tuenecojogu, yu, Jesús buaro cã ca maigu, Jesús mena jicãri jãa ca baa duwi tãjari tabere Jesús pãtoacã ca duwigu niiri: “Wiogu, ¿nii peti mure cã wedejãaguti?” Jesús're ca ï jãñaricãra cãja jiro yu ca nun waaro yure ãawi. ²¹ Yure ãa, Jesús're o biro cãre ï jãñawi Pedro:

—Wiogu, ani peera ¿do biro to biiroti? —cãre ïwi.

²² To biro cã ca ï jãñaro, Jesús pea o biro cãre ï yuwi:

—Nemo yu ca tua doori taberu to birora cã ca caticãa niiro yu ca boojata, mu yee maquẽ méé nii. Mua teere tugoeñatigura yure nunña —cãre ïwi. ²³ Ate juori, Jesús're ca tuo nunjeerã niipetirã watoapure, “Cãa, bii yairicaro manijagu,” cãja ca ï niirije bate cãmucoawu. Jesús pea, “Cãa bii yaitirucumi” ñigu méé, to biro yure ïwi. O biirije pee ñigu ïwi: “Nemo yu ca tua doori taberu to birora cã ca caticãa niiro yu ca boojata, mu yee maquẽ méé nii,” ñigu ïwi.

²⁴ Atere, “To birora biiwu” ïi wede, teere owa, ca tiigua, cãra yu nii yua. To biri yu ca ñariquere yu ca wederije díamacãra ca niirijere mani maji.

²⁵ Biigurua Jesús, apeye pañ tiicãwi. Cã ca tiirique cãrorena owa nunna waajata, yu ca tugoeñajata teere owarica pãurori ati Æmureco niipetiroperena dada ametuacoabocu.

To birora to bijato.

Juan

LOS HECHOS

Jesucristo, cū yee quetire cū ca wede doti cojoricarã cūja ca tiiriquere owarica pūuroa, Lucas, Añuriye Quetire cū ca owariquere ca nii nūna waarijera nii. Ati pūurore ca owaricua, cū ca owa jūorica pūurora, “Niipetirije Jesús cū ca tiiriquere, to biri bojocare cū ca bueriquere,” owaupi (Hch 1.1).

Ati pūuro jiro cū ca owarica pūuro peera: “Bii yai, cati tua, umureco tutipū tua mūa waa cū ca biirique menara, Jesús yee queti peticã yerijãa waa biitiupa,” cū ca ñi wede majiorique nii. Bojoca watoare to birora bojoca cūticōa niimi Jesús.

Ati pūuroa, Jesús yee quetire ca tuo nūnjee jūoricarã, Añuri Yeri cū ca majioro mena, Jesús're tuo nūnjeeerique maquēre, o biro tiiri, buaro jañuro niipetiri taberipū, Jerusalén mena bii jūo waa, jiro Judea yepa, jiro muipū cū ca mūa doori nūña pee ca niiri yeparipū, to biri Samariapū, jiro judíos ca niitirãpūre, Antioquía, Siriapū, ca bii nūna waaro tiupa, ñi wede.

Atere ñi wede yapano, Pablo, Jesús yee quetire wede yujugū cū ca biiriquere wede nūna waa. To biri Jesús yee queti, Asia macã yepa jicã yeparūre ca ea waarique maquēre, too bii nūna waarora, ape yeparipū, Greciapū, jiro Romapū ca bii ea waariquere wede nūna waa.

Ate queti, Jesús yee quetire ca tuo nūnjeeerã cūja ca bii nūna dooriquere wede nūna doo, ñucã jiro ati yepa niipetiro jañuripū, to biri paū yūteari jiro ati yepa niipetiropūre Jesús yee quetire cūja ca wede bato peoticãpere, “To biro biirucu,” cū ca ñi owarique nii.

Ati pūuroa, Pedro, Pablo, cūja ca tii niiriquere buaro peti wede. Ñi pacaro díamacū petira Añuri Yeri cū ca doti tutua niirije mena, cū ca jūo tii niirije mena, Jesucristo to birora ca niicōa niigūpūre yeri jañacãri cūre ca tuo nūnjeeerã cūja ca nii jeeña earo cū ca tiiriquere wede. Itia wãme nii, Jesús cū yee quetire cū ca wede doti cojoricarã cūja ca biiriquere ca wederije:

- (1) Jesús, cū buerãre “Ate mūja tii niirucu,” cūjare ñicã, ñucã “O biirije mūjare yū tiirucu,” cūjare ñiri jiro umureco tutipū cū ca tua mūa waariquere (1.1-14), Jesucristore ca tuo nūnjeeerã Jerusalén're cūja ca bii jūoriquere (1.15–8.3), wede.
- (2) Palestina yepare añuriye quetire cūja ca wede bate nūna waariquere wede (8.4–12.35).
- (3) To biicãri yua Mediterráneore ca niiri yeparire Añuriye Quetire wede nūna waarã, Romapū cãare cūja ca wedecã ea waariquere wede. Añuriye quetire Pablo cū ca wede yujugū waa jūoriquere (13.1–14.28) wede nūna waa, Jesús buerã, bojocare ca jūo niirã mena Jerusalén're cūja ca nea pooriquere (12.1-35), Pablo, puati añuriye quetire cū ca wede yujugū waa nemoriquere (15.36–18.22), Pablo itiatu añuriye quetire cū ca wede yujugū waariquere (18.23–21.16), wede nūna waa. To biicãri yua, Jerusalén'pū, Cesareapū, jiro pūra yua Romapū, Pablōre cūja ca tia cūuriquere wede yapano ea (21.17–28.31).

Jesús buerã cūja ca tiirique

Añuri Yerire cū ca tiicojope maquē

¹ Yū ca maigū Teófilo, yū ca owa jūorica pūurore niipetirije Jesús cū ca tii jūoriquere, cū ca bue majio jūoriquere, ² cū yee quetire cū ca wede doti cojoparã cū ca bejericarãre, Añuri Yeri jūori cūjare wede majiori jiro, umureco tutipū cū ca ami mūa waa ecoriquepū yū owa yapano eawū. ³ Cū ca bii yairicaro jiro ca nii pacaro, cū ca catirijere ñiogu cū majuropeera ña majiricarora bau niigūra paū tiiri, cuarenta* rūmūri peti cūjare baua ñi ni, Umureco Pacū cū ca doti niiri tabe maquēre cūjare wede, tii niupi.

⁴ Ména, cūja mena niigū, Jerusalén macãrã cūjare niicã dotiupi. O biro cūjare ñiupi: —Yū Pacū “Yū tiicojorucu” cū ca ñiriquere, mūjare yū ca wederiquere yueya ména.

* 1:3 pūarã bojoca yee cōro niiri rūmūri.

⁵ Yee mééra Juan, oco mena uwo coeupi. Mɔja pea, no cānacā rɔmɔ jiro mééra, Añuri Yeri mena uwo coe ecorā doorā mɔja tii —cɔjare ñiupi Jesús.

Jesús ɔmɔreco tutipɔ cɔ ca tua mɔa waarique

⁶ Jesús mena ca nea pooricarā pea, o biro cɔre ñi jãĩnaupa:

—Wiogɔ, ɔmecɔ to niiti yua, Israel yepare, ñucā cɔja majuro cɔja ca doti niiro mɔ ca tiipa rɔmɔ? —cɔre ñiupa.

⁷ To biro cɔja ca ñiro tɔogɔ, o biro cɔjare ñi yɔɔupi Jesús:

—Mɔjara, tii tabe ca niiro, tii rɔmɔ ca niiro, ɔmɔreco Pacɔ cɔ majuro ca doti majigɔ niiri cɔ ca tiipere, mɔja ca majipe méé nii. ⁸ Biirãpɔa, Añuri Yeri mɔjapɔre cɔ ca ñaajãa nɔcã earo, mɔja ca yeri tutuapere ñee yapanori, yɔ yee maquere mɔja wede yujurã waarucu. Jerusalén'ra mɔja wede jɔorucu, jiro Judea yepa, to biri Samaria yepa, jiro ati yepa niipetiropɔ yɔ yee quetire mɔja wede yuju peticã cojorucu —cɔjare ñiupi Jesús.

⁹ Atere ñi yapanogɔra, cɔre cɔja ca ñarucurora, ɔmɔreco tutipɔ ami mɔa waa eco, bueri bɔrɔa cɔre ca paa ũmaarora, bauticã yerijãa waaupi Jesús. ¹⁰ Jesús cɔ ca mɔa waaro, emɔaro pee wado cɔja ca ña mɔene nucurucuro, pɔarã juti botirije jãñaricarã cɔja pɔto baua ea nɔcã eari, o biro cɔjare ñiupa:

¹¹ —Galilea macãrã, ɔñee tiirã ɔmɔreco tuti pee mɔja ña mɔenecã nucuti? Ano mɔja mena ca niijãgɔ Jesús, ɔmɔreco tutipɔ ca ami mɔa waa ecojãgɔra, cɔ ca mɔa waaro mɔja ca ñajãri wãmera doorucumi ñucã —cɔjare ñiupa.

Judas're ca wajoapɔ Matías're cɔja ca beje amirique

¹² To cõrora Jesús cɔ ca tua mɔa waaro jiro, Olivos Buuropɔ ca niiricarã, ca yoati jañuri maa pee† tuacoaupã Jerusalén pee, doti cõurique yerijãarica rɔmɔre ca doti rore biro.

¹³ Macãpɔ tua ea, wiipɔre earã, jotoa macã jawi cɔja ca niirica jawipɔ mɔa waaupa. Pedro, Santiago, Juan, Andrés, Felipe, Tomás, Bartolomé, Mateo, Alfeo macã Santiago, Zelote yaa puna macã Símon, to biri Santiago‡ yee wedegɔ Judas, niupa. ¹⁴ Cɔja niipetirã, Jesús bairã, cɔ paco María, to biri aperã romiri mena to cānacã tiira nea poori, jicã wãmera tɔgoeña yeri cutiri, to birora juu buecõa niirucuupa.

¹⁵ Tii rɔmɔrire Pedro, ciento veinte cõro ca niirã bojoca Jesús yee quetire ca tɔo nɔnɔjeerã watoapɔ ca niiricu wãmɔ nɔcã, o biro cɔjare ñi wedeupi:

¹⁶ —Yɔ yaarã, David niiquiricu, Añuri Yeri cɔ ca majiorije mena Judas, Jesús're ca ñee parãre maa jɔgue waa, cɔ ca tiipere, “O biro biirucu,” cɔ ca ñi owaricarore birora ca biipe niupa mee. ¹⁷ Judas cãa mani mena macãra nii, mani ca pade niirijerena tii nemo, tii niimiwi biigɔpɔa. § ¹⁸ To biro bii pacagɔ, Jesús're cɔ ca wedejãarije wapa, wapa tiirica tiiri cɔre cɔja ca tiicojorique mena waa, jicã yepa wapa tiupi. Jiro cɔ dupɔga pee ñaaduwi waa, cɔ paaga yiga, cɔ ɔta miji witi bate, biicã yai waaupi. ¹⁹ Jerusalén macãrã to biro cɔ ca bii yai waariquere queti tɔori, tii yepare Acéldama wãmeo tiupa. Cɔja wederique menara, “Dí Yepa,” ñirugaro ñi. ²⁰ Mee, to biro cɔ ca biipere ɔmɔreco Pacɔre ñi nɔcã bɔo baja peorica pũuropɔre o biro ñi owa tuurique niupa:

“Cɔ yaa wii, yucɔ mani, ca bopori yepa jeeña,
to biicã yai waajato.

Jicã ɔno peera tii yepare cɔ niiticãjato.”*

Ñucã,

“Cɔ ca pademiriquera apipɔ cɔ pade wajoajato,”† ñi.

²¹ To biri, Jesús mani mena cɔ ca niiri cuu cõrora mani mena bapa cuti nii, ²² Jesús're, Juan cɔ ca uwo coeri tabepɔra nii, ɔmɔreco tutipɔ cɔ ca mɔa waari tabepɔ, mani mena ca niiricarã ano niima. To biri jicã cɔja mena macã mani mena Jesús cɔ ca cati tuaro cɔ ca ñariquere manire ca wede nemopɔre bejerique booro bii —cɔjare ñiupi Pedro.

† 1:12 1,100 metros ca yoari maa pee. ‡ 1:13 cãra Jacobo wãme cuticãupi ñucã. § 1:17 Mt 27.3-8.

* 1:20 Sal 69.25. † 1:20 Sal 109.8.

²³ To biro cū ca ĩiro, p̄arāre, José cūrena ñucā Barsabás (cū buirica wāme peera Ca Añugū) cūja ca ĩigu, apī Matías're jeeupa. ²⁴ To biro tiicā, o biro ĩi juu bueupa:

—Ḑr̄u, m̄u, niipetirāre cūja yerip̄u cūja ca t̄goeñarijere ca majigu, m̄u majuropeera anija p̄arāre, m̄u ca beje amiric̄ure jāare ĩñoña, ²⁵ cū ca ñañarije wapa, cū ca waapa taber̄ura waa, cū ca bii yai weorique Judas paderique ca niimiriquere ca ĩa n̄n̄j̄ee wajoar̄ure —ĩi juu bueupa.

²⁶ To biro ĩi yapano, “¿Niipe cū niiti Ḑm̄ureco Pac̄u cū ca amiric̄u?” ĩi majir̄ugarā, cōa peo b̄uarique mena tiirā, Matías're to ca ñaapea b̄uaro tiuupa. To biri Jesús buerā p̄na amo peti, d̄upore j̄icāga penituario ca niirā mena mac̄u nii eaupi Matías.

2

Añuri Yeri cū ca doorique

¹ Pentecostés* boje r̄um̄u ca earo, niipetirā Jesucristore ca t̄uo n̄n̄j̄eerā j̄icā tabera nea poori niuupa. ² Ca niiro t̄ujarora, Ḑm̄urecop̄u b̄uaro wino paa puu duwi doorore biro b̄uj̄u duwi doo, cūja ca niiri wiire paa puu ame jāa dadacoaupa. ³ To biro biirora, cūja ca niiro cōrorena cūja jotoarire pecame ca ḥ̄urore biro ḥ̄u ñaapea eaupa. ⁴ To biro ca biiri tabera, cūja niipetir̄ap̄urena Añuri Yeri cūja yerip̄ure ñaajāa n̄cā eaupi. To biro cū ca biirora, Añuri Yeri cū ca boorore biro cūja ca niiro cōrora apeye wederiquere wede j̄uo waaupa.

⁵ Tii r̄um̄urire Jerusalén macāre, judíos, boje r̄um̄uri cōrorena ca juu buerā earucurā, niipetiri yeparip̄u macārā ca dooricarā niuupa. ⁶ Bojoca pea ca b̄uj̄urijere t̄uori, nea pooma ĩirā, Jesús're ca t̄uo n̄n̄j̄eerā cōrora, cūja wederiquerena cūja ca wederijere t̄uori, do biro pee ĩi majitiupa.

⁷ Do biro pee ĩi majiti, t̄uo ḥ̄c̄ua biima ĩirā, o biro ameri ĩiupa:

—¿Anija ano ca wede niirā niipetirā, Galilea macārā méé cūja niiti? ⁸ ¿Do biro pee biicāri, mani yee wederiquere añuro cūja ca wedero mani t̄uoti? ⁹ Anora Partia, Media, Elam, Mesopotamia, Judea, Capadocia, Ponto, Asia yepare ca niiri macāri macārā, ¹⁰ to biri Frigia, Panfilia, Egipto, Africa macā yepari macārā, Cirene ðo peep̄u macārā, ñucā Roma macārā ati macāre ca niirā, j̄icārā judíos, aperā judíos yee pee ca bii wajoaricarā, ¹¹ Creta macārā, to biri Arabia macār̄ap̄u, mani nii anora. ¡Niipetir̄ap̄ura mani ca wederije mena Ḑm̄ureco Pac̄u añurije cū ca tiirique quetire cūja ca wedero mani t̄uo! —ameri ĩiupa. ¹² Niipetir̄ap̄ura to biro ca biirijere ĩa ḥ̄c̄uari, do biro ĩi majitima ĩirā, o biro ameri ĩi jāiñauupa:

—¿O biro cūja ca biirijea do biirije peti biro to biiti? —ĩiupa.

¹³ Aperā pea:

—Cūmurā biima —cūjare ĩi buicāupa.

Pedro cūjare cū ca wederique

¹⁴ To cōrora Pedro pea, cū mena macārā p̄na amo peti, d̄upore j̄icāga penituario ca niirā mena wā̄m̄u n̄cā, tutuaro wederique mena o biro cūjare ĩiupi:

—M̄uja judíos, to biri m̄uja Jerusalén macāre ca niirā niipetirā, ano ca biirije m̄uja ca ĩarijere m̄ujare yu wede majior̄uga. To biri añuro t̄uoya, ano m̄ujare yu ca ĩipere.

¹⁵ “Anija, “Cūmurā tiima” m̄uja ca ĩirā, “Cūmurā méé tiima,” cūmurica tabe ḥ̄no méé nii, boeri tabe jiroacāra† niicā ména. ¹⁶ Ano m̄uja ca ĩarijea, ca biipere wede j̄ugueri maj̄u Joel, “O biro biirucu,” cū ca ĩi owaqūirique bii earo bii:‡

¹⁷ “ ‘Ca t̄ujari r̄um̄urire o biro biirucu,’ ĩimi Ḑm̄ureco Pac̄u. Yu Añuri Yerire bojoca niipetir̄ap̄urena yu tiicojorucu. M̄uja puna: ḥ̄m̄ua, nomia ca biipere wede j̄uguerucuma.

* 2:1 Pascua boje r̄um̄u jirore cincuenta r̄um̄uri ca earo cūja ca tiiri boje r̄um̄u, ote ca b̄uc̄ua yapanoro cūja ca tiiri boje r̄um̄u niuupa. Añuro petira cūja ote ca b̄uc̄ua yapanoro, Ḑm̄ureco Pac̄ure añu majuropeecā ĩirā cūja ca tiiri boje r̄um̄u niuupa. † 2:15 Nueve de la mañana. ‡ 2:16 Jl 2.28-32.

Wāmarā, ca bii ĩñorijere ĩarucuma. Вүсүрā pea cūja ca biiruga tugoeñarijere quēñarucuma.

¹⁸ Ñucā tii rümārire yāre ca pade bojarā, ымма, nomia cāare yu Añuri Yerire yu tiicojorucu. To biro yu ca tiiro ca biipere wede жүгерucuma.

¹⁹ Өмүреco tutipure, ati yepare, uwiorije, діi, ca ӱurije, ca bue мүenerije, yu ĩñorucu.

²⁰ Muipū ымүреco macū naitācoarucumi. Ñami macū pea, діire biro jeeñacoarucumi, Wiogu yaa rүmү, ca nii majuropeeri rүmү, ca añuri rүmү ca eaparo жүгерore.

²¹ To ca bii pacaro, ‘Wiogu wāme mena ĩcāri tii nemorique ca jāirā niipetirā ametuarucuma,’ ĩimi Өмүреco Pacү,” ĩupi Joel.

²² Israelitas, atere añuro tūoya: Mūja ca ĩarora, Jesús, Nazaret macū cū ca doti majirijere, cū menapү do biro ca tiiya manirijepү ĩaricaro añurije tii, ca ĩa ñaaña manirije tii bau nii, mūja watoare cū ca tiirije mena mūjare ĩñowi Өмүреco Pacү, teere añuro mūja ca majirore birora. ²³ Cāre, Өмүреco Pacү “To biro biirucumi,” cū ca ĩiricarore birora wedejāa eco, ca biigüre mūja pea bojoca ñañarā жүoripү cüre mūja jāwү, yucү tenipү cüre paa pua tuuri. ²⁴ To biro mūja ca tiicā pacaro Өмүреco Pacү pee cū ca cati tuaro cüre tiiri, ñañaro peti puniro bii yairiquere cüre ametueneupi. Bii yairique cāa, do biro pee cüre bii ametua nүcā majiticāupa. ²⁵ Wiogu David cāa, Jesús'rena ĩigu, o biro ĩiquĩupi: “Өpү to birora yu mena cū ca niicōa niiro yu ĩawү. Cū, yāre cū ca tii nemoro jīcā wāme uno peera ñañaro yu ca biiro yāre tiitirucu.

²⁶ To biri yu yeri ыjea nii. Вүaro ыjea niirique mena yu baja ыjea nii. Yu upүripү cāa, uwiricaro maniro cүpүre yuecōa niirucu.

²⁷ Yu ca cati niirijere, ca bii yairicarā cūja ca niiri tabepүra cū cōacā, tiitirucumi; ñucā cüre pade bojari majү ca ñañarije manigү upүri niiquĩrique cāare ca boa yairo tiitirucumi.

²⁸ Mү ca boorore biro nii nүnүa waariquere yāre mү ĩñowү; yu pүtora mү ca bojoca cuti niirije mena, bүaro yu ca ыjea niiro mү tiirucu,”[§] ĩiquĩupi David, Jesús cū ca biipere.

²⁹ Yu yaarā, díamacū mūjare yu wede majioruga, mani ñicū David niiquĩricү, bii yaicoa, yaa cōa eco, cū ca biiriquere. Mecүripү cāare cū maja ope mani watoara niicā ména.

³⁰ David niiquĩricүa, ca biipere wede жүгери majү niiquĩupi. To biri Өмүреco Pacү: “Yee méé müre yu ĩi,” ĩirique mena, “Mү pāramerā ca nii cojorāpүre jīcū wiogu cū ca niiro yu tiirucu,” cüre cū ca ĩirijere majicāquĩupi mee. ³¹ To biri, Өмүреco Pacү cū ca tiicojoricү Mesías, ca bii yaicoaricүpүra cū ca cati tuarijere ĩa жүгери, o biro cū ca biiperena ĩigu: “Mesías, cüre cūja ca yaa cōarica opepүra biicā yerijāa waa, cū upүri niiquĩriquea tii opepүra boa yaicoa, biitirucu,” ĩi wedequĩupi David. ³² To biri, ani Jesús'rena cū ca cati tuaro cüre tiwi Өмүреco Pacү. Teere mani niipetirāpүra “To birora biiwү,” ca ĩirā wado mani nii. ³³ Өмүреco Pacү cū ca tutuarije жүori, ca nii majuropeegү tii eco, cū díamacū nүña pee cūu eco, biiri jiro, ñucā, “Añuri Yerire mūjare yu tiicojorucu,” jāare cū ca ĩiricүre cū Pacү cüre cū ca tiicojogüre ñeeri jiro, cū pea jāa niipetirāpүre tiicojomi. Atere mecүre ĩa, tūo, mūja tii. ³⁴ David'ra ымүреco tutipү mүa waatiupi. Biiti pacagү o biro ĩupi:

“O biro ĩwi Өpү yu Wiogüre, ‘Yu díamacū nүña pee duwiya,

³⁵ mү waparāre cūja ca doca cүmuro yu ca tiiorpү,’ ĩupi.”*

³⁶ Mūja Israel yaa pooga niipetirā, atere añuro majīña, yucү tenipү mūja ca paa pua tuu jīa cōajāgү Jesús'rena, Wiogu, Mesías,[†] cū ca niiro tiimi Өмүреco Pacү —cūjare ĩupi Pedro.

³⁷ To biirije Pedro cū ca ĩiro tūorā, too ca nea pooricarā pea, niipetirāpүra bүaro tugoeñarique pai ametuacoari, Pedrore, ñucā cū mena macārāre o biro ĩupa:

—Jāa yaarā, ĩñee ca tiiparā jāa niiti? —cūjare ĩi jāiñaupa.

³⁸ To biro cūja ca ĩiro, o biro cūjare ĩi yүүupi Pedro:

§ 2:28 Sal 16.8-11. Catirique ca niiri maarire yu ca majiro yāre mү tiiwү. * 2:35 Sal 110.1. † 2:36 Hebreo wederique menara Mesías ĩiro: “Өмүреco Pacү cū ca ami dica wooricү,” ĩirugaro ĩi.

—Ñañarije mɔja ca tiirucurijere tugoeña yeri wajoari Ɖmureco Pacɔ peere tɔo nɔnɔjee, mɔja ca niiro cōrora Jesucristo wāme mena uwo coe dotiya, mɔja ca ñañarijere Ɖmureco Pacɔ cū ca acobopere biro ĩrā. To biro mɔja ca tiiro, cū pea Añuri Yerire mɔjare tiicojorucumi. ³⁹ Ate, “O biro yɔ tiirucu,” cū ca ĩriqueea, mɔja yee, mɔja puna yee, ñucā yoaroripɔ ca niirā niipetirā Ɖpɔ manɩ Ɖmureco Pacɔ cū ca jɔorɔgarā yee, niiro bii atea —cūjare ĩiupi Pedro.

⁴⁰ Ate, ñucā apeye pɔw wāmeri mena cūjare wede majio, o biro cūjare ĩi wedeupi Pedro: —ɔAnija bojoca ñañarāre camotatiya! —cūjare ĩiupi. ⁴¹ To biri, Pedro cū ca wederijere ca tɔo nɔnɔjeericā, uwo coe ecoupa. Tii rɔmure Jesucristore ca tɔo nɔnɔjeerā, itia mil peti nii nemo waaupa. ⁴² Cūja niipetirā, Jesús, cū yee quetire cū ca wede doti cojoricarā cūjare cūja ca bue majiorijere añuro tɔo nɔnɔjee, cūja ca cɔorijere ameri dica woo, ñucā jīcāri mena juu bue, pan dica woo baa, tiirɔgarā nea poo, biicā niirucuupa.

Jesucristore ca tɔo nɔnɔjee jɔoricarā cūja ca bii niirique

⁴³ Jesús, cū yee quetire cū ca wede doti cojoricarā, pɔw wāmeri ca ĩa ñaaña manirije cūja ca tii bau niirijere ĩarā, niipetirāpɔra do biro pee ĩi majiticāupa. ⁴⁴ Jesús're ca tɔo nɔnɔjeerā niipetirāpɔra jīcāri mena nii, cūja ca cɔorije mena cūja majurope ameri dica woo, tii niirucuupa. ⁴⁵ Cūja yee ca niirijere, cūja ca apeye cuti niirijere, noni wapa jeeri, cūja ca boorije ea tuaro, wapa tiirica tiirire ameri dica woorucuupa. ⁴⁶ To cānacā rɔmura Ɖmureco Pacɔ yaa wiipɔ neacōa niirucuupa. Ñucā cūja yaa wiijeri cōro añuro yeri ɔjea niirique mena pan're baa, baarique cūja ca cɔorijere jīcāri mena ameri dica woo baa, ⁴⁷ Ɖmureco Pacɔre ĩi nɔcū bɔo baja peo, ñucā niipetirā bojoca cūjare añuro cū ca ĩa mairijere bii ɔjea nii, bii niirucuupa. To cānacā rɔmura aperā, Jesucristore ca tɔo nɔnɔjeerā, cūja ca nii nemo nɔnɔa waaro cūjare tiupi Ɖmureco Pacɔ.

3

Ca bɔuricure Pedro cū ca catiorique

¹ Jīcā rɔmɔ, Pedro, Juan, yucɔ jotoa muipū cū ca tɔja duwi waaro* juu buerica tabe ca niiro, Ɖmureco Pacɔ yaa wiipɔ juu buerā waaupa. ² Ɖmureco Pacɔ yaa wii jope, Añuri Jope† ca wāme cutiri jope pɔtore, bauagɔpɔra ca bɔuricɔ ca niiricure to cānacā rɔmura cūre ami waari, tii wii ca jāa waarāre wapa tiirica tiiri cū jāijato ĩrā, cūja ca cūuricɔ niupi. ³ Cū pea Pedro, Juan, Ɖmureco Pacɔ yaa wiipɔre jāa waarā doorā cūja ca biiro ĩari, wapa tiirica tiire cūjare jāiupi. ⁴ To biro cūjare cū ca ĩiro, cūja pea añuro cūre ĩa āpōtīo, o biro cūre ĩiupi Pedro:

—Jāare ĩaña —ĩiupi.

⁵ To biro cūre cū ca ĩiro, ca bɔuricɔ pea: “Apeye ɔno yare tiicojorā doorā tiicumā,” ĩigɔ, cūjare ĩaupi. ⁶ To cōrora Pedro pea o biro cūre ĩiupi:

—Wapa tiirica tiiri ɔnora, oro ɔnora, yɔ cɔoti. Biigɔpɔra, yɔ ca cɔorijera mure yɔ tiicojorucu: “Jesucristo, Nazaret macū cū ca dotiro mena, ‘Wāmɔ nɔcā waagɔja,’ mure yɔ ĩi” —cūre ĩiupi.

⁷ To biro cūre ĩigɔra, cū amo díamacū nūñare ñeeri, cūre tūa wāmɔo nɔcōcāupi. To biro cūre cū ca tiirije menara, cū ñicāri, cū aña tīigaari‡ cāa, tutuacoupa. ⁸ To cōrora ca bɔuricɔ pea bupu wāmɔ nɔcā waari, waa jɔo waaupi. Jiro, Ɖmureco Pacɔ yaa wiipɔ cūja mena jāa waagɔ cū majurope bupurique mena jāa nɔnɔa waa, Ɖmureco Pacɔre ĩi nɔcū bɔo, ĩi jāa waaupi. ⁹ Niipetirā, ca waatimiricɔra waa, Ɖmureco Pacɔre ĩi nɔcū bɔo baja peo, cū ca tiiro ĩarā:

¹⁰ —Ɖmureco Pacɔ yaa wii jope, “Añuri Jope” ca wāme cutiri jope pɔto wapa tiirica tiiri ca jāi duwirucujāgɔra niimi —ĩi ĩa majiri, buaro ĩa ucua do biro pee ĩi majiticāupa, to biro cūre ca biirique jɔori.

Pedro cū ca wederique

* 3:1 Tres de la tarde. † 3:2 Puerta llamada “La Hermosa”. ‡ 3:7 Dupo beari.

¹¹ Ca buuricure cūja ca catoricu pea, Pedro, Juan're camotatiitiupi. Niipetirā bojoca to biro ca biirijere ĩa ucua niirāra, Ɛmureco Pacu yaa wii, Salomón yaa tabe Pórtico de Salomón Pedro, Juan, cūja ca niiri tabe cūja puto pee ũmaa nea poo waaupa. ¹² To biro cūja ca biiro ĩari, o biro cūjare ĩiupi Pedro:

—Mūja israelitas, ĩnee tiirā mūja ĩa ucua? ĩNee tiirā jāa majuropeera jāa ca yeri tutuarije mena, ĩucā cūre mai ĩama ĩirā ani ca buuricure cū ca waa majiro jāa ca tiitore biro, jāare mūja ĩati? ¹³ Abraham, Isaac, Jacob jāa, Ɛmureco Pacu, mani ĩicū jāa Ɛmureco Pacu, cū paderi maju Jesús, Ʃparāpūre mūja ca tiicojo cōagure, ĩucā Pilato pee cū ca wieneruga pacaro mūja ca bootigure ca nii majuropeegū cū ca niiro cūre tiijapi. ¹⁴ Ca añugū, ca ñañarije manigū, ca niigū peere junacāri, bojoca ca ĩagū peere mūja wiene dotiwū. ¹⁵ To biro tiiri mūja ĩā cōawū, catirique manire ca tiicojogure. To biro mūja ca tiimijata cāare, Ɛmureco Pacu pea cūre catiocāwi, to biro cū ca tiirijere ca ĩaricarā, “Jāara jāa nii.” ¹⁶ Ano mūja ca ĩagū, mūja ca majigure, cū upuri ca tutuaro ca tiirijea, Jesucristore díamacū tuo nucū buoriquera to biro tii. Ate Jesucristore díamacū tuo nucū buorique ca doorijera, añuro diarique manigupū cū ca niiro tii, ano mūja niipetirā mūja ca ĩarore birora.

¹⁷ “Yū yaarā, mee yū maji. Mūja, mūja wiorā, Jesús're ĩarā, to biro mūja ca tiirijere majiti pacarā to biro cūre mūja tiicāwū. ¹⁸ Biirōpūa, ate mena, mee tīrumūpūa cū yee quetire wede ĩugueri maja niipetirā mena, “Yū ca tiicojo cojogū Mesías bii yaicoarucumi,” Ɛmureco Pacu cū ca ĩi ĩuguericarore birora bii earo biuupa. ¹⁹ To biri ñañarije mūja ca tiirijere to cōrora tii yerijāa tūgoeña wajoa, Ɛmureco Pacure tuo nūñjeeya, mūja ca ñañarijere cū acobojato ĩirā. To cōro docare Ɛpū, añuro niirica yūteari tiicojorucumi, ²⁰ mūjare ĩima ĩigū mee ĩicātopūa cū ca ami dica wooricū Mesías're cūra Jesús ca niigure mūjare tiicojori. ²¹ Ména mecūra Jesucristo, Ɛmureco tutipūa cū ca niipera niicāro bii, tīrumū macā yūtearipūre ca dooqūricarā, Ɛmureco Pacu, cū yeere wederi maja ca ñañarije manirā mena, “To biro yū tiirucu” cū ca ĩiricarore birora, niipetirijepūrena añuro ca nii earo cū ca tiiri tabepū. ²² Mani ĩicū ĩūmūare o biro ĩi wedequīupi Moisés: “Ɛpū mūja Ɛmureco Pacu, ĩicū Ɛmureco Pacu yee quetire wede ĩugueri maju, yūre biro ca biigure mūja watoare cū ca nii earo tiirucumi. Mūjare cū ca wederije niipetirije cūre tuo nūñjeeya. ²³ Cū, Ɛmureco Pacu yee quetire wede ĩugueri maju cū ca ĩirijere ca tuo nūñjeetigūra, ĩā cōacārique niirucu” ĩiquīupi Moisés.†

²⁴ “Ñucā niipetirā Ɛmureco Pacu yee quetire wede ĩugueri maja niiquīricarā, Samuel jiro macārā niipetirāpūra ati rumūri o biro ca biiperena wedequīupa cūja cāa. ²⁵ Mūjara mūja nii, Ɛmureco Pacu, cū yee quetire wede ĩugueri maja mena: “To biro yū tiirucu” cū ca ĩiriquere cūo nūñjee, ĩucā Ɛmureco Pacu mūja ĩicū ĩūmūa niiquīricarāpūre: “O biro mani tii niijaco” cū ca ĩiriquere cūo nūñjee, ca tiirā. Ɛmureco Pacu o biro ĩiupi Abraham're: “Mū pārami ĩūori niipetirā ati yepa macārā bojoca poogaari añuro tii ecorucuma,” ĩiupi.* ²⁶ To biro ca ĩiricu niiri, Ɛmureco Pacu, cū Macūre cū ca cati tuaro tiiri, mūjare tiicojo ĩūopi, añuro mūjare tii, mūja cōrorena ñañaro mūja ca tiirucuriquere to cōrora tii yerijāa, tūgoeña wajoa mūja ca biipere biro ĩigū —cūjare ĩi wedeupi Pedro.

4

Pedrore, Juan're wiorā pūtopū cūja ca ami waarique

¹ Ména, Juan, Pedro, bojocare o biro cūja ca wede niirora, paia, Ɛmureco Pacu yaa wiire ca coterā uwamarā wioğū mena, to biri Saduceos mena eaupa. ² Pedro, Juan, “Ca bii yairicarā cūja ca cati tuarije Jesucristo menara bii bau niicāupa,” bojocare cūja ca ĩi wederije ĩūori buaro ajaupa. ³ To biri cūjare ñee, ñamipū ca niiro macā, ape rumūpū cūjare ĩāiñarugarā tia cūurica wiipū cūjare tia cūucāupa. ⁴ To ca bii pacaro, Pedro cū ca wederijere ca tuoricarā pau tuo nūñjeepū. To biri Jesús're ca tuo nūñjeerā umūa wadora, ĩicā amo cōro mil cōro peti eacoaupa.

† 3:23 Dt 18.15, 18-19. * 3:25 Gn 22.18; 26.4.

⁵ Ape rumu peere Jerusalén're judíos wiorã, bucãrã ca juo niirã, doti cūuriquere ca juo buerã, neaupã. ⁶ Paia wiorã Anás, Caifás, Juan, Alejandro, to biri paia uparã yaarã ca niirã niipetirã, toore niuupa. ⁷ Nea poo yapano, tia cūurica wiipã ca niirã, Pedro, Juan're ami doo doti, cūja jũguero cūjare nucõri, o biro ñi jãña juo waaupa:

—¿Ñee doti majirique mena, ñiru wãme mena, atere to biro mũa tiijãri? —cūjare ñiupa.

⁸ To biro cūja ca ñi jãñaro Pedro pea, Añuri Yeri cūre cū ca majiorije mena, o biro cūjare ñi yũũupi:

—Bojocare ca doti niirã, to biri Israel macãrãre ca juo niirã: ⁹ Mũa, mecūre, ca diarique cutigure añuro jãa ca tiirique jũorira jãare jãña, “¿Do biro cū tii catio ecojãri?” jãare ñi jãña, mũa ñi. ¹⁰ To biri mũa niipetirã mũa ca tũo cojoro, ñucã Israel yepã macãrã niipetirã cūja ca majipere biro ñirã, ani ca buuricu ca niimiricu, mũa niipetirã mũa ca ña cojoro ca niigũa, Jesucristo Nazaret macũ, yucu tenipũ mũa ca paa pua tuu cõaricũrena, Æmũreco Pacũ cū ca cati tuaro cū ca tiiricu cū ca doti tutuarije mena catio ecojãwi.

¹¹ Jesucristoa,

“Mũa, wiijeri tiiri maja, ãtãga ca añutiricare mũa ca beje cõamiricagara, mecũra yua ãtãga ca nii majuropeerica ca nii earicu, niimi.”*

¹² To biri apĩ jĩcũ ñno peera ñañaro mani ca biipere manire ca ametuenege manimi. “Ñañaro cūja ca bii yaiboriquere cū jũori ametuarucuma,” ñigũ Æmũreco Pacũ cū ca tiicojoricũ, ati yepã niipetiroperena apĩ manicãmi —cūjare ñi yũũupi Pedro.

¹³ Uparã pea, Pedro, Juan, uwi tũgoeñaricararo maniro cūja ca wedero ñarã, ca buetiricarã nii,† watoa macãrãra niicã, cūja ca biirijere ña maji, ñee pee ñi majiticã, biima ñirã, “Jesús buerãra niima,” ñi majiupa.

¹⁴ Ñucã ca buuricũre cūja ca catioricu pee cãa cūja menara cū ca niiro macã do biro pee cūjare ñi boca yũũ majiticãupa. ¹⁵ Do biro pee cūjare ñi majitima ñirã, cūjare witi waa doti, too ca nearicarã wado o biro ameri ñi wede peni niuupa:

¹⁶ —¿Anijare do biro mani tiirãti? Jerusalén macãrã niipetirãpũra ca buuricũre cūja ca catioriquere maji peticãma. “To biro biicãro bii, yee ñima,” mani ñi majiti. ¹⁷ Ate bojoca watoare õo jañuro bii jeja nucã waare ñirã, Jesús yeere jĩcũ peerena cūja ca wedetipere biro ñirã, “Ñañaro mũjare jãa tiirucu,” cūjare mani ñi uwiojaco —ameri ñi wede peniupa.

¹⁸ To biro ñicãri, cūjare juo cojo:

—Jesús yee maquẽre jĩcã wãme ñno peera bue, wede majio, tii nemoticãña yua —cūjare ñiupa. ¹⁹ To biro cūja ca ñiro, Pedro jãa pea o biro cūjare ñi yũũupa:

—¿Mũjara, Æmũreco Pacũ cū ca ña cojorore Æmũreco Pacũ cū ca dotirije peere tũo nũnũjeetirãra, mũa ca dotirije peere jãa ca tũo nũnũjeero, to añucãgajati? Mũa majuropeera tũgoeña bejea. ²⁰ Jãa, jãa ca ñariquere, jãa ca tũoriquere, jãa wede yerijãa majiti —cūjare ñi yũũupa.

²¹ To biro cūjare cū ca ñi yũũurijere tũorã, uparã pea ñucã:

—Teere mũa ca wedejata, ñañaro mũa tii ecorucu —cūjare ñi nemo, cūjare piticãupa. Ñañaro cūjare cūja ca tiipa wãmere do biro pee tii buaticãupa, niipetirã bojoca ca biirique cūja ca ñariquere Æmũreco Pacũre cūja ca ñi nucũ buo niiro macã. ²² Ca buuricũre cūja ca catioricu pea, cuarenta cãmari ametũenero ca cũogũ niuupi.

Jesucristore ca tũo nũnũjeerã cūja ca juu buerique

²³ Pedro, Juan jãa cūjare cūja ca wienero jiro, ñucã cūja mena macãrã pũtopũ tua waari, niipetirije paia wiorã, to biri bucãrã bojocare ca juo niirã cūjare cūja ca ñirique niipetirije cūjare wedeupa. ²⁴ Teere cūja ca wedero tũori jiro, jĩcãri mena o biro Æmũreco Pacũre ñi juu bueupa:

—Niipetirije Uru, ati amũrecore, ati yepare, dia pairi yaare, to biri teepũre ca niirije niipetirije ca tiiricu, ²⁵ Añuri Yeri menapũ, mũre pade bojari majũ jãa ñicũ David menapũ, o biro mu ñiupa:

* 4:11 Sal 118.22. † 4:13 Judíos yee doti cūuriquere añuropũ ca bue ame witiiricarã.

“¿Ñee tiirã bojoca poogaari to cõro peti cãja wede mecũti? ¿Ñee tiirã bojoca, watoa petira “O biro mani tiijaco,” cãja ïiti?

²⁶ Wiorã, ati yepare ca doti niirã, jïcãri mena Æmureco Pacu menare to biri mu ca beje amiricu Mesías menare, ïa junama.”†

²⁷ To birira Herodes, Poncio Pilato, judíos, judíos ca niitirã mena, ati macãre nea pooupa, mu ca beje amiricu Jesús, ca ñañarije manigu, mure pade bojari majure ïa junari, ²⁸ tĩrumapura “To biro biirucu,” mu ca ïiricarore birora, to biijato ïirã. ²⁹ Upu, mecũra ñañaro jãare cãja ca tiirugarijere ïaña. Mu paderi majare uwiricaró maniro mu yeere jãa ca wede yujuro jãare tiiya. ³⁰ To biri mu ca yeri tutuarije mena ca diarique cutirãre catio, ñucã mure pade bojari maju ca ñañarije manigu Jesús wãme mena, ca ïa ñaña manirije jãa ca tii maji niiro tiiya —ïi juu bueupa.

³¹ Cãja ca juu bue yapanorora, cãja ca niiri tabe buaro nanaupe. To biro ca biiro, niipetirãpura Añuri Yeri cãja yeripure cã ca ñaajãa nũcã earo, uwiricaró maniro Æmureco Pacu wederiquere wede yujuupa.

Niipetirije cãja ca cuorije, niipetirã yee ca niirije

³² Jesucristore ca tuo nunujeerã niipetirã jïcũ peere birora bii, jïcãri cõro tugoeña biiupa. Jïcũ peera cãja ca cuorijere, “Yu yee wado nii,” ïiricaró maniro, “Mani niipetirã yee niiro bii,” ameri ïiupa. ³³ Jesús yee quetire wederi maja pea, Wiogu Jesús cã ca cati tuarique quetire do biro tiiya maniro to birora wedecã nunua waaupa. Æmureco Pacu pea cãja niipetirãpurenã buaro jañuro, añuro cãjare tii nemo nunua waaupi. ³⁴ Cãja watoare jïcũ unora ca boo pacagu maniupi. Yepari ca cuorã, ñucã wiijeri ca cuorã, aperãre noni wapa jeeri, ³⁵ wapa tiirica tiirire Jesús buerãre tiicojori, bate dotirucuupa cãja ca niiro cõrorena, cãja ca cuotirijere cãja jeejato ïirã. ³⁶ To birora tiiupi, Leví yaa puna macũ José ca wãme cutigu, Chipre yucu pooga macũ, Jesucristo yee quetire wederi maja, Bernabé cãja ca wãmeo tiiricu cãa, (Bernabé ïiro, “Tugoeña bayiricaró ca tiigu,” ïirugaro ïi), ³⁷ cã yaa yepare aperãre noni wapa jeeri, wapa tiirica tiirire Jesús buerãpurre tiicojupi.

5

Ananías, Safira, ñañaro cãja ca tiirique

¹ Ananías, cã numo Safira mena, cãja cãa, cãja yaa yepare noniupa. ² Cã numo Safira mena, “To biro mani tiijaco,” ameri ïi wede peniri, wapa tiirica tiirire jee duori, ca ðujarijere Jesús buerãre noniupa. ³ Pedro pea o biro ïi jãiñaupi Ananías're:

—Ananías, ¿ñee tiigu Satanás mu yeripu ñaajãa nũcãri mure doti ametuene nũcã, Añuri Yerire ïi dito, mu yaa yepare mu ca noni wapa taarique wapa tiirica tiirire jee ðuo, tee mena tua, mu ca tiiro cã tiijãri? ⁴ ¿Mu ca noniparo jũguero, mu yaa yepa méé to niijãri? ¿Mu ca noniro jiro, wapa tiirica tiiri mu yee méé to niijãri? ¿Ñee tiigu to biirije peti mu tiicãjãri? Bojocare ïi ditogu méé mu tii. Æmureco Pacure ïi ditogu mu tii —cũre ïiupi.

⁵ O biirije Pedro cãre cã ca ïirijere tuogura, dia ñaacũmucoaupi Ananías. Niipetirã to biro ca biiriquere ca tuorã, buaro uwiupa. ⁶ To biro cã ca biiro ïa, wãmarã doo, cã upuri niiquĩriquere jutiro quejero mena paa ũmaa, cãre jaarã waarã amicoaupa.

⁷ No cõro mee itia horas jiro, ca biiriquere majiricaró maniro jãa dooupo Ananías niiquĩricu numo. ⁸ Cõ cãare o biro cõre ïi jãiñaupi Pedro:

—Safira, yure wedeya: ¿Jãare wapa tiirica tiiri mũa ca noni jãaro cõrora mũa yaa yepare mũa noni wapa jeejãri? —cõre ïi jãiñaupi.

—Ûgjã. To cõrora jãa noni wapa jeejãwu —cũre ïi yũũuro.

⁹ To biro cãre cõ ca ïi yũũorora:

—¿Ñee tiirã mũa puarãpura, Æmureco Pacu yuu Añuri Yerire “O biro cãre mani ïi ñaajaco” mũa ameri ïi wede penijãri? ¡Ñaña! ïijã tua dooma, mu manũ niiquĩricure ca jaarã waaricarã. Mu cãare ñucã ami waarã doorã tiima —cõre ïiupi Pedro.

† 4:26 Sal 2.1-2; Dan 9.24f; Hch 10.38; He 1.9.

¹⁰ To biro cõre cū ca ñirije menara, Safira cāa Pedro putora dia ñaacūmucoauo. Cõ manū niiquĩricure ca yaarā waaricarā wāmarā jāa earā, cõ cāare ca bii yairicopure bua ea, cõre ami waa, cõ manū niiquĩricu putora cõre yaaupa. ¹¹ To biri niipetirā Jesucristore ca t̃uo ñññjeerā, ñucā niipetirā teere ca tuoricarā, buaro uwiupa.

Ca diarique cutirāre paū cūja ca catorique

¹² Jesús buerā menapu, paū wāmeri bojoca watoare ca ĩa ñaaña manirije tii bau niirique niuupa. Ñucā niipetirā Jesucristore ca t̃uo ñññjeerā, j̃icū peere biro t̃ugoñarique cutiri, Pórtico de Salomón* cūja ca ĩiri tabere nea poorucuupa. ¹³ Aperā pea buaropura cūjare ñcū buocā pacarā, j̃icū uno peera cūja mena niirucu biitiupa. ¹⁴ Wioḡure ca t̃uo ñññjeerā pea, paū jañuro nomia, umua, nii ñññaa waaupa. ¹⁵ To biri, ca diarique cutirāre wiijeri watoa waarica maaripu jee wieneri, cāni pejaricarō jotoarira, diari majare ami waaricarō jotoarira, cūu cojoupa, Pedro cū ca ametua waaro petopura, cūja mena macārā j̃icārare cū wātī† cuti ñaapeajato ĩirā. ¹⁶ Ñucā Jerusalén puto macā macāri macārā cāa, ca diarique cutirāre, wātīa juori ñañaro ca biirāre, cūjare jee doorā paū tii macāre earucuupa. Niipetirāpura catio ecoupa.

Jesús buerāre ñañaro tiirugarā cūja ca ñññrique

¹⁷ Paia upu, cū mena ca niirā saduceos're ca t̃uo ñññjeerā, buaro ajaupa. ¹⁸ To biri Jesús buerāre ñeeri, tia cūurica wii, macā macā wiipu cūjare tia cūucāupa. ¹⁹ To biro cūja ca tiimijata cāare, j̃icū Umureco Pacu puto macā ñamira cūjare pāa wiene, o biro ĩiupi:

²⁰ —Waa, Umureco Pacu yaa wiipu ea ñcāri, niipetirije ate catirique quetire bojocare wederāja —cūjare ĩiupi.

²¹ Cūja pea to biro cū ca ĩirijere cūja ca tuoricarore birora, ape r̃m̃m̃ meepu, ca boerije mena Umureco Pacu yaa wiipu jāa waari, wede juo waaupa. To biro cūja ca ĩi nii ditoye, paia upu, to biri cū mena ca niirā mena doo, israelitas're ca juo niirā niipetirāre juo neo, Jesús buerā tia cūurica wiipu ca niirāre juo doti cojoupa. ²² Cūja ca juo doti cojoricarā uwamarā pea, tia cūurica wiipu earā cūjare buatiupa. To biri o biro ĩi wede tua eupa:

²³ —Tia cūurica wii niipetiri joperipura añuro biarica joperi wado nii, ñucā tii wiire coteri maja uwamarā cāa tii joperi cōrorena cote, bii niijapa. To biro cūja ca bii pacaro, jāa pea tii wiire jope pāarā, tii wii jupearura j̃icū unora jāa buaticājāwu —cūjare ĩi tua eupa.

²⁴ Teere tuorā, Umureco Pacu yaa wiire ca coterā uwamarā wioḡu, ñucā paia ca nii majuropeerā, do biro pee ĩi majiti:

—¿Tee niipetirije ñeepu to bii yapanorugabuti? —ameri ĩiupa.

²⁵ To biro cūja ca ĩi niiri tabera, j̃icū o biro cūjare ĩi eaupi:

—Tia cūurica wiipu m̃ja ca tia cūuquĩjārā, Umureco Pacu yaa wiipu bojocare buerā tiima ñucā —ĩiupi.

²⁶ To biro cū ca ĩiro t̃uo, uwamarā wioḡu cū uwamarā mena waa, bojocare ũtā mena dee j̃ia ecorugatigū uwima ĩigū, Jesús buerāre ñañaro cūjare tiitigura cūjare jeecoaupi.

²⁷ Ea, wiorā p̃topu cūjare jee waaupa. Paia upu pea o biro cūjare ĩiupi:

²⁸ —“J̃icāti uno peera cū yee maquēre wede nemoeto,” m̃jare jāa ĩijāwu doca. M̃ja pea, to biro m̃jare jāa ca ĩicā pacaro m̃ja ca bue majiorije mena Jerusalén macāre ca jeja ñcā peticoaro m̃ja tii, ñucā to biro m̃ja ca ĩi niirije watoara, cū ca bii yairiquere, jāarena, “Cūre m̃ja j̃iawu,” m̃ja ĩi nii —ĩiupi.

²⁹ To biro cū ca ĩiro, Pedro, to biri cū mena macārā:

—Jāara, bojoca cūja ca ĩirije peere tii ñññjee juorica tabe unora, Umureco Pacu cū ca tii dotirije peere jāa ca tii ñññjee juopera niicāro bii. ³⁰ Mani ñicū jāa niiquĩricarā Umureco Pacura, Jesús're, yucu tenipu m̃ja ca paa pua tuu cōḡure cū ca cati tuaro tiiwi. ³¹ Cūrena, Umureco Pacu, ca nii majuropeegū cūre tii, cū díamacū nuña pee cūre cūuri, Wioḡu, manire Ca Ametuenegū, cū ca ĩiro tiijapi, Israel bojoca ñañarije cūja ca

* 5:12 Umureco Pacu yaa wiipure waru macā nuña peere wii botari ca nii t̃ia waari tabe niuupa. † 5:15 Sombra.

tii niirijere to cōrora tii yerijāa, Ƴmureco Pacu mena pee nii ea, ñañarije cūja ca tiirijere acobo eco, cūja ca biipere biro iigu. ³² Jāara jāa nii, atere ca ĩaricarā, ñucā Ƴmureco Pacu, cūre ca tuo nunujeerāre cū ca tiicojoricu Añuri Yeri cāa, ate to biro ca biiriquere, “To birora biiwñ” ca iigu niimi —cūjare iupa.

³³ Cūja pea atere tuorā, buaropura ajia ametuacoari, cūjare jīacārugaupa. ³⁴ To biro cūja ca biiro, jīcū fariseo, Gamaliel ca wāme cutigu, doti cūuriquere jwo bueri maju bojoca niipetirā cūja ca nūcū buogu, uparā cūja ca nea poori tabepure wāmu nūcāri, Jesús buerāre jīcā nimaro cūjare wiene cojo doticāupi. ³⁵ Cūja ca witi waaro jiro o biro iupi:

—Israelitas, anijare mūja ca tiirugarijere tūgoeña bojoca catiya. ³⁶ Tūgoeñaña tīrumūpūre Teudas ca wāme cutigu, “Yñ yñ nii ca nii majuropeegu,” cū ca iiro, cuatrocientos peti cū ca iirijere tuo nunujeeupa. To ca bii pacaro cūre jīacāupa. Cūre cūja ca jīarora, cūre ca nunumiricarā waa bate peti, to cōrora niipetiro peti nūcācoupa. ³⁷ Jiro jañuro ñucā, cūja wāme cūja ca owa peori rumūrire, Galilea macū Judas cāa, to birora iiri, bojoca cūre cūja ca tuo nunujeero tiimiupi. Ñucā cū cāare jīa cōacāupa. To biro cūja ca tiirora, cūre ca nunumiricarā cāa waa bate peticoaupa. ³⁸ “Mecū peera, anijare to birora cūjare ĩacāña,” mūjare yñ ĩi wede majio. ¡Cūjare piticāña! Ano ca biirije bojoca cūja ca dotirije to ca niijata, peticoarucu. ³⁹ Ƴmureco Pacu cū ca dotirije to ca niijata docare, do biiro pee mūja tii ametua nūcā majitirucu. Bojoca catiya, Ƴmureco Pacu menara mūja ameri quēcā niire —cūjare iupi Gamaliel, cū mena macārā wiorāre.

To biro cū ca iirije mena, cū mena macārāre cūja ca tūgoeña wajoaro tiiupi.

⁴⁰ To biri Jesús buerāre jwo cojo, cūjare bape yapano, “Jesús yee maquēre wede nemoticāña,” cūjare iupa. Jiro cūjare piticāupa. ⁴¹ Jesús buerā pea, uparā puto ca niiricarā witi waarā: “Jesús yee quetire mani ca wederije jwori, manire cūja ca bapero manire tiimi Ƴmureco Pacu,” ĩi űjea niicā witi waaupa. ⁴² To cānacā rumūra, Ƴmureco Pacu yaa wiipñ, wiijeripñ, bojocare bue, Jesús'ra Mesías ca niigu yee maquē añurije quetire wede, tiicā niirucuupa.

6

Ca pade nemoparāre cūja ca bejerique

¹ Tii cūmarire Jesús yee quetire ca tuo nunujeerā pañ nii nunña waama ĩirā, griego bojoca pee, hebreo bojocare:

—Jāa yee wederā romiri ca manñ jūmña bii yai ecoricarā griega romirire, manire cūja ca tii nemorijere baarique dica woorā, “Añuro cūjare tiitima” —ĩi wede pai jwo waaupa.

² To biri Jesús buerā pñā amo peti, dupore pñaga penituario ca niiricarā pea, niipetirā Jesucristore ca tuo nunujeerāre neori, o biro cūjare iupa:

—Jāa Jesús buerā ca niiricarā, baarique bato coterugarāra, Ƴmureco Pacu yeere jāa ca wede yerijāaro añuti. ³ Jāa jaarā, mūja majuropeera mūja mena ca niirāre, “Anijarā añuma” mūja ca ĩirā, ca majirāre, Añuri Yeri ca cñorāre, jīcā amo peti, ape amore pñaga penituario ca niirā űmña tee paderiquere ca tii niiparāre cūjare amaña. ⁴ Jāa pea, juu bue, Ƴmureco Pacu cū ca iirijere bojocare wede, jāa tiicā nunña waarucu —cūjare iupa.

⁵ To biro cūja ca iiro, niipetirāpura “To birora mani tiijaco” ĩi, buaropura díamacū tūgoeña tutua, Añuri Yeri cño, ca biigu Esteban're, Felipe, Prócoro, Nicanor, Timón, Parmenas, to biri Antioquía macū Nicolás, jūguero peera judíos yee peere ca tii nūcū buorucuricñre, jwoupa. ⁶ Cūjare beje yapano, Jesús buerā pñtopñ cūjare jee waaupa. Cūja pea Ƴmureco Pacu cūjare jāi boja, cūja amori mena cūjare ñia peo, cūjare tiiupa.

⁷ Ƴmureco Pacu yee queti pea buaro jañuri jeja nūcā waaupa. To biri Jesús yee quetire ca tuo nunujee waarā pañ jañuro nii nunña waaupa Jerusalén're. Ñucā paiarñ cāa, pañ Jesús yee añurije quetire tuo nunujeeupa.

Esteban're cūja ca ñeerique

⁸ Esteban, Ɛmureco Pacu añuro cū ca tiirije, cū ca yeri tutuarije c̄oc̄ari, bojoca watoare ca ĩa ñaña maniri wāmeri tii bau nii niupi. ⁹ Jīcārā nea poo juu buerica wii, Pade Coteri Maja Ca Ametuaricarā, ca wāme c̄utiri wii macārā, jīcārā Cirene, Alejandría, Cilicia, to biri Asia yepa macā macāri macārā mena, Esteban mena ameri tuti j̄uo waaupa. ¹⁰ To biro ĩi pacarā, Esteban're do biro pee c̄ure ĩi ametua n̄acā majitiupa, Añuri Yeri cū ca majiorije mena cū ca wedero macā. ¹¹ Do biro ĩi majitima ĩirā, jīcārāre wapa tiupa, watoara, “Moisés cū ca doti c̄uriquere, Ɛmureco Pacure, Esteban ñañarije cū ca ĩi tutiro j̄aa t̄uojāw̄u,” c̄ja ĩijato ĩirā. ¹² To biro c̄ja ca tiircarā niiri, bojocare, bojocare ca j̄uo niirāre,* doti c̄uriquere ca j̄uo buerāre, c̄jare wede mec̄o peticā cojupa. To biri Esteban're ũmaa nea poo, c̄ure ñee, ƣparā c̄ja ca nea poorop̄u c̄ure amicoaupa. ¹³ Ñucā yeera, “ ‘Ania Moisés cū ca doti c̄uriquere, to biri ati wii Ɛmureco Pacu yaa wii ca ñañarije maniri wiire ñañaro ĩi yerijāati majuropecāmi.’ ¹⁴ Ñucā Jesús, Nazaret macū, ati wii Ɛmureco Pacu yaa wiire c̄ocā, mani ca tii niirije Moisés manire cū ca c̄uriquere wajoacā, tiirucumi’ cū ca ĩirijere j̄aa t̄uojāw̄u,” ca ĩi dito wedejāa nemoparāre amaupa. ¹⁵ To c̄orora ƣparā,† to ca duwirā niipetirāp̄ura, Esteban're ĩarā, Ɛmureco Pacu p̄uto mac̄ure biro cū ca díamacū c̄utiro ĩaupa.

7

Esteban cū ca wederique

¹ To c̄orora paia wioḡu pea o biro c̄ure ĩi j̄aiñauipi:

—¿Ano m̄ure c̄ja ca wedejāarije díamac̄ura to niiti? —ĩiupi.

² Cū pea o biro ĩi ȳuupi:

—Ȳu yaarā, ȳu pacua, ȳure t̄ooya. Mani Ɛmureco Pacu do biro ca tiiya maniḡu, mani ñicū Abraham're, Harán pee cū ca niiḡu waaparo j̄uḡuero, ména Mesopotamiap̄ura cū ca niiro c̄ure baua eari, ³ “M̄u yaa yepare, m̄u yaarāre witi weori, m̄ure ȳu ca ĩñopa yepap̄u waaḡuja,” c̄ure ĩiupi.* ⁴ To biri caldeos yaa yepare witi, Harán yepa pee niiḡu waupi. Toop̄u cū ca niiro, cū pacu cū ca bii yairo jiro, Ɛmureco Pacu ati yepa, mec̄ure m̄ja ca niiri yepare, c̄ure ami doupi. ⁵ To biro c̄ure tii pacaḡu, ati yepare cū yee ca niipe c̄ure tiicojo, ñucā jīcā tabe ƣnoacā cū ca niipa tabe ƣnora c̄ure tiicojorucu, tiitiupi. Biiḡup̄ua, “M̄ure ȳu tiicojorucu m̄u ca bii yairo jiro m̄u p̄āramerā yaa yepa ca niipere biro ĩiḡu,” c̄ure ĩiupi, ména Abraham tii tabep̄ura cū ca puna mani pacaro. ⁶ Ñucā Ɛmureco Pacu o biro c̄ure ĩiupi: “M̄u p̄āramerā ca nii n̄unua waarā, c̄ja yaa yepa ca niitirop̄u ape yepa macārāre biro niirucuma, cuatrocientos c̄umari peti pade coteri maja nii, ñañaro tii eco, c̄ja ca bii niiparop̄ure. ⁷ Ȳu pea c̄jare ca pade doti eperāre ñañaro c̄jare ȳu tiirucu. Jiro m̄u p̄āramerā tii yepare witi weori, ati yepap̄u ȳure tii n̄acū b̄uorucuma,” ĩiupi Ɛmureco Pacu Abraham're.† ⁸ Ɛmureco Pacu, Abraham're, “O biro mani tii niirucu,” c̄ure cū ca ĩirijere ca bii ĩñorije to niijato ĩiḡu, jeyua quejero yapare wide taatiriquere‡ c̄ure tii dotiupi. To biri cū macū Isaac cū ca baaro jiro jīcā amo peti, ape amore itiaga penituario ca niiri r̄umari ca nii waaro, cū jeyua quejero yapare wide taaupi. Ñucā Isaac cāa cū macū Jacob're to birora tiupi. Jacob cāa to birora tiupi, cū puna Israel macārā p̄ua amo peti, d̄upore p̄uga penituario niiri poogaari ca niiparā pacua cāare.

⁹ ”Anija Jacob puna mani ñicū j̄aa ca niiricarā c̄ja bai Josere ĩa tutiri, pade coteri majure biro c̄ja ca noni c̄oḡure, Egiptop̄u c̄ure ami waaupa. To biro c̄ure c̄ja ca tii pacaro, Ɛmureco Pacu pea cū menara niiri, ¹⁰ niipetirije cū ca t̄uḡoñarije pairijere c̄ure tii nemo amet̄eneupi. To biro tii, b̄uaro ca majiḡu cū ca niiro c̄ure tiiri, Faraón, Egipto macū ƣp̄u, Josere Egipto macārā wioḡu cū ca niiro, ñucā ƣp̄u cū ca niiri wiire ca dotiḡu cū ca niiro c̄ure tiupi.

¹¹ ”Tii tabere, Egiptore, to biri Canaán yepare aua nii, ñañaro tam̄orique nii, biiupa. To biri mani ñicū j̄aa niiquiricarā pea c̄ja ca baape ƣno c̄oticāupa. ¹² Jacob, “Egiptore

* 6:12 Ancianos. † 6:15 Sanedrín. Hch 6.13. * 7:3 Gn 12.1. † 7:7 Gn 15.13, 14. ‡ 7:8 Circuncisión.

baarique niijato,” cūja ca ĩriijere tuori, cū puna, mani ñicū jāa niiquĩricarāre toopu cūjare tiicojo juoupi. ¹³ Jiro cūja ca waa nemoro, José pea cū jūwu jāarire cūre cūja ca majiro tiuipi. To biri Faraón pea Josére “Tii pooga macū niijapi,” ĩi majiupi. ¹⁴ Tee jiro José, cū pacu Jacob, cū puna niipetirā, setenta y cinco bojoca ca niirāre, Egipto pee cūjare jee doo dotiupi. ¹⁵ To biro biima ĩigu, Egipto yeparu niigu waaupi Jacob. Toopu bii yaiupi. Ñucā cū puna, mani ñicū jāa niiquĩricarā cāa, tii yeparura bii yaiupa. ¹⁶ Jacob niiquĩricu cū ca bii yairo cū upari niiquĩriquere Siquem'pu ami waa, Abraham, Hamor punare cū ca wapa tiirica maja operu cūre yaacōaupā.

¹⁷ “Umureco Pacu Abraham're, “To biro yu tiirucu,” cū ca ĩirica cuu ca ea nunna waaro, Israel yaa pooga macārā Egipto yeparu niirā rau bojoca buupa. ¹⁸ To biro cūja ca biiri cūmarire, Josére ca majitigu, Egipto yepare wiogu jāaupi. ¹⁹ To biri cū pea, mani yaa pooga macārāre ĩi dito, mani ñicū jāare ñañaro cūjare tii epe, cūja puna wāma ca bauarā cāare ĩa nunjee dotiti, cūja ca bii yairo tiuipi. ²⁰ To biro cūjare cū ca tiiri cuurena bauaupi Moisés. Umureco Pacu cū ca ĩa biijejagu añugu niuipi. Cū pacu pea itiarā muipūa peti cūja yaa wiira cūre majo niuipa. ²¹ Jiro cūre ĩiarema ĩima ĩirā, diapu cūja ca poo yuu cojogure, faraón macō cūre amiri cō macū majuro peere biro cūre majoupo. ²² To biro cō ca tiiricu niiri, Egipto macārā yee majiriquere bue majio ecori, cū ca wederije, cū ca tiirije cāare buaro ĩi bayi, niipetirije ca tii maji petigu bii maja nūcāupi Moisés.

²³ “Cuarenta cūmari cuogu, cū jaarā israelitas're: “Ca ĩagu waape niicu,” ĩiupi Moisés. ²⁴ Cūjare ĩagu waagu, ĩicū Egipto macū, ĩicū cūja mena macūre ñañaro cū ca tiiro ĩari, cūre camotagu waama ĩigura, Egipto macūre quēe ĩiacāquĩupi. ²⁵ “Cū juori, ‘Umureco Pacu manire ametuenerucumi,’ ĩi tugoēñarucuma yu jaarā,” ĩi tugoēñamiupi Moisés. Cūja pea to biri wāme tugoēñatiupa. ²⁶ Ñucā ape rumu cū jaarā puarā israelitas wado cūja ca ameri quēe niiro ĩari, añuro cūja ca niiro tiirugama ĩigu, “Mūja ĩicā majara mūja nii, ĩñee tiirā ñañaro mūja ameri tiiti?” cūjare ĩimiupi. ²⁷ To biro cū ca ĩirora, cū mena macūre ca quēe niijāgu pea, Moisés're tumicōa cojo, o biro cūre ĩiupi: “ĩNiru jāare ca dotipu, jāare ca ĩa bejepu, mure cū tiijāri? ²⁸ ĩNamica, egipcio bojocure mu ca ĩājārore birora, yu cāare ĩiarugu mu tiiti?” cūre ĩiupi. ²⁹ To biro cūre cū ca ĩriijere tuo uwima ĩigu, Madián yeparu duticoaupi Moisés. Tii yeparure ape yepa macūre biro niirucuupi. Toopu niigu, puarā puna cūtiupi.

³⁰ “Cuarenta cūmari jiro, ca yucu maniri yepa Siná ĩtāgu puo, ĩicū Umureco Pacu puo macū, yucugu ca pota cūtiricu ca ĩurije watoapu cūre baua eapu. ³¹ Moisés pea to biro ca biirijere ĩagu, ĩa ucuaoca, añuro ĩa quenorugu puo jañuro waa nunna waagu, Umureco Pacu o biro cūre cū ca ĩiro tuoupi: ³² “Yu, mu ñicū jāa Umureco Pacu yu nii. Abraham, Isaac, Jacob jāari Umureco Pacu yu nii,” cūre ĩiupi.* To biro cūre cū ca ĩiro tuogu, cū pea uwi nana yai waama ĩigu, ĩa cojori méé biicāupi. ³³ To biro cū ca biiro, Moisés're o biro cūre ĩiupi Umureco Pacu: “Mu dapo jutire tuu weeya. Mu ca nucūri yepa ca ñañarije maniri yepa nii. ³⁴ Yu jaarā Israel yaa pooga macārā Egiptoru ca niirā, ñañaro cūja ca biirijere ĩa, ‘Ñañaro peti mani tamucā anore niirā,’ cūja ca ĩriijere yu tuo, to biri cūjare ametuenerugu yu duwi doojāwu. ‘Dooya. Ñucā Egiptoru mure tiicojogu doogu yu tii,’ ” cūre ĩiupi Umureco Pacu.†

³⁵ “Ani Moisés, “ĩNiru jāare ca dotipu, jāare ca ĩa bejepu, mure cū tiijāri?” cūja ca ĩi ĩa junaricurena ñucā, Umureco Pacu pea cūjare ca ametueneru, cūjare ca juo niiru, cūre tiicojoupi Umureco Pacu puo macū, potagu ca ĩuricu watoapu ca baua earicu cū ca doti tutuarije juori. ³⁶ To biri Moisés'ra tii yepare ca ĩa ñaña manirije tii bau nii, Dia Pairiya Ca Jūari yaare juo tīa, ñucā ca bopori yeparu cāare cuarenta cūmari peti ca ĩa ñaanā manirije tii bau nii, ca tiiricura, mani ñicū jāa niiquĩricarāre cūjare juo witi nūcāupi. ³⁷ Ñucā cūra, israelitas're: “Mūja watoare ĩicū cū yee quetire wede jugueri maju yure biro ca biigu cū ca nii earo tiirucumi Umureco Pacu, cūre mūja tuo nunjeerucu,” cūjare ĩiupi.‡ ³⁸ Ñucā ani, Moisés'ra, ca yucu maniri yeparu Israel bojocare juo niigu, Umureco

§ 7:28 Hch 2.14. * 7:32 Ex 3.6. † 7:34 Ex 3.5, 7, 8, 10. ‡ 7:37 Dt 18.15.

Pacu puto macū, Sinaí buuropu niigu cūre cū ca ĩrijere, mani ĩicū jāa peere wedecojo niupi. Nūcā cūra, catirique maquē wederiquere Umureco Pacu cū ca tiicojorije cāare ñeeupi, manipure cū ca wede ametuenepere.

³⁹ ”Mani ĩicū jāa niiquĩricarā pea, cūjare cū ca wederijere tuo nunujeerugati, teere tuo juna, ĩucā Egipto peera tuacoarugaupa. ⁴⁰ To biri: “Jūguēa, manire ca juo waparāre quenoña. Ani Moisés, Egiptoru mani ca niiro manire ca juo witimiricu cāare mani majiti. Do biro peti biicābumi doca,” ĩiupa Aarón're. ⁴¹ To biro ĩicāri jīcū wecu macūre biigu weeri, waibucarā jāa, cūre tiicojo nūcū buo, boje ruma queno peo, tii ũjea nii niupa, cūja majuropeera cūja ca quenoricurena. ⁴² Ate juori Umureco Pacu, cūjare camotati, umureco tuti macārā ñocōarena cūja ca tii nūcū buoro cūjare tiupi. O biirijera ĩi owarique nii Umureco Pacu yee quetire wede jugueri maja cūja ca owarica pūuropare: “Israelitas, ĩmūja, ca yucu maniri yepapure cuarenta cūmari peti niirā, oveja jīari joe juti añu mēene, mūja ca cuorijere tiicojo, yure mūja tii nūcū buo niiri?”

⁴³ ”Mūja tiitiwū. To biro tii nūcū buoricaro ũno, jūguē Moloc peere cū yaa wii menara cūre pūja waarucu, ĩucā jūguē Refán yū ñocō cāare to birora tii, ĩi nūcū buorugarā mūja majuropeera mūja ca weericarārena tii nūcū buo, mūja tiicōa niiwū. To biri Babilonia ōo peepu mūjare yū tiicojo batecārucu,” ĩi.*

⁴⁴ ”Mani ĩicū jāa ca bopori yepare niirā, Umureco Pacu, bojoca watoare cū ca niirijere ca bii ĩñori wiire, Moisés're, “Mū ca ĩarica wiire biiri wii tiya,” Umureco Pacu cūre cū ca ĩrica wiire biiri wii cū ca tiirica wiire cuoupa. ⁴⁵ Mani ĩicū jāa pea tii wiire ñeeri jiro, ape poogaari macārā yaa yepare Umureco Pacu cūjare tiicojorugu, cūja ca ĩa cojorora cūjare cōa wiene, cū ca tiiri yepare Josué cūjare cū ca doti niiro mena ēmarā, cūja menara tii wiire ami nūna waaupa. David cū ca niiri cuupu, tii wii toora niicāupa. ⁴⁶ David pea, Umureco Pacu añuro cū ca tiirijere bua eaupi. To biri, Jacob cū ca tuo nunujeericu Umureco Pacu yaa wiire quenorugu cūre jāiupi. ⁴⁷ Biigupua, Salomón'pu quenoquūpi Umureco Pacu yaa wiire. ⁴⁸ Umureco Pacu ati umureco niipetirupare Ca Doti Niigua, bojoca cūja ca quenorica wiijeri ũnorena niitimi, ca biipere wede jugueri majū ca ĩiricarore birora:

⁴⁹ “Umureco quejeroa, yū ca doti duwiri cūmuro nii. Ati yepa pea yū dūpori yū ca ũta cūuri tabe nii. ĩTo docare do biri wii ũno pee yure mūja queno bojarāti? ĩNoo pee yū ca yerijāa niipa tabe to niiroti?”

⁵⁰ ĩAte niipetirije yū, yū ca tiirique méé to niiti?” ĩimi ũpu.†

⁵¹ ”ĩMūja pea ca ametuene nūcā pairā, Umureco Pacure ca majitirāre biro amoperi cuti, yeri cuti, mūja bii! To cānacā tiira, Añuri Yerire mūja junacā. Mūja ĩicū jūmua niiquĩricarāre birora mūja biicā. ⁵² Mūja ĩicū jūmua niiquĩricarā, niipere Umureco Pacu yee quetire wede jugueri majure, ĩñañaro cūja tiitiupari? Ca ñañarije manigu cū ca doopere ca wede juguerā dooricarāre, cūjara jāa bateupa. Mecūra yua, ca ñañarije manigura ca dooricurena, mūja pea cūre wedejāa, jāa cōa, mūja tii yerijāawa. ⁵³ Mūja, Umureco Pacu puto macārā menapu doti cūuriquere ca ñeericarā, teere mūja tii nunujeeti tee cāare” —cūjare ĩiupi Esteban.

Esteban cū ca bii yairique

⁵⁴ Atere tuorā, cūja upire baca dūpo tuuri nūcūripu ajiaupa Esteban menare. ⁵⁵ Esteban pea, Añuri Yerire cūo ametuene nūcācoa, umureco pee ĩa mēene cojogu, Umureco Pacu cū ca boe baterijere, ĩucā Jesús, Umureco Pacu díamacū nūña pee ca nūcūgure, ĩaupi. ⁵⁶ To cōrora o biro ĩiupi Esteban:

—ĩñaña. Umureco tuti pāa nūcācoa! ĩCa Nii Majuropeegu Macū Umureco Pacu díamacū nūña pee ca niigure yū ĩa! —cūjare ĩiupi.

⁵⁷ Cūja pea buaro acaro bui, cūja amoperire paa biato, tiicāri, to ca niirā niipetirāpura ũmaa nea poori cūre ñeeupa. ⁵⁸ Cūre ñee, macā tūjaropu ami witi waari, ũtā mena cūre dee juo waaupa. Cūre ca wedejāarā pea, jīcū wāmu Saulo ca wāme cutigure, cūja juti

§ 7:40 Ex 32.1. * 7:43 Am 5.25-27. † 7:50 Is 66.1-2.

jotoa cūja ca jāñarijere cote dotiupa. ⁵⁹ Cūre cūja ca deero watoara, o biro ñi juu bueupi Esteban:

—Wiogũ Jesús, yũ yerire ñeeña —ñiupi.

⁶⁰ To biro ñi ñaanuu waa, o biro ñi acaro buiupi: “Wiogũ, o biro ñañaaro yũre cūja ca tiirijere cūjare acoboya.” Atere ñi yapanogũra, bii yaicoaupi Esteban.

8

¹ Saulo cāa, toora Esteban're cūja ca jīaro, “Mee añuro tiima,” ñi cote niuupi.

Jesús yaarāre Saulo cū ca nũnũrique

Tii rũmũra Jerusalén macārā Jesucristore ca tũo nũnũjeerā menare ñañaaro tiirũgarā, cūja ca nũnũrije bii jũoupa. To biri niipetirā Judea, Samaria yeparipũ waa batecoaupi. Jesús buerā ca niiricarā wado ametũaupi.

² Jīcārā mũmũ ca bojoca añurā, Esteban niiquĩgũre bũaro oti, cūre yaa cōa, tiicā yerijāa waaupa. ³ Saulo pea wiijeri cōro waari Jesucristore ca tũo nũnũjeerāre cūja yaa wiijeripũra, nomia, mũmũre ñee, wee nũnũ waari, cūjare tia cūu doti niuupi.

Felipe Samariare añurije queti cū ca wederique

⁴ Jerusalén ca niimiricarā ca waa batericarā pea, noo cūja ca waari taberi cōro añurije quetire wedecā nũnũ waaupa. ⁵ Felipe pea, Samaria yepa pee waari, ca nii majuropeeri macāre Jesús yee quetire cūjare wede jũo waaupi. ⁶ Felipe cū ca ñirijere tũo, ca ña ñaaña manirije cū ca tii bau niirijere ñari, paũ bojoca cū ca wederijere añuro tũo nũnũjeeupa. ⁷ Paũ bojoca ca wātīa jāa ecoricarā ametũene eco, wātīa cūjapũre ca niirā, cūjare witi waarucurā bũaro acaro bui, ñucā paũ ca bũuricarā, ñicā yuriri cāa catio eco, biiupa. ⁸ Ate jũori, tii macāre bũaro mũjea niirique niuupa.

Simón cūmu

⁹ Tii macāre niuupi jīcū, mee, jũgueropũra cūmu niiri ca nii majuropeegũre biro biicāri, Samaria macārāre ca ñi dito epe niirucuricũ Simón ca wāme cutigũ. ¹⁰ To biri niipetirā, ca nii majuropeerā, ñucā ca nii coterā cāa, cū ca ñirijere añuro cūre tũo nũnũjeeri, “Ania Mũureco Pacũ cū ca yeri tutuarije niimi,” cūre ñi nũcũ bũorucuupa. ¹¹ Cūmu cū ca niirije mena paũ cūmari cūjare cū ca ñi dito niiro macā, cū ca ñirore biro cūre tii nũnũjeerucuupa. ¹² Felipe, Mũureco Pacũ cū ca doti niiri tabe maquē, to biri Jesucristo yee añurije quetire cū ca wederije peere tũo nũnũjeema ñirā, mũmũ, nomia, uwo coe dotiupa. ¹³ Ñucā Simón cūmupũra, Felipe cū ca wederijere tũo nũnũjee, uwo coe dotiri jiro, ca ña ñaaña manirije Felipe cū ca tii bau niirijere ña mũjea niiri, cūre camotatiri méé cūre bapa cuti yujuupi.

¹⁴ Jesús buerā Jerusalén ca niirā, Samaria macārā Mũureco Pacũ yee quetire cūja ca tũo nũnũjeerijere queti tũori, Pedore, Juan're cūja pũtopũ cūjare tiicojounpa. ¹⁵ Cūja pea toopũ earā, Samaria macārā Cristo yee quetire ca tũo nũnũjeericarā Añuri Yerire cūja ñeejato ñirā, cūjare juu bue bojaupa, ¹⁶ ména, jīcū uno peerena Añuri Yeri cūjapũre cū ca ñaañā nũcā eatirique ca niiro macā. Wiogũ Jesús wāme mena wado uwo coe ecoupa ména. ¹⁷ To biri Pedro, Juan, cūja amori mena cūjare ñia peo, Añuri Yeri cūjapũre cū ca ñaañā nũcā earo cūjare tiiupa. ¹⁸ Ñucā Simón pea Jesús buerā cūja amorire bojocare cūja ca ñia peorora, Añuri Yeri cū ca dooro cūja ca tiirijere ñari, wapa tiirica tiiri cūjare tiicojo, ¹⁹ o biro cūjare ñiupi:

—To biro tii majiriquere yũ cāare tiicojaya, niipetirā yũ amori mena yũ ca ñia peorā Añuri Yerire cūja ca ñeepere biro ñirā —cūjare ñiupi.

²⁰ To biro cū ca ñiro tũogũ, Pedro pea o biro cūre ñi yũũupi:

—Mũureco Pacũ wapa maniro cū ca tiicojorijere mũ ca wapa tii amirũgarije wapa, mũ yee wapa tiirica tiiri mũ menara ñañaaro to tii yaio ecocājato. ²¹ Jāa ca majirije mũnore ca cũopũ méé mũ nii mũa. Mũureco Pacũ ca ñaro, mũ yeri añuti majuropeecā. ²² Ate ñañarije mũ ca cũorijere to cōrora tii yerijāari, Mũureco Pacũre jāñā. Ape tabera o biirije mũ ca tũgoeñarijere mũre acobocābocumi. ²³ Yũ ca ñajata, ñañarije wado tũgoeña, ñañarije pee wadore tii nũnũjeecā yai waa, biirique wado mũre niicā —cūre ñiupi Simón cūmure.

²⁴ To biro cū ca ĩiro tuogu, o biro cūre ĩi yuupi Simón:

—Mujara Umureco Pacure yure jāi bojaya, ano yure mija ca ĩirije jicā wāme uno peera yure ca biiticāpere biro ĩirā —cūjare ĩiupi.

²⁵ Pedro, Juan, Jesús cū ca tiirijere cūja ca ĩariquere wede, Umureco Pacu wederiquere cūjare bue, tii yapanorā, Jerusalén pee tuacoaupā. To biro bii, tua nunna waarā Samaria yepare ca niiri macāri pau macāripure añurije quetire cūjare wede, ĩi nunna waaupa.

Felipe, Etiopía macūre añurije queti cū ca wederique

²⁶ Ate jiro jicū Umureco Pacu puto macū o biro ĩiupi Felipere: “Jōcū jiro macā nūña peere, Jerusalén mena Gaza pee ca nii bua waari maa, ca yucu maniri yepare ca nii waari maare waagūja,” cūre ĩiupi. ²⁷ To biro cū ca ĩiro tuo, waacoaupi Felipe. Too waa nunna waagu bua eaupi jicū Etiopía macū, tii yepa macārā wiogo Candace ca wāme cutigo yee wapa tiirica tiirire ĩa nunjeeri maju ca niigure. Cū pea Jerusalén'pu, Umureco Pacure ca ĩi nucū buogu earicu niupi. ²⁸ To biro bii tua waagu, cū tunurica caballo cūja ca tūari coropu duwiri, Umureco Pacu yee quetire wede jugueri maju Isaías cū ca owariquere bue nunna waaupi. ²⁹ Añuri Yeri pea o biro ĩiupi Felipere:

—Īi coro, ca tunuri coro puto jañuro waagūja —ĩiupi.

³⁰ To biro cū ca ĩiro Felipe tii coro putoacā eagu, Etiopía macū pea Isaías cū ca owaquírca pūurore cū ca bue nunna waarijere tuori, o biro cūre ĩi jāiñauipi:

—¿Too ma ca buerijere mu tuo puoti? —ĩiupi.

³¹ To biro Felipe cū ca ĩi jāiñaro:

—¿Jicū uno peera yure cūja ca wede majioro cōro, do biro tiicāri yu tuo puobogajati? —cūre ĩi yuupi.

To biro ĩi, Etiopía macū pea cū puto Felipere ea jāa dotiupi.

³² Etiopía macū cū ca bue nunna waarije pea o biro ĩi owarique niupa:

“Jicū ovejare biro, cūja ca jāpa taberu ami waa ecowi. Jicū oveja macūre cūja ca poa juaro, cū ca acaro buitirore birora wederucu, tiitiwi.

³³ Ñañaro tii epe ecowi. Ñañaro cūre ca tiirāre ñañaro cūjare tiitiwi. ¿Ñiru pee cū ca bii juo dooriquere cū wede peotibogajati? Ati yepare cū ca cati niimirije ĩma ecocoawu,” ca ĩirijere bue jāiñauipi.*

³⁴ Etiopía macū pea Felipere o biro ĩi jāiñauipi:

—Yure wedeya petopura. ¿Atera, ĩiru pee cū ca biipere cū ĩiupari Isaías? ¿Cū majuropeera cū ca biipere ĩigu cū ĩjapari? ¿Apīpu cū ca biipere ĩigu pee cū ĩjapari? —cūre ĩi jāiñauipi.

³⁵ To biro cūre cū ca ĩi jāiñaro, Felipe pea cū ca bue nunna dooriquere cūre wede juo waa, añurije queti Jesús yeepu cūre wede yapano eaupi. ³⁶ To waa nunna waarā, jicā tabe oco ca niiri tabe eagu, o biro ĩiupi Etiopía macū, Felipere:

—Īaña, anore oco nii. ¿Ca bii camotarije uno to niibogajati yure mu ca uwo coejata? —cūre ĩiupi.

³⁷ To biro cū ca ĩiro:

—Mu yeri niipetiro menapura mu ca tuo nunjeejata, mure yu uwo coe maji —cūre ĩiupi Felipe.

To biro cū ca ĩiro:

—Jesucristoa, Umureco Pacu Macūra niimi; cūre yu tuo nunjee —cūre ĩi yuupi.

³⁸ To biro ĩi, cūja tunuricare tua nucā doti, cūja purārpu duwi ñaanucā, diaru wau wia waa, Etiopía macūre uwo coeupi Felipe. ³⁹ Cūre uwo coe yapano, cūja ca maa nucāri tabera, Umureco Pacu yuu Añuri Yeri pea Felipere amicoaupi ĩucā. Etiopía macū pea puati cūre ĩa nemotiupi yua. To biro bii pacagu, buaro ujea niirique mena waacā nunna waaupi. ⁴⁰ Felipe pea, Azoto cūja ca ĩiri macāpu nii yerijāaupi ĩucā. To ca niiri macāri cōro añurije quetire wede nunna waagu, Cesarea macāpu wede eacoaupi.

* 8:33 Is 53.7-8.

9

Saulo, cū ca tugoēña wajoarique
(Hch 22.6-16; 26.12-18)

¹ Ména Saulo pea, Jesucristore ca t̄uo n̄n̄ñjeerāre yerijāari méé j̄iaruga n̄n̄ñjee niigura, paia wiogu p̄topu eari, ² cūre cū ca doti cojori p̄urorire “Yure owa bojaya” cūre ñi j̄aigu eapi, Damascopu nea poo juu buerica wiijeripu, Wāma Maa maquēre ca t̄uo n̄n̄ñjeerā, nomia, am̄nare, cūjare ama buari, Jerusalén'pu cūjare ami waaguda iigu. ³ Teere tii yapano, waagu, mee Damasco macāre ea waagu doogu cū ca biiro, ca niiro t̄jarora am̄narecopu ca doorije buaro ca boe ajiyaarije cū wejare boe ñaacūmu eaure. ⁴ To biro ca biiro Saulo, yeparu ñaacūmu waagu:

—Saulo, Saulo, ĵ̄nee tiigu yure mu n̄n̄ñuti? —cūre ca ĵ̄irijere t̄oupi. ⁵ To biro ca ĵ̄irijere t̄ouri:

—ĵ̄Wiogu, ñiru mu niiti? —ñi j̄aiñaupi. To biro cū ca ĵ̄iro, too ca wederije pea:

—Yua Jesús, ñañaro mu ca tiiruga n̄n̄ñjeegura yu nii. Mu majuropeera potagare natē puagure biro tiigu mu tii —ñiupa. ⁶ Cū pea nanagara buaro uwirique mena o biro ĵ̄upi: “ĵ̄Wiogu, ñee yu ca tiiro mu booti?” cūre ĵ̄upi. To cū ca ĵ̄iro Jesús'pea: “Wāmu n̄cāri, macā pee piya waaguja. Toopu mu ca earo, mu ca tiipere m̄re wederucuma,” ñi yuñupi.

⁷ Saulo mena ca waaricarā pea, bojoca bauti pacaro ca wederijere t̄ouri, buaro uc̄na uwirāra tua n̄cāupa. ⁸ Jiro, Saulo wāmu n̄cā, cū capere ĩa p̄agu, ĩaticāupi. To biri cū amoripu ñee, Damascopu cūre amicoaupa. ⁹ Tii macāre itia ramu peti ĩati, baati, jiniti, bii niupi Saulo.

¹⁰ Damascore niupi j̄icū Jesucristore ca t̄uo n̄n̄ñjeegu, Ananías ca wāme cutigu. Quēñagure biro cū ca bii oto wetiropu, Wiogu cūre baua eari, o biro cūre ĵ̄upi:

—ĵ̄Ananías! —ñiupi.

To biro cū ca ĵ̄iro:

—Anora yu nii Wiogu —cūre ñi yuñupi cū pea.

¹¹ To biro cū ca ñi yuñuro, o biro cūre ĵ̄upi Wiogu:

—Wiijeri caa, Díamacū Maa ca wāme cutiri maapu, Judas yaa wiipu waari, “ĵ̄Tarso macū Saulo ca wāme cutigu cū niiti?” ñi j̄aiñaña. Juu buegu tiimi. ¹² Quēñaricarore biro bii oto weti waagu, j̄icū Ananías ca wāme cutigu, cū p̄topu j̄aa eari, ñucā cū ĩajato iigu cū amori mena cūre ca ñia peo ea n̄cāgure ĩami —cūre ĵ̄upi.

¹³ Teere t̄ogū, o biro ĵ̄upi Ananías:

—Wiogu, pañ cū yee maquēre, ñucā mu jaarā ca ñañarije manirā Jerusalén ca niirāre, niipetirije ñañaro cūja ca biiro cū ca tiirijere yure wederucuma. ¹⁴ Mecūra ano pee doojari, mu wāmere ca ñi n̄cū buorā niipetirāre, paia wiorā cūja ca doti cojoro mena tia cūurica wiipu cūjare jee waarugu —ñi yuñupi.

¹⁵ To biro cū ca ĵ̄iro, Wiogu pea o biro cūre ĵ̄upi ñucā:

—Waaguja. Bojoca, ape yepari macārāp̄ure, ñucā cūja wiorāre, to biri israelitas bojocare, yu yee quetire ca wede yujupu yu ca ami dica woojāgu niimi. ¹⁶ Yu yee j̄uri, buaropura ñañaro tam̄oriquere cūre yu ĩñorucu —ñiupi Ananías're.

¹⁷ To biro cū ca ĵ̄iro t̄uo, Saulo cū ca niiri wiipu waacoaupi Ananías. Cū p̄topu j̄aa ea, cū amori mena cūre ñia peo, o biro cūre ĵ̄upi:

—Yu yee wedegu Saulo, Wiogu Jesús, maa mu ca dooro m̄re ca baua earicu, ano mu p̄topu yure tiicojojāwi, ñucā ĩa, Añuri Yerire boca ami, mu ca biipere biro iigu —cūre ĵ̄upi.

¹⁸ To biro cūre cū ca ĵ̄irora wai n̄t̄ure biirije cū capere ca niirique ca ñaarora, añuro ĩacoaupi ñucā Saulo. To cōrora wāmu n̄cā, uwo coe ecoupi. ¹⁹ Jiro, baa, upu tutua, biicoaupi ñucā Saulo. To biro bii cati, Damasco macārā Jesús yee quetire ca t̄uo n̄n̄ñjeerā mena j̄icā ramuri niupi.

Damascore Jesús yee quetire Saulo cū ca wederique

²⁰ Jiro Saulo cūja ca nea poo juu bueri wiijeripɸ, “Jesús ʘmureco Pacɸ Macūra niimi” ʘi wede jɸo waaupi. ²¹ To biro cū ca ʘi wedero ca tuorã niipetirã do biro pee ʘi majiticã, o biro ʘi jãĩnarucuupa:

—¿Ania Jerusalén'pɸ Jesús're ca tuo nɸnɸjeerãre ca jãruga nɸnɸjeerucujãgɸ méé cū niiti? ¿Ano macãrã cãare ʘnee waari, paia wiorãpɸre tiicojorugɸ ca dooricɸ méé cū niiti? —ameri ʘiupa. ²² Saulo pea cūjare cū ca wederije cōrora ðo pee jañuro uwiricarɸ maniro cūjare wede nɸnɸa waa, “Jesús ʘmureco Pacɸ cū ca tiicojoricura niimi”^{*} cū ca ʘirije mena Damasco macãrã judíos're, do biro pee cūja ca ʘi majitiorɸ cūjare tiicãupi Saulo.

Judíos're Saulo cū ca dutirique

²³ Paɸ rɸmuri jiro judíos, Saulore jãrugarã ameri wede peniupa. ²⁴ Cū pea teere queti tuoupi. Cūre jãrugarã, ʘnamiri, ʘmurecori tii macãre witi waarica joperi cōrorena cūre cūmurucuupa.†

²⁵ To biro cūre cūja ca tiirugarijere majiri, Saulo cū ca wederijere ca tuo nɸnɸjeerã pea, piiwɸpɸ cūre jãari, ʘnamira tii macãre cūja ca wee camota amojoderica tudipɸra cūre yoo duwioçã cojoupa. To biro bii, duticoaupi Saulo.

Jerusalén'pɸ Saulo cū ca earique

²⁶ Saulo, Jerusalén'pɸ eagɸ, Jesús're ca tuo nɸnɸjeerã mena niirugamiupi. Cūja pea niipetirãpɸra cūre uwi jañuupa. “Bii ditogɸ biimi. Jesús're ca tuo nɸnɸjeegɸ méé niicumɸ,” cūre ʘi uwi tãgoeñari. ²⁷ To biro cūja ca ʘi pacaro, Bernabé pea, Jesús buerã pɸtorɸ cūre ami waaupi. Toorɸ cūre ami ea, “Maapɸ, Wiogɸ Jesús cūre cū ca bua earo cū ca ʘariquere cūre cū ca wederiquere, Damascopɸ Jesús yee quetire uwiricarɸ maniro cū ca wederiquere, yure wedejãwi ani Saulo,” cūjare ʘi wedeupi Bernabé.

²⁸ O biro bii, cūja mena Jerusalén macãre tuari, ape tabe pee waacoarucu, uwiricarɸ maniro, Wiogɸ Jesús yee quetire wede, ²⁹ judíos, griego ca wederã mena wede peni, tutuaro mena cūjare wede majio, tii niupi; cūja pea cūre jãcãrugaupa. ³⁰ Jesucristore ca tuo nɸnɸjeerã pea to biro cūre cūja ca tiirugarijere majiri, Cesareapɸ cūre ami bua waa, Tarso pee cūre tiicojocã cojoupa.

³¹ To cōrore Jesucristore ca tuo nɸnɸjeerã, Judea, Galilea, to biri Samaria yepari macãrã niipetirãpɸ añuro jãcãri cōro nii, ʘmureco Pacɸ yee quetire buaro jañuro tãgoeña bayi, bii mɸa nɸcã nɸnɸa waa, Wiogɸre añuro tii nɸcã buorique mena, Añuri Yeri cū ca tii nemoro mena, paɸ Jesucristore ca tuo nɸnɸjeerã nii nɸnɸa waaupa.

Eneas're Pedro cū ca catorique

³² Pedro, Jesucristore ca tuo nɸnɸjeerãre ca ʘa yuju waarucugɸ niiri, Lidapɸ ca niirã Jesucristore ca tuo nɸnɸjeerã cãare ʘagɸ waaupi. ³³ Toorɸre bua eaupi jãcã, Eneas ca wãme cãtigɸ, buacãri waari méé, jãcã amo peti, ape amore itiaga penituario ca niiri cūmari peti, cãni pejarica tabepɸ ca peja yai waagure. ³⁴ Cūre o biro ʘiupi Pedro:

—Eneas, mɸ ca diarique cãtirijere Jesucristo mure ametuenemi. Wãmɸ nɸcãri, mɸ ca pejaritore quenõna —cūre ʘiupi.

To biro cū ca ʘirije menara, wãmɸ nɸcãcoaupi Eneas. ³⁵ Niipetirã Lida, Sarón macãrã Eneas cū ca catirijere ʘari, Jesucristo peere tuo nɸnɸjeepa.

Dorcas cõ ca cati tuarique

³⁶ Ñucã tii cūmarirena Jope macãpɸre niipo jãcõ, Jesucristore ca tuo nɸnɸjeego Tabita, ca wãme cãtigo. Griego wederique menara Dorcas wãme cãtiupo. Cõ pea añurijere tii, ca boo pacarãre tii nemo, tii niirucuupo. ³⁷ Tii rɸmuri diarique tamɸo bii yaicoaupo Dorcas. Cõ ca bii yairo ʘa, cõ upɸri niiquĩriquerere coe yapano, jotoa macã jawi pee peocãupa. ³⁸ Pedro cū ca earica macã Lida pea, Jope macã putoacãra niupa. To biri Jope macãrã Jesucristore ca tuo nɸnɸjeerã, “Lida macãrã niijagɸ Pedro,” cūja ca ʘirijere tuori, “‘Yoari méé Joperɸ dooya,’ cūre ʘirãja ʘirã,” pɸarã ʘmure tiicojo cojoupa.

* 9:22 Mesías, Cristo. † 9:24 Vigilar o esperar.

³⁹ To biri Pedro pea yue mani waaricaro maniro cūja mena waacoaupi. Tii macāpɛ cū ca earo, cō upɛri niiquĩrique cūja ca peorica jawipɛ cūre jɔo waapura. Toopɛ cū ca earo, niipetirā ca manɔ j̄mɔa dia weo ecoricarā romiri, Dorcas catigo juti, jotoa jāñarique cūjare cō ca tii bojariquere Pedrore ññori, oti amojodeupa. ⁴⁰ Pedro pea too ca niirā niipetirāre cūjare witi waa doti, cū ājɔro jupeari mena ea nuu waa, juu bueupi. Juu bue yapano, ca bii yairico peere amojode ña cojo, o biro ñiupi:

—¡Tabita, wāmɔ nɔcāña! —cōre ñiupi.

To biro cōre cū ca ñirora, cō capere ña pāa, Pedrore ñagora wāmɔ nuucoaupo. ⁴¹ To cōrora Pedro pea cō amorire ñee, cōre tūa wāmɔ nɔcōcāupi. To biro cōre tii, Jesucristore ca tɔo nɔnɔjeerāre, ca manɔ j̄mɔa dia weo ecoricarā romirire jɔo cojo, ca catigopɛre cūjare ññoupi.

⁴² Teere Jope macārā niipetirā queti tɔo, paɔ bojoca Jesús're tɔo nɔnɔjeeupa. ⁴³ Pedro pea paɔ rɔmɔri Jope macāre, Simón, ca wāme cutigɔ, waibɔcɔrā quejeri paderi majaɔ yaa wiipɛ niicāupi.

10

Cornelio, Pedrore cū ca jɔo dotirique

¹ Cesarea macāre niupi j̄icū, cien niirā uwamarā upɛ,* uwamarā cūja ca niiri tabe Italiano ca wāme cutiri tabe mena ca padegɔ Cornelio ca wāme cutigɔ. ² Cūa, cū yaa wii macārā niipetirā menara, ca bojoca añugɔ, Ɔmɔreco Pacɔre ca ñi nɔcū buogɔ, judíos cūja ca boo pacarijere tii nemogɔ pairo wapa tiirica tiiri tiicojo, Ɔmɔreco Pacɔre to birora juu buecōa nii, ca tiigɔ niupi. ³ J̄icā rɔmɔ, muipū buaro cū ca aji cōa cūu duwi waari tabe ca niiro, quēñaricarore biro bii oto weti waagɔ, j̄icū Ɔmɔreco Pacɔ yɔɔ† cūre queti wede bojari majaɔ, bau niiro cū ca niiri tabepɔ jāa eari:

—Cornelio —cūre ca ñi jāñagure ñaupi.

⁴ To biro cūre cū ca ñi jāñaro, Cornelio pea Ɔmɔreco Pacɔ pɔto macāre ña, buaro uwirique menara:

—¿Wiogɔ, ñeere mɔ booti? —cūre ñi jāñupi.

To biro cū ca ñiro, o biro cūre ñiupi:

—Mɔ ca juu buerucurijere, ca boo pacarāre mɔ ca tii nemorijere, cūre mɔ ca tiicojo nɔcū buorijere biro ñami Ɔmɔreco Pacɔ. ⁵ To biri Jope macāpɛ j̄icārāre tiicojaya, Simón ape wāme Pedro ca wāme cutigɔre cūja jɔorā waajato ñigɔ. ⁶ Waibɔcɔrā quejeri ca padegɔ dia tujaro ca niigɔ, cūre birora Simón ca wāme cutigɔ yaa wiire niimi —ñiupi.

⁷ Ɔmɔreco Pacɔ pɔto macū cū mena ca wede niiricɔ cū ca waaro jiro, Cornelio pea cū paderi majaɔ puarāre, to biri j̄icū uwamɔ to birora cū mena ca niicōa niigɔ Ɔmɔreco Pacɔre ca nɔcū buogure, jɔo cojori, ⁸ ca biirique niipetirije cūjare wede yapano, Jope macāpɛ cūjare tiicojocā cojoupi.

Pedrore ca bii ññorique

⁹ Ape rɔmɔ cūja pea maapɔ waa nɔnɔa waarā, Jope macāre cūja ca ea nɔnɔa waaro, Pedro pea, muipū jotoa decomacā eagɔ doogɔ cū ca biiro, juu buegɔ waagɔ, wii jotoa macā yepa pee mɔa waaupi. ¹⁰ Buaro queyari, baarɔgaupi. Cūre cūja ca baarique queno boja ditoye, j̄icā wāme quēñaricarore biro bii oto weori cūre ca bii ññorijere ñaupi. ¹¹ Ɔmɔreco quejero ca pāa nɔcāro juti quejerore biiri quejero pairi quejero, tii quejero yaparire bapari taberi jiarica quejero yepa pee ca ñaañumu duwi dooro ñaupi. ¹² Tii quejeropɛre, bapari dɔpori ca cɔorā waibɔcɔrā cūja ca niiro cōro, yepa cūari ca waarā, ca wɔrā, niupa. ¹³ To biro cūre ca biiri tabera o biro ca ñirijere tɔoupi Pedro:

—Wāmɔ nɔcāña Pedro. Waibɔcɔrāre j̄iari baaya —ñiupe.

¹⁴ To biro ca ñiro, Pedro pea o biro ñi yɔɔupi:

—Biiticu n̄ja, Ɔpɔ. Yɔa j̄icāti ñnora ñañarāre, docuorāre, yɔ baa ñaati —ñiupi.

¹⁵ To biro cū ca ñiro, wederique pea o biro cūre ñi nemoupe ñucā:

* 10:1 Centurión. † 10:3 Ángel de Dios.

—Ɛmureco Pacu añurã cū ca tiiricarãre, “Ñañarã niima,” iiticãña mña —iïupe.

¹⁶ Itiati peti to biro biiupe. Jiro tii quejero Ɛmurecopu mñacoaupe ñucã. ¹⁷ Pedro pea to biro cūre ca bii ññorijere, “¿Ñee uno petire iirugaro to biibuti yéé?” cū ca ñi tũgoeñarique pai niirucurora, Cornelio cū ca jũo doti cojoricarã pea Simón yaa wiire ca jãñña ama nñña waaricarã, cū yaa wii jope petire ea yerijãaupã. ¹⁸ To earãra, tutuaro mena:

—¡Cájí! ¿Ati wiira to niiti Simón Pedro cū ca cãniri wii? —ñi jãññaupã.

¹⁹ Ména Pedro pea, cūre ca bii ññorijere cū ca tũgoeña niirora, Añuri Yeri pea o biro cūre iïupu: “Íaña. Ɛmña itiarã mure amarã eama. ²⁰ Wãmu nũcã duwi waa, ‘Yũ waati,’ iitigura, cūja mena waagũja. Yũra yũ ca tiicojojãrã niima,” cūre iïupi. ²¹ To biro cū ca iïro Pedro pea duwi waa:

—Anora yũ nii. Yũra yũ nii, mũja ca amagu. ¿Ñeere mũja ñi doojãri? —cũjare iïupi.

²² To biro cū ca iïro, o biro cūre ñi yũũupa:

—Uwamarã wiogu Cornelio, ca bojoca añugu, Ɛmureco Pacure ca nũcũ buogu, judíos niipetirã cūja ca nũcũ buogu cū ca doti cojoro jãa doojãwũ. Jĩcũ Ɛmureco Pacu yũũ, cūre queti wede bojari majũ cūre baua eari, cūre jũo doti cojoya iijari mure, cū yaa wiipũ waari, mũ ca iirijere cū ca tũopere biro iigu —cūre iïupa Pedrorẽ.

²³ To biro cūre cūja ca iirijere tũo, “Jãa dooya” cũjare ñi, tii ñamire toora cãni, ape rũmu cūja mena waacoaupi Pedro. Jĩcãrã Jope macã macãrã Jesucristore ca tũo nññjeerã cūre bapa cãti waupã.

Cornelio yaa wiipũ Pedro cū ca earique

²⁴ Jĩcã rũmu jiro Cesareare ea waupã, Cornelio pea cū yaarã, cū mena macãrã majurope cū ca jũo neoricarã mena yue niïupi. ²⁵ Pedro, wiipũ cū ca earo, Cornelio cūre jãi bocagu witi waagu, cūre ñi nũcũ buorugu, cū ãjuro jupeari mena ea nuu waaupi. ²⁶ To biro cū ca biïro ña, Pedro pea cūre wãmu nũcã dotiri, o biro iïupi:

—Wãmu nũcãña. Yũ cãa mure birora bojocu yũ nii —cūre iïupi.

²⁷ To biro ñi, cū mena wede peni jãa waagu, paũ bojoca ca nea pooricarãre bña eaupi. ²⁸ Jãa ea, o biro iïupi Pedro:

—Mũja añuro mũja maji, jãare ca dotirije, judíos ca niitirã mena nii dotiti, cũjare ña yuju dotiti, jãare ca biirijere. Ɛmureco Pacu pea jĩcũ uno peerena, “ ‘Ñañagu, docuogu niimi,’ iiticãña,” yũre ñi majiojãwi. ²⁹ To biri yũre ca jũorã waaricarãre, “To biro mure ñi cojojãwi,” yũre cūja ca iirijere tũogu, “Yũ waati” iitigura, yũ doocã doojãwũ. To biri yũ majirũga ¿ñeere iirã yũre mũja jũojãri? —cũjare iïupi Pedro.

³⁰ To biro Pedro cū ca ñi jãññaro, o biro cūre ñi yũũupi Cornelio:

—Mee bapari rũmu ametũa, ano cõrora muipũ buaro cū ca aji cõa cũu duwi waari tabe ca niïro, ano yũ yaa wiira juu buegu yũ tiïwũ. Tee jãa ca ñña maniri tabera jĩcũ umu yũ jũguerore juti ca ajiyaa boe baterije jãñacãricu baua ea, ³¹ o biro yũre iïwi: “Cornelio, Ɛmureco Pacu mũ ca juu buerijere tũo, ca boo pacarãre mũ ca tii nemorijere majimi. ³² To biri Jope macãpũ jĩcãrãre tiicojaya Simón, cū buirica wãme peera Pedro cūja ca iigu, apĩ Simón, waibũcũrã quejeri ca padegu dia tũjaro ca niigu yaa wiipũ ca niigũre cūja jũorã waajato iigu,” yũre iïwi. ³³ To biri yue mani waaricaro maniro mure yũ jũo doti cojojãwũ. Mũ pea añuro mũ doojapa. Mecũra anore, niipetirã Ɛmureco Pacu jũguerore mani nii, to biri Ɔpu mure cū ca ñi doti cojorique niipetirije jãare mũ ca wedero jãa tũorũga —cūre ñi yũũupi Pedrorẽ.

Pedro Cornelio yaa wiipũ cū ca wederique

³⁴ To cõrora Pedro o biro ñi wede jũoupi:

—Mecũra díamacũra Ɛmureco Pacu bojocare cū ca ña dica wootirijere yũ maji. ³⁵ Niipetiri poogaari macãrã cūre ñi nũcũ buo, ca niïrore biro añurijere tii, ca tiirãre añuro cũjare ñami. ³⁶ Ɛmureco Pacu, niipetirã Wiogu ca niigu Jesucristo mena, Israel yaa pooga macãrãre jĩcãri cõro añuro niirique añurije quetire tiicojoui. ³⁷ Mũja maji ate añurije queti, uwo coerique maquẽre Juan cū ca wedero jiro Galilea mena bii jũo waaro, Judea yepã niipetiropu ca bii jeja nũcã waariquere. ³⁸ Ɛmureco Pacu, Jesús Nazaret macũre

Añuri Yeri juori, niipetirije cū ca tii majipere cū ca tiicojoricu niiri, ñucā cū menara Ɖmureco Pacu cū ca niiro macā añuriije maquēre bojocare tii boja, niipetirā Satanás ñañaro cū ca tiirā cāare ametuene, cū ca tii yujurique cāare mɔja maji. ³⁹ Jāara jāa nii, niipetirije Judea yepare, to biri Jeusalén'pɔre Jesús cū ca tiiriquere ca iaricarā. Jiro yucu tenipɔ cūre paa pua tuu, cūre tii jā cōacāwa. ⁴⁰ To biro cūre cūja ca tii cōacāmijata cāare, Ɖmureco Pacu pee itia rɔmɔ jiro cū ca cati tuaro tiiri, jāare cū ca baua ññoro tiiwi. ⁴¹ Biigɔpɔa niipetirāpɔrena baua ññotiwi. Mee jɔgueropɔra Ɖmureco Pacu, to biro ca biiriquere ca wedeparā jāare cū ca beje jeericarā wadore baua ea ññowi. Cū ca cati tuaricaro jiro, cū mena baa, jini, jāa tiiwu. ⁴² To biri cūra, “Bojoca ca catirāre, ca bii yairicarā cāare ca ña bejɔ cū ca niiro cūre tiimi Ɖmureco Pacu,” ñi wede dotigu jāare tiicojowi. ⁴³ Ca biipere wede jɔgueri maja niipetirā, mee Jesús yee maquērena wede, “Cūre ca tuo nɔnɔjeerā cōrora cū juorira ñañariije cūja ca tiiriquere acobo eco, biirucuma,” ñiupa —cūjare ñi wedeupi Pedro.

Judíos ca niitirāre Añuri Yeri cū ca earique

⁴⁴ Ména, Pedro to biro cū ca ñi wede niirora, cū ca wederijere ca tuo niirā niipetirāpɔre Añuri Yeri cūjare ñaajāa nɔcā eaupi. ⁴⁵ To biri Jesucristore ca tuo nɔnɔjeerā judíos Pedro mena ca waaricarā, Añuri Yeri judíos ca niitirāpɔ cāare cū ca ñaajāa nɔcā earijere ñarā, ña ucacoaupa, ⁴⁶ ca tuoja manirije wederique wede, Ɖmureco Pacure baja peo nɔcū buo, cūja ca ñirijere tuori.

⁴⁷ To cōrora Pedro pea o biro ñiupi:

—¿Anija manire birora Añuri Yeri ca ñaajāa nɔcā ecorā, oco mena uwo coericaro cūja bootibogajati? —ñiupi.

⁴⁸ To biro ñi, Jesucristo wāme mena cūja ca uwo coe dotiro tiupi. Jiro, “Jīcā rɔmɔri jāa mena tuaya mena,” cūre ñiupa Pedore.

11

Cū ca bii niirijere Pedro cū ca wederique

¹ Jesús buerā, to biri Judea yepa niipetiro macārā Jesucristore ca tuo nɔnɔjeerā, judíos ca niitirā Ɖmureco Pacu yee quetire cūja ca tuo nɔnɔjeerijere queti tuoɔpa. ² To biri Pedro Jerusalén'pɔ cū ca tua earo, judíos cūja ca tii nɔcū buo niirucuriquere ca tuo nɔnɔjee niirucuricarā, ³ o biro cūre ñi wede pai jāiñaua:

—¿Ñee tiirā judíos ca niitirā yaa wiipɔ jāa waa, cūja mena baa, mɔja tiijāri? —cūre ñiupa.

⁴ To biro cūre cūja ca ñiro, Pedro pea ca bii nɔnɔa waaricarore biro cūjare wede juo waaupi:

⁵ —Jope macāpɔ yu ca juu bue niiro, jīcā wāme quēñaricarore biro yure bii oto weo ññowɔ: Ɖmureco tutipɔ jutiro quejerorore biro bapari taberi peti jiarica quejero ñaañumu duwi doo, yu pɔto ca earo yu ñawɔ. ⁶ ¿Ñee uno peti to niiti tii quejero pɔreapɔre? ñigu, añuroɔpɔ yu ñacāwɔ. Tii quejeropɔre waibucurā bapari dɔpɔri ca dɔpɔri cutirā, waibucurā macānɔcū macārā, ca pairā, ca wɔwɔrā, niywa. ⁷ Jiro o biro yure ca ñirijere yu tuoɔwɔ: “Wāmɔ nɔcāña Pedro. Waibucurāre jīari baaya,” ñiwu.

⁸ ”To biirije yure ca ñiro yu pea o biro yu ñi yuɔwɔ: “Ɖpɔ, biiticu. Yu, jīcāti uno peera ñañarāre, ca docuorāre yu baa ñaati majuropecā,” yu ñiwu. ⁹ To cōrora ɔmurecopɔ ca wederije pea o biro yure ñi nemowɔ ñucā: “Ɖmureco Pacu añurā cū ca tiiricarāre ‘Ñañarā niima,’ ñiticāña mɔa,” yure ñiwu. ¹⁰ Itiati peti to biro bii, jiro tee niipetirijepɔra ɔmurecopɔ tuacā mɔa waawɔ ñucā.

¹¹ ”To biro yure ca bii niiri tabera, itiarā Cesarea macārā yure cūja ca ama doti cojoricarā, wii peera ea yerijāuapa. ¹² Añuri Yeri pea, “ ‘Yu waati,’ ñitigɔra cūja mena waagɔja,” yure ñiwi. Ñucā anija mani jaarā jīcā amo peti, ape amore jīcāga penituario ca niirā cāa yu mena waawa. Niipetirāpɔra cū yaa wiire jāa jāa waawɔ. ¹³ Cū pea Ɖmureco Pacu pɔto macū cū yaa wiire to biro bii baua eari, “Jope macāpɔ jīcārāre tiicojɔya

Simón, buirica wāme peera Pedro, ca wāme cūtigre cūja juorā waajato iigu. ¹⁴ Cū, mure wederucumi, mū, mū yaa wii macārā mūja ca ametuapere,” cū ca iiriquere jāare wedewi.

¹⁵ ”Cūjare yu ca wede juo waarora, Añuri Yeri manire cū ca bii juoricarore birora cūja cāare cūjapure ñaajāa nūcā eawi. ¹⁶ To cōrora Wiogu Jesús: “Juan, oco mena uwo coeupi, mūja pea Añuri Yeri mena mūja uwo coe ecorucu,” cū ca iiriquere yu tūgoeña buawu. ¹⁷ To biri, Ɔmureco Pacu, mani, Wiogu Jesucristore díamacū ca tuo nunjeericarāre, Añuri Yerire manire cū ca tiicojoricarore birora cūja cāare cū ca tiicojorijere ĩa pacagu, ĵñiru yu niiti yua, Ɔmureco Pacu cū ca tiirijere ca ĩi camotapu? —cūjare ĩiupi.

¹⁸ To biro Pedro cūjare cū ca iirijere tuorā, Jerusalén macārā Jesucristore ca tuo nunjeerā pea wedetirāra, Ɔmureco Pacure o biro ĩi nūcū buo baja peoupa:

—Judíos ca niitirā cāare Ɔmureco Pacu, ñañarije cūja ca tii niirijere tūgoeña wajoa, cū peere tuo nunjeeri ca ametuaparā cūja ca niiro cūjare tiicājapi! —ĩiupa.

Antioquía macārā Jesucristore ca tuo nunjeerā

¹⁹ Esteban cū ca bii yairo jiro, Jesucristore ca tuo nunjeerāre ñañaro cūja ca tiirugarā ca waa batericarā ĵicārā, Fenicia, Chipre yucu poogapu, aperā Antioquiaru, duti waaupa. Tii macāripure, aperāpura wedetirāra judíos wadore añurije quetire wede eaupa. ²⁰ To biro cūja ca bii pacaro, cūja watoare niuupa ĵicārā, Chipre to biri Cirene macārā, Antioquiaru earā, judíos ca niitirāre Wiogu Jesús yee añurije quetire ca wederā. ²¹ Wiogu cū ca yeri tutuarije cūja mena niuupa. To biri pañ, cūja ca tuo nunjee juo dooriquere camotatiri, Wiogu peere tuo nunjee juoupa.

²² Jerusalén macārā Jesucristore ca tuo nunjeerā tee quetire tuorā, Bernabé tiicojo cojoupa Antioquiaru. ²³ Bernabé pea tooru eagu, buaropura Ɔmureco Pacu añuro cūjare cū ca tiirijere ĩari buaro ujea niuupi. To biri cūja niipetirāre:

—Mūja yeripu mena “O biro mani biijaco” ĩi tūgoeña bayi, mani Wiogure to birora tuo nunjeecōa niña —cūjare ĩi wede majioui. ²⁴ Cūa, ca bojoca añugu, Añuri Yeri ca cuogu, díamacū ca tūgoeña tutuagu, niuupi. To biri pañ bojoca Jesús're tuo nunjeeupa.

²⁵ Ate jiro Bernabé, Tarsoru waaupi Saulore amagu waagu. ²⁶ Cūre bua ea, Antioquiaru cūre amicoaupi. Toorure ĵicā cūmapu Jesús're ca tuo nunjeerā mena nea poori, pañ bojocare bue majio niuupa. Antioquāra Jesucristore ca tuo nunjeerāre, “Cristo yaarā,”* cūjare ĩi wāmeo tii juoupa.

²⁷ Tii rumarirena ĵicārā ca biipere wede jugeri maja Jerusalén macārā waaupa Antioquiaru. ²⁸ Ĵicū cūja mena macū Agabo ca wāme cūtigu wāmū nūcā, Añuri Yeri cū ca majioro mena, “Ati yepa niipetiroru buaro ana niirucu,” cūjare ĩi wedeupi, wiogu Claudio cū ca doti niiri cuure ca biiriquere. ²⁹ To biri Jesucristore ca tuo nunjeerā Antioquía macārā, cūja ca niiro cōro tii nemorā cūja ca tiicojorijere, “Mani ca tiicojoro cōro ca tiicojoparā mani niicu Judea macārā Jesucristore ca tuo nunjeerāre tii nemorā,” ĩiupa. ³⁰ To birora tiuupa, tii nemorā cūja ca tiicojorijere, Bernabé to biri Saulo jāa mena tiicojo cojoupa Cristore ca tuo nunjeerāre ca juo niirā Judea macārāpura.

12

Pedrore cūja ca tia cūurique

¹ Tii cuurena wiogu Herodes,* ĵicārā Jesucristore ca tuo nunjeerāre cūjare ĵiarugu, nunu juo waaupi. ² Juan yee wedegu Santiago peera niipii mena cūre paa taa cōacā dotiupi. ³ To biro cū ca tiirijere judíos cūja ca ujea niiro ĩari, Pedro cāare ñee dotiupi. Atea, pan're ca wuarije ca ayiaya manirijere cūja ca baari boje rumarire to biro biiupa. ⁴ Cūre ñeeri jiro Herodes, Pedrore tia cūurica wiipu uwamarā bapari puna peti, ĵicā punare bapari niirā wado ca niiri punari cūja ca ĩa cote niiri wiipu Pedrore cūuupi. Pascua boje rumarire jiro, “Bojocare yu ĩñorucu,” ĩi tūgoeñaupi. ⁵ O biro tiiri, Pedrore tia cūurica wiipu cuo niuupa. Jesucristore ca tuo nunjeerā pea yerijāaricaro maniro Ɔmureco Pacure cūre jāi boja niuupa.

* 11:26 Cristianos. * 12:1 Judea yepa uru Roma macū.

Pedro cū ca witirique

⁶ Herodes, Pedore bojoca menapu jāiña bejeruḡu cū ca ami wienepa rumu macā ñamire, puarā uwamarā watoaru, pua daa come daari mena cūja ca jiacāricu cāni cūaupi Pedro, aperā uwamarā pea jope peere cūja ca cote niiro uno. ⁷ Ca niiro tujarora jicū Ūmureco Pacu yuu, cūre queti wede bojari maju† baua eaupi. Tia cūurica wii pea añuro boe peticoaupā. Ūmureco Pacu puto macū pea Pedro warure padeña wācōri, o biro cūre iūipi:

—Yoari méé wāmu nūcāña —iūipi.

To biro cūre cū ca iirije menara, Pedro amorire come daari cūja ca jiarique ñaacoaupā.

⁸ Ūmureco Pacu puto macū pea o biro cūre iūipi ñucā:

—Juti jāña, dupo juti jāña, tiya —iūipi.

Pedro pea cū ca iirore biro tiūipi. Ūmureco Pacu puto macū pea o biro cūre iūi nemoupi ñucā:

—Jotoa mu ca jāñarito cāare jāña, yure nunu dooya —cūre iūipi.

⁹ Pedro, Ūmureco Pacu puto macū to biro cū ca tiirijere, “To biro yu biicu,” iū majiti pacagu, cū jiro nunu witi waaupi. Quēñaricaro ca biirore biro pee cūre biicāupe. ¹⁰ Too witi waarā, ca nii juorā, ñucā jiro macārā ca coterā uwamarāre ametua, come jope wiije watoa macā maare ca niiri jopere eaupa. Tii jope pea tee majuropeera pāacoaupe. Tii jopere witi, jicā caa wiijeri caare waa yapano eagura, Ūmureco Pacu puto macū pea ca niiro tujarora jicūra cūre cūu, waa weocoaupi. ¹¹ To cōropu Pedro pea tugoēña maji bojoca cati ea:

—Mecū docare díamacūra, Herodes, to biri judíos, ñañarije yure cūja ca tiirugarijere yure ametueneruḡu cū puto macūre tiicojojapi Ūmureco Pacu —iūipi Pedro.

¹² Teere iā maji, Juan Marcos cūja ca iḡu paco María yaa wii, pau bojoca nea pocāri cūja ca juu bue niiri wii pee waacoaupi. ¹³ Tii wiipu eagu, wiijeri caa pee ca niiri jope pee eari, juoupi. Cū ca juoro tūori, jicō wāmo Rode ca wāme cutigo, iāgo witi waupo. ¹⁴ Cō pea, Pedro cū ca wederijere tuo majiri, buaro ujea niima iḡo jope pāatigora, “Jope niimi Pedro,” cūjare iḡo waago toopura ūmaacā jāa waupo. To biro cō ca iiro, cūja pea:

¹⁵ —Mecūgo mu iū —cōre boca iicāupa. Cō pea:

—Yee méé yu iū. Cāra niijāwi —cūjare iūmiupo. Cūja pea ñucā:

—Cū méé niicumī. Cū yuu cūre coteri maju niicumī —cōre iūupa.

¹⁶ To biro cūja ca iū niiro uno, Pedro pea jope peera juogu tiūipi. To biro cū ca iiro tuo, cūre jope pāama iirā, iā ucuacoaupā. ¹⁷ Cū pea wedeticāña iḡu, cū amori mena tii cōña, tia cūurica wiipu ca niigure Wiogu cūre cū ca ami wieneriquere cūjare wede, ñucā “Santiagore, to biri Jesucristore ca tuo nunujeerā cāare, atere cūjare wedeya,” iūipi. Teere cūjare iū yapano witi, aperopu waacoaupi Pedro.

¹⁸ Boeri tabe ca niiro uwamarā, Pedore ca cotericarā pea Pedro cū ca biiriquere majitima iirā, no ca boorora ameri iū mecūcāupa. ¹⁹ Herodes pea jāiña ama dotiñami Pedore buatima iḡu, cūre ca cotemiricarārena tee juori cūjare jāa batecā dotiupi. Ate jiro Herodes, Judea yepa ca niiricu waari, Cesarea pee niigu waacoaupi.

Herodes cū ca bii yairique

²⁰ Herodes, Tiro, Sidón macāri macārā mena buaro ajiaupi. To biri cūja pea cū pūtopu cūja ca waapere ameri wede peni, “O biro mani biijaco” ameri iū, cūre iārā waaupa. Wiogu Herodes're pade nemori maju Blastore, “Jāare mu iū nemowa,” cūre iū, cū juoripu wiogu Herodes're, “Añuro mani niijaco” cūre iū jāiupa, cū ca doti niiri yepa maquē baariquere ca baa niirā niiri.

²¹ To biri Herodes:

—Tii rumu ca niiro, cūja mena yu wede penirucu —cū ca iirica rumure, cū wiogu jutire jāñacāri, cū ca doti duwiri cūmuropu ea nuu ea, bojocare wedeupi. ²² To cōrora, bojoca pea o biro iū acaro buiupa:

† 12:7 Ángel.

—¡Año ca wedegña bojocu méé niimi. Jǫguē niimi! —ĩupa. ²³ To biro cǫre cǫja ca ĩi nǫcǫ buori nimarora, Ɛmureco Pacu yuǫ, cǫre queti wede bojari maju[†] pea cǫ ca dia ñaaro cǫre tiicǫupi, Ɛmureco Pacure cǫ ca ĩi nǫcǫ buotirije juori. To biri becoa baa eco biicǫ yai waaupi.

²⁴ Ɛmureco Pacu yee queti pea ðo jañuri bate nǫcǫ nǫnǫa waa, niipetiri taberipu wede bato nǫnǫa waarique nii, biuupa.

²⁵ Bernabé, Saulo, Jerusalén're cǫja paderique yapanori, too ca niiricarǫ Antioquía pee tuacoaua ñucǫ. Juan, ñucǫ cǫrena Marcos cǫja ca ĩigu cǫare, cǫja mena cǫre ami waaupa.

13

Bernabé, Saulo añurije quetire cǫja ca wede yujurǫ waa juorique

¹ Antioquíare Jesucristore ca tuo nǫnǫjeerǫ, ca biipere wede juǫgue, bue majio, ca tii niirǫ, Bernabé, “Ca ñiigu” cǫja ca ĩigu Simón, Cirene macǫ Lucio, Galilea yepa wiogu ca niiricu Herodes ména ca bucuaricu Menahem, to biri Saulo, niuupa. ² Jicǫ rǫmu betiri, Ɛmureco Pacure ĩi nǫcǫ buo juu bue, cǫja ca tii niiri rǫmure:

—“Tee ca tiiparǫ niirucuma” ĩigu, yu ca juojǫrǫ Bernabére to biri Saulore, yure jee dica woo bojaya —cǫjare ĩiupi Añuri Yeri.

³ To biri betiri juu bue yapano, cǫja amori mena cǫjare ñia peo, cǫjare waarique uwicǫ cojoupa.

Chiprepu cǫja ca earique

⁴ Añuri Yeri cǫ ca doti cojorǫ, Bernabé, Saulo, Seleucia pee bua waa, too menara cǫmua mena Chipre yucu poogapu waaupa. ⁵ Salamina macǫre earǫ, judíos cǫja ca nea poo juu bueri wiijeripu Ɛmureco Pacu yee quetire cǫjare wede juo waaupa. Juan Marcos cǫa cǫjare tii nemo yujurǫgu, cǫja mena waaupi.

⁶ Tii yucu poogare waa yuju peticǫ, Pafos cǫja ca ĩiri macǫpu eaupa. Tii macǫre bua eaupa jicǫ majiri maju judíos bojocu, watoara “O biro biiruga,” ĩi ditori maju Barjesús ca wǫme cutigure. ⁷ Cǫ, cǫmu pea, wiogu Sergio Paulo ca wǫme cutigu, buaro ca tǫgoeña majigu mena niuupi. Wiogu pea, Ɛmureco Pacu yee quetire tuorǫgu, Bernabé, Saulore juo doti cojoupi. ⁸ Cǫmu, griego wederique mena peera Elimas ca wǫme cutigu pea, “Cǫja ca wederijere wiogu tuo nǫnǫjeeremi” ĩigu, cǫjare ĩi camotaupi. ⁹ To biro cǫ ca ĩiro, Saulo, romano wederique mena peera Pablo ca wǫme cutigu pea Añuri Yerire ca cuogu niiri, añuro cǫre ĩa ǫpǫtǫ, ¹⁰ o biro cǫre ĩiupi:

—¡Ca ĩi dito paigu, ñañagu, Satanás macǫ, niipetirije añurijere ca junagu! ¿Ñee tiigu Ɛmureco Pacu díamacǫ cǫ ca wederijere mu ĩi maa wijio niiti? ¹¹ Mecǫra Ɛmureco Pacu ñañaro mu ca biiro mure tiirucumi. Ca ĩatigu mu tuarucu. Jicǫ cuu cǫro muirpǫ cǫ ca boerijere mu ĩatirucu —cǫre ĩiupi.

To biro cǫre cǫ ca ĩirije menara, cǫmu Elimas pea díamacǫra ca ĩatigupu tuacǫupi. To biri ca ĩatigu niima ĩigu, cǫre ca tǫa waarure amaupi. ¹² To biro ca biirijere ĩari, Wiogu yee maquere cǫ ca buerijere tuo ujea nii, díamacǫ tuo nǫnǫjeeupi wiogu Sergio Paulo.

Pisidia yepare ca niiri macǫ Antioquíapu cǫja ca biirique

¹³ Pablo cǫ mena macǫrǫ mena, Pafos ca niiricarǫ bua jǫa, waarǫ, Panfilia yepare ca niiri macǫ, Perge cǫja ca ĩiri macǫpu eaupa. Cǫja mena ca waamiricu Juan Marcos pea, toora cǫjare camotati, Jerusalén pee tuacoaupi. ¹⁴ Cǫja pea, Perge ca niiricarǫ waarǫra, Pisidia yepa macǫ macǫ Antioquíapu eaupa. Yerijǫarica rǫmu ca niiro, nea poo juu buerica wiipu jǫa waa, ea nuu waaupa. ¹⁵ Doti cǫuriquere, Ɛmureco Pacu yee quetire wede juǫgueri maja cǫja ca owariquere bue yapano, nea poo juu buerica wii wiorǫ pea o biro cǫjare ĩi juo cojoupa:

—Jǫa yaarǫ, bojoca cǫja ca tǫgoeña bayiro tiirugarǫ mǫja ca wederǫgajata, mecǫra ĩiña —cǫjare ĩiupa.

[†] 12:23 Ángel del Señor.

¹⁶ To biro cūja ca ĩiro Pablo wāmu nūcā, “Wedeticāña,” ĩigu, cū amori mena tii cōña, o biro cūjare ĩiupi:

—Mūja, israelitas, ñucā judíos ca niitirā Ũmureco Pacure ca ĩi nūcū buorā, tūoya. ¹⁷ Israel yaa pooga macārā mani ñicū jāaripure beje jeeupi Ũmureco Pacu. Ména Egiptopure ape yepa macārāre biro cūja ca niiro, pañ cūja ca bojoca buuro tiiupi Ũmureco Pacu. Jiro, cū ca tutuarije mena, tii yepa ca niiricarāre juo witiri, ¹⁸ ñañari wāme cūja ca biirique cuti nii pacaro, ca yuca maniri yepapure cuarenta cūmari peti cūjare ĩa nūñjee nūcā niupi. ¹⁹ Canaán yepare ĩicā amo peti, ape amore puaga penituario niiri poogaari tii yaiori jiro, cū yaarāre tii yepare cūjare tiicojoui. ²⁰ Ate niipetirije cuatrocientos cincuenta cūmari peti, to biro bii niupa. Jiro ñucā cūjare ca juo niiparāre cūjare tiicojoui. Cūja pea Samuel, Ũmureco Pacu yee quetire wede jugueri majū cū ca niiri rāmripū cūjare juo nii eyoupa. ²¹ Cūja pea ĩicū cūjare ca juo niipū wioḡure jāiupa. Ũmureco Pacu pea, Quis* macū Saúl, Benjamín yaa puna macū cuarenta cūmari peti cūjare ca juo niiricure cūjare tiicojoui. ²² Jiro Ũmureco Pacu, Saúl're, wioḡu cū ca niirijere ēmari, David peere cūja wioḡu cūre jōeneupi, o biro cū ca ĩiricure: “Isaí macū David're yū bua, yūre birora ca yeri cutiḡure, cū, yū ca boorije niipetirore tiirucumi,” cū ca ĩiricure.

²³ “Ani David niiquiricu pāramirena, “To biro yū tiirucu,” cū ca ĩiricarore birora Ũmureco Pacu, Israel bojocare ca ametuenerpore tiicojoui Jesucristore. ²⁴ Jesús cū ca dooparo juguero, Juan, niipetirā Israel bojocare, “Ñañarije mūja ca tii niirijere tii yerijāa tūgoeña wajoa, Ũmureco Pacu peere tuo nūñjee, uwo coe dotiya,” cūjare ĩi wedeupi. ²⁵ Cū ca bii yaipa tabe ca ea nūñña waaro, o biro ĩiupi Juan: “¿Mūja, ‘Ñiru niicumí,’ yūre mūja ĩiti? ‘Cū niicumí,’ mūja ca ĩi tūgoeñagū méé yū nii. ĩaña. Yū jiro doomi ĩicū, yūa cū dūpo juti unorena ca tuu weepū méé yū nii,” ĩiupi.

²⁶ “Yū yaarā Abraham pāramerā, mūja judíos ca niitirā Ũmureco Pacure ca nūcū buorā, ate ametuarique queti mani yee nii. ²⁷ Jerusalén macārā, to biri cūja wiorā, Jesús're ĩa majitiupa. To biri cūre jā cōarā ca biipere wede jugueri maja cūja ca ĩirique, yerijāarica rāmūri cōrora cūja ca buerije ca ĩirore birora tiirā tiiupa. ²⁸ ĩicā wāme unora ca jāa ecorū cū ca niipe ñañaro cū ca tii bui cutiriquere buati pacarā, Pilato cūre cū ca jāa cōa dotiro booupa. ²⁹ Cū yee maquē niipetiro cūja ca owarique ca ĩirore biro cūja ca tii yapano peotiro jiro, yuca tenipū cūja ca paa pua tuu cōaricure ami duwio, cūre yaa cōacāupa. ³⁰ Ũmureco Pacu pea ca bii yairicarā watoare cūre catiocāupi. ³¹ Galilea ca niiricu, Jerusalén pee cū ca dooro cūre ca bapa cuti dooricarāre pañ rāmūri cūjare baua ea ĩño niupi. Mecūra, cūjara niima, “To birora biiwū,” bojocare ca ĩi wederā.

³² “To biri ate añurije quetire mūjare jāa wede, mani ñicū jāapure, “O biro yū tiirucu,” Ũmureco Pacu cū ca ĩi cūurique maquērena. ³³ Ũmureco Pacu, mani, cūja pāramerāre, cū ca ĩiricarore birora tiimi, Jesús cū ca cati tuaro tiigū. Salmos ca nii juori pūuro jiro macā pūuro o biro ĩi owarique ca ĩirore biro:

“Mūa, yū macū mū nii, mecūra mure yū macū jāa,” ca ĩirore biro.†

³⁴ ĩicāti uno peera cū upuri ca boa yaitipere biro ĩigu ca bii yairicarā watoare cū ca cati tuaro cū ca tiipe peera o biro ĩiupi:

“David're, ca ñañarije manirije, díamacū ca niirijere, mure yū tiicojorucu yū ca ĩiriquere, yū ca ĩiricarore biro yū tiirucu,” ĩiupi.‡

³⁵ To biri ape tabe o biro ĩi owarique nii:

“Cūre pade bojari majū, ca ñañarije manigū upurire, ca boa yairo tiitirucumi,” ĩi.§

³⁶ “Díamacū petira David, cū ca niiri cuu macārāre Ũmureco Pacu cūre cū ca dotiricarore biro cūjare juo niiri jiro bii yai, cū ñicū jāa niiquiricarā mena yaa cōa eco, cū upuri pea boa, biicā yai waaupa. ³⁷ Ũmureco Pacu cū ca cati tuaro cū ca tiiricu upuri pea boatiupa. ³⁸ To biri yū yaarā, Jesucristo juori, ñañarije tiirique wapare acobo ecoriquere mūjare jāa ca wederijere majiña. ³⁹ Cū juori, niipetirā cūre ca tuo nūñjeerā, ca ñañarije

* 13:21 Cis. † 13:33 Sal 2.7. ‡ 13:34 Is 55.3. § 13:35 Sal 16.10.

manirã tii ecoma, niipetirije Moisés cū ca doti cūurique juori, ca ñañarije manirã muja ca tii ecotiriquere. ⁴⁰ Ca biipere wede jagueri maja o biro cūja ca iirique, mujarena ca biitipere biro iirã, bojoca catiri niiña:

⁴¹ “Tuoja muja, boborije ca iī bui tutirã.

Īa ucua yaicoa, yai nūcāoarāja.

Ati rumurire, jīcã wāme tiigu dooguru yu tii, jīcū mujare cū ca wedemijata cāare, díamacū muja ca tuotipere,” iī* —cūjare iīupi Pablo.

⁴² Pablo, cū mena macārã mena, nea poo juu buerica wiire cūja ca witi waaro, “Ano jiro macã rumu yerijāarica rumu cāare ate maquērena jāare muja wedewa ñucã,” cūjare iīupa. ⁴³ Nea poo juu buerica wiiru cūja ca nea poo juu buerije ca petiro, pau judíos, to biri judíos cūja ca tii nūcū buorijere ca tii nunujeerã, Pablo, Bernabé jāare nunu waaupa. Cūja pea:

—Umureco Pacu cū ca mairije juori ca juo ecoricarã muja ca niirijere, to birora tuo nunujeecōa niiña —cūjare iī wede majiupa.

⁴⁴ Ñucã tii semana yapare yerijāarica rumu ca niiro, Umureco Pacu yee quetire tuorugarã tii macã macārã niipetirã jañuripara neaupa. ⁴⁵ To cōro pau bojoca cūja ca nearo iārã, judíos pea buaro ĩa ajiari, Pablo cū ca iirijere iī camota, cāre acaro bui tuti, iī juo waaupa.

⁴⁶ To biro cūja ca iiro tuo, Pablo, Bernabé jāa pea cūjare uwi tūgoeñaricarō maniro wede, o biro cūjare iī yūupa:

—Muja judíos'rena, Umureco Pacu yee quetire jāa ca wede juopera niimiwa. Teere booti, to birora caticōa niirique ca tuorugarã uno méé nii, muja ca biirije juori, mecūra judíos ca niitirã peere jāa wederã waarucu. ⁴⁷ Mee, to birora jāare doti cojowi Wiogu o biro iiri:

“Bojoca poogaarire ca boeparã mujare yu cūu, ati yepa niipetiropu yu ca ametuenerije quetire muja ca wedepere biro iigu, jāare iīwi”† —iīupa.

⁴⁸ To biro cūja ca iirijere tuorã, judíos ca niitirã pea, “Wiogu yee queti añurije nii,” iī ujea niīupa. “Caticōa niiriquere ca bua eaparã niirucuma,” cū ca iiricarã niipetirã tuo nunujeeupa.

⁴⁹ To biri tii yepa macārã niipetirāpure, Wiogu yee quetire wedeupa. ⁵⁰ Judíos pea cūja ca iirore biro ca tii nunujeerã romirire, cūja ca ĩa nūcū buorã romirire, to biri tii macã macārã umua uparã ca niirã mena wede peniri, Pablo, to biri Bernabé ñañaro cūjare cūja ca tiiruga nunujeero cūjare tiiupa. To biro tiicāri, tii yepare cūjare cōa wienecāupa. ⁵¹ Cūja pea, “Muja yee wapa ñañaro muja tamuorucu,” iirã, cūja dūporire jita ca ea tuariquere paa bate cūu, Iconio pee waacoaupa. ⁵² Jesús yee quetire ca tuo nunujeericarã pea, Añuri Yerire cūo, buaro ujea nii, bii niīupa.

14

Iconio macārãre añurije queti cūja ca wederique

¹ Iconiore Pablo, Bernabé, cūja ca biirucuricarore birora judíos cūja ca nea poo juu bueri wiiru jāa waari, añurije quetire cū ca wedero judíos, judíos ca niitirã, pau tuo nunujeeupa. ² Judíos Jesucristore ca tuo nunujeetirã pea, judíos ca niitirãre, Jesucristore ca tuo nunujeerã menare cūja ca ajiaro cūjare tiiupa. ³ To ca bii pacaro, Pablo, Bernabé jāa pea Wiogu cū ca tii nemorijepure tūgoeña tutuari uwiricarō maniro, toora yoaro añurije quetire wede, tiicã niīupa. Wiogu pea, Umureco Pacu cū ca mairije maquēre cūja ca wede niirijere, “To birora nii,” cūjare iī majiogu, cūja juoripu ca ĩa ñaña manirije tii bau nii, tii niīupi. ⁴ Tii macã macārã bojoca pea, jīcārã judíos cūja ca iirijere tuo nunujee, aperã Pablo jāa cūja ca iirije peere tuo nunujee, ameri bii dica waticã niīupa. ⁵ To biri judíos, judíos ca niitirã, cūjare ca dotirã mena neari, Pablo jāare ūtã mena dee, ñañaro cūjare tii, tiirugarã, ameri wede peniupa. ⁶ Pablo, Bernabé jāa pea teere majiri, Listra, Derbe,

* 13:41 Hab 1.5. † 13:47 Is 49.6.

Licaonia* yepa macã macãripu, to weja ca niiri macãri pee duticoaupã, ⁷ añurije quetire to birora cãja ca wedecã nũnũa waaricaropũre.

Listrapu Pablõre ùtã mena cãja ca deerique

⁸ Listrare niupi jĩcũ umu ca waa majitigu, upa suquẽro ca banaricu, waari mée, to birora ca duwi yai waagu. ⁹ Cũ pea Pablo cũ ca wederijere añuro tuo duwiupi. Pablo pea, “Jesús yũre catiocãrucumi,” díamacũ cũ ca ñi tũgoeñarijere ña majiri, ¹⁰ tutuaro wederique mena o biro cũre ñiupi:

—Wãmu nũcã, díamacũ ea nũcã waagũja —ñiupi.

Cũ pea to biro cũre cũ ca ñirije menara bupu wãmu nũcã, waa juo waaupi.

¹¹ Pablo to biro cũ ca tiirijere ñarã, bojoca pea Licaonia macãrã wederique mena o biro ñi acaro bui juo waaupa:

—jũguẽa, bojocare biirã jeeñacãri manire ñarã duwi doojapa yé! —ñi acaro buiupa.

¹² To biri Bernabé cãja jũguẽ Zeus wãmere cũre wãmeo tii, Pablo peera, bojocare ca wedegu cũ ca niiro macã apĩ cãja jũguẽ Hermes wãmere cũre wãmeo tii, tiupa.† ¹³ Zeus yũ paĩ, macã piya waarica tabera Zeus're ñi nũcũ buorica wiire ca cuogu pea, wecuã, oori daari jee dooupi. Cũ pea cũ bojoca mena, Pablo jãarire tii nũcũ buogu, wecuãre jãari joe jutĩ añu mũene nũcũ buorũgaupi. ¹⁴ Pablo, Bernabé jãa pea to biro cũjare cãja ca tii nũcũ buorũgarijere ña majiri, cãja jutire yega, bojoca watoara o biro ñi acaro bui jãa waaupa:

¹⁵ —¿Ñee tiirã atere to biro mũja tiiti? Jãa cãa, mũjare birora bojoca jãa nii. Ano añurije queti mũjare jãa ca wederijea, ate ca wapa manirije mũja ca tii niirijere tii yerijãari, to birora ca caticõa niigu Umureco Pacu, ati yepare, diare, teepũre ca niirije niipetirije ca tiiricu peere cãja tuo nũnũjeejato ñirã, jãa ca wederije nii. ¹⁶ Ména juguero macã cuupũra, bojoca poogaari cãja ca niiro cõrorena cãja ca tiirũgarijere biro cãja tiijato ñicãupi Umureco Pacu. ¹⁷ To biro bii pacagu, Umureco Pacu cũ ca niirijere ñnogũ, añurije tii yerijãatiupi, umureco tutipũ ca niirijere oco tiicojo, yucu ca dica cutiri yũteari tii, baarique tiicojo, ñucã yeri mũjea niirique tiicojo, cũ ca tii niirije mena —cũjare ñiupa.

¹⁸ Ate niipetirije cũjare cãja ca ñi wederije mena do biro tii majiña maniro ca bii pacaro, cũjare cãja ca tii nũcũ buorũgarijere biirique peti cũjare ñi camotaupa.

¹⁹ To biro cãja ca bii niiri tabere jĩcãrã judíos, Antioquía, Iconio macãrã eari, bojocare cãja ca tũgoeña wajoaro tiupa. To biri Pablõre ùtã mena dee, “Mee, cũre mani jĩacãcu” ñi tũgoeñari, macã tũjaropũ cũre wee witi waa cõacãupa. ²⁰ To biro cũre cãja ca tiiro, Jesucristore ca tuo nũnũjeerã pea, cũre cãja ca nea poo amojoderora, cati wãmu nũcã, macã peera piyacoaupi ñucã. Ape rũmũra Bernabé mena Derbe macã pee waacoaupi.

Siria yepare ca niiri macã Antioquía pee cãja ca tua waarique

²¹ Tii macãre añurije quetire wede, paũ cãja ca tuo nũnũjeero tiiri jiro, Lистра, Iconio, Antioquía macãrãre ²² Jesucristore ca tuo nũnũjeerãre cãja ca tũgoeña tutuaro tii, “Díamacũ mũja ca tuo nũcũ buorijere to birora tũgoeña tutuacõa niiña” cũjare ñi, ñucã “Umureco Pacu cũ ca doti niiri tabepũre ea waarũgarã, ñãñaro tamũoriquera niiro bii,” cũjare ñi, ñi tua waaupa. ²³ Ñucã, Jesucristore ca tuo nũnũjeerã cãja ca niiri taberi cõrorena, cũjare ca juo niiparãre beje, betirique mena juu bue, Wiogu cãja ca tuo nũnũjeericãpũre cũjare ña nũnũjee doti, tii tua waaupa Pablo jãa.

²⁴ Pisidia yepare ametũa waarãra, Panfilia yepapũre eaupa. ²⁵ Perge macãrãre añurije quetire wede yapano, Atalía macã pee bua waaupa. ²⁶ Tii macãre bua ea, cũmuapũ ea jãa, Umureco Pacu cũ ca mairije quetire ca wedeparã niirucuma ñigu, Añuri Yeri cũjare cũ ca jee dica woo dotirica macã Antioquía peera, tee añurije quetire wede yuju yapano, tuacoaupã ñucã. ²⁷ Antioquiare tua earã, Jesucristore ca tuo nũnũjeerãre neori, niipetirije Umureco Pacu cãja mena cũ ca tiiriquere, ñucã judíos ca niitirã cãa díamacũ

* 14:6 Licaonia macãrã apeye ca wederã niupa. Bii pacarã griego cãja ca wederijere tuocãupa. † 14:12 Zeus, Hermes griegos jaarã jũguẽa niupa; romanos pea ñucã cũjaren Júpiter, Mercurio, cũjare wãmeo tiupa. Zeus niupũ cãja jũguẽa ca nii majuropeegu. Ñucã Hermes pea jũguẽare queti wede yuju bojari majũ niupũ.

cūja ca t̄uo n̄n̄j̄eero cū ca tiiriquere, wedeupa. ²⁸ Tii macārā Pablo, Bernabé j̄aa Jesús yee quetire ca t̄uo n̄n̄j̄eerā mena yoaro niicāupa.

15

Jerusalén' p̄u cūja ca nea poorique

¹ Tii cuure Judea macārā, Antioquía pee ca waaricarā: “Moisés cū ca doti cūurique ca ĩrore biro, jeyua quejero yapare* m̄uja ca wide taa dotitijata, m̄uja ametuatirucu,” cūjare ĩi bueupa Jesucristore ca t̄uo n̄n̄j̄eerāre. ² Ate juori, Pablo, Bernabé, añurora ĩiricaro maniro cūja mena ameri tuti jāñurip̄u tee maquēre ameri wede peniupa. To biri, “Pablo, Bernabé, aperā j̄icārā cūja mena macārā, Jesucristore ca t̄uo n̄n̄j̄eerā mena Jerusalén' p̄u cūja waajato, Jesús buerā ca niiricarā mena, to biri Jesucristore ca t̄uo n̄n̄j̄eerāre ca juo niirā mena, ate maquēre wede penirugarā,” ĩiupa.

³ To biri Antioquía macārā Jesús're ca t̄uo n̄n̄j̄eerā cūja ca tiicojo cojoricarā, Fenicia, to biri Samaria yeparire ametua waarā, judíos ca niitirā, añurije quetire t̄uorā ũmureco Pacu peere t̄uo n̄n̄j̄eerugarā, t̄ir̄um̄up̄u cūja ca t̄uo n̄n̄j̄ee juo dooriquere cūja ca tii yerijāariquere, cūjare wede ametua waaupa. Tii yepari macārā Jesucristore ca t̄uo n̄n̄j̄eerā pea teere t̄uorā, buaro ũjea ĩiupa.

⁴ Pablo, Bernabé Jerusalén' p̄u cūja ca earo, Jesucristore ca t̄uo n̄n̄j̄eerā, Jesús buerā ca niiricarā, to biri cūjare ca juo niirā, cūjare bocaupa. Cūja pea niipetirije ũmureco Pacu cūjare cū ca tii nemoriquere cūjare wedeupa. ⁵ Teere cūja ca wedero t̄uorā, j̄icārā fariseos Jesucristore ca t̄uo n̄n̄j̄eericarā wām̄u n̄cār̄i, o biro ĩiupa:

—Judíos ca niitirā Jesucristore ca t̄uo n̄n̄j̄eerā cāare, cūja jeyua quejero yapare wide taa, Moisés cū ca doti cūurique ca ĩrore biro cūjare tii n̄n̄j̄ee doti, ca tiipera niiro bii —ĩiupa.

⁶ To biro cūja ca ĩiro t̄uo, tee maquēre wede penirugarā, Jesús buerā ca niiricarā, to biri Jesucristore ca t̄uo n̄n̄j̄eerāre ca juo niirā, neupa. ⁷ Tee maquēre yoaro ameri wede peniri jiro, Pedro pea wām̄u n̄cā, o biro cūjare ĩiupi:

—Ūu yaarā, m̄uja maji, m̄uja mena ca niigure j̄ic̄atop̄ura ũmureco Pacu yure beje amiwi, judíos ca niitirā, añurije quetire yu ca wedero t̄uori, díamacū cūja t̄uo n̄n̄j̄eejato ĩiḡu. ⁸ ũmureco Pacu, yeri c̄tir̄iquer̄ure ca majiḡu, “Ūu yaarā niima,” cū ca ĩirijere ĩñoḡu, manire cū ca tiiricarore birora cūja cāare Añuri Yerire tiicojowi. ⁹ ũmureco Pacu, j̄icā wāme ũno peerena, manire, cūja menare ĩa dica wooricaro maniro, díamacū t̄uo n̄cū buoriquere juori, cūja yerip̄ure ca ñañarije manirā cūja ca niiro tiiwi. ¹⁰ Too docare m̄uja pea j̄ñee tiirā ũmureco Pacu m̄uja ĩi ametua n̄cār̄ugati, anija Jesucristore ca t̄uo n̄n̄j̄eerāre, mani majuropecā, ñucā mani ñicū j̄aa cāa, cūja ca tii n̄n̄j̄ee bayitiriquerena cūjare tii dotirā? ¹¹ To biro méé bii. Cūjare birora mani cāa, mani Wiogu Jesús wapa manirora cū ca tii bojarique juori, mani ametuene eco, mani ĩi maji —cūjare ĩi wedeupi Pedro.

¹² Niipetirāp̄ura, Pablo, Bernabé, cūja juori, ũmureco Pacu judíos ca niitirā watoap̄ure ca ĩa ñaaña manirije cū ca tii bau niiriquere cūja ca wedero, wederucuri méé t̄uocā duwiupa. ¹³ Cūja ca wede yapanoro, Santiago cāa o biro ĩiupi:

—Tuoya yu yaarā. ¹⁴ ũmureco Pacu, judíos ca niitirāre, cūre ca ĩi n̄cū buoparāre jeegu añuro cūjare cū ca tii juoriquere manire wedemi Pedro. ¹⁵ Ate mena, ca biipere wede juguer̄i maja o biro cūja ca ĩi owarique ca ĩrore birora bii:

¹⁶ “David cū ca doti niirije ca petiro jiro,
cū p̄aramerā ca nii n̄n̄ua waarā
cūja ca doti niimirije ca petiro jiro p̄ure ñucā,
j̄icū, David p̄arami ca nii n̄n̄ua waaḡur̄e
ca doti niiḡu cū ca niiro cūre yu tiirucu,

¹⁷ aperā bojoca ca nii cojorā,
ati yepa macārā bojoca poogaari niipetirā,

* 15:1 Circuncisión.

yә wāmere ca ʔi nūcū buorā mena ʔpūre cūja amajato ʔigua, ʔimi ʔpū,
¹⁸ tīrumūpū macā yūtearipūra, atere, “To biro yә tiirucu’ ca ʔiricū,” ʔi.

¹⁹”To biri judíos ca niitirā, ʔmūreco Pacūre ca tuo nūnūjeerāre cūja ca tiitipe unorena cūjare ca ʔi maa wijiotiparā mani nii. ²⁰ “Waibūcurā dīi weericarāre cūja ca tiicojo nūcū buoriquere, mūja nūmoa ca niitirāpūrena tii epericarā cūtiriquere, waibūcurā ʔnee taa ʔiaricarā dīire, dīire, baarique docare to cōrora tii yerijāaṅa,” cūjare ca ʔi owa cojoparā mani nii. ²¹ Mee, tīrumūpūra macāri cōrorena nea poo juu buerica wiijeripūre Moisés cū ca doti cūuriquere wede majio, yerijāarica rāmūri ca niiro cōro teere jūo bue, ca tiirā nii jūo dooupa —cūjare ʔi wedeupi Santiago.

Judíos ca niitirāre cūja ca owa cojorique

²² To biri Jesús buerā, Jesucristore ca tuo nūnūjeerāre ca jūo niirā, Jesucristore ca tuo nūnūjeerā niipetirā mena wede peniri, “Jīcārā mani mena macārāre jeeri, Pablo, Bernabé jāa mena Antioquíapū cūjare ca tiicojope niicu,” ameri ʔi wede peniupa. To biri, cūja mena macārā ca nii majuropeerā ca niirā Judas, ape wāme Barsabás cūja ca ʔigure, apī Silas're jeeupa. ²³ Cūja mena o biro ʔi owarica pūuro tiicojo cojoupa:

“Jāa, Jesús buerā, to biri Jesucristore ca tuo nūnūjeerāre ca jūo niirā, mūja jāa yaarā judíos ca niitirā Antioquía, Siria, to biri Cilicia macārāre, jāa aṅu doti cojo.

²⁴ Jīcārā jāa mena macārā jāa ca doti cojotirā nii pacarā, mūja pūtopū waacāri, mūjare cūja ca wede maa wijio pato wācōriquerē jāa tuo. ²⁵ To biri ameri wede peni yapano, jīcārā jāa mena macārāre jeeri, mūja pūtopū mani yaarā Bernabé, Pablo, ²⁶ mani Wiogu Jesucristo yee jūori, bii yairicarō uwioro ʔñaṅaro ca tamūoricarā mena mūjare cūja ʔarā waajato ʔirā, cūjare ca tiicojope niicu,” jāa ʔi. ²⁷ To biri Judas, Silas jāare, mūja pūtopū cūjare jāa tiicojo cojo, mūjare jāa ca owa cojorijere cūja majuropeerā mūjare cūja wede majiojato ʔirā. ²⁸ Aṅuri Yerire, to biri jāa cāare, mee paṅ wāmeri mūjare tii dotitirāra, ano mūjare jāa ca tii dotirije wadora mūjare jāa ca tii doti cojoro aṅucā: ²⁹ “Waibūcurā dīi weericarāre cūja ca tiicojo nūcū buoriquere baati, waibūcurā ʔnee taa ʔiaricarā dīire, ʔnucā cūja dīi cāare baati, mūja nūmoa ca niitirāpūrena tii epericarā cūtiti, biiya,” mūjare jāa ʔi cojo tee docare. Ate mūjare jāa ca tii doti cojorijere mūja ca tii nūnūjeejata, aṅuro tiirā mūja tiirucu.

Aṅuro mūjare to biijato,
 ʔi owa cojoupa.

³⁰ To biri jīcātorā cūjare waarique wui, Antioquía pee bua waa, Jesucristore ca tuo nūnūjeerāre neori, tii pūurore cūjare tiicojoupa. ³¹ Jesucristore ca tuo nūnūjeerā pea, tii pūurore buerā, buaro ʔjea niupa, cūja ca tūgoeṅa bayiro ca tiiro macā. ³² To biri Judas, Silas jāa cāa, ca biipere wede jūgueri maja niiri, cūjare cūja ca wederije mena, buaropūra tūgoeṅa bayi ʔjea nii, cūja ca biiro cūjare tiupa. ³³ Toore jīcā cuu cūja ca niiro jiro, Jesucristore ca tuo nūnūjeerā pea, cūjare ca tiicojo cojoricarā pūtopūra cūja tua waajato ʔirā, aṅuro mena cūjare waarique wui tuenecojoupa. ³⁴ Silas pea: “Anora yә tuarucu,” ʔiupi. ³⁵ Pablo, Bernabé jāa pea aperā paṅ mena, Antioquíara Wiogu yee aṅurije quetire wede, bue majio, tiicōa niupa.

Pablo, Bernabé cū ca camotatirique

³⁶ Ca yoa waaro jiro, ʔnucā Pablo, Bernabé o biro cūre ʔiupi:

“Jamū, Wiogu yee aṅurije quetire mani ca wederica macāri niipetiropūre mani ʔa yujuco, Jesucristore ca tuo nūnūjeerā, ‘Do biro cūja bii niimiti,’ ʔirā” cūre ʔiupi. ³⁷ Bernabé pea, cūja mena Juan Marcos're ami waarūgaupi. ³⁸ Pablo pea, cūjare pade nemo bapa cūti yapanotigūra, Panfilia macārā cū ca tua weocā doorique ca niiro macā, cūre cū ca ami waaro bootiupi. ³⁹ To biri jīcāri cōro cūja ca tūgoeṅatirije ca niiro macā, ameri camotaticoaua. Bernabé pea Juan Marcos mena cūmuapū ea jāa, Chipre pee waacoaupi. ⁴⁰ Pablo pea, Silas're jūo, Jesucristore ca tuo nūnūjeerā, “ʔmūreco Pacū aṅuro mūjare cū cotejato,” cūjare cūja ca ʔiro jiro, ⁴¹ Siria, to biri Cilicia yepari ca niirā, Jesucristore ca

tuo nunujeerãre wede majio queno, cūja ca yeri tūgoeña bayi ɥjea niiro cūjare tii, tiicã nunna waaupa.

16

Pablo, Silas jãare Timoteo cū ca bapa cuti waarique

¹ Pablo, Derbere eari jiro, Listra macãre eagu, jĩcã Jesucristore ca tuo nunujeegu Timoteo ca wãme cutigu, judío bojoco Jesucristore ca tuo nunujeego macū, griego bojocure ca pacu cutigure bua eaupi. ² Jesucristore ca tuo nunujeerã Listra macãrã, Iconio macãrã, Timoteo cū ca biirijere, “Ca bojoca añugu peti niimi,” ñi nucū bñorucuupa. ³ To biri Pablo, cūre cū ca bapa cuti waaro booupi. Ména cūre ami waarugu jūguero judíos tii taberi macãrã ñañaro ñi wede pairema ñigu, cū jeyua quejero yapare wide taa doticãupi, mee niipetirãpura, griego bojocu macū cū ca niirijere cūja ca maji peticãrije ca niiro macã. ⁴ Waa nunna waarã cūja ca ametua waari macãri cõrorena, Jesús buerã ca niiricarã to biri Jesús're ca tuo nunujeerãre ca juo niirã Jerusalén macãrã, “O biro mani tiijaco,” cūja ca ñiriquere cūjare wede majio nunna waaupa, tee ca ñiire biro cūja tii nijato ñirã. ⁵ To biro cūja ca ñiro, Jesucristore ca tuo nunujeerã díamacū cūja ca tuo nucū bñorijere buaro jañuri tūgoeña bayi, Jesucristore ca tuo nunujeerã to cãnacã rãmura pau jañuri bua nunna waaupa.

Macedonia macūre Pablo cū ca ñarique

⁶ Añuri Yeri, Asia yepa macã macãri macãrãre añurije quetire cūja ca wedero cū ca bootiro macã, Frigia, Galacia yepari pee tẽo taa waaupa. ⁷ Misia yepa puto ea waarã, Bitinia yepa pee ametua waarugamiupa; Jesús yuu Añuri Yeri pea bootiupi. ⁸ To biri Misia yepare to birora ametua waari, Troas macã pee buacoupa. ⁹ Tii macãre ñamipũ cū ca quẽñaro jĩcã Macedonia macū cū puto nucũcãri: “Macedonia pee doori, jãare tii nemoña,” cūre ca ñigure ñaupi Pablo. ¹⁰ Teere cū ca ñaricaro jirora, “Macedonia macãrãre añurije quetire cūja wedejato ñigu, manire juomi Æmureco Pacu,” ñi majiri, Macedonia pee tia waarugarã, jãa yee apeyere jãa jeyowu.

Pablo, Silas, Filipos'pu añurije queti cūja ca wederique

¹¹ Troas ca niiricarãra cūmuapu ea jãa, díamacū Samotraciapu jãa tíacoawu. Ape rãmuru Neápolis jãa ea waawu. ¹² Too macãrãra Filipos macã, Roma macãrã cūja ca doti niiri macã, Macedonia yepare ca nii majuropeeri macãpu jãa waawu. Tii macãre jĩcã rãmuri jãa niwu. ¹³ Yeriñarica rãmũ ca niiro, macã tujaropũ jãa waawu, “Dia putore judíos cūja ca nea poo juu bueri tabe niibocu,” ñi tūgoeñari. Toopũ ea, ea nuu waari, nomia too ca nea pooricarã romirire añurije quetire jãa wedewu. ¹⁴ Jĩcõ cūja mena macõ Lidia ca wãme cutigo, Tiatira macã macõ, juti pĩiri ca wapa pacarije jũari moñiri ca niirijere ca noni wapa taago, Æmureco Pacure ca ñi nucū bñorucugo niipuro. Añurije quetire cū ca wedero cõ ca tñorucuro, Wiogu pea, Pablo cū ca ñirijere cõ tuo nunujeejato ñigu, teere añuro cõ ca tuo ñeero cõre tiwi. ¹⁵ To biri cõ yaa wii macãrã niipetirã mena uwo coe doti ecori jiro, o biro jãare ñiwo:

—“Díamacũra, Wiogu Jesús're ca tuo nunujeego niimo,” yare muja ca ñijata, yu yaa wiipu cãñirã dooya —jãare ñi, jãa ca booti pacaro, “Yu yaa wii pee dooya,” jãare ñicoawo.

Pablo, Silas jãare cūja ca tia cūurique

¹⁶ Jĩcãti jãa ca juu buerucuri tabepũ jãa ca waaro, jĩcõ wãmo, pade coteri majo ca biipere ñi bua majiriquere ca yeri cutigo, jãare bocawo. To biro cõ ca ñi bua majirije mena, cõ wiorã peera paio cūja ca wapa taaro tiirucuupo. ¹⁷ Cõ, Pablora to biri jãare, o biro ñi acarõ bui nunujeewo:

—Anija Æmureco Pacu ati Æmureco niipetiroputre Ca Doti Niigure pade coteri maja niima. To biri ametuarique maquẽ quetire mujare wedema —ñiwo.

¹⁸ Pau rãmuri to biro jãare ñi nunujee niwo. Teere tuo jutima ñigu, Pablo pea amojode nucãri, to biro cõ ca ñi yeri tutua niigure o biro ñiwi:

—Jesucristo cū ca dotiro mena, “Cõre witi waaguja” mre yu ñi —ñiwi.

To biro cū ca ĩirije menara, cōp̄are ca niigu to biirije cō ca ĩi yeri tutua niigu pea cōre witi weocoawi.

¹⁹ To biri cō Ɂparā pea teere majiri, “Do biro pee tiiri mani wapa taa n̄n̄ua waaricarō mani,” ĩima ĩirā, Pablo, Silas jāare ñeeri, macā decomacāre ca niiri yepa bojocare cūja ca jāiña bejeri tabe Ɂparā p̄top̄ cūjare jeecoawa. ²⁰ Ca jāiña bejerā p̄to cūjare jee eari, o biro ĩiwa:

—Anija judíos nii pacarā, mani yaa macā macārāre wede mecō, ²¹ cūja ĩicū j̄m̄ua cūja ca tii j̄o doorique peere bue, tiima, mani romanos niiri teere booti, tee ca ĩirore biro tii n̄n̄jeeti mani ca biirijerena —ĩiwa.

²² To cōrora bojoca pea Pablo, Silas jāari menare ajiacoawa. Wiorā jāiña bejeri maja pea cūjare juti tuu wee dotiri, wājori mena cūjare bape dotiwa. ²³ B̄aro cūjare bape yapanori jiro, tia cūurica wiip̄ cūjare tia cūuri, tii wiire ca coteḡure añuro cūjare, cūre ĩa cote dotiwa. ²⁴ To biro cūre cūja ca ĩiro macā, tii wiire ca coteḡu pea jupea macā jawip̄ cūjare jee jāa waari, cūja d̄porire yuc̄u p̄i, p̄a p̄i watoa cūu d̄pori, cūjare jia tuu cūuupi.

²⁵ Tii ñamire ñami decomacā ca niiro, Pablo, Silas jāa, Ɔm̄ureco Pac̄ure jāi juu bue, baja, cūja ca tii niiro, aperā cūja ca tia cūuricarā cāa teere t̄o niip̄a. ²⁶ To biro cūja ĩi niiro, ca niiro t̄jarora b̄aro yepa nanaupa, tii wiire cūja ca wee ñeERICA yepa menap̄ura cagueri n̄c̄p̄u. To biro ca biirije menara, joperi niipetirijep̄ura p̄a peticoa, ñicā cūja ca jia cūuricarā cāare niipetirāp̄urena come daari popi ñaa peticoa, biip̄a. ²⁷ Tii wiire ca coteḡu pea wācā eaḡu, tii wii joperi niipetirijep̄ura p̄arica joperi ca niiro ĩari, “Cūja ca tia cūuricarā duti witi peticoajacupa,” ĩi t̄goeñari, cū niip̄ire t̄a wee amiri cū majuropeera jade puacā yai waaḡu dooḡu tiimiupi. ²⁸ To biro cū ca tiiro Pablo pea o biro cūre ĩi acaro buiupi:

—M̄ majuropeera ñañaro tiieto. Anora jāa niipeticā —ĩiupi.

²⁹ To cōrora tia cūurica wiire ca coteḡu pea jāa boericaga jāi, ũmaa jāa waa, uwiḡu nanaḡura Pablo, Silas jāa p̄to ñaanuu waaupi. ³⁰ Jiro, cūjare j̄o witi waa:

—¿Ñee yu tiiguti, ametuaruḡu? —cūjare ĩi jāiñauipi.

³¹ To biro cūjare cū ca ĩi jāiñaro:

—Wioḡu Jesús're díamacū t̄o n̄n̄jeeya. To biro tiiḡu, m̄, m̄ yaa wii macārā cāa, m̄ja ametuarucu —cūre ĩi ȳupa.

³² Jiro cūre, cū yaa wii macārā niipetirāre Ɔm̄ureco Pac̄u yee quetire cūjare wedeupa. ³³ Tii ñamira tia cūurica wiire ca coteḡu pea Pablo jāare j̄o waa, cūja camire coeupi. Jiro cū, cū yaa wii macārā, uwo coe ecoupa. ³⁴ Uwo coe doti yapanori jiro tia cūurica wiire ca coteḡu pea cū yaa wiip̄ cūjare j̄o waari, cūjare baarique eca, cū yaa wii macārā niipetirā mena b̄aro Ɂjea niupi, Ɔm̄ureco Pac̄ure cū ca t̄o n̄n̄jeerije j̄ori.

³⁵ Ape r̄am̄ boeri tabe, wiorā pea, j̄icārā uwamarā coteri majare, tia cūurica wiire ca coteḡure, “ ‘Pablo, Silas jāare wieneña,’ cūre ĩirāja,” cūjare ĩi cojoupa. ³⁶ To biri tia cūurica wiire ca coteḡu o biro ĩiupi Pablore: “Cūjare wienecāña ȳre ĩi cojojapa Ɂparā; to biri uwiricarō maniro witi, waacoarāja,” cūre ĩiupi.

³⁷ To biro cū ca ĩiro t̄oḡu, Pablo pea o biro ĩiupi uwamarāre:

—¿Do biro? Jāa romanos jāa ca nii pacaro, p̄a bojoca cūja ca ĩa cojoro jāare bape dotiri, jāare tia cūu dotijāwa, ñañarije jāa ca tiiriquere jāare jāiña beje juoti pacarā. To biro tii pacarā, mec̄ura: ¿Bojoca cūja ca ĩatip̄u jāare cūja wieneruḡati? Jāa waaticu. Cūja majuropeera doori, jāare cūja jee wienerā doojato —cūjare ĩiupi.

³⁸ Uwamarā pea atere wiorāp̄ure cūjare wedeupa. Cūja pea Pablo, Silas jāa romanos cūja ca niirijere majirā, t̄o Ɂcuacoaup̄a. ³⁹ To biri, bojoca cūja ca ameri tii niirijere ca jāiña bejerā pea waa, “Ñañaro m̄jare jāa tiijapa; teere jāare ajiaticāña,” cūjare ĩi, cūjare wiene, “Ati macāre waacoarāja,” cūjare ĩiupi. ⁴⁰ Pablo, Silas jāa pea, tia cūurica wii ca niiricarā witi waarā, Lidia yaa wii pee waacoawa. Jesús're ca t̄o n̄n̄jeerāre ĩa, cūja ca t̄goeña Ɂjea niiro cūjare tii yapano, to ca niiricarā waacoawa.

17

Tesalónicapɥ cūja ca biirique

¹ Pablo, Silas, Anfípolis, Apolonia yeparire ametɥa waa, Tesalónica macāre earā, judíos cūja ca nea poo juu bueri wii ca niiri tabere eawa. ² Pablo pea cū ca biirucuricarore birora nea poo juu buerica wiipɥ waa, yerijāarica rɥmuri itia rɥmɥpɥrena, cūja mena wede peniwi. ³ Ɛmureco Pacɥ wederique cūja ca owarique menapɥ iicāri, “Ɛmureco Pacɥ cū ca tiicojo cojoricɥ bii yai, ñucā ca bii yaicoaricɥpɥra cati tua, cū ca biipera niuupa,” cūjare iī wede niwi. O biro iīwi:

—Ano mɥjare yɥ ca wedegɥ Jesús'ra niimi, Ɛmureco Pacɥ cū ca tiicojo cojoricɥ — cūjare iī wedewi.

⁴ Jīcārā judíos teere tuo nɥnɥjeeri, Pablo, Silas jāa mena neawa. Ñucā paɥ griegos Ɛmureco Pacɥre ca iī nɥcū buorucuricarā, to biri aperā ca nii majuropeerā romiri cāa paɥ romiri tuo nɥnɥjeewa. ⁵ To biro cūja ca biiro, judíos ca tuo nɥnɥjeetirā pea, cūja mena buaro ajiari, jīcārā ca bojoca ñañarā ñee tiiri méé macāre ca bii amojoderāre jɥo neori, macāre acaro bui amojode, bojocare iī mecūo, cūja ca tiiro tiīwa. Ñucā Pablo, Silas jāare bojocapɥre cūjare tiicojorɥgarā, cūjare amarā, Jasón yaa wiire ūmaa jāawa. ⁶ Tii wiire cūjare buatima iirā, Jasón're to biri aperā jīcārā Jesucristore ca tuo nɥnɥjeerāre ñeeri, wiorā pɥtopɥ cūjare jee waarā:

—Anija, ati ɥmureco niipetiroɥ waacāri bojocare ca iī mecūo yujurā, anopɥ cāare eacā dooma. ⁷ To biro ca iī mecūo nɥnɥa doorāre, “Yɥ pɥto niiña,” cūjare iijapi Jasón. Cūja niipetirāpɥra, wioɥ apī niimi Jesús ca wāme cɥtigɥ iicāri, Roma macɥ wioɥ César cū ca dotirijere bii ametuene nɥcā niima —iī acaro bui, cūjare wee nɥnɥa waawa.

⁸ To biro cūja ca iiro tuorā, bojoca, wiorāpɥ cāa, tuo mecūcoawa. ⁹ To cōrora Jasón're, ñucā aperā cāare cūjare pitirɥgarā wapa tiirica tiiri cūjare jāiwa.

Bereapɥ cūja ca biirique

¹⁰ Ca naiorije menara Jesucristore ca tuo nɥnɥjeerā, Pablo, Silas jāare Berea pee cūjare tiicojocā cojowa. Tii macāre ea biirā, judíos cūja ca nea poo juu bueri wiipɥ waacāwa. ¹¹ Berea macārā pea Tesalónica macārā ametuenero añuro ca tɥgoeñarique cɥtirā niīwa. To biri Pablo jāa cūjare cūja ca wederijere añuro tuo nɥnɥjee, “Cūja ca buerije díamacūra to niimiti,” iirā, to cānacā rɥmɥra Ɛmureco Pacɥ wederiquere bue niirucuwa. ¹² To biri paɥ judíos, ca nii majuropeera ca niirā griega romiri, paɥ ɥmɥa, tuo nɥnɥjeewa. ¹³ Ñucā Tesalónica macārā judíos, Berea macārāre Ɛmureco Pacɥ yee quetire cūjare wedegɥ tiijagɥ Pablo cūja ca iirijere tuocārāpɥa toopɥ waari, too macārā bojocare cūjare iī mecūo ajienecāwa. ¹⁴ To biro cūja ca iī earo, Jesucristore ca tuo nɥnɥjeerā pea Silas, Timoteo jāa tii macā cūja ca tuaro ɥno, yoari mééra, Pablo peera dia pairi yaa pɥto pee cūre tiicojocā cojowa. ¹⁵ Pablora ca bapa cɥti waaricarā pea, Atenas macāpɥ cūre jɥo eacoawa. Jiro “Timoteo, Silas yoari méé jañurira cūja doojato,” cū ca iī cojoriquere queti cɥti tua eawa.

Pablo Atenas'pɥ cū ca biirique

¹⁶ Pablo, Atenas'pɥ, Silas, Timoteo jāare yue niigɥ, tii macāre cūja ca weericarā cūja ca dadacārijere iari, cū yeripɥ buaro tɥgoeñarique paiwi. ¹⁷ To biri nea poo juu buerica wiipɥ, judíos, griegos, Ɛmureco Pacɥre ca iī nɥcū buorā mena buaro wede penirucuwi. Ñucā to cānacā rɥmɥra wiijeri watoa macā yepare ca nearā mena, buaro wede penirucuwi. ¹⁸ Ñucā jīcārā filósofos epicúreos, to biri estoicos, Pablo mena wede peni jɥo waawa. Jīcārā o biro iīwa:

—¿Ani ca wederique peti majitigɥa ñee ɥnore iirɥgɥ cū iībuti? —cūre iīwa.

Aperā ñucā:

—Jūguēa apero macārāpɥre wede boja yujuri yéé majɥ niibumi —cūre iīwa.

Atere to biro iīwa, Pablo, añurije queti Jesús yee maquēre, cū ca cati tuarique maquēre, cūjare cū ca wedero macā. ¹⁹ To biri cūja ca nearo Areópagoɥ cūre ami waari, o biro iī jāiñawa Pablora:

—¿Ano jāare m̄ ca wederijea, ñee wāma wāme buerique to niiti? ¿Jāa teere jāa majitibogajati?*

²⁰ ¿Jāa ca t̄o ñaatirijere m̄ wede, jāa cāa, jāa majiruga, do biro ĩrugaro to ĩiti? —ĩiwa.

²¹ Atenas macārā niipetirāp̄ra, ñucā aperori macārā tii macāre ca niirā cāa, apeyep̄ra tiiricaro maniro, wāma queti ca biirijerena t̄o, teerena ameri wede peni, tiicā duwi yujurucuupa. ²² Pablo pea, dotiri maja Areópago watoap̄ra wām̄ n̄cā, o biro c̄jare ĩwi:

—Atenas macārā, yu ca ĩajata, m̄ja pā wāmerire ca ĩi n̄c̄ b̄orā peti m̄ja niicā. ²³ M̄ja ca ĩi n̄c̄ b̄ori taberire ĩa waarucugu, ĩcā tutu wee n̄c̄rica tutup̄re: ḤM̄RECO PAC̄ CA MAJIN̄A MANIḠRE ĩi N̄C̄ B̄ORICA TABE, ĩi owa tuurique ca niiri tuture yu b̄a eajāw̄. To biri majiti pacarā m̄ja ca tii n̄c̄ b̄oḡ yee maquērena m̄jare yu wedegu doo.

²⁴ Ḥm̄reco Pac̄ ati yepare, to biri ati yepare ca niirije niipetiro ca tiiric̄ra niimi, ati yepa, ati Ḥm̄reco, Ḥp̄. Bojoca c̄ja ca tiirica wiijerirena niitimi, ²⁵ ñucā ĩc̄ uno peera ĩcā wāme uno peerena c̄re c̄ ca tii bojarije uno cāare ama b̄a ñaatimi. C̄ra niimi, niipetirāp̄rena catirique, yeri jāñarique, ñucā apeye niipetirije manire ca tiicojoḡ.

²⁶ Ñucā ĩc̄ bojoc̄ menara, bojoca poogaari niipetirāp̄rena tiupi, ati yepa niipetirōp̄re c̄ja nijato ĩgu. Ñucā c̄ja ca nii m̄a n̄c̄pa ȳtearire c̄u, c̄ja yaa yepari ca nii eyopa taberire c̄u, tiupi. ²⁷ Atere to biro tiupi Ḥm̄reco Pac̄, niipetirā c̄re ama, ape tabera c̄re padeña jāñurip̄ b̄acābocuma ĩma ĩgu. Añuro petira Ḥm̄reco Pac̄a, mani niipetirāp̄rena mani p̄toacāra niicāmi. ²⁸ C̄ j̄orira cati, c̄ j̄orira āc̄, c̄ j̄orira nii, mani bii. ĩcārā griego m̄ja mena macārā c̄ja ca t̄goeñarijere ca owarā,[†] o biro ĩi owaupa: “Ḥm̄reco Pac̄ p̄ramerā mani nii,” ĩiupa. ²⁹ To biri, Ḥm̄reco Pac̄ p̄ramerā nii pacarā, “Ḥm̄reco Pac̄a, oro, plata, ūtā mena, bojoca c̄ja ca t̄goeñari wāmere biro c̄ja ca tiiric̄ niicum̄,” ca ĩi t̄goeñatiparā mani nii. ³⁰ T̄m̄p̄ra Ḥm̄reco Pac̄, bojoca c̄ja ca majitirije j̄ori, to birora c̄jare ĩac̄upi. Mec̄ peera, niipetirāre niipetiro macārāp̄re yeri t̄goeña wajoari, c̄ peere t̄o n̄ñ̄jee dotimi. ³¹ Mee ĩcā r̄m̄ ati yepa macārā niipetirāre ca niirore biro, ĩc̄ c̄ ca beje amiric̄ menap̄, c̄ ca ĩa bejepa r̄m̄ cāare c̄u yerijāaupi. To biro c̄ ca tiipere niipetirāp̄re ĩ̄oupi, ca bii yaicoaric̄p̄rena c̄ ca cati tuaro c̄re tiigu —c̄jare ĩi wedewi.

³² Ca bii yairicarā c̄ja ca cati tuarije maquēre c̄ ca wedero t̄orāra, ĩcārā c̄re buiwa. Aperā pea, “Jiro ate maquēre m̄ ca wedero t̄orique niirucu ñucā,” c̄re ĩiwa.

³³ To c̄rora toop̄ ca niiric̄ witi waacoawi Pablo. ³⁴ ĩcārā c̄ mena waa, c̄ ca wederijere t̄o n̄ñ̄jeewa. C̄ja menare niwa: Dionisio, Areópago ca nearucurā mena mac̄, ñucā ĩc̄ nomio Dámaris ca wāme c̄tigo, to biri aperā niwa.

18

Pablo Corintop̄ c̄ ca biirique

¹ Ate jiro, Pablo, Atenas ca niiric̄, Corinto macā pee waacoawi. ² Tii macāp̄re ĩc̄ judío Aquila, ca wāme c̄tigu, Ponto yepa mac̄, c̄ n̄mo Priscila menare b̄a eawi. Italiap̄ ca niiric̄, wioḡ Claudio, judíos niipetirāre, “Roma ca niirā c̄ja waacoajato,” c̄ ca ĩirique ca niiro macā, ca dooricarā Pablo j̄gueroacāra ca earicarā niupa. Pablo c̄jare ĩagu waawi.

³ C̄ cāa, c̄jare birora waa yujurā c̄ja ca wiijeri b̄ari quejeri tiiriquere ca paderique c̄tigu niiri, c̄ja mena tuawi, c̄ja mena ĩcārī paderuḡ. ⁴ Yerijāarica r̄m̄ri ca niiro c̄rora, nea poo juu buerica wiip̄ waari, judíos're, ñucā griegos cāare, t̄goeña wajoa c̄ja ca t̄o n̄ñ̄jeero tiiruḡ c̄jare wederucuwi Pablo.

⁵ Silas, Timoteo, Macedonia ca niiricarā c̄ja ca earo, Jesús yee queti wadore to macārāre wede, ñucā judíos're:

* 17:19 Jāa cāa teere jāa majiruga. † 17:28 Poetas.

—Jesús'ra ʘmureco Pacu cū ca tiicojoricu niimi —cūjare ʘi wede majio niiwi Pablo. ⁶ Cūja pea cū ca ʘirijere ʘi camota, cūre acaro bui tuti, cūja ca ʘiro Pablo pea “Mūja yee jʘori ñaño mūja biirucu,” cūjare ʘigu, cū jutire paa bate, o biro cūjare ʘiwi:

—Mūja yee wapa mūja majuropeera ñaño mūja ca bii yaibe niirucu. Yʘ yee wapa méé, to biro mūja biirucu. Mecū ména judfos ca niitirā peere añurije quetire yʘ wedegu waarucu —cūjare ʘiwi Pablo.

⁷ To biro ʘi, tii wii ca niiricu witi waa, Ticio Justo ca wāme cutigu, ʘmureco Pacure ca ʘi nucū bʘogu, nea poo juu buerica wii puto ca wii cutigu yaa wii pee waacoawi. ⁸ Nea poo juu buerica wii wiogu Crispo pea, cū yaa wii macārā niipetirā menara Wiogu Jesús yee quetire tʘo nʘnʘjeewi. Ñucā pau Corinto macārā Pablo cū ca wederijere ca tʘoricarā, tʘo nʘnʘjee, uwo coe ecowa. ⁹ Jīcā ñami, quēñaricarore biropu bii oto weti waagu cū ca ʘaro, Pablora o biro cūre ʘiupi ʘmureco Pacu:

—Uwiticāña. Yerijāatigura, añurije quetire to birora wedecā nʘnʘa waagūja. ¹⁰ Yʘa mu menara yʘ niicā. Jīcū uno peera ñaño tiirugarā mure ñaatuatirucuma. Pau yʘre ca tʘo nʘnʘjeerāre yʘ cʘo, ati macāre —cūre ʘiupi.

¹¹ To biri Pablo jīcā cūma decomacā Corinto macārāre ʘmureco Pacu yee quetire wede, tiicā niiwi. ¹² Acaya macā wiogu, Galión cū ca niiri rʘmʘrre, judfos nea poo, Pablora ñee, wiorā pʘtopu cūre ami waari, o biro cūre ʘi wedejāawa:

¹³ —Ania, doti cūurique ca tii dotitiri wāmeru, “ʘmureco Pacure ca nucū buoparā mūja nii,” bojocare ʘiri, tee peere cūja ca tʘo nʘnʘjeero tii yujumi —ʘiwa.

¹⁴ Mee, Pablo wedegu doogu cū ca tiirora, o biro ʘiwi Galión, judfos're:

—Mūja judfos, ñaño cū ca tiiriquere, cū ca jīarique ʘnore, mūja ca wedejāajata, mūjare yʘ tuobojacupa. ¹⁵ Wederiquerena, bojoca wāmerena, mūjare ca dotirije maquērena, mūja ca ʘicārije ca niiro macā, mūja majurope ameri quenofa; yʘa tee ʘnorena ca jāiña bejegu yʘ niirugati —cūjare ʘicāwi.

¹⁶ To biro ʘi, bojoca cūja ca tii bui cutiriquere ca jāiña bejerā cūja ca nea poori wiipu ca niirāre Galión cūjare wienecā cojowi. ¹⁷ To cōrora, nea poo juu buerica wii wiogu Sóstenes're cūre ñeeri, jāiña bejeri maja cūja ca ʘa cojorora cūre quēewa. To biro cūja ca tiirije Galión peera ñeacāpe cūre biiticāwu.

Pablo Antioquiapu cū ca tua waarique

¹⁸ Ména, Pablo, Corintora yoaro niicāwi. Jiro Jesucristore ca tʘo nʘnʘjeerāre waarique wui, Priscila, Aquila jāa mena cūmuapu ea jāa waacoawi Siria yepa pee waagu. Ména, Cencreapu niigu, waarugu juguero, “O biro yʘ tiirucu,” cū ca ʘiriquere cū ca ʘiricarore biro tiigu, cū dʘrugare poa pedecāwi. ¹⁹ Éfeso earā, Pablo pea Aquila, Priscila jāare camotati, nea poo juu buerica wiipu waa, judfos too ca nea poorā mena wede peniwi. ²⁰ Cūja pea, “Yoa jāñuro jāa mena niñā,” cūre ʘimiwa. Cū pea bootiwi. ²¹ Biigupua, cūjare waarique wuigu, o biro cūjare ʘiwi: “ʘmureco Pacu cū ca boojata, jiro mūjare yʘ ʘagu doorucu ñucā,” cūjare ʘiwi. To biro ʘi, Éfeso ca niiricu waacoawi. ²² Cesarea yepare tīa eagu, Jerusalén pee Jesucristore ca tʘo nʘnʘjeerāre cūjare ʘagu waa, jiro Antioquía pee waacoawi.

Itiati Pablo cū ca waarique

²³ Toore jīcā cuu niiri jiro, Galacia, Frigia yepari macārā Jesucristore ca tʘo nʘnʘjeerā cūja ca niiri macāri cōrorena cūja ca tʘgoeña tutuaro cūjare tii, ʘa yujugu waagu waacoawi ñucā.

Apolos Éfesore añurije queti cū ca wederique

²⁴ Tii rʘmʘrre Éfesore eaupi judfo bojocu Apolos ca wāme cutigu, Alejandría macū. Añuro tʘo yeri jāñaricaro ca wedegu, ʘmureco Pacu wederiquere añuro ca majigu, niupi. ²⁵ Cūa ʘmureco Pacu yeere cūja ca bue majioricu niupi. To biri ʘjea niirique mena ca niirora biro, Jesucristo yee añurije quetire wedeupi, Juan cū ca uwo coerique queti wadore ca majigu nii pacagu. ²⁶ Nea poo juu buerica wiipure, uwiricaro maniro añurije quetire wedeupi Apolos. To biro cū ca ʘiro tʘorā, Aquila, Priscila jāa pea apero

pee cūre ami waari, buaro jañuri Ƴmureco Pacu yee quetire ca niimore biro cūre wede majio nemoupa. ²⁷ Jiro Apolos, Acaya cūja ca ĩiri yepa pee cū ca waarugaro, Jesucristore ca tuo nunujeerã pea, cū ca tugoena ujea niiro cūre tii, ñucã Acaya macãrã Jesús're ca tuo nunujeerãre, “Añuro cūre ñeeña,” ĩi owa cojoupa. Acaya macãpu eagu, Ƴmureco Pacu cū ca añurije juori Jesús're ca tuo nunujeericarãre buaro cūjare tii nemoupi. ²⁸ Niipetirã cūja ca tuo cojoro, judíos “Yee ĩimi,” cūja ca ĩi majitiri wãmeri mena, Ƴmureco Pacu wederique menapu ĩiri, “Jesús'ra niimi, Ƴmureco Pacu cū ca tiicojo cojoricu,” cūjare ĩi wede majio niupi Apolos.

19

Pablo Éfesopu cū ca biirique

¹ Apolos Corinto macã pee cū ca nii ditoye, Pablo pea, ca ũtã yucu cutiri yepa macã macãrire waa yuju peticã, tẽo taa waa, Éfeso macãre eawi. Tii macãre pau Jesucristore ca tuo nunujeerãre bua ea, ² o biro cūjare ĩi jãĩñawi:

—Jesucristore tuo nunujeerã, Añuri Yerire muja ñeeri? —ĩwi.

Cūja pea:

—Jãa ñeetiwu; jãa jĩcãti uno peera Añuri Yeri yee maquẽre cūja ca wedero jãa tuo ñaati —cūre ĩi yuwa.

³ To biro cūja ca ĩiro, Pablo pea o biro cūjare ĩi jãĩñawi:

—To docare ĩñee uno uwo coeriquere muja tii dotiri? —ĩwi. To biro cū ca ĩiro cūja pea:

—Juan cū ca uwo coerique unore jãa tii dotiwu —cūre ĩi yuwa.

⁴ To biro cūja ca ĩiro, o biro cūjare ĩwi Pablo:

—Juan, ñañarije cūja ca tii niirijere ca tugoena yeri wajoarãre uwo coeupi. To biro tii pacagu, cū jiro ca doopu, “Jesús peere tuo nunujeeya,” cūjare ĩupi —cūjare ĩwi.

⁵ To biro cū ca ĩiro tuorã, Wiogu Jesús wãme mena uwo coe ecowa. ⁶ Pablo cū amori mena cūjare cū ca ñia peoro, Añuri Yeri cūjare ñaajãa nucã eawi. To biro cū ca biiro, cūja pea wederique ca tuoya manirije wede, ca biipere wede jague, tiiwa. ⁷ Cūja niipetirã niirã, puã amo peti, dupore puaga penituario umua niwa.

⁸ Pablo pea itiarã muipũa peti nea poo juu buerica wiipu waari, uwiricaro maniro añurije quetire wede, ñucã Ƴmureco Pacu cū ca doti niiri tabe maquẽre wede, ĩirucuwi bojocare, tugoena wajoa tuo nunujee, cūja ca biiro tiirugu. ⁹ Jĩcãrã teere junarã, ametuene nucã, tuo nunujeerugati, biicãri bojoca cūja ca tuo cojoro Wãma Maa maquẽre tuo nunujeeriquere ñañaro ĩi tutiwa. To biri Pablo cūjare camotati, Jesucristore ca tuo nunujeerãre buerica wii Tirano ca wãme cutigu yaa wiipu cūjare jee waari, to cãnacã rumura cūjare bue majiocã niirucuwi. ¹⁰ Puã cūma peti to biro tii niwi. To biri niipetirã Asia yepa macãrã, judíos, judíos ca niitirã, Wiogu yee quetire tuo peticãwa. ¹¹ Ƴmureco Pacu pea Pablo menapu, do biro ca tiiya manirijepu ca ĩa ñaña manirije tii bau nii niwi. ¹² Tuu coerica quejeri, * juti cū upure ca cõorique menapura, ca diarique cutirãre teere jee waari, cūja ca padeña dotiro cūja diarique ametua, ñucã wãtĩa cūjapure ca niirã cãa witi, biicãwa.

¹³ Jĩcãrã judíos, wiije watoa waarica maaripu bojocapure ca niirã wãtĩare ca cõa wiene amojoderã cãa, bojocapure ca niirã wãtĩare cõa wienerugarã, Wiogu Jesús wãme mena ĩicãri, o biro ĩimiupa: “ ‘Pablo cū ca wedegu Jesús cū ca dotiro mena witi waaguja,’ mure yu ĩi,” ĩirucuupa. ¹⁴ Atere to biro tiirucuupa, jĩcã amo peti, ape amore puaga penituario ca niirã, judío bojocu paia upu Esceva puna.

¹⁵ To biro cūja ca ĩi waarucuro, jĩcã rumu o biro cūjare ĩi yuupi wãtĩ yeri pea:

—Yuã Jesús're yu maji, Pablo cãare yu maji, muja pea, ĩñirua uno muja niiti? —cūjare ĩupi.

¹⁶ To biro ĩigura, ca wãtĩ jãa ecori pea cūjare quẽegu waa yerijãaupi, buaro cū ca tutuarije mena, cūja niipetirãre quẽe yaicã, tii wii ca niiricarã juti manirã, ca cami paca

* 19:12 Pañuelos.

waaricarã cūja ca duti waari nūcūpū cūjare tiicāupi. ¹⁷ Éfeso macārã niipetirã judíos, judíos ca niitirã tee quetire tuorã, buaro uwiupa. O biro ca biirije juori, Wiogu Jesús wãme buaro jañuri ñi nūcū buorique nii nūnua waaupa. ¹⁸ Ñucã paū Jesús're ca tuo nūnūjeericarã, jugueropūre ñañarije cūja ca tii niirucuriquere paū bojoca cūja ca tuo cojoro, wede ametuenerã eawa. ¹⁹ Ñucã paū majiri maja bajeriquere ca tiirucuricarã cãa, cūja ca bue bjeri yaiarica pūurire jee neori, paū bojoca cūja ca ña cojoropū teere joe batewa. Tii pūurori ca wapa cūtirijere cūja ca cōñajata peera yua, wapatirica tiiri plata tiiri cincuenta mil† niiri tiiri cōro peti ca wapa cūtirije ca niiriquere majiwa.

²⁰ O biro bii, Wiogu Jesús yee queti ño pee jañuri bii jeja nūcã nūnua waa, cū ca tutuarijere bii ñño, bii nūnua waawū. ²¹ Ate niipetirije ca biiricaro jiro, Pablo, “Macedonia, Acaya yepari macārãre ña ametua waa, Jerusalén'pū ca waapū yū niicu,” ñiwi. Ñucã, “Jerusalén waari jiro Roma cãare ca waapū yū nii,” ñiwi. ²² To biri cū pea jicã cuu cōro Asiapū tua nūcã nūnua waagu ũnora, cūre pade nemori maja puarã, Timoteo, Erasto jāare, Macedoniarū cūjare tiicojo cojowi.

Éfeso macārã cūja ca wede mecūrique

²³ Tii rūmūrire Éfesopūre Wãma Maa maquēre tuo nūnūjeerique juori, peetora biiricaro maniro añutiri wãmerū cūja ca acaro bui wede mecūro tiupa, ²⁴ to macū jicū Demetrio ca wãme cūtigū, plata mena paderi majū yee juori. Ani Demetrio pea plata mena Artemisare‡ ñi nūcū buorã cūja ca neari wiire biiri wiijeriacã cū ca tiirije mena, cū mena paderi majare paio cūja ca wapa taaro tiirucuupi. ²⁵ To biri cū mena ca paderãre, ñucã aperã cūjare birora ca paderique cūtirãre juo neori, o biro ñiupi:

—Yū mena macārã, ate mani ca paderije mena añuro mani ca wapa taarijere mūja maji. ²⁶ Tuo, ña, mūja ca tiirora ani Pablo, “Jūguēa, bojoca cūja ca weericarã, tii nūcū buoricarã méé niima,” ñi wede majori, paū bojocare ano Éfeso wado méere, Asia yepa niipetiro macārãpūre cūja ca tuogoēna wajoaro tii yujumi. ²⁷ To biri mecūra mani paderique wado méé manire yairuga, do biro ca tiiya manigo jūguēo Artemisare ñi nūcū buorica wii cãa, ñucã jūguēo, Asia yepa niipetiropū macārã, to biri ati yepa niipetiropū ca niirã cūja ca ñi nūcū buogo menapūra, cōre cūja ca ñi nūcū buorije menapūra yai nūcācoaruga —cūjare ñiupi.

²⁸ Atere o biro cū ca ñiro tuorã, buaro ajia, o biro ñi acaro buiwa:

—Éfeso macārã yoo Artemisa do biro ca tiiya manigo niimo —ñiwa.

²⁹ To cōrora tii macã macārã niipetirãpūra, “¿Ñee tiirã cūja ñiti?” ñi mecūcãupa. To biri Macedonia macārã Pablore ca bapa cūti waaricarã, Gayo, Aristarco jāare ñeeri, bojoca cūja ca neari taberū cūjare wee waawa. ³⁰ To biro cūja ca tiiro, Pablo pea bojocare wederūgu toopū jāa waarūgamiwi; Jesucristore ca tuo nūnūjeerã pee bootiwa. ³¹ Ñucã Asia yepa macārã wiorã Pablo mena macārã menapūra, “Cū dooticãjato,” cūre ñi wede doti cojoupa. ³² Too ca nearicarã pea, mecūcãwa. Cūja ca niiro cōrora bojorica wãmeri wado acaro bui biicãri, to ca nearicarã niipetirã jañuripūra, “Teere ñirã mani neajacupa,” ñi majiticãwa. ³³ To biri judíos pea bojoca watoa ca niigu Alejandore decomacã pee cūre tumicōa wiene nūcōwa. Cū pea to biro cūja ca tii nūcōgu bojoca cūja ca tuo cojoro judíos're wede bojarūgu, cū amori mena tii cōñari, “Wedeticãña,” cūjare ñiwi. ³⁴ Cūja pea cū cãa judíos bojocūra cū ca niirijere majiri, niipetirãpūra jicãri cōro pua horas cōro peti:

—¿Éfeso macārã yoo Artemisa do biro ca tiiya manigo niimo! —ñi acaro bui niwa.

³⁵ To cōrora tii macã macārã wiorã cūja ca ñirijere owa coteri majū pea cūja ca acaro bui yerijãaro tiiri, o biro cūjare ñiwi:

—Éfeso macārã, ati yepa macārã niipetirãpūra, Éfeso macārã yoo jūguēo do biro ca tiiya manigo Artemisa yaa wii nea poo juu buerica wiire, ñucã cōre biigo ca baugo

† 19:19 Dracmas. Cincuenta mil rūmūri pade wapa taaricaro cōro ca wapa cūtirijere joe baterã tiwa. ‡ 19:24 Griego wederique mena Artemisa; romano wederique mena peera Diana.

umureco tutipɯ ca duwi dooricore ca ĩa nunɯjeerã mani ca niirijere majima. ³⁶ Mee atera jĩcũ ɯno peera, “Yee ĩima,” ĩi majitima. To biri to cõrora yerijãa waarãja. Añuro tugoeñati pacarã, to biro tiiticãña. ³⁷ Mɯja, anija, mani jãguẽo Artemisare ñañarije cõre ĩi wede pai, cõre ĩi nɯcũ buorica wii maquẽ cãare ca tiiya manirijera tii, ca tiitirãrena mɯja jee doojapa. ³⁸ Demetrio, cũ mena ca paderã, jĩcãrã mena cũja ca ajiarije to ca niijata, mee teerena ĩirã, jãĩña bejeri maja, ɯparã macãri jɯo niiri maja, niima. Cũja putopɯ waari, mɯja ca ameri wedejãarijere quenorãja. ³⁹ Ape wãme mɯja ca ĩirugarije to ca niijata, wiorã cũja ca nea poori tabepɯ wede quenõña. ⁴⁰ Ano mecũ ca biijãrije menare, ɯparã cũja ca dotirijere junari ca bii ametuene nɯcãrã niima, manire cũja ca ĩi wedejãaro uwioro tiirã mani tii. Manire cũja ca jãĩñajata, “Tee jɯori to biro jãa tijãwɯ,” mani ca ĩipe mani majuropecã —ĩiwi.

⁴¹ To biro cũjare ĩi yapano, to ca nea pooricarãre: “Waarãja,” cũjare ĩicãwi.

20

Macedoniare, Greciare Pablo cũ ca waa yujurique

¹ Cũja ca wede mecũ yerijãa waaro, Pablo pea Jesús're ca tuo nunɯjeerãre jɯo cojo doti, jĩcã wãmeri cũjare wede majio, cũjare paabario tɯja yapano, waarique wui, Macedonia pee waacoawi. ² Tii yepa macã yepari macãrã Jesucristore ca tuo nunɯjeerãre buaro cũjare wede majio waa yuju yapanori jiro, Greciapɯ eawi, ³ itiarã muipũa cũ ca niiricaropɯre. Mee, Siria pee waagu doogu cĩmuapɯ ea jãa waarugɯ bii niigura, judĩos ñañaro cũre cũja ca tiirugarijere majiri, “Macedonia peera ca tuacoapɯ yɯ niicu,” ĩiwi. ⁴ Cũ ca waaro, Berea macũ Sópater macũ Pirro, Tesalónica macãrã Segundo, Aristarco, Derbe macũ Gayo, apĩ Timoteo, aperã Asia macãrã, Tíquico, Trófimo, cũre bapa cuti waawa. ⁵ Anija, Jesucristore ca tuo nunɯjeerã pea jãa juguero waa, Troas'pɯ jãare yueupa. ⁶ Jãa pea pan're* ca wauarije ca ayiaya manirije baarica boje rɯmɯ jiro, Filipos ca niiricarã cĩmua mena waarã, jĩcã amo cõro niiri rɯmuri jiro Troas'pɯ cũjare ẽmɯ ea, toopɯre jĩcã semana jãa niwɯ.

Troas macãrãre Pablo cũ ca ĩagu earique

⁷ Ape semana ca nii jɯori rɯmure pan bato baarugarã jãa neawɯ. Pablo pea ape rɯmura ca waapɯ niiri, Jesucristore ca tuo nunɯjeerãre wedegɯ, ñami decomacã eyocãwi. ⁸ Ca emuari wiipɯre ca niiri jawi, pau jãa boericagaari ca niiri jawipɯre jãa neawɯ. ⁹ Toopɯre jĩcũ wãmɯ, Eutico ca wãme cutigɯ, tii jawire to boe jõenejato ĩirã cũja ca tiirica jopere† duwiwi. Pablo yoaro cũ ca wedero macã, cũ ca wedero tɯorucuñami, wũgoa cũre ca earo cãnicã nuu waarucuwi. To biima ĩigɯ, itia cajawo‡ jotoapɯra cãni ametuacã ñaaduwi waawi yua. Ca dia waaricɯpɯre cũre ami wãmɯowa. ¹⁰ To biro cũ ca biiro, Pablo pea duwi waa, cũ jotoa ea pea waa, cũre paabario, o biro ĩiwi Jesucristore ca tuo nunɯjeerãre:

—Ĩa ɯcɯaticãña. Caticãmi —cũjare ĩiwi.

¹¹ Jiro ñucã Pablo maa waa, pan're pee bato, jãare jɯo baa yapano, wedecã nunna waawi ñucã. Ca boerije mena wede yapano, waacoawi. ¹² Wãmɯ, ca ñaapaa jĩaricɯ peera, ca catigɯre ami waawa. To biro cũ ca biirije pea, niipetirãpɯrena cũja ca ɯjea niiro tiwɯ.

Pablo Miletopɯ cũ ca waarique

¹³ Jãa pea, Pablora jãa ca jãaparopɯre cũ juguero cĩmua mena Asón macãpɯ jãa waacoawɯ. Mee, “To biro yɯ biirucu,” cũ ca ĩirique ca niiro macã, tii tabeacãre maapɯ waarugawi. ¹⁴ Asón'pɯ ameri bua ea, cũre jãa, Mitilene macã pee jãa waacoawɯ. ¹⁵ Too ca niiricarã waarã, ape rɯmure Quío ãpõtĩñaro jãa eawɯ. Ñucã ape rɯmure, Samos pee tĩa waa, jĩcã rɯmɯ jiropɯ Mileto macãre jãa ea waawɯ yua. ¹⁶ Pablo, Éfesore díamacũra ametuacoarugawi, Asia yepare yoaro bii nunna waarugatigɯ. Ape tabera yɯ ca bii bayijata, “Jerusalén'pɯre Pentecostés boje rɯmure yɯ eacoabocu” ĩima ĩigɯ, pato wãcã jañuwi.

* 20:6 wɯabe poti ca ayiaya maniri too, bojero ɯno niupã. † 20:9 Ventana. ‡ 20:9 Itia piso.

Éfeso macārã Cristo yaarãre ca juo niirãre Pablo cū ca wederique

¹⁷ Pablo pea Miletopura niigu, Jesús're ca tuo nunjeerãre ca juo niirã Éfeso macārãre juo doti cojowi. ¹⁸ Cūja ca earo ãa, o biro cūjare ãwi:

—Mūja maji, mūja mena yu ca niiri rumuri cōro Asia yepare yu ca ea juori rumupura yu ca biirique cuti niiriquere. ¹⁹ “Ca nii majuropeegu yu nii” ãricaro maniro, yacó menara mūja watoare Wiogu yeere yu pade niuwu, pau tiiri judíos ñañaro yure cūja ca tiiruga cote pacaro. ²⁰ Añuro mūja ca niipe maquē peera jicã wãme uno peerena mūjare wedeticã, yu biitiwu. Noo mūja ca nea poori taberipu, mūja yaa wiijeripu, mūjare yu wederucuwu. ²¹ Judíos're, judíos ca niitirã cãare, “Tugoeña yeri wajoa, Æmureco Pacu mena pee nii, mani Wiogu Jesucristore tuo nunjee, tiia,” yu ãwi. ²² Mecūra Añuri Yeri yure cū ca dotiro macã, tooru yure ca biipere majiti pacagu Jerusalén'pu yu waa. ²³ Yu ca waari macãri cōrora, Añuri Yeri, “Tia cūu ecocoa, ñañaro tii eco, biirique mure yue,” yure cū ca ãrije wadore yu maji. ²⁴ To biro cū ca ãcã pacaro jicã wãme uno peerena tuo nunjee, yu ca cati niirije cãare, “Yu, yu ca cati niirije nii, ã mai,” yu ãiti, yu ca tii niirijere añuro ujea niirique mena tii yapano nucã, ñucã Wiogu Jesús añurije queti Æmureco Pacu manire cū ca mairije quetire yure cū ca wede dotiricarore biro tii, yu ca tii yapano earugarijera ca niicãro macã.

²⁵ “Tuo ya. Mecū docare Æmureco Pacu cū ca dotiri tabe maquē quetire yu ca wede yujurica taberi macārã jicū mūja mena macū uno peera yure ãa nemotirucuma. ²⁶ To biri mecūra “Yu yee wapa méé ñañaro biirucuma,” yu ãi. ²⁷ Mee, jicã wãme uno peera wede ñuaricaró maniro Æmureco Pacu cū ca tiirugarijera yu wede peoticãwu. ²⁸ To biri mūja majurope cãa, bojoca catiri nii, Añuri Yeri, Æmureco Pacu yaarã Jesucristore ca tuo nunjeerãre cū majuropeera cū ca bii yai boja ametuenericarãre ca ãa nunjeeparã mūjare cū ca cūuricarore birora añuro cūjare ãa nunjee, tiicōa niñã. ²⁹ Yee méé yu ãi. Yu ca waaro jiro, ca bojoca ñañarã[§] mūja watoare earucuma, Jesucristore ca tuo nunjeerãre ca ãa nucū buotiparã. ³⁰ Ñucã jicãrã mūja mena macārã Jesucristore ca tuo nunjeerãra, jãa peere cūja tuo nunjeejato ãrã, ca ãi dito buerã nii bau nii earucuma. ³¹ To biri bojoca catiri niñã. Tugoeñaña, itia cūma peti yacó cape cuticãri, yerijãari méé ñamiri, Æmurecori mūja ca niiro cōrorena, mūjare yu ca wede majio niiriquere.

³² “Yu yaarã, mecūra, Æmureco Pacu cū ca mairije maquē añurije quetire, ca tugoeña bayirã mūja ca niiro tii, ñucã niipetirã ca ñañarije manirã cū ca tiiricarãre cūja yee ca niipere cūja ca buaro ca tiirijepure mūjare ca ãa cote niiro yu tii. ³³ Oro, juti, wapa tiirica tiirire, jicū uno yee peerena ãa ugo, yu tiitiwu. ³⁴ Mūja majuropeera mūja maji, yu yee yu ca boorijere, ñucã yu mena macārã cūja ca boorijere, buarugu yu majuropeera ati amori mena yu padewu. ³⁵ To biro yu ca tii niirije mena, ca boo pacarãre tii nemoruga, tutuaro ca padepe nii mūjare yu ãi wede majiowu, Wiogu Jesús: “Ca tiicojogu pee, ca ñeegu ametuenero ujea niimi” cū ca ãriquere tugoeñacãri —cūjare ãwi Pablo.

³⁶ Ate cūjare ãi yapano, Pablo cūja niipetirã mena, cū ãjuro jupearipu ea nuu waa, juu buewi. ³⁷ Cūja niipetirãpura Pablora paabario, yerijãari méé do biro tiia maniro otiwa. ³⁸ “Yure mūja ãa nemotirucu,” cūjare cū ca ãrique ca niiro macã, buaro tugoeñarique paiwa. Jiro petaru cūre bapa cuti bua waa, cūmuaru cūre waarique wui taja cojo, tiicãwa.

21

Jerusalén'pu Pablo cū ca waarique

¹ Cūjare camotatiri jiro bua jãa, díamacūra Cos'pu jãa waacoawu. Ñucã ape rumu Rodas'pu waa, to macārãra Pátarapu jãa waawu. ² Pátara earãra, Fenicia pee ca waari cūmuare bua ea, tiigara ea jãa, jãa waacoawu. ³ Too waarã, Chipre yucu poogare ca ãcō nuña pee ãa ametua waarã, díamacūra Siria yeparu waa, cūmua pea Tiro macãre ca apeye cūupe ca niiro macã tii macã pee jãa pãa waawu. ⁴ Tii macãre Jesucristore ca tuo nunjeerãre bua ea, cūja mena jicã amo peti, ape amore puaga penituario niiri rumuri jãa niuwu. Cūja pea Añuri Yeri cūjare cū ca wede majiuro macã, “Jerusalén'pure waaticãña,”

§ 20:29 Lobos feroces.

ñimiwa Pablöre. ⁵ To biro cūja ca ñi pacaro, jicā amo peti, ape amore puaga penituario ca niiri rumarı jiro jāa waacoawu ñucā. Niipetirā cūja numoa, cūja puna mena, tii macā tujaropu jāare bapa cuti tujā cojowa. Toopu jita dupari yeparu ājuro jupeari mena ea nuu waari, jāa juu buewu. ⁶ Jiro cūjare waarique wui, cūmuaru jāa ea jāacoawu. Cūja pea cūja yaa wiijeripu tuacoawa ñucā.

⁷ Tiro macā mena bua jāa waa nunua waarā, Tolemada macāpu jāa eawu. Jesucristore ca tuo nunujeerāre ĩarā waa, cūja mena jicā rumu jāa niiwu. ⁸ Ape rumu waarāra, Cesarea macāre ea, Felipe añurije queti wederi maju, jicū Jesús buerā ca niiricarāre pade nemori maju, jicā amo peti, ape amore puaga penituario ca niirā mena macū yaa wiire jāa cāniwu. ⁹ Felipe pea wāmarā romiri bapari peti ca manū jūmua manirā ũmureco Pacu cū ca ĩirijere wede jugueri maja romiri puna cutiwi. ¹⁰ Mee, toore paū rumarı jāa ca nii waaropu, Judea macū ca biipere wede jugueri maju Agabo ca wāme cutigu, eawi. ¹¹ Cū pea jāare ĩagu eari, Pablo wēñarica daare ami, cū amorire, cū dūporire jia, tiicāri, o biro ĩiwi:

—Ate ĩimi Añuri Yeri: “Ati daa wēñarica daa upure Jerusalén macārā judíos o biro cūre tii jiarı, aperā bojocapure tiicojorucuma,” ĩimi —ĩiwi Agabo.

¹² Atere tuori, jāa, to biri Cesarea macārā:

—Jerusalén'pūre waaticāña —jāa ĩimiwu Pablöre.

¹³ To biro cūre jāa ca ĩicā pacaro Pablo pea o biro ĩi yūwi:

—¿Ñee tiirā mūja otiti? Yu ca cati niirijepura buaro yu ca tugoeñarique paio mūja tii. Yu, Wiogu Jesús yee juori, jia ecorique wado méé, bii yairique cāare Jerusalén'pura ca bii yaipura niicāgu yu tii —ĩiwi.

¹⁴ Do biro pee tii, cū ca tugoeña wajoaro tii majitima ĩirā, o biro cūre jāa ĩiwu: “Wiogu cū ca boorore biro mure to biijato,” jāa ĩiwu.

¹⁵ Ate jiro jāa yee apeyere jeyo jāa yapano, Jerusalén pee jāa waacoawu yua. ¹⁶ Jicārā Cesarea macārā Jesucristore ca tuo nunujeerā jāare bapa cuti waari, Mnasón ca wāme cutigu yaa wii jāa ca cāniparopu jāare juo waawa. Cūa Chipre macū, Jesucristore ca tuo nunujeerā juoricarā mena macū niwi.

Pablo Jerusalén'pu cū ca earique

¹⁷ Jerusalén'pu jāa ca earo, Jesucristore ca tuo nunujeerā ujea niirique mena jāare bocawa. ¹⁸ Ape rumu Pablo, jāa mena Santiagore ĩagu waawi. Ñucā toopure, Jesucristore ca tuo nunujeerāre ca juo niirā niipetirā niupa. ¹⁹ Pablo pea cūjare jāi yapano, judíos ca niitirā watoapure cū mena ũmureco Pacu cū ca tiiriquere, ca bii nunua waaricarore biro cūjare wede nunua waawi. ²⁰ Teere cūjare cū ca wedero tuorā, ũmureco Pacure ĩi nucū buo baja peo, o biro ĩiwa Pablöre:

—Jāa yee wedegu, mee mu ĩa, paū miles peti judíos Jesucristore ca tuo nunujeerā ni-ima; bii pacarā cūja niipetirāpura Moisés cū ca doti cūuriquere tii nunujeerā yeriāarugati majuropecāma. ²¹ Ñucā apeyera, niipetirā judíos, judíos ca niitirā watoapu ca niirāre, “Moisés cū ca doti cūuriquere tii nunujeeticāña. Mūja puna jeyua quejero yapare wide taa dotieto. Ñucā mani ca tii niirucurije cāare tiiticāña,’ cūjare ĩi buemi,” cūja ca ĩi wederijere tuojava. ²² ¿Ñee mani tiirāti? Mu ca earijere queti tuo majuropecārucuma bojoca. ²³ To biri jāa ca wede majiorore biro tiya. Ano jāa watoare niima bapari, “O biro jāa tiirucu,” cūja ca ĩiriquere ca tiiparā. ²⁴ Cūjare juo waari, cūja mena jicāri ñañarijere coe, to biro mūja ca tiirijere wapa tii, tiya, cūja ca poa jua dotiparore biro ĩigu. To biro mu ca tiiro ĩarā, mure cūja ca ĩiriquere: “Yeera ĩicājava. Cū cāa, Moisés cū ca doti cūuriquere tii nunujeecā niimi,” ĩirucuma. ²⁵ Judíos ca niitirā, ca tuo nunujeerā peera, “Waibucurā dıi weericarāre cūja ca tiicojo nucū buoriquere baati, dıire baati, waibucurā ñee taa ĩaricarā dıire baati, ñucā mūja numoa ca niitirāpurenā tii epericarā cutiti, biya,’ cūjare ca ĩipe niicu,” jāa ca ĩiriquera jāa owa cojo yeriāawu mee —ĩiwa Pablöre.

Pablöre cūja ca ñeerique

²⁶ Ape rumu Pablo, cūjare juowa, cūja mena cūja ca ñañarijere coe yapanori, Umureco Pacu yaa wiipu jāa waaupi, “To biro jāa tiirucu” jāa ca ñirique, ñucā jāa ca niiro cōrora Umureco Pacure tii nūcū buorā jāa ca tii niirije “To cōro petirucu” ñi wedegu waagu.

²⁷ To biro cūja ca tii niiri semana ca petiparo jūgueroacā, jīcārā judíos Asia yepa macārā, Pablore Umureco Pacu yaa wiipu cū ca niiro ĩari, bojocare cūjare wede mecūocāupa. To biro ĩicāri, ²⁸ o biro ñi acaro bui, ñeewa Pablore:

—ĭIsraelitas, jāare tii nemoña! Ani niimi, niipetiri taberipu waacāri, mani yaa poogare, Moisés cū ca doti cūuriquere, Umureco Pacu yaa wiire, “Añuti,” bojocare ca ñi bue amojodegu. To biro ca ĩigu niiri mecūra, griego bojocare Umureco Pacu yaa wiipure juo jāa waacāri, ca Ñañarije Maniri jawire ca tiya manirije tiimi —ñi acaro buiwa.

²⁹ Ména juero peere Pablo, Éfeso macū Trófimore cū ca bapa cutiro ca ĩaricarā niiri, “Umureco Pacu yaa wiipu cūre amicā jāa waajacupi,” ñi tugoeñama ĩirāra to biro ñi mecūcāwa. ³⁰ To biri tii macā macārā niipetirāpura wede mecūcoari, bojoca pea Umureco Pacu yaa wiipu ũmaa eari, Pablore cūre ñee, cūre wee witi waari, yoari méera tii wii joperire bia peticā cojowa. ³¹ Mee, Pablore jīarāpu cūja ca tiro, uwamarā romanos cūja ca niiri tabe ca dotigure, “Niipetirā Jerusalén macārā acaro bui mecū peticoama,” cūja ca ĩirije queti eaupa. ³² Tee queti tuocāguru, cū uwamarā, uwamarāre ca dotirāre juo neo, bojoca cūja ca niiroru ũmaa dooupi. Uwamarāre ca dotigu, cū uwamarā mena cū ca dooro ĩarāpu, Pablore quēe yerijāawa. ³³ To cōrora uwamarā wiogu pea cū puto pee waa, Pablore ñee, puā daa come daari mena cūre jia dotiwi. To biro tii yapano:

—ĭÑiru cū niiti? ĭÑeere cū tijapari? —ñi jāiñawi.

³⁴ To biro cū ca ĩiro, bojoca pea jīcārā ape wāme acaro bui, aperā ape wāme ñi acaro bui, biicāwa. To biri to biiro cūja ca ñi acaro buirijere, uwamarā wiogu pea “Tee juori, to biro biijapa,” ñi majiticāwi. To biri uwamarā cūja ca niiri taberu cūre ami waa doticāwi.

³⁵ Uwamarā cūja ca niiri wii mūa waarica tabere earāra, bojoca uwiori wāmeru cūja ca tii nūñjeero macā cūre wee ñee, tiicā mūa waawa, ³⁶ niipetirā cū jiro, “Jīacāña, jīacāña,” cūja ca ñi acaro bui nūñjeero macā.

Pablo bojocare cū ca wederique

³⁷ Uwamarā cūja ca niiri wiipu cūre ami jāa waarā doorā cūja ca tiirora, Pablo pea uwamarā urure o biro cūre ñi jāiñaupi:

—ĭJīcā wāme mure yu ca ĩiro mū bootiti? —ñiupi.

To biro cū ca ĩiro, cū pea:

—ĭGriego yeere mū wede majiti? ³⁸ ĭTo docare mūa, egipcio bojocu, tīramu jañurore wiorā cūja ca dotirijere junari, bii ametuene nūcā, bapari mil jīari maja uwamarāre ca yucu maniri yeparu ca juo waaricu méé mū niicātimiti? —cūre ñiupi.

³⁹ To biro cū ca ĩiro, o biro cūre ñiupi Pablo:

—Cū méé yu nii. Yuā, judío bojocu, Tarso macū, Cilicia yepare ca nii majuropeeri macā macū yu nii. Petopura anija bojocare yure wede dotiya —cūre ñiupi.

⁴⁰ Uwamarā uru cūre cū ca wede dotiro macā Pablo pea, mūa waarica tabe ea nūcāri, cūja wede yerijāa waajato ĩigu cū amori mena, “Wedeticāña,” cūjare ñiwi. Niipetirā cūja ca yerijāa waaro, arameo wederique mena o biro ñiwi:

22

¹ —Yu yaarā, yu pacua ca nii cojorā, ñañarije ca tiitigu yu ca niirijere mūja ca majipere biro ĩigu, yu yee maquēre mūjare yu ca wederijere tuoya —ñiwi.

² Arameo wederique mena cū ca wedero tuorā, buaro jañuro wederi méé tuowa. O biro ñi nūñña waawi Pablo:

³ —Yuā, judío bojocu, Cilicia yepare, Tarso ca wāme cutiri macā ca baaricu yu nii. To biro bii pacagu, ati macā ca majaricu yu nii. Gamaliel cū ca buero mena mani ñicū jāa cūja ca doti cūurique ca niirore biro bue, ñucā yu yeri yu ca cati tugoeñarije niipetiroru mena Umureco Pacure yu tii nūcū buowu, mecūrire mūja ca tii niirore birora. ⁴ Yuā, ate Wāma Maa maquēre ca tuo nūñjeerāre nūñri, yu jīacārucuwu; unñare, nomiare, ñeeri, tia

cūurica wiipɔ cūjare yɔ tɔa cūurucuwɔ. ⁵ Paia wiogɔ, judíos're ca jɔo niirã niipetirãpura atere majicuma. Cūjara mani yaarã judíos Damasco ca niirãre ñee doti cojorã, cūja ca doti cojori pūurore yare tiicojowa. Тоорɔ yɔ waawɔ, Jesucristore ca tɔo nɔnɔjeerãre amagɔ waagɔ, ano Jerusalén'pɔ cūjare ñee doori, ñañaro cūjare cūja ca tiipere biro iigɔ.

Pablo cū ca tɔgoeña wajoariquere cū ca wederique
(Hch 9.1-19; 26.12-18)

⁶ "Maarɔ yɔ ca waa nɔnɔa waaro, jotoa decomacã muipū cū ca niiro Damasco ea nɔnɔa waagɔ yɔ ca biirora, ca niiro tɔjarora, ɔmɔreco maquē ca boerije yɔ wejare boe ñaacūmu eawɔ. ⁷ To biro ca biiro, yerarɔ ñaacūmu waagɔ, o biro yɔre ca iirijere yɔ tɔowɔ: "¡Saulo! ¡Saulo! ¿Ñee tiigɔ yɔre mɔ nɔnɔti?" ca iirijere. ⁸ To biro ca iiro tɔo, "¿Wiogɔ, ñiru mɔ niiti?" yɔ ñi jãñawɔ. Cū pea, "Yɔa Jesús, Nazaret macū, ñañaro mɔ ca tiiruga nɔnɔjeegura yɔ nii," yɔre iwi. ⁹ Yɔre ca bapa cūti waaricarã cãa, ca boe ajiyaarijere iawa. Biirãpura yɔre ca wederije peera tɔotiupa. ¹⁰ Yɔ pea o biro yɔ ñi jãñawɔ, "Wiogɔ, ¿ñee yɔ tiigajati?" yɔ iiwɔ. To biro yɔ ca iiro: "Wãmɔ nɔcã, Damascorɔ waagɔja. Mɔ ca tiipe niipetirijere toorɔ mɔre wederique niirucu," yɔre iwi. ¹¹ Tee ca boe baterije, ca iatigɔ yɔ ca tuaro yɔre ca tiirique jɔori, yɔ mena macãrã yɔ amorɔ ñeeri, Damascorɔ yɔre tãa waaupa.

¹² "Tii macãre niipuri jicū, Ananías ca wãme cūtigɔ, Moisés cū ca doti cūuriquere tee ca iirore biro añuro ca tii nɔnɔjeegɔ, tii macã ca niirã judíos añuro cūja ca ñi nɔcū bɔogɔ. ¹³ Yɔre iagɔ eagɔ, yɔ pɔto ea nɔcã, o biro yɔre iwi: "Yɔ yee wedegɔ Saulo ña pãaña ñucã," yɔre iwi. To biro yɔre cū ca iirora ña pãa, añuro yɔ iacoawɔ ñucã. ¹⁴ To biro iicã, "Mani ñicū jãa ɔmɔreco Pacɔ, cū ca boori wãmere maji, Ca Añugɔre ña, cū majuropeera cū ca iirijere tɔo, mɔ ca tiipere biro iigɔ mɔre beje amijari. ¹⁵ Mɔ, mɔ niirucu cū yɔn, mɔ ca iariquere, mɔ ca tɔoriquere bojoca niipetirãpura ca wederɔ. ¹⁶ Mecãra, ¿ñeere yuegɔ mɔ tiiti? Wãmɔ nɔcã, uwo coe doti Wiogɔ wãmere ñi nɔcū bɔori, mɔ ca ñañarijere coe, tiiya," yɔre iwi.

Pablo judíos ca niitirã pɔtorɔ cū ca tiicojo cojo ecorique
(Hch 6–7)

¹⁷ "Ñucã Jerusalén'pɔ tua ea, ɔmɔreco Pacɔ yaa wiipɔ juu bue niigɔ, jicã wãme quẽñaricarore biro yɔre ca bii oto weo iñorijere ña, ¹⁸ ñucã Wiogɔ o biro yɔre ca iigɔre yɔ iawɔ: "Yoari méé Jerusalén're waacoagɔja. Ano macãrã, yɔ yee maquere cūjare mɔ ca wedero mɔre tɔo nɔnɔjeetirucuma," yɔre iwi. ¹⁹ Yɔ pea o biro cūre yɔ iiwɔ: "Wiogɔ, nea poo juu buerica wiijeri cōrorena waari, mɔre ca tɔo nɔnɔjeerãre ñee, tia cūurica wiipɔ cūjare tia cūu, cūjare quēe, ²⁰ ñucã mɔ yee quetire wederi majɔ Esteban're cūja ca jãaro cãare toora yɔ niiwɔ, cūre ca jãrã jutire cɔo cote, cūre cūja ca jãaro, 'Añu majuropeecã,' ñi niigɔ," cūre yɔ iiwɔ. ²¹ To biro yɔ ca iiro, Wiogɔ pea o biro yɔre iwi: "Waagɔja. Ca yoaroripɔ ca niirã judíos ca niitirã pɔtorɔ mɔre yɔ tiicojo cojorucu" —yɔre iwi.

Pablo, romano bojocɔ

²² Bojoca pea ate wãmere cū ca ñi wameo tii wederoa, añuro cūre tɔo eyowa. To cōrore wede jɔo waa, o biro ñi acaro buiwa:

—Ania ca catitipɔ niimi. Cūre ca jãa cōacãpe nii —iwa.

²³ Yerijãari méé acaro bui, cūja juti dee bate, jita maa dee bate mɔene, cūja ca tii nɔnɔa waaro iagɔ, ²⁴ uwamarã ɔpɔ pea uwamarã cūja ca niiri wiipɔ Pablora ami jãa waa dotiri, cūre bape dotiupi, "Tee jɔori, bojoca yɔ mena ajarã to biro ñi acaro buima," cū ñi wedejato iigɔ. ²⁵ Cūre baperɔgarã come daari mena cūre cūja ca jia niirora, o biro iipuri Pablo:

—¿Ca dotirijea, romano bojocɔre ñañaro cū ca tiiriquere jãñarɔgarã jɔguero peera mujare to bape doticãti? —ñi jãñaupi.

²⁶ To biro cū ca iiro tɔo, uwamarãre ca dotigɔ pea, cūja ɔpɔpɔre o biro ñi wedegu waaupi:

—Pabloa romano niijãwi. ¿Do biro cūre mɔ tiiguti? —iupi.

²⁷ To biro cū ca iiro tɔo, uwamarã ɔpɔ pea cū pɔto waa:

—¿Yee méera romano m̄ niiti? —cūre īi jāiñauipi. Cū pea:

—Ūj̄, cūra ȳ niī —cūre īiupi.

²⁸ To biro cūre cū ca īiro uwamarā ɱp̄ pea o biro cūre īiupi:

—Yua, romano niiruḡ, paio ȳ wapa t̄īw̄ —cūre īiupi.

Pablo pea o biro cūre īi ȳuipi:

—Yua bauaḡp̄ra romano ca niiric̄ ȳ niī —cūre īiupi.

²⁹ To biro cū ca īiro, cūre ca bapeboricarā pea camotati, ñucā uwamarā wioḡp̄ cāa, romano bojoc̄rena come daari mena cū ca jia dotirique j̄ori uwicoaupi.

Uparā p̄top̄ Pablo cū ca biirique

³⁰ Ape r̄m̄ uwamarā ɱp̄ pea, “¿Ñee ñno j̄ori peti judíos Pabl̄ore cūja wedejāa-japari?” īi majiruḡama īiḡ, come daari cūja ca jiariquere popio, paia wiorāre, to biri niipetirā uparāre nea dotiupi. To biro tii, Pabl̄ore ami wieneri cūja p̄top̄ cūre ami waaupi.

23

¹ Pablo pea uparā ca niī majuropeera* ca nearicarāre īa, o biro cūjare īiupi:

—Ȳ yaarā, yua ȳ ca catiri r̄m̄ri cōrorena ati r̄m̄ menap̄re Ūm̄reco Pac̄ cū ca īa cojoro añuro t̄goeñarique mena ȳ tii niī —īiupi.

² To biro cū ca īirora, paia wioḡ Ananías pea, Pablo p̄to ca niiḡre, cū ɱjerore cūre paa dotiupi. ³ To biro cū ca īiro, Pablo pea o biro cūre īiupi:

—¡Watoara ca bii dito paiḡ, m̄ cāare Ūm̄reco Pac̄ m̄re paarucumi! M̄ ca dotirije ca īirore biro ȳre tiiruḡ, too bii duwi pacaḡ, ¿ñee tiiḡ doti cūuriquere ca tii dotitiri wāme peere ȳre m̄ paa dotiti?† —cūre īiupi.

⁴ To biro cūre cū ca īiro, too ca niirā pea o biro cūre īiupa:

—¿M̄, Ūm̄reco Pac̄ ȳ paia wioḡre, o biirijera m̄ īi tuticāti? —īiupa.

⁵ Pablo pea o biro īiupi:

—“Ȳ yaarā, yua paia wioḡ niicum̄,” cūre ȳ īitijāw̄. Ūm̄reco Pac̄ wederique cāa to birora īi: “M̄ yaarāre ca j̄o niiḡre ñañarije cūre īi tutiticāña,” īi‡ —cūjare īiupi.

⁶ Pablo pea uparā to ca niirā j̄cārā saduceos, aperā fariseos, cūja ca niirijere īa majiri, tutuaro mena o biro īi wedeupi:

—Ȳ yaarā, yua fariseo, fariseo mac̄ ȳ niī, ca bii yairicarā cūja ca cati tuarijere ȳ ca t̄goeña yue niirije j̄orira ȳre m̄ja jāiña beje —īiupi. ⁷ Pablo ate cū ca īirije menara fariseos, saduceos cūja majurope ameri tuti, j̄cārī ca neamiricarā dica waticoaua. ⁸ Saduceos, “Ca bii yairicarā cati tuati, Ūm̄reco Pac̄re queti wede bojari maja mani, bojoca yeri cāa mani bii,” ca īirā niima. Fariseos pea, ate niipetirijep̄rena “Niipeticā” ca īirā niima.

⁹ To biri niipetirāp̄ra acaro buicāupa. To cōrora j̄cārā doti cūuriquere j̄o bueri maja fariseos yaa puna macārā ca niirā pea wām̄ n̄cā, o biro īiupa:

—Ania, j̄cā wāme ñno peera ñañarije tiitijapi. Ape tabera Ūm̄reco Pac̄ p̄to mac̄, bojoc̄ yeri ñno, cūre wedebujapi, to biri Ūm̄reco Pac̄rena mani īi ametuene n̄cāticājaco —īiupa.

¹⁰ Cūja ca acaro bui niirije pea buaro jañuro uwiori n̄c̄p̄ cūja ca īi n̄n̄ua waarije ca niiro mac̄, uwamarā wioḡ pea, “Pabl̄ore paa jude batecābocuma,” īi uwima īiḡ, j̄cārā uwamarāre j̄o doti cojoui, Pabl̄ore ami wieneri uwamarā cūja ca niiri tabe pee cūre cūja ami waajato īiḡ. ¹¹ Ape ñami peere Wioḡ Jesús, Pabl̄ore baua eari, o biro cūre īiupi:

—T̄goeña bayiya Pablo. Ano Jerusalén're ȳ yee maquēre m̄ ca wederore birora Roma macārā cāare ca wedep̄ m̄ niī —cūre īiupi.

* 23:1 Junta Suprema o Consejo: Cūja niupa, bojocare ca j̄o niirā, doti cūuriquere ca j̄o buerā, to biri paia wiorā, niupa. † 23:3 Judíos yee ca dotirijea, cūja ca wedejāaḡre ñañarije cū ca tii bui c̄tiriquere majiti pacarā ñañarije tii dotitiupa. Ex 23.7; Lv 19.15; Mc 14.53-65; Jn 18.22-23. ‡ 23:5 Ex 22.28.

Pablore cūja ca jīarugarique

¹² Boerije mena jīcārā judíos Pablore jīarugarā, “Ména cūre jīatirā baati, jiniti, mani biirucu,” iirique mena, cūja majurope ñaño cūja ca biipere iicāri, ameri wede peni niipupa. ¹³ To biro ca iiricarā cuarenta ametuenero peti umua niipupa. ¹⁴ To biri paia wiorā, judíos're ca juo niirā putopu waari, o biro cūjare iipupa:

—Ména Pablore jīatirāra baarique mani ca baajata, “Mani majuropeera ñaño mani biirucu,” jāa iī wede penijāwu. ¹⁵ Mecūra mūja, uparā ca nii majuropeerāpu cūja ca tii nemoro mena uwamarā wiogure, “Jāa putopu Pablore ami dooya, ñaño cū ca tiiriquere añuro cūre jāiña quenorā doorā jāa tii,” iī ditorique mena cūre ami doo dotiya. Jāa pea cū ca eaparo jūguero maapūra cūre jīa cōarugarā toopu jāa nii yerijāarucu —cūjare iipupa.

¹⁶ Pablo yee wedego macū[§] pea to biro cūja ca iirijere tuori uwamarā cūja ca niiri wiipū jāa waari, Pablore wedeupi. ¹⁷ Teere tuori, Pablo pea jīcū uwamarā wiorā mena macūre juo cojori, o biro cūre iipupi:

—Ani wāmure mūja wiogu putopu cūre ami waagūja. Jīcā wāme cūre wederugami —iipupi.

¹⁸ To biro cū ca iiro, uwamarā wiogu pea cūre ami waa, o biro iipupi:

—Pablo, tia cūuricu mani ca cuogu yure juo cojori, anire mū putopu yure ami doo dotijāwi, mure cū ca wedepa wāme jīcā wāme cuojagu —cūre iipupi.

¹⁹ To biro cū ca iiro, uwamarā upu pea apero jāñuroacā cūre tūa waari, o biro cūre iī jāiñaupi:

—¿Ñeere yure mū iirugajāri? —iipupi.

²⁰ Cū pea o biro cūre iipupi:

—“Boerore judíos, Pablore uparā ca nii majuropeerā putopu ami dooya, ñaño cū ca tiiriquere añuro cūre jāiña quenorā doorā jāa tii,” iī ditorique mena cūre, mure juo doo dotirugarā ameri wede penijāwa. ²¹ Teere díamacū cūjare tuoticāña, cūre jīarugarā cūja mena macārā cuarenta ametuenero peti yaicāri yue niirā tiima. “Ména Pablore jīatirāra, baa, jini, mani ca tiijata, ñaño manire to biijato,” iirique mena ameri wede penijāwa. To biri mecūra cūjare mū ca doti cojorije wadore yuerā tiima —cūre iipupi.

²² To biro cū ca iiro, uwamarā upu pea:

—Ano yure mū ca wederijere aperāre wedeticāña —cūre iī tuenecojoupi.

Cesarea pee Pablore cūja ca ami waarique

²³ To biri uwamarā wiogu pea cū jaarā uwamarāre ca dotirā mena macārā puarāre juo cojori, o biro tii dotiupi:

—Doscientos peti uwamarā dupora ca waaparā, setenta peti caballoa mena ca waaparā, ñucā docientos peti jaderica pīiri ca cuorāre, cūjare neoña, ñami decomacā jūguero Cesareapu ca waaparāre, ²⁴ ñucā Pablore cati añugura wiogu Félix putopu ami waarugarā caballoa cū ca peja waaparā cāare queno bojaya —iipupi. ²⁵ Cūja mena o biro iī owarica pūurore tiicojo cojoupi:

²⁶ Claudio Lisias,
wiogu Félix ca añu

majuropeegure yu añu doti.

²⁷ Judíos anire ñeeri, cūre jīarugarā tiimiwa. Yu pea, romano bojocu cū ca niirijere majiri, yu uwamarā mena waari, cūre cūja ca jīarugaro yu camotawu. ²⁸ Cūre cūja ca wedejāarijere majirugu, judíos wiorā putopu cūre yu ami waawu. ²⁹ Cūja yee doti cūurique maquērena iicāri, cūre wedejāacāupa. Biropua jīcā wāme uno juori peera, jīa cōa eco, tia cūu eco, cūre ca tiipe unopua manicāmiwu. ³⁰ Judíos cūre cūja ca jīaruga coterijere yure cūja ca wedero, “Jīcātorā mū putopu cūre ca tiicojope niicu,” yu iijāwu. Ñucā cūre ca wedejāarā cāare: “Cūre mūja ca wedejāarugarijere Félix cū ca tuo cojoro iīña,” cūjare yu iijāwu —iī owa cojoupi.

³¹ To biri uwamarā pea cū ca dotiricarore birora, tii ñamira Pablore juo, Antípatris macāpu cūre ami waaupa. ³² Uwamarā, dupo mena ca waaricarā pea ape rumura

§ 23:16 Pablo пāmocū.

uwamarã cūja ca niiri taberũ cūja ca tua dooro ũno, caballoa mena ca waaricarã pea Pablo mena waacã nũna waaupa. ³³ Cesareapũ earã, cūja urũ cū ca owarica pũurore, Félix're cūre tiicojo, ñucã Pablo cāare cūre wiyo, tii eaupa. ³⁴ Félix pea tii pũurore bue yapano, Pablore “¿Noo macũ mũ niiti?” cūre ñi jãinaupi. Cilicia macũ cū ca niirijere majiri, ³⁵ o biro cūre ñiupi:

—Mũre ca wedejāaricã cūja ca earopũ, mũ ca wederijere yũ tuorucu —cūre ñiupi. To biro cūre ñi yapano, wiogũ Herodes cū ca doti niirica wiipũ Pablore cūuri, cū uwamarãre cote dotiupi.

24

Tértulo Pablore cū ca wedejāarique

¹ Jicã amo cōro niiri rãmuri jiro, paia wiogũ Ananías, jicãrã judíos're ca jũo niirã, ñucã ca wedejāa ecoricarãre ca ñi nemogũ* Tértulo ca wãme cutigũ mena eaupi Cesareapũre. Anija eaupa wiogũ Félix pũtopũre, Pablore wedejāarã earã. ² Pablore cūja ca ami earo cūre wedejāagũ, Félix're o biro ñi wede jũo waaupi Tértulo:

—Mũ, jãa wiogũ mũ ca niirije, añu majuropecã. Tũgoeña majiri jãare mũ ca jũo niirije jũori, añuro nii, jãa yaa yepare paũ queno ea, bii nũna waa. ³ Niipetiri taberipũra, ñucã niipetirijepũrena, “Añu majuropecã,” ñiirique mena atere jãa ña, ca añu majuropegũ Félix. ⁴ Yoaro mũre yũ ca wede pato wãcõ nũna waatipere biro ñigũ, ca bojoca añugũ mũ ca niirije mena jicã nimaro jãare tuoya mũre yũ ñi.

⁵ Ani Pablo, diarique ca punirijere biro, niipetiri taberipũre, judíos watoapũre, cūja ca ameri camotatiro ca tii yujugũre jãa bũajãwũ. Ñucã nazarenos're ca tuo nũnũjeerãre ca jũo niigũ niimi. ⁶ Ñucã, Æmũreco Pacũ yaa wiipũ cāare ca tiya manirijepũ tiirũga niijãwi. Tee jũori cūre ñeeri, jãare ca dotirije ca ñiire biro ñañarije cū ca tiiriquere jãa jãina bejerũgamijãwũ. ⁷ To biro jãa ca tiirũgagũre, uwamarã wiogũ Lisias pea jãa watoa ñaajua eari, cū uwamarã mena jãare ãmari, “Cūre ca wedejāarã cãa ano mũ pũtopũre waarucuma,” jãare ñiwi. ⁸ Ano mũre jãa ca wederijere díamacũ mũ ca majirũgajata, mũ majuropeera cūre jãinañaqué —cūre ñiupi.

⁹ Apeã judíos too ca niirã cãa, “To biro petira biiwũ,” ñi quenoupa.

Pablo cū ca wederique

¹⁰ To cōrora wiogũ, tii cõñari Pablore cū ca wede dotiro cū pea o biro ñi yũũupi:

—Paũ cãmari judíos're ca niire biro cũjare jãina beje, cũjare mũ ca jũo tii niirijere majiri, ũjea niirique mena mũre yũ wederucu yũ ca tiiriquere. ¹¹ Mũ majuropeera añuro mũ ca majirore birora, pũa amo peti, dũpore pũaga penituario niiri rãmũrira waa, ano Jerusalén'pũ Æmũreco Pacũre ñi nũcũ bũogũ doogũ yũ ca earicaro jiro. ¹² Jicãrã ũno mena peera ameri tuti, Æmũreco Pacũ yaa wiipũ, nea poo juu buerica wiijeripũre, ñucã ati macãre jicã tabe ũno peera bojocare wede mecõ, yũ ca tiiro yũre ñatiwa. ¹³ Anija mecũ yũre cūja ca wedejāarijere jicã wãme ũno peerena, “Díamacũ nii,” mũre ñi majiticuma. ¹⁴ Ate docare mũre yũ wederucu: Yũa yũ ñicũ jãa Æmũreco Pacũre, Wãma Maa† maquẽre ca ñiire biro yũ tii nũcũ bũo nii, anija yũre ca wedejāarã, “Bojorica wãme tuo nũnũjeemi,” yũre cūja ca ñirijera. Doti cũurique ca ñirije niipetirijere tuo nũnũjee, ca biipere wede jũgueri maja cūja ca owarique cāare niipetirije yũ tuo nũnũjee. ¹⁵ Yũ cãa cũjare birora, ca bii yairicãrã, “Añurãre, ñañarãre, cūja ca cati tuaro tiirucumi Æmũreco Pacũ,” cūja ca ñi tũgoeña yue niire birora yũ tũgoeña yue. ¹⁶ To biri, Æmũreco Pacũ cū ca ña cojorore, ñucã bojoca mena cāare, añuri wãme yũ tũgoeñarique cuti niirũga.

¹⁷ Paũ cãmari ape taberipũ waa yujuri jiro, yũ tua eawũ ñucã yũ yaa yepare, yũ yaarã ca boo pacarãre cūja ca tiicojorijere jee doo, Æmũreco Pacũre ñi nũcũ bũo, tiigũ doogũ. ¹⁸ Atere tiigũ yũ tiiwũ, ñañarije tiiriquere coeri jiropũ, Æmũreco Pacũ yaa wiipũ yũre cūja ca bũa earica tabera. Paũ bojoca ũnora yũre bapa cutitiwa. Ñucã bojocare wede

* 24:1 Abogado. † 24:14 “Wãma maa,” Jesucristore tuo nũnũjeerique maquẽre cūja ca ñirique, ñucã “Añuri wãme niirique cuti niiriquere ñiire,” ñi.

mecñorucu, yu tiitiwũ. ¹⁹ Yũre ca ñaricarã jĩcãrã judíos Asia yepa macãrã niiwa. Cũja niima, yu menare cũja ca ajiarije to ca niijata, ano mu pũtopũ doori, yũre ca wedejãaparã. ²⁰ To biro to ca biitijata, anija ano ca niirã, judíos yaarã ũparã ca nii majuropeerã cũja ca nea pooropũre ñañaro yu ca tiiriquere cũja ca bũarique to ca niijata, mũre cũja wedejato, ²¹ cũja watoapũre tutuaro mena, “Mecũra, ca bii yairicarã cũja ca cati tuarije maquẽre yu ca tũo nũnũjeerije jũorira yu ca tii bui cõtiriquere yũre mũja jãĩña beje,” yu ca ñirique mée to ca niijata —ĩiupi Pablo.

²² Félix pea atere tũogu, Wãma Maa maquẽre añuro ca majicãgu niiri, “Jiro ca ñipe niicu ñucã,” ñi:

—Uwamarã wiogu Lisias cũ ca earopũ, ano mũja ca ñi niirije maquẽre añuro yu tũo petirucu —cũjare ñicãupi.

²³ To biro cũjare ñi, uwamarãre dotiri majũre, “Pablore añuro ña coteya. Biigũrũa apero ũnoacã cũre waa doti, cũ mena macãrã cũre cũja ca tii nemoro cũjare camotaati, biiya,” ñiupi.

²⁴ Jĩcã rũmũri jiro eakupi ñucã Félix, cũ nũmo Drusila judío bojoco mena. Ea, Pablore jũo doti cojori, Jesucristore díamacũ tũo nũcũ bũorique maquẽre cũ ca wederijere tũoupa.

²⁵ Félix pea, atere tũogu, Wãma Maa maquẽre añuro ca majicãgu niiri, ca niiroro biro tii niirique maquẽre, tũgoeña bayiriquere, to biri jioropũre ñañaro tii yaio ecorique ca niire maquẽre, Pablo cũ ca wederora teere tũori uwima ñigu, o biro cũre ñiupi:

—¡Mee, mecũra to cõrora añu! Waagũja. Jiro apeye ũno yu ca tiitiri tabe ũno mũre yu jũorucu ñucã —cũre ñiupi.

²⁶ Apeyera ñucã Félix, wapa tiirica tiiri Pablo cũre cũ ca tiicojorijere yuerucumiupi. To biri paũ tiiri cũre jũo cojori, cũ mena wede penirucuupi. ²⁷ Pũa cũma jiro Félix, wiogu cũ ca niirijere witicãupi; cũ wajoa yee jãaupi Porcio Festo. Félix pea judíos mena añuro tuarũgama ñigu, Pablore tia cũurica wiipũra cũre cũucãupi.

25

Pablo, Festo mena cũ ca wede penirique

¹ Festo tii yepa macãrãre ca doti niipũ cũ ca jõene ecoricarõ jiro tii yepare eari, itia rũmũ jirora Cesarea ca niiricũ, Jerusalén pee maacoaupi. ² Toopũ cũ ca earo, paia wiorã, judíos ũparã ca nii majuropeerã, Pablore wedejãaupã. ³ Ñucã, “Pablore Jerusalén pee yoari mée cũre, jãare ami cojo doti bojaya,” ñiupa. Cũja ca tũgoeñarije pea, Pablore maarũra cũre cũja ca jĩa cõacãro tiirũgarã ñimiupa. ⁴ To biro cũre cũja ca ñiro, Festo pea:

—Cesareapũra tia cũuricũ niicãrucumi. Jiro jañuroacã yu majuropeera toopũ yu waarũga tũgoeña. ⁵ To biri jĩcãrã mũja wiorã yu mena Cesareapũ waari, ñañarije cũ ca tii bui cõtirique to ca niijata, toopũ cũre mũja ca wedejãarijere cũja wedejato —cũjare ñi yũcãupi.

⁶ Festo pea, Jerusalén're jĩcã semana cõro, pũa amo cõro niiri rũmũri cõro nii nemo, Cesarea peera tuacoaupi ñucã. Ape rũmũ, wiorã cũja ca nearopũ ea nuu eari, Pablore jũo doti cojoupĩ. ⁷ Toopũ Pablo cũ ca jãa earo, Jerusalén macãrã toopũ ca bua waaricarã cũre neari, jĩcã wãme ũno peera díamacũ ca niitirijerena paũ wãmeri ñañarijerpũ cũre wedejãaupã. ⁸ To biro cũja ca ñiro, Pablo pee cãa o biro ñiupi:

—Yũa, jĩcã wãme ũno peera judíos're ca dotirije menare, Ëmũreco Pacũ yaa wii menare, ñucã ũpũ Roma macũ mena cãare ñañarije ũnora tiirucu, yu tiiti —ñi yũũupi.

⁹ Festo pea judíos mena añuro tuarũgama ñigu:

—¿Mũre cũja ca ñirijere yu ca jãĩña petiparore biro ñigu, Jerusalén'pũ mu waarũgati? —ñiupi.

¹⁰ To biro cũ ca ñiro, Pablo pea o biro cũre ñi yũũupi:

—Mee, Roma macũ ũpũ yũre ca jãĩña bejepũ pũtora yu nii. Mee mu majuropeera, judíos menare jĩcã wãme ũno peera ñañarije yu ca tiitiriquere añuro mu maji. ¹¹ Jĩa cõa ecorique ũnopũ ñañarije yu ca tii bui cõtiricarõ jiro to ca niijata cãare, bii yairiquera yu uwiti yũa. Anija yũre cũja ca wedejãarije díamacũ to ca niitijata, jĩcã ũno peera cũjarũre

yure tiicojo majitima. ¡Roma macũ ɱpũ César majuropeera yure cũ jãĩña bejejato! —ĩupi Festore.

¹² To biro cũ ca ĩiro, Festo, cũre ca tii nemorã mena wede peni yapano, o biro ĩupi Pablora:

—Mee mũ majuropeera wioɣũ romano César mũ ca biirijere cũ ca jãĩña bejero mũ ca boorije ca niiro macã, César pũtopũ mũ waarucu —cũre ĩupi Festo.

Festo, wioɣũ Agripa cũ ca wede penirique

¹³ Jĩcã rũmũri jiro wioɣũ Agripa, Berenice mena Cesareapũ, Festore cũre añu dotirã waaupa. ¹⁴ Toopũre paũ rũmũri cũja ca niiro macã, Festo pea Pablo yee maquẽre wioɣũre wedeupi. O biro ĩupi:

—Anore jĩcũ, Félix cũ ca tia cũuricũ niimi. ¹⁵ Jerusalén'pũ yũ ca earo, paia wiorã, judíos're ca jũo niirã, cũre wedejãari, “Cũre jĩa cõacãña,” yure ĩi jãĩwa. ¹⁶ Yũ pea, to biro cũja ca ĩiro: “Jãa romanos jĩcũ ɱno peerena cũre ca wedejãarã mena ameri ĩati, cũre cũja ca wedejãarijere cũ yee maquẽre cũ ca wedero tuotirãra, cũre cũja ca jĩa cõaro jãa tii ñaati,” cũjare yũ ĩi yũncãwũ. ¹⁷ To biri cũre wedejãari maja anopũ cũja ca earo, yoaro yue manĩ waatigũra, ape rũmũra wiorã cũja ca nearopũ ea nuu eari, cũre yũ ami doo dotiwũ. ¹⁸ Cũre ca wedejãarã dooricarã pea, “Tee tii bui cutijacupi,” yũ ca ĩi tũgoeñamirique peera jĩcã wãme ɱnora ĩrucu, tiiticãwa. ¹⁹ Cũre cũja ca wedejãarije pea, cũja ca ĩi nũcũ bũorije maquẽrena, ñucã Jesús ca bii yaicoaricũpũrena, “‘Caticãmi,’ ĩimi Pablo,” ĩi wedejãacãwa. ²⁰ Yũ, tee ɱno maquẽre do biro pee ĩi jãĩña beje majitima ĩĩgũ, “¿To biro mũre cũja ca ĩirijere Jerusalén'pũ mũre cũja jãĩña bejejato ĩĩgũ, toopũ mũ waarugãtiti?” cũre yũ ĩi jãĩñamiwũ. ²¹ Cũ pea ñãñaro yũ ca tii bui cutirique to ca niijata, romanos ɱpũ majuropeera yũ ca biirijere cũ jãĩña bejejato ĩiwi. To biri, “Anora tia cũurica wiipũ cũ niicãjato mena, Romapũ cũre yũ ca tiicojoparo jũguero,” yũ ĩiwũ —ĩupi Agripa.

²² To biro cũ ca ĩiro, Agripa pea, o biro cũre ĩupi Festore:

—Yũ cãa, cũ ca wederijere yũ tuorũga —ĩupi.

Festo pea o biro cũre ĩi yũũupi:

—Jãũ, mee boerora cũre mũ tuorucu —cũre ĩupi.

Pablo, Agripa cũ ca wederique

²³ Ape rũmũre Agripa, Berenice mena, añurije juti jãñacãricarã añuro cũjare cũja ca tii nũcũ bũorije watoa, uwamarã ɱparã, macã wiorã ca nii majuropeera mena nea poorica jawipũ jãa eaupa. To biri Festo pea Pablora ami doo dotiri, ²⁴ o biro ĩupi:

—Ʋpũ Agripa, mũja ano jãa mena ca niirã niipetirã: Ani mũja pũto niimi. Judíos niipetirã cũre yure wedejãrã, Jerusalén cãare ano Cesarea cãare, to birora: “¿Cũre jãacãña!” yure ĩi jãĩ acaro bui yerijãatima. ²⁵ Yũra, cũ ca jĩa cõa ecope ɱnopũra jĩcã wãme ɱnora ñãñarije cũ ca tii bui cutirique mani. To ca bii pacaro, cũ majuropeera, “Romanos ɱpũ majuropeera yure cũ jãĩña bejejato” cũ ca ĩiro macã, “Romapũ ca tiicojope niicu,” yũ ĩiwũ. ²⁶ Jĩcã wãme ɱno peera ani ñãñaro cũ ca tii bui cutirique, wioɣũpũre yũ ca owa cojopere yũ cuoti. To biri ano mũja pũtopũ cũre yũ ami doo, añuro petira mũ, ɱpũ Agripa pũtore, cũre jãĩña bejeri jiro jĩcã wãme cũre yũ ca owa cojopere yũ cuobocu ĩima ĩĩgũ. ²⁷ Jĩcũ, tia cũuricũ ca niĩgũre, “Ate jũori wedejãa ecojapi,” ĩitigũra tiicojojata, watoara ñee ca tii bui cutitigũrena tiicojorica wãmera niicã yũra —ĩupi.

26

¹ To cõrora Agripa pea, o biro ĩupi Pablora:

—Mũ ca biirijere mũ wede maji yua —ĩupi.

To biro cũ ca ĩiro, Pablo pea cũ amore juu mũene, o biro ĩi wede jũo waaupi:

² —Ʋpũ Agripa, mecũra buaro yũ ɱjea nii, niipetirije judíos yure cũja ca wedejãarijere mũre wederũgũ. ³ Añuro petira mũ, judíos cũja ca tii jũo doorique niipetirijere, ñucã jãa ca ameri wede penirucurije cãare añuro mũ maji. “To biri pato wãcãricaro maniro yure tuoya,” mũre yũ ĩi.

⁴ "Judíos niipetirãpura, wimagu niigupura, yu yaarã watoare, ñucã Jerusalén're yu ca bii niiriquere añuro majima. ⁵ Cũja, tĩrumupura yu ca bii juo dooriquere majima. Cũja ca boojata, fariseos cũja ca tii nũcũ buo niirijere jĩcã wãme dũjaricaro maniro ca tii nũnũjeegu yu ca niiriquere mũre wede majima. ⁶ Mecũra Æmũreco Pacũ mani ñicũ jãapure, "O biro yu tiirucu," cũ ca iiriquere yu ca yue niirije juorira yure wedejãama. ⁷ Mani yaarã Israel yaa pooga macãrã pua amo peti, dũpore pũaga penituario ca niiri punari, ate "O biro yu tiirucu," cũ ca iirique ca bii eapere iarũgarã yuema. To biri Æmũrecori, ñamiri, yerijãari mée Æmũreco Pacũre ñi nũcũ buo niima. Atere yu ca yue niirije juorira mecũra, judíos yure wedejãama, wiogu Agripa. ⁸ ¿Ñee tiirã mũja, ca bii yairicarãre cũja ca cati tuaro Æmũreco Pacũ cũ ca tiirijere, díamacũ mũja tuo nũnũjeetiti?

Ñañaro cũ ca tiirucuriquere Pablo cũ ca wederique

⁹ Yu majuropeera jugueropure, "Jesús Nazaret macũre ca tuo nũnũjeerãre, ñañaro ca tiipe niicu," yu ñi tũgoeñarucuwu. ¹⁰ To biri ñañaro cũjare yu tiirucuwu, Jerusalén'pu niigu. Paia wiorã cũja ca dotiro mena, pau Jesucristore ca tuo nũnũjeerãre tia cũurica wiipu cũjare tia cũu, ñucã cũjare cũja ca jãajata cãare "Añu majuropeecã," yu iirucuwu. ¹¹ Pau tiiri nea poo juu buerica wiijeri cõrora waari, ñañaro cũjare yu tiirucuwu, cũja ca tuo nũcũ buorijere ñañarije cũja ñi tutijato iigu. Cũja mena yu ca ajiarije bii ametuene nũcãcoari, ñañaro cũjare tiirũgu, ape macãripũ cũjare yu ca nũnũ yujuropu yure tiicãwu.

*Cũ ca tũgoeña wajoariquere Pablo cũ ca wederique
(Hch 9.1-19; 22.6-16)*

¹² To biro tii yujugu, jĩcãti Damasco macãpũ paia wiorã yure cũja ca doti cojoro mena yu waa bui cũtiwu. ¹³ Yu wiogu, to biro biigu, jotoa decomacã muiipũ cũ ca niiro maapu yu ca waaro, Æmũrecorpũ maquẽ muiipũ cũ ca boerije ametuenero ca boerijere yu iawũ. Tee ca ajiyaa boe baterijera yu, yu mena macãrãre, boe bate ñaacũmu ea, jãare paa ũmaa nũcãcoawũ. ¹⁴ To biro ca biiro, niipetirãpura yepapu jãa ñaacũmucoawũ. Yu pea hebreo wederique mena: "Saulo, Saulo ¿ñee tiigu yure mũ nũnũti? Mũ majuropeera ca joo yoori wacare natẽ puagure biro tiiri, mũ majuropeera ñañaro tiigu mũ tii," yure ca iirijere yu tuoũ. ¹⁵ To biro ca iiro yu pea: "¿Wiogu, ñiru mũ niiti?" yu iiwũ. To biro yu ca iiro Wiogu pea o biro yure ñi yũwi: "Yuã Jesús, ñañaro tiirũgu mũ ca nũnũgura yu nii. ¹⁶ Wãmu nũcãri, yure tuoia. Yu yeere ca padegu mũre tii, ñucã yu yee maquẽ mũ ca iarijere wede, mũre yu ca iĩope cãare wede, ca tiipu mũre tiirũgu, mũre yu baua ea. ¹⁷ Judíos, to biri judíos ca niitirã pũtopũ mũre tiicojo cojogu, ñañaro mũre cũja ca tiirũgarijere mũre yu ametuenerucu. ¹⁸ Cũjapure mũre yu tiicojo cojo, añuro ña maji, ñañarije cũja ca tii niirijere to cõrora tii yerijãari añurije pee tii, ñucã Satanás cũ ca dotirore biro cũja ca tii niirucurijere tii yerijãari, Æmũreco Pacũ peere tuo nũnũjee, díamacũ yure cũja ca tuo nũnũjeerije juori ñañarije cũja ca tiiriquere acobo eco, Æmũreco Pacũ yaarã ca ñañarije manirã watoapu cũja yee ca niirijere bua ea, cũja ca biro cũ tiijato iigu," yure iwi.

Pablo cũ ca yũrique

¹⁹ To biri wiogu Agripa, Æmũrecorpũ maquẽ yure ca bii iĩorijere yu ametuene nũcãtiwu. ²⁰ To biro biitigũra, mee jĩcãtora Damasco macãrãre añurije quetire cũjare wede juo, jiro Jerusalén macãrãre, Judea yepa niipetiro macãrãre, ñucã judíos ca niitirãpũ cãare, "Tũgoeña yeri wajoa, Æmũreco Pacũre tuo nũnũjee, mũja ca biirijere iĩorã añurije tii niĩña," cũjare yu iiwũ. ²¹ To biro yu ca ñi wede yujurije juori, judíos Æmũreco Pacũ yaa wiipu yure ñeeri, yure jiarũgawa. ²² To biro yure cũja ca tiirũgarije to ca nii pacaro, Æmũreco Pacũ pea mecũ menapũra yure tii nemocõa niimi. To biri tũgoeña tutuarique mena, Æmũreco Pacũ yee quetire, ca juo niirãre, ca nii coterãre, yu wede nũnũ waa. Ca biipere wede juguerĩ maja, to biri Moisés "O biro biirucu," cũja ca iirique ca niitirijepũra jĩcãti uno peera wede, yu tiiti. ²³ Mesías, ñañaro tamũo bii yairi jiro, ñucã ca bii yairicarãre cati tua juogue biicãri, añurije ametuarique quetire cũ yaarãre

wede, griego cãare wede tiirucumi, cãja ca ïi cãu jũgueriquepũ wadore yũ wede —ïiupi Pablo, Agripare.

Agripa, Cristore cũ ca tuo nũnjeeero Pablo cũ ca tiirugamirique

²⁴ Pablo atere cũ ca wede tũja waarora, Festo pea o biro cũre ïi camotacãupi:

—ïPablo, mũ mecũcoa! Bũaro buema ïĩgũ, mecũcã yai waagũ mũ tii —cũre ïi acaro buiupi.

²⁵ To biro cũ ca ïiro, Pablo pea o biro cũre ïi yũũupi:

—Yũ mecũti, ca nii majuropeegũ Festo. Aũuro tũgoeñacãri, díamacũra ca niimore biro ïĩgũ yũ tii. ²⁶ Ʋpũ Agripa atere aũuro ca majigũ cãa anora niimi. To biri uwiri méé, cũ ca tuo cojoro yũ wede. Yee méé yũ ïi, cũ cãa ate niipetirijere aũuro majicumĩ, atea yaĩoropũ biitiwũ. ²⁷ Ʋpũ Agripa, ¿Ʋmũreco Pacũ yee quetire wede jũgeri maja cãja ca ïiquĩriquere díamacũ mũ tũoti? Díamacũ mũ tũocu. Teere yũ maji —cũre ïiupi.

²⁸ To biro cũ ca ïiro, o biro cũre ïi yũũupi Agripa:

—Petoacã mena, Jesucristore ca tuo nũnjeeegũ yũ ca niiro mũ tiicã boo —ïiupi.

²⁹ Pablo pea o biro cũre ïiupi:

—Yoari mééra, jiro jaũuripũ, mũ wado méére, ano mecũ yũ ca ïirijere ca tuo niirã niipetirãpũra yũre biro Jesucristore ca tuo nũnjeeerã cãja nijato ïĩgũ, Ʋmũreco Pacũre yũ jãĩ, biirãpũna come daari manirãra —ïiupi.

³⁰ To cõrora Ʋpũ, macã wiogũ cãa, Berenice mena, to biri too cãja mena ca duwiricarã niipetirã wãmũ nũcã, ³¹ apero pee waari, cãja majurope o biro ameri ïiupa:

—Ania, ca jãa ecorũ cũ ca niipe Ʋnopũra tii bui cãtitijapi. Yeera tia cũuricũ niicãmi —ïiupa.

³² Agripa pea o biro ïiupi Festore:

—Cũ majuropeera, “Roma macũ wiogũ majurope yũre cũ jãĩña bejejato,” cũ ca ïitijata, cũre ca wienecãpe niimijapa —ïiupi.

27

Pablora Romapũ cãja ca tiicojo cojorique

¹ “Italiapũ ca tiicojo cojope niicu” ïiri jiro, Pablora to biri aperã tia cũurica wiipũ ca niirãre uwamarã cãja ca niiri tabe, Emperador ca wãme cãtiri tabe macũ, uwamarã wiogũ Julio ca wãme cãtigupũre cãjare wiyowa. ² To biri Adramitio macãga cãmua Asia yepa macã petaripũ ca waarica mena ea jãa, jãa waawũ. Tesalónica yepa macã macã Macedonia macũ Aristarco cãa jãa mena waawi. ³ Ape rũmũ Sidón macãre jãa ea waawũ. Tii macãre uwamarã wiogũ Julio pea Pablora aũuro cũre tiiwi. Cũ mena macãrãre ïa yuju, cãja pee cãa cũre tii nemo, cãja tijato ïĩgũ, to birora cũre ïacãwi. ⁴ Sidón bua jãa waarãra, Chipre yucũ pooga ditoye pee jãa ametũa waawũ, jãa ca waaro díamacũ peera wino ca paa puu ãpõtĩoro macã. ⁵ Tii yaare Cilicia, Panfilia yepari ãpõtĩãro ametũa, waa nũnũa waarã, Licia yepa macã macã Mira ca wãme cãtiri macãre jãa eawũ.

⁶ Tii macãrã uwamarã wiogũ jĩcãga cãmua Alejandría macãga, Italiapũ ca waaricare bũari waa nũnũa waarũgarã, tiiga pee jãare ea jãa dotiwi. ⁷ Too waa nũnũa waarã rapũ rũmũri, aũuroacã jãa bii nũnũa waawũ. Biirique peti, Gnido ca wãme cãtiri macã ãpõtĩãrore jãa eawũ. Ména, wino to birora ca paa puu ãpõtĩocã niiro macã, Salmona ãpõtĩãrore, Creta yucũ poogare amojode ametũa waarã, ⁸ tii yucũ pooga tũjarore ca yoacãro wioro bii paja yuju nũnũa waa, Aũuri Petari* ca wãme cãtiri tabe, Lasea macã pũtoacã ca niiri tabere jãa eawũ.

⁹ To biroacã bii nũnũa waama ïirã, yoaro peti biirã jãa biiwũ. Pue bũcũ eacoaro ca biiro macã, waaricaro bũaro uwioro dooro tiiwũ, mee baarique betiri juu buerica boje rũmũ ca ametũacoarique ca niiro macã.† To biri Pablo pea o biro cãjare ïi wede majiowi:

* 27:8 Buenos Puertos. † 27:9 Lv 16.

¹⁰ —Yñ mena macārã, yñ ca ñajata, ano mani ca waape uwio majuropeecãro dooro tii, cūmuare cōacã, apeyera cōacã, ñucã mani majuropeecã bii yaicoa mani biicãruga —cūjare ñimiwi.

¹¹ To biro cūjare cū ca ñi pacaro, uwamarã wioḡu pea, Pablo cū ca ñirijere t̄oricaro ñno, tii cūmua wioḡu, ñucã tii cūmuare ca waa tuḡu peere boca t̄uo ñññjeewi. ¹² Tii peta pea, pue buc̄u ametuenerica tabe ñno méé ca niiro macã, niipetirã jañurip̄ara, “Creta macã peta jotoa pee cãare doca pee cãare, muip̄u cū ca ñaajãa waari ñña peere ca ñi cojori peta Fenicep̄u, pue buc̄u ca ametuenepe niicu,” ñi t̄ugoeñawa.

Ca wino paa puurique

¹³ Jōcū jiro macã ñña peere añuroacã wino ca paa puu j̄uo dooro ñarã, “Mee mani ca boorore birora bii,” ñi t̄ugoeñari, cūja ca cūu ñeerique come p̄irire jee m̄ene jãa, Creta yuc̄u pooga wejare jãa waa ññña waawñ. ¹⁴ Ca yoa waatirora, muip̄u cū ca m̄ua doori ñña to biri jotoa macã ñña watoare wino ca paa puu doorije pea tutuaro paa puu ñaatua eawñ cūmuare. ¹⁵ To biri wino ca paa puu dooro díamacū pee, cūmuare do biro tii waa queno poo majitima ñirã, tee ca paa puu cojoro peera jãa waacã yai waawñ. ¹⁶ Cauda ca wãme c̄utiri yuc̄u pooga wejare b̄uaro ca wino ca paa puuti jañuri tabe pee ametua waarã, biirique peti, duarã ea j̄aaricaga cūmuare jãa ami jãawñ. ¹⁷ Tiigare ami jãa yapano, cūmua pairica peere p̄uḡu d̄upo daari mena jia ñee nemowa.† Jiro, “Jita dupari buari Sirte maquēp̄u mani ñaapeabocu,” ñi uwima ñirã, juti quejeri cūja ca t̄ua m̄ene ñc̄ōriquere jee duwio, ca paja ñeeri p̄ire ami cōa poori, ca wino paa puurije menara jãa waacã yai waawñ. ¹⁸ Ména ape r̄m̄u pee cãare to birora wino b̄uaro jãare ca paa puu cōa tuucōa niiro macã, cūmuap̄u ca niirije apeyere diap̄u jee cōañua j̄uo waawa. ¹⁹ Itia r̄m̄u ca waaro, cūja majuropeera cūmua maquēre jee cōañua peticãwa. ²⁰ Paa r̄m̄uri muip̄u ñnora, ñocōa ñnora bauri méé, b̄uaro jañuro too ca wino paa puu ññña waaro ñarã, “Mani caticãrucu,” ñirique ñnop̄ua jãare manicãwñ yua. ²¹ Paa r̄m̄uri baari méé jãa ca biiro macã, Pablo pea niipetirã watoa wãm̄u ñcã, o biro ñiwi:

—Yñ mena macārã, yñ peere t̄uo ñññjeeri, Cretap̄ua mani ca tuacãjata, o biro ñañaro mani ca biirijere tam̄oti, apeye cãa yaiti biibojacupa. ²² To ca bii pacaro mec̄ura j̄utirititicãña, j̄ic̄u ñno peera mani bii yaitirucu biirãp̄ua. Cūmua wado yairucu. ²³ Meer̄u macã ñami, cū yñ ñi, cū yeere pade cote, yñ ca tiḡu, ñm̄ureco Pac̄u cū ca tiicojoric̄u j̄ic̄u cū p̄uto mac̄u ȳare baua eari, ²⁴ o biro ȳare ñijãwi: “Uwiticãña Pablo. Roma mac̄u wioḡu§ p̄utor̄u m̄u eacoarucu. M̄u j̄ori, m̄u mena cūmua ca niirã niipetirãre cūjare ametuenerucumi ñm̄ureco Pac̄u,” ȳare ñijãwi. ²⁵ To biri, t̄ugoeña tutuaya yñ mena macārã. Yña ñm̄ureco Pac̄ure, “Cū ca ñirore birora ca tiḡu ñiimi,” yñ ñi, to biri “Cū p̄uto mac̄u ȳare cū ca ñijãrore birora biirucu,” yñ ñicã. ²⁶ Biirãp̄ua, yuc̄u poogap̄u mani ñaapearucu —ñiwi Pablo.

Cūja ca duarique

²⁷ Jãa ca waari tabe díamacū waatirãra apero pee jãare ca wino paa puu cojocãro macã, p̄ua semana peti dia pairi yaa Adriaticop̄ure* bii paja yuju ñami waarã, ñami decomacã peti cūmua waatuuri maja pea, “Mee, yepa ea waarã mani tii,” ñi majiupa. ²⁸ To biri, j̄no cōro to ñc̄uati? ñirã, cōñarica daa mena cōñawa. Treinta y siete metros ñc̄uawñ tii tabe. J̄ugero jañuro cōñawa ñucã, too pea veintisiete metros'ra ñc̄uacãwñ yua. ²⁹ “Ûtãgaarip̄u mani ñaatuare,” ñi uwima ñirã, cūmuare to ñc̄u ñee poojato ñirã, come p̄iri bapari p̄i† cūmua ca waa tuuro pee jee cōañuari, “Yoari méé ca boero tiiya ñm̄ureco Pac̄u,” ñi jã ñiwi. ³⁰ Cūmua waa tuuri maja pea, “Ca duticoape niicu” ñi t̄ugoeñari, cūmua ñquã pee, come p̄iri jee cōañuarãre biro tii ditori, ca duaro ea j̄aaricaga cūmuare ami duwio j̄uo waawa. ³¹ To biro cūja ca tiiro, Pablo pea uwamarã wioḡure, cū uwamarãre, o biro cūjare ñi wedewi:

† 27:17 Cūmuare p̄uḡu d̄upori mena d̄ud̄ua ñeejacupa, wati batecoabocu ñima ñirã. § 27:24 Emperador César. * 27:27 Italia yepa jiro peere ca niiri yaa dia pairi yaa Adriático wãme c̄utiupa. † 27:29 Anclas.

—Anija cūmuapūra cūja ca tuatijata, mūja cāa mūja catitirucu —īwi.

³² To cōrora uwamarā pea tii cūmuare jia ñeerica daarire paa jude, diapū tii cōañua weocāwa.

³³ Tii ñami ca boe doori tabere, Pablo pea niipetirāpūrena petopūra apeye uno baaya īigu, o biro īwi:

—Pua amo peti, dūpore baparica penituario ca niiri rāmūri peti, do biro manire to ca biiro, manī īajaco ména īirā, petoacā baarucuri méé mūja biijāwū. ³⁴ Apeye uno baaya petopūra, mūjare yū īi: Catirugarā ca baaparā mūja nii, jīcū mūja mena macū uno peerena, mūja dūpuga maquē poa jīcā daacā unora mūjare yai weotirucu —cūjare īwi.

³⁵ To biro īigūra, pan'gare ami, niipetirā cūja ca īa cojoro, Ūmūreco Pacūre, “Añu majuropeecā” īi juu bue yapano, pee ami, baawi. ³⁶ To biro cū ca tiiro īarā, niipetirā tūgoeña tutua, cūja cāa, ūjea niirique mena baawa. ³⁷ Tii cūmuapūre ca niirā niipetirā, doscientos setenta y seis peti jāa niiwū. ³⁸ Cūja ca baarugaro cōro baa yapano cūmuare to nūcūti jañujato īirā, trigo poarire jee cōañua bate dūowa.

Cūmua ca duarique

³⁹ Ca boe waaro cūmuare ca waa tuurā pea, tii yepare īa majitiwa. To bii pacarā, jita dupari yeparūre ca nii pāa waari jawire īari, “Tii jawi pee cūmuare mani waa pāa waa ñaaco,” īiwa. ⁴⁰ To biro īi, cūmuare to paja ñeejato īirā, come pīiri cūja ca jia yoo duwio cojorica daarire diapūra paa jude cōañua cojo, ñucā waa tuurica pīirire popio duwio cojori jiro cūmua īquīa pee ca niiri quejerore wino ca paa puu cojoro pee tūa mēne nūcō, jita dupari yepa pee waa pāa nūnua waawa. ⁴¹ Cūmua pea jita dupari yepa ca nii wia dooro pee waa, tii yeparū ñaapea peyacā cūmu waawū. Cūmua īquīa pea, dia jupea jita dupari yeparū ñaapeacāri ācūrucuri méé ca biiro, cūmua waa tuurica tua pee oco ca jaberije ñaaturora wati batecā nūnua doowū.

⁴² To biro ca biiro, uwamarā pea cūja ca ñee waaricarā jīcū uno peera cūja ca baa dutitipere biro īirā, jia batecāruga tūgoeñamiupa. ⁴³ Cūja wiogu pea Pablo menarena jīa cōacābocuma īima īigu, cūjare jīa dotitiwi. Dotitigūra, “Ca baa majirā uno ñaañua jūgue baa pāa waarāja; ⁴⁴ aperā yucu pīiri, ñucā cūmua ca wati bateri pīiri mena peja pāa waarāja,” īwi. To biro tiirā, niipetirāpūra añuro cati añurāra tii yucu poogare jāa eawū.

28

Malta yucu poogarū Pablo cū ca biirique

¹ Mee, niipetirāpūra tii yucu poogare pāa earā, “Malta ca wāme cūtiri yucu pooga niijapa,” jāa īi majiwū. ² Bojoca too ca nii jūo dooricarā pea, jāa niipetirāpūrena añuro jāare tiīwa. Oco rāmūri niima īiro, būaro ca uñjaro macā too macārā pea, pairi pecame dio yapano, “Jumarā dooya,” jāare īiwa. ³ Pablo cāa peca ca boporijere ca jeericū niiri, teere jee tīagu tii niīwi. To cū ca tiiro, añā ca ajirijere duti witi waagūra, Pablo amopū bacacā ñaañumu waawi. ⁴ Cūre cū ca baca ñaañumu waaro īarā, too macārā pea o biro ameri īiwa:

—Ania ca bojoca jīagu niibumi. Dia pairi yaapū cāare cū ca ametuacā pacaro, ñañaro cū ca tiirique wapa pea cū ca catiro cūre booti —īiwa.

⁵ Pablo pea pecamerū añare wēe yaye cōa joecā cojowi. Cū peera bojoricaro biirucu, biitiwū. ⁶ Bojoca pea, cūre mipi, ñucā ca niiro tūjarora dia ñaacoa, cū ca biiro īarugarā yuemiwa. Yoaro yuerucuñami, bojoricaro biirucu cū ca biitiro īari, tūgoeña wajoari, “Biiti, jūguē niibumi ania,” ameri īiwa.

⁷ Tii tabe pūtoore niiwū jīcū, tii yucu pooga macū ca nii majuropeegu, Publio ca wāme cūtigū yaa yepa. Cū pea añuro jāare boca, cū yaa wiipū itia rāmū peti jāare cūo niīwi. ⁸ To biro jāa ca biiri tabere, Publio pacū pea wiorique, dīi yoopote mena diagū tiīupi. To biro ca bii yojagūre Pablo pea cūre īagu waari, juu bue yapano, cū amori mena cūre ñia peo, cūre tii catiocāwi. ⁹ To biro cūre cū ca tii catorije jūori, aperā tii yucu pooga macārā ca diarique cūtirā cāa, cū pūto doori, cūja ca diarique cūtirijere ametuene ecowa. ¹⁰ Pan apeye jāare tiicojo, waa nūnua waarā jāa ca cūope niipetiro jāare tiicojo, tiīwa.

Romape Pablo cū ca earique

¹¹ Tii yucū poogapure itiarā muipūa niiri jiro, pue b̄ucū ca niiro tii yucū poogara ca tua n̄cāricagara ea jāa, jāa waacoawū. Tii cūmua pea, Alejandría macāga, cūja jūguēa Cástor, Pólux're ĩa cōori cūja ca owa tuuricarā ca tujarica niiwū. ¹² Too ca waaricarāra Siracusa macāre ea, itia r̄m̄m̄u peti jāa niiwū. ¹³ Too ca niiricarā, tii tabere weja jañuroacā waa n̄n̄na waa, Regio macāp̄u jāa eawū. Ape r̄m̄m̄u peera, jāa jiro pee wino ca paa puu doorije ca earo, ape r̄m̄m̄ura Puteoli macāp̄u jāa eacoawū. ¹⁴ Tii macāre j̄cārā Jesucristore ca t̄uo n̄n̄njeerāre jāa b̄ua eawū. Cūja pea, “Jāa mena j̄cā semana tuaya,” jāare ĩiwa. Too bii n̄n̄na waarāp̄u, jāa ea waawū Romare. ¹⁵ Roma macārā Jesucristore ca t̄uo n̄n̄njeerā pea to biro jāa ca bii n̄n̄na waarijere queti t̄uori, Foro de Apio, ñucā Tres Tabernas ca wāme c̄utiri tabep̄u jāare bocarā dooupa. Pablo pea cūjare ĩari, Ḥm̄reco Pac̄ure, “Añu majuropeecā” ĩi, t̄ugoeña bayi, biiwi ñucā. ¹⁶ Romape jāa ca earo, Pablo peera bojoricarop̄u cūre cūuri, uwam̄u j̄cūrena cūre cote dotiwa.

Romape añurije quetire Pablo cū ca wederique

¹⁷ Itia r̄m̄m̄u jiro Pablo pea, judíos're ca j̄uo niirāre j̄uo neowi. Cūja ca nea petiro ĩa, o biro cūjare ĩiwi:

—Yū yaarā, yūa, mani yaa pooga macārā menare ñañaro tiiti, ñucā mani ñicū j̄m̄m̄a cūja ca tii j̄uo doorique mena cāare ñañarije ĩiti, yū ca bii pacaro Jerusalén'p̄u yure ñeeri, romanos'p̄ure yure tiicojowa. ¹⁸ Cūja pea yure jāiñari jiro, ca j̄a ecop̄ep̄u ñañarije yū ca tii bui c̄utitiriquere ĩa majiri, yure wienecār̄ugamiwa. ¹⁹ To biro cūja ca tiiruga pacaro, judíos pee cūja ca bootiro macā, yū majuropeera, “Ḥp̄u Roma macū majuropeera yure cū jāiña bejeto,” yū ĩiwū. Biiḡur̄ua, yū yaa pooga macārāre wedejāaruḡu méé to biro yū ĩiwū. ²⁰ Atere ĩima ĩiḡu, m̄ujare ĩa, m̄uja mena wede peni, tiiruḡu m̄ujare yū j̄uo cojojāwū. Mani israelitas bojoca mani ca yue niirije j̄uorira, anop̄ure come daari mena jiacāricū yū nii —ĩiwi Pablo.

²¹ To biro cū ca ĩiro, cūja pea o biro cūre ĩiwa:

—Jāa j̄cāti ḥno peera m̄u yee maquē quetire Judea macārā jāare cūja ca owa cojorijere ñeerucu, jāa tiiti. Ñucā mani yaarā judíos, Jesucristore ca t̄uo n̄n̄njeerā toop̄u macārā ca earā cāa, j̄icū ḥno peera m̄u yee maquē ñañarije queti c̄uti, ñañaro m̄ure wede ama, tiitiwa. ²² To biri m̄u ca t̄ugoeñari wāmere jāa t̄uoruga. Ate wāma wāme ĩi n̄cū b̄uoriquere niip̄etiri taberi macārāp̄ura ñañaro cūja ca wede pairije wadore jāa maji — ĩiwa Pablöre.

²³ To biri Pablo mena nearugarā, “Tii r̄m̄m̄u ca niiro mani neajaco” ĩi, tii r̄m̄m̄u ca earo, cū ca niiri wiip̄ure pau bojoca nea poowa. Pablo pea boeri tabe ména Ḥm̄reco Pac̄u cū ca doti niiri tabe maquē quetire ca wede j̄uoricū, tii r̄m̄m̄u ca naiori tabep̄u cūjare wede yerijāawi. Moisés cū ca doti cūurique, Ḥm̄reco Pac̄u yee quetire wede j̄ugueri maja cūja ca owarique mena ĩiri, Jesucristore cūja ca t̄uo n̄n̄njeero tiiruḡu, cūjare wedemiwi. ²⁴ Pablo cū ca ĩirijere, j̄icārā t̄uo n̄n̄njeee, aperā t̄uo n̄n̄njeeruḡati, biicāwa. ²⁵ Cūja majuropeera j̄icāri cōro t̄ugoeñatima ĩirā, waa batecā j̄uo waawa. To biro cūja ca biro Pablo pea o biro cūjare ĩiwi:

—Díamacūra Añuri Yeri m̄uja ñicū jāa niiqūiricarāp̄ure Ḥm̄reco Pac̄u yee quetire wede j̄ugueri maj̄u Isaías menap̄u o biro ĩiqūipi:

²⁶ “Waari, o biro ĩiña anijare:

B̄uaro t̄uocā pacarā, t̄uo puotirucuma;

Ca ĩacārā nii pacarā, ĩa jeeñotirucuma.

²⁷ Ati pooga macārā, cūja yerip̄ura ca t̄uo n̄n̄njeeruḡatirā jeeñacā yai waama.

Cūja amoperire tiarique c̄uocāma.

Cūja capegaarire biaricarāre biro biima.

To biro cūja ca biitijata, cūja cape mena ĩa,

cūja amoperi mena t̄uo,

cūja yeri menap̄u t̄uo puo, t̄ugoeña yeri wajoa, biibocuma.

Yꝯ pea cūjare yꝯ catiobocu,”* ïiupi.

²⁸ ”To biri atere mꝯja ca majiro yꝯ boo: Ɛmꝯreco Pacꝯ cū ca ametuenerije judíos ca niitirã peere wederique nii, cūja pea teere añuro tuo nꝯnꝯjeerucuma —ïwi Pablo.

²⁹ Pablo atere o biro cū ca ïiro, judíos pea, cūja majuropeera ameri acaro bui tuti, ïicã tua waawa.

³⁰ Pꝯa cūma peti cūre cūja ca wajorica wiire† niwi Pablo. Niipetirã cūre ca ïarã earucurãre, ꝯjea niirique mena cūjare jãï bocarucuwi. ³¹ Uwi tꝯgoeñaricaró maniro, Ɛmꝯreco Pacꝯ cū ca dotiri tabe maquẽ quetire wede, ñucã Wioꝯꝯ Jesucristo yee maquẽre jïcãrã peerena ïi camota ecoricaró maniro bue, tiicõa niirucuwi.‡

To biro to biijato.

Lucas

* 28:27 Is 6.9-10. † 28:30 Casa alquilada. ‡ 28:31 Ati pūurore ca owaricꝯꝯ, cū ca owa cojogꝯre, ate jiro Pablo cū ca bii nꝯnꝯa waariquerꝯra wede nꝯnꝯa waatiupi. Añuro petira Jesucristo yee añurije queti Jerusalén mena ca bii juoriquera jeja nꝯcã nꝯnꝯa waaro romanos yaa yerarꝯ cãare ca ecoariquere wedegꝯ cū ca ïirique niupa.

ROMANOS

Pablo, Roma macārã Cristore ca tuo n̄n̄jeerãre owa cojogu, ména Romapure waatigura c̄jare owa cojoui. “Biigurua Españaru waagu, yu ña ametua waarucu,” c̄ ca ñirije niipura, “Too cãare yu waarucu” c̄ ca ñi tugoeñaricarpure.

Ate queti Pablo c̄ ca owariquea, Galicia macārãre c̄ ca owa cojorique mena maquẽra nii. Cristore ca tuo n̄n̄jeerã, “O biri wãme ca tii niipe nii Cristore ca tuo n̄n̄jeerã mani ca niijata,” paio c̄ ca ñi wede owarique nii. C̄ ca owa cojorucurore birora “To biro ca biigu m̄jare yu owa cojo,” ñi wede yapano, aũu doti cojo, ñucã “Aũu majuropecã” c̄ ca ñi juu buerije mena, to biri “Atere ñima ñigu m̄jare yu owa cojo,” c̄ ca ñirije mena, owa j̄omi (1.1-17).

To biro ñi yapano, (1.16-17) “Añurije Queti ate maquẽ nii,” ñi wedecã cojo, ñucã c̄ ca wede majio owa cojopere wede majio cojogura: “Judíos, judíos ca niitirã, to biri bojoca niipetirãpura, ñañaro c̄ja ca biiborique ametua majima,” ñi wede majiomi. Ñucã “‘Jesucristore mani ca tuo n̄n̄jeerije j̄ori mena wado mani ca ñañarijere manire ametuenemi Æmureco Pacu,’ ñi wede Añurije Queti,” ñi wede majio n̄n̄ua waami (1.17).

“Niipetirãpura, judíos, judíos ca niitirã, ñañarije ca tiirã wado mani niicã, tee tiirã ñañaro ca bii yaiparãra mani niicã, to biri ñañaro mani ca biiborique ca ametuaparã mani nii,” ñi wede majiomi (1.18–3.20). Atere c̄ ca wedejata: “Jesucristore mani ca tuo n̄n̄jeejata, ñañarije mani ca tiiriquere manire ametuene majimi; ñañaro mani ca biiborique manire ametuene majimi; ñucã c̄ mena macārã mani ca niiro manire tiimi Æmureco Pacu,” ñi wede majiogu ñimi (3.21–4.25).

“To biro Æmureco Pacu manire c̄ ca tiiro macã, wãma catirique mani c̄o Jesucristo mena nii eama ñirã,” ñi wedemi. To biro ñicã, doti c̄urique maquẽre, “O biro biipura bojoca menare,” ñi wede yapano, bojoca ñañarije c̄ja ca tii niirijere Æmureco Pacu c̄ ca ametuene bojaru jiropara yua, c̄ ca cati niirije pea Æmureco Pacu yu Añuri Yeri c̄ ca doti niirije peere ca tii n̄n̄jeerije nii ea, ñi wedemi (caps. 5–8).

Israel yaa pooga macārã niipetirã jañuripura añurije quetire c̄ja ca tuo n̄n̄jeetiro macã, judío niiri Pablo c̄ ca tugoeña pairiquere wede. Tee tiigu Pablo, Æmureco Pacu c̄ yaa pooga macārãre junagu méé c̄ ca biirijere, niipetirãpura c̄ ca ña mairiore birora ñucã jiro c̄ja cãa Jesucristore c̄ja ca tuo n̄n̄jeepere wedemi (caps. 9–11).

Jesucristore ca tuo n̄n̄jeerã c̄ja ca biirique cati niirije maquẽre wedemi anora. Ameri mairique maquẽre, Æmureco Pacure tii nuc̄ buorique, uparã c̄ja ca dotirijere tuo n̄n̄jeeriquere, to biri mani jaarã mena aũuro niiriquere, wedemi, Jesucristo c̄ ca biirica wãmere tugoeñari (12.1–15.13).

“O biri wãme nii Cristo mena ca niirã, c̄ja ca niiri wãme,” ñi, ameri mairique maquẽre wede majio yapano cojomi. To biri ñicã, queti owa yapano cojogu, “C̄jare aũu dotiya,” ñirique mena owa yapano eami Pablo (15.14–16.27).

Roma macārãre Pablo c̄ ca queti owa cojorica p̄uro

Aũu dotirique

¹ Yu Pablo, Cristo Jesús yeere ca paderi maju, c̄ yee quetire ca wede yujuru c̄ niijato ñigu c̄ ca j̄oricu, Æmureco Pacu yee añurije quetire ca wedepu c̄ ca ami dica wooricu, m̄jare yu aũu doti. ² Mee, c̄ yeere wede j̄ugueri maja menapura añurije queti c̄ja ca owariqueru, “To biro yu tiirucu,” ñi c̄ucãquĩupi Æmureco Pacu. ³ Tee añurije queti, mani Wiogu Jesucristo bojocure biro ca b̄aricu c̄ ca niirije peera, David yaa puna mac̄ c̄ ca niirijere wede. ⁴ Añuri Yeri ca ñañarije manirã c̄ja ca niiro ca tiigu mena peera, c̄ ca doti tutuarije mena Æmureco Pacu Mac̄ nii eaupi, ca bii yairicarã watoare c̄ ca cati tuari tabe mena. ⁵ Jesucristo j̄orira, Æmureco Pacu c̄ wãmere c̄ja ñi nuc̄ buojato ñigu, añurije quetire wede yujuri maju niiriquere mani ca bua earo jãare tiiwi, bojoca poogaari niipetirãpura cãre tuo n̄n̄jee, c̄ ca ñiire biro tii, ca tiirã c̄ja niijato ñigu.

⁶ Mɔja, Jesucristo yaarã cɔja nijato iigu Ɖmureco Pacu cɔ ca juoricarã cãa, cɔja menara mɔja nii. ⁷ Mɔja niipetirã Ɖmureco Pacu cɔ ca mairã, cɔ yaarã cɔja nijato iigu cɔ ca juoricarã Roma ca niirãre yu owa cojo. Mani Pacu Ɖmureco Pacu, Wiogu Jesucristo, cɔ ca aɔu majuropeerije, jicãri cõro aɔuro niiriquere, mɔjare cɔ tiicojojato.

Pablo Romapɔ cɔ ca ia yujugu waarugarique

⁸ Ca nii juori tabere, Jesucristo juoripɔ, mɔja niipetirã yee juori, yu Ɖmureco Pacure, “Aɔu majuropeecã” yu ii, díamacɔ mɔja ca tuo nɔcɔ buorijere niipetiri taberipɔ macãrã cɔja ca wede bato nɔnɔa waarije ca niiro macã. ⁹ Ɖmureco Pacu, yu ca cati niirije niipetiropɔ mena, cɔ Macɔ yee aɔurije quetire yu ca wede boja niigu niimi, to birora mɔjare yu ca tugoeɔacõa niirijere ca majigu. ¹⁰ Mɔja pɔtopɔ yu ca iagu waapere, Ɖmureco Pacure “Mu ca boorije to ca nijata, toopɔ yu ca waaro yure tiya,” yu ii juu buerucu to cãnacã tiira. ¹¹ Jicã wãme mɔja ca yeri tugoeɔa bayipere mɔjare wede majorugama iigu, buaro mɔjare yu iaruga. ¹² Aɔuro petira díamacɔ mani ca tuo nɔcɔ buo niirijere ameri wede ujea nii, tugoeɔa tutua, mani ca ameri tiipere iima iigu.

¹³ Yu yaarã, atere mɔja ca majiro yu boo: Pau tiiri “ca iagu waape niicu,” ii pacagu, yu waa majiti, paucã yure bii camotacõa niirucu. Ape poogaari macãrã judíos ca niitirã, Jesús're ca tuo nɔnɔjeerã cɔja ca niiro yu ca tiiricarore birora, mɔja mena macãrã Jesucristore cɔja ca tuo nɔnɔjeero tiirugama iigu, yu waarugami. ¹⁴ “To biri bojoca cõrorena griego ca niirã, griego ca niitirã cãare, yu ca wedepe dujacã mena,” yu ii tugoeɔa. ¹⁵ To biri mɔja Roma macãrã cãare, buaro mɔjare Jesús yee aɔurije quetire yu ca wederugarije nii.

Aɔurije queti ca tii tutuarije

¹⁶ Aɔurije queti Ɖmureco Pacu cɔ ca yeri tutuarije ca niirije, teere ca tuo nɔnɔjeerã niipetirãre cɔja ca ametuaro ca tiirijere* wedegu yu boboti, ca nii juori tabere judíos, ñucã judíos ca niitirã cãa, cɔja ca ametuapere. ¹⁷ Tee aɔurije queti pea, mee tirumɔpɔra díamacɔ tuo nɔcɔ buorique juorira Ɖmureco Pacu aɔurã cɔ ca tiiriquera, mecɔ cãare ñucã díamacɔ tuo nɔcɔ buorique juorira aɔurã manire cɔ ca tiirijere wede majio, Ɖmureco Pacu wederique: “Aɔugua, díamacɔ cɔ ca tuo nɔcɔ buorije juorira catirucumi,” ca iirore birora.†

Ɖmureco Pacu bojoca menare cɔ ca ajiarije

¹⁸ Niipetirã bojoca ñañarã, ñañarije cɔja ca tiirije mena, Ɖmureco Pacu yee majiriquere, díamacɔ ca niirijere, ca tii camota niirãre, Ɖmureco tutipɔ niigura ñañaro cɔjare cɔ ca tiirije mena cɔ ca ajiarijere iñomi Ɖmureco Pacu. ¹⁹ Ɖmureco Pacu yee maquẽ cɔja ca majipere aɔuro majima, cɔ majuropeera cɔjare majioui. ²⁰ Ɖmureco Pacu ca iaña manigu cɔ ca nii pacaro, cɔ ca tiiriquerena iari, cãre majirique nii. Ati yepare cɔ ca tiirica tabe menapɔra, Ɖmureco Pacura cɔ ca niirijere, cɔ ca doti tutuarije ca peti nɔcãtirijere, ia majirique nii. To biri ca ñañarã, “Majitima iirã, to biro jãa biiwu,” ii majitima. ²¹ Ɖmureco Pacure ca majirã nii pacarã, Ɖmureco Pacure birora cãre ii nɔcɔ buo, “Mu aɔu majuropeecã,” cãre ii, iitima. Iitirãra ñañarije pee wado tugoeɔa, ñañarije cɔja ca tugoeɔarijera ca naitiaropɔ ca niirãre biro, cɔja ca nii yai waaro cɔjare tiicã. ²² “Ca majirã jãa nii,” ii pacarã, ca majitirã jeeɔacã yai waama. ²³ To biro ca biirã niiri, Ɖmureco Pacu to birora ca caticõa niigu cɔ ca tutuarijere, bojocu yoaro ca catitigure biigu pee weeri, ñucã ca wuwrã, waibucurã bapari dupori ca dupori cutirã, aɔaa, pinoare biirã cɔja ca wee jeeñoricarã peere, tii nɔcɔ buo wajoama tee cãare.‡

²⁴ Tee juori Ɖmureco Pacu, cɔja yeripɔ ñañarije cɔja ca tiiruga tugoeɔarije pee, cɔjare cūucãupi. To biri cɔja majuropeera boborije ameri tiicã yai waaupa. ²⁵ Ɖmureco Pacu yee díamacɔ ca niirijere tii nɔnɔjeericaro unora, ca bii ditorije peere tii nɔnɔjee, Ɖmureco Pacure cɔja ca tii nɔcɔ buopa tabe unora, cɔ ca tii jeeñorique peere tii nɔcɔ buo, tii niupa, Ɖmureco Pacu teere ca tii jeeñoricu to birora baja peo nɔcɔ buocõa niiricu peere tii nɔcɔ buotirãra. To biro to biijato.

* 1:16 Wedegu yu boboti. † 1:17 Hab 2.4. ‡ 1:23 Dt 4.16-18.

²⁶ To birira Ɖmureco Pacu, boborije cūja ca tiirije peere cūja ca tiiro cūjare tiipuri. Nomia menapura añuro manu cuti niirica wāmere tiitirāra, cūja majuropeera, nomia wado ameri manu cuti, tii wajoa niipura. ²⁷ Ɖmua cāa to birora nomia mena añuro nūmo cuti niirica wāme cōrora tiitirāra, cūja majuropeera, Ɖmua wadora ameri tii epe niirucuupa, cūja upuri ca boorore biro aperā mena cūja ca tiiruga ametuarije ca niiro macā. Ca tiiya manirijere cūja ca tiirije juori cūja majuropeera cūja upu menara cūja ca ñañarije wapare ñañaro tamuoupa.

²⁸ Ɖmureco Pacure majirugati, ñañarije wado tugoeña, cūja ca biirije juori, cū pea cūjare camotaticāupi, ca tiitipe uno peere cūja tii niijato iigu. ²⁹ To cānacā wāmera ñañarijere tiicāma: ñañaro cūja ca tugoeñarije, apeye unore cūja ca ĩa ugorije, aperāre ñañaro cūja ca tiiruga tugoeñarije, ca bojoca jīarā, ca ĩa tutirique pairā, ca ajia pairā, ca ameri quēe pairā, ca ĩi dito pairā, ca wede pairā, ³⁰ aperāre ñañarije ca ĩi wede coterā, Ɖmureco Pacure ca junarā, “Ñañaro jāa tiibocu” ca ĩi bojoca catitirā, ca nii majuropeerāre biro ca tugoeñarā, ñañarije ca ĩi jeeñorique pairā, cūja pacuare ca ametuene nūcārā, ³¹ ca tugoeña bojoca catitirā, cūja ca ĩirore biro ca tiitirā, ca bojoca ĩa maitirā, ca ĩa boo pacatirā, niima. ³² Mee Ɖmureco Pacu, “To biro ca tii niirā, ñañaro biirica tabepu ca bii yaiparā niicārā biima,” cū ca ĩi cūuriquere añuro majima. Teere maji pacarā, to birora tiicā nūnua waa, cūja ca tiirijere ĩa cōori, cūjare biro ca tii nūnūjeerā cāare “Añu majuropeecā,” ĩima.

2

Ɖmureco Pacu ca niirore biro cū ca ĩa bejerije

¹ To biri mu, no ca boogu, aperāre, “To biro biima,” ca ĩi ĩa bejegu, “Cūjare biro yu biiti,” mu ĩi majiti. Aperāre, “To biro biima,” ĩi ĩa bejegu mu majuropeera ñañaro mu bii yaicā, cūjare birora ca tiigu niiri. ² Ɖmureco Pacu, ñañarije ca tiirāre ñañaro cū ca tiijata, díamacūra* cū ca tiirijere mani maji. ³ Mu, aperāre, “To biro biima,” ca ĩi ĩa bejegu, cūjare birora ca tiigu nii pacagu, “Ɖmureco Pacu ñañaro cū ca tiirijere yu duticāru,” ĩmu ĩi tugoeñacāti? ⁴ Ɖmureco Pacu cū ca añu majuropeerijera mu ca tugoeña wajoaro ca tiirugarijere majirugatima iigu, Ɖmureco Pacu, ca añu majuropeegu niiri, ca tugoeña bayigu niiri, ca boo paca ĩagu niiri, añurije ca peti nūcātirije cū ca tiicojorijere mu juna. ⁵ Ca bii ametuene nūcāgu niiri, Ɖmureco Pacu peere mu ca tuo nūnūjeerugatirije juori, ñañaro tamurica rumu, ca niirore biro Ɖmureco Pacu cū ca ĩa bejeri rumu ca niirore, mu majuropeera ñañaro mu ca tamuopere buaro jañuro mu tii bui cuti nūnua waa. ⁶ To cānacārāpūrena, cūja ca tiirica wāmeri ca niirore biro ĩa cōñari, ñañarije ca tiicarāra ñañaro tii, añurije ca tii niiricarāre añuro cūjare tii, tiirucumi.†

⁷ Ca añu majuropeerije, ĩi nūcū buorique, to birora caticōa niiriquere, amarā, añurije to birora ca tiicōa niiricarā peera, to birora caticōa niiriquere cūjare tiicojorucumi Ɖmureco Pacu. ⁸ Cūja ca bii ametuene nūcārije mena, díamacū ca niirijere juna, ñañarije peere tii, ca tiirā, Ɖmureco Pacu, ajiarique mena ñañaro cū ca tiirijere tamuorucuma. ⁹ Niipetirā ñañarije ca tiirā, ñañaro tamuo, tugoeñarique pai, biirucuma. Ca nii juori tabere judíos, ñucā judíos ca niitirā cāa, to birora biirucuma. ¹⁰ To ca bii pacaro, niipetirā añurije ca tiirā peera, ca añu majuropeerije, ĩi nūcū buorique, añuro niirique, cūjare tiicojorucumi Ɖmureco Pacu; judíos're tiicojo juo, ñucā judíos ca niitirā cāare to birora tiirucumi. ¹¹ Ɖmureco Pacu menara bojocare cū ca ĩa dica woorije mani.

¹² Niipetirā Moisés cū ca doti cūuriquere majitirāra ñañarije ca tiicarā, ñañarije cūja ca tiirique juorira ñañaro biirica tabepu waarucuma. Moisés cū ca doti cūuriquere ca majirā nii pacarā ñañarije ca tiirā, doti cūurique ca ĩirore biro ñañaro tii ecorucuma. ¹³ Moisés cū ca doti cūuriquere cūja ca tuorije juorira, “Añurā niima,” cūjare ĩitimi Ɖmureco Pacu. Doti cūurique ca ĩirore biro ca tiirā peere, “Añurā niima,” cūjare ĩi ĩami. ¹⁴ Judíos ca niitirā, doti cūurique ca cuotirā nii pacarā, cūja majuropeera cūja ca

* 2:2 cū wederique ca ĩirore biro cū ca tiirijere mani maji. † 2:6 Sal 62.12; Pr 24.12.

tii niirijere doti cūurique ca ĩirore biro cūja ca tiiyata, cūja majuropeera doti cūurique niicāma. ¹⁵ To biro cūja ca bii bojoca cuti niirijera, cūja yeripɔ doti cūurique ca niirijere ĩnoma. Teera cū ca tɔgoeña bojoca cati niirijepɔre cū ca majiro tii, ñucā cū ca tɔgoeña niirijera cāre wede majio, teera cāre wedejāa buiyee, tiirucu, ¹⁶ Jesucristo juori, ĩcārāra majiriquere añurije queti yu ca wederije ca ĩirore biro Ɛmureco Pacu cū ca ĩa bejeri rumu ca niirore.

Judíos, to biri doti cūurique

¹⁷ “Jāa judíos, doti cūuriquere ca cɔorā, Ɛmureco Pacu yaará, ¹⁸ cū ca boorijere ca majirā, doti cūurique juori añurije beje majiriquere ca bue majio ecorā, ¹⁹ ca ĩatirāre biro ca niirāre ca juo waa majirāre biro ca tɔgoeña niirā, ca naitiaropu niirāre biro ca niirāre ca boe baterāre biro ca niirā, ²⁰ ñucā, ca majitirāre ca wede majiorā, ca tɔgoeña bayitirā cāare ca bue majiorā, doti cūuriquerena, majirique, díamacū ca niirijere, ca cɔorā jāa nii,” mɔja ĩi ɔjero bayi. ²¹ To docare mɔja, aperāre ca bue majiorā nii pacarā, ĩnee tiirā mɔja majuropeera mɔja wede majio majititi? “Jee dutieto,” ca ĩi buerā nii pacarā, ĩnee tiirā mɔja jee dutirucuti? ²² Ñucā, “Ñee epeticāña,” ca ĩirā nii pacarā, ĩnee tiirā mɔja pea mɔja ñee epeti?† Cūja ca weericarāre ca junarā nii pacarā, ĩnee tiirā cūjare ĩi nɔcū bɔorica wii maquere mɔja jee dutirucuti? ²³ “Moisés cū ca doti cūuriquere ca cɔorā niirā jāa bii,” ca ĩi ɔjero bayirā nii pacarā, doti cūurique ca ĩirore biro mɔja ca tiitirije mena Ɛmureco Pacure mɔja nɔcū buoticā.‡ ²⁴ To birira Ɛmureco Pacu wederique o biro ĩi: “Mɔja yee juorira, judíos ca niitirā, Ɛmureco Pacure ñañaro cāre ĩi tutima,” ĩi.*

²⁵ Moisés cū ca doti cūurique ca ĩirore biro mɔ ca tii nɔnɔjeejata, jeyua quejero yapare wide taariquea ca wapa cutirijera niiro bii; tee ca ĩirore biro mɔ ca tii nɔnɔjeetijata, jeyua quejero yapare ca wide taaya manigɔre birora mɔ niicā. ²⁶ To biicāri, cū jeyua quejero yapare ca wide taaya manigɔ nii pacagɔ, doti cūurique ca ĩirore biro ca tii nɔnɔjeegɔra, jeyua quejero yapare wide taaricɔre biro ĩaricɔ niirucumi. ²⁷ Cū upu macā tabere ca wide taaya manigɔ nii pacagɔ, doti cūurique ca ĩirore biro ca tii nɔnɔjeegɔ pea mɔ, doti cūuriquere cɔocā, mɔ jeyua quejero yapare wide taaricɔ niicā, bii pacagɔ doti cūurique ca ĩirore biro mɔ ca tii nɔnɔjeetirije juori, ñañaro mure tiirucumi.

²⁸ Judío niiriquea, jotoa wado biirique méé nii. Jeyua quejero yapare wide taarique cāa, jotoa wado tii niirique méé nii. ²⁹ Díamacūra judío nii majuropeeriquea, mani ca tɔgoeña niirijepu biirique nii. Ñucā jeyua quejero yapare wide taaricɔ peti niiriquea, yeri jāñariqueru tɔgoeña wajoarique nii, doti cūurique cūja ca owa tuurique juori méé, Añuri Yeri juori mani ca tɔgoeña wajoarije nii. To biro ca biigɔ judío docare, Ɛmureco Pacu cāre ĩi nɔcū bɔomi, bojoca méé to biro ĩima.†

3

Ɛmureco Pacu cū ca añurije

¹ ĩTo docare judío niirique mena, ñee peere nii ametuene nɔcā, ñucā jeyua quejero yapare wide taariquea, ñee pee wapa cuti, to biiti? ² Pacu wāmeripɔrena biicā, ca nii juori tabere judíos're cū wederiquere cūjare tiicojoupɔ Ɛmureco Pacu. ³ ĩTo docare yua, Ɛmureco Pacu, ĩcārā cū yee ca niitirije peere tii nɔnɔjee, cūre cūja ca bii weorora, cū ca ĩirore biro ca tiigɔ cū ca niirijere cū yerijāacāgajati? ⁴ ĩBiiticumi! Ɛmureco Pacu, to birora díamacū ca niirije ca ĩirore biro tiicōa niimi, bojoca niipetirāpɔra ca ĩi dito pairā wado cūja ca niicā pacaro. O biro ĩi owarique nii:

“Mɔ ca ĩirijere ‘Añugɔ niimi,’ ĩi eco,
ñucā mure cūja ca wedejāajata cāare
bii ametua nɔcācā, mɔ biicārucu,” ĩi.*

† 2:22 ĩ“Mɔja nɔmoa, mɔja manɔ jūmua, ca niitirāpɔrena epericarā cutiticāña,” ca ĩirā nii pacarā, mɔja epericarā cutiti? § 2:23 Ez 36.16-23. * 2:24 Is 52.5; Ez 36.22. † 2:29 Gn 29.25.

* 3:4 Sal 51.4.

⁵ Mani ca ñañarijera, Ɖmureco Pacu cū ca añurijere ca bii bau niiro to ca tii pacaro, ¿do biro pee mani ñirāti? ¿Ɖmureco Pacu ñañagu cū niiti, to biro ñañaro manire tiigu? Bojoca cūja ca tugoeñari wāmere biro ya ñi. ⁶ ¡Biitimi! Ɖmureco Pacu ñañagu cū ca niijata, ¿do biro tiicāri bojoca ñañaro cūja ca tiirije wapare ñañaro cūjare cū tiibogajati?

⁷ Jīcū o biro ñibocumi: Yɛ ca ñi ditorijera, Ɖmureco Pacu yee díamacū ca niirijere to ca bii bau niiro, cū ca añu majuropeerijere buaro jañuro to ca bii nɛnɛa waaro ca tii pacaro, ¿ñee tiigu Ɖmureco Pacu, ñañagure biro yure cū tiiti? ⁸ To biro to ca biijata: “¿Ñee tiirā ñañarije peere mani tiititi, añurije maquē pee to nii eajato ñirā?” ñicumi. O biirije peti jāa ca ñitirijerena, “O biirije ñi buema,” jāare ñi wede paima jīcārā. To biro ca ñirā ñañaro ca tii ecomparā niirucuma.

“Jīcū peera añugɛ manimi”

⁹ “¿Do biro mani ñi yapanorāti? ¿To docare mani judíos mani ca niirije juorira, aperā ametɛenero añurā mani niiti? ¡Mani biiti! Mee, mani judíos, judíos ca niitirā cāa, jīcāri cōro ñañarije ca tiirā mani niicāupa,” mani ñi yerijāajāwɛ. ¹⁰ To birira owarique o biro ñi: “Jīcū ɛno peera añugɛ ca niigu manimi; jīcū ɛno mani majuropeecāmi.

¹¹ Ca tugoeña majigu ɛno manicāmi. Ɖmureco Pacure ca majirugagu ɛno cāa, jīcū ɛno peera manicāmi.

¹² Niipetirāpura cūre camotaticoama. Niipetirāpura ñañarije pee wadore tiicā yai waama.

Jīcū ɛno peera añurije ca tiigu ɛno manicāmi.

¡Jīcū ɛnoacā niirucu biiti majuropeecāmi!”†

¹³ “Mɛja wedericagaaria, maja ope ca tujurore biro nii.

Mɛja ñemerori, ca ñi dito pairije nii.”‡

“¡Mɛja ɛjeroripɛ cāare añā nimara niicā!”§

¹⁴ “Ñañaro mɛja ca ñi tutirije wado mɛja ɛjerorire dadacā.”*

¹⁵ “Jīā dīi tii baterugaropɛa, mɛja dɛpori tutua añuro ũmaa nucū yujucā.

¹⁶ Mɛja ca tii niirijea, tii yai o baterique, ñeeja manirā tuaricaro ca tiirije wado niicā.

¹⁷ Añuro jīcāri mena nii nɛnɛa waariquere majitima.”†

¹⁸ “Ɖmureco Pacure nucū buorique ɛno cāare tugoeñati majuropeecāma, cū ca ñā cojorore,” ñi.‡

¹⁹ Niipetirije doti cūurique ca ñirijea, teere ca tii nɛnɛjeerāre ñi, niipetirā do biro ñi wede majitiri, niipetirāpura Ɖmureco Pacu ñañaro cū ca tiirijere, ñañaro ca biiparā cūja niijato ñiro, mani ñi maji. ²⁰ To biri jīcū ɛno peera doti cūurique ca ñirore biro cū ca tiirije juorira, Ɖmureco Pacu cū ca ñā cojorore “Añugɛ niimi,” ñi ecotirucumi. Doti cūuriquea, ñañarije ca tiirā mani ca niirijere mani ca majiro ca tiirije pee nii.

Díamacū tuo nucū buorique juori, añurā niirique

²¹ To biri mecūra doti cūurique manirora, Ɖmureco Pacu, añurā mani ca niiro cū ca tiirije bii bau nii ea, doti cūurique, Ɖmureco Pacu yee quetire wede juguere maja, cūja ca wederique. ²² Ate, Ɖmureco Pacu añurā mani ca niiro cū ca tiirijea, Jesucristore díamacū tuo nucū buorique juori ea, niipetirā cūre ca tuo nɛnɛjeerāre. § Ñā dica woorique mani, ²³ niipetirāpura ñañarijere tiicāma. To biri Ɖmureco Pacu añurije cū ca boo jāarore biro mani tii eaticā.* ²⁴ Biirāpɛa, Ɖmureco Pacu cū ca añurije juori, wapa manirora añuro tii ecoma, ñañaro mani ca biiboriquere Cristo Jesús cū ca ametɛene bojarique juori. ²⁵ Ɖmureco Pacu, Cristo cū ca bii yairo tiiri, ñañarije tiiriquere cū ca ametɛene bojaro tiipiri. Ate ñañarije tiiriquere ametɛene ecoriquera, Cristo cū ca bii yai bojariquere díamacū tuo nucū buorique juori buarique nii. O biro tiiri, añurā mani ca niiro cū

† 3:12 Sal 14.1-3; 53.1-3; Ec 7.20. ‡ 3:13 Sal 5.9. § 3:13 Sal 140.3. * 3:14 Sal 10.7. † 3:17 Is 59.7-8.

‡ 3:18 Sal 36.1. § 3:22 Jesucristore díamacū tuo nucū buorique juori, niipetirā cūre ca tuo nɛnɛjeerāre añurā cūja ca niiro tiimi Ɖmureco Pacu. * 3:23 Niipetirāpura ñañarije ca tiirā wado niicāma. To biri Ɖmureco Pacu cū ca añu majuropeerije mena cū ca bojoca cūti niiri tabe ño peepura niicāma.

ca tiirijere ñnorugaupi Ɔmureco Pacu, ména jugueropura ñañarije mani ca tiirijere to birora cū ca ña ametuacāriquere manire ametueneḡu. ²⁶ Cūa ca tugoeña bayigu niimi. Ati cuupure añurā mani ca niiro cū ca tiiri wāmere ñnorugaupi; cūa añugu cū ca niirore birora, Jesús're ca tuo nūñjeerāre añurā cūja ca niiro tiimi.

²⁷ To docare, “¿Bojocu, ‘o biro ca biigu ya nii,’ cū ca ñirije noopu to niiti? ¿Tea peticoa! ¿Ñee juori to biiti? ¿Doti cūurique ca ñirore biro tii nūñjeerique juori to biiti? Tee juori méé bii. Díamacū tuo nūcū buorique juori pee to biro bii. ²⁸ Doti cūurique ca ñirore biro tiirique juori méé, díamacū tuo nūcū buorique juori pee, bojocure añugu cū ca niiro tiimi Ɔmureco Pacu,” mani ñi yapano ea.

²⁹ To docare ¿Ɔmureco Pacu, judíos Ɔmureco Pacu wado cū niiti? ¿Bojoca poogaari niipetirā Ɔmureco Pacu méé cū niiti? Ati yepa macārā niipetirā bojoca poogaari Ɔmureco Pacu niimi. ³⁰ Apí Ɔmureco Pacu manimi. Cūra, díamacū tuo nūcū buorique juori, jeyua quejero yapare wide taaricarāre, ca wide taaya manirā cāare, añurā cūja ca niiro tiirucumi. ³¹ To docare, ¿díamacū tuo nūcū buorique juorira, doti cūurique ca wapa maniro mani tiicāti? Mani tiiti. Doti cūurique ca ñirore biro pee tiirā mani tii.

4

Abraham cū ca tuo nūcū buorique

¹ To docare ¿mani ñicū Abraham cū ca biirique peera, do biro mani ñirāti? ² Yee méera Abraham cū, cū ca tiirije juorira, añugu cū ca tii ecojata, “O biro ca biigu ya nii,” cū ca ñi ujero bayirijere díamacūra ñibojacupi, biigupua Ɔmureco Pacu cū ca ña cojoro méere. ³ Ɔmureco Pacu wederique o biro ñi: “Ɔmureco Pacure tuo nūñjeeupi Abraham, tee juori, ‘Añugu niimi,’ ñi ecoupi,” ñi.* ⁴ Jicū cū ca padejata, cū ca wapa taarije wapa manirora cū ca tiicojo ecorije méé nii, cū ca paderique waparū cū ca wapa taarije nii. ⁵ To ca bii pacaro, jicū uno, Ɔmureco Pacu, ñañarāre, ca ñañarije manirā cūja ca niiro ca tiigure cū ca tuo nūñjeejata, díamacū cū ca tuo nūcū buorije juorira, “Añugu niimi,” ñi ecomi, teere buarugū cū ca pade bua ñaati pacaro. ⁶ David cāa to birora ñiupi, bojocu cū ca tii niirije juori méé, Ɔmureco Pacu añugu cū ca niiro cū ca tiigu ca ujea niigu yee maquēre, o biro ñigu:

⁷ “Ɔmureco Pacu, cūja ca ñañarijere ametuene, ñañarije cūja ca tiirijere to birora ña ametua, cū ca biirā, ujea niima.

⁸ Ca ñañarije manigure biro wiogu cū ca ñagu, ujea niimi,” ñiupi.†

⁹ ¿To docare ate ujea niiriquea, jeyua quejero yapare wide taaricarā wadore ñiro to ñiti? ¿Ca wide taaya manirā cāare ñiro méé to ñiti? To birira Ɔmureco Pacu, Abraham're “Añugu niimi,” ñirugū, díamacū cū ca tuo nūcū buorijepure ñaupi, mani ñijawū mee. ¹⁰ ¿No cōropu, “Añugu,” cūre cū ñaupari? Cū jeyua quejero yapare cū ca wide taa ecoro jiro pee, ¿jugueropura añugu cūre cū ñaupari? Jiro méé, jugueropura añugu cūre ñaupi. ¹¹ Cū jeyua quejero yapare wide taaya manigupura, díamacū cū ca tuo nūcū buorije juori, “Añugu niimi,” ñi ecoupi Ɔmureco Pacure. Añugu cū ca niirijere to bii ñnojato ñigu, jiropu cū jeyua quejero yapare wide taa ecoupi Abraham. To biri Abraham, cūja jeyua quejero yapare ca wide taaya manirā nii pacarā, ca tuo nūñjeerā niipetirā pacu niimi. O biro cūja ca biiro macā cūja cāare cūja ca tuo nūñjeerije juori, “Añurā niima,” ñimi Ɔmureco Pacu. ¹² Ñucā, cūja jeyua quejero yapare ca wide taaricarā nii pacarā, mani ñicū Abraham cū jeyua quejero yapare ca wide taaya manigu niigupura cū ca tuo nūñjeericare biro ca tuo nūñjeerā cāare cūja pacura niimi.

Díamacū tuo nūcū buorique juori, Ɔmureco Pacu cū ca ñiricare biro ca bii earique

¹³ Doti cūurique juori méé, Abraham're, cū pāramerāre, “Ati yepare mu cūo earucu,” Ɔmureco Pacu cū ca ñiriquere ñeeupa. Tuo nūñjeerique juori, añugu cū ca niiro cū ca tiirique juori pee, to biro ñiupi Ɔmureco Pacu. ¹⁴ Doti cūuriquere ca tii nūñjeerā pee teere ca cūo eparā cūja ca niijata, tuo nūñjeerique pea watoa maquē nii, Ɔmureco

* 4:3 Gn 15.6; Ro 4.22. † 4:8 Sal 32.1-2.

Рacu, “To biro yu tiirucu,” cū ca ĩriique cāa wapa mani, biicābojacupa. ¹⁵ Doti cūuriquea, ñañoaro tii ecoricaró tii. Ñucā doti cūurique ca manicājata, teere bii ametuene nūcārique cāa mani.

¹⁶ To biri Ũmureco Pacu, “O biro yu tiirucu,” cū ca ĩriiquere díamacū tuo nunjeerique juori bua earique nii, Abraham páramerā niipetirāpüre to biro wapa manirora bua earique to niicōa niijato ĩro. “Yu tiicojorucu,” cū ca ĩriiquea, doti cūuriquere ca tii nunjeerā yee wado méé nii, ñucā niipetirā Abraham're biro ca tuo nunjeerā cāare to birora biicā. Cūa to biro biima ĩigu, Ũmureco Pacu cū ca ĩa cojorore mani niipetirā pacu niimi. ¹⁷ Ũmureco Pacu wederique o biro ca ĩrore birora: “Pau bojoca poogaari pacu mure yu tii.” Cū niimi Ũmureco Pacu, Abraham díamacū cū ca tuo nunjeericu, ca bii yaicoaricarāpürena cūja ca catiro tii, ca manirijerena tii jeeño, ca tiigu. †

¹⁸ Abraham, cū ca yue niirije § ca peticoa pacaro, to birora tuo nunjee yuecā niupi. O biro biima ĩigu, pau bojoca poogaari pacu nii eapü, “Mu páramerā ano cōro pau niirucuma,” Ũmureco Pacu cūre cū ca ĩricarore birora. ¹⁹ Mee, Abraham cien cūmari peti ca cuogu niiri cū upürire ca bii yaicoariquere biirijepu ca niirijere ĩa maji, ñucā Sara cō ca macū cutiborique uno cāa peticoa, ca biicā pacaro, cūre cū ca ĩriiquere cū ca tugoena yue niirije pea daqucoa, cūre biiticāupa.

²⁰ Ũmureco Pacu “To biro yu tiirucu,” cūre cū ca ĩriiquere, ca tuo nunjeetigu cū ca birore biro “Yeera yure ĩcājacupi,” ĩtiupi. To biro ĩitigara, cūre cū ca ĩriiquere buaro jañuri díamacū tuo nūcū buo, Ũmureco Pacu baja peo nūcū buo, tiupi, ²¹ “Ũmureco Pacu ‘To biro yu tiirucu,’ cū ca ĩriiquere cū ca ĩricarore birora ca tii tutuagu niicumii,” ĩi majiri. ²² Tee juori Ũmureco Pacu, to biro cū ca biirijere ĩa, “Añugu niimi,” cūre ĩupi.

²³ Ate to biro cū ca biirijere Ũmureco Pacu, “Añugu niimi,” cū ca ĩriiquere, Abraham yee wado méere owarique niupa. ²⁴ Mani yee maquēpu cāare owarique niupa. Mani cāare, cū ca ĩriiquere díamacū mani ca tuo nūcū buorije juorira, añurāre biro manire ĩarucumi Ũmureco Pacu, mani Wiogu Jesús're ca bii yairicarā watoare cū ca cati tuaro ca tiiricure díamacū mani ca tuo nunjeerije juori. ²⁵ Cūra mani ca ñañarije wapare manire bii yai bojarugu, wedejāa buiyee cōa eco, ĩcāti uno peera ñañarije ca tiitiricarāre biro mani ca niipere ĩigu cati tua, biupi.

5

Añuro nii, ujea nii, biirique

¹ Díamacū tuo nūcū buorique juori añurā tii ecori, Ũmureco Pacu mena añuro mani nii, mani Wiogu Jesucristo juori. ² Ñucā Jesucristo juorira, cū ca ĩriiquere díamacū tuo nūcū buorique juori, ate añurijere ca bua eaparā mani ca niirijere mani cuo, teepüre to birora mani ca tugoena bayicōa niirijere. To biri Ũmureco Pacu cū ca añu majuropeerije mani ca bua eapere ĩrā, buaro mani ujea nii. ³ Biirāpüa ate wado méere, ñañoaro tamuorā cāa, “O biro ca biirā jāa nii,” mani ĩi ujero bayirucu, ñañoaro mani ca tamuorijea ca tugoena bayirā mani ca niiro ca tiirijere ca majirā niiri. ⁴ Tugoena bayiriquera, ca bojoca añurā mani ca nii earo tii, ca bojoca añurā mani ca nii earo ca tiirijera, to birora ca yuecōa niirā manire tii. ⁵ Mani ca yue niirije pea boboro mani ca tamuroo tiiti, Ũmureco Pacu, Añuri Yeri manire cū ca tiicojoricu mena, cū ca mairijere mani yeripüre paio manire cū ca tiicojorije ca niiro macā.

⁶ Ména ñañarije wapare do biro mani ca bii ametua majitiri tabere, “To biro biirucu,” cū ca ĩrica yutea ca earo, ñañarije ca tiirāre bii yai ametuene bojaupi Cristo. ⁷ ĩcū uno peera apüpu cū ca bii yaiborica tabe unorena, “Yu, yu bii yai bojarucu” ĩriique, popiye méera niicā biiti. Ca bojoca añugu petipü cāare bii bojaya manicu. Ape tabera niicābocumi biigupüa, ĩcū buaropüra añuro cūre ca tiiricu unore ca bii yai bojagu uno.

† 4:17 Gn 17.5. § 4:18 “Yu macū cutirucu,” cū ca ĩi yue niimirique ca peticoa pacaro, Ũmureco Pacu cūre cū ca ĩriiquere to birora tuo nunjeecōa niupi.

⁸ Ɖmureco Pacu pea manire cū ca mairijere ate mena ññomi: Ména ñañarijere ca tiirã mani ca niirora, mani yee juori bii yaiupi Cristo.

⁹ Mecūra Cristo cū ca bii yai bojarijere juori, añurã ca tii ecoricarã niiri, cū juorira, Ɖmureco Pacu ñañaro cū ca tiirijere mani ametuarucu. ¹⁰ Ména Ɖmureco Pacu waparã mani ca niirora, cū Macū cū ca bii yai bojarijere mena, cū majuropeera cū mena añuro mani ca nii earo tiupi. To biri mecū docare cū mena añuro ca niirã niiri, ametuenero cū ca catirije juori mani ametuarucu. ¹¹ Ate wado méé, mani Wiogu Jesucristo juori, Ɖmureco Pacure buaro mani ujea nii, cū juori cū mena añuro nii eariquere ca tiicojo ecoricarã niiri.

Adán to biri Cristo

¹² Jicū bojocu Adán juori, ñañarije tiirique bojocapure bii ñaajãa nucã eaupa; tee tiiro ñañarije tiirique juorira bii yairique cãa nii eaupa. O biro biima ñiro, niipetirãpure bii yairique niicã nũña dooupa, niipetirãpura ñañarije cūja ca tiicãro macã. ¹³ Doti cūurique ca niiparo jugueropura, ati yepapure ñañarije tiirique nii yerijãaupa. Doti cūurique ca manijata, ñañarije tiiriquere majiña mani. ¹⁴ To ca bii pacaro, Adán cū ca niiri cuu mena, Moisés cū ca niiri cuupu, ñañarije ca tiiricarãre bii yairique to birora biicõa niuupa. Biropua cūjara, Adán, ca doopure ca bii juuegu, dotiriquere cū ca bii ametua nucãricarore biro méé, ñañarije cūja ca tiirije juori, to biro biiupa.

¹⁵ Adán ñañarije cū ca tiiriquea, Ɖmureco Pacu wapa manirora añurije cū ca tiicojorijere biro méé nii. Jicūra ñañarije cū ca tiirique juorira, niipetirãpura bii yaicãupa. Jicū, Jesucristo juori wadora, wapa manirora Ɖmureco Pacu añurije cū ca tiicojorije pea, tee ametueneropu nii eacãupa, paupu añuro cūja ca niipere biro ñiro. ¹⁶ Jicū ñañarije cū ca tii buiyeerique juori ca bii nũña waarijere, Ɖmureco Pacu, wapa manirora añurije cū ca tiicojorije menare cõõnarique uno méé nii. Ñañaro biiriquea, jicã wãme ñañarije tiirique juorira ñañaro bii yairicaro tiuupa. Ɖmureco Pacu, wapa manirora cū ca tiicojorije pea, paũ wãmeri ñañarije tiirique juori bii eari, añurã niiricaro tiuupa. ¹⁷ Jicū ñañarije cū ca tiirique juorira niipetirãpure bii yairique ca bii niiricarore biro ametuenero, Ɖmureco Pacu ca bojoca añugu cū ca niirijepu, wapa manirora añurã cū ca tiirã doca, jicū bojocu Jesucristo juori wadora, catirãra wãma wãme cati niirucuma.

¹⁸ Adán wado ñañarije cū ca tiirique juorira, niipetirãpure ñañaro ca bii yaiparã cūja ca niiro ca tiiricarore birora, Jesucristo wadora añurije cū ca tiirique juorira, cūre ca tuo nũñjeerãre añurã cūja ca niiro tii, to birora cūja ca caticõa niipere biro ñiro. ¹⁹ O biro ñi: Jicūra Ɖmureco Pacure cū ca ametuene nucãrique juorira, paũ ñañarije ca tiirã cūja ca niiro cūjare tiicãupa. Nucã tee ca biiricarore birora, jicūra Ɖmureco Pacure cū ca tuo nũñjeerique juorira, paũ añurã tii ecorucuma.

²⁰ Doti cūurique pea, ñañarije tiirique buaro jañuro to bii bau nii nũña waajato ñiro tiicojorique niuupa. Ñañaro tiirique buaro jañuro ca bii nũña waarora, Ɖmureco Pacu cū ca añurije pea tee ametueneropu nii nemocãupa. ²¹ Ñañarije tiirique bii yairicaro ca tii tutua niiricarore birora, Ɖmureco Pacu wapa manirora añuro cū ca tii bojarijere añurã mani ca niiro tii, mani Wiogu Jesucristo juori to birora caticõa niiriquere manire tiicojo, tii doti tutua niuupa.

6

Ñañarijere bii yai weo, Cristo mena pee cati, biirique

¹ ¿To docare ñee mani ñirãti? ¿Ñañarijera mani tiicõa niirãti, Ɖmureco Pacu buaro jañuro cū ña mai nũña waajato ñirã? ² ¿Mani tiiti majuropecãrucu! Mee ñañarijere ca bii yai weoricarãpu mani nii. ¿Ñee tiirã, ñañarijera mani tiicõa niibogajati? ³ ¿Mũja, Cristo Jesús mena niirugarã ca uwo coe ecoricarã niipetirã, cū ca bii yairicarore birora biirã, mani ca uwo coe ecoriquere mũja majititi? ⁴ To biri uwo coerique juori, Jesucristo menara yaa cõa eco, cū ca bii yairicarore biro mani biiwu. O biro biicãri, Cristo, cū Pacu

* 6:1 ¿Añurije buaro jañuri to bii bau niijato ñirã, ñañarijera mani tiicõa niirãti?

cũ ca tutuarije mena cati tua, cũ ca biiricarore birora mani cãa, wãma wãme catirique mena mani bii niico.

⁵ Cũ menara, cũ ca bii yairicarore biro ca biiricarã mani ca niijata, ñucã cũ menara mani cati tuarucu. ⁶ Jũguero mani ca bii niirucurique Cristo menara yucu tenipũ paa pua tuu yaio ecoupa, mani upũ ñañarije ca tiiruga niirije ca tii yaio ecoro, ñañarije tiiriquere ca tii nũñjeerã mani ca nii nũña waatipere biro ñirã, mani ñi maji. ⁷ Bii yaicoarãpũ, ñañarije mani tiiticu. ⁸ “Cristo mena mani ca bii yaijata, cũ menara mani catirucu,” mani ñi. ⁹ Cristoa, ca bii yairicarã watoare ca cati tuaricupũ niiri, cũ ca bii yai nemotipere mani maji. Cũra, bii yairiquea do biro cũre bii ametuene nũcã majiti yua. ¹⁰ Cũ ca bii yairije mena, jĩcãti bii yaigũra, ñañarije tiiriquere bii yai ametuene peoticã cojupi mee. Cũ ca catirije peera Æmũreco Pacũ yeere tiirugũ catimi. ¹¹ To biri wãmera mũja cãa, ñañarije tiiriquere ca bii yai weoricarãpũre biro nii tũgoeñaña. Bii pacarã Cristo Jesús jũori, Æmũreco Pacũ yee peere ca tiiparã ca catirã niña.

¹² To biicãri, mũja upũ ca bii yaipa upũre ñañarije tiirique pee ca bii ametuene nũcãro tii, ñucã ñañarije ca tiirugarije cãare tii nũñjee, tiiticãña. ¹³ Mũja upũ maquẽre† ñañarije peere ca tiirije ca niiro tiicãri, ñañarije tiirique maquẽ ca niiro tiiticãña. To biro tiitirãra, Æmũreco Pacũ yee peere ca tiirije ca niiro tiya, ca bii yaicoaricarãpũra, ca cati tuaricarãre birora mũja upũri maquẽre añurije peere ca tiirije pee ca niiro tiiri. ¹⁴ O biro mũja ca tiiro, ñañarije tiirique mũjare bii ametuenetirucu, doti cũurique ca ñirore biro tii nũña waatirãra, Æmũreco Pacũ añuro cũ ca tiirije mena pee mũja ca niiro macã.

Añurijere pade coteri maja

¹⁵ ¿To docare ñee mani ñirãti? ¿Doti cũurique ca ñirore biro tii nũña waatirãra, Æmũreco Pacũ wapa manirora añuro cũ ca tii bojarique mena pee ca niirã niiri, ñañarije mani tiirãti? ¿Mani tiiti majuropeecãrucu! ¹⁶ ¿Jĩcũre, cũ ca dotirijere tii nũñjeerũgarã cũre pade coteri maja mũja ca niijata, mũja ca pade bojagũre wapa manirora pade coteri maja niiriquere mũja majititi? Atea teere birora bii, bii yairicaro ca tiirije ñañarije ca tii nũñjeerã, añurije maquẽre ca tii nũñjeerã cãa, teere ca pade coterã niima. ¹⁷ Añu majuropeecã Æmũreco Pacũ, ñañarije ca tii nũñjeerã ca niimiricã, mee mũja ca yeri tũgoeña niirije menapũ, añurije queti mũja ca bue majio ecoriquere mũja tũo nũñjeeupa. ¹⁸ Ñañarije tiiriquere ametuene ecori, mecũra añurije peere pade coteri maja mũja nii yua. ¹⁹ Bojoca bii niiriquerena yũ wede, tũgoeña bayitima ñirã, atere añuro tũo puotibocuma mũjare ñiima ñigũ. Jũgueropũre, mũja upũri maquẽre, ðo pee jañuro ñañarije tii yai waaricaro ca tiirije peere ca tiirije ca niiro mũja ca tiiricarore birora, mecũ cãare mũja upũri maquẽre añurije, ca ñañarije manirã niiricaro ca tiirije peere ca tii nũñjeerije ca niiro tiya.

²⁰ Ména, ñañarije peere tii nũñjee niirã, añurije peere mũja tii nũñjeetiupa. ²¹ ¿Mecũre mũja ca bobo tũgoeñarije ñañarije tii niirã, ñee mũja buari? Mũja buatiupa. Tea bii yairicaro ca tiirije wado nii. ²² Mecũra ñañarije ca tii nũñjee yerijãaricã niiri, Æmũreco Pacũ peere ca pade coterã nii eari, ca ñañarije manirã nii, caticõa niiriquere bũa earicaro tii, ca tiirijere mũja bũa. ²³ Ñañarije tiirique wapa, bii yairique nii. Æmũreco Pacũ cũ ca tiicojorije pea, mani Wiogũ Cristo Jesús jũori caticõa niirique nii.

7

Amo jiarique mena ñi cõõña wederique

¹ ¿Yũ yaarã, to docare mũja majititi (doti cũurique ca majirãre mũjare yũ ñi) doti cũurique bojocũre cũ ca cati niiro wado cũre ca doti niirijere? ² O biro ñijata: Nomio ca manũ cãtigo, ca dotirije jũori cõ manũ cũ ca cati niirore ñigo, cũ mena niimo. Cõ manũ cũ ca bii yaicoajata, ca manũ cãtigo cõ ca niirijere ca dotirijere ca doti ecotigo tuamo. ³ O biro ca biirije jũori, cõ manũ cũ ca cati pacaro apĩ cõ ca manũ cãtijata, ca manũ cãtigo cõ ca niirijere ca dotirijere ametuene nũcãgo tiimo.* Cõ manũ cũ ca bii yaicoajata docare,

† 6:13 Los miembros de su cuerpo. * 7:3 “Ca manũ cãtigo nii pacago ca ñmũa epe paigo niimo” ñirico niirucumo.

tee ca dotirijere ca doti ecotigo tuamo. To biri apĩ cõ ca manũ cutijata cãare, ca umũ epe paigo méé niimo.†

⁴ Yũ yaarã, mũa cãa to birora Cristo mena nii earã, cũ menara doti cũuriquere mũa bii yai weocãupa, apĩ ca bii yairicarã watoare ca cati tuaricũ yaarã pee niirugarã. O biro biicãri, Æmureco Pacũ cũ ca ãa biijejarije añurije mani tii niirucu. ⁵ Ména ñañarije ca tii niirã mani ca niiro, doti cũuriquea, mani upũpũre ñañarije tiirugarique ca niirijere ca tii bau niiro ca tii niirije niipua. To biri bii yairicarũ ca tiirije wadore mani tiicã niirucuupa. ⁶ Mecãra, doti cũurique manire ca doti niirucumiriquere ca bii yai weoricarã niiri, jũgueropũ doti cũurique ca nii jũoriquere ca tii nũnjeeerã méé mani nii, Añuri Yeri wãma wãme cũ ca doti niirije mena pee Æmureco Pacũre tii nũnjeeerugarã.

Ñañarije yũpũre ca niirije

⁷ ¿To docare ñee mani ñĩrãti? ¿“Doti cũurique ñañarije nii,” mani ñĩrãti? ¡Mani ñiti majuropeecãrucu! Doti cũurique ca manijata, ñañarije ca niirijere yũ majitibojacupa. Ìa ùgoriquere yũ majitibojacupa, doti cũurique, “Ìa ùgoticãña,” to ca ñitijata.‡ ⁸ Ñañarije pea, doti cũurique to biro ca ñirije jũori, niipetirije ãa ùgoriquere yũre tii bau niiwũ. Doti cũurique ca manijata, ñañaro tiirique manirore biro biicã. ⁹ Doti cũuriquere ca majitigũ yũ ca niiri cuupũre cati añugũ yũ niiwũ. Doti cũuriquere yũ ca majiro, ñañarije yũ ca tiirique bii bau nii eacãwũ. To biri ca bii yaipũra yũ niicãwũ yua.§ ¹⁰ To biri doti cũurique, catirique yũre ca tiicojoboriquera, ca bii yaipũ yũ ca niiro yũre tiicãwũ. ¹¹ Ñañarije pea, doti cũuriquerena nii eari, ñañaro yũ ca tii bui cutiro yũre tiiwũ. Tee jũori ca bii yaipũra yũ niicãwũ.

¹² O biro mani ñi yapano, añuro petira doti cũuriquea, ca ñañarije manirije nii, ca doti niirije cãa ca ñañarije manirije, díamacũ ca niirije, añurije, nii. ¹³ To docare, ate añurijera, ¿ca bii yaipũ yũ ca niiro yũre to tiicãjapari? ¡Tiitijacupa! Ñañarije, ñañarijera ca niirijere ñĩorugaro, añurije jũorira, ca bii yaipũ yũ ca niiro yũre tiiwũ. O biro biiri, doti cũurique jũori, ñañarije, díamacũra ñañarije peti ca niirijere bii bau nii eacãwũ.

¹⁴ Doti cũuriquea Æmureco Pacũ yee nii. Yũ pea, bojocũ ca tũgoeña tutuatigũ, ñañarijere ca tii nũnjeeerũ noniricũ yũ niicã. ¹⁵ Yũ ca tiirijere yũ tuo majiti. Yũ ca tiirugarijere tiitigũra, yũ ca junarije peere yũ tiicã. ¹⁶ To biri yũ ca junarije peere ca tiigũ niiri, “Doti cũurique, añurijera nii,” yũ ñi. ¹⁷ To biri yua yũ méé yũ nii, teere ca tiigũ. Yũpũre ñañarije ca niirije pee to biro tii. ¹⁸ Yũpũre ca tũgoeña bayitigũ yũ ca niiri upũre añurije unora ca manicãrijere yũ maji; añurije ca tiicãrugagũ nii pacagũ, yũ tii jeeño majiticã. ¹⁹ To biri yũ ca tiirijea, añurije yũ ca tiirugarije méere yũ tii, ñañarije yũ ca junarije peere yũ tii. ²⁰ To biri yua, yũ ca junarijerena yũ ca tiijata, yũ méé yũ tii. Yũpũre ñañarije ca niirije to biro tii.

²¹ O biro ca biirije jũori atere yũ maji: Añurijere yũ ca tiicãrũga pacaro, ñañarije mena wado biicã. ²² Yũ ca tũgoeñarijerũra, Æmureco Pacũ cũ ca dotirijere buaro boo tũgoeña. ²³ To ca bii pacaro, yũ upũpũre apeye ca doti niirijere yũ ãa, ñañarijere ca doti niirije ca niirijere. Ate ca dotirije, yũ ca tũgoeñarije ca dotirije menare ameri quẽe niima ñiro, ñañarijerena yũ ca tii nũnjeeecõa niiro yũre tii.

²⁴ ¡Abé nija yũ niiquĩgũ! ¿Ati upũ mena ñañarije tiicãri yũ ca bii yaipere ñiru peti yũre cũ ametueneguti? ²⁵ Æmureco Pacũ, mani Wiogũ Jesucristo jũori, “Añu majuropeecã,” yũ ca ñigũ wado ametuene majimi. O biirije ca biiro macã, yũ ca tũgoeña niirije mena peera, yũ majuropeera Æmureco Pacũ cũ ca dotirijere yũ tii nũnjee, yũ upũ ñañarije ca tii niiri upũ mena peera, ñañarije ca tii dotirije peere yũ tii nũnjeeecã.

8

Añuri Yeri jũori catirique

† 7:3 Manũ cuti, nũmo cuti, tiiriquere ca doti niirijere bii ametuene nũcãgo méé biimo.

‡ 7:7 Ex 20.17; Dt 5.21. § 7:9 To biri ñañaro bii yairica tabepũ ca waarpũra yũ niicãwũ.

¹ To biri mecūra yua, Cristo Jesús mena ca niirāra ñañoaro cūja ca bii yaipe uno mani. ² Jesucristo juori, Añuri Yeri catirique ca tiicojogu cū ca dotirije, ñañarijere, bii yairiquere, ca doti tutua niirijere yure ametueneu. ³ Umureco Pacu pea, Moisés cū ca doti cūurique do biro ca tii majitirijere tiupi. Do biro ca tiipe méé niupā, bojoca tugoēña bayitima iirā ñañarije cūja ca tii niirije niima iiro. Umureco Pacu cū Macūre, bojocu ñañarijere ca tii niigu ca tugoēña bayitigure biro ca niigu cūre tiicojoui, ñañarije tii niiriquere cū ametuene bojajato iigu. Bojocu ca tugoēña bayitigure biro cūre tiiri, ñañarijere tii yaioupi Umureco Pacu. ⁴ Atere to biro tiupi, doti cūurique añurije ca dotirore biro cūja tii nijato iigu. Mee ñañarije tiiruga tugoēñariquere ca tii nunujeerā méé mani nii, Añuri Yeri cū ca iirore biro pee ca tii niirā mani nii yua.

⁵ Ñañarije ca tiirā, tee pee wadore tiiruga nunujeecā niima. Añuri Yeri cū ca iirore biro ca tiirā pea, Añuri Yeri cū ca boorije pee wadore tiiruga tugoēñama. ⁶ Ñañarije tiiruga tugoēñariquere nucātima iirā, tee pee wadore tiiruga nunujeecā niiriquea, bii yairicaro ca tiirije nii. Añuri Yeri yee peere tijata, añuro nii, cati, biiricaro tii. ⁷ Ñañarije cūja ca tiiruga tugoēñarijere nucātima iirā, tee pee wadore ca tiiruga nunujeecōa niirā, Umureco Pacure ca junarā niima. Cū ca dotirijere booti, tii nunujee majiti, biicāma. ⁸ To biri ñañarije cūja ca tiiruga tugoēñarijere ca nucātirā, Umureco Pacu cū ca iā ujea niirijere tii majitima.

⁹ Mūja pea, ñañarije ca tiirā méé mūja nii yua. Añuri Yeri cū ca boorore biro pee ca tiirā mūja nii, díamacūra Umureco Pacu yuu Añuri Yeri mūjapure cū ca nijata. Cristo yuu Añuri Yerire ca cūotigua, Jesucristo yuu méé niimi. ¹⁰ Cristo mūjapure cū ca nijata, mūja upu pea ñañarije juori ca bii yaipa upu to ca nii pacaro, Umureco Pacu yuu Añuri Yeri pea mūja ca catirije niimi, añurā cū ca tiirije juori.* ¹¹ Cristo cū ca cati tuaro ca tiiricu yuu Añuri Yeri mūjapure cū ca nijata, Cristo cū ca cati tuaro ca tiiricu Umureco Pacura mūja upuri ca bii yairijere wāma catirique tiicojorucumi, cū yuu Añuri Yeri mūjapure cū ca niirije juori.

¹² To biri yu yaarā, jīcā wāme mani ca tii niipe nii. Biropua mani upu ñañarije ca tiirugarije peere mani ca tii niipe méé nii. ¹³ Tee ñañarijere mūja ca tii nijata, ñañoaro tamuo yairica taberu mūja waarucu. Añuri Yeri juori, ñañarije tiiriquere mūja ca tii yaioujata, mūja caticōa niirucu.

¹⁴ Niipetirā, Umureco Pacu yuu Añuri Yeri cū ca majiorore biro ca tii niirā, Umureco Pacu puna niima. ¹⁵ Mūja, ñucā ca uwi duwi yujurā mūja ca niiro ca tiipa yeri méere mūja ñeeupa. Añuri Yeri, Umureco Pacu puna niiricaro ca tiigure mūja ñeeupa. Cū juorira, Umureco Pacure, “¡Abbá! ¡Cáacu!”† mani iī. ¹⁶ Cū, Añuri Yerira mani ca yeri cutirijepure, Umureco Pacu puna mani ca niirijere wede majiomi. ¹⁷ Cū puna mani ca nijata, cū yeere ca cūo nunujeerā niirā mani bii; Umureco Pacu yeere ca cūo nunujeerā, Cristo mena jīcāri cū yeere ca cūo nunujeerā, niirā mani bii, cū mena jīcāri ñañoaro mani ca tamuojata, ñucā cū mena jīcārira añuro mani ca tii nūcā buo ecopere biro iirā.

Jiropu añurije ca niipe

¹⁸ Ati rumurire ñañoaro tamuoriquera, añurije manire ca bii eape menare mani ca iā cōoñajata, mani majuropeecā. ¹⁹ Umureco Pacu cū ca jeeñorique, díamacūra Umureco Pacu puna mani ca niirijere ca bii iño eapa tabere pato wācārique mena yue nii, ²⁰ ñañoaro ca biipe ca niiro ca tii ecorique niiri. Biropua tee majuropeera to biro biitiupa. Umureco Pacu, “To biro biirucu,” cū ca iirique niima iiro to biro biupā. Bii pacaro nii, ²¹ cū ca jeeñorique majuropeera ñañoaro ca tii eco niirijere ametuene ecori, Umureco Pacu puna añurijepu cūja ca ametuene ecori tabere cūja mena ca nii earo ca tiipe.

²² Cū ca jeeñorique niipetirijepura, jīcō nomio macū cutigo puniro cō ca tugoēñarore biro ca biirijere mani maji. ²³ Tee wado méé ñañoaro tamuo, mani, jiro mani ca buaperepepe iigu, Añuri Yerire cū ca tiicojo juoricarāpu cāa to birora ñañoaro mani tamuo, Umureco

* 8:10 Mūja yeri pea caticā, Umureco Pacu, jīcāti uno peera ñañarije ca tiitiricarāre biro mūjare cū ca tiirique juori. † 8:15 Arameo wederique menara “Abbá” iī, “Cáacu,” iiro.

Pacɥ punare biro tii ecori, ñañaro mani ca tamɥori upɥre cɥ ca ametɥenepa tabere yue niirã ɥno. ²⁴ Tee, mani ca yue niirijerena ñirã, mani ametɥene ecowɥ. Yuerique ca bii earijerɥa, yue nemorique méé nii. ¿Ñiru cɥ ca ɥorijerɥre cɥ yuecɔa niigajati? ²⁵ Mani ca ɥotirijere mani ca yue niijata, tɥgoeña bayirique mena to birora mani yuecɔa nii.

²⁶ O biri wãmera, mani ca tɥgoeña bayitirijere manire tii nemomi Añuri Yeri. Jã juu buerica wãme ɥnora mani ñi majiticã, to biro mani ca biiro Añuri Yeri majuropeera do biro ca ñi wede majiña manirije mena, otirique mena, ɥmɥreco Pacɥre manire jã bojami. ²⁷ ɥmɥreco Pacɥ, yeripɥ tɥgoeñarique ca majigɥ niiri, Añuri Yeri cɥ ca ñirɥarijere majicãmi, Añuri Yeria, ɥmɥreco Pacɥ cɥ ca boorore biro cɥ yaarãre cɥ ca jã bojarije ca niiro macã.

Ca ametɥa nɥcã majuropeerã

²⁸ ɥmɥreco Pacɥ, cɥre ca mairãre añurije boojãgɥ, niipetiri wãmeri cãjare ca biiro tiimi, cɥ ca ñiricarore biro to bijato ñigɥ cɥ ca juoricarãre, mani ñi maji. ²⁹ ɥmɥreco Pacɥ, jugueropɥra cɥ ca beje jeericarãre cɥ Macɥre biro ca niiparã cãjare tiupí, cɥ Macɥ pea paɥ ca tuo nɥnɥjeerã watoare cãja jɥwɥ cɥ niijato ñigɥ. ³⁰ To biro biirucuma, cɥ ca ñiricarãre jɥo, cɥ ca juoricarãre, añurã cãja ca niiro tii, añurã cɥ ca tiiricarãre, cɥ ca añu majuropeerijere ca ɥo eparã cãja ca niiro tii, tiimi.

³¹ ¿Atere ñee mani ñirãti? ɥmɥreco Pacɥ mani mena cɥ ca niijata, ¿ñiru ɥno pee ñañaro manire cɥ tiibogajati? ³² Cɥ Macɥ majurope cãare maitigɥra, mani niipetirã mani ca ñañarije juori cɥ ca bii yairo ca tiiricɥ, ¿do biro ñigɥ, cɥ Macɥ mena jicãrira niipetirije manire cɥ tiicojotibogajati? ³³ ¿Ñiru, ɥmɥreco Pacɥ cɥ ca beje jeericarãre “Ñañarije ca tiirã niima,” cɥ ñibogajati? ɥmɥreco Pacɥ niimi, ca ñañarije manirã ca tiigɥ. ³⁴ ¿Ñiru ñañaro cãjare cɥ tiibogajati? Cristo Jesús manire bii yai bojaupi. Nɥcã cati tua biicãri, ɥmɥreco Pacɥ díamacɥ nɥña[†] pee niiri, manire jã boja niimi. ³⁵ ¿Jesucristo manire cɥ ca mairijere, ñiru manire cɥ tuu dica wooguti? Ñañaro tamɥorique, do biro ca bii majiña manirije, ñañaro cãja ca tiiruga nɥnɥjeerije, aɥa boarique, juti boo pacarique, ca uwiorije, ñañaro jã eco yairique cãa, manire tuu dica woo majiti. ³⁶ O biro ñi owarique: “Mɥ yee juori, to cãnacã rɥmɥra ca bii yaiparã jãa niicã. Oveja cãja ca jãparãre biro jãare ñama,” ca ñirore birora.[§]

³⁷ To ca bii pacaro, manire ca mairicɥ juori, ate niipetirijere ca ametɥa nɥcãrã peti mani nii. ³⁸ “Díamacɥra, bii yairique ɥnora, catirique ɥnora, ɥmɥreco Pacɥ pɥto macãrã ɥnora, wãtã ɥnora, mecɥre ca biirije ɥnora, jiro ca biipe ɥnora, ca yeri tutuarã ɥnora, ³⁹ emɥaropɥ ɥnora, ñañaro bii yairica tabe ɥnora, jicã wãme ɥmɥreco Pacɥ cɥ ca jeeñorique ɥnora, mani Wioɥ Cristo Jesús juori, ɥmɥreco Pacɥ manire cɥ ca mairijere manire tuu dica woo majiti,” yɥ ñi.

9

Israelitas're ɥmɥreco Pacɥ cɥ ca ami dica woorique

¹ Jesucristore ca tuo nɥnɥjeegɥre birora ñi ditoricaro maniro, díamacɥ yɥ ñi. Yɥ ca tɥgoeñarije, Añuri Yeri cɥ ca majiorije juori, “To birora bii,” yɥre ñi. ² Yɥ yeripɥ buaro tɥgoeñarique pai, to birora puniro tɥgoeña cɔa nii, yɥ bii. ³ Yɥ majuropeera, “Ñañaro biirucumi,” ñiricɥ nii, Jesucristore ca majitigɥ nii, yɥ biicãrɥgami, yɥ yaarã, yɥ yaa pooga macãrã ⁴ israelitas're ñima ñigɥ. Cãja, ɥmɥreco Pacɥ cɥ ca ami dica wooricarã niipupa. ɥmɥreco Pacɥ, cɥ puna peti cãja ca niiro cãjare tiupí. Cãja menara nii, cɥ ca doti tutuarijere cãjare ñno, tiupí. “Mɥja menare o biro yɥ tii niirucu,” cãjare ñi, cɥ ca dotirijere cãjare cɥu, díamacɥ tii nɥcɥ buerica wãmere cãjare wede majio, ñucã “O biro mɥjare yɥ tiirucu,” cãjare ñiupí. ⁵ Jãa ñicɥ jɥmɥara niipupa, ɥmɥreco Pacɥ yaarã. Cãja yaa puna macɥra bojoca mani ca bii nɥnɥa doorica wãmere biro ñijata, baɥaupí Cristo,

[†] 8:34 Díamacɥ nɥña, Jesucristo do biro ca tiiya manigɥ cɥ ca duwiri nɥña. Salmo 110.1; Mt 22.44. [§] 8:36 Sal 44.22.

niipetirije jotoa Ɖmureco Pacu ca niigu. To birora ñi nucã buocã niiricu cã niijato. To biro to biijato.

⁶ Ɖmureco Pacu, Israel yaa pooga macãrãre, “To biro yu tiirucu,” cã ca ñirique, to birora biicã yerijãa waaro méé bii. Niipetirãpu Israel pãramerã ca niirã israelitas méé niima. ⁷ Ñucã Abraham pãramerã cãja ca niirije juorira, niipetirãpura cã puna niitima. Ɖmureco Pacu o biro cãre ñiupi: “Isaac juori, mu pãramerã cutirucu,” ñiupi.* ⁸ O biro ñijata: “Ɖmureco Pacu puna ca niirã, tii puna macãrã cãja ca niirije juorira cã puna niitima. ‘O biro yu tiirucu,’ cã ca ñiricu puna pee doca, Abraham pãramerã niima,” ñiricarã niima. ⁹ Ate nii Ɖmureco Pacu, “O biro yu tiirucu,” cã ca ñirique: “Ape cãmure ati cuu unora yu doorucu, to cõrore Sara jicã macã cutirucumo,” cã ca ñirique.†

¹⁰ Tee wado méé nii ñucã, Rebeca puna cãa jicãra pacu cutiupa, mani ñicã Isaac wadore. ¹¹ Cãja ca banaparo jũguero, añuriye, ñañariye, cãja ca tiitropura, Ɖmureco Pacu, cã ca boorore biro cã majuropeera cã ca beje amirijere díamacãra to nii eajato ñigu, ¹² bojoca tii niirique juori méé, Ɖmureco Pacu cã ca juogu niiriquere ñigu, o biro cõre ñiupi Rebecare: “Cã jũwu pee cã baire pade coterucumi,” ñiupi, ¹³ o biro ñi owarique ca ñirore birora: “Jacob're yu maiwu. Esaú peera yu juna jañuwu.”‡

¹⁴ ¿Ñee mani ñirãti? ¿To docare Ɖmureco Pacu ñañagu cã niiti? ¿Niitimi! ¹⁵ Ɖmureco Pacu o biro cãre ñiupi Moisés're: “Yu ca ña mairugagure yu ña mairucu. Yu ca boo paca ñarugagure yu boo paca ñarucu,” ñiupi.§

¹⁶ To biri cã ca juorijea, bojocu cã ca boorije juori méé; ñucã cã ca tii bayi niirije juori méé, bii, Ɖmureco Pacu cã ca boo paca ñariye juori pee bii. ¹⁷ Ɖmureco Pacu wederiqueru, Egipto macã wiogure o biro ñi: “Aterena ñigu, mu mena yu ca tutuarijere ñnoruga, wiogu mure yu tiiwu, niipetiri yeparu yu wãmere wede batorique ca niipere biro ñigu,” ñi.* ¹⁸ Tee tiigu Ɖmureco Pacu, cã ca ña maigure ña mai, ca ametuene nucãgura buaro jañuro to birora cã ca biicã nunua waaro tiicãmi.

¹⁹ Mu pea yure mu ñicu: “To docare, ¿Ñee tiigu Ɖmureco Pacu, ‘To biro tiima,’ manire cã ñiti? ¿Ñiru pee cã ca boorijere cã ñi camotabogajati?” mu ñicu. ²⁰ Yu pea o biro mure yu ñi: Mua, ¿“Ñiru mu niiti, Ɖmureco Pacu cã ca tiirijere to biro mu tii,” cãre ñirugu? Maja ca tugoeñajata, ¿diiru, tiiru ca weericure ñee tiigu to biri jotu yure mu tiiri, to ñigajati?†

²¹ Joturi weeri majua, dii jicã burua maquẽrena ca nii majuropeerijere tiirã cõrique, niipetirijere tiirã cãja ca cõori joturi, wee majimi.

²² Ɖmureco Pacu, ñañaro cã ca tiirijere, cã ca tutuarijere, ñnoruga pacagu, ñañaro tii eco, ñañaro bii yairica taberu waa, ca biiparãre tugoeña bayirique mena to birora cãjare ñacãupi. ²³ Ñucã to biro biigua, manire ametuenerugu, buaro manire cã ca mairijere, cã ca añu majuropeerijere, ñiõupi. Jicãtopura manire boo paca ñari, cã mena mani ca niipere biro ñigu manire beje jeeupi. ²⁴ Mania cãjara mani nii, judíos watoare, judíos ca niitirã watoa cãare, Ɖmureco Pacu cã ca juoricarã. ²⁵ Oseas cã ca owarica pũuropu Ɖmureco Pacu:

“Yu yaa pooga ca niitiricarãre, ‘Yu yaa pooga,’ yu ñirucu.

Yu ca maitimiricarãrena, ‘Yu ca mairã,’ yu ñirucu.”‡

²⁶ “‘Yu yaa pooga méé maja nii,’ cãjare cã ca ñirica tabera,

‘Ɖmureco Pacu ca caticõa niigu puna maja nii, ñiricarã niirucuma,’ ” cã ca ñiricarore birora.§

²⁷ Israelitas cãja ca biipe peera o biro ñimi Isaías:

“Israel yaa pooga macãrã jita duparire biro pau nii pacarã, paucã méera ametuarucuma;

²⁸ Wiogua, cã ca ñiricarore birora, yoari méera ati yepa macãrãre ñañaro tiirucumi,” ñimi.*

²⁹ Isaías'ra o biro ñiupi ñucã:

* 9:7 Gn 21.12. † 9:9 Gn 18.10, 14. ‡ 9:13 Gn 25.23; Mal 1.2-3. § 9:15 Ex 33.19. * 9:17 Ex 9.16. † 9:20 Is 29.16; 45.9. ‡ 9:25 Os 2.23. § 9:26 Os 1.10. * 9:28 Is 10.22-23.

“Ɛmureco Pacu niipetirijepurena ca doti tutua niigu, mani Israel yaa pooga macãrãre cū ca duaticãjata,

Sodoma, Gomorra macãrãre biro mani bii yaicã yerijãa waabojacupa,” iïupi.†

Israelitas cūja ca tuo nunujeetirique

³⁰ Atere ¿ñee mani iirãti? Judíos ca niitirã, añurã cūre tii ecorugarã añurije ca tiitirucuricarãrena, díamacū cūja ca tuo nucū buorije juori, añurã cūjare tiïupi Ɛmureco Pacu. ³¹ Israelitas, doti cūurique juori añurã nii eariquere ca amamiricarã pea, añurã nii eariquere bua eatiupa. ³² ¿Ñee tiirã cūja bua eatijapari? Díamacū tuo nucū buorique mena méé teere amaupa, cūja ca tii nunujeerije juori pee, teere amaupa, “Tee menara mani bua eacãrucu” ca iï tũgoeñarãre biro. To biro biima iirã, ãtãgare pua taarãre biro biiupa.‡ ³³ O biro iï owarique ca iïrore birora:

“Íaña, Sión're jĩcãga ãtãga yu cūu, jĩcãga ãtãga bojoca cūja ca puata ñaaro ca tiipagare. Cūre ca tuo nunujeegua boboro tamotirucumi.”§

10

¹ Yu yaarã, yu yeri ca boorije, israelitas're Ɛmureco Pacure yu ca jãi bojarije, “Cūja ametuajato” iigu yu ca iirije nii. ² “Ɛmureco Pacure buaropura ca tii nucū buorugarã niima biirãpua” yu iï, cūja yee maquẽre. Tee peere to biro ca biicãrã nii pacarã, Ɛmureco Pacu yee díamacū ca niirijere biro tiitima. ³ Ɛmureco Pacu añurã cū ca tiirijere majitima iirã, cūja majuro cūja ca tiirije juorira añurã niirugama iirã, Ɛmureco Pacu añurã cū ca tiirijere junaupa. ⁴ Doti cūurique, Jesucristorena bii yapano ea, díamacū cūre ca tuo nucū buorã niipetirã añurã cūja ca nii eapere biro iïro.

⁵ Doti cūurique juori añurã niiriquere o biro iï owaupi Moisés: “Doti cūurique ca iïrore biro ca tii niigua, tee juorira caticõa niiriquere buarucumi,” iïupi.* ⁶ Díamacū tuo nucū buorique juori añurã nii earique peera o biro iï: “Mũja yeripu o biro iï tũgoeñaticãña, ¿ñiru Ɛmureco tutipã cū mua waa majigajati, ñucã Jesucristo cū ca duwi dooro tiirugũ?† ⁷ ¿Ñiru ca ãcũari opepã cū duwi nucã waaguti, Jesucristore ca bii yairicarã watoapã cū ca tua mua dooro tiirugũ?” iï.‡ ⁸ To docare, “¿Ñeere to iïti? Ɛmureco Pacu wederique mu pãtora nii, mu yeripu nii, mu ujerorena nii, bii,” iï doca.§ Ate nii díamacū tuo nucū buorique maquẽre jãa ca wederije. ⁹ Mu ujero mena, “Wiogũ niimi Jesucristo” iï, mu ca tũgoeña niirijepũ, “Ca bii yairicarã watoare cū ca cati tuaro tiïupi Ɛmureco Pacu,” mu ca iï tuo nunujeejata, mu ametuarucu. ¹⁰ Añurã niiriquere bua earugarã, yeripu mena díamacū tuo nunujee, ametuariquere bua earugarã, ujero mena, “Wiogũ niimi Jesucristo,” iï, iirique nii.

¹¹ Ɛmureco Pacu wederique o biro iï: “Niipetirã cūre ca tuo nunujeerã, boboro tamotirucuma” iï.* ¹² To biri judíos, judíos ca niitirã menare, ameri ãa dica woorique mani. Cū, Wiogura, niipetirã Wiogũ niimi, tii nemorique cūre ca jãirã niipetirãre, niipetiro añurije cūja ca bua earo tiimi. ¹³ To biri: “ ‘Wiogũ jãare ametueneña,’ cūre ca iï jãirã niipetirã ametuarucuma,” iï.†

¹⁴ ¿Do biro pee biicãri, cūja ca tuo nunujeetiricurena, “Jãare tii nemoña,” cūja iïbogajati? ¿Cū yeere tuo ñaati pacarã, do biro pee tiicãri cūre cūja tuo nunujeebogajati? ¿Cū yee maquẽre cūjare wederi maja cūja ca mani pacaro, do biro pee tiicãri cūja tuobogajati? ¿Cū ca wede doti cojoricarã niiti pacarã, ¹⁵ do biro tiicãri añurije quetire cūja wedebogajati? O biro iï owarique nii: “Añurije peti nii, queti wederi majũ añurije queti ca jee doogure jãi bocarique,” iï.‡

¹⁶ To ca bii pacaro, israelitas niipetirãpura añurije quetire tuo nunujee, tiitiupa, Isaías o biro cū ca iï owaquĩricarore birora: “Wiogũ, jãa ca wederijere, ¿ñiru pee cū tuo

† 9:29 Is 1.9. ‡ 9:32 To biri Jesucristore tuo nunujeetima iirã, ãtãga pua taarãre biro biiupa.

§ 9:33 Is 8.14; 28.16. * 10:5 Lv 18.5. † 10:6 Dt 30.12. ‡ 10:7 Dt 30.13. § 10:8 Dt 30.14. * 10:11 Is 28.16.

† 10:13 “Wiogure tii nemorique ca jãirã niipetirã ametuarucuma.” Jl 2.32. ‡ 10:15 Is 52.7.

nunujeejapari?”[§] ¹⁷ To biri díamacū tuo nūcū buoriquea, añurije quetire tuorique juori nii ea. Queti tuorique pea, Jesucristo yee maquēre wederique nii.

¹⁸ Yū pea o biro yū īi jāiña: ¿Añurije quetire cūja tuotibujapari? †Tuojacupa! Umureco Pacu wederique o biro īi:

“Añurije quetire, niipetiri taberipū wedeupa. Cūja ca wederije ati yepa ca nii eyori taberipū ea peticoa,” īi.*

¹⁹ Yū jāiña nemo ñucā: ¿To docare israelitas, teere cūja tuo puotibujapari?† Ca nii juori tabere o biro īimi Moisés:

“Yū yaa pooga macārā ca niitirāre mūja ca īa tutiro yū tiirucu; ca tuo jeeñotiri pooga macārā mena mūja ca ajiaro yū tiirucu,” ‡ īimi.

²⁰ Ñucā Isaías pea o biirije īimi:

“Yūre ca amaaticarā yūre cūja ca buaro yū tiiwū.

Yūre ca jāiña amaaticarāre yūre cūja ca majiro yū tiiwū,” īimi. §

²¹ Israelitas yee peera o biro īimi:

“Tuo nunujeeti, ametuene nūcā, ca biiri poogare umureco yoari rūmū yū amorire yū juu cojo niimiwū,” īimi.*

11

Israelitas ca nii dujarā

¹ To biri yū jāiña: ¿Umureco Pacu, cū yaa poogare junagu cū tiibujapari? †Junatijacupi! Yū cāa, israelitara, Abraham pārami, Benjamín yaa puna macū, yū nii. ² Mee jīcātopūra Umureco Pacu, “Yū yaa pooga macārā niirucuma,” cū ca īiricarāre junatiupi. ¿Mūja, Elías, Umureco Pacu cū ca jāi juu buerije mena, israelitas're cū ca wedejārique, o biro īi owarique ca īirijere mūja majititi? O biro īiupi: ³ “Upū, mū jaarā mū yee queti wede jūgeri majare jīa bate, mūre tii nūcū buorā waibucurā joe mūenerica tuturi cāare paa abo bate, tiima. Yū jīcūra yū cati dūja. Ñucā yū cāare jīarugama,” īiupi Elías.* ⁴ To biro cū ca īiro, Umureco Pacu pea o biro cūre īi yūupi: “Yū jaarā ca niiparāre siete mil peti Baal're jīcāti uno peera ca īi nūcū buotiricarāre yū jee dica woowū,” īiupi.† ⁵ To biri wāmera mecūri cāare, Umureco Pacu, cū ca mairije mena cū ca beje jeericarā israelitas jīcārā dūjama. ⁶ Cū ca īa mairije juori cū ca beje amijata, añurije tii niirique juori méé bii. Too to ca biijata, Umureco Pacu cū ca mairije, cū ca mairije méé niicābojacupa.

⁷ To docare ¿do biro mani īirāti? Israelitas, cūja ca amariquere bua eatiupa. Umureco Pacu cū ca beje jeericarā pea bua eaupa. Ca tuorugātirā pea to birora cūja biicājato īi ecocāupa. ⁸ O biro īi owarique ca īirore birora:

“Cūja ca cati tūgoeña niirijepū ca tuo jeeño majitirā cūjare tii, ca īa jeeñotirije cūja capere tii, ñucā cūja amoperi cāa ca tuo jeeñotirije ca niiro tii, cūjare tiupi Umureco Pacu. To biri ati rūmūripū cāare to birora biicāma,” īi. ‡

⁹ David cāa o biro īiupi:

“Cūja boje rūmūrira yoo yuericarore biro cūjare ca bii buiyeerije to jeeñacājato, teerena tii bui cuti, ñañaro cūja ca tii ecopere biro īiro.

¹⁰ Cūja ca īatipere biro īiro, cūja cape macūri to yati nūcācoajato.

Cūja jōcūri cāa ca tūa mutīariquera to niicōa niijato,” īi. §

Judíos ca niitirā cūja ca ametuarije

¹¹ Mecūra o biro yū īi jāiña: ¿Judíos, to birora tuo nunujeeticā yerijāa waarā cūja biijapari? Biitijacupa. Cūja ca bii ametuene nūcārije juorira, judíos ca niitirā peere cūja ca ametuape nii eaupa, israelitas teere cūja ca uwa jeero tiirugaro. ¹² Cūja ca bii ametuene nūcārijera, niipetirāpūre cūja ca tūgoeña wajoaro tii, cūja ca junariquera

§ 10:16 Is 53.1. * 10:18 Sal 19.4. † 10:19 ¿Teere cūja īa majitibujapari? ‡ 10:19 Dt 32.21. § 10:20 Is 65.1. * 10:21 Is 65.2. * 11:3 1R 19.10, 14. † 11:4 1R 19.18. ‡ 11:8 Dt 29.4; Is 29.10. § 11:10 Sal 69.22-23.

judíos ca niitirãre cūja ca ametuaro to ca tiijata, ñucã cū jaarã cūja ca nii eajata docare, ametuenero añurije cūjare biirucu.

¹³ Mecūra, mūja judíos ca niitirãre yu ñi: Mūja yu, añurije quetire wederi majure birora yu paderiquere núcū bñorique mena yu tii, ¹⁴ ape tabera yu jaarã mūjare ña peju cuti, tuo nññjeema ñirã, jïcãrã cūja ca ametuaro yu tiibocu ñima ñigu. ¹⁵ Cūre cūja ca junariquera, bojoca, Æmureco Pacu menare añuro cūja ca nii earo tiupa. Æmureco Pacure cūja ca tuo nññjee eajata, ca bii yairicarã cati tuarãre biro biirucuma. ¹⁶ Trigo weta buruare jïcã tabe, “Æmureco Pacu yee niirucu,” ñi ami dica woo jñojata, niipetirorura añuri burua niipeticoa. “Yucugu núcō Æmureco Pacu yaa núcō niirucu,” ñi ami dica woorique to ca niijata, ca ðupuri cãa jee dica wooriqueru tuacã.*

¹⁷ To biicãri yua, añuro petira jïcã ðupuri paa taa cõa ecoupa. Mū pea olivogu macãnúcū macãgu nii pacagu, ape ðupuri watoare mū tuu ecoupa.† O biro biicãri, olivogu majuropeepure puto cuti, tiigu ca cati niimore birora catiro jãña, mū bii eaupa.‡ ¹⁸ To biri olivogu ðupuri majurope ametuenero ca nii majuropegure biro tũgoeñaticãña. To biro mū ca ñijata, “Ca ðupuri méé ca núcõrire jño cati nii, ca núcõri pee yu ca cati niiro yure tii,” ñi majiña.

¹⁹ Ape tabera o biro mū ñicu: “Jïcã ðupurire paa jude cõaupi, yu peere tuu wajoarugū,” mū ñicu. ²⁰ To birora bii. Cūja ca tuo nññjeetirije jñori paa jude cõa ecoupa. Mū pea díamacū mū ca tuo núcū bñorije jñori tii tabere mū nii. To biri “O biro ca biigu yu nii,” ñitigura, Æmureco Pacure ca ñi núcū bñogu niiña. ²¹ Æmureco Pacua, cū jaarã majurope cãare cū ca ña boo pacatijata, mūja cãare ña boo pacatirucumi. ²² Æmureco Pacu cū ca bojoca añurijere, ñucã ñañaro ca tiigu cū ca niirijere, majiña. Cūre ca tuo nññjeetiricarãre ñañaro ca tiigu nii, mūja mena peera ca bojoca añugu nii, biimi. Cū ca bojoca añurijere to birora mūja ca tuo nññjeecõa niitijata, mūja cãa, mūja paa taa cõa ecocoarucu. ²³ Judíos, ca tuo nññjeerugatirã cūja ca niirijere cūja ca yerijãajata, ñucã cū jaarã cūja ca niiro cūjare tiicãrucumi. Æmureco Pacua, paa taa cõarica ðupure ca tuu queno majigu niimi. ²⁴ Mūja, macãnúcū macãgu olivogu ðupure paa taari, otericagu olivogupure, tiigu ðupu niiti pacarã mūja ca tuu ecojata,§ judíos tiigu ðupu majurope ca niirã doca, amaricaró maniro tiigu ðupu ca niiro tii ecorucuma.

Israelitas cūja ca ametuape

²⁵ Yu jaarã, ate ca majiña maniriquere, “O biro ca biirã jãa nii” mūja ca ñitipere biro ñigu, mūja ca majiro yu boo. Israelitas jïcãrã Æmureco Pacure tuo nññjeetiupa. Ména to birora biicõa niirucuma, judíos ca niitirã, Æmureco Pacure cūja ca tuo nññjee petirorū. ²⁶ O biro cūja ca biiro, israelitas niipetirã ametuene ecorucuma, o biro ñi owarique ca niimore birora:

“Bojocare ca ametuenequ Sión* macū doorucumi,
Jacob pãramerã ñañarije cūja ca tii niirijere cõa bojacãrucumi.

²⁷ Ate niirucu cūja menare yu ca tiipe, cūja ca ñañarijere yu ca ametueneri tabere,”† ñi.

²⁸ Añurije queti mena peera, israelitas, Æmureco Pacu waparã niima, mūja pee añuro mūja ca niipere ñirã. Beje jeericarã cūja ca niirije peera, Æmureco Pacu cū ca mairã niima, cūja ñicũaru cū ca jñoricarã pãramerã niiri. ²⁹ Æmureco Pacua, cū ca tiicojorijera êmatimi. Ñucã cū ca jñoricarã niirique cãare wajoatimi. ³⁰ Jñugueropure mūja cãa, Æmureco Pacure ca tuo nññjeetirã mūja niupa. Mecūri peera israelitas cūja ca tuo nññjeetirije jñori, Æmureco Pacu cū ca ña mairã mūja nii ea. ³¹ To birora anija cūre ca tuo nññjeetirã cãa, mecūra ña mai ecorucuma, Æmureco Pacu mūjare cū ca maiore birora.

* 11:16 Núcō ca ñañarije maniri núcō to ca nii eajata, ca ðupuri cãa ca ñañarije manirijera nii. † 11:17 Judíos ca niitirã, olivogu macãnúcū macãgu ðupurire biro ca niirã peere tuu wajoagure biro tiupi. ‡ 11:17 Judíos olivogu majuro peere biro ca niirãre ñi cõoñagu cū ca ñirique nii. § 11:24 Amaricaró maniro Æmureco Pacu jaarã nii eacãrucuma ñucã. * 11:26 Jerusalén. † 11:27 Is 59.20-21; 27.9; Jer 31.33-34.

³² Ɖmureco Pacu, niipetirãpurenca ca tuo nunujeetirã cūja ca niiro tiupi, niipetirãpurenca ĩa mairugu.

³³ Ɖmureco Pacu yee añurije maquẽ ca niirije, cū yee majirique, tuo puorique, do biro ca tiya manirije peti to niicãti! ƉNo cõro peti cū ca tiirugarijere wede majio majiña mani, cū ca tiirijere tuo puoti, biirique to niiti!

³⁴ ƉÑiru pee Wiogu cū ca tugoeñarijere cū majiti? ƉÑiru cū niupari, cūre ca wede majioricu?†

³⁵ ƉÑiru pee Ɖmureco Pacure apeye uno cūre cū tiicojo juojapari, jiro cūre tuene ecorugu?§

³⁶ Niipetirije cū ca jeeñorique cū juorira nii, cū yeera nii, bii. ƉTo biri to birora cūre mani baja peo nucū buocõa niico!

To biro to biijato.

12

Wãma catirique

¹ To biri yu yaarã, Ɖmureco Pacu cū ca ĩa mairije juori, muja upurire ca catirijerena cūre tiicojo nucū buorãre biro, ca ñañarije manirije, Ɖmureco Pacu cū ca ĩa biijejarije, “Cūre tiicojo nucū buoya,” mujare yu ĩi jã. * Ate nii díamacūra cūre tii nucū buorã peti muja ca tiimiirije. ² Ati cuu macãrãre biro biiticãña. Biitirãra, muja ca tugoeñarijere wajoaya, muja ca biirique cuti niirije ca wajoapere biro ĩirã. O biro biirã, Ɖmureco Pacu cū ca boorije añurije, ĩa biijejarique, díamacū ca niirijere, muja majirucu.

³ Cū ca añurije juori, yure cū ca wede doti cojorique ca niiro macã, muja niipetirãre: “Ɖcū uno peera, cū ca biirijere cū ca tugoeña niirijere, ametueneropu cū tugoeñaticãjato,” yu ĩi. Biitirãra, díamacū tuo nucū buorique juori, tii maji niiriquere Ɖmureco Pacu mujare cū ca tiicojorique ca niiro cõrora cūja tugoeñajato. ⁴ Mani ca niiro cõrora jĩcã upurenca pau taberi ca niiri upu mani cuo. Bii pacaro tee niipetirijepura jĩcã wãmera tiiti. ⁵ To birora mani cãa, pau nii pacarã Jesucristo wadore jĩcã upura mani nii ea. Mani ca niiro cõrora jĩcãri mena añuro mani ameri tii nemo.

⁶ Bojorica wãmeri wado tii majiriquere mani cuo, Ɖmureco Pacu manire cū ca tiicojorugaricarore birora. To biri jĩcure, ca biipere wede juguerique to ca niijata, díamacū cū ca tuo nucū buorore biro cū wedejato. ⁷ Tii nemo majiriquere cū ca tiicojo ecojata, añuro mena cū tii nemojato. Bue majoriquere cū ca tiicojo ecojata, cū bue majiojato. ⁸ Aperãre cūja ca tugoeña bayiro tii majiriquere cū ca tiicojo ecojata, cūja ca tugoeña bayiro cū tiijato. Ca boo pacarãre tii nemo majiriquere cū ca tiicojo ecojata, añuro tugoeñarique mena cū tiicojojato. Juo niiriquere cū ca tiicojo ecojata, añuro cū juo niijato. ĩa boo pacariquere cū ca tiicojo ecojata, ujea niirique mena cū tiijato.

Mairique

⁹ Muja ca niiro cõrora mai ditoricaro maniro ameri mai niĩña. Ñañarijere juna, añurije peere tii nunujeeya. ¹⁰ Muja ca niiro cõrora jĩcã punare biro ameri mai niĩña, nucū buorique mena añuro ameri ĩi nucū buo niiri.

¹¹ Junañe bucãrã niiticãña. To biro biitirãra, añuro yeri cuticãri Wiogure to birora cūre tii nucū buocõa niĩña. ¹² Muja ca yue niirijere ĩirã, añuro ujea niĩña. Ñañaro tamuorã, tugoeña bayi ametuene nucãcãña. Juu bue yerijãaticãña.

¹³ Jesucristore ca tuo nunujeerã cūja ca boo pacarijere cūjare tii nemoña. Muja puo ca earãre añuro cūjare ñeeña.†

¹⁴ Ñañaro mujare ca tiiruga nunujeerãre, Ɖmureco Pacu añuro cūjare cū tiijato ĩirã, cūjare jã juu bue bojaya. “Ñañaro muja biirucu,” ĩitirãra, “Añuro mujare to biijato,” cūjare ĩĩña.

¹⁵ Ca ujea niirã mena ujea niĩña. Ca otirã menare otiya.

† 11:34 Is 40.13. § 11:35 Job 41.11. * 12:1 “Ɖmureco Pacu cū ca boorore biro pee niĩña,” mujare yu ĩi. † 12:13 He 13.2; 1P 4.9.

¹⁶ Jĩcã majare biro añuro niirique cõtĩ nĩĩña. “Do biro ca tiiya manirã jãa nii,” ïi tũgoeñatirãra, watoa macãrã cũja ca niirique cõtĩrijere biro nĩĩña. “Ca majirã jãa nii,” ïi tũgoeñaticãña.

¹⁷ Jĩcũ peerena, ñañaro cũ ca tiiricarore birora, ñañaro cũre tii ameticãña. Niipetirã cũja ca ãa cojoro añurijere tiirũga nĩĩña. ¹⁸ Tiirique unora to ca niijata, no mũja ca tii bayiro cõro niipetirã mena añuro nĩĩña. ¹⁹ Yũ yaarã, mũja majuropeera ñañaro tii ameticãña. Tiitirãra, “Umũreco Pacũ pee ñañaro cũ tii amejato,” ïicãña, owarique o biro ïi: “Yũ yee nii ñañaro tii amerique; yũ, yũ ame bojarucu,” ïimi Umũreco Pacũ.[‡] ²⁰ O biro ïi:

“Mũre ca ãa tutigũ cũ ca aũa boajata, cũre baarique ecaya. Cũ ca oco jinirũgajata cãare, cũre oco tĩña.

To biro tiigũ cũ ca biirique cõtĩrijere buaro cũ ca bobo tũgoeñaro mũ tiirucu,” ïi.[§]

²¹ Ñañarije pee mũre ca bii ametua nucãro tiiticãña. To biro biitigura, añurije mena pee ñañarijere ca bii ametua nucãro tiiya.

13

Uparãre nucũ buorique

¹ Uparã cũja ca dotirijere niipetirã ca tii nunũjeepe nii. Doti maji niiriquea Umũreco Pacũ cũ ca tiicojorije nii. Uparã, Umũreco Pacũ cũ ca cũurã niima. ² To biri uparãre ca ametuene nucãgua, Umũreco Pacũ cũ ca dotirijere bii ametuene nucãgu tiimi. To biro ca biirã, cũja majuropeera ñañaro cũja ca biipere bii bui cõtĩrã tiima. ³ Uparã, añurije ca tii niirãre cũja ca uwi tũgoeñaro ca tiirã méé niima. Ñañarije ca tiirã peere biima. ¿Uparãre uwi tũgoeñaricaró maniro mũ niirũgati? Añurijere tii nĩĩña. To biro biigũ, añuro cũjare mũ ïi ecorucu. ⁴ Cũa, añuro mũ ca niipere ïigũ, Umũreco Pacũ yũ paderi majũ niimi. Ñañarije mũ ca tiijata docare, ca uwipũ mũ nii. Watoara ñañaro ca tiirã méé niima. Umũreco Pacũ yeere paderi majũ niiri, ñañaro ca tiigũre, ajiarique mena ñañaro ca tiipũ niigũ tiimi. ⁵ Tee jũori, uparãre ca tuo nunũjeepera niiro bii, buari ñañaro cũja ca tiirijere tamũorũgatirã wado méé, tũgoeña niiriquepũ ca biirije jũori. ⁶ Teerena ïirã, niirique wapare mũja wapa tii. * Uparã, Umũreco Pacũ yeere tiiri maja niima. Teera nii cũja ca tii niirije.

⁷ Mũja ca niiro cõrora mũja ca wapa moorijere wapa tiiya. Tii nemorique maquẽre wiogũre mũja ca wapa moojata, wapa tiiya. Niirique wapare mũja ca wapa moojata cãare wapa tiiya. Mũja ca nucũ buoparã cũja ca niiro macã, cũjare nucũ buoya. Cũja ca tiirije cãare ãa nucũ buoya.

⁸ Mũja ca ameri maitirije watoarena, jĩcũ unõ mena peerena wapa mooticãña. Cũ pũto ca niigũre ca maigua, doti cũuriquere tii peoticãmi. ⁹ Doti cũurique o biro ïi: “Nũmo cõtĩ, manũ cõtĩ, bii pacarã, tii epericarã cõtiticãña; jãaticãña; jee dutiticãña; ãa ugoticãña,” ïi.[†] Ate, to biri apeye doti cũurique ca niirije, ate wadorenã nii ea: “Mũ pũto ca niigũre, mũ upũre mũ ca mairore birora maiña.”[‡] ¹⁰ Mairiquea, bojocare ñañaro tiiti. Mairiquea, doti cũurique ca ïirore biro tii peoticã.

¹¹ Tee tiirã, mani ca niiri cuure majiri ate niipetirijere tii nĩĩña. Mee, ca cãñirãre biro mani ca biirijere wãcãrica tabe niicoa. Mecũra, añurije quetire mani ca tuo nunũjee jũorica tabe menare mani ca ametuape cõñacã doo. ¹² Nami ca niimijãrije boecoaro bii. To biri naitiaropũ niirãre biro mani ca tii niirucurijere tii yerijãari, ca boero beju cõtĩrique peere mani jee upaco. ¹³ Umũrecore ca tii niirãre birora, bojoca catiri mani bii niico. Baa paca duwi yuju, cũmu cũa yuju, unũa, nomia, tiirica wãme cõro méé tii epericarã cõtĩ, ñañarije tii jeyaariquere, jĩcãri cõro ca nii majiña manirijere, ãa tutiriquere, ca tii niitiparã mani nii. ¹⁴ To biro biitirãra, Wiogũ Jesucristore biro pee biiya, upũ, ñañarije tiirique ca boorijere tiirũga tũgoeñatirãra.

[‡] 12:19 Dt 32.35. [§] 12:20 Pr 25.21-22. ^{*} 13:6 Impuestos. [†] 13:9 Ex 20.13-15, 17; Dt 5.17-19, 21. [‡] 13:9 Lv 19.18.

14

Díamacū ca tʉo nʉcū bʉo bayitirā

¹ Díamacū ca tʉo nʉcū bʉo bayitigure wede pairugarā méé añuro tii quenoña. ² Jīcārāre, díamacū cūja ca tʉo nʉcū bʉorije, niipetirije cūjare baa doti. To biro ca bii pacaro niima, díamacū ca tʉo nʉcū bʉo bayitirā, ote wado ca baarā. ³ Niipetirije ca baagua, niipetirije ca baatigʉ peere cū ĩa junaticājato. Niipetirije ca baatigʉ pee cāa, niipetirije ca baagu peere cū wede paiticājato. Mee, ʉmʉreco Pacʉ cū ca mairicʉ niimi. ⁴ ¿Mʉa ñiru mʉ niiti, apīre ca pade cotegʉpʉre wede pairugʉ? Añurije, ñañarije, cū ca tiijata cāare, cū wiogʉ majimi. Biigʉpʉa tʉgoeña tutuacōa niirucumi. Wiogʉa, tʉgoeña tutuacōa niiricaro ca tii majigʉ niimi.

⁵ Niima, jīcā rʉmʉre ape rʉmʉri ametʉenero, “Ca nii majuropeeri rʉmʉ nii,” ca ĩirā. Niima ñucā, “Niipetiri rʉmʉripʉra, jīcā rʉmʉre birora biicā,” ca ĩirā. Mʉja ca niiro cōro, mʉja ca tʉgoeñari wāmere biro tii niña. ⁶ No ca niiri rʉmʉrena “Ca nii majuropeeri rʉmʉ nii” cū ca ĩijata, Wiogʉre tii nʉcū bʉorugʉ tiimi. Ñucā ca ĩitigʉ cāa, Wiogʉrena tii nʉcū bʉogʉ tiimi. Niipetirije ca baagu cāa, Wiogʉre nʉcū bʉogʉ tiimi. To biri ʉmʉreco Pacʉre, “Añu majuropeecā” ĩimi. Niipetirije ca baatigʉ cāa, Wiogʉre tii nʉcū bʉogʉra tiimi. Cū cāa, ʉmʉreco Pacʉre, “Añu majuropeecā” ĩimi.

⁷ Jīcū mani mena macū ʉno peera cū yeere cati, ñucā cū yee majuro peere bii yai, biitimi. ⁸ Mani ca cati niijata, Wiogʉ jaarā mani nii. Ñucā bii yairā cāa, Wiogʉ jaarāra mani niicā. To biri cati niirā cāa, bii yairāpʉ cāa, Wiogʉ jaarāra mani niicā. ⁹ Teere ĩigʉra, bii yai, cati tua, biupi Cristo, ca catirāre, ca bii yairicarā cāare, cūja Wiogʉ niirugʉ.

¹⁰ Mʉa, to docare, ¿ñee tiigʉ mʉ yee wedegʉre mʉ wede paiti? ¿Ñee tiigʉ cūre mʉ ĩa junati? Mani niipetirāpʉra ʉmʉreco Pacʉ cū ca ĩa bejeri tabere mani ca eapera niiro bii.

¹¹ O biro ĩi owarique nii:

“Yʉ ca catirore birora biirucu, yʉ ĩi,” ĩimi Wiogʉ.

“Yʉ jʉguerore niipetirā ājʉro jupeari mena ea nuurucuma.

Ñucā bojoca poogaari cōrora ʉmʉreco Pacʉre baja peo nʉcū bʉorucuma,” ĩi.*

¹² To biri mani ca niiro cōrora, niipetirije mani ca tii niiriquere ʉmʉreco Pacʉre mani wederucu.

¹³ To biri ca ameri wede paitiparā mani nii. To biro ĩitirāra, mʉja yee wedegʉ ñañaro cū ca biiro ca tiirijere tii buiyeeti, díamacū cū ca tʉo nʉcū bʉorijere ca bii camotarijere tiiti, biiya. ¹⁴ Yʉ, Wiogʉ Jesús're ca tʉo nʉnʉjeegʉre birora, jīcā wāme ʉnora tee majuropeera ñañarije ca niitirijere yʉ maji.† Jīcā wāme ʉnore, “Ñañarije nii,” ca ĩi tʉgoeñagʉra, to biirijera biicu, to biirije ca tʉgoeñagu wadore. ¹⁵ Mʉ ca baarije jʉorira, mʉ yee wedegʉ cū ca tʉgoeñarique paio mʉ ca tiijata, ameri maīrica wāme méere tiigʉ mʉ tii. Mʉ ca baarije jʉorira mʉ yee wedegʉ, Cristo cū ca bii yai bojaricʉ cū ca yairo tiiticāña.

¹⁶ Añurijere mʉja ca tiirijerena, ñañaro cūja ca wede paio tiiticāña.‡ ¹⁷ ʉmʉreco Pacʉ cū ca doti niirijea, baa, jini, tiirique jʉori méé bii. Añurije, añuro niirique, ʉjea niirique, Añuri Yeri jʉori bii niirique pee nii. ¹⁸ O biri wāme Jesucristore ca tii nʉnʉjeegʉa, ʉmʉreco Pacʉ cū ca ĩa biijejaro tii, bojoca cāare, “Añugʉ niimi,” ĩi eco, biimi.

¹⁹ Tee tiirā añuro niirique, añuro nii nʉnʉa waaricaro ca tiirije peere mani tii niico.

²⁰ Baarique jʉorira, ʉmʉreco Pacʉ, ca ametʉaparā cūja ca niiro cū ca tii niirijere ca yai nʉcāro tiiticāña. Baariquea, niipetirijepʉra añurije wado nii. Ñañarijea, mani ca baarije jʉorira aperāre ñañaro cūja ca biiro mani ca tiirije pee nii. ²¹ Waibʉcʉ díre baati, ʉje ocore jinititi, mʉ yee wedegʉ ñañaro cū ca tiiro tii buiyeetirique pee añu.

²² Tee tiigʉ, díamacū mʉ ca tʉo nʉcū bʉo niirijere, mʉ, ʉmʉreco Pacʉ mena wadore bii niña. ʉjea niimi, cū ca tii niirijere, cū ca tʉgoeña niirijepʉ, “To biro mʉ tii,” ca ĩi ecotigʉ.

²³ Cū ca baarijere tʉgoeñarique pairo ca baagua, tee jʉorira wapa tuami, díamacū cū ca

* 14:11 Is 45.23. † 14:14 “Baariquea tee majuropeera ñañarije niiti”. ‡ 14:16 Mʉ ca tʉgoeñajata peera, añurije ca niiro macā mʉ ca tiirije jʉorira mʉ yee wedegʉ Cristore ca tʉo nʉnʉjeegʉ ñañarije cū ca tiiro tiicāri, aperā ñañarije mʉjare cūja ca ĩi wede paio tiieto.

tuo nəcũ buorore biro tiitima iigu. Niipetirije, díamacũ tuo nəcũ buoricarore biro ca tiiya manirijea, ñañarije nii.

15

Cristo cũ ca biiricarore biro bii nənũjeerique

¹ Mani, ca tũgoeña tutuarã, manire ca biijejarije peere tiirica tabe unora, ca tũgoeña tutuatirãre ca tii nemoparã mani nii. ² Mani ca niiro cõrora, mani puto macãrã cũja ãa biijearo ca tiiparã mani nii, cũja yee añurije, añuro cũja ca nii nənũa waaro tiirũgarã. ³ Jesucristo cãa, cãre ca biijejarije wadore amaatiupi. O biro ñi owarique ca ñi rore birora: “Ñañarije ca ñi tutirã ñañarije mure cũja ca ñi tutirije, yũpũ wadore ñaatuawũ” ca ñi rore biro.* ⁴ Jũgueropũ cũja ca owarique niipetirijere, manire ca wede majiopere owaupa, tee, ca tũgoeña tutuarã manire ca tiirije jũori, mani ca yue niirijere pato wãcãricaro maniro mani ca yue niipere biro ñirã. ⁵ Ɛmũreco Pacũ, tũgoeña bayi, pato wãcãti, biiricaro ca tiigu, jĩcãri mena añuro nii, Cristo cũ ca biiricarore biro mũja ca biiro cũ tiijato, ⁶ jĩcũ peere biro yeri cuti, jĩcãri mena Ɛmũreco Pacũ, mani Wioũ Jesucristo Pacũre baja peo, mũja ca tii nəcũ buopere biro iigu.

⁷ To biri mũja ca niiro cõro añura, añuro ameri tiiya, Ɛmũreco Pacũ añuro ñi nəcũ buoricũ cũ ca niipere iigu, Jesucristo añuro mũjare cũ ca tiiricarore birora. ⁸ Jesucristoa, judíos're pade coteri majũ niupi, Ɛmũreco Pacũ cũ ca ñi rore biro ca tiigu cũ ca niirijere ñĩori mani ñicũpũre, “To biro yũ tiirucu,” cũ ca ñi riquere cũ ca ñi ricarore birora to biijato iigu. ⁹ Ñucã judíos ca niitirã cãa Ɛmũreco Pacũ cũ ca ña mairije jũori, cãre cũja ca baja nəcũ buopere biro iigu dooupi, o biro ñi owarique ca ñi rore birora: “Tee tiigu judíos ca niitirã watoare mure yũ ñi nəcũ buorucu.

Mũ wãmere yũ baja peorucu.”†

¹⁰ Ñucã ape tabe o biro ñi:

“Ɛmũreco Pacũ jaarã mena ujea niĩña judíos ca niitirã.”‡

¹¹ Ñucã o biro ñi:

“Niipetirã bojoca poogaari, Ɛpũre ñi nəcũ buoya. Bojoca cõrora Ɛpũre baja peoya.”§

¹² Isaías cãa o biro ñi owaupi:

“Isaí yaa punare jĩcũ baũarucumi, niipetirã bojoca poogaarire ca jũo niipũ.

Bojoca cõrora, ‘Manire ca ametũenerũ niimi,’ ñi yuerucuma,”* ñi.

¹³ Ɛmũreco Pacũ, yue niiricaro ca tiigu, mũja, díamacũ cãre ca tuo nəcũ buorãre, ujea niirique, añuro niirique, mũjare cũ tiicojojato, Añuri Yeri cũ ca tutuarije jũori, nemo jañuro ca tũgoeña tutua yue niirã mũja ca niipere biro iigu.

Pablo, judíos ca niitirãre añurije queti wederi majũ

¹⁴ Yũ jaarã, yũa díamacũra, “Ca bojoca añurã, niipetirije ca majirã, ca ameri wede majio majirã niima,” mũjare yũ ñi. ¹⁵ To biro mũja ca bii pacaro jĩcã wãmeri mũjare ca dũjarije jũori, “Yũ iĩcãre,” ñiri méé, díamacũ yũ ñi owa cojo, mũja ca acobotipere biro iigu. Atere to biro yũ tii, Ɛmũreco Pacũ, cũ ca añu majuropeerijere cũ ca tiicojoricũ, ¹⁶ judíos ca niitirãre, añurijere boojãgũ Cristo Jesús're pade bojari majũ cũ ca tiiricũ niiri. Pai niigu yũ ca paderijea, Ɛmũreco Pacũ yee añurije quetire yũ ca wederije nii, judíos ca niitirãre Añuri Yeri, ca ñañarije manirã cũjare cũ ca tiirije jũori, Ɛmũreco Pacũre tiicojo nəcũ buorique cũ ca ña biijejarijere biro cũjare tiirũgũ.

¹⁷ To biri yũra, Ɛmũreco Pacũ yeere yũ ca pade niirijea, Cristo Jesús jũori, “To biro ca biigu yũ nii,” yũ ca ñirije nii. ¹⁸ Judíos ca niitirã Ɛmũreco Pacũre cũja ca tuo nənũjeero tiirũgũ, Jesucristo yũre cũ ca tiirique ca niitirijepũra yũ wedeti. To biri wederique, yũ ca tii niirije mena, ¹⁹ ca bii ñĩorije, ca ña ñaña manirije tii bau niirique, ca doti tutua niirije mena, ñucã Ɛmũreco Pacũ yũ Añuri Yeri cũ ca doti tutua niirije mena, yũ tiiwũ. O biro tiiri, Jerusalén mena Jesucristo yee añurije quetire wede jũo waa, niipetiri taberipũ wede,

* 15:3 Sal 69.9. † 15:9 2S 22.50; Sal 18.49. ‡ 15:10 Dt 32.43. § 15:11 Sal 117.1. * 15:12 Is 11.10.

Iiria yepapɯ yɯ wede eacoawɯ.† 20 Yɯ ca tiirugarijea, Jesucristo yee añurije quetire ca tɯo ñaatirãpɯre yɯ ca wederugarije niwɯ, aperã cɯja ca wedericarãpɯrena yɯ ca wedetipere biro iigu. 21 O biro owarique ca iirore birora:

“Cɯ yee maquẽre cɯja ca wederijere jicãti ɯno peera ca tɯo ñaatiricarã, cãre iarucuma. Jicãti ɯno peera cɯ yee maquẽre ca tɯo ñaatiricarã, tɯo puorucuma.”‡

Romapɯ Pablo cɯ ca waape

22 Ate paderique, paɯ tiiri mɯjare yɯ ca iagu waa majitiro yɯre bii camota niwɯ. 23 Mecũra ati yeparire jicã tabe ɯno peera yɯ ca padepa tabe ca dɯjatiro macã, paɯ cãmari mɯjare ca iagu waaruga niirucuricɯ niiri, 24 España waagu mɯjare yɯ ca iagu waarugarije nii. Jicã cuu cõro mɯjare ia bapa cuti, yɯ ca biiro jiro, yɯ ca waa nɯnɯa waaro yɯre mɯja ca tii nemoro yɯ boo. 25 Mecũra Jerusalén pee, Jesucristore ca tɯo nɯnɯjeerãre cɯja ca tii nemorije wapa tiirica tiirire jee waagu yɯ waa ména. 26 Macedonia macãrã, Acaya macãri macãrã, cɯja majuropeera, “Jerusalén macãrã Jesucristore ca tɯo nɯnɯjeerã ca boo pacarãre ca tii nemope niicu,” iiri, teere neoupa. 27 Añuro tiirugarique mena tiupa. Biirɯna, to birora ca tiiparã cɯja ca niirije niiro biiupa. Judíos ca niitirã, judíos yee añurije yeri tutuariquere cɯja ca bua earicarore birora, cɯja cãa, apeye cɯja ca cuorije mena cɯjare cɯja ca tii nemopera niiro bii. 28 O biro atere tii yapano, ate wapa tiirica tiirire cɯjare noni yapanori jiro, España waagu mɯjare yɯ ia ametua waarucu. 29 Mɯjare iagu waagu, “Cristo añurije cɯ ca tiirije niipetiro mena mɯjare yɯ earucu,” yɯ iiri maji.

30 Yɯ jaarã, mani Wiogu Jesucristo yee jɯori, Añuri Yeri, ca mairã mani ca niiro cɯ ca tiirije jɯori, “Umureco Pacure yɯre mɯja ca juu bue bojarije mena ate yɯ ca tii niirijere yɯre tii nemoña,” mɯjare yɯ iiri. 31 Judea macãrã Jesucristore ca tɯo nɯnɯjeetirã, ñañaro yɯre cɯja ca tiirugarijere cɯ ca camotaapere jãina, ñucã Jesucristore ca tɯo nɯnɯjeerã, Jerusalén macãrãre cɯja ca tii nemorijere yɯ ca jee waarijere añuro cɯja ca ñeepe cãare jã bojaya. 32 O biro mɯja ca tiiro, Umureco Pacɯ cɯ ca boorije jɯori, ɯjea niirique mena mɯjare yɯ bapa cuti yerijãa niibocu. 33 Umureco Pacɯ, añuro mani ca niiro ca tiigu, mɯja niipetirã mena cɯ niijato. To biro to biijato.

16

Añu doti cojorique

1 Mani yee wedego Febe, Cencrea macãrã Jesucristore ca tɯo nɯnɯjeerãre ca tii nemogore, “Añuro cõre tiiya,” mɯjare yɯ iiri cojo. 2 Wiogu wãme mena añuro cõre jãi bocaya, ca ñañarije manirã cɯja ca tii jaarã cuti niirore biro tiiya. Ñucã niipetirije tii nemorique cõ ca boorijere cõre tii nemoña. Cõ pea paure tii nemo, ñucã yɯ cãare tii nemo, tiwo.

3 Priscila,* Aquila, Cristo yeere yɯ ca pade bapa cutirãre añu dotiya. 4 Cɯja pea, “Cũre mani ca tii nemojata, mani cãare jãacãrucuma,” iiri uwi tugoeña pacarã yɯre tii nemowa. Yɯ, judíos ca niitirã Cristo Jesús're ca tɯo nɯnɯjeerã niipetirã, “Añu majuropeecã,” cɯjare jãa iiri.

5 Ñucã to birora Priscila, Aquila yaa wiire ca nea poo juu buerã cãare añu dotiya. Ñucã yɯ yee wedegu Epéneto Asia macã, Jesucristore ca tɯo nɯnɯjee jɯoricɯ cãare añu dotiya.

6 Mɯja yee maquẽre iigo, buaro ca paderico María cãare añu dotiya.

7 Ñucã yɯ jaarã tia cũurica wiipɯ, yɯ baparã ca niiricarã, Andrónico, Junias jãarire añu dotiya. Cɯja pea Jesucristo buerã watoare ca nii majuropeerã ca niiricarã, Jesucristore yɯ jɯguero ca tɯo nɯnɯjee jɯoricarã, niima.

8 Jesucristo jɯori yɯ ca maigu Ampliato cãare añu dotiya.

† 15:19 Provincia romana al noroeste de Macedonia 2Ti 4.10. ‡ 15:21 Is 52.15. * 16:3 Griego waderique mena peera Prisca. Ména jɯgueropɯra Roma ca niiricarã Corinto macã pee tua dooupa, too cɯja ca niiro Pablo cɯjare cɯ ca bua earica tabere (Hch 18.2). Jiro Éfesopɯ cɯ ca waaro Pablora bapa cuti waupa ñucã (Hch 18.18-19, 26). Ano peera yua Romapɯ niupa ñucã.

⁹ Urbano, Jesucristo yeere jãare ca pade bapa cutigu, ñucã yu ca maigu Estaquis cãare aũu dotiya.

¹⁰ Cũ añujato Apeles, Jesucristore díamacũra díamacũ cũ ca tuo nũcũ buorijere mani ca majiro ca tiiricu cãa.

Ñucã Aristóbulo yaa wii macãrã cãa cũja añujato.

¹¹ Yu yee wedegu Herodiõn cãa cũ añujato.

Ñucã Narciso yee wederã Jesucristore ca tuo nunjeerã cãa cũja añujato.

¹² Mani Wiogu yee maquẽre buaro ca pade bojarucurã romiri, Trifena, Trifosa, cũja añujato.

To biri apeo, yu yee wedego yu ca maigo, Pérsida, Wiogu yeere buaro ca paderucurico cãa, cõ añujato.

¹³ Rufo, Jesucristore ca tuo nunjeegu, ñucã cũ paco, yu pacore biro ca niirico, cũja añujato.

¹⁴ Asíncrito, Flegonte, Hermes, Patrobas, Hermas, to biri mani yaarã cũja mena ca niirã cãa, cũja añujato.

¹⁵ Aũu dotiya, Filólogo, Julia, Nereo, cũ yee wedego Olimpas, niipetirã mani yaarã Cristore ca tuo nunjeerã cũja mena ca niirã cãare.

¹⁶ Ñucã to cãnacãrãpũrena nũcũ buorique mena aũuro ameri aũu dotiya.†

Niipetirã Jesucristore ca tuo nunjeerã mujare aũu doti cojoma.

¹⁷ Yu yaarã, dica watiricarõ tii, añurije queti mũa ca wede ecoriquere ñi camota, ca tiirã menare ña majiri niĩna. Cũjare camotaticãna. ¹⁸ Cũja, mani Wiogu Jesucristo yeere ca tiirã méé niima. Cũja majurope, cũja ca boorore biro cũja ca tiirugarijere ca tiirã niima. To biri aũuro tuoricarõ añurije wede ditori, bojoca ca yeri tugoeña tutuatirãre cũjare ñi ditoma. ¹⁹ Niipetirã, aũuro Jesucristo yee quetire mũa ca tuo nunjeerijere majima. To biro mũa ca biirijere buaro yu ẽjea nii. Añurije maquẽre ca tii majirã nii, ñañarije peera ca tii majitirã nii, mũa ca biiro yu boo.

²⁰ Yoari méera, Umureco Pacu aũuro mani ca niiro ca tiigu, Satanás're mũa dũpori docaru cũre uto abo cũucãrucumi. Mani Wiogu Jesucristo cũ ca añurije mũa mena to niijato.

²¹ Yu paderique bapa Timoteo, ñucã yu yaarã, Lucio, Jasón, Sosípater jãari cãa, mujare aũu doti cojoma.

²² Yu, Tercio ati pũurore ca owagu, mani Wiogure ca tuo nunjeegu, mujare yu aũu doti cojo.

²³ Gayo cãa, mujare aũu doti cojomi. Yu, niipetirã ano macãrã Jesucristore ca tuo nunjeerã, cũ yaa wiira jãa nea poo nii. Erasto, macã maquẽ wapa tiirica tiirire ca ña nunjee bojagu, mani yee wedegu Cuarto, mujare aũu doti cojoma. ²⁴ Mani Wiogu Jesucristo cũ ca aũu majuropeerije mũa niipetirã mena to niijato. To biro to biijato.

Umureco Pacure baja peo yapanorique

²⁵ Umureco Pacure mani baja peoco, añurije queti Jesucristo yee maquẽ yu ca wederije ca ñiire biro aũuro ca tugoeña tutuarã mũa ca niiro ca tii majigure. Umureco Pacu to birora ca niicõa niigu, ati yepa ca niiparo jugueropũra ca majiña maniriquere, ²⁶ mecũra, ca biipere wede jugueri maja cũja ca owa cũurique mena mani ca majiro tiimi. Umureco Pacu, “To biro yu tiirucu,” cũ ca ñiricarore biro bojoca poogaari cõrora, díamacũ tuo nunjee, tee ca ñiire biro tii nunjee, cũja ca tiipere biro ñigu cũja ca majiro tiimi.

²⁷ Umureco Pacu, jicũra ca niigu, ca majigure, Jesucristo jũori, “Ca aũu majuropeegu niimi,” ñi nũcũ buorique to niijato.

To biro to biijato.

Pablo

† 16:16 Wajopuare ãpũriquea, tii nũcũ buorã, tĩramũpu cũja ca tii jũo doorique niipura (1S 10.1; Hch 20.37). “Beso santo,” Jesucristore ca tuo nunjeerã cũja ca tii nũcũ buorique cuti niirije niiro biipura (1Co 16.20; 1P 5.14).

1 CORINTIOS

Pablo, Corinto macārãre, Cristore ca tuo nunñjeerã cãja ca niiro cã ca tiiricarãre, cãjare cãja ca buerije, cãja ca tii niirije cutirije, do biro tii majiña maniro cãjare biiupe. Corinto macã, griegos yaa macã, añuro ca bii nunña waari macã, pairi macã niiro biiupa. Ñucã ca apeye pairi macã, cãja ñicã cãja ca tii juo dooriquere cãja ca tii juo dooricarore birora ca tii niirã, cãja ca nũcũ buorijere paũ wãmeri ca cõorã, nomia eperique maquẽre do biro tiiya maniro ca niiri macã niiro biiupa. Tee niupa tii macã macãrã Jesucristo yee quetire ca tuo nunñjeerãre do biro cãja ca bii majitiro ca tiirije.

Owa cojogu cã ca tiirucuri wãmera owa juo, ñucã too macãrã añurije cãja ca tii niirije juori añu majuropecã cã ca ñirije mena ñi juomi (1.1-9)

Corinto macãrã bojorica poogaari cãja ca ameri dica wati niirije juori, tuti jañuri Pablo cãjare cã ca wede majioriquere wede (1.10—4.21).

Cãja watoare, do biro tiiya maniro cãja ca nomia eperije juori, cãja ca ameri tuti niirijere ameri wedejãarã Æmureco Pacure ca majitirãpũre cãja ca ameri wedejãarijere wede nunña waa. Ñucã numo cuti, manũ cuti, tiirique maquẽre cãjare wede majiomi (caps. 5—7). Ñucã apeye Æmureco Pacũ méérena tii nũcã buorique pee ca nii ametuene nũcãcoaro macã cãja ca tũgoeña maa wijiario ca tiiriquere cãjare wede majiomi (8.1—11.1)

Æmureco Pacure tii nũcã buorique maquẽ, to biri Cristore ca tuo nunñjeerã cãja ca tii niipe maquẽ peera, tii maji niirique Añuri Yeri cã ca tiicojorijere, Jesucristo cã buerã mena cã ca baa tũjariquere tiirã, ñucã buorique mena tiirique maquẽre añuro wede majiorique booupa (11.2—14.40).

Ameri mairique maquẽra wedemi (cap. 13).

Jesucristore ca tuo nunñjeerã pea ñucã, Cristo cã ca cati tuarique maquẽre, Cristore ca tuo nunñjeerã cãja ca cati tuape maquẽre, cãja ca tuo maa wijiariquere cã ca wede majioriquere wede (cap. 15). Judea macãrã Cristore ca tuo nunñjeerãre tii nemorique maquẽre cãjare wede yapano cojo, ñucã cã cã ca biipere, wede yapano eami.

Corinto macãrãre Pablo cã ca queti owa cojo juorica pũuro

Añu dotirique

¹ Yu Pablo, Æmureco Pacũ cã ca boorore biro, Cristo Jesús yee quetire wederi maju cã nijato ñigu cã ca juoricũ, to biri mani yee wedegu Sõstenes mena, ² Corintos macãrã, Æmureco Pacũ jaarã, Cristo Jesús juori ca ñañarije manirã, ñucã cã jaarã ca ñañarije manirã cãja nijato ñigu cã ca juoricarã niipetirã, niipetiri taberipũ mani Wiogu Jesucristo, mani Wiogu cãja Wiogu wãmere ca ñi nũcũ buorã niipetirãre, mũjare jãa owa cojo.

³ Æmureco Pacũ mani Pacũ, Wiogu Jesucristo añurijere, jĩcãri mena añuro niiriquere, mũjare cã tiicojojato.

“Añu majuropecã,” ñirique

⁴ Mũja juori, to cãnacã tiira Æmureco Pacure “Añu majuropecã,” yu ñi, Æmureco Pacũ, Cristo Jesús juori, añuro mũjare cã ca tiirique juori. ⁵ Cristo juorira mũja ca tũgoeña niirijepũre, niipetirije mũja ca wedepe, niipetirije mũja ca majipe, mũjare tiicojoupĩ Æmureco Pacũ. ⁶ To biro biima ñiro, Cristo yee queti mũjare jãa ca wederique ca niirore biro mũjare bii eaupa. ⁷ To biri mani Wiogu Jesucristo cã ca doopa rũmũre yue niirã unõ, Æmureco Pacũ yeere añuro mũja ca pade maji niipa wãmeri mũjare dũjati. ⁸ Ca tũjari rũmũrũ, to birora mũja ca tũgoeña bayicõa niiro mũjare tii, ña nunñjee yapano earucumi Æmureco Pacũ, mani Wiogu Jesucristo cã ca doori rũmũre, añurã, ca ñañarije manirã mũja ca niipere biro ñigu. ⁹ Cã ca ñirore biro ca tiigu niimi Æmureco Pacũ, cã Macũ mani Wiogu Jesucristo mena cãja nijato ñigu, manire ca juoricũ.

Cristo yaarã jïcãri mena cÿja ca niitirije

¹⁰ “Yũ yaarã, niipetirãpura jïcãri mena nii, mÿja watoare ameri dica wati nii biitirãra, aũuro jïcãri mena jïcã wãmera tũgoeñari, jïcã wãmera yeri cuti bii niĩna, mani Wiogu Jesucristo cÿ ca dotiro mena,” mÿjare yũ ïi. ¹¹ Yũ yaarã, jïcãrã Cloé yee wederã mÿja ca ameri ïarugati niirijere yũre cÿja ca wedero macã, atere to biro mÿjare yũ ïi. ¹² Mÿja ca niiro cõrora o biro mÿja ïi: “Yũa, Pablo yũ yũ nii,’ apĩ pea ‘Yũa, Apolos yũ yũ nii,’ apĩ ñucã ‘Cefas* yũ yũ nii,’ apĩ, ‘Yũa, Cristo yũ yũ nii,’ mÿja ïi,” ïigu mÿjare yũ ïi.

¹³ ¿To docare Cristo, bojoricarori wado cÿ niiti? ¿Pablo, mÿja yee jãori yucu tenipũ cÿ paa pua tuu ecoupari? ¿Pablo wãme mena ïiri, mÿja uwo coe ecori? ¹⁴ “Aũu majuropecã,” yũ ïi Æmureco Pacũ, majigũra Crispo, to biri Gayo jãa jirore jïcũ ñno peerena mÿjare yũ uwo coetiwũ. ¹⁵ To biri jïcũ ñno peera, “Pablo wãme mena jãa uwo coe ecowũ,” ïi majitima. ¹⁶ Estéfanos yaarã cãare, yũ uwo coewũ, anija jirore aperã jïcũ ñno peerena yũ ca uwo coeriquepura yũ majiti. ¹⁷ Biigũpũa Cristo, “Uwo coe yujugũja,” yũre ïi cojotiwĩ. Bojoca majiriquerena wede nucũ yujutigũra, aũurije queti, yucu tenipũ Cristo cÿ ca bii yairique ca wapa cutirije ca yai nucãtipere biro ïigu, teere yũre wede doti cojowi.

Æmureco Pacũ cÿ ca majirije, cÿ ca tutuarije, niimi Cristo

¹⁸ Ñañaaro ca bii yaiparãra, Cristo yucu tenipũ cÿ ca bii yairique queti, ïi mecãriquera niicã, mani, ñañaaro biiriquere ca ametuarã peera, Æmureco Pacũ cÿ ca tutuarije niiro bii. ¹⁹ O biro ïi owarique ca niirore birora:

“Ca majirã cÿja ca majirijere yũ tii yaio nucõcãrucu, ca tũgoeña majirã cÿja ca tũgoeña majirijere yũ maa wijio nucõcãrucu,” ïirique nii.†

²⁰ ¿Ñee ñno, ca majigũre, bue majiori majure, ati yepa maquẽ ca bii niirijere ca majigũre, cÿ ca tũgoeña tua nucãro to tiijapari? ¿Æmureco Pacũ ati yepa macãrã cÿja ca maji niirijere ïi mecãriquere biro ca biiro cÿ tiitiupari? ²¹ Ati yepa macãrã, cÿja ca maji niirije mena, Æmureco Pacũ cÿ ca majirijere ïa majitiupa. To biri cÿ ca majirijepũ, díamacũ ca tuo nucã buorãre cÿ yee aũurije queti ïi mecãriquere biro cÿja ca wederije menara cÿjare ametuenerũgaupi. ²² Judíos, ca bii ïñorije ca ïañaña manirije tii bau niiriquere jãima; griegos pea majiriquere amama. ²³ Jãa pea Cristo yucu tenipũ cÿja ca paa pua tuu cõaricũ yee queti peere jãa wede. Ate aũurije queti judíos peera ïi tutiriquere biro pee cÿjare biicã, judíos ca niitirã peera ïi mecãriquere biro pee cÿjare biicã. ²⁴ Æmureco Pacũ cÿ ca jãoricarã judíos, judíos ca niitirã pea, Cristoa, Æmureco Pacũ cÿ ca tutuarije, cÿ ca majirije, cÿ ca niirijere majima. ²⁵ Ati yepa macãrã peera Æmureco Pacũ cÿ ca ïi mecãrijere biro bii pacaro, ati yepa macãrã cÿja ca majirije ametuenero majirique nii. Æmureco Pacũ cÿ ca tutuatirijere biro cÿja ca ïarije pea, ati yepa macãrã cÿja ca tutuarije ametuenero ca tutuarije nii.

²⁶ Yũ yaarã, bojoca cÿja ca ïirore birora, paucã méé mÿja mena macãrã ca majirã, ñucã jïcãrãacã ca nii majuropeera ÷parã yee wederã, paucã méé ca niirãre Æmureco Pacũ cÿ ca jãoriquere majiña. ²⁷ Æmureco Pacũ, ca majirãre boboro cÿja ca tamũoro tiirũgu, ati yepa macãrã “Ca tũgoeña majitirã niima,” cÿja ca ïirãre bejeupi; ñucã ca tutuarãre boboro cÿja ca tamũoro tiirũgu, ati yepa macãrã “Ca tutuatirã niima,” cÿja ca ïirãre bejeupi. ²⁸ Ñucã cÿja ca ïiña manirãre, cÿja ca ïarugatirãre, watoa macãrã petire bejeupi Æmureco Pacũ, ca nii majuropeerã peere, watoa macãrã cÿja ca tuaro tiirũgu. ²⁹ To biri cÿ ca ïa cojorore, jïcũ ñno peera “O biro ca biirã jãa nii,” ïi majitima. ³⁰ Æmureco Pacũra, Cristo Jesús mena mÿja ca niiro tiupi, ñucã Cristora, mani ca majirije nii, aũurã mani ca niirije nii, ca ñañarije manirã nii, mani ca ametuarije nii, cũre tiupi. ³¹ Æmureco Pacũ wederiquepũ o biro ca ïirore birora: “Jïcũ ñno ‘O biro ca biigu yũ nii’ ca ïigua, Wiogu yee jãori peere ‘O biro ca biigu yũ nii,’ cÿ ïijato.”‡

* 1:12 Hch 18.24. † 1:19 Is 29.14. ‡ 1:31 Jer 9.24.

2

Cristo yucu tenipɛ paa pua tuuricu yee queti

¹ Yɛ jaarã, Ɖmureco Pacu yeere mujare wedegu waagu, buaro majirique mena, do biro tii tuo puo majiña manirije mena yu iitiwɛ. ² Mɔja pɔtopɛ niigu, Jesucristo yee, añuro petira yucu tenipɛ cɔja ca paa pua tuuricu yee queti ca niitirijepɛra yu wedetiwɛ. ³ Mɔja pɔtopɛre, ca tutuatigu, buaro uwi, yu bii nana eawɛ. ⁴ Mujare wede, añurije quetire mujare bue majio tiigu, mɔja ca tuo nunɔjeero tiirugɛ, majirique, tuoricaro añurije mena yu iitiwɛ. Añuri Yeri cɔ ca tutuarije mena tii bau nii iñori, mɔja ca tugoeña wajoaro yu tiwɛ, ⁵ díamacɔ mɔja ca tuo nucɔ buorije, bojoca cɔja ca majirije juori niitirora, Ɖmureco Pacu wado cɔ ca tii majirije juori pee* ca niipere biro iigu.

Ɖmureco Pacu yuu Añuri Yeri juori majirique

⁶ To ca bii pacaro díamacɔ ca tuo nucɔ buo bayicoaricarãpɛra buaro majirique mena jãa wede, biirãpɛra, ati yepa maquẽ majirique ati yepare ca doti niirã cɔja ca majirije ca peti nunna waarije mena méere. ⁷ Añuro petira Ɖmureco Pacu yee majirique ca majiña maniriquere jãa wede. Majirique yaioropɛ ca niirucurique, Ɖmureco Pacu, ati yepare cɔ ca jeeñoparo jugueropɛra manipɛre añuro cɔ ca tiipe maquẽre cɔ ca queno yue yerijãariquere jãa wede. ⁸ Ati wãmere jicɔ uno peera ati yepa macãrã wiorã tuo puotiupa. Teere cɔja ca tuo puocãjata, añurije Wiogure, yucu tenipɛ paa pua tuu cõatibojacupa. ⁹ Owarique o biro ca iirore birora:

“Jicɔ uno peera ãa,
jicɔ uno peera tuo,
jicɔ uno peera tugoeña tiitiupa,

Ɖmureco Pacu cãre ca mairãre cã ca queno yueriquere,” ii.†

¹⁰ Ate nii, Ɖmureco Pacu cɔ yuu Añuri Yeri juori jãa ca majiro cɔ ca tiirique. Añuri Yeri, niipetirije ãa beje, Ɖmureco Pacu yee ca majiña manirijepɛ cãare mani ca majiro tiimi.

¹¹ ¿Ñiru pee apipu cɔ ca tugoeñarijere cɔ majiti? Cɔ ca yeri cutirije wado cɔ ca tugoeña niirijere maji. To biri wãmera, jicɔ uno peera Ɖmureco Pacu cɔ ca tugoeña niirijere majitimi, cɔ yuu Añuri Yeri wado majimi. ¹² Mania, ati yepa maquẽ yeri tugoeña tutuarique méere mani ñeewɛ. Ɖmureco Pacu cɔ ca mairije juori, wapa manirora cɔ ca tii bojariquere mani ca tuo majipere biro iirã, cɔ yuu Añuri Yeri ca doogu peere mani ñeewɛ. ¹³ Atera nii, jãa ca wederucurije. Bojoca cɔja ca majirije jãare ca majiorije juori méé, Ɖmureco Pacu yuu Añuri Yeri jãare cɔ ca majiorijere jãa wede. To biri díamacɔ ca niirijere, yeri jãñariquerpɛ ca biirijere ca tuo majirãra, yeri jãñariquerpɛ ca biirije mena jãa wede majio.‡ ¹⁴ Añuri Yeri ca cuotigua, Ɖmureco Pacu yuu Añuri Yeri yee maquẽre tuorugatimi. Cãra, ii mecãriquera niicã. Nucã tuo jeeño majitimi, yeri tugoeña niirique menapɛ ãa majirique ca niiro macã. ¹⁵ Añuri Yerire ca cuogua, niipetirijere ãa cõoña maji peticãmi. Cɔ peera jicɔ uno peera cɔ ca biirijere ãa cõoña majitimi.

¹⁶ To birira Ɖmureco Pacu wederique o biro ii:

“¿Ñiru, Ɖpu cɔ ca tugoeñarijepɛre cɔ majiti? ¿Ñiru, cãre cɔ wede majiobogajati?” ii.§
Mani pea Cristo cɔ ca tugoeñarore birora mani tugoeña.

3

Ɖmureco Pacure tii nemori maja

¹ Yɛ jaarã, yua, ca tugoeña tutua waaricarãpɛre biro mujare yu wede majitiwɛ. Ca tugoeña tutuatirã, Cristore wãmaacã ca tuo nunɔjee juo waarãre iigure biro pee mujare yu wedewɛ. ² Añuro tuo jeeñoriquera mujare yu buewɛ, jicɔ wimagɛ ca ãpũgure baarique ecarica tabe unorena, õpẽcõa cɔja ca ãpũorore birora. Mecɔ cãare mɔja tuo puoticã. ³ Ca tugoeña maji tutuatirã mɔja niicã ména. ¿Mɔja majuropeera ameri tuti,

* 2:5 Sal 62.11. † 2:9 Is 64.4. ‡ 2:13 Añuri Yeri ca cuorãre, cɔ ca bue majio dotirore birora cãjare jãa bue majio. § 2:16 Is 40.13.

ameri ïarugati, m̄ja ca ameri bii niirijea Ɖm̄reco Pac̄re ca majitirã m̄ja ca niirije m̄éé to biiti? ⁴“Ȳna, Pablo ȳna ȳu nii,” ap̄i ñucã “Ȳna, Apolos ȳna ȳu nii,” ïirã, ¿bojoca c̄ja ca ïi niimore biro m̄éé ïirã m̄ja ïiti?

⁵ To docare, ¿Ñiru c̄u niiti Apolos? ¿Ñiru c̄u niiti Pablo? Wiogu, c̄ja ca tiipere c̄u ca tii dotiricarore biro ca tii n̄n̄jeerã wado niima. C̄ja j̄ori, m̄ja pea teere m̄ja t̄o n̄n̄jeeupa. ⁶ Ȳn, añurije quetire ȳu wede j̄ow̄n. Apolos wede bato nemo cojoupi. Ɖm̄reco Pac̄u b̄aro jañuro m̄ja ca t̄o puo n̄n̄na waaro tiiupi.* ⁷ To biri ca wede j̄oḡn, ca wede bato nemo cojoḡn c̄a, ca nii majuropeerã m̄éé niima. Ɖm̄reco Pac̄u b̄aro jañuro t̄o puo n̄n̄na waaricaro ca tiiḡn wado niimi ca nii majuropeeḡn. ⁸ Teere ca wede j̄oḡn, jiro ca wede nemoḡn c̄a, j̄icã wãmerena ïima, c̄ja ca niiro c̄ororena Ɖm̄reco Pac̄u c̄ja ca paderique ca niimore biro c̄u ca wapa tiipe ca nii pacaro. ⁹ Jãa, Ɖm̄reco Pac̄re tii nemori maja jãa nii. M̄ja pea Ɖm̄reco Pac̄u yaa yepa ote yepa nii, Ɖm̄reco Pac̄u yaa wii, wii queno m̄na waarica wii nii, m̄ja bii.

¹⁰ Ɖm̄reco Pac̄u yee, c̄u ca mairije ca niimore biro ȳre tii dotiḡn c̄u ca tiicojoriquere, wii b̄ari maj̄u c̄u ca c̄u ñee j̄orore birora añurije quetire ȳu wede j̄ow̄n, aperã pea ȳu ca wederiquep̄re wede majio n̄n̄na waama. Biirãp̄na, to cãnacãrãp̄ra, “Ca niimore birora ȳu wedemiti,” ïi ïa c̄oña majiña. ¹¹ J̄icã ñno peera Jesucristo yee quetire wederiquep̄rena bojorica wãme wede j̄o majitimi. ¹² J̄icã ñno, ati yepa, wii buarugarã c̄u ñee j̄orica yepa jotoare, oro, plata, ãtã añurije, yuc̄u, mui, taa mena, c̄u ca queno m̄na waajata, ¹³ c̄u paderiquera c̄u ca biirique c̄tirijere ïñorucu. C̄ja ca tiiriquere c̄u ca ïa bejeri r̄m̄n ca niiro teere majirique niirucu. Pecame ca joerije mena bii bau nii ïñorucu. C̄ja ca niiro c̄orora c̄ja ca paderica wãmeri ca niirijere pecame joe ñaarucu. ¹⁴ J̄icã ñno c̄u ca queno m̄na waarique peca mena c̄are to ca ñuticãjata, tee wapa, wapa ñeerucumi. ¹⁵ C̄u paderiquere pecamera to ca joe yaicãjata, c̄u paderique yaicoarucu. C̄u pea biirique peti ca ñurijere ca duti bayigure biro bii ametuarucumi.

¹⁶ ¿M̄ja, Ɖm̄reco Pac̄u yaa wii nii, Ɖm̄reco Pac̄u ȳna Añuri Yeri m̄jap̄re nii, c̄u ca biirã m̄ja ca niirijere m̄ja majititi? ¹⁷ J̄icã ñno Ɖm̄reco Pac̄u yaarãre díamac̄u ca niitirije pee c̄jare c̄u ca wede maa wijiojata, Ɖm̄reco Pac̄u ñañaro c̄re tiirucumi. Ɖm̄reco Pac̄u yaa wiia, ca ñañarije maniri wii nii. M̄ja tii wiira m̄ja nii.

¹⁸ J̄icã ñno peera m̄ja majuropeera ïi ditoticãña. J̄icã m̄ja mena mac̄u ati yepa maquẽrena majicãri, ca majigure biro c̄u ca t̄goeñajata, ca majitigure biro pee c̄u biijato, to biro biicãri díamac̄ura ca maji majuropeeḡn nii earuḡn. ¹⁹ Ɖm̄reco Pac̄ura, ati yepa maquẽ majiriquea ïi mec̄uriquera niicãro bii. O biro ïi owarique ca niimore birora: “Ɖm̄reco Pac̄na, ca majirãre c̄ja ca ïi maji niirijerena c̄jare tii maa wijiocãmi.”†

²⁰ Ñucã o biro ïi: “Ɖm̄reco Pac̄u, ca majirã c̄ja ca t̄goeñarije, watoa maquẽ ca niirijere majimi,” ïi.‡ ²¹ To biri j̄icã ñno peera, bojoca j̄orira, ca nii majuropeeḡre biro ca t̄goeñaticãpe nii. Niipetirije m̄ja yee nii. ²² Pablo, Apolos, Pedro, ati yepa, catirique, bii yairique, mec̄uri ca niirije, jirop̄n ca niipe, niipetirije m̄ja yee wado nii. ²³ M̄ja Cristo yaarã m̄ja nii. Cristo pea Ɖm̄reco Pac̄u ȳna niimi.

4

Jesucristo yeere wederi maja paderique

¹ M̄ja, jãare, Cristore pade nemori maja, Ɖm̄reco Pac̄u yee ca majiña maniriquere wede majio niiri majare biro pee jãare ïaña. ² To biri j̄icã wãme c̄u ca tiipere ca doti ecoḡna c̄u ca doti ecoricarore birora ca tiiḡn ca niipe nii. ³ Ȳna b̄aro biiti, ȳu ca biirijere, m̄ja, ape tabera no ca boorã ñparã, m̄ja ca ïa c̄oña beje niirije; ȳu majuropeecã ȳu ca biirijere ȳu ïa bejeti. ⁴ Ȳu ca t̄goeña niirijep̄n ñañarije ȳu ca tiirijere ȳre majioti, tee j̄orira, “Añuḡn ȳu nii” ȳu ïiti. Wiogu pee niimi, ȳu ca biirijere ca ïa bejeḡn. ⁵ To biri m̄ja majuropeera c̄u ca ïa bejepa cuu ca eatirora ïa bejeticãña. Wiogu c̄u ca eari r̄m̄p̄ru

* 3:6 Ȳn, ȳu otew̄n; Apolos oco pio tuuwi; ca b̄uc̄na m̄na waarije peera Ɖm̄reco Pac̄u tiiwi. † 3:19 Job 5.13. ‡ 3:20 Sal 94.11.

yueya. Cũ pea yaioro ca naitiãropu ca niirijere ca boeropu ïi bau nii, ñucã bojoca cõrora cõja yeripu cõja ca tiiruga tũgoeñarijere majiricarõ tiirucumi. To cõro docare cõja ca niiro cõrora cõja ca tii niirique ca niimore biro Æmureco Pacure ïi nucũ buo ecorucuma.

⁶ Yu jaarã, atera añuro muja ca niipere iigu, yu, Apolos, jãa ca bii niirije mena ïiri, yu wede, jãa ca biirique cuti niirijere ïa cõori, owarique ca ïirije ca niitirijepurena muja ca ïitipere biro iigu. Ate juori, jicũ muja mena macũ uno peera, jicũre añuro ïi, apire juna, cõja ca bii uwa jeorijere biitirucuma. ⁷ To docare, ¿ñiru aperã ametuenero añugu mu ca niiro cũ tiiti? ¿Ñee mu cuti, Æmureco Pacu mure cũ ca tii cojotiriquere? Cũre ca tiicojo ecoricu nii pacagu, ¿ñee tiigu mu majuropeera ca buaricure biro mu tũgoeñati?

⁸ Muja ca boorije niipetirore muja cõo peticã. Mee, ca apeye pairãpu muja nii. Jãa ca tii nemotirora, mee uparã muja niicoa. Díamacũra uparã peti muja ca niicãjata, añu majuropeecã boo, jãa cãa muja mena uparã jãa ca niipere biro ïirã. ⁹ Jãa, Cristo yee quetire wederi maja peera, “Jiro macãrãpu, ca jãa eco yaiparãre biropu, jãare tiijapi Æmureco Pacu,” yu ïi tũgoeña. To biri ati amureco niipetiropu, Æmureco Pacu puto macãrã, bojoca, cõja ca ïa petiropu tii ññori majare biro jãa nii ea. ¹⁰ Jãa pea Cristo juori, ca tũgoeña bojoca catitirã jãa nii, muja pea Cristo juori ca majirã muja ca niicãro. Ca tutuarã muja ca niicãro, jãa pea ca tutuatirã jãa nii. Jãara ïa juna, muja peera ïi nucũ buo, biima. ¹¹ Mecũ cãare, to birora aua boa, oco jiniruga, juti mani, ñañaro tii eco, ñucã jãa yaa wii majurope cuti jãa biicã. ¹² Jãa majurope jãa amori mena paderã jãa juti yaicoa. Ñañaro jãare cõja ca ïi tutiro, “Añuro mujare to biijato,” jãa ïi yu. Ñañaro jãare cõja ca tiiruga nunjeero, to birora jãa tũgoeña bayicã. ¹³ Watoara jãare cõja ca wede paio, mairique mena cõjare jãa yu. Ati yepa maquẽ ca bii baterije, bojoca cõja ca tii baterijere ca tiirãre biro jãare tiima.

¹⁴ Mujare ïi boborugu mée atere mujare yu owa cojo. Yu puna yu ca mairãre biro pee, mujare wede majiorugu yu ïi. ¹⁵ Cristo yeere mujare bue majiori majare diez mil niirã cõo pacarã, muja pacua peera pau muja cuti. Añurije queti mujare yu ca wedero, Cristo Jesús jaarã muja ca nii earique juori muja pacu yu nii. ¹⁶ To biri “Yure biro bii nunjeeya,” mujare yu ïi. ¹⁷ Ate juori, yu ca maigu Timoteo, Wiogu yeere añuro ca tii nunjeegure muja putore yu tiicojo cojowu. Cũ, Cristo Jesús're ca tuo nunjeegure birora yu ca biirique cuti niirijere mujare wederucumi, niipetiri taberipu Cristo Jesús're ca tuo nunjeerã cõja ca niiri taberire ametua waagu, yu ca bue majiorucurore birora.

¹⁸ Jicãrã muja mena macãrã, ca nii majuropeerãre biropu tũgoeñacuma, “Jãare ïagu dooticumi” ïi tũgoeñari. ¹⁹ Æmureco Pacu cũ ca boojata, yoari mée jañurora mujare yu ïagu waarucu. To cõropu, “Ca nii majuropeerã jãa nii,” ca ïirã, cõja ca ïi bayirije wado méere, cõja ca ïi bayi niimore birora cõja ca tii niirije cãare yu ïarucu. ²⁰ Æmureco Pacu cũ ca dotiri tabea wederique juori mée bii, cũ ca tutuarije juori pee bii. ²¹ ¿Ñee peere muja booti? ¿Baperica daa amicãri mujare yu ca ïagu waarije peere muja booti? ¿Mairique mena, añuro tũgoeñarique mena, mujare yu ca ïagu waaro pee muja bootiqué?

5

¿Ñañarije ca tiigure cõa wienecãña!

¹ Jicũ muja mena macũre, “Cũ pacu numorena numo cutimi,” ïiriquere jãa queti tuo. To biro tiiriquea ñañari wãme peti niiro bii. Æmureco Pacure ca majitirã cãa, tii wãme unopura tiitima. ² To biro muja ca tiirijerena “O biro ca biirã jãa nii,” muja ïi. ¿To biro ïitirãra, teere tũgoeña bobo, to biirije ca tiiricure cõa wienecã, ca tiiparã muja niititi? ³ Yu pea muja putopure bau niigu niiti pacagu, yu yeri mena peera muja menara yu nii, ate ñañarije ca tiiricure muja mena niigure birora mee ñañaro ca biipu cũre yu tii yerijãa. ⁴ Mani Wiogu Jesús wãme mena muja ca neari tabere yu cãa, mani Wiogu Jesús cũ ca tutuarije mena yu ca tũgoeñarijepu muja mena yu niirucu. ⁵ Cũra Satanás'pure tii cojocãña, ñañarije cũ ca tii niiri upu tii yaio eco, cũ yeri pea Wiogu cũ ca doori rãmure ametua, ca biipere biro ïirã.

⁶ “O biro ca biirã jãa nii,” ca ñirã nii pacarã, ñañaro mũa tii. Ñañaro mũa ca tiirijere niipetirãpũ tii nũñjee peticoama. ⁷ To biri, jũguero mũa ca tii niirucurique ñañaro mũa ca tiiro ca tiirijere to cõrora tii yerijãña, wãma trigo weta ca wauarije ca ayiaya manirije ca niimore biro niirũgarã, díamacũ petira teere birora mũa bii. Cristo, mani yũũ Oveja Macũ, Pascua macũ, mee jãa ecocã yerijãa waaupi. ⁸ To biri mani Pascua boje rãmũre, ca wuaro ca tiirije, bũcũ, ñañarije tiirique, tiirica wãme cõro ca tiya manirije ca niirijere tiitirãra, baarique ca wauarije ca ayiaya manirije, ca niimore biro ñirique, díamacũ ca niirije, ca niirije mena pee mani boje rãmũ tii niico.

⁹ Mee to birira, “Ca nomia epe pairã mena bapa cuti niiticãña,” mũjare yũ ñi owa cojowũ. ¹⁰ Biigũpũa, ati yepa macãrã, ca nomia epe pairãre, cũo pacarã pai jañuro ca boo jãa waarãre, ca jee duti pairãre, weericarãrena ca ñi nũcũ bũorãre, “camotati majuropecãña” ñigũ méé, to biro mũjare yũ ñi cojowũ. To biro mũa ca biirũgajata, ati yepare mũa ca witicoaropũ añubocu. ¹¹ Ate mena jĩcũ ãno peerena, “Cristore ca tuo nũñjeegu yũ nii,” ca ñigũ nii pacagu, nomia epe pai, cũo pacagu pai jañuro boo jãa waa, weericarãrena ñi nũcũ bũo, watoara wede pai, cũmu pai, jee duti pai, ca biirã menare, “Cũjare biro bii, bapa cuti bii niiticãña,” mũjare ñi wede majiogũ pee,” mũjare yũ ñiwũ. To biro ca tiirã menara baa, bapa cutiticãña.

¹² ¿Ñee tiigu cõro Jesucristore ca tuo nũñjeetirãpũre cũja ca tii niirijere yũ ña bejebogajati? ¿Jesucristore ca tuo nũñjeerãrena ca ña bejeparã, mũa méé mũa niiti? ¹³ Jesucristore ca tuo nũñjeetirãra, Æmũreco Pacũ ña bejerucumi cũja ca tii niirijere. To biri mũa watoare ñañarije ca tii niigũre cõa wienecãña.†

6

Cristo yaarã wado ameri wederique quenorique

¹ Jĩcũ mũa mena macũ, apĩ mena cũ ca ajia tũgoeña nijata, ¿ñee tiigu Jesucristore ca tuo nũñjeerãre wederico ãno, jãiña bejeri maja,* Æmũreco Pacũre ca majitirã peere cũ wedejãati? ² ¿Æmũreco Pacũ yaarãra, “Ati yepa macãrã cũja ca tii niirijere ña bejerucuma,” mũa ñi majititi? Ati yepa macãrã cũja ca tii niirijere ca ña bejeparã nii pacarã, ¿ñee tiirã, õo ca biirije ãnoacãrena ca ña beje majitirã mũa niibogajati? ³ ¿Æmũreco Pacũ pũto macãrãpũ cãare mani ca ña bejepere mũa majititi? Mani ca cati niiri rãmũrire ca biirijeacã docare ca ña beje maji niiparã mani nii. ⁴ To biri, cati niirã mani ca tii niirije jũorira wedejãarique mũa ca cũojata, ¿ñee tiirã Jesucristore ca tuo nũñjeetirãpũre teere ca wederique quenoparã cũja ca niiro mũa tiiti? ⁵ Cũja bobojato ñigũ, yũ ñi atera: ¿Mũa watoare jĩcũ ãno peera niipetirije ca majigu, mũa, Jesucristore ca tuo nũñjeerã wado, mũa ca ameri ñi niirijere ca wederique quenopũ ãno cũ manicãti? ⁶ Mũa majuropeera ameri wederique quenoricarõ ãnora, mũa ca ameri quẽerijere aperã Jesucristore ca tuo nũñjeetirãpũre mũa ameri wedejãa nii.

⁷ Mee, mũa majuropeera mũa ca ameri wedejãa niirijera mũa doca cũmucã yaiwa. ¿Ñee tiirã ñañarije mũjare ca bii niirijere mũa nũcãtiti? ¿Mũa yeere cũja ca jee dutijata cãare, ñee tiirã, “To biro cũja tii bũañajato” mũa ñititi? ⁸ Mũa biiti, mũjara ñañarije tii, mũjara mũa yaarã yeerena jee duti, mũa tiicã.

⁹ ¿Bojoca ñañarije ca tii niirã, Æmũreco Pacũ cũ ca doti niiri tabepũre cũja ca eatipere mũa majititi? Ñi dito ecoticãña, nũmo mani, manũ mani, bii pacarã ca epericarã cutirã, weericarãrena ca ñi nũcũ bũorã, manũ cuti, nũmo cuti, bii pacarã ca epericarã cutirã, ãmũa wadora ca ameri ñee eperã, ¹⁰ ca jee dutirã, cũo pacarã pai jañuro ca apeye boo jãa waarã, ca cũmu pairã, ñañarije ca ñi tutirã, ñi dito jee dutiri maja ãnora, Æmũreco Pacũ cũ ca doti niiri tabepũre niirica tabe cõtirucuma. ¹¹ Mũa mena macãrã jĩcãrã to biro ca tiirãra niipũa. Mee, mani Wiogũ Jesucristo wãme mena mani Æmũreco Pacũ yũũ Añuri

* 5:7 Pascua boje rãmũre cũja ca baarije pan, trigo weta wãma mena tiirique ca wauarije ca ayiaya manirijere biro niirũgarã, tũgoeña wajoari, wãma wãme pee wado mũa ca tii niipere biro ñirã. † 5:13 Dt 17.7; 19.19; 21.21; 22.21, 24; 24.7. * 6:1 Jueces.

Yeri juori, tugoeña yeri wajoa, ca ñañarije manirã tii eco, añurã tii eco, ca biiricarãpu mɔja nii.

Upure ñañaro tiirique

¹² Niipetirije yu ca tiipe wado nii. Buari, niipetirije yu ca tiirije añurije wado méé nii. Niipetirije yu ca tiipe wado nii. Buari, jicã wãme uno peera yure ca doti ametuene nucãro yu tiitirucu. ¹³ Baariquea, utapoa maquẽ nii. Utapoa pee cãa baarique ca jãñari poa nii. To birora bii biirõpua, Umureco Pacu pea pua wãmerurena tii yaiocãrucumi. Upua, numo cuti, manũ cuti tiirica wãme cõro méé, tiirica upu méé nii. Wiogu yaa upu nii, Wiogu pee cãa, upu macũ nii, biimi. ¹⁴ Umureco Pacu cã ca tutuarije mena, Wiogure cã ca cati tuaro ca tiiricu, mani cãare mani ca cati tuaro tiirucumi. ¹⁵ ¿Mɔja, Cristore ca tuo nunujeerã mɔja ca niirijere mɔja majititi? ¿To docare yua, Cristore ca tuo nunujeegu nii pacagu, umua mena ca tii epe wapa taago mena yu ñee epebogajati? Yu tiiti majuropeecãrucu.† ¹⁶ ¿Umua mena ca tii epe wapa taago mena ca tiigua, cõ mena jicã upura cãja ca tuacãrijere mɔja majititi? Umureco Pacu wederique o biro ñi: “Puarãpura jicã upura nii earucuma,” ñi.‡ ¹⁷ Wiogu Jesucristo mena ca niigua, cã ca yeri jãñarijepu cã mena jicã upura niimi.

¹⁸ Manũ mani, numo mani bii pacarã, tii eperiquere tiiticãña. Jicũ bojocu apeye no ca boorije ñañarije cã ca tiijata, cã upure ñañoti. To ca bii pacaro, numo mani, manũ mani bii pacarã, tiirica wãme cõro ca tiitirã, cãja upurena ñañaro tiirã tiima. ¹⁹ ¿Mɔja upua, Umureco Pacu mɔjare cã ca tiicojoricu, mɔjapure ca niigu Añuri Yeri yaa wii ca niirijere mɔja majititi? Mɔja méé, mɔja upu uparã mɔja nii. ²⁰ Jicã wãme ca wapa cutiri wãme mena Umureco Pacu mɔjare wapa tii jeeupi.§ To biri Umureco Pacure mɔja upu mena tii nucã buoya.

7

Ca numo cutirãre wede majiorique

¹ Mecũra, yure mɔja ca jãñã owa cojoriquere mɔjare yu wede cojorucu. Numo maniricaro peera añu. ² Buari, ñee eperique do biro tii majiña maniro ca bii niirije juori, umua cãa, nomia cãa, cãja ca niiro cõrora numo cuti, manũ cuti ca tiiparã niima. ³ Cõ manua, cã numo menare, ca numo cutigu cã ca niirije ca tii dotirije ca ñiire biro ca tii niiru niimi; cã numo pee cãa, to birora ca tiipo niimo. ⁴ Cũ numo yaa upu, cõ jicõ yaa upu méé nii. Cõ manũ yaa upu cãa niiro bii. To birora cõ manũ yaa upu cãa cã jicũ yaa upu méé nii. Cũ numo yaa upu cãa niiro bii. ⁵ Juu buerugarã, “To biro mani bijaco,” mɔja ca ñirica cuu ca maniri taberira ameri junaticãña. Jiro purã niña ñucã, teere mɔja ca tugoeña bayitiri tabere Satanás ñañaro mɔja ca tiiro cã ca tiitipere biro ñirã. ⁶ Atera, “To biro pee mɔja ca biiro añurucu,” ñigu yu ñi. Mɔjare dotigu méé yu ñi. ⁷ Yu majuropeepua, niipetirãpurenã yure biro cãja ca biiro yu boocãmi. Biirãpua, cãja ca niiro cõrora cãja majurope cãja ca bii niipa wãme Umureco Pacu cã ca tiicojoriquere cuoma, jicãrã jicã wãme, aperã ape wãme, cuoma.

⁸ Numo mani, manũ mani ca biirãre, ca manũ bii yai weoricarã romirire yure birora cãja ca biicãjata, “Añucãbocu,” yu ñi. ⁹ Biirãpua, mɔja ca nucãricaro manijata, numo cuticãña. Nucã nucũ yujurica tabe unorena numo cutiricaro peera añu.

¹⁰ Mee ca numo cutirãpura o biro yu doti. Yu, yu ca dotirije méé nii, Wiogu cã ca dotirije niiro bii: Cũ numo cõ manure cõ waa weoticãjato. ¹¹ Cũre cõ ca waa weojata, manũ manigora niicã, cõ ca biirugãtijata, cõ manũ ca niiricu mena peera niigo waa, cõ bijato. Cõ manũ pee cãa cõre cõa, cõre waa weo, cã tiiticãjato.

¹² Apeyera yu, yu ñi, Wiogu cã ca ñirije méé nii. Jicũ Cristore ca tuo nunujeegu, Cristore ca tuo nunujeetigore cã ca numo cutijata, cõ pea, “Cũ menara añuro yu niicãrucu,” cõ

† 6:15 ¿Mɔja, Cristo upu macã taberi mɔja ca niirijere mɔja majititi? ¿Cristo upu maquẽ ca niiri dírorirena tua jude jeeri, umua mena ca tii epe wapa taago upu maquẽ pee ca niiro yu tiibogajati? ‡ 6:16 Gn 2.24. § 6:20 Cristo cã ca bii yai bojarije mena mɔjare wapa tii jeeupi.

ca ñijata, cõre cã cõaticãjato. ¹³ Ñucã jĩcõ nomio Cristore ca tuo nunujeego, Cristore ca tuo nunujeetigure cõ ca manũ cutijata, cã pea: “Cõ menara añuro yũ niicãrucu,” cã ca ñijata, cõre cõa, cõre waa weo, cõ biiticãjato. ¹⁴ Cõ manũ Cristore ca tuo nunujeetigu, cã numo juorira ca ñañarije manigu tii ecomi, ñucã cã numo Cristore ca tuo nunujeetigo pee cãa, cõ manũ Cristore ca tuo nunujeegu juorira, ca ñañarije manigo tii ecomo. To biro to ca biitijata, mũa puna ñañarã niibocuma, Æmureco Pacũ añuro cã ca tiirijere ca bũa eaparã nii pacarã.

¹⁵ To ca bii pacaro, Cristore ca tuo nunujeetirã, cãja numoare, cãja manũ jũmũare, cãja ca cõarugajata, cãja cõacãjato. To biro to ca biijata, Cristore ca tuo nunujeerã añuro tuacãma. Añuro cãja niijato ñigu manire juoupi Æmureco Pacũ. ¹⁶ ¿Nomio, do biro biicãri, “Yũ manũre yũ ametuenecãrucu,” mũ ñi majiti? ¿Mũ, cõ manũ pee cãa do biro biicãri, “Yũ numore yũ ametuenecãrucu,” mũ ñi majiti?

¹⁷ Mũa ca niiro cõrora mũa ca tii niipe Wiogu cã ca tiicojoricarore birora, ñucã Æmureco Pacũ cã ca juori rãmũre mũa ca niiricarore birora, ca bii niiparã mũa nii. Niipetirã Jesucristore ca tuo nunujeerãre ate yũ tii doti. ¹⁸ Mee, jeyua quejero yapare wide taaricũpũre Æmureco Pacũ cã ca juoricũ mũ ca niijata, teere boboticãña, ca wide taaya manigure Æmureco Pacũ cã ca juoricũ mũ ca niijata cãare, wide taa dotiticãña. ¹⁹ Wide taaricũ, ca wide taaya manigu niirique, do biro pee biiti. Ca nii majuropeerije, Æmureco Pacũ cã ca dotirije ca ñiire biro tii nunujeerique pee nii. ²⁰ Mũa ca niiro cõrora, Æmureco Pacũ mũjare cã ca juori rãmũre, mũa ca niiricarore birora ca niicõa niiparã mũa nii. ²¹ Pade coteri maju mũ ca niiri tabere Æmureco Pacũre ca juo ecoricũ mũ ca niijata, tũgoeñarique paiticãña. Mee, añuro niicãriquere mũ ca cõo eacãjata, teere bũaro jañuro tii nunũa waagũa. ²² Æmureco Pacũ cã ca juori tabere pade coteri maju ca niiricũa, Wiogu yeere ca tiipũ añuro niicãgu biimi. Ñucã añuro ca niicãgũra ca juo ecoricũa, mecũra Cristore pade coteri maju niimi yua. ²³ Mũa jĩcã wãme, ca wapa cutirije mena Æmureco Pacũre mũa wapa tii jee ecoupa.* Jĩcũ uno peerena pade coteri maja niiticãña. ²⁴ Yũ jaarã, mũa ca niiro cõrora Æmureco Pacũ mũjare cã ca juori rãmũre mũa ca niiricarore birora niicãña, Æmureco Pacũ cã ca ña cojorore.

²⁵ Wãmarã romiri ca manũ manirã peera, jĩcã wãme uno peera Wiogu cã ca dotirijere yũ cõoti. Biigũrũa, Wiogu cã ca mairije juori, yee mée ñimi ñiricũre birora yũ ca tũgoeñari wãmere mũjare yũ wede majio cojo. ²⁶ Mani ca cati niiri rãmũrĩre do biro tii majiña maniro ca bii niirije juori, mũa ca niiro cõrora, “Mũa ca niire birora mũa ca niiro añucã,” yũ ñi tũgoeña. ²⁷ Ca numo cutigu mũ ca niijata, mũ numore cõaruga tũgoeñaticãña. Mũ ca numo manijata, numo amaaticãña. ²⁸ Biigũrũa, mũ ca numo cutijata, ñañarije tiigu mée mũ tii. Ñucã jĩcõ wãmo, cõ ca manũ cutijata cãare, ñañarije tiigo mée tiimo. To ca bii pacaro, numo cuticoarãpũ cãja ca cati niiri rãmũrĩre paucã cãja ca boorije juori, “Ñañaro cũjare biirique niibocu” ñima ñigu, yũ camotarugami.

²⁹ Yũ jaarã, atere ñirũgu yũ ñi: Æmurecori yoeti. To biri mecũ menare ca numo cutirã, ca numo manirãre birora ca bii niiparã niima. ³⁰ Ca otirã, ca otitirãre biro ca niiparã niima. Ca ÷jea niirã cãa, ca ÷jea niitirãre biro ca bii niiparã niima. Apeye ca wapa tiirã cãa, cãja yee ca niitirijere ca ñarãre biro ca bii niiparã niima. ³¹ Ati yepa maquẽre ca cõo ÷jea nii niirã, teere ca cõo ÷jea nii niitirãre biro ca biiparã niima. Ati yepa maquẽ ca bii niirije mani ca ñarijea ca peti nunũa waarije nii.†

³² To biri tũgoeña pato wãcãrique maniro mũa ca niiro yũ boomi. Ca numo manigũa Wiogu yeere cã ca ña biijejaro cã ca tiipe peere tũgoeña niimi. ³³ Ca numo cutigu pea, ati yepa maquẽ peere tũgoeña, cã numore cõ ca ÷jea niiro cã ca tiipe peere tũgoeña, biimi. Cãja ca tii niirũgarije, ³⁴ o birora bii dica waticã. Nomio, ca manũ manigo, wãmo cãa, Wiogu yee wadore tũgoeña, cãja upari, cãja yeripũ cãare ca ñañarije manirã cãja ca niipe peere tũgoeña, ca manũ cutigo pea, ati yepa maquẽ peere tũgoeña, cõ manũ cã ca ÷jea niiro cõ ca tiipe peere tũgoeña, biima. ³⁵ Atera mũjare ñi camotagu mée yũ ñi,

* 7:23 Mũa Cristo cã ca bii yai bojarije mena mũa wapa tii jee ecoupa. † 7:31 Æmureco Pacũ yee peere ama juocãri, ati yepa maquẽ peere tii niña.

mujara añuro nii, bii pato wãcõ ecoricaró maniro añuro tugoeñarique mena Wiogure ñi núcũ buo mija ca biipere ñigu yu ñi.

³⁶ Jĩcũ cũ nũmo ca niipore, “Tiirica wãmere biro cõ yu tiiti,” cũ ca ñi tugoeñajata, mee cõ pee cãa maja núcãcoa cõ ca biiro, ca nũmo cutipe niicu, cũ ca ñijata, cũ nũmo cuticãjato. Tee menara ñañarije tiigu méé tiimi, cũ nũmo cuticãjato. ³⁷ Cũ ca tugoeña niiri wãmere to birora tugoeña bayicã nii, ñucã cũ ca tiirugarijere bii ametuene núcã ecoti, cũ ca tiirugarijere cũ pee bii ametuene núcãri, cũ nũmo ca niiboricore, “Ca nũmo cutiticãpũ yu niicu,” cũ ca ñijata, cũ cãa añuro tiigu tiimi. ³⁸ To biri cũ nũmo ca niipo mena cũ ca nũmo cutijata, añuro tiigu tiimi. Ca nũmo cutitigu pea, añuro peti tiigu tiimi.

³⁹ Nomio, ca manũ cutirico, cõ manũ cũ ca catiro cũ mena ca niipo niimo. Cũ ca bii yai weojata docare, noo cõ ca boogu mena manũ cuti majimo ñucã, buari, Cristore ca tuo nũñjeegu ñnore. ⁴⁰ Yu ca tugoeñajata, “Manũ manigo peera ñjea niigo niirucumo,” yu ñi. Yu cãa, “Umũreco Pacũ yũ Añuri Yeri yũ cõobu,” yu ñi.

8

Baarique, weericarãre tii núcũ buorã jee dica woorique

¹ Weericarãre tii núcũ buorã baarique tiicojo núcũ buorique maquẽre mija ca jãñarique peera o biro mujare yu ñi, yee méera díamacũ ca niirijere niipetirãpũra mani maji. Majiriquea watoara ca bii ditorije nii. Mairique pea añuro nii nũña waaricaró tii. ² Jĩcũ, “Ca majigu yu nii,” ca ñiruga niigu ñnoa, ména majirica wãme ñno peera majitimi. ³ To ca bii pacaro, Umũreco Pacũ ca maigua, Umũreco Pacũ cũ ca majigu niimi.

⁴ Weericarãre tii núcũ buorã waibũcũrã díi cũja ca tiicojo ñuarijere baarique maquẽre, jĩcũ weericũ ñno peera ati yepapũre wapa mani, jĩcũra Umũreco Pacũ nii, cũ ca biirijere mani maji, ⁵ umũreco tutipũre, ati yepa cãare, “Jũguẽa niima” ñiricarã cũja ca nii pacaro. Teere ñijata, paũ jũguẽa nii, paũ uparã nii biima. ⁶ Mani peera, jĩcũra Umũreco Pacũ, mani Pacũ, niipetirije ca tiiricũ, ñucã cũ jaarã nii, mani ca biigu wado niimi. Ñucã jĩcũra Wiogu niimi Jesucristo wado, cũ jũorira niipetirije nii, manipũ cãa nii, mani ca biigu wado.

⁷ Biirãpũ, niipetirãpũra ate maquẽre majitima. Jĩcãrã, weericarãre ca núcũ buo jeya waaricarã, “Jũguẽare cũja ca tii núcũ buo ñuarique niicu,” ñi tugoeñari, tee baariquere baama. Cũja ca tugoeña niirijepũ tugoeña bayitima ñirã, cũja majuropeera, “Ñañarijere mani tiijara,” cũja ca ñi tugoeñarique paio tii. ⁸ Biiorpũ, mani ca baarijera Umũreco Pacũ jaarã mani ca niiro tiiti. Mani ca baarije jũorira, añurã nii, mani ca baatirije jũorira ñañarã nii, mani biiticu.

⁹ To ca bii pacaro bojoca catiya, mija peera añurije ca niiro macã mija ca tii niirijera, ca tugoeña bayitirã peere ñañarije cũja ca tiiro, mija ca tii buiyeetipere biro ñirã. ¹⁰ Jĩcũ ca tugoeña tutuatigu, mũ, atere ca majigu niiri, weericarãre cũja ca tii núcũ buori tabepũ mũ ca baa duwiro ñagu, ¿“Weericarãre cũja ca tii núcũ buo ñuariquera ca baacãpũ yu niicu yu cãa,” cũ ñi tugoeñatibogajati? ¹¹ Mũ, teere ca majigu mũ ca niirije jũorira, mũ yee wedegu ca tugoeña tutuatigu, Cristo cũ ca bii yai bojaricũ yairucumi. ¹² Mija jaarã ca tugoeña bayitirã menare o biro ñañaro tiirã, Cristo menarena ñañaro tiicãrã mija tii. ¹³ To biri yu ca baarije jũorira, yu yee wedegu ñañaro cũ ca tiiro ca tiirije to ca niijata, yu baa nemotirucu, ñañaro cũ ca tiiro yu tiire ñigu.

9

Añurije queti wederi maja cũ ca tiipe

¹ ¿Yu ca tiirugarije ca tiipũ ñno méé yu niiti? ¿Jesús cũ yee quetire cũ ca wede doti cojoricũ méé yu niiti? ¿Mani Wiogu Jesús're yu ñatijapari? ¿Mija méé mija niiti, yu paderique, Wiogu yee yu ca paderijere ca nii jeeña waarã? ² Aperã pea Jesús cũ yee quetire cũ ca wede doti cojoricũre biro yũre cũja ca ñatimijata cãare, “¿Mija peera, cũ peti yu nii!” Mujara, Jesucristo mena mija ca niirijera cũ yee quetire cũ ca wede doti cojoricũra yu ca niirijere bii ñno.

³ Ate nii, yure ca wede pairãre yu ca yũrije: ⁴ ¿Jãara baa, jini, jãa ca tiipe uno to maniti? ⁵ ¿Aperã, Jesucristo cũ yee quetire cũ ca wede doti cojoricarã, Wiogu bairã, to biri Cefas* jãa, cũja ca tiitore biro jãa pea, jĩcõ Cristore ca tuo nunujeegore numo cuti, cõ mena bapa cuti, jãa waa yuju majititi? ⁶ ¿To docare jãa wado yuu, Bernabé mena, jãa majuropeera ca pade wapa taa baa niiparã jãa niiti?

⁷ ¿Niipe uwamu, uwamu cũ ca niirijere pade niigu, cũ ca tii niirijere cũ yee menara cũ wapa tii niibogajati? ¿Niipe oteri maju uje ote pacagu, tee dicare cũ baatibogajati? ¿Niipe oveja coteri maju cũja õpẽcõa cũ ca diperije jinitigura cũ cote niibogajati? ⁸ “Atere cũra iigu iimi” ñi tũgoeñaticãna. Doti cũurique cãa to birora ñi. ⁹ Moisés cũ ca doti cũurique o biro ñi owarique nii: “Buey† trigo quejerire cũ ca wta code niiro, cũ ujerore jia biatoticãna,” ñi.‡ ¿Umureco Pacu bueyes're ña nunujeegu cũ iupari? ¹⁰ ¿Añuro petira mani yee maquẽ peere iigu méé cũ iijapari? Mani yee maquẽ ca niipe maquẽrena iigu iijapi. To biri paderi maja, ca jee cũu nunu waagu, ca dica jee, tee quejerire weo bate ca tiigu, ca dicare mani jeerucu, ñi tũgoeña yuerique mena padema. ¹¹ Mũja watoare añurije quetire wederã, añuro yeri cutiriquere oterãre biro mũjare jãa ca tiirique to ca niijata, ¿mũja ca cuorijere jãa ca jãiro jãare mũja ca tii nemoro to añutibogajati? ¹² Aperã cãa, mũjare cũja ca tii nemo ecojata, jãa pee doca cũja ametuenero mũja ca tii nemoparã jãa nii.

To ca bii pacaro mũja ca tii nemoparã jãa ca niirijere buaro jãa ñiti. To biro ñitirãra, Cristo yee añurije quetire jĩcã wãme uno peera ca bii camotaatipere biro ñirã, niipetirijepurena jãa nucãcã. ¹³ ¿Umureco Pacu yaa wiire ca pade niirã,§ tii wii maquẽra baa, joe juti añu muenerica tuture ca ña nunujeepade niirã cãa, tiicojo nucũ buorã cũja ca jee earije waibucurã dífrena baa, cũja ca tiirijere mũja majititi? ¹⁴ O biri wãmera dotiupi Wiogu: “Añurije quetire ca wederã tee cũja ca wede niirije juorira baa cati niirucuma,” iupí.

¹⁵ Yu pea atere to biro ca tiipu niicã pacagu, jĩcã wãme uno peera mũjare yu jãitiwu. Nucã atera, teere mũjare jãigu méé o biri wãme yu ñi owa. Ate to biro yu ca ñi bayi niirijere yeera ñicãmi, yure cũ ca ñiparo juguero yu bii yaicoarugami. ¹⁶ Añurije quetire yu ca wedejata, ñee peere iigu cõro, “O biro ca biigu yu nii,” yu ñi majiti. Tea yu ca wedepera niicãro bii, “¡Abé nija yu niiquiricu añurije quetire yu ca wedetijata!” ¹⁷ Yu majuropeera tiirugarique mena yu ca tiijata, yu yee ca niipere ca tiicojo ecorura yu niibocu. Dotiriquere yu ca tiijata, “Tee mu tiirucu,” Umureco Pacu yure cũ ca ñiriquere tiigu yu tii. ¹⁸ ¿To docare dije to niiti, yu ca wapa taarije? Añurije quetire wedegu wapa manirora wede, mũjare ca tii nemo ecoru yu ca niirijere ca wapa manirijere biro ña, yu ca biirije nii.

¹⁹ Añuro niicã, jĩcũ uno peerena ca pade cotege niiti bii pacagu, niipetirãre pade coteri majure biro yu bii, paũ jañuri Cristo yaarã cũja ca niiro tiirugu. ²⁰ Judíos mena niigu, cũjare biro yu bii, judíos Cristore cũja ca tuo nunujeero tiirugu. Doti cũurique ca ñirore biro ca tii nunujeerã mena niigu cãa, cũjare birora yu bii, yu majurope pea doti cũuriquere ca tii nunujeetigu nii pacagu, teere ca tii nunujeerãre Cristo peere cũja ca tuo nunujeero tiirugu. ²¹ Nucã doti cũuriquere ca cuotirã menara, doti cũuriquere ca cuotigure biro yu bii, Umureco Pacu cũ ca dotirijere cuocã, Cristo cũ ca dotirijere tii nunujeecã bii pacagu, doti cũurique ca cuotirã Cristore cũja ca tuo nunujeero tiirugu. ²² Ca tũgoeña tutuatirã mena niigu cũjare biro yu bii, ca tũgoeña tutuatirãre Cristore cũja ca tuo nunujeero tiirugu. Niipetirã menapurena, niipetirijepurena cũjare biro yu bii, yu ca tii niirije mena jĩcãrã cũja ca ametuaro yu tiibocu iigu. ²³ Ate niipetirijere añurije queti juori yu tii, tee añurije ca jee doorijere bua earugu.

* 9:5 Ape wãme Pedro. † 9:9 Wectu paigu, ca nucũrije ca padegu. ‡ 9:9 Dt 25.4. § 9:13 Jerusalén macã wii Umureco Pacu yaa wiire ca pade niirã, paia judíos, Umureco Pacure tiicojo nucũ buorã, waibucurã cũja ca joe muene duarijere baama. Nm 18.8-24; Lv 6.16.

²⁴ ¿Ūmaari maja, niipetirāpura wapa taarugarā ūmaa pacarā, jīcū ca ūmaa ametua nūcāgu wado cū ca wapa ñeerijere mūja majititi? To biri wāmera mūja cāa, wapa ñeerugarā, Ɖmureco Pacu cū ca boorore biro pee tii niiña. ²⁵ Eperi maja niipetirāpura tee ca tii dotirote birora epe bue niima. Cūja, yoari méé ca yairijerena epe wapa taarugarā* to biro tiima. Mani pea to birora ca niicōa niipe peere wapa taarugarā mani tii. ²⁶ To biri yua, cū ca ūmaa yapano eapa tabe ca mani pacaro ca ūmaagure biro yu ūmaati. Nūcā ñeeja manirora ca ñoje amagure biro yu tiiti. ²⁷ Tiitigura yu upurirena ñañaro tii, yure ca tuo nunujeero tii, yu tii, aperāre añuriye queti yu ca wedericaro jiro ca nii pacaro yu majuropeera teere ca tii nunujeetigure biro yu tuare iigu.

10

Israelitas cūja ca biiquīrique mena wede majiorique

¹ Yu jaarā, mani ñicū jāa niiquīricarā niipetirāpura bueri burua doca nii, niipetirā dia pairi yaare* tīa, cūja ca biiriquere mūja ca acoboro yu booti. ² Cūja niipetirāpura bueripu, dia pairi yaapu uwo coe ecoupa, Moisés cū ca biirore biro nii earugarā.† ³ Niipetirāpura tee wado baarique yeri tutuarique‡ ca niirijere baa, ⁴ ñucā niipetirāpura tee wadorena yeri tutuarique ca niirije, ūtāga cūja mena ca niirica maquē ocore jini, tiupa, tiiga ūtāga pea Cristora cū ca niirijere. ⁵ To ca bii pacaro, niipetirā jañuriparena cūja ca tii niirijere ĩa biijejatiupi Ɖmureco Pacu. To biri cūja upuri niiquīrique ca yucu maniri yepapura cūa batecā yai waaupa.

⁶ Ate niipetirije biiupa, ñañariye tiirique mani ca tiirugarijere cūjare biro tiiti, mani ca biipere manire bii majioro. ⁷ To biri jīcārā cūja mena macārā cūja ca tiiricarore biro weericarāre ca ĩi nūcū buorā niiticāña. O biro ĩi owarique ca niirore biro: “Bojoca, baa, jini, tii ea nuu waa, jiro wumu nūcā, Ɖmureco Pacure ca majitirāre biro tiirica wāme cōro méepu tii ūjea nii niupa.”§ ⁸ Jīcārā cūja mena macārā tiirica wāme cōro méé, cūja ca ñee epericarā cūtiricarore biro ca tiitiparā mani nii, tee juori jīcā rumurena veintitrés mil niirā peti bii yaiupa.* ⁹ Nūcā Wiogure, jīcārā cūja mena macārā cūja ca ĩiquīricarore biro, “Ñañari wāme mani ĩi ñaaco,” ca ĩitiparā mani nii. Tee juori añaare baca jīa ecoupa.† ¹⁰ Jīcārā cūja mena macārā Ɖmureco Pacure yairoacā cūja ca wede pai cotericarore biro ĩiticāña. Tee juori, Ɖmureco Pacu puto macū jīari majure jīa eco yaiupa.‡

¹¹ Ate niipetirije cūjare biiupa, ca bii majiorijere biro bii juguero. Mani ati cuure ca niirāre ca wede majiopere birora owa tuurique nii eaupa. ¹² To biri “Ca tūgoeña bayigu yu nii,” ca ĩi tūgoeñaña, “Ñañarijere yu tiibocu,” ĩi, bojoca catiri niiña. ¹³ Mūja, ca bii buiyeerije bojocare ca biitirije unopura ñañaro mūja tamuo ñaati. Biigupua Ɖmureco Pacu pea cū ca ĩirore biro ca tiigu niiri, mūja ca tūgoeña bayiro ametueneropu mūjare ca bii buiyeerije mūja ca tamuoro tiitirucumi. Tiitigura, ca bii buiyeerije mūjare ca bii earo, mūja ca bii ametua bayipe cāare mūjare tiicojorucumi, mūja ca tūgoeña bayipere biro iigu.

Weericarā boje rumuri, to biri Wiogure tii nūcū buo baarique

¹⁴ To biri yu jaarā yu ca mairā, weericarāre ĩi nūcū buoriquere to cōrora tii yerijāña. ¹⁵ Bojoca ca tuo maji waaricarāpura yu ĩi. Yu ca ĩirijere mūja majurope ĩa beje cōñaña. ¹⁶ Cristo manire cū ca bii yai bojariquere tūgoeñari, tii nūcū buorā ūje oco bapare jinirugarā juguero Ɖmureco Pacure, “Añu majuropecā,” ĩiri jinirā, ¿Cristo manire cū ca díi bate yai waa bojariquerena tiirā méé mani tiiti? Pan'gare bato baarā, ¿Cristo cū

* 9:25 Corona, laurel pūu mena tiirica beto, pejarica beto yoaro ca niitiri betore buarugarāra. * 10:1 Mar Rojo (jūari yaa). † 10:2 Ex 13.21-22; 14.19, 22-29. ‡ 10:3 Maná, israelitas're Ɖmureco Pacu cū ca baarique tiicojorique. Ex 16.4, 35. § 10:7 Ex 32.6-8. * 10:8 Nm 25.1-18. † 10:9 Nm 21.5-6. ‡ 10:10 Nm 16.41-49.

upɐ mena manire cū ca bii yai bojariquerena tiirã méé mani tiiti? ¹⁷ Pan'ga jĩcãgara nii, niipetirã mani ca baarica. To biri paɐ nii pacarã, jĩcã upɐ macãrãra mani nii. §

¹⁸ Israelitas cūja ca tii niiriquere ãañaaqué: Waibucurã díí cūja ca joe juti añu mñeneri tutu maquē waibucurã dííre baarã, tii tutu maquērena baarã tiima. ¹⁹ Ate menare waibucurã díí, weericarãre tii núcū buorã cūja ca joe mñenerije pee “Apeye ca tii núcū buoya manirije ametñenero ca nii majuropeerije nii,” ñucã “Weericu pee cãa, ca wapa cuti jañugɐ nii biimi,” ñirugɐ méé yu ñi. ²⁰ Æmureco Pacure ca majitirã, waibucurã díí mena joe juti añu mñene niirã, wãtĩare tii núcū buorã tiima. “Æmureco Pacure tii núcū buorã méé tiima,” ñigɐ yu ñi. Yu pea wãtĩare cūja ca tii núcū buo niirijere, cūjare mɔja ca baa bapa cuti niiro yu booti. ²¹ Wiogɐ manire cū ca bii yai bojariquere tugoeña tii núcū buo niirã, ɛje oco bapare jini, ñucã wãtĩare tii núcū buorã cūja ca jiniri bapari peere jini, mɔja tii majiti. Ñucã Wiogure tii núcū buorã baarique peere baacã pacarã, wãtĩare cūja ca tii núcū buo baarije peere baa, mɔja tii majiti. ²² ¿To docare Wiogɐ cū ca uwa jeoro mani tiirãti? ¿Cū ametñenero ca tutuarã mani niiti?

Cristore ca tuo nunujeegɐ cū ca tii niirije

²³ Niipetirije yu ca tiipera nii. Biiorɔɔa niipetirijepɔra añuti. Niipetirije yu ca tiipera nii. Biiorɔɔa niipetirijepɔra añuro nii nunua waaricaró tiiti. ²⁴ Jĩcū ñno peera, mɔja majurope, añuro mɔja ca niipe wadore amaaticãña. Aperã añuro cūja ca niipe peere amaña.

²⁵ Niipetirije waibucurã díí cūja ca noniri jawi maquēre mɔja ca tugoeña niirijepɐ ca biirije jɔori, jãñatirãra baacãña. ²⁶ Ati yepa niipetiro, to biri, tii yepare ca niirije, niipetirijepɔra Æmureco Pacu yee nii.*

²⁷ Jĩcū Cristore ca tuo nunujeetigɐ, “Baarã dooya,” mɔjare cū ca ñi jɔoro mɔja ca yɔñjata, mɔja ca tugoeña niirijepɐ ca biirije jɔori jãñatirãra, mɔjare cū ca ecarije niipetirora baacãña. ²⁸ To biri jĩcū, “Ate waibucu díí weericarãre tii núcū buorã cūja ca joe mñenejãrije nii,” mɔjare cū ca ñijata, to biro ca ñiricure tuo nunujee, ñucã mɔja ca tugoeña niirijepɐ ca biirije jɔori baaticãña.† ²⁹ Mɔja ca tugoeña niirijerena ñigɐ méé yu ñi. “Apĩ cū ca tugoeña niirije peere mɔja ñãñore,” ñigɐ yu ñi. ¿Ñee tiigɐ yu ca tii niirijere, aperã cūja ca tugoeña niirijepɔre, “To biro tiimi,” cūja ca ñi ña bejero yu tiibogajati? ³⁰ Baariquere, Æmureco Pacure “Añu majuropeecã,” yu ca ñi baarije, ¿ñee tiigɐ Æmureco Pacure “Añu majuropeecã,” yu ca ñi baarije jɔorira cūja ca wede paio yu tiibogajati?

³¹ To biri baa, jini, ñucã apeye noo mɔja ca tiirijere tiirã niipetirijepɔrena Æmureco Pacure tii núcū buorique mena wado tiiya. ³² Jĩcū ñno peerena, judíos're, judíos ca niitirãre, ñucã Æmureco Pacu yaarãre, ñañarije cūja ca tiiro tiiticãña. ³³ Yure biro tiiya, niipetirijepɔrena niipetirãre cūja ca ña ɛjea niirijere yu ca tiirore birora. Yu majuropeera añuro yu ca biiperena yu amaati, paɐ yee maquē peere yu ama, cūja ca ametuapere biro ñigɐ.

11

¹ Mɔja cãa, yu ca biirore biro bii nunujeeya, yu cãa Cristore yu ca bii nunujeerore birora.

Nea poo juu buerica tabere tii niirique

² Mɔjare yu ɛjea nii peo, to birora yure tugoeñacã nii, mɔjare yu ca bue majoriquere, mɔjare yu ca wedericarore birora tii nunujee, mɔja tii.

³ To biri Cristo, ɛmũare ca jɔo niigɐ nii, ɛmũa pea nomiare ca jɔo niirã nii, ñucã Æmureco Pacu pea Cristore ca jɔo niigɐ nii, cūja ca bii niirijere mɔja ca majiro yu boo.

⁴ Niipetirã ɛmũa juu bue, ca biipere wede jugue, ca tiirã cūja dɔpɔgare cūja ca buatojata, cūjare ca jɔo niigɐ cūja dɔpɔgare núcū buotirã tiima. ⁵ Ñucã nomia cõrora juu bue, ca

§ 10:17 “Jĩcũra niimi mani ca tii núcū buo niigɐ, to biri paɐ nii pacarã, Cristo yaarã wado mani nii.” * 10:26 Sal 24.1. † 10:28 Ati yepa niipetiro, to biri tii yepare ca niirije niipetirijepɔra Æmureco Pacu yee nii.

biipere wede jugue, tiirã, cūja dɔpɔgare buatotirãra ca tiirã, cūja manɔ jũmɔare nɔcũ buotirã tiima. Cūja poare ca pede batecãricarãre biro biima. ⁶ Nomio, cõ dɔpɔgare cõ ca buatoticãjata, cõ poa cãare cõ taacãjato. Nomiore, poa yoetirijeacã cɔo, poa pede batericagapɔ dɔpɔga cuti biirique ca boborije to ca niijata, cõ peo ditojato. ⁷ Ʋmɔ pea cũ dɔpɔgare ca buatotipɔ niimi. Mee cūa Ʋmɔreco Pacɔ bauriquera nii, ñucã Ʋmɔreco Pacɔ do biro ca tiiya manigɔ cũ ca niirijere nii bau nii, ca biigɔ niimi. Nomio pea ɔmɔ cũ ca niirijere ca nii bau niigo niimo. ⁸ Ʋmɔa nomio macã tabere amiri, cũ ca tiiricɔ méé niimi. Nomio pee ɔmɔ macã tabere amiri, cũ ca quenorico niimo. ⁹ Ʋmɔa, nomio yee jɔori méé jeeño ecoupi. Nomio pee ɔmɔ yee jɔori jeeño ecoupo. ¹⁰ Atere ñima ñigo, ñucã Ʋmɔreco Pacɔ pɔto macãrãre ñima ñigo, nomio cõ dɔpɔga jotoare jɔti quejero ca peopo niimo cõre ca jɔo niigɔre ca bii cõoñari quejerore.

¹¹ To ca bii pacaro, Cristore tɔo nɔnɔjeejata peera, ɔmɔ* jĩcũra bojoricaro nii, nomio cãa jĩcõra bojoricaro nii, bii majitima. ¹² Nomio, ɔmɔ upɔ macã tabe mena cũ ca tiiricarore birora, ɔmɔ cãa nomiorɔre baɔami; bii pacarã niipetirã Ʋmɔreco Pacɔ cũ ca tii jeeñorã wado niima. ¹³ Mɔja majuropeera ña beje cõoñaña, nomio cõ dɔpɔgare peo ditotigora, Ʋmɔreco Pacɔre cõ ca juu buerije, ca añurijera to niiti. ¹⁴ Bii bojoca cuti niirique majuropeera, ɔmɔ cũ ca poa ñapõ cutijata ca boborije nii,† mɔja ca ñi majiro tii, ¹⁵ bii pacaro, ¿nomio peera paio cõ ca poa ñmarije ca añurije nii, mɔja ca ñi majiro to tiititi? Nomiora jɔti quejero ɔnora poa yoerije cõre tiicojoui. ¹⁶ Jĩcũ ɔno ate maquẽre buaro cũ ca ñi uwa jeo wederɔgajata, jãa, Ʋmɔreco Pacɔ yaarã ape wãme jãa ca tii niitirijere ca majipɔ niimi.

Wiogɔre tii nɔcũ buo baariquere tii eperique

¹⁷ Ano mɔjare yɔ ca wede majio nɔnɔa waape peera mɔjare yɔ ɔjea nii peoti, mɔja ca nea poorucurijera, añuro nii nɔnɔa waaricaro ɔnora buaro jañuro mɔjare ñañocã. ¹⁸ Ca nii jɔori tabere, Cristore ca tɔo nɔnɔjeerãre birora nea poorã, cūja majuropeera ameri dica watima ñiriquere yɔ tɔo. “Díamacũra biicu,” yɔ ñi. ¹⁹ Yee méé yɔ ñi, mɔja watoare ña dica woori maja manicã biiticuma, Ʋmɔreco Pacɔ yaarã peti ca niirã cūja ca niirijere ca majirɔgarã. ²⁰ To biro mɔja ca bii niirije niima ñiro, mɔja ca nea poo baarije, Wiogɔ cũ ca biiriquere mɔja ca tɔgoeña tii nɔcũ buo baarije méé nii. ²¹ Baarica tabe ca earo, to cãnacãrãpɔra jĩcũ ɔno peerena yue nemoricaro maniro mɔja baa juguecã. Jĩcãrã ɔna menara nii cūja ca biicãro, aperã pea ca cũmurãpɔ niicãma. ²² ¿To docare mɔja, baa, jini, mɔja ca tii niipa wiijeri mɔja cɔotiti? ¿Ñee tiirã Ʋmɔreco Pacɔ yaarãre nɔcũ buoti, ca cɔotirãre boboro cūja ca tamɔoro tii, mɔja tiiti? ¿Ñee mɔjare yɔ ñigɔti? ¿Ate jɔori mɔjare yɔ ɔjea nii peogɔti? Yɔ ñiti majuropecãrucu.

Wiogɔ cũ ca baa tɔjarique

(Mt 26.26-29; Mc 14.22-25; Lc 22.14-20)

²³ Wiogɔ yeere yɔ ñeewɔ, mɔja cãare yɔ ca bue majioriquere: Wiogɔ Jesús cũ ca wedejã cõa ecorica ñamire pan'ga‡ ami, ²⁴ Ʋmɔreco Pacɔre “Añu majuropecã,” ñiri jiro tiigare pee bato, o biro ñiupi: “Atiga pan'ga yɔ upɔ nii. Mɔja yee jɔori yɔ ca bii yai bojarije, yɔ ca biiriquere tɔgoeñarã atere tiiya.” ²⁵ Ñucã to biiri wãmera, baa yapanori jiro, jinirica bapare ami, o biro ñiupi: “Ati bapa wãma wãme yɔ tiirucu,” cũ ca ñiriquere cũ ca ñiricarore birora yɔ ca díi cõa yai waarije nii. Tii bapa maquẽre jinirã cõrora yɔ ca biiriquere tɔgoeñari tiiya. ²⁶ Atiga pan'gare baa, ati bapa maquẽre jini, mɔja ca tiiri taberi cõrora Wiogɔ cũ ca bii yairiquere mɔja wede, cũ ca dooropɔ mɔja wede yerijãarucu.

²⁷ To biri no ca boogɔ, teere nɔcũ buoti pacagɔ pan'gare baa, Wiogɔ yaa bapa maquẽre jini, ca tiigua, Wiogɔ upɔre, cũ díi menare ñañarije tiigɔ tiimi. ²⁸ Teere ñirã, cūja cõrora

* 11:11 Ʋmɔ, nomio manirora nii, nomio pee cãa ɔmɔ manirora nii, bii majitima. † 11:14 Judíos cūja ca bii jɔo doorique peera poa ñapõ cutirique ca boborije niipura. ‡ 11:23 Pan wɔabere mani ca tiitore biro, judíos, to cãnacã rɔmɔra cūja ca baarije niipura. Pascua boje rɔmɔ peera, ca wuaro ca tiirijere jãa ayiatirãra pan quenori baaupa.

pan'gare baa, jinirica bapa maquẽre jini, cõja ca tiiparo jũguero cõja majuropeera ca tũgoeña beje ñaaparã niima. ²⁹ Wiogũ upũri ca biiriquere ãa cõõña maji petiti pacagũ, pan're baa, jinirica bapa maquẽre jini, ca tiigua, cõ majurope ñañoaro cõ ca biiperena baa, jini, tii bui cõtigu tiimi. ³⁰ Tee jũori, paũ mũja mena macãrã diarique pairã, yeri tutuatirã niima. Ñucã paũ bii yaiupa. ³¹ Mani majuropeera mani ca tũgoeña cõõña majijata, Wiogũre ñañoaro mani tii ecotibocu. ³² Wiogũ ñañoaro manire cõ ca tiijata, cõja tũgoeña majijato ñigu, to biro manire tiimi, ati yepa macãrã menara ñañoaro mani ca tii yaio ecotipere biro ñigu.

³³ To biri yũ yaarã, baarũgarã nea poorã ameri yueya. ³⁴ Jĩcãrã cõja ca queyajata, cõja yaa wiijeripũra cõja baajato, mũja ca nea poo baarijera ñañoaro ca tii yaio ecomparã mũja ca niiro ca tiirije to ca nii eatipere biro ñirã. Apeye peera mũjare ñagu waagũpũ yũ wede quenorucu.

12

Añuri Yeri jũori mani ca tii majipere cõ ca tiicojorique

¹ Yũ yaarã, mani ca tii maji niipere Añuri Yeri manire cõ ca tiicojorie maquẽre añuro mũja ca majiro yũ boo. ² Mena Jesucristore ca tũo nũnũjeetirã niirã, weericarã ca wedetirã peere mũja ca tii nũcũ bũo nũnũjeerucuriquere mũja maji. ³ To biri Æmũreco Pacũ yũũ Añuri Yeri jũori ca wedegũa: “Bũecũ niimi Jesús,” ñi majitimi. Ñucã jĩcũ Æno peera Añuri Yeri jũori méé ca wedegũa: “Wiogũ niimi Jesús,” ñi majitimi,” mũjare yũ ñi wede majio.

⁴ Biiorũa, Jesucristo yaarãre bojorica wãmeri cõja ca tii maji niipe nii, Añuri Yeri pea jĩcũra niimi. ⁵ Bojorica wãmeri wado ameri tii nemo niirique nii, jĩcãri mena Jesucristore mani ca tii nũcũ bũo niipere biro ñigu. Niipetirijepũrena Wiogũ wadora dotimi. ⁶ Bojorica wãmeri wado tii niirique nii, to ca bii pacaro jĩcũra niimi Æmũreco Pacũ, niipetiorũre niipetirije ca tii niigu.

⁷ To cãnacãrãpũrena, Añuri Yeri cõ ca niirijere jĩcã wãme to ca bii bau niiro tiimi, niipetirãpũ añuro cõja ca niipere ñigu. ⁸ Jĩcãrãre Æmũreco Pacũ Añuri Yeri jũori, majirique mena cõja ca wedepere tiicojomi. Aperãre, cõ Añuri Yeri jũorira, añuro tũo puorique mena cõja ca wede majipere tiicojomi. ⁹ Aperã, cõ Añuri Yeri jũorira, díamacũ tũo nũcũ bũoriquere tiicojo ecoma, aperã ñucã, cõ Añuri Yeri jũorira, diari majare cõja ca diarique ametũenepere tiicojo ecoma. ¹⁰ Aperã, ca ña ñaaña manirijere tii bau nii maji tutuariquere, aperã ca biipere wede jũgue majiriquere, aperã yeri tũgoeña niiriquere ña beje majiriquere,* aperã apeye wederiquere,† aperã apeye wederique ca ñirũgarijere wede majio majiriquere, tiicojo ecoma. ¹¹ Ate niipetirijere jĩcũra, jĩcũ Añuri Yeri menara to cãnacãrãpũrena cõ ca boori wãmerire biro cõjare tiicojomi.

Jĩcã upũ macãrãra mani ca niirije

¹² Ñucã ape wãme mũja ca jãñarique peera o biro mũjare yũ ñi: Upũ jĩcã upũra nii pacaro, paũ taberi nii. Cristore ca tũo nũnũjeerã mena cãare to birora bii. ¹³ Jĩcũ Añuri Yeri jũorira, mani uwo coe ecowũ, jĩcã upũra nii earũgarã, judíos, judíos ca niitirã, ca pade coterã, añuro ca niicãrã cãa, jĩcũ Añuri Yeri yeerena niipetirãpũra mani cũo eawũ. ¹⁴ Upũra, jĩcã tabe menara upũ niiti, paũ taberi mena upũ nii ea. ¹⁵ Dupo, amo méé niiri, “Upũ macã tabe méé yũ nii,” to ca ñijata, tee jũorira upũ macã tabe niiticoa biitico. ¹⁶ Amopero, capega méé niiri, “Upũ macã tabe méé yũ nii,” to ca ñijata, tee jũorira upũ macã tabe niiticoa biitico. ¹⁷ Upũ niipetiorũra capega to ca niicãjata, ¿do biro pee tii tũorique to niibojapari? Upũ niipetiorũra amopero wado to ca niicãjata, ¿do biro pee tii wĩni majirique to niibojapari? ¹⁸ Æmũreco Pacũ, upũ macã taberire tee cõrorena tee ca niipa taberira tiipuri. ¹⁹ Niipetirijepũra jĩcã tabera to ca niicãjata, ¿upũ pea noorpũ to niibojapari? ²⁰ Díamacũra paũ taberi nii, bii pacaro jĩcã upũra nii.

* 12:10 1Ti 4.1; 1Jn 4.1. † 12:10 Ca tũo ñaaña manirije wederique.

²¹ Capega, amore: “Mure yu booti,” ñucã dupuga, duporire: “Mujare yu booti,” ïi majiti. ²² O biro pee bii: Upu macã tabe ca tutuatiri tabe peerena buaro boorique nii. ²³ Upu macã tabe ca maioti jañuri tabe peere añuropu ïa nunujee mani juti jãña buato nii. Upu maquẽ ca bau niitirije peere añuropu mani tii padeocã, ²⁴ bau niiro ca niirije peera to biirije tiirique ca booti pacaro. O birora tiiupi Æmureco Pacu mani upu maquẽre ca maioti jañurije peere, añuro tii padeorique to niijato ïigu. ²⁵ Upure dica watiricaró maniro niiri, ape taberire añuro jïcãri cõro to ca ïa nunujee niipere biro ïigu. ²⁶ To biri jïcã tabe upu macã tabe ñañoaro to ca tamuoro, niipetirijepura ñañoaro tamuocã. Ñucã jïcã tabe añuro to ca tii ecojata, ape taberi cãa, tii tabe menara ujea nii.

²⁷ Muja, Jesucristore ca tuo nunujeerã cã upure biro muja nii, muja ca niiro cõrora tii upu macã taberi ca niiro cõro, bojorica wãmeri wado ca tii niirije ca niimore birora muja bii. ²⁸ Jesucristo yaarãre, Æmureco Pacu pea ca nii juori tabere, añurije quetire wederi maja, cãja jirore, ca biipere wede jugueri maja, cãja jirore bue majiori maja, cãja jirore, ca ïa ñaaña manirije ca tii bau nii majirã, cãja jirore, ca diarique cutirãre ca diarique ametuene majirã, aperãre ca tii nemorã, ca juo niirã, apeye wederiquere ca wede majiparãre cãjare cõuupi. ²⁹ ¿Niipetirãpura añurije quetire wederi maja cãja niiti? ¿Niipetirãpura ca biipere wede jugueri maja cãja niiti? ¿Niipetirãpura bue majiori maja cãja niiti? ¿Niipetirãpura ca ïa ñaaña manirije tii bau niiriquere cãja tiiti? ³⁰ ¿Niipetirãpura diarique ametuene majiriquere cãja cuoti? ¿Niipetirãpura ape wãme wederiquere cãja wedeti? To docare ¿niipetirãpura apeye wederique ca ïrugarijere cãja wede majio majiti? ³¹ Muja pea tii majirique añurije ca niirije peere cuoruga niña.†

Mairique

Mecãra añurije tii niirique petire mujare yu wede majiorucu.

13

¹ Bojoca yeere wedecã, Æmureco Pacu puto macãrã yeere wedecã, tii pacagu yu ca maitijata, come pïi, ñucã come tiiri paa bujuo pato wãcõricarore biro yu bii. ² Ca biipere wede jugue majiriquere cuocã, niipetirije ca majiña manimiriquere tuo puo peticã, niipetirije majirique cuocã, ñucã díamacũ yu ca tuo nucũ buorije macãnucũ buurorire aperopu ca wẽe waaropu ca tiiro ca tiirije cuocã, yu ca bii pacaro, mairique pee yure to ca manicãjata, yu mani majuropeecã. ³ Yu ca cuorije niipetirore ca boo pacarãre bato peoticã, ñucã yu majuropeera yu upurire cãja ca joe cõaro tiicã pacagu yu ca maitijata, tee menare ñeacãpe yu buati.

⁴ Mairiquea tugoeña bayi, ca bojoca añugu nii, biirique nii. Mairiquea ïa tutiti, yu majuropeera ca nii majuropeegure biro tugoeñati, “O biro ca biigu yu nii,” ïiti, ⁵ ñañoari wãme bii tuti, jïcãra boocã ca biiya manirije, õo ca biirijeacãrena ajia, yoaro ajia tugoeñacõa nii, biiricaró tiiti. ⁶ Mairiquea ñañoaro tiicãrira ujea niirique méé nii; díamacũ maquẽ peere ujea niiricaró tii. ⁷ Mairiquea niipetirijepurena tugoeña bayi, niipetirijepurena tuo nunujee, niipetirijepurena yue, niipetirijepurena nucã, bii.

⁸ Mairiquea jïcãti uno peera yai nucãcoa, biitirucu. Ca biipere wede jugue majiriquea peti nucãcoa, apeye wederique peticoa, maji niirique yai nucãcoa, biicãrucu. ⁹ Jïcã wãmerira maji, jïcã wãmerira ca biipere wede jugue, mani bii. ¹⁰ To biri ca nii majuropeegu cã ca earora, jïcã wãmeri maji niimirique yai nucãcoarucu. ¹¹ Wimagũ niigu wimagure biro wede, wimagure biro tugoeña, wimagure biro tugoeña beje, yu biiwu. Bucua maja nucã waagu, wimagũ yu ca niirica wãmere yu yerijãacãwu. ¹² Mecãra ca niimore biro ïatirãra, eñoro añuro ca bauti jañuro ca ïarãre biro mani ïa, to ca bii pacaro jïcã rumu bau niiro mani ïarucu. Mecãra jïcã wãmeri yu maji, to ca bii pacaro jïcã rumu yure cã ca ïarucuricarore biro cõre yu ïarucu.

¹³ Mecãra ate itia wãme nii: Díamacũ tuo nucũ buorique, tugoeña yue niirique, mairique, nii. Tee itia wãme menare ca nii majuropeeri wãme, mairique nii.

† 12:31 Muja pea tii majirique añurijepure ca cuo earugarã niña.

14

Apeye wederique

¹ Mairique peere tii n̄n̄j̄ee niiña. Ñucã Añuri Yeri juori m̄ja ca tii majipe c̄ ca tiicojopere ama niiña, añuro petira ca biipere m̄ja ca wede j̄gue majipere. ² Apeye wederiquere ca wedegua, bojoca mena wedegu méé tiimi. Æmureco Pacu mena wedegu tiimi. J̄c̄ũ uno peera teere tuo puotima. Añuri Yeri c̄ ca majioro macã, ca majiña manirijere wedemi. ³ Ca biipere wede j̄gueri maj̄ pea aperã peere añuro c̄ja ca nii n̄n̄na waaro tii, c̄ja ca t̄goeña ñjea niiro tii, c̄ja ca t̄goeña bayiro tii, tiigu wedemi. ⁴ Apeye wederiquere ca wedegua, c̄ majuropeera añuro c̄ ca nii n̄n̄na waapere iigu tiimi. Ca biipere wede j̄gueri maj̄ pea, Jesucristo yaarã añuro c̄ja ca nii n̄n̄na waaro tiigu tiimi. ⁵ Ȳ pea m̄ja niipetirãpura apeye wederiquere m̄ja ca wedero ȳ boomi. Biigupua, ca biipere ca wede j̄guerã m̄ja ca niirije peere buaro ȳ boo. Ca biipere wede j̄gueri maj̄ pee apeye wederique ca wedegu ametuenero niimi, c̄, Jesucristo yaarã añuro c̄ja ca nii n̄n̄na waajato iigu, tee ca iirugarijere c̄ ca wede majiorije ca nii pacaro.

⁶ Ȳ yaarã, mec̄ra m̄jare iagu waari, j̄cã wãme ca bii iñoriquere wede, majiriquere wede, ca biipere wede j̄gue, m̄jare bue majio, tiiricaros ñora apeye wederiquer̄ m̄jare ȳ ca wede eajata, ¿ñee pee m̄jare to tii nemobogajati? ⁷ Baja apeye ca catitirije, t̄roga, bua p̄t̄e bajaricarore c̄ja ca tii bujuorije bojorica wãme to ca bujuc̄a j̄atijata, ¿do biro pee tiicãri, baja wãmere tuo majirique to niibogajati? ⁸ Ñucã putirica w̄re tuo majirica wãme c̄ja ca puti bujuotijata, ¿ñiru pee c̄ ca ameri j̄agu waapere c̄ queno yue majibogajati? ⁹ To birora bii m̄ja mena cãare, apeye wederique wederã, tuo puoriquera m̄ja ca wedetijata, ¿do biro biicãri, m̄ ca iirijere tuo puorique to niibogajati? W̄norenã wederãre biro m̄ja iirucu. ¹⁰ Ati yeparure pā wederique nii, niipetirijepurena teere ca wederã tuo majima. ¹¹ J̄c̄ũ ȳre c̄ ca wederijere ȳ ca tuo majitijata, c̄ peera apero mac̄p̄ ȳ niicu. Ȳ pee cãare c̄ pee cãa to birora biicãcumi. ¹² To biri m̄ja, mee yeri tutuariquer̄ tii maji niiriquere ca boo niirã niiri, Jesucristo yaarã añuro c̄ja ca nii n̄n̄na waaro ca tiirije pee docare amaña.

¹³ O biro ca biirije juori, apeye wederique ca wedegua c̄ ca iirijere c̄ ca wede majio majipere c̄ tiicojojato iigu, Æmureco Pacure ca j̄i juu buer̄ niimi. ¹⁴ Apeye wederique mena ȳ ca juu buejata, ȳ yerip̄ juu buegu ȳ tii, bii pacagu, ȳ ca tuo majiborique pea manicã. ¹⁵ To docare, ¿do biro ȳ tiiguti? Ȳ ca yeri j̄añarije menap̄ juu bue, ñucã tuo maji niirique mena cãare juu bue, ȳ tiirucu. Ȳ ca yeri j̄añarijerp̄ mena baja, ñucã tuo maji niirique mena cãare baja, ȳ tiirucu. ¹⁶ M̄ ca yeri j̄añarijerp̄ mena Æmureco Pacure m̄ ca baja peojata, ca bue majioña manigu pea añu majuropeecã m̄ ca iirijere, ¿do biro pee biicãri, “To biro to biijato,” m̄re c̄ iñ nemobogajati? ¹⁷ Biigupua, m̄ pea díamac̄ra “Añu majuropeecã,” iigu m̄ tii, ca tuorã peera ñee pee c̄jare biiticã. ¹⁸ Æmureco Pacure, “Añu majuropeecã” ȳ iñ, m̄ja niipetirã ametuenero apeye wederiquere ca wedegu niiri. ¹⁹ Bii pacagu, Jesucristore ca tuo n̄n̄jeerãre, j̄cã amo c̄oro niiri wãmerira ȳ wederuga, c̄ja ca tuo majipere biro, aperã cãare wede majioricarore biro to biijato iigu, apeye wederique mena peera p̄na amo c̄oro mil niiri wãmeri wederica tabe ñnorenã.

²⁰ Ȳ yaarã, m̄ja ca t̄goeña niirijere wimarãre biro biiticãña. Ñañarije tiirique pee docare wimarãre biro niiña. T̄goeña niirique mena peera buc̄rã niiña. ²¹ Doti c̄uriquer̄ o biro iñ owarique nii:

“Ca tuo ñaaña manirije ca wederã mena, ape yepari macãrã menap̄, ati pooga macãrãre ȳ wederucu. To biirije ȳ ca iñcã pacaro, ȳre tuo n̄n̄jeetirucuma, iñmi Æp̄,”
iñ.*

²² To biri apeye wederiquere wederiquea, Cristore ca tuo n̄n̄jeetirãre iñro bii, Cristore ca tuo n̄n̄jeerã méere bii, ca biipere wede j̄gueriquea, Cristore ca tuo n̄n̄jeetirã méere bii, Cristore ca tuo n̄n̄jeerã peere bii c̄oñaro bii. ²³ Cristore ca tuo n̄n̄jeerã neari, niipetirãpura apeye wederiquere wede, m̄ja ca tii niiri tabere

* 14:21 Is 28.11-12.

jīcārā tuo puoti, tuo nūnūjeeti, ca biirā jāa earā, ¿“Mecūra tiima,” mūjare cūja iitigajati?²⁴ Niipetirā ca biipere mūja ca wede jūgue niiri tabere, jīcū tuo puoti, tuo nūnūjeeti, ca biigū jāa eagū, niipetirije mūja ca iirijere tūori, cū majuropeera ñañagū cū ca niirijere ĩa beje cōoña, tūgoeña bojoca cati,²⁵ cū yeripū cū ca biirique cati niirijere majirucumi. To biri Ūmureco Pacū cū ca ĩa cojorore muu bia ea nuu waari, o biro ĩi nūcū būorucumi: “Díamacūra Ūmureco Pacū mūja mena niimi,” ĩirucumi.

Juu buerica tabere añuro tii nūnūa waarique

²⁶ Yū jaarā, ¿do biro mani ĩirāti? Nea poo juu buerā mūja ca niiro cōrora, jīcū baja, apī bue majio, apī ca bii ĩñoriquere wede, ñucā apī apeye wederiquere wede, apī tee ca ĩrūgarijere wede majio, ca tii niiparā mūja nii. Ate niipetirijere Jesucristo jaarā añuro cūja ca nii nūnūa waapere ĩirā ca tiiparā mūja nii.²⁷ Apeye wederiquere wederā, pūarā cōro, paū cūja ca ĩrūgajata, itiarā cōrora cūja wedejato, buari jīcū jiro wado. Nūcā jīcū teere cū wede majiojato.²⁸ Teere wede majiori majū uno cū ca manijata, nea poorica tabepure cū wedeticājato. Cū majuropeera wede, Ūmureco Pacūre wede, cū tiijato.

²⁹ Nūcā to biiri wāmera, ca biipere wede jūgueri maja cūja ca niijata, pūarā, itiarā cōrora cūja wedejato. Aperā pea cūja ca ĩirijere añuro mena cūja tuo cōoñajato.³⁰ Apī, to ca duwigure, Ūmureco Pacū jīcā wāme cūre cū ca wede majiojata, ca wede niigū pea, cū peere cū wede dotijato.³¹ O biro tiirā ca biipere wede jūgueri maja, jīcū jiro wado wede nūnūa waarā niipetirāpūra wederucuma, niipetirā tuo maji, ūjea nii, cūja ca biipere biro ĩirā.³² Ca biipere wede jūgue majiriquea ca biipere wede jūgueri majū cū ca ĩa nūnūjeerije nii.³³ Ūmureco Pacūa, añuro niirique Ūmureco Pacū niimi. No ca boorora tii maa wijio niirique Ūmureco Pacū méé niimi.

Jesucristore ca tuo nūnūjeerā nearā bii niirucuricarore birora,³⁴ nomia, Jesucristore ca tuo nūnūjeerā cūja ca nea poori tabepure ca wedetiparā niima. Cūjara wede dotiti, doti cūurique ca ĩirore birora cō tuo nūnūjeejato.³⁵ Jīcā wāme uno cō ca majirūgajata, wiipū cō manūre cō jāiñajato. Nea poo juu buerica tabere nomio cō ca wedero añuti.

³⁶ ¿To docare Ūmureco Pacū wederiquea mūja jūori, to ame pea nūcāupari, mūja wado mūja niiti, teere ca tuo jūoricarā? ³⁷ Jīcū ca biipere wede jūgueri majū, ñucā Añuri Yeri cū ca majiogure biro tūgoeña ca biigū, “Ate mūjare yū ca owarijere Wiogū cū ca dotirije nii,” ĩi majiña.³⁸ Cū ca ĩa majitijata, Wiogū cāa cūre ĩa majitirucumi.

³⁹ To biri yū jaarā, ca biipere wede jūgue maji niirique peere boo tūgoeñaña. Apeye wederiquere cūja ca wedero camotaaticāña.⁴⁰ Biirāpūa, niipetirijepūrena, añuro mena, ca niirore biro tii nūnūa waarāja.

15

Cristo cū ca cati tuarique

¹ Yū jaarā, mecūra añurije queti mūjare yū ca wederiquere mūja ca tuo nūnūjeerique, tee jūori mūja ca tūgoeña bayi niirijere, mūja ca tūgoeñaro yū tii majioruga.² Ate añurije queti jūorira mūja ametuarucu, mūjare yū ca wederiquere mūja ca tii nūnūjee niijata, to biro to ca biitijata, yee petira mūja tuo nūnūjeecābojacupa.

³ Ca nii jūori tabere, yū majurope yū ca tūoriquerena mūjare yū wede majiowū, Cristo mani ca ñañarije jūori, Ūmureco Pacū wederique ca ĩirore birora cū ca bii yairiquere.⁴ Ūmureco Pacū wederique ca ĩirore birora, yaa cōa eco, itia rūmū jiro cati tua, cū ca biiriquere.⁵ Pedrore baua ea, jiro pūa amo peti, dūpore pūaga penituario ca niirāre baua ea, cū ca biiriquere.⁶ Jiro quinientos ametuenero ca niirā Cristore ca tuo nūnūjeerāre baua eaupi. Cūre ca ĩaricarā paū jañuripūra catima, jīcārā cūja ca bii yaicoa pacaro.⁷ Jiro Santiagore* baua ea, jiro jañuroacā cū buerā ca niiricarā niipetirāpūre baua ea,⁸ ca tūjari tabe cūja niipetirā jirore, jīcū wimagū bucūa yapanotigura ca bauaricare biro ca biigure yū cāare baua eawi.

* 15:7 Jacobo.

⁹ Yna Cristo cū yee quetire cū ca wede doti cojoricarā duaroacā ca niigu yu nii. Petoacā unora, “Cristo yee quetire wederi majū niimi,” iiricu uno méé yu nii. Umureco Pacu yaarāre ñañaro yu tiiruga nūñjeewu. ¹⁰ Biigurua, Umureco Pacu cū ca añurije juori, yu ca biirijere yu bii. Yure cū ca ña mairiquea, watoa méé biiupa. Cūja niipetirā ametuenero yu padewu. Biigurua yu méé yu tiiwu, Umureco Pacu pee cū ca añurije mena yure tii nemowi. ¹¹ Yu, yu ca iijata cāare, cūja, cūja ca iijata cāare, atera nii jāa ca buerije, ñucā atera nii mūja ca tuo nūñjerique.

Ca bii yairicarā cūja ca cati tuarije

¹² “Cristo bii yaicoa pacagu, cati tuaupi,” i wedericarā nii pacarā, ¿ñee tiirā jīcārā mūja mena macārā “Ca bii yairicarā cati tuatima,” cūja iiti? ¹³ Ca bii yairicarā cūja ca cati tuarije to ca manicājata, to docare Cristo cāa cati tuatijacupi. ¹⁴ Cristo cū ca cati tuatijata, añurije queti jāa ca wederije wapa mani, teere díamacū mūja ca tuo nūcū buorije cāa wapa mani, biicu. ¹⁵ Ate to birora to ca biijata, Umureco Pacu yaarā i dito yujuri maja jāa niibocu, ca biitiriquerena, “Umureco Pacu Cristore cū ca cati tuaro tiupi,” jāa ca i wedejata, yee mééra ca bii yairicarā cūja ca cati tuatijata. ¹⁶ Ca bii yairicarā cūja ca cati tuatijata, to docare Cristo cāa cati tuatijacupi. ¹⁷ Cristo cū ca cati tuatijata, díamacū mūja ca tuo nūcū buorije cāa wapa mani; ména, ñañarije mūja ca tii niirucuriquera mūja tiicā niicu. ¹⁸ To biro to ca biijata, Cristore ca tuo nūñjeerā ca bii yairicarā cāa, to biro bii yaicā yerijāa waarāra biicājacupa. ¹⁹ Cristo juori, mani ca yue niirije mani ca cati niiri rūmuri wadore, ca añurije to ca niijata, niipetirā ametuenero añurije ca bua eatiparā peti mani niibocu.

²⁰ Díamacūra Cristoa, ca bii yaicoaricupura cati tuaupi, ca bii yairicarāre cati tua juguegu. ²¹ Bii yairique jīcū juorira ca bii earicarore birora, ca bii yairicarā cūja ca cati tuape cāa, jīcū juorira nii eaupa. ²² To biri Adán juori niipetirā cūja ca bii yairucurore birora, ñucā Cristo juori niipetirā catirucuma. ²³ Buari, to cānacārāpura ca niimore biro: Mee Cristo cati tua jugueupi; jiro Cristo cū ca dooro cū yaarā ca niirā cati tuarucuma. ²⁴ Cristo, Umureco Pacure ca junarā niipetirāre cōa peoti, cū Pacu Umureco Pacure cū ca doti niirijere tuene, cū ca tiiro jiro docare tee peti nūcā waarucu. ²⁵ Niipetirā cū waparā cūja ca doca cūmuropu Cristo cū ca doti niipera niirucu. ²⁶ Cū waparāre cū ca bii ametuene nūcāro, bojoca cūja ca bii yairije manirucu. ²⁷ Umureco Pacu, niipetirije cūre ca yuu nūñjeero tiupi. Biiorua, “Niipetirijepura cūre yuu nūñjeeupa” iiro, Umureco Pacu, niipetirije Cristore ca yuu nūñjeero ca tiiricu menarena iiro méé i. ²⁸ Niipetirije Cristo wadore ca yuu nūñjee ea petiro, cū majuropeera,† niipetirije cūre ca yuu nūñjeero ca tiiricu Umureco Pacure yuu nūñjee earucumi, Umureco Pacu niipetirijere niipetiorpu cū ca doti niipere biro iigu.

²⁹ Ca bii yairicarā cūja ca cati tuarije to ca mani pacaro, ¿ñee peere iirā, ca bii yairicarā juori, cūja uwo coeti? ¿Ñee tiirā ca bii yairicarā juori cūja uwo coeti? ³⁰ ¿Ñee tiirā jāa pea to cānacā tiira ca uwiorije watoa jāa niiti? ³¹ Yu yaarā, to cānacā rūmura ca bii yaipura yu niicā, díamacūra mani Wiogu Cristo Jesús juori mūja ca bii niirije juori, “O biro ca biigu yu nii,” yu ca i bayi niimore birora. ³² ¿Ñee yu bua boojapari Éfesopure bojoca bii niirique juorira bojoca ca uwiorā‡ mena yu ca ameri quēejata? Díamacūra ca bii yairicarā cūja ca cati tuatijata, “Baa, jini, mani tiico. Boerora mani bii yaicoarucu,” ca iirā, yee mééra iibocuma.§

³³ Ii dito ecoticāña. Ñañarāre bapa cūtijata, añuro bojoca cūti niiriquere tii yaio nūcōcāma. ³⁴ Añuro niirique cūti niirique peere tii niña, ñañarijere to cōrora tii yerijāaña, ména mūja mena macārā jīcārā Umureco Pacure ca majitirā niicāma. Cūja bobojato iigu mūjare yu i atera.

Ca cati tuarica upu

³⁵ Jīcū o biro i jaiñabocumi: Ca bii yairicarā, ¿do biro bii, cūja cati tuarāti? ¿Do biri upu mena cūja cati tuarāti? ³⁶ ¿Do biirije peti jāiña mecūrique to niicāti! Ote ape, oterique

† 15:28 Hijo de Dios. ‡ 15:32 Fieras. § 15:32 Is 22.13.

ca quejeri to ca boa weotijata, wiiti. ³⁷ Oterã, jiro ca wii mña waapagu peere otetima. Ca apega, trigo apega, apeye ote dica ape ñno peere otema. ³⁸ Æmureco Pacu pee cã ca boori upure biro ca niiro tiimi. Ote ape wãme cõrorena tee ca niiriquera ca bñcũaro tiimi. ³⁹ Niipetirije upuripura jicã upure biirijera niiti. Bojoca upuri, waibũcũã upuri, minia upuri, wai upuri nii, bii. ⁴⁰ Teere birora Æmureco macã upuri, ati yepa macã upuri nii, bii. Æmureco tutipũ macãrã upuri baurique ïarique añurije cãa jicã wãme nii, ati yepa macãrã upuri cãa ape wãme nii, bii. ⁴¹ Æmureco macũ muipũ cã ca boerije jicã wãme nii, ñami macũ cã ca boerije cãa ape wãme nii, ñocõa cãa bojorica wãme boema. Ñucã ñocõa cãa jicũ peere birora boetima.

⁴² To biirijera bii, ca bii yairicarã cãja ca cati tuape cãa. Yaa cõariquea ca boarije nii. Ca cati tuarije pea ca boarije méé nii. ⁴³ Yaa cõariquea, ca bii baterije nii, ca cati tuarije pea añurije nii. Yaa cõariquea ca tutuatirije nii, ca cati tuarije pea, ca tutuarije nii. ⁴⁴ Ca bau niiri upure yaa cõa, yeri cati niirica upũ pee cati tua, bii. Ca bau niiri upũ nii, yeri cati niirica upũ nii, bii.

⁴⁵ O biro ïi Æmureco Pacu wederique: “Bojocũ ca nii jũoricũ Adán ca catigu nii eaupi.”* Ca tũjagu Adán pea† yeri catirique ca tiicojogu nii eaupi. ⁴⁶ Yeri cati niirique méé doo jũoura. Ca bii yaipe pee doo jũoura. Yeri cati niirique pea jiropũ nii eaupa. ⁴⁷ Bojocũ ca nii jũoricũa jita mena tiiricũ niipuri. Jiro macũ bojocũ pea Æmureco tutipũ macũ niipuri. ⁴⁸ Ati yepa maquẽ upuri, jita mena cã ca quenoricũre birora nii. Æmureco tutipũ maquẽ pea, Æmureco tutipũ macũ upurire birora nii. ⁴⁹ Jita mena quenoricũ bauriquere biro mani ca baurore birora, Æmureco tutipũ macũ baurique cãare cũre biirã mani baurucu.

⁵⁰ O biro ïigu yũ ïi, yũ yaarã: Ca bii yaipa upura, Æmureco Pacu cã ca doti niiri tabepure ea waa majiti. Mani upuri yoaro ca cati niitirijea, to birora caticõa niiriquere cõo ea majiti. ⁵¹ Añuro tũoya, ca majiña maniriquere mũjare yũ ca wedepere. Niipetirãpura mani bii yaitirucu. Bũari, niipetirãpura mani upuri wajoacoarucu, ⁵² jicã nimaro capega bibita ïa pãaricarore biro, putirica wũũ puti tũjarica tabera. Putirica wũũ bũjũrucu, ca bii yairicarã pea pũati cãja ca bii yaitipa upũ mena cati tuarucuma. Mani pea, mani upuri wajoacoarucu. ⁵³ Mani upuri ca boa yaicoarijera, to birora ca caticõa niipa upuri pee juti weti waarucu. Ca bii yairi upurira, ca bii yaitipa upuri pee juti wetirucu. ⁵⁴ Mani upuri ca boa yaicoarijera, to birora caticõa niipa upuri pee juti weti ea, ca bii yairi upurira, ca bii yaitipa upuri pee juti weti ea ca biiro, o biro ïi owarique ca ïirore biro bii earucu.

Cristo cã ca bii ametũa nũcãrije jũori, bii yairique tii yaio eco.‡

⁵⁵ Bii yairique, ¿noorpũ to niiti mũ ca bii ametũa nũcãrucurique? Bii yairique ¿noorpũ to niiti, puniro tũgoeñaricarore mũ ca tii tutua niirucurique?§

⁵⁶ Bii yairicarore manire ca tiirijea Æmureco Pacu cã ca boorore biro mani ca tiitirijea jũori bii. Doti cũurique ca ïirore biro tii nũnũjeetima ïirã, ñañarije ca tiirã mani nii. ⁵⁷ To ca bii pacaro, añu majuropeecã Æmureco Pacu mani Wiogu Jesucristo jũori bii ametũa nũcãriquere manire cã ca tiicojorije.

⁵⁸ Yũ yaarã, ate jũori tũgoeña bayi, yerijãaricarore maniro to birora bũaro jañuri Wiogu yeere pade nũnũa waarãja, Wiogu mena jicãri mũja ca pade niirijere watoa maquẽ méé ca niirijere ïa majiri.

16

Æmureco Pacu yaarãre tii nemorã neorique

¹ Jesucristore ca tũo nũnũjeerãre tii nemorã neorique maquẽre,* Galacia yepa macãrã Jesucristore ca tũo nũnũjeerãre yũ ca wede majioricarore birora tii nũnũjeeya. ² Yerijãarica rũmuri cõrora mũja ca niiro cõro mũja ca wapa taaarijere ïa cõõña, jee dica woo queno cũu, ca tiiparã mũja nii, yũ ca waari tabepure mũja ca neo mani waatipere biro ïirã. ³ Yũ eagurũ, queti owa tiicãri, mũja ca neoriquere, mũja ca bejericarã mena

* 15:45 Gn 2.7. † 15:45 Jesucristo. ‡ 15:54 Is 25.8. § 15:55 Os 13.14. * 16:1 Cristo yaarãre tii nemorã wapa tiirica tiiri neorique maquẽ.

Jerusalén'pu cūjare yu tiicojo cojorucu, teere cūja jee waajato iigu. ⁴ Yu cāa, yu ca waape to ca niijata, jīcāri cōro jāa waarucu.

Pablo cū ca waape

⁵ Waa nūna waagu, Macedonia yepare yu ametua waarucu. Macedoniare ametua waagu, Corintopare yu ea waarucu. ⁶ Yu ca biijata, mūja mena yoa jañuro yu niicābocu; ñucā ape tabera pue bācure toora yu ametuenebocu, noo yu ca waari tabe yu ca waape maquēre yure mūja ca tii nemopere biro iigu. ⁷ Mecūra mūjare ĩa ametuarique wado yu biirugati, biitigura Wiogu cū ca boojata, jīcā cuu mūja mena yu niiruga. ⁸ Biigurua, Pentecostés boje rumu ca earopu, Éfeso macārā yu niicārucu. ⁹ Wiogu yee paderiquere yu ca padepe añuro yure bii ea, pañ yure ca ĩa tutirā cūja ca nii pacaro.

¹⁰ Timoteo cū ca earo, mūja mena añuro cū ca niiro cūre tiiya, cūa yure birora Wiogu yeere ca padegu niimi. ¹¹ To biri mūja mena macārā jīcū ñno peera cūre cūja junaticājato. Añuro cū ca waa nūna waapere biro ĩirā, cūre tii nemoña, yure cū ca ĩagu ea doo majipere biro ĩirā. Aperā Jesucristore ca tuo nūñjeerā mena cūre yuegu yu tii.

¹² Mani yee wedegu Apolos're, mani yee wederā mena waari, “Cūjare ĩaguja,” yu ĩimiwu. Mecūra waarugati majuropecāmi. Biigurua cū ca waarugari tabe ca earo waarucumi.

Añu doti yapanorique

¹³ Bojoca catiri niñña. Díamacū tuo nūcū bñorique to birora biicōa niñña. Bñaro tūgoeña bayi, ca tutuarā nii, biiya. ¹⁴ Mūja ca tii niirijere mairique mena wado tiiya.

¹⁵ Yu jaarā, mūja maji, Acaya macārā Estéfanos jaarā añurije quetire ca tuo nūñjee jaoricarā Ñmureco Pacu jaarāre ca tii nemo niirā cūja ca niirijere. ¹⁶ To biri cūjare biro ca biirā, niipetirā ca tii nemorā, jāare birora pade bayi, ca tiirāre mūja ca yu nūñjeero yu boo. ¹⁷ Estéfanos, Fortunato, Acaico yu puto cūja ca earo, yu ñjea nii. Cūja, mūja ca maniri tabere yure nii nemowa. ¹⁸ Yu ca yeri tūgoeña bayiro yure tiiwa. Mūja cāare to birora tiima. Cūjare biro ca biirāre añuro ca tiipe nii.

¹⁹ Asia yepa macārā, Jesucristore ca tuo nūñjeerā mūjare añu doti cojoma. Aquila, Priscila,† to biri cūja yaa wii ca nea poorucurā cāa, Wiogu Jesús wāme mena bñaro mūjare añu doti cojoma. ²⁰ Jesucristore ca tuo nūñjeerā, mani jaarā niipetirā, mūjare añu doti cojoma. Mūja ca niiro cōrora añuro ameri mairique mena ameri añu dotiya.

²¹ Yu Pablo majuropeera, ate añu doti cojoriquere yu amo mena yu owa.

²² Jīcū ñno Wiogure cū ca maitijata, ññaro ca tii ecoru cū niijato. Wiogu dooya.‡

²³ Wiogu Jesús yee añurije mūja mena to niijato.

²⁴ Mūja niipetirāre, Cristo Jesús mena bñaro mūjare yu mai.

To biro to biijato.

Pablo

† 16:19 Griego wederique mena peera Prisca. ‡ 16:22 Maran ata: “Wiogu doomi.” Ti wamerena ñucā arameo wederique mena peera Marana ta: “Wiogu dooya,” ĩiupa.

2 CORINTIOS

Ate queti, tuo ɥjea niirica wãmerɥ, Pablo, cū yee maquẽre díamacū cū ca iirique nii. Ména Corinto macãrã pea Pablo buaro cū ca tũgoeñarique paio cūre tii nũnũa waaupa. Jĩcãrã Corinto macãrã Jesucristore ca tuo nũnũjeerã, Pablo, Jesús yee quetire wede doti cojoricu cū ca niirijere, “Yee iimi,” iĩ jũo waaupa.

To biro cūja ca iiriquere tuti jañuri cūjare cū ca wede majiorique nii. To biro cūjare iĩcã, ñucã mũjare yũ mai jañu, cū ca iirije mena, tũgoeña ɥjea niiricaro tii ate queti.

To biro cūre cūja ca iĩ coterique to ca nii pacaro, “Añurucu” iĩ tũgoeña queno, ñucã Corintios cãa to biro cū ca iiricarã nii pacarã cūre cūja ca mairiquere wede nũnũa waa. Cū ca owa jũorucurore birora tiigu (1.1-11), Corinto macãrã Jesús're ca tuo nũnũjeerã mena cū ca biiriquere wede yapano, ñucã cū yee maquẽre ca wede pairicarãre, “O biirije ca biiro macã to biri wãmerɥ cūjare iĩ owa cojoupi,” iĩ wede majio.

To biro ñañoaro cūre to ca bii cote pacaro, aperã yee maquẽre cū ca tũgoeña yerijãatiriquere wede. Ñucã “Cristore ca tuo nũnũjeerãre, Judea macãrã Cristore ca tuo nũnũjeerã cūja ca boorijere cūjare tii nemoña,” cū ca iiriquere wede (caps. 8–9).

Jĩcãrã Pablore, “Watoara Jesucristo yee quetire wederi majũ yũ nii” iĩ dito yujumi, cūre ca iĩ wede pairicarãre, cū ca biirijere díamacū wede majio, ñucã cūja majuropeera “Cristo, cū yee quetire cū ca wede doti cojoricarã jãa nii,” iĩ ditocãri, cūja ca iirije peere Corinto macãrã cūja ca tuo nũnũjeero cūja ca tiirũgariquere wede majio yapano cojomi (10.1–13.10).

Puati Corinto macãrãre Pablo cū ca queti owa cojorica pũuro

Añu dotirique

¹ Yũ Pablo, Ɛmũreco Pacũ cū ca booro mena, Cristo Jesús yee quetire wederi majũ, Ɛmũreco Pacũ jaarã, Corinto macã macãrãre, ñucã Acaya yepa niipetiro ca nii cojorã Jesucristore ca tuo nũnũjeerã niipetirãre, Timoteo mani yee wedegũ mena,* mũjare jãa añu doti cojo.

² Ɛmũreco Pacũ mani Pacũ, Wiogũ Jesucristo, cū yee añurijere, añuro jĩcãri cõro niiriquere, mũjare cūja tiicojojato.

Pablo ñañoaro cū ca tamũorique

³ Ɛmũreco Pacũ mani Wiogũ Jesucristo Pacũ, mani Pacũ ca iã maigũ, to birora mani ca tũgoeña tutuacõa niiro ca tiigu Ɛmũreco Pacũre mani baja peoco. ⁴ Cũra niipetirije ñañoaro mani ca tamũoro mani ca tũgoeña bayiro manire tiimi, mani cãa, ñañoaro ca tamũorãre Ɛmũreco Pacũ mani ca tũgoeña bayiro manire cū ca tiiricarore birora cūja ca tũgoeña bayiro cūjare mani ca tiipere biro iĩgu. ⁵ Cristo ñañoaro cū ca biiricarore biro ñañoaro mani ca bii nũnũjeerore birora, ñucã to birora cū jũorira tũgoeña bayirique cãare mani cũo. ⁶ Ñañoaro jãa ca tamũojata, tũgoeña bayi, mũja ca bii ametũa nucãpere iĩrã jãa bii. Ñucã Ɛmũreco Pacũ jãa ca tũgoeña bayiro cū ca tiijata, mũja cãa, jãa ca biirore biro ñañoaro tamũorã tũgoeña bayi, nucã, mũja ca biipere iĩro bii. ⁷ To biri mũja yee maquẽre jãa ca tũgoeña yue niirijea, díamacũra nii. “Jãare biro ñañoaro cūja ca tamũorore birora, ñucã to birora Ɛmũreco Pacũ jãa ca tũgoeña bayiro, cū ca tiirije cãare cũoma,” mũjare jãa iĩ maji.

⁸ Yũ jaarã, Asiapũre ñañoaro peti jãa ca biiriquere mũja ca majiro jãa boo. Buaro peti ñañoaro, do biro pee bii tũgoeña bayiya maniro jãare biiwũ. “Catirãra mani tua waarucu,” iirique maniropu jãare biicãwũ. ⁹ Cūja ca jãa cõacãparãre biropũ jãa tũgoeñawũ. Ate pea, jãa majuropeera “Ca tũgoeña bayirã jãa nii,” jãa ca iĩ tũgoeña niirijere, “Biiti, Ɛmũreco Pacũ ca bii yairicarãre cūja ca cati tuaro ca tiigu peere ca tuo nũnũjeeparã mani nii,” cūja iĩ tũgoeña majijato iĩro jãare biiwũ. ¹⁰ Ɛmũreco Pacũra jãare ametũenewi. Ñucã

* 1:1 Timoteo manire birora Jesucristore ca tuo nũnũjeegũ.

jāare ametuenerucumi, uwiorije ñañaro bii yairiquere, “To birora jāare ametuenerucā nñña waarucumi, ¹¹ jāare mña ca juu bue nemojata,” jāa ñi tũgoeña yue. Pañ jāare cña ca juu bue bojajata, Æmũreco Pañ yeere añurije jāa ca ñeerije juori, ñucā pañ “Añu majuropecā,” cñre ñrucuma.

¿Ñee tiigu Corintopũre cñ waatijapari?

¹² Jāa peera jāa ca ñjea niirije, jāa ca tũgoeña niirijepũ, ati yepare niirā, añuro petira mña mena niirā, Æmũreco Pañ, añurije díamacũ ñirique cñ ca tiicojorije juori, “Añuro mani bii niirupũ,” jāa ca ñi tũgoeña majiro jāare ca tiirije juori, jāa ca ñjea niirije nii. Jāa ca biirique cñti niirijea, bojoca majirique juori menara ca biirije méé nii, Æmũreco Pañ añuro cñ ca tii bojarije mena pee jāa ca bii niirije nii. ¹³ Bue majiti, tũ puoti, mña ca biipe ñnopũra jāa owa cojoti. Teere añuro mña ca tũ puo peticoapere yũ yue, ¹⁴ mee jĩcā wāmeri jāa ca biirijere mña ca tũ puocoarore birora, mani Wiogu Jesús cñ ca tua doori rũmũre, “Cña juori to biro ca biirā jāa nii,” mña ca ñirore birora, jāa pee cña, mña yee juori to birora jāa ñi tũgoeñarucu.

¹⁵ Atere, “To birora biirucu,” ñiri, mña peere yũ ña juogu waaruga tũgoeñamiwũ, to biro biigu, puati mñjare yũ ca ñapere biro ñigu. ¹⁶ O biro jĩ, Macedoniarũ waagu mñjare ña ametũa waa, ñucā Macedonia ca niiricu tua doogu cña mñjare ña, yũ ca biipere biro ñigu. To biro yũ ca biiro, Judearũ yũ ca waaro, yũre mña tii nemo cojobojacupa. ¹⁷ Atere, “To biro yũ biirucu,” ñigu, ¿añuro tũgoeñatigũra yũ ñicābujapari? “To biro yũ biirucu,” cñ ca ñirijere jĩcā wāmera tũgoeñatigũra, “Yũ waarucu, ñicā pacagu ñucā, ‘Yũ waaticu,’ ñimi,” ¿mña ñi tũgoeñati?

¹⁸ Æmũreco Pañ cñ ca ñirore biro ca tiigu cñ ca niirore birora, añurije queti mñjare jāa ca wederique, “O biro nii,” ñicā pacagu, “To biro méé nii,” ñirique méé nii. ¹⁹ Æmũreco Pañ Macũ Jesucristo, Silvano, Timoteo, to biri yũ, mñjare jāa ca wedericũ ca wajoagu méé niimi. “Ëgjá,” ñi pacagu, “Biiti,” ca ñigu méé niirupĩ. Cristora to cñacā tiira, “Ëgjá” wado niicā.† ²⁰ To biri, Æmũreco Pañ “To biro yũ tiirucu,” cñ ca ñirique, niipetirije Cristorena bii eaupa. Ate juori, Æmũreco Pañre baja peo ñucũ buorā, “To birora to biijato,” mani ñi, Cristo juori. ²¹ Æmũreco Pañra jāare, mñjare, Cristo jaarā mani ca nii tutuacā niiro manire tiimi. Cñra manire beje, ²² cñ jaarā mani ca niiro tiiri, Añuri Yerire mani yeripũ cñuupi, “To biro yũ tiirucu,” cñ ca ñiriquere mani ca buapere tiicojo juogegũ.

²³ Æmũreco Pañ cñare yũ ca biirijere cñ ca majiro tiiri, ca tũgoeña bayigu niiri, “Ñañaro cñjare ñigũre biro yũ ñibocu” ñima ñigu, Corintopũre yũ waati ména. ²⁴ Biirãpũra jāa, díamacũ mña ca tũ ñucũ buo niirijere dotirā méé jāa ñi. Jāa ca boorijea añuro ñjea niirique mena cña niijato ñirā pee doca, mñjare jāa ca tii nemorugarije nii. Mee, díamacũ tũ ñucũ buoriquere juorira, mña tũgoeña bayi nii.

2

¹ Ate juori, “ ‘Cña ca tũgoeñarique paio yũ ñibocu,’ ñima ñigu, ca waatipe niicu,” yũ ñicāwũ. ² Mña, yũ ca tũgoeña ñjea niiro ca tiirãre, mña ca tũgoeñarique paio yũ ca tiijata, ¿noa pee yũ ca tũgoeña ñjea niiro cña tiibogajati? ³ To biri, yũ ca tiiricarore birora mñjare yũ owa cojowũ, mña pũto yũ ca earo, yũ ca ñjea niiro ca tiiboricarã yũ ca tũgoeñarique paio yũre tiirema ñigu, “Yũ ca ñjea niirije mña niipetirã mña ca ñjea niirijera nii,” ñi tũgoeñari. ⁴ Buaro tũgoeña pai yeri bate, otirique mena yũ owawũ. Biigũpũra mña ca tũgoeñarique paio tiirugũ méé mñjare yũ owa cojowũ. Buaro mñjare yũ ca mairije peere cña majijato ñigu, to biro yũ tiiwũ.

Ñañaro cñre ca ñi ajienericũre Pablo cñ ca acoboriquere

⁵ Jĩcũ, yũ ca tũgoeñarique paio cñ ca tiijata, “Yũ jĩcũrena tiigu méé tiijari,” ñi nemo jañuri yũ ca ñitijata, mña pee docare niipetirãpũrena mña ca tũgoeñarique paio tiijari.

⁶ Mee, mña pañ jañuropũra cñre mña ca tuti bojoca catiorique menara añucā. ⁷ Mecũra,

† 1:19 Jesucristo yee añurije quetire jāa ca wederijere jāa wajoati.

ñañaro cūre mɔja ca tiiriquere acobo, cū ca tɔgoeña bayiro cūre tii nemo, tiiya, buaro jañuro cū ca tɔgoeñarique pai yeri batetipere biro ñirã. ⁸ To biri, “Cūre mɔja ca mairijere cūre ññoña ñucã,” mɔjare yu ñi. ⁹ Mee, aterena ñima ñigu, mɔjare yu owa cojowu, “Yu ca tii dotirije niipetirore ca tii nunjeerãra cūja niimiti,” ñi majirugu. ¹⁰ Ñañaro ca tiigare, ñañaro cū ca tiiriquere mɔja ca acobogure, yu cãa to biro cū ca tiiriquere yu acoborucu. Jicã wãme acoborique to ca niijata, mɔjare ñima ñigu, Cristo cū ca ña cojorore mee teere yu acobocãwu, ¹¹ Satanás manire cū ca tii camota niitipere biro ñigu. Mee añuro mani maji, Satanás ñañaro mani ca tiiro cū ca tii buiyee majirijere.

Troas'püre Pablo cū ca nii majitirique

¹² Troas macãpüre Cristo yee añurije quetire wederugu yu ca earo, Wiogu yeere yu ca padepe añuro peti bii eamiwu. ¹³ To biro to ca bii pacaro, yu yee wedegu Titore yu ca bua eatirije niima ñiro, yu yeri yu ca tɔgoeña niirijepu añuro nii majitiwu. To biro biima ñigu cūjare waarique uwi, Macedonia pee yu doocã doowu.

Cristo jɔori ca bii ametua nucãrã

¹⁴ Añu majuropeecã Æmureco Pacu Cristo jɔori, to cãnacã tiira ca bii ametua nucãrã mani ca niiro cū ca tiirije, ñucã mani jɔori niipetiri taberipu ca juti añurije ca juju baterore birora, añurije quetire cūja ca majiro bii nunna waa. ¹⁵ Mania, Æmureco Pacure ca juti añurije Cristo cū ca joe juti añu mæenerijere biro mani nii, ca bii yaiparã, ñucã ca ametuaparã watoare. ¹⁶ Ñañaro ca bii yaiparãra, ate ca juti añurije ca juju baterijea, ca jujurije ca punirijere biro nii. Ca ametuaparã peera caticõa niiriquere ca tiicojorije nii. ¿Ñiru peti cū niiti, atere ca tiipɔ peti ca niigu? ¹⁷ Aperã paɔ cūja ca tii nucū yujurore biro, Æmureco Pacu yee quetire jãa noni wapa taa nucū yujuti. To biro tiitirãra, Æmureco Pacu cū ca tiicojoricarã jãa ca niirore birora, cū ca ña cojorore díamacū jãa wede, Cristo mena ca niirã niiri.

3

Wãma wãme maquẽre paderi maja

¹ ¿Atere o biro ñirã, jãa yee maquẽrena añuro ñi jɔo waarã jãa ñiti ñucã? ¿Jicãrã cūja ca tiirucurore biro, “Añu majuropeecãma,” ñi wede majio owa cojorica pūurore mɔjare tiicojo, ñucã mɔja pee cãare tii pūurore jãi, ca tiiparã jãa niiti? ² Mee mɔjara jãa yeripu owariquere biro ca niirijere jãa ca wedericãra niiri, queti owa cojorica pūurore niipetirã bue, maji, cūja ca tiirore birora niipetirã maji, bue, cūja ca tiirã mɔja nii.* ³ Añurije quetire jãa ca wederique jɔori, ña majiricarora Cristora cū ca owa cojorica pūurore biro mɔja nii. Biirãpua, owaricagu mena owarica pūurore biro méé, Æmureco Pacu to birora ca caticõa niigu yuu, Añuri Yeri mena, cū ca owaricarã mɔja nii. Ñucã ãtã pīpɔ doti cūuriquere owa tuurique ca niirore biro méé, bojoca yeripurena owa tuugare biro cū ca tiiricarã mɔja nii.

⁴ Cristo jɔori, Æmureco Pacure “To birora tiirucumi,” ñiri, atere “To birora biirucu,” jãa ñi. ⁵ Jãa majuropeera, “Ca majirã jãa nii,” jãa ñiti. Æmureco Pacu cū ca majiorije nii. ⁶ “Wãma wãme yu tiirucu,” cū ca ñiriquere cūja wedejato ñigu manire majiowi, doti cūurique maquẽ méére, Añuri Yeri cū ca tii niirije maquẽ peere cūja wedejato ñigu. Doti cūuriquea, “Bii yairicarõ ca tiirije nii,” Añuri Yeri pea caticõa niiriquere tiicojomi.

⁷ Doti cūurique bii yairicarõ ca tiirije, ãtã pīpɔ owa tuurique ca niirique ca peti nunna waape nii pacaro, buaro ca boe baterije mena, tee ca boe baterije Moisés díamacūre ca boe cõa tuuro,† israelitas cūja ca ña ãpõtio majitiro ca bii earique to ca niijata, ⁸ ¿Añuri Yeri cū ca queti jee doorije pea tee ametuenero ca boe baterije mena to eatibogajati? ⁹ Bii yairicarõ ca tiirije añuro ca boe baterije mena ca bii earique to ca niijata, añuro mani ca niiro ca tiirije pee doca tee ametuenero ca boe baterije mena niirucu. ¹⁰ To cõro

* 2:16 “Mani, mani nii, teere ca tii majiparã unõa,” ñigu cū ca ñirique nii. * 3:2 “Mɔjara mɔja nii jãa yaa pūuro queti owa cojorca pūuro, jãa yeripu owa tuuricarã nii, niipetirã maji, bue, cūja ca tiirã.” † 3:7 Ex 34.29.

ca boe baterije mena ca nii earique nii pacaro, Jesucristo yee queti ca boe baterije ca nii majuropeerije menare ñi cõoñajata, mani majuropeecã. ¹¹ Ca peti nũcãpe cãa, ca boe baterije mena ca nii earique to ca nijata, to birora ca niicõa niipe pee doca, ametuene jañuro ca boe baterije mena niirucu.

¹² “To biro biirucu,” ca ñi yuerã niiri, Jesucristo yee quetire uwiricarõ maniro jãa wede. ¹³ Ca boe baterije ca peti nũnũa waaro israelitas ñarema ñigu, Moisés cũ díamacũre juti quejero mena cũ ca buatoricarore biro jãa tiiti. ¹⁴ To ca bii pacaro, cũja ca tuo maji niimirijepũ tuo nũnũjeerũgatiupa. To biri mecũripũ cãare ca nii juoriquere cũja ca buemijata cãare, tii quejerora cũja ca tuo majitiro cũjare tiicõa nii. Cristo yee añuriye queti juori wado tii quejerore ami cõa majirique nii. ¹⁵ Mecũripũ cãare, Moisés cũ ca owa cũurica pũurorire cũja ca buemijata cãare, cũja ca tuo maji niimirijepũre tii quejerora cũja ca tuo majitiro cũjare biicõa nii. ¹⁶ Biiorũa, Jesucristore cũja ca tuo nũnũjeerora, tii quejerore ami wooricarore biro cũjare biirucu. ¹⁷ Wiogũa, Añuri Yeri niimi. Wiogũ yũ Añuri Yeri cũ ca niiri tabere añuro niirique nii. ¹⁸ To biri mani niipetirã, mani díamacũre ca buatori quejero ca cuotirã niiri, eñoro ca biitore birora, Wiogũ cũ ca añu majuropeerijere mani bau ñño, Wiogũ Añuri Yeri ca niigũ cũ ca tii nemorije mena buaro jañuri, cũ yee ca añu majuropeerijere cũre biropũ mani cuo nũnũa waa.

4

Jesucristo yeere wederi maja

¹ Atere ñima ñirã, Æmũreco Pacũ cũ ca ña mairije juori, ate paderiquere cũ ca tii dotiricarã niiri jãa pade jũtiiti. ² Boboro, yaioropũ tiirique niipetirore jãa booti. Ñi ditorique mena tii, Æmũreco Pacũ wederiquere no ca boorijerena wede nucũ yuju jãa tiiti. Díamacũ maquẽre ca niimore biro wederi, niipetirã cũja ca tũgoeña niirijepũ Æmũreco Pacũ cũ ca ña cojorore, “Díamacũra ñima,” cũja ca ñi majiro jãa tii. ³ Añuriye queti jãa ca wederije ca tuo puo majiña manirije to ca nijata, ca tuo puo majiña manirijera niiro bii, ñañoaro ca bii yaiparãra. ⁴ Ati yepare ca doti niigũ Satanás, ca tuo nũnũjeetirãre cũja ca tuo maji niimirijepũre tii maa wijio nũcõcãupi, Æmũreco Pacũ cũ ca baurije ca niigũ, Cristo do biro ca tiya manigũ yee añuriye queti ca añu majuropeerije peere tuo nũnũjeerema ñigu. ⁵ Jãa, jãa yee maquẽrena jãa wedeti. Wiogũ Jesucristo yeere jãa wede. Jãa, Jesús yee juori, mũjare ca pade coterã jãa nii. ⁶ Æmũreco Pacũ, ca naitĩarijerena, “Boeya,”* ca ñiricũra cũ ca boe baterijere jãa yeripũ ca ñaajãa nũcãro jãare tiiwi, Æmũreco Pacũ cũ ca nii majuropeerije Cristo menapũ cũ ca boe baterijere jãa ca majipere biro ñigu.

Díamacũ tuo nucũ buorique menara cati niirique

⁷ Ate añuriye quetire, jãa upũri diirũre biro ca niirijepũ jãa cuo, niipetirã, tee ca tutua majuropeerije jãa yee méé ca niirije, Æmũreco Pacũ yeepũ ca doorijere cũja ñajato ñirã. ⁸ Niipetirije ñañoaro tamũo pacarã, jãa tũgoeñarique paiti. Tũgoeñarique pai pacarã, “Do biro mani tii majiricarõ mani,” jãa ñiti. ⁹ Ñañoaro cũja ca tiirũga nũnũjeerã nii pacarã, jãa waa weo ecoti.† Ñañoaro jãare tiicã pacarã, jãare tii yaio majitima. ¹⁰ Noo jãa ca waari taberi cõro, Jesús ñañoaro cũ ca biiricarore birora jãare bii, jãapũre Jesús cũ ca cati niirije cãa to bii bau nijato ñiro. ¹¹ Jãa cati niirã, Jesús yee juori to birora cũja ca jãarũga nũnũjeerã niicãrã jãa bii, jãa upũri ca bii yaipa upũ menara Jesús cũ ca cati niirije cãa to bii bau nijato ñirã. ¹² O biri wãme bii jãara, jãa ca bii yaipe. Mũja peera mũja ca caticõa niipe bii.

¹³ Æmũreco Pacũ wederique o biro ñi: “Yũ tuo nũnũjeewũ; to biri yũ wedewũ,” ñi.‡ Jãa cãa, to biri wãmera díamacũ tuo nucũ buo yeri cutiri, díamacũ jãa tuo nũnũjee, to biri añuriye quetire jãa wede, ¹⁴ Wiogũ Jesús cũ ca cati tuaro ca tiiricũra, mani cãare cũ menara mani ca cati tuaro tiiri mũja mena jĩcãri cũ putopũ manire jee waarucumi,

* 4:6 Gn 1.3. † 4:9 Jãa mena macãrã jãare waa weocõa, jãa waparã pea ñañoaro jãare tiirũga nũnũjee cũja ca biimijata cãare, Æmũreco Pacũ pea jãare waa weotimi. ‡ 4:13 Sal 116.10.

cũ p̄top̄ manire cũ ca jee waapere majiri. ¹⁵ Añuro m̄ja ca niipere[§] ïima ïirã, ate niipetirije ñañaro jãa tam̄o, Æm̄reco Pac̄ cũ ca ïa mairije, paup̄re to ca bii ea n̄n̄na waaro pā bojoca, Æm̄reco Pac̄ cũ ca añu majuropeerijere, “Añu majuropecã,” cũja ïijato ïirã.

¹⁶ To biri jãa t̄goeña yapa puati. Jotoa peera ca up̄ tutuati n̄n̄na waarã nii pacarã, jãa ca yeri jãñarije peera buaro jañuro jãa t̄goeña bayi n̄n̄na waa. ¹⁷ Ate ñañaro biirique jãa ca tam̄orije yoari méé ca ametuarijeja, ca añu majuropeerije, ametuenero to birora ca niicõa niirijere ca bua eaparã jãa ca niiro tii. ¹⁸ To biri ñañaro jãare ca biirijerena jãa ïa n̄n̄jeecõa niiti. Jiro jãa ca biipep̄re jãa ïa cojo yue nii. Bau niiro ca bii niirijea ca ametuarije nii. Ca bautirije pea to birora ca niicõa niirije nii.

5

¹ Mania, ati yepa macã wii, yoaro ca niitiri wiire biro ca biirã niiri, mani up̄ to ca bii yaicoajata, em̄arop̄ macã wii, bojoca méé cũja ca tiirica wiire, Æm̄reco Pac̄ cũ ca tiirica wii, to birora ca niicõa niiri wiire mani ca c̄orijere mani maji. ² To biri em̄arop̄ mani ca niipa up̄ peere buaro wajoarugama ïirã, pato wãcãrique mena mani bii nii. ³ Ati up̄ ca juti wetiricarã nii pacarã, juti manirãra niicã, mani biitirucu. ⁴ Ati yepare yoaro ca niitiri wiire biro ca niiri up̄ mena nii pato wãcã niima ïirã, mani juticoa. Biirãp̄ra up̄re tii yaicãriquer̄ra mani booti. Biitirãra wãma up̄ pee juti weticãri, bii yairiquere, caticõa niirique pee ca bii wajoa n̄cãro mani boo. ⁵ Æm̄reco Pac̄ra niimi, to biro ca biiparã mani ca niiro tii, ñucã “To biro ȳ tiirucu,” cũ ca ïiriquere mani ca bua eapere biro ïiḡ, cũ ȳ Añuri Yerire tiicojo j̄gue, ca tiiric̄.

⁶ To biri, “To birora biirucu,” mani ïi t̄goeña bayicõa nii; ména, ati up̄ mena cati niirã, Wioḡ p̄tore mani niiti. ⁷ To biri mani ca ïarije j̄ori méé, díamac̄u mani ca t̄o n̄c̄u buorije j̄ori pee mani cati nii. ⁸ Biirãp̄ra, “To birora biirucu,” mani ïi, to biri Wioḡ mena niirã waarugarã ati up̄re mani waa weorugami. ⁹ To biri cati niirã cãa, ñucã bii yairi jirop̄ cãare, Wioḡ cũ ca ïa biijejarijere ca tii niiparã mani nii. ¹⁰ Niipetirã, Cristo cũ ca ïa beje niiri tabep̄re mani ca eapera niiro bii, mani ca niiro cõrora ati up̄ mena cati niirã, añurije, ñañarije, mani ca tii niirique wapare buarugarã.

Æm̄reco Pac̄u mena añuro niirique queti

¹¹ To biri, “Wioḡre ca ïi n̄c̄u buopera nii,” ïi majiri, niipetirãre cũja ca t̄o n̄n̄jeero jãa tiiruga. Jãa ca niirique c̄tirijea Æm̄reco Pac̄ cũ ca majirije nii. M̄ja cãare, “Teere majirucuma,” jãa ïi yue. ¹² Ñucã jãa yee maquẽrena, “O biro ca biirã jãa nii,” m̄jare ïirã méé jãa ïi. M̄ja peere, jãa j̄ori, “O biro ca biirã jãa nii,” cũja ïijato ïirã pee, to biro m̄jare jãa ïi, yerip̄ t̄goeñariquere majiti pacarã, bojoca bauriquerena ïari, “To biro biima,” ca ïirãre m̄ja ca ȳ majipere biro ïirã. ¹³ Ca mec̄ra jãa ca niijata, Æm̄reco Pac̄u yee j̄ori to biro jãa bii. Jãa ca mec̄tijata, añuro m̄ja ca niipere ïirã jãa bii. ¹⁴ Jic̄ra niipetirãp̄re cũ ca bii yai bojariquere, ñucã to biicãri niipetirãp̄ra ñañarije cũja ca tii niirucuriquere cũja ca bii yai weoriquere mani ca t̄o majiri tabe mena, Cristo cũ ca mairije pee manire doti niip̄a. ¹⁵ Cristo, niipetirãp̄re bii yai bojaupi, to birora ca caticõa niiparã,* cũja ca boorore biro tii niitirãra, cũja yee j̄ori bii yai, cati tua, ca biiric̄u yee peere cũja tii niijato ïiḡ.

¹⁶ To biri jãa pea, jic̄u peerena ati yepa macãrã cũja ca ïirore biro jãa ïiti. “Ména, j̄guerop̄re Cristore to biri wãmera jãa ïirucumiw̄,” mec̄ra to biri wãme jãa ïiti yua. ¹⁷ Jic̄u ñno Cristo mena ca niiḡna, ca t̄goeña yeri wajoaricup̄u niimi. To biri j̄guero cũ ca tiirucuriquere wajoari, wãma, añurije wado tii niimi. ¹⁸ Ate niipetirije, Æm̄reco Pac̄ cũ ca tiirije nii, Cristo j̄ori cũ mena añuro mani ca niiro tiiri, cũ mena añuro niirique quetire jãare wede dotiwi. ¹⁹ Ate nii, Cristo j̄ori Æm̄reco Pac̄, cũ majuropeera, ati yepa macãrã cũja ca ñañarije wapare, “To biro bii,” ïiricaro maniro cũ mena añuro cũja ca nii earo cũ ca tiirique. Jãa peera, tee añuro nii earique quetire jãare wede majio dotiwi.

§ 4:15 M̄jare maima ïirã. * 5:15 Jesucristore ca t̄o n̄n̄jeerã, cũja ca caticõa niipere c̄oma.

²⁰ To biri Cristo yee quetire wede bojari maja[†] ca niirã niiri, Æmureco Pacu majuropeera, jãa menapu mujare cã ca wede majio niimore birora Cristo wãme mena, “Æmureco Pacu mena pee niina ñucã,” buaro mujare jãa ñi. ²¹ Jesucristoa, jicã wãme uno peera ñañarije tiitiupi. To ca bii pacaro mani yee juori Æmureco Pacu pea ñañarije ca tiiricure ca tiigure biropu ñañaro cã ca tamuro cure tiupi, cã juoripu ñañarije manirã Æmureco Pacu manire cã ca ñapere biro ñigu.

6

¹ To biri jãa, Æmureco Pacu yeere pade nemori majare birora, “Æmureco Pacu cã ca aña majuropeerijere cã ca ññoriquire to birora tuo ñami yaio, biiticãña,” mujare jãa ñi.

² Owariqueru o biro ñimi:

“Yu ca tii nemori tabe ca niiro mure yu tuowu. Ametuarica rumure mure yu tii nemowu,” ñimi.*

“Mecãra nii Æmureco Pacu cã ca tii nemori tabe. ¡Mecãra nii, ametuarica rumu!” mujare yu ñi.

³ Jãa paderiquere ñañaro ñi wede paibocuma ñirã, jicã unorena ñañarije tii ñno nucu yuju, jãa tiiti. ⁴ To biro tiitirãra, ñañaro tamuo, apeye uno cuoruga, do biro bii majiña maniro jãare bii camota, ⁵ jãare bape, jãare tia cãu, ñañaro jãare ñi acaro bui tuti, buaro pade buaña, aua boa, cãniri mée bii, jãa ca biirije niipetirijere tugoeña bayi, jãa ca bii niirije menara Æmureco Pacu yeere ca paderã jãa ca niirijere jãa ñno. ⁶ Ñucã añuro jãa ca niirije, díamacu maquere jãa ca majirije, jãa ca tugoeña bayirije, jãa ca bojoca añurije, Añuri Yeri jãapure cã ca niirije, ñi ditoricaro maniro jãa ca mairije, ⁷ díamacu jãa ca wederije, Æmureco Pacu cã ca tutuarije jãapure ca niirije mena jãa tii nemo nii. Ñucã díamacu ca niirije menara beju cuti, bojoca tooye cuti, jãa bii.[†] ⁸ Jicãtiri jãare nucu buo, ape tabera ñañaro jãare ñi, jicãtiri jãa yee maquere añuro wede, ape tabera ñañaro jãare wede pai, ñucã ca ñi dito pairãre ca ñirãre biro jãare ñima, díamacu jãa ca ñirije to ca nii pacaro. ⁹ Añuro cãja ca majirã jãa ca nii pacaro, cãja ca majitirãre ca tiirãre biro jãare tiima. Ca bii yairãre biro nii pacarã, jãa cati, paa ecocã pacarã jãa diati. ¹⁰ Tugoeñarique pairãre biro nii pacarã, to birora jãa ueja niicãa nii. Ca apeye manirãre biro nii pacarã, paure, ca apeye pairã cãja ca niiro jãa tii. Ca apeye manirãre biro nii pacarã, niipetirije jãa cuo.

¹¹ Jãa jaarã Corinto macãrã, ca niimore biro mujare wede, ñucã buaro mujare mai, jãa biiwu. ¹² Mujare jãa ca mairijere jãa yaioti, muja pee muja nii, to biro jãare ca biirã. ¹³ To biro wado mani ca ameri biipere biro ñigu, yu punare ca ñigure biro: “Mujare yu ca maiore birora, muja cãa yure maiña,” mujare yu ñi.

Æmureco Pacu ca catigu yaa wii mani nii

¹⁴ Jesucristore ca tuo nunjeetirã ñañaro tiiruga tugoeñari cãja ca tiirijere ameri tii nemo bapa cutiticãña.‡ Añurije, ñañarije menare bapa cuti majiti. Ñucã ca boerije cãa, ca naitirije mena nii majiti. ¹⁵ Cristo cãa Satanás§ mena wede peni bapa cuti majitimi. Jesucristore ca tuo nunjeerã, Jesucristore ca tuo nunjeetirã, jicãro peere biro tugoeñatima. ¹⁶ Mani, Æmureco Pacu jaarã, weericarãre mani nucu buoti, Æmureco Pacu ca catigu, manipure cã ca niiro macã. Æmureco Pacura:

“Cãja mena nii, cãja watoara waa yuju,

cãja Æmureco Pacu nii, cãja pee cãa yu yaa pooga macãrã nii, biirucuma,’ cã ca ñiricarore birora.”*

¹⁷ To biri o biro ñi nemomi:

“Ñañarije ca tiirãre camotati, ñañarije cãja ca tii niirijere tii nunjeeticãña.

Ñañarijere tiiti majuropeecãña. To biro muja ca biiro, yu pea mujare yu ñeerucu.†

† 5:20 Embajadores de Cristo. * 6:2 Is 49.8. † 6:7 2Co 10.4; Ef 5.10-18. ‡ 6:14 En una yunta desapareja (Dt 22.10). Jesucristore ca tuo nunjeerã, noo ca boerije ñañarije tiirique unore jãa tiire ñirã, ca bojoca catiparã niima. § 6:15 Belial ñiro, “Ñee ca tiitigu, ñañarije wado ca tiigu,” ñiro ñi. Biropu Satanás'rena ñicãro ñi. * 6:16 Lv 26.12; Jer 32.38; Ez 37.27. † 6:17 Is 52.11; Ez 20.34, 41.

18” “Yɛ pea mɛja Pacɛ yɛ niirucu.

Mɛja pee cɛa, yɛ puna, yɛ puna romiri, mɛja niirucu,’ ĩimi Ɔpɛ, niipetirijepɛre ca doti tutua niigɛ.”†

7

¹ Yɛ yaarɛ, ate “O biro yɛ tiirucu,” cɛ ca ĩiriquere ca cɔorɛ niiri, mani upɛre, mani ca cati niirijere, ca ñaɱorijere ca tiitiparɛ mani nii, Ɔmɛreco Pacɛ cɛ ca dotirijere tii nɛnɛjee, mani bii nɛnɛa waaco, ca ñaɱarije manirɛpɛ nii earɛgarɛ.

Pablo cɛ ca ɛjea niirique

² Mɛja yeripɛ jɛare tɛgoeɱaɱa petopɛra. Jicɛrɛ ɛno mena peera ñaɱaro tii, jicɛrɛ ɛno peerena tii ñaɱo, jicɛrɛ ɛno peerena ĩi dito, jɛa tiitiwɛ. ³ Atere ĩigɛ, mɛjare wede pairɛgɛ mɛɛ yɛ ĩi. Mee jɛgueropɛra: “Jɛa ca mairɛ mɛja nii, catirɛ cɛa, bii yairɛ cɛa, jicɛri mani niirucu,” mɛjare yɛ ĩiwɛ. ⁴ Mɛja yee maquɛre wede boboti, mɛja yee jɛori bɛaro tɛgoeɱa tutua, yɛ bii. Niipetirije ñaɱaro jɛa ca biirije watoara bɛaro ɛjea nii, yɛ ca ɛjea niirije peti nɛcɛti, yɛre bii.

⁵ Macedoniare ea biirɛ, jicɛti ɛno peera jɛa yerijɛatiwɛ. Niipetirijepɛra do biro tii majiɱa maniro jɛare biiwɛ. Jotoa peera ñaɱaro jɛare cɛja ca tiirɛga coterije, jɛa yeri peera uwi tɛgoeɱarique, jɛare niiwɛ. ⁶ To biro jɛa ca bii pacaro, Ɔmɛreco Pacɛ ca tɛgoeɱarique pairɛre, cɛja ca tɛgoeɱa tutuaro ca tiigɛ pee, Tito jɛa pɛto cɛ ca earije mena, jɛa ca tɛgoeɱa tutuaro jɛare tiiwi. ⁷ Cɛ ca earije wado mena mɛɛ, mɛja jɛori cɛ ca tɛgoeɱa tutuarije menare to biro jɛa biiwɛ. Bɛaro jɛare mɛja ca ĩarɛgarijere, mɛja ca tɛgoeɱarique pairijere, yɛre mɛja ca tɛgoeɱarije cɛare, jɛare wedewi. Ate niipetirije mena nemo jaɱuro yɛ ɛjea niiwɛ.

⁸ Yɛ ca owa cojorica pɛuro mena mɛja ca tɛgoeɱarique pairo tii pacagɛ, yɛ tɛgoeɱarique paiti. Mɛjare yɛ ca owa cojorique jicɛ cuu mɛja ca tɛgoeɱarique pairo ca tiiriquere majiri, yɛ tɛgoeɱarique paiwɛ. ⁹ Bii pacagɛ, mecɛra yɛ ɛjea nii. Biigɛpɛra mɛja ca tɛgoeɱarique pairo ca tiirique mɛɛre, mɛja ca tɛgoeɱa pairiquera, mɛja ca tɛgoeɱa wajoaro ca tiirique peere ĩima ĩigɛ, to biro yɛ bii. Ɔmɛreco Pacɛ cɛ ca boorore birora mɛja tɛgoeɱa paijacupa. To biri jicɛ wɛme ɛno peera ñaɱaro mɛjare jɛa tiitijacupa. ¹⁰ Ɔmɛreco Pacɛ cɛ ca boorore biro tɛgoeɱa pairiquea, tɛgoeɱa yeri wajoa mani ca ametɛaro ca tiirije nii. To biri tɛgoeɱa pairique ɛno mɛɛ nii. Ati yepa maquɛ jɛorira tɛgoeɱa pai nucɛ yujuriquea, Ɔmɛreco Pacɛre camotati, bii yai nɛcɛricaro ca tiirije nii. ¹¹ Ɔmɛreco Pacɛ cɛ ca boorore birora mɛja ca tɛgoeɱa pairique mɛjare ca biiriquere ĩaɱaaguɛ. Tee maquɛre yɛ ca owa cojoricarore birora tii, to biro mɛja ca tiiriquere ameri queno, teere tɛgoeɱa ajia, tɛgoeɱa uwi, yɛre ĩarɛga, yɛre mai uwa jeo, ñaɱarije ca ĩiricɛre wede bojoca catio, mɛja ca tiiro mɛjare tiupa. To biro mɛja ca tiirique niipetiro mena, mɛja menara mɛja ca ĩi ñaajuatiriquere mɛja ĩɱoupa. ¹² To biri tii pɛurore mɛjare owa cojogɛ, ñaɱaro yɛre ca ĩiricɛre, ñucɛ ñaɱaro ca ĩi ecoricɛre tɛgoeɱari mɛɛ, Ɔmɛreco Pacɛ cɛ ca ĩa cojorore bɛaro jɛare mɛja ca mairijere, cɛja majuropeera cɛja ĩa majijato ĩigɛ pee, yɛ owa cojowɛ. ¹³ Ate niipetirije bɛaro jaɱuro jɛa ca tɛgoeɱa bayiro jɛare tii. Jɛa ca tɛgoeɱa bayiro jɛare ca tiirique ametɛene jaɱuro jɛa ɛjea niiwɛ, Tito cɛ ca tɛgoeɱa bayiro mɛja ca tiirique jɛori cɛ ca ɛjea niiro ĩarɛ. ¹⁴ Mee Titore, mɛja yee maquɛre, “Cɛja jɛori bɛaro yɛ ɛjea nii,” cɛre yɛ ca ĩiriquere, ñaɱaro yɛ ca tuaro mɛja tiitijapa. Mɛjare jɛa ca ĩirique dɛɛmacɛra ca niiricarore birora Titore mɛja yee maquɛre jɛa ca ĩirique cɛa, dɛɛmacɛra niijapa. ¹⁵ Mɛja niipetirɛ cɛre tɛo nɛnɛjee, nɛcɛ buorique mena aɱuro cɛre boca, mɛja ca biiriquere tɛgoeɱari, bɛaro mɛjare mai tɛgoeɱami. ¹⁶ Mɛjare, “ĩiricarore birora biirucuma,” ĩi tɛgoeɱari, yɛ ɛjea nii jaɱu.

8

Aɱuro yeri tɛgoeɱari tiicojorique maquɛ

† 6:18 2S 7.14; 7.8; 1Cr 17.13; Is 43.6; Jer 31.9.

¹ Yũ jaarã, mecũra, Macedonia macãrã Jesucristore ca tuo nunũjeerãre Æmũreco Pacũ añuro cũjare cũ ca tii nemorijere mũja ca majiro jãa boo. ² Do biro bii majiña maniro, ñaňaro cũja ca tamũorije watoara buaro ujea nii, apeye mani pacarã, ca apeye pairãre biro añuro yeri tũgoeňari, cũja ca tii nemorijere tiicojo niupa. ³ Yũ, yũ nii, cũja majuropeera, cũja ca tii bayiro cõro, ñucã cũja ca tii bayiro ametũene jaňuropũ tiicojo, cũja ca tiiriquere ca ñaricũ. ⁴ To biri cũja majuropeera, “Jãa cãa, Æmũreco Pacũ jaarãre jãa ca tii nemorũgarijere jãare tii dotiya,” buaro jãare ñi jãiwa. ⁵ “Tiirucuma,” jãa ca ñi yuericaro ametũenero tiiwa. Cũja majuropeera Wiogũ peere “Mũre jãa pade nunũjeerucu,” ñi jũo, jiro jãa peere “Mũja ca ñirijere jãa tii nunũjeerucu, Æmũreco Pacũ cũ ca boorore biro,” jãare ñiwa. ⁶ To biri Titore mũja pũtopũ añurije maquẽre tii nemorã, mũja ca tiicojorijere, “Mũ ca jee neo jũoricarore birora jee neo yapanogũja,” cũre jãa ñi cojo. ⁷ Mee mũja, aperã ametũeneropũ díamacũ tuo nucũ buo, añurije quetire wede majio majiri maja nii, teere añuro maji, añuro ujea niirique mena tii, jãare mai, mũja tii. Teere mũja ca tiitore birora tiiya, añurije maquẽre tii nemorã mũja ca tiicojorije cãare.

⁸ Mũjare dotigũ méé yũ ñi atera. “Aperã cũja ca tii nemo niirije menare, mũja cãare díamacũra mũja ca mairijere mũja ca tii ñňorijere, majirũgũ yũ ñi. ⁹ Mee mani Wiogũ Jesucristo añuro cũ ca tii bojariquere mũja maji. Mũjare maima ñigũ, ca apeye paigũ nii pacagũ, mũja yee jũori ca boo pacagũ nii eapũ, cũ ca boo pacarije menara mũja pea ca apeye pairã mũja ca nii eapere biro ñigũ.

¹⁰ Mũja yee maquẽ añurije ca niipere ñigũ, ate maquẽre yũ ca tũgoeňari wãmere mũjare yũ wede majio. Mee jũguero macã cũmapũra, mũja ca tii nemorijere tiicojorã, mũjara mũja tiicojo jũoupa. Biirãpũra to birora tiicojorã méé mũja tiupa. Tiirũgarique mena mũja tiupa. ¹¹ To biri, tiirũgarique mena mũja ca tii nemorũga jũoricarore birora, mũja ca tii nemorũgariquere to birora tiicõa niña. ¹² Jĩcũ añuro tiirũgarique mena cũ ca cũorije unora cũ ca tiicojorijere añuro ña ujea niimi Æmũreco Pacũ. Mani ca cũotirije unopũra jãitimi.

¹³ Aperã peere añuro cũja ca niiro tiicãri, mũja pea ñee jãa manirã niña, ñigũ méé yũ ñi. Jĩcãro peere biro mũja ca niipe peere ñima ñigũ yũ ñi. ¹⁴ Mecũra mũja pea cũja ca cũotirijere mũja ca tiicojopere mũja cũo, ñucã cũja pee cãa mũja ca cũotiri tabere mũja ca cũotirijere cũja ca tiicojopere cũorucuma. To biri jĩcãro peere biro mũja cũorucu, ¹⁵ o biro ñi owa tuurique: “Pairo ca jeericũ cãa cũo ametũenetiwĩ. Petoacã ca jeericũ cãare dũjatiwũ,” ca ñiire birora.*

Titore Corintopũ cũja ca tiicojo cojorique

¹⁶ Añũ majuropeecã Æmũreco Pacũ, mũja yee maquẽre yũ ca tũgoeňarore birora, Tito cãare yũre birora cũ ca tũgoeňaro ca tiiricũ. ¹⁷ Tito, cũre jãa ca doti cojorije jũori wado méé, cũ majuropeera buaro mũjare ca ñarũga niigũ niiri, ujea niirique mena mũjare ñagũ waami.

¹⁸ Cũ mena, jĩcũ mani yee wedegũ, niipetirã Jesucristore ca tuo nunũjeerã, añurije quetire añuro cũ ca paderije jũori, “Añũ majuropeecãmi,” cũja ca ñi nucũ buogũre mũja pũtopũ jãa tiicojo. ¹⁹ Ñucã Jesucristore ca tuo nunũjeerãra, añurije maquẽre tii nemorã cũja ca tiicojorijere jãa ca jee waaro, Wiogũre nucũ buorũgarã jãa ca tii niirije, buaro jãa ca tii nemorijere ñňorũgarã jãa ca tii niirijere, jãare cũ bapa cũti waajato ñirã, cũre bejeupa. ²⁰ O biro jãa tii, ate maquẽ cũja ca tii nemorije añurije jãa ca jee neorijere, “Cũjara jee cũucãcuma,” jãare cũja ca ñi wede paitipere biro ñirã. ²¹ To biri añuri wãmera jãa tii nii, biirãpũra, Wiogũ cũ ca ña cojoro wado méé, bojoca cũja ca ña cojoro cãare to birora jãa tii.

²² Cũja mena apĩ, mani yee wedegũ añurije ca tiirũgagũ, paũ wãmeri añuro jãare ca tii ñňo niigũre, mecũ docare mũjare, “To birora tiirucuma,” ca ñigũre jãa tiicojo. ²³ Tito pea, yũ mena macũ añuro mũja ca niipere ñigũ, yũ mena ca padegũ niimi. Aperã mani jaarã pea, Jesucristore ca tuo nunũjeerã cũja ca tiicojo cojorã, Cristore cũja ca nucũ buoro ca tiirã niima. ²⁴ To biri Jesucristore ca tuo nunũjeerã cũja ca majipere biro ñirã,

* 8:15 Ex 16:18.

mujá ca mairijere anijare ññoña, “To biro ca biirã niima,” mujare jãa ca ñi núcũ buorijere, “Díamacũra ñijapa,” cũja ca ñi majipere biro ñirã.

9

Jesucristore ca tuo nunujeerã yee maquẽre jee neorique

¹ Manire biro Cristore ca tuo nunujeerãre tii nemorã mujá ca tiicojorije maquẽra mujare yũ ca owa cojo nunua waape méé nii. ² Mee, añuro tii nemorugarique mena mujá ca tiirijere yũ maji. Jũguero macã cũmapũra, mujá Acaya macãrã, ca tii nemoruga niirã mujá ca niirijere, Macedonia macãrãre ujea niirique mena yũ wedewũ. To biro mujá ca biirije, Macedonia macãrã niipetirã jaũuropũra, “Jãa cãa, jãa tii nemorucu,” cũja ca ñiro tiiwũ. ³ To biro mujá ca bii pacaro ate maquẽ, mujá ca biirije yũ ca wede bayi niirije watoa maquẽ peti tuabocu ñigũ, mani jaarãre mujá pũtopũ yũ tiicojo cojo, yũ ca ñiricarore birora añuro nii yue, ⁴ jĩcãrã Macedonia macãrã yũ mena waari, “To biro biicu,” mujá ca ñitiri tabera cũja ca eatipere biro ñirã. To biro mujá ca biijata, boboro mujá tamũore mujare ñi wedetima ñirã, “Tiicãrucuma,” ca ñiricarã niiri, boboro jãa tamũobocu. ⁵ To biri anija mani jaarãre, “‘Jãa cãa, jãa tii nemoruga,’ cũja ca ñiriquere queno yuerãja,” cũjare yũ ca ñi cojopera nii. To biro mujá ca tiiro, mujá ca jee neorije añuro tii nemorugarique mena mujá ca ñnorijere biro, jãara mujare jãa ca tii dotirijere biro méé niirucu.

⁶ Atere tũgoeñaña: “Petoacã ca otericua, ca dica cãare petoacã jecumi. Pairo ca otericua, ca dica cãare paio jecumi.” ⁷ To biri mujá ca tii nemorijere tiicojorã, tũgoeña pairique mena, cũja ca tiicojo dotiro mena tiicojo, tiiticãña. Mujá ca niiro cõrora mujá yeripũ mujá ca tiicojoruga tũgoeñaro cõro tiicojora. Ujea niirique mena ca tiicojogũre maimi Æmũreco Pacũ. ⁸ Æmũreco Pacũ mujapũre añurije ca nii nunua waaro tii majimi, mujá ca boorije niipetirore to cãnacã tiira ca cũocõa niirã niiri, niipetirije añurije mujá ca tii nemorije buaro jaũuro mujare ca niipere biro ñigũ. ⁹ Æmũreco Pacũ wederique o biro ca ñirore birora:

“Ca boo pacarãre cũ yee ca niirijere batewi. Añuro cũ ca tii niirije peti nũcãtirucu.”*

¹⁰ Oteri majare ote ape tiicojo, ñucã cũ ca baapere tiicojo, ca tiigũ Æmũreco Pacũra mujá ca boorijere tiicojo, mujá oterique ca buũ nunua waaro tii, tiiri añurije mujá ca tii niirijere buaro jaũuro mujá ca tii nunua waaro tiirucumi. ¹¹ To biro cũ ca tiirã niiri, niipetirije apere cũori, añuro mujá tii nemo niirucu, jãa jũoripũ añuro mujá ca tii nemorijere Jesucristore ca tuo nunujeerã Æmũreco Pacũre “Añu majuropecã,” cũja ca ñipere biro ñirã.

¹² Ate añurije maquẽ tii nemoriquere jãa ca jee waarije, Jesucristore ca tuo nunujeerã cũja ca cũotirije wadore tii nemoti, pau tiiri Æmũreco Pacũre, “Añu majuropecã,” cũja ca ñiro cãare tii. ¹³ Ca tii nemorã niiri, mujá ca tiicojorije ca bii bau niiro, Cristo yee añurije quetire ca tuo nunujeerã mujá ca niirijere tee ca ñirore biro mujá ca tiirije mena ca bii bapa cãtirijere, cũjare tii nemorã cũja menare, to biri niipetirãpũ menare, mairicaro maniro mujá ca tiicojorijere ñari, Æmũreco Pacũre añuro ñi núcũ buorucuma. ¹⁴ Ñucã mujare cũja ca juu bue bojarijepũ, mujare cũja ca mairijere Æmũreco Pacũ añuro cũ ca tii bojarijere mujá ca ñeerique jũori, ñi bau niirucuma. ¹⁵ “Añu majuropecã Æmũreco Pacũ,” do biro pee ñi wede majiña manirije cũ yee manire cũ ca tiicojorije.

10

Pablo cũ ca doti majirije

¹ Yũ Pablo, Cristo cũ ca añurije, cũ ca mairije mena, jĩcãrã cũja ca ñirucurore biro mujá mena niigũ ca uwi paigũ nii, yoaropũ niigũ pea yũ ñicãre ñiri méé ca ñigũ nii, yũ bii. ² To biri mujá pũtopũ yũ ca ñagũ earo, jĩcãrã, “Cristore ca majitirã cũja ca tiirore biro tii núcũ yujuma,” jãare ca ñirãre, “Yũ ñicãre ñiri méé yũ ca ñiro tiiticãña,” mujare yũ ñi. ³ Bojocara jãa nii, bii pacarã ati yepa macãrã cũja ca ameri quẽerore biro jãa tiiti. ⁴ Jãa ca beju cãtirijea, ati yepa maquẽ méé nii. Æmũreco Pacũ cũ ca yeri tutuarije, Satanãs

* 9:9 Sal 112.9.

cũ ca tii camota tutua niirijere ca tii yaio baterije nii. ⁵ To biri Ƴmũreco Pacure tuo nunũjeerugaricaró mani ca tũgoeñari wãmera ca bii camotaarijere ñi camota, bojoca cũja ca tũgoeña niirije niipetirore Cristo peere cũja ca tuo nunũjeero jãa tii. ⁶ Añuro Cristore mũja ca tuo nunũjee jeeño peticoaro, ca tuo nunũjeerugatirãre ñañaro cũjare ca tiiparã niicãrã mani bii.

⁷ Mũja, bojoca baurique wadore mũja ña. Jĩcũ, “Cristo yũũ, yũ nii,” cũ ca ñijata, ate cãare ca tũgoeñapũ niimi, Cristo yũũ cũ ca niirore birora, jãa cãa Cristo yaarã jãa nii. ⁸ “Bũaropũra ca doti majirã jãa nii,” jãa ca ñirije, mũjare cũja tii yaiojato ñigũ méé, añuro mũja ca nii nunũa waapere ñigũ, Wiogũ jãare cũ ca tiicojoriquere ñee tiigũ yũ boboticu. ⁹ Yũ ca owa cojori pũurori mena, mũjare ñi uwioğũre biro yũ ca ñirije ca niiro yũ booti. ¹⁰ Jĩcãrã o biro ñima: “Do biro tiiya manirije tutuaro mena ñi cojomi. Bii pacagũ, cũ majurope ñigũ pea jĩcũ ñno peerena uwaro ñi, ‘Cũ ca wedejata cãare to biro ñicumĩ,’ ñi ecotiwi,” ñima. ¹¹ To biro ca ñirã, atere ca majiparã niima: Yoaropũ niirã tutuaro mena jãa ca ñi owa cojoroore birora, mũja pũtopũ niirã cãa, “Jãa ñicãre” ñiri méé, tutuaro mena jãa wederucu.

¹² Jĩcãrã cũja majuropeera, “O biro ca biirã jãa nii,” ca ñirãre biro bii, jãa ca bii niirijere cũja ca bii niirije mena cõoña, jãa tiiti. Cũja, cũja majuropeera cũja ca biirijerena ña cõoña, aperã cũja ca biirijere cõoña, tiirã, to biro cũja ca tiirijere majitima. ¹³ Jãa pea jãa ca tiitiriquepũrena, “Jãa, jãa tii,” jãa ñiti. Ƴmũreco Pacũ jãare cũ ca dotiricaró cõrora jãa tii nii. Cũra mũja pũtopũ jãa ca ea waa majiro jãare tiwi. ¹⁴ Jũguero mũja pũtopũ ca waatiricarã nii pacarã, to biro jãa ca ñijata, jãa ca tiitiriquepũrena ñirã jãa ñibocu. Mee, jãara Cristo yee añurije quetire mũjare jãa wede jũorã eawũ. ¹⁵ To biri aperã cũja ca tiiriquepũrena, jãa yeere biro, “Jãa, jãa ca tiirije nii,” jãa ñiti. ñitirãra, díamacũ mũja ca tuo nũcũ bũo bayi nunũa waaro cõrora, jãa ca paderijere bũaro jañuri jãa tii nunũa waarucu mũja watoare. Biirãpũa jãa ca tiipe ca niiro cõrora, jãa ñi yue, ¹⁶ mũja ca niiri tabe õo pee macã yeparipũ cãare, añurije quetire aperã cũja ca tiiriquepũrena, “Jãa, jãa ca tiirije nii,” ñiricaró maniro. ¹⁷ “O biro ca biigũ niigũ yũ bii,” ca ñigũa, Wiogũ yee peere “O biro ca biigũ yũ nii,” cũ ñijato.* ¹⁸ Cũ majuropeera, “O biro ca biigũ yũ nii,” ca ñigũ méé, “Añugũ niimi,” ñiricũ niimi. Wiogũ, “Añugũ niimi,” cũ ca ñigũ pee, “Añugũ niimi,” ñiricũ niimi.

11

Pablo, to biri ñi dito bueri maja

¹ ñi mecũğũre biro mũjare yũ ca ñirijere nũcãña. Ƴğjã. Nũcãcãña petopũra. ² Mũjare yũ ca mai uwa jeorijea, Ƴmũreco Pacũ yeepũ doo. Jĩcũrena Cristo wadore ca tuo nunũjeeparã mũjare yũ cũo, jĩcõ wãmo ñmũ mena ca nii ñaatigore biro ca niirãre mũjare cũre ami earũğũ. ³ Biigũpũa, pino cũ ca ñi dito majirije mena tĩrũmũpũ Evare cũ ca ñi ditoricarore birora,* mũja cãa ñi dito ecori, Cristore añuro tuo nunũjee, ñi nũcũ bũo, cũja ca tii niirijere tũgoeña maa wijia camotatibocuma,” yũ ñi uwi. ⁴ Jĩcãrã Cristo yee queti mũjare jãa ca wedericarore biro méé mũjare cũja ca wedero, ñũcã Añuri Yeri yee maquẽre bojorica wãme bue, añurije quetire mũja ca tuo jũoriquere bojorica wãme pee mũjare bue, cũja ca tiirije peera popiye jĩcãto añuro mũja tuo nunũjeecã. ⁵ Yũ pea, jĩcãti ñno peera, Jesucristo yee queti wederi maja ca nii majuropeerãre biro ca bii ditorãre yũ doca cũmuti. ⁶ Yũ ca wederije peera bũaro ca ñitigũ nii pacagũ, yũ ca majirije peera do biro ca tiiya manigũ yũ nii. Atere paũ wãmeri jãa ca tii niirije mena mũjare jãa ñnowũ.

⁷ ¿Mũja peere ca nii majuropeera mũja ca niipere ñigũ, yũ pea watoa macũre biro biicãri, wapa manirora Ƴmũreco Pacũ yee añurije quetire mũjare yũ ca wedejata, ñañarije tiigũ yũ tiijapari? ⁸ Mũjare tii nemorũğũ, aperã Jesucristore ca tuo nunũjeerã, wapa tiirica tiiri yũre cũja ca tiicojorijere ñeegũ, cũja yeere ñmagũre biro yũ tiiwũ. ⁹ Mũja pũtopũ niigũ, apeye ñno boo pacagũ, jĩcũ ñno peerena mũjare yũ jãĩ pato wãcõtiwũ. Mani yaarã Macedonia macãrã ca dooricarã earã, yũ ca boorijere yũre tiicojowa. Niipetirijepũra mũjare yũ jãĩ pato wãcõtiwũ; to birora yũ biicã nunũa waarucu.

* 10:17 Jer 9.24. * 11:3 Gn 3.

¹⁰ Díamacūra Cristo yee díamacū ca niirije yurure ca niimore birora, jīcū uno peera Acaya yepa macārā, ate: “To biro ca biigu yu nii,” yu ca ii tugoēña bayi niirijere, “Yee iimi,” yure ii majitima. ¹¹ ¿Ñee tiigu o biirije yu wedeti? ¿Mujare ca maitigu niiri, to biro yu iigajati? Ɛmureco Pacu, mujare yu ca mairijere majimi. ¹² “Yu ca tii niirijere to birora yu tiicōa niirucu,” ii ditori maja, jāare biro biirugarā, cūja majuro cūja ca tii niirijerena “O biro ca biirā jāa nii,” ca iirā, do biro cūja ca tii majitipere biro iigu.

¹³ To biro ca iirā, añurije quetire wede doti cojoricarā majurope méé, ii ditori maja, Cristo cū yee añurije quetire cū ca wede doti cojoricarāre biro ca bii ditorā niima. ¹⁴ Atea ca bii majiña manirije uno méé nii. Satanás'pura, Ɛmureco Pacu puto macū añugure birora biicā majimi. ¹⁵ To biri cūre pade bojari maja cāa, añurije maquēre paderi majare birora cūja ca biirijea ca majiña manirije uno méé nii. To biri ñañaro cūja ca tiiricarore birora, ñañaro tii ecorucuma.

Pablo ñañaro cū ca tamorique

¹⁶ Jīcū uno peera “ ‘Ca mecūgu niimi,’ yure cū iiticājato,” mujare yu ii ñucā. To biro yure mūja ca iijata, “Ca mecūgure birora cū iicājato,” yure iicāña, yu cāa petopura, “O biro ca biigu yu nii,” yu ca iipere biro iirā. ¹⁷ O biri wāme biicāri, “O biro ca biigu yu nii,” yu ca iijata, Wiogu cū ca boorije uno méére iigu yu ii. Yu ca ii yeerijere biro pee nii. ¹⁸ Pacu, cūja yee maquē cūja ca bii niirijerena wederique paioma. Yu cāa to birora yu iirucu. ¹⁹ Buaro ca majirā mūja nii. Bii pacarā ca ii mecūrārena añuro mūja tuo nunuje. ²⁰ Ñucā mujare doti epe, mujare pade doti epe, mūja yeere jeecā, ñañaro mujare tii epe, mujare paacā, ca tiirāpu cāare añuro cūjare mūja tuo nunuje. ²¹ Atere iiruga bobo pacagu, “Jāa pea to biro biirugarā ca tugoēña bayitirā peti jāa niicāwu,” yu ii.

Aperā, “O biro ca biirā jāa nii,” cūja ca iijata, yu cāa to birora yu iirucu, atea ii mecūriquere biro ca nii pacaro. ²² “Hebreos cūja ca niijata, yu cāa hebreo bojocura yu nii. Israelitas cūja ca niijata, yu cāa israelita bojocura yu nii. Abraham pāramerā cūja ca niijata, yu cāa Abraham pāramira yu nii. ²³ Cristore pade bojari maja cūja ca niijata, yu doca cūja ametuenero Cristore pade bojari maju yu nii. Atere iigu, ca ii mecūgure biro ii pacagu, yu cūja ametuenero pade, cūja ametuenero pau tiiri tia cūu eco, cūja ametuenero ñañaropu bape eco, pau tiiri, cūja ca jīarugaro uwioro bii, yu biiwu. ²⁴ Judíos baperā treinta y nueve niirije peti cūja ca baperijere jīcā amo cōro niirije peti yu bape ecowu. ²⁵ Itiati peti yucugu mena yure paawa. Jīcāti ūtāgaari mena yure deewa. Itiati peti yu duawu. Dia pairi yaapu jīcā rumu, jīcā ñami, bii paja yuju dua yai boo, yu biiwu. ²⁶ Yu ca catiri rumurire to birora aperopu waacoarucu, doocā doorucu biigu, ca uwiocāro diaripu, jee dutiri maja cūja ca uwiocāro, yu jaarā judíos'ra cūja ca uwiocāro, judíos ca niitirā cūja ca uwiocāro, macāpu cāare ca uwiocāro, ca bojoca maniroru cāare, dia pairi yaapu cāare, ñucā Jesucristo jaarāre biro ca bii ditorā cūja ca uwiocāro yu waa yujuwu. ²⁷ Buaro pade, ñañaro tamuo, pau tiiri cāniri méé bii, queya, oco jiniruga, pau tiiri baari méé bii, ñañaro yujua buu nucū yuju, juti boo paca, yu biirucuwu. ²⁸ Apeyera ñucā to cānacā rumura niipetirā Jesucristore ca tuo nunujeerāre tugoēñama iigu, buaro yu tugoēña yaja pua. ²⁹ Jīcū cū ca tugoēña bayitijata, yu cāa cūre birora yu bii. Jīcū unore ñañaro cū ca tiiro cūja ca iijata, cūja menare buaro yu ajia.

³⁰ “O biro ca biigu yu nii,” yu ca iirugajata, ca tugoēña bayitigure biro yu ca niirije peere, “O biro ca biigu yu nii,” yu iirucu. ³¹ Ɛmureco Pacu, mani Wiogu Jesús Pacu, to birora ii nucū buocōa niiricu, yu ca ii ditotirijere majimi.

³² Damascopu yu ca niiro, wiogu Aretas cū ca doti niiri yepapure ca niiri yepa macārāre ca juo niigu,† yure cūja ñeejato iigu uwamarāre joperire cote dotiupi. ³³ Yu peera piwupu ami jāari, tii macāre ca nii amojoderi tūdi macā joperu yure yoo duwio cōjowa. O biro bii, yure ca ñeerugarāre yu duticoawu.‡

† 11:32 Gobernador. ‡ 11:33 “Damascore eagu, do biro ca tiiya manigure biroru tugoēña ujea nii pacagu, cū, ca iñña manigure biro piwupu yure cūja ca yoo duwio cojoro yu duti catiwu.” Hch 9.23-25.

12

Ca biipere Pablo cū ca ĩarique

¹ Yū majuropeera, “O biro ca biigu yū nii,” ĩirique menara, ñee uno bũaña mani. To ca bii pacaro, Wiogu ca biipere yūre ĩño, yūre majio, cū ca tiiriquere yū wederucu. ² Jĩcū Cristore ca tuo nũñjeegu, Ƴmũreco Pacu cū ca niiri taberu ca ami waa ecoricure yū maji. Tee ca biiricaro jiro pũa amo peti, dũpore baparica penituario ca niiri cũmari ametũa. Yū majiti, ati upũ menara ami waa ecogu, cū yeri wadore ami waa ecogu, biijacupi.* Ƴmũreco Pacu wado majimi. ³ To biro ca biiricure yū maji, ati upũ menara ami waa ecogu, cū yeri wadore ami waa ecogu, biijacupi. Ƴmũreco Pacu wado majimi. ⁴ Ca aũu ametũeneri taberu† ami waa ecori, to biro ĩrũgaro ĩi, ca ĩi majiña manirije, jĩcū bojocu uno peera ca wedeya manirijere tũoupi. ⁵ Jĩcū to biro ca biiricu docare, “To biro ca biigu niimi,” yū ĩi maji. Yū yee maquẽ peera jĩcā wãme uno peera, “To biro ca biigu yū nii,” yū ĩiti, ca tũgoeña bayitigu yū ca niirije pee docare, to birora yū ĩi. ⁶ “To biro ca biigu yū nii,” yū ca ĩijata, watoara ĩi mecũgu méé, díamacũra ĩigu yū ĩibocu. Bii pacagu yū ĩiti, jĩcū uno peera, “Cū ca bii niirije, cū ca ĩirije, ametũeneroru ĩicãmi,” yūre cũja ca ĩi tũgoeñatipere biro ĩigu.

⁷ Ate aũurije yūre ca bii ĩñorijere yū ca ĩarique juori, “O biro ca biigu yū nii,” ĩi ametũene nũcãremi ĩima ĩiro, potaga upũre bũaro ca puniro cõro ca punirijere yū tamũowũ, Satanás ñaňaro yūre tiirũgu cū ca tiirijere. ⁸ Itiati peti tee ñaňaro yū ca tamũorijere cū ametũenejato ĩigu, Wiogũre yū jãimiwũ. ⁹ Wiogu pea o biro yūre ĩiwi: “Mũre yū ca mairije menara aũucã. Tũgoeña bayitiricaro peera yū ca tutuarije aũuropũ bii bau nii ea.” To biri ca tũgoeña bayitigu yū ca niirije peere, ujea niirique mena, “O biro ca biigu yū nii,” yū ĩi, Cristo cū ca tutuarije yũpũre ca niicõa niipere biro ĩigu. ¹⁰ Tee juori, yū ca tũgoeña bayitirijere, yūre cũja ca acarõ bui tutirijere, yū ca apeye boo pacarijere, ñaňaro yūre cũja ca tiirũga nũñjeerijere, Cristo juori ñaňaro yū ca tamũorijere, bũaro yū ujea nii. Ca tũgoeña bayitigu niigu peera, bũaro yū tutua.

Corinto macãrã juori, Pablo cū ca tũgoeña pairique

¹¹ Ca mecũgũre biro yū biiwũ; mũjara to biro yū ca biiro yūre mũja tiiwũ. Mũja peera yū yee maquẽre aũuro ca wedeparã mũja niimiwũ. Watoa macũ nii pacagu, jĩcā wãme uno peerena, “Jesucristo yee queti wederi maja ca nii majuropeerã jãa nii,” ca ĩrãre yū doca cũmuti. ¹² Mũja pũtopũre, ñaňaro tamũo pacagu tũgoeña bayi, ca ĩa ñaaña manirijere tii bau nii yū ca tiirijera, Jesucristo yee queti wederi majũ peti yū ca niirijere mũjare bii ĩñowũ. ¹³ Mũja, ¿ñee peere aperã Jesucristore ca tuo nũñjeerã dũaro mũja biiri? Yū majuropeera mũjare wapa jãi pato wãcõ yū tiitiwũ. Ñaňaro mũjare yū ca ĩijata, teere yūre acoboya.

¹⁴ Mee, itiati mũjare ĩagu waarũgu queno yuegu yū tii. Mecũ cãare yū jãi pato wãcõtirucu. Mũja ca cũorijere yū amaati, mũjarena yū amacã. Cũja pacũa pee niĩma, cũja puna yee ca niipe wapa tiirica tiirire ca jee neorã. Cũja puna pee cũja pacũa yee ca niipere jee neotima. ¹⁵ Yū ca cũorije niipetiro aũuri wãme mena mũjare yū tii nemorucu. Ñucã aũuro mũja ca niipere ĩima ĩigu, yū majuropeerũ cãa, yū ca bayiro cõro mũjare yū tii nemorucu. Bũaro mũjare yū ca mai pacaro, ¿mũja pea petoacã yūre mũja mairãti? ¹⁶ Yũa, jĩcãti uno peera mũjare jãi pato wãcõ yū tiitiwũ. ¿Ca ĩi dito majigu niiri, mũja yeere jeerũgu mũjare yū ĩi ditori? ¹⁷ Jĩcãrã mũja pũto yū ca tiicojo cojoricarã mena, ¿mũjare yū ĩi ditoupari? ¹⁸ Titore mũja pũtopũ ĩa doti cojogu, cū mena apĩ mani yũũ Jesucristore ca tuo nũñjeegũre yū tiicojowũ. ¿To docare Tito, ĩi ditorique mena mũja yee wapa tiirica tiirire cū jeeri? ¿Jãa pũarãpũra, jĩcũ peere biro tũgoeñarique cutiri, jĩcã wãmera jãa tii nũnũa waatiti?

¹⁹ Ape tabera, “Aũuro jãare cũja ĩijato ĩirã, to biro ĩima,” jãare mũja ĩi tũgoeñacu. To biro méé bii: Cristo yaarãre birora, Ƴmũreco Pacu cū ca ĩa cojorora jãa wede. Yū yaarã

* 12:2 Pablo, cũra cū ca biiriquerena cū ca ĩirique nii. † 12:4 Paraiso.

yɛ ca mairã, niipetiro jãa ca tii niirijea, añuro mɔja ca nii nɔnɔa waape maquẽ niiro bii. ²⁰ Mɔja pɔtopɔ yɛ ca ãagɔ waaro, yɛ ca boorore biro bua eati, yɛ pee cãa mɔja ca boorore biro biiti, biibocu ãima ãigɔ, yɛ uwi jañu. Ñucã jĩcãri cõro ca nii majiña manirije, ãa tutirique, ajiarique, ãa ɔgorique, queti pairique, wede pairique, “O biro ca biirã jãa nii,” ãirique, añuro ca nii majiña manirije, niibocu ãima ãigɔ, yɛ uwi jañu. ²¹ Ñucã jiro mɔjare yɛ ca ãagɔ waaro, yɛ Ɔmɔreco Pacɔ, mɔja ca ãa cojoro boboro yɛ ca tamɔoro yɛre tii, yɛ pea paɔ jɔguerɔpɔ ñañarije cãja ca tiirucurique, tiirica wãme cõro méerɔ ñee epericarã cuti yai waarique, cãja ca tiirucuriquere cãja ca tii niirijere, “Cãja ca tɔgoeña yeri wajoatiro buaro yɛ otibocu,” yɛ ãi uwi.

13

Wede majio yapanorique

¹ Ano yɛ ca waape mena itiatu mɔjare ãagɔ waagu doogu yɛ tii. Puarã, itiarã ca ãaricarã cãja ca wede nemorije mena niipetirijepɔra, “To biro biirucu,” ãirique niirucu. ² Mɔjare puati yɛ ca ãagɔ earica tabere, mee yɛ wede majio yerijãawɔ. Mecɔ yoarɔpɔ niigu cãa, yɛ ãi nemo cojo ñucã. Jiro mɔja pɔtopɔ waagu, jɔguero ñañarije ca tiiricarãre, ñucã jĩcɔ ɔno peerena yɛ ãa boo pacatirucu. ³ Mɔja, Cristo yɛ menapɔ cã ca wederijere mɔja majiruga. Cãa, mɔja mena cã ca tii niirijere ca ãi bayitigu méé niimi. Cã ca yeri tutuarijere mɔja watoare tii niimi. ⁴ Díamacãra nii, ca ãi bayitigɔre biro yucu tenipɔ cã ca paa pua tuu jãa ecoriquea. Mecãra Ɔmɔreco Pacɔ cã ca tutua majuropeerije jɔori catimi. Jãa cãa cã ca ãi bayitiriquere to birora jãa bii nemo nii. To biro bii pacarã Ɔmɔreco Pacɔ cã ca tutuarije jɔori, Cristo mena jãa cati niirucu, mɔjare tii nemorugarã.

⁵ Díamacã mɔja ca tɔo nɔcɔ buo niirijere to birora jãa tii nɔnɔjeecõa niimiti ãirã, mɔja majuropeera ãa beje ñaaña. Mɔja majurope ãa cõoñañaquẽ. ¿Jesucristora mɔjapɔre cã ca niicãrijere mɔja majititi? To birora biimi, díamacãra cãre ca tɔo nɔnɔjeerãra mɔja ca niijata. ⁶ Díamacãra cãre ca tɔo nɔnɔjeerãra jãa ca niirijere mɔja ca ãa majipere yɛ yue. ⁷ Ñañarijere jĩcã wãme ɔno peerena mɔja ca tiitipere biro ãirã, Ɔmɔreco Pacɔre mɔjare jãa jãi boja. “Añurije wado ca tiirã jãa nii” ãirã méé jãa ãi, mɔja peere, “Añurije peere cãja tiijato” ãirã pee jãa ãi, “To biro ãicãrã ãima” cãja ca ãirã nii pacarã. ⁸ Díamacã ca niirijera do biro pee jãa tii camota majiti. Teerena ca tii nemorã niirã jãa bii. ⁹ Jãa pea ca tɔgoeña tutuatirã jãa ca niicãro, mɔja pea ca tɔgoeña tutuarã mɔja ca niirijere, jãa ɔjea nii jañu. To biri añurã mɔja ca nii eapere ãirã, Ɔmɔreco Pacɔre mɔjare jãa juu bue bojacõa nii. ¹⁰ Ate jɔori, mɔjare ãagɔ waarugɔ jɔguero yɛ owa cojo, toopɔ eagu, mɔja ca tɔo nɔnɔjeerijere cã tii camotajato ãigɔ méé, añuro mɔja ca bii nɔnɔa waapere ãigɔ, doti majirique Wiogu yɛre cã ca tiicojorique mena tutuaro mɔjare yɛ ca ãi eatipere biro ãigɔ.

Añu doti yapanorique

¹¹ Yɛ jaarã, to cõrora mɔjare yɛ ãi. Ɔjea niíña. Añuro mɔja ca niipere amaña. Mɔjare yɛ ca wede majorijere tɔo nɔnɔjeeya. Jĩcɔ peere biro tɔgoeñarique cuti, añuro nii, bii niíña. Ameri mairique, jĩcãri mena añuro niirique Ɔmɔreco Pacɔ, mɔja menara niirucumi.

¹² Añuro ameri mairique mena ameri añu dotiya. ¹³ Mani jaarã Cristore ca tɔo nɔnɔjeerã niipetirã mɔjare añu doti cojoma.

¹⁴ Mani Wiogu Jesucristo cã ca añurije, Ɔmɔreco Pacɔ cã ca mairije, Añuri Yeri añuro mɔjare cã ca bapa cuti niirije, mɔja niipetirã mena to niijato.

To biro to biijato.

Pablo

GÁLATAS

Ati pūurore cū ca owariquea, romanos're cū ca owariquere birora ca nii majuropeerije nii. “Doti cūurique ca ĩrore biro mani ca tii nūnūjeerije jūori méé, Cristore mani ca tuo nūnūjeerije jūori pee Ũmureco Pacu yaarā mani nii ea,” cū ca ĩrijere to birora ĩcā nūnūa waami Pablo.

Romanos peera pau wāmeri cūja ca tii niirije maquēre wedemi. Gálatas peera jeyua quejero yapare wide taarique maquēre cūja ca tii niirijere wedemi.

Galaciapū Pablo, Jesús yee quetire cū ca wede niiro, “Ũmureco Pacu mena nii earugarā doti cūurique ca ĩrore biro ca tii nūnūjeepe nii,” ca ĩi wede niirā, “Upū macā tabere ca wide taape nii,” ĩi niuupa. Ate niuupa Pablo cūjare cū ca wede majiorique.

Ũucā Pablore, Jesucristo cū yee quetire cū ca wede doti cojoricu cū ca niirijere ca bii camota niirugarijere, “Mūjare cūja ca wede maa wijiorije peere tii nūnūjeema ĩrā, añurije mūja ca tii niimiriquere, mūja ca tuo nūnūjeemiriquere, camotati nūnūa waarā mūja bii,” cū ca ĩi owa cojorique nii.

To biro ĩcā, “Wiogu majuropeera yeri tutuarique cū ca tiicojoricu yū nii, ũucā Añurije Queti yū ca wederije cāare cū jūorira tee cāare yū wede,” cūjare ĩi majio nūnūa waami. “Bojoca méé yeri tutuarique yūre tiicojowa. Aperā cū yee quetire cū ca wede doti cojoricarā méé teere yūre tiicojowa,” ĩi wede nūnūa waami. “Ate Añurije Queti wado nii, Ũmureco Pacu manire cū ca boo paca ĩariquere Cristore tuo nūnūjeema ĩrā, mani ca būa earo manire ca tiirije,” ĩi wedemi (3.1—4.31).

Cristore ca tuo nūnūjeerā, aperāre ca doti ecotirāre biro niiriquere díamacū wedemi. “To biirije pee biiya mūja cāa, mūja ca tii nūnūjeerijere tii nūnūjeeticāña; doti cūurique ca dotirije cāare tii nūnūjeeticāña,” cūjare ĩi wede majiomi (5.1—6.10). Jeyua quejero yapare wide taaricu, ũucā ca wide taaya manigu, mani ca niirijea wapa mani, tūgoeña wajoa, wāma upū mena pee niirāre biro mani ca biirije pee nii ca wapa cūtirije ĩi, wede majio yapano eami (6.15).

Galacia macārāre Pablo cū ca queti owa cojorica pūuro

¹ Yū Pablo, bojoca cūja ca wede doti cojoricu méé, Jesucristo majuropeera, ũucā cū Pacu Ũmureco Pacu, cū ca cati tuaro ca tiiricūra, cū ca wede doti cojoricu, ² mani yaarā, Jesucristore ca tuo nūnūjeerā, yū mena ca niirā niipetirā mena, Galacia macārā Jesucristore ca tuo nūnūjeerā niipetirāre yū añu doti cojo.

³ Mani Pacu Ũmureco Pacu, Wiogu Jesucristo, añuro cū ca tii bojarije, añuro ĩcāri mena niiriquere mūjare cū tiicojojato. ⁴ Jesucristo, mani ca ñañarije wapa bii yaiupi, mani Pacu Ũmureco Pacu cū ca boorore birora, ano mani ca cati niiri cuure ñañaro ca bii niirijere manire ametuenerugu. ⁵ Ũmureco Pacu cū ca añu majuropeerije to birora to niicōa nijato. To biro to bijato.

Añurije queti apeye mani

⁶ Yū tūgoeñarique pai jañu, apeye añurije queti méé peere tuo nūnūjeerugarā, yoari méé peti Cristo añuro cū ca tii bojarique jūori mūjare ca jūoricu Ũmureco Pacu mūja ca camotatirijere. ⁷ Biiorpua, apeye añurije queti mani. To ca bii pacaro, niima ĩcārā mūjare no ca boorora ĩi maa wijiori, Cristo yee añurije quetire ñañarijere biro ca jeeñorugarā. ⁸ Ape tabera jāa mena macū ũnora, ũucā Ũmureco Pacu puto macūra, añurije queti mūjare jāa ca wederique ũno méérena mūjare cūja ca wedejata, ũmureco Pacu ñañaro cū ca tiirije cūjare to bii ñaapeajato! ⁹ Mee, jūguero mūjare yū ca ĩriquerena mūjare yū ĩi nemo ũucā: ĩicū ũno añurije queti mūja ca tuo jūorique ũno méérena cū ca wede yujujata, ũmureco Pacu ñañaro cū ca tiirijere ca tamuo yaigu cū nijato!

¹⁰ Yūa, bojocara, “Añu majuropecāmi,” yūre cūja ca ĩi nūcū bñorijere yū amaati. Ũmureco Pacu pee, “Añujañu,” cū ca ĩirije peere yū ama. Bojoca menara añuro tuarugū

yɛ ca tiirije méé nii. Bojoca cǔja ca ĩa biijejarijere yɛ ca tiijata, Cristore pade bojari maju méé yɛ niibocu.

Pablo cǔ ca paderique

¹¹ Yɛ yaará, atere majiña: Añurije queti yɛ ca bue majiorieja, bojocara cǔja ca ĩi jeeñorique méé nii. ¹² Jĩcǔ bojocɔ ɛno peerena cǔ ca majirijepɔre tiicojo eco, bue majio eco, ca biiricɔ méé yɛ nii. Jesucristo majuropeera teere yɛ ca majiro tiiwi.

¹³ Ména jɔguerɔpɔra judíos cǔja ca nɔcǔ bɔorijere tii nɔcǔ bɔo niigu yɛ ca biiriquere, Jesucristore ca tɔo nɔnɔjeerǎre yɛ ca jĩa peotiruga yujuriquere, mɔja queti tɔojacupa.

¹⁴ Judíos cǔja ca nɔcǔ bɔorijere tii nɔcǔ bɔo niigu, yɛ mena ca maja nɔcǎrǎ ametɔenero yɛ ñicǔ jǎa niiquĩricarǎ cǔja ca tii jɔo dooriquere jĩcǎ wǎme ɛnoacǎ tii dɔaricaro maniro ca tiigu yɛ niiwɛ. ¹⁵ To ca bii pacaro, Ɛmɔreco Pacɔ pea bɔaro ca maigu niiri, yɛ ca baɔaparo jɔguerɔpɔra yɔre beje amiupi. Cǔ ca boori tabe ca niiro, ¹⁶ cǔ Macɔre yɛ ca majiro yɔre tiiwi, judíos ca niitirǎre cǔ yee añurije quetire yɛ ca wedepere biro ĩigu. Yɛ pea, jĩcǔ ɛno peerena ate maquere yɛ jǎiñatiwɛ. ¹⁷ Ñucǎ yɛ jɔguero Jesús buerǎ ca niiricarǎ Jerusalén'pɛ ca niirǎ cǎare ĩagu waawɔ, yɛ tiitiwɛ. Cǔjare ĩagu waatigɔra, yoari méera Arabia yepa pee yɛ waacoawɛ. Jiro yɛ tua doowɛ ñucǎ Damascopɛ.

¹⁸ Itia cǔma jiropɛ Jerusalén'pɔre, Pedrorɔ* yɛ ĩagu waawɛ. Cǔ mena quince rumɔrira yɛ niiwɛ. ¹⁹ Aperǎ Jesús buerǎ ca niiricarǎ peera, jĩcǔ ɛno peerena yɛ ĩatiwɛ. Wiogɔ Jesucristo bai Santiago wadore yɛ ĩawɛ. ²⁰ Ano mɔjare yɛ ca owa cojorijera, ĩi ditogɔ méé yɛ ĩi. Ɛmɔreco Pacɔ cǎa majimi.

²¹ Jiro Siria, to biri Cilicia yepari pee yɛ waawɛ ñucǎ. ²² Judea yepa macǎrǎ Jesucristore ca tɔo nɔnɔjeerǎ pea, yɔre ĩa ñaatiwa ména. ²³ “Manire ñañaro ca tiiruga nɔnɔjeericɔ, mecǎra añurije queti cǔ ca tii yaio nɔcɔɔgariquerena wede yujujagu,” cǔja ca ĩirije queti wadore tɔorucuupa. ²⁴ To biro yɛ ca biirije jɔori, Ɛmɔreco Pacɔre baja peo ɔjea niirucuupa.

2

Jesús buerǎ ca niiricarǎ mena Pablo cǔ ca biirique

¹ Pɔa amo peti, dɔpore baparica penituario ca niiri cǔmari* jiro Bernabé mena yɛ waawɛ ñucǎ Jerusalén'pɛ. Tito cǎare yɛ ami waawɛ. ² Ɛmɔreco Pacɔ “Toopɛ ca waapɛ mɔ nii,” yɔre cǔ ca ĩiro macǎ yɛ waawɛ. Toopɛ ea, cǔjare ca jɔo niirǎre biro ca niirǎ mena wado neari, judíos ca niitirǎre añurije queti yɛ ca wederiquere yɛ wedewɛ, niipetirije yɛ ca bii yujurique watoa maquẽ peti tuare ĩigu. ³ Ñucǎ Tito, griego bojocɔ, yɛ ca bapa cɔti waaricɔ cǎa, jeyua quejero yapare wide taariquere tii dotiya maniwi. ⁴ To biro jǎa ca biiri tabere jĩcǎrǎ, Jesucristore ca tɔo nɔnɔjeerǎre biro ca bii ditorǎ cǔja mena ĩĩna manirǎ, jǎa watoare jǎa waaupɛ. Cristo Jesús jɔori doti cǔurique ca ĩirore biro tii nɔnɔjeetirǎra, añuro jǎa ca niirijere ĩa duti coteupa, ñucǎ doti cǔuriquere ca tii nɔnɔjeerǎ jǎa ca niiro tiirugarǎ. ⁵ Jǎa pea jĩcǎ nimaro ɛno peera cǔjare jǎa ĩi ametɔa nɔcǎ ecotiwɛ, díamacǔ ca niirije añurije queti to birora mɔjapɔre ca niicɔa niipere boojǎma ĩirǎ.

⁶ Ca nii majuropeerǎre biro bojoca cǔja ca ĩarǎ pea, apɛye wǎma wǎme ɛnora yɔre wede majio nemorucu tiitiwa. (To biro ca biirǎ cǔja ca niirijere bɔaro yɛ ĩiti yɛa. Ɛmɔreco Pacɔa bojoca baurique jɔorira ca ĩa bejegu méé niimi.) ⁷ ĩitirǎra, “Ɛmɔreco Pacɔ, Pedrorɔ, judíos're añurije quetire cǔ ca wede doti cojoricarore birora, judíos ca niitirǎre añurije queti cǔ ca wede dotiricɔ niimi,” yɔre ĩi ĩa majiwa. ⁸ Ɛmɔreco Pacɔ, Pedrorɔ judíos're añurije quetire ca wede doti cojoricɔra, yɛ cǎare judíos ca niitirǎre añurije quetire yɔre wede doti cojowi. ⁹ To biri Santiago, Pedro, Juan, Jesucristore ca tɔo nɔnɔjeerǎre ca jɔo nii majuropeerǎ, añurije Ɛmɔreco Pacɔ yee maquere yɛ ca boca amiriquere majiri, Bernabé, yɔre, amo ñee, jǎare tiiwa, “Jǎa mena macǎrǎra mɔja niirucu,” cǔja ca ĩirijere ĩĩnorǎ. To biro tii, “Mɔja, judíos ca niitirǎre añurije quetire mɔja ca wedero ɛno, jǎa pea judíos're añurije quetire jǎa wederucu,” jǎare ĩiwa. ¹⁰ To biro ĩi,

* 1:18 Griego wederique mena Cefas. * 2:1 Catorce cǔmari.

“Ca boo pacarãre mũa ja ãa peowa petopura,” jãare ïiwa, tee wadore buaro yu ca tiiruga tugoeñarije petire.

*Pablo, Antioquíap*u Pedrore cã ca tutirique

¹¹ Pedro, Antioquíap u cã ca waarica tabere, ñañoaro biiricaro cã ca tii niirije wapa cãre yu tutiwu. ¹² Ména, Santiago cã ca tiicojorã cãja ca eaparo jũguero, judíos ca niitirã mena baarucuupi. Cãja ca earo, jeyua quejero yapare wide taariquere ca tii nunjeerãre uwima ïigu, cãjare camotati, cãja mena baa, bapa cuti, tiitiupi. ¹³ Aperã judíos, Jesucristore ca tuo nunjeerã cãa, watoara Pedro cã ca bii dito niirije peere cãre biro tii nunjeecoaua. Ñucã Bernabé menapura to birije watoara cãja ca bii dito niirije cãjare biro biro bii nunjeecoaua.

¹⁴ To biri añurije queti ca ïirore biro cã ca tiitiro ïagu, niipetirã cãja ca tuo cojoropu, o biro yu ïiwu Pedrore: “Mua judío bojocu nii pacagu, judío bojocu méere biro mu bii nii. To bii pacagu, ¿nee tiigu judíos ca niitirãre judíos're biro pee cãja ca niiro mu tiirugati?

¹⁵ ”Mania bañarãpura mee, judíos ca nii juo dooricarã mani nii. Umureco Pacu ca majitirã ñañarije ca tiirã méé mani nii. ¹⁶ To ca bii pacaro jicã uno peera doti cãurique ca ïirore biro cãja ca tii nunjeerije juori méé, Cristo Jesús're díamacã tuo ñucu buorique juori pee añurã mani ca tuaro ca tiirijere mani maji. Mani cãa, Jesucristorena díamacã mani tuo nucã buowu, doti cãurique ca dotirore biro mani ca tii nunjeerije juori méé, cãre mani ca tuo nunjeerije juori, ca ñañarije manirãre biro Umureco Pacu cã ïajato ïirã. Doti cãurique ca ïirore biro ca tii nunjeegua, jicã uno peera, ‘Añugu niimi,’ ïi ecotirucumi.

¹⁷ ”Cristo juori añurã mani ca niirugarije ca nii pacaro, ñañarije ca tiirã mani ca niirije nii bau nii eacã, ¿to docare atea, ‘Cristora ñañarije ca tiirã mani ca niiro tiimi,’ ïirugaro to ïiti? Biiti. ¹⁸ Jicã, cã ca tii yaio bateriquepuraena ñucã cã ca tii jeeñocãjata, cã majuropeera ñañarijere tii bui cutigu tiimi. ¹⁹ Doti cãuquĩrique juorira doti cãurique peera ca bii yai weoricu yu nii, Umureco Pacu mena pee yu ca cati niipere biro ïigu. ²⁰ Cristo menara teere yu bii yai weowu. To biri yu majurope cati niigu méé yu bii. Cristo pee yapare niimi. Mecã ati upu yu ca cati niirijera, Umureco Pacu Macã yure mai, yure bii yai boja, ca biiricure díamacã tuo nucã buorique juori yu cati. ²¹ Umureco Pacu cã ca mai ïariquere yu junati. Doti cãurique juorira añurã niirique to ca niijata, Cristo watoa petira bii yaibojacupi.”

3

Doti cãurique, to biri díamacã tuo nucã buorique

¹ ¡Galacia macãrã wedericaro ca tuotirã! ¿Ñiru mujare cã doa mecõori, Jesucristore yucu tenipu cãja ca paa pua tuu jãrique queti, díamacã ca niirije mujare jãa ca wederiquere cãja tuo nunjeeticãjata ïigu? ² Ano mujare yu ca jãina cojorije wadore yure mũa ca yuro yu boo. ¿Doti cãuriquere mũa ca tii nunjeerije juori, Añuri Yerire mũa ñeeri? ¿Díamacã tuo nucã buorique mena añurije quetire mũa ca tuorique juori pee méé Añuri Yerire mũa ñeeri? ³ ¿To cõro peti wedericaro ca tuotirã mũa niicãti? ¿Añuri Yeri mena pee ca bii nuna dooricarã nii pacarã, mecãra yua, mũa majurope mũa ca tii niirije mena añurã mũa niiruga tugoeñati? ⁴ ¿Yee petira ñañoaro mũa bii buañaacãri? To cõro watoa peti mũa biitijacupa. ⁵ Umureco Pacu, cã yu Añuri Yerire mujare tiicojo, mũa watoare ca ãa ñaña maniri wãme tii, cã ca tiijata, ¿doti cãurique ca ïirore biro mũa ca tiirije juori cã tiiti? ¿Díamacã tuo nucã buorique mena añurije quetire mũa ca tuo nunjeerije juori pee méé cã tiiti? ⁶ Abraham menare o biro biipura: Abraham, Umureco Pacu cã ca ïirijere “Cã ca ïirore birora tiirucumi,” ïi tuoupi. Tee juorira, “Añugu niimi,”* ïi ecoupi.

⁷ To biri mũa, díamacã ca tuo nucã buorã, Abraham pãramerã ca nii majuropeerã cãja ca niirijere ca majiparã mũa nii. ⁸ Umureco Pacu wederique, judíos ca niitirãre díamacã cãja ca tuo nucã buorije juorira, Umureco Pacu añurã cãja ca niiro cã ca tiipere ïirora, o

* 3:6 Gn 15.6.

biro ñi, ate añurije quetire wede jügueupa Abraham're: “M̄ j̄ori, bojoca poogaari cōrora añuro tii ecorucuma,” ñiupa.† 9 To biri díamac̄ ca t̄o n̄c̄ b̄orã, Abraham díamac̄ ca t̄o n̄c̄ b̄oric̄ menara, añuro tii ecoma Æm̄reco Pac̄re.

10 Doti c̄urique ca ñiire biro ca tii n̄ñ̄jeerã, ñañaro ca tii eparã niima, Æm̄reco Pac̄ wederique o biro ñi: “Doti c̄urique owarica p̄uor̄ ca ñiire biro ca tii n̄ñ̄jeetiḡua, ñañaro biirucumi,” ñi.‡ 11 To biri ña majiricarora, j̄ic̄ ño peera doti c̄urique ca ñiire biro c̄ ca tii n̄ñ̄jeerije j̄orira, añuḡ tuatimi Æm̄reco Pac̄ c̄ ca ña cojorore. Æm̄reco Pac̄ wederique o biro ñi: “Añuḡua, díamac̄ t̄o n̄c̄ b̄orique j̄orira cati niirucumi,” ñi.§ 12 Doti c̄uriquea, díamac̄ t̄o n̄c̄ b̄orique maquē méé nii. O biirije pee ñi: “Doti c̄urique ca ñiire biro ca tii niiḡua, tee j̄orira cati niirucumi,” ñi.* 13 Cristo, doti c̄urique ñañaro mani ca biiro ca tiiboriquere, c̄ majuropeera mani yee j̄ori ñañaro manire tam̄o yai bojaupi. O biro ñi owarique nii: “Yuc̄ḡur̄ ca paa pua tuu eco yaiḡua, ñañaḡu peti niimi,” ñi.† 14 Ate to biro biiupa, Æm̄reco Pac̄ Abraham're, “Añuro ȳ tiirucu,” c̄ ca ñirique Cristo Jesús j̄ori bojoca poogaari niipetirore ca eapere biro ñi, ñuc̄ díamac̄ t̄o n̄c̄ b̄orique j̄ori, “To biro ȳ tiirucu,” c̄ ca ñiricarore biro Añuri Yerire ñee, mani ca tiipere biro ñi.

Doti c̄urique, to biri “O biro ȳ tiirucu,” c̄ ca ñirique

15 Ȳ yaarã j̄ic̄ wãme m̄jare ȳ ñi c̄oña wederucu. J̄ic̄ bojoc̄, “O biro ȳ tiirucu,” c̄ ca ñirijere, c̄ wãme owa tuu nemoc̄ c̄ ca tiijata, j̄ic̄ ño peera, “Añuti,” ñi majiti, ñuc̄ ape wãme ñi nemo, tii majitimi. 16 T̄oya atere. Æm̄reco Pac̄ Abraham're, to biri c̄ p̄amire, “O biro ȳ tiirucu” ñiupi. Æm̄reco Pac̄ wederique paup̄re: “M̄ p̄amerãre,” ñiti. J̄ic̄rena, “M̄ p̄amire,” ñi, Cristo wadore.‡ 17 Atere o biro m̄jare ñ̄r̄ḡu ȳ ñi: Æm̄reco Pac̄ Abraham're, “O biro ȳ tiirucu” c̄ ca ñiriquere, cuatrocientos treinta c̄mari j̄irop̄ doti c̄urique ca bii earique pea, to biro Æm̄reco Pac̄ c̄ ca ñi c̄uriquere ca wapa manirije ca tuaro tii majiti. 18 Æm̄reco Pac̄, “Ȳ tiicojorucu” c̄ ca ñiric̄, Moisés c̄ ca doti c̄urique j̄orira c̄ ca bii eajata, “O biro ȳ tiirucu,” Abraham're c̄ ca ñirique wapa manibojacupa. Æm̄reco Pac̄ pea Abraham're, “To biro ȳ tiirucu,” c̄ ca ñiriquere, wapa manirora c̄re tiicojoui.

19 To docare, ¿doti c̄uqūirique pea ñee peere ñi to nii eaupari? J̄irop̄, bojoca c̄ja ca amet̄ene n̄c̄rije j̄ori bii eaupa. Tea “To biro ȳ tiirucu,” Æm̄reco Pac̄ c̄ ca ñiric̄ c̄ ca earop̄ bii yapano eaupa. Doti c̄uriquere Æm̄reco Pac̄ p̄to mac̄rã Moisés menap̄ bojocare wede majio cojoupa. 20 To ca bii pacaro j̄ic̄ra c̄ ca ñi niijata, ca ñi bojari maj̄re booti. Æm̄reco Pac̄a j̄ic̄ra niimi.

Doti c̄urique ca tiirique

21 To biro to ca biijata, doti c̄uriquea, Æm̄reco Pac̄: “O biro ȳ tiirucu,” c̄ ca ñiriquere, “¿Ca bii camotarije to niiti?” Biiti. Doti c̄uriquera catic̄o niiriquere to ca tiicojojata, añurã mani ca niiro ca tiirije c̄a doti c̄urique j̄orira niibojacupa. 22 Æm̄reco Pac̄ wederique: “Niipetirãp̄ra ñañarijere ca tii n̄ñ̄jeerã niima,” manire ñi majio, Jesucristore díamac̄ t̄o n̄c̄ b̄orique j̄ori, “O biro ȳ tiirucu,” c̄ ca ñiriquere c̄re ca t̄o n̄ñ̄jeerãre tiicojorique to niijato ñima ñi.

23 Ate díamac̄ t̄o n̄c̄ b̄orique ca eaparo j̄guero, doti c̄urique pea, do biro mani ca bii majitiro manire tii niupa; díamac̄ t̄o n̄c̄ b̄orique ca bii bau nii earop̄, to biro manire tii niupa. 24 To biro biima ñi, doti c̄urique pea manire ca j̄o waarije Cristore mani ca majiro ca tiirije niupa, díamac̄ t̄o n̄c̄ b̄orique j̄ori añurã mani ca niipere biro ñi. 25 To biri mec̄ra, díamac̄ t̄o n̄c̄ b̄orique ca earicaro j̄i, doti c̄urique ca dotirijere ca tii n̄ñ̄jeerã méé mani nii yua.

26 To biri m̄ja niipetirã, Cristo Jesús're díamac̄ t̄o n̄c̄ b̄orique j̄ori, Æm̄reco Pac̄ puna m̄ja nii. 27 Cristore díamac̄ t̄o n̄c̄ b̄o, ca uwo coe dotiricarã niiri, Cristorena ca catiro jãña niirã m̄ja nii. 28 To biri judío, griego, pade coteri m̄ja, añuro

† 3:8 Gn 12.3; 18.18; 22.18. ‡ 3:10 Dt 27.26. § 3:11 Hab 2.4. * 3:12 Lv 18.5. † 3:13 Dt 21.23. ‡ 3:16 Gn 12.7; 13.15; 24.7.

ca niigu, umu, nomio, “Yu nii” iirique mani, Cristo Jesús juori, mija niipetirãpura jĩcã upura niirã mija bii. ²⁹ Cristo jaarã mija ca niijata, Abraham pãramerã peti niirã mija bii, Umureco Pacu, “O biro yu tiirucu,” cãre cã ca iiriquere ca cão eaparã peti.

4

¹ Atere mujare iirugu yu i: Cã pacu cã ca cãorije niipetirijere ca cãoru, wimagu cã ca niijata, jĩcã pade coteri majure birora biicãmi ména, niipetirije ca cão earu nii pacagu. ² Cãre ãa nunujee, cã yee maquẽre ãa cote, ca tii niirã niima, cã pacu cã ca cãorica cuu ca earoru. ³ Mani cãa to biri wãmera ca tugoeña bayi maja nucãtirã niirã, ati yepa maquẽ ca doti niirijerena ca tii nunujeerã mani niirucuwu. ⁴ Cã ca cãorica cuu ca earo, Umureco Pacu cã Macãre tiicojoui; jĩcã nomio doti cãuriquere ca tii nunujee niigorãre baãaupi, ⁵ doti cãuriquere ca tii nunujeerãre ametueneri, Umureco Pacu puna peti mani ca niiro manire tiirugu. ⁶ Mee mija, cã punaru mija nii. To biri Umureco Pacu, cã Macã yuu Añuri Yerire mija yeripãre tiicojoui, o biro ca iigure: “¡Abbá!* ¡Cáacu!” ca iigure. ⁷ To biri pade coteri majut† méé mu nii. Umureco Pacu macã pee mu nii. Cã macã mu ca niiro macã, cã ca tiicojopere ca cãoru mu ca niiro mure tiimi.

Galacia macãrã juori Pablo cã ca tugoeña pairique

⁸ Jugueropãre Umureco Pacure ca majitirã niirã, Umureco Pacu méérena ñi nucã buori maja mija niipura. ⁹ Mecãra Umureco Pacure ca majirã nii pacarã, o biro pee iijata, Umureco Pacu cã ca majirã nii pacarã, ¿ñee tiirã ñucã, mija ca tii juo doorique añuro niiricaro ca tiitirije ca wapa manirije peerena mija tiiruga tugoeña tuenecãti? ¿Teere tii nunujeeri majara mija nii yaicãrugati? ¹⁰ Mija boje rumãrre, muipãre, ca wato cutiri yutearire, cãmarire, to birora boje rumãri mija tii nucã buocã nunua waa tee cãare. ¹¹ Mija watoare añurije quetire yu ca wederiquere, “¿Watoa petira yu iicãbujapari?” yu ñi uwi jãa jañu.

¹² Yu jaarã, mujare biro yu ca biiricarore birora mija cãa, “Yure biro biiya,” mujare yu ñi. “Ñañaro yure mija tiiwu,” iigu méé yu ñi biigurua. ¹³ Mee mija majicu, añurije quetire mujare wede juogu, diarique cuti pacagu mujare yu ca wede yujuriquere. ¹⁴ Yu diarique pea, mija ca biirique cutirijere yu ca majipere biro iiro biiwu. “Docuoro diarique paimi” yure ñi ãa juna, yure doo, mija tiitiwu. To biro iitirãra, jĩcã Umureco Pacu yuu cãre queti wede bojari majure ca tiirãre biro, ñucã Cristo Jesús'rena ca tiirãre biro, yure mija ñeewu. ¹⁵ ¿To biro mija ca bii ãjea niirique pea do biro to biiri yua? Ca tiipe ãno to ca niijata, mija capegaarire jade wee jeeri, yure ca tiicojocãparãre biropu mija biimiwu. ¹⁶ ¿Mecãra, mija ca biirique cuti niirijere ñi bau niima iigura, mija ca ãa tutigu yu niicãtimiti?

¹⁷ Ñi dito yujuri maja buaro mujare mai uwa jeoma biirãpua. Buari, añuri wãme tugoeñarique mena méé to biro mujare iima. Añurije queti mujare jãa ca wederiquere camotatiri, “Jãa ca iirije peere cãja tuo nunujeejato,” iirã iima. ¹⁸ Aperãre mai uwa jeojata, añujañu biirõpua, buari añuri wãme tugoeñari iijata. Mija mena yu ca niiro wado méé, yu ca manijata cãare to birora ca biicãa niipe nii. ¹⁹ Yu puna yu ca mairã, mija juori jĩcã nomio macã cutigo doogo, puniro cã ca wijiorore biropu yu bii nii. Cristore díamacã mija ca tuo nucã buo jeñãcoarõpua to biro yu bii yerijãarucu. ²⁰ Mecãra mija mena yu niicãrugamijara, añu jañuri wãmera mujare yu ca wedepere biro iigu. Mija ca bii niirijere ñee pee yu ñi majiticã.

Agar, Sara menare ñi cãõña wederique

²¹ Mija, doti cãuriquere ca tii nunujeerugarã, jĩcã wãme yure iina. ¿Ñee tiirã doti cãurique ca iirijere añuro mija tuo ñeetiti? ²² O biro ñi owarique nii: “Abraham puarã puna cutiupi; jĩcã pade coteri majo macã, apĩ cã numo majurope macã, niipura,” ñi.† ²³ Cãre pade coteri majo macã pea, bojoca boorica wãme juori baãaupi. Cã numo

* 4:6 Arameo wederique mena “Cáacu” iirugaro ñi. † 4:7 “Doti cãuriquere ca tii nunujeegu méé mu nii,” iirugaro ñi. ‡ 4:22 Gn 16.15; 21.2-3.

majurope macũ pea, ʘmureco Pacu, “To biro yu tiirucu,” Abraham're cũ ca ĩirica wãmere biro to biijato ĩigu baauupi.

²⁴ Ate to biro ca biiriquea, ca bii cõõnarije niiro bii. Cũja puarã nomia, puã wãme ca niirijere bii cõõnarã biima. Jĩcõ Sinaí buuropu doti cũurique cũja ca boca amiriquere nii cõõnago biimo. Agar puna teere ca tii nunujeerã ca niiparã niipara. ²⁵ Agar, Arabia yepapu ca niiri ʘtã buuro, Sinaí Buurore ca bii cõõnago niimo, mecũrire Jerusalén macã ca niiri macãre. To biri tii macã, tii macã macãrã menapura doti cũuriquere tii nunujeema ĩirã, pade coteri majare biro biima. ²⁶ ʘmureco tutipũ ca niiri macã Jerusalén pea añuro niicã, mania tii macã macãrã mani nii.

²⁷ ʘmureco Pacu wederique o biro ĩi:

“ʘjea niĩña mu, ca puna manigo, jĩcãti ʘno peera ca macũ cuti ñaatigo. Di ruuu ʘno peera macũ cuti, punirije tamuo, ca bii ñaatigo, acaro bui ʘjea niĩña. Ca waa weo ecorico pea, ca manũ cutigo ametuenero puna cutirucumo,” ĩi. §

²⁸ Yu jaarã, mũja cãa Sara macũ Isaac're birora, “O biro yu tiirucu,” cũ ca ĩirique juori, cũ punaarã mũja nii. ²⁹ Tii cuupure bojoca boorica wãme juori ca bauaricu, Añuri Yeri juori ca bauaricure ñañoaro cũre tiiruga nunujeepi. Mecũri cãare to birora bii. ³⁰ To docare, ¿do biro to ĩiti ʘmureco Pacu wederique? O biro ĩi: “Pade coteri majora, cõ macũ menara cõacãña. Cõ macũa, cũ nũmo majurope macũ menara cũ pacu yeere cõo nunujee majitimi,” ĩi.* ³¹ Yu jaarã, to biri wãmera mani cãa, pade coteri majo puna méé mani nii; añuro ca niigo puna pee mani nii.

5

Cristo juori añuro niirique

¹ Cristo manire ametueneupi, añuro mani ca niipere ĩigu. To biri añuro mũja ca niirijere añuro tugoeña bayi, niicãña. Ñucã doti cũuriquere tii nunujee peoti majitirã mũja ca biiriquere tii nunujee nemoticãña.

² Añuro tuoya. Yu Pablo mũjare yu ĩi, mũja jeyua quejero yapare wide taariquere mũja ca tiijata, Jesucristo mũjare cũ ca ametuenerique pea wapa manirucu. ³ Mũjare yu ĩi nemorucu ñucã: No ca boogu jeyua quejero yapare ca wide taa dotigua, doti cũurique ca ĩirije niipetirora cũ ca tiipera niicãro bii. ⁴ Mũja mena macãrã jĩcãrã añurã niirugama ĩirã, doti cũurique ca tii nunujeerã, Cristore ca camotatiricarãpu niima. ʘmureco Pacu cũ ca mai ĩarijere ca junarã niima. ⁵ Mani pea Añuri Yeri cũ ca tii nemoro mena, díamacũ tuo nũcũ buorique juori, añurã mani ca nii eapere mani yue nii. ⁶ Cristo Jesús mena mani ca niijata, jeyua quejero yapa wide taaricarã, ñucã ca wide taaya manirã niiriquea wapa mani. Ca wapa cutirijea díamacũ tuo nũcũ buo, tee díamacũ tuo nũcũ buoriquera ameri mairicarõ ca tiirije nii.

⁷ Mũja, Jesucristo yee quetire añuro mũja tuo nunujee nunua waawu ména. ¿Ñiru díamacũ ca niirijere mũja ca tuo nunujee yerijãaro cũ tiiri? ⁸ Mũjare ca juoricu ʘmureco Pacu méé to biro mũjare tiijacupi. ⁹ Petoacã, baariquere ca wauaro* ca tiirijere baariquerũre jãaricarora, teere juo waua peticoa. ¹⁰ Biigũrua, “Bojorica wãme tugoeñatirucuma,” yu ĩi tugoeña bayicã mani Wiogu mena. No ca boori wãmera mũjare ca ĩi maa wijio yujugu doca, “To biro ca biigu niimi,” ĩiricarõ maniro, ñañoaro tii ecorucumi. ¹¹ Yu jaarã, ména, jeyua quejero yapare wide taarique maquẽrena yu ca wede majiocõa niijata, ñee peere ĩirã cõro judíos, ñañoaro yure tiiruga nunujeetibocuma. Teerena yu ca ĩicõa niijata, Jesucristo manire cũ ca bii yai bojarique queti to cõro peti cũjare ajienetibocu. ¹² Jeyua quejero yapare wide taarique maquẽre mũjare ca wede mecõo yujurã, cũja majuropeera añuropũ cũja ca wide weo peoticã yerijãa waajata, añucãbocu petopũra!

¹³ Mũja yu jaarã, doti cũuriquerena tii nunujeecã niirema ĩigũra cũ ca juoricarã mũja nii. Buari, doti cũuriquere tii nunujeetirãra añuro cũja niijato ĩigu cũ ca juoriquerena mũja upũri ca boorore biro tiirique pee jeeñoticãña. To biro tiitirãra, mũja ca niiro cõrora

§ 4:27 Is 54.1. * 4:30 Gn 21.10. * 5:9 Levadura.

ameri mairique mena pee ameri tii nemo niiña. ¹⁴ Niipetirije doti cūuriquere ate: “Muja majurope muja ca mairore birora muja puto macārã cāare maiña,”† ca iirije wadora nii peoticã cojo. ¹⁵ Bojoca catiri niiña. Muja majuropeera ameri baca, ameri baa muja ca tiijata, muja majuropeera ñañaro muja ameri tii yaio yapari cutire.

Añuri Yeri cū ca tii niirije

¹⁶ To biri o biro yu ñi: Añuri Yeri mujare cū ca dotirije wadore tii niiña. Ñañarije muja upuri ca boorore biro muja ca tiiruga tugoeñarijere tii nunjeeticãña. ¹⁷ Ñañarije mani upuri ca boorore biro mani ca tiiruga tugoeñarijea, Añuri Yerire ca junarije nii. Ñucã, Añuri Yeri pee cãa, mani upuri ca boorore biro mani ca tiirijere ca junagu niimi. Tea, pñarã ameri ña junaricarore biro bii. To biri muja ca tiirugari wãme peere muja tii majiti. ¹⁸ Añuri Yeri pee mujare cū ca majiojata, doti cūuriquere ca doti ecorã mée muja niirucu.

¹⁹ Ñañarije tiiriquere ca tii nunjeerãra ña majiriquera niicã: nũmo cuti, manũ cuti, bii pacarã epericarã cutirique, nũmo mani, manũ mani, bii pacarã tii eperique, tiirica wãme cõrora ca tiiya manirije, ²⁰ weericarãrena ñi nũcũ bũorique, doa eperique, ña tutirique, jĩcãri mena ca niiña manirije, doe peerique, ajia pairique, jĩcãri mena ca tii nii majiña manirije, bojorica wãme tugoeña dica watirique, ²¹ ña ugo ajiarique, jĩarique, cūmurique, baa pacarique, ñucã apeye tee unore paũ wãmeri tiicãma. Jũguero mujare yu ca wede majioricarore birora mecũ cãare mujare yu ñi nemo ñucã: Atere ca tii niirã Umureco Pacũ cū ca doti niiri tabepũre eatirucuma.

²² Añuri Yeri cū ca tii niirije pea: ameri mairique, ujea niirique, añuro niirique, tugoeña bayirique, bojoca añurique, añuro tiirique, to birora díamacũ tuo nũcũ bũocõa niirique, ²³ ujero macũ ca niiña manirije, ca bii buiyeerijere tugoeña ametuene bayirique, nii. Atera jĩcã wãme peera doti cūurique ca ñi camotarije mani. ²⁴ Cristo Jesús jaarã ca niirã, ñañarã cūja ca niiro ca tiirijere, cūja upuri ca boorore biro ñañarije cūja ca tiirije menara, Cristo menara teere ca bii yai weoricarãpu niima. ²⁵ To biri Añuri Yeri mena mani ca niijata, Añuri Yerira manire cū ca majiorijere ca tii nunjeeparã mani nii. ²⁶ “Ca nii majuropeerã jãa nii,” iicãri, mani majuropeera ameri quẽe, ameri ña tuti, ca tiitiparã mani nii.

6

Ameri tii nemo niirique

¹ Yu jaarã, jĩcũ unore ñañarije cū ca tiiro muja ca ñajata, muja añuro yeri tugoeña tutuarã ca niirã, puniro iiricaro maniro añuro cūre wede majio, ñucã cū ca tugoeña yeri wajoaro cãre tiiya. Muja ca niiro cõrora tugoeña bojoca catiya tee peere, muja cãare ñañarije ca bii buiyeerije bii eare. ² Muja ca niiro cõrora ca nũcũrijere jeericarore biro, mujare ca bii niirijere ameri tii nemo niiña. To biro tiirã, Cristo cū ca dotirijere tiirã muja tiirucu.

³ Ñucã jĩcũ uno watoara, “O biro ca biigu yu nii,” ca iigua, cū majuropeera ñi ditogu tiimi. ⁴ Muja majuropeera, muja ca biirique cutirijere ña bejea. Jĩcã wãme muja ca bii ametua nũcãrije to ca niijata, aperã cūja ca biirijepũre cõõñaticãña. ⁵ Mani ca niiro cõrora mani ca biirique cutirijere ca ña maji nunua waaparã mani nii. ⁶ Añurije Umureco Pacũ yee quetire ca bue majio ecogua, niipetirije mũ ca cũorije mena mũre ca bue majiogũre tii nemoña.

⁷ Muja majuropeera ñi ditoticãña. Umureco Pacũra jĩcũ uno peera bui epe majitimi. Oterique cõrorena tee dicarena jeerique nii. ⁸ Ñañarije cū ca tiiruga tugoeñarijere ca tii nunjeegua, tee juorira ñañaro tamuo yairucumi. Añuri Yeri cū ca boorore biro ca tii nunjeegua, Añuri Yeri juorira caticõa niiriquere bũarucumi. ⁹ To biri añurijere ca tii jutitiparã mani nii. Mani ca jutitijata, tii cuu ca earo añurije mani bũarucu. ¹⁰ To biri mani ca tii nemopa tabe uno ca niiro, niipetirãre añuro ca tiiparã mani nii, añuro petira manire birora Cristore díamacũ ca tuo nũcũ bũorãre.

Wede majio yapanorique

† 5:14 Lv 19.18.

¹¹ Īaña, yu majuropeera paca owarique mena, mɔjare yu ca owa cojorijere. ¹² Jeyua quejero yapare mɔjare ca wide taa dotirugarã, bojoca mena añuro tuarugarã wado to biro ĩima, “Cristo yucu tenipɔ manire cɔ ca bii yai bojariquere mani ca wedejata, ñañaro tiirugarã mani cãare nɔnɔbocuma” ĩi uwima ĩirã. ¹³ Cɔja, jeyua quejero yapare ca wide taa dotirã cãa, doti cɔuquĩriquere tii nɔnɔjee peotitima. Jeyua quejero yapare mɔjare ca wide taa dotirã, to biro mɔja upɔpɔre mɔja ca tiirijepɔre, “O biro ca tiirã niirã jãa bii,” ĩirugarã ĩima. ¹⁴ Yuu mani Wiogu Jesucristo cɔ ca bii yai bojarique ca niitirijepɔra, “O biro ca biigu yu nii,” yu ĩirugati majuropeecã. Cristo cɔ ca bii yai bojarique juori, ati yepa maquẽ ñañarije tii niiriquea yare ca bii yai weoriquerpɔ nii. Yu pee cãa teere ca bii yai weoricɔpɔ yu nii. ¹⁵ Jesucristo menara jeyua quejero yapare wide taaricɔ, wide taaya manigu, niiriquea wapa mani. Wãma yeri tɔgoeña wajoarique pee nii, ca wapa cɔtirije. ¹⁶ Ate ca ĩirore biro ca tii nɔnɔjeerã niipetirãre ñucã Ɔmureco Pacɔ yaarã Israel yaa pooga cãare, jĩcãri mena añuro niirique, ĩa mairique, to niijato.

¹⁷ Apeyera ñucã, jĩcã uno peera ñañaro yu ca biiro cɔ tii nemoticãjato, yu, Wiogu Jesús yee juori ca cami tujagu yu nii.

¹⁸ Yu yaarã, mani Wiogu Jesucristo cɔ ca ĩa mairije mɔja niipetirãre mɔja ca cati niirije menapɔ to niijato.

To biro to biijato.

Pablo

EFESIOS

Ati pūurore ca wede majuropeerijea, Ɖmureco Pacu cū ca tiipe ca wajoa nūcātipe cū ca cōorica cuu ca earo, cū ca jeeñorique niipetirijepurena Cristo wado cū ca doti niirije ca nii earo cū ca tiipere wede. Ate o biro Ɖmureco Pacu cū ca tiipe aperã peera ca majiña manirije ca niicãrijere cū yaarã wadore teere cūja ca majiro tiimi.

Ati pūurore cū ca owa jūorique ape pūurorire biro biiti (1.1-2).

Pua wāme nii ca nii majuropeerije: Ca nii jūori wāme (1.3–3.21), jīcāri mena añuro niiriquere, Ɖmureco Pacu cū yaarãre beje jeegu cū ca tiirica wāmere, cū Macū Jesucristo jūori ñañarije cūja ca tiiriquere acobo, teere cūjare ametuene, cū ca tiirica wāmere, Cristo bojocare cū ca mairije do biro ca tiya manirijepu ca niirijere, wede.

Jiro macã wāme pea (4.1–6.20): Añuri Yeri jūori jīcāri mena añuro niiriquere, Cristo jūori wāma wāme cati niiriquere, Ɖmureco Pacu puna ca niirã “O biiri wāme ca bii niiparã niima” cū ca ñi wederiquere, wede.

Ca yapanori tabepura Tíquicore cū ca tiicojo cojopere wede yapano ea (6.21-24).

Cristore ca tuo nūñjeerã jīcāri mena añuro cūja ca niirijere ñi cōoñagu cū ca ñirique pea itia wāme nii: Cristore ca tuo nūñjeerã cū upu nii, Cristo pea cūja ñapuga, cūjare ca jūo niigu niimi; wii ca emuari wiire cū ca ñi cōoña wederije peera, Cristo niimi tii wiire ca jūo tuu ñeerica ãtāga ca nii majuropeerica; nūmo cutirique mena cū ca ñi cōoñarije peera Cristore ca tuo nūñjeerã niima, Cristo nūmore biro ca niirã.

Añu doti yapanorugu juguero, bojoca cati añurã, ca tugoña bayirã, niirique maquere wede majiomí tii yutea macãrã uwamarã romanos beju cuti, bojoca tooye cuti, cūja ca biirique mena ñi cōoñari, Ɖmureco Pacu wederiquere “Teere biro bojoca tooye cutiya” cū ca ñirije mena (6.10-20).

Éfeso macãrãre Pablo cū ca queti owa cojorica pūuro

Añu dotirique

¹ Yu Pablo, Ɖmureco Pacu cū ca boorore biro, Cristo Jesús yee quetire wederi maju, mūja Éfeso macãrã, Ɖmureco Pacu yaarã ca ñañarije manirã, Cristo Jesús're ca tuo nūñjeerãre, mūjare yu añu doti cojo.

² Ɖmureco Pacu mani Pacu, mani Wiogu Jesucristo, cūja ca ña mairije, añuro niirique, mūjare cūja tiicojojato.

Ɖmureco Pacu baja peo nūcū buorique

³ Baja peo nūcū buoricu cū niijato Ɖmureco Pacu, mani Wiogu Jesucristo Pacu, Cristo jūori, Ɖmureco tutipu ca niirije niipetirije añurije mena, “Añuro cūjare to biijato” manire ca ñiricu. ⁴ Ɖmureco Pacu ati yepare cū ca tiiparo jugueropura, mani Cristore ca tuo nūñjeeparãre beje yerijãaupi, cū ca ña cojorore ca ñañarije manirã, ñañarije ca tiitirã mani ca niipere biro ñigu. ⁵ Maima ñigu, Jesucristo jūori cū punare biro manire cū ca tiipere jugueropura: “To biro yu tiirucu,” ñiupi mee, cū ca boorore biro, “Añuri wāme yu tiirucu,” cū ca ñiricarore birora. ⁶ Atere to biro tiupi Ɖmureco Pacu cū ca añu majuropeerije mena, cū Macū cū ca maigu jūori, añuro manire cū ca tii bojariquere to birora mani ca baja peo nūcū buocōa niipere biro ñigu. ⁷ Cristo mani yee jūori bii yaigu cū ca díi bate yairique jūorira, do biro tiya maniorpu buaropura ca añu majuropeegu cū ca niirije ca niiro biro, ñañarije mani ca tii niirijere cū ca ametuene bojariquere mani cuo, ⁸ Ɖmureco Pacu niipetiro majirique, tuo puorique, manire cū ca tiicojoriquere. ⁹ Cūa, cū ca boorore biro ca majiña maniriquere, mee jugueropura Cristo jūori añuri wāme “O biro yu tiirucu,” cū ca ñiriquere mani ca majiro tiupi, ¹⁰ tii cuu ca earo, niipetirije emuaropu ca niirije, ati yepa maquere Cristo yee wado nii earucu, cū ca ñiricarore birora.

¹¹ Nūcã Cristo jūorira, cū yeere ca cuo nūña waaparã jãa ca niiro jãare tiupi Ɖmureco Pacu; mee jãarã jugueropura niipetirijepurena cū ca boorore biro ca tiigu, cū

ca tiipa wāme ca niimore biro jāare beje ami yerijāaupi. ¹² Cū pea jāa, cūre ca yue jūo niirucuricarā, cūre ca tuo nūñjee jūorā jāa ca niiro booupi, cū ca añu majuropeerijere niipetirā mani ca baja peo nūcū būopere biro iigu. ¹³ Ñucā mūja cāa, díamacū ca niirije queti manire cū ca ametuenerique añurije quetire tuo nūñjeema iirā, “Yū tiicojorucu,” cū ca iiricu Añuri Yerire mūjare cū ca tiicojorique mena Ūmureco Pacu yaarā peti mūja ca niiro tiupī. ¹⁴ Añuri Yerira, Ūmureco Pacu: “Yū tiicojorucu,” manire cū ca iiriquere, mani cū yaarāre cū ca ametuene yapanori tabere teere ca cūo eaparā mani ca niirijere ca bii jūguegu niimi, cū ca añu majuropeerijere mani ca baja peopere biro iigu.

Jesucristore ca tuo nūñjeerāre cū ca juu bue bojarique

¹⁵ To biri yū, Wiogu Jesús're díamacū mūja ca tuo nūcū būorijere, ñucā Ūmureco Pacu yaarā niipetirā mena añuro mūja ca ameri mai niirijere, yū ca tuorica taberūra, ¹⁶ juu buegu cōro mūja jūori, “Añu majuropeecā,” yū iī yerijāati Ūmureco Pacure. ¹⁷ Mani Wiogu Jesucristo Ūmureco Pacu, ca añu majuropeerije Pacure, añuro cūre mūja ca majipere biro iigu, añuro majirique, cū yee maquēre majirique ca tiicojogu Añuri Yerire mūjare cū tiicojoto iigu, yū jāi. ¹⁸ Ñucā Ūmureco Pacure, mūja ca tūgoeñarijere cū majiojato, yū iī jāi boja, mūja ca yue niirijere “Ate maquēre iirā jāa jūo ecojara,” iī maji, Ūmureco Pacu cū yaarāre cū ca tiicojorije buaropūra ca añu majuropeerije ca niirijere, ¹⁹ ñucā cū ca yeri tutuarije ca peti nūcātirije, mani, Jesucristore ca tuo nūñjeerā menare ca bii bau nii niirijere mūja ca majipere biro iigu. Ate yeri tutuariquea Ūmureco Pacu cū ca tutuarije do biro ca tiiya manirije mena, ²⁰ Cristore, ca bii yairicarā watoare cū ca cati tuaro tii, ūmureco tutipūre cū díamacū nūña pee cū ca duwiro tiiri, ²¹ niipetirije ca yeri tutuarije, doti majirique, iā nūñjeerique, doti niirique, ñucā iī nūcū būorica wāmeri ca niirije cōrorena ati cuu cāare, jiro macā cuupū cāare, ²² niipetirijere ca doti niigu cūuupi Cristore. Ñucā cūrena, cūre ca tuo nūñjeerāre ca jūo niigu cūre cūuupi. ²³ Cristore ca tuo nūñjeerā, Cristo upū ca niirā pea, niipetiropū ca niigu cū ca bojoca cūti niirijere ñee dūjaricaro maniro ca bii bau nii iñorā niima.

2

Cristo jūori cati niirique

¹ Ména jūgueropūre, ñañarijere tiiri, mūja ca ñañarije wapa ca bii yairicarāre biro mūja niipūpa, ² ñañarijere tii nūñjee, ñucā ñañarije yeri winopū ca yeri jāñagu* cū ca boorore biro tii, Ūmureco Pacure ca tuo nūñjeetirāpūre ca iī dito niigu cū ca boori wāmere biro tii niima iirā. ³ Jāa cāa jūgueropūre, jāa niipetirāpūra to birora jāa tii niirucuupa, jāa ca boorore biro ñañarije jāa ca tiiruga tūgoeñarije pee wadore tii niima iirā. Ate jūori, aperā ñañaro cūja ca tii ecomparore birora, jāa cāa, Ūmureco Pacure ñañaro ca tii ecomparā peti jāa niipūpa. ⁴ Ūmureco Pacu pea buaropūra ca iā maigu niiri, do biro tiiya maniropū manire mairi, ⁵ ñañarije mani ca tii niirucurije jūori ca bii yairicarāre biro mani ca niimiriquere, Cristo jūori catiriquere manire tiicojoupī. Ūmureco Pacu añuro cū ca tii bojarique jūori, mūja ametūaupa. ⁶ Cristo menara mani ca cati tuaro tiiri, ñucā cū menara ūmureco tutipū mani ca duwiro manire tiiupi Ūmureco Pacu. ⁷ Atere to biro tiiupi, jiro macā yūtearipūre, cū ca bojoca añurijepū wapa manirora Cristo jūori añurijere paio manire cū ca tii bojariquere iñorūgu. ⁸ Ūmureco Pacu ca bojoca añugu cū ca niiro macā, díamacū tuo nūcū būorique jūorira mūja ametuene ecoupa. Atea mūja majurope mūja ca buarique méé nii. Ūmureco Pacu wapa manirora† cū ca tiicojorije nii. ⁹ Añurije tii niirique jūori méé bii. Jīcū uno peera, “O biro jāa ca tiirije jūori, teere jāa buawū,” cūja ca iī nūcū yujutipere biro iiro. ¹⁰ Mania, Ūmureco Pacu cū ca tiiricarā mani nii. Cristo jūorira, wāma yeri manire wajoaupi, mee jūgueropūra añurije mani ca tii niipere cū ca queno yueriquere mani ca tii nūñña waapere biro iigu.

Cristo Jesús jūori jīcā puna macārā mani nii

* 2:2 Satanás. † 2:8 Regalo, griego wederique menara tii wāmerena gracia, don, iicā.

¹¹ To biri mɔja judíos ca niitirã, (judíos, jeyua quejero yapare wide taacãrira, “Ɛmureco Pacu yaarã jãa nii,” ca ïirã), “Ca jeyua quejero yapa wide taaya manirã,” cãja ca ïirã, ¹² jugueropura Cristore ca majitirã, Israel yaa pooga macãrã mée, Ɛmureco Pacu, “O biro mani tii niirucu,” ñucã “O biro mɔjare yu tiirucu” cã ca ïiriquere cuoti, † Ɛmureco Pacure majiti, tugoena yue niirique mani, mɔja ca bii niiriquere tugoenaña. ¹³ Mecãra Cristo Jesús mena mɔja nii, ména jugueropura teere cuoti, majiti, ca biimiricarãre Cristo cã ca díi bate yai bojarique juori Ɛmureco Pacu cã ca jee cojoricarã niiri.

¹⁴ Cristora niimi, añuro mani ca niiro manire ca tiigu. Cãra, judíos, judíos ca niitirã mena ameri ïarugati, mani ca bii niimiriquere, cã ca bii yairique mena mani ca yeri wajoaro tii, jicã majare birora mani ca bojoca cuti niiro manire tiiupi. ¹⁵ Ñucã doti cãurique ca dotirijere, tee ca ïirore biro tii nunjeeriquere, ca wapa maniro tiiupi. Atere to biro tiiupi, cã majuropeera, pua poogaru ca niimiricarãre, jicã pooga macãrã cãja ca niiro tii, tiicãri añuro jicãri mena niiriquere tiigu. ¹⁶ Ñucã cãra, mani pua pooga macãrãpura mani ca ameri ïarugati niimiriquere, Cristo cã ca bii yairije menara tii yaio batecãupi, jicã majare birora Ɛmureco Pacu mena añuro cãja nii eajato ïigu. ¹⁷ Jesucristo doori, niipetirãpura añurije jicãri cõro niirique quetire, mɔja cãre ca majitirãre, jãa judíos cãre ca majirã cãare, wedeupi. § ¹⁸ Cristo juori, mani ca niiro cõro, jicã Añuri Yeri menara Ɛmureco Pacu putopure mani ca ea waarijere mani cuo.

¹⁹ To biri mɔja, ca ïa ñaaña manirã, ape yepari macãrãpu, mɔja niiti; ca ñañarije manirã Ɛmureco Pacu puna mena macãrã pee mɔja nii yua. ²⁰ Mɔja, Cristo cã yee quetire cã ca wede doti cojoricarã, Ɛmureco Pacu yee quetire wede jugueri majara, cãu ñee juorica yepare biro ca niirã jotoare, wii queno maa waariquere biro ca niirã mɔja nii. Cristora niicãmi tii wiire ãtãga ca juo tuu ñeericare biro ca niigu. ²¹ Cristo juorira, wii añuro jene peo ñeerica wiire biro mɔja bii nunna waa Wiogure tuo nunjeema ïirã, Ɛmureco Pacu yaa wii, ca ñañarije maniri wii nii earugarã. ²² Ñucã, Jesucristo juorira jicã pooga macãrãra mɔja bii nea poo nunna waa, Ɛmureco Pacu, cã Añuri Yeri menaru cã ca bojoca cuti niiri wii nii earugarã.

3

Judíos ca niitirãre Pablo añurije queti cã ca wederique

¹ Ate juorira yu Pablo, Cristo yee juori tia cãurica wiipru yu nii, mɔja judíos ca niitirãre añuro mɔja ca niipere boo jãama ïigu.

² Mee, Ɛmureco Pacu añuro cã ca tii bojariquere añuro mɔja ca niipere ïigu, yure cã ca wede dotiriquere mɔja majicu, ³ ca majiña manirije ca niiriquere Ɛmureco Pacu yure cã ca majioriquere, mee, juguero peeto mɔjare yu ca owajãrore birora. ⁴ Atere buerã, Cristo yee maquẽ ca majiña manirije ca niiriquere yu ca majirijere mɔja majirucu: ⁵ tĩrumãpura jicã uno peerena ca wede majioña manirique, mecãra yua ca ñañarije manirã Cristo yee quetire wederi maja, to biri Ɛmureco Pacu yee quetire wede jugueri maja mena, cã yu Añuri Yeri juori cã ca majioriquere. ⁶ Ate nii ca majiña manirique: Ɛmureco Pacu, añurije queti juori bojoca poogaari niipetirore juomi, Cristore tuo nunjeeri, israelitas're birora Ɛmureco Pacu yaarã nii, “To biro yu tiirucu” cã ca ïiriquere cuo, jicã upura nii, cãja bijato ïigu.

⁷ Ate añurije quetire, Ɛmureco Pacu cã ca tutuarije ca niirore biro cã ca mairije juori, yure cã ca tiicojoriquere paderi maju yu nii eawu. ⁸ Niipetirã Ɛmureco Pacu yaarã watoare “Cã ca ïiña manigu,” nii pacagu, Cristo añuro cã ca tiirije do biro tii, ca maji petiya manirijere bojoca poogaarire yu ca wedepe maquẽre yu boca amiwu. ⁹ To biro tiiri, Ɛmureco Pacu niipetirije ca tiiricu cã ca tiipere, tĩrumãpura ca majiña manirije ca nii juo dooriquere, niipetirã cãja ca tuo majiro yure tii dotiwi. ¹⁰ O biro tiiri mecãra, Ɛmureco Pacu cã ca majirijere bojorica wãmeri Jesucristore ca tuo nunjeerã menaru, Ɛmureco tutipure ca yeri tutuarã, ca dotirã ca niirãre, cãja ca majiro tiimi, ¹¹ Cristo Jesús

† 2:12 Pacto o promesa. § 2:17 Jesucristoa niipetirãpura añurije queti jicãri cõro niirique quetire jee doogu dooupi.

mani Wiogũ juori, “To biro yũ tiirucu” cũ ca iirique ca peti nũcãtipe cũ ca tiirique ca niimore biro. ¹² Jesucristo jaarã niiri, díamacũ tuo nũcũ bũorique juori uwiricaro maniro Æmũreco Pacũ pũtore mani ea waa maji. ¹³ To biri mũjare iĩma iĩgũ, ñaňaro yũ ca biirijere tũgoeňarique paiticãña. O biro mũjare yũ iĩ: “Ñaňaro yũ ca biirijea mũja peera aňurije maquẽ niiro bii.”

Efesiore cũ ca juu bue bojarique

¹⁴⁻¹⁵ Ate juori, mani Wiogũ Jesucristo Pacũ, æmũreco tutipũ ca niirã, ati yepa ca niirã, niipetirãre ca tiiricũ juęuerore yũ ãjuo jupea mena ea nuu waari, ¹⁶ Æmũreco Pacũre yũ jãi, cũ ca aňu majuropeerije pairopũ ca niicãrijere cũ Aňuri Yeri juori, mũja ca cati niirijepũre yeri tutuariquere tiicojo, ¹⁷ díamacũ tuo nũcũ bũorique juori, Cristo mũja yeripũ nii, ñucã ameri mairiquera mũja ca cati niirijere ca juo tutua niirije nii, to biijato iĩgũ. ¹⁸ Æmũreco Pacũ jaarã ca ñaňarije manirã niipetirã mena, Cristo cũ ca mairije ca peti nũcãtirije, ca ejaro pee cãare, ca yoaro pee cãare, ca emũaro pee cãare, ca iũcũaro pee cãare, to cõrora ca niicãrijere tuo jeeño, ¹⁹ to biri cũ ca mairije mani ca tũgoeňarije ametũenero ca niirijere majicãri, Æmũreco Pacũ niipetiroppũ cũ ca niirije mũjapũre to ca niipere biro iĩgũ, yũ jãi boja.

²⁰ Mani ca jãirije, mani ca tũgoeňarije, ametũeneroppũ ca tii majigũ, cũ ca tutuarije ca niimore biro manipũre ca tii niigũ ²¹ Æmũreco Pacũre, Cristo Jesús juori, cãre ca tuo nũnũjeerã juori, cũ ca aňu majuropeerijere bojoca cũja ca nii mũa nũcã nũnũa waaro cõrora to birora iĩ nũcũ bũocõa niirique to niijato. To biro to biijato.

4

Jicãri cõro tũgoeňarique cuti niirique

¹ Atere iĩma iĩgũ, yũ Wiogũ yee juori tia cũurica wiipũ ca niigũ, “Mũja, Æmũreco Pacũ cũ ca juoricarãre birora, tiirica wãmeri uno wadore tii niĩña,” mũjare yũ iĩ. ² “O biro ca biirã jãa nii,” iĩti, ca bojoca aňurã nii, ca nũcãrã nii, mũja ca niiro cõrora ñaňaro iĩtirãra ameri mai, tiicõa niĩña. ³ Aňuro niirique, niipetirãpũre jicã majare biro nii earicaro ca tiirije Aňuri Yeri cũ ca tiirijere, to birora tiicõa niĩña. ⁴ Æmũreco Pacũ jicã wãmerena ca yueparã cũ ca juoricarã mũja ca niimore birora, jicã upũra nii, jicũ Aňuri Yerira nii, biimi. ⁵ Wiogũ jicũra, jicã wãmera díamacũ tuo nũcũ bũorique, uwo coerique cãa jicã wãmera, ⁶ ñucã jicũra Æmũreco Pacũ niipetirã Pacũ nii, biimi. Niipetirã ametũenero nii, niipetirãpũre bojoca cuti nii, niipetiroppũ nii, biimi.

⁷ To ca bii pacaro, manire mani ca niiro cõrorena, Cristo cũ ca booricarore biro mani ca tii maji niipe aňurijere manire tiicojoui. ⁸ To birira Æmũreco Pacũ wederique o biro iĩ:

“Æmũreco tutipũ tua mũa waagũ, ñaňaro mani ca tiiro ca tii niirijere jeecoaupi. To biro tiicãri, bojocare aňurije tii majiriquere tiicojoui,” iĩ.*

⁹ ¿Do biro iĩrugaro “Mũa waaupi” to iĩti? “Mẽna, ati yeparũre duwi doo juoupi,” iĩrugaro iĩ. ¹⁰ Ati yeparũ ca duwi dooricũra ñucã, æmũrecori õo pee jaňuroppũ mũa waaupi, niipetiroppũ bojoca cuti peoticã cojorugũ. ¹¹ Cũra jicãrãre cũ yee quetire ca wedeparã, aperãre Æmũreco Pacũ yee quetire wede juęueri maja, aperãra aňurije quetire wede yujuri maja, aperãra Jesucristore ca tuo nũnũjeerãre juo niiri maja, bue majiori maja, cũja ca niiro tiupi.† ¹² O biro tii majioui Æmũreco Pacũ jaarãre, aňurije tiirique maquẽre cũjare wede majio, Cristore ca tuo nũnũjeerã cũja ca nii mũa nũcãro tii, cũja tiijato iĩgũ. ¹³ O biro biirã, niipetirãpũra díamacũ tuo nũcũ bũorique, Æmũreco Pacũ Macũre majiriquere, jicã majara nii ea, Cristo cũ ca biimore bioppũ bojoca aňurã peti, mani nii yapano earucu.

¹⁴ To biri wimarãre biro, yoari méẽ tũgoeňa wajoa, ca iĩ ditorã díamacũ ca niitirijerena díamacũre biro cũja ca iĩ dito yujurijerena tuo nũnũjee, mani biitirucu. ¹⁵ To biro biitirãra, ameri mairique mena díamacũ ca niirijere tii nũnũjeerã, niipetirijepũrena

* 4:8 Sal 68.18. † 4:11 Pecamaja yee mena: apóstoles, profetas, evangelistas, pastores y maestros.

mani Wiogu Jesucristo cū ca biitore biropu mani bii earucu. ¹⁶ To biro cū ca tiirije juori, niipetiri upu ameri mairique mena añuro bucua nunua waa, upu macā taberi añuro nii tuu doo ñee biicāri, tee ca niiro cōrora tee ca tii niipe ca niitore biro ca tii niirije ca niiro macā.

Jesucristore ca tuo nunujeerāre birora bii niiña

¹⁷ To biri Wiogu wāme mena, o biro mūjare yu ñi: Umureco Pacure ca majitirā, cūja majuro cūja ca tūgoeñarijerena cūja ca tii nunujeerore biro bii niiticāña. ¹⁸ Añuro maji ame wititi, cūja yeri menapu tuo jeeñorugati, cūja ca biirije pee cūjare ca bii ametuene nūcārije juori, cūja ca tūgoeña niirijepare boe taati. Cūja, Umureco Pacu catirique cū ca tiicojorijere cuoti, biicāma. ¹⁹ To biro biicāri, ca bobo tūgoeñarique manirā niiri, ñañarije tiirique peere tii nunujee pacarā, ñañaro cūja ca tii niirijere tii tuati majuropecāma.

²⁰ Mūja to biro tii niirique méére, Jesucristo yee quetire mūja bue majio ecoupa, ²¹ yee mééra cū yee maquē díamacū ca niirije ca niitore birora wede, bue majio, tiiricarā mūja ca nijata. ²² Jūguero mūja ca bii niirucurique peera to biro mūja ca tii niirucurique ñañarije, añurore biro ca bii dito niirijere, “To cōrora tii yerijāaña,” ñi bue majioricarā mūja niiwu. ²³ Mūja ca tūgoeña niirijere ca wajoa ecoricarā nii, ²⁴ mūjare ca jeeñoricu Umureco Pacu cū ca biitore biro díamacū ca niirije ca ñiire birora añurā nii, ca ñañarije manirā nii, wāma wāme niirique cutirique peere jee upa, bii bojoca cuti niiña. †

²⁵ To biri to cōrora ñi dito yerijāaña. Mūja ca niiro cōrora mūja puoto macārāre díamacū ca niitore biro wedeya, niipetirāpura jīcā upu macārāra mani nii. ²⁶ Ajarā cā ñañarije tiieto. § Jīcā rumpu ajia naio waaticāña. ²⁷ Satanás're bii bojaticāña. ²⁸ Ca jee dutirucuricarā cā, jee duti nemoeto. Jee dutilirāra añuro pade niiña, ca boo pacarāre mūja ca tii nemopere mūja ca cuopere biro ñirā.

²⁹ Ñañarije wedeticāña. Añurije, añuro mani ca nii mūa nūcāro ca tiirije, ca tuorā añuro cūja ca tuo yeri puna jāñaro ca tiirije pee wadore wedeya. ³⁰ Cū ca ametueneri rumpu ca niiro cū jaarāre ña majirugu, cū ca tiicojoricu Umureco Pacu yuu Añuri Yeri cū ca tūgoeñarique paio tiiticāña. ³¹ Mūja ca ajia jini tuurucurijere, ñañaro tiiruga ajia nucu yujuriquere, ajariquere, acaro buiriquere, ñañaro ñi tutiriquere, to biri niipetirije ñañarijere to cōrora yerijāaña. ³² Mūja ca niiro cōrora ca bojoca añurā, ca boo paca ñarā, niiña. Nūcā ñañaro mūja ca tiirijere ameri wede quenoña, Umureco Pacu, Cristo juori mūja ca ñañarijere mūjare cū ca acobo bojaricarore birora.

5

Umureco Pacu punare birora bii niiña

¹ Mūja, Umureco Pacu puna, cū ca mairāre birora cūre biro tii nunujeeya. ² Niipetirāre mairique mena tii niiña. Jesucristo manire maigu, mani yee juori bii yai boja, waibucu díi joe mūenericaro Umureco Pacure añuro ca juti añu mūenerijere biro cū ca biiricarore birora.

³ Mūja, Umureco Pacu jaarā ca niirā, tiirica wāme coro méépu ñee epericarā cuti yai waarique unorena, jīcā wāme ñañarije unora, ñucā apeye cuocā pacarā pai jañuro boo nunua waarique unorena, wede duwi yujuticāña. ⁴ Nūcā ca tuorugaya manirije uno cāare, ca tuo ujea niiña manirijerena, docuorijerena, ñi bui wede peni duwi yuju, tiiticāña, atea añurije méé nii. Teere ñitirāra, Umureco Pacu peere baja peo nūcū buoya. ⁵ Jīcū uno peera nomiare ñee epe, ñañarije wadore tii, apeye cuocā pacagu buaro jañuro boo nunua waa ca biigu, tee unorena ca ñi nūcū buogua Umureco Pacu, Cristo mena cū ca doti niiri tabepare ca waatipu cū ca niirijere ca majiparā mūja nii. ⁶ Jīcū uno peerena ñi dito ecoticāña. Ate juorira doo, Umureco Pacu cūre ca ametuene nūcārāre ñañaro cū ca tiipe. ⁷ To biri mūja menapura cūjare biro bii bui cutiticāña.

⁸ Mūja, jugueropure ñañarije wado tii niima ñirā, ca naitiaropu niirāre biro mūja bii niimiupa. Mecūra yua Wiogu jaarā niima ñirā, ca boero pee mūja nii. Umureco Pacu punare birora bii niiña. ⁹ Ca boerije juori ca biirijea, ca bojoca añurā niirique, añurije

† 4:24 Ro 12.2; Col 3.10. § 4:26 Sal 4.4.

maquē tiirique, díamacū wado īi niirique nii. ¹⁰ Ƴmureco Pacu cū ca ĩa biijejarije peere ĩa bejeri tii niĩna. ¹¹ Ca naitiaropu niirāre biro ca niirā cūja ca tiirijere tiiticāña. To biro tiitirāra, “Ñañarije niiro bii, to biro tiirique” cūjare īi wede majioña. ¹² Yaioropu cūja ca tiirijere bau niropu wede batojata, ca boborije nii. ¹³ Niipetirijepure ca boerije to ca boe eyo peoticājata, bau niirije nii eacā, ¹⁴ ca boerijea, niipetirijere ca bauro tii. To birira o biro īi:

“Mū, ca cānigūre biro ca biigu wācāña. Ca bii yairicarā watoapu niigūre biro ca niigu wāmu nūcā, bojoca catiya. To biro mu ca biiro, Cristo mure jāa boerucumi,” īi.

¹⁵ To biri mūja ca biirique cuti niirijere añuro tūgoeña majiri tii niĩna. Ca tūgoeña majitirāre biro niitirāra, añuro ca tūgoeña majirāre biro pee niĩna. ¹⁶ Ƴmurecori ñaña jañu, to biri añuro mūjare ca bii eari taberira mūja ca tiipere tiicāña. ¹⁷ Ca tūgoeña bojoca catitirā niiticāña. “¿Dije pee to niiti, Ƴmureco Pacu cū ca boerije?” īi tūgoeña majiña petopura. ¹⁸ Cūmuticāña. Cūmuriquea añuro mani ca niirijere ca ñañorije nii.* To biro biitirāra, Añuri Yeri cū ca boorore biro, cū ca dotirije peere tii nūñjee niĩna. ¹⁹ Mūja ca niiro cōrora, Ƴmureco Pacure baja peo nūcā buorique mena, baja űjea niirique mena, añuro yeri tūgoeñarique cuti baja űjea niirique mena, ameri wede peni niĩna. Mūja ca yeri jāñarije niipetiro mena baja, īi nūcā buo, īi niĩna mani Wiogūre. ²⁰ Niipetirijepurena mani Wiogu Jesucristo juori, Ƴmureco Pacu, mani Pacure, “Añu majuropecā” cūre īi nūcā buocōa niĩna.

Ca nūmoa cutirā cūja ca tii niipe

²¹ Mūja ca niiro cōrora ameri tuo nūñjee niĩna, Cristore ca nūcā buorā niiri.

²² Nomia, ca manū jūmua cutirā, Wiogūre mūja ca tuo nūñjeerore birora mūja manū jūmūare tuo nūñjeeya. ²³ Ca nūmo cutigua, cū nūmore ca juo niigu niimi, Cristo cūre ca tuo nūñjeerāre cū upure biro ca niirāre ca juo niigu cū ca niitore birora. Nūcā cūra niimi, cūjare ca ametuenegu. ²⁴ Cūre ca tuo nūñjeerā Cristore cūja ca tuo nūñjeerore biro, mūja cūja nūmoa cāa mūja manū jūmūare niipetirijepurena ca tuo nūñjeeparā mūja nii.

²⁵ Ca nūmoa cutirā, mūja nūmoare maiña, Cristo cū yaarāre maigu, ca ñañarije manirā cūja ca niiro tiirugu, ²⁶ cūjare cū ca bii yai bojaricarore birora. Cūra, oco, upure ca coerore birora, cū yee wederique mena mani ca yeri tūgoeña wajoaro tiiupi, ²⁷ cū yaarāre cū majuropeera añurā, ca ñañarije manirā, ñañarijere ca tiitirā, cūja ca niiro tiirugu. ²⁸ O biri wāmera mūja, cūja manū jūmua, mūja upure mūja ca mairore birora mūja nūmoare ca maiparā mūja nii. Cū nūmore ca maigua, cū upurirena maigu tiimi. ²⁹⁻³⁰ Jīcū űno peera cū upurena ĩa tutitimi. Tiitigura añuro baa, ĩa nūñjee, tii niimi, Cristo cū yaarāre cū ca tiitore birora. Mania, cū upu macā taberi niirā mani bii. ³¹ To biri, űmu cū pacure, cū pacore witi weorucumi, cū nūmo mena niirugu. Cūja puarāpura jīcā upura nii earucuma.† ³² Atea ca majiña manirije ca niimiriquera nii. Yua, Cristo, cūre ca tuo nūñjeerā menare īigu yu īi. ³³ To biri mūja ca niiro cōrora, mūja upure mūja ca mairore birora mūja nūmoare maiña. Mūja, cūja nūmoa cāa, mūja manū jūmūare nūcā buoya.

6

Cūja pacua, cūja puna, cūja ca tii niipe

¹ Mūja, cūja puna, Wiogu cū ca ĩa biijejarore biro mūja pacuare tuo nūñjeeya. Atea añurije nii. ² Ƴmureco Pacu cū ca dotirique ca nii juorije, “To biro biirucu,” cū ca ĩirique mena ca niirije ate nii: “Mū pacure, mū pacore, nūcā buoya, ³ añuro mūjare bii, ati yeparure yoaro cati nii, mūja ca bii űjea nii niipere biro ĩirā,” īi.*

⁴ Mūja, cūja pacua, mūja punare cūja ca ajiaro tiiticāña. To biro tiitirāra, Wiogu cū ca boorore biro pee añuro cūjare wede majio tii majioña.

Pade bojari maja, to biri cūja wiorā cūja ca tii niipe

* 5:18 Col 3.17. † 5:31 Gn 2.24. * 6:3 Ex 20.12; Dt 5.16.

⁵ Mɔja pade bojari maja, ati yepare mɔja ɔparã ca niirã cɔja ca iirore biro tiya. Nɔcɔ buorique mena aɔuro yeri tɔgoeɔari, Cristorena pade bojarãre biro, cɔjare pade bojaya. ⁶ Cɔja mena aɔuro tuarɔgarã, mɔja ɔparã cɔja ca ia cojoro wado aɔuro pade dito, tiiticãña. Cristore pade bojari majare birora Ɔmureco Pacɔ cɔ ca boorore biro aɔuro yeri tɔgoeɔarique mena padeya. ⁷ Bojocarena pade bojarãre biro méé, Wiogɔrena pade bojarãre biro, aɔuro tiirɔgarique mena padeya. ⁸ Mani ca niiro cōrora, pade coteri maju ca niigɔ, aɔuro ca niigɔ, “Aɔuriye mani ca tiiricarore birora Wiogɔ cɔ ca tiicojorijere mani ñeerucu,” ca iï majiparã mani nii.

⁹ Mɔja, cɔja ɔparã, mɔjare pade bojari majare iï uwiotirãra, aɔuro mɔjare cɔja ca pade nɔnɔjeerore birora aɔuro cɔjare tiya. Mɔja cɔja ɔparã, mɔja cɔjare pade bojari maja cãa, ɔmureco tutipɔ ca niigɔ Wiogɔ jicãrena ca pade nɔnɔjeerã mɔja ca niirijere majiña. Cãa bojocare ca ia dica woogɔ méé niimi.

Ɔmureco Pacɔ yee bojoca tooye

¹⁰ Yɔ jaarã, mecãra yua mɔja ca tɔgoeɔa tutuapere, Wiogɔ cɔ ca tutuarije do biro ca tiya manirijepure amaña. ¹¹ Ɔmureco Pacɔ bojoca tooye cutirique niipetirije cɔ ca tiicojorique mena, bojoca tooye cuti niiña, ñañarije mani ca tiiro manire ca tiigɔ Satanás cɔ ca iï ditorijerena jãa tii nɔnɔjeere iirã. ¹² Bojoca mena ameri quëe niirã méé mani tii. Ñañarije wiorã mena, ca dotirã mena, ati ɔmurecorire ñañarije tiiricarore ca tii niirã mena, emaropɔ macãrã mani waparã ñañarije ca tiirã mena, ameri quëe niirã mani tii. ¹³ To biri niipetirije bojoca tooye Ɔmureco Pacɔ mɔjare cɔ ca tiicojoriquere jee ɔpaya, ñañaro mɔjare ca bii eari rumure tɔgoeɔa bayi, bii ametɔa nɔcã, to birora mɔja ca tɔgoeɔa bayicōa niipere biro iirã. ¹⁴ To biri to birora tɔgoeɔa tutuacōa niiña. Díamacɔ ca niirije mena wëñarica daa cuticãricarã nii, ca niirore biro tii niirique ca niiriro cōme jutiro jãña, ¹⁵ aɔuriye queti aɔuro niiricarore ca tiirije dɔpo juti jãñaricarãpɔ nii yue, biya. ¹⁶ Aɔuro petira, díamacɔ mɔja ca tuo nɔcɔ buorijera, mɔja waperore to niijato, Satanás mɔjare cɔ ca iï cōa jãarije niipetirijere ca camotaapere biro iiro. ¹⁷ Ɔmureco Pacɔ mɔjare cɔ ca ametɔeneriquere mɔja dɔpugare ca camotaari corore, come corore biro cɔo, ñucã Ɔmureco Pacɔ wederiquera, Aɔuri Yeri mɔjare cɔ ca tiicojori pïi niipïire biro cɔo, tiya.

¹⁸ Aɔuri Yeri cɔ ca majiorije mena to birora juu buecōa niiña. To birora aɔuro tɔgoeɔa bojoca catiri nii, ca ñañarije manirã Ɔmureco Pacɔ jaarã niipetirãre Ɔmureco Pacɔre juu bue boja, tiicōa niiña. ¹⁹ Yɔ cãare juu bue bojaya, yɔ ca iipere Ɔmureco Pacɔ yure cɔ majiojato iirã. Ñucã uwiricarore maniro, Ɔmureco Pacɔ yee ca majiña manirije ca niirique aɔuriye quetipure ca niirijere, cɔja ca majiro yɔ ca tiipere biro iirã. ²⁰ Ɔmureco Pacɔra ate aɔuriye quetire yure wede yuju doti cojowi. Tee juorira mecãra, come daari mena cɔja ca jiaricɔ yɔ nii. To biri Ɔmureco Pacɔre yure jãi juu bue bojaya, cɔ yee quetire uwiricarore maniro yɔ ca wedepere biro iirã.

Aɔuri doti yapanorique

²¹ Tiquico mani yee wedegɔ, yɔ ca maigɔ, aɔuro mani Wiogɔ yeere yure pade nemori maju, yɔ ca bii niirijere, yɔ ca tii niirije niipetiro, mɔjare wederucumi. ²² To biri jãa ca bii niirijere mɔjare wede, mɔja pea teere tuo ɔjea nii, mɔja ca biipere biro iigɔ, mɔja pɔtopɔ cãre yɔ tiicojo.

²³ Mani Pacɔ Ɔmureco Pacɔ, Wiogɔ Jesucristo, aɔuro niirique, ameri mairique, díamacɔ tuo nɔcɔ buorique, mani jaarãre cɔja tiicojojato. ²⁴ Mani Wiogɔ Jesucristore ca mairã niipetirãre aɔuro cɔ ca tii bojarique, cɔ ca mairije ca peti nɔcãtirijere cɔ tiicojojato.

To biro to biijato.

Pablo

FILIPENSES

Europapure Macedonia yepare, Pablo, Jesucristore ca tuo nunujeerã cã ca tii j̄oricarã Filipos macãrã niupa.

Pablo tia cūurica wiip̄ niiḡura, mairique mena cūjare cū ca owa cojoriquere wede. Filipos macãrã Cristore ca tuo nunujeerã, Pablo cū ca boo pacarijere tii nemorã cū ca c̄otirijere cūre cūja ca tiicojoriquere “Añu majuropecã,” cū ca iiriquere wede j̄uo.

Ñucã apeyera díamacū ca niitirijere bue yujuri maja Cristore ca tuo nunujeerãpure cūja ca ñi dito earique maquẽre buaro t̄goeña pai, “To biro ca biirije watoara añurije quetire to birora tuo nunujeecõa nii, t̄goeña bayi, biicõa niña,” cū ca ñi wede majoriquere wede nunua waa. Owa j̄oḡur̄ura buaro cū ca ũjea niirijere, Filipos macãrã Jesucristore ca tuo nunujeerãre cū ca mairijere, “Añu majuropecã,” cūjare cū ca iirijere, ña majiriquera ca niicãro tiimi Pablo (1.1-11).

To biro iicã, cūre ca biirijere cūjare wedemi. Biiḡur̄ua, “Ñañaro peti yu tamucã” ñi t̄goeñarique paiḡu méé iimi; Cristore birop̄ cū ca biicãrijere t̄goeña bayicãri bii yairiquere cū ca uwitirijere ñiḡu t̄goeña bayirique mena o biro ñi owami, “Yura yu ca catirije, Cristo niimi; bii yairique pea wapa taarique niiro bii,” iimi (1.12-21).

To biro iicã, “To birora t̄goeña bayicõa nii, añurije queti ca iirore biro bii nii, Cristo cū ca biiricarore birora bii nunujee, biiya,” ñi wede majiomi Filipos macãrãre (1.27–2.18).

To biro ñi yapano, cūre pade nemori maja, Timoteore, Epafroditore, cū ca tiipere cūjare wedemi (2.19-30).

Ñucã cū ca ũjea niirijere cūjare wede nunua waaḡura, cū ca biirucuriquere cūjare wedemi, doti cūurique ca iirore biro ca tii nunujeeḡu niicãri, Jesucristore ca tuo nunujeerãre ñañaro tiiruga nunujeema ñiḡu, díamacūrã añurã niiricaro ca tiiḡure cū ca bua eariquere. Biiḡur̄ua díamacūra añuḡu peti yu nii eati ñiḡu, ũmaari maj̄u mena ñi cõoñari cū ca bii nunua waarijere wede nunua waami (cap. 3).

To biro iicã, Cristore ca tuo nunujeerã niiri ũjea niirica wãmere cūjare wede majio, cūja ca tii niipere cūjare wede, “Cūjare añu dotiya” iirique mena ñi yapano eami (cap. 4).

Filipos macãrãre Pablo cū ca queti owa cojorica p̄uro

Añu dotirique

¹ Pablo, Timoteo, Cristo Jesús yeere paderi maja, m̄ja niipetirã, Cristo Jesús j̄ori, ca ñañarije manirã Filipos'p̄u ca niirã, ñucã nea poorica wiire tii nemori maja,* to biri j̄uo juu bue niiri maja† menap̄urena, ati p̄urore jãa owa cojo. ² Ũm̄ureco Pac̄u, mani Pac̄u, to biri Wioḡu Jesucristo, manire cūja ca ña mairijere, to biri j̄icãri cõro añuro niiriquere m̄jare cūja tiicojojato.

Jesucristore ca tuo nunujeerãre Pablo cū ca juu bue bojarique

³ M̄jare yu ca t̄goeñarije cõrora, yu Ũm̄ureco Pac̄ure, “Añu majuropecã,” yu ñi. ⁴ Yu ca juu buerije cõrora ũjea niirique mena wado m̄ja niipetirãre yu juu bue boja, ⁵ Jesucristo yee quetire m̄ja ca tuo j̄ori r̄um̄ur̄ura yure m̄ja ca tii nemo nunua dooriquere, mec̄ur̄u cãare to birora yure m̄ja tii nemocõa nii. ⁶ Yee méé yu ñi: Ũm̄ureco Pac̄u cū yee añurijere m̄jap̄ure ca tii j̄oricãra, añuro m̄ja ca niiro m̄jare tii nunua waarucumi, Cristo Jesús nemo cū ca tua doori r̄um̄ur̄u. ⁷ O biro m̄ja niipetirãp̄ure yu ca ñi t̄goeñarije añurijera nii, tia cūurica wiip̄u niiḡu cãa, ñucã wiorã p̄utor̄u añurije quetire ñañaro ca ñi wede pairãre ñi camota, díamacū ca niirijera nii, ñi wede majio niiḡu cãa, to birora m̄jare yu t̄goeñacõa nii. M̄ja niipetirãp̄ura Ũm̄ureco Pac̄u añurije yure cū ca tiicojoriquere yu menara m̄ja tii nemo nii. ⁸ Ũm̄ureco Pac̄u majimi m̄ja niipetirãre, Cristo Jesús cū ca mairije mena buaro m̄jare yu ca mai niirijere. ⁹ Ate nii yu ca jãi juu bue bojarije: M̄ja ca ameri mairijere buaro jañuro ameri mai nunua waa, ñucã

* 1:1 Diáconos. † 1:1 Obispos.

bũaro maji, niipetirijere tuo jeeño maji, ¹⁰ añurije pee wadore ãa maji, ñucã Jesucristo cũ ca doori mũmũre ca ñañarije manirã nii, ñañarije ca tiirã niima, ca ñi ecotirã nii, ¹¹ ñucã Jesucristo jũori, añuro tiirique mũja ca tii niirijere bũaro jañuro tii nũnũa waa, Ʋmũreco Pacũre ñi nũcũ bũo baja peo, cãja ca tiiro mũja ca tiipere ñĩgũ.

Cristo niimi catirique

¹² Ʋũ jaarã, ano yũre ca biirije, añurije quetire bũaro jañuro ca jeja nũcã nũnũa waaro ca tiirijere mũja ca majiro yũ boo. ¹³ To biri niipetirã macã wiogũ yaa wiire ca coterã uwamarã, ñucã aperã cãa, Jesucristo jũori tia cũurica wiipũ yũ ca niirijere cãja ca majiro cũjare tii. ¹⁴ Tia cũurica wiipũ yũ ca niiro ãarã, mani jaarã Jesucristo yee quetire ca tuo nũnũjeerã niipetirã jañuripũra, Jesucristo peere bũaro jañuri tuo nũnũjee tũgoeña bayicãri, uwiricaro maniro Ʋmũreco Pacũ yee quetire wedema.

¹⁵ Jĩcãrã Jesucristo yee quetire wederã, ãa ũgo ajiarique mena, ñucã “Jãape jãa ñi ametũa nũcãrucu” ñirique mena, cãja ca wederijeã díamacũra nii. To ca bii pacaro aperã, añuri wãme tũgoeñarique cutiri wedema. ¹⁶ Aperã, Jesucristo yee añurije quetire “Díamacũra nii cã ca ñi wede niipere ñiima ñĩgũ, tia cũurica wiipũ cã ca niiro cũre tiimi Ʋmũreco Pacũ,” ñi majiri, mairique mena Jesucristo yee quetire wedema. ¹⁷ To biro cãja ca ñicãro aperã pea, añuro tũgoeñarique cutiri méé, cãja majurope cãja ca boo tũgoeñarijere ñiima ñĩrã, wedema. “To biro mani ca ñiro, tia cũurica wiipũ niĩgũ, ñañaro cã ca tamũorijere bũaro jañuro ñañaro cã tamũo bũañajato,” ñi tũgoeñacãri wedema. ¹⁸ Biropũa tee ũnoa, “To biro ñiima” ñirique méé nii. No ca boorora wede, ca niirore biro wede, cãja ca ñimijata cãare, mee Jesucristo yee quetirena wederã tiima. To biro cãja ca tiirijere yũ Ʋjea nii jañu. Bũaro jañuro yũ Ʋjea niicã nũnũa waarucu. ¹⁹ Ate niipetirije o biro cãja ca tii niirijea, ñañaro yũ ca biirijere yũ ca ametũaro ca tiipera ca niirijere yũ maji. To biri Ʋmũreco Pacũre yũre mũja ca jãĩ bojarucurije, ñucã Jesucristo yũn Añuri Yeri yũre cã ca tii nemorije cãa, añu majuropecã. ²⁰ “Ʋmũreco Pacũ pea, boboro yũ ca tamũoro yũre tiitirucumi,” yũ ñi tũgoeña bayicã. To biri niipetirã cãja ca tuo cojoro, “To biro yũre biibocu” ñiri méé, cũjare yũ wederucu. Ñucã mecũ cãare yũre ca biirucuricarore birora, bũaro jañuro yũ Wiogũ Jesucristo cũ ca nii majuropeerije yũ mena ca niirijere, yũ ca catijata cãare, ñucã yũ ca bii yairo jiro to ca ñimijata cãare, ãarucuma. ²¹ To biri yũ ca catijata, Cristo yee wadore yũ wede. Ñucã bii yaigũpũ cãa cũ menara yũ niirucu.† ²² Ʋũ ca caticã nũnũa waajata, ametũene jañuro Jesucristo manire cã ca doti cũuriquere, to birora yũ tiicõa niibocu. To biri, “O biro pee yũ biirucu,” yũ ñi majiti. ²³ Ate pũa wãmerũrena yũ ca tiirũgarije ca niiro macã, “Tii wãme peere yũ tiirucu” yũ ñi majiti. “Jesucristo mena niĩgũ waarũgũ yũ ca bii yaijata, añu majuropecãbocu,” yũ ca ñĩrije nii. ²⁴ Ñucã ape tabera añurije peere mũjare boojãma ñĩgũ, bũaro yũ ca cati nũnũa waarũgarije nii, yũre bii. ²⁵ “To biro ca biipũ yũ niicu,” yũ ca ñirore biro ca biipũ niiri, mũja menara yũ tuarucu. Cristore díamacũ mũja ca tuo nũcũ bũorijere bũaro jañuro tũgoeña Ʋjea nii, mũja ca bii nũnũa waaro mũjare tii nemorũgũ. ²⁶ O biro biigũ, jiro ñucã mũja mena yũ ca niiro, Cristo Jesús jaarã mũja ca nii Ʋjea niirije, yũ jũori bũaro jañuro mũja ca Ʋjea niiro tiirucu.

²⁷ Mũja ca biirique cuti niirije wadore Jesucristo yee añurije queti ca ñirore biro bii niĩña. To biro mũja ca biiro, mũjare yũ ca ãagũ waajata cãare, ñucã yoaropũ yũ ca niijata cãare, mũja ca biirijere queti tũogũra, jĩcãri cõro tũgoeña bayi, añurije quetire jĩcãri cõro díamacũ tuo nũcũ bũo bayi nũnũa waa, ²⁸ ñucã “Cũjare ca ãa junarãre uwi tũgoeñaricaro maniro bii niijara,” yũ ñi majirucu. Cãja pea to biro cãja ca ñirijera ñañaro ca bii yaiparã cãja ca niirijere ñĩnoma. Ñucã mũja peera ñañaro mũja ca biiboriquere mũja ca ametũapere ñĩoro bii. Atea Ʋmũreco Pacũ cã ca tiirije nii. ²⁹ Mũjara, Jesucristore tuo nũnũjeerique wado méé nii, cã jũori ñañaro ca tamũoparã mũja ca niirije cãa niiro bii. ³⁰ Mũja, to biri yũ cãa, Jesucristo yee quetire mani ca wederije jũori ñañaro manire cãja ca tii pacaro, jĩcãri cõro teere mani wede nũnũa waa. Jũgueropũ cãare to birora teere yũ

† 1:21 Ʋũra yũ ca catirije, Cristo niimi; bii yairique pea wapa taarique niiro bii.

ca wedero mɔja ɪawɔ. Mecɔ cāare to birora yɔ ca tiicɔ nɔnɔa waarije quetire mɔja tɔocu ñucɔ.

2

Do biro ca tiya manigɔ nii pacagɔ watoa macɔre biro niirique

¹ To biri Jesucristo, ca ɔjea niirɔ mɔja ca niiro tii, cɔ ca mairijera mɔja ca tɔgoeña ɔjea niiro tii, Añuri Yeri mena añuro nii, ca ɪa ɔjea niirɔ, ñucɔ ca boo paca ɪarɔ, mɔjare cɔ ca tiijata, ² niipetirɔpɔra añuro nii, ɟicɔ peere biro ameri mai, ɟicɔre birora tɔgoeñarique cuti, mɔja ca bii niirije mena yɔ ca ɔjea niiro yɔre tiya. ³ “Mani pee mani tii ametɔene nɔcɔcɔjaco,” ñucɔ, “Mania cɔjare biro mée mani bii,” iirique mena tiiticɔña. To biro iitirɔra, watoa macɔrɔre biro pee niiri, “Cɔja pee doca mani ametɔenero ca nii majuropeera niima” iirique mena tiya. ⁴ ɟicɔ ɔno peera mɔja wado añuro mɔja ca niipere amaaticɔña. Aperɔ añuro cɔja ca niipe cāare amaña. ⁵ Mɔja ca tɔgoeñarijere Cristo Jesús cɔ ca tɔgoeñaricarore biro ca tɔgoeñaraparɔ mɔja nii:

⁶ Cɔa, Ɔmɔreco Pacɔra nii pacagɔ, Ɔmɔreco Pacɔre biropɔ cɔ ca niirijere, teerena ca waa weo majiña manirijere biro ɪa, tiitiupi.

⁷ To biro biitigɔra, Ɔmɔreco Pacɔ cɔ ca niirijere cɔ majuropeera camotati, pade coteri majɔre biro pee bii, bojoca baɔaupi.

⁸ Bojocɔre biro baɔa eari, cɔ majuropeera watoa macɔre biro bii, cɔ ca bii yairi rɔmɔpɔ cɔ Pacɔ cɔ ca dotirore biro ca tii nɔnɔjeegɔ, nii eyoupi. Yucɔ tenipɔ paa pua tuu eco, ñañaro cɔ ca tamɔ yairi tabepɔ to biro bii eyoupi.

⁹ To biro cɔ ca biirije ɟɔri, niipetirɔ ametɔeneropɔ ca nii majuropeegɔ cɔ ca niiro cɔre tiipi Ɔmɔreco Pacɔ. Ñucɔ cɔ wame cāare, niipetiri wame ametɔenero ɪi nɔcɔ bɔorica wamere cɔre tiicojoui.

¹⁰ Niipetirɔ ɔmɔreco tutipɔ ca niirɔ, ati yepa macɔrɔ, ati yepa doca macɔrɔ, cɔja ɔjuro ɟupeari mena tuetuu ea nuuri, cɔ wamere ɪi nɔcɔ bɔo,*

¹¹ ñucɔ bojoca cɔja niiro cɔrora, “Jesucristo, Wiogɔ peti niimi,” Ɔmɔreco Pacɔre ɪi nɔcɔ bɔorique ca niipere ɟigɔ, to biro cɔre tiipi.

Jesucristore ca tɔo nɔnɔjeerɔ ca boerijere biro niima

¹² To biri yɔ yaarɔ yɔ ca mairɔ, yɔ ca iirijere mɔja ca yɔ nɔnɔjeericarore birora, mɔja mena yɔ ca niiro wado to biro biitirɔra, yoaropɔ yɔ ca niijata cāare añuro yɔ nɔnɔjeeya. Mɔja ca ametɔape maquere, añuro bojoca catiri ɪi nɔcɔ bɔorique mena tii niiña. ¹³ Ɔmɔreco Pacɔ majuropeera, mɔja yeripɔ añurijere mɔja ca tiirɔga tɔgoeñaro tii, mɔja ca tiirɔga tɔgoeñarijere cɔ ca boorore biro añuro mɔja ca tiiro ca tiigɔ niimi.

¹⁴ Noo mɔja ca tiirije cɔrorena, yaioroacɔ wede pai, ameri tuti, iitirɔra tiya. ¹⁵ ɟicɔ ɔno peera ñañaro mɔja ca tiiriquere buati, ñucɔ, “Ñañaro ca tiirɔ niima” ca ɪiña manirɔ, Ɔmɔreco Pacɔ puna ca ñañarije manirɔ niiña, ati yepa macɔrɔ bojoca ñañarɔ tiirique ɔno mée ca tii yai waarɔ watoare. Cɔja watoare mɔja cɔa, ñocɔa ati yepare cɔja ca boe baterore birora boe bate niiña, ¹⁶ caticɔa niirique maquere añurije quetire to birora tɔo nɔnɔjeecɔa niirɔ. To biro mɔja ca biiro, Jesucristo cɔ ca doori rɔmɔre “Añurije queti cɔjare wede yɟugɔ, yee mée yɔ biijapa,” yɔ ɪi tɔgoeña ɔjea niirucu. ¹⁷ Díamacɔ mɔja ca tɔo nɔcɔ bɔorije mena Ɔmɔreco Pacɔre mɔja ca tii nɔcɔ bɔo niirijere to bii yapano peoti eajato ɟigɔ, yɔ majuropeera yɔ ca bii yairɔgarijere ɟima ɟigɔ bɔaro yɔ ɔjea nii. Ñucɔ yɔ ca ɔjea niirijere mɔja niipetirɔ mena yɔ ɔjea nii. ¹⁸ Mɔja cɔa to birora ɔjea niiri, mɔja ca ɔjea niirijere yɔ mena ɔjea niiña.

Timoteo, to biri Epafrodito

¹⁹ Wiogɔ Jesucristo cɔ ca boojata, yoari méera Timoteore mɔja pɔtopɔ yɔ tiicojorɔga, mɔja ca bii niirije quetire tɔori, tɔo ɔjea niirɔgɔ. ²⁰ Añurije maquere mɔjare boojɔgɔ, bɔaro mɔjare yɔ ca tɔgoeñarucurore biro ca tɔgoeñagɔ ɔnore ɟicɔ ɔno peera yɔ cɔoti.

²¹ Niipetirɔpɔra cɔja yee ca niipe maquere wadore amacɔma. Jesucristo yee peera “To

* 2:10 Ɔmɔreco Pacɔ yaarɔ, Satanás yaarɔ.

biro bii,” iitima. ²² Mee mɔja, Timoteo cɔ ca biirique cuti niirijere aɔuro mɔja maji. Jicɔ cɔ macɔ, cɔ pacɔ mena aɔuro cɔ ca pade nemo niirore birora aɔurije quetire yɔre wede nemo niwi. ²³ To biri ano yɔre ca biirijere majicɔri jiro, yoari mɛera mɔja pɔtopɔ Timoteore yɔ tiicojorɔga. ²⁴ “Biigɔrɔa, yoari mɛera yɔ majuropeera mɔja pɔtopɔ yɔ ca waaro yɔre tiirucumi Ɛmɔreco Pacɔ,” yɔ iɔ.

²⁵ Nɔcɔ to birora yɔ yee wedegɔ Epafrodito, yɔre pade nemori majɔ, Jesucristo yee quetire tutuaro mena yɔre biro ca iɔ bayi niigɔ, yɔ ca boorijere cɔ tii nemojato iirɔ mɔja ca tiicojoricɔ cɔare, nɔcɔ cɔre ca tiicojorɔ yɔ nii, yɔ iɔ. ²⁶ Cɔ pea mɔja niipetirɔre bɔaro amami; nɔcɔ apeyera bɔaro tɔgoɛnarique paimi, cɔ ca diarique tamɔoriquere mɔja ca queti tɔoriquere majiri. ²⁷ Dɔamacɔ mɔja tɔojacupa. Dia jaɔwi Epafrodito. Bii yaicoabowi. To biro cɔ ca biimijata cɔare, Ɛmɔreco Pacɔ cɔre iɔ mairi, cɔre catiowi. Cɔ wado mɛere iɔ boo pacawi; yɔ cɔare boo paca iɔwi yɔ ca tɔgoɛnarique pairijere, tɔgoɛnarique pai nemoremi iigɔ. ²⁸ To biri yoari mɛe cɔre yɔ tuenecojorucu mɔja pɔtopɔ, cɔre mɔja ca iɔ ɔjea nii tɔgoɛna tutuapere biro iigɔ. To biro tiigɔ, yɔ tɔgoɛnarique paiti jaɔurucu. ²⁹ Cɔ ca earo, Wiogɔ yaarɔre birora ɔjea niirique mena cɔre bocaya. Nɔcɔ cɔre biro ca biirɔre nɔcɔ bɔoya, ³⁰ Jesucristo yeere padema iigɔ, bii yaicoabowi. Mɔja majuropeera yɔre mɔja ca tii nemorɔ dootiriquere tii nemoma iigɔ, bii yairicarɔ pɔtoacɔpɔ ametɔawi.

3

Aɔuro niiricarɔ ca tiirije

¹ Apeyera nɔcɔ yɔ yaarɔ yɔ ca mairɔ, Jesucristo mena ɔjea niiɔa. Yɔra, mɔjare yɔ ca owa cojoriquerɔrena yɔ ca owa cojo nemocɔ tua waarucujata, bojoricarɔ bii pato wɔcɔrucu biiti, mɔja peera aɔurije maquɛ ca niiro macɔ. ² Iɔ biijejaya manirije ca tiirɔre, Ɛmɔreco Pacɔ yee quetire ca wederɔ nii pacarɔ ɔɔaririje ca tiirɔre, “Ɛmɔreco Pacɔ yaarɔ mani nii,” iirɔ, cɔja jeyua quejerorire ca wide weo baterɔ menare, bojoca catiri niiɔa. ³ Mania, Ɛmɔreco Pacɔ yɔ Aɔuri Yeri jɔori cɔre ca iɔ nɔcɔ bɔorɔ, Cristo Jesú yaarɔ niiri ca ɔjea niirɔ nii, bojoca cɔja majuropeera ɔɔaririje manirɔ niirɔgarɔ, cɔja ca tii niirijere tɔo nɔnɔjeeti, ca biirɔ pee mani nii, jeyua quejero yapare wide taaricarɔ majurope ca niirɔ. ⁴ Yɔ majuropeera, atera, “Dɔamacɔra niiro bii,” ca iɔ nɔcɔ bɔogɔ peti niigɔ yɔ bii.

Jicɔ ɔno atere, “Dɔamacɔ ca niirijera niiro bii,” cɔ ca iɔ nɔcɔ bɔojata: ⁵ Yɔ ca bɔaro jiro jicɔ amo peti, ape amore itiaga penituario ca niiri rɔmɔre yɔ jeyua quejero yapare cɔja ca wide taaricɔ, israelita bojocɔ, Benjamín yaa puna macɔ, hebreo bojocɔ, nɔcɔ hebreo macɔ, judíos, doti cɔuriquere, “O biro iirɔgarɔ iɔ” cɔja ca iɔ nɔcɔ bɔorije peera fariseos yaa pooga macɔ, yɔ niwɔ. ⁶ Nɔcɔ doti cɔurique ca iirijere ametɔene nɔcɔriquere ca bootigɔ yɔ ca niirique peera, Jesucristore ca tɔo nɔnɔjeerɔre ɔɔarɔ cɔjare ca tiirɔga nɔnɔjeericɔ, doti cɔurique peera jicɔ wɔme dɔjaricarɔ maniro ca tii nɔnɔjeegɔ ca niiricɔ pee doca, cɔ ametɔenero, “Dɔamacɔ ca niirijera niiro bii,” ca iɔ nɔcɔ bɔoricɔ peti niigɔ yɔ bii yɔ doca. ⁷ Ate niipetirije jɔguerɔrɔre yɔra, ca nii majuropeerije ca niimirique, mecɔra Jesucristo jɔori ca wapa manirije niiro bii yua. ⁸ O biro bii nɔcɔ: Yɔ Wiogɔ Cristo Jesú cɔ ca aɔu ametɔene majuropeerijere yɔ ca majirije mena, atere yɔ ca iɔ cɔoɔajata, jicɔ wɔme ɔno peerena, “Ca nii majuropeerije nii,” yɔ iiti majuropecɔ. Cristo jɔori tee niipetirijerɔra ca wapa manirijere biro tuacɔwɔ. Mecɔra yua Cristo peere bɔa eari: “Ca bii bateriquerɔ nii,”* yɔ iicɔ. ⁹ Cɔ mena pee niirɔgama iigɔ, yɔ majuropeera doti cɔurique ca iirore biro yɔ ca tii nɔnɔjeerije jɔori, ɔɔaririje manigɔ niiriquere yɔ amaati. Jesucristore dɔamacɔ tɔo nɔcɔ bɔorique jɔori pee Ɛmɔreco Pacɔ, ca ɔɔaririje manigɔ yɔ ca niiro cɔ ca tiirije peere yɔ ama. ¹⁰ Cristo cɔ ca cati tuarique ca tutua majuropeerijere yɔ majuropeera biiɔacɔ, ɔɔarɔ cɔ ca tamɔoricarore birora tamɔo, cɔ ca bii yairicarore birora bii yai, biirɔgama iigɔ, niipetirijerɔrena ca wapa manirijere biro yɔ iɔcɔwɔ. ¹¹ To biri yɔ cɔa, ca bii yairicarɔ cɔja ca cati tuari rɔmɔre yɔ ca cati tuapere yɔ yue.

* 3:8 Waibɔcɔrɔ ɔtare biro niicɔ.

Umureco tutipɔ ca niiparã

¹² Mee niipetirije bua ea peoticã, ñucã “Ca ñañarije manigupɔ yu nii,” ñigɔ méé yu ñi. Teere ca bua earɔ cã niijato ñigɔ Cristo Jesús cã ca juoricɔ yu ca niirijere, cã pee yure cã ca maji juoricarore birora teere bua earugɔ, cã yeere to birora yu tiicã nɔnɔa waa. ¹³ Yu yaará, “Mee yu majuropeera teere yu bua eacãwɔ,” yu ñi tɔgoeñati. Ate pee docare o biro yu tii. Jɔgueropɔ yu ca biirique cuti niiriquere acobo, jioropɔ yu ca bua eape peere tɔgoeñari, Umureco Pacɔ cã ca boorije peere buaro jañuro yu tii nɔnɔa waa. ¹⁴ Umureco Pacɔ, Cristo juori añurijere umureco tutipɔ manire cã ca tiicojopere yu ca ñeepere biro ñigɔ, añurije peere tii yapano earugɔ yu tii.

¹⁵ To biri mani niipetirã, añuropɔ díamacɔ ca tɔo nɔcɔ buo bayicoarãpɔa, ano mɔjare yu ca ñiire biro wado ca tɔgoeñaparã mani nii. Ñucã jicã wãme unore bojoricaro mɔja ca tɔgoeñajata, tee cãare mɔja ca majiro mɔjare tiirucumi Umureco Pacɔ. ¹⁶ Tee docare, jicã wãmera tii nɔnɔjee, jicã peere biro tɔgoeña, biiriquere mani ca bua earique ca niire biro ca tii nɔnɔjeeparã mani nii.

¹⁷ Yu yaará, niipetirã yure biro bii nɔnɔjeeya. Mɔjare jãa ca bii ññoricarore biro ca bii niirã cãare ña cõõña. ¹⁸ Mee, paɔ tiiri mɔjare yu ñiwɔ. Ñucã mecɔ cãare teerena, yacó cape cutiri mɔjare yu ñi nemo. Paɔ niicãma, Jesucristo yucɔ tenipɔ cã ca bii yairiquere ca junarãre biro ca tii niirã. ¹⁹ Biirãpɔa cãja, ñañaro ca bii yaiparã niirã biima. Cãja upɔri ca boorore biro wado cãja ca tii niirijera nii, cãja ca ñi nɔcɔ buo niirije. To biro cãja ca tii niirijere bobo tɔgoeñaricarore unore, “O biro ca biirã jãa nii,” ñi docuorucuma. Ñucã ati yepa maquẽ pee wadore buaro amama tee cãare.

²⁰ Mani pea umureco tuti macã yepa macãrãpɔa mani nii. Manire Ca Ametɔenegɔ, Wiogɔ Jesucristo cãare toopɔ ca ñigɔ ca doopɔrena mani yue nii. ²¹ Cãa mani upɔ ca añutiri upɔre, cã upɔ ca añuri upɔre biro pee manire wajoarucumi. Niipetirijere cã ca doti tutuarije mena to biro manire tiirucumi Jesucristo.

4

Wiogɔ mena ɔjea niñña

¹ To biri mɔja, yu yaará yu ca mairã, buaro yu ca ñarugarã, ñucã yu ca tɔgoeña ɔjea niire ca tiirã, yu paderique wapa ca niirã, Wiogɔre mɔja ca tɔo nɔnɔjeerijere, to birora tɔgoeña bayi tutuacã nɔnɔa waarãja.

² Ñucã Evodia, to biri Síntique jãare, “Mani Wiogɔ yaará romirire birora, jicõre biro cãja tɔgoeñarique cutijato,” yu ñi. ³ Mɔ, yure añuro ca pade bapa cutigɔ peera,* anija mani yaará romirire tii nemoña mure yu ñi: cãja, Clemente, to biri aperã yure ca tii nemoricarã mena, yu mena añurije quetire wede nemowa. Mee cãja wãmea, caticõa niirique ca niiri pũuropɔ owa tuurique nii yerijãa.

Wede majio yapanorique

⁴ To biri to cãnacã tiira mani Wiogɔ Jesucristo mena ɔjea niñña. Yu ñi nemo ñucã: ɔjea niicõa niñña. ⁵ Niipetirã, ca bojoca añurã mɔja ca niirijere cãja ñajato. Mee, Wiogɔ eagupɔ biimi. ⁶ No ca boorijeacã juorira tɔgoeñarique paiticãña. Tɔgoeñarique paitirãra, Umureco Pacɔ peere “O biirije jãare bii,” cãre ñi jãa juu bueya, niipetiro mɔjare ca biirijere. Ñucã tii nemorique cãre jãa, “Mɔ añu majuropecã,” cãre ñi, ñiña.† ⁷ To biro mɔja ca tiiro, Umureco Pacɔ yee añuro niirique bojocɔ cã ca tɔo jeeñorije ca niirije ametɔeneropɔ do biro ca tii tɔo jeeño majiña manirije ca niirije Cristo Jesús juori, mɔja yerire, mɔja ca tɔgoeña niirijere, añuro mɔjare ña nɔnɔjee niirucu.

Añurije pee wadore tɔgoeñaña

* 4:3 Mɔ, yure añuro ca pade bapa cutigɔ Síçigo. † 4:6 Jicã wãme unore juori peera tɔgoeñarique paieto. To biro biitirãra noo mɔjare ca biirije cõrorena, juu buerique mena, yerijãaricarore maniro jãirique mena, mɔja ca boorijere Umureco Pacɔre wedeya, añu majuropecã ñirique mena.

⁸ Yũ yaarã, niipetirije díámacũ ca niirije, niipetiro ãa nũcũ bũoriquere, niipetiro añuro niiriquere, niipetiro añurije wado ca niirijere, niipetiro ca bojoca añurã niiriquere, añuro ãa biijejarique ñno pee wadore amaña. Niipetirije añurije wado, ñucã añuro ñi nũcũ bũoricaro ca tiirijere, tũgoeñaña. ⁹ Mũjare yũ ca buero mũja ca majiriquere, “O biro tii niiña” mũjare yũ ca ñi majioriquere, yũ ca ñirijere mũja ca tũoriquere, to biri yũ ca tiirije mũja ca ñariquere, tii niiña. To biro mũja ca tiiro, añuro niirique Æmũreco Pacũ mũja mena niirucumi.

Filipos macãrã Pablöre cãja ca tii nemorique

¹⁰ Wiogũ mena bũaro yũ ñjea nii, mee ñucã yũre mũja ca tũgoeña bũarique ca niiro macã. “Yũre mũja acobocoajacupa,” ñirũgũ méé yũ ñi. “Yũre mũja ca tii nemopa tabe ñno mũjare manijacupa,” ñigũ pee yũ ñi. ¹¹ Boo paca niigũ méé yũ ñi atera. Mee noo yũ ca cũorije menara ñjea nii, ca bii jeyaricũpũ yũ nii. ¹² Apeye mani, ñucã paio apeye cũti biigũ cãa, nii majicã, biirique cãare yũ maji. Ñucã aũa boa, aũa boati, ñee ñno cũoti, ñucã cũo ametuencã bii niigũ cãa, yũre ca bii earije cõrora yũ bii jeyacoawũ. ¹³ Cristo yũ ca tũgoeña tutuaro ca tiigũ jũori, niipetirijere yũ tii maji. ¹⁴ To ca bii pacaro mũja pea do biro tii majiña maniro ñañaro yũ ca biiri tabere, yũre mũja tii nemowũ. ¹⁵ Añurije quetire wede jũogũ Macedonia ca niiricũ yũ ca waaro, mũja Filipos macãrã wado Jesucristo yee quetire mũjare yũ ca wederiquere, “Añu majuropeecã” ñirã, yũre tii nemorã mũja ca tiicojoriquere mũja maji. ¹⁶ Ñucã Tesalõnicapũ yũ ca niiro cãare, “Cã ca boo niirijere cã jeejato ñirã” jĩcãti méé mũja tiicojupa. ¹⁷ Biigũpũa, bũaro jañuro yũre mũja ca tii nemo nũnũa waarijere boogũ méé, yũ ñi. Æmũreco Pacũ cã ca ãa cojorore, añuro mũja ca tii niirijere bũaro jañuro mũja ca tii nũnũa waape peere boogũ, yũ ñi. ¹⁸ Mee, niipetirije yũ ca boorijere yũ ñeewũ, yũ ca booro ametuenero yũ cũo. Epafrodito mena yũre mũja ca tiicojo cojorique mena paio peti yũ cũo. Yũre mũja ca tiicojo cojorique pea, añuro ca jũti añurijere joe jũti añu mũene cojoricaro,† Æmũreco Pacũ añuro cã ca ãa biijejarijere biro nii. ¹⁹ To biicãri, yũ Æmũreco Pacũ niipetirije mũjare ca ñujarijere, cã yee ca añu majuropeerijere Cristo Jesús menapũ paio cã ca cũorije ca niirore biro mũjare tiicojorucumi.

²⁰ ¡Mani Æmũreco Pacũ mani Pacũ cã ca añu majuropeerije to birora to niicõa niijato! To biro to biijato.

Añu doti cojo yapanorique

²¹ Añu dotiya niipetirã Cristo Jesús jũori ca ñañarije manirã ca niirãre. Mani yaarã yũ mena ca niirã cãa mũjare añu doti cojoma. ²² Ñucã niipetirã ano macãrã Jesucristore ca tũo nũnũjeerã, añuro petira upũ romano César're pade bojari maja, mũjare añu doti cojoma.

²³ Mani Wiogũ Jesucristo cã ca ãa mairije mũja niipetirã mena to niijato.

To biro to biijato.

Pablo

† 4:18 Sacrificio que Dios recibe con agrado.

COLOSENSES

Pablo, Colosa macārāre, Jesucristore ca t̄uo n̄n̄j̄eerā c̄ja ca niiro ca tiitiricu nii pacagu, c̄ ca ĩa n̄n̄jee niirā watoare ca niirā c̄ja ca niiro macā, ñucā Éfesopu niigura c̄jare ca tii nemoparā bojoca tiicojo cojo, tiupi. Tia c̄urica wiipu niigu c̄ ca owariquera nii ate queti c̄a.

C̄re pade nemori maju Timoteo mena c̄jare c̄ ca añu doti cojo juorije jirore, ape p̄urorire c̄ ca ĩrore birora Colosa macārā Cristore ca t̄uo n̄n̄j̄eerā c̄ja ca bii niirije añurije c̄ ca queti t̄orique niipetirijere “Añu majuropecā,” Æm̄reco Pac̄re c̄ ca ĩi eja niiriquere wede (1.1-8).

Ñucā apeyera añurije queti méere ca buerā, “Aperā j̄guēa do biro ca tiiya manirā niima, c̄jare ca tii n̄c̄ b̄ope nii, ĩi, ñucā jeyua quejero yapare wide taariquere to birora ca tiicā niipe nii, ĩi, ñucā baarique maquēre ca dotiri wāmeri bue, doti c̄uriquere to birora ca tii n̄n̄j̄eecōa niipe nii,” ca ĩrā, c̄ja watoare bii ñaajua eaupa. Tee tiigu Pablo pea, Cristo pee, c̄ja, ca doti tutua niirā ametuenero do biro ca tiiya manigu c̄ ca niirijere, ñucā c̄ra c̄jare ca doti niigu c̄ ca niirijere, c̄jare wede majiomi.

Upu macā tabe jeyua quejero wide taarique peera, Cristore t̄uo n̄n̄j̄eerā ñañarijere ametuene ecorique pee ca nii majuropeerije ca niirijere wede majiomi (2.11).

Cristo niipetirijep̄re ca doti niigu c̄ ca niirije peera Éfeso macārāre c̄ ca owa cojoriquere biirijera niicā (1.9—2.19).

Jesucristore ca t̄uo n̄n̄j̄eerā wāma catirique Æm̄reco Pac̄ c̄ ca tiicojoricarā, to birora Cristo mena niicōa nii, añuro niirique c̄ti ĩño nii, wāma catirique c̄ja ca c̄orijere aperā mena c̄are añuro nii (2.13), ca biiparā niima, ĩi wedemi.

Cristore ca t̄uo n̄n̄j̄eerā wāma catirique c̄ja ca c̄orije maquē peera, Filipos macārāre c̄ ca ĩrica wāmere birora niicā (2.20—4.6)

C̄ ca wede majiorije j̄cā wāmeri Éfeso macārāre c̄ ca owa cojorique capítulo 5 ca ĩrijere biirijera niicā. Ca yapanori tabep̄ra c̄ mena macārā c̄re ca pade nemorāre c̄ ca añu doti cojorije mena owa yapano eami.

Colosas macārāre Pablo c̄ ca queti owa cojorica p̄uro

Añu dotirique

¹ Yu Pablo, Æm̄reco Pac̄ majuropeera juori, Cristo Jesús yee quetire c̄ ca wede doti cojoricu, yu yee wedegu Timoteo mena, ² m̄ja Colosa macāp̄re ca niirā, ca ñañarijere manirā, díamac̄ra Jesucristore ca t̄uo n̄n̄j̄eerāre j̄a añu doti cojo. Mani Pac̄ Æm̄reco Pac̄, c̄ ca añu majuropeerijere, to biri añuro niiriquere m̄jare c̄ tiicojojato.

Jesucristo yaarāre Pablo c̄ ca juu bue bojarique

³ M̄jare juu bue bojarā c̄oro, Æm̄reco Pac̄, mani Wiogu Jesucristo Pac̄re, “Añu majuropecā” c̄re j̄a ĩi n̄c̄ b̄orucu. ⁴ Mani Wiogu Cristo Jesús're díamac̄ m̄ja ca t̄uo n̄c̄ b̄orijere, Æm̄reco Pac̄ yaarā niipetirāre m̄ja ca mai niirijere, ⁵ Æm̄reco tutip̄ m̄ja ca niipere majima ĩrā, m̄ja ca tii niirije c̄are j̄a queti t̄uo. Ate to biro m̄ja ca t̄goeña yue niirijera añurije queti m̄jap̄re ca earique díamac̄ ca niirijere t̄oma ĩrā, ⁶ m̄ja majiupa. Ate añurije queti ðo pee jañuro, niipetiri yeparip̄re teere c̄ja ca majiro bii bau nii n̄n̄a waa, Æm̄reco Pac̄ manire c̄ ca mairijere j̄a ca wedero t̄orā, “Díamac̄ra nii,” m̄ja ca ĩi majiricarore birora. ⁷ Aterena m̄jare wede majioup̄i j̄a ca maigu Epafra, j̄a mena ca paderucugu, ñucā m̄ja yuu, Cristo c̄ ca ĩrore biro pade n̄n̄j̄eerāre maju. ⁸ C̄, j̄are queti jee dooupi m̄ja ca bii niirijere, ñucā Añuri Yeri m̄jare c̄ ca majiorije juori, añuro m̄ja ca ameri mai niirije quetire.

⁹ To biri teere j̄a ca t̄orica r̄m̄p̄ra m̄jare j̄a juu bue boja yerijāati, Æm̄reco Pac̄ c̄ ca boorore biro wado m̄ja ca tiipere, ñucā niipetirije majirique m̄ja ca cati t̄goeña niirijep̄re añurije wado m̄jare majio, c̄ ca tiipere biro ĩrā. ¹⁰ Atere

mujare jãa jãa bojarucu, Cristore ca tuo nunujeerãre birora to cãnacã tiira cã ca ãa biijejarore biro tii, niipetirije añurije tii, Æmureco Pacu yeere buaro jañuro maji nunua waa, ¹¹ ñucã niipetirije cã ca yeri tutuarije, cã ca añu majuropeerije mena, mũa ca tũgoeña bayiro mujare cã tiijato ãirã. To biro cã ca tiiro, ñañaro tamuo pacarã tũgoeña bayiri, ¹² ujea niirique mena, “Mũ añu majuropeecã” mũa ãirucu, mani Pacu cã jaarã ca ñañarije manirãre cã ca tiicojopere mũa cãare añuro ca boeropu mũa yee ca niirijere ca tiicojo ecomparã mũa ca niiro ca tiiricure. ¹³⁻¹⁴ Satanás ñañarije mani ca tiiro cã ca tii niimiriquere Æmureco Pacu manire ametueneri, cã Macũ cã ca mai majuropeegu manire ametuene, mani ca ñañarije wapare acobo boja, ca tiiricu cã ca doti niiro watoa pee manire ami waupi.

Cristo juori Æmureco Pacu mena añuro niirique

¹⁵ Cristora niimi, Æmureco Pacu mani ca ãatigure, cã ca bauri wãme ca nii ãnogu. Cãra niimi, niipetirije cã ca jeeñorique jugueropura ca nii juo dooricu.* ¹⁶ Cristo juorira umureco tutipu ca niirije, ati yepa ca niirije, ca baurije, ca bautirije, to biri ñucã emuaropure doti maji, tũgoeña tutua majiriquere cuo, ca biirã niipetirãre jeeñoupi Æmureco Pacu. Niipetirije cã juorira jeeño ecoupa. Ñucã cã yeera niiro biupa. ¹⁷ Cristoa, niipetirije jugueropura ca nii juo dooricu niimi. Cã juorira niipetirijepura to birora niicã nunua waa. ¹⁸ Apeyera ñucã, Cristora niimi cãre ca tuo nunujeerã† cã upure biro ca niirãre ca juo niigu. Cãra niimi, jicãtopura ca nii juo dooricu. Ñucã cãra niupipi ca cati tua juoricu. To biirije biupipi niipetirijepure ca doti niigu cã ca tuapere biro ãigu. ¹⁹ Cristorena cã ca nii tũgoeña tutua maji majuropeerije to ca niiro booupi Æmureco Pacu. ²⁰ To biri Cristo juorira, ati umureco niipetiropure, ñucã emuaropu ca niirã, ati yepa ca niirã niipetirãre, cãre ca camotatimiricarãre ñucã cã mena añuro nii ea, cãja ca biiro tiupipi Æmureco Pacu, Cristo díi bate yaigu jicãri mena mani ca nii majipere biro ãigu, manire cã ca bii yai bojarique juori.

²¹ Jugueropure mũa, cã mena ca niitirã, cãre ca ãa tutirã mũa niirucuupa, mũa yeripu ñañarije tũgoeñacãri ñañarije wado ca tiirã niima ãirã. ²² Mecãra yua cã pea, Cristo ati yeparure niigu ñañaro tamuo, cã ca bii yairique juori cã mena macãrã mũa ca niiro tiupipi, cã putopure añurã, ca ñañarije manirã, ñañarije ca tii wapa tuatirã, cãja niijato ãigu, cãja niijato ãigu. ²³ Atere to biro biirugarã, díamacũ tuo nucũ buoriquere to birora tũgoeña bayicãa niina. Añurije queti mũa ca tuoriquere mũa ca yue niirijere camotatiricaro maniro niina. Ate añurije quetia, ati yepa niipetiropu wederique nii, yu Pablo cãa yu ca wede nemorije.

Pablo cã ca paderique

²⁴ Mecãra mujare ãima ãigu, ñañaro tamuo pacagu yu ujea nii jañu. Yu upu majurope upu menara Cristo ñañaro cã ca tamuoriquere yu bii yapano nunua waa, cãre ca tuo nunujeerã cã upure biro ca niirã juori. ²⁵ Mee, Cristo jaarãre ca pade coteri maju yu nii ea, añuro mũa ca biipere biro ãigu, Æmureco Pacu añurije quetire niipetiropu yure cã ca wede yuju doti cojoricarore birora. ²⁶ Tãrumupu bojoca ca nii nunua dooquãricarã cãrora cãja ca majitiquãricure, mecãra cã jaarã ca ñañarije manirãre cãja ca majiro tiimi. ²⁷ Cãjare bejeupi Æmureco Pacu, judíos ca niitirãre, añurije ca majiña manirije ate maquẽ ca niirijere cãjare majiorugu. Cãa Cristo mujapure ca niigu, añurije mũa ca cuopere mũa ca yue niigu niimi.

²⁸ Jãa, Cristo yee quetirena jãa wede. Añuro cãja ca tii niipere wede majio, niipetirãpurenã niipetirije majirique mena bue majio, jãa tii, Cristo juori ca ñañarije manirã cãja niijato ãirã. ²⁹ Atere to biro ca biirã cãja niijato ãigura, tutuaro mena Cristo cã ca tutuarije yupure cã ca tiicojorije niipetiro mena yu pade.

2

¹ To biri mũa Laodicea macãrã, ñucã niipetirã yure ca ãa ñaatirã cãare ãima ãigu, buaropura popiye yu ca pade niirijere mũa ca majiro yu boo. ² Cãja yeripu tũgoeña

* 1:15 Jn 1.1-4. † 1:18 Iglesia.

tutuariquere b̄ua, j̄ic̄ũ peere birora ameri mai, niipetiro añuro t̄uo jeeño majirique Æm̄ureco Pac̄u j̄ic̄ũra c̄ũ ca maji niirique, Cristora c̄ũ ca niirijere m̄uja ca majiro ca tiirijere b̄ua ea, c̄ũja biijato īigu, tutuaro mena ȳu pade nii, ³ niipetiro majirique, t̄uo jeeño majirique, c̄ũp̄ure yaio c̄ũurique niic̄ã. ⁴ Atere m̄ujare ȳu wede majio, j̄ic̄ũ ñno peera añurijere ca īirãre birora díamac̄ũ ca niitirijerena m̄ujare c̄ũja ca īi dito epetipere biro īigu. ⁵ M̄uja watoare bau niiro niiti pacagu, ȳu ca tugoeñarijep̄u m̄uja mena ȳu nii. J̄ic̄ãri mena añuro m̄uja ca niirijere, Cristore díamac̄ũ m̄uja ca t̄uo n̄uc̄ũ buorijere camotatiricaró maniro m̄uja ca niirijere t̄uori, buaro ȳu ñjea nii.

Cristo j̄uori w̄ama catirique

⁶ To biri Cristo Jesús're, m̄uja Wiogure biro ca ñeericarã niiri, mec̄ura Cristo yaarãre birora añuro niirique c̄uti niĩña. ⁷ Ñuc̄ã c̄ũre camotatiricaró maniro, m̄uja ca bue majio ecoricarore birora, Cristore díamac̄ũ m̄uja ca t̄uo n̄uc̄ũ buorijere añuro tugoeñari, Æm̄ureco Pac̄ure to c̄ãnacã tiira “J̄ãa mena m̄ũ añu majuropeecã,” c̄ũre īi n̄uc̄ũ buoc̄õa niĩña.

⁸ Añuro tugoeña majiri niĩña, majirique watoa maquẽ, ca bii ditorije, Cristo yee méé bojoca c̄ũja ca bii j̄uo doorique, ati yepare ca doti tutua niirije maquẽ c̄ũja ca majirijerena, c̄ũja ca wedero j̄ãa t̄uo n̄un̄ujeere īirã.

⁹ Æm̄ureco Pac̄u c̄ũ ca bojoca c̄uti niirije niipetirijep̄ura, bau niirora Cristorena up̄ura niic̄ãmi.* ¹⁰ M̄ujara Cristo j̄uori, Æm̄ureco Pac̄u, c̄ũ ca tutua niirijere m̄uja ca majiro tiimi. Cristora niimi, ca yeri tutuarã, ca doti tutuarã, niipetirãre ca j̄uo niigu. ¹¹ M̄uja c̄ãa c̄ũ j̄uorira, jud̄fos c̄ũ yaa pooga macãrã c̄ũja ca niirijere īñorã, jeyua quejero yapare c̄ũja ca wide taa ecoricarore biro m̄uja tuaupa. Biirãp̄ua, bojoca c̄ũja ca wide taarucuricarore biro méé, Æm̄ureco Pac̄u majuropeera Jesucristo yaarã m̄uja ca niiro m̄ujare tii, ñuc̄ã c̄ũ majuropeera ñañarije m̄uja ca tiirucurique c̄ãare m̄ujare acobo boja, c̄ũ ca tiiricarã niima īirã, ca jeyua quejero yapa wide taa ecoricarãre biro m̄uja nii. ¹² Ñuc̄ã m̄uja ca uwo coe dotirije mena Jesucristo menara yaa c̄õa eco, ñuc̄ã c̄ũ ca cati tuaricarore birora c̄ũ menara cati tua, m̄uja biiupa, Æm̄ureco Pac̄u c̄ũ ca tutuarije c̄ũ ca cati tuaro c̄ũ ca tiiriquere díamac̄ũ m̄uja ca t̄uo n̄uc̄ũ buorije j̄uori.

¹³ Ména juguerop̄ure Æm̄ureco Pac̄ure majitima īirã, ñañaro m̄uja ca tii niirijere tii yerijãatima īirã, m̄uja ca ñañarije j̄uori, m̄uja ca cati niirijep̄ure ca bii yaicoaricarãre biro m̄uja ca niirijere, mec̄ura Cristo j̄uori w̄ama w̄ame catiriquere m̄ujare tiicojoup̄i. C̄ũra mani ca ñañarije wapare acobo boja peotiupi. ¹⁴ Æm̄ureco Pac̄ura, dotirique menap̄u ca doti niirije, ñañaro mani ca biro ca tiiboriquere, tee méére biro ca tuaro tiupi. Cristo c̄ũ ca bii yairje j̄uori mena, ñañaro mani ca biiboriquere manire c̄õa peoti bojaupi. ¹⁵ To biri Æm̄ureco Pac̄u, ca doti tutua niirãre, ca tutuarãre, Jesucristo c̄ũ ca bii yai ametuene n̄uc̄ãrije j̄uori, niipetirã c̄ũja ca īa cojorop̄u boboro c̄ũja ca tam̄oro c̄ũjare tiupi.

Æm̄ureco Pac̄u p̄uto maquẽ peere amaña

¹⁶ To biri j̄ic̄ũ ñno peera baa, jini, boje rum̄ari queno, muip̄ũ w̄ama c̄ũ ca bauari tabere n̄uc̄ũ buo, yerijãarica rum̄ure n̄uc̄ũ buo, m̄uja ca tiirije j̄uorira m̄ujare c̄ũja wede paiticãjato. ¹⁷ Ate niipetirije, jiro ca bii eapep̄ure biro bii. Díamac̄ũ ca nii majuropeerijea Cristora niimi. ¹⁸ To biri, watoa macãrãre biro bii dito, ñuc̄ã Æm̄ureco Pac̄u p̄uto macãrãrena† juu bue n̄uc̄ũ buo, ca biipere to biro biiruga ca īirugarãre biro bii, ñuc̄ã bojoca c̄ũja ca tugoeñari w̄ame ñno c̄ũja ca tugoeñarijerena, “O biro ca biirã j̄ãa nii,” ca īi jini tuu duwi yujurãrena t̄uo n̄un̄ujee tiiticãña. ¹⁹ C̄ũja, d̄up̄ugare biro ca niigu Cristore ca t̄uo n̄un̄ujec̄õa niirã méé niima. Cristore ca t̄uo n̄un̄ujeerã, c̄ũ, c̄ũ ca tiiro macã, up̄u ca biimore biro d̄up̄uga mena niiri, up̄u niipetirop̄ura tutua añuro buc̄ua n̄un̄ua waa, õa añuro juu ãp̄õt̄io, waa daari añuro nii tuu doo ñee, ca biimore biro Æm̄ureco Pac̄u c̄ũ ca boorore biro ca tugoeña bayirã nii n̄un̄ua waama.

* 2:9 Cristo j̄ic̄ũra niimi Æm̄ureco Pac̄u yee niipetirijere ca c̄uogu. Cristoa manire biro up̄u c̄utigu nii pacagu, Æm̄ureco Pac̄ura niigu biimi. † 2:18 Æm̄ureco Pac̄u p̄uto macãrã (ángeles).

20-21 Mee mɔja, Cristore tuo nɔnɔjee juorãpura, ména cüre majitirãpɔ mɔja ca tii juo dooriquere ca bii yai weoricarãpɔ niirã mɔja bii. To biri ati yepa ca doti tutua niirijere ca doti ecorã méé mɔja nii yua. To biro ca biirã nii pacarã, ¿ñee tiirã mena ati yepa macãrãre birora: “Teere padeñaticãña. Teera baaeto. Teera mɔ amo mena amieto,” cãja ca ïirije unorena mɔja tuo nɔnɔjee cõa niiti? 22 Ate niipetirije ca dotirije, tii niirique menara ca petipe, bojoca cãja ca tii juo dooriquerena tii doti, bue majio, cãja ca tiirije nii. 23 Biiropɔ tea, majiriquere birora bii dito, tii nɔcũ buoriquere tii nɔnɔjee doti, watoa macüre biro bii ditorique nii, upure ñañaro ca tamuro tii, tii doti. To biro ca biirije nii pacaro mani yeripɔ ñañarije tiiruga tugoeñariquere camotaati.

3

Ñañarije manirã cati niirique maquẽ

1 Mee, Cristo mena ca cati tuaricarã niiri, emɔaropure Cristo, Umureco Pacu díamacũ nũña pee cũ ca duwiri tabe maquẽ* añurije peere amaña. 2 Ati yepa maquẽre tugoeñatirãra, umureco tutipɔ ca niirije peere tugoeñaña. 3 Mee mɔja, ñañarijere ca bii yai weoricarãpɔ mɔja nii. To biri Cristo mena mɔja ca niicõa niipa tabe Umureco Pacu cã ca queno yuericaropɔ nii. 4 Cristora niigu biimi, mɔja ca cati niirije. To biri cã ca boe baterije mena cã ca bau eari tabere mɔja cãa cã mena mɔja boe bate bau earucu.

5 Ati yepa maquẽ: tiirica wãme cõro méépu ñee epericarã cuti yai waarique, ñañarije tiirique, booma ïirã ñañaro tii nucũ yujurique, ñañarije tiirugarique, apeye cuocã pacarã pai jañuro cuoruga nɔnɔa waarique, mɔjarɔre ca niirije tii nɔcũ buoriquere biro ca niirijere, to cõrora tii yaio bateya. 6 Ate juorira doo, Umureco Pacu cüre ca ametuene nucãrãre ñañaro cãja ca tamuro cã ca tiipe. 7 Jugueropure mɔja cãa teere to birora mɔja tii niirucuupa. 8 To biri mecũra ate cãare: ajiariquere, ñañaro tiiruga tugoeñarique, ñañaro tiirique, ñañaro cãja biijato ïirã watoara wedejãa buiyeerique, ñañarije tuorugaya manirije wederique, ca niirije niipetirijere to cõrora yerijãaña. 9-10 Mee, mecũra yua jugueropure mɔja ca bii niirucuriquere, mɔja ca tii niirije menarena to cõrora tii yerijãari wãma añurije peere ca jee uparicarã niiri, to cõrora ameri ïi dito yerijãaña. To biri wãma upɔ pee ca ami jãñaricarã niiri, mɔjare ca jeeñoricu Umureco Pacure mɔja ca maji nɔnɔa waaro cõrora cã ca biimore biro mɔja ca tugoeña niirijepɔ mɔja wajoa nɔnɔa waa. 11 Ati wãma upɔ mena peera yua, ñee peere ïiro cõro griego niirique, judíos niirique, jeyua quejero yapa wide taaricu niirique, ca wide taaya manigu niirique, ape yepa macũpɔ niirique, ca buerique manigu niirique, ñucã to birora pade coteri majɔ niirique, ca pade cotetigu niiriquere, “To biro ca biirã mɔja nii,” ïi ïa dica woorique mani. Jesucristo jicũra niimi niipetiri wãme manipure ca tiigu, ñucã niipetiripɔ mani mena ca niigu.

12 To biri Umureco Pacu cã ca bejericarã, ca ñañarije manirã, cã ca mairãre birora, ïa boo pacarique, bojoca añurique, ca nii majuropeegɔ méere biro niirique, bojoca añugɔ niirique, pato wãcãricaro maniro niirique peere jee upa, bii bojoca cuti niina. 13 Mɔja majurope ameri tutitirãra nɔcã ametuene cãña. Ñucã mɔja majurope mɔja ca ameri wede pai niirije cãare mɔja majuropeera ameri wede quenoña. Upɔ, mɔja ca ñañarijere cã ca acoboricarore birora mɔja cãa ñañarije mɔjare cãja ca tiirijere acoboya. 14 Añuro petira ameri mairique, jicãri cõro añuro mani ca niiro ca tiirije peere tii niina.

15 Cristo yee añuro niirique pee mɔja yerire to doti nijato, teere to biro cãja biijato ïigu juoupi Umureco Pacu, jicã upure birora tiiruga. To biri “Añu majuropeecã” ïina. 16 Cristo yee queti, tee maquẽ niipetirije añurije mena mɔjare to nijato. Mɔja ca majiro cõro wede majio, ñucã “Teere tiiticãña, ñañarije niiro bii,” ameri ïi wede, añuro yeri tugoeña ujea niirique mena Umureco Pacure baja peo nɔcũ buoriquere añurijere baja peo, tiiya. 17 Noo mɔja ca tiirije niipetirijepurena, mɔja ca ïirijere, mɔja ca tiirijere, Wiogu

* 3:1 Umureco Pacu Macũ do biro ca tiiya manigu cã ca duwiri nũña.

Jesús cã ca dotiro mena† tiiya, cã j̄uori mani Pacu Ɔmureco Pacure “Añu majuropecã” ïirique mena.

Jesucristore ca tuo nunujeerã cãja ca tii niipe

¹⁸ M̄ja nomia cãja numoa, m̄ja man̄ j̄m̄ua cãja ca ïirore biro tiiya. Atera nii, Cristore ca tuo nunujeerãre birora m̄ja ca tii niipe.

¹⁹ M̄ja cãja man̄ j̄m̄ua, m̄ja numoare maiña. Ñañaro cãjare ïi epe, tiiticãña.

²⁰ M̄ja, cãja puna cãa, m̄ja pacua cãja ca ïirore biro tiiya. Ate nii, mani Wiogu cã ca ïa biijerije.

²¹ M̄ja, cãja pacua, m̄ja punare cãja ca ajiaro tiiticãña, cãja ca tugoeñarique paitipere biro ïirã.

²² M̄ja, pade coteri maja cãa, m̄ja uparã ati yepa macãrã cãja ca dotirijere cãja ca ïirore biro tii nunujeeya. M̄ja uparã mena añuro tuarugarã, cãja ca ïa cojoro wado añuro pade dito tiiticãña. Añuro yeri tugoeña, Wiogure nuc̄ buorique mena padeya. ²³ M̄ja ca tiirije niipetirorena ati yepa macãrã yeere pade bojarãre biro méé, Wiogu yee peere pade bojarãre biro pee añuro yeri tugoeñarique mena padeya. ²⁴ Mee m̄ja, m̄ja yee ca niipere, Wiogu m̄jare cã ca tiicojopere m̄ja maji yerijãa. M̄ja Cristo, Wiogu peti ca niigure pade nunujeerã m̄ja tii. ²⁵ To biri ñañarije ca tiigua, ñañaro cã ca tiirique wapare ñañaro tii ecorucumi. Ɔmureco Pacua ïa dica wooricaró maniro ca ïa bejegũ niimi.

4

¹ M̄ja cãja uparã cãa, m̄jare ca pade coterãre añuro tii, díamacũ ca niirore biro tii, tii niña. Majiña m̄ja cãa, umureco tutipure j̄icũ m̄ja Ɔpu c̄o.

Niipetiro wede majiorique

² To birora juu buecõa niña: Ɔmureco Pacure “Añu majuropecã” ïirique mena, bojoca cati añurã niicãri, juu bueriquere to birora tiicõa niña. ³ Jãa cãare juu bue bojaya, Wiogu, añurije quetire wede, Cristo yee ca majiña manirije ca niimiriquere wede yuju, jãa ca tii majiro cã ca tiipere biro ïirã. Biigupua tee juorira tia cūurica wiip̄u yu nii. ⁴ Yure juu bue bojaya, ca niirore biro añuro yu ca wede majiopere biro ïirã. ⁵ Cristore ca tuo nunujeetirã mena cãare añuro tugoeña majiri bii niña. Cãja mena m̄ja ca niiri tabe unore añuro cãjare wede majioña. ⁶ M̄ja ca wede penirije cãa añurije, añuro tuo biijerique to niijato, ñucã cãja ca jãñarijere m̄ja ca yuu majipe cãare añuro ca majiparã m̄ja nii.

Añu doti yapanorique

⁷ Jãa yee wedegũ jãa ca maigũ Tíquico, yure añuro ca pade nemogu, Cristore pade nunujeeri majũ, yu ca biirijere m̄jare queti wederucumi. ⁸ Ate juorira, m̄ja p̄tore cūre yu tiicojo, jãa ca bii niirijere m̄jare cã ca wedero, m̄ja ca tuo ujea niipere biro ïigu. ⁹ Cãre bapa cati waarucumi Onésimo, j̄icũ m̄ja yee wedegũ, jãa ca maigũ, jãa yee wedegũ ca bojoca añugũ. Cãja m̄jare wederucuma, anopure ca bii niirije niipetirore.

¹⁰ Aristarco yu mena tia cūurica wiip̄u ca niigũ, m̄jare añu doti cojomi. Marcos, Bernabé yee wedegũ cãa, m̄jare añu doti cojomi. Mee Marcos cã ca biirije maquere wede majioricarãp̄u m̄ja nii. To biri m̄jare cã ca ïagũ waajata, añuro cãre m̄ja bocawa.

¹¹ Ñucã Jesús Justo, cãja ca ïigu cãa, m̄jare añu dotimi. Anija wadora niima, judíos yu mena Ɔmureco Pacu cã ca doti niiri tabe maquere pade nemori maja. Cãja juori, yu tugoeña tutua. ¹² Epafra, Cristore pade coteri majũ, m̄ja yee wedegũ cãa, m̄jare añu doti cojomi. To cãnacã tiira juu buerique mena wado Ɔmureco Pacure m̄jare jãï bojarucumi, Cristore m̄ja ca tuo nunujeerijere camotatiricaró maniro, Ɔmureco Pacu cã ca boorore biro wado m̄ja ca tii niipere biro ïigu. ¹³ Yu, yu nii, m̄ja, Laodicea macãrãre, to biri Herápolis macãrãre ïima ïigu, Epafra buaro Ɔmureco Pacure m̄jare cã ca jãï bojarucurijere ca majigu. ¹⁴ Lucas, uco tiiri majũ jãa ca maigũ, to biri Demas, m̄jare añu doti cojoma. ¹⁵ Añu dotiya mani jaarã Laodicea macãrã, Cristore ca tuo nunujeerãre. To biri Ninfas cãa cõ añujato; ñucã cõ yaa wiip̄u ca nea poorucurã cãare añu dotiya.

† 3:17 “Jesucristo wãme mena”.

¹⁶ Ano m̄jare ȳ ca owa cojori p̄urore bue yapanori jiro, Laodicea macãrã Jesucristo ca tuo nun̄jeerã cãare m̄ja tiicojowa, c̄ja cãa c̄ja ca buepere biro ñirã. M̄ja pee cãa, ñucã Laodicea macãrãre ȳ ca owa cojorica p̄urore c̄ja ca ami earo, m̄ja buewa.

¹⁷ Arquípore o biro c̄re ñña: “Wioḡm̄ mare c̄ ca doti c̄uriquere añuro pade yapano peoticãña,” c̄re ñña.

¹⁸ Ȳ Pablo majuropeera, ano m̄jare ȳ ca añu doti cojo yapanorijere ȳ owa. T̄goeñaña tia c̄urica wiip̄m̄ ȳ ca niirijere. Æm̄reco Pac̄m̄ c̄ ca añu majuropeerije m̄ja mena to niijato.

To biro to biijato.

Pablo

1 TESALONICENSES

Pablo pea, cū mena macū cūre pade nemori maju Timoteo, romanos cūja ca doti niiri yeparure ca niiri yepa Macedonia yepare ca nii majuropeeri macā Tesalónica macārāre, Jesucristore cūja ca tuo nūñjeero cū ca tiiricarā yee maquēre cūre cū ca wedegu earo Corintopū niupi.

Jesucristo, cū yee quetire cū ca wede doti cojoricū cū ca wederijere tuorā, judíos ca niitirā, judíos cūja ca tii juo doorique peere ca tii nūñjeerucumiricarā Jesucristo yee queti peere cūja ca tuo nūñjee nūña waaro macā, do biro tii majiña maniro cūre to ca bii camota nūña waaro, tii macā ca niiricū waacoaupi Pablo. To biro bii pacagu, to cānacā tiira buaro ujea niirique mena Cristo yee quetire ca tuo nūñjeerāre tūgoeñarucuupi. Cūja yee maquēre buaro majiruga niirucuupi. Cūja yeere cū ca queti tuorije pea añurije niupa.

Teere ca bootirā do biro tiiya maniro ñañaro cūjare cūja ca ñi cotecā pacaro, Cristore ca tuo nūñjeerā pea, tii yepa macārā Cristo yee quetire ca tuo nūñjeerā niipetirāpūre, añuri wāme ca nii ñño niirā niupa. Tee tiigu Pablo buaro ujea niirique mena Umureco Pacure “Mu añu majuropecā” cūre ñi cūja peera ñucā to birora cūja ca tuo nūcū buocōa niirijere ujea niirique mena, “Añu majuropecā,” cūjare ñi, queti owa cojoui (1.1–3.13).

Cristore tuo nūñjeerā añuri wāme cūja ca bii ñño juoriquere, buaro jañuri cūja ca tūgoeña bayi nūña waapere cūjare wede majio yapanogura (4.13–5.11), cūja ca majirugarique buaro jañuri wede majiorique cūja ca boorije, ca bii yairicarā cūja ca cati tuarijere, to biri Wiogu nemo cū ca doope maquēre, wede majiomi.

To biro ñicā, jicā wāmeri cūjare wede majiorique mena, ñucā “Teere tiiya,” ñirique mena, queti owa yapano cojomi (5.12-28).

Tesalónica macārāre Pablo cū ca queti owa cojo juorica pūuro

Añu dotirique

¹ Yu Pablo, Silvano, Timoteo jāa mena, mūja Umureco Pacure ca tuo nūñjeerā, mani Pacu Umureco Pacu mena, to biri cū Macū Jesucristo mena, ca niirā Tesalónica macā macārāre jāa añu doti cojo. Umureco Pacu, cū yee añurije, añuro niirique, mūjare cū tiicojojato.

“Añu majuropecā,” Umureco Pacure Pablo cū ca ñirique

² Jāa ca juu buerucuro cōrora mūjare tūgoeñari, mūja niipetirā yee juori to cānacā tiira, “Añu majuropecā,” jāa ñirucucā Umureco Pacure. ³ To cānacā tiira mani Pacu Umureco Pacu cū ca ña cojorore, díamacū tuo nūcū buoma ñirā mūja ca pade niiriquere, to biri ñucā Cristore yuema ñirā ñañaro tamuo pacarā, to birora mūja ca tūgoeña bayicōa niirijere jāa tūgoeña.

⁴ Jāa jaarā Umureco Pacu cū ca mairā, cū majurope cū ca beje amiricarā mūja ca niirijere jāa maji. ⁵ Umureco Pacu yee añurije quetire mūjare wede yujurā, wederique wadora mūjare jāa ñi yujutiwū. Umureco Pacu cū ca yeri tutuarije mena ca ña ñaña manirije tii bau niirique mena, ñucā Añuri Yeri mūja ca tūgoeña wajoaro cū ca tiirijere mena, mūjare jāa wede yujuwū. Ñucā mūjara añuro mūja ca niipere boojārā, mūja pūtopū niirā jāa ca biirique cāare añuro mūja maji.

⁶ Mūja pea, jāa ca biiricarore birora, ñucā mani Wiogu cū ca biiricarore birora, Añuri Yeri cū ca tii nemorije juori, ñañaro mūja ca tamuorije watoara, añurije quetire ujea niirique mena mūja tuo nūñjeewū. ⁷ To biro biima ñirā, Macedonia, to biri Acaya yepari macārā mani Wiogu Jesucristo yee quetire ca tuo nūñjeerāre, “Mani cāa cūjare biro ca biiparā mani nii,” cūja ca ñi ñaro mūja bii ññoupa. ⁸ Mūja juorira, mani Wiogu yee añurije queti Macedonia, to biri Acaya yepari wado méere bii jeja nūcāwa. Niipetiri yeparipū jeja nūcācoa, ñucā to birora Umureco Pacure díamacū mūja ca tuo nūcū buorije cāare, maji peticoama. To biri, mūja ca bii niirijere cūja ca ña maji peticoaro macā, ñee peere jāa wede

majiti yua. ⁹ Mee, cūja majuropeera mūja puto jāa ca earo, añuro mena, “Ano niiña” jāare mūja ca ĩriquirere, ñucā añurije quetire mūjare jāa ca wedero jiro, weericarārena mūja ca nucū buo niimiriquere yerijāari, Ɛmureco Pacu ca catigu, díamacū ca nii majuropeegu peere mūja ca tii nucū buorique cāare wederucuma. ¹⁰ Ñucā to birora jāare ĩrucuma, cū macū Jesucristo ca bii yaicoaricupurena, Ɛmureco Pacu cū ca yeri tutuarije mena cū ca cati tuaro cūre cū ca tiiro jiro, Ɛmureco tutipu ca tua mūa waaricu, ñucā nemo cū ca duwi doopere mūja ca yue niirucurije cāare. Jesucristora niimi, ñañaro mani ca biiboriquere manire ca ametuene bojaricu.

2

Tesalónicapu Pablo cū ca pade niirique

¹ Yu yaará, mūjara mūja maji, mūjare ĩarā earā, watoa petira jāa ca biitiriquere. ² Ñucā juguero Filipos'pu ñañaro ĩi tuti eco, ñañaro tii eco, bii pacarā, ñañaro jāare ca biiro watoara, Ɛmureco Pacu jāare cū ca tii nemoro mena tugoeña tutua, ñañaro tamuo pacarā añurije quetire mūjare jāa ca wederique cāare mūja maji. ³ Mūjare jāa ca bue majiorije, no ca boorora ĩi maa wijiarique nii, ñañaro mūjare tiirugarique mena, ñucā ĩicū uno peerena ĩi dito eperugarique mena, mūjare jāa ĩitiwu. ⁴ To biro ĩitirāra, Ɛmureco Pacu, “Añu majuropeecāma,” ĩi ĩa beje yapanori jiro, añurije quetire cū ca wede dotiricarāre birora jāa wedewu. Jāa, bojocara “Añu majuropeecā to biro mūja ca tiirije,” jāare cūja ca ĩipe unore jāa amaati. Ɛmureco Pacu mani ca tugoeña niirijepure ca ĩa majigu pee, “Añu majuropeecā,” cū ca ĩipe peere jāa ama. ⁵ Ñucā wapa tiirica tiiri wapa taarugama ĩirāra, t̄oricaro añurije mūjare ĩi mecūo, no ca boori wāme ĩi dito nucū yuju, jāa ca tiitirique cāare mūja maji. Ɛmureco Pacu niimi atere ca majigu. ⁶ Ñucā ĩicāti unora, ĩicārā unorena, mūjarena, ñucā aperā unorena, “O biro ca biirā mūja nii,” jāare ĩi nucū buorique unore jāa amaatiwu. ⁷ Jesucristo yaará, cū yee quetire ca wede yujurāre birora, ca doti majirā jāa ca niirijere, “Jāa ca ĩirote biro tii n̄n̄jeeya,” mūjare ca ĩicāboricarā niicā pacarā, mūja watoapure wimarāre biro jāa bii yujuwu. ĩicō nomio cō punare ũpūo majo, ĩa n̄n̄jee, cō ca tii niimore birora, ⁸ buaro peti mūjare maima ĩirā, Ɛmureco Pacu yee queti wadorena mūjare wedetirāra, jāa ca cati niirijepu cāare mūjare jāa tiicojocārugamiwu. ĩAno cōro buaropu jāa ca mairā mūja nii eacāwu! ⁹ Jāa yaará, Ɛmureco Pacu yee añurije quetire mūjare wede niirā, ĩicū mūja mena macū uno peerena mūja ca c̄orijere, “Jāa cāare tiicojoya,” ĩi pato wācōricaro maniro, jāa ca boorijere wapa taarugarā jāa majurope, maniro ca bii waaricarā Ɛmurecori, ñamiri jāa ca pade bua ñaarucuriquere mūja majicu.

¹⁰ Ɛmureco Pacu to biri mūja, mūja nii, mūja Jesucristore ca t̄uo n̄n̄jeerā menare, ñañarije maniro, añuri wāme mena, “To biirije biima,” ĩi ecoricaro maniro, jāa ca biirique c̄uti niirijere ca majirā. ¹¹ Ñucā mūja ca niiro cōrorena, ĩicū cūja pacu cū punaare cū ca tiimore biro mūjare jāa tii niiwu. ¹² Mūjare wede bojoca catio, mūja ca tugoeña bayiro tii, Ɛmureco Pacu cū ca doti niiri tabepu, to biri cū yee añurijepu ca niiparā, mūjare ca juogū yaará ca niirāre birora añuro niirique c̄uti niiña, mūjare jāa ca ĩi wederique cāare mūja majicu.

¹³ To biri jāa pea, to birora, “Añu majuropeecā,” Ɛmureco Pacure jāa ĩicōa nii, Ɛmureco Pacu yee quetire mūjare jāa ca wedero, “Bojoca cūja ca ĩirijerena mani t̄uo n̄n̄jeeticu,” ĩitirāra, teere mūja ca t̄uo n̄n̄jeerique ca niiro macā. Tea, díamacūra Ɛmureco Pacu cū ca wede majiorije peti niiro bii. Teera, mūja Jesucristore ca t̄uo n̄n̄jeerāre, añuro mūja ca niirique c̄uti niiro tii. ¹⁴ Mūja yu yaará, mūja yaará ñañaro mūjare cūja ca tiiruga n̄n̄jeero ñañaro tam̄orā, Judea macārā Ɛmureco Pacure ca t̄uo n̄n̄jeerā Cristo Jesús yaará ca niirā cūja ca biiricarore birora mūja tam̄oupa. Cūja cāa cūja yaará judíos'rena ñañaro tiiruga n̄n̄jee ecoupa. ¹⁵ Anija judíos'ra, Wiogu Jesús're ĩiawa, jugueropu Ɛmureco Pacu yee quetire wede jugueri maja niiquiricarāre cūja ca ĩaricarore birora. Jāa peera jāare cōa wienewa. Ɛmureco Pacure ca bootirā niima. Bojoca niipetirārena ajia tuticāma. ¹⁶ Judíos ca niitirāre, ñañaro cūja ca biiboriquere cūja cāa cūja ametuajato ĩirā, añurije quetire cūjare jāa ca wedero cāare bootima. O biro tii niirā, ōo pee jañuri

ñañarijere tii nɛnɛa waacãma. To c̃ja ca biicã pacaro, teere peotirugaro, Ɛmureco Pacu c̃ ca ajiarije pea, c̃jare bii ñaapea ea yerijãajapa.*

Tesalónicapu nemo Pablo c̃ ca waaruga tugoeñarique

¹⁷ Yɛ jaarã, j̃cã cuu mujare camotati waarã, mujare ïati pacarã, to birora jãa yeripura mujare tugoeñari, buaro mujare jãa ïarã waarugarucumiwɛ. ¹⁸ Jãa waarugamiwɛ. Yɛ Pablo majuropeera, paɛ tiiri yɛ waarugamiwɛ. Satanás pee, “To biro ca biipe niicu” ïi majiña maniro, jãare boca tii camota niwi. ¹⁹ To docare: ¿Noa pee c̃ja niiti, mani Wiogu Jesucristo nemo ati yeparɛ c̃ ca dooro, “Anija niima, mɛ yee quetire jãa ca wedero jãare ca tuo nɛnɛjeericarã,” c̃re jãa ca ïi ɛjea nii bocaparã? ¿Mujã méé mujã niiti? ²⁰ Mujãara mujã nii, wederique paio, ɛjea nii, jãa ca biiro ca tii niirã.

3

¹ To biri mujare ïarugarã nɛcãtima ïirã, “Atenas macãrã mani ca tuaro añurucu,” jãa ïi tugoeñawɛ. ² To biro ïiri, Timoteo, jãa yee wedegɛ, Ɛmureco Pacure pade nemori majɛ añurije queti Cristo yeere wederi majure jãa tiicojo cojowɛ, díamac̃ mujã ca tuo nɛc̃ buorijere “Díamac̃ra nii,” mujare ïi, mujã ca tugoeña tutuaro tii, ³ ñucã j̃c̃ ɛno peerena ate do biro tii majiña maniro ñañaro biiriquera tii maa wijio, ca biitipere biro ïirã c̃re jãa tiicojo cojowɛ. Mee mujã majuropeera o biro ñañaro ca tamɔoparãra mani ca niirijere mujã maji. ⁴ Ñucã apeyera mujã mena niirã, “Ñañaro mani biirucu” mujare jãa ïi wede majiowɛ. To birora biijapa. Mee mujã maji. ⁵ To biri nɛcãti wãma ïigɛ, díamac̃ mujã ca tuo nɛc̃ buorijere “Do biro c̃ja biibuti,” ïima ïigɛ, Timoteore yɛ jãiña doti cojowɛ, Satanás ñañarije peere c̃ja ca tiiro c̃ ca tiijata, “Jãa paderique watoa maquẽ peti tuabocu” ïi tugoeña uwima ïigɛ.

Timoteo añurije c̃ ca wederique

⁶ Mec̃ra Timoteo, Tesalónicapu ca niiricu, díamac̃ mujã ca tuo nɛc̃ buorijere, mujã ca ameri mairijere, añurije queti cuti tua eami. Ñucã añuro ɛjea niirique mena mujare tugoeña, ñucã mujare jãa ca ïarugarore birora, c̃ja pee cãa manire ïarugama jãare ïi wedemi. ⁷ Jãa jaarã, niipetirije ñañaro tugoeñarique pai, ñañaro tamɔ, jãa ca bii niirije watoare, to birora díamac̃ mujã ca tuo nɛc̃ buocõa niirije juori, jãa ca tugoeña tutuaro jãare mujã tiiwɛ. ⁸ Wiogure to birora mujã ca tugoeña tutuacõa niirijere queti tuori, añuro cati añurã jãa nii mec̃ra. ⁹ ¿Do biro pee tiicãri, mujã yee juori, Ɛmureco Pacu c̃ ca ïa cojorore, buaro ca ɛjea niirã jãa ca niiro mujã ca tiirije juori, jãa Ɛmureco Pacure, “Añu majuropeecã,” jãa ïi boja majibogajati? ¹⁰ Jãa majuropeera mujare ïarã waari, díamac̃ mujã ca tuo nɛc̃ buorije ca ñujarijere, díamac̃ mujã ca tuo nɛc̃ buo peotiro jãa ca tiirã waarõ jãare c̃ tiijato ïirã, ɛmurecori, ñamiri, Ɛmureco Pacure jãa jãi juu bue niirucu.

¹¹ Mani Pacu, Ɛmureco Pacu majuropeera, to biri mani Wiogu Jesucristo, mujare jãa ca ïarã waaro, jãare c̃ja tii nemojato. ¹² Wiogu, mujare jãa ca mairõre birora, mujã ca niiro cõrora buaro jañuri ameri mai, ñucã niipetirãre mai, mujã ca tii nɛnɛa waaro c̃ tiijato. ¹³ Añuro ca yeri tugoeña bayi niirã mujã ca niiro c̃ tiijato, mani Wiogu Jesucristo niipetirã c̃ jaarã ca ñañarije manirã mena c̃ ca doori rumure, mani Pacu Ɛmureco Pacu c̃ ca ïa cojorore, ca ñañarije manirã mujã ca niipere biro ïigɛ. To biro to biijato.

4

Ɛmureco Pacu c̃ ca ïa biijejarije tii niirique

¹ Yɛ jaarã, mec̃ra Wiogu Jesucristo c̃ ca dotiro mena “O biro biiya,” mujare jãa ïi wede majio: “Ɛmureco Pacu c̃ ca ïa biijejarije mujã ca biirique cuti niirijere buaro

* ^{2:16} Pablo, *Tesalónica macãre* c̃ ca earicaro jiro, j̃cãrã judíos añurije quetire ca junarã, Pablo c̃ ca tii yujuriquere, c̃ ca biirique cuti niirijere, ca manirijerena ñañarije c̃re ïi wede pai juo waaupa. To biri c̃ pea to biro c̃ja ca ïirijere, “To biro ïicãrã ïima, yɛ, to biri yure pade nemori maja, mujã watoare buaro mujare mairique mena jãa pade yujuwɛ” ïigɛ, c̃ ca ïirique niipapa.

jañuri tii jeeño nunna waarāja, jāa ca biirijere muja ca ĩa cōoricarore birora mujare jāa ĩi.” Biirāpua mee to birora muja tii nii.

² Mee muja maji, Wiogu Jesús cū ca dotiro mena mujare jāa ca wede majoriquere. ³ Ɖmureco Pacu cū ca boorijea, ca ñañarije manirā, nūmo mani, manū mani bii pacarā, tii epericarā cutiti, ñucā ⁴ muja ca niiro cōrora añuri wāme nūcū buorique mena nūmo cuti, muja ca tiiro boomi, ⁵ Ɖmureco Pacure ca majitirā cūja ca tiimore biro ñañaro muja ca tiirugarije peere tiitirāra. ⁶ Ate mena jīcū uno peera cū yee wedegu ñañaro cū ca biiro tii, cūre ĩi dito epe, cū tiiticājato. Ɖmureco Pacua, mujare jāa ca wede majoricarore birora ate niipetirije ca tiirāre, buaropura ñañaro cūja ca tamuro ca tiigu niimi. ⁷ Ɖmureco Pacua, “Ñañarije ca tiirā cūja nijato” ĩigu méé, “Ca ñañarije manirā cūja nijato” ĩigu, manire juupi. ⁸ To biri ate jāa ca wede majorijere ca junagua, bojocurena tuo junagu méé tiimi. Ɖmureco Pacu, cū Añuri Yeri mujare ca tiicojoricure junagu tiimi.

⁹ Mani yaarāre ameri mairique peera, ñee peere ĩirā cōro mujare jāa ca owa cojorije muja booticu, mee Ɖmureco Pacu majuropeepura muja ca niiro cōro ameri maiña, cū ca ĩiriquere muja majiupa. ¹⁰ Mee, to birora muja ameri mai nii, Jesucristore ca tuo nunujeerā Macedonia yepa niipetiro ca nii cojorāre. Jāa yaarā, to biro muja ca bii pacaro, “Ameri mairiquere buaro jañuro tii nunna waarāja,” mujare jāa ĩi.

¹¹ Niipetirā mena añuro nii jañuña petopura, muja ca tiipe ca niirijerena tii, ñucā mujare jāa ca tii dotiricarore biro muja majuropeera pade, tii niñña, ¹² muja ca bii niirije mena Jesucristore ca tuo nunujeetirāre ĩa nūcū buo eco, ñucā jīcārā uno peerena cūja ca tii nemorā nii, muja ca biitipere biro ĩirā.

*Jesucristo cū ca doope**

¹³ Yū yaarā, ca bii yairicarā cūja ca biipere majitirāra muja ca niiro jāa booti, aperā “To biro mani biirucu” ca ĩi tūgoeña yuetirā cūja ca tūgoeñarique paire biro muja ca biitipere biro ĩirā. ¹⁴ Mania, “ ‘Jesucristo ca bii yaicoaricu nii pacagu, cati tuaupi,’ ca ĩi tuo nunujeerā, to biiri wāmera ñucā, Jesucristore tuo nunujeeri ca bii yairicarā cāre cū menara cūja ca cati tuaro tiirucumi Ɖmureco Pacu,” mani ĩi tuo nunujee.

¹⁵ To biri Wiogu cū ca ĩiricarore birora, mani Wiogu Jesucristo nemo ati yeparu cū ca tua doori rumpure ca cati niirā, ca bii yairicarāre mani bii jugetirucu. ¹⁶ Wiogu majuropeera, dotirique mena, Ɖmureco Pacu puto macū cū ca wederije mena, Ɖmureco Pacu yaa wuu putirica wuu† putiricarō ca bujarije mena, umureco tutipu ca niiricu duwi doorucumi. To biro cū ca bii doori tabera, Cristore tuo nunujeeri ca bii yairicarā cati tua juorucuma. ¹⁷ Jiro, mani ca catirā ca tuaricarā, bueri bururipu cūja menara mani ami mña waa ecorucu, mani Wiogure bueri bururipu cūre bocarā waarā. O biro biicāri, Wiogu mena to birora mani niicōa niirucu. ¹⁸ To biri ate mena muja ca niiro cōrora, “To biro mani biirucu” ameri ĩi, tūgoeña bayi, tii niñña.

5

¹ Yū yaarā, “Mani Wiogu, tii rumpu, tii cuu ca niiro doorucumi,” ĩiriquerura owa cojorique muja booti. ² Mee, añuro muja maji, mani Wiogu cū ca doori rumpu, “Cū doocumi,” ca ĩi majiña maniri tabe unore, “Jīcū jee dutiri maju ñamipu cū ca earore birora bii earucumi,” ĩiriquere. ³ “Mee, niipetiropara añucā, ñañaro ca biirucurique cāa mani,” cūja ca ĩi niiri tabere, jīcō nomio cō ca macū cutiri tabe ca earo puniro cō ca tūgoeñarore birora, ñañaro cūja ca bii yaipe cūjare bii earucu. Do biro pee bii, duti majitirucuma.

* 4:12 Jīcārā Jesucristore ca tuo nunujeerā, cūja yaarā ca bii yaiquīricarāpura tūgoeñari, Jesucristo ati yeparure nemo cū ca doori tabere nii nemotirucuma ĩima ĩirā, cūja ca tūgoeñarique paio, “Tūgoeñarique paiticāña,” cūjare ĩi wedegu cū ca ĩirique nii. Cap 5 wede majio Wiogu cū ca doopa rumpure ca maniña manirije ca niirije (Mt 24.36; Hch 1.6-7). To biirije ĩicā pacaro, “Tee peere to birora cūre yuecōa niñña” manire ĩi wede majio biiorpua (v 6). † 4:16 Ɖmureco Pacu yee trompeta.

⁴ Yɛ yaarã, mɔja, ca naitĩarije watoapɛ mɔja niiti, Wiogɛ cɔ ca tua doori rumɛ, jee dutiri majure biro jãare bii ɛcuene eare ĩirã. ⁵ Mɔja niipetirãpɛra ca boeri tabe, ñucã ɛmureco macãrã mɔja nii. Ñami macãrã, ca naitĩari tabe macãrã mani niiti mania. ⁶ To biri aperãre biro ca cãnitiparã mani nii. Cãnitirãra, añuro ca cati añurã ca nii yueparã mani nii.* ⁷ Ca cãnirã ñamire cãnima. Ca cɔmurã, ñamire cɔmuma. ⁸ Mani pea ɛmureco macãrã niiri, to cãnacã rumɛra añuro ca cati añurã ca niiparã mani nii. Ɛmureco Pacɛre díamacɔ mani ca tuo nɛcɔ bɔorije menara, mani ca ameri mairije menara, come jutiro mena mani upɛre jãña bojoca tooye cutirãre biro bii, Ɛmureco Pacɛ manire cɔ ca ametɛnenepere mani ca yue niirijera come coro peja, bii bojoca tooye cuti, ca bii yue niiparã mani nii. ⁹ Ñañaro cɔja biijato ĩgɛ méé, manire jɔupi Ɛmureco Pacɛ. Mani Wiogɛ Jesucristo jɔori, ñañaro mani ca biiborique cɔja ametɔajato ĩima ĩgɛ, manire jɔupi. ¹⁰ Manire ĩima ĩgɛra, bii yaiupi Jesucristo, catirã cãa, ñucã bii yairã cãa, cɔ menara mani ca niipere ĩgɛ. ¹¹ To biri, mee mɔja ca tii niirucurore birora, ameri wede majio ɛjea nii tɔgoeña bayi, tiicɔa niĩña.

Pablo cɔ ca wede majio cojorique

¹² Yɛ yaarã, mɔja watoa ca pade niirãre, mani Wiogɛ cɔ ca boorore biro mɔjare ca wede majio jɔguerucurãre, nɛcɔ bɔorique mena cɔjare ĩaña. ¹³ Cɔja ca pade niirije jɔori, bɔaropɛra cɔjare nɛcɔ bɔo, bɔaro cɔjare mai, cɔjare tiiya. Mɔja ca niiro cɔrora añuro niirique mena ameri yaarã cuti niĩña.

¹⁴ To biri ñucã yɛ yaarã, atere mɔjare jãa tii doti cojo: “Mɔja mena macãrã jĩcãrã ca biijaya manirije ca tiirãre tuti bojoca catio, ca tɔgoeñarique pairãre cɔja ca tɔgoeña tutuaro tii, ca tɔgoeña tutuatirãre cɔja ca tɔgoeña tutuaro cɔjare tii, niipetirã menare pato wãcãricaro maniro añuro nii, biiya” mɔjare jãa ĩi.

¹⁵ Jĩcɔ uno peera ñañaro ca tiigɛre, ñañaro cɔ ca tii ametipere biro ĩirã, tuo majiri niĩña. To biro tiitirãra, añurije maquẽ pee wadore tii niĩña. Mɔja wado méé, niipetirã mena to biro tii niĩña.

¹⁶ To birora ɛjea niicɔa niĩña. ¹⁷ Juu bue yerijãaticãña. ¹⁸ Niipetirije mɔjare ca biirijere, “Añu majuropeecã” ĩĩña Ɛmureco Pacɛre. To biro mɔja ca ĩirijere boomi Ɛmureco Pacɛ, mɔja, Cristo Jesús're ca tuo nɛnɛjeerãre.

¹⁹ Añuri Yeri mɔjare cɔ ca majio niirijere camotaaticãña. ²⁰ Ɛmureco Pacɛ cɔ ca majoro mena ca biipere ca wede jɔguerã cɔja ca wederijere tuo junaticãña. ²¹ Niipetirijepɛrena ĩa beje cɔoña peti, añurijere tii nɛnɛjeeya. ²² Niipetirije ñañarije tiiriquere tii nemoticãña.

²³ Ɛmureco Pacɛ majuropeera, añuro niirique Ɛmureco Pacɛ, niipetirijepɛrena ca ñañarije manirã mɔja ca niiro mɔjare tii, mɔja upɛ niipetirore, mɔja ca catiro jãñarijere, mɔja yerire, mɔja upɛre, ca pojarije manirã mɔjare cɔ cɔo niijato, mani Wiogɛ Jesucristo cɔ ca tua doori rumɛre. ²⁴ Mɔjare ca jɔogɛa, cɔ ca ĩirore biro ca tiigɛ niimi, ate niipetirore cɔ ca ĩiricarore biro tiirucumi.

Waarique wuirique

²⁵ Yɛ yaarã, jãa cãare Ɛmureco Pacɛre jãare jãi juu bue bojaya.

²⁶ Mani yaarã, Cristore ca tuo nɛnɛjeerã niipetirãre, bɔaro mairique mena† cɔjare añu dotiya.

²⁷ Ñucã Wiogɛ cɔ ca dotiro mena, mani yaarã niipetirãre ati pũuro yɛ ca owa cojorijere mɔjare yɛ bue ĩño doti.

²⁸ Mani Wiogɛ Jesucristo mɔja niipetirãre cɔ yee añurijere mɔjare cɔ tiicojojato.

To biro to biijato.

Pablo

* 5:6 Mt 24.42-43; 25.13; Mc 13.34-37. † 5:26 “Beso santo”. Ro 16.16.

2 TESALONICENSES

Tesalónica macārã Cristore ca tuo nunujeerãre Pablo cū ca queti owa cojo jūori pūuro pea bojorica wāmera cūja ca tugoeñaro tiicāupa: “Mee Cristo cū ca doopa tabe eacoaro biicu,” ñi pato wācã niuupa. Cūjare cū ca wede majio cojorijepure ñajata cāare, jīcārã cūja paderiquere pade yerijācārī, Wiogure yue niirã uno aperã cūja ca paderijepure baa nunujeepura (3.6-12). To biri Pablo, teere tuo maa wijia, pato wācã, cūja ca bii niiriquere añuro cūjare wede majio quenorugũ cūjare owa cojo nemoupi ati pūurora.

Tesalónica macārã Cristore ca tuo nunujeerã, díamacũ tuo nucũ buo, ameri mai, cūja ca tii niirijere buaro jañuri cūja ca tii nunua waaro macã buaro ũjea nii, Ũmureco Pacure “Añu majuropecã” cūre ñi yapano (1.1-12), Ũmureco Pacũ, bojoca cūja ca tii niirique ca niimore biro cūjare cū ca tiipe díamacũra ca niirijere, ñucã Jesucristo nemo cū ca doope díamacũra ca biipere, cūjare wede nunua waami. Ména tee ca biiparo jūguero, “Bojocũ ñañagũ,” Pablo cū ca ñigu cū ca doti niirije mena ati yepare bojoca ñañarije cūja ca tii niirije pee ca nii ametuene nucãcoapere wede majiomi. Ñucã, “Jesucristo nemo cū ca doopa rumũ ea yerijãa,” ca ñirãre, jīcũ uno peerena ñi dito ecoeto, cūjare ñi wede majio cojomi (2.2).

Owa yapano waagũ, Jesucristore ca tuo nunujeerãre birora añuro niirique cūti niirique maquẽre cūjare cū ca wede majiorije watoare (cap. 3), “Yũre, ñucã yũ mena macārã cāare, juu bue bojaya” cūjare ñi yapanori, cū majuropeera cūjare cū ca tii ññoricarore biro, mani ca boorijere jeerugarã añuri wāme pade wapa taa niirique maquẽre buaro cūjare wede majiomi. Teere ñigu, cū, cū ca ñirique nii, ati pūurore owagu: “Ca paderugatigũa, baarique cāare cū baaticājato,” (3.10) cū ca ñirique.

Puati Tesalónica macārãre Pablo cū ca queti owa cojorica pūuro

Añu dotirique

¹ Pablo, Silvano, Timoteo, mũa, Ũmureco Pacũ yee queti ca tuo nunujeerã, mani Pacũ Ũmureco Pacũ mena, ñucã Wiogũ Jesucristo mena ca niirã Tesalónica macã macārãre jãa añu doti cojo. ² Mani Pacũ Ũmureco Pacũ, to biri Wiogũ Jesucristo, cūja yee añurije, añuro niirique, paio mũjare cūja tiicojojato.

“Añu majuropecã” ñirique, to biri jãi juu bue bojarique

³ Yũ jaarã, mũa yee jūori to cānacã tiira Ũmureco Pacure, “Añu majuropecã,” jãa ca ñirije nii. To biro jãa ca ñiro añujañu, díamacũ mũa ca tuo nucũ buo niirijere buaro jañuri tugoeña bayi nunua waa, ñucã mũa ca niiro cōrora aperãre buaro jañuro mai nunua waa, mũa ca bii nunua waaro macã. ⁴ To biri, niipetirije ñañaro mũjare cūja ca tiiruga nunujeerije, ñañaro mũa ca tamũorije watoara to birora tugoeña tutuacōa nii, to birora díamacũ tuo nucũ buo tutuacōa nii, mũa ca biirijere, Ũmureco Pacũ jaarã nea poo juu bueri majare buaro ũjea niirique mena, “O biro ca biirã niima,” cūjare jãa ñi wede.

⁵ Ate niipetirije, Ũmureco Pacũ, díamacũra ca niimore biro cū ca ña bejerijere mani ca ña majiro manire tii. To biri mecũ ñañaro mũa ca tamũo niirije jūori, cū ca doti niiri tabepure ca niiparã peti cū ca cūrã mũa nii. ⁶ Ũmureco Pacũ añugũ ca niigũ, ñañaro mũjare ca tiirãre ñañaro tamũorique menara cūjare tii amerucumi. ⁷ Mũa ñañaro ca tamũorã peera, jãare birora añuro mũa ca yerijãa niiro mũjare tiirucumi. Ate to biro biirucu, Wiogũ Jesucristo, ũmureco tutipũ pecame ca ũurije watoarũ, cūre ca pade coterã* ca tutuarã mena bau ea, ⁸ Ũmureco Pacure ca majitirãre, mani Wiogũ Jesucristo yee añurije quetire ca tuo nunujeetirãre, ñañaro cūja ca biiro cū ca tiigũ doori rumũre. ⁹ Cūja, to birora ñañaro cūja ca tamũo yaicãpere ñañaro cūjare cū ca tiirijere ñañaro tamũo, Wiogũ cū ca bojoca cūti niiri tabe, cū ca boe baterije, cū ca doti tutuarije ca niiri tabe ño peerũ cōa eco, ¹⁰ cū jaarã ca ñañarije manirãre ñi nucũ buo eco, cūre ca tuo

* 1:7 Ángeles.

nɔnɔjeericarã niipetirãre ãa ɔjea nii eco, cũ ca biigu doori rumure to biro tamɔrucuma. Mɔja cãa, cɔja watoapɔra mɔja nii, aɔuriye queti jãa ca wederiquere díamacũ ca tuo nɔnɔjeericarã niiri. ¹¹ Atere ãima ãirã, to birora mɔjare jãa jãi bojacõa niirucu, mani Ɛmureco Pacu, cũ ca jɔoricarãre birora mɔjare ãa, ñucã cũ ca tutuarije mena cũ ca tii nemorije jɔori, niipetirije aɔuriye mɔja ca tiiruga tɔgoeɔarore biro to ca biiro cũ tiijato, díamacũ tuo nɔcũ bɔorique mena mɔja ca pade niirijere ãirã. ¹² O biro ca biiro, mani Wiogu Jesucristo mɔja jɔoripu ãi nɔcũ bɔo eco, ñucã mɔja pee cãa, mani Ɛmureco Pacu, to biri Wiogu Jesucristo yee aɔuriye ca niimore biro cãre ãi nɔcũ bɔo eco, mɔja biirucu.

2

Wiogu cũ ca doopere wede majorique

¹ Ʋɔ jaarã ca nii cojorã, mani Wiogu Jesucristo cũ ca doope, to biri cũ mena mani ca neape maquẽre o biro mɔjare jãa ãi: ² Mɔja ca tɔgoeɔa niirijere yoari meéra tɔgoeɔa wajoa, ñucã jicũ ɔno peerena, “Aɔuri Yeri yure wede majiojãwi” ãi, ñucã jãarena “ ‘Cɔja jãare wede majiojãwa,’ ‘Jãare owa cojojapa,’ ‘Mee Wiogu cũ ca doori rumu ea yerijãa,’ ãijãwa,” cɔja ca ãirijerena tuo ɔcua bojaticãña. ³ Jicã wãme ɔno mena peera cɔjare ãi dito ecoticãña. Ména tii rumu ca eaparo jɔguero, Ɛmureco Pacure ametuene nɔcãrique bii ea jɔo, ñaɔariye ca jɔo tii niigu, ñaɔaro ca tii yaio ecoru baa ea, bii jɔorucumi. ⁴ Cãa waparã yuu, Ɛmureco Pacure ãi nɔcũ bɔorique niipetiro menare, ãi nɔcũ bɔorique ɔno ca niirije menare, ca junagu peti niigu biimi. Ñucã Ɛmureco Pacu yaa wiipu cãare ami ɔpacoa, Ɛmureco Pacure biropu biiruga, ca biigu niimi.

⁵ ¿Mɔja mena niigu, mee aterena mɔjare yu ca wederucurijere mɔja majititi? ⁶ Mee mɔja aɔuro mɔja maji, cũ ca baa eapa cuu ca eatirora cũ ca baa eatipere biro ãiro, jicã wãme cãre ca bii camota niirijere. ⁷ To ca bii pacaro, ñaɔaro tiirique ca majiña manirije ca niirije pea biicã jɔowa mee. Mecãra, cãre ca bii camota niigure ami woorique wado dɔja. ⁸ To cõro docare ñaɔagu baa earucumi, Wiogu Jesús cũ ca yeri tiicojorije menara cãre tii yaio cõa, cũ ca doori rumure cũ ca boe baterije menara ca tutuatiguru cãre tii cõacã, cũ ca tiipu. ⁹ Cũ, ca ñaɔa majuropeegu pea Satanás cũ ca tii nemoro mena, niipetirije ca ãa ñaɔa manirije tii bau niirique, ca bii ãiorije, tii bau nii ãio dito, tii earucumi. ¹⁰ Díamacũ ca niirijere tuo nɔnɔjee, tee ca ãirore biro tii nɔnɔjeeri, cɔja ca ametuene eco booriquere junama ãirã, ñaɔaro tamɔo yairica taberu ca waarãre, ñaɔariye tiirique ca niirije cõro cũ ca tiirije mena cɔjare ãi dito niirucumi. ¹¹ To biri Ɛmureco Pacu, ca bii dito tutua niirijere tiicojomi, ca bii ditorije peere cɔja tuo nɔnɔjeejato ãigu. ¹² O biro biima ãirã, díamacũ ca niirije peere tuo nɔnɔjeeri méé, ñaɔariye peere ca tii ɔjea niiricarã niipetirã, ñaɔaro tii yaio ecorucuma.

Ca ametuaparãre cũ ca beje jeericarã

¹³ Jãa pea, mɔja, jãa jaarã, Jesucristo jɔori jãa ca mairã mɔja ca niirije jɔori, to cãnacã tiira Ɛmureco Pacure, “Aɔu majuropeecã,” ca ãicõa niiparã jãa ca niirije nii. Mee mɔjara, jicãtopɔra beje jeeupi Ɛmureco Pacu, Aɔuri Yeri ca ñaɔariye manirã mɔja ca niiro tii, díamacũ ca niirije quetipure díamacũ tuo nɔcũ bɔo tutuacõa nii, mɔja ca tiirije jɔori ca ametuaparã mɔja ca niipere biro ãigu. ¹⁴ Aterena mɔja ca biipere ãigu, aɔuriye queti mɔjare jãa ca wederije menapu mɔjare jɔoupi Ɛmureco Pacu, mani Wiogu Jesucristo yee ca aɔu majuropeerijere ca cɔo eaparã cɔja niijato ãigu. ¹⁵ To biri yu jaarã, mɔjare jãa ca bue majorique, jãa majuropeera mɔjare wede, owa cojorique mena mɔjare wede, jãa ca ãiriquere acobotirãra, teere to birora aɔuro tuo nɔnɔjeecõa niíña. ¹⁶ Mani Wiogu Jesucristo majuropeera, Ɛmureco Pacu mani Pacu manire ca mairicu, cũ ca aɔu majuropeerije jɔori ca yai nɔcãtirije tɔgoeɔa tutuarique, aɔuriye yue niirique manire ca tiicojoricura, ¹⁷ mɔja ca tɔgoeɔa bayiro tii, mɔja yeripu mɔja ca tutuaro tii, cũ tiijato, noo mɔja ca wederije, noo mɔja ca tiirije, niipetirijepura aɔuriye wado ca niipere biro ãigu.

3

“Jāare juu bue bojaya,” Pablo cū ca ĩirique

¹ Apeyera yu yaarā, jāare juu bue bojaya, Wiogu yee queti niipetiri taberipure yoari méera bii jeja núcā waa, ca biiro mұja ca biiricarore biro añuro núcū buorique mena teere tuo nunujee, cūja ca biipere biro ĩirā. ² Núcā ca bojoca ñañarā, bojoca tiirica wāme uno méé ca tiirāre ñañaro jāa ca tii ecotipere biro ĩirā, jāare juu bue bojaya; niipetirāpura díamacū tuo núcū buorique cūotima. ³ Biigurua Wiogua cū ca ĩirore biro ca tiigu niimi. Cū, to birora ca tūgoeña bayicōa niirā mұja ca niiro tii, Satanás ñañaro tiiremi ĩigu mұjare camota boja, tiirucumi. ⁴ Wiogure ca núcū buorā niiri, mұjare jāa ca bue majioriquere mұja ca tii niirijere, “Cūja ca tii niirore birora tiicā nunua waarucuma,” jāa ĩi. ⁵ Wiogu, Umureco Pacu cū ca mairore biro ca mairā mұja ca niiro tii, núcā Cristo ñañaro tamuo pacagu tūgoeña bayi, cū ca biiricarore birora ca tūgoeña bayirā mұja ca niiro cū tiijato.

“Padeya,” cū ca ĩi wede majiorique

⁶ Yu yaarā, mani Wiogu Jesucristo cū ca dotiro mena, no ca boogu, mұjare jāa ca bue majiorique mұja ca tuorique ca ĩirore biro tii nunujeetigura, no ca booro ca bii núcū yujugu unore, “Camotaticāña,” mұjare jāa ĩi. ⁷ Mee mұja majuropeera jāa ca tii niirucuricarore birora mұja ca tii niipere mұja maji. Jāa, mұja watoare no ca booro ca bii núcū yujurāre biro jāa biitiwū. ⁸ Jīcāti uno peera baariquere* jīcū yee peerena wapa tiitirāra baa, jāa tiitiwū. To biro tiitirāra, jīcū uno peerena jāa bii pato wācōre ĩirā, ñamiri, umurecori yerijāari méé jāa paderucuwū. ⁹ Jāa biirāpua, “Jāare tii nemoña,” mұjare ca ĩiparāra jāa niimiwū. To biro bii pacarā, “Jāare ĩa cōori jāa ca tiirore biro cūja tii nunujeejato” ĩirā, jāa majuropeera jāa padewū. ¹⁰ Núcā mұja mena niirāpura, “Ca paderugatigua, baarique cāare cū baaticājato,” mұjare jāa ĩi wedewū. ¹¹ Mұja watoare “Paderi méé, noo ca booro bii núcū yuju, cūja ca tiitipe uno peere bii ñaajua núcū yuju, biima,” ĩiriquere jāa tuo. ¹² To biro ca biirāre, Wiogu Jesucristo cū ca dotiro mena, cūja ca baa catipe buarugarā, “Añuro pade, cūja tiicā niijato,” jāa ĩi wede majio.

¹³ Mұja, yu yaarā, jutitirāra añuro mұja ca tii niirijere to birora tiicōa niīña. ¹⁴ Jīcū uno o biro mұjare jāa ca ĩi wede majio owa cojorijere cū ca tuo nunujeetijata, pau bojoca cūja ca tuo cojoropu, “To biro ca biigu niimi ania,” ĩi wede bate, cūre bapa cutiticāña, cū ca bobo tūgoeñapere biro ĩirā. ¹⁵ Biirāpua, mұja pejure biro cūre ĩaticāña. Mұja yee wedegure biro pee, añuro mena cūre wede majioña.

Añu dotirique

¹⁶ Añuro niirique Wiogu majuropeera, cū yee añuro niiriquere to birora mұjare cū tiicojocōa niijato. Wiogu, mұja niipetirā mena cū niijato. ¹⁷ Yu, Pablo, ate yu ca añu doti cojorijere yu majuropeera yu owa. Yu ca queti owa cojori pūurori niipetirijepurena o biro wado yu owa “Cūra owajapi,” mұja ca ĩi majipere biro ĩigu. ¹⁸ Mani Wiogu Jesucristo cū ca añu majuropeerije mұja niipetirā mena to niijato.

To biro to biijato.

Pablo

* 3:8 Pan're.

1 TIMOTEO

Timoteore pua pūuro cū ca owa cojorique, to biri Titore cū ca owa cojorica pūuro, “Jesucristore ca t̄uo n̄un̄jeerāre ca j̄uo niirāre queti owa cojorica pūurori,” cūja ca ĩiri pūurori nii. Timoteo, Jesucristore ca t̄uo n̄un̄jeeḡu wām̄u, judío bojoco mac̄u, griegore ca pac̄u c̄ut̄iḡu, Listrap̄u Pablo cū ca buaric̄u (Hch 6.1-3), buaro cū ca maiḡu, buaro cūre ca t̄ii nemoḡu, ca nii earic̄u niupi. Ati pūuro, ñuc̄a jiro Timoteorena cū ca owarica pūuro, Cristore ca t̄uo n̄un̄jeerāre ca j̄uo niiḡu wām̄ure cū ca owa cojorica pūurori nii.

Cū ca owa j̄uori tabere peeto cū ca añu doti cojorije jirore (1.1-2), Jesucristore ca t̄uo n̄un̄jeerā watoap̄ure judíos cūja ca t̄ugoeñari wāme, to biri Æm̄ureco Pac̄ure ca t̄uo n̄un̄jeetirā cūja ca t̄ugoeñari wāme mena ĩi ayiari, díamac̄u ca niitirijerena cūjare cūja ca buerijere cūja t̄uo majijato ĩiḡu, cūjare cū ca wede majiorijere (1.3-11), to biri Æm̄ureco Pac̄u cūre cū ca ĩa mairiquere “Añu majuropeec̄a,” Pablo cū ca ĩiriquere wede n̄un̄ua waa (1.12-20).

Tee jirore bojoca añuri wāme cūja ca bii niipere, niipetirāp̄ure juu bue bojariquere, ñm̄ua, nomia, cūja ca biirique c̄uti niipere, to biri añuro petira bojocare ca j̄uo niirā añuro cūja ca biirique c̄uti niipa wāme wede majiomi (2.1—3.16). Tee jirore cūja ca ĩi ditorijere t̄uo maji bojoca catiri niiriquere, cūja ca t̄ii niipere, wede majio n̄un̄ua waami (4.1—6.19). Jesuristore ca t̄uo n̄un̄jeeḡu wām̄u añuro cūre ca pade n̄un̄jeeḡu niiri, cū ca t̄ii niipa wām̄ere Timoteore Pablo cū ca wede majio cojoriquere wede (4.6).

Añu doti cojorique mena owa yapano eami (6.20-21).

Timoteore Pablo cū ca queti owa cojo j̄uorica pūuro

Añu dotirique

¹ Ȳu Pablo, Cristo Jesús yee queti wederi maj̄u, Æm̄ureco Pac̄u manire Ca Ametueneḡu, to biri mani Wioḡu Cristo Jesús mani ca yue niirucuḡu, cūja ca dotiro mena, ² Timoteo, Cristo Jesús yee quetire ȳu ca wede majio majoric̄u, ȳu mac̄u majuropeere biro ca niiḡure,* m̄ure ȳu añu doti cojo. Æm̄ureco Pac̄u mani Pac̄u, ñuc̄a mani Wioḡu Cristo Jesús, cūja yee añurijere, cūja ca ĩa mairijere, añuro niiriquere, m̄ure cūja tiicojojato.

ĩi dito buerique ca añutirije maquēre wede majiorique

³ Macedonia pee waaḡu, “Éfesora tuaya,” m̄ure ȳu ĩiw̄u. Too mac̄arā j̄ic̄arā, díamac̄u ca niitirijerena ca ĩi dito bueri majare, “To cōrora ĩi yerijāañu,” cūjare ĩi, ⁴ ca biiquiriquere cūja ca queti wederucurijere, ca petitirije cūja ñic̄ua yee maquēp̄urena cūja ca ĩic̄oa niirijep̄u cāare t̄uo n̄un̄jee n̄un̄ua waaticāñu, teep̄u wadore mani ca ameri queti wede niijata, díamac̄u t̄uo n̄uc̄u buoriquere j̄uori wadora Æm̄ureco Pac̄u yeere mani ca t̄ii n̄un̄jee n̄un̄ua waaro tiitirora, mani majuropeera teerena ĩi uwa jeoc̄ari ameri tuti niirique niiro bii tea, m̄u ca ĩi niipere biro ĩiḡu. ⁵ Añuro yeri c̄uti, añuro t̄uo n̄uc̄u buoriquere bii ditoricar̄o maniro díamac̄u t̄uo n̄uc̄u buo biic̄ari, mani ca ameri mai niipere ĩima ĩiḡu, atere ȳu doti. ⁶ Mee, j̄ic̄arā ano ȳu ca ĩirijere tiitirāra, apeye peere t̄ii n̄un̄jee waa, ca ĩiña manirijerena ameri ĩi tuti, bii maa wijiac̄a yai waama. ⁷ To biro ca biirā nii pacarā, Æm̄ureco Pac̄u cū ca doti cūuriquere ca j̄uo buerā niirugama biirāp̄ua. Añuro petira, cūja ca wederijerena, “Tee maquēre mani ĩi,” ĩi majitic̄a, díamac̄u t̄ugoeña ñee dopoc̄ari cūja ca buerijerena t̄uo jeñotic̄a, biic̄ama.

⁸ Doti cūuriquea, tee ca ĩirugari wām̄era bue majiojata, añurijera ca niirijere mani maji. ⁹ Doti cūuriquea j̄ic̄a wāme ñno peera, añurije ca tiirāre ĩirā méé tiicojorique ca niirijere ca majipe nii. Doti cūuriquea, ca t̄uo n̄un̄jeetirāre, ca ametuene n̄uc̄arāre, ca bojoca ñañarāre, ñañarije wado ca tiirāre, Æm̄ureco Pac̄ure ca n̄uc̄u buotirāre, n̄uc̄u buoriquere ca n̄uc̄u buotirāre, cūja pac̄ure, cūja pacore ca j̄iarāre, bojocare ca j̄iarā niipetirāre, ¹⁰ ñuc̄a niipetirā menap̄ura ca ñee epe pairāre, ñm̄ua wadora, ñuc̄a nomia wadora cūja

* 1:2 Hch 16.1; 2Ti 1.2.

majuropeera ca ameri tiirãre, bojocare aperãpũre ca noni wapa taarãre, ca ïi dito pairãre, watoara “Yee méé jáa ïi” ca ïi dito pairãre, o biro pee ïijata, añuriye bue majorique ca ïitirije peere ca tiirãre ïigu, cã ca cũurique nii, doti cũuriquea. ¹¹ Æmũreco Pacũ añuro ca biigu, yũre cã ca wede doti cojorique añuriye queti ca añu majuropeerijea, ate maquẽrena bue majio.

Pablõre Æmũreco Pacũ cã ca ïa mairique

¹² “Añu majuropeecã” yũ ïi, yũ ca tũgoeña tutuaro ca tiigu mani Wiogu Cristo Jesús, “ïiricarore biro ca tiigũra niimi” yũre ïiri, cã yee maquẽre ca tiipũ yũre ca cũuricũre. ¹³ Ména jũgueropũra, ñañari wãmeri cãre ïi tuti, ñañaro tiirũga nũnũjee, acaro bui tuti, ca tiigu yũ ca nii pacaro, Æmũreco Pacũ pea yũre ïa maiupi, yũ ca tiirijere “To biro tiigu yũ tiicu” ïi majiti, tũo nũnũjeeti biima ïigu yũ ca tiirije ca niiro macã. ¹⁴ Mani Wiogu pea, añuro cã ca tii bojariquere paio yũre tiicojo, Cristo jũori díamacũ tũo nũcũ bũo, mai, mani ca tiirijere yũre tiicojowi.

¹⁵ Atea díamacũ ca niirije nii. To biri niipetirã díamacũ ca tũo nũnũjeepe nii: Cristo Jesús dooupi ati yeparũre, ñañariye ca tiirãre ametũenegũ doogu. Cãja mena macũ bũaropũra ñañaro peti ca tii niirucumiricũre Cristo cã ca ametũene jũoricũ petia, yũra yũ nii. ¹⁶ To biri Æmũreco Pacũ yũre ïa maiwi, yũ, niipetirã ametũenero ñañariye ca tiigu petire, Cristo Jesús cã ca bojoca añuriye ca peti nũcãtirijere cã ïñojato ïigu. O biro biima ïigu cãre ca tũo nũnũjeerã caticõa niiriquere ca bũaparãre, “Pablõre cã ca tiiricarore birora tiirucumi mani cãare,” cãja ca ïi ïapũ yũ nii eawũ. ¹⁷ ¶To biri, Æpũ† to birora ca niicõa niigu, ca bii yaitigu, ca bautigu, jĩcũra Æmũreco Pacũ ca niigũre, nũcũ bũorique, baja peorique, to birora to niicõa niijato! To biro to biijato.

¹⁸⁻¹⁹ Macũ Timoteo, atere mũre yũ tii doti, díamacũ tũo nũcũ bũorique, añuri wãme tũgoeñarique mena añuriye maquẽre mũ ca tii bayi niipere biro ïigu, mũ ca biipere cãja ca ïi jũguericarore birora. Jĩcãrã cãja ca tũgoeña niirijere tũo nũnũjeetima ïirã, díamacũ cãja ca tũo nũcũ bũomirijere añuro waa boja ecoticãupa. ²⁰ Himeneore,‡ Alejandore, ate to biro biiwũ, “Æmũreco Pacũre ñañariye ca ïi tutiticãpe nii,” cãja ïi bojoca catijato ïigu, Satanás're yũ ca tiicojoricarãre.§

2

Juu buerique maquẽre wede majorique

¹ Atere yũ tii doti jũo, to birora Æmũreco Pacũre jãi juu buecõa nii, mũja yee maquẽre jãi juu bue,* aperãre tii nemorique jãi boja, niipetirã bojoca yee jũori Æmũreco Pacũre “Añu majuropeecã,” ïi tiya. ² Wiorãre, ca doti niirã niipetirãre, ca juu bue bojape nii, ca bii pato wãcõrije maniro añuro nii, Æmũreco Pacũ cã ca boorore biro bii nii, añuro nũcũ bũorique mena nii, mani ca bii ãjea nii niipere biro ïirã. ³ Atea, añuriye, Æmũreco Pacũ manire Ca Ametũenegũre cã ca ãjea niiro ca tiirije nii. ⁴ Cãa, niipetirã ametũa, díamacũ ca niirijere maji, cãja ca biiro boomi. ⁵ Jĩcũra Æmũreco Pacũ nii, ñucã bojocũ, Æmũreco Pacũ mena añuro mani ca nii eapere biro ïigu ca tii bojaricũ cãa jĩcũra niimi, Jesucristo, ⁶ niipetirãpũre cã majuropeera ca bii yai ametũene bojaricũ wado. Atera, “To biro biirucu” cã ca ïirica cuu ca earo wede majiõupi Æmũreco Pacũ. ⁷ Atere cã wedejato ïigu, cã yee quetire wede yujuri majũ yũre tiiwi. Yee méé yũ ïi; ïi ditogu méé yũ ïi. Æmũreco Pacũ, judíos ca niitirãre ca bue majiõpũ yũre tiiwi, díamacũ tũo nũcũ bũorique díamacũ ca niirijere cã wede majiojato ïigu.

⁸ To biri ãmũare, niipetiri taberipũ añuro yeri tũgoeñarique mena, ajiarique manirã, ameri tutiricaro maniro, cãja amorire ãmũreco pee juu mũeneri, cãja ca juu buero yũ boo. ⁹ Nomia cãa, cãja yaarõrõre ïñõrũga tũgoeñaricaro maniro añuri wãmera juti jãña, ñucã do biro ca tiya manirãre biõpũ nii tũgoeñatirãra añuri wame juti jãña, cãja ca tiiro yũ boo, wãa peorã cãa, noo ca booro tii yeericaro maniro wãa peo, juti ca wapa pacariye

† 1:17 Rey. ‡ 1:20 2Ti 2.17. § 1:20 1Co 5.5. * 2:1 Ef 6.18.

jãñacãri, oro mena,[†] to biri perlas[‡] cãja ca ïirije mena, cãja ca wãma yee nucũ yujurije docare yu booti.[§] ¹⁰ Æmureco Pacure ca nucũ buorã romiri cãja ca tiipe ca niimore birora, añurije tii niirique mena pee cãja wãmajato. ¹¹ Nomioa, wedetigora nucũ buorique mena cãja ca wederijere ca tuopo niimo. ¹² Nomio cõ ca bue majioro, umure cõ ca ïi ametua nucãro yu booti. Wedetigora cõ ca niiro yu boo. ¹³ To birira Æmureco Pacu Adán're tii jœoupi. Jiro Evare tiiupi. ¹⁴ Adán méé Satanás're ïi dito ecoupi. Nomio pee ïi dito ecoupo. ïi dito ecori, ñañarijere tiiupo. ¹⁵ Biigopua nomioa, puna cutima ïigo, ametuarucumo, ca bojoca añugo cõ ca niirije cutirije mena to birora díamacũ ca tuo nucũ buogo, ca maigo, ñañarije manigo, cõ ca niicõa niijata.

3

Ca jœo niirã yee maquẽ

¹ Atea díamacũ ca niirije nii: Jĩcũ ca jœo niigu cũ ca niirugajata, añurije maquẽre tiirugu biimi. ² To biri ca jœo niigua, ñañarije ca tiitigu, jĩcõ manura, ca nucũ buja añugu, añuro niirique cuti ca bii niigu, cãja ca nucũ buogu, bojoca ca earãre cũ yaa wii ca cãni dotigu, ca bue majio majigu uno, ³ ca cũmutigu, ñañaro ca ïitigu, ca bojoca añugu, añuro ca niigu, wapa tiirica tiirire ca ugari peatigu, ca niipu niimi. ⁴ Cũ yaa wii macãrãre añuro ca jœo nii majigu, cũ puna cãare añuro ca tuo nunjeerã, añuro ca niirique cutirã cãja ca niiro ca tiigu, ca niipu niimi. ⁵ Cũ yaa wii macãrãrena ca ïa nunjee majitigu nii pacagu, ¿do biro pee tiicãri, Æmureco Pacu yaarã peera cũ ïa nunjee majibogajati? ⁶ Ca jœo niigua, Jesucristore ca tuo nunjee jœo waagura ca niitipu niimi. “O biro ca biigu yu nii” ïicãri, Satanás ñañaro cũ ca tii ecoricarore birora ñañaro cũ ca tii ecotipere biro ïigu. ⁷ Ñucã Jesucristore ca tuo nunjeetirã cãa cãja ca nucũ buogu ca niipu niimi, nucũ buo ecoti biicãri, Satanás cũ ca tii buiyeerije unore cũ ca tiitipere biro ïigu.

Ca jœo niigure ca tii nemorã yee maquẽ

⁸ Ca jœo niigure ca tii nemorã* cãa, nucũ buoricarã, cãja ca ïirore biro ca tiirã, ca cũmutirã, ñañari wãme tii wapa taariquere ca bootirã, ⁹ díamacũ tuo nucũ buorique ca majiña manirije ca niiriquere mani ca tuo nunjeerijere añuro tugoeñarique mena ca tii nunjeerã, ca niiparã niima. ¹⁰ Biirãpua cãja ca pade jœoparo juguero, ïa ñaaricarã niirucuma. Jiro, “Ñañarije ca tiirã niima” cãjare cãja ca ïi wede paitijata, pade nemori majara niirucuma yua.

¹¹ Ñucã cãja numoa cãa, nucũ buoricarã, ca nucũ bujarã, ca queti paitirã, niipetiropera cãja ca ïirore biro ca tiirã, cãja niijato.

¹² Ca jœo niigure ca tii nemori majua, jĩcõ manura, cũ punaare, cũ yaa wii macãrãre, añuro ca jœo nii majigu cũ niijato. ¹³ Ca jœo niirãre ca tii nemorã, añuro ca paderã, nucũ buoricarã peti nii ea biicãri, Cristo Jesús're díamacũ cãja ca tuo nucũ buorijere uwiricaro maniro wede majirucuma.

Mani ca nucũ buorije díamacũ ca niirije ca bii bau niirique

¹⁴ Yoari mééra mure yu ca ïagu waape to ca nii pacaro, mu ca tiipere ate mure yu owa cojo, ¹⁵ yoaro yu ca biijata, Æmureco Pacu yaarã Æmureco Pacu ca catigure ca tuo nunjeerã, díamacũ maquẽre ca ïa nunjee niirã menare, “O biri wãme ca niirique cuti niipe nii” mu ca ïi majipere biro ïigu. ¹⁶ “Mani ca nucũ buorije díamacũ ca niirije ca bii bau niirique ca nii majuropeerijere,” yee ïirique nii,” ïirique méé nii:

Æmureco Pacua, manire biro upu cutigu baua eaupi. Cũ Ca Yeri jãñarijere añugu tii ecoupi.

Æmureco Pacu puto macãrã cãre ïaupa. Bojoca poogaari niipetirãre wedericu nii, niipetiri taberi macãrãpu díamacũ cãja ca tuo nunjeegu nii, umureco tutipu ami mua waa eco, biiupi.

[†] 2:9 Oro. [‡] 2:9 Ætã ca botirije; Mt 7.6; 13.45-46; Ap 17.4; 18.12, 16; 21.21. [§] 2:9 Pr 31. * 3:8 Diáconos.

4

Timoteore cū ca wede majiorique

¹ Añuri Yeri pea, t̄uo majiricarora, “Ca t̄ujari ȳuteari* ca nii waarucuro, j̄icārā díamacū t̄uo n̄ucū b̄uoriquere juna, biirucuma, ca ñi dito yujurāre, to biri wātīa yee cūja ca bue majiorije peere t̄uo n̄n̄jeema ñirā,” ñimi. ² Ca ñi dito pairā watoara ca bii ditocārā, ñañarije cūja ca tiirije cūja ca t̄ugoeñarijep̄ure comeḡa mena joe tuuricarore biro ca c̄uorā peere t̄uo n̄n̄jeerucuma. ³ Anija, n̄mo c̄utiriquere camota, baarique Ḥm̄ureco Pac̄u cū ca tiiriquere Jesucristore ca t̄uo n̄n̄jeerā, díamacū maquēre ca majirā, “Añu majuropecā” ñiri, cūja baajato ñiḡa cū ca tiirique baariquere, j̄icā wāmeri baa dotiti, biima. ⁴ Niipetirije Ḥm̄ureco Pac̄u cū ca tiirique añurije wado nii. To biri “Ate baarique añu majuropecā,” Ḥm̄ureco Pac̄ure ñi n̄ucū b̄uoriquere, “Ñañarije nii atea,” ñirique méeé nii. ⁵ Ḥm̄ureco Pac̄u wederique, juu buerique, añurije ca tuaro tii.

Jesucristo ȳuu añuro ca padegu

⁶ Atere Jesucristore ca t̄uo n̄n̄jeerāre m̄a ca bue majiojata, Cristo Jesús ȳuu añuro ca padegu, díamacū t̄uo n̄ucū b̄uorique maquē díamacū ca niirije, to biri añurije bue majiorique m̄a ca t̄uo n̄n̄jee n̄n̄ua doorique mena, ca tutua añuḡa m̄a niirucu. ⁷ Ati yepa maquē, ca biiquirique ca t̄uo majiña manirijerena t̄uo n̄n̄jeeticāña; Ḥm̄ureco Pac̄u cū ca boorore biro tiirique peere tii n̄n̄jeeya. ⁸ Up̄u tutuaruḡarā tiiriquea j̄icā wāme tii nemo, Ḥm̄ureco Pac̄u cū ca boorore biro tiirique pea niipetirijep̄ure tii nemocā, ano mani ca catiri r̄um̄ure, j̄irop̄u mani ca catipere, “O biro m̄uja biirucu” ca ñirije ca c̄uorije niiri. ⁹ Atea díamacū ca niirije nii; to biri niipetirā díamacū ca t̄uo n̄n̄jeepe nii. ¹⁰ Teerena ñirā, pade, ñañaro tam̄uo j̄aa bii, Ḥm̄ureco Pac̄u ca catiḡa, niipetirāre Ca Amet̄ueneḡu, añuro petira Jesucristore díamacū ca t̄uo n̄n̄jeerāre ca amet̄ueneḡure, ca yuerā niiri.

¹¹ Atere tii doti, bue majio, ca tiip̄u m̄u nii. ¹² Wāmu m̄u ca niirije j̄uorira, j̄icū peera watoa mac̄ure biro m̄ure cūja ñaticājato. To biro biitirāra, Jesucristore ca t̄uo n̄n̄jeerā, m̄u ca wederijere, m̄u ca biirije c̄utirijere, m̄u ca mairijere, díamacū m̄u ca t̄uo n̄ucū b̄uorijere, añuro m̄u ca bii niirijere, cūja ña c̄o n̄n̄jeejato. ¹³ To biri ȳu ca eaparo j̄uḡuero, Ḥm̄ureco Pac̄u yee quetire niipetirā bojocare bue ñño, cūjare wede majio, cūjare bue majio, tii niña. ¹⁴ M̄u ca tii majipe m̄u ca c̄uorije, ca j̄uo niirā cūja amori m̄ure ñia peo, cūja ca tiiri tabere Ḥm̄ureco Pac̄u cū ca tiicojoriquere to birora tiic̄oã niña.

¹⁵ Atere añuro ña n̄n̄jeeri tii niña. Tee wadore añuro tii niña niipetirā añuro m̄u ca bii n̄n̄ua waarijere cūja ca ñapere biro ñiḡa. ¹⁶ M̄u ca niirique c̄utirijere, m̄u ca bue majiorijere, bojoca catiya. Tee niipetirijere to birora tiic̄oã niña. To biro m̄u ca tiijata, m̄u majuropecā amet̄ua, ñucā m̄u ca buerijere ca t̄uorā pee c̄aa amet̄ua, biirucuma.

5

Aperā menare tii niirique

¹ B̄uc̄ure añuri wāmera c̄ure ñiña. M̄u pac̄ure ca ñiḡure biro añuro c̄ure wede majioña.* Wāmarā c̄aare m̄u yee wederāre biro cūjare ñaña. ² B̄uc̄urā romirire, m̄u pacore ca tiiḡure biro añuro cūjare tiiya. Wāmarā romirira m̄u yaarā romirire ca tiiḡure biro ñañari wāme t̄ugoeñaricaro maniro n̄ucū b̄uorique mena cūjare ñaña.

³ Ca man̄u j̄ūm̄ua bii yai weo ecoricarā romirire, noa uno pee cūja ca tii nemotirāre tii nemoña. ⁴ J̄ic̄o, ca man̄u bii yai weo ecorico, puna c̄uti, p̄aramerā c̄uti, c̄o ca biijata, cūja, cūja yaarāre ca ña mai j̄uoparā niima, cūja pac̄ua, cūja ñic̄ua, cūjare cūja ca tii mairicarore birora cūjare mairā. Atea añurije, Ḥm̄ureco Pac̄u cū ca ña biijejarije nii. ⁵ Ca man̄u bii yai weo ecorico, j̄ic̄ora ca tuarico, Ḥm̄ureco Pac̄u wadore yue niimo. Ḥm̄urecori, ñamiri, j̄ai juu bue yerijāatimo. ⁶ Ca man̄u bii yai weo ecorico c̄o ca tiirugari wāme ca tii niigoa, Ḥm̄ureco Pac̄u cū ca ñajata peera, cati pacago ca bii yairico, niic̄amo. ⁷ Ate c̄aare cūjare

* 4:1 1Co 10.11; 2Ts 2.3-12; 2Ti 3.1-2; He 1.2; 2P 3.3; 1Jn 2.18; Jud 18. * 5:1 Lv 19.32.

tii dotiya, wede paiya manirã cūja ca niipere biro iigu. ⁸Jicū cū yaarãre “To biro biicuma” iiti, añuro petira cū yaa wii macãrãrena to biro bii ca biigua, Cristore ca tuo nunujeegure biro méé biigu tiimi; Cristore díamacū ca tuo nunujeetigu ametuenero ñañagu niigu tiimi.

⁹Ca manū jūmua bii yai weo ecoricarã romirire owa tuurica pūuropure sesenta cūmari ametuenero ca cuorã, jicūra ca manū cutiricarã romiri wado owa tuuricarã cūja niijato.

¹⁰Cō punare añuro ca majorico, ca earãre cō yaa wii ca cãni dotirico, Jesucristore ca tuo nunujeerãre nucū buorique mena cūja dūporire ca coerico, ñañaro ca biirãre ca tii nemorico, añurije cōrora ca tii niirico, owa tuurico cō niijato.

¹¹Wāmarã romirira ca manū jūmua bii yai weo ecoricarã docare owa tuuticãña. Cūja ca tiirugarijera Cristore cūja ca camotatiro tii, ñucã nemo manū cutirugama iirã, ¹²“Jāa manū cuti nemotirucu,” cūja ca iimiriquere cūja ca iiricarore biro tiitima iirã, ca bii bui cutirã tuabocuma. ¹³Apeyera ñucã, wiijeri cōro waa nucū yuju, ca junañe pairã jeeña, biima. Junañe wado méé, ca queti pairã, niipetiro ca ñaajua nucū yujurã, ca iitiipe unorena ca iirã, niima. ¹⁴To biri wāmarã romirira ca manū jūmua bii yai weo ecoricarãra, manū jūmua cuti, puna cuti, wii macãrã romiri nii, cūja ca biiro yu boo. Īa tutiri majū cū ca wede paio cūja tiiticãjato. ¹⁵Mee, jicãrã ca manū jūmua bii yai weo ecoricarã romiri, Jesucristore díamacū cūja ca tuo nucū buorijere camotaticãri, Satanás peere cūre nunuma.

¹⁶Umū uno, nomio uno, Cristore ca tuo nunujeerã, cūja yee wederã ca manū jūmua bii yai weo ecoricarã romiri cūja ca cuojata, cūjara cūjare ca tii nemoparã niima, juu bue nea poori maja peere popiye cūjare biire ĩima iirã. To biri juu bue nea poori maja pea cūjare ca tii nemorã ca cuotirã uno wadore tii nemorucuma.

¹⁷Ca jūo niirã, Cristo yaarãre añuro ca jūo nii nunua waarã, pñatiri cōropū ĩi nucū buoricarã niirucuma, añuro petira Umureco Pacu yee quetire wede, bue majio, ca tii niirã. ¹⁸To birira Umureco Pacu wederique o biro ĩi: “Wecu, trigo quejerire ca ũta code niigu ũjerore, ĩa biatoticãña,” ĩi.† Ñucã: “Paderi majua, cū ca paderije wapa, wapa taa majimi,” ĩi.‡ ¹⁹Ca ĩaricarã pñarã, itiarã uno cūja ca ĩi nemotijata, jicū bucure cūja ca wedejāa niire to tuo nunujeeticãña. ²⁰Ñañarijere to birora ca tiicã nunua waarãra, niipetirã cūja ca tuo cojoropū cūjare tutiya, aperã cãa, “Tee unore ca tiitipe nii,” cūja ca ĩi bojoca catipere biro iigu. ²¹“Umureco Pacu, Jesucristo, to biri cūja pñto macãrã cūja ca bejericarã cūja ca ĩa cojoro, jicãrãre ĩa dica woo, aperãre mai, tiiricarō maniro atere tii nunujeeya,” mure yu ĩi.

²²Jicū uno peerena añuro cūre majitigura, amori ñia peoruga§ pato wãcã, tiiticãña, aperã cūja ca ñañarijere yu wapa tua nemore iigu. Ñañarijere tiitigura niicãña.*

²³Paaga diarique cuti, ñucã to birora diarique cuticōa nii, mū ca biirijere iigu, oco wado jinitigura, ũje oco cãare peeto jiniña.

²⁴Jicãrã ñañarije cūja ca tiirije, cūja ca jāiña beje coparo jugueropura majirique niicã, aperãra ñañarije cūja ca tiirique, jiropū bii bau nii. ²⁵Tii wãmere birora, añurije tiirique cãa bau niiro bii iñocã; ca añutirije cãa yaioropura biicōa nii, biitirucu.

6

¹Ca pade coterã, cūja ũparãre nucū buorique mena ca ĩaparã niima, Umureco Pacu wãmere, ñucã cū yee queti mani ca wede majorijere, ñañaro cūja ca ĩi wede tutitipere biro iirã. ²Cristore ca tuo nunujeerãre ca ũparã cutirã, cūjare birora Cristore ca tuo nunujeerã cūja ca niiro macã, cūjare cūja nucū buo yerijãaticãjato. Buaro jañuro añuro cūre cū pade cotejato, cū ca pade bojarã Cristore ca tuo nunujeerã, cū yaarã, cū ca mairã, niima. Atere tii doti, wede majio, tiiya.

Wapa tiirica tiirire buaro boorique

† 5:18 Dt 25.4; 1Co 10.10. ‡ 5:18 Lc 10.7. § 5:22 1Ti 4.14; Hch 6.6. * 5:22 1Ti 3.13; 3.2-7; Ef 5.11; Jn 11.10; Ez 33.6, 8; 3.18, 20.

³ Jĩcũ, ape wãmera mani Wiogu Jesucristo yee queti añurije, to biri mani ca nũcũ buorije, ca niimore biro méera ca bue majiogua, ⁴ jĩcũ ca majitigu nii pacagu, “O biro ca biigu yu nii,” ca iigu niimi. Cũa, ca iitipe uno juorira cũja ca ameri tutiro tii buiyee, tee juorira ameri ĩa ugo aja, ameri dica wati, ñañarije ĩi tuti, “Yee méé ĩimi” ĩi tuo nũcũ buorique uno maniropu tiicã, ⁵ ñucã añuri wãme ca tũgoeñatirã, díamacũ maquẽre ca majitirã, nũcũ buo niiriquere wapa taariquere biro ca tũgoeñarãre, cũja ca ameri tuti yerijãatiro, cũjare tiimi.

⁶ To birora bii, nũcũ buo niirique Umureco Pacu yeere wede majoriquea, wapa taarique peti niiro bii, buari cũja ca cuorije menara ca ujea niirã unora. ⁷ Ati yeparure jĩcã wãme unoacãra jee doo, mani tiitiwũ. Ñucã jĩcã wãme unora ami waarucu mani tiitirucu. ⁸ To biri baarique, juti, cuorã, tee menara ca ujea niicãparã mani nii. ⁹ Pairo ca apeye cutirugarã pea, ca bii buiyeerijerena bii bui cuti, paũ cũja ca boo tũgoeñarijerena pade coteri maja nii jeeñacã yai waama. Ate pairo cuoruga pato wãcãrique ca añutirije bojocare ca ñañorijera, ñeeja manirã, ñañaro bii yairique pee, cũjare tii yaiyo nũcõcã. ¹⁰ Wapa tiirica tiirire* pairo jañuro boo jãa waariquera nii, niipetirije ñañarije tiiriquere ca bii juorije. Jĩcãrã pai jañuro apeye boo jãa waama ĩirãra, díamacũ tuo nũcũ buoriquere camotati, cũja majuropeera buaropura ñañaro tamucã yai waaura.

Timoteore cũ ca wede majorique

¹¹ Mu pea Umureco Pacu yũ niiri, ate niipetirijere tiiticãña. Díamacũ maquẽre, Umureco Pacu cũ ca boorore biro bii niiriquere, díamacũ tuo nũcũ buoriquere, mairiquere, tũgoeña bayiriquere, to biri añuro yeri cuti niirique peere, tii niĩña. ¹² Díamacũ tuo nũcũ buoriquere to birora tũgoeña tutuacõa niĩña. Caticõa niiriquere mu yeera ca niiro tiya. Tee maquẽre iigu, Umureco Pacu mare juoupi. Teere iigura, paũ bojoca cũja ca tuo cojoropũ díamacũ mu ca tuo nũcũ buorijere mu wedewũ. ¹³ To biri mecũra Umureco Pacu, niipetirijere ca catiro ca tiigu, ñucã Jesucristo, Poncio Pilatore, díamacũ ca ĩiricu cũ ca ĩa cojoro, o biro mare yu tii doti: ¹⁴ Mare yu ca dotirijere yu ca ĩirore biro tiya. Añuro niirique cuti, tuti bojoca catio eco, biiricarõ maniro bii niĩña. Mani Wiogu Jesucristo cũ ca doori rumupũ to biro bii yerijãaña. ¹⁵ Cũ ca cõorica cuu ca earo, atere to biro tiirucumi Umureco Pacu. Cũa jĩcũra niimi añuro ca biigu niipetiropu Ca Doti Niigu, uparã Upũ, to biri wiorã Wiogu, ca niigu. ¹⁶ Cũ jĩcũra niimi, ca bii yaitigu, ca boerije jĩcũ uno peera cũja ca ea majitirijerũre ca niigu. Jĩcũ peera cũre ĩatiupa. Ñucã ĩaricu uno méé niimi. ĩi nũcũ buorique, cũ ca doti tutuarije, cũ yee to birora ca niicõa niirije to niijato. To biro to biijato.

¹⁷ Ati yepare ca apeye pairãre:

—“O biro ca biirã jãa nii. Dije uno manire dũjati,” ĩi tũgoeñaticãña —cũjare ĩĩña.

Pairo apeye cuti niiriquea mani ca tũgoeña yuepe uno méé nii. To biro biitirãra, Umureco Pacu añuro mani ca niipere iigu, niipetirije pairo manire ca tiicojogu peere, cũja tũgoeña yue niijato. ¹⁸ Añurijere cũjare tii dotiya. Añurije tiirique mena pee ca apeye pairã nii, cũja ca cuorijere ca tiicojoparã, ameri dica woo ca tiirã, cũja niijato. ¹⁹ O biro tiirã, jiropu cũja ca cuore ca nii yue majuropeerijere ca cuorã cũja ca niiro ca tiirijere cuo, ñucã to birora caticõa niiriquere bua ea, biirucuma.

Pablo Timoteore cũ ca tii doti tũjarique

²⁰ Timoteo, mare tii dotiriquere añuro ĩa nunũjee, mu tii nunũa waawa. Ati yepa maquẽre wederique, Umureco Pacu cũ ca boorore biro añuro nii nunũa waa majiña maniro ca tiirije majirique ca bii ditorijere, cũja ca majirije mena cũja ca ĩi camotarijere, tuoticãña. ²¹ Jĩcãrã tee majirique peere tuo nunũjeema ĩirã, díamacũ tuo nũcũ buoriquere camotaticãupa.

Wiogu cũ yee añurijere mũja niipetirãre pairo cũ tiicojojato.

To biro to biijato.

Pablo

* 6:10 Dinero.

2 TIMOTEO

Jiro Pablo Timoteore cū ca owa cojo nemori pūurora, cū ca bii yaipe ca cōñacā doorijere majiri, cū yeere cūre cū ca cūu yaipe ca owa tujagure biri wāme owami. Tee tiigu cūre cū ca owa cojo juori pūuro mena cū ca tii niipere cūre cū ca wede majoriquerena jīcā wāmeri īi queno, apeye cūre īi nemo, īimi.

Ca nii juori tabere peeto añu doti cojo yapano (1.1-2), Timoteo, díamacū tuo nūcū buo, Pablore buaro cūre mai, cū ca biirijere īima īigu, Umureco Pacure “Añu majuropecā” cūre īi, īimi (1.3-5).

Tee jiro, tee añurije queti juori cūre cūja ca jīa cōacāpe ca nii pacaro, to birora Pablo cū ca tuo nūñjeecōa niirije añurije quetire bobo jāaricarō maniro to birora tuo nūñjeecōa niiriquere cūre wede majiomi. Timoteo cāa jīcā uwamū añugū Jesucristo yūare birora, tūgoeña bayirique mena to birora ñañaro cū ca tamūo peera niiro bii (1.6—2.13).

Díamacū ca niitirijerena ca buerā menare cū ca bii niipere cūre wede majiomi. Wederique ñeeacā pee ca tiitirije juorira, ca tuorā peera añuro nii majiña maniro tii, ameri tutiricarō tii, ca tiirijerena cū menara cū ca īi ñaajua nucū yujutipere biro īigu cūre wede majiomi. To biro īicā, añuro cū ca biirique cūti niipere, wimagū niigupura Umureco Pacū wederique cū ca bue ecorique ca īirore biro to birora cū ca tuo nūñjeecōa niipere, cūre wede majiomi. Tee jiro, cū ca tii niipere jīcā wāmeri cūre wede majio, ñucā cūre ca biirijere cūre queti wede, īimi (2.14—4.18).

Ca tujari taberura añu doti yapanoriquere mena īi yapano eami (4.19-22).

Puati Timoteore Pablo cū ca queti owa cojorica pūuro

Añu dotirique

¹ Yū Pablo, Umureco Pacū cū ca boorore biro Jesucristo yeere wederi majū, Cristo Jesús juori catirique buarique niirucu cū ca īirique ca niirore birora, wede dotigu cū ca tiicojoricū, ² yū macūre biro yū ca maigu Timoteore, mū yū añu doti cojo. Mani Pacū Umureco Pacū, mani Wiogu Jesucristo, cūja ca añurijere, cūja ca īa mairijere, cūja yee jīcāri cōro niiriquere, mure cūja tiicojojato.

“Añu majuropecā,” īirique

³ Ñamiri, umurecori, yū ca juu buerije cōrora mure tūgoeñari, Umureco Pacure “Añu majuropecā,” yū īi, yū ñicū jāa niiquīricarā cūja ca tii niiquīricarore birora tiigu, añuro tūgoeña yerī cūtirique mena, yū ca tii nūcū buogure. ⁴ Mū ca otiriquere tūgoeñari, mure yū īarugami, ūjea niirugū. ⁵ Díamacūra, díamacū mū ca tuo nūcū buorijere yū maji. Mū ñicō Loida, to biri mū paco Eunice, díamacū tuo nūcū buo juoura. * Mū cāare, “To birora biimi” yū īi.

⁶⁻⁷ To biri yū amori mure yū ca ñia peori tabere, mū ca tii maji niipere Umureco Pacū mure cū ca tiicojoriquere, “Uwitigura teere tiicōa niīña,” mure yū īi. Umureco Pacū uwī tūgoeña yerī cūtirique méere, manire tiicojoui. Mani ca īi bayipere, mani ca ameri maipere, tūgoeña bayiriquere, manire tiicojoui. ⁸ To biri mani Wiogu yeere wede niigu boboeto. Ñucā cū yee juorira tia cūurica wiipū yū ca niirije cāare boboeto. Mū cāa añurije queti juori ñañaro tamūogu, Umureco Pacū tutuarique mure cū ca tiicojorije mena, to birora tūgoeña bayicōa niīña. ⁹ Umureco Pacū manire ametuene, ca ñañarije manirā mani ca niiro manire tiirugū, manire juoui. Añurije mani ca tii niirije juori méé, mee ati umurecorire cū ca tiiparo jugueropura Cristo Jesús juori, atere to biro manire tii bojaupi. ¹⁰ Mecūra Cristo Jesús manire Ca Ametuenegu, bii yairiquere tii yaio, † añurije queti mena to birora caticōa niirique ca peti nūcātirije peere añuro ca boeropū ami bau nii, ca tiiricu cū ca doorique mena bii bau nii eaupa.

* 1:5 Hch 16.1. † 1:10 Jesucristore ca tuo nūñjeerā, ñañaro bii yairica taberure waatirucuma.

¹¹ Ate añurije quetire, yure wede dotiwi Æmureco Pacu. Cristo yeere wederi maju, ñucã bue majiori maju, yure tiicojo cojowi. ¹² Tee juorira ate niipetirijere ñañaro yu tamuo. To biro yu ca biirijere yu boboti, díamacũ yu ca tuo nunñjeegure ca majigu niiri. Teere yure ca wede dotiricu ca tutuagu niiri, tii rumu ca earopu yure cã ca ña nunñjee yerijãapere yu maji.

¹³ Díamacũ bue majiorique yure mu ca tuoriquere wajoatigura, tee ca ñiire biro tii nunñjeecã nunña waagya. Ñucã Cristo mena niirã díamacũ tuo nucũ buo, ameri mai, mani ca bii niirije mena niña. ¹⁴ To biri Añuri Yeri manipure ca niigu cã ca tii nemoro mena, díamacũ bue majioriquere mure cã ca dotiriquere añuro ña nunñjeeya.

¹⁵ Mee niipetirã Asia yepa macãrã, ñucã Figelo, Hermógenes jãa menapura yure cãja ca waa weocoariquere mu maji.

¹⁶ Wiogu, Onesíforo yaa wii macãrãre cã ña majato. Cã pea pau tiiri, yu ca tugoeña tutuaro tii, tia cūrica wiipu ñañaro yu ca bii duwi yujurije cãare bobo tugoeñati, biiwi. ¹⁷ To biro biitigura, Romare eacãgura ama yerijãaricaro maniro yure ama, yure buacãripu yerijãawi. ¹⁸ To biri Wiogu, tii rumu ca earo, cã ca ña mairijere cã ca bua earo cūre cã tiijato. Mee añuro mu maji, pau tiiri Éfesopure manire cã ca tii nemoriquere.

2

Ñañaro tamuo tugoeña bayirique

¹ Mu Timoteo, yu macã, Æmureco Pacu cã ca añu majuropeerijere, Cristo juori mure cã ca tiicojoriquere buaro jañuro teere tii nunñjee nunña waagya. ² Pau cãja ca tuo cojoropu yu ca wedero mu ca tuoriquere, Cristore to birora ca tuo nunñjeecã niirã aperã cãare ca bue majio majiparã unore, teere cãjare wede dotiya.

³ Cristo Jesús yuu uwamu ca niigure birora* ñañaro ca tamuopura niña mu cãa. ⁴ Jicũ peera uwamu, cã wiogu cã ca ña ñjea niiro ca tiirugua, uwamarã niitirã tiirique peere tii maa wijiatimi. ⁵ Teere birora ũmaari maju cãa, ca ũmaa bayi ametuenege cã ca wapa taari betore buatimi, tee ca dotiire biro cã ca tiitijata. ⁶ Ñucã paderi maju tutuaro ca padegu niimi, ote dicare ca jee juoru. ⁷ Mure yu ca ñirijere tugoeñaña. Wiogu ate niipetirijere mu ca tuo puoro tiirucumi.

⁸ Tugoeñaña, Jesucristo, wiogu David pãrami ca bii yairicarã watoare ca cati tuaricure. Ate nii añurije queti yu ca wederije, ⁹ añurije queti juorira ñañarije tamuo nucã duwi yuju, ñucã ñañagure biro come daari mena cãja ca jiacãricu, yu nii. Biiorpua, Æmureco Pacu yee queti pea come daari mena jarique niiti. ¹⁰ To biri Æmureco Pacu cã ca beje jeericarã añuro cãja ca niipere ñima ñigu, niipetiro ñañaro yu ca tamurijere yu nucã ametueneecã, cãja cãa, añurije ametuairique to birora ca niicõa niirije, Cristo Jesús juori mani ca cuorijere cãja cuojato ñigu.

¹¹ Díamacũra ca niirije nii atea:

Cũ menara ca bii yairicarã mani ca niijata,

ñucã cã menara mani cati niirucu.†

¹² Cũ yee juori ñañaro mani ca tamuojata,

ñucã cã menara ca doti niirã mani niirucu.

Cũ yee juori ñañaro biima ñirã, “Cũre jãa majiti” mani ca ñijata,

cũ cãa, “Mujare yu majiti” manire ñirucumi.

¹³ Mani ca ñiire biro ca tiitirã mani ca nii pacaro,

cũ pea cã ca ñiire birora tiicõa niimi,

cũ majuropeera ca ñi ditotigu niiri.

Paderi maju añuro ca padegu

¹⁴ Atere to birora cãjare ñi wede majiocõa niña. Æmureco Pacu cã ca ña cojoro, “Wede penirique ca añutirijere ñiticaña,” cãjare ñiña. Tea añuti. Ca tuorãre ca ñañorije niiro bii.

¹⁵ Mu ca tii bayiro cõro tiya. Æmureco Pacu juguerore jicũ paderi maju ñee uno juori pee ca bobotigure birora, “Añu majuropeecãmi” ñiricu nii earugu, díamacũ ca niirije quetire

* 2:3 Ef 6.10-20. † 2:11 Ro 6.8.

ca niimore birora ca wedegũ niiña. ¹⁶ Ɖmũreco Pacũ cũ ca boorore biro añuro nii nũnũa waa majiña maniro ca tiirije ati yepa maquẽre wedeticãña. Tee unore ca wederã, buaro jañuro ñañarije peere tii nũnũa waama. ¹⁷ Ñucã, cũja ca bue majiorije cãa, diarique ca catiotirije ca boa nũnũa waarijere biro† peni pea nũnũa waa. Teere biro biima Himeneo, Fileto jãa, ¹⁸ díamacũ ca niirije quetire ca camotatiricarã. “Mee, cati tuarique biicã yerijãa waaupa,” iicãri, jicãrã díamacũ cũja ca tuo nũcũ buorijere cũja ca tuo maa wijiario tiima. ¹⁹ To ca bii pacaro Ɖmũreco Pacũ yaarã peti ca niirã, cũ yaarã cũja ca niirijere iñorã to birora cũre tuo nũnũjeecõa niima, o biro iĩ owarique mena: “Ɖmũreco Pacũ, cũ yaarãre majimi,” ñucã “Nũcũ buorique mena Ɖmũreco Pacũre tii nemorique ca jãirã niipetirã ñañarije tiiriquere cũja camotatijato,”§ ca iirije mena.

²⁰ Wii pairi wiipũre, oro, plata mena tiirica bapari wado méé nii: yucũ mena, dii mena, cũja ca tiirique cãa nii. Jicã wãmeri ca nii majuropeerijere tiirã cũja ca cuorije, apeyea cũja ca boorijere tiirã cũja ca cuorije, nii. ²¹ Jicũ ñañarije tiiri méé cũ ca niijata, jicã bapa añuri bapare biro ca ñañarije manigũ, Ɖmũreco Pacũ yũũ, niipetirije añurijere ca tiipũ niirucumi.

²² Wãmarã niirã buaro ñañarije tiirique ca boorijere cũja ca tii niirijere dutiri, ca niimore biro tii niirique, díamacũ tuo nũcũ buorique, ameri mairique, jicãri cõro añuro niirique peere amaña, añuro yeri tugoeñari, Wiogũre ca iĩ nũcũ buorã mena.* ²³ Ca iitipe uno cũja ca iirijerena tuo nũnũjeeticãña. Mee ameri tutiriquepũ ca bii yapanorijere mũ maji. ²⁴ Jicũ Wiogũ yeere paderi majũa, ca ameri tutigũ méé ca niipũ niimi. To biro biitigũra, niipetirã mena ca bojoca añugũ, ca bue majio majigũ, ca tugoeña bayigũ, ²⁵ ca ametuene nũcãrãre, “Ɖmũreco Pacũ, cũ peere cũja ca tuo nũnũjeero tii, díamacũ ca niirijere maji, cũja ca biro cũ tiijato,” iĩ yuerique mena ca wede majio majigũ ca niipũ niimi, díamacũ ca niirijere maji ²⁶ bii bojoca catiri, Satanás cũ ca tii buiyeerijere, cũja ca boorore biro cũja ca tiiro cũ ca tii niirijere cũja ca tii yerijãaro tiirugũ.

3

Ca tũjari rũmũri ca biipere wederique

¹ Ca tũjari rũmũri ca nii waarucuro, do biro bii majiña maniro ñañarije ca tiirã cũja ca niiri yũteari ca bii eape cãare ca majipũ mũ nii. ² Bojoca cũja yee maquẽ wadore ca boorã, wapa tiirica tiirire buaro ca boorã, “O biro ca biirã jãa nii” ca iirã, ca manirijerena ca amarã, niirucuma. Ñañarije ca iĩ tutirã, cũja pacũare ca ametuene nũcãrã, “Añũ” ca iitirã, nũcũ buoriquere ca nũcũ buotirã, ³ ca bojoca iã maitirã, ca ameri wede quenotirã,* ca queti pairã, cũja ca tiirugarijere ca nũcãtirã, “Ñañaro jãa tiibocu” ca iĩ bojoca catitirã, niipetirije añurijere ca junarã, ⁴ ca wedejãa buiyeerã, jãa tiicãre ca iitirã, “O biro ca tiirã jãa nii” ca iirã, Ɖmũreco Pacũre amaricarõ uno cũja ca tiirugarije peere buaro ca tiirã, niirucuma. ⁵ Ɖmũreco Pacũ cũ ca boorore biro añuro ca tii nũnũjeerãre biro niirucuma. To biro bii pacarã, cũja ca tii niirije mena díamacũ Ɖmũreco Pacũ cũ ca boorore biro tii niiriquere junarucuma. To biro ca biirã menara niiti majuropeecãña.

⁶ Cũja mena macãrã niima wiijepũ jãa waacãri, nomia ca tugoeña tutuatirã cũja ca tiirugarije cõro ñañarije tiicãri, ca tugoeñarique pai niirãre, buaro jañuri ñañarijere cũja ca tii yai waaro ca tiirã. ⁷ Biirãpũa cũja romiria to cãnacã tiira, buaro jañuro bue maji nũnũa waama. Bii pacarã, díamacũ ca niirije peera jicãti uno peera tuo jeeño majicoa, biitima. ⁸ Moisés're, Janes, Jambres† jãari cũja ca iĩ camotaricarore birora cũja cãa, díamacũ ca niirije quetire iĩ camotama. Ñañarije wado ca tugoeñarã, díamacũ tuo nũcũ buoriquere ca camotatiricarã niima. ⁹ Biirãpũa pũarã Moisés're ca iĩ camotaricarãre ca biiricarore birora, buaro iĩ nũnũa waatirucuma, niipetirã no ca boorora cũja ca iirijere cũja ca majicoaro macã.

Pablo, Timoteore cũ ca tii dotirique

† 2:17 Cáncer, gangrena. § 2:19 Is 52.11; Nm 16.26. * 2:22 Ro 10.12; 1Co 1.2. * 3:3 Ñañaro cũja ca iirijere, cũja ca tiirijere, ca wederique quenotirã. † 3:8 Ex 7.11.

¹⁰ M̄ pēa, ȳu ca bue majioriquere, ȳu ca niirique c̄utirijere, ȳu ca tiirugarijere, díamac̄u ȳu ca t̄uo n̄ac̄u b̄uorijere, ȳu ca t̄ugoeña bayirijere, ȳu ca mairijere, ñañaro tam̄oḡu ȳu ca t̄ugoeña bayirijere, ¹¹ ñañaro ȳure c̄j̄a ca tiiruga n̄un̄jeerijere, ñañaro ȳu ca tam̄orijere, ȳu ca biimore birora m̄u bii n̄un̄jeew̄u. Ñuc̄a Antioquía, Iconio, Listrap̄u niiḡu, ñañaro tiiruga n̄un̄jee eco, ȳu ca biiriquere, ñuc̄a tee niipetirijere Jesucristo ȳure amet̄ene, c̄u ca tiiriquere m̄u t̄oupa. ¹² Niipetir̄a Cristo Jesús j̄uori Òm̄ureco Pac̄u c̄u ca boorore biro ca tii niirugar̄a, ñañaro tii n̄un̄jee ecorucuma. ¹³ Ñañar̄a, ca ñi ditor̄a pea, b̄uaro jañuri ñañaro bii n̄un̄ua waarucuma, ñi dito, ñi dito eco, biir̄a. ¹⁴ M̄u pea, m̄u ca bue majirique c̄õrorena “Díamac̄ura nii” m̄u ca ñirijere, to birora tiic̄õa niiña. Mee m̄u maji, m̄ure ca bue majioricar̄are. ¹⁵ Mee, wimaḡu niiḡup̄ura Òm̄ureco Pac̄u wederiquere[‡] m̄u majiupa, “Cristore díamac̄u t̄uo n̄ac̄u b̄uorique j̄uori, amet̄uarique nii,” m̄u ca ñi majiro ca tiirijere. ¹⁶ Òm̄ureco Pac̄u wederique owarica tuti niipetir̄op̄ura Òm̄ureco Pac̄u c̄u ca majiorije mena c̄j̄a ca owarique nii. Bue majio, tuti bojoca catio, wede majio, ca niimore biro tii niiriquere bue majio, tiirique maqūe añurije nii, ¹⁷ Òm̄ureco Pac̄u ȳu ca niiḡu c̄õrora niipetirije añurijere ca tii majiḡu añuḡu, c̄u ca niipere biro ñiro. §

4

¹ Òm̄ureco Pac̄u, to biri Wioḡu Cristo Jesús, Òp̄ure biro c̄u ca doti majirije mena doori, ca catir̄are, ca bii yairicar̄are, ca ña bejep̄u c̄u ca ña cojoro, atere m̄ure ȳu tii doti: ² Añurije quetire wedeya; m̄u ca wedepa tabe ñno, m̄u ca wedetipa tabe ñno c̄are, to birora wedec̄õa niiña. C̄j̄a ca t̄ugoeña wajoaro tii, b̄uaro t̄ugoeña bayirique mena c̄j̄are wede majio bojoca catio, c̄j̄a ca t̄ugoeña bayiro tii, tiiya, c̄j̄are bue yerij̄aricar̄o maniro. ³ Earucu, añurije bueriquere bojoca c̄j̄a ca t̄orugatiri ȳutea, c̄j̄a ca boorije wadore ca tiir̄a niiri, pāu c̄j̄are ca bueri maja c̄j̄a ca t̄orugarije ñno wadore ca weder̄are amarucuma. ⁴ Díamac̄u ca niirijere t̄uo n̄un̄jee yerij̄ari, ca biiqūiriquere c̄j̄a ca wederije peere t̄uo n̄un̄jeerucuma. ⁵ M̄u pea niipetirijep̄urena ca t̄ugoeña bojoca catiḡu nii, ñañaro tam̄oriquere n̄uc̄a, añurije quetire wede, m̄u paderiquere añuro pade, tiic̄õa niiña.

⁶ Ȳura, peeto d̄uja ȳure c̄j̄a ca j̄iape. Ȳu ca waapa ȳutea eacoaro bii.* ⁷ Jesucristo yeere padeḡu ñañaro tam̄o pacaḡu, ȳu ca tii bayiro c̄õro to birora ȳu padec̄õa niiw̄u. ⁸ Mec̄ura Wioḡu ca niimore biro ca ña bejeḡu c̄u ca doori r̄um̄ure, c̄u yeere ca niimore biro ȳu ca tii niirique wapare ȳure c̄u ca tiicojo wapa tiipa beto ȳure yue; ȳu wado méere tiicojorucumi, niipetir̄a mairique mena c̄u ca doorijere t̄ugoeña bayirique mena ca yue niir̄a c̄are c̄j̄are tiicojorucumi.†

Timoteo c̄u ca tiipe

⁹ Timoteo, yoari méé jañuro ȳure ñaḡu dooya. ¹⁰ Demas pea, ati yepa maqūe peere b̄uaro ca booḡu niiri, Tesalónicap̄u ȳure waa weocoawi. Cresente c̄a Galaciap̄u waacoawi. Tito pea Dalmaciap̄u waacoawi. ¹¹ Lucas j̄ic̄ura ȳu mena niimi. Marcos're j̄uoḡu waari, c̄ure m̄u j̄uo doowa; ȳu ca paderijere ȳure tii nemobocumi. ¹² Tíquico peera Éfesop̄u c̄ure ȳu tiicojow̄u. ¹³ Dooḡu, Troas'p̄u, Carpo yaa wiip̄u ȳu jutiro jotoa j̄añaricar̄o, ȳu ca c̄uricarore ȳure m̄u ami doo bojawa. Ñuc̄a apeyera, owarica tutirire, añuro petira owarique upa tunua ca niiri p̄urorire[‡] m̄u jee doo bojawa.

¹⁴ Alejandro, come paderi maj̄u, b̄uaro peti ñañaro ȳu ca biiro ȳure tiwi. To biri Wioḡu c̄a c̄u ca tiiricarore birora ñañaro c̄ure tiirucumi. ¹⁵ M̄u c̄a c̄ure uwi bojoca ca tiiri niiña. Mani ca wederijere b̄uorop̄ura booti majuropec̄awi.

¹⁶ Òpar̄a p̄utop̄u § ȳu ca wede queno j̄uoḡu waaro j̄ic̄u peera ȳure bapa c̄utitic̄awa. Niipetir̄ap̄ura ȳure waa weo peticoawa. To biri Òm̄ureco Pac̄u, “To biro c̄j̄a ca biirique

‡ 3:15 Escrituras: Antiguo Testamento. § 3:17 Jn 17.17; Ef 5.25-26. * 4:6 Òm̄ureco Pac̄ure tii n̄ac̄u b̄uor̄a waib̄uc̄u j̄ari joe m̄ene yapano waar̄a, ñje c̄j̄a ca pio peorore birop̄u biicoaḡu ȳu bii. † 4:8 1Co 9.24-25; 1Ti 4.8; Stg 1.12; 1P 5.4. ‡ 4:13 Pergaminos: Ovejas quejeri mena, chivoa quejeri mena, c̄j̄a ca tiirique niip̄u. § 4:16 Jueces.

jʉori, ñañaro cūjare cū tiiticājato,” yʉ ĩi yue. ¹⁷ To ca bii pacaro Wiogʉ pea yʉre tii nemo, tutuarique yʉre tiicojo, tiiwi, yʉ jʉori añurije quetire yʉ ca wedero, Cristore ca majitirã cūja ca tuo nunʉjeepere biro ĩigu. To biro tiiri, yai jūagu* ʉjeropʉ ca jãñagʉre biro yʉ ca niirijere yʉre ametʉenewi. ¹⁸ Wiogʉre díamacū yʉ ca tuo nunʉjeerijere cū yerijãajato ĩirã, ñañaro yʉre cūja ca tiimijata cãare, cūra yʉre tii nemori, ca añuri tabe cū ca doti niiri tabe ʉmʉreco tutipʉ yʉre amicoarucumi. Añurije to birora cūre to niicõa niijato. To biro to biijato.

Añu doti yapanorique

¹⁹ Priscila, Aquila jãa, to biri ñucã Onesíforo yaa wii macãrã cūja añujato. ²⁰ Erasto, Corintopʉra tuacãwi. Trófimo peera ca diagʉre, Miletopʉra cūre yʉ cūuwʉ. ²¹ Ñucã pue bʉcʉ jʉguero, yoari méé jañuro mʉ doowa. Ñucã Eubulo, Pudente, Lino, Claudia, niipetirã mani yee wederã Cristore ca tuo nunʉjeerã mʉre añu doti cojoma.

²² Wiogʉ Jesucristo mʉ mena nii, ʉmʉreco Pacʉ pea cū yee añurijere mʉja niipetirãre paio tiicojo, cū tiijato.

To biro to biijato.

Pablo

* 4:17 León; Sal 22.20-21.

TITO

Tito, judío bojocu ca niitigu, Cristore ca tuo nunujeericure Cretapura cüre cüu waaupi Pablo, too macārã Jesucristore ca tuo nunujeerã añuri wãme cüja ca tii niipere cü quenojato iigu. Ati püurora pau wãmeri wede majio cojogu cü ca owarique nii.

Ca nii juori tabere cüre añu doti cojorique mena ñi juomi (1.1-4).

Tee jiro, Cretare cü ca tii niipere cüre wede majio cojomi. Jesucristore ca tuo nunujeerãre ca juo niirã yee maquere cü ca ijata, “O biirije ca biirã,” ca juo niirã nii majima ñi wedemi; jiro, díamacü ca niitirijerena ca buerã menare cü ca bii niipere cüre wede majiomi; jiro, bojoca mena cü ca bii niipere cüre wede majiomi (1.5—2.15).

Tee jiro, pau wãmeri cüre wede majio nunua waa (2.16—3.11), cü ca tii niipere cüre wede majio (3.12-14), cüre añu doti, ñi yapano eami (3.15).

Titore Pablo cü ca queti owa cojorica püuro

Añu dotirique

¹ Yu Pablo, Umureco Pacu yu paderi maju, Jesucristo yeere wederi maju, Umureco Pacu cü ca bejericarã, díamacü tuo nacü buoriquere bua ea, mani ca nacü buorijepure ca niirije díamacü ca niirijere maji, cüja ca biiro cü tijato iigu, cü ca tiicojoricu yu nii. ² Mani ca yuerijea, to birora caticõa niirique, Umureco Pacu ca ñi ditotigu, ati yepare cü ca tiiparo jugueropura “Mujare yu tiicojorucu,” cü ca ñirique nii. ³ Mecüra, “To biro yu tiirucu,” cü ca ñirica tabe ca earo, cü ca ñiricarore birora mani ca majiro tiimi Umureco Pacu manire Ca Ametuenegu, yure cü ca tii dotiriquere cü ca dotiricarore birora añurije quetire yu ca wederije juori. ⁴ Tito, yu macüre biro ca niigu, yure birora díamacü ca tuo nacü buogure: Mani Pacu Umureco Pacu, manire Ca Ametuenegu Jesucristo, cüja yee ca añu majuropeerijere, añuro niiriquere, mure cüja tiicojojato.

Cretapu Tito cü ca tiipe

⁵ Creta yucu poogapure mure cügu, yu ca quenorique ca ñujarijere queno peti, ñucã to cãnacã macãripurena Jesucristore ca tuo nunujeerãre ca juo niiparãre joene, mure yu ca dotiricarore biro cü tijato iigu, mure yu cüuwu. ⁶ Ca juo niigua,* ñañarije ca tiitigu, jicõ manura ca niigu, cü puna cãa Cristore ca tuo nunujeerã, ñañarije ca tiirã niima, ca ametuene nacãrã niima, ca ñi wedejãña manirã ca niiparã niima. ⁷ Bojocare ca ña nunujee niigua,† Umureco Pacu yeere ca ña nunujee niigure birora ñañarije ca tiitigu ca niigu niimi; cü jicüra ca majigure biro ca nii tugoeñatigu, ca ajiarique manigu, ca cümütigu, ca ameri quëerã mena macü ca niitigu, ñañaro tii wapa taariquere ca bootigu, ca niipu niimi. ⁸ Biitigura bojoca ca earãre cü yaa wii ca cãni dotigu, añurije mena macü, ca bojoca catigu, añugu, ca ñañarije manigu, añuro ca niirique cutigu, ca niipu niimi. ⁹ Díamacü ca niirije añurije queti cü ca tuoriquere cü ca bue ecoricarore birora ca tuo nunujeecã niipu niimi, aperã cãare añurije bue majiorique mena cüja ca ujea niiro tii, teere ca junarãre cüja ca tugoeña wajoaro tii, cü ca tiipere biro iigu.

Ñi dito bueri maja

¹⁰ Pau ametuene nacãri maja, noo ca boorora ca ñi wede mecüorã, ca ñi ditori maja, niima, añuro petira judíos cüja ca tii niirijere ca tii nunujeerã. ¹¹ Cüjara do biro cüja ca ñi majitropu cüjare ca ñicãpe nii.‡ Mee jicü puna niipetirãpüre ñañaro cüjare ñi mecüoma, ca bue majioña manipe unorena cüjare buecãri. Ñañaro cüja ca tii niirije menara wapa taarugarã to biro tiima. ¹² Jicü, tii yucu pooga macü ca biipere wede jugueri maju, cü yee wederã cüja ca biipere o biro ñiquiupi: “Creta macãrã ca ñi dito pairã, waibucãrãre biro ca biirã, ca baa pacarã, ca junañe pairã, niima,”§ ñiquiupi. ¹³ Díamacüra ñiquijapi. To biri

* 1:6 Anciano. † 1:7 Obispo: Jesucristore ca tuo nunujeerãre ca juo niigu. ‡ 1:11 Cüjara, cüja ujerore ca paa biatocãpe nii. § 1:12 Epimenides cü ca ñirique.

tuti jañuri cūjare wede majioña, ñañarije tiiricaró maniro, ñañarije maniro díamacū tuo núcū buo, ¹⁴ judíos cūja majuropeera tugoēña jeeñori cūja ca wederijere tuo nūñjeeti, díamacū maquēre ca junarā cūja ca tii dotirijere tuo nūñjeeti, cūja ca biipere biro iigu.

¹⁵ Añurāra, niipetirijepura añurije wado niicā. Bii pacaro, díamacū tuo núcū buo quere ca bootirā peera, jīcā wāme peera añurije mani, niipetirijepura ñañarije wadora niicā, cūja ca tugoēñarije, cūja yeripu cāare ñañarije wado ca niicāro macā. ¹⁶ Ñucā “Umureco Pacure ca majirā jāa nii” ca iirā nii pacarā, cūja ca tii niirije mena pee iñoma, to biro iicārā cūja ca iirijere. Ca ĩa tutirique pairā, ametuene núcāri maja niicāri, jīcā wāme unocā añurijere tii majitima.

2

Bue majiorique uno

¹ Mū pea díamacū ca niirije ca iirore biro bue majioña. ² Bucurāre, núcū bujarā, núcū buoricarā, ca tugoēña bojoca catirā, ñañarije maniro díamacū ca tuo núcū buo niirā, ca ameri mairā, ca tugoēña bayi núcā ametuenerā, niiriquere cūjare bue majioña.

³ To birora bucurā romiri cāare núcū buoricaro biirique cuti niiriquere, ca queti paitirā niiriquere, jiniriquere ca ugari peatirā niiriquere, cūjare wede majioña. To biro biitirāra, añurije peere ca tii iño niirā cūja nijato. ⁴ O biro biirā, wāmarā romiri cūja manū jūmware, cūja punaare, cūja ca maipere, ⁵ ñucā ca bojoca catirā, ñañarije manirā, wiire añuro ca ĩa nūñjeerā, ca bojoca añurā, cūja manū jūmware ca tuo nūñjeerā, cūja ca niipere cūjare wede majiorucuma, Umureco Pacu yee quetire jīcū uno peera ñañaro cūja ca wede paitipere biro iirā.

⁶ Umua wāmarā cāare, ca tugoēña bojoca catirā cūja ca niipere wede majioña. ⁷ Niipetirijepurena mū majuropeera añuro mū ca bii niirije mena cūjare bii iñoña. Cūjare bue majiogu, niipetirā menapura añuro niirique mena, núcū bujarique mena, cūjare bueya. ⁸ Nañarije maniro, añurijere bueya. O biro mū ca iiro no ca boogu teere ca junagu, boborucumi. To biri mani yee maquēre jīcā wāme uno peerena ñañaro ĩi wede majitirucumi.

⁹ Pade coteri maja cāare, cūja uparā cūja ca iirije niipetiro ca tuo nūñjeerā, ca bojoca añurā, ca wede apōtīotirā niiriquere, ¹⁰ jee dutitirāra, “Añuropu ca tiirā niima” iiricarā niiriquere, cūjare wede majioña, niipetiropurena Umureco Pacu manire Ca Ametuene yee bue majiorique añurije nii, cūja ca iipere biro iigu.

¹¹ Díamacūra Umureco Pacu cū ca añu majuropeerije mani ca ametuaro ca tiirije, niipetirā bojocapure nii eaupa. ¹² Tee añurijera, ñañarijere, ati yepa maquē tiirugariquere, mani ca tii yerijāaro manire tii majio. To biri ati yepare, ca niirore biro tii niirique mena, ĩa boo pacarique mena, tugoēña bayi ametuenerique mena, mani bii niirucu, ¹³ añurije mani ca yue niirijere cote niirā unora o biro iijata, ca nii majuropeegu mani Umureco Pacu, manire Ca Ametuene Jesucristo, cū ca doorije ca añu majuropeerijere. ¹⁴ Cū majuropeera, ñañarije mani ca tii niirije niipetirijere ametuene, cū jaarā ca ñañarije manirā, añurije wadore ca tiirā, mani ca niiro tiirugu jīa eco, manire bii yai bojaupi.

¹⁵ Ate nii, mū ca bue majio niipe. Doti majirique mena wede majio, tuti bojoca catio, tiya. Jīcū uno peera watoa macūre biro mure cūja ĩaticājato.

3

Cristore ca tuo nūñjeerā cūja ca bii niipe

¹ Niipetirāre, ca juo niirāre, ca doti niirāre, cūjare tuo nūñjee, añurijere buaro ca tiiruga niirā nii, cūja ca biipere wede majioña. ² Jīcū uno peerena cūja wede paiticājato; añuro niirica wāme wadore ca amarā, ca bojoca añurā cūja nijato; ñucā niipetirā mena añuro cūja ca niirijere cūja bii iño nijato.

³ Mani cāa ména jūgueropura ca bojoca catitirā, ca ametuene núcā pairā, mani niirucu. “To biro jāa biicu,” ĩi bojoca catiti, ca tiya manirije peerena tii maa wijia yai waa, niipetirije ñañarijere tiirugariquere, ca tiitiperena tii ujea niiriquere, ca tii

nɛnɛjɛe yai waarã, ñucã ñañarije wado ca tiirugarã, ca ña tutirique pairã, cãja ca ña junarã ñañarã, mani majuropeera ca ameri ña tutirã, mani niirucuwn. ⁴ Ɖmureco Pacu manire Ca Ametɛenegɛ, cã ca añurije, to biri bojocare cã ca mairije, ca bii earo, ⁵ cãra manire ametɛenewi. Mani majuropeera añurije mani ca tiirije jɔori méé, manire cã ca ña mairije jɔori pee manire ametɛenewi. Mani ca ñañarijere cã ca coerije mena, wãma ca baarãre biro manire cã ca tiirije mena, to biicãri Añuri Yeri jɔori wãma catirique manire cã ca tiicojorije mena, manire ametɛeneupi. ⁶ Manire Ca Ametɛenegɛ Jesucristo jɔori, Añuri Yerire paio manire tiicojoui, ⁷ cã ca bojoca añurije jɔori ca ñañarije manirã manire cã ca tiiro jiro, to birora caticã niirique mani ca yue niirijere ca cɔorã mani ca nii eapere biro ñigɛ.

⁸ Atea, tɔo nɛnɛjeerique ɛno peti niiro bii. To biri Ɖmureco Pacure ca tɔo nɛnɛjee niirãre añurije wado cãja tii nijato ñigɛ, teere to birora mɛ ca wede majiocã niiro yɛ boo. Ate nii ca añurije, niipetirãre añuro cãja ca niiro ca tiirije. ⁹ Noo ca boorora wede amariquere, bɛcɛrã cãja ca bii jɔo doorique maquere, doti cãurique jɔorira ñi uwa jeo ameri querique docare, mɛ menara ñiticãña. Tea ca añutirije, watoara ñi amarique, niiro bii. ¹⁰ Jicã ɛno, Jesucristore ca tɔo nɛnɛjeerã cãja ca dica watiro cã ca tiijata, jicãti, pɛati cõro cãre wederucuñami, cã ca tɔo nɛnɛjeetijata, cãre cãa wienecãña. ¹¹ To biro ca biigɛra, ca tiiya manirije pee ñañarije ca tiigɛ cã ca niirije jɔori, cã majuropeera ñañarije tii bui caticã yai waagɛ cã ca tiirijere ca majirɛ mɛ nii.

Pablo, Titore cã ca tii doti cojorique

¹² Mɛ pɛto yɛ ca tiicojorã Artemas, ape tabera Tíquico cãja ca ea biiro Nicópolis'pɛ yɛre mɛ ca ñagɛ waapa tabe ɛnore amaña. “Toopɛ pue bɛcɛre ca ametɛenerɛ yɛ niicu,” yɛ ñiwn. ¹³ Bojocare ca wede boja nemogɛ* Zenas're, to biri Apolos're, mɛ ca tii bayiro cõro cãjare tii nemoña, waa nɛnɛa waarã, cãja ca boorije ɛno cãjare ca dɛjatipere biro ñigɛ.

¹⁴ Mani jaarã cãa añurijere cãja tii maji jeyaajato. Aperã tii nemorique cãja ca boori tabe ɛnore tii nemo, cãja tiijato, cãja ca cati niiri rɛmɛrere to biro petira cãja ca niitipere biro ñirã.

Añu doti yapanorique

¹⁵ Niipetirã yɛ mena ca niirã, mɛre añu doti cojoma. Díamacã tɔo nɛcã bɛorrique jɔori, jãare ca mairã cãja añujato. Ɖmureco Pacu cã ca añurijere mɛja niipetirãre cã tiicojojato. To biro to biijato.

Pablo

* 3:13 Abogado.

FILEMÓN

Pablo tia cūurica wiipɔ cū ca niiri tabere, Filemón're ca pade coteɣɔ ca niimiricɔ Onésimo, Pablora bua ea, Jesucristo yee quetire cū ca wedero cū cāa teere tuo nɔnɔjeɣe, cūre tii nemo, cū ca tiicā niiriquere wede.

To biro cū ca bii pacaro, Roma macārāre ca dotirore biro tiigɔ Pablo pea, cū ɔpɔ Filemón pɔtopɔra Onésimore cū ca tuenecojope niipɔ.

To biri Pablo Filemón're queti owa cojogɔ, “Onésimore jīcū pade coteri majure biro cūre cɔoeto. Cristore ca tuo nɔnɔjeegɔre birora, jīcū mɔ yee wedegɔ mɔ ca maigɔre biro pee cūre cɔoya” īi owa cojomi.

Biigɔpɔra atere cū ca owajata, ca pade coterā yee maquere owa cojogɔ mée tiimi, Cristore ca tuo nɔnɔjeegɔra “O biiri wāme ca biipe nii,” īi majiorɔgɔ to biri wāme īimi.

Filemón're Pablo cū ca queti owa cojorica pūuro

Añu dotirique

¹ Yɔ Pablo, Cristo Jesús yee jɔori tia cūurica wiipɔ ca niigɔ, jāa yee wedegɔ Timoteo mena, mɔ, jāa yee wedegɔ jāa ca maigɔre, jāa paderique bapa, ² ñucā mɔ yaa wiire ca juu bue nea poorā, mani yee wedego Apia, to biri Arquipo manire birora Jesucristo yeere to birora ca padecōa niigɔre, mɔjare jāa añu doti cojo. ³ Mani Pacɔ Ɔmɔreco Pacɔ, mani Wiogɔ Jesucristo cūja yee ca añurije, jīcāri cōro niiriquere, mɔjare cūja tiicojojato.

Filemón mai, díamacū tuo nɔcū buo, cū ca biirije

⁴ Juu bueɣɔ mure tɔgoeña buagɔ cōrora, yɔ Ɔmɔreco Pacɔre, “Añu majuropeecā” cūre yɔ īi. ⁵ Wiogɔ Jesucristore díamacū tuo nɔcū buo, cūre ca tuo nɔnɔjeerā niipetirāre mai, mɔ ca tiirijere yɔ queti tuo. ⁶ Ɔmɔreco Pacɔre yɔ jāi, díamacū mɔ ca tuo nɔcū buorijere ca bii bapa cutirije, añurije maquē Cristo jɔori mani ca cɔorijere mɔja ca majipere biro īigɔ. ⁷ Buaro ɔjea nii, tɔgoeña bayi, yɔ biiwɔ, mɔ ca mairije jɔori. Mɔ, yɔ yee wedegɔ, ca ñañarije manirāre cūja ca tɔgoeña yeri tutuaro mɔ tiipɔ.

Pablo Onésimore cū ca jāi bojarique

⁸ To biri Cristo jɔori uwiricaro maniro mɔ ca tiipere mure ca tii dotipɔra niicā pacagɔ, ⁹ mairique mena pee mure yɔ īiruga: Yɔ Pablo, bucɔ, mecūra Cristo Jesús jɔori tia cūurica wiipɔ ca niigɔ, ¹⁰ yɔ macū Onésimo,* tia cūurica wii yɔ ca niiro, yɔ macūre biro ca bii earicɔ yee maquere mure yɔ jāi.

¹¹ Ména, jugueropɔre pade coteri maju ñee uno mure ca tii nemotigɔ niipɔ. Mecūra, mɔ cāare añuro tii nemo, yɔ cāare tii nemo, ca tiigɔ niimi. ¹² Ñucā cūre mure yɔ tuenecojo, cū mena yɔ yeripɔ† yɔ ca boo tɔgoeñarije waa. ¹³ Biigɔpɔra, mɔ wajoaye cūre yɔ ami tuenerugamijapa, Jesucristo yee jɔori tia cūurica wiipɔ yɔ ca niiro uno yɔre cū tii nemojato īigɔ. ¹⁴ To biro tiiruga pacagɔ mɔ ca booti pacaro yɔ tiirugati, yɔre mɔ ca tii nemopere dotiya manigɔra, mɔ majuropeera mɔ ca tiipere biro īigɔ. ¹⁵ Onésimo, jīcā cuu mure cū ca camotatijata, to birora cūre mɔ ca cɔocā niiperena īima īigɔ biijacupi cū ca biijata. ¹⁶ To biri mure pade coteri majure biro mée, ca pade coteɣɔ ametuenero añugɔ, mɔ yee wedegɔ, mɔ ca maigɔre biro pee niirucumi. Buaro cūre yɔ mai. Mɔ pee doca ametuenero cūre mɔ maicu. Bojocɔre mairicarore biro wado mée, Wiogɔre ca tuo nɔnɔjeegɔre biro pee cūre mɔ mairucu.

¹⁷ To biri mɔ bapare biro yɔre mɔ ca cɔojata, yɔrena bocagɔre biro cūre bocaya. ¹⁸ Jīcā wāme ñañaro mure tii, apeye uno mure wapa moo, cū ca biijata, yɔre wapa jāiña. ¹⁹ Yɔ Pablo majuropeera, yɔ amo mena atere yɔ owa, “Yɔ, yɔ wapa tii bojarucu, mɔ cāa, mɔ majuropeera mɔ ca niirije mena yɔre mɔ wapa moo,” mure īirugatigɔ. ²⁰ Ɔgíá yɔ

* 1:10 Onésimo: Ca tii nemogɔ īirugaro īi. † 1:12 Yɔ macū majuro peere birora waami, yɔ upɔ macā tabe majuro peere birora waa.

yee wedegɔ, Jesucristore ca tɔo nɔnɔjeegɔ mɔ ca niirijere jĩcã wãme yɔre tii bojaya. Jesucristore tɔo nɔnɔjee yaarã catiricɔre birora yɔ ca yeri ɔjea niiro tiiya.

²¹ Ca tɔo nɔnɔjeegɔ mɔ ca niirijere añuro majiri, mɔre yɔ owa cojo. Ñucã mɔre yɔ ca tii dotiro ametueneropɔ mɔ ca tiipere yɔ maji. ²² Apeyera ñucã, mɔ pɔto waagɔ yɔ ca cãnipa jawire yɔre queno yueya. Yɔre mɔja ca juu bue bojarije jɔori, Ɔmɔreco Pacɔ mɔja pɔto yɔ ca íagɔ waaro cũ ca tiipere yɔ yue.

Añu doti yapanorique

²³ Yɔ mena macũ Epafras, Cristo Jesús yee jɔori tia cũurica wiipɔ ca niigɔ, mɔre añu doti cojomi. ²⁴ Ñucã yɔre ca pade nemorã Marcos, Aristarco, Demas, Lucas jãa cãa mɔre añu doti cojoma.

²⁵ Wiogɔ Jesucristo, cũ ca añu majuropeerije mɔja ca catiro jãña niirijepɔ mena to niijato.

To biro to biijato.

Pablo

HEBREOS

Ati pūurore ca owaricūra “Cū, ca wāme cūtigū hebreos're owa cojoupi” iiriquerūra, jīcū peera añu majiticāma.

Ate queti Hebreos're cū ca owarica pūuroa, cūja ca tii niipere Ūmureco Pacu cū ca doti cūurique ca iirore biro Jesucristo, bojoca ñañarije cūja ca tii niirijere ametuenege cū majuropeera cū ca bii yairiquere wede. Judíos, Jesucristore ca tuo nunjeericarā ñañaro cūjare ca biiro tīrumupū cūja ca tii jūo doorique peere cūja ca tii nunjee tua waarugaro cūjare wede majioge Ūmureco Pacu Macū Jesucristora Ūmureco Pacu cū ca bojoca cūti niirijere cū ca bii bau niirique pee ca nii majuropeerije ca niirijere cūjare wedege cū ca owarique nii (1.1-4). Jesús, Ūmureco Pacu Macū niiri cūre queti wede bojari maja ángeles ametuenero do biro ca tiya manigu niicā pacagu ñucā, cū yaarā, bojocare biigu nii jeeña ea, cū ca biiriquere wede (1.5—2.18).

Ati pūurore ca owaricūa, Jesús're, to biri cū ca tii niiriquere, wede nunua waagu Paia Ūpu ca nii majuropeegu niimi cūre iimi (2.17). Ano cū ca iiri wāme, Nuevo Testamento cūja ca owarica pūuroripure jīcā pūuro peerena to biri wāme cūre iī wāmeo tiiti Jesús're.

Tīrumupū cūja ca tii jūo doorique, nea poo juu buerique, waibucurā jīari cūja ca tiicojo nucū buorique, díamacūra añurije peti niiticāupa. To biri Ūmureco Pacu wāma cuu macū paia upū, Leví puna macārā paia cūja ca biirore biro ca biigu méere, Melquisedec're biro ca biigu peere beje amimi. Jesús pea, tīrumupū macārā paia cūja ca tiurucarore biro waibucurā díipure Ūmureco Pacure tiicojo nucū buotigūra cū majuropeera mani ca ñañarije wapare bii yai bojari, niipetirāpura Ūmureco Pacu pūtoe mani ca ea majiro tiimi (3.1—10.39), iī wedemi.

Ñañaro mani ca tii yaio eco booriquere díamacū tuo nucū buorique jūori wado buarique ca niiro macā, tīrumupū macārā judíos díamacū cūja ca tuo nucū buorije jūori cūja ca ametuene ecoriquere wedemi (cap. 11). Ñucā ñañaro tamuo, ñañaro cūja ca tiiruga cote pacaro, Jesucristopure yeri jāñari to birora tūgoeña bayicōa niiriquere cūjare wede majio, pau wāmeri cūjare wede majio, añu dotirique mena, iī yapano eami (caps. 12—13).

Hebreos're queti owa cojorica pūuro

Ūmureco Pacu cū Macū menapū wedeupi

¹ Tīrumupūre mani ñicū jāare pau tiiri, ñucā bojorica wāmeri wado, cū yee quetire wede jugueri maja mena wedeupi Ūmureco Pacu. ² Ati rumūri ca tujari rumūripura, cū Macū mena manire wedeupi. Cūrena niipetirije ca cūo nunjeepū cūre cūu, ñucā cū jūorira ati ūmurecore jeeño, tiupi Ūmureco Pacu. ³ Cūra niimi Ūmureco Pacu do biro ca tiya manigu cū ca niirijere ca boe bate niigu, Ūmureco Pacu cū ca baurijera nii, cū ca wede tutuarije menara niipetirijere tuu ñee, ca tiigu. Mani ca ñañarije wapare coe yapanori jiro,* Ūmureco Pacu cū ca duwiri tabe díamacū nuña pee duwi eaupi ūmureco tutipure. ⁴ O biro biiri, Ūmureco Pacu pūto macārā ametuenero ca niigu nii ea, ñucā cūja ametuenero ca nii majuropeeri wāme ca cūoge nii eaupi.

Jesucristo, Ūmureco Pacu pūto macārā ametuenero ca niigu

⁵ Ūmureco Pacu jīcāti uno peera jīcū cū pūto macū uno peerena:

“Mū, yū macū mū nii. Mecūra mure yū macū jāa,”† cūre iitiupi.

Ñucā jīcū uno peerena: “Yūa cū pacu yū niirucu. Cū pea yū macū niirucumi,” iitiupi cū pūto macārāre.‡

⁶ Cū Macū jīcūra ca niigu ca nii majuropeegure ati yepapū cūre tiicojo cojogu, o biro iipi Ūmureco Pacu:

“Niipetirā Ūmureco Pacu pūto macārā cūre cūja iī nucū buojato.”§

* 1:3 2P 1.17. † 1:5 Sal 2.7. ‡ 1:5 2S 7.14; 1Cr 17.13. § 1:6 Dt 32.43.

⁷ Cūre queti wede bojari maja peera, o biro ĩimi Ɔmureco Pacu: “Cūre ca queti wede bojarāra winore biro cūja ca niiro cūjare tiimi.

Ñucā cūre pade bojari majara pecamere biro cūja ca niiro cūjare tiimi.”*

⁸ Cū Macū peera o biro pee ĩiupi:

“Mū, Ɔmureco Pacu, mū ca doti niirije peti nūcātirucu, mū ca doti niirijea ca niimore biro wado tiirique nii.

⁹ Añurijere mai, ñañarije peera juna, mū biiwū.

To biri Ɔmureco Pacu mū Ɔmureco Pacu, mure beje amiri, mū mena macārā† ametuenero ɯjea niiriquere mure tiicojoui.”‡

¹⁰ Ñucā o biro ĩi:

“Mū, ‘Wioɣu,’ ĩcātopure mura ati yepare mū tiuipa. Ɔmureco quejeroa, mura mū ca tiiriquera nii.

¹¹ Mū ca jeeñorique niipetirije yai nūcā peticoarucu.

Tee niipetirije, jutiro ca boa nūnua waarore biro peticā nūnua waarucu.

To biro to ca biimijata cāare, mū pea to birora mū niicōa nii.

¹² Jutirore tuupe queno cūuricarore biro teere mū tiirucu; apeye wāma cū ca juti wajoarore biro teere mū wajoarucu.

Mū pea cūra mū niicōa nii. Mū ca cati niirije peti nūcātirucu,” ĩiupi Ɔmureco Pacu cū Macūre.§

¹³ Ɔmureco Pacu, ĩcāti uno peera ĩcū cū puto macū uno peerena:

“Ano yū díamacū ñaña pee* duwiya,

mū waparāre cūja ca doca cūmuro yū ca tiioru,” ĩitiupi.†

¹⁴ Cū puto macārā niipetirā ca bautirā niima, Ɔmureco Pacu pade bojari maja ametuariquere ca cūo eaparāre tii nemo dotigu cū ca tiicojorā.

2

Ametuarique quetire ca acoboticāpe nii

¹ Ate juori, cū yee queti mani ca tuoriquere añuro ca tuo nūñjeeparā mani nii, apeye peere mani ca tuo nūñjeetipere biro ĩirā. ² Tīrumupure Ɔmureco Pacu, cūre queti wede bojari maja mena doti cūurique cū ca tiicojorique díamacūra ca niirije nii, ametuene nūcā, ñañarijere tii, ca tiiricarāre ca niimore birora ñañaro cūjare ca tiirique to ca niijata, ³ to docare mania Jesucristo manire cū ca ametuene bojariquere mani ca tuo nūñjee yerijāacājata, ¿do biro pee biicāri mani duti majirāti? Jesucristo majuropeera mee cū ca ametuenepe quetire ca nii juori tabepura wede juupi. Jiro aperā, cūre ca tuoricarā pee teere manire wede queno nemoupa. ⁴ Ñucā Ɔmureco Pacu pea teere, “Díamacūra nii” ĩigu, pañ wāmeri ca ĩa ñaña manirije tii bau nii ĩñoupi, Añuri Yeri juori, cū ca boorore biro bojorica wāmeri wado mani ca tii majipere cū ca tiicojorique mena.

Jesucristo cū yaarāre biro ca niigu

⁵ Ɔmureco Pacu cū puto macārāre, ano jiro ca niipa yepa mani ca wede niiri yepare ca doti niiparā cūja ca niiro tiitiupi. ⁶ ĩcā tabe Ɔmureco Pacu yee quetire owa tuurica pūuropure, ĩcū o biro ĩiupi:

“¿Ñirua uno cūja niiti bojoca pea, to cōro cūjare cū tugoeñajato ĩirā? ¿Ñirua cūja niiti bojoca pea, cūjare mū ca ĩa cote niijata?

⁷ Ména ĩcā cuu Ɔmureco Pacu puto macārā ðuaroacā ca niigu cū ca niiro mū tiuipa. To biro cūre tii pacagu, ca nii majuropeegu, ĩi nūcū bñoricu, cū ca niiro mū tiuipa.

⁸ Niipetirije mū ca tiiriquere ca doti niirā cūja ca niiro mū tiuipa,” ĩiupi.*

O biro tiiri, niipetirije ca doti niirā cūjare cūuri, ĩcā wāme peerena cūjare ca doti ecotirije ca niiro tiitiupi Ɔmureco Pacu. To biro cū ca tiirique to ca nii pacaro, mani pea niipetirije cūja ca dotirore biro to ca tii nūñjeero mani ĩati ména. ⁹ To biro ca biimijata cāare

* 1:7 Sal 104.4. † 1:9 Ángeles. He 1.6-7. ‡ 1:9 Sal 45.6-7. § 1:12 Salmo 102.25-27. * 1:13 cū macū ca nii majuropeegu. † 1:13 Sal 110.1. * 2:8 Sal 8.4-6.

Jesús're, Æmureco Pacu jĩcã cuu cõre queti wede bojari maja ðuaroacã ca niigu cõ ca niiro cõ ca tiiricure, ñañoaro tamuo cõ ca bii yairique jori, ca nii majuropeegu, ïi nucõ buoricu, cõ ca niirijere mani ïa. O biro biicãri Æmureco Pacu cõ ca aõu majuropeerije jori, ñañoaro tamuo cõ ca bii yairiquera niipetirãpura aõuro cõja ca niiro cõjare ca tiirije nii ea.

¹⁰ Niipetirije, Æmureco Pacu cõ puna niipetirãre ca aõu majuropeeri taberu cõ mena cõja ca niiro ca boogu yee wadora nii, ñucã cõ jorira nii, bii. To biri ñañoaro cõ ca bii yairije jori, Jesucristo cõjare ca ametuenerure aõugu cõ ca niiro cõ ca tiipera niipura.

¹¹ Ca ñañarije manirã ca tiigu, ñucã ca ñañarije manirã cõ ca tiiricarã cãa, jĩcõ punaarã niima. To biri Æmureco Pacu Macãa, "Yu yaarã," manire ïi bobotimi, ¹² o biro ïigu: "Mu yee maquẽre, yu yaarãre yu wederucu.

Cõja ca juu bue nea pooro watoaru mure yu baja peo nucõ buorucu."†

¹³ Ñucã o biro ïimi:

"Yua, cõpure yu tgoeña yuerucu."‡

O biro ïi nemomi ñucã:

"Anora yu nii, Æmureco Pacu, cõ punaa yure cõ ca tiicojoricã mena,"

ïimi.§

¹⁴ Jĩcõ puna ca niirã, cõja pacure birora upu cuti, díi cuti, cõja ca biitore birora Jesús cãa manire birora upu cuti, díi cuti, bii eapui ati yeparure, cõ ca bii yairije mena ati yepare bii yairiquere ca doti tutua niigu ñañarije wiogu Satanás're ñañoaro cõre tii yaio cõarugu. ¹⁵ To biro tiiri, bii yairiquere uwima ïirã, mani ca catiri rumari cõrora, mani ca tgoeña pai niimiriquere ametuene bojapui. ¹⁶ Aõuro petira Æmureco Pacu puto macãrãre tii nemogu doogu mée dooupi. Abraham pãramerãre tii nemogu doogu dooupi. ¹⁷ Teere ïima ïigu, niipetirijepurena cõ yaarãre birora biiupi, Æmureco Pacure pade boja niigu, paia upu nii eari cõ paderiquere aõuro tiicõa nii, ca boo paca ïagu nii, biicãri cõ ca bii yairije mena bojoca ñañarije cõja ca tii niirijere ametuenerugu. Nucã cõ ca bii yairije menara, bojoca cõja ca ñañarije acobo bojarugu, ¹⁸ cõ majuropeera ñañoaro tamuo, ñañarije tii doti eco pacagu ca bii ametua nucãricu niiri, mecãri cãare ñañarije tiirugarique ca bii ea ecorãre, cõjare tii nemo majimi.

3

Jesucristo, Moisés ametuenero ca niigu

¹ To biri yu yaarã, mja ca ñañarije manirã, Æmureco Pacu cõ ca joricarã, Jesucristore, "Æmureco Pacu cõ ca tiicojoricu, Paia Wiogu niimi," ïi majiña, díamacõ mani ca to nucõ buo nunjeegure. ² Jesús, Æmureco Pacu cõ ca dotiriquere cõre cõ ca dotiricarore birora tiipui, Moisés, Æmureco Pacu cõ yaa pooga macãrãre cõ ca ïa nunjee dotiro cõ ca ïa nunjeericarore birora. ³ To biro ca biiricarã cõja ca nii pacaro, Jesús peera Moisés ametuenero ïi nucõ buoricu cõ ca niiro cõre tiipui, jĩcõ wii buari maju, cõ ca quenorica wii ametuenero cõ ca ïi nucõ buo ecorore birora. ⁴ Niipetiri wiijeripurena jĩcõ niicumí teere ca tiiricu. To biro ca biimijata cãare, Æmureco Pacu pea ano ca niirije niipetirijere ca tiiricu niimi. ⁵ Moisés, pade bojari majure biro cõ ca niirijera, cõ ca dotiricarore birora Æmureco Pacu yaa pooga macãrã niipetirãre aõuro ïa nunjeeupi.* Cõ paderique pea jipore Æmureco Pacu cõ ca wedepere bojocare cõ ca wede majiorije niipura. ⁶ Cristo pea Æmureco Pacu Macõ cõ ca niirijera, Æmureco Pacu yaa pooga macãrã, manira mani ca niirijere aõuro ïa cotemi, ujea niirique mena mani ca yue niirijere to birora mani ca tgoeña bayicã nijata.

Æmureco Pacu yaarã cõja ca yerijãa niipa tabe

⁷ To biri, Aõuri Yeri o biro cõ ca ïiire birora:

"Mecãre, Æmureco Pacu cõ ca wederijere mja ca tojata,

⁸ trumupu ca yucu maniri yeparu niirã yure torugati, ñañoaro yure bii ametuene nucã, ca biiricarãre biro biiticãña.

† 2:12 Sal 22.22. ‡ 2:13 Is 8.17. § 2:13 Is 8.18. * 3:5 Nm 12.7.

⁹ Тоорүре мұја һицү жәа ниқуірарә қуарента сүмари пети, үһ са тии ниријере йа нии пақарә, үһре бии аметуене нүсә нииуа.

¹⁰ То бии сүја мена ајари, ‘Нoo ca boorora мұја тугоеһа мaa wijiacә, мұјаре үһ са боожәрије пеера мұја мајирүгати,’ сүјаре үһ йиуһ.

¹¹ То бии сүја мена ајама йиғһ: Yee мее үһ йи.

‘Аһуро мұја са нира уепаре мұјаре үһ тиicoјорucu,’ үһ са йирица уепаре, ди рүмү һно пеера мұја eatirucu,” үһ йиуһ.†

¹² Үһ уаарә, йицү мұја мена маcү һно пеера, сү уерипү һаһарије wado тугоеһа, тyo нүһһеети биicәри, Өмүреco Pacү to бирора са caticәa ниғуре сү са camotatiro са тиријере тyo мајии нииһа. ¹³ O biro pee тии нииһа: То cәnacә рүмүра мұја мајуропеера, йицү мұја мена маcү, һаһарије pee сүре са бии буйеero тyoрүгатиреми йима йирә, Өмүреco Pacү wederiquere mecү мұја са тyoјәријере маји ниирәра амери wede мајии нииһа. ¹⁴ Cүре тyo нүһһеје јуorәрүра дiamacү mani са тyo нүсү бyo јyo dooricarore бирора mani са бии tutuacәa нијата, Jesucristo мена са ниiparә mani ниirucu, ¹⁵ ano са йи уерийәа waarore бирора:

“Mecүre, Өмүреco Pacү cү са wederijere мұја са тyoјата, тyoрүгати, са бии аметуене нүсәрицарәre биo биiticәһа.”‡

¹⁶ ¿Noa сүја ниипари, Өмүреco Pacү cү са йиријере тyo пақарә, сүре са бии аметуене нүсәрицарә? ¿Niipetirәрүра Egipto са ниiricarәre Moisés сү са јее wienericarә мее to biro сүја биипари? ¹⁷ ¿Noa menare Өмүреco Pacү cuarenta сүмари пети сү аја ниипари? ¿Һаһарије тиима йирә, са уycү мании уепарүра са бии уаирцарә мена мее сү ајаипари?

¹⁸ Нүсә, ¿noa peere уее мее үһ йи: “ ‘Аһуро мұја са нира уепаре мұјаре үһ тиicoјорucu,’ үһ са йирица уепаре мұја eatirucu,” сү йиипари? Cүре са аметуене нүсәрицарәre to biro йиipi. ¹⁹ “Өмүреco Pacүre сүја са тyo нүһһеетирique јуori, тii уепарүre ea waatiupa,” mani йи маји.

4

¹ То бии Өмүреco Pacү уаа табе уерийәарика таберү mani са eapere, мена са уе ниирә нири, бојоца catiri са ниiparә mani нии, мұја мена маcү йицү һно пеера тоорүре са ea waa мајитигү сү са ниитипере биo йирә. ² Mani cәa, сүјаре бирора аһурије quetire сүја са wedero mani тyoуһ. Cүја пеера сүја са тyoрије wapa маниура, tee аһурије quetire сүја са тyoриқуре дiamacү сүја са тyo нүсү бyoтирије јуori. ³ Mani, са тyo нүһһеерцарә pea, тii табе уерийәа нирица таберүre mani earucu, Өмүреco Pacү o biro сү са йирица таберүre:* Ајама йиғһ, o biro үһ йиуһ:

“Yee мее үһ йи: ‘Аһуро мұја са нира уепаре мұјаре үһ тиicoјорucu,’ үһ са йирица уепаре мұја ea waatirucu,” сүјаре сү са йирица табере.

Биигүрүһа, Өмүреco Pacү ati уепаре јееһогүрүра сү paderiquere уapanocәupi. ⁴ Йиcә табери owa тууриқерү o biro йи, ati һмүреcore сү са тii уaponorica рүмү јиро маcә рүмүre:†

“Йиcә amo пети, ape amore рүага penituario са нири рүмүre сү paderiquere уерийәаupi Өмүреco Pacү.”

⁵ Cүја са owa тууриқе o biro йи нүсә:

“ ‘Аһуро мұја са нира уепаре мұјаре үһ тиicoјорucu,’ үһ са йирица уепаре, ди рүмү һно пеера мұја eatirucu.”

⁶ То са бии пақарo йиcәрә, аһуро уерийәа нирица таберүre‡ са eaparә дүјacәma мена. Tee аһурије quetire са тyo југуерцарә pea тyo нүһһеетима йирә, “Аһуро мұја са нира уепаре мұјаре үһ тиicoјорucu,” сү са йирица уепаре eatiupa. ⁷ То бии Өмүреco Pacү pea, “Йиcә рүмү ниirucu,” йи nemoupi нүсә, “ati рүмүre”. То бии тiрүмүрү David ниқуірцү o biro сү са йиқуириқерү мена манире wede мајиomi Өмүреco Pacү, David сү са йиқуириқуре o biro мұјаре үһ са йијәријере:

† 3:11 Sal 95.7-11. ‡ 3:15 Sal 95.7-8. * 4:3 Sal 95.11. † 4:4 Gn 2.2. ‡ 4:6 Өмүреco Pacү сү са бојоца cәти нири табе.

“Mecüre Æmureco Pacu cū ca wederijere mūja ca tūojata, teere tuo nunūjeeticā, biiticāña,” iūpi. §

⁸ Mee Josuéra, israelitas're añuro yerijāarica taberū cū ca juo eacoajata, “Jīcā rūmū niirucu yerijāarique mūja ca buapa rūmū,” iī nemotibojacupi Æmureco Pacu. ⁹ To biri añuri tabe, yerijāarica tabe Æmureco Pacu yaa pooga macārā cūja ca niipa tabe niicā ména. ¹⁰ Æmureco Pacu puto ca ea waarā, Æmureco Pacu cū paderiquere yapanori cū ca yerijāaricarore birora, cūja paderiquere yerijāarucuma cūja cāa. ¹¹ To biri mani cāa tii tabe, yerijāarica taberūre ea waarūgarā, buaro bii bayi, tūgoeña tutua ca biiparā mani nii, jīcū uno peera ca tuo nunūjeetiquīricarā cūja ca biiricarore biro mani biire iirā.

¹² Díamacūra Æmureco Pacu wederiquea ca catirije, do biro ca tiiya manirije niiro bii. Niipīi no ca boori pīi pūa nūñapūra joo yoorica pīi ametuenero mani ca yeri jāña niirijerūre, mani ca cati niirijerūre, ñaajāa nūcā peticoari, mani ca tūgoeñarijere, mani yeripū mani ca tiiruga tūgoeñarijere, iā beje cōoña peoticā. ¹³ Æmureco Pacu mani ca tii niirijere ca iā bejerūra, cū ca tiirique, cū ca iā eyotirije mani. Niipetirijerūra cū ca iarije wado niicā.

Jesucristo Paia Wiogu ca nii majuropeegu

¹⁴ Jesús, Æmureco Pacu Macū, Æmureco tutipūrena ca ametuacā jāa waaricū, mani yūñ Pai Ca Nii Majuropeegu niimi. To biri díamacū mani ca tuo nūcū buorijere, ca iirore biro ca tūgoeña bayicōa niiparā mani nii. ¹⁵ Mani yūñ Pai Ca Nii Majuropeegu pea, mani ca tūgoeña bayitirijere iā boo paca majimi. Cū cāa, manire birora ñañaro tiirique cūre ca bii earo tamūupi. Cūa tee peere jīcāti uno peera ñañarije unora tiitiupi. ¹⁶ To biri “Jāare tii nemorucumi,” iī tūgoeñari, Æmureco Pacu manire ca mai iagūre mani jāico, manire boo paca iari manire maima iigu, tii nemorique mani ca boori tabe unore manire cū ca tii nemopere biro iirā.

5

¹ Paia wiogu ca nii earā cōrora, bojoca, cūja watoa ca niigūre beje ami, bojoca yeere Æmureco Pacūre ca jāi bojapū, Æmureco Pacu yee cūja ca jee dica wooriquere Æmureco Pacūre tiicojo, bojoca ñañarije cūja ca tii wapa tuariquere, waibūcurā jīari tiicojo ametuene boja, ca tiiparā cūja ca jōenerā niima. ² To biri pai majuropeera manire biro ca tūgoeña bayitigu niiri, Æmureco Pacu yeere ca majitirāre, ñañarije ca tii maa wijarāre boo paca iā majimi. ³ To biro ca biigu niiri ñañarije cū ca tiirije wapare, ñūcā bojoca yee wapa cāare, waibūcurā jīari joe mūene cojo majimi Æmureco Pacūre, ñañaro cūja ca tiiriquere cū acobo bojajato iigu.

⁴ Jīcū uno peera cū majuropeera, “Yū, paia wiogu yū niirucu,” cū ca iirije juori méé, paia wiogu niimi. Æmureco Pacu, Aarón niiquīricūre, paia wiogu cū ca niiro cū ca tiiricarore birora, paia wiorā ca niiparāre bejeri, paia wiorā cūja ca niiro tiimi Æmureco Pacu. ⁵ To biri wāmera Jesucristo cāa, cū majuropeera paia Wiogu ca nii majuropeegu jāatiupi. Æmureco Pacu pee, to biro ca biigu cū ca niiro cūre tiupi, o biro cū ca iiricū cū ca niiro macā:

“Mū, yū macū mū nii.

Mecūra mūre yū macū jāa.”*

⁶ Ñūcā ape taberū o biro iī owarique nii:

“Mūa, pai to birora ca niicōa niigu mū niirucu,

Melquisedec cū ca biiquīricarore birora,” iūpi. †

⁷ Jesucristo cū ca bii yaipa upū mena cū ca cati niiri rūmūre, bii yairiquere ca ametuene majigūre tutuaro wederique mena, ñūcā otirique mena, cūre jāi juu bueupi. Æmureco Pacu pea cū ca iirore biro ca tii nunūjeegu cū ca niiro macā, cū ca juu buerijere tūupi. ⁸ Cū Macū nii pacagu, ñañaro cū ca tamūorije mena cū ca iirore biro tii nunūjeeriquere majiupi. ⁹ To biro bii, ca ñañarije manigu nii eari, niipetirā cūre ca tuo

§ 4:7 Sal 95.7-8. * 5:5 Sal 2.7. † 5:6 Sal 110.4.

nɛnɛjeeräre to birora caticōa niiriquere ca tiicojogu nii eaupi. ¹⁰ Ñucã Æmureco Pacu pea Melquisedec're biro paia wiogu cū ca niiro cūre tiupi.

Díamacū tuo nɛcū buo yerijāarique ca uwiorije nii

¹¹ Paɯ nii biiorɯa, ate maquēre wederugarique, to ca bii pacaro, yoari méé ca tuo ñee bayitirã mɯja ca niirije juori, do biro pee mɯja ñi wede majio majiña mani. ¹² Añurije quetire tĩramɯra ca tuo juoricarã niiri, aperäre ca bue majioparã ɯnorɯ mɯja niimi. To biro bii pacarã, Æmureco Pacu yeere mɯjare cūja ca buerique mɯja ca tuo majipe ɯnorɯrena, “O biro pee ñirugaro ñi Æmureco Pacu wederique,” ñi wede majio nemoriquerɯ mɯja boocã ñucã. Ca tutuatirã, baariquere ca baatirã, õpẽcõacã wado ca jiniräre birorɯ mɯja biicã yai waajapa. ¹³ Õpẽcõacã wado ca ùpũrã, ca ùpũrãacã, “Ate añurije nii, atea ñañarije nii,” ca ñi majitiräre biro niima. ¹⁴ Baarique ca bayirijerɯa, bucarã, “Ate añurije nii, atea ñañarije nii,” ca ñi ña beje majirãpɯ cūja ca baarije nii.

6

¹ To biri, Cristo yee maquē mani ca tuo juoriquere wadore maji niitirãra, buaro jañuro ca bue tugoeña maji nɛnɛa waparã mani nii. To biri ca nii majuropeerije mani ca maji juoriquere, ñañarijere tiima ñirã ca bii yaiparã mani ca niiro ca tiirijere, mani ca tugoeña yeri wajoarique maquēre, Æmureco Pacure díamacū tuo nɛcū buoriquere maquēre, ² uwo coerique maquē bue majioriquere, Æmureco Pacu jaaräre amori mena cūjare ñia peori juu bue peoriquere, ca bii yairicarã cūja ca cati tuarije maquēre, to biri to birora ñañaro tamɯo yairique maquē mani ca majirijerɯrena, ca wedecõa niitiparã mani nii. ³ Atere mani tii nɛnɛa waarucu, Æmureco Pacu cū ca boojata.

⁴ Jĩcãti Æmureco Pacu yee quetire díamacū ca tuoricarã, Æmureco Pacu cū ca tiicojorijere añuro ɯjea niirique mena ca jee ɯparicarã, Añuri Yeri mena ca nii ɯjea niimĩricarã, ⁵ añuro ɯjea niirique mena Æmureco Pacu yee quetire ca jee ɯparicarã, ñucã jiorɯre ca niipe maquē ca doti tutua niirijere, ca majiricarã nii pacarã, ⁶ ñañarije tiirique peerena cūja ca tii amojodecã tua waajata, ñucã do biro pee tiicãri cūja ca tugoeña yeri wajoaro tii majiña mani. Cūja majuropeera, Æmureco Pacu Macure puatipɯ yucu tenipɯ cūre paa pua tuu, niipetirã bojoca cūja ca ña cojoropɯ cūre bui epe, cūja ca tiiricarore birora tiirã tiima ñucã.

⁷ Yepa, oco ca pearije cõrora tii yepare ca ñaacũmu earucurijere ca ùpũ jõene niiri yepa, tii yepare ca pade niiräre añurije cūjare to ca dica cati bojajata, Æmureco Pacure añuro tii eco. ⁸ To biro ca biimijata cãare pota yucu, wĩjõ, peca miji daari ca wii bojari yepa pea, wapa mani. Mee, Æmureco Pacure ñañaro tii eco, jiro pecame mena joe yaio eco, ca biipa yepa niiro bii. To biri wãmera Æmureco Pacu yeere ca jee ɯparicarã añuri wãmere ca tii niirã añuro cūre tii eco, ñañarije peere ca tii amojode tua waarã ñañaro cūre tii eco, ca biiparãra niicãma.

Mani ca tugoeña tutua yue niiro ca tiirije

⁹ Yɯ jaarã, o biirije ñi wede pacarã, “Añurije cūjare yue,” o biro pee ñijata, “Cūja ca ametɯapere ca buaparã peti niima,” mɯjare jãa ñi. ¹⁰ Æmureco Pacu añugɯ niimi, mɯja ca tiiriquere, Jesucristore ca tuo nɛnɛjeeräre mairique mena mɯja ca tii nemoriquere, ñucã mecũri mɯja ca tii niirije cãare, acobotirucumi. ¹¹ To biri mɯja ca niiro cõrora, to biro mɯja ca tii niirijere to birora mɯja ca tii yapano nɛcãcãro jãa boo, mɯja ca yue niirijere mɯja ca cɯo eapere biro ñirã. ¹² Ca junañe pairã mɯja ca niiro jãa booti. To biro biitirãra, díamacū tuo nɛcū buo, to birora tii nɛnɛjeecõa nii, cūja ca biirije juori, Æmureco Pacu, “Yɯ tiicojorucu,” cū ca ñiriquere ca tiicojo ecoräre ña cõori, cūja ca bii niimore biro pee tii yue niña.

¹³ Æmureco Pacu Abraham niiquĩricure, “O biro mure yɯ tiirucu” ñigɯ, apĩ cū ametɯenero ca nii majuropeegɯ cū ca maniro macã, cū majuropeera, cū wãmerena wãmeo tii peori, “Yee méé yɯ ñi,” ñiri, ¹⁴ o biro cūre ñiupi: “Buaropɯra añuro mure yɯ tiirucu. Mɯ pãramerã paɯ cūja ca nii nɛnɛa waaro yɯ tiirucu.”* ¹⁵ To biro cū ca ñiro

* 6:14 Gn 22.17.

jirore, Abraham pea, pato wãcãricaro maniro yue niima ñigũ, Ғмүреco Pacu: “To biro mure yu tiirucu,” cüre cü ca ñiriquere ñeeupi.

¹⁶ Bojoca pea, “Yee méé jáa ñi,” cüja ca ñijata, cüja ametuenero ca nii majuropeegu wãme mena ñima. Ñucã, “Yee méé jáa ñi, jáa ca ñirote birora jáa tiirucu,” cüja ca ñijata, ape wãme ñi nemo majiña mani. ¹⁷ To biri Ғмүреco Pacu, “O biro yu tiirucu” cü ca ñiriquere wajoaricararo maniro, cü ca ñiricarore birora ca tiipu niiri, “O biro yu tiirucu” cü ca ñiriquere ca waparãre cü ca ñiricarore birora cüjare ññorugũ, cü ca tiipere “ ‘Yee méé yu ñi’ ñirique mena,” ñi cüucãupi. ¹⁸ Ate pua wãme ca wajoa majiña manirije, Ғмүреco Pacu cü ca ñi ditotirije ca niirije menara mania, Ғмүреco Pacu cü ca ña coterijere ca amaricarã, to biri mani ca yue niiro cü ca tiiriquere to birora ca yuecõa niirã, añuro tugoeña tutua ujea niirã mani ca niiro manire tiimi Ғмүреco Pacu. ¹⁹ Ate mani ca yue niirijera mani ca catiro jáña niirijere, Ғмүреco Pacu cü ca bojoca cuti niiri jawire cüja ca yoo camotarica quejero jiro peere, cümüa pairicare come pñi† ca nucü ñee poorore birora, añuro ca tugoeña bayi tutua niirã mani ca niiro manire ca tiirijere mani cuo, ²⁰ Jesucristo manire ñima ñigũ, jáa waa jugue biicãri Melquisedec‡ cü ca biiquiricarore biro pai ca nii majuropeegu cü ca nii earicaropure.

7

Jesús, Melquisedec're biro pai cü ca niirije

¹ Melquisedec'a, Salem macü wiogu, Ғмүреco Pacu ati umureco niipetiropu Ca Doti Niigu yuu pai niupi. Abraham, wiorãre jãa bate yapano, cü ca tua doori tabere Melquisedec pea cüre bocagu waari, “Añuro mure to biijato,” cüre ñupi. ² To biro cü ca ñi jái boca yapanoro, Abraham pea cü waparãre jãari cü ca emariquere pua amo cõro ca niirijere jicã tabe cüre tiicojoui Melquisedec're. To biri Melquisedec wãmea, o biirije ñirugaro ñi: “Wiogu añugu ca niirore biro ca tii niigu,” ñucã Salem macü wiogu cü ca niirique pea, “Añuro niirique Wiogu,” ñirugaro ñi. ³ Pacu mani, paco mani, cü ñicü jũmua ca nii nunua dooricarãra cuoti, biicãmi; ñucã cü ca bii amepa juoriquere, cü ca bii yapa cuti nucãriquere, majiña manicã. To biri Ғмүреco Pacu Macü to birora pai cü ca niicõa niirore birora biicãmi.

⁴ Tugoeñañaqué. No cõro peti ca nii majuropeegu cü niiquijapari Melquisedec, mani ñicü Abraham majuropeepu cãare wiorãre jãari cü ca emariquere pua amo cõro ca niirijere jicã tabe cü ca tiicojo ecojata. ⁵ Moisés cü ca doti cüurique pea o biro ñi: “Leví yaa puna macãrã paia wado, bojoca cüja ca cuorijere pua amo cõro ca niirijere jicã tabe cüjare jãirucuma, jicã majara Abraham pãramerã wado nii pacarã,” ñi. ⁶ Melquisedec pea Leví yaa puna macü méé nii pacagu, Abraham're pua amo cõro ca niirijere jicã tabe cüre jãiuipi, Ғмүреco Pacu, “O biro mure yu tiirucu” cü ca ñiricure. To biro tiicãri, “Añuro mure to biijato,” cüre ñi jái bojaupi Melquisedec, Abraham're. ⁷ Jicü uno peera: “Añuro mure to biijato” ca ñigu pea, “Añuro mure to biijato,” cü ca ñigu ametuenero ca nii majuropeegu niimi, ñiriquere, “To biro méé bii,” ñi majitimi. ⁸ Ati rumurire pua amo cõro ca niirijere jicã tabe ca jái niirã, bojoca ca bii yaiparã niima. To biro to ca bii pacaro, cüja ca owa tuurique pea Melquisedec peera, ména jicü to birora ca caticõa niigure ñirote biro wede. ⁹ To biri o biro mani ñi maji: Leví yaa puna macãrã paia, mecürire bojocare pua amo cõro ca niirijere jicã tabe ca jái niirucurã cãa, Melquisedec're Abraham pua amo cõro ca niirijere jicã tabe cü ca tiicojori tabera, cüja cãa Abraham menara Melquisedec're tiicojupa. ¹⁰ Melquisedec cüre cü ca bocagu waari tabere, cü pãramerã ca niiparã ca bauatirã nii pacarã cüpure ca niirã niiri to biro tiupa.

¹¹ Israel yaa pooga macãrã, paia levitas juoripu, doti cüuriquere tiicojo ecoupa. To biri yua, anija paiara, bojocare ca ñañarije manirã cüjare cüja ca tiicãjata, apñi pai Aarón're biro ca biigu mééere, Melquisedec're biro ca biigu paire booya manibojacupa. ¹² Paia cüja ca wajoarora, doti cüurique cãa wajoacã maji. ¹³ Mani Wiogu yee maquere o biro cüja ca ñi

† 6:19 Ancla. ‡ 6:20 Sal 110.4. * 7:2 Gn 14.17-20.

owaricū pea, Israel yaa poogare jīcū ũno peera pai nii, cūja ca biitirica puna macū niupi.
¹⁴ Mani Wiogū, Judá yaa puna macū cū ca niiriquera, mee añuro majirique nii. Moisés pea paia yee maquēre wedegū, jīcāti ũno peera tii puna macārāre, “To biro biirucuma” ĩitiupi.
¹⁵ Jīcū pai wāmū Melquisedec're biro cū ca nii earieja majiriquera nii, ¹⁶ doti cūurique, “Tii puna macārā paia niirucuma,” ca ĩirore biro méé pai ca niiricū, catirique do biro ca tii yaio majiña manirije ca doti tutua niirore biro pee pai ca niiricū cū ca nii eariquere.
¹⁷ Ate nii Ũmureco Pacū cū yee maquēre cū ca ĩirije:†
 “Mūa pai to birora ca niicōa niigū mū niirucu, Melquisedec cū ca biiquĩricarore birora,” ĩiupi.

¹⁸ O biro biima ĩiro, doti cūurique ca nii jūoriquea wapa mani eaupa, ōo ca biirjeacāra niicā, añuti, biima ĩiro. ¹⁹ Moisés cū ca doti cūuriquea jīcā wāme ũno peera añuro mani ca niiro manire tiiti majuropeecāupa. Mecāra yua, doti cūurique ca niimirica taberena mani cūo, ca nii majuropeerije mani ca yue niirije Ũmureco Pacū puto mani ca ea majiro ca tiirijere.

²⁰ Atera, “Yee méé yū ĩi,” ĩirique mena tiupi Ũmureco Pacū. ²¹ Aperā paia pea, “Yee méé yū ĩi,” ĩirique mena paia nii eatiupa. Wiogū Jesucristo peera, “Yee méé yū ĩi,” ĩirique niupa. Ũmureco Pacū wederique o biro cūre ĩi:
 “Ũmureco Pacū, ‘O biro yū tiirucu, yee méé yū ĩi,’ ĩiupi. Teere wajoatirucumi.

Mūa pai to birora ca niicōa niigū mū nii,” ĩi.‡

²² To biro biima ĩigū, Jesús'ra niimi bojoca menare Ũmureco Pacū, “To biro yū tiirucu,” cū ca ĩi jūorique ametuenero, cū ca ĩiricarore birora to biijato ĩigū ca nii eagu.

²³ Aperā paia pea paū niirucuupa, cūja ca bii yairora paia cūja ca niirije ca petiro macā.
²⁴ Jesús pea ca bii yaitigū cū ca niiro macā, pai cū ca niirijere apĩ cūre wajoa majitimi. ²⁵ To biro ca biigū niiri, cū jūori Ũmureco Pacū yaarā ca nii earāre, to birora cūja ca niicōa niipere biro ĩigū cūjare ametuenero. Cūa, Ũmureco Pacūre cūjare jāi boja niirugū to birora ca caticōa niigū niimi.

²⁶ Jesús'ra niimi pai ca nii majuropeegū§ mani ca booricū. Cūa, ca ñañarije manigū, ñañarije ca tiitigū, ñañarije ca tii wapa tuatigū, ñañarije ca tiirāre ami camotoricū, ũmureco tuti jotoa macā yeparū ca cūu ecoricū, niimi. ²⁷ Cūa, aperā paia, ũmurecori cōro cūja ca ñañarije wapare Ũmureco Pacū cū acobojato ĩirā, cūja majurope cūja ca ñañarije wapare waibucurā jīari joe mūene jūo, jiro ñucā bojoca cūja ca ñañarije wapare joe mūene boja, ca tii niirāre biro méé biimi. Cū majuropeera, jīcāti bii yaigūra to birora ca niicōa niipere bii yai bojacāupi. ²⁸ Moisés cū ca doti cūurique pea, bojoca ca tūgoeña tutuatirārena paia wiorā cūja ca niiro tiupa. To biro cūja ca biimijata cāare, Ũmureco Pacū pea cū wāme majurope mena ĩiri, doti cūurique jiropū to ca niimijata cāare, cū Macūre Pai cū ca niiro cūre tiupi, to birora ñañarije manigū ca niicōa niirū cū ca tiiricūre.

8

Wāma wāme ca tiiricū

¹ Mani ca ĩi nūna doojārije ca nii majuropeerije, mani yūū pai ca nii majuropeegū, ũmureco tutipure Ũmureco Pacū cū ca duwiri tabe díamacū nūña peere ca duwi earicū,
² pai ca niigū niiri, Ũmureco Pacū cū ca bojoca cuti niiri jawire bojoca cūja ca quenorica tabe méere, Wiogū majuropeera cū ca quenorica jawipure ca pade niigū cū ca niirije nii.

³ Niipetirā paia ca nii nūna waarā cōrora, “Ũmureco Pacū yee niirucu,” cūja ca ĩirijere jee boja, waibucurā jīari joe mūene, ca tii bojaparā niirucuma,” cūja ca ĩiricarā niima. To biri Jesucristo cāa, Ũmureco Pacūre cū ca tiicojopere jīcā wāme ca tiicojopū niupi.

⁴ Jesucristo ati yepara cū ca niicājata, pai niitibojacupi. Mee, ati yeparūre niima paia, Moisés cū ca doti cūurique ca ĩirore biro Ũmureco Pacūre bojoca cūja ca tiicojorijere ca tiicojo ametuene bojarā. ⁵ Ati yepa macārā paia pea ũmureco tutipū ca niiri wiire ĩa cōori cūja ca tiirica wiipure pade niima. Ate jūori, “Īa cōori cūja ca tiiriquerū nii,” mani

† 7:17 Sal 110.4. ‡ 7:21 Sal 110.4. § 7:26 Sumo sacerdote.

ĩi maji. Moisés tii wiire cū ca tiirugaro, o biro cūre ĩiupi Ɖmureco Pacu: “Añuro tɔoya: Ɖtāguru mɔ ca niiro, mure yu ca ĩnorica wiire biiri wii tiya,” cūre ĩiupi.* 6 Mani yuu pai ca nii majuropeegu, paia paderique ca nii majuropeerijere ca ñeerica pea, tĩrururu Ɖmureco Pacu, “O biro yu tiirucu,” cū ca ĩrique ametuenero añuri wāme ca tii bojaricu niimi.

7 Mee ca nii ĩnorica wāmera, añuro mani ca niiro ca tiirije to ca niijata, jiro manire cū ca tii bojapa wāme booya manibojacupa. 8 Ɖmureco Pacu pea, añuro cūja ca tii peoti majitirijere ĩari, o biro ĩiupi:

“O biro ĩimi Wiogu:

‘Niirucu, Israel bojoca menare, to biri Judá yaa puna macārã menare wāma wāme cūjare yu ca tii bojapa ruru.

9 Tee pea mɔja ĩicū jāa Egipto yeparu ca niirãre, cūjare yu ca jee wieneri ruru cūjare yu ca doti cūu ĩnorica wāmere biro méé niirucu.

Cūja pea, yu ca doti cūurije ca ĩrore biro cūja ca tii nunuheetirije ĩuri, cūjare yu waa weocoawu,’ ĩimi Wiogu.

10 Tii ruru jiro, Israel bojoca menare yu ca tii niipe pea, ‘Ate niirucu,’ ĩimi Wiogu.

‘Yu ca dotirijere cūja ca tugeñarijeru to ca earo yu tiirucu. Ñucã cūja yeripure owa tuuricarore biro cūja ca majiro yu tiirucu.†

Yu pea, cūja Ɖmureco Pacu yu niirucu. Cūja pea yu yaa puna macārã niirucuma.

11 To biri ĩicū uno peera cūja ca niiro cōro cū ruo macūre, cū mena macūre, yure cūja ca majipere ameri wede majio tiirucuma, mee niipetirã, ca nii majuropeera, ca nii coterã, yure cūja ca maji peticãrije ca niiro macã.

12 Ñañarije cūja ca tii bui cutiriquere cūjare yu ametuenerucu.

Ruati ñucã teere yu tugeña nemotirucu,’ ĩimi.”‡

13 Wāma wāme maquere Ɖmureco Pacu cū ca wedejata, ca nii ĩurique peera, “Bucu nii” ĩicãri, to biro ĩimi. To biro cū ca ĩirije niima ĩiro, peeto dɔja tee ca yairo.

9

Ɖmurecoru macã wii, to biri ati yepa macã wii

1 Cū ca doti cūu ĩuriquea, Ɖmureco Pacu tii nucu buorã, “O biro mɔja tiirucu,” ĩirique mena niupa, biiruru ati yepa macã wiire. 2 Ɖmureco Pacu yaa wii, cūja ca queno ĩnorica wii pea, ano cōro rau jawiri cūja ca tiirica wii niupa. Ea ĩnorica jawi, Ca Ñañarije Maniri Jawi* ĩirica jawire, jāa boerica tutu, Ɖmureco Pacu yee cūja ca jee dica woorique pan ca pejari pĩi, niupa. 3 Tii jawire ca yoja camotari quejero jiro macã jawi pea, Ca Ñañarije Mani Majuropecãri Jawi,† niupa. 4 Tii jawipure niupa, oro mena cūja ca quenorica tutu,‡ yucu díi ca juti añurijere joe muerica tutu. Tii taberena niupa ñucã Ɖmureco Pacu, “O biro yu tiirucu,” cū ca ĩirica cūmua. Tii cūmua niipetiruru oro mena cūja ca wadarica cūmua niupa. Tii cūmua jupearure oro mena cūja ca tiiricaru manã ca jānariru, Aarón tuericagu ca joori wiiquĩricagu, to biri Ɖmureco Pacu cū ca dotiriquere cūja ca owa tuurica pĩri utã pĩri, jānaupa. 5 Tii cūmua jotoare Ɖmureco Pacu cū ca bojoca cuti niirijere ca bii cōñarã ruarã querubines pejaupa. Cūja pea, bojoca cūja ca ñañarije tii ametuene bojarã waibucurã díi mena cūja ca wadarurica pĩi, tii cūmuare buatorica pĩre cūja queduru mena juu camota pejaupa. Biiruru, mecũra tee maquere ca nirore biro wede nuna waa majiña mani.

6 O biro cūja ca quenorique ca niirure, ca nii ĩuri jawire to birora jāacõa niima paia, cūja paderique Ɖmureco Pacu cūja ca juu bue nucu buorurijere tiirã waarucurã. 7 Tii jawi jiro macã jawipura paia wiogu wado ĩicã cūmare ĩicãtira jāa waami. Tii jawipure jāa waagu cū majurope ñañarije cū ca tiirique wapare, to biri bojoca, “Ñañarije tiirã jāa tiicu,” ĩi majiri méé, ñañarije cūja ca tiirije wapare Ɖmureco Pacu cū acobo bojajato

* 8:5 Ex 25.40. † 8:10 Yu yee dotiriquere cūja ca tugeña niirijeru yu cūurucu; cūja yeripuru yu owa tuurucu. ‡ 8:12 Jer 31.31-34. * 9:2 Lugar Santo. † 9:3 Lugar Santísimo. ‡ 9:4 Altar de oro.

ĩgu, cū ca tiicojope waibucurã díre jee waacumi. ⁸ Atere majima ĩrã, ca nii juori jawi, juu buerica jawi to ca niimijata cãare, ména tii jawi jiro macã jawi Ca Ñañarije Mani Majuropecãri Jawipura ea waa majiña mani, mani ca ĩi tugoeña majiro manire tiimi Añuri Yeri. ⁹ Ate niipetirije, mecũrire ca bii cõõarije nii. Toopu, Umureco Pacu yee ca niipe cūja ca jee dica wooriquere tiicojo nucũ buo, waibucurã ĩari Umureco Pacupure tiicojo nucũ buo, ca tii niirãre, to biro cūja ca tii nucũ buo niirije añuro cūja ca tugoeña wajoaro cūjare tiiti. ¹⁰ Tee pea baarique, jinirique, to biri cūja ca ñañarijere coerã cūja ca tiipere, dotirique jotoa maquẽ wadore Umureco Pacu cū ca wajoarora ca bii yapano eape wadore ĩi.

Cristo díi

¹¹ Mee Cristo pea doo yerijãaupi. To biri mecũra cũra niimi pai ca nii majuropeegu, niipetirije añurije manire ca jee dooricu. To biri paire biro cū ca paderique cuti niiri wii pea, ca añu ametueneri wii peti nii, bojoca cūja ca tiirica wii méé, o biro ĩijata, ati yepa macã wii méé nii. ¹² Jesucristo pea Ca Ñañarije Mani Majuropecãri Jawipure chivoa díre, wecua díre, tiicojogu waagu méé, cū díi majuropeerena tiicojogu waagu jãa waaupi. Toopure ĩcãtira jãa waagura, to birora ca niicõa niipere bii yai boja peoticã cojori, to birora caticõa niiriquere mani ca buapere ĩgu, to biro manire bii bojaupi. ¹³ Wecua díi, chivoa díi, to biri wecua wimagore joerique nitire jeeri oco mena aberi ñañarije ca tiirãre cūja ca yaye tuurije pea, jotoa maquẽ petira ca coerije niipura. ¹⁴ Tee cãa to biro ca tiirije to ca niijata, Jesucristo díi pee doca, waibucurã díi ametuenero ca nii majuropeerije nii. Añuri Yeri to birora ca niicõa niigu juori, Jesucristo cū majuropeera Umureco Pacure añurije, ca ñañarije manirijere tiicojogure biro biiupi. Manire cū ca bii yai bojarique pea, ñañarije ca tugoeñarã niiri, ñañaro tiima ĩrã ca bii yaiparã mani ca niiro ca tiirijere manire ametuene boja, Umureco Pacu to birora ca caticõa niigure mani ca pade nunjee niipere biro ĩiro.

¹⁵ To biri Jesucristo pea wãma wãme ca tii bojaricu niimi. Doti cũurique ca nii juoriquere tii nunjee peotitima ĩrã, ñañaro cūja ca tiirique wapare ametuenerugu bii yai bojaupi, Umureco Pacu cū ca bejericarã, “O biro yu tiirucu” cū ca ĩirique, to birora ca niicõa niirijere cūja ca cõo eapere biro ĩgu.

¹⁶ “To biro yu tiirucu,” ĩirica wãme to ca niijata, “To biro yu tiirucu,” cū ca ĩirique cū ca ĩiricarore birora to bii eajato ĩgu, to biro ca ĩiricu cū ca bii yai weoro jiropu añu. ¹⁷ Ména, “To biro yu tiirucu,” ca ĩiricu cū ca catijata, “To biro yu tiirucu” cū ca ĩirique wapa mani. Cū ca bii yairo jiropu docare wapa cuti. ¹⁸ To birira Umureco Pacu, ca nii juori wãme cãare, díi baterique mena cūu juoupi. ¹⁹ Niipetirã bojoca Israel macãrãre, Umureco Pacu cūjare cū ca tii doti cũurique niipetirijere cūjare wedeupi Moisés. Cūjare wede yapano, chivoa, wecua puna cūja ca ĩaricarã díre oco mena ayari, yucugu hisopogu dupu mena oveja poa ca jũarije mena jia tuuri, díre joa ami, doti cũurique cūja ca owarica pũurore, to biri bojoca cãare yaye tuu, ²⁰ o biro cūjare ĩiupi: “Ate díi nii, Umureco Pacu, ‘To biro yu tiirucu,’ cū ca ĩiriquere cū ca ĩiricarore biro mũa ca tii nunjeeperere cū ca dotirique,” ĩiupi. ²¹ Nucã tii wiire to biri Umureco Pacure tii nucũ buorã cūja ca cõorucurije niipetiropu cãare díi mena yaye tuuupi. ²² Doti cũurique pea niipetirijepurena díi mena wado ñañarijere coe dotiupa. To biri díi bate yai waarique to ca manijata, ñañarije tiirique wapare acobo bojarique mani.

Jesucristo mani ca ñañarijere cū ca ametuenerique

²³ Umureco tutipu ca niirijere ĩa cõori cūja ca tiirique cãa añurije ca tuapere biro ĩrã, waibucurã ĩari joe mũenerique boorucuupa. To biri emuaropu ca niirije ca nii majuropeerije doca, tee ametuenero añurijere ĩari tiicojo nucũ buoriquere boo. ²⁴ Cristoa, bojoca cūja ca tiirica wii, ca nii majuropeeri wiire ĩa cõori cūja ca tiirica wii méére jãa waaupi. Umureco tutipurena jãacoaupi, mecũrire Umureco Pacure mani yee maquẽre cū ca jãi boja niiri tabepure. ²⁵ Cristo pea, umureco tutipure jãa waagu, cū upurirena ĩcãti

§ 9:20 Ex 24.8.

mée, paia ɯparã ca nii earã niipetirãpura cūmari ca niiro cōro, aperã dīipure Ca Ñañarije Mani Majuropeecãri Jawipure cūja ca jee jãa waarore biro tiitiupi. ²⁶ Paia ɯparã cūja ca jee jãa waarucurique ɯno cū ca niijata, Cristo ati ɯmureco ca nii juori tabe menapura to cānacã cūmara cū ca bii yaicōa niipe niibojacupa. Mecūri ca tujari yuteari peera, Cristo jīcātira baua eari, ñañarijere cōarugũ, jīcātira cū majuropeera bii yai boja peoticã cojoupi. ²⁷ Niipetirãpura jīcātira bii yai, jiropara yua añurije ca tiiricarã añuro tii eco, ñañarije ca tiiricarã ñañaro biirica taberu tiicojo eco, cūja ca biipere birora, ²⁸ Cristo cãa jīcātira bii yaiupi, paɯ bojoca ñañaro cūja ca tiiriquere ametuenegu. Jiro baua ea nemorucumi ñucã; biigurua, bojoca cūja ca ñañarije wapare ametuene bojagu doogu mée yua, cūre ca yue niiricarãre ametuenegu doogu pee doorucumi.

10

¹ Moisés cū ca doti cūurique pea, bojocare añurije ɯmureco Pacu cū ca tiicojope ca doopere ca nii cōoña juorije niupa. Cū ca bojoca cūti nii majuropeerije mée niupa. To biri doti cūurique pea, to cānacã cūmara waibucurã dīi mena joe jūti añu muenérique mena ɯmureco Pacure ca tii nucū buo niirãre, jīcāti ɯno peera ñañarije manirã cūja ca tuaro cūjare tiiti. ² Doti cūuriquera ñañarije manirã cūja ca tuaro ca tiirije to ca niijata, “Mee ñañarije manirãpura mani nii yua,” ïi tugoeñari, waibucurãre ɯmureco Pacupure cūja ca joe jūti añu mēne niirucurijere to cōrora tii yerijãacãbojacupa. ³ Biiorua, ate waibucurã jīari cūja ca joe mēne cojorucuriquea, ñañaro cūja ca tiirucurijere cūmari cōrora tugoeñari cūja ca tii niirije niupa. ⁴ Wecua dīi, to biri chivoa dīi, ñañarije tiirique wapare coe majiti.

⁵ To birira Cristo ati yeparure doogu, o biro ïiupi ɯmureco Pacure.*

“Waibucurã joe muenérique, ñucã ‘Cū yee niirucu’ ïirã

cūja ca jee dica woorijere, mɯ bootiwɯ.

To birira bojocu yure mɯ tiiwɯ.

⁶ Bojoca ñañaro cūja ca tiirijere ñañarije manirã tuarugarã, waibucurã jīari cūja ca joe mēne cojorucurijere mɯ ïa biijejati.

⁷ To biri o biro yɯ ïiwɯ: ɯmureco Pacu ‘Anora yɯ nii,’ mɯ yaa pūuropure yɯ yee maquēre cūja ca owa cūu juguericarore birora, mɯ ca dotirore biro tiirugũ.”

⁸ O biro ïi juoupi: Waibucurãre jīari joe muenérique, waibucurãre cūre cūja ca tiicojo nucū buorijere booti, ïa nucū buoti, biimi ɯmureco Pacu, dotirique to biro ca tii dotirije ca nii pacaro. ⁹ Jiro ïi nemoupi ñucã: “Anora yɯ nii, mɯ ca dotirore biro tiirugũ,” ïiupi. O biro ïiri, waibucurãre jīari joe mēne nucū buo niirucuriquere cōaupi, wãma wãme pee wajoarugũ. ¹⁰ ɯmureco Pacu cū ca dotirore biro cū ca tiirique juorira, ca ñañarije manirã mani ca niiro manire tiupi, cū majuropeera jīcātira cū ca bii yai boja peoticã cojorique juori.

¹¹ Niipetirã judíos, paia ca nii earã cōrora, tii wãme wadorena to cānacã rumura waibucurã jīari joe mēne cojocōa niirucuma, cūja ca ñañarije wapare jīcāti ɯno peera ñañarije manirã cūja ca tuaro ca tiitirije to ca niimijata cãare. ¹² Jesucristo pea bojoca ñañaro cūja ca tiirique wapare ametuene bojagu, jīcātira bii yai boja yapano peoticã cojori, ɯmureco Pacu díamacū nuña pee ea nuu eaupi. ¹³ Toopu yue niimi, ɯmureco Pacu cū waparãre cūja ca doca cūmuro cū ca tiioru. ¹⁴ Jīcāti bii yaigura, ɯmureco Pacu cū ca juorãre añurã cūja ca nii nunna waapere cūjare tii boja peoticã cojoupi. ¹⁵ Añuri Yeri cãa o biro manire ïi wede majio nemomi:

¹⁶ “Tii rumuri jiro cūja menare ‘O biro yɯ tiirucu,’ cū ca ïirije pea, ‘Ate niirucu,’ ïimi Wiogu:

‘Yɯ ca dotirijere cūja yeripu ca niiro yɯ tiirucu. Ñucã cūja ca tugoeñarijeru, owa tuuricarore biro cūja ca majiro yɯ tiirucu.’ ”†

¹⁷ “Ñañarije cūja ca tii bui cūtirijere, to biri ñañaro cūja ca tii niirijere, puati teere yɯ tugoeña nemotirucu,” ïimi.‡

* 10:5 Sal 40.6-8. † 10:16 Jer 31.33. ‡ 10:17 Jer 31.34.

¹⁸ To biri ñañoaro mani ca tiirique wapare cū ca acobo bojacārique ca niiro macā, ñee uno peere ñirā cōro, ñañarije tii wapa tuarique wapare waibucurā jīari tiicojo ametuene nemo majiña mani yua.

Ñañarije ca tiicōa niirāre wede majiorique

¹⁹ Yū yaarā, mecāra uwiricaro maniro, Ca Ñañarije Mani Majuropeecāri Jawipure mani jāa waa maji, Jesucristo manire cū ca bii yai bojarique jūori, ²⁰ ʘmureco Pacu cū ca bojoca cuti niiri jawipure ea waa majiña maniro ca camota niirica quejerore, Jesucristo cū majuropeera cū ca bii yairije mena cū ca pāa jāa waaricaropure. ²¹ Jesús'ra niimi mani yūu pai ca nii majuropeegu, ʘmureco Pacu yaarā juguerore ca niigu. ²² To biri añuro yeri caticāri, díamacū tuo nucū buorique mena, “To birora mani biirucu,” ñi tūgoeña ñee dopocāri, mani yeripure ñañarije tūgoeñaricaro maniro mani upure oco añurije mena ñañoaro mani ca tiiriquere ca coe ecoricarā niiri, ʘmureco Pacu pūtore mani waaco. ²³ Mani ca yue niirijere, “Yeera mani biicā” ñiricaro maniro, to birora ca tūgoeña bayicōa niiparā mani nii. ʘmureco Pacu pea, “To biro yū tiirucu,” manire cū ca ñiricarore birora manire tiirucumi. ²⁴ To biri mani ca niiro cōrora ameri tii nemo, buaro jañuro ameri mai, añurije wadore tii, tii niirica wāme peere mani amaco. ²⁵ Jīcārā, ʘmureco Pacu manire ca ñi nucū buo juu bue niiri taberire ca waatirāre biro ca biitiparā mani nii; biitirāra, mani ca niiro cōro, ameri wede majio tūgoeña bayi, ca tii niiparā mani nii, mecū docare Wiogu yaa rūtū ca cōñacā doorijere ca ña majirā niiri.

²⁶ Añurije queti díamacū ca ñirijere majicāri jiropara, tiirugarique mena ñañarijere mani ca tiicā nūnua waajata, to biro mani ca tiirije wapare ca bii yai ametuene bojaru manimi yua. ²⁷ ʘmureco Pacu ca junarāra, ñañoaro cūja ca biipe pecameru ñañoaro cūja ca ũu yaipe wado dūja. ²⁸ Noo ca boogu Moisés cū ca doti cūuriquere ca ametuene nucāgure, puarā, itiarā, cū ca biirijere cūja ca wedejāajata, ña mairicaro maniro cūre jīa cōacārucuupa. ²⁹ ʘmureco Pacu Macūre ca junarā, cū ca bii yairiquera ca ñañarije manirā cūja ca niiro ca tiiriquere ca junarā, ñucā ʘmureco Pacu yūu Añuri Yeri cūjare ca maigūre ñañoaro ca ñirā doca, ¿ametuenero ñañoaro tamuorucuma mūja ñi tūgoeñatiti? ³⁰ To biri ʘpu o biro ca ñiricure mani maji: “Yū yee nii ñañoaro tii ameriquea, yū, yū ame bojarucu,” ñiupi ʘpu. § Ñucā o biro ñiupi: “Wiogu, cū yaa puna macārāre ña bejerucumi,” ñiupi.* ³¹ ¡Ñañarije peti niiro bii, ʘmureco Pacu ca caticōa niigūre ñañoaro tii ecorique doca!

³² Mūja pea Jesucristo yee quetire mūja ca tuo nūñjeericaro jiro, ñañoaro tamuo pacarā mūja ca tūgoeña bayiriquere acoboticāña. ³³ Jīcārā mūja mena macārā, niipetirā cūja ca ña cojoropu, ñañoaro cūjare ñi tuti eco, ñañoaro tii eco, biiupa. Ñucā ape tabera mūjare birora ñañoaro ca tamuorāre ñarā, mūja menara ñañoaro ca tamuorāre birora mūja tūgoeña nemoupa. ³⁴ Tia cūurica wiipu ca niirā cāare cūjare mūja ña maiupa. Mūja ca cūorijere cūja ca emajata cāare, ũjea niirique mena mūja niicāupa; ʘmureco tutipu mūja ca cūorije ca añu majuropeerije, to birora ca niicōa niirije peere majima ñirā to biro mūja biiupa.

³⁵ To biri Jesucristore mūja ca tuo nūñjee niirijere yerijāaticāña. Teera añurijere paio mūja ca tiicojo ecoro mūjare tiirucu. ³⁶ Mūja, ʘmureco Pacu cū ca boorore biro tiirugarā ñañoaro tamuo pacarā, to birora ca tūgoeña tutuacāparā mūja nii, ʘmureco Pacu “To biro yū tiirucu,” cū ca ñiriquere mūja ca tiicojo ecopere biro ñirā. ³⁷ ʘmureco Pacu wederique o biro ñi:

“Yoari méera doorucumi ca dooru. Yoaro bii mani waati majuropeecārucumi.†

³⁸ ‘Añugu niimi’ yū ca ñigua, díamacū cū ca tuo nucū buo niirije jūorira catirucumi.

Yū mena ca niimiricu amojode nucā cū ca tuacoajata docare, cū ca biirijere yū ũjea niitirucu.”‡

³⁹ Mania, ñañoaro bii yairica taberu§ ñañoaro bii yairugarā, añurije quetire ca tuo nūñjee yerijāarāre biro méé mani bii. Jesucristore díamacū ca tuo nucū buorā niiri, ca ametuarā pee niirā mani bii.

§ 10:30 Dt 32.35. * 10:30 Dt 32.36; Sal 135.14. † 10:37 Hab 2.3-4. ‡ 10:38 Ro 1.17; Gal 3.11. § 10:39 Infierno.

11

Ɔmureco Pacure díamacũ nũcũ buorique

¹ Díamacũ tuo nũcũ buoriquea, “Mani ca yuerijere mani tiicojo eco majuropecãrucu,” ïi tũgoeña bayi, ñucã mani ca ïatirijerena, “To birora biirucu,” ïi yue, biirique nii. ² Mani ñicũ jãa niiquĩricarã díamacũ ca tuo nũcũ buorã niima ïirã, “Añu majuropecãma,” ïi ecoquĩupa Ɔmureco Pacure.

³ Díamacũ tuo nũcũ buorique juorira mani maji: Ɔmureco Pacu ati yepa niipetiro ca niirijepure cũ wederique menara ca bautirijerena mecũrire mani ca ïarijere cũ ca tii jeeñoriquere.

⁴ Díamacũ tuo nũcũ buorique juorira, Abel cãa, cũ ca cœorijere Ɔmureco Pacure tiicojogu, Caín cũ ca tiicojorije ametuenero añurije tiicojoupi. To biri Ɔmureco Pacu, “Añugũ niimi” ïiri, cũ ca tiicojorijere ïa biijejaupi. To biri Abel cũ ca bii yairo jiro to ca niimijata cãare, díamacũ cũ ca tuo nũcũ buorique pea mecũripũ cãare manire wede majiocõa nii.

⁵ Enoc cãa díamacũ cũ ca tuo nũcũ buorije juorira, cũ bii yaiticãjato ïigu, ca catigũrena cũre ami waaquĩupi. Ati yepare cũre ïa nemotiupa, Ɔmureco Pacu cũre cũ ca amicoarique ca niiro macã. Ɔmureco Pacu yee cũja ca owarique o biro ïi: Enoc, Ɔmureco Pacu cũre cũ ca ami waaparo juguero, “Añuro cũ ca ïa biijejarijere tii niupi,” ïi.* ⁶ Díamacũ tuo nũcũ buorique manigũra, Ɔmureco Pacu cũ ca ïa biijejarijere tii majiña mani. Ɔmureco Pacu pũto ea waarugarã, “Ɔmureco Pacu niimi, cãa cũre ca amarãre añurijere ca tiicojogu,” díamacũ ca ïi tuo nũcũ buope nii.

⁷ Noé cãa díamacũ cũ ca tuo nũcũ buorije juorira, ïati pacagu, Ɔmureco Pacu “To biro biirucu,” cũ ca ïirijere tuo nũnũjeeri, cũmua pairica quenoquĩupi, cũ yaarã mena ametuarugũ. Ñucã díamacũ cũ ca tuo nũcũ buorije juorira, bojoca ati yepa macãrã ñañarije ca tii niirãre, “Ñañaro bii yairique biro dooro tii,” ca ïi majio niiricu niima ïigu, díamacũ tuo nũcũ buorique juori añurije buarique Ɔmureco Pacu cũ ca tiicojorijere cœo eaupi.

⁸ Díamacũ cũ ca tuo nũcũ buorije juorira, Abraham cãa Ɔmureco Pacu cũre cũ ca juoro, cũ ca ïirijere tuo nũnũjee, cũre yũari, cũ ca tiicojopa yepapure waarugũ majiti pacagu, cũ yaa yepare witi weoupi. ⁹ Ɔmureco Pacu cũre cũ ca ïirijere díamacũ ca tuo nũcũ buogu niiri, “Mũre yũ tiicojorucu,” Ɔmureco Pacu cũ ca ïirica yepa, aperã yaa yepapure niirucuupi. Waibũcũrã quejeri menara wii pĩiri quenori, tii yepapure yoja amojoderucuupi. Isaac, Jacob jãari, Ɔmureco Pacu, “To biro yũ tiirucu,” cũ ca ïiriquere ca ñeericarã cãa to birora biiupa. ¹⁰ To biri Abraham pea, Ɔmureco Pacu majurope cũ ca quenorica macã, ca nii majuropeeri macã ca yai nũcãtipa macãre yuegu biiupi.

¹¹ Ñucã díamacũ tuo nũcũ buorique juorira, Abraham bucu peti nii, Sara cãa ca puna manigo cõ ca nii pacaro, tutuarique tiicojo ecori, “To biro yũ tiirucu” ca ïigu, cũ ca ïirore biro ca tiigũre, “Cũ ca ïiricare biro tiirucumi,” díamacũ ïi tuo nũcũ buori, ca puna cãtigũ nii eaupi. ¹² O biro biima ïigu Abraham, puna manigũra yai nũcã waagu ca biimiricu, ñocõa Ɔmureco quejeropũ ca niirã cõro, ñucã dia pairi yaa tũjarore jita dupari do biro ca tii, cõo peoti majiña manirijere biropũ pãramerã cãti eaupi.

¹³ Cũja niipetirãpũra, Ɔmureco Pacu, “To biro yũ tiirucu” cũjare cũ ca ïiriquere bua eatirãra, bii yai peticoaupã. Biirãpũra cũ ca ïiriquere díamacũ ca tuo nũcũ buorã niiri, yoaropũ ca baurijere ïa, teere bocaña, ïa ujea nii, biiupa. Ñucã, “Ati yepare to birora ca niicõa niiparã méé mani nii, ape yepapũ ca waa nũnũa waari maja mani nii” ïi, ïa majiupa. ¹⁴ To biirije ca ïirã, “Ape yepa, cũja ca niipa yepare amarã tiima ména,” mani ca ïi majiro tiima. ¹⁵ Cũja ca doo weorica yepapũrena cũja ca tũgoeñacõa nijata, tii yepapũra tuacoabojacupa ñucã. ¹⁶ Cũja pea añuri yepare boorã biiupa. O biro ïijata, “Emũaropũ macã yepare.” To biri Ɔmureco Pacu, “Yũ, cũja Ɔmureco Pacu yũ nii,” ïi bobotimi, mee cũja ca niipa macãre ca queno yuecãricu niiri.

* 11:5 Gn 5.24.

¹⁷ Ñucã Abraham díamacũ tuo nũcũ buorique juorira, Æmureco Pacu: ¿Díamacũra yure tuo nunujeegura cũ tiiti? iigu cãre cũ ca ïi ñaaro, cũ macũ Isaac're ami, waacoaupi, cãre jãari joe mũene cojorugũ. Cũ macũ jĩcũra ca niigu, ¹⁸ Æmureco Pacu, “O biro yũ tiirucu” cũ ca iiricũrena jãari, ca joe mũenecãpũra niicãgu biiupi: “Mũ macũ Isaac juori, mũ pãramerã cutirucu,” cũ ca iiricũrena.† ¹⁹ Abraham pea, “Ca bii yaicoaricarãpũrena ca catio majigu niimi Æmureco Pacu,” ïi majicãupi. To biri o biiro pee iijata, cũ macũ ca bii yaicoaricu ca cati tuagure biro ca niigũpũre, cãre tua amiupi ñucã.

²⁰ Isaac cãa díamacũ cũ ca tuo nũcũ buorije juorira, cũ puna, Jacob, Esaũ jãarire jiropu cãjare ca bii mũa nũcãpere, “Añuro mũjare to biijato,” cãjare ïi cũuquĩupi.

²¹ Jacob cãa díamacũ cũ ca tuo nũcũ buorije juorira, bii yaigu doogũpũra, cũ pãramerã José punare cãja ca niiro cõrorena, “Añuro mũjare to biijato,” cãjare iiri, cũ tuericagu‡ mena tua ñee nũcũri, Æmureco Pacure ïi nũcũ buoripi.

²² José cãa, díamacũ cũ ca tuo nũcũ buorije juorira bii yairũgu jũguero, o biro cãjare ïi tũjaquĩupi israelitas're: “Jiro jañuro Egipto yepare mũja witiirucu. Mũja ca witiiri mũmũ ca niiro, yũ upũri ca nii dũjarije cãare mũja jeecoawa, mũja ca waari yeparũ,” cãjare iiquĩupi.§

²³ Moisés pacua cãa díamacũ cãja ca tuo nũcũ buorije juorira, Moisés cũ ca bauaro jiro, itiarã muipũa peti yaiori cãre cõupa, wimagũ añugũacã cũ ca niiro macã. To biri Egipto yepa wiogu, wimarã mũũare cũ ca jãa bate dotirijere uwitiupa.

²⁴ Ñucã díamacũ cũ ca tuo nũcũ buorije juorira Moisés, bucua waagu, Faraón macõ macũ cũ ca niirijere bootiupi. ²⁵ Jĩcã cuu cõro ñañarije cãja ca tiirijere cãja mena tii ẽja nii niiricaro unora, Æmureco Pacu yaa puna israelitas mena pee ñañaro tamũorũgaupi.

²⁶ “Cristo ñañaro cũ ca tamũopere biro pee biirique pee nii, Egipto maquẽ apeyere cõo ẽja nii niirique ametũenero ca nii majuropeerijea,” ïi tũgoeñaupi Moisés, Æmureco Pacu cũ ca tiicojope peere ca yuegu niiri. ²⁷ Ñucã Moisés díamacũ cũ ca tuo nũcũ buorije juorira, Egipto macũ wiogu cũ mena cũ ca ajiarijere uwiricaro maniro, tii yepare witiupi. Æmureco Pacu ca bautigure ca iagure birora, to birora tũgoeña tutuacõa niupi. ²⁸ Ñucã díamacũ cũ ca tuo nũcũ buorije juorira, Pascua boje mũmũ tiigu, ovejare jãari, cũ díi mena cãja yaa wiijeri jope pãmarire wada dotiupi, Æmureco Pacu puto macũ jãari majũ, israelitas puna ca nii juorã mũũare cũ ca jãatipere biro iigu.*

²⁹ Israelitas cãa díamacũ cãja ca tuo nũcũ buorije juorira, dia pairi yaa,† Ca Jũari yaare, ca oco maniri yepare biro tĩacoapa. Cãja jiro egipcios cãa, cãjare biro biirũgama iirãra, dua yaicoapa.

³⁰ Díamacũ cãja ca tuo nũcũ buorije juorira, Jericó macãre cãja ca wee camota amojoderica tũdiro cãa, jĩcã amo peti, ape amore pũaga penituario niiri mũmũri israelitas cãja ca amojodero jiro wati batecã duwi waupa.

³¹ Tii macã macõ Rajab, mũmũ epe wapa taari majo cãa, díamacũ cõ ca tuo nũcũ buorije juorira, Æmureco Pacure ca tuo nunujeetirã mena bii yaitiupo. Cõ pea, Israel yaa pooga macãrã cõ yaa macãpũre ca ña dutirã earãre, mairique mena cãjare boca, cõ yaa wiirũ cãjare jee waupo.

³² ¿Ñee pee yũ ïi nemogajati? Æmureco Pacure ca tuo nunujeericarã Gedeón, Barac, Sansón, Jefté, David, Samuel, to biri Æmureco Pacu yee quetire wede jũgueri maja, cãja ca biiquĩriquere yũ ca wedejata, yũ ïi peotitibocu. ³³ Ñucã díamacũ cãja ca tuo nũcũ buorije juorira, ape yeparire jãa taa ẽma, ca niimore biro añuro bojocare jũo tii nii, Æmureco Pacu, “To biro yũ tiirucu,” cũ ca iiriquere ñee, yaia jũarã bucũrã ẽjerorire paa biato, ³⁴ pecameri uwioro ca mũriijere yaa, cãja waparã niipĩiri mena cãjare cãja ca jãa baterũgaro duticã, ca tutuatirã ca niimiricarãra ca tutuarã nii ea, ñucã ameri jãarica tabere do biro ca tiya

† 11:18 Gn 21.12. ‡ 11:21 Griego wederique mena Æmureco Pacu wederiquere ca owaricarã “tuericagu” cãja ca iirica taberena hebreo wederique mena ca owaricarã pea “cãni pejarica tabe” iupa. § 11:22 Gn 50.24-25; Ex 13.19. * 11:28 Ex 12.21-30. † 11:29 Ex 14.21-31 Oco Jũa, hebreos wederique mena peera “Yam Suf”. Waimaja wederique mena peera, “Wãjoriña”.

manirã nii, cūja waparãre jã ametua nucãcã, biiupa. ³⁵ Nomia cãa, cūja jaarã ca bii yaicoaricarãpurenã, ca cati tuaricarãpurenã jaarã cutiupa. Aperã ñañoaro tii yaio ecoupa, “Umureco Pacure muja ca tuo nunujee yerijãajata, jãa jãaticu,” cūja ca ñirijere bootiri, “Jiropu mani ca cati tuape doca añurije peti niiro bii,” iima ñirã. ³⁶ Aperã, boborije ñi bui eco, bape jude eco, come daari menapu jia eco, tia cūu eco, biiupa. ³⁷ Aperã ùtã mena dee jãa eco, aperã cūja upu decomacãrira wide waa eco yai, niipiri mena jãa eco yai, biiupa. Nucã oveja, cabra quejeri menara juti cuticãri, apeye uno cãori mée ñañoaro cūja ca tiicãricarã tugoeñarique pai nucū yujurã, aperopu, aperopu, waa nucū yujurucuupa. ³⁸ Cūja, ati yepare cūja ca niiro ca booya manirãpu niicãrã biiupa! “Toopu mani waa” ñi majiricarõ maniro, nucū yujuri majara niicã, ca yucu maniri yeparipu, macãnucãripu, ùtã totiripu, operipu, nii yujurucuupa.

³⁹ Cūja niipetirãpura díamacū cūja ca tuo nucū buorije juori Umureco Pacure, “Añurã niima” ca ñi ecoricarã nii pacarã, “Yu tiicojorucu” cū ca ñiriquere tiicojo ecoticãupa. ⁴⁰ Umureco Pacu pea manipure iima ñigu, “Ametunero añurijere yu tiirucu,” iipi, mani mena jicãripu añurã cūja ca nii yapano eapere iima ñigu.

12

Umureco Pacu cū punare wede majiomi

¹ To biri mani cãa, mani wejare to cõro pau díamacū cūja ca tuo nucū buorijere ca ñhoricarã cūja ca nii coterijere ca majirã niiri, añuro mani ca nii majitiro ca bii pato wãcõ niirijere, to biri ñañarije mani ca tiiro ca tii mecõorijere camotaticãri, tugoeña tutuarique mena Umureco Pacu manire cū ca tii dotiriquere ca tii nunua waaparã mani nii. ² Jesús cū ca biiricarore biro ca bii nunujeparã mani nii. Díamacū mani ca tuo nucū buorije cū yeera bii juo, ñucã cūra añurã mani ca nii earo tii, ca tiigu niimi. Jesús, ñañoaro tamõ ametuari jiro, añuro ujea niirique cū ca buapere majiri, ñañoaro yucu tenipu bii yaigu, ñañagure ca tiirãre biro cūre cūja ca tii yaiorijere bobo tugoeñatiupi. To biro ca biiricu niiri Umureco Pacu cū ca duwiri cūmuro díamacū nuña peere ea nuu eapu. ³ Jesús cū ca biiriquere tugoeñaña. Ñañarã cūre ca junarã cūja ca ñi tutirijere ñañoaro peti tamoupi; to biri muja cãa juti, jutiriti biiticãña.

⁴ Ména, muja pea, ñañarije junama ñirã muja ca wede majiorije juori, ñañoaro tamõ, bii yairiquerura muja bii ñaati. ⁵ Umureco Pacu, mujare, cū punare biro cū ca wede majiorijere mee muja acobocoati? O biro ñi owarique nii:

“Macū, tuo junaticãña, Wiogu cū ca wede majiorijere.

Tuti jañuri mure cū ca wede majiorije cãare tugoeñarique paiticãña.

⁶ Wiogu cū ca mairãre wede majiomi.

Ñucã cū punare biro cū ca ñarãre, ñañoaro tiirique mena cūjare wede majiomi.”*

⁷ Ñañoaro muja ca tamorijere to birora nucãcãña, Umureco Pacu cū punare biro mujare tiigu tiimi. Cū niiti jicū cū macū cū pacu cū ca wede majiotigu? To biri Umureco Pacu cãa manire wede majio majimi. ⁸ Umureco Pacu mujare, muja punare muja ca wede majiorore biro cū ca wede majioticãjata, cū puna majurope mée muja nii. Cūja ca puna jãa batericarãre biro pee muja nii. ⁹ Apeyera, wimarã mani ca niiro, mani pacua ati yepa macãrã manire wede majiorucuwa. To biro cūja ca ñirijere mani tuo nucū buorucuwa. To biro ca biiricarã niiri, caticõa niiriquere buarugarã, mani Pacu, umureco tutipu ca niigu, cū ca wede majiorije pee docare ametunero nucū buorique mena cū ca ñirijere ca tuo nunujeparã mani nii. ¹⁰ Mani pacua ati yepa macãrã, ati yepare yoaro ca cati niitiparã mani ca nii pacaro, “O biro pee yu ca wede majiõro añu earugami yu macū,” cūja ca ñi majiõro cõro manire wede majiorucuwa. Umureco Pacu pea añuro mani ca niipere iima ñigu, manire wede majiomi, cūre birora ca ñañarije manirã mani ca niipere biro ñigu.

¹¹ Biiorpu ñañoaro tiicãri manire cūja ca wede majiori nimarore jicã wãme peera mani ca ujea niiro tiiti. Puniro tugoeñarique niiro bii. To biro manire cūja ca tiirijere mani ca

* 12:6 Pr 3.11-12.

tuo majijata, jiroputa añuro nii, añuro niirique cuti, mani ca bii nunna waaro ca tiirije niiro bii.

Umureco Pacure ca junaräre wede majiorique

¹² Tee tiirã, muja amori ca bogá yai waariquere ca tutuarije ca niiro tii queno, muja ajuro jupeari ca tutuati yai waarijere tutuarique jãa, tiya. ¹³ Muja yaa maarire díamacũ maari quenofã,† dapo upa yuria ca niiri dapo ca maa maniro peera uta ama woa waatirora to ca yujucopere biro ñirã.‡

¹⁴ Niipetirã mena jicãri cõro añuro niirique, ca ñañarije manirã niiriquere, amaña. Teere ca tiitirã, jicũ uno peera Umureco Pacure ñatirucuma. ¹⁵ Jicũ uno peerena Umureco Pacu cũ ca tii nemorije ca dajatipere biro ñirã, bojoca catiri niña, jicũ uno peera, yucugu ca nucõri jũguericu ca biitore biro, paupare añuro nii majiña maniro cãjare tii camota nii, ñañarije cãja ca tiiro tii, cũ ca tiitipere biro ñirã. ¹⁶ Jicũ uno peera muja mena macãrã, nũmo mani, manũ mani, bii pacarã tii epericarã cuti, tii nucũ buorique ca niirije ca tiya manirjera tii epe, tiieto. O biiri wãmera tiiquũpi Esau. “Watoa maquẽ nii” ca ñigũre biro, jicã bapa baarica bapa jãorira, ca jũwũ cã ca niimiriquere cã bai peere nonicãquũpi. §

¹⁷ Mee muja maji, tee jiro cũ ca biiriquere. Añurije maquẽre cũ pacure cũ ca jãimijata cãare, tiicojo ecotiupi. Buaro otirique mena cũ ca ñimijata cãare, do biro tii wajoa majiña maniupa to biro cũ ca tiiriquere.

¹⁸ Israelitas cãja ca biiricarore biro, ãtãgu ca ãu nucũricure, buaro ca naitãarijere, buaro wino waa, buro paa, ca bii amojodericu putore muja waatiupa. ¹⁹ Ñucã putirica wũ ca bujuriere, Umureco Pacu cũ ca wederije cãare muja tuotiupa. Cũ ca wederijere ca tuoricarã pea, to cõrora cãjare cã wede yerijãajato ñirã, “To cõrora wedeya,” buaro cũre ñi jãiupe. ²⁰ Waibucupu cãa ãtãgure cũ ca utajata, ãtã mena dee jãa, ñucã jadericaro mena jade jãa, cũ tii ecojato, cũ ca ñirijere, “Mani nucãricaro mani,” ñima ñirã, to biro ñiupa.* ²¹ Ucuenerije peti niuupa, cãja ca ñarije pea. To biri Moisés majuropecã: “Buaro uwirique mena yu nanagaja,” ñiupi.†

²² Muja pea Siõn ca wãme cutiri buuropare, Umureco Pacu ca caticõa niigu yaa macã, Jerusalén umureco tutipu ca niiri macã, Umureco Pacure queti wede bojari maja pau millares peti ca niirã Umureco Pacure ñi nucũ buorugarã ca nea pooricarã puto pee, ²³ to biri Umureco Pacu puna ca nii jãoricarã umureco tutipu cãja wãmere ca owa tuu ecoricarã puto pee, muja nea poo nunna waa. Umureco Pacu, niipetirãpore ca Jãiña Bejegu puto pee, bojoca añurã ca niiquiricarã yerire añurã peti Umureco Paacu cũ ca tiiricarã puto pee, ²⁴ Jesús, wãma wãme ca tiiricu puto pee, to biri cũ dñi, mani ca ñañarijere manire ca coerique Abel niiquiricu dñi ametuenero añurije ca wederije puto pee, muja nea poo nunna waa.‡

²⁵ To biri manire ca wedegure jãa tuo junare ñirã tuo majiña. Umureco Pacu ati yepara niiri bau niiro, “Teere tiiticãña,” cãjare cũ ca ñirijere ca junaricarã cãa, do biro pee bii dutitiupa. Mani pee doca umureco tutipu menara manire ca wede majio ñigũre mani ca junajata, do biro pee bii, ca dutiparã méé mani nii. ²⁶ Tii cuupare Umureco Pacu cũ ca wederora ati yepa nanacoaupe. Mecũ peera o biro ñimi: “Ñucã jita to ca nanaro yu tii nemorucu. Ati yepa wado méé, umureco tuti menapura to ca nanacoaro yu tiirucu,” ñimi. § ²⁷ “Ñucã jicãti yu tii nemorucu” ñigua, cã ca tiirique to birora ca niicõa niitipe pea yai peticoarucu, to birora ca niicõa niipe pee wado ca daja eapere biro ñiro, ñimi Umureco Pacu, mani ñi maji.

²⁸ Umureco Pacu cũ ca doti niiri tabe, mani ca niipa tabe pea yaitirucu. Ate jãori, Umureco Pacure, “Jãa mena mu añu majuropecã” ñi, ñucã nucũ buorique mena, cũ ca ña

† 12:13 Pr 4.26. ‡ 12:13 To biri, muja amori ca juti yai waariquere, muja ñicã suruuri ca tutuati waariquere, tutuarique jãa, tiicãri, díamacũ maa ca nii waari maa peere amaña, ñicã upa yuria ca niiri ñicã wetitirora ca yujucopere biro ñirã. § 12:16 Gn 25.29-34; 27.1-46. * 12:20 Ex 19.12-13. † 12:21 Dt 9.19. ‡ 12:24 Jesucristo cũ ca bii yairiquera mani ca ñañarije wapare ametueneupa. Abel cũ ca bii yairique pea jãa amerique niuupa. § 12:26 Hag 2.6.

biijearije mena, cūre mani tii nūcū b̄uoco. ²⁹ Mani ̄M̄ureco Pac̄ua, pecame ca joe yaiori pecamere biro niimi.*

13

Jesucristore ca t̄uo n̄n̄ujeerā cūja ca tii niipe

¹ J̄icū punare biro m̄uja ca ameri mai niirijere to birora tiicōa niīña. ² M̄uja yaa wiire ca earāre cānirica tabe tiicojorique maquēre acoboticāña. To biro tiima iirā, “Cūja niicuma” iī majiri méé, ̄M̄ureco Pac̄u p̄uto macārarena cūja yaa wiijerira cūjare cāni dotirucuquīupa.* ³ M̄uja cāa, tia cūurica wiip̄u ca niirāre, m̄uja menara tii wiip̄u niirāre birora cūjare t̄ugoeñaña. Ñañaro ca tii ecoricarā cāare cūjare t̄ugoeñaña. Ape r̄um̄u ca niiro m̄uja cāa, cūjare birora m̄uja tam̄uobocu.

⁴ Niipetirāp̄ura n̄mo c̄utiriquere cūja iā n̄cū b̄uojato. M̄uja ca n̄moa c̄uti niirijere, ñañarije tiicōa juaricaro maniro añuri wāme wadore tii niīña. Ca n̄mo c̄utirā nii pacarā aperā menap̄u ñee epe, ñucā niipetirije tiirica wāme cōro méép̄u ñee epericarā c̄uti yai waa, ca tiirāra, ñañaro cūjare tiirucumi ̄M̄ureco Pac̄u. ⁵ Wapa tiirica tiirire c̄uocā pacarā paio jañuro boo jāa waaticāña. M̄uja ca c̄orije menara ūjea niicāña. O biro iīupi ̄M̄ureco Pac̄u:

“Di r̄um̄u ūno peera m̄ujare cūucā, m̄ujare waa weocoa, yū biitirucu,” iīupi.†

⁶ To biri, “To birora tiirucumi” cūre ca iirā niiri, o biro mani iī maji:

“Wioḡu niimi ȳure ca tii nemoḡu.

To biri yū uwitirucu, ¿bojoc̄ua ñee ūno pee ȳure cū tiibogajati?”‡

⁷ M̄ujare ca j̄uo niirā ̄M̄ureco Pac̄u yeere m̄ujare ca wederucuricarā cūja ca biiriquere t̄ugoeñaña. Cūja ca c̄uti niiri r̄um̄urire añuro cūja ca niirije c̄utirije mena, añuro m̄uja ca nii n̄n̄ua waaro ca tiiriquere iā cōoña, to birora díamacū cūja ca t̄uo n̄cū b̄uo tutuacōa niiriquere, cūja ca biiricarore biro bii n̄n̄ujeeya. ⁸ Jesucristoa, ñamica cāare cūra niicōa nii, mecū cāare cūra niicōa nii, to birora cūra niicā n̄n̄ua waa, ca biiḡu niicāgu biimi.

⁹ To biri m̄uja, bojorique, ca t̄uo ñaaña manirije bue majioriquerena t̄uo n̄n̄ujeeticāña. Baariquere, “Atere baaya; atera baaticāña,” iiriquerena tii n̄n̄ujeerica tabe ūnora, ̄M̄ureco Pac̄u manire cū ca mairije peere t̄ugoeña tutua n̄n̄ua waarique pee añu. Tea, teere ca tii n̄n̄ujeericarā cāare, j̄icā wāme ūno peera cūja ca t̄ugoeña tutuaro tiitiupa.

¹⁰ Mania, bojorica wāme waib̄uc̄u joe m̄uene cojorique ūnore mani c̄uo, t̄ir̄um̄ur̄u macā jawi, ̄M̄ureco Pac̄u cū ca bojoca c̄uti niiri jawire ca pade niirā, paia cūja ca baatirije ūnore.

¹¹ Paia wioḡu pea, Ca Ñañarije Mani Majuropecāri Jawip̄u waib̄uc̄urā díire ̄M̄ureco Pac̄ur̄e tiicojoḡu waaḡu jee jāa waarucuupi, bojoca cūja ca ñañarije wapare cū acobojato iiḡu. Waib̄uc̄urā díí peera macā t̄ujarop̄u joerucuupa. ¹² To biri wāmera Jesucristo cāa, macā t̄ujarop̄u ñañaro tam̄uo bii yaiupi, bojoca ñañarije cūja ca tii bui c̄utirique wapare cōa boja, ñañarije manirā cūja ca niiro tiiruḡu. ¹³ To biri mani cāa, Jesucristo mena macā t̄ujarop̄u witi waari, cū ca biiricarore birora, ñañaro cūja ca iirijere, ñañaro tam̄uo pacarā mani t̄ugoeña bayicōa niijaco.§ ¹⁴ Mania, ati yepar̄ure j̄icā macā to birora ca niicōa niipa macāre mani c̄uoti. To biri jiro ca niipa macā, to birora ca niicōa niipa macāre ama n̄n̄ua waarā mani tii.

¹⁵ To biri Jesucristo j̄uori, to cānacā r̄um̄ura ̄M̄ureco Pac̄ure ca baja peocōa niiparā mani nii. Tee mani ca baja peorijera, waib̄uc̄urā j̄iari joe m̄uenerāre biro mani ca tiirije nii. †To biri mani ūjero mena cūre mani iī baja peoco! ¹⁶ Añuri wāme bojoca mena m̄uja ca tii niirijere, ñucā m̄uja ca c̄orije mena aperāre m̄uja ca tii nemorijere, acoboticāña. Tee nii waib̄uc̄urā j̄iari joe m̄uene cojorāre biro m̄uja ca tii niirije ̄M̄ureco Pac̄u cū ca iā biijearije.

* 12:29 Dt 4.24. * 13:2 Gn 18.1-8; 19.1-3. † 13:5 Dt 31.6. ‡ 13:6 Sal 118.6-7. § 13:13 Jesucristore ca t̄uo n̄n̄ujeerā atere ca buerāre, t̄ir̄um̄ur̄u cūja ca tii n̄cū b̄uo j̄uo dooriquere tii n̄n̄ujeerique maquēre to cōrora tii yerijāña, Jesucristo cāare ñañaro cūre tii, boborije cūre tii epe, cūja ca tiiricarore biro m̄uja ca tam̄uope ca niicā pacaro, iī wede majio. He 11.26.

¹⁷ Mɔjare ca ʝo niirãre, cɔja ca iirore biro añuro yɔn nɔnɔjeeya. Cɔja, mɔja ca cati niirije peere mai jãama iirã, ʘmureco Pacɔpɔre cɔja ca tiiriquere ca wedeparã niiri, yerijãari méé mɔjare wede majio niima. Añuro cɔjare yɔn nɔnɔjeeya, cɔja ca tii niipe ca niirijere, wede pairicaró maniro ɔjea niirique mena cɔja ca tii niipere biro iirã, to biro mɔja ca tiitijata mɔja peera añuro mɔja ca niiro tiitirucu.

¹⁸ To biri apeyera ñucã, ʘmureco Pacure jãare jãi bojaya. Mee jãa ca tɔgoeñarijɔn, “Añuro mani nii,” jãa iï tɔgoeña, niipetirijɔpɔrena añuro ca tiirugarã niiri. ¹⁹ Añuro petira yoari méé jañurora ʘmureco Pacɔ, mɔja pɔtopɔ mɔjare yɔn ca iagɔ waaro, cɔ ca tiipere yure mɔja ca jãi bojaro yɔn boo.

“Añuro to biijato” iï, añu doti yapanorique

²⁰ ʘmureco Pacɔ añuro niiriquere ca tiicojogɔ, ovejas're añuro ca iã nɔnɔjeegɔ do biro ca tiiya manigɔ, mani Wiogɔ Jesucristore ca bii yaicoaricɔpɔrena cɔ ca cati tuaro tiiupi, cɔ ca díi bate yairije mena “To biro yɔn tiirucu” cɔ ca iiriquere, cɔ ca iiricarore biro ca nii earo ca tiiricure. ²¹ Cɔ ca boorore biro mɔja ca tiipere biro iigɔ, niipetirije añurijere tii niirique maquẽre, mɔjare cɔ bue majiojato. Ñucã Jesucristo ʝori, mani menapɔ cɔ ca iã biijearijere cɔ tiijato ʘmureco Pacɔ. Añuro cɔre iï nɔcɔ buo baja peorique to petiticãjato. To biro to biijato.

²² Yɔn yaarã ate queti petoacã mɔja ca tɔgoeña bayipe mɔjare yɔn ca wede majio owa cojorijere añuro tɔgoeñarique mena tɔoya.

²³ To biri apeyera, atere mɔja ca majiro yɔn boo: Mani yee wedegɔ, Timoteo cãa mee tia cɔurica wiipɔ ca niiricɔ witijapi. To biri ano yɔn pɔto yoari méé cɔ ca eajata, mɔjare yɔn ca iagɔ waari rɔmɔ ca niiro cɔre yɔn ami waarucu.

²⁴ Niipetirã mɔjare ca ʝo niirãre, Jesucristore ca tɔo nɔnɔjeerã niipetirãre, añu dotiya. Ati yepa Italia macãrã cãa buaro mɔjare añu doti cojoma.

²⁵ Mɔja niipetirãre cɔ yee añurije maquẽre cɔ tiicojojato ʘmureco Pacɔ.
To biro to biijato.

SANTIAGO

Hebreos pea, wede majioricarore biro ñi jwo nwnna waa, queti owa cojoriquere biro to ca bii yapano eari tabere, ati pũuro pea queti owa cojorica pũurore biro pee ñi jwo nwnna waa, wede majiorique pee ñi yapano ea. Cristore ca tuo nwnjeerã ati yepa niipetiroꝛ ca waa batericarãre cã ca owarica pũuro nii.

“Cristore ca tuo nwnjeerã, cũre ca tuo nwnjeerã cãja ca niirijere añurije cãja ca tii ñño niirije mena ca bii bau niirijere buaro peti wedecã. Mani ca tuo nwnjeerije añurije mena mani ca tii ñnotijata, mani ca tuo nwnjeerije wapa mani,” ñi wede (2.14-26).

“Umureco Pacu cã ca majiorije peere tuo nwnjeeya, mja ca tuo nwnjeerije jwori ñaño mjure to ca bii earo, díamacũra ca tuo nwnjeerã mja ca nijata, díamacũ mja ca tuo nwcũ buorijera mja ca tũgoeña tutuaro mjare tiirucu,” ñi wede (1.1-8).

To biro ñicã, apeye boo pacarique maquẽre, apeye pairique maquẽre, ñaño manire ca bii earije maquẽre, ca bii buiyeerije maquẽre, díamacũ Cristore ca tuo nwnjeerã mani ca niirije añurije mani ca tii niirije mena ca bii ññorije maquẽre, wedemi (2.1-13). Ape wãme buaro peti cã ca wede majiori wãme nii, “Mani ñemero jwori to biro bii,” cã ca ñi wederije (3.1-12).

To biro ñicã, añuro jĩcãri nii majiña maniro ca tii niirãre, ati yepa maquẽre añuroꝛ ca tii nwnjeecãre, cãja jaarãrena ñaño ca ñi wede pairãre, to biri ca apeye pairã ñaño ca tiirãre, tuti jañuri cãjare wede majiomi (4.1–5.6).

Ca yapanori tabepura, tũgoeña bayirique maquẽre, juu buerique maquẽre, ñucã ape wãme wede majiorique mena, wede majio yapano eami (5.7-20).

Santiago cã ca queti owa cojorica pũuro

Añu dotirique

¹ Santiago, Umureco Pacure, to biri Wiogu Jesucristore pade bojari maju, Israel yaa pooga macãrã pna amo peti, dũpore pũaga penituario ca niirã punaari ati yepa niipetiroꝛ ca waa batericarãre yu añu doti cojo.

Majirique Umureco Pacu yee ca doorije

² Yu jaarã, niipetirije ñaño mjure ca bii earo, añuro mjea niirique mena ca niicõa niiparã mja nii. ³ Mee mja, díamacũ mja ca tuo nwcũ buo niirijere ñaño biirique mena mjure ca bii ñaaro, ñaño tamuo pacarã, to birora tũgoeña tutuacõa niiriquere mja ca majiro ca tiirijere mja maji. ⁴ Tũgoeña tutuariquera, añurã mja ca niiro tii, ca tũgoeña majirã mja ca niiro mjure tiirucu, jĩcã wãme uno peera mjure djaricaró maniro.

⁵ Jĩcũ mja mena macũre majirique to ca dũjajata, Umureco Pacure jãña, cã, cũre tiicojorucumi. Umureco Pacua, jĩcũ peerena ña dica wooricaró maniro niipetirãpũre paio majirique ca tiicojogu niimi. ⁶ Tee peere “Yeera yu ñicãbocu” ñitigũra, díamacũ tũgoeña bayirique mena jãña. “Yeera yu ñicãbocu” ca ñigũa, dia pairiya maquẽ oco ca jaberijere apero pee wino paa puu cojo, ñucã apero pee paa puu cojo, ca tiirore biro biimi. ⁷ To biro ca biigũa, “Umureco Pacu cã ca tiicojorijere yu buarucu,” ñi tũgoeñaticãña. ⁸ To biri mecũ unore jĩcã wãme tũgoeña, boerore ape wãme tũgoeña, ca biigũa, jĩcã wãmera ca tũgoeñatigu niimi.

⁹ Mjure birora Jesucristore ca tuo nwnjeegu, watoa macũre biro ca niigũa, “Ca nii majuropeegu yu nii” ca ñi tũgoeñaru niimi, Umureco Pacu, “Añugu niimi” cã ca ñi ñagu niiri. ¹⁰ Ca apeye paigu pea, Umureco Pacu, watoa macũre biro cã ca tuaro cũre cã ca tiirije peere, “Ca nii majuropeegu yu nii” ca ñipũ niimi. Ca apeye paigũa, taa jati oori yoaro ca niitirore birora biicã yerijãa waarucumi. ¹¹ Taa jatia, muipũ buaro cã ca aji mna doorora jini, ca oori pea ñaacoa, ñaricaró añurije ca niimijãrije, to cõrora peticoa. O biiri wãmera ca apeye paigu cãa, paio cã ca apeye cuti niirije watoara yai nwcãcoarucumi.

Ñañaro manire ca bii buiyee rugarije

¹² Ujea niimi, ñañaro tiirique ca bii buiyee earo ca tugoeña bayi ametuene gaa. To biro bii tugoeña bayi ametuene nacāgu, to birora caticōa niiriquere tiicojo ecorucumi,* Æmureco Pacu: “Yure ca mairāre yu tiicojorucu,” cū ca ĩriquere. ¹³ Jīcū unore ñañaro tiirugarique cūre ca bii earo, “Æmureco Pacu to biro yure tiimi,” ĩi tugoeñaticāña. Æmureco Pacua, ñañarije tiirugarique cūre ca bii eariye unorena tamuo, ñucā jīcū uno peerena ñañarije cū ca tiiro cūre tii buiyee, ca tiigu méé niimi. ¹⁴ O biirije pee bii, bojoca cūja niiro cōro, cūja yee ñañarije tiirique cūjare ca boorijera cūjare wee waari, cūjare ca tii ugari peoro macā, ñañarije tiirugariquere bii buiyee ecoma. ¹⁵ Ate ñañarije mani ca tiiruga tugoeñarijera, ñañarije mani ca tiiro manire tii. Ñañarije pee wado bii ametua nacā waarora, bii yairique manire ea.

¹⁶ Yu jaarā yu ca mairā, mūja majuropeera ĩi ditoticāña. ¹⁷ Niipetirije añuriye, añurā mani ca niiro ca tiirijea, emuaropu maquē, Æmureco Pacu, muipūare, ñocōare, ca jeeñoricu cū ca tiicojorije doo. Æmureco Pacua cūra niicā niimi. Cūra cū ca wajoarije mani, ñañarije cāa mani, biicā. ¹⁸ Cū ca boorore biro, cū wederique díamacū ca niirijere mani ca tuo nunjeerije juori catirique manire tiicojoui, cū puna ca nii juorā mani ca niipere biro ĩigu.

Æmureco Pacu wederique ca ĩi rore biro tii niiri maja

¹⁹ Yu jaarā yu ca mairā, atere tugoeñaña. Mūja niipetirāpura añuro ca tuoparā mūja nii. Tee peere jīcātorā ca wedetirā, ñucā jīcātorā ca ajiatirā, ca niiparā mūja nii. ²⁰ Bojocu ca ajiagua, Æmureco Pacu cū ca ĩa cojorore añuriye méere tiigu tiimi. ²¹ To biri mūja, niipetirije ñañarije tiiruga tugoeñarique, ñañarije tiirique cuti niirique, pau ca nii ametuene nacārijere to cōrora tii yerijāari, añuriye queti mūja ca tuoriquere peere añuro yeri cutirique mena, teere tuo nunjeeya. Tee añuriye quetia, mūja ca catiro jāñarijerpure ametuene maji.

²² To biri Æmureco Pacu yee quetire tuoriquere wado tuoticāña. Tee ca ĩriye cāare ca ĩi rore biro tiiya. To biro mūja ca tiitijata, mūja majuropeera mūja ĩi ditorucu. ²³⁻²⁴ Æmureco Pacu wederiquere tuo pacagu, tee ca ĩi rore biro ca tiitigua, jīcū eñoropu cū díamacūre ĩa amojode nacāgura, to biigu cū ca niirijere yoari méera ca acobocoagure biro biimi. ²⁵ Cū ca tuorijere acoboti, doti cūurique ñañarije manirā niiricaro ca tiirijere tugoeña maji, tee ca ĩi rore biro to birora ca tii nunjeecōa niigua, to biro cū ca tiirijere añuro ujea niirucumi. ²⁶ Jīcū uno, “Tii nacū buoriquere ca tii niigu yu nii,” ca ĩi tugoeñacāgu nii pacagu, ñañarije cū ca ĩirijere cū ca ĩi yerijāa majitijata, cū majuropeera ĩi ditocāgu tiimi. To biri cū ca tii nacū buo niirije pea wapa mani. ²⁷ Mani Pacu Æmureco Pacu cū ca ĩa cojorore tii nacū buo niirique ca ñañarije manirije añuriye peti ca niirijea ate nii: Ca pacua dia weo ecoricarāre, ca manū jūmua dia weo ecoricarā romirire, ñañaro cūja ca bii tugoeñarique paio cūjare tii nemo, ñucā ati yepa macārā ñañarije cūja ca tii niirore biro tiiti, bii niirique nii.

2

Ameri ĩa dica wooriquere wede majiorique

¹ Mūja, yu yee wederā, mani Wiogu Jesucristo ca añu majuropeegure ca tuo nunjeerā, bojocare ĩa dica wootirāra jīcū peere biro cūjare ĩaña. ² “O biro biibocu” ĩirā mani ca ĩijata, mūja ca neari tabepure, jīcū ca apeye paigu, cū amo jūa jāarica betori oro mena tiirique, to biri añuriye juti jāñaricu cū ca jāa eajata, añuro cūre tii, o biro cūre mūja ĩibocu: “Año añuri tabepu duwiya.” To biro mūja ca ĩi niiri tabera, cū jiro ca apeye boo pacagu bucū juti ca jāña dooricu cū ca jāa eajata, ³ cū peera o biro cūre mūja ĩibocu: “Mua tii tabepura nucūcāña. Too yepara duwicāña,” cūre mūja ĩibocu.

⁴ O biirije mūja ca tiijata, bojocare ĩa dica woo, ñañari wāme tugoeñarique mena ĩa beje, tiirā mūja tii.

* 1:12 La corona de vida.

⁵ Yñ yaarã yñ ca mairã, atere tuoŷa: Ƴmũreco Pacũa, ati yepa macãrã boo pacoro ca biirãre beje jeeupi, díamacũ tuo nũcũ buorique peere ca apeye pairã nii, cũre ca mairãre “Yñ ca doti niiri taberũ niirucuma,” cũ ca iiriquere ca cœo eaparã cũja ca niipere biro iĩgũ. ⁶ ¡Mũja pea ca boo pacarãre, boborije cũjare mũja tii epecã! ¿To docare ca apeye pairã méé, ñañaro mũjare doti epe, mũjare ñeeri, uparã pũtoripũ mũjare wee waa, cũja tiirucuti? ⁷ Ñucã ¿cũja méé cũja niiti, mũja ca tuo nũnũjeegũ, mũja ca wede ecoricũ wãme añuri wãmere ñañarije ca iĩ tutirucurã?

⁸ Díamacũra Ƴmũreco Pacũ wederiquepũre ca niirije doti cũurique ca nii majuropeerije: “Mũ upũre mũ ca mairõre birora maiña mũ pũto macũ cãare,” ca iirijere tee ca iĩrore biro mũja ca tiijata, añuro tiirã mũja tii.* ⁹ Bũari, bojocare mũja ca ameri ña dica woojata, ñañaro tiirã mũja tii. To biri Ƴmũreco Pacũ cũ ca doti cũurique ca iĩrore biro tiitima iĩrã, mũja ca ñañarije wapa ñañaro peti mũja tamũorucu. ¹⁰ To biri jĩcũ ñno niipetirije doti cũurique ca iĩrore biro ca tii peoticãgũ nii pacagũ, jĩcã wãmeacãrena cũ ca tiiticãjata, doti cũurique ca dotirije niipetirijepũrena ca ametũene nũcã bui cutigũ tuacãmi. ¹¹ Ƴmũreco Pacũ: “Mũja nũmoa méé ca niirãre ñee epeticãña,” ca iiricũra,† “Jĩaticãña,”‡ iĩupi. To biri apĩ nũmo mena niiti pacagũ, bojocare cũ ca jĩajata, Ƴmũreco Pacũ cũ ca doti cũuriquere ametũene nũcãgũ tiimi.

¹² To biri mũja, doti cũurique añuro mani ca niiro ca tiirijere ca ña beje ecomparãre birora, añuro niirique cuti, añurije wede, tii niĩña. ¹³ Aperãre ca boo paca ñatiricarã, boo paca ña ecoricarõ maniro ña beje ecorucuma Ƴmũreco Pacũre. Aperãre ca boo paca ñaricarã pea añuro ametũarucuma, ña beje ecorica tabe ca eari tabere.

Díamacũ tuo nũcũ buorique, mani ca tiirije mena ca bii iĩnõrije

¹⁴ Yñ yaarã, ¿“Jesucristore díamacũ ca tuo nũcũ bũogũ yñ nii,” ca iĩcãgũ nii pacagũ, añurijere mani ca tiitijata, ñeacãpe to wapa cutibogajati? ¿To docare tee díamacũ cũ ca tuo nũcũ buorije jũorira cũ ametũacãgajati? Ametũaticumi. ¹⁵ O biro mani iĩ ñaaco: Jĩcũ mũja yee wedegũ ñno, mũja yee wedego ñno, juti cœoti, baarique mani, ca biirã niibocuma. ¹⁶ To biri jĩcũ mũja mena macũ cũjare o biro cũ ca iĩjata: “Añuro mũja niĩwa. Mũja upũrĩre ñmaaña. Mũja ca baarũgaro cõro baaya,” cũjare iĩbocumi.

To biirije cũjare iĩcã pacagũ, cũja upũ ca boo pacarijere cũ ca tiicojotijata, to biro cũ ca iĩrije wapa mani. ¹⁷ To biri wãmera bii díamacũ mani ca tuo nũcũ buorije cãa, aperãre tii nemorique mena tii iĩnotigũra wederique wado iĩjata, wapa mani.

¹⁸ To biri jĩcũ iĩbocumi: “Mũa, díamacũ mũ ca tuo nũcũ buorijere mũ cœo. Yñ pea, yñ ca tii niirijere yñ cœo. Díamacũ mũ ca tuo nũcũ buorije ca paderique bautirijere yũre iĩñoña. Yñ pea, díamacũ yñ ca tuo nũcũ buorijere añuro yñ ca tii niirije mena mũre yñ iĩnorucu,” iĩbocumi.

¹⁹ Mũa, “Jĩcũra Ƴmũreco Pacũ niimi” mũ iĩ nũcũ bũo, teera díamacũra mũ iĩ. Wãtĩapũ cãa to birora iĩ nũcũ bũoma. Iĩ pacarã, cũre uwirã nanacãma. ²⁰ Ca majitigũ peti niitigũra, díamacũ mũ ca tuo nũcũ buorije añurije tii niirique mena to ca bapa cutitijata, ca wapa manirijere ña majiña. ²¹ Mani ñicũ Abraham, cũ macũ Isaac're jĩari, Ƴmũreco Pacũpũre cũ ca joe mũene dotiricarore birora cũ ca tiirũgaro ñari, añugũ peti cũre ñaupi Ƴmũreco Pacũ. ²² Mee mũ ña: Abraham díamacũ cũ ca tuo nũcũ buorijere cũ ca tii niirije mena bapa cutiupa. Díamacũ cũ ca tuo nũcũ buorije pea, añurije cũ ca tii niirije mena añurije peti nii eaupa. ²³ O biirije bii eaupa, Ƴmũreco Pacũ wederique o biro cũja ca iĩ owarique: “Ƴmũreco Pacũre tuo nũnũjeeupi Abraham. To biri jĩcãti ñno peera ñañarije ca tiitiricũre biro cũre ñaupi Ƴmũreco Pacũ,” ca iĩrije. O biro biĩma iĩgũ, Ƴmũreco Pacũ mena macũ niĩupi Abraham.§ ²⁴ Mee Ƴmũreco Pacũ, díamacũ tuo nũcũ buorique jũori wado méé, añurije mani ca tiirije mena cãare, “Añurã niĩma,” manire cũ ca iĩrijere mũja majicu yua.

²⁵ Rajab, ca ñmũa ñee epe wapa taago mena cãare to birora biiupa. Ca ña duti yujurãre cãnirica tabe tiicojo, ape maa pee cũjare witi waa doti, cõ ca tiirique jũori, “Añurije ca

* 2:8 Lv 19.18. † 2:11 Ex 20.14; Dt 5.18. ‡ 2:11 Ex 20.13; Dt 5.17. § 2:23 Gn 15.6.

tiigo niimo” cõre ïupi Æmureco Pacu. ²⁶ Mani ca cati niirije to ca manijata, mani upu ca diacoarore birora, díamacũ tuo nucũ buorique cãa añurije mani ca tii niirije to ca bapa cutitijata, ca bii yairiquere biro niicã.

3

Ñemero maquẽ

¹ Yũ jaarã, paũ peti ca bue majiori maja niiticãña. Mee mũa maji: Mani, ca bue majiori majare, ametuene jañuro mani ca tii niiriquere Æmureco Pacu mani ca jãĩña beje ecopere. ² Niipetirãpura jĩcãti meé ñañarije ca ïi ajienetigua, bojocu añugu niimi. To biri cũ upu niipetiro ñañarije ca tiirugarije cãare, ca tũgoeña ametuene nucãcã majigu niimi. ³ To biri caballo cũ ca tua nucãpere biro ïirã, cũ ujeropu come betore tũa juu jãari tii beto mena cãre mani ca tũa tuene nucõro, upura tua nucãcãmi. ⁴ Ìañaaquẽ cũmuari pacagaari cãare. Pacagaari nii, wino teere ca paa puu cojorijea tutuaro paa puu, ca tiicã pacaro cũmuare ca waa tuurã pea, peti tabeacã waa tuurica ñacõacã menara, cũja ca waarugaro pee tiigare waa queno jõa boo cojocã majima. ⁵ To biirijera bii mani ñemero cãa. Mani upupure peti ñemeroacã nii pacaro, pairopu ca ïi wede buiyeeri ñemero nii. Pecame jĩcã wacaacã mani ca pẽo cõa cũurije nii pacaro, pairi macãnucũrena joe peticã yerijãa waa. ⁶ Mani ñemero cãa pecamere birora bii. Ati amurecori maquẽ ñañarijere mani ca tũgoeñarijere ïi maji. Mani upure ca niirije mena macã tabera niicã pacaro, bojocu niipetirõpura ñañocã. Satanás'ra ñañarije cũ ca ïi cõa jãa niirijera ñañarije mani ca ïi niirije bii juo, ñucã teera mani ca cati niiri rãmuri cõrorena, ñañarijera mani ca ïi niiro tiicõa nii.* ⁷ Bojoca, waibucurã ca uwiorã cũja ca niiro cõrorena, minia, pinoa, dia pairi yaa macãrã cãare, ca uwatirã cũjare tii jeyocã majima. ⁸ To biro tiicã pacarã, jĩcũ uno peera cũja ñemerore ïa nunjeje, ñañarije ca ïitiri ñemero tii jeyo majiticãma. Ñañarijere ca ïi yerijãatiri ñemero, do biro pee ca tii ametuene nucã majiña maniri ñemero, nímã ca punirijere biro ca ïiri ñemero nii. ⁹ Mani ñemero mena, mani Upu mani Pacu ca niigure añuro cãre ïi nucũ buo, ñucã tii ñemero menara, Æmureco Pacu, cũ ca baurijere biirã cũ ca tiiricarã bojocare ñañarije cũjare ïi tuti, mani ïi. ¹⁰ Tii ujero wadorena, “Añuro to biijato” ïirique, ñucã, “Ñañaro bii bñañarucuma” mani ca ïi doa eperije cãa witi, biicã. Yũ jaarã, o biirije peti ca ïiticãparã mani nii. ¹¹ Oco ca witiri opere jĩcã operena, jĩcãrira oco ca ipitirije, oco ca jũguẽrije, witi majiti. ¹² Yũ jaarã, to biri wãmera higuera yucura olivo dica cuti, ñucã uje daara higos dica cuti, ca biitirore birora, oco ca witiri ope cãare tii ope wadorena ca ipitirije witi, ca ocarije cãa witi, bii majiti. To biri ape rãmũ añurije wede, ape rãmũ ñañarije wede, mani ca ïijata añuti.

Majirique peti ca niirije

¹³ Mũa watoare, ca majigu, ca tuo puo majigu, cũ ca niijata, cũ ca majirije cãre ca majiorije mena, “O biro ca biigu yũ nii,” ïiricarõ maniro, añuro cũ ca niirique cuti niirije mena cũ ïñojato. ¹⁴ Mũa yeripu ñañaro tiiruga ïa tutirique, “Mani pee mani tii ametuene nucãcãjaco,” ïi tũgoeñarije mũa ca cõojata, ñee peere ïirã cõro, “O biro ca biirã jãa nii,” mũa ïi majiti. Díamacũ maquẽre junarã mũa tii. ¹⁵ To biri ate majiriquea Æmureco Pacu cũ ca tiicojorije meé nii. Ati yepa macãrã bojoca cũja ca tũgoeñarije mena cũja ca majirije Satanás yeera niicãro bii. ¹⁶ Ameri ïa tutirique, “Mani pee mani tii ametuene nucãcãjaco,” ïi tũgoeñarije cutirique ca niijata, añuro ca nii majiña manirije, niipetiri wãmeri ñañarije tii niirique, nii. ¹⁷ Majirique Æmureco Pacu cũ ca tiicojorijere ca cõorã pea, ñañarije maniro niirique cuti, añuro niiriquere ca boorã, ca bojoca añurã, añuro ca tuo nunjeerã, ca boo paca ïarã, niipetirãpurenã añuro ca tiirã, cũja ca ïirore biro ca tiirã, niima. ¹⁸ Añuro niiricarõ ca tiiruga niirã, añuro niirique maquẽre wede majio niima, ca niirore biro tii niiriquere bua earugarã.

* 3:6 Pr 16.27.

4

Ati yepa maquẽre ca boo tũgoeñarã

¹ ¿Noo maquẽpũ to dooti mũja majuropeera ameri quẽe, ameri jĩa, mũja ca tii niirije? ¿Mũja majuropeera mũja yeripũ ñañaro mũja ca tiirũga tũgoeñarije méé to biro mũja ca tiiro to tiiti? ² Apeye unore mũja boomi. Bii pacarã mũja buaticã, jĩa, apeye uno juorira ãa tuti, mũja tii. Mũja ca boorijere buatima ãirãra, ameri quẽe, ameri jĩa, mũja tii. Mũja ca boorijere Umũreco Pacũre jãitima ãirã, mũja cuoti. ³ Umũreco Pacũre mũja ca jãimijata cãare, mũja tiicojo ecoticã, ñañari wãme tũgoeñarique cuticãri, mũja majurope mũja ca boorore biro tii ujea niirũga tũgoeñari, mũja ca jãirije juori. ⁴ ¡Agó nija, manũ cuti, nũmo cuti, bii pacarã aperã mena ca tii epericarã cutirã peti mũja niicã! Noo ca boogu ati yepare tii niirique mena macũ ca nii eagua, Umũreco Pacũ waparã yũũ nii eacãmi. ⁵ ¿Mũja, Umũreco Pacũ wederique:

“ ‘Añuri Yeri mani yeripũ cũ ca cũuricu, buaro manire mai uwa jeomi,’ ca ãirijea watoara ãicãcu,”
mũja ãi tũgoeñacãti?

⁶ Biigũpũa Umũreco Pacũ pea, cũ ca bojoca añurije mena buaro jañuro manire tii nemomi. To birira Umũreco Pacũ wederique o biro ãi:

“ ‘O biro ca biirã jãa nii,’ ca ãirãra cũja ca tiirũgarijere camotacãmi,

to biro tiicã pacagu, watoa macãrã peera añuro cũjare tii nemomi,” ãi.*

⁷ To biri Umũreco Pacũ peere cũ ca ãirore biro tii nũnũjeeya. Satanás mũjare cũ ca ãicõa jãarije peera tũo nũnũjeeticãña. To biro mũja ca biiro, Satanás pea mũjare pato wãcõ yerijãa duticoarucumi. ⁸ Umũreco Pacũ pũto pee waarãja. Cũ pee cãa mũja pũto pee doorucumi.† ¡Mũja, ñañarije ca tiirã ñañarije mũja ca tiirucurijere to cõrora tii yerijãaña! ¡Mũja, Umũreco Pacũ mena niicãrũga pacarã, ati yepa maquẽ pee cãare buaro ca boorã, to biro mũja ca bii yeri cutirijere tũgoeña wajoaya! ⁹ Ñañaro mũja ca bii yai waarijere ãa majiri, tũgoeña yapa pua, oti, tiya. Mũja ca buirijera yacó jeeña, mũja ca ujea niirijera tũgoeña pairique jeeña, to biicãjato. ¹⁰ Wioogu cũ ca ãa cojorore, watoa macãrãre biro biya. To biro mũja ca biiro, cũ pea ca nii majuropeera mũja ca niiro tiirucumi.

Mũ yee wedarãre wede paieto

¹¹ Yũ jaarã, mũja majurope ñañarije ameri ãi wede paieto. Cũ yee wedegũre ñañarije ãi wede pai, cũ ca tii niirijere ãa beje, ca tiigũa, doti cũuriquere ñañaro ãi wede pai, teerena ãa beje, tiigũ tiimi. To biro cũ ca tiijata, doti cũurique ca ãirore biro tii nũnũjeericaro unora teerena ca ãa bejegu niicãmi. ¹² Jicũra niimi doti cũuriquere ca tiicojoricũ, ñucã cũra Ca Jãina Bejegu ca niicãgu, ametuene, ñañaro tii yaio, ca tiigũ wado. Mũ pea, ¿ñiru mũ niiti, apĩ cũ ca tii niirijepũre ca ãa beje niigũa?

Boero ca biipere mani majiti

¹³ Mecũra, mũja o biro ca ãirã atere tuoya: “Mecũ, boero, tii macãpũ mani waajaco. Tii macãpũre jicã cũma nii, pade wapa taa, mani tiijaco,” ca ãirã. ¹⁴ O biirijera mũja ãicã, boero mũjare ca biipe peera majiticã pacarã. ¿Ñee to niiti mũja ca cati niirije pea? Mũja, bueri, jicã nimaroacã bau ea, jiroacãra yaicoa, ca bii ametũa waarijere biro mũja nii. ¹⁵ To biri o biro pee ca ãiparã mũja niimi: “Umũreco Pacũ cũ ca boojata, mani catirucu; to biri mani ca tiirũgarijere mani tii niirucu,” ca ãiparã mũja niimi. ¹⁶ To biri mũja pea: “Jãa, jãa maji, jãa ca tiipere,” mũja ãi ametuene nũcãcã. To biro ãiriquea ñañarije niiro bii. ¹⁷ Añurijere ca tii majicãgu nii pacagu cũ ca tiitijata, Umũreco Pacũ cũ ca ãa cojorore ñañarijere tiigũ tiimi.

5

Ca apeye pairãre wede majiorique

* 4:6 Pr 3.34. † 4:8 Umũreco Pacũre camotatieto; cũ pee cãa mũja menara niicãrucumi.

¹ Mecũra, mũa ca apeye pairã atere tũoya. Ñañaero mũa ca biipere tũgoeñari, oti acaro buiya. ² Pau mũa ca apeye cõtirije boacoa. Mũa juti cãare butua baacãjapa. ³ Mũa yee oro, plata cãa, ũta witicoa. Tee ca ũta witiirije pea, ñañaero mũa ca tii niiriquere mũjare wedejãa, pecamere biro mũa upũrire joe yaiocãrucu. Ati rãmũri ca tũjari rãmũrire pairo peti mũa apeye jee cũu ametũenecãjapa. ⁴ Mũjare pade bojari maja, mũa otere cũja ca jee bojamirique wapare mũa ca wapa tiitiriquere, “Jãare wapa tiitima,” mũjare ñima. Paderi maja to biro cũja ca ñirijere Æmũreco Pacũ niipetirijepũre ca doti tutua niigũ tũomi. ⁵ Mũa ati yepapũre añuro nii, mũa ca tii ũjea niirũgarije cõro tii, mũa tii nii. Cũja ca jĩari rãmũ, cũja ca jĩaparã wecuare cũja ca eca ũcũo niirãre biro mũa bii. ⁶ Mũa, ñee ũno ñañarije ca tiitirãrena wedejãa buiyee cõa, cũjare jĩa, mũa tiupa, cũja ca wederijere tũoricaro maniro.

Pato wãcãricaro maniro yuerique

⁷ Yũ jaarã, mũa pea Wiogũ cũ ca doori rãmũpũ, to birora tũgoeña bayicõa niiña. Weje paderi majũ añurije cũ ote dicare jeerũgũ, oco ca peari cuure pato wãcãtigũra yue niimi. ⁸ Mũa cãa pato wãcãtirãra, tũgoeña bayicõa niiña. Yoari méera doorucumi Wiogũ. ⁹ Yũ jaarã, mũa majuropeera ameri wede paiticãña, Æmũreco Pacũre ñañaero mũa ca tii ecotipere biro ñirã. Mee, ca ña bejegũ ati yepapũ cũ ca eapa rãmũ cõñacã nũña doo. Petoacã dũa cũ ca eape.

¹⁰ Yũ jaarã, Æmũreco Pacũ yee quetire wede jũgueri maja ñañaero bii pacarã, to birora nũcã tũgoeña ametũene, cũja ca biiquĩricarore birora biiya mũa cãa. ¹¹ Mani pea ñañaero tamũo pacarã, to birora cũja ca tũgoeña ametũenecãriquerẽ, “Ca ũjea niirã niupa,” cũjare mani ñi. Mũa, Job ñañaero tamũo pacagũ, to birora cũ ca tũgoeña bayi ametũene nũcãcãriquerẽ mũa tũojacupa. Ñũcã jiropũra Wiogũ añuro cũre cũ ca tii nemorique cãare mũa maji. Wiogũ, ca ña maigũ, ca boo paca ñagũ, niimi.

¹² Yũ jaarã, “Yee méé jãa ñi, ñiito: Æmũreco mena jãa ñi, ati yepa mena jãa ñi, ñucã jĩcã wãme ũno peerena tee mena jãa ñi,” ñiti majuropeecãña. To biri, “Jãa tiirucu,” mũa ca ñiricaro jiro to ca niijata, mũa ca ñiricarore birora tiiya. “Jãa tiiticu,” mũa ca ñiricaro jiro to ca niijata, mũa ca ñiricarore birora tiiya, Æmũreco Pacũ ñañaero mũjare cũ ca tiitipere biro ñirã.

¹³ Jĩcũ mũa mena macũ ũno bũaro cũ ca tũgoeñarique paijata, Æmũreco Pacũre cũ jãi juu buejato. Jĩcũ ũno ũjea niirique mena cũ ca niijata, Æmũreco Pacũre cũ baja nũcũ bũojato. ¹⁴ Ñũcã jĩcũ ũno cũ ca diajata, juu bueri majare ca jũo niirãre jũoya, Æmũreco Pacũre cũre jãi bojari, Wiogũ wãmere ñi nũcũ bũori, ũje mena cũja ca wadapere biro ñirã. ¹⁵ To biri ca diagũre juu bue bojarã, “Jãa ca juu buero caticoarucumi,” díamacũ ñi tũgoeña bayiri, Æmũreco Pacũre cũre mũa ca jãi bojajata, caticoarucumi. Wiogũ cũre catiorucumi. Ñañarije cũ ca tiirique to ca niijata cãare, teere cũre ametũenerucumi Æmũreco Pacũ. ¹⁶ To biri ñañarije mũa ca tiiriquere mũa majuro ameri wede, mũa majurope ameri juu bue boja, tiiya, Æmũreco Pacũ mũjare cũ ca catiopere biro ñirã. Añurije ca tii niigũ juu bueriquere to birora ca ñicõa niigũ cũ ca juu buecõa niirijea tutua majuropeecã. ¹⁷ Tũgoeñaña, Æmũreco Pacũ yee quetire wede jũgueri majũ Elías niiquĩricũ cũ ca tiiquĩriquerẽ: Manire birora ca biigũ nii pacagũ, juu bueriquere to birora ca ñicõa niigũ niiri, “To oco peaticãjato” ñigũ cũ ca jãiro, itia cũma decomacã peti ati yepare oco peatiupa. ¹⁸ Ñũcã jiro cũ ca juu bueropũ, oco pea, ati yepare ote bũcũa, biupa. ¹⁹ Yũ jaarã, jĩcũ mũa mena macũ Æmũreco Pacũ wederique díamacũ ca niirijere ca camotaticũre, apĩ, ñucã tee peere cũ ca tũo nũnũjeero cũ ca tiijata, ²⁰ no ca boogũ, ñañarije peere ca tii niigũre cũ ca tũgoeña yeri wajoaro ca tiigũa, ñañaero cũ ca bii yaiboriquere cũre ametũene, ñucã pau ñañarije cũ ca tiirique cãare, Æmũreco Pacũ teere cũre cũ ca ametũenero tiimi.

To biro to biijato.

Santiago

1 PEDRO

Ati pūuro cāa ape pūurori queti cūja ca owa cojorica pūurorire birora, Cristore ca tuo nunujeerā, cūre cūja ca tuo nunujeerije juori ñañaro cūjare cūja ca tiirugaro ca waa batericarā Asia yepare (mecūri peera Turquia ca nii yepare) ca niiri macāri Ponto, Galacia, Capadocia, Asia, Bitinia, ca niirāre cū ca owa cojorica pūuro nii (1.1-2).

Tugoeña bayi, jutirititi, cūja ca biiro tiirugū, Ḥmureco Pacu cūjare amtuenegū cū ca tiirica wāmere, jiropu cūja ca biipe cāare cūja ca majiro cū ca tiiriquere, (1.3-12) cūjare wede quenogu, Cristo bii yai, cati tua, cū ca biiriquere cūjare wedemi. “Ñañaro mūja ca tamūorijea díamacū mūja ca tuo nucū buorijere, díamacūra cūja biiti iiro mūjare bii ñaaro bii, to biro ca biirije watoara Cristo cū ca jee dica wooricarā nii, Ḥmureco Pacu yaarā nii, ca biirāre biro bii niña,” cūjare iī wede majiomi (1.13–2.10).

Cristo cū ca bii iñoricarore birora cū, cū majiorā niiri, “ ‘Ñañarije tiicāri ñañaro tamūorica tabe unora añurije tii niima iirā ñañaro tamūoricaro pee añu,’ iī iā majiri, to birora ñañaro tamūo ametuenecāña,” cūjare iīmi. Tee jiro, pade coteri maja ca cuorāre, pade coteri majare, ca numo cutirāre, to biri niipetirāpūrena, ameri mairique peere buaro tii niña, cūjare iī wede majio nunua waami (2.11–4.19). Ca yapanori tabepura, Jesucristore ca tuo nunujeerāre ca juo niirāre, wāmarāre cūjare wede majio, to biri niipetirāpūre, ano mecūre ñañaro mani ca tamūo niirijere, jiropara añuro manire ca bii mūa nucāro Ḥmureco Pacu cū ca tiipere, añurā peti mani ca nii earo cū ca tiipere, cūjare wede yapano eami (cap. 5).

Pedro cū ca queti owa cojo juorica pūuro

Añu dotirique

¹ Yu, Pedro, Jesucristo cū ca queti wede doti cojoricu, mūja yaa yepa ca niitiropu ca waa batericarā Ponto, Galacia, Capadocia, Asia, to biri Bitinia yeparipu ca bii nucū yujurāre, ² Ḥmureco Pacu mani Pacu, mee tiramupura mūjare cū ca booricarore birora cū ca bejericarāre, mūjare yu añu doti cojo. Añuri Yeri juori, ca ñañarije manirā mūja ca niiro mūjare tiipū, cū ca boorore biro cūre tii nunujee, ñucā Jesucristo díi mena ca ñañarije manirā tii eco, cūja biijato iigu. Jicāri cōro añuro niirique, wapa manirora añurije cū ca tii bojarique, dūjaricaro maniro paio mūjare to niijato.

Ḥmureco Pacure baja peorique

³ jMani baja peoco Ḥmureco Pacu mani Wiogu Jesucristo Pacure! Buaro manire ca maigu niiri, Jesucristo, ca bii yaicoaricupura nemo cū ca cati tuarique juori, nemo baarāre biro mani ca biiro manire tiipū. Atea, “Díamacūra ca niirije nii,” mani ca iī yue niiro manire tii.* ⁴ Ḥmureco Pacu, Ḥmureco tutipu mūja yee ca niipere cū ca queno cūu yue niirijere mūja ca tiicojo ecoro mūjare tiirucumi, ñañacoa, ōweri tuacoa, to birora biicā yerijāa waa, ca biitirijere. ⁵ Díamacū mūja ca tuo nucū buorije juori, Ḥmureco Pacu, cū ca doti tutuarije mena mūjare iā nunujee niimi, mūja ca ametuapere cū ca queno yueriquere mūja ca emu ea majipere biro iigu, ca tūjari yutea ca niiropu mūja ca majiro cū ca tiipere. ⁶ Mūja, ate juori buaro ca ūjea niirā mūja nii, mecūrire jicā cuuri ñañaro mūjare ca bii earucurije ca nii pacaro. ⁷ Díamacū mūja ca tuo nucū buorijea, ca wapa pacarije orore biro nii: “Orora to niimiti” iirā, pecame menapu doa ñaama; to biro tiicāri, ca wetapure jeema yua. To biri, to biri wāmera díamacū tuo nucū buorique, ñañarije ca bii earo ca bii ametuene nucārijea, oro ametuenero ca wapa pacarije nii. Biirupa oro pea yoaro ca niirije méé nii. Díamacū mūja ca tuo nucū buorije to biri wāme ca bii ametua nucārique niiri, Jesucristo cū ca earo, “Añu majuropecā,” cū ca iī ūjea nii nucū buorā mūja ca niiro mūjare tiirucu.

* 1:3 Mani ca yue niirijea, bii yairi jiropu cāare Jesucristo mena to birora mani ca caticōa niipe nii.

⁸ Mۇja, Jesucristore ca ĩatiricarã nii pacarã cūre mۇja mai. Nūcã mecū cāare cūre ĩati pacarã cūre tuo nūnۇjee, ca biirã niiri, “Tee juori ۇjea niirã jãa tii,” ca ĩi wede majiña manirije ۇnopۇ mۇja ۇjea nii, ⁹ mۇja, díamacū mۇja ca tuo nūcū buorijere bua ea yapano waarã mۇja tii, ñañaro mۇja yeri ca bii yaiboriquere mۇja ca ametuarije ca niirijere jii.

¹⁰ ۇmureco Pacۇ yee quetire wede juugeri maja, ate ametuarique maquērena bue, añuropۇ ĩa cōoña peoticã, ۇmureco Pacۇ añurije mۇjare cū ca tii bojapere wedequiupa. ¹¹ Cristo yۇۇ Añuri Yeri, ۇmureco Pacۇ yee quetire wede juugeri majare, ati yepapure Cristore ñañaro cūre cūja ca tii cōapere, ñucã bii yairi jiro cati tua, cū ca biiro jiro ca bii nūnۇa waape cāare, cūjare wede majio juugēcāupi. Cūja pea, cūjapure ca niigu Añuri Yeri, “To biro biirucu” cū ca ĩirijere, to biro ca biipure, tee ca biipa cuure, majirugamiupa. ¹² ۇmureco Pacۇ pea cūja ca wederucurije, “Manira mani ca majipe méé nii, cūja yee añuro cūja ca niiperۇ niiro bii,” cūja ca ĩi majiro cūjare tiupi. To biicāri cūja, ۇmureco tutipۇ ca niigure cū ca tiicojo duwio cojoricۇ Añuri Yeri cū ca tutuarije juori, añurije queti mۇjare cūja ca wederiquerena wederucuupa. Atea, ۇmureco Pacۇ puto macãrãpura cūja ca ĩarugamirije peti niiro bii.

“Ca ñañarije manirã niiña” ĩirique

¹³ To biri, tugoeña majirique mena ca tiiparã nii yueya; ca bii buiyeerijere ca tugoeña bayirã niiña; Jesucristo nemo cū ca bau eari rumure ۇmureco Pacۇ cū ca tiicojope wadorena tugoeña yue niiña. ¹⁴ ۇmureco Pacۇ puna añuro ca tuo nūnۇjeerãre birora, ۇmureco Pacۇre ca majitirã niirãpۇ mۇja ca boorore biro mۇja ca tii niirucuriquere tii nemoticãña. ¹⁵ ۇmureco Pacۇ mۇjare ca juoricۇ, ca ñañarije manigu cū ca niimore birora, mۇja cãa, mۇja ca niirije cutirije niipetiro mena ca ñañarije manirã niiña. ¹⁶ ۇmureco Pacۇ wederique o biro ĩi: “Mۇja cãa, ca ñañarije manirã niiña. Yua ca ñañarije manigu yۇ nii,” ĩi.†

¹⁷ Mۇja, ۇmureco Pacۇre, jicū ۇno peerena ĩa dica wooricaró maniro cūja ca niiro cōrorena, cūja ca tiirije ca niimore biro ca ĩa bejegure, “Cáacۇ,” cūre mۇja ca ĩjata, añuro nūcū buorique mena cūre bii ĩño niiña, ca waa nūcū yujuri majare biro ati yepare niirã areopۇ macãrãre biro mۇja ca bii nūcū yujuri rumurire. ¹⁸ Mۇja maji, “To biro biicu,” ĩi tugoeña bojoca catiri méé, mۇja ñicūa niiquĩricarã cūja ca tii niirucuricarore biro ca tii nūnۇjee niirãre ۇmureco Pacۇ mۇjare cū ca ametueneriquere. Mۇjare ametuenequ, yoari méé ca boa yairije, oro ۇno mena, ñucã plata ۇno mena, mۇjare wapa tii bojatiupi. ¹⁹ Cristo, oveja macū ca ñañarije manigu díi ca nii majuropeerije mena mۇjare wapa tii boja ametueneupi. ²⁰ Mee, Jesucristo pea ati yepa cū ca tiiparo juugeropura, “Bojocare ca ametuenequ niirucumi,” cū ca ĩi beje cūuricۇ niupi. To biro cū ca tiiricۇ niiri, añuro mۇja ca niipere ĩima ĩigu, ate ca tujari yutearipure baua eaupi. ²¹ Mۇja, Jesucristo juori ۇmureco Pacۇre mۇja tuo nūnۇjee, cū ca cati tuaro tii, cū putopۇ ca nii majuropeegu cū ca nii earo tii, ca tiiricure, díamacū mۇja ca tuo nūcū buorije, mۇja ca yuerije, ۇmureco Pacۇ mena pee to nii eajato ĩirã.

²² Mۇja, mecū peera yua díamacū ca niirije quetire tuo nūnۇjeema ĩirã, ca ñañarije manirã mۇja tua, to biri ĩi ditoricaró maniro mۇja yaarãre maiña. Mۇja ca niiro cōrora, mۇja ca tugoeña tutuarije niipetirije mena ameri maiña. ²³ Mۇja mecūra ۇmureco Pacۇ yaarã pee nii eama ĩirã, nemo ca bauaricarãre biro mۇja nii. Biirãpura ca bii yaiparã punare biro méé, ۇmureco Pacۇ yee wederique ca petitirije, to birora ca niicōa niirije mena, to biro ca biiricarã mۇja nii.

²⁴ ۇmureco Pacۇ wederique o biro ĩi: “Bojoca niipetirã taare biro biima.

Ca nii majuropeerã cūja ca niirije cãa taa oorire birora biicã.

Taa to ca jinirora, ñucã tee oori cãa jini ñaabatecoa,‡

²⁵ ۇmureco Pacۇ wederique pea to birora niicōa nii,” ĩi.§

† 1:16 Lv 11.45; 19.2. ‡ 1:24 Bojoca cūja ca cati niirijea, taa ca biimore birora biicã. § 1:25 Is 40.6-8.

Ate nii, ʘmureco Pacu bojocare cū ca ametuenerique añurije queti mujare cūja ca wederique.

2

¹ To biri ñañarije ca niirije cōro mʘja ca tii niirucurijere, ʘi ditorique ca niirije cōro mʘja ca iirucurijere, ca bojoca añurā cōropu bii ditoriquere, ʘa tutiriquere, queti pairique ca niirije cōro mʘja ca iirijere, to cōrora ʘi yerijāaña. ² Wimarā ca wāma bauarā buaro ɔpēcōa cūja ca amarore biro, mʘja cāa ʘmureco Pacu wederique díamacū ca niirijere buaro amaña, tee juori añuro yeri tutua añurā buari, mʘja ca ametuapere biro iirā, ³ mee, maní Wioḡu añugū peti cū ca niirijere ca majiricarāpu niiri.

Cristo, ʘtāga ca catirica

⁴ Wioḡu Jesucristore tuo nunjeeya, ʘtāga ca catiricare biro ca niigure,* bojoca cūja ca ʘa junaricure ʘmureco Pacu peera ʘtāga cū ca beje amiricaga, ca wapa pacaricare biro ca niigure. ⁵ O biri wāmera mʘja cāare, ʘmureco Pacu, ʘtā ca catiricaarire biro mujare tii, jīcā wii mujare tii, paia ca ñañarije manirā mujare tii, tiirucumi, Jesucristo juori, añurijere, ʘmureco Pacu cū ca boorore biro mʘja ca tii niirije mena, ca joe juti añu muenerāre biro ca tiirā mʘja ca niipere biro iḡu. ⁶ To birira ʘmureco Pacu wederiquepu o biro ʘi owaquīupa:

“Tuoya. Sión† ca wāme cutiri buuropure ʘtāga ca nii majuropeerica, ca wapa pacaricare, yu ca beje amiricaga majuropere yu cūu.

Tiigare ca tuo nunjeegua, boboro tamuo tugoeñatirucumi.”‡

⁷ Mʘja, ca tuo nunjeerāra, atiga ʘtāga paio ca wapa cutirica niiro bii. Ca tuo nunjeetirā peera o biro cūja ca ʘi owa tuuricarore biro bii ea:

“Wii buari maja, ʘtāga cūja ca bootimiricagara, ca nii majuropeerica nii eacā.”§

⁸ Ñucā apeye o biro ʘi:

“ʘtāga puā taaricaga, ʘtāga bojoca cūja ca ñaaro ca tiirica nii.”

Cūja, añurije quetire tuo nunjeetima iirā puā taama; to biro ca biiparāra niirā biiupa mee.*

⁹ Mʘja, ʘmureco Pacu cū ca beje amirica pooga, Wioḡu jaarā paia cūre pade coteri maja, jīcā yepa macārā ca ñañarije manirā, ʘmureco Pacu, cū jaarā cū ca jeericarā peti niirā mʘja bii. O biro mujare tiupi, ñañarije tii niima iirā ca naitiaropu niirāre biro ca niirāre, cū yee quetire díamacū mʘja ca tuo nunjeerije juori, añuro ca boeropu mujare ca juo cojoricu ʘmureco Pacu, ca ʘa ñaña manirije cū ca tii jeeño niirijere cūja wede batejato iḡu. ¹⁰ Ména jugueropure, jīcā pooga macārā mʘja niitiupa. Mecūra yua, ʘmureco Pacu yaa pooga macārā niirā mʘja bii. Jugueropure mujare boo paca ʘatiupi ʘmureco Pacu. Mecūra buaro mujare ʘa maimi yua.

Añurije tii ñño niirique

¹¹ Yu jaarā yu ca mairā, ati yepare, ape yeparipu macārā ca waa nucū yujurāre biro ca biirāre o biro mujare yu ʘi: Ñañarije tiiruga tugoeñarique ca tii doti niirije mʘja ca cati niirijepure ca doti niirijere tii nunjeeticāña. ¹² ʘmureco Pacu ca majitirā watoapure, añuro niirique cuti ñño niña, ñañarije ca tiirāre ca iirāre biro mujare wede paicā pacarā añuro mʘja ca tii niirijere ʘari, ʘmureco Pacu baja peo nucū buorucuma, niipetirāpure cūja ca tii niiriquere cū ca jāiña bejeri ramu ca niimore.

¹³ Wioḡu yee juori, ati yepa macārā bojoca ca dotirā niipetirāre cūja ca dotirore biro tii nunjeeya, upure,† niipetirā uparāre ca dotigu cū ca niiro macā. ¹⁴ To biri macārire ca dotirā,‡ ñañarije ca tiirāre ñañaro cūjare tii, añurije ca tiirāre nucū buo, cūja tiijato iḡu cū ca doti cojorāre, cūja ca dotiri wāmere biro cūjare tii nunjeeya. ¹⁵ Ate nii ʘmureco Pacu cū ca boorije: Añurije mʘja ca tii niirije mena, ñañarā ca maji bojoca catitirā ñañaro

* 2:4 Jesucristo niimi, díamacū tuo nucū buoriquere to birora ca nii tutuacōa niiro ca tii niigu.

† 2:6 Jerusalén, ape wāme Sión. ‡ 2:6 Is 28.16 ʘtāga ca nii majuropeerica iiro Jesucristorena iiro tii. § 2:7 Sal 118.22. * 2:8 Is 8.14-15. † 2:13 Emperador. ‡ 2:14 Gobernadores.

cūja ca īi wede pai cotetiropu mūja ca tiirije.^{§ 16} Ca doti ecotirāre biro niirique cūti niīña, tee peere añuro mūja ca niirijerena, ñañarije tiirugarāra, “Ñee peere ca doti ecorā méé jāa nii, jāa ca booro jāa tii maji,” iitirāra. Umureco Pacu yeere ca pade coteri majare biro pee niirique cūti niīña.¹⁷ Niipetirāre cūjare nucū buoya. Mani yaarā Jesucristore ca tuo nunujeerāre maiña. Umureco Pacure cūre nucū buoya. Macā wiogu dotiri maju cāare nucū buoya.

Pade bojari maja cūja ca bii niipe

¹⁸ Mūja, pade coteri maja, mūja uparā ca bojoca añurā wadore, añuro mūjare ca iirā wadore, cūja ca dotirijere añuro nucū buorique mena tii nunujeetirāra, ca bojoca ñañarā mena cāare to biri wāmera cūjare tii nunujeeya.¹⁹ Umureco Pacure ca majirā niiri, ñañarije tiiti pacarā ñañaro tii ecorā, to birora mani ca tugoeña ametuenecārijea, Umureco Pacu cū ca īa biijejarije niiro bii.²⁰ Ñañaro mūja ca tiirique wapa, ñañaro mūjare cūja ca tiiro to birora mūja ca nucā ametuenecājata, ñee peere iirā cōro, “O biro ca biirā niima” mūja īi nucū buo ecoticu. Añurije mūja ca tiirije juorira ñañaro tamuo, ñucā to birora tugoeña ametuenecā mūja ca biijata, tee doca Umureco Pacu cū ca īa biijejarije nii.

²¹ Aterena iigu mūjare juoupi Umureco Pacu, Cristoa mūja yee wapa ñañaro tamoupi, “Cūja cāa yure biro cūja bii nunujeejato” iigu.

²² “Jesucristoa, jicā wāme unocāra ñañarije tiirucu, jicū uno peerena jicā wāme uno peera īi ditorucu, tiitiupi.”*

²³ Ñañaro cūre cūja ca īi tutimijata cāare, ñañaro cūjare īi ame, tiitiwi. Ñañaro cū ca biiro cūre cūja ca tiimijata cāare, “Yu cāa, ñañaro mūjare yu tiirucu,” iitiwi. Iitigura, Umureco Pacu, ca niitore biro ca īa bejegu peere, “Mu pee mu ca īa bejepe nii,” iicāwi.²⁴ Jesucristo majuropeera yucu tenipu bii yaigu, ñañarije mani ca tii bui cutirique wapare ametuene bojacāupi, ñañarije mani ca tii niirijere ca bii yai weoricarāre biro niiri, añurije pee wadore mani ca tii nunujeepere biro iigu. Ñañaro cū ca cami tuu ecorique juori, mūja ametuene ecoupa.²⁵ Ména jugueropura, ovejas ca maa wijiaticarāre biro mūja ca booro mūja bii nucū yujurucuupa. To biro ca biimiricā, mecū peera yua, ovejas're coteri majare biro ca niigu, añuro mūjare ca īa nunujee niigu, Jesucristo peere mūja tuo nunujee.†

3

Ca numoa cutirā cūja ca tii niipe

¹ To birora mūja, cūja numoa cāa, mūja manū jūmua cūja ca iirore biro añuro cūjare tii nunujeeya, añurije quetire ca tuo nunujeetirā, teere cūjare mūja ca wedeti pacaro mūja ca bii niirijere iirira, Umureco Pacure cūja ca tuo nunujeero mūja ca tiipere biro iirā.

² Añuro nucū bujaro mūja ca niirique cutirijere iari, to biro biirucuma.³ Añurā mūja ca niirijea, tii nemo jañuri mūja ca wua peorije, añurije juti mūja ca jāñarije, oro mena cūja ca tiirica daarire mūja ca wāma niirijera to niiticājato.⁴ Añurā mūja ca niirijea, ca peti nucātipe, mūja yeri mūja ca tugoeñarijere añuro yeri pato wācāricaro maniro niirique pee to nijato. Ate nii Umureco Pacu cū ca īa cojorore ca wapa cūti majuropeerije.⁵ Atera niiquīupa tīramupu ca niiquīricarā, ca ñañarije manirā romiri cūja ca wāmarije. Cūja romiria, Umureco Pacure tuo nunujee, ñucā cūja manū jūmua cāare añuro tuo nunujee, tiiquīupa.⁶ O biri wāme biiquīupo Sara, cō manū Abraham niiquīricure añuro cūre tuo nunujee, “Yu wiogu,” cūre ca iiquīrico. Mūja cō puna romia mūja nii, añurijere mūja ca tiijata, jicā wāme uno peerena uwiricaro maniro mūja niirucu.

⁷ Mūja, cūja manū jūmua cāa, juo nii majirica wāme unora mūja numoare añuro juo niīña. Cūja, mūjare biro ca tutuatirā cūja ca niirijere, ñucā mūja menara Umureco Pacu catirique cū ca tiicojopere ca cōo eaparā cū ca juoricarā cūja ca niirijere, īa majiri, nucū

§ 2:15 Umureco Pacua, añurijere mūja ca tii niiro boomi, ca majitirā, ca tugoeña bojoca catitirā, jicā wāme unocā peera ñañaro mūjare īi wede pai cūja ca tiitipere biro iigu.

* 2:22 Is 53.9. † 2:25 Is 53.4-6.

bhorique mena cūjare tii niiña. Atere to biro tiiya, mūja ca juu bue niirijere ca bii maa wijio camotaatipere biro iirā.

Añurije tiima iirā ñañaro biirique

⁸ To biicāri yua, mūja niipetirā jīcāri mena añuro nii, jīcū peere biro tūgoeñarique cuti, jīcū punare biro ameri mai, ca boo paca iarā nii, watoa macārāre biro nii, biiya. ⁹ Ñañaro mūjare cūja ca tiijata cāare, mūja pee cāa ñañaro cūjare tii ame, mūjare cūja ca acaro bui tutijata cāare, mūja pee cāa ñucā cūjare acaro bui tuti ame, iiticāña. To biro iitirāra: “Añuri wāme mūjare to biijato,” cūjare iī ameña. Añuri wāmere cūja buajato iigu mūjare jəoupi Ɛmureco Pacu. Tīrəmupə o biro iī owaquīpa:

¹⁰ “Mū ca catirijere mai,
añuro űjea niirique mena nii, ca biirugū űnoa,
ñañarijere wedeti,
iī ditoti, biiya.

¹¹ Ñañarijere tii yerijāa, añurije peere tiiya;
añuro niirique maquē peere amari,
tee pee tii nūñjeeya.

¹² Añurāre cotemi
Ɛmureco Pacu.
Cūja ca jāi juu buerije cāare cūjare tuomi.

Ñañarije ca tiirā peera cūjare juna jañumi.”*

¹³ Añurije wadore mūja ca tii niijata, ħīru űno pee ñañaro mūjare cū tiibogajati? Ñañaro mūjare tii majiticuma. ¹⁴ Añurijere mūja ca tii niirije jəori, ñañaro mūja ca biiro cūja ca tiijata, űjea niiña. Jīcū űno peerena uwiticāña. Ɛcuaticāña.† ¹⁵ Mūja yeripə Cristo peere, “Jāa Wiogu ca nii majuropeegu,” cūre iī nūcū buocōa niiña. Ñucā Cristo cū ca tii bojariquere mūja ca tūgoeña yue niirijere, ca jāiñarā niipetirāre mūja ca yūñ majipere biro iirā, añuro tūgoeña yue niiña. ¹⁶ “Ca nii majuropeera jāa nii” iitirāra, añuro nūcū bhorique mena cūjare wedeya. Añuro niirique cuti niiña. Añuro tūgoeñarique cuti biicāri, mūja, Jesucristore ca tuo nūñjeerā niiri añuro mūja ca niirique cuti niirijerena ñañaro mūjare ca wede pairā cūja majuropeera cūja ca iirijerena cūja ca bobo tūgoeñapere biro iirā.

¹⁷ Ñañarijere tiicāri ñañaro tamhorica tabe űnorena, añurijere tiima iirā ñañaro tamhojata docare añujañu, Ɛmureco Pacu to biro cū ca boojata. ¹⁸ To biri Cristo majuropeera, mani ca ñañarije wapare ametuene bojagu, jīcātira ñañaro bii yai ametuene boja peoticā cojoupī. Cūa, ñañarije ca tiitigu nii pacagu, ñañarije ca tiirā yee jəori ñañaro tamhoupi, Ɛmureco Pacu jaarā mūja ca niiro mūjare tiirugu. Manire biro upə cutigu cū ca niirijera, ñañaro bii yaiwi. Cū yeri‡ cū ca cati niirije mena peera, cati tuacoaupī. ¹⁹ To biri tii upə cū ca cati tuarica upə mena, ca bii yaiquīricarā yeri, tia cūurica wiipə ca niirā putope waari, cū ca bii ametua nūcārijere cūjare wedegu waaupi. ²⁰ Cūja pea tīrəmupəre ca tuo nūñjeetiquīricarā niupā, Noé cū ca niiquīrica cuupəre, Noé cū ca cūmua queno niiro cōrora, cūja tūgoeña wajoajato iigu, Ɛmureco Pacu pato wācāricaro maniro añuro cū ca yue nii pacaro. Tiiga mena pauacā méé ametuaupa. Jīcā amo peti, ape amore itiaga penituario ca niirāra ametuaupa, ati yepa ca duariquere. ²¹ Tee oco pea uwo coeriquere bii cōñaro biupā, mecūri cāare tee jəorira ca ametuaparā mani ca niiro ca tiirijere. Uwo coeriquea, upə űweri coerique méé nii. Ɛmureco Pacu mena peere añurije pee tūgoeña wajoari, “Añuro mū mena jāa niirucu,” iirā, mani ca uwo coe dotirije nii. To biri Jesucristo cū ca cati tuarique jəori manire ametuene, ²² űmureco tutipə mūa waari, Ɛmureco Pacu díamacū nūña pee ca niigu,§ Ɛmureco Pacu puto macārāre, ca doti majirāre, ca tutuarāre, cūja niipetirāre ca doti niigu niimi Cristo jəori.

* 3:12 Sal 34.12-16. † 3:14 Is 8.12. ‡ 3:18 Añuri Yeri pee cū ca cati tuaro cūre tiupī. § 3:22 Ɛmureco Pacu cū ca duwiri cūmuro díamacū nūña peere ca niiri cūmurope ea nuu eari, niipetirijepəre ca doti niigu nii eaupi Cristo.

4

Añurijere ca pade cote niirã

¹ To biri Jesucristo cū upu menara ñañoaro cū ca tamuoricarore birora ñañoaro ca tamuoparã niiña muja cãa. Mee, cū upu menara ñañoaro ca tamuoricura, ñañarije tiiriquere cõa peoticã yerijãa waaupi. ² To biri ati yeparure niirã muja ca cati dajari rumurire, ñañarije muja ca tiiruga tugoeñarore biro tiirugarã méé, Umureco Pacu cū ca boorore biro pee tiirugarã niiña. ³ Mee muja, Umureco Pacure ca majitirã cūja ca tii niirucurije uno ñañarijere yoaro muja tii niupa. Muja ca tiiruga tugoeñarore biro wado tii, boje rumuri tii, paio jinicãri cūmu cūa yuju, ñucã cūja ca weericarãrena baja peo nucũ buo, muja tii niirucuupa. ⁴ Mecũra, cūja mena ñañarije cūja ca tiiro muja ca bapa cutitiro ñari, muja mena macãrã ca niimiricãrã pea, “Uwiorije ca biirã cūja niiti” mujare ñi ña, ñañoaro mujare wede pairucuma. ⁵ Biirãpua cūja, ñañarije cūja ca tiirique wapare ña beje ecorucuma, ca catirãre, ñucã ca bii yaicoaricarãpua cãare, ca ña bejeru ca nii yue yerijãagure. ⁶ To birira mee ca bii yaiparã cãare añurije quetire wederique niupa, ati yepa macãrã bojoca mena peera ñañoaro cūja ca tii yaio pacaro, Umureco Pacu mena peera ñucã cūja yeripu cūja ca catipere biro ñiro.

⁷ Mee, niipetirije ca petipa tabe cõñacã dooro bii. To biri añuro niiña muja. Nucũ buorique mena to birora juu buecõa niiña. ⁸ Añuro petira, buaro ca ameri mairã niiña. Ameri mairiquea pañ ñañarije tiiriquere mani ca acoboro manire tii. ⁹ Muja ca niiro cõrora, muja yaa wiire ca earãre, jicũ uno peerena wede pairicaro maniro, añuro mena cūjare jãi boca, cãnicã tabe tiicojo, cūjare tiiya. ¹⁰ Bojorica wãmeri wado muja ca tii majipere Umureco Pacu cū ca tiicojoricãrã niiri, muja ca niiro cõrora aperãre tii nemo niiña, muja ca tiicojo ecorica wãmeri ca niimore biro.* ¹¹ To biri jicũ uno cū ca wedejata, Umureco Pacu yee wederique ca ñirore biro cū wedejato. Ñucã ca tii nemogu uno cãa, Umureco Pacu tutuarique cū ca tiicojorije mena cū tii nemojato. O biro muja ca tiiro niipetirijepurena, ca añu majuropeerijere, yeri tutuariquere, to birora ca cuocõa niigu Jesucristo juori, baja peo nucũ buoricu niirucumi Umureco Pacu. To biro to biijato.

Ñañoaro tamuo pacagu ujea niirique

¹² Yu jaarã yu ca mairã, do biro bii ametua majiña manirije ñañoaro mujare to ca bii earo ñarã, do biro ca tii majiña manirijere ca ñirãre biro “¡Agó nija! Ñañoaro peti manire bii,” ñi tugoeñarique paiticãña. ¹³ To biro ñitirãra Jesucristo ñañoaro cū ca tamuoricarore birora ca bii nunujeerã niiri, ujea niiña, ñucã cū ca tutua majuropeerije mena nemo cū ca tua doori rumu ca niimore buaro ujea niirique mena muja ca niipere biro ñirã. ¹⁴ Ujea niiña muja, Jesucristo wãme juori ñañoaro mujare cūja ca ñi tutiro, mee Umureco Pacu yuu Añuri Yeri ca tutua majuropeegu muja mena cū ca niiro macã. ¹⁵ Jicũ muja mena macũ uno ñañoaro cū ca tamuojata, bojocare cū ca jãrique juori, cū ca jee dutirique juori, bojocare ñañoaro cū ca tiirique juori, ñucã cūre ca biitirijerena cū ca bii ñaajua nucũ yujurije juori méé, to biro cū biijato. ¹⁶ Jesucristore ca tuo nunujeegu niima ñigu, ñañoaro cū ca tamuojata doca teere cū boboticãjato. Bobotigura, Umureco Pacure cū baja peo nucũ buojato, Jesucristo yuu niiri. ¹⁷ Mee, Umureco Pacu cū jaarã ca niirãre cū ca ña beje juori rumu earopu bii. Mani, cū jaarãrena cū ca ña beje juo waarije to ca niijata, ¿Umureco Pacu yee añurije quetire ca tuo nunujeetirã pea, do biro peti cūja bii yapano nacãrãti?

¹⁸ Ca añugu cãa, do biro ñitigu peti cū ca ametuarije ca niijata, ñañagu, ñañarije ca tiigu pea, ¿do biro peti cū bii ametuaguti?†

¹⁹ To biri Umureco Pacu cū ca boorore biro ñañoaro ca tamuorã, mujare ca jeeñoricu Umureco Pacu, cū ca ñirore biro ca tiigure, “Mu ca boori wãme jãare tiiya,” cūre ñi, añurijere to birora tiicã nunua waarãja.

* 4:10 Ef 4.8-12; 1Co 4.1-2; Ro 12.6-8. † 4:18 Pr 11.31.

5

Cristo yaarãre wede majiorique

¹ Mecãra, bũcũrã, mũja Jesucristore ca tũo nũnũjeerãre ca jũo niirãre, yũ cãa cũjare birora bũcũ ca niigũ, Jesucristo ñãñaro cũ ca tamũoriquere ca ñaricũ, to biri ñũcã ca añũ majuropeerije ca bii bau nii eapere cũo, ca biipũ niiri o biro cũjare yũ ñi wede majio: ² Æmũreco Pacũ cũ ca jũoricarã ovejare biro ca niirãre, mũjare cũ ca doti cũuricarore birora añũro cũjare ña nũnũjeeya. Æmũreco Pacũ cũ ca boorore biro añũro tiirũgarique mena tiiya. Tutuaro mena doti epeticãña. Ñũcã wapa tiirica tiiri boo tũgoeñarique mena tiiticãña. Añũri wãme tiirũga tũgoeñarique mena cũjare ña nũnũjeeya. ³ Mũja ca ña nũnũjeerãre, mũjara cũja wparã ca niirãre biro, “Jãa, jãa doti” iitirãra, añũro jũo niiña mũja ca coterãre, mũjare ña cõori añũro cũja ca tii niipere biro ñirã. ⁴ To biro tiirã, ca coterã Wioğũ cũ ca eari rãmũre, pejarica beto ca añũ majuropeeri beto,* jinicoa, ca biitiri betore mũja tiicojo ecorucu.

⁵ To biri wãmera mũja wãmarã cãa, bũcũrã cũja ca ñirijere tũo nũnũjeeya. Niipe-tirãpũra nũcũ bũoriquere mena ameri yũũ, tii nemo niiña, “‘Ca nii majuropeerã jãa nii,’ ca ñirãra, Æmũreco Pacũ ña juna jañumi, watoa macãrãre biro ca niirã peere añũro tii nemomi.”†

⁶ Æmũreco Pacũ do biro ca tiiya manigũ cũ ca ña cojoro, ca nii majuropeerã meẽere biro biiya, to biro cũ ca tiipa cuu ca earo, ca nii majuropeerã mũja ca niiro mũjare cũ ca tiipere biro ñirã. ⁷ Mũja ca tũgoeña pairije niipetirore Æmũreco Pacũpũre cũre wedeya; cũ niimi mũjare ca ña cotegũ.

⁸ “Ca bii buiyeerijere jãa tiire” ñirã, ca tũgoeña tutuarã nii, ca tũgoeña bojoca catirã nii, biiya. Mũja waparã yũũ Satanás, macãnũcũ yai‡ waibũcũre ñeerũgũ cũ ca ña cote amojoderore biro biimi, ñãñaro mani ca tiiro manire tiirũgũ. ⁹ Díamacũ mũja ca tũo nũcũ bũorijere to birora tũgoeña tutuacõa niiri, cũ ca ñi buiyee niirijere nũcãcãña, ati yepare niipetiri taberipũrena mũja yaarã Cristore ca tũo nũnũjeerã, to biri wãmera ñãñaro cũja ca tamũorijere majiri.

¹⁰ Jĩcã cuu ñãñaro mũja ca tamũoro jiro, Æmũreco Pacũ majuropeera, niipetirije ca añũrije Æmũreco Pacũ, cũ yaa tabe ca añũ majuropeeri taberũ cũja niijato ñigũ, Jesucristo jũori manire ca jũoricũra, ca tũgoeña tutuarã, tutua añũrã, ca ñãñarije manirã, añũro ca niicãrã, mũja ca niiro mũjare tiirucumi. ¹¹ Cũ ca añũ majuropeerije, cũ ca doti tutua niirije, to peti nũcãticãjato. To biro to biijato.

Añũ doti yapanoriquere

¹² Yũ yee wedegũ Silvano, “Cũ ca ñiire biro ca tiigũ niimi,” yũ ca ñi nũcũ bũogũ cũ ca tii nemoro mena, paio mũjare ñi mani waatigũra mũjare wede majio, añũro mũja ca tiĩ ecoriquera nii, díamacũra Æmũreco Pacũ cũ ca mairijere ca bii ñĩnorije, mũjare ñi wede majio, tiirũgũ ati pũurore mũjare yũ owa cojo. To biri teere to birora tũo nũnũjeecõa niiña.

¹³ Babilonia macãrã Cristore ca tũo nũnũjeerã, mũjare birora Æmũreco Pacũ cũ ca bejericarã, mũjare añũ doti cojoma. Yũ macũ Marcos cãa, añũ doti cojomi. ¹⁴ Mũja ca niiro cõrora bũaro ameri mairiquere mena ameri añũ doti cojoma.

Mũja, Cristo yaarã ca niirã niipetirãre jĩcãri cõro añũro niirique to niijato.

To biro to biijato.

Pedro

* 5:4 2Ti 4.8; He 13.20; Jn 10.11; Mt 5.12. † 5:5 Pr 3.4. ‡ 5:8 León.

2 PEDRO

Cristore ca t̄uo n̄n̄jeerã c̄oroena c̄ũ ca owarica p̄ũuro nii. Nea poo juu buerica wijjerip̄ure, ca ïi dito buerã c̄ũja mena bii ñaajuacãri t̄oricaro añurije ca ïi dito yujurã niip̄ura.

To biri ati p̄ũurore owagu, Jesucristore ca t̄uo n̄n̄jeerã c̄ũja ca t̄ugoeña bayiro tii, Wioḡure ca ïaricarã majuropeera c̄ũja ca wederijere c̄ũja ca t̄uo n̄n̄jeeriquere to birora t̄ugoeña bayicã nii, c̄ũja ca biiro c̄ũ ca tiirugarije nii.

Díamacũ ca niitirijerena ca buerã c̄ũja ca ïi ditorica wãme j̄icã wãme niip̄ura: “Wioḡu nemo doorucumi c̄ũja ca ïirije yee ïirique nii, ape r̄um̄, ape r̄um̄ niicã n̄n̄na waa, doorucu biitimi,” c̄ũja ca ïirije.

Atere ïima ïigu, ati p̄ũurore owagu: **Díamacũ** t̄uo n̄cũ b̄oriquere, añuro niiriquere, t̄uo jeeñoriquere, t̄ugoeña bayiriquere, ca t̄ugoeña pato wãcãtirã niiriquere, Æm̄reco Pac̄ure n̄cũ b̄oriquere, ameri ñjea niiriquere, ameri mairiquere, ca nii majuropeerije ca niiro tiimi (cap. 1).

Díamacũ ca niitirijerena c̄ũja ca buerijere “To biro ïicãrã ïima,” ïimi (cap. 2). “Wioḡu c̄ũ ca doopea ïi ditorique méé nii, Æm̄reco Pac̄u, niipetirã bojoca c̄ũre t̄uo n̄n̄jee, ñañarijere tii yerijãa, c̄ũja tiijato ïima ïigu, yoaro c̄ũ ca bii mani waaro c̄ũre tiiḡure biro tiimi,” c̄ũjare ïi wede majio nemo yapano eami (cap. 3).

P̄uati Pedro c̄ũ ca queti owa cojorica p̄ũuro

Añu dotirique

¹ Simón Pedro, Jesucristore pade coteri maju, c̄ũ yee quetire c̄ũ ca wede doti cojoric̄u, mani Æm̄reco Pac̄u, manire Ca Amet̄ueneḡu Jesucristo, c̄ũ ca añurije j̄uori, jãare biro añuro p̄u díamacũ ca t̄uo n̄cũ b̄orãre yu añu doti.

² Æm̄reco Pac̄ure, mani Wioḡu Jesucristore, m̄ja ca majirije j̄uori, añuro c̄ũ ca tii bojarique, j̄icãri c̄oro niirique, b̄uaro jañuro m̄jare to nii n̄n̄na waajato.

Cristore t̄uo n̄n̄jeeri maja c̄ũja ca bii niipe

³ Æm̄reco Pac̄u, c̄ũ ca doti tutuarije j̄uori, c̄ũ ca añu majuropeerije, c̄ũ majuropeera c̄ũ ca tutuarije mena, manire ca j̄uoric̄ure mani ca majiro tiiri, * Æm̄reco Pac̄u c̄ũ ca boorore biro mani ca tii niipe niipetirore manire tiicojoup̄i. ⁴ Ate j̄uori, “To biro yu tiirucu” c̄ũ ca ïirique ca añurije ca nii majuropeerijere manire tiicojoup̄i, m̄ja pea tee j̄uori ati yepa maquẽ ñañarije tii niiriquere camotatiri, Æm̄reco Pac̄u c̄ũ ca bojoca c̄uti niirijere m̄ja ca c̄uo eapere biro ïigu.

⁵ Atere ïima ïirã, díamacũ m̄ja ca t̄uo n̄cũ b̄orijere tii jotoa peo cojorã, añuro niirique c̄uti, añuro niirique c̄utiriquere t̄uo puorique, ⁶ t̄uo puoriquere ca bii buiyeeijere t̄ugoeña bayirique, t̄ugoeña bayiriquere Æm̄reco Pac̄ure ïi n̄cũ b̄orique, ⁷ Æm̄reco Pac̄ure ïi n̄cũ b̄oriquere añuro ameri tiirique, añuro ameri tiiriquere ameri mairique, tii niiña. ⁸ Ate m̄jap̄ure to ca niijata, mani Wioḡu Jesucristo yee maquẽre b̄uaro jañuri m̄ja ca maji n̄n̄na waaro tiiri, añurije tiiri méé watoa petira ca nii coterã m̄ja ca niiro tiitirucu. ⁹ Atere ca c̄uotiḡu, ca ïatiḡu, yoarop̄ure ca ïa buatiḡure biro nii, j̄ugueru ñañarije c̄ũ ca tiirique wapare c̄ũ ca acobo ecoriquere acobocoa, biimi.

¹⁰ To biri yu yaarã, mee Æm̄reco Pac̄u m̄jare j̄uo, beje ami, c̄ũ ca tiiricarã p̄u niiri, b̄uaro jañuri ate m̄jap̄ure to birora ca niicõa niiro tiiya. Atere m̄ja ca tiijata, ñañarijere m̄ja tiitirucu. ¹¹ O biro m̄ja ca biiro, mani Wioḡu manire Ca Amet̄ueneric̄u Jesucristo c̄ũ ca doti niiri tabe to birora ca niicõa niiri tabep̄ure, niipetiro añurije mena añuro m̄ja boca ecorucu.

Æm̄reco Pac̄u wederique díamacũ ca niirije

* 1:3 1Ts 2.12.

¹² To biri atere to birora m̄jare yu wede majiocōa niirucu, teere añuro majicā, mee díamacū maquē m̄ja ca bue majio ecoriquere to birora t̄goeña tutuacōa nii, m̄ja ca biicā pacaro. ¹³ Ména yu ca cati niiri r̄m̄r̄ire, “Atere to birora c̄jare ca wede majiocōa niir̄u yu niicu,” m̄jare yu īi. ¹⁴ Mani Wiogu Jesucristo, no cōro meeacāra yu ca bii yaipere yu ca majiro ȳre tiijāwi. ¹⁵ To biro ca bii pacaro, yu ca tii bayiro cōro yu tiirucu, yu ca bii yairo jiro atere m̄ja ca t̄goeña n̄n̄j̄eepere biro īigu.

Jesucristo cū ca nii majuropeerijere ca īaricarā

¹⁶ Mani Wiogu Jesucristo cū ca doti tutua niirije niipetiro mena cū ca doope maquēre m̄jare jāa ca wederiquea, ca biiqūiriquep̄re queti wede bau niirique méére, cū ca nii majuropeerijere jāa majuropeera jāa cape mena jāa ca īariquere jāa wedew̄. ¹⁷ Cū Pacu Ūm̄reco Pacu, n̄cū b̄or̄ique, ca añu majuropeerije, c̄re cū ca tiicojorijere, ūm̄reco tutip̄u o biro ca īi wedeo cojorijere boca amiwi: “Ani niimi yu Mac̄, yu ca maiḡu, yu ca īa biijejaḡu.”† ¹⁸ Jāa majuropeera ate wederique ūm̄reco tutip̄u ca doorijere, cū mena ūtāḡu ca añuricu jotoap̄u niirā jāa t̄ow̄u.

¹⁹ Atea Ūm̄reco Pacu yee quetire wede j̄gueri maja cūja ca wederiquere cūja ca īiricarore birora ca niiro tii, añuro m̄ja ca t̄o n̄n̄j̄ee niirijere. Tee añurije quetia, j̄a boericaga ca nait̄ari tabere boe niiro, ca boerop̄u boeri ñocō yerip̄re j̄a boe ñaajāa n̄cā ea, cū ca tiirijere biro nii. ²⁰ Tee peere atere añuro majiña: Jicā wāme ūno peera ca biipere wede j̄guerique Ūm̄reco Pacu wederiquep̄re owariquea j̄cārāra cūja majuropeera o biro īirugaro īi, cūja ca īirije méé nii j̄o dooupa. ²¹ Ca biipere wede j̄gueriquea, bojoca cūja ca boorije j̄ori méé bii j̄oupa. Ūm̄reco Pacu yeere wederi maja ca ñañarije manirā Añuri Yeri cū ca majiorije j̄ori wedeupa.

2

Īi dito bueri maja

(Jud 4-13)

¹ Israel yaa pooga cāare Ūm̄reco Pacu yee quetire wede j̄gueri majare biro ca bii ditorā niip̄a. To biri wāmera m̄ja watoa cāare ca īi dito bue yujuri maja niirucuma. Cūja, añurijere ca buerāre birora, īa majiña manirāra cūja ca t̄goeñarije ñañaro ca tii yaiorijerena buerucuma, to biro cūja ca īirije mena Wiogu c̄jare ca amet̄eneric̄rena junarica wāmer̄u.* Atea yoari mééra ñañaro cūja ca tii yaio ecoro c̄jare tiic̄arucu. ² Boboro cūja ca tii niirijere pā c̄jare tii n̄n̄j̄eerucuma. Cūja yee j̄ori, díamacū ca niirije quetire ñañaro wede pairucuma. ³ Pairo apeye cuti n̄n̄ua waarugama īirā, cūja ca īi dito buerije mena m̄jare wede maa wijio, m̄ja ca t̄o n̄n̄j̄eero tiiri m̄ja yeere jeerucuma. Ñañaro cūja ca bii yaip̄e pea mee t̄r̄m̄p̄ra queno yuerique nii yerijāa. Ñañaro cūja ca tii yaio ecopea to birora c̄jare nii cotecā. ⁴ Ūm̄reco Pacu, cū p̄to macārā ñañaro ca tiiricarāre, ñañaro cūja ca tiiriquere to birora īacā, tiitiupi. Tiitiḡura, ñañaro biirica tabe b̄aro ca nait̄arop̄u c̄jare cōa duwio cojo, come daari mena c̄jare j̄a, bia cūucāupi, cū ca īa bejeri r̄m̄u ca earo ñañaro c̄jare tiiruḡu. ⁵ Ñucā Ūm̄reco Pacu, t̄r̄m̄p̄ra macārā ñañarā ca niiqūicarā cāare, ñañarije cūja ca tiirijere to birora īa ñaami, tiitiupi. Tiitiḡura, cūja ca ñañarije wapa c̄jare duu bate peoticāqūupi. Noé añurije maquē ca wederucuricu, aperā j̄cā amo peti, ape amore p̄aga penituario ca niirā wadore amet̄eneupi. ⁶ Ñucā to birora tii yaioupi Sodoma, Gomorra macāri cāare. Nit̄i wado ca c̄arop̄u tii joe bate yaiocāqūupi. Ca bojoca ñañarāre ca biipere cūja īa majijato īigu, to biro tiiqūupi Ūm̄reco Pacu. ⁷ Biiḡur̄a ca añuḡu Lot, Sodoma, Gomorra macāri macārā ñañaro cūja ca tii niirijere ca īa oti t̄goeñarije pairicu wadore amet̄eneupi.

⁸ Ani bojocu añuḡu, cūja watoa ca niirucuricu, to cānacā r̄m̄ra ñañarije cūja ca tiirijere īa, t̄o, bii niima īigu, cū yerip̄u b̄aro t̄goeña pairucuupi. ⁹ Ate niipetiro, Wiogu cū ca boorore biro ca tii niirāre ñañaro ca bii earijere amet̄ene maji, ñañarā peera cū ca īa bejeri r̄m̄u ca niiro ñañaro cū ca tiiparā cūja ca niiro tii, cū ca tiirijere īño. ¹⁰ Cūja

† 1:17 Mt 17.5; Mc 9.7; Lc 9.35. * 2:1 1Co 11.19; Gá 5.20.

yeripu ñañarije cūja ca tiiruga tūgoeñarore biro tii, Wiogu cū ca doti niirijere booti, ca biirāra, ñañaro biirique wado cūjare yue. Ca ametuene nūcā pairā, ca bojoca catitirā, niima. Ūmureco tutipu maquē ca yeri tutua majuropeerije cāare, uwiricarō maniro ñañaro īi tutima. ¹¹ Ūmureco Pacu puto macārā pea, cūja ametuenero ca tutuarā, ca doti majirā nii pacarā, cūja uno ca yeri tutuarāre jīcāti uno peera Ūpu cū ca ĩa cojorore ñañaro īi tutirucu, tiitiupa.

¹² Cūja, waibucurā ca tūgoeñarije manirā, cūja ca wīni majirije jūori wado ca tii niirā, cūjare ñeeri cūjare jīa, cūja ca tiiparā ca bauarāre biro biima. Cūja ca tuo puotirije cāare, ñañarije īi bui tutima. Cūja cāa, to biri wāmera waibucurāre birora bii yaicārucuma. ¹³ Aperāre ñañaro cūja ca tiiricarore birora ñañaro tamuo yairucuma. Ūmurecorena boboro cūja ca tii cūa yujurijerena añurije ca tii ūjea niirāre biro tūgoeñama. Boje rūmuri mūja ca tiiro mūjare bapa cutirā, pato wācōro boborije, mūja watoare ca tiya manirijere tii ūjea nii ñaajua nūcū yujuma tee cāare. ¹⁴ Ūcā jīcō nomio uno peerena tiiruga tūgoeñati jañurāra ĩa, tiitima.† Ūñarijere tii jutitima. Ca yeri tūgoeña tutuatirāre īi dito epema. Cuo pacarā pai jañuro boo nūna waarique cāare, tii maji majuropecāma. Ūñaro ca bii yaiparā niirā biima. ¹⁵ Dīamacū ca niirijere camotaticāri,‡ no ca boorora bii maa wijiacāma Beor§ macū Balaam, ñañarije tiicāri ca wapa taarugaricu cū ca tiiricarore biro tii nūñjeerugarā. ¹⁶ Ūñarije cū ca tiirije wapa, waibucu ca wedetigu burrorā bojocare biro wederi, to biro cū ca īi mecū nūcū yujurijere īi camota yerijōupi, ca biipere wede jūgueri majure.

¹⁷ Ca īi dito buerā, oco ope ca oco maniri opere biro, bueri burua wino ca paa puu cojori buruare biro, niima. Cūja, buaro ca naitīari tabepu ca niīñami yaiparāra niicārā biima. ¹⁸ Ca manirijerena tuoricarō añuropu wedecāri, ñañarije ca tii niirāre camotaticāri añuro ca nii jūo waarāacāre, upuri ca boorijere tii niirique mena cūjare tii ūgari peo mecōo niima. ¹⁹ Cūjara ñañarijere ca tii nūñjeerā niicā pacarā, “Añuro mūja niirucu,” cūjare ĩima. Bojoca cōrora, cūja ca tii nūñjeerijere ca tii niirā, teere ca doti epe ecorā niima. ²⁰ Mani Wiogu manire Ca Ametuenericu Jesucristo yee añurije quetire tuori, ati yepa maquē ñañarijere ca tii yerijāricarā nii pacarā, ñucā jūguero cūja ca tiirucurique pee cūjare ca bii ametuene nūcāro tee peere cūja ca tii nūñjee tua waajata, jūguero cūja ca biiricarō ametuenero ñañaro biirucuma. ²¹ Cristo cū ca doti cūurique ca ñañarije manirije cūja ca wede ecoriquere majicāri jiropu, teere cūja ca tuo nūñjee yerijāpa tabe unorena Jesucristo yee añurije quetire cūja ca tuo nūñjeeticājata, añucābojapa cūjara. ²² O biro ĩirique cūjarena bii ea: “Yai, cū ca ūjeo tii cūurijerena amojode nūcā baami. Yejeo cāa, uwo coe yapanoricora, ñaari tatapura yugui cūacāmo,”* īi owarique.

3

Jesucristo nemo cū ca doope

¹ Ūu yaarā, ati pūuro nii, puati mūjare yu ca owa cojori pūuro. Pua pūuropurena mūjare yu ca wede majiorije mena mūja ca tūgoeña niirijepu ca niimore biro mūja ca tūgoeñaro yu tiirugarucu. ² Jūgueropura ca ñañarije manirā Ūmureco Pacu yee quetire wede jūgueri maja cūja ca ĩiquiriquere, ñucā mani Wiogu manire Ca Ametuenegu cū ca doti cūuriquere, cū yee quetire cū ca bue doti cojoricarā cūja ca wederiquere, tūgoeñaña.

³ Añuro petira atere majiña: Ca tūjari rūmuri ca nii waarucuro doorucuma, cūja ca boorore biro ñañarije tii, Ūmureco Pacu wederiquere īi bui eperi, ⁴ o biro ca īi jāiñaparā: “¿Cristo, ‘Ūu tua doorucu,’ cū ca ĩirique pea, do biro to biiti yua? Mee mani pacua bii yai peticoawa. Tīrūmuru ati yepare cū ca tii jūori tabepu ca niiquiricarore birora niicōa nii ména, wajoarucu biiti,” ĩirucuma. ⁵ Cūja, mee tīrūmurura Ūmureco Pacu cū ca wederora ati ūmureco, ati yepa, cāa nii, oco watoa ca niiriquerena tii bau nii, ocora ca tuu ñeero tii, cū ca tiiriquere,* ⁶ ñucā cū wederique menara ati yepare oco mena duu yaio, cū ca

† 2:14 Ūcā nomia niipetirāre tiiruga tūgoeñama. ‡ 2:15 Ūmureco Pacu cū ca boorore biro niirique cuti nūna waariquere camotaticāri. § 2:15 Griego wederique mena peera Bosor. * 2:22 Pr 26.11. * 3:5 Gn 1.6-9; Sal 24.2.

tiiriquere majirugatima.[†] ⁷ Ati yepa, ati umurecori mecūri ca niirije cāa, Umureco Pacu bojocare ĩa beje, ñañarā ñañaro bii yai, cūja ca biiri rumure cū ca dotirije menara joe yaiorugu cū ca queno cūu niirije nii.

⁸ Yu yaarā, atere acoboticāña: Umureco Pacura ĩcā rumu, mil cāmarire biro nii, ñucā mil cāmari cāa ĩcā rumure birora nii, biicā.[‡] ⁹ ĩcārā cūja ca ĩrucurore biro, Umureco Pacu “To biro yu tiirucu,” cū ca ĩriquere yoaro bii mani waagu méé biimi. Mūja menare pato wācāricaro maniro yuemi. ĩcā uno peera cū ca bii yairo bootimi. Niipetirā cūja tugoña yeri wajoajato ĩgu pee biimi.[§]

¹⁰ Biiorua, Wiogu cū ca doori rumua, jee dutiri majure biro bii earucu. To biro cū ca biiri tabera umureco tuti uwiorije buju, bii batecā yerijāa waarucu. Umureco tutipū ca niirije cāa, ca ũurije menara ũu batecā yai waa, ñucā ati yepa pee cāa, tii yepare ca niirije niipetiro menara joe bate ecocā yai waa, biicārucu.

¹¹ Niipetirije to biro ca tii eco yaipe to ca niijata, ĩmūja pea, Umureco Pacu cū ca dotirore biro, ñañarije manirā, añurijere tii nii, biicāri pato wācārique mena, ¹² Umureco Pacu cū ca doopa rumure ca yue niitiparā mūja niiti? Tii rumure, umureco quejerori, ca ũurije mena joe yai ecorucu. Umureco tutipure ca niirije cāa, ca ũurije menara aba batecā yai waarucu. ¹³ To ca bii pacaro mani pea “Wāma umureco, wāma yepa, yu tiirucu, añurije wado ca niipa tabere,” Umureco Pacu cū ca ĩriquere mani yue.

¹⁴ To biri yu yaarā, atere yue niirā ũora, mūja ca tii bayiro cōro tii niīña, Umureco Pacu, ca ñañarije manirā, ñañarije ca tii bui cutitirā, añuro ca niirāre, mūjare cū ca bua eapere biro ĩrā. ¹⁵ Mani Ūpu, pato wācāricaro maniro manire cū ca cote niirijea, mani ca ametuapere ĩiro ca biirijere majiña. Ate maquērena mani yuu Pablo, mani ca maigu cāa, Umureco Pacu cūre cū ca majiorije mena mūjare owa cojoupi. ¹⁶ To cānacā pūuroripurena queti cū ca owa cojorijere ate maquērena mūjare ĩi cojorucuupi. Biiorua, teepure ĩcā wāmeri ca tuo puo majiña manirije nii, ca majitirā, díamacū ca tuo nucū buo bayitirā, noo ca boorora teere ĩi maa wijiocāma, apeye Umureco Pacu wederiquere cūja majuropeera ñañaro cūja ca bii yaipeerena, noo ca boorora cūja ca ĩi maa wijia bui cutirore birora.

¹⁷ To biri mūja yu yaarā, atere ca maji ĩuguecārā niiri, añuro tugoña majiri niīña, ca bojoca ñañarā cūja ca ĩi ditorijerena tuo nūnūjeeri, añuro mūja ca tuo nūnūjee niirijere jāa camotatire ĩrā. ¹⁸ To biro mūja ca biitipere biro ĩrā, mani Wiogu manire Ca Ametuenegū Jesucristo yee maquē peere añuropu maji, cū ca mairijere tii nūnūjee nūnūna waarāja. ĩcū ca nii majuropeerije, mecāre, ñucā to birora cūre to niicōa niijato!

To biro to biijato.

Pedro

[†] 3:6 Gn 7.11-22; 2P 2.5. [‡] 3:8 Sal 90.4. [§] 3:9 1Ti 2.4.

1 JUAN

Díamacūra Ɛmureco Pacure ca majigua “O biri wāme ca niipɔ niimi” ʔi wedegura, ameri mairique maquere buaro peti wedemi ati pūurora.

“Ɛmureco Pacua, mairiquera niicāgu biimi; cū yaarāre ca maigu wado niimi, díamacūra Ɛmureco Pacure ca majigu,” ʔi wedemi.

To biro ʔi yapano Jesucristo yee quetire tuo nɔnɔjeerique maquere buaro wede majio nɔnɔa waami, aperā cū yee quetire ca tuo nɔnɔjeericarā nii pacarā teere camotaticāri ca ʔi dito nucū yujurāre ʔima ʔigu (2.19, 22; 4.1-6).

To biro ʔi yapano, díamacū mani ca tuo nucū buorije menare bii tutuarique maquere wede majio, ʔucā ʔicā wāmeri wede majiorique mena wede yapano eami.

Juan Cū ca queti owa cojo jɔorica pūuro

Wederique Catirique maquē

¹ ʔicātopura ca nii jɔo dooricu yee maquere jāa ca tuoriquere, jāa cape mena jāa ca ʔariquere, aɔuropu jāa ca ʔa jeeñoriquere, jāa amori mena jāa ca padeñariquere, Ɛmureco Pacu Wederiquera Ca Niigu Catirique* ca tiicojogu yee maquere mɔjare jāa owa cojo. ² Ate catirique ca niigu Jesucristora bii bau nii eawi. Cūre jāa ʔawɔ. To biri tee maquere jāa wede. Ate to birora caticōa niirique ca tiicojogu, cū Pacu mena ca niirucuricu, jāare ca bii bau nii earicu yee maquere mɔjare jāa wede. ³ Mani Pacu Ɛmureco Pacu, to biri cū Macū Jesucristo mena jāa ca niimore birora, mɔja cāare jāa mena cūja niijato ʔirā, jāa ca ʔariquere, jāa ca tuoriquere, mɔjare jāa wede. ⁴ Aɔuro ca ɔjea niirā mani ca niipere biro ʔirā, atere mɔjare jāa owa cojo.

Ca boegu niimi Ɛmureco Pacu

⁵ Ate nii, Jesucristo jāare cū ca bueriquere mɔjare jāa ca wederije: Ca boerije niimi Ɛmureco Pacu. Cūra ca naitiarije ɔno mani. ⁶ To biri “Ɛmureco Pacu yaarā jāa nii,” ca ʔirā nii pacarā, ca naitiaropu ca niirā ʔañarije ca tiirā mani ca niijata, ʔi ditorā mani ʔi. Díamacū ca niirije ca ʔiimore biro mani tiiti. ⁷ Ɛmureco Pacu ca boerijepure cū ca niimore birora ca boerijepure mani ca niijata, to cōro docare ʔicā majare birora mani nii. Cū Macū Jesucristo dí pea, ʔañarije mani ca tii niirije cōrorena manire coe.† ⁸ “Ñañarije ca tiitirā jāa nii,” mani ca ʔijata, mani majuropeera mani ca cati niirijepure mani ʔi dito. Díamacū ca niirije pea manipure manicā. ⁹ To ca bii pacaro, ʔañarije mani ca tii bui cutiriquere mani ca wede ametuenejata, Ɛmureco Pacu, cū ca ʔiimore biro ca tiigu, ʔucā ca aɔugu niiri, ʔañarije mani ca tiiriquere manire acobo, niipetirije ʔañarije mani ca tii bui cutiriquere manire coe, tiirucumi. ¹⁰ Nucā, “Ñañarije ca tiitirā jāa nii” mani ca ʔijata, Ɛmureco Pacure ca ʔi dito paigure biro cū ca niiro mani tii, cū wederique pea manipure manicā, to biro ca ʔirā mani ca niijata.‡

2

Cristo manire ca tii nemoɔ

¹ ʔu punaa ɔu ca mairā, atere mɔjare ɔu owa cojo, ʔañarije mɔja ca tiitipere biro ʔigu. ʔicārā ɔno ʔañarije cūja ca tiijata, cū Pacure mani yee maquere ca wede ametuene bojagu Jesucristo, ca niimore biro ca tiigure mani cɔo. ² Ñañarije mani ca tiiriquere manire ametuene bojagu, manire bii yai bojaupi Jesucristo. Mani yee wadore ʔigu méé to biro biiupi. Niipetirā ati yepa macārā yeeppure biigu to biro biiupi.

Ca ameri mai dotirije

* 1:1 Jn 1.1, 4. † 1:7 Cū Macū Jesucristo dí pea, ʔañarije mani ca tii niirije cōrorena manire coe. ‡ 1:10 Pr 20.9; Ec 7.20.

³ Ɖmureco Pacu cū ca doti cūurique ca ĩrore biro mani ca tiijata, cūre ca majirā mani ca niirijere mani maji.* ⁴ Jĩcū uno, “Ɖmureco Pacure ca majigu yu nii,” ca ĩigu nii pacagu, Ɖmureco Pacu cū ca doti cūurique ca ĩrore biro cū ca tiitijata, ca ĩi dito paigu niimi. Cū yeripure díamacū ca niirije mani. ⁵ To ca bii pacaro, cū ca dotirore biro ca tii nunjeegu pea, díamacūra Ɖmureco Pacure maigu tiimi. O biri wāme mani ca biirije mena, Ɖmureco Pacu jaarā mani ca niirijere mani maji. ⁶ “Yua Ɖmureco Pacu mena yu niicōa nii” ca ĩigua, mani Wiogu Jesucristo cū ca biicarore biro ca biipu niimi.

⁷ Yu jaarā, ano mujare yu ca owa cojorijea doti cūurique wāma wāme méé nii. Tĩramuru, ca nii juori taberura mija ca tuorique quetira nii. Mee juguerorura mija ca tuoquĩrique nii, ano yu ca tii doti cojorije. ⁸ To biro ca bii pacaro, jĩcā wāme dotirica wāme wāma wāme mujare yu owa cojo. Tee díamacū ca ĩirije, Cristore, to biri mija cāare, ĩa majiricarora bii bau niicā. Ca naitĩarije pea mee ametuacoaro bii, mee ca boerije ca nii majuropeerije pee boecā cojo.

⁹ Jĩcū, “Ɖmureco Pacu cū ca boorore biro yu nii,” ca ĩigu nii pacagu, cū yee wedegure cū ca ĩa tutijata, ména ca naitĩaropura niicāmi. ¹⁰ Cū yee wedegure ca maigu pea añuro ca boeroru niimi, jĩcā wāme ñañarije cū ca tii bui cutiro ca tiirije mani. ¹¹ Cū yee wedegure ca ĩa tutigua, ca naitĩaroru nii, ca naitĩaroru waa nucū yuju, “Tooru yu waa” ĩi majiti, biicāmi, ca naitĩarije ca ĩatigu cū ca tuaro cūre ca tiicārije ca niiro macā.

Yee méera díamacū tuo nucū buo majuropeerique

¹² Yu punaacā, mujare yu owa cojo, Jesucristore mija ca tuo nunjeerije juori, ñañarije mija ca tii bui cutiriquere acobocāupi Ɖmureco Pacu. ¹³ Mija cūja pacuare, mee jĩcātopura ca nii juo dooricure ca majiricarā mija ca niiro macā mujare yu owa cojo. Mija wāmarāre, wātĩa wiogure ca bii ametuene nucāricarā mija ca niiro macā mujare yu owa cojo. Mija, yu punaare biro ca niirāre, mani Pacure mija ca majirique juori mujare yu owa cojo.

¹⁴ Mija, cūja pacuare, jĩcātopura ca nii juo dooricure ca majiricarā mija ca niiro macā mujare yu owa cojo. Mija wāmarā cāare, ca tugoeña tutuarā nii, Ɖmureco Pacu wederiquere mija yeripu cuo, ĩucā wātĩa wiogu ca ñañagure bii ametua nucā, ca biiricarā mija ca niiro macā mujare yu owa cojo.

¹⁵ Ati yepare, ĩucā ati yepare ca niirije cāare, maiticāña. Jĩcū uno ati yepare cū ca majata, Ɖmureco Pacu peere maitimi. ¹⁶ Niipetirije ati yeparure ca niirije, ñañarije mani ca tiiruga tugoeñarije, mani ca ĩa ugorije, mani majuropeera “Do biro ca tiya manigu yu nii” mani ca ĩi yee nucū yujurije, mani Pacu yee méé nii tea. Ati yepa maquē niiro bii. ¹⁷ Ati yepa, niipetirije ati yepa maquēre tiiruga tugoeñarique mena jĩcāriira peti nucācoaro bii. To ca bii pacaro Ɖmureco Pacu cū ca boori wāmere ca tii niigu pea, to birora ca caticōa niirucumi.

Díamacū ca niirije, to biri ĩi ditorique

(Mt 24.3-28; Lc 11.7-21)

¹⁸ Yu punaa yu ca mairā, ati cuu, ca tujari cuu niiro bii. “Jĩcū, Jesucristore ca junagu doorucumi,” ĩiriquere mija tuojacupa. Mee mecūrire pau peti Jesucristore ca junarā nii eacāma. To biro cūja ca biiro macā, ca tujari cuuru ca niirijere mani ĩa maji. ¹⁹ Mani mena ca niiricarāra to biro biicāwa. Díamacū petira, mani jaarā majurope méé niipura. Mani jaarā peti cūja ca niijata, mani menara niicābojacupa. Añuro petira mani mena ca niirā, niipetirāpura mani mena macārā wado cūja ca niitirijere ĩa majirique ca niipere ĩirā, to biro bii witiupa.

²⁰ Mija, ca ñañarije manigu Cristo, Añuri Yerire cū ca tiicojoricarā mija nii. To biri mija niipetirāpura díamacū maquēre mija maji. ²¹ Ɖmureco Pacu wederique díamacū ca niirijere mija ca majitirije juori méé mujare yu owa cojo. Teere ca majirā mija ca niiro macā mujare yu owa cojo. ĩi ditorique jĩcā wāme uno peera díamacū ca niitirijere mija

* 2:3 ¿Do biro tiicāri Ɖmureco Pacure ca majirāpura mani ca niirijere mani majiti? Cū ca doti cūurique ca ĩrore biro mani ca tii nunjeejata, teere mani maji.

maji mee. ²² ¿Ñiru cū niiti, ca ñi ditogu? Ca ñi ditogua, Jesús're, “Mesías méé niimi” ca ñigu niimi. Cū niimi Jesús're ca junagu, cūa, cū Pacure, to biri cū Macū cāare, ca junagu niimi. ²³ Jicū uno peera, Jesús're ca junagua cū Pacu cāare cuotimi. “Jesús'ra niimi manire ca ametuenegeu,” ca ñi wedegua, cū Pacu cāare cuomi.

²⁴ To biri añuriye queti jicātopura mɔja ca tuoriquere to birora tuo nunɔjeecōa niña. To biro biirā, Ɛmureco Pacu mena, ñucā cū Macū Jesucristo mena, mɔja niirucu. ²⁵ Ate nii, “Mɔjare yu tiicojorucu,” manire cū ca ñi cūurique: “To birora caticōa niirique.”

²⁶ Atera, mɔjare ca ñi ditorugarāre ñima ñigu yu owa cojo. ²⁷ Mɔja pea Jesucristo cū ca tiicojoricu Añuri Yerire mɔja cuo mɔja yeripu. To biri aperā mɔjare cūja ca bue majiore unore mɔja amaati. Añuri Yeri majuropeera niipetirije mɔjare majiomi. Mɔjare cū ca majioriea díamacū ca niirije niiro bii. Ñi ditorique méé nii. To biri cū wadore tuo nunɔjeeya, mɔjare cū ca majioricare birora.

²⁸ Yu punaa, mecūra Cristore to birora tuo nunɔjeecōa niña, cū ca bua earo, tugoeña bayi, cū ca doori tabere bobo tugoeñaricaró maniro, mani ca niipere biro ñirā. ²⁹ Mee, Jesucristo añugu cū ca niirijere ca majirā niiri, ñucā niipetirā añuriye ca tiirā cāa Ɛmureco Pacu punaarā cūja ca niirijere ca majiparā mɔja nii.

3

Ɛmureco Pacu punaa cūja ca tii niirije

¹ ¡Ñaña! ¡No cōro peti mani Pacu manire cū majipari, Ɛmureco Pacu puna manire ñirugu! ¡Cū punaarā mani nii! Ati yepa macārā, Ɛmureco Pacu puna mani ca niirijere majitima, Ɛmureco Pacure ca majitiricarā niiri.

² Yu jaarā yu ca mairā, mecūra “Ɛmureco Pacu punaa mani nii,” biiropua jiro mani ca bii niipere manire ñnoti. Biirāpua, Jesucristo cū ca bua earo, cūre biirāra mani ca niipere mani maji, to biigu cū ca bojoca baurijere ca ñaparā niiri. ³ To biri atere, “To birora biirucumi” ca ñi yue niigua, cū majuropeera ñañarije tii yerijāari, ca ñañarije manigu niimi, Jesucristo ca ñañarije manigu cū ca niimore birora.

⁴ Ñañarijere ca tiirā cōrora, doti cūurique ca ñirijere bii ametuene nūcārā tiima. Ñañarije tiiriquea doti cūuriquere bii ametuene nūcārique niiro bii. ⁵ Mee mɔja, Jesucristo, mani ca ñañarijere cōa bojagu doogu cū ca dooriquere mɔja maji. Cūa, ca ñañarije manigu niimi.

⁶ To biri Jesucristo mena to birora ca niicōa niirā, ñañarijere tiitima. Ñañarijere ca tiirā niipetirāpura Jesucristore ñati, cūre majiti, ca biiricarā niima.

⁷ Yu punaacā, jicū uno peera mɔjare cūja ñi ditocājato. Añuriye ca tiirā, Jesucristo añugu cū ca niimore birora añurā niima. ⁸ Ñañarijere ca tiirā, Satanás jaarā niima. Mee, tĩrumupura ñañarije ca tii juo dooricu niigu biimi Satanás. To biri Satanás cū ca pade niirijere cōagu doogura dooupi Ɛmureco Pacu Macū Jesús, ati yeparure.

⁹ Jicārā uno peera Ɛmureco Pacu punaa ca niirā, ñañarijere tiitima, Ɛmureco Pacu majuropeera cū ca catiro jāaricarā niiri. To biri ñañarijere tii nunua waa majitima Ɛmureco Pacu punaa niiri. ¹⁰ Ɛmureco Pacu punare, to biri Satanás puna menare, ate mena mani ña maji: Añuriye tiiti, cūja jaarāre maiti, ca biirā, Ɛmureco Pacu punaa méé niima.

Ameri mairique

¹¹ Jicātopure añuriye queti mɔja ca tuorique ate nii: “Mani ameri maico,” ñirique. ¹² Caín're biro ca biitiparā mani nii. Satanás yuu niima ñigu, cū baire jāupi. ¿Ñee juori cū baire cū jāupari? Caín cū ca tii niirijea ñañarije peti niupa; cū bai cū ca tiirije pea añuriye niupa.*

¹³ Yu jaarā, Ɛmureco Pacure ca majitirā mɔjare cūja ca ña tutiro, “¿Ñee tiirā manire cūja ña tutiti?” ñieto. ¹⁴ Mee mania, mani jaarāre ca mairā niiri, ñañaro mani ca bii yaiboriquere ca ametuaricarā mani ca niirijere mani maji, cūja jaarāre ca maitirā ca bii yairicarāre birora niicāma ména. ¹⁵ Cūja jaarāre ca ña tutirā, bojoca jñari maja niima.

* 3:12 Gn 4.8; He 11.4.

Jiari maju jicũ uno peerena, to birora caticõa niirique cõpõre ca niitirijere mũa maji. ¹⁶ Jesucristo manire maima iigu, cõ majuropeera manire cõ ca bii yai bojariquere ca majirã niiri mani maji, ameri mairiquera. To biri mani cãa mani yaarãre maima iirã, ñañoaro manire to ca bii pacaro “Ñañoaro manire bii” iitirãra, cõjare ca tii nemoparã mani nii.

¹⁷ Jicũ paio ca apeye cutigu nii pacagu, cõ yee wedegu tii nemorique ca boogure ña pacagu cõ ca tii nemotijata, Æmureco Pacu manire cõ ca ña mairiquere ca majitigu niimi. ¹⁸ Yũ punaacã, aperãre mani ca mairijea, mani uero wadora: “Mũre yũ mai” mani ca iirije wado to niiticãjato, biitirora, díamacãra mani ca mairijea, tii nemorique mena mani tii niirije to niijato.

Æmureco Pacu cõ ca ña cojorore uwiricarõ maniro niirique

¹⁹ To biro tiirã, díamacũ maquẽ mena ca niirã mani ca niirijere majiri, Æmureco Pacu cõ ca ña cojorore uwiricarõ maniro mani niirucu. ²⁰ Apeye uno mani ca tii bui cutiriquere mani yeri manire to ca wedejãajata cãare, Æmureco Pacu pee niimi, mani yeri ametuenero ca nii majuropeegu, niipetirije ca majigu. ²¹ Yũ yaarã, apeye uno mani ca tii bui cutiriquere mani yeri manire to ca wedejãatijata, Æmureco Pacu cõ ca ña cojorore uwiricarõ maniro mani nii. ²² To biri niipetirije cõre mani ca jãirijere manire tiicojorucumi, cõ ca dotirõre biro tii, ñucã cõ ca ña ujea niirijere tii, ca tiirã mani ca niiro macã.

²³ Ate nii cõ ca dotirique: Cũ Macũ Jesucristore díamacũ tuo nunuõjee, ñucã manire cõ ca tii dotiricarõre birora ameri mai, mani ca tii niipe nii. ²⁴ Cũ ca dotiriquere ca tii nunuõjeegua, Æmureco Pacuõre to birora niicõa nii, ñucã cõ pee cãa cõ menara niicõa nii, biimi. Manire cõ ca tiicojoricũ Añuri Yeri menaru Æmureco Pacu manipõre cõ ca niirijere mani maji.

4

Añuri Yeri, to biri Cristore ca junagu yeri

¹ Yũ yaarã yũ ca mairã, “Æmureco Pacu cõ ca majiorije mena jãa wede” ca iirãre, niipetirãpõrena tuo nunuõjeeticãña. Díamacãra Æmureco Pacu cõ ca majiorije mena cõja iimiti iirã, cõja ca wederijere añuro tuoõya. Ati yepapõre paũ peti niicãma, “Æmureco Pacu yee quetire ca wederã jãa nii,” ca ñi dito yujurã. ² Ati wãme nii, Æmureco Pacu yũ Añuri Yeri cõ ca majiorije mena ca wederãre ña majirica wãme: “Jesucristo manire biigu dooupi” ca iigu niimi, Æmureco Pacu yũ Añuri Yerire ca cuõgu. ³ “Jesucristo manire biigu dooupi” ca iitigua, Æmureco Pacu yũ Añuri Yerire cuõtimi. “Cristore ca ña junagu doorucumi,” cõja ca ñiro mũa ca tuoricũ, mee ati yepapõre ca nii yerijãagu yeri peere ca cuõgu niimi. ⁴ Yũ yaarã, mũa, Æmureco Pacu yaarã mũa nii. “Æmureco Pacu yee quetire ca wederã jãa nii,” ca ñi ditorãre mũa bii ametua nucãcãupa. Mũjarõre ca niigua, ati yepa macãrã mena ca niigu ametuenero do biro ca tiiya manigu niimi. ⁵ Cõja ati yepa macãrã niima; to biri ati yepa maquẽ cõja ca majirije wadore wedema. Teere cõjare tuo nunuõjeema ati yepa macãrã. ⁶ Mania, Æmureco Pacu yaarã pee mani nii. To biri, Æmureco Pacuõre ca majirã manire tuo nunuõjeema. Æmureco Pacu yaarã ca niitirã, manire tuõtima. Ate mena mani ña maji Æmureco Pacu yũ Añuri Yerire ca cuõrãre, to biri ca ñi ditõgu yerire ca cuõrã cõja ca niirijere.

Ca maigu niimi Æmureco Pacu

⁷ Yũ yaarã yũ ca mairã, mani ameri maico, ameri mairiquea Æmureco Pacu manire cõ ca dotirije niiro bii. Bojõcare ca mairã niipetirã, Æmureco Pacu puna nii, Æmureco Pacuõre ca majirã nii, biima. ⁸ Ca bojõca maitirã, Æmureco Pacuõre ca majitirã niima; Æmureco Pacuõra ca maigu niimi. ⁹ Æmureco Pacu o biri wãme manire ñõoupi, manire cõ ca mairijere: Cũ Macũ jicũra ca niigõre ati yepapõre cõre tiicojoupi, cõ juõri mani ca catipere biro iigu.

¹⁰ O biri wãme manire maiupi: Æmureco Pacu, cõre mani ca mairije juõri mée, cõ pee manire maima iigu cõ Macũre tiicojori, mani ca ñañoarije wapare cõ majuropeera ñañoaro cõ ca bii yai ametuene bojõro manire tii bojaupi.

¹¹ Yɯ yaarã yɯ ca mairã, o biri wãme Ɔmureco Pacɯ manire cɯ ca mairique ca niiro macã, mani cãa ca ameri maiparã mani nii. ¹² Jĩcɯ ɯnora jĩcãti ɯno peera Ɔmureco Pacɯre ƙatiupa. Mani ca maijata, mani menara niimi Ɔmureco Pacɯ. Nũcã manire cɯ ca mairije cãa, ƙa majiricarora manire bii nɯnɯa waa. ¹³ Ɔmureco Pacɯ mena mani ca niirijere, nũcã cɯ pee cãa mani mena cɯ ca niirijere, mani maji cɯ Añuri Yerire cɯ ca tiicojoricarã niiri. ¹⁴ Jãa majuropeera jãa ƙawɯ. To biri “Ɔmureco Pacɯ cɯ Macɯre tiicojoui, bojocare Ca Ametɯenepɯre,” jãa ƙi wede. ¹⁵ Jĩcɯ ɯno, “Ɔmureco Pacɯ Macɯra niimi Jesús” ca ƙiɯa, Ɔmureco Pacɯ mena nii, nũcã Ɔmureco Pacɯ cãa cɯ mena nii, biimi.

¹⁶ Ate mena Ɔmureco Pacɯ manire cɯ ca mairijere maji, díamacɯ tuo nɯnɯjee, mani bii eawɯ. Ɔmureco Pacɯa ca maigɯ niimi; ca bojoca maigɯa Ɔmureco Pacɯ mena niimi; nũcã Ɔmureco Pacɯ pee cãa cɯ mena niimi.

¹⁷ Ameri mairique o biri wãme manipɯre bii bau nii ea, mania ati yepapɯre, Jesucristo cɯ ca biiricarore birora ca bii niiricarã niiri, Ɔmureco Pacɯ cɯ ca ƙa bejeri rɯmɯ ca earo uwiricarora maniro mani ca niipere biro ƙiro. ¹⁸ Ameri mairique ca niiri tabera uwirique mani. Díamacɯra ca bojoca mairã mani ca niijata, uwirique cãa manire camotaticoa. Uwiriquea, ñaño mani ca biiro ca tiirije niiro bii. To biri ca uwi tɯgoeñarã, ameri mairiquere añuro majitima ména.

¹⁹ Mania, Ɔmureco Pacɯre mani mai, cɯ pee manire cɯ ca mai jɯorique ca niiro macã. ²⁰ Jĩcɯ ɯno: “Yɯa Ɔmureco Pacɯre yɯ mai” ca ƙiɯu nii pacagɯ, cɯ yee wedegɯre cɯ ca ƙa tutijata, to biro ƙi ditocãɯ ƙiimi. ¿Cɯ yee wedegɯ cɯ ca ƙagɯrena ca maitigɯu nii pacagɯ, Ɔmureco Pacɯ cɯ ca ƙatigɯ peera do biro pee tiicãri cɯ maibogajati? ²¹ Jesucristo ate manire tii doti cɯuupi: “Ɔmureco Pacɯre ca maigɯa, cɯ yee wedegɯ cãare cɯ maijata,” manire ƙiupi.

5

Cristore díamacɯ tuo nɯcɯ buorique

¹ Díamacɯra Jesús're, “Mesías niimi,” ca ƙi tuo nɯnɯjee nɯcɯ buorã niipetirã, Ɔmureco Pacɯ punaa niima. Ca pacɯre ca maigɯa, cɯ puna cãare maimi. ² Ɔmureco Pacɯre mai, cɯ ca dotirique cãare tii nɯnɯjee, tiirã, Ɔmureco Pacɯ punaa cãare mani ca mairijere mani maji. ³ Ɔmureco Pacɯre mairiquea, cɯ ca dotiriquere tii nɯnɯjeerique niiro bii. Biirɯna, cɯ ca dotiriquea do biro ca tii jeeño majiña manirije ɯnopɯ niiti. ⁴ Díamacɯra Ɔmureco Pacɯ punaa ca niirã, ati yepa maquẽ ñañoarije tii niiriquere ca bii ametɯa nɯcã majirã niima. Díamacɯ mani ca tuo nɯcɯ buorijera, ati yepa maquẽ ñañoarije tii niiriquere ca bii ametɯa nɯcãricarã mani ca niiro tii. ⁵ Jesús're, “Ɔmureco Pacɯ Macɯ niimi” ca ƙi nɯcɯ buogɯa, ati yepa maquẽ ñañoarije tii niiriquere bii ametɯa nɯcãcãmi.

Ɔmureco Pacɯ Macɯ yee maquẽre wederique

⁶ Jesucristora niimi, oco mena, to biri díi mena, ca dooricɯ. Oco mena wado méé dooupi. Oco mena, díi mena, dooupi. Añuri Yeri niimi ate cɯ ca ƙariquere ca wedegɯ. Añuri Yeria, díamacɯ ca ƙiɯu niimi. ⁷ Ɔmureco tutipɯre itiarã niima ate cɯja ca ƙariquere ca wederã: Cɯ Pacɯ, cɯ Macɯ Jesucristo, Añuri Yeri niima. Anija itiarãpɯra jĩcɯra niima. ⁸ Ati yepa pee cãare itiarã niima, cɯja ca ƙariquere ca wederã: Añuri Yeri, oco, díi, niima. Anija itiarãpɯra jĩcã wãmera ca ƙirã niima. ⁹ Bojoca, cɯja ca ƙariquere manire cɯja ca wederije cãare mani tuo nɯnɯjee. Ɔmureco Pacɯ cɯ ca ƙariquere manire cɯ ca wederije pee doca ca nii majuropeerije nii, cɯ majuropeera cɯ Macɯ yee maquẽre cɯ ca wederique niiri. ¹⁰ Ɔmureco Pacɯ Macɯre díamacɯ ca tuo nɯnɯjeegɯa, atere cɯ yeripɯ cɯocãmi. Ɔmureco Pacɯ cɯ ca ƙirijere díamacɯ ca tuo nɯnɯjeetigɯa, ca ƙi ditogɯre biro cɯ ca tuaro cɯre tiimi, cɯ majuropeera cɯ Macɯ yee maquẽ cɯ ca ƙariquere cɯ ca wederijere díamacɯ cɯ ca tuo nɯnɯjeetirije mena. ¹¹ Ate nii, cɯ ca ƙariquere Ɔmureco Pacɯ manire cɯ ca wederije: To birora caticõa niiriquere manire tiicojoui Ɔmureco Pacɯ. Tee to birora caticõa niirique pea cɯ Macɯpɯre nii. ¹² Ɔmureco Pacɯ Macɯre díamacɯ ca tuo

nɛnɛjeegɯ cãa to birora caticõa niiriquere cɯomi, Ɖmɛreco Pacɯ Macũre díamacũ ca tɯo nɛnɛjeetigɯa, ate to birora caticõa niirique cãare cɯotimi.*

Wede majio yapanorique

¹³ Mɯja, Ɖmɛreco Pacɯ Macũre díamacũ ca tɯo nɛnɛjeerãre ate mɯjare yɯ owa cojo, to birora caticõa niiriquere ca cɯorã mɯja ca niirijere maji, Ɖmɛreco Pacɯ Macũre to birora tɯo nɛnɛjeecõa nii, mɯja ca biipere biro ñigɯ.

¹⁴ Ɖmɛreco Pacɯre, “To birora tiirucumi” mani ñi yue, cã ca boorore biro apeye ɛno cũre mani ca jãirijere manire cã ca tɯorijere ca majirã niiri. ¹⁵ Mani ca jãi juu buerijere Ɖmɛreco Pacɯ cã ca tɯorijere ca majirã niiri, cũre mani ca jãirijere mee ca cɯo yerijãarã mani ca niirijere mani maji.

¹⁶ Jĩcũ ɛno, cã yee wedegɯ ñañarije, ñañaro bii yairicaropɯ ca ami waatirije ñañarije cã ca tiiro cã ca ñajata, Ɖmɛreco Pacɯre cũre cã jãi juu bue bojajato, to biro cã ca tiiro, Ɖmɛreco Pacɯ pee catiriquere cũre tiicojorucumi, ñañarije, ñañaro bii yairicaropɯ ca ami waatirijere cã ca tiijata, yɯ ñi. Nii jĩcã wãme ñañarije, ñañaro bii yairicaropɯ ca ami waarije, tee jɯori docare, Ɖmɛreco Pacɯre cũre jãi juu bue bojaya yɯ ñiti. ¹⁷ Niipetirije ñañarije tiirique cõrora ñañarije wado niicãro bii; bii pacaro nii ñañarije tiirique ñañaro bii yairicaropɯ ca ami waatirije.

¹⁸ Díamacũra, Ɖmɛreco Pacɯ punaa ca niirã, ñañarije cãja ca tii nɛnɛa waatirijere mani maji. Ɖmɛreco Pacɯ Macũ cãjare cotemi. To biri Satanás ñañaro cãjare tii pato wãcõtimi. ¹⁹ Ɖmɛreco Pacɯ punaa mani ca niirijere mani maji. Ati yepa niipetirorɯre Satanás cã ca dotirije cãare mani maji. ²⁰ Ñucã Ɖmɛreco Pacɯ Macũ doori, díamacũra Ɖmɛreco Pacɯ ca niigure cãja majijato ñigɯ, tɯo puoriquere manire cã ca tiicojorique cãare mani maji. To biri cã Macũ Jesucristo díamacũ ca ñigɯ mena mani nii. Anira niimi Ɖmɛreco Pacɯ ca nii majuropeegɯ, to birora caticõa niiriquere ca tiicojogɯ. ²¹ Yɯ punaa, tii nɛcũ buoricarã ca bii ditorã menare bojoca catiri niĩña.

Juan

* 5:12 Ɖmɛreco Pacɯ Macũre ca cɯogɯa, cã cãa catiriquere cɯomi; Ɖmɛreco Pacɯ Macũre ca cɯotigɯ pea, catiriquere cɯotimi. Jn 3.36.

2 JUAN

Ati pũurore owagũ, jĩcũ bũcũ yũũ owa cojo ĩimi. Ɖmũreco Pacũ cũ ca beje amiricarãre, cũ yaarã ca niirãre, cũ ca owa cojorique nii. “Ameri mairique mena, Ɖmũreco Pacũ wederique ca ĩirore biro niiña,” cũ ca ĩi owa cojorique nii (vv. 1-6).

“Ca ĩi ditorã cũja ca buerijere tũo majiri niiña,” ĩi wede (vv. 7-11), “Yũ majuropeera mũjare yũ ĩagũ waarucu,” ĩirique mena owa yapano eami.

Puati Juan cũ ca queti owa cojorica pũuro

Aũu dotirique

¹Yũ, bũcũ, Ɖmũreco Pacũ cũ ca beje amiricore, to biri cõ punaa cãare, yũ jĩcũ wado méé yũ ca mairãre, niipetirã díamacũ maquẽ Jesucristo yee añurije quetire ca majirã cãa cũja ca mairãre, ²díamacũ maquẽre majima ĩirã jãa mena ca niirãre, ñucã jãa mena to cãnacã rũmũra ca niicõa niiparãre, ati pũuro mena mũjare yũ añu doti owa cojo. ³Mani Pacũ Ɖmũreco Pacũ, cũ Macũ Jesucristo, cũ ca añu majuropeerije, cũ ca ĩa mairije, jĩcãri cõro añuro niirique, díamacũ ca niirije, to biri ameri mairique mena, mũja mena to niijato.

⁴Bũaro yũ ẽjea niiwũ, jĩcãrã mũja punaa, mani Pacũ manire cũ ca dotiricarore biro cũja ca tii niirijere ĩagũ. ⁵Yũ yaarã yũ ca mairã, “Mani ameri maico” mũjare yũ ĩi jãi. Ate mũjare yũ ca owa cojorijea, dotirique wãma wãme méé nii. Mee, jĩcãtopũra mani ca tũo jũo dooriquera nii. ⁶Ameri mairiquea Ɖmũreco Pacũ cũ ca doti cũurique ca ĩirore biro tii niirique nii. Ate nii doti cũurique: Ameri maiña, mee jĩcãtopũra mũja ca tũoricarore birora.

Ca ĩi dito yujurã

⁷Ati yeparũre paũ peti niicãma, bojocare ca ĩi dito amejuarã. Mani Wiogũ Jesucristo manire biro upũ cũtigũ cũ ca doorique díamacũ ca niirijere ca majirũgatirã niima. To biro ca biigũa, ca ĩi ditogũ, Cristore ca junagũ, niigũ biimi. ⁸To biri añuro tũgoeña bojoca catiri niiña, añuro mũja ca pade niirique wapa ca niipe to yaiticãjato ĩirã. To biro mũja ca tii niirije wapa Ɖmũreco Pacũ cũ ca tiicojopere niipetiro mũja ca tiicojo ecope peere tii niiña.

⁹Noo ca boogũ, apeyera bii maa wijia, Jesucristo cũ ca bue majioriquere to birora tũo nũnũjeecõa nii, ca biitigũa, Ɖmũreco Pacũ mena ca niitigũ niimi. Jesucristo cũ ca bue majiorique ca niirore biro teere to birora ca tũo nũnũjeecõa niigũa, Ɖmũreco Pacũ mena, to biri cũ Macũ mena, ca niigũ niimi.

¹⁰Noo jĩcũ ũno mũjare ca ĩa yujugũ eagũ, ate bue majiorique méérena cũ ca wedejata, mũja yaa wiire, “Año niiña” cũre ĩi, añuro cũre jãi boca, tiiticãña. ¹¹Cũ ũnore añuro ca jãi bocagũa, cũ menara, ñañarije cũ ca tii niirijere ñañarije ca tii nemogũ tuacãmi.*

Wede yapanorique

¹²Paũ mũjare yũ ca ĩi cojorũgarije niimi biiorũa. Bũari, owa cojorique mena yũ ĩirũgati. Yũ majuropeera mũjare ĩagũ waari, mũja mena yũ wede penirũga, añuro yeri ẽjea nii añurã mani ca niipere biro ĩigũ.

¹³To biri Jesucristore ca tũo nũnũjeerã mũja yaarã, Ɖmũreco Pacũ cũ ca beje amiricarã, mũjare añu doti cojoma.

To biro to biijato.

Juan

* 1:11 Waa yujuri maja ca earã méére ĩi. Jesucristore ca tũo nũnũjeerã, bojoca cũja ca earo cũja yaa wiijeripũ cũjare cũja ca cãni dotirijere ĩima ĩirã, bojorica wãmeri ca bue yujurã cũja ca bii pato wãcõ yujurijere ĩima ĩigũ cũ ca ĩirique nii. Gá 1.7-9.

3 JUAN

Ati pūuro cāa jīcū bꝛꝛꝛ cū ca owarica pūurora nii. Cristo yee quetire ca tꝛo nꝛꝛꝛjeerāre ca jꝛo niigꝛ Gayore cū ca owa cojorica pūuro nii.

“Cristore ca tꝛo nꝛꝛꝛjeerāre mꝛ ca tii nemorije añu majuropecā,” ïi cojomi (vv. 1-8). Diótréfes ñañaro cū ca biirije cꝛtirijere wedemi (vv. 9-10).

Ñucā Demetrio, Cristore ca tꝛo nꝛꝛꝛjeegꝛ ca bojoca añugꝛ yeere wedemi (vv. 11-12). To biro ïicā, añu doti cojorique mena ïi yapano eami (vv. 13-15).

Itiati Juan Cū ca queti owa cojorica pūuro

Gayore ïi nꝛꝛꝛ bꝛorique

¹ Ati pūuro mena, yꝛ, bꝛꝛꝛ, yꝛ mena macū Gayore, díamacūra yꝛ ca maigꝛe, yꝛ añu doti cojo.

² Yꝛ yee wedegꝛ yꝛ ca maigꝛ, mꝛ ca yeri jãñarijerpꝛ añuro ca cati añugꝛ mꝛ ca niirora birora, mꝛ ca tiirije niipetirijerpꝛa añuro mꝛe waa boja, diarique manigꝛ nii, mꝛ ca bii nꝛꝛꝛa waapere biro ïigꝛ, Æmureco Pacꝛe mꝛe yꝛ jãi boja.

³ Jīcārā mani yee wederā yꝛe ïarā earā, Jesucristo yee añurije queti díamacū ca niirije ca ïiirora biro mꝛ ca tii nꝛꝛꝛjeecōa niirijere yꝛe cūja ca wede earo tꝛogꝛ, bꝛaro yꝛ ꝛjea niīwꝛ. ⁴ Yꝛ punaare biro ca niirā, añurije queti díamacū ca niirije ca ïiirora biro cūja ca tii nꝛꝛꝛjeecōa niirijere queti tꝛogꝛ yꝛ ca ꝛjea niiro ametꝛenero, yꝛ ca ꝛjea niiro ca tiirije ꝛno apeye mani.

⁵ Yꝛ yee wedegꝛ yꝛ ca maigꝛ, aperā mani yaarāre,* añuro petira aperori macārā ca earāre mꝛ ca tii nemo niirijere, añuro peti tiigꝛ mꝛ tii. ⁶ Cūja pea Jesucristore ca tꝛo nꝛꝛꝛjeerā cūja ca tꝛo cojoropꝛ, bꝛaro cūjare ca maigꝛ mꝛ ca niirijere wedewa. To biri waa nꝛꝛꝛa waarā cūja ca cꝛope, tii nemorique cūja ca boorijere cūjare tii nemoña, Æmureco Pacꝛ cū ca ïa biijejari wāme ꝛnopꝛ, mꝛe yꝛ ïi. ⁷ Cūja pea Jesucristo yee quetire bue yujurā waarā, Cristore ca majitirā cūja ca tii nemorijere ca bootiricarā niima. ⁸ To biri mani, cūjare ca tii nemoparā mani nii,† díamacū ca niirije añurije quetire cūja ca wede yujuro cūjare ca tii nemorā mani ca niipere biro ïirā.

Diótréfes cū ca ñañarije

⁹ Jesucristore ca tꝛo nꝛꝛꝛjeerāre jīcā pūuro yꝛ owa cojomīwꝛ. To biro yꝛ ca tiiriquere Diótréfes cūja watoare ca jꝛo niigꝛe biro wado ca niiruga niigꝛ pea jāa ca dotirijere tꝛo nꝛꝛꝛjeerugatimi. ¹⁰ To biri mꝛja pꝛtopꝛ yꝛ ca waajata, cūre jꝛo cojori, to biro cū ca biirique cꝛtirijere cūre yꝛ tuti bojoca catiorucu; watoara ïi dito queti pai nucū yujumi manire. Ñucā tee wado méé ïimi. Mani yaarā ca earā cāare, “Año cāniña,” cūjare ïiti, ñucā “Año cāniña,” ca ïirugarā cāare cūjare camota, cūja mena cūja ca niimirijere cūjare cōa wiene, cūjare tiimi.

¹¹ To biri yꝛ yee wedegꝛ yꝛ ca maigꝛ, ñañarijere ïa cōo nꝛꝛꝛjeeticāña. Añurije peere ïa cōoña. Añurije peere ca tiigꝛa, Æmureco Pacꝛ yꝛꝛ niimi. Ñañarije ca tiigꝛa, Æmureco Pacꝛe ca majitigꝛ niimi. ¹² Demetrio yee maquē peera niipetirāpꝛa añuro wederucuma. Ñucā Æmureco Pacꝛ díamacū ca ïigꝛ cāa majimi, Demetrio cū ca tii niirijere. Jāa cāa, cū yee maquēre añuro jāa wede, mꝛ cāa díamacūra jāa ca ïirijere mꝛ maji.

Añu doti yapanorique

¹³ Paꝛ mꝛe yꝛ ca ïirugarije nii biirópꝛa. Bꝛari, owa cojorique mena mꝛe yꝛ ïirugati. ¹⁴ Yoari méé yꝛ waarucu biigꝛpꝛa. To cōropꝛ añuro mꝛ mena mani wede penijaco.

¹⁵ Añuro niirique mꝛ mena to niijato. Mani mena macārā mꝛe añu doti cojoma. Ñucā mani mena macārā cāa cūja añujato.

* 1:5 Mani yaarā Jesucristore ca tꝛo nꝛꝛꝛjeerā. † 1:8 Cānirica tabe cūjare ca tiicojoparā mani nii.

3 JUAN 15

399

3 JUAN 15

To biro to bijato.
Juan

JUDAS

Pña yutea jiro macārã Cristore ca t̃uo ñuñjeerãre c̃ũ ca owa cojoriquere biirije nii. “Íi dito bueri maja menare t̃uo majiri niiña,” íi wedemi (vv. 1-16). Pedro nemo owa cojogu c̃ũ ca íirica wãmere birora íimi ati p̃ũuro cãare. “M̃uja ca t̃uo ñuñjee niirijere to birora t̃ugoeña tutuacõa niiña,” íi wede majiomi (vv. 17-23).

Um̃ureco Pacu yaarã ca niirãre díamacũ t̃uo nucã b̃oriquere j̃icãtira c̃ũ ca tiicojocã yerijãa waarique maquẽra wede (v. 3).

Judas, c̃ũ ca queti owa cojorica p̃ũuro

Judas Um̃ureco Pacu c̃ũ ca j̃oricarãre c̃ũ ca owarique

Añu dotirique

¹ Yũ Judas, Santiago yee wedegu, Jesucristore pade bojari majũ, Um̃ureco Pacu c̃ũ ca mairã, c̃ũ ca bejericarã, Jesucristo c̃ũ ca ía cote niirãre yũ owa cojo.

² B̃uaro m̃ujare c̃ũ ca ía mairije, añuro j̃icãri ameri mairique, to biri ameri mairique, m̃uja mena to niijato.

Ca íi dito bueri maja (2P 2.1-17)

³ Yũ yaarã yũ ca mairã, ametuarique m̃uja, yũ cãa, mani ca c̃orije maquẽre b̃uaro yũ ca owaruga niirucuriquere, mecãra díamacũ t̃uo nucã b̃oriquere Um̃ureco Pacu yaarã ca niirãre j̃icãtira c̃ũ ca tiicojo peoticãriquerẽ, to birora ía ñuñjee wede bayi, tiicõa niiña íigu, atere o biro m̃ujare yũ íi owa cojo.

⁴ Mee tírmupura Um̃ureco Pacu wederiquerẽ, ñañaro ca tii eco yaiparãre “To biro biirucuma” c̃uja ca íi owa c̃ũu juguequĩricarã, j̃icãrã bojoca bau niiro biitirãra ía majiña manirã m̃uja watoapure nii yerijãama. C̃uja, ca bojoca ñañara, mani Um̃ureco Pacu añuro manire c̃ũ ca tii bojariquerena noo ca booro ñañarije tii nucũ yujurique pee jeeño, j̃icãra Um̃ureco Pacu ca niigu niipetirije jtoa ca niigure booti, mani Wiogu Jesucristore booti, ca biirã niima.

⁵ Mee ate niipetirijere añuro m̃uja ca maji pacaro, Um̃ureco Pacu, c̃ũ yaa puna macãrã Egiptopũ ca pade coterã c̃uja ca niimiriquere c̃ujare jee wiene, tiicãri jiro c̃ũre ca t̃uo ñuñjeetirãre c̃ũ ca tii yaio bateriquere m̃uja ca majiro yũ boo.

⁶ Um̃ureco Pacu, c̃ũ puto macãrã* cãare, c̃uja ca doti niipe cõrora tiiri méé c̃uja yaa taberena witi weo, ca biiricarãre, ca naitiari tabe to birora ca niicõa niiri taberũ c̃ujare bia dopocãri c̃uomi, c̃ũ ca ía beje majuropeeri rumũ ca niiro ía bejeri ñañaro c̃ujare tiirugũ.

⁷ C̃ujare birora Sodoma, Gomorra, to biri tii macã wejari macãrã cãa, tiirica wãme cõro méepũ niipetirã mena tii epericarã cuti, ca tiiya manirije ñañarijepũ tii ametuene nucã, tiiuipa. Tee j̃uori, pecame ca ñũ yatitiri pecamepũ ñañaro tam̃uori, niipetirãpũre “Ñañaro tam̃oupa c̃uja cãa,” c̃uja ca íi majipere biro íirã to biro biiupa.

⁸ C̃ujare birora anija, c̃uja ca quẽñarijerena “To biro biiruga,” ca íi dito nucũ yujurã, c̃uja up̃urire ñañaro ca biiro tii, Um̃ureco Pacu c̃ũ ca dotirijere booti, ñucã um̃urecopũ ca doti tutuarãrena ñañaro íi tuti epe, tiima. ⁹ Um̃ureco Pacure pade bojari majũ Miguel majuropeepũ cãa, Moisés up̃uri niiquĩrique j̃uori Satanás mena ameri tutigu, “Ñañaro m̃ũ bii yai uc̃arucu,” íi tutiricaro maniro, “Um̃ureco Pacu pee m̃ure c̃ũ tutijato,”† c̃ũre íicãupi. ¹⁰ C̃uja, c̃uja ca majitirijerena ñañaro íi wede paicãma. Waibucãrã ca t̃uo puoriquere manirã c̃uja ca biirore biro c̃uja ca t̃ugoeña majirijeacã wado menara c̃uja ca maji b̃uarije peera, c̃uja majuropeera ñañaro c̃uja ca bii yaiperena íi bui cuticãma.

* 1:6 Ángeles. † 1:9 Zac 3.2; 2P 2.11 Judíos, b̃ucãrã c̃uja ca t̃ugoeñari wãme pea, Um̃ureco Pacure queti wede bojari majũ (arcángel) Miguel, Moisés c̃ũ ca bii yairo c̃ũ up̃urire c̃ũ ca amigũ earo, Satanás pea ca bojoca j̃agũ niwi Moisés, íi ditorique mena c̃ũ cãa, c̃ũ up̃uri niiquĩriquerẽ jãigu eamiupũ. Ex 2.11-12.

¹¹ ¡Abé nija cūja, Caín niiquírīcū cū ca tiiquírīcarore biro ca tii nūñjeerā! Wapa tiirica tiiri booma ñirā, Balaam cū ca biirīcarore birora Ƴmureco Pacu peera tuo nūñjeerūgatima. Ñucā Coré niiquírīcū cū wiorāre ametuene nūcāma ñīgū, cū ca bii yairīcarore birora bii yaicāma.

¹² Ameri mai nūcū buo mūja ca tii boje rāmuri queno nea poo baa niiri taberire cūja menara, bobori méé mūja watoare bii ñaajuacāri, nūcū buo jañuri méé baa, jini, bii ũjea nii niima. Cūja yee maquē wado ca amarā niima. Bueri burua, ca oco maniri buruare wino ca paa puu cojori buruare biro biima. Yucū, tee ca dica cutiri cuu ca ea pacaro, ca dica maniri yucure biro biima. Pnatipū jinicā yai waa, tiigūñire ca nūcō menapūra wēe yaicā, tiiricagūñire biro biima. ¹³ Cūja majuropeera boborije cūja ca tii nūcū yujurije mena, dia pairiya uwioro ca jaberije tee majuropeera jopo ca jabe wienerijere biro biima. Ñocōa noo ca boorora ca waa nūcū yujurāre biro niima ñirā, buaro ca naitīari tabepū ñañaro ca bii yai waaparā peti niirā biima.

¹⁴ Enoc, Adán jirore jīcā amo peti, ape amore pūaga penituario niirā jiro macū cāa cūjarena ñīgura: “Ƴpū, cū jaarā cūre queti wede bojari maja pau millares mena, † ¹⁵ bojoca niipetirāre niipetirije ñañarije cūja ca tiirique wapa, bojoca ñañarā niiri, niipetirije ñañari wāmeri Ƴmureco Pacure cūja ca ñi buirique wapa, ñañaro cūjare tiigū doogu doomi,” ñi jūguequīupi. §

¹⁶ Anija, niipetirijepūrena túaticā, niipetirijepūrena wede pai, cūja upūri ca tiirūgarije wado tii, “O biro ca biirā jāa nii” ñi tūgoeñarique cuticāri wede, jāa peere cūja tuo nūñjeejato ñirā bojocare añuro cūjare ñi nūcū buo, tii dito nūcū yujuma.

Añuro cūja niijato ñirā wede majiorique

¹⁷ Yū jaarā yū ca mairā, mani Wiogu Jesucristo cū yee quetire cū ca wede doti cojoricarā mūjare cūja ca ñiriquere tūgoeñaña. ¹⁸ O biro mūjare ñiupa: “Ca tūjari yūteari ca nii waarucuro, bojoca, ñañarije ca ñi bui eperā nii, cūja upūri ca boorore biro wado ca tiirā nii, biirucuma,” mūjare ñi wedeupa. ¹⁹ Cūja niima, añuro jīcāri mena nii majiña maniro tii, ñañarije cūja ca tiirūga tūgoeñarijera tii, ca tiirā. Tee tiirā cūja, Ƴmureco Pacu yūñ Añuri Yerire cuotima.

²⁰ Mūja, yū jaarā yū ca mairā, díamacū tuo nūcū buorique ca ñañarije manirijere to birora tūgoeña bayicōa niiña. Añuri Yeri mūjare cū ca majiorije mena juu bueya. ²¹ Mani Wiogu Jesucristo cū ca mai ñarije jūori, to birora caticōa niirique Ƴmureco Pacu cū ca tiicojopere mūja ca yue niiro cōrora, Ƴmureco Pacu cū ca mairijere acoboticāña.

²² “Yee méé ñiima,” ca ñi tūgoeña bayitirāre ña maiña. ²³ Aperāra ñañaro ca ũñ yaiborāre, añurije queti cūjare wede majio, cūja ca ametuaro tiiya. Aperāra cūjare boo paca ña, tii nemoña. Tee peere, tūgoeña bojoca catiri cūjare tii nemoña. Ñañarije cūja ca tii niirije mena cūja jutire ñañarije cūja ca tii paa jīorique menapūrena ña junacāña.

Ƴmureco Pacure baja peo ũjea nii yapanorique

²⁴⁻²⁵ Ƴmureco Pacu jīcūra ca niigū, manire Ca Ametuenegū, ñañarije mūja ca tiitipere biro ñīgū cū ca doti tutuarije mena teere mūjare ca tii camota niigū, cū ca bojoca cuti niiri tabe ca añu majuropeeri tabepūre buaro ũjea niirique mena ca ñañarije manirā mūjare ca cūpūre, ñi nūcū buorique, do biro ca tiiya manigū niirique, niipetirijepūre ca doti niigū niirique, doti maji niirique, mecūre, ñucā to birora, cūre to niicōa niijato mani Wiogu Jesucristo jūori!

To biro to biijato.

Judas

† 1:14 “Ángeles”. § 1:15 Judíos cūja ca owarica pūuro: El Primer Libro de Enoc.

APOCALIPSIS

“Ca majiña maniriquere wede bau niirique” iirugaro ñi Apocalipsis. Wāma wāme cūja ca owarica pūurori mena macā pūuro ca tujari pūuro, cūja ca owa yapano earica pūuro nii.

Cānigure biro cū ca bii oto weti waaro, ca biipere Juan're Jesucristo cū ca ññoriquere pañ wāmeri mena ñi cōñari pairo peti wedecā ati pūuro.

Cū ca niiri yutea macārā Cristore ca tuo nññjeerā ate quetire tuo puoupa. Aperā peera “To biro iirugaro ñi,” cūja ca ñi majitirije niupa.

To biri wāmera bii mani cāare, jīcā wāmeri tuo jeeño majiña mani. Romanos, Æmureco Pacu yaarāre ñañaro peti cūja ca tiiri yuteare cū ca owarique nii.

Ñañaro cūjare to ca bii pacaro, díamacū cūja ca tuo nñcū buorijere to birora cūja ca tūgoeña bayicōa niipere ñima ñigu cū ca owarique nii.

Ati Æmureco ca petiro, Æmureco Pacu, Jesucristo mena jīcāri cū ca tii ametua nñcū yapano eapere wede yapano ea.

Ca biipe Juan're ca bii ññorique

Jesucristo “O biro biirucu,” Juan're cū ca iirique

¹ Ate nii, Jesucristo, cūre ca pade bojarāre, yoari méera ca biipere cū ññojato ñigu, Æmureco Pacu cūre cū ca ññorique. Jesucristo, yu cūre pade bojari maju Juan're ate cū ca ñariquere yu ca majipere biro ñigu, cū yuñ queti wederi maju* mena wede doti cojoupi. ² To biro cū ca ñiricu niiri, yu ca ñarique niipetirore “Díamacūra nii” yu ñi. Ñucā cū majuropeera Æmureco Pacu yee añuriye quetire Jesucristo cū ca wede majioricu niiri, “To birora biiwu” ca ñigu yu nii.

³ Æjea niiña, ate quetire ca buegu. Æjea niiña, ate “O biro biirucu” iirique quetire tuo, ñucā ano owarique ca niirije ca ñirore biro tii nññjee, ca biirā. Mee, “To biro biirucu” iirique ca biipa cuu ea dooro bii.

Juan, Jesucristore ca tuo nññjeerāre cū ca añu doti cojorique

⁴ Yu, Juan, Asia yeparure jīcā amo peti, ape amore puaga penituario niiri macāri macārā Jesucristore ca tuo nññjeerāre yu añu doti owa cojo: Æmureco Pacu jīcātoru ca nii juo dooricu, mecū cāare ca niigu, ñucā ca dooru, to biri cū ca doti duwiri tabe juguerore jīcā amo peti, ape amore puaga penituario yeri ca niirā, [†] ⁵ ñucā Jesucristo Æmureco Pacu yee quetire díamacū ca wede ametuenegu, ca bii yaicoaricu nii pacagu, ca cati tua juguericu, ati yepa macārā niipetirā uparāre ca dotigu cāa, añuriye, jīcāri mena añuro niiriquere, mujare cū tiicojojato. Jesucristo manire mai,

cū ca díi bate yai waarique mena mani ca ñañarijere acobo,

⁶ ñucā cū Æmureco Pacu cū Pacu yaarā wiorā, ‡ paia, mani ca niiro manire tiupi.

¡Do biro ca tiiya manigu cū ca niirije, cu ca doti tutuarije,

cū yee to birora ca niicōa niirije to niijato!

To biro to biijato.

⁷ ¡Ñaña! Jesucristo, bueri bururipu doomi. §

Niipetirā cūre ñarucuma.

Cūre ca paa pua tuuricarā, cūre ca jadericarāpu cāa, cūre ñarucuma.

Ati yepa macārā bojoca poogaari niipetirāpara

* 1:1 Ángel. † 1:4 Ap 3.1; 4.5; 5.6. Jīcārā, jīcā amo peti, ape amore puaga penituario ca niirā yerire, “Añuri Yerirena’ ñiro ñi,” ñima. Aperā, “Añuri Yeri jīcūra nii pacagu, jīcā amo peti, ape amore puaga penituario niiri wāmeri cū ca bii bau niirijere’ ñiro ñi,” ñima. Ñucā aperā, “Æmureco Pacu puto macārā cū ca queti wede doti cojorāre’ ñiro ñi,” ñima. Ap 8.2. ‡ 1:6 Reyes. § 1:7 Dn 7.13.

cũ ca dooro ãa ucuari, buaro otirucuma.

Ûgĩa, to biro to biijato.

⁸ “Yũ, yũ nii Ca Nii Jũogũ, ñucã Ca Tũjagũ, Æmũreco Pacũ Ca Doti Tutua Majuropeegũ, cũra ca niicõa niigũ, ca nii jũo dooricũ, ñucã ca doorpũ,” ïimi Æpũ.

Ca Nii Majuropeegũ Macũre biigũ, Juan cũ ca ãarique

⁹ Yũ, Juan, mũja yee wedegũ, Jesucristo mena ca niigũ niiri, mũjare birora ñañaro tamũo, Æmũreco Pacũ cũ ca doti niiri tabere nii, Jesucristo tũgoeña bayirique cũ ca tiicojorije cãare cũo, yũ bii. Æmũreco Pacũ wederiquere, Jesucristo yeere yũ ca ãariquere, yũ ca wederije jũori, Patmos* ca wãme cõtiri yucũ poogapũ cũja ca cũu cõaricũ yũ niiwũ.

¹⁰ Toorpũ yũ ca niiro, Wioğũre juu bue nũcũ buorica rũmũ ca niiro, Añuri Yeri cũ ca tutuarije yũre ca bii ote weo nũcõropũ, yũ jiro pee tutuaro wederique, putirica wũũ† mena putiricaro ca bujũro cõro, ¹¹ o biro yũre ca ãirijere yũ tũowũ:

—Mũ ca ãarijere jĩcã pũurorpũ owari, Asia yepa macãrã Jesucristore ca tũo nũnũjeerã, jĩcã amo peti, ape amore pũaga penituario ca niiri macãri macãrãre tiicojoya: Éfeso, Esmirna, Pérgamo, Tiatira, Sardis, Filadelfia, Laodicea, ca wãme cõtiri macãrire —ïiwũ.

¹² To biro ca ãi wedeoro tũo, “¿Ñiru peti to biro cũ ãiti?” ãigũ, cũre ãarũgũ yũ amojode nũcãwũ. To biro bii amojode nũcã ãa cojogũ, jã boerica tuturi oro mena cũja ca quenorique jĩcã amo peti, ape amore pũaga penituario niiri tuturire yũ ãawũ. ¹³ Tee jã boerica tuturi watoare, jĩcã Ca Nii Majuropeegũ Macũre biigũ, cũ dũporipũ ca nii eyorito jutiro jãña, ñucã oro mena tiirica quejero, cũ cotiapũ ca nii eyori quejerore jia tuucãricũ ca niigũre yũ ãawũ.‡ ¹⁴ Cũ poa cãa oveja poare biro, ñucã oco wetare biro ca botirije, niiwũ. Cũ capegaari cãa pecame ca ãũ nũcũri punare biro bauwũ. ¹⁵ Cũ dũpori cãa ãjipõa pĩirire añuro wate aji yooricarore biro, ñucã pecamepũ joericaro ca jũarore biro ajiyaawũ. Cũ ca wederije cãa poea oco buaro ca bujũ ñaajãa nũcãrore biro bujũwũ. ¹⁶ Cũ amo díamacũ nũñaire jĩcã amo peti, ape amore pũaga penituario niirã ñocõa cũowi. To biri ñucã cũ ãjeropũre jĩcã pĩi, niipĩi pũa nũñaipũra joo yoorica pĩi witiwũ. Ñucã cũ díamacũ cãa, muipũ ãmũreco macũ cũ ca aji boe bate niiro cõro boe batewũ. ¹⁷ Cũre ãagũra, cũ pũtora yũ dia ñaacũmucoawũ. To biro yũ ca biiro, cũ pea cũ amo díamacũ nũña mena yũre ñia peori, o biro yũre ãiwi:

—Uwiticãña. Yũa Ca Nii Jũo Dooricũ, ñucã Ca Tũjagũ, ¹⁸ Ca Catigũ yũ nii. Yũ bii yaicoawũ ména. Ca bii yaicoaricũ nii pacagũ, mecũra to birora ca caticõa niigũ yũ nii. Yũa, bii yairiquere, ñucã to birora ñañaro ca bii yairã cũja ca niiorpũ cãare,§ doti majiriquere yũ cũo.

¹⁹ “To biri mũ ca ãajãrijere, mecũ ca biirijere, ñucã jiorpũ ca biipe cãare, owaya.” ²⁰ To biri ate nii, yũ amo díamacũ nũña peere ñocõa jĩcã amo peti, ape amore pũaga penituario niirã, ñucã jã boerica tuturi cãare jĩcã amo peti, ape amore pũaga penituario niirije mũ ca ãajãrije, bojoca cũja ca majitirijere yũ ca wede majiorije: Jĩcã amo peti, ape amore pũaga penituario niirã ñocõa, Æmũreco Pacũ yee queti wederi maja, Jesucristore ca tũo nũnũjeerã jĩcã amo peti, ape amore pũaga penituario niiri macãri macãrã niima. Ñucã, jã boerica tuturi jĩcã amo peti, ape amore pũaga penituario niiri tuturi cãa Jesucristore ca tũo nũnũjeerã jĩcã amo peti, ape amore pũaga penituario niiri macãrire nii cõõñaro bii —yũre ãi wede majiowi.

2

Éfeso macãrãre queti tiicojorique

¹ —Éfeso macãrã Jesucristore ca tũo nũnũjeerãre queti wederi majure* o biro ãi owa cojoya:

* 1:9 Romanos, dia pairi yaa Egeopũre ca niiri yucũ pooga ca ãtã pairi poogaacãpũ cũu batecãrucũpũ. † 1:10 Trompeta. ‡ 1:13 Dn 7.13. § 1:18 Hades. * 2:1 Ángel, pastor, mensajero. Ap 2.8; 2.12; 2.18; 3.1; 3.7; 3.14.

“Cũ amo díamacũ nuñare ñocõa jĩcã amo peti, ape amore puaga penituario ca niirã ca cõogũ, ñucã jĩa boerica tuturi jĩcã amo peti, ape amore puaga penituario niiri tuturi oro mena cõja ca tiirica tuturi watoapũ ca waa yujugũ, o biro ñimi: ² Niipetirije mũa ca tii niirije, niipetirije tutuaro mena pade, pato wãcãricaro maniro to birora tiicõa nii, mũa ca biirijere yũ maji. Ñucã, ñañarije ca tiirãre booti, Jesucristo cũ yee quetire cũ ca wede dotiricarã niiti pacarã, ‘Cũ ca wede dotiricarã jãa nii,’ ca ñirugarãre, ‘Ca ñi ditori maja niima,’ mũa ca ñi ña majirije cãare yũ maji. ³ ‘Ñañaro manire biicã,’ ñi tũgoeñarique pairicaro maniro yũ yee juori yerijãari méé, ñañaro tamũo pacarã to birora mũa pade bayicõa nii.

⁴ ”To biro ca biirã nii pacarã, jĩcã wãme mũa ca tiitirije nii: Jĩcãto yũre mũa ca mai juoricaro cõro yũre mũa maiti. ⁵ Tũgoeñaña, no cõropũ to biro mũa biiri: Teere tũgoeña wajoari, ñucã juoguero mũa ca tiiricarore biro tii niĩña. Mũa ca tũgoeña wajoatijata, yoari mééra waari, jĩa boerica tutu† too ca niiri tuture yũ ami weocãrucu.‡
⁶ Biirãpũa, jĩcã wãme yũ ca ña biijejari wãme mũa tii. Yũ ca junarore birora mũa cãa, Nicolaítas cõja ca tii niirijere mũa juna.

⁷ ”;Ca amoperi cutirã tũoya, Añuri Yeri, Jesucristore ca tũo nuñjeerãre cũ ca ñirijere! Ñañaro bii pacarã, to birora ca tũgoeña bayi tutua ametuene nucãrãre, catirique ca niiricu Æmureco Pacu cũ ca niiri tabe macãgu dicare ca baapu cũ ca niiro yũ tiirucu” —ñimi.

Esmirna macãrãre queti tiicojorique

⁸ —Esmirna macãrã Jesucristore ca tũo nuñjeerãre queti wederi majũ cãare o biro ñi owa cojoya. Ate ñimi, Ca Nii Juogũ, ñucã Ca Tũjagũ, bii yaicoa, ñucã cati tua, ca biiricu:

⁹ “Ñañaro tamũo, ca apeye manirã nii, mũa ca biirije cãare yũ maji. To biro bii pacarã añurije queti mena peera, ca apeye pairã mũa nii. Ñucã judíos niiti pacarã, ‘Judíos jãa nii,’ ca ñirã, Satanás'rena ca tii nucũ buorã ca niirã, ñañarije cõja ca ñi tutirijere yũ maji. ¹⁰ To biri ñañaro ca tamũoparã mũa ca niirijere uwiticãña. Mũa mena macãrã jĩcãrãre ‘Jesucristo yaarãra cõja niimiti,’ ñigũ, tia cũurica wiipũ cõjare tia cũurucumi Satanás. Ñucã ñañaro mũjare cõja ca tiiruga nuñjeero, puã amo cõro niiri rumuri ñañaro mũa tamũorucu. Bii yairãpu tũgoeña bayi yerijãaña. Yũ pea tee wapare, catiriquere mũjare yũ tiicojorucu.

¹¹ ”;Ca amoperi cutirã tũoya, Añuri Yeri, Jesucristore ca tũo nuñjeerãre cũ ca ñirijere! Ñañaro bii pacarã, to birora ca tũgoeña bayi tutua ametuene nucãra, puati bii yairiquere jĩcã wãme unopeera ñañaro tamũotirucuma” —ñimi.§

Pérgamo macãrãre queti tiicojorique

¹² —Pérgamo macãrã Jesucristore ca tũo nuñjeerãre queti wederi majũ cãare o biro ñi owa cojoya. Ate ñimi ñiipĩ puã nuñarũra añuro ca joo yoori pĩ ñiipĩ ca cõogũ:

¹³ “Mũa ca tii niirijere yũ maji. Satanás cũ ca doti niiri tabe puato mũa ca niirije cãare yũ maji. To biro bii pacarã, to birora añuro yũre mũa tũo nuñjeecõa nii. Yũ yee juori mũjare cõja ca jiarugamijata cãare, díamacũ yũre mũa ca tũo nucũ buorijere mũa yerijãatiupa. Antipas, yũ yee quetire ca niirore biro añuro queti wederi majure, tii macã Satanás cũ ca niiri macãpũre ñañaro tii ecori, cũ ca jĩa eco yairi tabe cãare mũa uwitiupa. ¹⁴ To biro ca biirã mũa ca nii pacaro, jĩcã wãmeri mũjare yũ ca ñipere yũ cõo: Balaam niiquĩricu, weericarãre tii nucũ buorã baarique cõja ca tiicojorijere baa, ñucã umua, nomia, ca tiya maniri wãmerũ ñee epe nucũ yuju, cõja ca tiiro tiicãri, israelitas ñañarije cõja ca tiiro tiya, Balac're ca ñi wede majioquĩricu cũ ca bue majioriquere jĩcãrã teere ca tii nuñjeerãre wede majioricaro unora, to birora cõjare mũa ñacã.* ¹⁵ Ñucã, jĩcãrã Nicolaítas cõja ca bue majioriquere ca tii nuñjeerãre cãare, to birora mũa ñacã. ¹⁶ To biri to cõrora tũgoeña yeri wajoaya. To biro mũa

† 2:5 Candelabro. ‡ 2:5 “Jesucristore ca tũo nuñjeerãre cũja ca niimirique yai nucãcoarucu” ñigũ, cũ ca ñirique nii. § 2:11 Ap 20.14. * 2:14 Nm 22.25; 31.15-16.

ca biitijata, yoari méé waari, niipī yu ɥjeropu ca witiri pīi mena, cūja mena yu ameri quēegū waarucu.

¹⁷ “Ca amoperi cutirā tɔoya, Añuri Yeri, Jesucristore ca tɔo nɔnɔjeerāre cū ca ĩirijere! Nãñaro bii pacagu, to birora ca tɔgoeña bayi tutua ametuene nɔcãcãgure maná† yaioropu ca niirijere cūre yu ecarucu, ñucã jĩcãga ɥtãga añuro ca botirica wãma wãme owa tuuricaga, tiigare yu ca tiicojogu wado cū ca majipagare yu tiicojorucu” — ĩimi.

Tiatira macãrãre queti tiicojorique

¹⁸ —Tiatira macãrã Jesucristore ca tɔo nɔnɔjeerāre queti wederi maju cãare o biro ĩi owa cojoya. Ate ĩimi ɥmureco Pacu Macū pecame ca ɥu nucūri punare biro cape cuti, ñucã ajipõa‡ pīri añuro ca jūa ajiyaarijere biro dɔpori cuti, ca biigu:

¹⁹ “Mɔja ca tii niirijere, mɔja ca mairijere, díamacū mɔja ca tɔo nɔcū buorijere, bojocare añuro ca tii nemorã mɔja ca niirijere, pato wãcãtirãra mɔja ca tɔgoeña bayi niirijere, yu maji. Ñucã mecū mɔja ca tii niirijere, tii juorã mɔja ca tiiricaro ametuenero mɔja ca tii niirije cãare yu maji.

²⁰ “To biro ca biirã nii pacarã, Jezabel, cõ majuropeera, ‘ɥmureco Pacu yee quetire wede jãgueri majo yu nii,’ ca ĩi yeego, mɔja watoare ca niigore wede majiori méé to birora cõre mɔja ĩacã. Cõ pea cõ ca bue majiorije mena, yu yaarã yure pade bojari majare ĩi ditori, ɥmua, nomia ca tiiya maniri wãmeru ñee epe nucū yuju, ñucã weericarãre ĩi nɔcū buorã baarique cūja ca tiicojorijere baa, cūja ca tiiro tiimo.

²¹ Nãñaro cõ ca tii niirijere tii yerijãari, tɔgoeña yeri wajoa cõ biijato ĩigu, jĩcã cuu cõre yu cūumiwu. Cõ pea to biro ñãñaro cõ ca tii niirijere tɔgoeña, yeri wajoarugatimo.

²² To biri puniro cõ ca diarique tamuro yu tiirucu. Cõ ca bue majiorijere cõ ca tiirore biro ca tii nɔnɔjeerã cãa, to biro cūja ca tii niirijere cūja ca tɔgoeña wajoatijata, ñãñaro cūja ca tamuro yu tiirucu. ²³ Cõ puna cãare yu jãa batecãrucu. To biro yu ca tiiro niipetirã Jesucristore ca tɔo nɔnɔjeerã, bojoca cūja ca tɔgoeña niirijere, yeri cati tɔgoeñariqueruere, ca majigu yu ca niirijere majirucuma. Ñucã mɔja ca niiro cõrorena, mɔja ca tiirique ca niirore biro tee wapare yu tiicojorucu. ²⁴ Mɔja Tiatira ca niirã, majare ĩi ditori cõ ca bue majioriquere tiiti, ñucã, ‘Satanás cū ca yeri tutuarije cū jĩcãra cū ca majirije nii,’ cūja ca ĩirije cãare majiti, ca biirãra ‘Apeye majare yu tii doti nemotirucu,’ yu ĩi. ²⁵ Mee, mɔja ca tii maji niirije docare yu ca doori rɔmuru to birora añuro tiicõa niĩña.

²⁶ “Nãñaro bii pacarã, to birora tɔgoeña bayi tutua ametuene nɔcã, ñucã yu ca boori wãmere to birora tii yapano nɔcã ca biirãre, bojocare cūja ca doti maji niipere yu tiicojorucu, ²⁷ yu Pacu doti majiriquere yure cū ca tiicojoro yu ca ñeericarore birora.

To biri cūja pea, cõmegu cɔocãricarã bojoca poogaarire doti niirucuma.

Ñucã diirurire paa waa baterãre biro cūjare tiirucuma.‡

²⁸ “Ñucã boeri ñocõre cūjare yu tiicojorucu. ²⁹ Ca amoperi cutirã tɔoya, Añuri Yeri, Jesucristore ca tɔo nɔnɔjeerāre cū ca ĩirijere!” — ĩimi.

3

Sardis macãrãre queti tiicojorique

¹ —Sardis macãrã Jesucristore ca tɔo nɔnɔjeerāre queti wederi maju cãare o biro ĩi owa cojoya. Ate ĩimi ɥmureco Pacu cū ca tiicojoricarã, jĩcã amo peti, ape amore puaga penituario yeri ca niirã cɔo, * ñucã to cãnacã ñocõare cɔogu:

“Mɔja ca tiirije niipetirijere yu maji. Ca catirãre birora mɔja wedeo nii; biirãrua añuro petira ca bii yairicarãre biropu mɔja niicã. ² ‘Wãcã, bojoca catiya nija’ yai nɔcã

† 2:17 Ex 16 Maná, israelitas ca yucu maniri yeparu cūja ca waa nɔnɔa waaro ɥmureco Pacu cūjare cū ca baarique ecarique. ‡ 2:18 Bronce. § 2:27 Sal 2.9. * 3:1 Ap 1.4; 4.5; 5.6 ɥmureco Pacu cū ca tiicojoricu Añu Yeri jĩcãra nii pacagu, jĩcã amo peti, ape amore puaga penituario niiri wãmeri ca bii bau niigure cɔo.

waaropu ca biirijere cati tua, ca maja nũcãro tiiya petopũra. Yua, Umureco Pacu cũ ca ãa cojore añurije mũa ca tii niirijere yu buati. ³ Mũjare cũa ca wede majorique mũa ca tuorique tũgoeñari, tee ca ãi rore biro tii nũnũjeeya. Nũcã ñañoaro mũa ca tiirijere tũgoeña wajoaya. Tũgoeña bojoca cati, mũa ca bii yue niitijata, ‘Cũ doocumi’ mũa ca ãitiri tabe unore, jĩcũ jee dutiri majure biro yu earucu.

⁴ “To biro mũa ca biimijata cãare, Sardis're niima jĩcãrã ñañoarijere tiirucu ca tiitirã. Cũa, ca ñañoarije manirã niima ãirã juti botirije jãñacãri, yu mena waa yujurucuma. To biro ca biiparãra niirã biima. ⁵ Ñañoaro bii pacarã to birora ca tũgoeña bayi tutua ametuene nũcãrã, añurije juti botirije jãñarucuma. Cũa wãme, owarica pũuro catirique ca niiri pũuropũre owa tuuriquere, jĩcãti unno peera yu coetirucu. To biro tiitigũra yu Pacu, to biri cũre queti wede bojari maja† mena cũa ca ãa cojoro, ‘Ani jãare yu maji,’ yu ãirucu.

⁶ ”;Ca amoperi cutirã tuoya, Añuri Yeri, Jesucristore ca tuo nũnũjeerãre cũa ca ãirijere!” —ĩimi.

Filadelfia macãrãre queti tiicojorique

⁷ —Filadelfia macãrã Jesucristore ca tuo nũnũjeerãre queti wederi majũ cãare o biro ãi owa cojoya. Ate ãimi ca ñañoarije manigũ, díamacũ wado ca ãigũ, Wiogu David niiquĩricũ yaaro jope pãaricarore ca cũogũ, cũa ca pãaro jĩcũ unno peera bia weo majiña mani, ñucã cũa ca biaro jiro cãare jĩcũ unno peera pãa weo majiña mani, ca biigũ:

⁸ “Mũa ca tii niirije niipetirije yu maji. Ca tutuatirãacã mũa nii, biirãpũa. To biro bii pacarã, mũjare yu ca ãi rore biro tii nũnũjee, yure ca majirã mũa ca niirijere wede junati, mũa biiti. ãaña. Mũa jũguerore jĩcã jope yu jope pãa nũcõ, jĩcũ unno peera cũa ca biatipa jopere. To biri añurije quetire mũa ca wede yujuro, jĩcũ unno peera mũjare camota majitirucumi. ⁹ Satanás're ca ãi nũcũ buo nũnũjeerã, judíos niiti pacarã, ‘Judíos jãa nii’ ca ãi ditorã mũa pũto waari, cũa ajũro jupeari mena cũa ca tuetuu ea nuu waaro yu tiirucu, yu ca mairã mũa ca niirijere cũa ca majipere biro ãigũ. ¹⁰ To birora ca tũgoeña bayicõa niirã niirique yu ca dotiriquere, mee to birora mũa bii. To biri yu pee cãa, ati umureco niipetiroru ati yepa ca niirãre ñañoaro mani ca tiiro ca bii buiyeerije ca bii eari tabere mũjare yu ãa coterucu.

¹¹ ”Yoari meé yu doorucu. Mũa ca cũorijere to birora ãa nũnũjeecõa niĩña, añurije mũa ca buapere jĩcũ unno peera mũjare cũa ca ematipere biro ãirã. ¹² Ñañoaro bii pacarã ca tũgoeña bayi tutua ametua nũcãrãre, yu Umureco Pacu yaa wii wii bota cũa ca niiro yu tiirucu. To biri jĩcãti unno peera tii wiire witi weo, biitirucuma. To biri cũjarũre, yu Umureco Pacu wãme, yu Umureco Pacu yaa macã Jerusalén umureco tutipũ ca duwi doori macã yu Umureco Pacu cũa ca tiicojori macã wãmere, ñucã yu wãme wãma wãme cãare cũjarũre yu owa tuurucu.

¹³ ”;Ca amoperi cutirã tuoya, Añuri Yeri, Jesucristore ca tuo nũnũjeerãre cũa ca ãirijere!” —ĩimi.

Laodicea macãrãre queti tiicojorique

¹⁴ —Laodicea macãrã Jesucristore ca tuo nũnũjeerãre queti wederi majũ cãare o biro ãi owa cojoya. Ate ãimi “To biro to biijato” ca ãigũ, cũa ca ãariquere díamacũ ca wedegũ, díamacũ wado ca ãigũ, Umureco Pacu cũa ca jeeñorique niipetirije jotoa ca niigũ:

¹⁵ “Mũa ca tii niirije niipetirije yu maji. Buaro ca ajirijere biro niiti, ñucã buaro peti ca yũjũarijere biro niiti, mũa ca biirijere yu maji. Buaro ca ajirijere biro nii, buaro ca yũjũarijere biro nii, mũa ca biijata añucã boo.† ¹⁶ To biri buaro ca yũjũarijere biro nii, ñucã buaro ca ajirijere biro nii, biitirãra, ca aji potirijere biro pee mũa ca niirije jũori mũjare yu ujeoti batecãrucu. ¹⁷ ‘Pau ca apeye cutirã jãa nii, añuro jãa niicã, ñee unno jãare dũjati,’ mũa ãi, biirãpũa. To bii pacarã mũa ca catiro jãñoarije mena

† 3:5 Ángeles. ‡ 3:15 “Ca yũjũarijere biro mũa nii,” ãiro, Jesucristo cũa ca dotirore biro ca tii nũnũjeerãre ãiro ãi. Nũcã “Buaro ca ajirijere biro mũa nii” ãiro pea, “Jesucristo cũa ca dotirore biro añuro ca tii nũnũjeerãre” ãiro ãi.

peera, añurijere ca cʉotirā, ca ñañarā, ca apeye manirā, ca ĩatirā, ca juti manirāre biro mʉja ca niirije peera, ‘To biro jāa biicu,’ mʉja ĩi ĩa majiti. ¹⁸ To biri ca apeye pairā niirugarā, pecamerʉ joe weerique oro weta wapa tiiya. Ñucā boboro juti manirā mʉja ca niirijere jāña buatorugarā juti botirije, to biri ñucā ʉco capegaarire pioriquere, yʉre ca wapa tiiparā mʉja nii, añuro mʉja ca ĩa majipere biro ĩirā, mʉjare yʉ ĩi wede majio. ¹⁹ Niipetirā yʉ ca mairāre tuti bojoca catio, wede majio, yʉ tii. To biri tʉgoeña bojoca cati, tʉgoeña yeri wajoaya.

²⁰ ”Īaña. Jāa waarʉgʉ, joperʉ yʉ jʉo nucū, jīcū ʉno yʉ ca jʉorijere tʉo, jope pāa, cū ca tiijata, cū mena cū yaa wiipʉ jāa waa, cū mena baa, cū pee cāa yʉ mena baa, añuro bapa cati, yʉ tiirucu. ²¹ Ñañaro bii pacarā, to birora ca tʉgoeña bayi tutua ametuene nʉcārāre, ñañarijere bii ametuene nʉcārī, yʉ Pacʉ mena, cū ca doti niiri taberʉ yʉ ca duwi earicarore birora yʉ cāa, yʉ ca doti niiri tabere yʉ mena cūja ca duwiro yʉ tiirucu.

²² ”¡Ca amoperi cutirā tʉoya, Añuri Yeri, Jesucristore ca tʉo nʉnʉjeerāre cū ca ĩirijere!” —ĩimi.

4

ʉmʉreco Pacʉre ĩi nʉcū buorique Juan're ca bii ĩñorique

¹ Ate jiro ĩa cojogʉ, ʉmʉreco tutipʉre jīcā jope, pāa nʉcōrica jope, yʉ ĩawʉ. Wederique yʉ ca tʉo jʉorique putirica wʉwʉ putiricarore biro ca bujʉrije yʉ mena ca wederije pea o biro yʉre ĩiwʉ:

—Anorʉ mʉa dooya. Ate jiro ca biipere mʉre ĩñogʉ doogʉ yʉ tii —yʉre ĩiwʉ.

² To biro yʉre ca ĩirora, Añuri Yeri cū ca tutuarije yʉre ca bii oto weo nʉcōro, ʉmʉreco tutipʉre wiogʉ cū ca duwiri cūmurore cūja ca doporicarore, ñucā toopʉre jīcū ca duwigʉre yʉ ĩawʉ. ³ Wiogʉ cū ca duwiri cūmurore ca duwigʉ baurique pea jaspe, to biri cornalina, cūja ca ĩirijere biro niiwʉ. Ñucā cū ca duwiro jotoare, bue niimamʉ beto, esmeralda ca ajiyaarore biro ajiyaa nucūwi. ⁴ To biri ñucā wiogʉ cū ca duwiri cūmuro wejare apeye wiorā cūja ca duwirije veinticuatro peti niiwʉ. Ñucā teepʉre duwiwa bucārā, juti botirije jāña, cūja dʉpʉgaari peera oro mena cūja ca tiirica betorire ca pejarā. ⁵ Wiogʉ cū ca duwiri cūmurorena buro cū ca yaberije, wederique, buro cū ca paarije, witiwʉ. To biro biicārī ñucā, wiogʉ cū ca duwiri cūmuro jʉguerore, jīa boerica tuturi jīcā amo peti, ape amore pʉaga penituario niirije peti ʉwʉ nucūwʉ, ʉmʉreco Pacʉ yaarā yeri ca niirije.* ⁶ Ñucā wiogʉ cū ca duwiri cūmuro jʉguerore, dia pairiya oco ca ōweri maniri sāra yaare biro bauwʉ.

Wiogʉ cū ca duwiri cūmuro pʉtore, ñucā to weja pee cāare bapari peti ca catirā niywa, cūja jʉguero pee cāare, cūja jiro pee cāare, ca cape cutirā. ⁷ Cūja ca catirā mena macū ca nii jʉogʉ, yai jūagʉre† biigʉ niwi; cū jiro macū pea wecʉre biigʉ niwi; pʉarā jiro macū bojocʉre biro ca díamacū cutigʉ niwi; ca tʉjagʉ pea aa ca wʉwʉgʉre biigʉ niwi. ⁸ Cūja ca catirā baparipʉra cūja ca niiro cōro seis niirije quedʉpʉri cutiwa. Ñucā tee jotoare, tee doca cāare ca cape cutirā niywa. To biro biicārī, ñamiri, ʉmʉrecori, o biro ĩi yerijāatiwa: “Ca ñañarije manigʉ, ca ñañarije manigʉ, ca ñañarije manigʉ peti niimi ʉpʉ ʉmʉreco

Pacʉ, niipetirijepʉre Ca Doti Tutua Niigʉ,‡

Ca nii jʉo dooricʉ, to birora ca niicōa niigʉ, ñucā nemo ca doorpʉ, ĩi ʉjea nii baja peo niywa.

⁹ Ca catirā, wiogʉ cū ca duwiri cūmurore ca duwigʉ to birora ca caticōa niigʉre, “Ca añu majuropeegʉ peti mʉ nii” cʉre ĩi, cʉre ĩi nucū buo, “Añu majuropeecā” cʉre ĩi, cūja ca ĩi ʉjea nii baja peorucuro cōrora, ¹⁰ veinticuatro niirā bucārā, wiogʉ cū ca duwiri cūmuro wejare ca duwirā cāa, oro betori cūja ca pejarijere jeeri, wiogʉ cū ca duwiri cūmurore

§ 3:20 Jope pāariquere to ca ĩijata, “Mʉ ca cati niirijepʉre yʉre nii dotiya,” ĩigʉ, cū ĩiriquere ĩiro ĩi. * 4:5 “El séptuple espíritu de Dios.” Ap 1.4; 3.1; 5.6. † 4:7 León. ‡ 4:8 Is 6.3.

ca duwigu p̄top̄ c̄iu cojo, c̄ũ j̄uguerore c̄ũja āj̄uro jupeari mena ea nuu waari, to birora ca catic̄o niiḡure o biro c̄ũre īi n̄uc̄ũ b̄uowa:

¹¹ “Ḑp̄ũ, j̄ã Ḑm̄ureco Pac̄ũ, m̄ũa, ca añu majuropeerije, īi n̄uc̄ũ b̄uorique, ca tutua majuropeeḡũ niiriquere, ca ñeep̄ũ peti m̄ũ nii. M̄ũra niipetirije m̄ũ tiupa. M̄ũ ca boorore biro bii nii. Ñuc̄ã m̄ũ ca boorore biro m̄ũ ca tiirique nii,” c̄ũre īi n̄uc̄ũ b̄uowa.

5

Owarica tunua

¹ Tee jiro wioḡũ c̄ũ ca duwiri c̄ũmurop̄ũ ca duwigu c̄ũ amo díamac̄ũ n̄ũña peere, j̄ic̄ã tunua p̄ũa n̄ũñap̄ũra owarica tunua, j̄ic̄ã amo peti, ape amore p̄ũaga penituario niirije biarica tunuare yũ ĩawũ. ² Ñuc̄ã yũ ĩawũ j̄ic̄ũ, Ḑm̄ureco Pac̄ũre queti wede bojari majũ do biro tiiya maniorp̄ũ ca tutuaḡũ, tutuaro wederique mena o biro ca ĩiḡure: “¿Ñiru c̄ũ niiti, biariquere yegari tii tunuare ca p̄ãap̄ũ?” ĩiwi. ³ Ḑm̄ureco tutip̄ũ c̄ãare, ati yepa c̄ãare, ñuc̄ã ati yepa docap̄ũ c̄ãare, tii tunuare p̄ãari ca ĩap̄ũ ñno manic̄ãwi. ⁴ To biri yũ pea b̄ũaro yũ otiwũ, j̄ic̄ũ ñnora tii tunuare p̄ãari, to ca niirijere ca ĩap̄ũ ñno c̄ũ ca maniro ĩama ĩiḡũ. ⁵ Yũ ca otiro ĩaḡũ, j̄ic̄ũ b̄ũc̄ũr̄ã mena mac̄ũ, o biro yũre ĩiwi: “To c̄õrora otiya. Mee niimi j̄ic̄ũ, Yai J̄ũaḡure biro ca tutuaḡũ, Judá yaa puna mac̄ũ, David p̄ãrami, ca bii amet̄ũa n̄uc̄ãric̄ũ. C̄ũ, tii tunuare j̄ic̄ã amo peti, ape amore p̄ũaga penituario ca niirije biariquere yega, tii tunuare p̄ãa, tiirucumi,” yũre ĩiwi.

⁶ To c̄õrora wioḡũ c̄ũ ca duwiri c̄ũmuro, to biri ca catir̄ã bapari, ñuc̄ã b̄ũc̄ũr̄ã c̄ũja ca niiro watoare, Oveja Mac̄ũ c̄ũja ca j̄ĩa c̄õaquīric̄ũre biiḡũ ca n̄uc̄ũḡure yũ ĩawũ. C̄ũ pea, j̄ic̄ã amo peti, ape amore p̄ũaga penituario potagaari c̄ũti, ñuc̄ã j̄ic̄ã amo peti, ape amore p̄ũaga penituario niirije cape c̄ũti, biiwi, Ḑm̄ureco Pac̄ũ yaar̄ã yeri ati yepa niipetiorp̄ũ c̄ũ ca tiicojoricar̄ã ca niirijere.* ⁷ C̄ũ, Oveja Mac̄ũ pea, wioḡũ c̄ũ ca duwiri c̄ũmurop̄ũ ca duwigu p̄top̄ũ waa, c̄ũ amo díamac̄ũ n̄ũña pee owarica tunua c̄ũ ca c̄ũori tunuare amiwi. ⁸ Tii tunuare c̄ũ ca amirora, ca catir̄ã bapari ca niir̄ã, ñuc̄ã b̄ũc̄ũr̄ã veinticuatro ca niir̄ã, c̄ũja āj̄uro jupeari mena ea nuu waawa Oveja Mac̄ũ j̄uguerore. C̄ũja niipetir̄ãp̄ũra b̄ũa t̄ee† bajaricarorire c̄ũowa. Ñuc̄ã ca j̄ũti añurijere oro mena tiirica bapari dadarori, c̄ũja ca maa j̄ãarica baparire c̄ũowa. Tee, ca j̄ũti añurije c̄ũja ca maa j̄ãarica bapari pea, Ḑm̄ureco Pac̄ũ yaar̄ã c̄ũ yaa pooga mac̄ãr̄ã, c̄ũre c̄ũja ca j̄ãi juu buerucurijere ĩiro biiwũ. ⁹ C̄ũja pea w̄ãma w̄ãme o biro ĩi bajawa:

“M̄ũa, owarica tunuare ami, biariquere yega, ca tiip̄ũra niiḡũ m̄ũ bii. Ñãñaro j̄ĩa eco yai, m̄ũ díi mena, niipetir̄ã bojoca poogaari, bojoricarori ca weder̄ã, niipetiri mac̄ãri mac̄ãr̄ã, niipetiri yepari mac̄ãr̄ã, Ḑm̄ureco Pac̄ũ yaar̄ã j̄ãa ca niiro m̄ũ tiiwũ.

¹⁰ To biro bii yai bojac̄ãri, wior̄ã j̄ãa ca niiro tii, j̄ãa Ḑm̄ureco Pac̄ũ yeere ca pader̄ã paia j̄ãa ca niiro tii, m̄ũ tiiwũ.

Ñuc̄ã ati yepa niipetiorp̄ũre ca doti majipar̄ã j̄ãa ca niipe c̄ãare m̄ũ tii bojawũ,” c̄ũre īi baja peowa.

¹¹ Tee jiro ĩa cojoḡũ, wioḡũ c̄ũ ca duwiri c̄ũmuro, to biri ñuc̄ã ca catir̄ã, aper̄ã b̄ũc̄ũr̄ã, c̄ũja ca niiro weja ca niir̄ã Ḑm̄ureco Pac̄ũre queti wede bojari maja paũ millones de millones peti‡ ca niir̄ã c̄ũja ca bajarijere yũ t̄uowũ. ¹² C̄ũja pea tutuaro wederique mena o biro ĩi baja wedeowa:

“Oveja Mac̄ũ, c̄ũja ca j̄ĩamiric̄ũ pea, ca tutua majuropeeḡũ niiriquere, dije ñno d̄ũjaricar̄o maniro niipetirije ca c̄ũoḡũ niiriquere, ca maji majuropeeḡũ niiriquere, ca bii tutuaḡũ niiriquere, ñuc̄ã ‘Ca nii majuropeeḡũ m̄ũ nii,’ ‘Ca añu majuropeeḡũ m̄ũ nii,’

* 5:6 Ap 1.4; 3.1; 4.5. † 5:8 Arpas. ‡ 5:11 “Millares de millares y millones de millones.”

ĩi nũcũ bũoriquere,
baja peo nũcũ bũoriquere,
ca ñeerũ uno peti niimi”
ĩi baja wedeowa.

¹³ Ñucã Ƴmũreco Pacũ cũ ca jeeñorique niipetirijepũra, Ƴmũreco tutipũ ca niirije, ati yepa ca niirije, ati yepa docarũ ca niirije, dia pairiyarũ ca niirije cãa, o biro ca ĩirijere yũ tũowũ:

“Wiogũ cũ ca duwiri cũmuropũre ca duwigũre, to biri Oveja Macũre, to cãnacã rũmũra ‘Cũra niimi ca nii majuropeegũ, ca añũ majuropeegũ, ca tutuagũ,’ ĩi nũcũ bũocõa niiricarã cũja nijato,”
ca ĩirijere.

¹⁴ To biro to ca ĩiro, bapari ca catirã pea, “To birora to biijato,”[§] ĩi yũũwa. Bũcũrã veinticuatro ca niirã pea, cũja ãjũro jupeari mena ea nuu waari, cũjare ĩi nũcũ bũowa.

6

Biarique

¹ Ñucã Oveja Macũ, owarica tunuare jĩcã amo peti, ape amore pũaga penituario ca niirije biariquere, ca nii juori tabere cũ ca tũa pãaro yũ ĩawũ. Cũ ca tũa pãa cojorije menara yũ tũowũ bapari ca catirã mena macũ jĩcũ, bũpo cũ ca bũjũro cõro o biro cũ ca ĩi wederijere: “Dooya,” ĩiwi. ² To biro cũ ca ĩiro ĩa cojogũ, yũ ĩawũ jĩcũ caballo ca botigũre. Cũ jotoa ca pejagũ pea bũerica betore cũowi. To biri ñucã Wiogũ cũ ca pejari beto Ƴnore tiicojo ecowi. Tii betore pejari, cũ waparãre bii ametũa nũcãcãwi; ñucã ca bii ametũa nũcãpũra niicãgũ biiwi.

³ Ñucã biarica tabere Oveja Macũ cũ ca tũa pãa juojãri tabe jiro macã tabere cũ ca tũa pãaro, jĩcũ jiro macũ ca catirã mena macũ o biro cũ ca ĩiro yũ tũowũ: “Dooya,” ĩiwi. ⁴ To biro cũ ca ĩirora, ñucã apĩ caballo ca jũagũ witi doowi. Cũ jotoare ca pejagũ pea, ati Ƴmũreco macãrã añũro cũja ca niimirijere cũ ca ñañopere doti tutuariquere tiicojo ecowi. Ñucã bojoca cũja majuropeera cũja ca ameri jĩa yaipere ĩigũ, pairi pĩi niipĩire cũja ca Ƴporicũ niwi. ⁵ Biarique pũa tabe jiro macã tabere Oveja Macũ cũ ca pãaro ñucã pũarã jiro macũ, ca catirã mena macũ: “Dooya,” cũ ca ĩi acararũ buiro yũ tũowũ. To biro cũ ca ĩiro ĩa cojogũ, ñucã caballo ca ñiigũre yũ ĩawũ. Cũ jotoa ca pejagũ pea, jĩcã coro nũcõo ñaarica corore cũowi.* ⁶ Ñucã ca catirã bapari ca niirã watoarũ, jĩcã wãme o biro ca ĩi wede cojorijere yũ tũowũ: “Trigo jĩcã kiloacãra bojoca jĩcã rũmũ cũja ca pade wapa taaro cõro wapa cuti. Cebada cãa itia kiloacãra, jĩcã rũmũ pade wapa taaricarũ cõro wapa cuti. To biro to ca bii pacaro Ƴje ocore, ñucã Ƴjere, no ca boorora tii bateticãña,” ĩi wedeowũ.

⁷ Tee jiro ñucã biarica tabe itia tabe jiro macã tabere Oveja Macũ cũ ca pãaro, ñucã itiarã jiro macũ ca catirã mena macũ: “Dooya,” cũ ca ĩiro yũ tũowũ. ⁸ To biro cũ ca ĩiro ĩa cojogũ, ñucã apĩ caballo jũri jañuri booro ca niigũre yũ ĩawũ. Cũ jotoa ca pejagũ pea, “Bii Yairique,” wãme cũtiwi. Cũ jiroacãra Ñañaro Bii Yairica tabere† ca nii ĩĩogũ nũnũwi. Cũja pea ati Ƴmũreco macãrã bapari taberi ca niirãre jĩcã tabe macãrãre ameri jĩarique mena, aũa mena, diarique mena, waibũcũrã cũja ca baa yaiorije mena, cũjare cũja ca jĩa peoti dotiricarã niwa.

⁹ Biarique bapari niirije jiro macã tabere Oveja Macũ cũ ca pãaro yũ ĩawũ, Ƴmũreco Pacũ yee quetire wede, teere to birora tũo nũnũjeecõa nii, cũja ca biirique juori, ñañari wãmerũ cũja ca tii jĩa batericarã yeri, waibũcũrã jĩari joe mũenerica tutu doca ca niirãre. ¹⁰ To biri Ƴmũreco Pacũre tutuaro mena o biro ĩi acararũ buiwa: “Wiogũ ca ñañarije manigũ, díamacũ ca ĩigũ, ¿no cõropũ ati yepa macãrãre ĩa beje, jãare jĩa ame boja, mũ tiigũti?” ĩiwa. ¹¹ To biro cũja ca ĩiro, Ƴmũreco Pacũ pea juti ca botirije cũjare jãari, “Yerijãaña ména, dũja tii cuu ca eapa tabe. Mũjare biro yũ yee quetire wederi maja niima

§ 5:14 Amén. * 6:5 Balanza, bũaro aũa boarique ca waapere ca bii cõoñarique nii. † 6:8 Infierno: Jesucristore ca tũo nũnũjeetiricarã ca bojoca ñañarã cũja ca waapa tabe.

ména tii yeparure, Cristo yee queti juori ca bii yaiparã dɔjama. Cũja niipetirã cũja ca nea poo petiro jiropu docare, cũjare yu ãa bejerucu,” cũjare ñiwi.

¹² Biarique jĩcã amo cõro niirije cũ ca tãa pãaricarõ jiro macã tabere Oveja Macũ cũ ca pãaro, buaro jita nana, muipũ cãa buaro ñii, boori jutiro ca ñiirirore biropu[‡] biicã yai waawi. To biri ñucã muipũ ñami macũ cãa, díi quire biro jeeñacã yai waawi. ¹³ Ñucã buaro ca wino waaro, higueraɣu dica higo ca jumera ca ñaabaterore biro ñaabatewa umureco tuti macãrã ñocõa cãa. ¹⁴ To biro ca biiri tabera, umureco quejero cãa, owarica pũurore ñee tunua yaioricarore biro biicã yerijãa waawu. Ûtã yucu ati yepare ca niimirije, ñucã diaripure yucu poogaari ca niimirije cãa, aperoripu wuu batecã yai waawu.

¹⁵ To biro ca biirijere ñari, ati yepa macãrã wiorã, ca nii majuropeerã, uwamarã uparã, ca apeye pairã, do biro ca tiiya manirã ca niimiricarã, ñucã niipetirã ca pade coterã, ca pade cotetirã mena, operipu, ùtã buurori watoaripu duti ñaajuacãri cũja niipetirã, ¹⁶ ùtã yucurena, ùtãgaarirena o biro ñi acaro buiwa: “Jãare ñaapea buatoya,[§] wiogũ cũ ca duwiri cũmuropu ca duwigũ jãare ñaremi; ñucã Oveja Macũ, ñaãaro jãare cũ ca tiipere jãare camotaya. ¹⁷ Mee, ñaãaro mani ca tamuroro manire cũ ca tiipa rumu eacoa, ¿noa pee teere cũja nucãrãti?” ñiwa.

7

Israel yaa pooga macãrã

¹ Ate jiro bapari Umureco Pacure queti wede bojari maja, ati yepare, dia pairiya cãare, ñucã jĩcãɣu yucũɣu unõ peerena, ca wino paa puutipere biro ñirã bapari joperipurena ca nucũ biatorãre yu ñawu. ² To biri ñucã yu ñawu apĩ, Umureco Pacure queti wede bojari majũ, Umureco Pacu to birora ca caticõa niigu wãmere ñia cũuricarõ cuori, muipũ cũ ca mũa dooro pee ca doogure. Cũ pea, aperã bapari Umureco Pacure queti wede bojari maja, ati yepare, dia pairiya cãare, ñaãaro cũ ca tii dotiricarãre, tutuaro wederique mena o biro cũjare ñi acaro buiwi: ³ “Tii yepare, dia pairiyare, yucu cãare, ñaãaro tiiticãña. Mani Umureco Pacure pade bojari majare, cũ wãme mena cũja diãmacũrire ñia cũuña mani ména,” ñi acaro buiwi.

⁴ To biro cũ ca ñiro jiro yu tuowu ano cãnacãrã peti, Umureco Pacu wãmere ca ñia cũu ecoricarãre. Israel yaa pooga macã punari macãrã niipetirã ciento cuarenta y cuatro mil peti ñia cũu ecoupa.

⁵ Judá yaa puna macãrã doce mil peti ñia cũu ecowa.

Rubén yaa puna macãrã cãa doce mil peti ñia cũu ecowa.

Gad yaa puna macãrã cãa doce mil peti ñia cũu ecowa.

⁶ Aser yaa puna macãrã cãa doce mil peti ñia cũu ecowa.

Neftalí yaa puna macãrã cãa doce mil peti ñia cũu ecowa.

Manasés yaa puna macãrã cãa doce mil peti ñia cũu ecowa.

⁷ Ñucã Simeón yaa puna macãrã cãa doce mil peti ñia cũu ecowa.

Leví yaa puna macãrã cãa doce mil peti ñia cũu ecowa.

Isacar yaa puna macãrã cãa doce mil peti ñia cũu ecowa.

⁸ Ñucã Zabulón yaa puna macãrã cãa doce mil peti ñia cũu ecowa.

José yaa puna macãrã cãa doce mil peti ñia cũu ecowa.

Benjamín yaa puna macãrã cãa doce mil peti ñia cũu ecowa.

Paũ bojoca juti botirije ca jãnarã

⁹ Ate jiro paũ bojoca, niipetiri poogaari macãrã, bojoca bojoricarori ca wederã niipetirã, niipetiri macãri macãrã, do biro tii cõõña peotiricarã méé ca niirã, juti botirije wado jãnaricarã, pũu queeri jecãricarã wiogũ cũ ca duwiri cũmuro juguerore, ñucã Oveja Macũ juguerore, ca nucũrãre yu ñawu. ¹⁰ Niipetirã tutuaro wederique mena o biro ñi acaro buiwa:

[‡] 6:12 Cabra poa buaro ca ñiiroro biropu. [§] 6:16 Os 10.8.

“Mani Ɛmureco Pacu ca doti majuropeegu cū ca duwiropu ca duwigu, to biri Oveja Macū, manire ametuēnema,”
 Ɛi acaro buiwa.

¹¹ Niipetirā Ɛmureco Pacure queti wede bojari maja, wiogu cū ca duwiri cūmuro wejare, nūcā bucurā, aperā ca catirā, cūja ca niiro wejare nucū cojowa. Cūja pea wiogu cū ca duwiri cūmuro díamacū, cūja ājuro jupeari mena ea nuu waa yeparu muu bia cūmu waari, Ɛmureco Pacure o biro Ɛi nūcā buowa:

¹² “To biro to bijjato.

Baja nūcā buorique, ca añu majuropeerije, majirique,
 ‘Mā añu majuropeecā’ iirique, Ɛi nūcā buorique,
 cū ca tutua majuropeerije, cū ca bii tutuarije,
 mani Ɛmureco Pacure to birora Ɛi nūcā buocōa niirique to nijato.
 To biro to bijjato,” iīwa.

¹³ To biro cūja ca Ɛi niiri tabera jīcū bucurā mena macū:

“¿Iijā juti ca botirije ca jānarā, noa cūja niiti? ¿Nooru cūja doojapari?”
 yure Ɛi jāiñawi.

¹⁴ To biro yure cū ca Ɛi jāiñaro:

“Wiogu, mū, mū maji cūjara,”
 cūre yu Ɛi yuñuñu.

Cū pea o biro yure iīwi:

“Anija, Jesucristo cūjare cū ca bii yai bojariquere tuo nūñjēe,
 cū díi mena cūja ca ñañarijere cū ca coericarā niiri, ñañaro peti bojoca cūja ca biiri
 rūmūre ca ametuaricarā niima.

¹⁵ To biri Ɛmureco Pacu cū ca duwiri tabe jūguero niima. Cū yaa wiipure ñamiri,
 umurecori, to birora cūre tii nūcā buocōa niima.

Wiogu cū ca duwiri cūmuropure ca duwigu pea, cū ca bojoca cuti niirije mena cūjare Ɛa
 nūñjēe niirucumi.

¹⁶ Dii rūmū uno peera aua boa, oco jinirugarā, ñañaro tamotirucuma. Muipū cāa, puniro
 cūjare ajitirucumi.* Ca ajirije cāa cūjare aji pato wācōtirucu.

¹⁷ Oveja Macū, wiogu cū ca duwiri cūmuro watoaru ca niigura, cūjare ca cotegu
 niirucumi.

Cūja ca oco jinirugaro, catirique oco punari ca niiri taberu cūjare jūo waarucumi.†
 Ɛmureco Pacu pea ñañaro cūja ca bii yaja pua otimirique cape ocore tuu coeru-
 cumi,”
 yure Ɛi wedewi.

8

Ca tujari dobero

¹ Nūcā Oveja Macū, seis niirije jiro macā tabe biarica tabere cū ca tūa pāarora, jīcā
 nimaro decomacā peti,* umureco tutipure ca bujūmijārije yūju nūcā peticoawu.

² Jiro yu iawu, jīcā amo peti, ape amore puaga penituario ca niirā Ɛmureco Pacure queti
 wede bojari maja, Ɛmureco Pacu jūguero ca nūcūrā, cūja cōrorena putirica wūñri cūja
 ca tiicojoricarē.

³ Jiro apī Ɛmureco Pacu puto macū doo, ca jūti añurijere cūja ca joe mūeneri tutu
 puto ea nūcā waawi. Ca jūti añurijere cūja ca maa jāarica coro, oro mena cūja ca tiirica
 corore cūowī. Tooru cū ca nūcūro, joericaro añuro ca jūti añurijere paio cūre tiicojowa,
 Ɛmureco Pacu jaarā cū yaa pooga macārā niipetirā cūja ca jāi juu buerucurije mena,
 altar† oro mena cūja ca tiirica tutu, wiogu cū ca duwiri cūmuro jūguero ca niiri tutupu
 cū joe mūenejato iirā. ⁴ To biro cū ca tiirora, ca jūti añurije bueri, nūcā Ɛmureco Pacu yaa
 pooga macārā cūja ca juu bue nūcū buerucurije mena Ɛmureco Pacu putoru bue mūa
 eawu. ⁵ To cōrora Ɛmureco Pacure queti wede bojari majū pea ca jūti añurije maa jāarica

* 7:16 Is 49.10. † 7:17 Sal 23.1-2; Is 25.8. * 8:1 Media hora. † 8:3 Altar, Ɛmureco Pacure tii nūcū
 buorā yucu díi ca jūti añurijere joe mūenerica tutu.

corore ami, waibucurã joe munerica tutu maquẽ niiti ca ajiyaarije mena tii corore maa jãa dadori, ati yepapure poo bate duwiocã cojowi. To biro cũ ca tiirije menara buro buju, wederique wedeo, tutuaro buro yabe, buaro jita nana, biiwu.

Putirica wuri

⁶ Jicã amo peti, ape amore puaga penituario niirã Umureco Pacure queti wede bojari maja putirica wurire putirã doorã tiwa.

⁷ Ca nii juogu, Umureco Pacure queti wede bojari maju cũ putirica wure putiwi. Cũ ca putirije menara, oco ca buurica quiiri,[‡] ca ũurije dfi mena ca ayarije ñaawu ati yepapure. To biro ca biirora, ati yepa itia tabe cõro ejaro ca niiri yepare jicã tabe ũu, yucu itia tabe cõro ca niirije jicã tabe ũu, taa ca jumerije pea niipetirijepura ũu peticoa, biicãwu.

⁸ Cũ jiro macũ, Umureco Pacure queti wede bojari maju putiwi ñucã cũ putirica wure. Cũ ca putirije menara, dia pairiyapure, jicã macãncũ buuro, buaro ca ũuri buuro ñaãua eawu. To biro ca biirora, dia pairiya itia tabe cõro ejaro ca niiri tabe jicã tabe dfi wado biicoawu. ⁹ Ñucã itia tabe cõro paio ejaro dia pairiyapure ca niimiricarã, jicã tabe macãrã dia peticoawa. Ñucã cõmu pacagaari itia tabe cõro paio ca ejarore dia pairiyapure ca niimirique cãa, jicã tabe maquẽ tii yaio ecoawu.

¹⁰ Puarã jiro macũ, Umureco Pacure queti wede bojari maju putiwi ñucã cũ putirica wure. Cũ ca putirije menara, umureco tutipu macũ ñocõ paiguuro, jia boerica tutu ca ũu nucũrore biro ca ũugu ñaaduwi eagu, itia tabe cõro paio ca ejaropure diari ca niimiriquere, ñucã oco ca witiri operi ca niimirique cãare, jicã tabe tii yaio peticã cojowi.

¹¹ Ñocõ pea, “Ca Jũguẽgu,”[§] wãme cutiwi. To biri itia tabe cõro paio oco ejaro ca niimirije, jicã tabe buaro ca jũguẽrije jeeñacoawu. To biro ca biirije juori, pau bojoca bii yaiwa.

¹² Itiarã jiro macũ, Umureco Pacure queti wede bojari maju putiwi ñucã cũ putirica wure. Cũ ca putirije menara, muiipũ umureco macũ itia tabe cõro ejaro ca niigu jicã tabe naitiacoa, ñucã ñami macũ cãa jicã tabe naitiacoa, to biri ñocõa cãa itia tabe cõro paio ejaro ca niirãpura jicã tabe naitiacoa, biicãwa. To biri umureco, ñami, itia tabe cõro ca boemirije jicã tabe boeticoawu.

¹³ Teere ña niirucugu yu tuowu aa pacu, umureco tuti decomacãpore wuu amojode, tutuaro wederique mena o biro cũ ca ñi wedeoro: “Abé nija. ¡Abé nija! ¡Abé nija! Ano jiro itiarã Umureco Pacure queti wede bojari maja cũja putirica wurire cũja ca putiro, tii yepa macãrã ñaãaro peti tamõrã doorã tiima,” cũ ca ñirijere.

9

¹ Bapari jiro macũ Umureco Pacure queti wede bojari maju cũ putirica wure putiwi ñucã. Cũ ca putirije menara jicã ñocõre biigu ca niigu umurecopu macũ ati yepapure ca ñaaduwi dooricure yu ñawu. Cũ, ca ũcũari opere pãaricarore tiicojo ecowi. ² Tii opere cũ ca pãarora, tii operere weje joericaro ca bue mũaro cõro peti bue mawu. Tii ope ca bue mũarijera muiipũ cũ ca naitiaropu, ñucã wino ca paa puutiropu, tiicãwu. ³ Tee bueri menara yejeroa ati yepapure witi ñaacũmu jeja ñucã peticoawa. Yejeroa pea, “Cotiapa cũ ca toaro ca puniro cõro punirucuma,” cũ ca ñi uwari jãaricarã niwa. ⁴ Cũja yejeroa pea ati yepa maquẽ, taa niipetirije ca jumerije ca niirije cõro, ñucã yucu cãare cũ ca ñaño doti cojoricarã mée niwa. Umureco Pacu wãmere cũja diãmacãripu ca cuotirã bojoca wadore cũ ca ñaño doti cojoricarã niwa. ⁵ “Cũjare toa jia batetirãra, jicã amo cõro niirã muiipũa peti cũja ca wijoro mũja tiirucu,” cũ ca ñi cojoricarã niwa. Cũja ca toarije pea jicã cotiapa cũ ca toaro cõro puniwa.

⁶ Tii rumurire bojoca bii yairiquere amamirucuma. To biro bii pacarã buatirucuma. Ñucã bii yairugamirucuma; cũja ca bii yaipepua manirucu.

⁷ Yejeroa pea, ameri jãrã waarugarã, caballoare* cũja ca beju umo nucõricarãre biirã bauwa. Cũja dũpuga jotoare oro mena tiirica betorire biro ca baurijere pejawa. Ñucã

‡ 8:7 Granizo. § 8:11 Amargura, ajenjo. * 9:7 Waibucurã ca apeye ñmarã.

bojoca baurica wāmere biro diámacū cūtiwa. ⁸ Cūja poa pea, nomio poare biro yoerije niīwū. Cūja upi pea macānucū yaia jūarā bucurā† upire biirije niīwū. ⁹ Cūja upurire come juti mena jāña ditowa. Cūja ca wūrije cāa, ameri jāa jāa waarā, bojoca cūja ca jāñari coori mena caballoa cūja ca juo ūmaaro ca bujuro cōro bujūwū. ¹⁰ Cūja pīcōrori cāa cotiapa pīcōrore biro niīwū, cūja ca toari caari. Teerū cūowa níma bojocare cūja ca toaro, jīcā amo cōro niirā muipūa peti ñañaro cūja ca tamuro cūja ca tiipere. ¹¹ Yejerao wiogu, ca ūcūari ope macū ángel, hebreo wederique menara “Abadón” wāme cūtiwi. Griego yee mena peera, “Apolión” wāme cūtiwi.‡

¹² Mee, ca nii juorije ñañaro tamurique ametua, ména pua wāme doo nemo.

¹³ Jīcā amo cōro ca niirā jiro macū, Ūmureco Pacure queti wede bojari majū putiwi ñucā cū putirica wūre. Cū ca putirora, oro mena cūja ca tiirica tutu,§ wiogu cū ca duwiri cūmuro juero ca niiri tutupure ca niirije bapari sawiri watoarū wederique ca wedeorijere yū tuowū. ¹⁴ Jīcā amo cōro jiro macū Ūmureco Pacure queti wede bojari majū putirica wū ca cuogure o biro cūre īi wedeo cojowū: “Dia pairiya Éufrates weja Ūmureco Pacure queti wede bojari maja bapari cūja ca jāa tuu nūcōricarāre cūjare popioya,” īi wū. ¹⁵ To cōro Ūmureco Pacure queti wede bojari maja baparipura popio ecowa. Ati yepa macārā bojocare itia tabe cōro paio ejaro ca niirāre jīcā tabe macārāre ca jāa bateparā niirā biiwa. “Mee, ūmurecore too muipū cū ca niiro, tii rūmū ca niiro, ñucā cū muipū ca niiro, tii cūma ca niiro, to biro ca tiiparā niirucuma,” īi cūuricarā niiri to biro biiwa. ¹⁶ To biicāri ñucā, “Jīari maja uwamarā doscientos millones peti niima caballoa jotoa ca pejarā,” īirique cāare yū tuo bua cojowū.

¹⁷ To biro ca iirijere tuo bua īa cojogu, yū ca īaricarā caballoa, to biri cūja jotoare ca pejarā cāa, o biirā niīwa. Niipetirāpura, cūja cotiare, cūja diámacūre, come coro pecame ca ūurijere biro ca jūari coro, jacinto cūja ca iirijere biro ca jumerije, ñucā azufre biro ca jūri coori mena jāña ditowa. Caballoa pea, macānucū yai dūpugare biro dūpuga cūtiwa. To biro biicāri cūja ūjeroripure ca ūurije, ca buerije, azufre, witiwū. ¹⁸ Ca ūurije, ca buerije, to biri azufre, ate itia wāme caballoa ūjeroripū ca witiirije bojocare ñañaro peti ca tiiro, paū bojoca itia tabe cōro paio ejaro ca niimiricarā jīcā tabe macārā bii yai peticoawa. ¹⁹ Caballoa ñañaro cūja ca tiirijere cūja ūjeroripū, cūja pīcōrori añaaire biro ca baurije ca niirijerū cūowa. Tee mena ñañaro tiīwa.

²⁰ Bojoca, ate ñañarije mena ñañaro cūja ca bii yai weoricarā ca cati dūjarā nii pacarā, ñañaro cūja ca tiirijere tūgoeña yeri wajoatiwa. Ñucā wātīare, oro, plata, bronce, ūtā, to biri yucū mena cūja ca quenoricarā īati, tuoti, waati, ca biirāre cūja ca tii nūcū būorucurije cāare tii yerijāatiwa. ²¹ Ñucā bojocare cūja ca jīarucurijere, ati yepa maquē cūja ca maji tutuarije menara ca biipere cūja ca wede juerucurijere, nomia, ūmua, tiirica wāme cōro méé cūja ca tii epe niirucurijere, cūja ca jee dutirije cāare, tii yerijāati majuropecāwa.

10

Ūmureco Pacū pūto macū, owarica tunuaacā mena

¹ Jiro apī Ūmureco Pacū pūto macū do biro ca tiīya manigu, bueri watoarū ca duwi doogure yū īawū. Cū dūpuga jotoare bue niimamū beto nii amojode, cū diámacū pea ūmureco macū muipūre biro boe bate, ñucā cū dūpori cāa pecame ca ūū nūcūri punare biro, niīwū. ² Cū amorure upa tunua pāarica tunuaacāre cūowī. Cū dūpo diámacū nūñare dia pairi yaarure ūta cūu, ñucā ca ācō nūña peera yeparure ūta ñee nūcā ea, biiwi. ³ To biro bii duwi eagura, jīcū macānucū yai cū ca acaro buiro cōro peti tutuaro acaro buiwi. Cū ca acaro buirora, jīcā amo peti, ape amore pūaga penituario niirā bupoa cūja ca wederijere yū tuowū. ⁴ Buipoa jīcā amo peti, ape amore pūaga penituario niirā cūja ca wedero jiro teere owagu doogu yū tiimiwū yua. Owagu doogu yū ca tiiri tabera, ūmureco

† 9:8 Leones. ‡ 9:11 Abadón, to biri Apolión wāme cūtiwi. Waimaja yee mena peera, “Ñañaro ca tii yaioyu,” wāme cūtiwi. § 9:13 Altar.

tutirũ o biro yũre ca ñi cojorijere yũ tũowũ: “Mũ jĩcũra majiña, bũpoa jĩcã amo peti, ape amore pũaga penituario niirã cũja ca ñijãrijera owaticãña,” yũre ñiwũ.

⁵ Ɖmũreco Pacũre queti wede bojari majũ diarũ, yeparũ ca Ɖta ñee nucũgũre yũ ca ñaricũ pea, cũ amo díamacũ ñũñare Ɖmũreco tutirũ juu mũene cojori, ⁶ to birora ca caticõa niigũ mena, Ɖmũreco, ati yepa, dia pairiya, ñucã niipetirije teepũre ca niirije cãare ca tiiricũ wãme mena ñiri: “Mee, ati cuu to cõrora peti nucãcoaro bii. ⁷ Jĩcã amo peti, ape amore jĩcãga penituario ca niirã jiro macũ Ɖmũreco Pacũre queti wede bojari majũ cũ putirica wũure cũ ca puti jũori tabera to cõrora yapa cũti earucu ati Ɖmũreco. Ɖmũreco Pacũ, ‘O biro yũ tiirucu,’ cũ ca ñirique, cũ jĩcũra cũ ca majirique bii earo biirucu. Cũ yaarã, cũ yee quetire ca wedeparãre cũ ca wedericarore birora bii yapano earo biirucu,” ñiwũ.

⁸ Ɖmũreco tutirũ wederique yũ ca tũoriquere pea, ñucã o biro yũre to ca ñi cojoro yũ tũowũ: “Ɖmũreco Pacũre queti wede bojari majũ dia pairi yaarũ, yeparũ Ɖta cũuri ca nucũgũ pũtopũ waari, pãarica tunua cũ ca cũori tunuaacãre amiguja,” yũre ñi wede cojowũ. ⁹ To biro yũre ca ñirijere tũo, Ɖmũreco Pacũre queti wede bojari majũ pũtopũ waari, tii tunuaacãre yũre cũ tiicojojato ñigũ, cũre yũ jãiwũ. Cũ pea o biro yũre ñi yũwũ: “Ɖjũ, amiri baaya. Mũ ca baaro mũ Ɖjerora dobea ocore biro ipitirucu. Bii pacaro, mũ paagarũra bũaro jũguẽrucu,” yũre ñiwũ.*

¹⁰ To biro yũre cũ ca ñiro, Ɖmũreco Pacũre queti wede bojari majũ cũ ca cũori tunuaacãre amiri yũ baawũ. Yũ Ɖjerora añuro dobea ocore biro ipitiwũ. Bii pacaro yũ paa totipũra bũaro jũguẽbuwũ. ¹¹ To biro yũre ca biiri tabera o biro yũre ñiwa: “To cãnacã macã macãrãre, ñucã to cãnacã yepa macãrãre, to cãnacã pooga macãrãre, bojoricarori ca wederãre, to biri niipetirã wiorã, cũja ca biipere Ɖmũreco Pacũ cũ ca ñirijere, cũjare ca wede nemopũ mũ nii ñucã,” yũre ñiwa.

11

Cũja ca ñariquere ca wederã pũarã

¹ Jiro jĩcã pĩ cõorica pĩire* yũre tiicojori, o biro yũre ñiwũ: “Wãmũ nucãña. Ɖmũreco Pacũ yaa wiire, yucũ díi ca jũti añurije joe mũenerica tutu cãare cõõña. Ñucã toopũ ca juu bue nucũ bũo niirã cãare bapo cõo ñãaña. ² Bii pacagu, Ɖmũreco Pacũ yaa wii macã yepa peera mũ cõotiwa. Mee tii yepa, Ɖmũreco Pacũre ca majitirãre cũja ca tiicojorica yeparũ nii. Cũja pea Ɖmũreco Pacũ yaa macã, ca ñãñarije maniri macãre cuarenta y dos muipũa peti ñãñaro bojocare tii niirucuma. ³ Yũ pea, pũarã boori juti jãñaricarã mil doscientos sesenta rũmũri peti yũ yee maquẽre ca queti wede niiparãre yũ tiicojorucu,” ñiwũ.

⁴ Cũja niima, pũagu olivos yucũre biro, ñucã pũa tutu† jã boerica tuturire biro, ati yepa Ɖmũreco Pacũ jũguerore ca niirã.‡ ⁵ Jĩcãrã ñãñaro cũjare ca tiirũgarã Ɖnore, cũja Ɖjerori ca ñũ witiirije mena cũja waparãre joe yaicãma. To biro tii yaio ecorucuma, no ca boorã ñãñaro cũjare ca tiirũga tũgoeñarã Ɖno. ⁶ Anija cũja ca ñariquere wederi maja, ca oco peatiro cũja ca tii majirijere cũoma, cũja ca queti wede niiri cuu cõro ca oco peatipere biro ñirã. Ñucã ocorena díi ca jeeñaro tii majirique cãare cũo, ati yepare niipetirije diarique mena ñãñaro cũja ca tamũoro, cũja ca tiirũgari taberi cõro cũja ca tii majipere, cũoma.

⁷ Ɖmũreco Pacũ yeere cũja ca majirijere cũja ca wede yapanoro, ca ñcũari operũ ca mũa doogu waibũcũ ca uwioũũro cũjare quẽe ametũa nucãri, cũjare jãa batecãrucumi. ⁸ Cũja upũri niiquĩrique pea cũja Wioũũre cũja ca jãa cõaquĩrica macã, pairi macã maquẽ wiijeri watoa macã yeparũ§ cũa yai waarucu, ape wãme ñi cõõñajata Sodoma, to biri Egipto macãripũre.

⁹ To biri itia rũmũ decomacã peti niipetirã bojoca, ape macãri macãrã bojoricarori ca wederã, ñucã niipetiri yepari macãrã cãa, ña niirucuma cũja upũri niiquĩriquerẽ. Ñucã cũja upũri niiquĩriquerẽ cũja ca yaa cõaro bootirucuma. ¹⁰ Ati yepa macãrã pea, to biro cũjare cũ ca tii cõarijere ñari, cũja ca cũorije mena cũja majurope ameri tiicojo Ɖjea nii

* 10:9 Ez 3.3. * 11:1 Vara de medir. † 11:4 Candelabros. ‡ 11:4 Zac 4.3, 11-14. § 11:8 Jerusalén'pũ.

niirucuma, cūja puarā ca biipere wede jūgueri maja ñañaro cūja ca biiro ca tiirucuricarā, mee cūja ca bii yaicoaro macā.

¹¹ Itia r̄m̄m̄ decomacā ca ametuaro jiro, Ɛm̄ureco Pacu catirique cū ca tiicojorije cūjarure ca ñaajāa n̄cā earo, cati wām̄m̄ n̄cācoawa ñucā. Cūjare ca ña niiricarā pea ña ɯc̄nacā yai waawa. ¹² To cōrora Ɛm̄ureco Pacu yeere cūja ca majirijere wederi maja pea, ɯm̄ureco tutip̄u tutuaro mena o biro ca ñirijere tuowa: “¡Anop̄u m̄ua dooya!” To biro cūjare to ca ñirora, bueri b̄ur̄ua watoap̄u cūja waparā cūja ca ñarora ɯm̄ureco tutip̄u m̄uacoawa.

¹³ To biro cūja ca bii m̄ua waari tabera ati yepa b̄uaro nanaw̄u. To biro to ca biiro, tii macā p̄ua amo cōro peti paio ejaro ca niimirica yepa abacā ñaaduwi waaw̄u. To biro ca biiro, bojoca siete mil peti bii yaiwa. To biro ca biiro bojoca ca cati d̄ujaricarā pea uwirique mena, Ɛm̄ureco Pacu ɯm̄ureco tutip̄u ca niiḡure, “Do biro ca tiya maniḡu niimi,” ñi n̄cū b̄uowa.

¹⁴ Ñañaro tam̄orique p̄ua cuu ametua mee. To ca bii pacaro, itiati ñañaro ca biira cuu cōñacā dooro bii.

Puti t̄ujarica w̄u

¹⁵ Ñucā Ɛm̄ureco Pacu queti wede bojari maj̄u j̄icā amo peti, ape amore p̄uaga penituario ca niiḡu cū putirica w̄ure putiwi. Cū ca putirora, ɯm̄ureco tutip̄u tutuaro wederique o biro ca ñirije wedeow̄u:

“Ati yepa macārā cūja ca doti niimirique, mani Ɔp̄u to biri cū Ca Beje Amiric̄u* yee pee nii eacā mee yua. Cūja to birora doticōa niirucuma.”

¹⁶ To biro ca ñirora, veinticuatro ca niirā b̄ucurā cūja yaa cūmurorip̄u Ɛm̄ureco Pacu jūguerore ca duwirā, muu bia ñaacūmu waa, o biro ñi n̄cū b̄uowa Ɛm̄ureco Pacu:

¹⁷ “Ɛm̄ureco Pacu niipetirijep̄ure ca doti tutua niiḡu, ca nii j̄uo dooric̄u, to birora ca niicōa niiḡu, ñucā ca doop̄ure, ‘Añu majuropeecā’ m̄ure jāa ñi, do biro tiya maniro m̄u ca doti tutua majuropeerijere jee ɯpari, m̄u doti j̄uo waa.

¹⁸ Niipetiri yepari macārā ajiamiwa. M̄u ca ajarije mena ñañaro cūjare m̄u ca tiipa r̄m̄m̄ eacoa mee.

Ca bii yaiqūricarā niipetirāre m̄u ca ña bejepa tabe,

M̄u yee queti wede jūgueri majare, m̄u yeere paderi maja, m̄u yaarā ca ñañarije manirā, m̄u wām̄ere ca ñi n̄cū b̄uorā, ca nii coterā, ca nii majuropeerāre, cūja yee maquē añurije cūja ca wapa taapere m̄u ca tiicojopa r̄m̄m̄ eacoaro bii.

Ati yepa macārā bojocare ñañaro ca tii yaiorāre, ñañaro cūjare m̄u ca tii yaiopa r̄m̄m̄ nii,” ñi n̄cū b̄uowa.

¹⁹ To cōrora, Ɛm̄ureco Pacu yaa wii ɯm̄ureco tutip̄u ca niiri wii jope p̄aa n̄cācoaw̄u. Tii wiip̄ure bauw̄u acacūmu, Ɛm̄ureco Pacu, “O biro yu tiirucu,” cū ca ñirica cūmu. To biro ca biiri tabera b̄uaro b̄upo yabe, wederique wedeo, b̄upo paa, b̄uaro jita nana, to biro biicāri b̄uaro oco ca b̄urica quiiri ñaa, biiw̄u.

12

Nomio, to biri pinore biiḡuro ca niiḡu

¹ Ñucā, ɯm̄ureco tutip̄ure ca bii ññori wām̄e añuri wām̄e bau eaw̄u. J̄icō nomio ɯm̄ureco mac̄u muip̄urena jutiro jāñacāri, ñami mac̄u muip̄u peera cō d̄ap̄ori doca pee, ñucā pejarica beto p̄ua amo peti, d̄ap̄ore p̄uaga penituario niirā ñocōa ca niiri betore pejarico niwo. ² Ɔtaaga niwo; mac̄u cutirugo ca punirijere wijiojo ñañaro tam̄o acaro buiwo. ³ Jiro, ɯm̄ureco tutip̄u ca bii ññorije ape wām̄e bau eaw̄u ñucā. Níjā uwioḡuro pām̄ari maj̄u pinore biiḡuro, jūaḡuro, j̄icā amo peti, ape amore p̄uaga penituario ca niirije d̄ap̄ugaari cuti, p̄ua amo cōro peti potagaari cuti, ñucā, cū d̄ap̄ugaari cōrorena pejarica betorire peja, ca biiḡu* baua eawi. ⁴ Cū pea cū p̄icōro menara itia tabe cōro paio ejaro ca niirā ñocōa ɯm̄ureco tutip̄u ca niirāre, j̄icā tabe ati yepap̄u paa bate duwioacā cojowi.

* 11:15 Hebreo wederique mena “Mesías”; griego wederique mena peera “Cristo”. * 12:3 Pām̄ari maj̄u Satanás're ca bii cōñaḡu (dragón).

To biro tii yapano, nomio macũ cutigo doogo ca tiigo díamacũ tua nũcã eawi, cõ macũ cũ ca baarije menara cũre baacãrũgu. ⁵ Cõ pea, umure macũ cutiwo, cõmegũ cuocãricũ do biro tiya maniorũ bojoca poogari niipetirãpũre ca doti tutua niipũre. Cõ macũ pea, † cũ yaa cũmuroũ ca duwigũ Umureco Pacũ pũtorũ ami cojo ecocãwi. ⁶ Cũ paco pea ca yucu ca maniri yeparũ Umureco Pacũ, mil doscientos sesenta rũmũri peti cõre ãa nũnũjee niirique niirucu, cũ ca ãi queno yuerica taberũ duticoawo.

⁷ Tee jiro ameri jãriique waawũ umureco tutipũre. Miguel, cũ jaarã mena, pãmũri majũ pinore biigũuro cũ bojoca menare ameri quẽewa. ⁸ Miguel jãari pee cũre quẽe ametũa nũcãcãwa. To biri cũjara‡ umureco tutipũre cũja ca niipa tabe manicãwũ yua. ⁹ To biri cũ, pãmũri majũuro tĩrũmũrũ macũ pino, wãtĩ, Satanás ca wãme cutigũ, niipetirã ati yepa macãrãre ca ãi dito epegũ pea, umureco tutipũ ca niimiricũ cũre ca pade coterã menara ati yeparũ cõa duwio ecocawo.

¹⁰ Jiro, umureco tutipũ tutuaro mena wederique o biro ca ãi wedeo cojorijere yũ tũowũ: “Mee, mani ca ametũape, mani Umureco Pacũ cũ ca tutua majuropeerije, cũ ca doti niirije, ñucã cũ yũũ Cristo cũ ca doti majipe cãa ea yerijãa.

Mani jaarãre ñamiri, umurecori, mani Umureco Pacũ cũ ca ãa cojoro, ñaãaro cũjare ca ãi wedejãarucugũ cũ ca cõa ecorije jũori.

¹¹ Mani jaarã, Oveja Macũ cũ ca díi bate yai bojarique jũori, ñucã añurije queti cũja ca wederique mena, Satanás're bii ametũene nũcãwa. Cũjare cũja ca jãrũgajata cãare, cũja ca jãa eco yaipere uwitiwa.

¹² To biri mũja, umureco tuti, mũja toopũre ca niirã cãa, ujea niĩña. §

Abé nija, tii yeparũ, diarũ ca niirã, ñaãaro peti tamũorã doorã tiima.

Mee, Satanás, ‘Yũ ca bii yaipa tabe eacoaro bii,’ ãima ãigũ, bũaro ajiarique mena duwi waami tii yeparũre,” ãi wedeowũ.

¹³ Pãmũri majũ pinore biigũuro ca niigũ pea, “Mee yũ cõa duwio ecocoa,” ãima ãigũ, nomio, umũ ca macũ cutijãgore nũnũ waawo. ¹⁴ To biro cũ ca biiro, nomio peera, aa pacũ quedũpũrũre cõre tiicojowa, ca yucu maniri yeparũ cõ ca niiro, itia cãma decomacã peti cõre baarique eca niirique niirucu, cũ ca ãirica tabe pãmũri majũ* cũ ca eatiorũ cõ wũũ duti waajato ãirã. ¹⁵ Cũ, pãmũri majũ pinore biigũuro ca niigũ cõre nũnũgũ, cũ ujero ca oco wĩtirije mena dia jeeñocã cojowũ, cõre to ãma yuu yaicãjato ãigũ. ¹⁶ To biro cõre cũ ca tii yaicũgamijata cãare, ati yepara ope, pairi opeero pãa nũcãri, pãmũri majũ ujero oco ca wĩtirije mena dia cũ ca quenorica yaare uu yuu peoticã cojowũ. ¹⁷ To biro ca biiro ãari, pãmũri majũuro pea bũaro nomio mena ajiawo. To biri cõ yaa pooga macãrã ca nii dũjarã mena, Umureco Pacũ cũ ca dotirore biro ca tii nũnũjeerã Jesucristo yee quetire to birora ca tũo nũnũjeecõa niirã mena, ameri jãagũ waawo.

¹⁸ Pãmũri majũ pea dia pairi yaa tũjarore ea nũcã eawi.

13

Pũarã waibũcũrã ca uwiorã

¹ Dia pairi yaa jita dupari yepa ea nũcãri yũ ãawũ, jĩcũ waibũcũ ca uwioũ, jĩcã amo peti, ape amore pũaga penituario niirije peti dũpũgaari cuti, ñucã pũa amo cõro niirije potagaari cuti, ca biigũ, dia pairi yaapũre ca pãmũ mũa doogũre. Cũ potagaari cõrora pejarica betori* cũowũ. Ñucã cũ dũpũgaari cõrora Umureco Pacũre ñaãarije ca ãi tutirije tujawũ. ² Waibũcũ ca uwioũuro pea, macãnũcũ yai ca woori cutigũre biigũuro niĩwi. To bii pacagũ, cũ dũpori peera buco dũporire biirije dũpori cuti, ñucã cũ ujero pea yai jũagũ ujerore biro ujero cuti, biiwi. Pãmũri majũ pinore biigũuro ca niigũ pea, waibũcũ ca uwioũurore, cũ ca tutuarijere, ñucã cũ yaa cũmurore, doti maji majuropeerique cãare cũre tiicojowũ. ³ Waibũcũ ca uwioũurore, cũ dũpũga jĩcãgaare cũ ca bii yaicoaro ca tiipa camiro cõrora niĩwũ. Biiorũa, tii camiro pea mee yati biatocoaua. To biro ca

† 12:5 Sal 2.9. ‡ 12:8 Dragón cũ jaarã ángeles mena. § 12:12 Satanás umureco tutipũre cũ ca niitiro macã ujea niĩña umureco tutipũre ca niirã niipetirã. * 12:14 Dragón. * 13:1 Corona o diadema.

biirijere ati umureco macārã niipetirã ãa ujea niiri, cã pee wadore tuo nunujeewa. ⁴ To biri waibucu ca uwiogure añuro doti maji niiriquere cã ca tiicojorique juori, añuro cãre ãi nucã buowa pãmuri maji pinore biiguro ca niigu peere. Waibucu ca uwioguro cãare, o biro cãre ãi nucã buowa: “Jicã uno peera cãre biro ca majigu, cãre ca bii ametuene nacãp manimi,” cãre ãi nucã buowa.

⁵ Nucã apevera waibucu ca uwiogure, ca nii majuropeerijere biropu ãi, docuorije Umureco Pacure ãi buirica wãmere, cãre ãi dotiwi. Nucã cuarenta y dos muipã† peti cã ca doti niipe cãare cãre tiicojowi. ⁶ To biri, cãre cã ca ãi dotiricarore biro Umureco Pacure, ñucã cã ca niiri tabe ca añu majuropeeri tabere, to biri umureco tutipu ca niirã cãare, ñañarije cãjare ãi bui tutiwi. ⁷ Umureco Pacu yaa pooga macārã mena cã ca ameri jã ametua nacãcãpere cãre tii dotiwi. Nucã niipetirã bojoca cãja ca niiro cõrore, niipetiri macãri macãrãre, niipetirã bojoca bojoricarori ca wederãre, to biri niipetiri yepa macãrãre cã ca doti majipe cãare, cãre tiicojowi. ⁸ To biri waibucu ca uwiogure, bojoca ati yepa macārã niipetirã, Umureco Pacu ati yepare cã ca jeeñori tabepura catirique ca niiri pũuro Oveja Macũ mani yee wapa ca bii yai bojaricu yaa pũuropure, cãja wãmere ca owa tuu ecotiricarã cãre nucã buorucuma.

⁹ Jicãrã ca tuo majirugarã tuoia.

¹⁰ “Ñeeri aperopu cãja ca jee waa bateparã ca niirã, ñee ecori aperopu jee waa eco yaicãrucuma.

Niipã mena ca jã eco yaiparã ca niirã, niipã menara jã eco yairucuma.”‡

To biro ca biiri tabere ca ñañarije manirã, Umureco Pacu jaarã ca niirã, añuro tugoeña tutua, díamacũ tugoeña bayi, bii niirucuma.

Waibucu ca uwiogu jitapu ca ame pea doogu

¹¹ Jiro ñucã apã waibucu ca uwiogu ati jita jupearu ca ame pea doogure yu ãawu. Cã pea, jicã oveja macũ yeere biirije puaga potagaari cutiwi. Bii pacagu, jicã pãmuri maji pinore biiguro ca niigu cã ca wederijere biro wedewi. ¹² To biro biicãri, ca nii juoricu waibucu ca uwiogu cã ca doti majiricarõ cõrora cãja ca ãa cojorore tii niwi ñucã. Bojoca ati yepa macārã niipetirãre, ca nii juoricu waibucu ca uwiogu ca camiro yaticu peere ãi nucã buo dotiwi. ¹³ Ca ãa ñaaña manirije tii bau niirique cãare, do biro ca tiiya manirijepu tii bau niwi. Nucã ati yeparure, niipetirã cãja ca ãa cojoro, umureco tutipu maquẽ ca ñurije ca ñaropu tiicãwi. ¹⁴ Ca nii juoricu waibucu ca uwiogu cã ca ãa cojorora o biro atere bojocare tii bau nii ñno ditocãri, niipã mena ca paa taa ecoricu nii pacagu ca catiricure cãre tii nucã buorã cãre biigu cãjare queno dotiwi. ¹⁵ Cã jiro macã ca uwioguro jita jupearu ca ame pea dooricu peera, cã juguero macãre biro baugu cã ca queno dotiricure cã ca catiro jãapere cãre tiicojowi, cãre cã ca catiro cã pea wede, cãre ca nucã buotirã niipetirãre jãa doti, cã ca tiipere ãima ãigu. ¹⁶ To biro tiicã, niipetirã bojoca, wimarã, bucurã, ca apeye pairã, ca apeye manirã, añuro ca niirã, ca pade coterã, niipetirã, cãja amo díamacũ ññare to biri cãja díamacũpore, jicã wãme cãja ca ñia cãu dotiro tiwi. ¹⁷ Tii wãmere ñia cãu ecoti, ñucã waibucu ca uwiogu wãmere cuoti, to biri cã wãme ca cõori wãmere cuoti ca biirã, apeye wapa tii, ñucã cãja ca cuorije uno cãare noni majiti, biicãwa bojoca. ¹⁸ Atera añuro tugoeña majirique booro bii. Ca tugoeña puogu uno waibucu ca uwiogu yaa tabe cõñarica tabere cõñañaquẽ. Jicã umu wãme nii. O biro nii tii wãme: seiscientos sesenta y seis.

14

Oveja Macũ, to biri 144,000 yee queti

¹ Jiro yu ãawu ñucã Oveja Macũ, Siõn cãja ca ñiri buuro jotoapu ca nucũgure. Cã mena niwa, cã Pacu wãmere, Oveja Macũ wãmere, cãja díamacũripu owa tuuricarã ca niirã bojoca ciento cuarenta y cuatro mil peti. ² Jiro yu tuowu, umureco tutipu wederique,

† 13:5 Ap 12.6; 1,260 rumurire ãi. Itia cãma decomacã 12.14. ‡ 13:10 Is 33.1; Jer 15.2; 43.11; Gn 9.6; Mt 26.52.

oco ũma cōa jāaro ca bujuro cōro buju, ñucā buro tutuaro cū ca bujuro cōro peti ca buju wedeorije wederiquere. Pañ bña tēe bajari maja* cūja ca bña tēerore biro buju wedeowñ. ³To biri wioḡu cū ca duwiri cūmuro juḡuerore, ñucā ca catirā bapari ca niirā juḡuerore, to biri bucrā juḡuerore, wāma wāme bajarique bajawa. Jīcū unora tee bajarique wāmere ca baja majipe uno méé niwñ. Cūja ciento cuarenta y cuatro mil ati yeparu cūja ca niiro, Umureco Pacu cū ca ametuenericarā wado cūja ca baja majirije niwñ. ⁴Anija niupua nomia mena ca tii eperuga tugoeñatirā, añurā peti Oveja Macū cū ca waari taberi cōro cūre ca nñurā. To biri bojoca ati umureco macārā mena ca niimiricarā, Umureco Pacu, to biri cū Macū Oveja Macū yaarā ca nii juoricarā peti niupua. ⁵Jīcā wāme unora ca ñi ditorā méé niwa. Cūja, jīcā wāme unora ñañarije ca tiirā méé niwa.

Itiarā Umureco Pacu puto macārā queti

⁶Jiro apī Umureco Pacu queti wede bojari maju, umureco tutipñ ca wñ amojodeḡu, ati yeparu ca niirā bojoca poogaari cōrorena, niipetiri macāri macārāre, to cānacā poogaari macārā bojoca bojoricarori ca wederāre, añurije queti ca peti nucātipere ca queti jee waagure yñ ĩawñ. ⁷Tutuaro wederique mena o biro ĩwi:

—Buaro nucū buorique mena Umureco Pacu ĩi nucū buori, cūre baja peoya. Mee, Umureco Pacu cū ca ĩa bejeri tabe eacoa. Umureco quejerore, ati jitare, dia pairi yaare, oco ca witiri operire, ca tiiricu wadore ĩi nucū buoya —ĩwi.

⁸Cū jiro macū Umureco Pacu queti wede bojari maju o biro ca ĩḡu nññwi:

—Mee ñaacoa. Mee ñaacoa Babilonia† macā pairi macā ca niimijāri macā. Tii macā macārā, cūja ca tii nucū buorāre pañ cuocāri, pañ mena ca tii eperāre biro cūja ca tii niirije mena, bojoca poogaari niipetirāpura cūjare ĩa cōori cūjare biro cūja tiiro cūjare tii mecñowa —ĩwi.

⁹Cūja pñarā jiro macū ñucā Umureco Pacu queti wede bojari maju tutuaro wederique mena o biro ĩi nññjeewi:

—Jīcārā, waibucu ca uwioḡure, ñucā cūre ĩa cōori cūja ca quenoricuere ca ĩi nucū buorāre, to biri ñucā cūja amopñ, cūja díamacpñ, cū wāmere ca ñia cūu ecorā cāa, ¹⁰Umureco Pacu ñañaro cū ca tiipe, buaro cū ca ajiarije mena cū ca queno yueriquere ñañaro tamuorucuma. Ñucā Oveja Macū, to biri Umureco Pacu queti wede bojari maja, ca ñañarije manirā cūja ca ĩa cojoro, ca ñurije, to biri azufre mena ñañaro joe ecorucuma. ¹¹Ñañaro tamuo cūja ca bii bue mñenerije pea to birora bue mñenecōa nii. Waibucu ca uwioḡurena ĩi nucū buo, ñucā cūre biigñ cūja ca quenoricurena ĩi nucū buo, cū wāmere owa tuu doti, ca tiirā, jīcā rñmñ unora, ñucā jīcā ñami unora, yerijāa, biiticārucuma — ĩwi. ¹²O biro ca biiri tabere, ca ñañarije manirā, Umureco Pacu cū ca dotirore biro ca tii nññjeerā, ñucā Jesucristore to birora ca tuo nññjeecōa niirā, cūja ca tugoeña bayi niipe niirucu.

¹³To cōrora umureco tutipñ wederique o biro yure ca ĩi cojorijere yñ tuowñ:

—Atere owaya: Añuro ñjea niima, mecū menare Wioḡure ĩi nucū buori ca bii yairā. Añuri Yeri pea o biro ĩimi:

—Ūḡjā. Popiye peti cūja ca pade bñañarucuriquere yeerijāarucuma. Cūja paderiquera cūja mena niirucu —ĩimi.

Ati yepa maquē ote dica

¹⁴Yñ ĩawñ jīcā buñua bueri buñua ca botiri buñua, jīcū Ca Nii Majuropeegñ Macūre biigñ cū ca duwiri buñuare.‡ Cū dñpḡarñe oro mena cūja ca tiirica betore peja, ñucā cū amopñ paa juderica pñi ca joo yoori betore cuo, tiwi. ¹⁵Ñucā Umureco Pacu yaa wiipñ apī Umureco Pacu queti wede bojari maju tutuaro wederique mena bueri buñuapñ ca duwioḡure o biro ĩi witi doowi:

—Yoari méé, mñ niipñi mena ote dicare paa jude jeeya. Mee, teere jeerica cuu eacoa. Tii yepa maquē ote dica buñuacoa mee —cūre ĩi cojowi, bojoca ati yepa macārārena ĩḡu.

* 14:2 Arpistas. † 14:8 Is 21.9. ‡ 14:14 Dn 7.13.

¹⁶ To biro cū ca ĩrijere tuori, bueri burua jotoapu ca duwigu pea cū niipīi, ote dicare paa juderica beto mena ati yeparure ote bucupu ca niirijere paa jude jee peoticā cojowi.

¹⁷ Jiro apī Ũmureco Pacure queti wede bojari maju umureco tutipu ca niiri wii Ũmureco Pacu yaa wiipure niipīi cuocāricu witi doowi cū cāa. ¹⁸ Nūcā apī, Ũmureco Pacure queti wede bojari maju, yucu dīi ca juti añurijere joe mūenerica tutu macū ca ũurijere ca dotigu witi doori, ote dicare paa juderica pīi ca joo yoori beto ca cuogure tutuaro wederique mena o biro cūre ĩi cojowi:

—Mū niipīi ca joo yoori beto mena tii yeparure ũje tōorire paa jude jeeya. Mee bucupu nii —cūre ĩiwi nūcā, bojoca ati yepa macārarena ĩigu.

¹⁹ To biro cū ca ĩrijere tuo, Ũmureco Pacure queti wede bojari maju pea otere paa jude jeerica beto mena, ati yepa maquē ũjere paa jude jee cā cojowi. Paa jude jee yapano, ũjere cūja ca diperi taberu jāawi. Ũmureco Pacure queti wede bojari maju to biirije cū ca tiirije pea, Ũmureco Pacu bojocare ñañaro cūja ca biiro, cū ca tiipere bii cōoñaro biiwu. ²⁰ Tee ũje pea macā wejaru dīpe ecowu. Teere cūja ca diperi taberena dīi witicāwu. Tee dīi pea, caballo amu tutupu, to biri trescientos kilómetros peti ejaro dua eyowu.

15

Ũmureco Pacu puto macārā ati yepare ñañaro cūja ca tiipe

¹ Nūcā apeye umureco tutipure uwioro ucūeneri wāme ca bii cōoña nūcā earijere yu ĩawu. Ũmureco Pacure queti wede bojari maja jīcā amo peti, ape amore puaga penituario niirā, cūja ca niiro cōro ñañari wāmeri ñañaro cūja ca tiipe Ũmureco Pacu cū ca ajiarije mena ca tii yapanoparā bau nūcā eawa.

² Yu ĩawu nūcā jīcā yaa dia pairiya oco botiri sāra yaare biiri yaa nii pacaro, ca ũurije mena ayiarica yaare. Tii sāra yaa pairi yaa tujarore waibucu ca uwiogure bii ametua nūcā, cūre ĩa cōori cūja ca quenoricure nūcū buoti, cū wāme cōoriquere ñia cūu dotiti, ca biiricarā bua tēe* bajaricarori, Ũmureco Pacu cūjare cū ca tiicojoriquere cuoricarā nūcūwa. ³ To biro biicāri Ũmureco Pacure pade bojari maju Moisés yee bajariquere baja, nūcā Oveja Macū yee cāare o biro ĩi bajawa:

“Ũpu Ũmureco Pacu niipetirijepure ca doti tutua niigu, mū ca tiirijea, do biro ca tiiya manirije, ĩa ũjea niirique peti, nii; mū ca tii niirijea añurije, díamacū ca niirije nii.

Bojoca poogaari niipetirā Wioгу mū nii.

⁴ Ũpu, ĩñiru mure cū uwi nūcū buotibogajati?

ĩñiru mū wāmere cū ĩi nūcū buo baja peotibogajati?

Mū jīcāra ca ñañarije manigu mū nii.

Niipetiri poogaari macārā doori, mure ĩi nūcū buorucuma.

Mee, añurije mū ca tii niirije añuropu bii bau niicoa.”†

⁵ Ate jiro, umureco tutipu ĩa mūene cojogu, Ũmureco Pacu yaa wii,‡ “Bojoca mena o biro yu tiirucu,” cū ca ĩirique ca niiri wii ca pāa nūcāro yu ĩawu. ⁶ Tii wii santuariopu ca niiricarā Ũmureco Pacure queti wede bojari maja jīcā amo peti, ape amore puaga penituario niirā, cūja ca niiro cōro ñañaro cūja ca tiipere ca cuorā witi nūcāwa. Ca ōweri manirije lino mena juti cūja ca tiirique, ca ajiyaarije juti jāñawa. Nūcā oro mena cūja ca tiirica quejeri cūja cotiapu ca tujarijere wēñaricarā niwa. ⁷ To biri jīcū bapari ca catirā mena macū, cūja Ũmureco Pacure queti wede bojari maja jīcā amo peti, ape amore puaga penituario ca niirāre, cūja ca niiro cōrorena oro mena cūja ca tiirica bapari dadaro, Ũmureco Pacu to birora ca caticōa niigu, bojocare ñañaro cū ca tii doti cojorije ca jāñari baparire cūjare tiicojowi. ⁸ Ũmureco Pacu yaa wii pea bue dadacoawu, Ũmureco Pacu do biro ca tiiya manigu cū ca tutuarije ca doorije. Ména, ñañaro tiiriquere jīcā amo peti, ape amore puaga penituario niirije Ũmureco Pacure queti wede bojari majare cū ca tii dotiriquere cūja ca tii peotitirora, tii wiipure jāriique maniwu.

* 15:2 Arpas. † 15:4 Tee bajarique Sal 11.2-3; Dt 32.4, Jer 10.7, Sal 86.9; 98.2. ‡ 15:5 Santuario.

16

Umureco Pacu ñañaro cū ca tiipe

¹ Umureco Pacu yaa wiipure jīcā amo peti, ape amore puaga penituario niirā Umureco Pacure queti wede bojari majare, tutuaro wederique mena o biro ca ĩirijere yu tuowu:

—Waarāja. Tii yeparure jīcā amo peti, ape amore puaga penituario Umureco Pacu ñañaro cū ca tiipe ca jāñari bapari mūja ca cuorijere poo bate cūurāja —ca ĩirijere.

² To biri Umureco Pacure queti wede bojari maju ca nii juogu waari, cū ca cuori bapa maquere ati yeparure poo bate cūuwi. To biro cū ca tiirora, niipetirā bojoca waibucu ca uwioгу wāmere ñia cūu eco, ñucā cūre ĩa cōori cūja ca quenoricurena tii nucu buo, ca tiirucuricarare, docuoro unicarije buaro ca punirije cūjare cami boawu.

³ Ñucā cū jiro macū Umureco Pacure queti wede bojari maju, cū ca cuori bapa maquere dia pairiyapure poo bate cōañua cojowī. Cū ca poo bate cōañua cojorije menara, oco pea jīcū bojocu cūja ca jīaricu díire biirije jeeñacoawu. To biro ca biirije juori, tii yaare ca niimiricā niipetirā dia peticoawa.

⁴ Cūja puarā jiro macū Umureco Pacure queti wede bojari maju, cū ca cuori bapa maquere, diaripure, oco ca witiri operipure, poo bate cōañua cojowī. Teepure cū ca poo bate cōañua cojorije menara, tii yaari maquē oco ca niimijārije cāa, díi wado jee ñaabatecā yai waawu. ⁵ Tee jiro oco coteri maju* o biro cū ca ĩirijere yu tuowu:

“Mua añugū, ca ñañarije manigū, jīcāto ca nii juo dooricu, to birora ca niicōa niigū mū nii, to biri wāme ca ĩa bejegua.

⁶ Cūja, mū yaa pooga macārā ca ñañarije manirā, ñucā mū yee quetire wede juqueri majare jīa, díi tii bate cūuupa.

Mecūra mū pee, díi cūjare mū jini doti.

Teerena boowa cūja pee cāa,” ĩibuwi.

⁷ Ñucā apī, Umureco Pacure tii nucu buorā joe mūnerica tutupu ca niigū, o biro cū ca ĩirijere yu tuowu:

“Upu Umureco Pacu niipetirijepure ca doti tutua niigū, ñañaro cūja ca biiro mū ca tiirijea, díamacūra ca niimore biro tii, díamacūra cūjare tii, mū ca tiirije niiro bii,” cū ca ĩirijere.

⁸ Ñucā itiarā jiro macū Umureco Pacure queti wede bojari maju cū ca cuori bapa maquere umureco macū muipūpure poo bate tuuwi. To biri bojocare peca ca ĩurije mena cū ca joe majipere cūre tiicojowī. ⁹ To biri bojoca niipetirā muipū peca mena ñañaro peti joe ecowa. To biro ñañaro tii ecocā pacarā ñañaro cūja ca tiirucurijere tugoeña yeri wajoari, Umureco Pacu tee ñañaro cūja ca biiro ca tii doti majigu peere baja peoricaro unora, ñañaro Umureco Pacure ĩi wede paiwa. ¹⁰ Tee jiro bapari Umureco Pacure queti wede bojari maja jiro macū, cū ca cuori bapare, waibucu ca uwioгу cū ca duwiri tabepure poo bate cojowī. To cōrora cū ca doti niimiri yepa niipetiroputa naitīa peticoawu. To biro ca biiro, bojoca pea buaro ñañaro peti tamuori cūja ñemerori baca dupo tuuri nucūripū wijiowa. ¹¹ To biro ñañaro tamuo pacarā ñañaro cūja ca tiirucurijere tii yerijāatiwa. Teere tii yerijāaricarao uno, cūja cami buaro ca punirijere wijioma ĩirā, umureco tuti Umureco Pacure ñañari wāme ĩi tutiwa.

¹² Ñucā jīcā amo cōro niirā Umureco Pacure queti wede bojari maja jiro macū, dia pairi yaa Éufrates'pure poo bate cōañuawi, cū ca cuori bapa maquere. Tii yaapure cū ca poo bate cōañua cojorije menara, muipū cū ca mua dooro pee ca niirā wiorā cūja tīa doojato ĩiro, tii yaa dia pairi yaa oco bopo peticoawu.

¹³ Pāmuri maju pinore biiguuro ca niigu ujerore, ñucā waibucu ca uwioгуuro ujerore, to biri Umureco Pacu yee quetire wede juqueri majure biro ca bii ditogu ujero cāare ũmaare biirā† itiarā peti wātīa yeri ca añutirā cūja ca witiro yu ĩawu. ¹⁴ Cūja pea, wātīa yeri, ca ĩa ñaaña manirije ca tii bau nii majirā, ñucā ati yepa niipetiroputa macārā wiorāre

* 16:5 El ángel de las aguas. † 16:13 Ñañarije yeri. Yajó.

juo neori, Ɖmureco Pacu niipetirijepure ca doti tutua niigu yaa rumu ca earo, Ɖmureco Pacu mena ameri jiarugarã nea doorã biiwa.

¹⁵“Tugoeña bojoca catiri, añuro ãa cojo yue niiña. Jee dutiri majure biro yu doorucu. Ɖjea niimi tugoeña bojoca catiri, juti manigu waa nucũ yujugu boboro yu tamore ãigu, cã ca juti jãñarijere añuro ca ãa nunujee cote niigua,” ãiwi Jesús.

¹⁶To biri wãtã yeri pea, hebreos wederique menara Armagedón[‡] ca wãme cutiri taberu wiorãre cãjare juo neowa.

¹⁷Ate jiro, Ɖmureco Pacure queti wede bojari maju jãcã amo peti, ape amore pãaga penituario ca niigu, cã ca cãori bapa maquere poo bate cojowi winopure. To biro cã ca tiirora, santuariopure wiogu cã ca duwiri cãmuropu tutuaro o biro ca ãi wede cojorijere yu tuowu: “Mee yu tii peoti yerijãa.”

¹⁸To biro ca ãiri tabera buaro buro yabe, wederique wedeo, buro paa, jita jabe, biiwu. Tee jita ca jaberijere jãcãti uno peera ati yepare bojoca ca nii juo dooricarã, to cõro tutuaro uwioro ca jaberijere tamuo ñaatiupa. ¹⁹To cõrora Babilonia pairi macã ca niimirica macã, itia yepa peti wati nucãcoawu. Ati yepa niipetiropu ca niiri macãri õe ñaajãa peticoawu. Ɖmureco Pacu, Babilonia macãrã ñañarije cãja ca tii niirucurijere tugoeña buari, cã ca ajarije ca niiri bapa ñje oco bapa ñañaro cãja ca biiro ca tiirije ca niiri bapare cãjare jini dotigu doogu tiwi, ñañaro cãja ca biipere biro ãigu. ²⁰To biro biicãri, diaripure yucu poogaari ca niirije, ñucã macãnucã buurori cãa, yai peticoawu. ²¹Ñucã Ɖmureco tutipu ca niirije oco ca buurica quiiri, cuarenta kilos ametuenero ca nucãri quiiri bojocare ñaapeawu. To biro Ɖmureco Pacu ñañaro cãjare cã ca tii yaioro, Ɖmureco Pacure ñañari wãme ãi wede pai, tuti amawa.

17

Nomio ñañago

¹Jicã, Ɖmureco Pacure queti wede bojari maja jãcã amo peti, ape amore pãaga penituario niirã, jãcã amo peti, ape amore pãaga penituario niiri bapari ca cãorã mena macã yu putopu doo, o biro yure ãiwi: “Dooya, nomio buaropura ñañarije ca tiigo oco jotoa ca duwigo, * ñañaro cõ ca tii ecoro mure ñnogu doogu yu tii. ²Ati yepa macãrã wiorã cõ mena ñee epewa. Ñucã ati yepa macãrã cãa, docuoro Ɖmureco mena ñee epego cõ ca jinirije ñje oco menara jini mecãcã yai waawa,” ãiwi.

³Jiro Añuri Yeri queñaricare biropu ca biirijere cã ca ñõoro, Ɖmureco Pacure queti wede bojari maju ca yucu maniri yepapu yure cã ca ami waaro yu biiwu. Toopu yu ãawu jicõ nomio waibucu ca uwioguero ca jũaguero jãcã amo peti, ape amore pãaga penituario peti dũpugaari cuti, to biri ñucã pua amo cõro peti potagaari cuti, ca biigu jotoapu ca duwigore. Waibucu urupure pañ docuorije Ɖmureco Pacure ñañarije ca ãi tutiri wãmeri cãja ca owa tuurica dereaaro niwi. ⁴Nomio pea, ñii jañu ca jũarito, ñucã jũarito petire jutiro jãñawo. Oro, ãtãgaari ca ajiyaa añurije, to biri perlas cãja ca iirije mena, wãmocãrico niwo. Oro mena cãja ca tiirica bapa docuorije, Ɖmureco mena cõ ca tii nucũ yujurique dadaro ca jãñari bapare cõowo. ⁵Ñucã cõ diãmacãpura owa tuurique ca ãa ñaãña maniri wãme o biro ca ãiri wãme tujawu:

“PAIRI MACÃ BABILONIA,
CA ƉMURECO,
EPE PAIRÃ PACO,
ATI YEPa NIIPETIROPURE
DOCUORIJE CA
NIIRIJE PACO,”

ca ãiri wãme. ⁶Jiro, Ɖmureco Pacu jaarã ca ñañarije manirã dãi, to biri Jesús're cãja ca tuo nunujerije juori cãja ca jãa batericarã dãi menara ca cãmugore yu ãawu.

[‡] 16:16 Armagedón: Hebreos wederique mena peera “Meguido ãtãgu/Meguido macã yepa ca ãtã yucu cutiri yepa” ãirugaro ãi. * 17:1 Jer 2.20-31; Ez 16.17-19; Os 2.5.

To biro cõ ca bii niirijere ïagu, yu ïa ucucacoawu. ⁷ To biro yu ca biiro ïa, Umureco Pacure queti wede bojari maju pea o biro yure ïwi: “¿Ñee tiigu mu ïa ucucacoati? Mure yu wede majiorucu, nomio yee, ñucã waibucu ca uwioгу, jicã amo peti, ape amore puaga penituario ca niirije dupugaari cuti, puã amo cõro niirije potagaari cuti, ca biigu cõre ca ami waagu yee, ména ca majiña manirijere.” ⁸ “Waibucu ca uwioгу mu ca ïajãgu, jicã tĩramuru ca niirucuricu niimi. Biiguruã manimi. Mani pacagu ca ucũari operu ca niiricu ati yepapure ame peagu doogu tiimi, ñaño cũ ca tii yaio eco majuropeeparo jũguero. Ati yepa macãrã, Umureco Pacu ati yepare cũ ca jeeño jũori taberuã, catirique ca niiri pũuropure cũja wãmere ca owa tuu ecoya manirã, waibucu ca uwioгу, tĩramuru ca nii jũo dooricure mecũra ca manigure, biiguruã jiro ca doopure cũre ïarã ïa ucucacoarucuma.

⁹ “Añuro maji tugoeña puo, tiirique booro bii ate menara: Dupugaari jicã amo peti, ape amore puaga penituario ca niirijea, jicã amo peti, ape amore puaga penituario ca niirije utã buurori nomio cõ ca duwirijere ïiro bii. Ñucã to birora, jicã amo peti, ape amore puaga penituario ca niirã bojoca wiorãre ïi cõõño bii. ¹⁰ Mee, jicã amo cõro niirã, anija wiorã mena macãrã bii yaicoawa. Jicã cũja mena macũ mecũre doti niimi; apĩ pea ea dotimi ména. Cũ, wioгу ca tujagu eagu yoaro niitirucumi. ¹¹ Waibucu ca uwioгу tĩramuru ca niiricu, mecũra ca manigu, jicã amo peti, ape amore puaga penituario ca niirã wiorã jiro macũ wioгу ca waapu peti niimi. Biiguruã, cũja jicã amo peti, ape amore puaga penituario ca niirã wiorã mena macũ cãa, ca bii yaipura niigu biimi. ¹² Ñucã, cũ potagaari puã amo cõro niirije mu ca ïajãrije cãa, wiorã niima. Birãpuã doti juotima ména. Wiorã cũja ca jãari rumure yoatiroacãra cũja ca doti niipere, waibucu ca uwioгу mena jicãrira doti majiriquere tiicojo ecorucuma. ¹³ Anija puã amo cõro ca niirã wiorã, jicãri cõro tugoeña quenori, cũja ca doti tutuarijere, cũja ca doti majirijere, waibucu ca uwioгу peere teere cũre tiicojorucuma. ¹⁴ To biro tiicãri, Oveja Macũ mena ameri jãarucuma. Oveja Macũ pea Umureco Pacu cũ ca beje jeericarã, cũ ca juoricarã, cũ wadore ca tuo nunjeerã mena niicãri, cũjare ameri jãa ametua nucãcoarucumi. Oveja Macũa, uparã Upu, wiorã Wioгу niimi,” yure ïi wedewi.

¹⁵ Umureco Pacure queti wede bojari maju o biro yure ïi nemowi ñucã: “Nomio umure ca epe paigo cõ ca duwijãrije oco mu ca ïajãrije pea macãrire, bojocare, bojoca bojoricarori ca wederãre, yepari macãrã cõrorena, ïiro bii. ¹⁶ Cũ potagaari puã amo cõro niirije mu ca ïajãrije, to biri waibucu ca uwioгу, umua mena ca epe paigore ïa junarucuma. Ñee jãa manigoru cõre tii yaio cõa, juti manigo cõre cũu, cõ upuri ca niimirique peera baca jude baa yaio, peca mena joe bate, tiicãrucuma. ¹⁷ Cũ ca boorore biro cũja ca tiipere, cũja yeripu cũjare ïi cõa jãaupi Umureco Pacu, cũ ca boorore biro cũja ca tiipere biro ïigu. To biri cũja pea, jicãri cõro tugoeñarique cutiri, wiorã nii, cũja ca bii doti tutua niirijere waibucu ca uwioгу peere tiicojorucuma. Umureco Pacu wederique cũ ca ïiricarore biro ca bii petiropu to biro tii yerijãarucuma. ¹⁸ Nomio mu ca ïajãgo pea, pairi macã ati yepa macãrã wiorãre ca doti ametuene nucãri macãre ïiro bii,” yure ïi wede majiowi.

18

Babilonia macã ñaño ca tii yaio ecope

¹ Ate jiro yu ïawu ñucã apĩ Umureco Pacure queti wede bojari maju umureco tutipu ca duwi doogure. Buaropura do biro ca tiiya manigu niwi. To biri cũ ca boe baterije menara, ati yepare boe peticoawu. ² Tutuaro wederique mena o biro ïi acaro bui cojowi: “Mee biicã yaiwa; mee biicã yaiwa, pairi macã Babilonia ca niimirica macã.*

Wãtia yaa wii jeeñacã yaiwa. Nañoã, wãtia yeri ca niirã cõro cũja ca jãñari ope jeeñacã yai waa.

Niipetirã minia, ca docuorã ca ïarugaña manirã yaa batire biro jeeñacã yai waa.

³ Niipetirã bojoca poogaari cõrora, tii macã macãrã cũja upuri ca boorore biro cũja ca tii niirucurijere cũjare ïa cõori, cũjare biro tii jeja nucã peticoawa.

* 18:2 Is 21.9.

Ñucã ati yepa macãrã wiorã cãa, cÿja menara ñañarije tii, cÿjare biro biicoawa. Ati yepa macãrã apeye noniri maja cãa, cõ ca booro cõro noni wapa jeeri, ca apeye pairã biiwa,” iwi.

⁴ Jiro yu tuowu ñucã umureco tutipũ apeye wederique o biro ca ñirijere: Mũja, yu yaa pooga macãrã, ñañarije cÿja ca tiirijere mũja menara tii bui cuti, ñañaro tamuo, mũja ca biitipere biro ñirã tii macãre witi waarãja.

⁵ Biiti majuropeecã. Ñañaro cÿja ca tii niirije umureco tutipũ tuu juacoa.

Ñañarije cÿja ca tii niirucurijere ñari, cÿjare cõagu tiimi Umureco Pacu.

⁶ Aperãre ñañaro cÿja ca tiiricarore birora cÿja cãare ñañaro cÿjare tiiya.

Ñañaro cÿjare cÿja ca tiirique wapa, puati cõropũ ñañaro cÿja ca tamũoro tiiya.

Aperãre ñañaro cÿja ca tiiricarore birora, cÿjare ña mairicarõ maniro, mecũra puati cõropũ ñañaro cÿjare tiiya.

⁷ “Ca nii majuropeerã jãa nii” ñi tũgoeñacãri, cÿja ca boori wãme, cÿja ca cõorijere, aperãre wapa pacarori nonicãri, “Ca apeye pairã jãa nii,” cÿja ca ñi yeerique wapa mecũra ñañaro bii, puniro cÿja ca bua earo tiiya.

Biigopũ cõ yeripũ, “Anora jicõ wiogore biro añuro yu niicã. Ca manũ bii yai weorico mée yu nii.† Di rumũ unora, ñañaro yu tamũoticu,” ñi tũgoeñamimo.

⁸ To biri jicã rumũrena ñañaro cÿja ca biipe doorucu. Bii yairique, tũgoeña pairique, aua boarique, cÿjare niirucu. Ñucã pecamepũ joe ecorucuma. Upũ Umureco Pacua cÿja ametũenero ca tutua majuropeegu niimi, ñañaro cÿja ca tamũoro cÿjare ca tiigu.

⁹ Ati yepa macãrã wiorã Babilonia macãrãre ña cõori ca tii epericarã cutiricarã, ñucã tii macã maquẽ añuriye ca niirijere ca wapa tii ujea nii niirucumiricarã, tii macã ca uũ yai bue mũarijere ñarã, ñañaro bii tũgoeñarique pai otirucuma tii macãre. ¹⁰ Tii macã ñañaro peti ca bii yai waarijere ña uwima ñirã, yoaropũra niiri, o biro ñi acaro buirucuma: “¡Abé nija! ¡Abé nija! Pairi macã ca niimirica macã, Babilonia, do biro ca tiiya maniri macã ca niimirica macã,

To biro ñañaro biirucu ca ñiña maniri tabera, ñañaro mũja ca bii yaipa tabe ea,” ñi oti nũnũjeerucuma.

¹¹ Ati yepa macãrã apeye noni wapa taari maja cãa, tii macã to biro ñañaro ca bii yai waaro ñarã, tũgoeña yaja pua otirucuma, noa uno pee cÿja yee apeye, ¹² oro, plata, ãtã ca ajiyaarije, ãtã añuriye perlas, lino añuriye, jũa añuriye ca niirije, juti pĩri seda mena cÿja ca tiirique añuro jũa añuriye ca niirije, yucu ca niirije cõrora añuro ca juti añuricũrire, marfil mena, yucu añuriye mena, bronce, come, ãtã ca bayirije‡ mena, ¹³ bojorica wãmeri cÿja ca tii jeeñoriquere, canela cÿja ca ñirijere, baarique jãa ayiarique añuro ca juti añurijere, yucu díi§ ca juti añuriye, yucu díire,* uje oco, uje ate baariquere, trigo weta añuriye,† trigo, waibucurã ca apeye ãmarã, oveja, caballoa, tunuricari, pade coteri maja ca niiparã cÿja ca nonirã bojocare, cÿjare ca wapa tiirã cÿja ca maniro macã.

¹⁴ Ñucã o biro ñirucuma: “Yucu dica añuro ca poarije mũja ca baa ujea niirucumirijere mani, mũja cõoticã yua. Niipetirije añuriye mũja ca cõo niimirique, mũja ca apeye paimirique, yai peticoa, puati mũja bua nemotirucu,” ñi nũnũjeerucuma. ¹⁵ Atere noni wapa taari, tii macã jũori paio ca apeye cutimiricarã, tii macã ñañaro peti to ca bii yai waaro ña uwima ñirã, yoaropũra tua nũcãri, ñañaro oti yapa puari o biro ñirucuma:

¹⁶ “¡Abé nija! ¡Abé nija! Pairi macã ca niimirica macã, lino añuriye mena, juti añuro ca jũa dia taarije mena, ca jũarije peti mena, juti jãña,

oro mena, perlas mena, cÿja ca wãmorica macã ca niimirica macã,

¹⁷ jicã nimarora niipetirije tii macã ca apeye pai niimirije menara ñañaro peti biicã yai waa,” ñi otirucuma.

Ñucã niipetirã paca cũmuari uparã, tii cũmuaripũre ca waarã, ca waa tuurã, ñucã diaripũ paderã ca wapa taa niirucurã cãa, tii macã ñañaro to ca bii yai waarijere ñarã,

† 18:7 Is 47.7-8. ‡ 18:12 Mármol. § 18:13 Incienso, oco díi unõ. * 18:13 Resina. † 18:13 Harina.

yoaropura tua nũcã ãarucuma. ¹⁸ Tii macã ca ñũ bue mũarijere ãari, o biro ñi acaro buirucuma: “Ape macã, ati macãre biro, pairi macã maniwũ.” ¹⁹ To biro ñi yapa puari, cãja dũpũgaari jotoare jita maa peo boo pacoro otirãra, o biro ñi acaro bui otirucuma:

“¡Abé nija! ¡Abé nija! Pairi macã ca niimijãri macã,
niipetirã cũmu paca ca cũorãre tii macã maquẽ apeye menara
ca apeye pairã cãja ca niiro ca tiimirica macã,
jĩcã nimarora bii yaicã yerijãa waa.

²⁰ Æmũreco tutipũ macãrã, mũja, Æmũreco Pacũ yaarã ca
ñãñarije manirã, Jesucristo yee quetire wederi maja,
Æmũreco Pacũ yee quetire wede jũgueri maja, ÷jea niĩña,
tii macã to biro ca biicã yerijãa waarije jũori.

Æmũreco Pacũ tii macãre tii yaiori, añuro ca ñãñarije maniro mũja ca niiro tiimi,”
ĩirucuma.

²¹ To cõrora jĩcũ Æmũreco Pacũre queti wede bojari maju do biro ca tiiya manigũ,
wãñiaricaaga ãtãga pairica bũca ca niiricaarore ami mũeneri, o biro ñigũra dia
pairiyapũre cõañua cojowi: “Atigare cõañua duwio yaioricarore birora mũja biirucu,
Babilonia pairi macã ca niimirica macã. Puati tii macãre ãa nemotirucuma. ²² Jĩcãti
ũnora, bajari maja cãja ca bajarije, bũa tẽe bajarique ca bũjũrije, tõroga putirique
ca bũjũrije, ñucã putirica wũũ mena puti bajariquere, tũo nemoña manirucu. Jĩcãrã
ũnora jĩcã wãme peerena paderi maja manirucuma. Jĩcãti ñno peera wãñiaricaga
ãtãga ca bũjũ wedeorije cãare tũoya manirucu. ²³ Jĩcãga jã boericaga ñnora ñũ
boetirucu. Amo jiarica boje rãmũri tiirã, cãja ca tii yugui wedeorucumirije cãa tũo
nemoña manirucu. Mũ yaarã ca apeye noni wapa taarã, ati yepa macãrã do biro ca tiiya
manirã niimiwa. Ñucã mũ bajeri mena ati yepa macãrã niipetirãre mũ ñi ditowũ. ²⁴ Tii
macãrena, Æmũreco Pacũ yee quetire wede jũgueri maja, Æmũreco Pacũ yaa pooga
macãrã, ñucã niipetirã ati yepa macãrãre, cãja ca jãa batericarã díi nii,” ñiwi.

19

Ëjea nii bajarique

¹ Ate jiro ñmũreco tutipũ paũ bojoca tutuaro wederique mena o biro cãja ca ñi
cojorijere yũ tũowũ:

“¡Æmũreco Pacũre mani ñi nũcũ bũoco!* Ametũarique, ñi nũcũ bũorique,
Ca añũ majuropeerije, tutuuarique, mani Æmũreco Pacũ yee nii.

² Cũ ca ãa bejerijea añuriye nii, díamacũ nii, bii. To biri, nomio bũaropũra ñãñarije ca tiigo
ca wedeogo, ñãñaro peti cõ ca tii niirucuriye mena ati yepa macãrãre ñãñarije cãja
ca tiiro ca tiiricore ñãñaro tii yaioni. Æmũreco Pacũ yee paderi majare tii macã
macãrã cãja ca jãa, díi tii baterique jũori, Æmũreco Pacũ cãjare ame bojami,” ñi
wedeowa.

³ Jiro o biro ñi nemowa ñucã:

“¡Æmũreco Pacũre mani ñi nũcũ bũoco! ¡Tii macã ca bue mũarije, bue yerijãatirucu!”

⁴ Veinticuatro ca niirã bũcũrã, ñucã bapari ca catirã ca niirã pea, Æmũreco Pacũ cã ca
duwiro jũguero cãja ãjũro jupeari mena ea nuu waa, ñi nũcũ bũorã o biro ñiwa:

“¡To biro to biijato! ¡Æmũreco Pacũre mani ñi nũcũ bũoco!”

ñiwa.

⁵ Æmũreco Pacũre to biro cãja ca ñi nũcũ bũo niiri tabera, wiogũ cã ca duwiri cũmuropũ
o biro ñi wedeo cojowũ:

“Baja peoya mũja, mani Æmũreco Pacũre. Mũja niipetirã cũre ca pade coterã, nũcũ
bũorique mena cũre ca tũo nũñjeerã, ca nii majuropeerã, watoa macãrã, cũre
nũcũ bũoya,”

ñi wedeowũ.

* 19:1 “Aleluya” ca ñiri wãme wadora hebreos wederique mena peera “Hallel” ñiro, “Añuro ñi nũcũ bũorique”
ñiro ñi; ñucã “Jah” to ca ñijata peera Æmũreco Pacũre ñi wameo tiiro ñi.

Oveja Macū cū ca amo jiarī boje r̄m̄m̄

⁶ Jiro ȳm̄ t̄uow̄n̄ ñucā, paū bojoca cūja ca wederore biro, buaro oco ca ūma cōa jāaro ca buj̄urore biro, to biri buaro b̄ap̄o cū ca buj̄urore biro buj̄m̄ wedeori, o biro ca ĩirijere:

“Ĵ̄m̄ureco Pac̄re mani ĩi n̄ucū b̄uoco!

Ƴ̄m̄, mani Ƴ̄m̄ureco Pac̄, niipetirijep̄re ca doti tutua niiḡm̄, doti juocoami mee.

⁷ Mani Ƴ̄jea niico. Teere mani bii Ƴ̄jea niico, mani ĩi n̄ucū b̄uo baja peoco.

Mee, Oveja Macū[†] cū ca amo jiarī r̄m̄m̄ eacoa, cū n̄amo ca niipo añuro queno yuericor̄m̄,

⁸ lino añurije mena tiirique, ca ōweri manirije, ca ajiyaarije juti jāñaricor̄m̄ nii yuemo.”

(Tee juti lino mena cūja ca tiirique ca ōweri manirije pea, Ƴ̄m̄ureco Pac̄m̄ yaarā ca ñañarije manirā añurije cūja ca tii niirijere nii cōoñaro bii.)

⁹ Ƴ̄m̄ureco Pac̄re queti wede bojari maj̄m̄ pea o biro ȳre ĩiwi: “Owaya: ‘Ƴ̄jea niñā. Oveja Macū amo jia, cū ca tiiri boje r̄m̄m̄re ca juo ecoricarā ca niirā,’ ” ĩiwi.

O biro ĩi nemowi ñucā: “Atea Ƴ̄m̄ureco Pac̄m̄ wederique díamacū ca niirije peti niiro bii,” ĩiwi.

¹⁰ Ȳm̄ pea cūre tii n̄ucū b̄uoruḡm̄, cū d̄upori p̄to ȳm̄ ājuro jupeari mena ȳm̄ ea nuu waaw̄m̄. To biro ȳm̄ ca biiro cū pea: “Ĵ̄ñjā! To biro ȳre tiieto. Ȳm̄ cāa m̄re birora Ƴ̄m̄ureco Pac̄re pade bojari maj̄m̄ra ȳm̄ nii. Ñucā aperā m̄m̄ yaarā, Jesucristo yee quetire to birora ca t̄uo n̄un̄jee niirāre birora ȳm̄ bii. Ƴ̄m̄ureco Pac̄m̄ wadore ĩi n̄ucū b̄uoya. Tee Jesús yee maquēre queti wederiquera nii ca biipere wede juqueri majare ca majiorije,” ȳre ĩiwi.

Caballo ca botiḡm̄ jotoa ca pejaḡm̄

¹¹ Jiro, Ƴ̄m̄ureco tuti ca p̄āa n̄ucāricaro ca niirore ȳm̄ ĩaw̄m̄. To biro ca biiro, j̄icū caballo ca botiḡm̄ baua eawī. Cūp̄re ca pejaḡm̄ pea, “Wajoaricarō Maniro ca niirore biro ca tiicōa niiḡm̄, Díamac̄m̄ wado ca ĩiḡm̄,” wāme cū tiwi, ca niirore biro ĩa bejeri, ñañaro tii, ameri j̄ā, ca tiiḡm̄ niiri. ¹² Cū cape pecame ca Ƴ̄m̄ n̄ucūri punare biro boe bate, ñucā cū d̄up̄ga peera paū pejarica betorire peja, tiwi. To biro biicāri, cū j̄icūra cū ca majiri wāme owa tuurica wāmere c̄uowi. ¹³ Díi mena wadaricarore jutiro jāñawī. Cū wāme pea, “Ƴ̄m̄ureco Pac̄m̄ Wederique,” niw̄m̄. ¹⁴ Cū jirore Ƴ̄m̄ureco tuti macārā uwamarā, juti añurije lino mena tiirique añuro ca botirije, ca ōweri manirije, jāñacāricarā caballo ca botirā jotoa pejarī cūre n̄un̄wa. ¹⁵ Cū Ƴ̄jerore niip̄i, buaro ca joo yoori p̄i, ati yepa macārā bojoca poogaarire cū ca camī tuu paa p̄i witiw̄m̄. Cū ca doti tutua niirije mena cōmeḡm̄ ca c̄uoḡre biro do biro tiiya maniri wāmer̄m̄ cūjare doti niirucumi.[‡] Cūra, Ƴ̄m̄ureco Pac̄m̄ niipetirijep̄re ca doti tutua niiḡm̄ ñañaro cūja ca biiro cū ca tiirijere, cū ca ajiarijere, Ƴ̄je ocore dipericarore biro cūjare tiirucumi. ¹⁶ Cū jutirop̄m̄, to biri cū Ƴ̄jep̄to jotoap̄m̄, o biro ĩi owa tuurica wāmere c̄uomi:

“WIORĀ WIOḠM̄; Ƴ̄PARĀ Ƴ̄P̄M̄,” ĩi.

¹⁷ Ñucā ȳm̄ ĩaw̄m̄ j̄icū Ƴ̄m̄ureco Pac̄re queti wede bojari maj̄m̄, Ƴ̄m̄ureco mac̄m̄ muip̄ū jotoap̄m̄ n̄ucūcāri, minia niipetirā Ƴ̄m̄ureco tutip̄m̄ ca w̄m̄rāre, tutuaro wederique mena o biro ca ĩi acaro buiḡre: “Dooya. Ƴ̄m̄ureco Pac̄m̄ paio baarique cū ca baari tabere nea poo dooya. ¹⁸ Wiorā, uwamarā Ƴ̄parā, bojoca ca tutuarā, caballo, cūjap̄re ca pejarā, bojoca niipetirā, añuro ca niirā, pade coteri maja, ca nii majuropeerā, to biri watoa macārā díire, m̄ja ca baapere biro ĩirā,” ĩiwi.

¹⁹ To biro cū ca ĩiri tabera waib̄uc̄m̄ ca uwioḡre, to biri ati yepa Ƴ̄parā cūja uwamarā mena, caballo jotoa ca pejaḡm̄, to biri cū uwamarā menare ameri j̄iaruḡarā ca nea pooricarāre ȳm̄ ĩaw̄m̄. ²⁰ Waib̄uc̄m̄ ca uwioḡm̄ pea, Ƴ̄m̄ureco Pac̄m̄ yee quetire wede juqueri maj̄re biro ca bii ditorucuric̄m̄ menara ñeocoawa. Ani niimi ca ĩi ditori maj̄m̄, waib̄uc̄m̄ ca uwioḡm̄ cū ca ĩa cojoro, ca ĩa ñaña manirije tii bau niirique ca tiiric̄m̄, cū ca tii bau nii dito niirije mena waib̄uc̄m̄ ca wioḡm̄ wāmere ñia cūu eco, ñucā cūre ĩa cōori cūja ca

[†] 19:7 Jesucristore, Ƴ̄m̄ureco Pac̄m̄ ȳm̄ Oveja Macū ĩi (Jn 1.29). Ñañarijere ca bii ametua n̄ucāḡm̄. Ap 17.14. [‡] 19:15 Sal 2.9.

quenoricurena ñi núcã bũo, ca tiiricarãre ca ñi dito epericu. To biri cãja pũarãpũra ca catirãra azufre mena ca ñũriraapũ cõañua ecocã yai waawa. § 21 Aperã pea, caballo jotoa ca pejagũ ñjeropũ ca witiri pĩi niipĩi menara jĩa eco peticã yai waawa. To biro cũ ca tii baterãre, niipetirã minia ñmũreco tutire ca wũũrã pea, cãja díre añuro mee baa yapicã yai waawa.

20

Mil cãmari

¹ Tee jiro yũ ñawũ ñucã jĩcũ Ñmũreco Pacũre queti wede bojari majũ, ñmũreco tutipũ mena, ca ñcũari ope pãaricarore, to biri come daa pairi daa, ca ami duwi doogũre. ² Cũ pea, pãmũri majũ tĩrũmũrũ macã pino, wãtĩ, Satanás ca niigũre, “Mil cãmari peti jia cũuricu niirucumi,” cũre ñi jia cũucãwi. ³ Cũre jia yapano, ca ñcũari operũ cũre cõa duwio cojori, toopũ cũre tia cũu, tii jopere biacãwi mil cãmari ca waatirora “Ati yepa macãrã bojoca poogaarire ñi dito eperemi,” ñigũ, mil cãmari jiro pãa wiene ecorucumi ñucã, yoaro niirũgũ mée yua.

⁴ Ñucã yũ ñawũ, wiorã cãja ca duwiri cũmurorire, to biicãri ña beje majiriquere ca tiicojo ecoricarã teepũre cãja ca ea nuu waaro. Ñucã Jesucristo yee quetire, to biri Ñmũreco Pacũ wederiquere, to birora cãja ca tuo nũnũjeecõa niirije jũori cãja dupũgaarire cãja ca paa jude batericarã yeri cãare yũ ñawũ. Cãja pea waibũcũ ca uwiogũre, ñucã cũre ña cõori cãja ca quenoricũ cãare, ñi núcã bũoti, cũ wãme cãare cãja diãmacũripũ, cãja amoripũ, ñia cũu dotiti, biiupa. To biri cati tuari, Jesucristo mena mil cãmari peti doti niiwa. ⁵ Aperã ca bii yairicarã pea mil cãmari jiroopũ cati tuarã doorã tiwa. Ati tabe cati tua jũorica tabe niiro biiwũ. ⁶ Ñjea niima, cati tua jũorica tabere ca cati tuarã, cãja, Ñmũreco Pacũ jaarã ca ñañarije manirã mena macãrã niirã biima. Cãja, pũati bii yairica tabe pecamepũ waatirucuma. Waatirãra, Ñmũreco Pacũ, to biri Jesucristo jaarã paia peti niirucuma. To biri cũ mena mil cãmari peti doti niirucuma.

Satanás tũjaye

⁷ Mil cãmari ca yapano earo, Satanás tia cũurica wiipũ ca niiricu pãa wiene ecorucumi ñucã. ⁸ To cõrora ati yepa niipetiroopũ ca niirã bojoca poogaarire ñi dito yujugũ waarucumi. Gog, Magog* ca wãme cutirã cãare ñi ditorucumi, ca ameri jĩaparãre cãjare neorũgũ. Cãja uwamarã pea, dia pairi yaa tũjarore ca niirije jita dupari cõro pau niirucuma. ⁹ Cãja ati yepa ca ejaro cõro niipetiroopũra jeja núcã peticoari, Ñmũreco Pacũ yaa pooga macãrã cãja ca niiri tabere, cã ca mairi macãre camota amojode cũmucuarucuma. To cõrora Ñmũreco Pacũ yee ñmũreco tutipũ maquẽ ca ñũrije ñaaduwi doori, cãjare joe bate peticãrucu. ¹⁰ Satanás, cãjare ca ñi dito eperucuricu pea, azufre mena ca ñũriraã, waibũcũ ca uwiogũre, to biri Ñmũreco Pacũ yee quetire wede jũgueri majũre biro ca bii ditorucuricũre cã ca cõañuaricãrapũra cõañua ecooarucumi. † Toopũ to birora ñamiri, ñmũrecoari, ñañaro peti puniro tamũo niirucuma.

Ca bii yairicarãre cã ca ña bejepe

¹¹ Jiro wiogũ cã ca duwiri cũmuro ca botiri cũmurore, ñucã toopũ ca duwigũ cãare yũ ñawũ. Too cã ca duwirora ati yepa, ati ñmũreco, yai peticoawũ. “Too pee niicu,” ñi majiña manirora biicã yerijãa waawũ. ¹² Ñucã, wiogũ cã ca duwiri cũmuro jũguerore, ca nii majuropeerã, watoa macãrã, ca bii yairicarã ca cati tuaricarã cãja ca nucũro yũ ñawũ. To cõrora owarica tutiri pãawũ. Jiro ape pũuro catirique ca niiri pũuro cãa pãawũ. Ca bii yairicarã pea cãja ca tiirucurique tii tutiripũ owa tuurique ca niirore biro ña beje ecowa. ¹³ Dia pairi yaa cãa, ca bii yairicarã tii yaapũ ca niirãre, ñucã bii yairiquere ca doti niiri tabe cãa toopũ ca niirãre, tuenecojowũ. To biri cãja ca niiro cõro, cãja ca tiirique ca niirore biro ña beje ecowa. ¹⁴ Bii yairique, ñucã ñañaro tamũorica tabe cãa,

§ 19:20 Ca bii oto weorijepũ Juan cã ca ñaro, uparare biro ca ñũ niiri tabere cã ca ñarica tabere ñiro ñi. * 20:8 Ez 38–39. Magog yepa wiogũ niipũ Gog. † 20:10 Ap 19.20.

ca ñu yatitiriraapu cõañua ecocã yai waawu.† Atira ca ñuriraa, putipu bii yairicaraa nii.§ 15 Tiirapu cõañua ecocã yai waawa, catirique ca niiri tutipure cõja wãme ca owa tuu ecotiricarã.

21

Wãma umureco, wãma yepa

1 Jiro wãma umureco, wãma yepa, yu ñawu.* Ca nii jaurique, umureco, yepa, dia pairi yaa cãa, yai peticoawu. 2 Ñucã ca ñañarije maniri macã, wãma macã Jerusalén, Umureco Pacu putopu ca niirica macã ca duwi dooro yu ñawu. Añuro quenorica macã, jicõ nomio amo jiago doogo, añuro cõ ca wãma yue niimore biro niiwu. 3 Ñucã wiogu cõ ca duwiri cūmuropu tutuaro wederique mena o biro ca ñi wedeo cojorijere yu tuowu: “Ñaña. Mecãra Umureco Pacu bojoca mena niimi. Cõja menara niirucumi. Cõja pea cõ bojoca niirucuma. Umureco Pacu majuropeera cõja mena niicãrucumi; ñucã cõja Umureco Pacu niirucumi. 4 Niipetirã ñañaro cõja ca bii yapa pua otirique cape ocore cõjare tuu coerucumi. To biri bii yairique, ñañaro tamno yacó cuti duwi yujurique, otirique, puniro tamnorique, manicãrucu yua, mee ca nii jaurique niipetirije ca yai nucã peticoaro macã,” ñi wedeowu.

5 Wiogu cõ ca duwiri cūmuropure ca duwigu pea, o biro ñiwi: “Yua, niipetirijere wãma wado yu tii.” Jiro ñucã o biro yure ñi nemowi: “Owaya. Ate wederiquea díamacu ca niirije tuo nunajeerique unora niiro bii,” ñiwi.

6 Jiro o biro yure ñiwi ñucã: “Mee, niipetirije tiiriqueru nii yerijãa. Yura, Ca Juegu, ñucã Ca Tujagu, Ca Nii Juo Dooricu, ñucã Ca Bii Yapanoru, yu nii. Oco ca jinirugarãre biro ca niirãre to birora caticõa niirique ocore, wapa manirora cõjare yu tiicojorucu. 7 Ñañaro bii pacagu to birora ca tugoeña tutua ametua nucãgu ate niipetirijere buarucumi. Yu pea cõ Umureco Pacu nii, cõ pea yu macu nii, biirucumi. 8 Ca uwi tugoeñarique pairã, ca tuo nunajeetirã, ca ña tuti pairã, ca jãrã, manu cuti, numo cuti, tiirica wãme cõro tiitirãra ca tii epericarã pairã, ati yepa maquẽrena majicãri ca biipere wede jueguerì maja, bojoca cõja ca quenoricarãrena ca ñi nucã buorã, to biri niipetirã ca ñi ditorique pairã peera, cõja yee ca niipe, cõja ca buape azufre mena ca ñuri raapu to birora ñañaro cõja ca tamucõa niipe niirucu. Ate nii puati bii yairique,” ñiwi.

Wãma Jerusalén

9 To cõrora jicõ, Umureco Pacure queti wede bojari maja jicã amo peti, ape amore puaga penituario niirã, ñañaro cõja ca tii tujape jicã amo peti, ape amore puaga penituario niirije cõja cõro jicã amo peti, ape amore puaga penituario niiri bapari dadaro ca cuoricarã mena macu yu puato pee doori, o biro yure ñiwi: “Dooya. Ca manu cutipo Oveja Macu numore mure ñnogu doogu yu tii,” yure ñiwi.

10 To biri quẽñaricarore biropu Añuri Yeri yure cõ ca ñõoro, Umureco Pacure queti wede bojari maju macãnucã buuro ca emuari buuropu yure ami waari, Jerusalén, ca ñañarije maniri macã, Umureco Pacu putopu ca niirica macã, umureco tutipu ca duwi doori macãre yure ñõowi. 11 Tii macã pea Umureco Pacu cõ ca boe baterije mena buaro ajiyaa boe batewu. Tee ca boe baterije pea, jicãga utãga añurica, to biri utãga jaspe ca sãrarore biri sãra macã niiwu. 12 Tii macã wejare pairi tãdi, emuari tãdiro nii amojode, ñucã puã amo peti, ðupore puaga penituario niiri joperi peti ca joperi cutiri tãdi niiwu. Tii joperi cõrorena nucucã cojowa Umureco Pacure queti wede bojari maja. Ñucã tii joperire Israel yaa pooga macãrã puã amo peti, ðupore puaga penituario ca niiri punaari wãme owa tuurique tujawu. 13 To biicãri muipũ cõ ca mua doori nuña peere itia jope, díamacu tua peere itia jope, jõcũ jiro macã tua pee cãare itia jope, muipũ cõ ca ñaajãa waari nuña pee cãare itia jope, niiwu. 14 Tii tãdi pea puã amo peti, ðupore puaga penituario niirije

† 20:14 Ano jiroputra bii yairique manirucu yua. § 20:14 Puati bii yairiquea, Umureco Pacu mena puati añuro nii ea, ca biiya manipere ñiro ñi. * 21:1 Is 65.17.

ūtāgaari, Oveja Macū buerā, pua amo peti, dūpore pua penituario ca niirā wāmeri owa tuurique ca niiricari mena cūu ñeerica tūdi niiwu.

¹⁵ To biri yu mena ca wedegu Ūmureco Pacure queti wede bojari majū pea, cōoricagu anuugu oro mena tiiricagure cuowi, tii macāre, joperire, wee camota amojoderica tūdire, cū ca cōo paagure. ¹⁶ Tii macā pea jīcāri cōro ca ejari macā niiwu. Tii macā ca yoaro pee cāa, ca ejaro pee cāa, jīcāri cōro niiwu. Ūmureco Pacure queti wede bojari majū tii macāre cōoñawi, cū anuugu mena. Tii macā pea dos mil doscientos kilómetros peti ca niiri macā niiwu. Ca ejaro, ca yoaro, ca emuaro pee cāa to cōro wado niicāwu. ¹⁷ Jiro, tii macāre wee camaota amojoderica tūdi cāare cōowi. Bojoca cūja ca cōoñari wāme mena Ūmureco Pacure queti wede bojari majū cū ca cōoñaro, sesenta y cinco metros ejaro eje butiri tūdi niiwu.

¹⁸ Tii tūdi pea jaspe mena cūja ca weerica tūdi, ñucā tii macā pea oro weta majurope mena tiirica macā, eño quire wate jipioricarore biri sāra macā niiwu. ¹⁹ Tii macāre wee camota amojoderica tūdire cūu ñeerique ūtāgaari pea, ūtā añuriye ca wapa pacariye ca niirije niipetirije mena wāmorica tabe niiwu. Ca nii jūorica jaspe mena wāmorica, jiro macāga zafiro mena wāmorica, jiro macāga ágata mena wāmorica, ñucā tiiga jiro macāga esmeralda mena wāmorica, ²⁰ bapari jiro macāga ónice mena wāmorica, jīcā amo cōro jiro macāga cornalina mena wāmorica, tiiga jiro macāga crisólito mena wāmorica, jiro macāga berilo mena wāmorica, tiiga jiro macāga topacio mena wāmorica, tiiga jiro macāga crisoprasa mena wāmorica, pua amo cōro niirije jiro macāga jacinto mena wāmorica, tiiga jiro macāga amatista mena wāmorica, niiwu. ²¹ Joperi pua amo peti, dūpore pua penituario ca niirije pea, perla mena tiirica joperi niiwu. Joperi cōrora jīcāga perla mena tiirica joperi niiwu. Tii macāre wiijeri watoa macā maa ca nii majuropeeri maa pea, oro weta mena tiirica maa, eño quire biiri sāra maa niiwu.

²² Tii macāpūre jīcā wii Ūmureco Pacu yaa wii unora yu ĩatiwu. Mee Ūpu, Ūmureco Pacu niipetirijepūre ca doti tutua niigu, to biri Oveja Macū, cūjara Ūmureco Pacu yaa wii niicāwa. ²³ Tii macāre ca boepe, muipū ūmureco macū, ñucā ñami macū unorena, booti. Ūmureco Pacu cū ca boe bate niirijera jīa boecā. Oveja Macūra niicāwi, tii macāre ca jīa boe niigu. ²⁴ Bojoca poogaari, tii macā ca boerije watoapū waa yujurucuma. Ati yepa macārā wiorā pea, “Ca nii majuropeerā niima,” cūjare cūja ca ĩi nūcū bñorucurique menara, tii macāpūre ea waarucuma. ²⁵ Tii macā maquē joperi to birora pāarique niicōa niirucu. Toopūra ñami manirucu. ²⁶ Bojoca poogaari yee ca niirije ca añu majuropeerije cūja ca ĩi nūcū bñorucurijere, tii macāpūre jee waarucuma. ²⁷ Tii macāpūra, jīcā wāme ñañariye unora, weericarāre ca ĩi nūcū bñorā unora, ca ĩi dito pairā unora, jāa waatirucuma. Oveja Macū yaa tuti catirique ca niiri tutipū cūja wāmere owa tuuricarā ca niirā wado tii macāpūre jāa waarucuma.

22

Catirique oco punari

¹ Jiro, Ūmureco Pacure queti wede bojari majū, catirique oco punari ca niiri yaa, eño quire biro ca ōweri maniri sāra yaa, Ūmureco Pacu, to biri Oveja Macū, cū ca duwiri tabere ca pote cutiri yaare yūre ĩñowi. ² Tii macāre wiijeri watoa macā maa ca nii majuropeeri maa decomacāre nii waawu. Tii yaa tūjarore pua ñañarūrena yucu catirique ca niiri yucu, jīcā cūmare pua amo peti, dūpore pua penituario niirije ca dica cutiri cūari nūcūwu. Jīcū muipūre jīcāti ca dica cutiri yucu jīi. Tiiguari pūu pea bojoca poogaarire ca ūco tiipe niiwu. ³ Toopūra ñañaro biiricaro ca tiirije manirucu. Tii macāpūre, Ūmureco Pacu, to biri Oveja Macū, cū ca duwiri tabe wado niirucu; cūre pade coteri maja pea cūre ĩi nūcū bñu niirucuma. ⁴ Ūmureco Pacure bau niiro cū diamacūre cūre ĩa āpōtīorucuma. ⁵ Toopūra ñami manirucu. Tii macāpūre ca niirā jīa boerique unora, muipū cū ca boerije unora, bootirucuma. Ūpu, Ūmureco Pacura cūjare jīa boecārucumi. Cūja pea to birora doticōa niirucuma.

Jesucristo cū ca doopa r̄m̄m̄ ea waaro bii

⁶ Өмүрөкө Ракүре қеті wede bojari maj̄u o biro ȳre īwi: “Ate wederiquea díamacū ca niirije, t̄o n̄n̄jeerique Һnora niiro bii. Өр̄, Өмүрөкө Ракү, аңурије қетіре wede жүгері majare аңуро с̄ја ca majiro ca tiiḡra, yoari méé ca biipere c̄re pade coteri majare īnoruḡ, cū yeere қеті wede bojari majure tiicojoj̄wi,” īwi.

⁷ “Іаңа. Yoari mééra ȳ doorucu. Өjea niīña, ca biipere owarique ati p̄uro ca niirije ca īrore biro ca tii n̄n̄jeeḡa.”

⁸ Ȳ, Juan'ra ȳ nii, ate niipetirijere t̄o, īa, ca tiiric̄. Teere t̄o, ñucā teere īa yapanori jiro, Өмүрөкө Ракүре қеті wede bojari maj̄u teere ȳre ca īño niiric̄re tii n̄c̄ Һnoruḡ, ȳ аңүрө жүpearі mena ȳ ea nuu waaw̄. ⁹ To biro ȳ ca biiro c̄ pea o biro ȳre īwi: “;N̄j̄, to biro ȳre tiitic̄ña! Ȳ c̄a m̄re birora Өмүрөкө Ракүре pade bojari maj̄u, m̄ yaarā Өмүрөкө Ракү yee қетіре wede жүгері majare birora, to biri niipetirā ati p̄uro owa tuurique ca niirije ca īrore biro ca tii n̄n̄jeer̄re biro ca biiḡra ȳ nii ȳ c̄a. Өмүрөкө Ракү wadore īi n̄c̄ Һnoya,” ȳre īwi.

¹⁰ O biro ȳre īwi ñucā: “Ca biipere ati p̄urop̄re owa tuurique ca niirije ca īrijere wedetic̄, biitic̄ña. Mee, tee ca īrije ca biipa cuu ea waarop̄ bii. ¹¹ Ca ñañaḡra, ñañarije c̄ ca tiirijere to birora c̄re іac̄ña. Bojoca tiirica w̄me méé ca tii niiḡ c̄a to birora c̄ tiic̄o niijato. Аңуг̄ ca niiḡ c̄a аңуријера c̄ tiic̄ n̄n̄a waajato. Ca ñañarije maniḡ c̄a Һaro jañuri ca ñañarije maniḡ c̄ nii n̄n̄a waajato.”

¹² “Өг̄ја. Yoari méé ȳ doorucu. Dooḡra, ȳ ca tiicojope ȳ ca с̄orijere ȳ jee doo, с̄ја ca niiro c̄orena с̄ја ca tii niirique ca niirore biro ȳ ca tiicojopere. ¹³ Ȳ, Ca Nii J̄oḡ, Ca Nii Yapanoḡ, Ca Nii J̄uḡeḡ, Ca Nii T̄jaḡ ñucā j̄c̄ator̄ra ca nii j̄o dooric̄, ca nii yapano eaḡ, ȳ nii.”

¹⁴ Өjea niīña, yuc̄ḡ catic̄o niirique ca niiric̄ dicare baa, ñucā w̄ma macā maquē joperip̄ j̄a waaruḡarā, ñañarije m̄ја ca tiirucuriquere t̄goeña wajoa, ca tii niir̄. ¹⁵ Ca bojoca catitir̄, bajerire ca tii niir̄, tiirica w̄me coro méep̄ ca ñee epericar̄ c̄ti yai waar̄, bojocare ca j̄ar̄, с̄ја ca weericar̄rena ca īi n̄c̄ Һor̄, īi ditoriquere Һaro boo, Һaro īi dito pai, ca īi niir̄ pea, mac̄p̄ra tuac̄rucuma.

¹⁶ “Ȳ Jesús'ra, ȳre қеті wede bojari majure, m̄ја ȳ yee қетіре ca t̄o n̄n̄jeer̄re, ate maquēre m̄јare c̄ wede majiojato īiḡ, ȳ tiicojow̄. Ȳ ȳ nii, David p̄rami с̄ yaa puna mac̄, boeri ñoc̄ boeri tabere ca boe bate m̄a dooḡ ca niiḡ” īwi.

¹⁷ Аңури Yeri, to biri Oveja Mac̄re ca n̄n̄r̄ o biro īima: “Dooya,” īima. Teere ca t̄oḡ c̄a “Dooya,” īiña. Ca oco jiniruḡarā dooya, ca boor̄ to birora catic̄o niirique ca tiicojorije ocore wapa manirora jiniña.

¹⁸ To biri ca biipe niipetirijere ati p̄urop̄ owa tuurique ca niirijere ca t̄or̄ niipetir̄re, díamac̄ra o biro m̄јare ȳ īi wede majio: J̄c̄ Һno ati p̄urore ca īrijere j̄c̄ w̄me Һno c̄ ca īi nemoc̄jata, ñañaro tam̄orique maquēre ati p̄urop̄re owa tuurique ca niirije pañ jañuri ñañaro с̄ ca tam̄oro c̄re tiirucumi Өмүрөкө Ракү. ¹⁹ Ñucā j̄c̄ Һno, “O biro biirucu,” īi owa tuurique ati p̄urop̄re ca niirijere j̄c̄ w̄me Һno с̄ ca ami c̄ac̄jata, Өмүрөкө Ракү c̄a, catic̄o niirique ca niiric̄p̄re с̄ yee ca niimirijere, ñucā ati p̄urop̄ owa tuurica macā ca ñañarije maniri mac̄p̄re* с̄ ca niiborijere, c̄re ēmac̄rucumi.

²⁰ Jesucristo atere ca wedeḡ pea o biro īimi: “Өг̄ја. Yoari méé ȳ doorucu,” īimi. To biro to biijato. ;Wioḡ Jesús dooya!

²¹ Mani Wioḡ Jesucristo c̄ ca аңу majuropeerijere m̄ја niipetir̄re с̄ tiicojojato.

To biro to biijato.

Juan

* 22:19 Ca ñañarije maniri macā w̄ma macā Jerusalén.